



ଦୃଷ୍ଟିପାତ

ମ ପ୍ରକାଶ : ଆଶ୍ବିନ ୧୩୫୩ ଜାନୁୟାରୀ ୧୯୫୬

এক

সাত ঘণ্টা আকাশচাবণের পাবে উইলিংডন এয়াবোপোর্টে ভূমি স্পর্শ করা গেল। বিমানঘাটিটি আকাশে বৃহৎ নয়, কিন্তু শুক্রে প্রধান। পূর্ব গোলার্ধে যুদ্ধ শুরু হওয়ার পর থেকে ইঙ্গ মার্কিন ও চৈনিক সমর্থ-বিশাবদদের এটা আগমন ও নিয়ন্ত্রণের পাদপাঠ। প্রাথমিক পরিকল্পনা সংবাদস্বত্বে এব বহুল উল্লেখ।

আমাদের বাহনটি ডাঙালস ও'বল এঞ্জিন ও তাঁর গ্যাস কুলপঞ্জীত দুই ফেট্রোস ও লিথোবেট'ব প্রেনেব পাবেই এন স্থান নিরু্য না হলেও ভক্তদ্বীপ বলা হোও পাবে এন আকর নিশাদ গজেন বিপুল ও গতি বিদ্যুৎপ্রায় ।

পূর্বাণে পুষ্পকবচেন কথা আছে । তাত চোপে স্বর্গে যাওয়া যেত । আদুর্লভ বিমান বাতব
গন্ত্যস্থল মর্ত্যলোক কিন্তু মানস নিপুণ না হলে যে কোন মূর্ত্তে বর্ষাদেব স্বর্গপ্রাপ্তি বিচিত্র নয় ।

১৬. বি. নাথ্যাটিন কর্মকর্তা বাঙালী উদ্ভিদলোক বসন্ত উদ্বোধন এবং বাদহাটের অর্থায়নিক এবং স্বাধীনতা দিবসে সৌন্দর্য্য খ্যাতি নাথ্যাটিন এবং অনেক বসন্তলোকের কর্মকর্তাদের ক.পণ

কাঠের সিঁড়ি বেয়ে মাটিতে নামতে হয়। বিশ্বাস করুন এটি অনুভূতি। এই তো সকালবেলায় ছিলেম বনকাত্যায়। দমদমে পায়ে গ্যাসের আলো তখন সব তখনও নোভেলি। খুঁটপাথে খাটিয়ার উপরে ওঠে গ্যাসের দানব মূর্তি দিয়ে হিন্দুত্বের দোকানদারেরা নিদ্রামগ্ন। কপোলেবলনের উড়ে কুলীবা, গ্যাসের হাওয়া থেকে গ্যাসের দানব পাগলমীর লজ্জান্বিত পথগুলির ক্রোধমূর্তির আয়োজনে, বনমালি মাইকেলের ওঠে গ্যাসের দানব পাগল চাপিয়ে হুকাবেলা হচ্ছে এ দুয়ার থেকে “গ্যাসের দানব পাগল”

সদ্য গাওঁ আন্দোলন সুসংগঠিত পেশা নবীন নবীন থেকেও এখানে নিঃশেষে মুছে যায়নি। আকাশের কৃষ্ণপটেরে প্রতিটি চাঁদ দববতী তথা শ্রাবণ মাসে বগা, বম্বলি নিস্প্রভ মুখের মতো দুটিহীন। মিট-মিট করে ক্রনড়ে ওটি কয়েক ভূমণ্ডল। পথের পাশে গাছের ডালে ডালে এখিদের কাকলি শুক হয়েছে দীর্ঘ দীর্ঘ। দমদম বিম্বা, ঘিট দববতী, পটিকা নব উদ্ভঙ্গ চিম্নিত। আকাশের পটে আকা আঁরাছা ছবিগে তাগা দেহাচ্ছ। 'বম্বলি' কে 'বম্বলি'র সাদা ধবধবে বুনিকর্ম পর্বাহিত যেতাজ কর্মচাকলা, কাকট পর্বাহা ও মাল ওতন ইত্যাদি নিয়ে বাস্তবমস্ত। দুবে বরাসহেব বাস্তা দিয়ে চাকোজ সাধনন্দা মস্তবর্গিত থেকে। প্রতি, বর্গে, বর্গে, বর্গে আসছে তাদের তৈলভূমিত চাকার স্তম্ভ আর্জন।

দেউতা ব'লতেই 'স্বামী' মানে শুধু বসুন্ধরীনাতে ঘণ্টাবারোবো বিগ্রহ—প্রান্তরাসেব
প্রায়াজনে ব্যবস্থা থাকলে মনে হ'ত যে সে সব পুণ্যায় 'দক্ষি' থেকে সম্ভা নগদ কলকাতায়
ঘিরে মোড়িতে সাইনো দেব। যায কেন্দ্রিয়ে গো প্রায় দেউতাদের পথ দরকে নিকট এবং দুর্গমকে
সহজাঙ্গিম। কবেছে যে বঙ্গের, ভাল ভয়। হাঁক

মানে আছে শৈশবের কথা। দুপরে গৃহিক গ্রামে কমইলে আহাবাদির পন প্রাত্যহিক দিবানিদ্রার অব্যাহত উষ্ম বন্ধিত্বের উপন্যাস হতে মা পাশের ঘরের মোকদেত আচল বিছিয়ে শয়ান। হাব সেই স্বল্পায়ু বিশ্রামক্ষণটি যাতে চপলপদ ভ্রম বালকের মশক দৌলোয়্যা খণ্ডিত না হয় সেজন্য পিতামহী নাতিকে নিয়ে বসেছেন। বৃদ্ধা এবং ক্ষীণাঙ্গটি চক্ষুর উপরে নিকেলের চশমা-জোড়টা এতে মুদ্র স্বরে পড়ছেন কুণ্ডিবাসী বামাযণ। খানিকক্ষণ এপাশ, ওপাশ, উসখুস করে মাথাব বালিশটা নিয়ে জোফালুফিব পরে হঠাৎ এক সময়ে কানে আসত

ବାବଣ ବସିଲ ଚଢ଼ି ପୁଷ୍ପକ ବାଥାତ୍

বিদ্যাতেব সম গতি আকাশ পথে ॥

অর্মিন স্তব্ধ উৎকর্ষ হয়ে উঠতেম অবাণা, পর্বত, সাগর জঙ্গম অতিক্রম করে বথ চলছে
শূন্যপথে মুক্তপক্ষ বিহঙ্গের মতো, দব হতে দূরে দেশ থেকে দেশান্তরে মধ্যাহ্নদিনের কর্মহীন
অলস প্রহরগুলি শিশুমনেব নিরুদ্ধ কল্পনায় উদ্দীপ্ত হয়ে উঠত দশাননের সৌভাগ্যে স্বর্গ
জন্মাত। একলক্ষ পুত্র ও ততোধিক পৌত্র সংখ্যাব জন্য নয় তাব বদক্খ আকাশভ্রমণক্ষমতার
জন্য।

সেদিনেব বৃদ্ধা শিতামহী তাঁর ভক্তি, বিশ্বাস ও সংস্কার নিয়ে দীর্ঘকাল গত হয়েছেন। তাঁরই নাতি-নাতনীবা যে অদূর ভবিষ্যতে লঙ্কাধিপতিব সমকক্ষ হয়ে উঠবে সে-কথা কল্পনা করাও তাঁর পক্ষে সম্ভব ছিল না। মণ্ডকাবণা থেকে স্বর্ণলঙ্কা নিকষাতনয় কয় দণ্ডে পৌছেছিলেন তার উল্লেখ কৃত্তিবাসে আছে কিনা মনে নেই, কিন্তু কলকাতা থেকে দিল্লী—ন শ' তিন মাইল পথ আমরা সাত ঘণ্টায় অতিক্রম করেছি। এতে উদ্বেজনা আছে কিন্তু উপভোগ নেই। কমলালেবুর বদলে ভিটামিন সি ট্যাবলেট খাওয়াই সমতো।

প্রাক্তিমানে যুগে পথ আতিক্রমণটাই ভ্রমণেব একমাত্র উদ্দেশ্য ছিল না, নানাভ্রমণেব সংস্পর্শে আসবাব একটা সুপবিসব অবকাশ তাতে মিলত। মন্দগতি গরব গাড়িব কথা থাক, বেলভ্রমণেও মানুষেব সঙ্গে মানুষেব যে একটা যোগাযোগ ঘটে, বিমানযাত্রায় তার সম্ভাবনা মাত্র নেই। যুদ্ধোত্তরকালে ভাবতবর্ষেও বিমান চলাচল বহুল হ'ত হ'ত। ব'ত নটায় গ্রেট ইস্টার্ন ডিনাবেব পর দমদমে প্লেনে উঠে পবিপাটি নিদ্রা দিলে পর্বদিন সকানে নগ্নেব তাজে ট্রেকফাস্ট খাওয়া যাবে। সেদিন না থাকবে ঘুম অথবা ঘুমিবে জোবে টিকিট কেনাবে হস্তম্মা না থাকবে কুলীব বা সহযাত্রীব কোলাহল। জানালাব কাছে চাচাম' হৈকে কেউ ঘুম ভাঙাবে না। পানিগাড়ে তার লালতি থেকে তুফার্ত যাত্রীর অঞ্জলি ভাবে দেবে না এবং টিনেব চাল'ব ঘুমটি ঘরেব ফটক আটকে যে পয়েন্টসম্যান সবুজ নিশান দেখিয়ে গাড়ি পাশ' করে হ'বও আব দর্শন মিলবে না। আধুনিক বিজ্ঞান মানুষকে দিয়েছে বেগ, কিন্তু কেড়ে নিয়েছে আবেগ। তাতে আছে গতিব আনন্দ, নেই যতিব আবেশ।

বিমানঘাটিব বাইবে এসে দেখা গেল, যানবাহনেব চিহ্নমাত্র নেই। বেলা প্রায় দেড়টা। মাঠেব রৌদ্রদক্ক আকাশ পাণ্ডুব এবং বাতাস প্রচুব ধূলিকীর্ণ। সমানে গ্র্যাংফাল্টমেব লম্বা জনবিলল। কক্ষ প্রান্তবেব পূর্ব পশ্চিম উত্তর দক্ষিণ উর্ধ্ব অধঃ—যে দিকে যতদূর দৃষ্টি চলে উত্তপ্ত বাতাসেব একটা কম্পমান নিঃশ্বাস ছাড়া আর কিছুই ইন্দ্রিয়গোচর নয়। কদ্র বৈশাখ—কথটা এতকাল রবি ঠাকুরের কাব্যে পড়া ছিল, কিন্তু লালুপ চিতাগ্নি শিখা লেহি লেহি বিবাট অস্থব বলতে সঁতা যে কী বোঝায় দিল্লীব নিদাঘ মধ্যাহ্নে তারই খানিকটা আভাস পাওয়া গেল। সহযাত্রীদেব সাতজন বিদেশীয়। তাদের শাখী অঙ্গাববণে যথায়থ সামবিকগোত্রেব নিঃসন্দেহ নির্দেশ। ত্রিপলঢাকা বৃন্দাকার এক মোটর-লরিতে মাল ও মালিকেবা একই সঙ্গে বোঝাই হয়ে অস্তহিত হল।

হোটলে স্থান নির্দিষ্ট ছিল না, সুতবাং গম্ভবাস্থল অজ্ঞাত, পথ অপবিচিত অথচ ভবসা একমাত্র নিজের আদি ও অকৃত্রিম চবণযুগল। তারই শবণ নিয়ে পথে বিচবণ শুরু কবব কিনা ভাবছিলেম।

“আপনি কোথায় যাবেন, চলুন, নামিয়ে দিচ্ছি।”

গভীর বাত্মিতে নিশি ডাকে বলেই তো শুনেছি। তবে কি দিনেও ? না, পিছনে তাকিয়ে দেখি নিজের মোটরেব দোব খুলে দাঁড়িয়ে আছেন একমাত্র বেসামবিক যাত্রাসহচব এ এস বোঝারি,—ভারতীয় বেতাব প্রতিষ্ঠানেব ফুযেবাব।

রৌদ্রতপ্ত মধ্যাহ্নেব নিকপায় পথপ্রান্তে দাঁড়িয়ে মনে হলো,—স্বয়ং উবনী 'লহ লহ জীবন বল্লভ' বলে পায়ে লুটিয়ে পড়লেও বোধ হয় এত খুশি হতেম না।

সংবাদপত্র ও বেতারজগতে বোঝারি সাহেবেব নিন্দা ও প্রশংসা দুই-ই সমপবিমণ যদিও সরকারী সুখ্যাতির সোপানে সোপানে, দুর্গম প্রমোশনেব শিখাবে শিখাবে উত্তীর্ণ হয়ে অল-ইণ্ডিয়া রেডিওর তিনি আজ সর্বাধিনায়ক।

বেতারপূর্ব জীবনে তিনি ছিলেন লাহোর বিশ্ববিদ্যালয়েব অধ্যাপক। ছদ্মনামে বসবচনা দ্বারা উর্দু সাহিত্যেও একদা তিনি বহুবিকৃত খ্যাতি অর্জন কবেছেন। ভদ্রলোক অসাধারণ বাকপটু এবং পরিহাসবসিক। ল্যাংওনেল ফিল্ডেন তাঁকে অধ্যাপনাব ক্ষেত্র থেকে বেতারজগতে আমদানি করেন। কলেজের লেকচার কম থেকে রেডিওব স্টুডিও। এদিক দিয়ে বাংলাদেশেব শিশির ভাদুড়ীর তিনি সগোত্র।

শুধু তিনি একাই নন, তাঁর অনুজ জেড-এ বোঝারিও ফিল্ডেনের অনুগ্রহপ্রচুয় অল-ইণ্ডিয়া রেডিওর অঙ্গনে বাসা বেঁধেছিলেন। অশ্চর্য নয় যে, এককালে ভারতীয় বেতার প্রতিষ্ঠানের

কৌতুক-আখ্যা ছিল, ইণ্ডিয়ান বি. বি. সি.—বোখারি ব্রাদার্স কর্পোরেশন।

নয়াদিমীর রাস্তাগুলি নয়নাভিরাম। ঝড়, প্রশস্ত এবং ছায়াচ্ছন্ন। মসৃণ পীচের আস্তরণ, ডাস্টবিন থেকে উপচায়মান জপ্তানকপের দ্বারা পঙ্কিল নয়। যানবাহনের সংখ্যা পরিমিত; পদাতিকদের পক্ষে অনেকটা নিরাপদ। ভারতের অন্যান্য শহরের ন্যায় সতত সঞ্চরমান নির্ভীক বৃষভকুল এখানকার রাজপথে দৃশ্যমান নয় এবং পথপার্শ্বের কোঁকর গৃহের অলিন্দ থেকে অকস্মাৎ মুখনিঃসৃত তাম্বুলরাগ নিরীহ পথচারীদের মস্তকে নিক্ষিপ্ত হওয়ার আশঙ্কা নেই। মাঝে মাঝে গোলাকৃতি ক্ষুদ্রাকার পার্ক, সেখান থেকে সাইকেলের চাকার স্পোকের মতো একাধিক পথ নানাদিকে প্রসারিত। পার্কগুলির নাম প্রেস, আকৃতি একই। উইণ্ডসব প্রেসের সঙ্গে ইয়র্ক প্রেসের তফাৎ যা, সে শুধু নামে। সবগুলিই সম্যক রচিত এবং রক্ষিত।

রাস্তার পরিচয় আমলাতান্ত্রিক। সবকারী দপ্তরখানার পূর্বতন বহু ইংরেজ কর্মচারীদের নাম পথের প্রান্তসীমায় সুস্পষ্টাক্ষরে ঘোষিত। মোগল বাদশাহ বাবরের চাইতে চীফ-কমিশনার বেলা সাহেবের গুরুত্ব এখানে অধিক। তাই নুরজাহান লেন অপেক্ষা বোয়ার্ড রোড অধিকতর অভিজাত। বোঝা গেল, নয়াদিমীর নগরপালদের আর যাই থাক, বিনয়ের অপবাদ নেই। প্রসঙ্গত এ কথা উল্লেখযোগ্য যে, একটি রাস্তার নামকরণ রবীন্দ্রনাথের নামে তাঁর জীবদ্দশায়ই হয়েছে, কবির জন্মস্থানে আজও যা সম্ভব হয়নি। গায়ের যোগীর পক্ষে ভিখ পাওয়া সহজ নয়।

বোখারি সাহেব যেখানে নামিয়ে দিয়ে গেলেন, তার নাম কুইনসওয়ে। নামটি ভালো। বাংলা বাগীরদীঘির কথা শ্রবণ করিয়ে দেয়। কিন্তু নাম নিয়ে কবিত্ব করার মতো মনের অবস্থা তখন নয়। ক্ষুৎ, পিপাসা ও ক্লান্তি নামক যে ক'টি অসুবিধাজনক অবস্থা মানবদেহকে বিব্রত করে থাকে আপাতত তাদের নিরসন প্রয়োজন।

যুদ্ধের হিড়িকে গার্ডনমেন্টের দপ্তরখানার বিস্তার ঘটেছে অভাবনীয় বেগে। কেরানী, দপ্তরী, সাহেব, সুবোয় শহরের ঘরবাড়ি পরিপূর্ণ। ফাঁকা মাঠের মধ্যে তাঁবু খাটিয়ে আছে সেক্রেটারিয়েটেব বহু তিন-হাজারী চার-হাজারী মনসবদার। নানা দিকদেশ থেকে এসেছে খবরের কাগজের রিপোর্টার। হোটেল, বোর্ডিং-হাউস সর্বত্রই এক রব,—ঠাই নাই, ঠাই নাই ছোট এ বাড়ি। প্রচুর দক্ষিণা কবুল করেও সাতদিনের অবিশ্রান্ত চেষ্টায় একটা মাথা রাখবার স্থান সংগ্রহ করা গেল না। রবীন্দ্রনাথ লিখেছেন,—বহুদিন মনে ছিল আশা; রহিব আপন মনে, ধরণীর এক কোণে, ধন নয়, মান নয়, একটুকু বাসা। অনুমান হয়, কবি এককালে দিল্লীতে ছিলেন।

যিনি আতিথ্য দিলেন, তিনি একটা বেসরকারী কোম্পানীর স্থানীয় কর্ণধার। নিজের কর্মকণ্ডলতায় কোম্পানীকে এখানে সুপ্রতিষ্ঠিত করেছেন। নয়াদিমীর শহরটা সৃষ্টি হয়েছে সরকারী প্রয়োজনে; কপালে তার জয়পত্র ঐটা,—“অন হিজ ম্যাজেস্টিস সার্ভিস।” জামসেদপুরকে যদি বলি স্টীল-টাউন, তবে নয়াদিমীকে বলা যেতে পারে স্ট্রাকচারাল টাউন। শহরের জনসংখ্যা গড়ে উঠেছে সেক্রেটারিয়েটকে কেন্দ্র করে। চাপরাশী, দপ্তরী, কেরানী, সুপারিন্টেন্ডেন্ট আকীর্ণ এই শহরে বেসরকারী ব্যক্তিদের কক্ষে পাওয়া ভার। এখানকার সম্মান ও প্রতিপত্তির উৎস থাকে ইণ্ডিয়া গেজেটের পাতার মধ্যে। যে-অল্পসংখ্যক বেসরকারী লোক এখানকার সেক্রেটারী, জয়েন্ট সেক্রেটারী প্রভাবান্বিত সমাজে প্রতিষ্ঠা অর্জন করেন, তারা যথার্থই শ্রদ্ধার যোগ্য। আমার হোস্ট সেন মহাশয় স্থানীয় সঙ্কটগ্রাণ সমিতির সভাপতি, কালীবাড়ির সম্পাদক, বাঙালী ক্লাবের কর্মকর্তা এবং আরও একাধিক সাধারণ প্রতিষ্ঠানের বিশিষ্ট সদস্য।

ভ্রমলোকের আলমারিতে সারিবাধা ‘সবুজপত্রের’ বাধানো খণ্ড দেখে বোঝা যায় তাঁর রুচি। ভোজনপর্বে সেটা অধিকতর পরিশ্রুত হলো। শুকতো, ভাজা, ডাল, তরকারী, মাছ, টক ও একটু দৈ। সাধারণ ভদ্র বাঙালী পরিবারে যা প্রাত্যহিক আহার অতিথির জন্যও সেই ব্যবস্থা। অপরদিকে নারিকেলের কুচি সহযোগে চিড়ে ভাজা বা বাড়িতে তৈরী খানকয়েক লুচি। চায়ের সঙ্গে পাভুয়া রসুনো সমারোহ এবং ভাতের সঙ্গে চপ-কাটলেটের বাহুলা দ্বারা প্রত্যহই অতিথিকে স্মরণ করিয়ে দেবার চেষ্টা নেই যে, এ গৃহে সে একজন বহিরাগত আগন্তুক মাত্র। সহজ হওয়ার মধ্যেই আছে কালচারের পরিচয়, আড়ম্বরের মধ্যে আছে দস্তুর। সে দস্ত কখনও অর্থের কখনও বিদ্যার, কখনও বা প্রতিপত্তির।

দুই

বৈষ্ণব কাব্যের শ্রীরাধা কৃষ্ণবিরহে একদা 'ঘর কৈনু বাহির বাহির কৈনু ঘর' বলে আক্ষেপ করেছিলেন। দিল্লীর কনট প্লেসকে বন্দাবনের কুঞ্জগলি বলে কোন মতেই ভুল করবার সম্ভাবনা নেই, তার পুরনারীরা কেউ বৃন্দানন্দিনী নন। কিন্তু এখানকার শ্রীমতীরাও নিদাঘ রজনীতে ঘরকে বাহির এবং বাহিরকে ঘর করেছেন।

না করে উপায় ছিল না। সমস্ত দিন ধরে মার্চগুদেব এখানে যে প্রচণ্ড কিরণ বিকিরণ করেন, তাতে ঘরের ভিতরটা প্রায় টাটা কোম্পানীর অগ্নিগর্ভ বয়লারের মতো তেতে থাকে। মাথা ঝুঁজতে গেলে মাথা কুটতে ইচ্ছে হয়। পাখা খুলে দিলেও আগুনের হস্কা লাগে। সুতরাং বাইরে ঘুমানো ছাড়া গতি নেই।

শুধু মেয়েদের নয়, ছেলে বুড়ো বাচ্চাকাচ্চা সবাই এক অবস্থা। সন্ধ্যাবেলা বাড়ির সামনে জমিতে ঘটি ঘটি জল ঢেলে উত্তপ্ত ধরণীকে করা হয় শীতল। তার উপর খাটিয়া বিছিয়ে পড়ে সারি সারি বিছানা। দেখে মনে হয়, যেন সরকারী হাসপাতালের তিন, পাঁচ বা সাত নম্বর ওয়ার্ড। স্বামী, স্ত্রী, শ্বশুর শাশুড়ী, ননদ, ভাজ, পুত্র কন্যা সবাই শুয়েছে উন্মুক্ত আকাশের নীচে। মাথার উপরে নেই আচ্ছাদন, শয্যা ঘিরে নেই কোন আবরণ। অনভ্যস্ত চোখে হঠাৎ যেন একটু দৃষ্টিকটু ঠেকে।

কিন্তু পৃথিবীতে অন্য আর পাঁচটা নীতিবোধের ন্যায় আমাদের শালীনতা জ্ঞানটাও আপেক্ষিক। দেশাচারের দ্বারা তার রকমফের ঘটে, প্রয়োজনের খাতিরে হয় রদবদল। কলকাতার বড়বাড়ারের রাস্তায় দেখা যায়, খাটো কাঁচুলি আর আঠারো গিঁড়ি ঘাগরার মধ্যপথে মেদবহুল দেহের অনেকখানি অনাবৃত রেখে অসঙ্কোচে চলেছেন মারোয়াড়ী মহিলা। আমাদের বাঙালী তরুণীদের মধ্যে কারও মতি হবে না সে সজ্জারীতিতে। ইটুর উপরে-ওঠা স্কাট পরে ইংরেজ ও এ্যাংলো ইণ্ডিয়ান মেয়েরা যাচ্ছে যত্র তত্র। কিছু খরাপ লাগছে না তো চোখে। অথচ আমাদের হতি আধুনিকাদের মধ্যেও কোন দুঃসাহসিকা তাঁবু ক্রেপ শাড়ি বুল পায়ের গোড়ালি থেকে জানু পর্যন্ত উন্নীত করতে পারবেন না। যদি বা পারেন, লজ্জায় চোখ তুলে তাঁবু দিকে কেউ তাকাত পারব না।

একই বস্তু কেমন করে শুধু মাত্র আবেষ্টন ভাষা ও পরিবেশের তফাতে শ্রীল ও অশ্রীল ঠেকে তার আরও সুস্পষ্ট দৃষ্টান্ত আছে সিনেমায়। শ্বশুর ভাণ্ডার, পুত্রবধ ও কন্যা-জামাতা একসঙ্গে মোট্রোতে বসে থ্রেটা গার্বো ও চার্লস বোয়ারের দীর্ঘস্থায়ী চুম্বন আর আলিঙ্গন দেখতে যাবা কিছু মাত্র সঙ্কচিত হন না, বাংলা ছবির নায়ক-নায়িকার নিরামিস প্রণয় নিবেদন দৃশ্য তাদেরই অঙ্গস্তির কারণ হয়ে ওঠে দেখছি। শারীরতত্ত্বের আলোচনায় যে কথা বাংলায় বলতে বাধে, ইংরেজীতে তা নিয়ে গুরুজনের সঙ্গে তর্ক করা হয় অনায়াসে।

গরমকালে ঘরে শুঁলে যে-দেশে ছুরে ধরে, সে দেশে মেয়ে পুরুষকে বাইরে ঘুমাতে হয় এবং তিন চারটে করে আলাদা উঠান যখন শতকরা নিরানন্দবই জনের বাড়িতেই রাখা সম্ভব নয় এখন শ্বশুর, জামাতা, মা ও মেয়ে এক জায়গায় খাট না বিছিয়েই বা করে কী? নয়াদিল্লী সার্বজনীন শহর। অঙ্গ, বঙ্গ, কলিঙ্গ, কানী কঙ্কি, কোশল থেকে এখানে ঘটেছে জনসমাগম। আহাবে তারা যদি বা নিজ নিজ কচিকে রেখেছে বজায় শয়নে মেনে নিয়েছে একই রীতি। পাঞ্জাবী মেয়েদের বসন এরকম কমিউনিষ্ট স্লিপিং-এর পক্ষে বিশেষ উপযোগী। গোড়ালির কাছে আট পায়জামা। শিথিলবন্ধন শাড়ির মতো অলঙ্কারে নিদ্রিত দেহের উপর অবিন্যস্ত হওয়ার আশঙ্কা নেই।

সকাল বেলা ঘুম ভাঙতে যে দশটা চোখে পড়ল সে হচ্ছে ফিল্ডওয়ালার ক্যাভেলকেড। দুধ, সন্ডি, মাছ, মাংস, ডিম, সবই এখানে ঘরে বসে পাওয়া যায়। পসারিণী যদিও বা নেই, পসরা আসে দরজায়। মাথায় চেপে নয় সাইকেলে। ঐ জিনিসটা এখানে অসংখ্য। কলকাতায় সাইকেল চাপতে দেখি, খবরের কাগজের হকারকে। কিন্তু নয়াদিল্লীতে গয়লা, খোপা, নাপিত, ভেঁলে, কসাই, ব্লাউজের ছিট, গায়ের সাবান বিক্রোতা আসে সাইকেলের পিছনে মস্ত বড়ি বা বাস্ক চপিয়ে। মহানগরীর সওদাগররাও পদাতিক নয়।

প্রভাতে উঠিয়া যে-মুখ দেখিন, তার বেসাতি দুখ । ছ্যাকরা গাড়ির ঘোড়ার মতো হাড়গোড় বেরকরা জীর্ণদেহ সাইকেল, তাব পিছনের ক্যাব্রিয়ারের দু'পাশে বাঁধা দুখের দুটি টব । টিনের তৈরী, তলায় জলের কলের মতো ট্যাপ, ঘোরালে দুখ বেরোয় । সামনের হাতলে ঝুলছে অনুরাপ গুটি দুই পাত্র । আশ্চর্য বহন ও চলন ক্ষমতা এই দ্বিচক্রেরথের । আশ্চর্যতর তার চাকা, ঢেন ও দুশ্কাভাণ্ডর সম্মিলিত ঐকতানবান্দন । টিনের টবগুলির উপরের দিকে ঢাকনি আছে, তাতে তাল আটা । বলা বাহুল্য দুখের বিশ্বস্ততা এবং গয়লার বিশ্বস্ততা সম্পর্কে ক্রোতাকে আশ্বস্ত করাই তার উদ্দেশ্য । কিন্তু সেটা অসাবধানী লোকের ছাতায় ঘটা করে নাম লেখার মতো । নীরং তান্ত্রা ক্ষীরং গ্রহণ করতে হলে পাঁচ সের দুখকে দু'সেরে দাঁড় করাতে হয় ।

গয়লার পরে “কলকাত্তাকা হিলশা লো, করাচীকা চিংড়ি” হাঁক দিয়ে এল মাছওয়ালা । বলা বাহুল্য সে-ইলিশ বেশীর ভাগই বঙ্গজ নয়, এলাহাবাদের । তবে অনেক মানুষের মতো তারাও সব সময়ে চেহারায ধরা পড়ে না, পড়ে স্বাদে । মাছওয়ালার সাইকেলের পিছনে বুড়ির উপরে মিহি জালের আবরণ, মাছির অত্যাচার নিবারণের জন্য ।

সজিওয়ালা আসে একে একে । কেউ হাঁকে,—লেউকী লো, কেউ হাঁকে পালং অথবা গোবী । কারো বা বুড়িতে আছে টিমাটো, ভিণ্ডি, হরী ধনিয়া এবং সীতা ফল অর্থাৎ কুমড়া । রজক বাইসিকেলের পশ্চাতে যে পর্বতপ্রমাণ কাপড়ের বোঝা চাপিয়ে আসে তা দেখে ব্রেডাযুগে পবননন্দনেরও বিশ্বাসের উদ্বেগ হতে পারত ।

মেয়েদের চল ও ছেলের দাড়ি দু-এরই সমান প্রসাধন প্রয়োজন, সমান সময়সাপেক্ষ । তফাত শুধু এই যে, প্রথমটির যত্ন বৃদ্ধিতে, দ্বিতীয়টির বিনাশে । চুল রোজ বাঁধতে হয়, দাড়ি রোজ কামাতে । যে রাঁধে সে চুলও বাঁধে এবং যে আপিস করে সে ক্ষুরও চালায়,—এ কথা সত্য । তবুও বেগীরচনায় ব্রাহ্মজায়া বা ননদিনীর সহায়তা পেলে মেয়েরা খুশী হন ; ক্ষৌরকার্যে নর-সুন্দরের সাহায্য পেলে অনেক ছেলে আয়েশ বেশ করে । তাই সকাল আটটা থেকে দ্বারে দ্বারে হানা দেয় হাজাম । তার সঙ্গে আছে খুব ছোট পিতলের একটি পোট্টেবল চুল্লী, অনেকটা ইকামক কুকারের মতো আকৃতি । তাতে শীতের দিনে সর্বদা জল গরম হয় । শীতের দেশের বাসিন্দা জানেন, ডিসেম্বরের সাইত্রিশ ডিগ্রির শীতে গালে ঠাণ্ডা জল দেওয়ার চাইতে চড় দেওয়া ভালো ।

সাড়ে নটা থেকে শুরু হয় আপিস অভিযান । প্রথমে চাপরাশী দল । গায়ে খাকী বড়ের উর্দি, মাথায় পাগড়ি ও কটিতে লাল সর্পাকৃতি তিন চাব ফেরতা কোমরবন্ধ । দু' একজনের কোমরবন্ধে সুদৃশ্য খাপের মধ্যে হাতীব দাঁতের বাটওয়ানা ক্ষুদ্র ছুরিকা । মোগল বাদশাহের আমলে খোজা প্রহরীদের অনুকরণ । তারা অনারেবল মেম্বর বা সেক্রেটারীদের চাপরাশী । আদালী বাহিনীতে মেজর জেনারেল । তাদের সাইকেলের পিছনে লাল খেরো কাপড়ে বাঁধা এক শুদ্ধ ফাইল, যা সাহেববা প্রত্যেক শনিবারই বাড়ি নিয়ে যান কাজ করার জন্য এবং বেশীর ভাগই সোমবারে ফিরিয়ে আনেন একবারও না ছুঁয়ে ।

চাপরাশীদের পরে যায় কেরানী, গ্র্যাসিস্ট্যান্ট ও সুপারিন্টেন্ডেন্টরা ।

সাইকেল, সাইকেল, সাইকেলের পর সাইকেল । ঠিক যেন একটা সাইকেলের প্রসেশন । তার সঙ্গে আছে টাঙ্গা । সেও দ্বিচক্রযান । ঘোড়ায় টানে । সামনে পিছনে চারজন বসা যায়,—কিন্তু মুখোমুখি নয়, পিঠোপিঠি । মাথার উপরে সামান্য একটু ক্যাব্রিসের আচ্ছাদন : তাতে রৌদ্রতাপ বা বৃষ্টিধারা কোনটাই পুরোপুরি নিবারণিত হয় না । আরোহণ ও অবরোহণের কালে পুরুষদের পক্ষে হয় জিম্নাস্টিকের পরীক্ষা, শাড়িপরিহিতাদের পক্ষে ভব্যতার । একটু সতর্কতার অভাবেই পতন ও মূছা অসম্ভব নয় ।

টাঙ্গার গতি মন্থর, আসন আরামহীন এবং পরিবেশ নাসাবন্ধের পক্ষে ক্রেশকর । সম্প্রতি আমেরিকানদের দক্ষিণে দক্ষিণার হার হয়েছে বৃদ্ধি । আগে যে রাস্তাটুকুর মাশুল ছিল চার আনা, তার জন্য এখন বারো আনার কমে টাঙ্গাওয়ালারা কথাই বলে না ; কিংবা এমন কিছু বলে, যা না শোনাই ভালো । তবে দশটা পাঁচটায় সেক্রেটারিয়েটের পথে সহযাত্রী মেলে । টাঙ্গাওয়ালার

“দণ্ডুরকো, দণ্ডুর জানেবালা আইয়ে”, বলে চেঁচিয়ে সংগ্রহ করে সওয়ায়ী। তাতে ভাড়ার অংশ বিভক্ত হয়ে পকেটের পক্ষে সুসহ হয়। ভাগের মা গঙ্গা পায় না, কিন্তু ভাগের টাক্সা গম্ভবাস্থল অবধি গিয়ে পৌছয়।

সাড়ে দশটার মধ্যে গোটা শহরটার সমস্ত পুরুষ নিজান্ত হলে পথে। সব পথের একই লক্ষ্য—সেক্রেটারিয়েট। বাবু পালাল পাড়া জুড়াল, গিল্লি এল পাটে।

ইম্পিরিয়ল সেক্রেটারিয়েটটি নবনির্মিত। শুধু সেক্রেটারিয়েট নয় এখানকার বাড়িঘর, পথঘাট, হাটবাজার সবই নতুন। নয়াদিল্লী শহরটা আপস্টাট, বারাগসী প্রয়াগ এমনকি কলকাতা মুর্শিদাবাদের মতোও এর পশ্চাতে কোন ট্যাডিশন নেই। সে হঠাৎ টাক্সা-করা ওয়ার কনট্রাক্টর, সাত পুরুষের বনেদি জমিদার নয়। কিন্তু যুগটাই যে ভুঁইফোড়দের। এ যুগে জুড়ি গাড়ির চাইতে বেবী-অস্টিন, সাত লহরীর চাইতে মফচেন এবং খেয়াল গান অপেক্ষা গজলের আদর বেশী। বিস্ত হলেই হলো, নাই বা রইল বেভব।

মাঝখান দিয়ে প্রশস্ত পথ কিংসওয়ে, ভাইসরয়’স হাউসের লৌহদ্বার অবধি প্রসারিত। তারই দু’পাশে সেক্রেটারিয়েটের দুই মহল,—নর্থ ব্লক ও সাউথ ব্লক। আকৃতি, রং, রেখা, গঠনভঙ্গি ভুবনু এক। যেন ময়রার দোকানে ‘আবাব খাবো’ বা জলন্তরঙ্গ ছাঁচে গড়া এক জোড়া সন্দেশ। নর্থ ব্লকের সিড়ির মাথায় প্রস্তর ফলকে উৎকীর্ণ পবিত্রনাথের এডুইন লুটিনস এবং তাঁব সহযোগী সার হার্বাট বেকারের নাম।

নয়াদিল্লীর প্রায় সমস্ত সরকারী ও বেসরকারী বাড়িগুলিই মুখ্যতঃ ক্লাসিক্যাল অর্থাৎ গ্রীক স্থাপত্যের অনুকরণ, যদিও পুরোপুরি নয়। থাম আর গম্বুজ। আর্চের সংখ্যা কম। যা আছে তাও রোমান ধরনের অর্ধবৃত্তাকার, মুসলিম পদ্ধতির সূক্ষ্মগ্রভাগের নয়। থামগুলি চতুষ্কোণ নয়, গোলাকার। নয়াদিল্লীর পত্তনে গ্রীক স্থাপত্যকে গ্রহণের পশ্চাতে কোন উদ্দেশ্য ছিল কিনা বলা শক্ত। তবে কোন কোন বিশেষজ্ঞের ধারণা এই যে, জলবায়ু ও আবহাওয়ার দিক দিয়ে গ্রীস উত্তর ভারতের সমতুল্য, যদিও তার গ্রীষ্ম অপেক্ষাকৃত সহনযোগ্য এবং শীত অপেক্ষাকৃত কঠোরতর। উত্তর ভারতের মতো গ্রীসেরও বাতাস অনাড়, আকাশ নির্মেঘ এবং রৌদ্র নির্মল। সুতরাং গ্রীক স্থাপত্য নয়াদিল্লীর পক্ষে স্থায়ীত্বের দিক দিয়ে অধিকতর উপযোগী হবে, স্থপতিদের মনে এ বিশ্বাস দেখা দেওয়া আশ্চর্য নয়।

কিন্তু নয়াদিল্লীর স্থাপত্যকে পুরোপুরি কোনো একটা বিশেষ সংজ্ঞা দেওয়া ঠিক নয়। সেটা ক্লাসিক্যাল বটে কিন্তু একেবারে নির্ভেজাল নয়। সেক্রেটারিয়েটে দালানে হিন্দু পদ্ধতিরও চিহ্ন আছে,—সারনাথে দৃষ্ট অশোকস্তম্ভের অনুকরণে গঠিত স্তম্ভগুলিতে। আছে প্রবেশ-তোরণ ও অন্যান্য অংশে হস্তী, ঘণ্টা প্রভৃতি অলংকরণে! তারই সঙ্গে আছে মুসলিম স্থাপত্যরীতির পাথরের জালি, ফতেপুর সিক্রিতে চিত্রিত কবরে যার বহুল নিদর্শন। রাজমিস্ত্রিরা বেশীর ভাগই এসেছে জয়পুর, রাজপুতানার অন্যান্য স্থান এবং আগ্রা থেকে। জনশ্রুতি এই যে, তাদের মধ্যে অনেকে ছিল তাজ নির্মাতাদের উত্তরপুরুষ। নর্থ এবং সাউথ, দু’ব্লকেরই মাথায় বিরাট গম্বুজ, অনেকটা রোমের সেন্ট পল গির্জার অনুরূপ, যদিও এতে কিছুটা মুসলিম স্থাপত্যের ছাপ দেওয়ার চেষ্টা হয়েছে। চোখে দেখে মনে হয় না যে, গম্বুজ দুটির উচ্চতা কুতুবশীর্ষ থেকে মাত্র একশ ফুট কম। দুটি ব্লকে মিলিয়ে সেক্রেটারিয়েটকে কক্ষ আছে প্রায় এক হাজার, সব ক’টি মিলিয়ে বারান্দার দৈর্ঘ্য হবে প্রায় আট মাইল। ইলাহী কান্ডই বটে!

সাধারণতঃ সরকারী দপ্তরখানার সঙ্গে আর্টের বড় একটা সম্পর্ক থাকে না। তার নামে যে-স্বাষ্টি আমাদের কল্পনায় আসে তা এক রাশি নথি, দলিল, দস্তাবেজ, ও হিসাব নিকাশ। দশটা থেকে পাঁচটা পর্যন্ত টেবিলের উপর ফাইল ঝাঁটাই যেখানে একমাত্র কাজ, সেখানে গৃহের গঠনভঙ্গি বা পরিবেশ নিয়ে আমন্ত্রণ মাথা ঝামাইনে। সে দালানের জানালা কি ঝং-এর, সিঁড়ি কি ঢং-এর সে প্রশ্ন আমাদের মনেই আসে না। পুলিশকোর্টের দেয়ালে অজন্তার ফ্রেস্কো পেইন্টিং আমরা আশা করিনে। কিন্তু দেখলে কি খুশি হতেম না? অন্ততঃ নয়াদিল্লীর সেক্রেটারিয়েটকে সুদৃশ্য করার চেষ্টা দেখে আনন্দিত হয়েছি।

লাল পাথরে গড়া বিবাট ভবন। মাঝখান দিয়ে দুবপ্রসারিত পথ। পথেব দু'পাশে শ্যামল দুর্বীর আন্তবর্ণে ঢাকা বিস্তৃত প্রাঙ্গণ। মাঝে মাঝে কৃত্রিম খিল, তাতে সাবিবন্দী ফোয়ারা থেকে অবিরাম উৎসারিত হচ্ছে জলরাশি। পাশে পুষ্পিত মরসুমী ফুলেব—ডেকী প্যানসী, এ্যান্টের ও হলি-হক্কেল—কেয়াবী। নির্বাচিত স্থানে একটি করে কমলালেবু গাছ। বহুযন্ত্রে বৃত্তাকারে ছাঁটা তাব ডালপালা, মনে হয় যেন ঝাঁটেব উপর দাঁড়িয়ে আছে এক একটি খোলা ছাতা।

দালানেব ভিতবটাকে ও কেবলমাত্র কাজেল উপযোগী না করে দর্শনযোগ্য করার প্রয়াস আছে। নর্থ ও সাউথ ব্লকে কমিটি কনফারেন্স য়ে বৃহৎ কক্ষগুলি আছে তাদের সিলিং এবং দেয়াল চিত্রশোভিত। বসে শুকল অব আটোব শিল্পীদের আকা। চিত্রগুলিব বিষয়বস্তু ভাল কিন্তু দুঃখেব বিষয় অঙ্গনচাতু্য প্রশংসনীয় নয়। এই কক্ষগুলিতে নানা কনফারেন্স কমিটি, কনফারেন্স বসে। সাব স্ট্যাফোর্ড ক্রীপসেব প্রথম প্রেস কনফারেন্স বসল সাউথ ব্লকেব কমিটি কমে।

ক্রীপসেব বিমান নির্ধারিত সময়েব অনেক পবে এসে পৌঁছল দিল্লীতে। তখন দুটো। সুতবাং বেলা চাবটায়—মাএ দু'ঘণ্টাব বানবানে—একটা প্রেস কনফারেন্স ডাকার মধ্যে তৎপবতার পবিচয় আছে যথেষ্ট। সাউথ ব্লকেব সবটাই মিলিটারীবীৰ দখলে বেসামরিক দপ্তবেব মধ্যে মাত্র হোম ডিপার্টমেন্ট আছে একটি টোবে অবস্থান নৈকট্যেব কারণে বোধ হয় স্বভাবসাদৃশ্য। ভাবতে পুলিশ আৰ মিলিটারি প্রায় ক'ছাক'ছি। লগোত্র না হলেও স্বজাতি বটে।

দবজায় কড়া সামরিক পাহারা সাংবাদিক ও বিপোটাবদেব জন্য ইনফরমেশন ডিপার্টমেন্ট থেকে বাবস্থা হয়েছে। পবেশপাত্রেব

প্রচুব বর্কশিশ ও প্রচুবতব হাউস দ্বাৰা টাক্সাওয়ালাকে উৎসাহিত কবা সবেও সাউথ ব্লকেব দবজায় এসে যখন অবতীর্ণ হলেম চাবটে বাজতে মিনিটখানেক মাত্র বাকী। বেচাবাব চেষ্টাব ক্রটি ছিল না। কিন্তু টাক্সাব ঘোড়াগুলি ভাবতীয় যোগীপুৰষদেব মতো নির্লিপ্ত, নিবাসক্ত ও নির্বিকার, কোন কিছু এই তাদের উত্তেজিত কবা সহজ নয়। বেগবৃদ্ধি প্রায় সাধ্যাতীত।

উপস্থাপনে ওনা হলেম কনফারেন্স কক্ষেব উদ্দেশে। সিডিব মাথায় দাঁড়িয়ে আছেন সপাবিষদ সাব ফ্রেডরিক পাকল, ইনফরমেশন বিভাগেব কর্ণধার। পবিচিতি বন্ধুব প্রাঞ্জল জবাবে বললেন, ক্রীপসেব অপেক্ষা কবছেন। গোটা দুই সিডি উপরে যাচ্ছিলেন একটি স্বেতাক্স, মনে হলো সদা আগত ইংরেজ বা মার্কিন বিপোটাবদেব অন্যতম। হঠাৎ পিছিয়ে নেমে এসে সাব ফ্রেডরিককে জিজ্ঞাসা কবলেন Did you say Cripps? That's me

এব চেয়ে বজ্রপাত হওয়া ভালো ছিল।

আমবা বিস্মিত, পাকল স্তম্ভিত, পাবিষদেবা হতবাক।

সাব স্ট্যাফোর্ড ক্রীপস ওযাব ক্যাবিনেটেব সদস্য। ভাবতবর্ষেব ভাগ্য নির্ধারণ করতে এসেছেন ব্রিটিশ মন্ত্রিসভাব প্রস্তাব নিয়ে। আছেন ভাইসরয়েব প্রাসাদে। সুতবাং প্রেস কনফারেন্সে আসবেব বডলাটেব ক্রাউন মার্ক গাড়ি চেপে, আগে চলবে লাল মোটব সাইকেলে পাইলট সার্জেন্ট, পাশে থাকবে ভাইসরয়েব প্রাইভেট সেক্রেটারী বা অনুকপ কোনো হোমবা-ক্রামবা পথ-প্রদর্শক। জমকে ডালুসে চিনতে বিলম্ব হবে না এক মুহূর্ত। এইটেই আশা কবছে সবাই। হা হতোম্মি, কোথায় প্রাইভেট সেক্রেটারী আৰ কোথায় বা আগে পিছনে পিস্তলকোমরে সার্জেন্ট পাহারা। সঙ্গে একটি মাত্র ভাইসরয়'স হাউসেব চাপবানী, বোধ কবি সেও শুধু পথ চিনিয়ে দেওয়াব জন্য।

সবকাবী কযদা কানুন, ফমালিটি পবিহাব করে আডম্ববহীন, সহজ ও সরল একটি পবিবেষ্টন সৃষ্টি কবলেন ক্রীপস। তাব আন্তরিকতায় ভাবতবর্ষেব আস্থা গভীবতব হলো, তাঁর চেষ্টাব সাফল্য কামনা কবল জনসাধাবণ, তাঁব সুখ্যাতি অকুপণ ভাষায় কীর্তিত হলো সর্বপ্রদেশে ও সর্ব ভাষায় বিভিন্ন সংবাদপাত্রেব সম্পাদকীয় স্তম্ভে।

কনফারেন্সে ক্রীপস অবদেদন জানালেন সাংবাদিকদেব, তাবা যেন ক্রীপস প্রস্তাবেব সারমর্ম নিয়ে অযথা গবেষণা না কবেন। নেতৃবর্গেব সঙ্গে আলোচনাব পূর্বে সংবাদপত্রে মীমাংসা-প্রস্তাবেব কল্পিত বিবরণ প্রকাশেব দ্বারা যেন অবাপ্তিত বিরুদ্ধভাবেব সৃষ্টি না হয় বাজনীতিক মহলে। বলা বাছল্য, সে আবেদনেব প্রয়োজন ছিল।

সবচেয়ে বিস্ময়কর, প্রস্তাবের ভবিষ্যৎ সম্পর্কে ক্রীপসের মনে অবিচলিত আস্থা। ওয়ার কাবিনেটের সর্বসম্মত এই স্বীকৃতি-প্রস্তাব ভারতীয় জাতীয়তাবাদীদের পক্ষে অনায়াসে গ্রহণীয় হবে, ব্রিটেন ও ভারতবর্ষের বিরোধ অপসারিত হবে এবং দীর্ঘকাল ধরে সাধিকার প্রতিষ্ঠার যে-অদম্য অভিলাষে ভারতের অগণিত নবনবী দুঃস্থ ভাগ ও দুঃস্থ নির্যাতন বরণ করেছে তার সার্থক পরিণতি ঘটবে, এ বিষয়ে ক্রীপসের মনে সংশয়ের লেশমাত্র ছিল না।

ভারতবর্ষ সম্পর্কে প্রধানমন্ত্রী চার্চিলের মনোভাব কল্যাণ অগ্রাহ্য নয়। জাতীয়তাবাদী ভারতবর্ষের প্রতি ক্রীপসের সহানুভূতি, বিশেষ করে কংগ্রেসের নেতৃস্থানীয় ব্যক্তিদের সঙ্গে তাঁর সৌহার্দ্যও তেমন অতিপারিত ছিল। চার্চিল ইম্পিবিয়ালিস্টদের মধ্যে সর্বাপেক্ষা বক্ষণশীল। ক্রীপস সোশ্যালিস্টগোষ্ঠীতেও সবচেয়ে প্রগতিশীল। জনৈক সাংবাদিক প্রশ্ন করলেন,—সর্ববাদিসম্মত প্রস্তাব বচনায় প্রধানমন্ত্রী ও সাব স্ট্যাফোর্ডের মতৈক্য হলো কী করে? চার্চিল তাঁর মতবাদ ত্যাগ করেছেন, না কি সাব স্ট্যাফোর্ড ক্রীপস বদলেছেন?

প্রবল হাস্যবোলের মধ্যে ক্রীপস উত্তর করলেন, কোনোটাই নয়, দুজনাতেই মতের মিল হওয়ায় মতো একটা নতুন পন্থা আবিষ্কৃত হয়েছে, যা এত আগে চোখে পড়েনি।

কনফারেন্স থেকে যখন বাইরে এসে ছড়ির কাঁটা এখন প্রায় ছটা ব কোমায়। অপর্যাপ্ত বেলায় শান্তিপূর্ণ সুখে অ-তত্ত্ব বন্ধি পড়েছে সেক্রেটারিয়েট এবং বৈদেশিক প্রত্যাগে। সামনেই ফোয়ারা উৎসবের জল কম্পিত ধাবায় বিক্ষিপ্ত হচ্ছে বড়কণ বস্তুর ভাঙার শব্দ, দীর্ঘ কীংসওয়ে প্রান্তর দিয়ে দেখা যায় ওয়ার মেমোরিয়াল, বিগত দুই বছর ধরে ভারতীয় সৈন্যদের স্মরণার্থে যা গড়ে উঠেছে। দূরে ইন্দ্রপ্রস্থের পার্শ্ববর্তী ভূমধ্যসাগর উপরে পলিতরঙ্গ, 'গেগেয়েবনা বন্ধ' পতাকাহীন মতো নয়াদিল্লীর বস্তুর বেড়ানকে স্মরণ করিয়ে দিতে কালেক্টর অসুখে বিধান, অপ্রতিবোধনীয় পরিণাম।

পছন্দ, একই উন্নতিশীল ভাইসরয় হাউসের বিবর্ত গল্পের শীর্ষে বাতাসে মৃদু আন্দোলিত যুগ্মক জাগ,—ব্রিটিশ সাম্রাজ্যবাদের সনাতন গৌরবচিহ্ন। দু'শ' বছর ধরে ভারতবর্ষে বায়েজ্ঞ অচল, অটল ও অনপন্য। এই মাত্র যে কনফারেন্স শেষ হলো তাতে আশঙ্ক ছিল এই পতাকা বর্ণ পরিবর্তনের। সে বর্ণ গৈবিক হবে কি সবুজ হবে ও তে চব্বা থাকবে কি অর্ধচন্দ্র থাকবে সে প্রশ্ন পেরে। আপাতত এইটাই বড় কথা যে সে নতুন হবে ভারতীয় হবে কিন্তু সে কল্যাণ করে?

তিন

গৃহকর্তৃপক্ষ সাত বছরের মেয়ে বেবা এসে অত্যন্ত গম্ভীরভাবে প্রতিজ্ঞা করল, 'মিনি সাহেব, ইংরেজ জিতবে কি জাপান জিতবে?'

মিনি সাহেব নামের পিছনে আছে ইতিহাস ও মুষ্টি ইংরেজি নয় ভাষাতত্ত্বও

বিলাতে গলে আমাদের প্রথম কপান্তর ঘটে বেশ, দ্বিতীয় স্তরে দেশে থাকতে যাবা পল্ট, গদাই সুরেন কিংবা সুরোশ বিদেশে তাবাই সেন, বয়, মিটার অথবা বেনেট। 'নয়াদিল্লী'টা খাটি বিলাত নয়—এবসাহস। এখানেও বার্তা পরিচয় নামের অর্ধেক নয় অস্ত্র পি এল আস্থানায় আদা অক্ষর দুটি কিসের সংক্ষেপ তা নিয়ে কারও উৎসূকা নেই, শেষেবটুকু জানলেই হলো। পদমর্যাদার উপরে নির্ভর করে সম্ভাষণের বিশেষণ কেমন হলে অস্থানীয় সাক্ষিক্য বাসে বাবু, অফিসাল হলে প্রেক্ষিক্য লাগে মিস্টার

কিন্তু মুখে মুখে কথার ধারা বদল হয় নামেরও পরিবর্তন হয়, 'নয়াদিল্লী' করে চাকর, বেযাবা, আদালী, পিওনের অশিক্ষিত উচ্চারণে অনেক সময় চলতি বিকৃতি থেকে আসল আকৃতি আঁচ করাই কঠিন হয়। বানাজী বেনাবসী হন, মিঃ ম্যাকাটিস হন মালকুটি সাহেব। সেনগৃহে পরিচারিকা বিলাসিয়ার আদি বাস রামগরি পরিবর্তে সানুদেশে ভাষা কিছুটা ভাবিড এবং কিছুটা আর্থ, শব্দের উচ্চারণ মাঝামাঝি। সূত্রাং করে কেমন করে কোন শব্দের অপ্রাংশ ও কোন শব্দের অর্ধাংশ মিলিয়ে তার মূলে মিনি সাহেবে দাঁড়িয়ে দেখে সে গবেষণায় মুষ্টি চাটুযোব শব্দ নিতে হবে।

“বল না, মিনি সাহেব, কে জিতবে। ইংরেজ না জাপান?” প্রশ্নকর্তী তাজা দিলেন। প্রশ্নটা নতুন নয়। ইতিপূর্বে আরও অনেকের কাছে শুনাও হয়েছে এ জিজ্ঞাসা, জবাব অবশ্য দিতে হয়নি কারও। অধিকাংশ ক্ষেত্রে প্রশ্নকারী নিজেই দিয়েছেন উত্তর, চেয়েছেন শুধু সমর্থন। যাব’ তা দেননি তাঁরাও কী শুনলে খুশি হলেন সে সম্পর্কে সন্দেহের অবকাশ মাত্র রাখেননি কখন, ঠিক যেমন শ্রী স্বামীকে জিজ্ঞাসা করেন, নতুন “জিও” তাকে কেমন দেখাচ্ছে। সুতরাং পাট্টা প্রশ্ন নয়, তাই “তুমি বল, কে জিতবে।”

“ইংরেজ।” স্বব গভীর, প্রত্যাব্যঞ্জক। স্বয়ং চার্চিলের পক্ষেও বোধহয় এতটা নিশ্চিত উত্তর দেওয়া সম্ভব ছিল না।

কিছু প্রতিপক্ষ কাছেই ছিল। বোনের উত্তর কানে যেতেই ভাই দুটে এল। “কী বললি? ইংরেজ জিতবে? জিতবে না হাতি। জাপানীদের সঙ্গে পাবলে ইংরেজ? ফু!” বাক্যের সঙ্গে যোগ করল উল্লি। (চোট ঝাঁকিয়ে মুখে চোখে এমন একটা গভীর তচ্ছল্যের ভাব প্রকাশ করল যাতে শ্রোতাদের পক্ষে ইংরেজের জয় সম্পর্কে ক্ষীণতম আশা পোষণ করাও হাস্যকর নিবৃত্তি। বলে গণ্য হবে।

বুড়ু বেবাব চাইলে মাত্র দু’ঘণ্টার মধ্যে। কিন্তু অভ্যাবকালের ধারা প্রায়ই বয়সের অনুপাত মেনে চলে না। বিশেষতঃ বুড়ু স্থলে ভর্তি হয়েছে, বেবাব এখনও বাকী। সুতরাং তর্ক বিতর্কের মাঝপথে বুড়ু যখন মস্তাবি বা অন্য ছাত্রদের নজির উল্লেখ করে বেবাকে তখন বাধা হয়ে বোবা হতে হয় “বিশ্ব সাম্রাজ্যের কী ফাস্ট নয় সে বলেছে। তা’র চাইতে তুমি বেশী জান কিনা?” এ যুগের “ফাস্ট” তর্ক চলে না।

কিছু আঙুঠে ফস্ট কয়েক মতামত নয়। এ যে তা’র নিজের বিশ্বাস। এই ব্রেবা দমল না। “গেন জিতবে না, ঠিক জিতবে।” কিছু কণ্ঠে যেন সে-দৃঢ়তার আভাস পাওয়া গেল না। বুড়ু অপরিসীম তচ্ছল্যের সঙ্গে বলল “ইংরেজ জামানের সঙ্গেই পাবে না, আব পাববে জাপানের সঙ্গে।” “ও, হেঁসে হৃত হয়ে যাবে।”

“কে হালদে? ইংরেজের কত কামান বন্দুক কত এবোপ্লেন আছে জাপানীদের এবোপ্লেন?” “জাপানীদের এবোপ্লেন নেই।” হা হা হা এবোপ্লেন থেকে বোম! ফেলে ইংরেজের বিপালস আব প্রিন্স অব ওয়েলস ডুবিয়ে দিল কে শুনি? পাবল ইংরেজ জাপানীদের কিছু কবতে? ইংরেজের এবোপ্লেন তো সব ভাঙা, কী হয় তা দিয়ে?

“ইংরেজের এবোপ্লেন ভাঙা, মিনি সাহেব। ভাঙা যদি তবে আকাশে ওঠে কেমন করে?” ককণ কণ্ঠে আপীল জানালেন ইংরেজ হিতকাঙ্ক্ষিনী।

কিন্তু আমান জবাবের অপেক্ষা না করেই বুড়ু বলল, “ওঠে আব পড়ে যায়। কাল পত্রিকায় লেখনি ‘বিমান দুর্ঘটনা’? কলকাতায় এবোপ্লেন আকাশে উড়তে গিয়ে পড়ে গেছে। তাতে মানুষ মবেছে।”

অকাট্য প্রমাণ। শুধু ঘটনা নয়, এবোবাবে দিন তাবিখ পয়স্ত উল্লেখ। এব পরে তর্ক করা কঠিন। ওব শেষ চেষ্টা হিসাবে ক্ষীণ প্রতিবাদ করল বেবা। “দেখো ইংরেজ হাবাবে না।”

‘তুমি কত জানো। হাবাবে হাবাবে, হাবাবে। জাপানীরা চার্চিলকে হাতে পায়ে বেড়ি দিয়ে বেঁধে এনে তাবপব ক্ষুব দিয়ে গলা কাটবে। বলে, এমন বীবদর্শে প্রস্থান করল বুড়ু যেন জাপানী নয়, সে নিজেই চার্চিলের বন্ধনের উদ্যোগ কবতে গেল।

বেবা প্রায় কান্দ-কান্দ হয়ে বলল, “কত নয়, জাপানীরা পাববে না। পাববে মিনি সাহেব? তাকে কাছে টেনে নিয়ে বললেম, “না পাববে না। আব পাবলেই বা কী? বাধুক না চার্চিলকে আমাদের বেবা দিদিমণিকে তো আব বাধতে পাবছে না।”

‘ইংরেজ হেবে গেলে বিলনের কি হবে? বিলের বাবাকে ধবে নিয়ে যাবে, মাকে নিয়ে যাবে, জন, লুসী ও এ্যানী সবাইকে তো বেঁধে নেবে?’ বিল মানে প্রতিবেশী উইলিয়ম। বেবাদের পাশের ফ্ল্যাটের বাসিন্দা সিমস দম্পতির বারো বছরের ছেলে জন। লুসী ও এ্যানী তারই দুই বোন।

“তা নিক না ধরে বিল্দেরে। ওদের টাষী কুকুরটা আমাদের বিলাসিয়াকে সেদিন কামড়ে দিচ্ছিল যে।”

মাথা নেড়ে প্রবল আপত্তি প্রকাশ করল রেবা। বলল, “না ধরে নেবে না ওদের। বিল আমাকে চকোলেট দেয়, টফী দেয়। বলেছে একদিন তার সাইকেল চড়তে দেবে।”

ও হরি! এতক্ষণে বুটেনবাক্সীর প্রবল ইংরেজ-হিতৈষণার আসল কারণটা বোঝা গেল। চকোলেট, টফী, তার উপরে আবার সাইকেল চড়তে দেওয়ার আশ্বাস। এর পরেও ইংরেজের পরাজয় কল্পনা করা অত্যন্ত কৃতঘ্নতার পরিচয় হবে। বিশ্বাসের কিছুই নেই। ভারতবর্ষে ইংরেজ অনুরাগী যে ক’জন আছেন তাঁদের সবারই ঐ এক অবস্থা। চকোলেট, টফী না হোক, কারো চাকরি, কারো প্রমোশন, কারো বা রায়সাহেব, খানবাহাদুর বা সি. আই. ই. নাইটহুড খেতাব।

কিন্তু সুদূর প্রাচ্যের যুদ্ধ প্রসঙ্গে বাধা পড়ল। সতীক ঘোষ সাহেব হানা দিলেন। এই দম্পতিটির সঙ্গে আলাপ হয়েছে মাত্র দিন কয়েক। কিন্তু তাঁদের আন্তরিকতা অল্পকালের মধ্যেই অন্তরঙ্গতার সৃষ্টি করেছে। মিসেস বললেন, “চলুন ওখলায়।”

“সে কোথায়? পেরু না কামস্কাটকায়?”

“তার চাইতে কিছুটা কাছে। মথুরার পথে, এখান থেকে মাইল আটকে। ফিরতি পথে নিজামুদ্দিন দেখিয়ে আনব।”

ওখলা জায়গাটা একটা ধীরের মতো। যমুনার ধাবাকে একটি কৃত্রিম খালের মধ্যে দিয়ে ভিন্নমুখী করা হয়েছে সেখানে। সে-খাল বেঁটন করেছে এক টুকরো ভূমিখণ্ড। বৃক্ষবহুল, ছায়াচ্ছন্ন। একপাশে সরকারী সেচ বিভাগের দপ্তর, বাকীটা প্রমোদ-উদ্যান। খালের মুখ খোলা ও বন্ধ করার জন্য আছে লকগেট, তার উপরে প্রশস্ত সেতু। টান্সা ও মোটিব অনায়াসে যেতে পারে। ছুটির দিন দলে দলে লোক আসে পিকনিক করতে। ওখলা নয়াদিল্লীর বটানিকস।

স্থানটি মনোরম। চারিদিকের ধূসর রুক্ষ ও ধূলিকীর্ণ দেশে একটুখানি স্নিগ্ধ, শ্যামলতাব আমেজ মেলে। যমুনার অগভীর প্রবাহ খালের দিকে প্রসারিত করার জন্য দীর্ঘ বাধ। তার উপর দিয়ে উপচায়মান শুভ্র জলধারা গড়িয়ে পড়ছে ওপাশে। বেদীর মতো পাথর দিয়ে বাধানো সেখানটা। চাষীদের ছেলেরা কাপড় দিয়ে মাছ ধরায় ব্যস্ত। খালের মুখে ছিপ ফেলে বসে আছেন দু’একজন সাহেব-ঘন্টার পর ঘন্টা। তাঁদের ধৈর্য বিপুল এবং আশা সীমাহীন। গাছের নিচে ফরাস বিছিয়ে বসেছেন কোন শেঠ, প্রসাদ বা গুপ্তজী। চৌরী বাজারে বিবাট লোহার আডং। সারা সপ্তাহ হিন্দর হিসাবে লোহা বেচে অর্থ উপায় করেছেন প্রচুর। রবিবাবে এসেছেন প্রমোদ-ভ্রমণে। সঙ্গে এসেছে বিপুলকায় গৃহিণী, আধডজন পুত্রকন্যা, গোটা চারেক বৃহদাকার টিফিন-কেরিয়ার, জলের সোরাই, আলবোলা ও ভূতা।

এসেছে কাঁধের উপরে পিতলের চাকতি বসানো খার্কী গায়ে ইংরেজ, ক্যানাডিয়ান বা অস্ট্রেলিয়ান ক্যাপ্টেন। বাহুসংলগ্না ফিরিস্কী বাক্সবী। স্কন্ধে চামড়ার ফিতে দিয়ে লম্বমান ফটোগ্রাফের ক্যামেরা। প্রকাশ্যে দিবালোকে তাদের প্রণয়কাণ্ডের উৎকট আভিষেক দেখে মাঝে মাঝে লজ্জিত হতে হয় দর্শকদেরই।

স্বদেশে ইংরেজকে কখনও দেখিনি এমন মাত্রাজ্ঞানহীন। শনিবার বিকেলে পিকাডিলীতে দেখছি প্রণয়ীযুগলের দল। কপোত কপোতী যথা উচ্চ বৃক্ষ চূড়ে। তাদের থান্ডেন্ডেন্স সঠিক ভটপন্নীর বিধানানুযায়ী নয় বটে, কিন্তু তবুও অদৃশ্য, অলিখিত একটা রেখা টানা আছে যা লঙ্ঘন করে না কেউ। সে রেখা সুনীতির নয়, সুরচির। ডিসেলীকে ইংরেজ ভালবাসে মনে প্রাণে। ইণ্ডিসেন্ট বলার বাড়ি গাল নেই ইংলান্ডে। হাবিশ মাইল জল পার হলেই কন্টিনেন্টে দেখা যায় না এ রুচিবোধ। শালীনতার অঙ্গুলি-নির্দেশকে সেখানে তরুণ-তরুণীরা ব্জাজুলি দেখায় অকুণ্ঠিত চিত্তে।

শাত সমুদ্র তের নদী পল্ল হয়ে এসেছে যে-ইংরেজ, সে ঐ সুরচির রেখাটির কথা ভুলে গিয়েছে নিঃশেষে। ব্রিটেনের বইরে ব্রিটিশ কলঙ্কের কদর্য কাহিনী আছে Somerset Maugham-এর যন্ত্রে ভুরি ভুরি। পালানো ভ্রমণে সঞ্জীবচন্দ্র এক জায়গায় লিখেছেন, বনোরা বনে

সুন্দর, শিশুরা মাতৃকোড়ে। ব্রিটেন-অরণ্যের বাইরে ইংরেজকে দেখলে সংশয়ের অবকাশ থাকে না ডার্কইন-তবে।

ভারতবর্ষে ইংরেজের এই নির্লজ্জ উচ্ছৃঙ্খলতার প্রধান কারণ এই যে, চার পাশের দর্শকদের ওরা মানুষ বলেই গণ্য করে না। আমরা ওদের সম্বন্ধে কী ভাবি না ভাবি তা নিয়ে ওদের কোনো মাথাবাথা নেই। নেই আমাদের সামনে ভদ্র আচরণের দায়িত্ব। আরও একটা কারণ আছে, সেটা গভীরতর। এদেশে ইংরেজ তার পরিবার ও সমাজ থেকে একেবারেই বিচ্ছিন্ন। এখানে সে বন্ধাহীন অশ্ব। সে যেন কলকাতার মেসে থাকা মফঃস্বলের ধনী জমিদারনন্দন! পিছনে অভিভাবকের এতটুকু নেই রাশ, হাতে টাকা আছে রাশি রাশি।

দুটি ইংরেজ দম্পতি এসেছেন নয়াদিল্লী থেকে সাইকেল চেপে এই দারুণ গ্রীষ্মে। স্নানার্থে। নদীতে জল কোথাও বৃকের উপর নয়, কিন্তু স্বচ্ছ। তারই মধ্যে ঘটা কয়েক ধরে তাঁদের সম্ভরণ অর্থাৎ সম্ভরণের চেষ্টা চলল সোৎসাহে। ওপারে বালুচবে যে মৎস্যখী বকের দল ধ্যানমগ্ন সন্ন্যাসীর ন্যায় নিশ্চল নিথর, জলের উপর নিবদ্ধদৃষ্টি দাড়িয়ে শিকারের প্রতীক্ষা করছিল, স্নানার্থীদের সশব্দ জলক্রীড়া ও কলহাস্যে তাদের স্বৈর্য ক্ষুণ্ণ হলো। সচকিত হয়ে বারংবার তারা স্থান পরিবর্তন করতে লাগল।

স্ত্রী-পুরুষে এই মিলিত স্নানপর্বটা তেমন রুচিকর নয় আমাদের দেশে। প্রাচীনপন্থীদের কথা ছেড়েই দিলেম। আহায়ে বিহারে শয়নে স্বপনে খাঁরা ইংরেজের অনুগামী তাঁদের মধ্যেও মেয়েরা এটা খুব স্বচ্ছন্দচিত্তে গ্রহণ করতে পারেন না। ক্লাবে জিন বা ভারমুখ পান করে পরপুরুষের সঙ্গে ওয়লজ নাচতে খাঁদের বাধে না, তাঁরাও সহস্রানটা খুব প্রীতির চোখে দেখেন না।

স্থির চিত্তে বিচার করলে বোঝা যাবে, এর মূলে আছে আমাদের সংস্কার। কিন্তু সংস্কারের মুক্তি তো যুক্তি দিয়ে হয় না, যেমন বুদ্ধি দিয়ে জয় হয় না ভূতের ভয়। সংস্কার রাতারাতি পরিহার করতে হলে চাই বিপ্লব, রয়ে-সয়ে করতে হলে চাই অভ্যাস।

আমাদের প্রাচীন সমাজে নরনারীর একটা সম্মিলিত সত্তা খুব স্পষ্টরূপে স্বীকৃত নয়। উভয়ের ক্ষেত্র পৃথক, পরিবেশ বিভিন্ন এবং কর্তব্য আলাদা। একমাত্র ধর্মোচরণ ব্যতীত স্ত্রী-পুরুষের একত্র করণীয় কিছুই উল্লেখ্য আমাদের শাস্ত্রে নেই। অর্জুনের রথে সুভদ্রার সাবথিত্যকে বাদ দিলে সমগ্র পুরাণ, কাব্য ও সাহিত্যে স্বামী-স্ত্রীর মিলিত কর্মের দ্বিতীয় উপাখ্যান মিলে না। সাবিত্রী সত্যবানের সঙ্গে নিয়েছিলেন কাঠ কুড়োতে নয়, স্বপ্নে দেখা অমঙ্গলের ভয়ে। সেকালে পুরুষেরা কুরত যজ্ঞ, যাজ্ঞ, অধ্যাপনা, হলকর্ষণ ও বাণিজ্য। মেয়েরা করত গো-ব্রাহ্মণের সেবা, রন্ধন ও গৃহমার্জনা। উভয়েই মধ্যে সাক্ষাতের সময় ও সুযোগ ছিল সঙ্গীর্ণ এবং অনেক ক্ষেত্রে একমাত্র নিশীথে শয়্যাগৃহের স্বল্পপরিসর অবকাশের মধ্যেই তা নিবদ্ধ ছিল।

আমাদের একান্নবলী পরিবার-প্রথাও স্বামী-স্ত্রীর সর্বব্যাপী যোগাযোগকে বাধাগ্রস্ত করেছে পদে পদে। সেখানে স্বামী এবং স্ত্রী একটা বৃহৎ সংসারযন্ত্রের স্ক্রু বা কটু মাত্র, উভয় মিলে আপনাতে আপনি সম্পূর্ণ একটা সৃষ্টি নয়। সরগমের তারা আলাদা দুটি সুর; দুয়ে মিলে একটি অখণ্ড সঙ্গীত নয়। চৌধুরী বাড়ির মেজগিল্লী পারেন না বাড়ির আর তিনটি জা ও পাঁচটি ননদকে রেখে একা স্বামীর সঙ্গে সিনেমায়, কিংবা গঙ্গার ধারে হাওয়া খেতে যেতে। বঠাকুরের মনেও আসবে না একা বড়গিল্লীকে দার্জিলিং কি সিমলা পাহাড়ে বেড়িয়ে আনার কথা।

নরনারীর মিলিত অস্তিত্বের ধারণাটি আমাদের সমাজে অধুনাজাত। স্ত্রী পুরুষের পৃথক সত্তা পুরোপুরি মেনে নিয়েও উভয়ের মিলিত জীবনের একটি সমগ্ররূপ সম্প্রতি আমরা উপলব্ধি করতে শুরু করেছি এবং স্বীকার করতে দোষ নেই যে এ জ্ঞান আমরা যুরোপের কাছ থেকে পেয়েছি। এখনও পুরুষ দশটা-পাঁচটায় আশিস করে, আদালতে যায়, ব্যবসা-বাণিজ্য চালায় এবং মেয়েরা ঘরকন্নার তত্ত্বাবধান করে, সন্দেহ নেই। কিন্তু দু'পক্ষের রেম্পনসিবিলিটি আলাদা হলেও পলিসির যোগ থাকে। এ যুগের স্ত্রীরা আদার ব্যাপারী হয়েও স্বামীদের জাহাজের খবর রাখেন।

গৃহ এখন কেবলমাত্র স্ত্রীর প্রয়োজন ও স্বাচ্ছন্দ্যের বিচারেই গঠিত নয়। বাইরে পুরুষের বন্ধুত্ব, সামাজিকতা ও অবসর বিনোদনও শুধু স্বামীর নিজস্ব অভিকৃতির দ্বারা নিয়ন্ত্রিত নয়।

প্রাগৈতিহাসিক যুগের অতিকায় জীবজন্তুর মতো বর্তমানে একান্নবতী পরিবার লুপ্ত হচ্ছে ধীরে ধীরে। স্বামী, স্ত্রী ও দু'চারটি ছেলেমেয়ে নিয়ে যে নাতিবৃহৎ সংসার, তাতে স্বামীর স্থান গৃহকর্তার। সে স্ফায়ে পুরুষোন্মাদ। সে গৃহে স্ত্রীর পরিচয়ও মেজ, সেজ বা ছোট বউ রাপে নয়, আপন সাম্রাজ্যের সম্রাজ্ঞীরূপে।

অনেকেই ভুলে যান যে, স্বামী-স্ত্রীর মিলিত জীবনের পরিপূর্ণতাও প্রয়াসের অপেক্ষা বাধে,—সেটা আকস্মিক নয়। বিবাহ সে পরিপূর্ণতার লাইফ ইনসিওরেন্স নয়, গ্যারান্টি তো নয়ই। সে শুধু মীনস, সে যেও নয়। সামাজিক স্বীকৃতি ও আইনগত অধিকার দিয়ে বিবাহ স্ত্রী-পুরুষের মিলনের ক্ষেত্রটিকে সুপারিসর ও নির্বিশ্ব করে মাত্র। তাকে সফল করতে হয় উভয় পক্ষের সযত্ন চেষ্টায়, নিরলস সাধনায়। আগে প্রেম ও পরে বিবাহকে যারা সমস্ত দাম্পত্য সমস্যাব সমাধান জ্ঞান করতেন, তাঁরা এখন ঠেকে শিখেছেন যে, কোর্টশিপ করে বিয়েও ফুল-শ্রুফ নয়, যেমন নয় ইন্টারভিউ দিয়ে কর্মচাষী নিয়োগ।

স্বামী এবং স্ত্রী দিনে দিনে একে অন্যকে প্রভাবান্বিত করে আপন রুচির দ্বারা, অভ্যাসের দ্বারা এবং মতবাদের দ্বারা। পবম্পরকে গঠন করে নিজ অভিলাষানুযায়ী, সৃষ্টি করে পলে পলে। এই দেওয়া নেওয়া, ভাঙা গড়া চলে অলক্ষ্যে অজ্ঞাতে এবং অনেকটা অবিসংবাদে। সেটা সুগম হয় নিকটতম সান্নিধ্যের দ্বারা। সান্নিধ্য শুধু গৃহে নয়, বাইরেও।

মানুষের মন বহু-বিচিত্র, তার পরিচয়ের নাই শেষ। তার সত্তা খুব নয়, পরিবেশের পরিবর্তনে তার প্রকাশ হবে বিভিন্ন। স্ত্রী স্বামীকে চিনবে নানা পরীক্ষায়, উৎসবে বাসনে চৈব দুর্ভিক্ষে বাহুবিলম্বে। স্বামী স্ত্রীকে আবিষ্কার করবে তিল তিল করে নিত্য নব আবেষ্টনে, যেমন মণিকাব হীরা, পাশা, মুক্তাকে করে নতুন ডিজাইনের বাল্যতে, চূড়িতে, চন্দ্রহারে। সূতবাং স্ত্রী যদি জলকেলির সঙ্গিনী হন, তবে তাকে এমন একটি বিশিষ্টকপে পাই, যা সকাল বেলার সধম চায়েব পেয়ালা-হস্তে প্রতীক্ষমানা গৃহিণীর মধ্যে নেই। স্ত্রীকে নাচঘবে অপবের বাহুল্য দেখে যারা রাগ না করেন, তারা তাকে স্নানের সহচরী পেলে দুঃখিত হবেন কেন? নারীদেহ সুইমিং কস্টিউমে দেখলেই শকড হবেন এযুগে মার্কিন সিনেমা দেখে যারা চোখ পাকিয়েছেন তাদের মধ্যে নিশ্চয়ই এমন কেউ নেই।


ঘোষজায়া প্রতিশ্রুতি বক্ষা করলেন। ফিরবার পথে মোটর থামালেন নিজামুদ্দিনের দবজায়। দরজা খুলে গেল ইতিহাসের এক অনদীত অধ্যায়ের।

পাঠান সম্রাট আলাউদ্দিন খিলজী তৈবী করবেছিলেন একটি মসজিদ সেদিনকার দিল্লীর এক প্রান্তে। তাঁব মৃত্যুর দীর্ঘকাল পরে একদা এক ফকির এলেন সেই মসজিদে। ফকির নিজামুদ্দিন আউলিয়া। স্থানটি তাঁব পছন্দ হলো। সেখানেই রয়ে গেলেন এই মহাপুরুষ। ক্রমে প্রচারিত হলো তাঁর পুণ্যখ্যাতি। অনুরাগী ভক্তসংখ্যা বেড়ে উঠল দ্রুত বেগে।

স্থানীয় গ্রামের জলাভাবের প্রতি দৃষ্টি আকৃষ্ট হলো তাঁর। মনস্থ করলেন খনন করবেন একটি দীঘি যেখানে ভূকর্তা পারে জল, গ্রামের বধুরা ভরবে ঘট এবং নামাজের পূর্বে প্রক্ষালন দ্বারা পবিত্র হবে মসজিদে প্রার্থনাকারীর দল। কিন্তু সংকল্পে বাধা পড়ল অপ্রত্যাশিতকপে। উদ্দীপ্ত হলো রাজরোষ। প্রবল পরাক্রান্ত সুলতান গিয়াসুদ্দিন তোগলকের বিরক্তিতাজন হলেন এক সামান্য ফকির দেওয়ানা নিজামুদ্দিন আউলিয়া।

তোগলক রাজবংশের প্রতিষ্ঠাতা গিয়াসুদ্দিনের পিতৃপরিচয় কৌলিন্য-যুক্ত নয়। ক্রীতদাসরূপে তাঁর জীবন আরম্ভ। কিন্তু বীর্য এবং বুদ্ধিব দ্বারা আলাউদ্দিন খিলজীর রাজত্বকালেই গিয়াসুদ্দিন নিজেকে প্রতিষ্ঠিত করেছিলেন একজন বিশিষ্ট ওমরাহরূপে। সম্রাটের 'মালিক'দের মধ্যে তিনি হয়েছিলেন অন্যতম।

আলাউদ্দিনের মৃত্যুর পরে ছয় বছর পরে রাজত্ব করল দুজন অপদার্থ সুলতান, যারা আপন অক্ষম শাসনের দ্বারা দেশকে বৈধিহীন করে ফেলেছিলেন। প্রায় প্রাপ্ত সীমানায়। গিয়াসুদ্দিন তখন পাঞ্জাবের শাসনকর্তা। এমন সময় খসরু খান দিল্লীতে এক ধর্মত্যাগী অস্বাভাবিক হিন্দু দখল করল



দিল্লীর সিংহাসন। গিয়াসুদ্দিন তাঁর সৈন্যদল নিয়ে অভিযান করলেন পাজাব থেকে দিল্লী, পরাজিত ও নিহত কবলেন খসরু খানকে, সগৌরবে নিজেকে প্রতিষ্ঠিত করলেন বাদশাহী হক্কে।

গিয়াসুদ্দিনের দৃঢ়তা ছিল, শক্তি ছিল, রাজ্যশাসনের দক্ষতা ছিল। কিন্তু ঠিক সে অনুপাতেই তাঁর নিষ্ঠুরতাও ছিল ভয়াবহ। একদা দায়িত্বজ্ঞানহীন লোকের অসাধারণী রসনায় রটনা শোনা গেল গিয়াসুদ্দিনের মৃত্যুর। সুলতানের কানেও পৌঁছল সে ভিত্তিহীন জনবব। কিছুমাত্র উত্তেজনা প্রকাশ না করে সুলতান আদেশ করলেন তাঁর সিপাহসালারকে, “লোকে আমাকে মিথ্যা বলছে করেছে, কাজেই আমি তাদের সত্যি কবাব পাঠাতে চাই।” অগণিত হতভাগ্যের ক্রীণাস্ত ঘটল নিমেষে! গোরস্থানে শবভুক পশু-পক্ষীর হলো মহোৎসব।

কিন্তু গিয়াসুদ্দিনের বিচক্ষণতা ছিল। সেকালে মুঘলদেব আক্রমণ এবং তার আনুযায়িক হতাকাণ্ড ও লুণ্ঠন ছিল উত্তর ভারতের এক নিরন্তর বিভীষিকা। গিয়াসুদ্দিন তাদের আক্রমণ ব্যর্থ করতে পড়েন করলেন নতুন নগর, তৈরি কবলেন নগর ঘিরে দুর্ভেদ্য প্রাচীর এবং প্রাচীরদ্বারে দুর্জয় দুর্গ। একদিকে ক্ষুদ্র পর্বত আর একদিকে প্রাচীর বেষ্টিত নগরী, মাঝখানে খনিত হলো বিশাল জলাশয়। বর্ষার দিনে শৈলশিখর থেকে ধারাস্রোতে জল সঞ্চিত হতো এই জলাশয়ে : সংবৎসরের পানীয় সম্পর্কে নিশ্চিত আশ্বাস থাকতো প্রজাপুঞ্জের।

ফকির এবং সুলতানে সংঘর্ষ ঘটলো এই নগর নির্মাণ, কিংবা আরও সঠিকভাবে বললে বলতে হয় নগরপ্রাচীর নির্মাণ উপলক্ষ করেই।

নিজামুদ্দিন আউলিয়ার দীর্ঘি কাটাতে মজুর চাই প্রচুর। গিয়াসুদ্দিনের নগর তৈরী করতেও মজুর আবশ্যক সহস্র সহস্র। অথচ দিল্লীতে মজুরের সংখ্যা অত্যন্ত পরিমিত, দুর্জায়গায় প্রয়োজন মিটানো অসম্ভব। অত্যন্ত স্বাভাবিক যে, বাদশাহ চাইলেন মজুরেরা আগে শেষ করবে তাঁর কাজ, ওতক্ষণ অপেক্ষা করুক ফকিরের খয়বাতী খনন। কিন্তু বাজার জোর অর্থের, সেটা পবিমাপ করা যায়। ফকিরের জোব হুদয়ের, তার সীমা শেষ নেই। মজুরেরা বিনা মজুরিতে দলে দলে কাটতে লাগলো নিজামুদ্দিনের ওলাও। সুলতান হুঙ্কার ছেড়ে বললেন,—“তবে রে—”

কিন্তু তাঁর ধর্মান আকাশে মিলাবাব আগেই এতলা এল আশু কর্তব্যের। বাংলাদেশে বিদ্রোহ দমন করতে ছুটেতে হলো সৈন্য সামন্ত নিয়ে।

শাহজাদা মহম্মদ তোগলক রইলেন রাজধানীতে রাজ-প্রতিভূকপে। তিনি নিজামুদ্দিনের অনুরাগীদের অন্যতম। তাঁর আনুকূল্যে দিবারাত্রি খননের ফলে পরহিতব্রতী সম্মাসীর জলাশয় জলে পূর্ণ হলো অর্নতিবিলম্বে। তোগলকবাদের নগর-প্রাচীর রইল অসমাপ্ত।

অবশেষে সুলতানের ফিরবার সময় হলো নিকটবর্তী। প্রমাদ গণনা করল নিজামুদ্দিনের অনুবাসীরা। তাবা ফকিবকে অবিলম্বে নগর ত্যাগ করে পলায়নের পরামর্শ দিল। ফকির মৃদু হাস্যে তাদের নিবস্ত করলেন,—“দিল্লী দূর অস্ত।” দিল্লী অনেক দূর।

প্রতাহ যোজন পথ অতিক্রম করছেন সুলতান। নিকট হতে নিকটতর হচ্ছেন বাজধানীর পথে। প্রতাহ উত্তরা অনুনয় করে ফকিরকে। প্রতাহ একই উত্তর দেন নিজামুদ্দিন,—দিল্লী দূর অস্ত।

সুলতানের নগর প্রবেশ হলো আসন্ন, আর মাত্র একদিনের পথ অতিক্রমণের অপেক্ষা-পাখ্যাকুল হয়ে শিষ্য প্রশিষ্যেবা অনুনয় করল সম্মাসীকে, এখনও সময় আছে, এই বেলা পালান। গিয়াসুদ্দিনের ক্রোধ এবং নিষ্ঠুরতা অবিস্মৃত ছিল না কারো কাছে, ফকিরকে হাতে পেলে কী দশা হবে তাঁর সে কথা কল্পনা করে তারা ভয়ে শিউরে উঠল বারংবার। স্মিত হাস্যে সেদিনও উত্তর করলেন বিগতভয় সর্বভাগী সম্মাসী,—“দিল্লী হনুজ দূর অস্ত।” দিল্লী এখনও অনেক দূর। হাতে জপের মালা ঘোরাতে লাগলেন নিশ্চিন্ত ঔদাসীন্যে।

নগরপ্রান্তে পিতার অভ্যর্থনার জন্য মহম্মদ তৈরী করেছেন মহার্ঘ মণ্ডপ। কিংখাপের সামিয়ানা। জরীতে, জহরতে, ঝলমল। বাদ্যভাণ্ড, লোকলব্ধর, আমীর ওমরাহ মিলে সমারোহের চরমতম আয়োজন। বিশাল ভোজের ব্যবস্থা, ভোজের পরে হস্তিযুদ্ধের প্রদর্শন-প্যারেড।

মণ্ডপের কেন্দ্রস্থলে ঈষৎ উন্নত ভূমিতে বাদশাহের আসন, তার পাশেই তাঁর উত্তরাধিকারীর। পরদিন গোখুলি বেলায় সুলতান প্রবেশ করলেন অভ্যর্থনা মণ্ডপে। প্রবল আনন্দোচ্ছ্বাসের মধ্যে আসন গ্রহণ করলেন। সিংহাসনের পাশে বসালেন নিজ প্রিয়তম পুত্রকে। কিন্তু সে মহম্মদ নয়, তার অনুজ।

ভোজনান্তে অতি বিনয়বানত কণ্ঠে মহম্মদ অনুমতি প্রার্থনা করলেন সম্রাটের। জাহাপনার কুকুম হলে এবার হাতির কুচকাওয়াজ শুরু হয়, হস্তিযুথ নিয়ন্ত্রণ করবেন তিনি নিজে। গিয়াসুদ্দিন অনুমোদন করলেন স্মিতহাস্যে।

মহম্মদ মণ্ডপ থেকে নিজান্ত হলেন ধীর শাস্ত পদক্ষেপে।

কড় কড় কড় কড়াৎ।

একটি হাতির শিবসঞ্চালনে স্থানচ্যুত হলো একটি স্তম্ভ। মুহূর্ত মধ্যে সশব্দে ভূপতিত হলো সমগ্র মণ্ডপ।

চারদিকে ছড়িয়ে পড়ল অসংখ্য কাঠের থাম। চাপাপড়া মানুষের আঁত কণ্ঠে বিদীর্ণ হলো অজ্ঞকার রাত্রির আকাশ। ধুলায় আচ্ছন্ন হলো দৃষ্টি। তীত সচকিত ইতস্ততঃ ধাবমান হস্তিযুথের গুরুভার পদতলে নিপীড়িত হলো অগণিত হতভাগ্যের দল। এবং সে-বিশ্রান্তকারী বিশৃঙ্খলার মধ্যে উদ্ধারকামীরা ব্যর্থ অনুসন্ধান করল বাদশাহের।

পরদিন প্রাতে মণ্ডপের ভগ্নস্বপ সরিয়াে আবিষ্কৃত হলো বৃদ্ধ সুলতানের মৃতদেহ। যে প্রিয়তম পুত্রকে তিনি মনোনীত করেছিলেন মনে মনে, তার প্রাণহীন দেহের উপরে সুলতানের দুই বাহু প্রসারিত। বোধ করি আপন দেহের বর্মে রক্ষা করতে চেয়েছিলেন তাঁর স্নেহাস্পদকে।

সমস্ত ঐহিক ঐশ্বর্য প্রতাপ ও মহিমা নিয়ে সপুত্র গিয়াসুদ্দিনের শোচনীয় জীবনান্ত ঘটল নগরপ্রান্তে। দিল্লী রইল চিরকালের জন্য ঠাব জীবিত পদক্ষেপেব অতীত।

দিল্লী দূর অস্ত। দিল্লী অনেক দূর।

চার

নিজামুদ্দিনের দরগায় প্রবেশ করে আজও প্রথমেই চোখে পড়ে আউলিয়া খনিত পুকুর। তার পাশ দিয়ে অঙ্গাঙ্গল এক প্রশস্ত চত্বরে যার মাঝখানে সমাধিস্থ হয়েছে ফকিরের দেহ। সমাধির উপরে ও আশেপাশে হয়েছে সুদৃশ্য ভবন ও অলিন্দ। উত্তরকালে সম্রাট সাজাহান সমাধির চারদিকে ঘিরে তৈরী করেছেন শ্বেত পাথরের খিলান; প্রাঙ্গণ বেষ্টিত করেছেন সুন্দর কারুকার্য-খচিত জালিকাটা পাথরের দেয়ালে। দ্বিতীয় আকবর রচনা করেছেন সমাধির উপরিস্থ গম্বুজ। ফকিরের পুণ্য নামের সঙ্গে আপনাকে যুক্ত করে নিজেকে তাঁরা ধনা জ্ঞান করেছেন।

গিয়াসুদ্দিনের রাজধানী তোগলকাবাদ আজ বিরাট ধ্বংসস্বপে পরিণত। বি. বি. সি. আই. রেলওয়ে লাইন গেছে তার উপর দিয়ে। একমাত্র প্রত্নতাত্ত্বিকের গবেষণায় এবং টুরিস্টদের দ্রষ্টব্য হিসাবে আজ তার গুরুত্ব। নিজামুদ্দিনের দরগায় আজও মেলা বাসে প্রতি বছর। দূর দূরান্ত থেকে পুণ্যকামীরা আসে দর্শনকাঙ্ক্ষায়। সেদিনের রাজধানী তার অভ্রভেদী অহংকার নিয়ে বহুদিন আগে মিশেছে ধুলায়; দীন সন্ন্যাসীর মহিমা পুরুষানুক্রমে ভক্তজনের সশ্রদ্ধ অন্তরের মধ্য দিয়ে রয়েছে অল্পান। তার আকর্ষণ দূরকালে প্রসারিত।

হিন্দুর অস্তিম অভিলাষ গঙ্গাতীরে দেহরক্ষার ন্যায় শত শত বর্ষ ধরে দিল্লীর বিস্ত্রাশালীরা কামনা করেছেন আউলিয়ার কবরের নিকটে সমাধিস্থ হতে, চেয়েছেন জীবনান্তে 'মীর মজলীসে'র সান্নিধ্য। তাই তার আশেপাশে আছে সংখ্যাভীত আমীর ওমরার সমাধি। তারই মধ্যে একটি গর্ভে আছে কবি আমীর খসরুর দেহাবশেষ।

খসরুর প্রতিভা ছিল বিস্ময়কর; খ্যাতি ছিল বহুবিস্তৃত। দিল্লীর কবিগোষ্ঠীতে তিনি ছিলেন অনন্যসাধারণ। আলাউদ্দিন খিলজীর কাব্যরসিক পুত্র খিজির খানের সঙ্গে তাঁর স্বাদাতা ছিল গভীর। আপন অনুপম ছন্দে গ্রন্থিত করে খিজির খানের বীরত্ব-কাহিনীকে তিনি কালজয়ী অমরত্ব দান করে গেছেন।

নিজামুদ্দিনের সংলগ্ন সমাধিক্ষেত্রে আর একজন কবি রয়েছেন চিরনিদ্রিত, যার রচনা আজও উর্দু সাহিত্যে অজাতশত্রু। কবি গালিবের সমাধিটি আড়ম্বরহীন, সাধারণ প্রস্তর-বেদিকায় মাত্র আবৃত। উনবিংশ শতাব্দীর উর্দু সাহিত্য অন্মল রেখেছে তাঁর স্মৃতি, কাবো ও গাথায়। জগতে বহু ঐশ্বর্যময় সৌখ রচিত হয় অক্ষম ব্যক্তিদের সমাধির উপরে। কিন্তু কবিপারে ভার থাকে নিজ মেমোরিয়ালের।

হিন্দু যুগে রেওয়াজ ছিল না স্মৃতিসৌধের। তার কারণ মরলোকের চাইতে পরলোকের দিকে হিন্দুদের দৃষ্টি ছিল বেশী। তাই স্থানে দালান খাড়া করে প্রিয়জনের স্মৃতি অক্ষয় করার কথা কখনও তাদের মনে হয়নি। মৌর্যরাজদের আমল থেকে পৃথ্বীরাজ পর্যন্ত কোনো হিন্দু রাজা রাখেননি কোনো স্মৃতি-সৌধ। রাজপুত রাজনোরা গড়েননি কোনো এতমদ্দৌলা, সফদারজঙ্গ বা হুমায়ুন'স টুঘ। তাঁরা জলাশয় খনন করেছেন, মন্দির স্থাপন করেছেন, ভূমিদান, গোদান করেছেন ব্রাহ্মণকে। সমস্তই জগৎ-হিতায়। অশোক যে স্তম্ভ বচনা করেছিলেন, তা নিজ কীর্তি ঘোষণার জন্য নয়, জনশিক্ষার উদ্দেশ্যে। বুদ্ধ গড়েছিলেন চৈত্য ও বিহার সঙ্ঘের জন্য, শঙ্করাচার্য স্থাপন করেছেন মঠ বেদান্তচর্চার মানসে।

সে-যুগে হিন্দুর জীবনে শেষ কথা ছিল ভক্তি। সূর্যমুখী ফুলের মতো তার সমস্ত কর্ম, চিন্তা, ধ্যান, ধারণা, সাক্ষাৎ বা পরোক্ষভাবে ভগবানের নামে উর্ধ্বমুখীন। ঐহিক সম্পর্কে তারা যথেষ্ট গুরুত্ব দেয়নি। যখন কা তব কান্তা কস্তে পুত্র, তখন প্রেম দিয়ে আর হবে কী? মায়াময়মিদম অখিলং বিশ্বম। কাজেই পিতাকে হতে হয়েছে পরমং তপঃ, স্বামীকে হতে হয়েছে পতিদেবতা, স্ত্রীকে হতে হয়েছে সহধর্মিণী। নারী যে সহমতী হয়েছে তার কতটা প্রেমের আকর্ষণে আর কতটা পুণ্যলোভবশে তা বলা শক্ত। স্বয়ংবরা যারা হয়েছেন, তাঁরা প্রেমে পড়ে নয়। সংযুক্তা পৃথ্বীরাজের গলায় মালা দিয়েছিলেন তাঁর খ্যাতি ও বৈভবের জন্য যেমন একালের তরুণীরা আংটি পরিয়ে দেন আই. সি. এসের অঙ্গুলিতে।

মুসলমানেরাই আনল ভিন্ন জীবনাদর্শ। বৈরাগ্য সাধনে মুক্তি সে তাদের নয়। তারা পরকালকে খোড়াই পরোয়া করল, ইহকালকে করল সর্বস্ব। তারা জীবনকে করল ভোগ, কাঁদল, কাঁদালো এবং ভালোবাসল। তাই নারীর জন্য করল লুঠন, প্রেমের জন্য করল অপহরণ এবং প্রিয়জনের জন্য হনন ও বহু অপকর্ম সাধন। বলা বাছল্য, এর সবগুলি সমর্থনযোগ্য নয়। কিন্তু প্রেম কি কারও সমর্থনের অপেক্ষা রাখে? মেনে চলে নীতির অনুশাসন? অহল্যা করেছে সমাজের বা শাস্ত্রের সমর্থনের অপেক্ষা? মহাভারতের অর্জুন করেছে? বৃন্দাবনের কানু করেছে? করেছে রিজিয়া বেগম, মেরী ওয়ালেউল্লা বা লেডি হ্যামিটন?

মুসলমানেরা প্রিয়তম-প্রিয়তমার স্মৃতিকে করতে চেয়েছে স্কালজয়ী। রাখতে চেয়েছে স্মারকচিহ্ন। তাই সৌধ গড়েছে পিতার, পতির, পত্নীর এমন কি উপপত্নীর সমাধিতে। হিন্দুরা তপস্বী, তারা দিয়েছে বেদ ও উপনিষদ। মুসলমানেরা শিল্পী, তারা দিয়েছে তাজ ও রঙমহল। হিন্দুরা সাধক, তারা দিয়েছে দর্শন। মুসলমানেরা গুণী, তারা দিয়েছে সঙ্গীত। হিন্দুর গর্ব মেধার, মুসলমানের গৌরব হৃদয়ের। এই দুই নিয়েই ছিল ভারতবর্ষের অতীত : এই দুই নিয়েই হবে তার ভবিষ্যৎ। একটিকে বাদ দিলেই পাকিস্তান,—মিস্টার মহম্মদ আলি জিন্না না চাইলেও।

যাত্রাসহচরী দৃষ্টি আকর্ষণ করলেন একটি ক্ষুদ্র মর্মর সমাধির প্রতি। সেটি সপ্রাটদুহিতা জাহানারার।

ইতিহাসে সপ্রাট আলমগীরের শাসন বিধর্মীনিষ্ঠাতনের দূরপন্থে কলঙ্কে মলিন; সে-তথ্য স্কুলপাঠ্য পুস্তকে আছে। কিন্তু এই হৃদয়হীন অথচ অমিত-বিক্রম যোদ্ধা নৃপতির জীবন যে দুটি বিশিষ্ট উপদ্রুতা বন্দিদার উষ্ণ দীর্ঘশ্বাসে অভিষপ্ত ছিল, সে-কথা যথোচিত বিদিত নয় জগতে।

জাহানারা ও জেবুন্নেসা দু'জনেই ছিলেন আওরঙ্গজেবের অতি নিকটতম আত্মীয়া। একজন অনুজা, অপর জন আত্মজা। দু'জনেই ছিলেন রূপসী, দু'জনেই ছিলেন অসাধারণ নির্ভীক ও তেজস্বিনী। দু'জনেই চিরকুমারী এবং দু'জনেরই জীবনের সুদীর্ঘকাল কেটেছে আওরঙ্গজেবের কারাগারে।

কিন্তু আবও এক জায়গায় এই দুই দুর্ভাগিনীর মিল ছিল গভীরতর। তাবা দু'জনেই ছিলেন কবি। মুঘল যুগের মহিলা কবি।

জাহানাবার সমগ্র বচনা সম্বন্ধে রক্ষিত হয়নি। গহন অরণ্যে প্রস্ফুটিত পুষ্পের মতো প্রায় সনই লোকচক্ষুর অন্তরালে ধূলিতে হয়েছো বিলীন। দু'একটি মাত্র নিদর্শন আছে ইতস্ততঃ বিক্ষিপ্ত। জেব্বয়েসার কাব্যখাতি অধিকতর বিস্তৃত। 'জেব উল মুনাশায়াতে' সত্যিকার কাব্যপ্রতিভার চিহ্ন আছে। বিখ্যাত পাবলী কাব্যগ্রন্থ 'দিওয়ানে মখফীর' বচনটীকাপেও জেব্বয়েসার উল্লেখ আছে অনেক গ্রন্থে, যদিও পণ্ডিতরা সম্ভ্রান্তি সে-বিষয়ে সংশয় প্রকাশ করেছেন।

জাহানাবা আমাকে অকণ্ট করেছেন শৈশব থেকে। ইতিহাস পড়িবার পূর্বকালে সন তারিখে কণ্টকাকীর্ণ মুঘল কাহিনী কণ্ঠস্থ করার দুরূহ প্রয়াস কবোতম প্রাণপণে দীর্ঘরাত্রিবাপী। ঘুমে চোখেব পাতা আসতো জড়িয়ে, দেহ হত অলস, মাথা ঝিমিয়ে পড়তো ঢুলুনিতে। ওরই মধ্যে জাহানাবার উপাখ্যান পড়ে কল্পনায় আঁচ করার চেষ্টা কবোতম তাব চেহারায়।

প্রথম যৌবনে জাহানাবা বাদশাহ বেগমের মর্ষাদি ভোগ করেছেন বিপুল মর্দমায়। হারোমে করেছেন একাধিপত্য। অপ্রতিহত অনুগ্রহ ও শাসন বিতরণ করেছেন দুই হস্তে। কন্যাদের মধ্যে তিনি ছিলেন সাজাহানের প্রিয়তরা। তাব জন্য সম্রাট তৈবী করেছিলেন দিল্লী জুম্মা মসজিদ, ভারতের বৃহত্তম মুসলিম ভজনালয়।

জাহানাবার স্নেহভাজন ছিলেন এক বাদী। অতর্কিতে একদিন আগুন লাগল তার বসনে। সে আগুন নোভাতে গিয়ে শাহজাদী নিজে দগ্ধ হলেন সাংঘাতিকরূপে। বাজেব নানা জায়গা থেকে এল হাকিম, হলো নানারকম এলঃ। কিন্তু ফল হলো না কিছুই। সম্রাটনন্দিনীব জীবন নষ্টয় দেখা দিল।

বিচলিত সাজাহান এতলা দিলেন এক সাহেব চিকিৎসককে। গ্যাব্রিয়েল বাউটন। সুব্যটে ইংরেজ কুঠিব ডাক্তার। বাউটন বললেন, ওষুধ দিতে হলে বোগিনীকে চোখে দেখা চাই। শুনে সভাসদরা হতবাক হলেন। বলে কি ব্রোদব। শাহানশাহ বাদশাহেব জেননা মানে না কমবক্ত।

কিন্তু শেষ পর্যন্ত পিতৃস্নেহ জয়লাভ কবল সামাজিক প্রথাব উপরে। সাজাহান সম্মত হলেন বাউটনের প্রস্তাবে। অল্পকাল মধ্যে আযোগাল্যত করলেন জাহানাবা। তাব অনুবোধে সাজাহান বাউটনকে দিতে চাইলেন পুরস্কার, যা চাইবে তাই পাবে।

আভূমিনত কুণিণ করে বাউটন বললেন, নিজব জন্য কিছুই চাইনে, কনক্যার একশ' চ'লশ মাইল দক্ষিণে বানাগোবে ইংরেজেব কুঠি নৈমাণেব জন্য প্রার্থনা করব একটুকরো ভূমিখণ্ড ইংরেজকে দান করব এদেশে বিনা শুক্রে বাণিজ্যেব অধিকার।

বাউটনের প্রার্থনা মঞ্জুর হলো। স্বজাতিহিতেষণার এত বড় দৃষ্টান্ত আর একটি মাএ আছে আধুনিক কালে। সেটি ইহুদী বৈজ্ঞানিক ডক্টর কাইম ভাইজমানের।

উনিশ শ' ষোল সালে প্রথম মহাযুদ্ধের সঙ্কটজনক কাল, ইংলণ্ডে বিখ্যারক উৎপাদনের অপরিহার্য উপাদান অ্যাসিটোনের অভাব, তখন কৃত্রিম অ্যাসিটোন তৈরীর ভার নিলেন ম্যাক্সেস্টের ইউনিভার্সিটির এক অধ্যাপক। প্রধানমন্ত্রী লয়েড জর্জ বললেন, প্রফেসর, সমগ্র ব্রিটেনের ভাগ্য নির্ভর করছে তোমার সফলতা বিফলতার উপরে। আমি চাই তাড়াতাড়ি কাজ, তাড়াতাড়ি ফলাফল।

অধ্যাপক বললেন, তথাস্তু।

দিবারাত্রির অবিশ্রান্ত পরিশ্রমে সপ্তাহ কয়েকের মধ্যে আবিষ্কার করলেন কৃত্রিম অ্যাসিটোন। পলাজয়েব হাত থেকে রক্ষা করলেন ব্রিটেনকে এই বৈজ্ঞানিক অধ্যাপক ভাইজমান।

কৃতজ্ঞ লয়েড জর্জ তাঁকে ডেকে দিতে চাইলেন সর্বশ্রেষ্ঠ পুরস্কার।

ভাইজমান প্রত্যাখ্যান করলেন সবিনয়ে।

লয়েড জর্জ আবার জিজ্ঞাসা করলেন, পিয়ারেজ ? অর্থ ?

"কিন্তু নয়। একটি মাত্র যাজ্ঞ আছে আমার। আমার স্বজাতির জন্য চাই নির্দিষ্ট একটি দেশ, ইহুদীদের ন্যাশন্যাল হোম।"

কিছুকাল পরে বালকোর ঘোষণায় ইহুদীদের জন্য প্যালেস্টাইনে নির্দিষ্ট হলো জাতীয় বাসস্থান। অবশ্য কাগজেপত্রে। আজও প্রকৃত অধিকার স্থাপিত হলো না ইহুদীদের। বরং ইদনীয় কনসার্টেটিভা প্যালেস্টাইনে আরবদেরই কবচে চাইছেন সুযোগ্যী, মধ্য প্রাচ্যে ইংরেজ প্রভাব অদৃষ্ট বাখবাব প্রযোজনে। কৃতজ্ঞতা কথটা আছে ইংবেজের ভাষায়, সেই ইংরেজের চরিত্রে।

জাহানাবাব অনুগ্রহে ইংবেজেবা বাণিজ্য নিবন্ধন কবলেন ভালতবর্ষে, সাম্রাজ্যের ভিত্তি স্থাপনা করলেন সকলেব অলক্ষ্যে। সেই জাহানাবাব চবিত্রেই কলঙ্ক আবেপ করে ইতিহাস রচনা করেছে ইংবেজ। এতে বিশ্বিত হইনে। যে সিভিলিয়ান ভারতবর্ষের পেঙ্গনে স্ট্যাফোর্ডশায়ারে বাড়ি ইাকিয়ে আছেন, তিনিই ভারতের নিন্দা করেন সবচেয়ে জোব গলায়। লিওপোল্ড এমারীই ভারতবর্ষের স্বাধীনতার সবচেয়ে বড় শত্রু, কাবণ তার জন্ম গোবখপুবে।

জাহানাবাব জীবননাট্যের শেষ দৃশ্যগুলি বেদনাবিধুব।

সাজাহানেব পুত্রদের মধ্যে দাবাশিকো ছিলেন পিতার সর্বাপেক্ষা প্রীতিভাজন। কিন্তু তাঁব অনুরক্তি ছিল গ্রীস্ট ধর্মে। সেটা মুসলিম সমাজে জনপ্রিয়তার কাবণ নয়। পিতার অসুস্থতার সংবাদে সূজা সেনাসামন্ত নিয়ে বওনা হলেন দিল্লী অভিমুখে। বাবাগসীব যুদ্ধে দাবা তাঁকে করলেন পবাজিত। আওবঙ্গজের তখন মোবাদকে বললেন, এ হলনা চাটুনীময় পৃথিবীর কোনো কিছুতেই লোভ নেই তাঁব। তাঁবা দু'জনে মিলে দাবাকে পবাজিত কবলে সাজাহান যদি পরলোকগত হন—আল্লাব দেয়ায তিনি যেন সেবে ওয়েন—তবে দিল্লীব সিংহাসন হবে তাঁব অর্থাৎ মোরাদেব। মদাপ মোবাদেব প্রতীতি হলো এই আশ্বাসে। দাবা পবাজিত হয়ে পলায়ন করলেন পাজ্জাবে, এক উৎসব বরণেব অবসানে সুবামন্ত মোবাদ হলো বন্দী। আওবঙ্গজের নিজেকে ঘোষণা কবলেন সত্রাটিকপে। পিতা সাজাহানকে কয়েদ করে আবদ্ধ কবলেন আগ্রা দুর্গেব এক ক্ষুদ্র প্রকোষ্ঠে।

আওবঙ্গজের জাহানাবাকে দিতে চেয়েছিলেন বাদশাহ বেগমেব পদ। কিন্তু জাহানাবা প্রত্যাখ্যান কবলেন সে অনুবোধ। স্বৈচ্ছায় বরণ কবলেন সাজাহানেব সহ-বন্দীত্ব। পিতার পবিচর্যাব জ্ঞনা। চতুর্দিকে ক্রুব প্রবঞ্চনা, সীমাহীন বিশ্বাসঘাতকতাব ঘন প্রক্ষকাবেব মধ্যে সেদিন একমাত্র জাহানাবা বইলেন অচল, অটল, অকম্পিত দীপশিখাব মতো দীপ্তিময়। সাজাহানের দ্বিতীয় কন্যা গোশেনাবা আওবঙ্গজেরেব পক্ষ নিলেন, হলেন তাঁব প্রিয়পাত্রী দিল্লীব সিভিল লাইনেসে আছে তাঁব উদ্যান। সেখানে এ আমলে স্থাপিত হয়েছে গোশেনারা ক্লাব, দিল্লীর মণ্টিকার্লো। দশ টাকা পরয়েন্টে স্টেকে ব্রিড খেলাব খ্যাতি আছে তাঁব উত্তর ভাবেত।

দিনেব পব দিন গত হয়, মাসেব পব মাস। চক্রাকাবে আবর্তিত হয় ষড় ঋতু। গ্রীষ্ম গত হয় তাব উত্তাপ ও প্রভঞ্জন আতুতি নিয়ে। বর্ষাব মেঘকজ্জল দিবসেব দীর্ঘ ছায়া নামে যমুনাব কালো জলে। বর্ষণমুখব ব্যত্রিব বিদ্যুৎ চমকে উৎফুল্ল ভবনশিখীবা নৃত্য করে প্রাসাদেব মর্মব অলিন্দে। শবতেব আলো-ছায়া বিজড়িত প্রভাতে নদীতীরে কাশের বনে লাগে দোলা। হেমন্ত আনে কুহেলী; শীত দেয় হতাশাস। বসন্তে ফুলেব মঞ্জবী আন্দোলিত হয় শিবীয়েব শাখা প্রশাখায়। আগ্রাব প্রাসাদ প্রাচীরেব অস্তবালে জাহানাবাব বন্দী-জীবনে একটি করে বৎসব হয় বুদ্ধি, আয়ু থেকে খসে পড়ে-একটি করে বছর। কমহীন অবসরে শাহজাদী কবিতা বচনা কবেন আপন মনে।

একদা নিশীথকালে আওবঙ্গজেরেব কাছ থেকে সাজাহানেব কাছে এসে পৌছিল একটি সুদৃশ্য মোড়ক। পুত্র পাঠিয়েছে পিতাকে উপহাব। তবে কি অন্তঃপু পুত্রের ক্ষমা প্রার্থনার প্রথম নিদর্শন? আগ্রহকম্পিত হস্তে বুদ্ধ সাজাহান খুললেন মোড়ক। পবতেব পব পরত। খুলতে খুলতে শেষকালে হাত থেকে গাড়িয়ে পড়ল সাজাহানের প্রিয়তম পুত্র দাবাশিকোব খণ্ডিত মুণ্ড। সত্রাট মুহিত হয়ে পড়লেন জাহানাবাব অঙ্কে।

সাজাহানেব জীবনেব শেষ দিন পর্যন্ত জাহানারা রইলেন তাঁর পাশে। স্থবির পিতার পরিচর্যা করলেন অমিত নিষ্ঠা ও অবিচলিত ধৈর্যে। তাঁব মৃত্যুর পর প্রত্যাবর্তন করলেন দিল্লীতে। অবশেষে বমজানের এক পুণ্য তিথিতে মৃত্যুর শাস্তশীতল ক্রোড়ে মুক্তি লাভ করলেন বশিন্দী। তাঁরই ইচ্ছায় তাঁর দেহ সমাধিস্থ হলো ফকির নিজামুদ্দিন আউলিয়ার সমাধির পার্শ্বে। সে সমাধির

উপরে না রইল মণ্ডপ, না রইল আচ্ছাদন, না রইল ঐহিক ঐশ্বৰ্যের লেশমাত্র আভাস। শুধু তাঁরই স্বরচিত একটি কবিতা উৎকীর্ণ হলো তার গায়ে,—

“বেগায়র সবজা না পোশাদ কসে মাজারে মারা
কে কবর পোষে গড়িবান্ হামিন্ গিয়াহ বসন্ত।”

“একমাত্র ঘাস ছাড়া আর যেন কিছু না থাকে আমার সমাধির উপরে। আমার মতো দীন অভাজনের সেই তো শ্রেষ্ঠ আচ্ছাদন।”

পুণ্যশ্রোক নিজামুদ্দিন আউলিয়ার অনুগামিনী সাজাহান দুহিতা নব্বর জাহানারার এই তো যোগ্য সমাধি।

আসন্ন সন্ধ্যায় শান্ত নিস্তব্ধতায় শ্রদ্ধানব্র চিত্তে, সামনে এসে দাঁড়ালেম আমরা তিন দর্শনার্থী। কারো মুখে ছিল না কথা, কিন্তু মনে ছিল ভার।

নব শ্যাম দূর্বাদল ছেয়ে আছে ক্ষুদ্র নিরলঙ্কার সমাধি। নির্মল নীল আকাশ থেকে প্রত্যহ নিশীথে সঞ্চিত হয় বিন্দু বিন্দু শিশির, প্রভাতে স্পর্শ করে তরুণ অরুণের প্রথম কিরণ রেখা, সন্ধ্যায় ছড়িয়ে পড়ে গোখলি আলোকের সোনালী আভা। তারা কি পায় শতাধিক বর্ষ পূর্বে সমাধিস্থ সেই অঙ্গের ললিত সুবাস? পায় তাঁর সুকুমার বন্ধুর নীচে ভক্তিনত হৃদয়ের মৃদু স্পন্দন ধ্বনি?

পাঁচ

প্রভাতের সবচেয়ে বড় সেলেশন। স্থানীয় একটি সংবাদপত্রে বেরিয়েছে ক্রীপস্ প্রস্তাবের সারমর্ম। নিজস্ব সংবাদদাতার বিশ্বস্তসূত্রে পাওয়া বিবরণ। শোনা গেল, গবর্নমেন্ট বিচলিত হয়েছেন এ সংবাদ প্রকাশে। গোয়েন্দা বিভাগের বড় কর্তারা তদন্ত শুরু করেছেন সংবাদের সূত্র সম্পর্কে।

সাংবাদিক মহলে উত্তেজনার সৃষ্টি হলো। কারণ প্রস্তাবগুলির কিছুটা ঠাচ আমরা সবাই পেয়েছিলাম গত ক’দিন ধরেই। প্রকাশ করা হয়নি, জেস্টল্‌ম্যানস এগ্রীমেন্ট স্বরণ করে। ইংরেজ ও আমেরিকান সহ-সংবাদদাতারা অনুমান করলেন, ভাইসরয়’স কাউন্সিলের কোন মহামান্য সদস্যের কাছ থেকে বেরিয়েছে এ খবর।

জনশ্রুতি এই যে, ক্রীপস্ যে-দিন এলেন, বেলা সাড়ে বারোটো থেকে অনাহারে ভাইসরয়’স হাউসে তাঁর অভ্যর্থনার জন্য অপেক্ষা করেছিলেন এই মাননীয় সদস্যগণ। বেলা দুটোয় এলেন ক্রীপস্। লর্ড লিনলিথগো আলাপ করিয়ে দিলেন তাঁর সঙ্গে সারিবন্দী দণ্ডায়মান নিজ সহকর্মীদের। ক্রীপস্ করমর্দন করলেন সবার সঙ্গে, নিরাসক্ত কণ্ঠে আবৃত্তি করলেন, “হাউ ডু ইউ ডু?”

তারা আশা করেছিলেন নেতৃত্বের সঙ্গে সাক্ষাতের পূর্বে ক্রীপস্ তাঁর প্রস্তাব আলোচনা করবেন তাঁদের সঙ্গে, জানতে চাইবেন তাঁদের অভিমত। সেদিক দিয়েও হতাশ হলেন। ক্রীপস্ প্রস্তাবের সারমর্ম অনুদবাচিত রইল তাঁদের কাছে। আশ্চর্য নয় যে, তারা ক্ষুব্ধ হলেন। এল্লিকিউটিভ কাউন্সিলর হলেও, হাজার হোক, মানুষের শরীর তো! শোনা যায়, অবশেষে ভাইসরয়ের সুপারিশে বিগত রাতে ল্যাট প্রাসাদে অনুষ্ঠিত এক ভোজ-সভায় ক্রীপস্ তাঁর প্রস্তাবের চূড়ান্ত জানিয়েছেন তাঁদের। আজই প্রভাতে সংবাদপত্রের উৎসাহী নিজস্ব রিপোর্টারের জবানীতে ঘটল তার প্রকাশ। ধুম দ্বারা যদি পর্বতের বহিঃ অনুমান করা সম্ভব হয়, তবে বিদেশী সংবাদদাতাদের সন্দেহ একেবারে অগ্রাহ্য করা কঠিন।

সংবাদ ‘স্কুপ’ করার অধিকার সাংবাদিকের আছে। কিন্তু তারও একটা অলিখিত মাত্রা আছে। জাতির বা দেশের বৃহত্তর স্বার্থ যেখানে জড়িত, সেখানে সাংবাদিকের আপন বিবেক সেঙ্গর করে তার কপি। এডোয়ার্ড দি এইট্থের রাজ্য ত্যাগের ঘটনা মনে পড়ছে সুস্পষ্ট। মে মাস থেকে ব্রিটেনের সকল সংবাদপত্র জানতো সিম্পসন-এডোয়ার্ড প্রশয়-কাহিনী। ফ্লিট স্ট্রীটে কানাদুযায়

ভনেছেন অনেকেই। কেউ প্রকাশ করেনি মুহিতাকরে। সরকারী দপ্তরের কোনো অনুশাসন ছিল না, ছিল না কোনো আইনগত বাধা। একদিন জার্মানীর বিরুদ্ধে সেকেন্ড ফ্রন্ট হবে। কোথায়, কোনখানে করবে মিত্রশক্তি আক্রমণ সে-তথ্য জানা হয়ত সম্ভব হতে পারে সুয়ার্ট গেন্ডার বা ডু শিয়ার্সনের। তাঁরা কদাচ প্রকাশ করবেন না সে সংবাদ, যদিও ক্রীপস্ প্রত্যয়ের চাইতে সে কম বড় 'সুপ' নয়।

সকল প্রশ্নের বড় প্রশ্ন সততার। ক্রীপস্ আন্তরিক আবেদন জানিয়েছিলেন ব্রিটেন এবং ভারতের কল্যাণের নামে। আমরা সবাই সম্মতি দিয়েছিলেম বিন্য প্রতিবাদে। পূর্ব প্রকাশের দ্বারা এই ভারতীয় সাংবাদিক ভঙ্গ করলেন সে প্রতিশ্রুতি। তাই লজ্জিত বোধ করছি আমরা সমস্ত ভারতীয়েরা। জেন্টলম্যানরা যদি জানলিস্ট হতে পারেন, জানলিস্টরা জেন্টলম্যান হতে পারবেন না কেন?

ভাইসরয়'স হাউস থেকে ক্রীপস্ এসেছেন তিন নম্বর কুইন ভিক্টোরিয়া রোডে। এক্সিকিউটিভ কাউন্সিলের অন্যতম সদস্য সার এণ্ডরু ক্রো-র বাংলায়। ক্রো আসামের আগামী গভর্নর। গদি দখলের আগে দু'মাসের ছুটি নিয়ে গেছেন মুসৌরী না আলমোড়ায়, বিশ্রাম মানসে।

এক্সিকিউটিভ কাউন্সিলারদের বাড়িগুলি সরকারী। সুদৃশ্য। একতলা দালান। ঈষৎ পীতাম্ব রং; সামনে অতিবিস্তৃত অঙ্গন। এত বড় যে দু'দিকে গোলপোস্ট খাড়া করে মোহনবাগান-ইস্টার্নকলের ম্যাচ খেলা যায়। সবুজ ঘাস, লন-মৌর দিয়ে পরিপাটি ছাঁট। মাঝখানে বৃন্তাকার ফুলের কেয়ারী। তাকে বেষ্টন করে টকটকে লাল সুরকির রাস্তা; মোটর যোরাতে বেগ পেতে হয় না এতটুকুও। ফটকের গায়ে একপাশে কাচের উপরে বড় হরফে লেখা বাড়ির নম্বর। কাচের একদিকে ছোট্ট একটু খুপরি। রাত্রিবেলায় তাতে লঠন জ্বলে রাখা হয়, অনেক দূর থেকেও যাতে বাড়ির নম্বরটা চোখে পড়ে। দালানের সম্মুখে পোর্চ, তার নীচে গাড়ি দাঁড়ায়। বারান্দার দু'পাশে দুটি ছোট কুঠুরী। সেখানে অনাবেল মেস্বারের সেক্রেটারী ও স্টেনোগ্রাফারের দপ্তর।

হুবহু একই ধরনের ছ'টি বাড়ি। সেক্রেটারিয়েটের সম্মুখ থেকে দুই বাছুর মতো দু'দিকে প্রসারিত দুটি রাস্তা—কিং এডওয়ার্ড ও কুইন ভিক্টোরিয়া রোডের উপরে। যেন ছ'টি যমজ ভাই, ডিয়োনি কুইন্টোপ্লেটসের দোসর।

আতিশয্যের দ্বারা অত্যন্ত ভালো জিনিসকেও যে কতখানি হাস্যকর করে তোলা যায় তার দৃষ্টান্ত আছে নয়াদিল্লীর নগরপরিকল্পনায়। যুনিফর্মিটির বাতিকে পাওয়া স্থপতিরা শহরটাকে শ্রী দিতে গিয়ে ছাঁচ দিয়েছেন, বাড়ি দিতে গিয়ে ব্যারাক। বৈচিত্র্যের মধ্য দিয়ে মূলগত ঐক্য প্রকাশ করার নাম সৃষ্টি। গজ, ফুট বা ইঞ্চি মিলিয়ে সামঞ্জস্য বিধানের নাম নকলনবিশি। প্রথমটা যিনি করেন তাঁকে বলি ব্রহ্মা, দ্বিতীয়টা যিনি করেন তাঁর নাম বিশ্বকর্মা। প্রথমটার মধ্যে আছে আট, পরেরটার মধ্যে আছে ক্রাফট।

পুরাকালে নগর-পত্তনের গোড়াতে ছিল নৃপতি। রাজার অবস্থিতি ও অভিকর্ষ অনুসরণ করে গড়ে উঠতো জনপদ, তাঁর প্রাসাদকে কেন্দ্র করে আমীর ওমরাহেরা তুলতো সৌধ, সাধারণেরা বাঁধতো বাসা; শ্রেণিরা সাজাতো বিপণি। রাজশক্তির পতন অভ্যুদয়ের সঙ্গে রাজধানীর ভাগ্য এসেছে বিপর্যয়, নগর নগরীর ঘটেছে বিলুপ্তি বা বৃদ্ধি। আগ্রা, আগরদ্বার ও ফতেপুর সিক্রিতে আজও রয়েছে তার নির্ভুল নিদর্শন।

একালে রাজ্যের চাইতে বাণিজ্যের কদর বেশী। লেডী ডাক্তারের স্বামীর মতো রাজার মহিমাও এখন আর আপন বীর্যবত্তায় নয়, প্রজাদের বাণিজ্য-বিস্তারে। শুধু ভারতবর্ষে নয়, অন্য দেশেও এখন বণিকের মানদণ্ড পোহালে শরীরী দেখা দেয় রাজদণ্ডরূপে—কখনও স্বনামে কখনও বা বেনামীতে। তাই এ-যুগের মহানগরীর centre of gravity থাকে ক্লাইভ স্ট্রীটে বা হর্নবি রোডে। তাদের প্রেরণার মূল চেম্বার অব প্রিন্সেস নয়, চেম্বার অব কমার্স। তাই ওয়াশিংটনের চাইতে নিউইয়র্কের গুরুত্ব হয় 'বেশী, লন্ডনকে ছাপিয়ে ওঠে কানপুর, পাটনাকে পিছনে ফেলে এগিয়ে যায় টাটানগর।

আধুনিক ভারতবর্ষে নয়াদিল্লী হচ্ছে একমাত্র সিটি যেখানে স্টক এক্সচেঞ্জের প্রভুত্ব নেই। সেখানে বৈশ্য নেই। ব্রাহ্মণও না। আছে শুধু ক্ষত্রিয়। অবশ্য তাদেরও আয়ুধের পরিবর্তন ঘটেছে। মডার্ন ক্ষত্রিয়েরা অসিজীবি নয়, মসিজীবি। প্রাচীন ক্ষত্রিয়েরা ব্যুহ রচনা করে হাত পাঁকিয়েছিলেন। তার দৈর্ঘ্য, প্রস্থ ও ব্যাস সবই রুলম্যাফিক। আধুনিক ক্ষত্রবীরেরা ফাইল ঘেঁটে ঘেঁটে হাত এবং চুল দুই-ই পাঁকিয়ে দেন, তারও নির্দেশ হলো precedent। সুতরাং নয়াদিল্লীর পথ, ঘাট, বাড়ি, ঘর সব কিছুই পিছনে আছে কেবলই এক রকম হওয়ার প্রয়াস। দোকান-পাট থেকে শুরু করে রাস্তা, পার্ক, কোয়ার্টার, মায় পথের পাশে জামগাছের সারি পর্যন্ত সব কিছুই যেন খাকী কোর্তা-পরা পন্টনের মতো সঙ্গীন উচিয়ে এটেনশনের ডব্লিউতে খাড়া দাঁড়িয়ে আছে।

নতুন আন্তানায় ক্রীপসের সভা বসল পাত্র-মিত্র নিয়ে। অক্সফোর্ডের অধ্যাপক কুপল্যাও, এবং ক্যানাডার সমাজতন্ত্রী গ্রেহাম স্প্রাই আছেন তাঁর দপ্তরে।

কুপল্যাওয়ের সঙ্গে আলাপ হয়েছিল একবার লন্ডনের এক বিতর্ক-সভায়। ভারতবর্ষ সম্পর্কে তাঁর ঔৎসুক্য আছে যথেষ্ট, ঔদার্য আছে কিনা জানিনে।

ক্রীপসের সঙ্গে একে একে সাক্ষাৎ করেছেন মৌলানা আজাদ, গান্ধীজি, পণ্ডিত নেহরু ও মিস্টার জিন্না। আজাদের সঙ্গে দোভাষী হিসাবে উপস্থিত ছিলেন আর একজন কংগ্রেসী মুসলমান। ব্যারিস্টার মিস্টার আসফ আলী। আসফ আলীর জন্মস্থান যুক্তপ্রদেশ, কর্মস্থান দিল্লী, স্বশুরবাড়ি বাংলায়। তাঁর স্ত্রী অরুণা আসফ আলীর পৈতৃক উপাধি ছিল গান্ধুলী, অতি নিকট আত্মীয় সম্পর্ক আছে রবীন্দ্রনাথের কন্যা মীরাদেবীর সঙ্গে।

পণ্ডিত জওহরলালের ইংরেজী জ্ঞানের খ্যাতি তাঁর দেশপ্রীতিরই মতো বহুবিদিত। জীবিত ইংরেজ সাহিত্যিকদের মধ্যেও তাঁর তুল্য ইংরেজী রচনাকুশলী বড় বেশী নেই, একথা স্বীকার করেছেন বহু ইংরেজ সমালোচক। গান্ধীজির ইংরেজী জওহরলালের ন্যায় সাহিত্যপ্রধান নয় কিন্তু তার স্বচ্ছতা ও অলঙ্কারহীন মাধুর্য বহুক্ষেত্রে বাইবেলের ভাষাকে স্মরণ করিয়ে দেয়। মিস্টার জিন্না ছিলেন প্রতিভাশালী ব্যবহারজীবী। ইংরেজীতে সওয়ালে তাঁর দক্ষতা অসাধারণ। ক্রীপসের সঙ্গে একটি মাত্র লোক আলাপ করেছেন—ক্রীপসের ভাষায় নয় নিজের ভাষায়। ইংরেজীতে নয় উর্দুতে। যদিও কাজ চালাবার মত ইংরেজী তিনি জানেন বলে জনশ্রুতি শুনেছি বহু বার। মৌলিকতা আছে মৌলানার। তার জয়, হোক।

ইংরেজী আমাদের মাতৃভাষা নয়, কিন্তু ইংরেজী আমাদের শিখতে হয়। তাতে ক্ষোভ নেই। হয়ত লাভই আছে। স্বাভাসিকতার আধুনিক ধারণা, ইংরেজীতে যাকে বলে ন্যাশন্যালিজম, তার বেশীটা আমরা পেয়েছি ইংরেজী শিক্ষার ফলে। কিন্তু এদেশে বিদ্যা, বুদ্ধি এবং কর্মকুশলতার মাপকাঠিও দাঁড়িয়েছে ইংরেজী বলা ও লেখার কৃতিত্বে। এটা হাস্যকর। কলেজে পরীক্ষার খাতায় যে-ছেলে ভালো ইংরেজী লেখে, চাকুরির বাজার থেকে বিবাহযোগ্য কন্যার উদ্ভিগ্না জননী পর্যন্ত সর্বত্র তার আদর আছে। এ-দেশের নেতাদের সম্পর্কেও তাই বিদেশী পর্যটকেরা যখন বলেন যে he speaks faultless English আমরা তখন আনন্দে গদগদ হই। এই মনোভাবের বিরুদ্ধে সর্বাপেক্ষা সতেজ প্রতিবাদ আছে মৌলানা আজাদের আচরণে। ক্রীপসই হোন, ভাইসরয়ই হোন, কিংবা স্বয়ং জর্জ দি ফিফথই হোন, যদি আমার সঙ্গে আলাপ করতে আমার ভাষা না বলতে চান বা না পারেন তবে আমিই বা তাঁর ভাষা বলতে যাব কেন? সাবাস!

গান্ধীজি ক্রীপসের কক্ষ থেকে নিষ্ক্রান্ত হলেন প্রায় তিন ঘণ্টা পরে। তাঁকে বারান্দার সিঁড়ি অবধি এগিয়ে দিতে সঙ্গে এলেন ক্রীপস। মুহূর্তমধ্যে সাংবাদিকেরা চক্রব্যুহ রচনা করলেন তাঁকে ঘিরে। চোখে তাঁদের জিজ্ঞাসা, মুখে তাঁদের আগ্রহ, উদ্বেজনা ও উত্তেজনার ছাপ। স্মিতহাস্যে উদ্বেল জনতাকে অভ্যর্থনা করলেন তিনি। বিনাবাক্যে নিরস্ত করলেন বহু উদাত্ত প্রশ্ন।

ক্রীপসের রসবোধ আছে। রহস্য করে বললেন, গান্ধীজির হাসি দেখে সাংবাদিকেরা যেন ক্রীপস প্রস্তাবের গুণ বিচার না করেন। ঘর থেকে বেরোবার সময় মুখে হাসি ফুটিয়ে তুলতে তিনি গান্ধীজিকে শিখিয়ে দিয়েছেন। প্রবল হাস্যধ্বনি উদ্ভিত হলো এই কৌতুকালোকে।

কিন্তু কালীর পাশা, বিয়ের ঘটক এবং বীমার দালালের চাইতেও নাছোড়বান্দা আছে জগতে।

ভার নাম রিপোর্টার। গান্ধীজির আলোচনা সম্পর্কে জানতে চাইলেন তাঁরা। অঙ্গুলিনির্দেশে ক্রীপসকে দেখিয়ে উত্তর করলেন মহাত্মা, “ওকে জিজ্ঞাসা করুন, আমার কিছু বলার নেই।”

“প্রস্তাবটি এমনই চীজ যে, দেখেই আপনি হতবাক?” প্রশ্ন করলেন এক খানু সাংবাদিক।

“You naughty boy” বলে প্রশম হাস্যে সমাপ্তি ঘটালেন আলোচনার। মোটরে উঠে যুক্ত করে অভিধান করলেন উপস্থিত জনমণ্ডলীকে। প্রস্থান করলেন বিড়লা ভবনোদ্দেশে।

ইনফরমেশন বিভাগের ক্যাম্প হয়েছে পাশের একটি ক্ষুদ্র কক্ষে, সাংবাদিকদের সুবিধার্থে। সেখানে হানা দিচ্ছি আমরা রিপোর্টারের দল প্রত্যহ প্রাতে, দুপুরে, বিকালে ও সন্ধ্যায় অমিত উৎসাহে। যদিও কবে কখন কোন ভারতীয় নেতা ক্রীপসের সঙ্গে সাক্ষাত করেছেন তার বেশী আর কিছুই জানার উপায় নেই সেখান থেকে।

ক্যাম্প আপিসের কর্তা জগদীশ নটরাজন, ইন্ডিয়ান সোশ্যাল রিফর্মার এর প্রতিষ্ঠাতা বম্বের বিশাট সাংবাদিক কে. এস. নটরাজনের পুত্র। পাইওনীরের সম্পাদকগোষ্ঠী থেকে এসেছেন গভর্নমেন্টে। ভারতের রাজনৈতিক ইতিহাসের তথ্য জানেন অনেক, ইংরেজী বলেন স্বচ্ছন্দে, উচ্চারণে নেই তামিলজনোচিত ধ্বনিবিকৃতি। একদিন নৈশ ভোজনের নিমন্ত্রণ ছিল তাঁর গৃহে।

নটরাজন গৃহিণী মাদ্রাজী নন,—গ্যাংলো ইন্ডিয়ান। তাঁর পিতৃকুল বৎ পরিবারের খ্যাতি আছে টেনিস খেলায়, মাতৃকুলের মূল অনুসন্ধান করা যায় বঙ্গদেশে। তাঁর মাতামহী ব্যানাজী-কন্যা ছিলেন, সে হিসাবে বম্মাল সেনের সৃষ্ট কৌলীন্যে দাবী আছে। পিয়ানো বাজাতে পারেন চমৎকার।

আধুনিক অনেক প্রগতিশীল বাঙালী পরিবারেও ভাবতীয় রূপটি খুব স্পষ্ট নয়। গৃহের কর্তা হয়তো বিদ্যার্জন করেছেন বিদেশে। অক্সফোর্ডে ইংরেজী, প্লাসগোতে এঞ্জিনিয়ারিং, এডিনবরায় ডাক্তারী বা লিঙ্কনস্ ইনে ব্যারিস্টরী পড়ে দেশে এসে প্রতিষ্ঠিত হয়েছেন কর্মজীবনে, অর্থার্জন করেছেন অজস্র ধারে। তাঁদের বসনে স্যাট, অশানে সুপ এবং আসনে কৌচ। তাঁদের গৃহিণীরা পাটি দেয়, ক্লাবে যায়, ব্রিজ খেলে পুরুষ বন্ধুবান্ধবদের সঙ্গে অসঙ্কোচে। সে গৃহে চাকরেরা বয়, মায়েরা মেমসাব, এবং মেয়েরা মিসিবাবা।

বিলাতে না গিয়ে খাবা সাহেব, তাঁরা আরও দুর্ধর্ষ। কংগ্রেস থেকে লীগে যোগ দেওয়া মুসলমানের মতো, হিবোডকে কবেন আউটহিরোড। শ্লিপিং পায়জামা না পাবে ঘুমানো বা ছুরিকাটা দিয়ে না খাওয়াকে তাঁরা প্রায় মধ্যযুগের গঙ্গায় সন্তান বিসর্জন বা সতীদাহের ন্যায় রোমহর্ষক বর্বরতা জ্ঞান করে থাকেন।

তবুও একথা মানতে হবে যে, ইংরেজ অথবা গ্যাংলো-ইন্ডিয়ান বিয়ে কবে আমরা আমাদের সংস্কৃতির মূল থেকে যেমন নিঃশেষে উৎপাটিত হই এমন আর কিছুতেই নয়। বাঙালী গৃহিণীরা যতই চুল খাটো করুক, গিমলেট গিলুক, রং কবা ঠোঁটের মধ্যে জ্বলন্ত সিগারেট চেপে ফিরিঙ্গী উচ্চারণে ভুল ইংরেজী বলুক, সংস্কার থাকে Coty বা ম্যাকসফ্যাক্টর-ঘষা চামড়ার তলায়। রক্তে থাকে ঠাকুরমা দিদিমাদের অন্ধবিশ্বাসের রোড কর্পসল। তাই মেয়ের বিয়ের দিন ঠিক করতে খোঁজ পড়ে গুপ্তপ্রেস পঞ্জিকার, স্বামীর অসুখে লুকিয়ে মানত করেন সুবচনীব, ছেলের কল্যাণ কামনায় ষষ্ঠীর দিনে থাকেন উপোস। পুরুষেরা হোটেলের যতই খান স্টেক বা ভিল, মা-বাবার শ্রদ্ধ করেন গুরু পুরোহিত ডাকিয়ে যথারীতি।

সব চেয়ে দুর্ভাগ্য ভারতীয় ও যুরোপীয় জনক-জননীর সন্তানেরা। তারা পিতার সমাজ থেকে বিচ্যুত, মাতার সমাজ দ্বারা বর্জিত। তারা না ভারতবর্ষের, না ইংলন্ডের। কোন দেশের প্রতি তাদের দেশাত্মবোধ জাগবে, কোন জাতির প্রতি মমত্ববোধ? তারা বাবার কাছে পাবে নামের পদবী, মায়ের কাছে থেকে পাবে গায়ের রং, কার কাছ থেকে পাবে মনোভাব? তারা সত্যিকার বর্ণসঙ্কর, শুধু জন্মে নয়, আকৃতিতে ও প্রকৃতিতে। ভারতীয়-যুরোপীয় বিবাহজাত সন্তানেরা আজ পর্যন্ত হয়নি কোনো উঁচু দরের শিল্পী, সাহিত্যিক, বৈজ্ঞানিক বা সঙ্গীতজ্ঞ। তাদের দৌড় বড় জোর রেলের বড় সাহেব নয় তো টেলিগ্রাফের ডিরেক্টর।

যুরোপের সমাজ অনেকটা সার্বজনীন। ইংলন্ড থেকে ইটালী পর্যন্ত মোটামুটি ভিন্ন একই রূপ। ইংরেজ, ফরাসী, চেক, হাঙ্গেরিয়ানের প্রায় একই বেশ, একই পরিবেশ, একই আচার-আচরণ। সমগ্র যুরোপে লোক ব্রেকফাস্ট, লাঞ্চ, ডিনার ও সাপারে বসে ঘড়ি ধরে, খায় ছুরি কাঁটায়। খিরেটোরে যায় শনিবারে রাতে, গির্জায় জানুপেতে ভজনা করে রবিবারে। ভাষার বিভেদ ছাড়া যুরোপের এক প্রান্ত থেকে আর এক প্রান্তে সামাজিক মিল আছে সর্বত্র। লন্ডনের ইংরেজ স্বামীর অস্থিরানা স্ত্রীকে দেখেছি অন্য আর পাঁচজন ইংরেজ গৃহিণীর মতো অনায়াসে সমাজে প্রতিষ্ঠিত। স্বামী, পুত্র, কন্যা নিয়ে তার গৃহের সঙ্গে অন্য আর পাঁচটি ইংরেজ পরিবারের নেই তফাত। ছেলেমেয়েরা বেড়ে উঠছে ঠিক অন্য আর পাঁচটি ডিক, পল বা হ্যারিংটন পুত্র-কন্যার মতো।

অবশ্য সমস্যা যে একেবারে নেই, তা নয়। সে সমস্যা প্রাত্যহিক জীবনে প্রত্যক্ষগোচর নয় কিন্তু বিশেষ বিশেষ কণ্ঠে দেখা দেয় স্বামী-স্ত্রীর মনে। যেমন লর্ডসে টেস্ট ম্যাচের সময় কোন পক্ষের এ্যাশেজ লাভ কামনা করবে ইংরেজ স্বামী আর অস্ট্রেলিয়ান স্ত্রী? মহাযুদ্ধে কার জয়লাভে উৎফুল্ল হবে জার্মান মিস্টার, কোন পক্ষের পরাজয়ে মুহমান হবেন তাঁর রাশিয়ান মিসেস?

তবুও দূর ভবিষ্যতে কোন দিন যুনাইটেড স্টেটস অব যুরোপ যদি গড়ে ওঠে, যদি সম্ভব হয় এক কথ্য ভাষা, তবে কল্পনা করা কঠিন নয় যুরোপের বিভিন্ন রাষ্ট্রের মধ্যে অধিকতর বৈবাহিক যোগাযোগ। তখন স্পেনের তরুণ হামেশা বিয়ে করবে নরওয়ের তরুণী ঠিক যেমন এখন করে স্বচেরা ওয়েলসের। যেমন আমাদের কোম্পানির কনেকে ঘরে নিয়ে আসে বরিশালের বর।

ভারতীয় ও যুরোপীয় জীবনের মর্ম আলাদা, সমাজের গঠন বিভিন্ন। একাদমবর্তী পরিবারের কথা বাদ দিলেও আমাদের সমাজ কেবল ব্যক্তি ও তার স্ত্রীপুত্রের মধ্যেই নিবদ্ধ নয়। বহু আত্মীয়-পরিজনগোষ্ঠীর প্রতি নানাবিধ দায়িত্ব এবং সম্পর্কের দ্বারা তার প্রভাব ও ক্ষেত্র দূরপ্রসারিত। তাই পূর্ব পশ্চিমের বৈবাহিক যোগাযোগে ব্যক্তিগত জীবন সুখের হওয়া হয়তো বিচিত্র নয়, কিন্তু তা দ্বারা কোনোকালে ঘটবে না দুই মহাদেশের সামাজিক মিলন। যুরোপের স্ত্রীলোক মাত্রই আমাদের পক্ষে পরস্ত্রী।

নটরাজনের ভোজ সভায় পরিচয় ঘটল এক মারাঠি ব্রাহ্মণের সঙ্গে। বয়স চল্লিশের অনেক উপরে, মাথায় কালোর চাইতে সাদার ছোপ বেশী, বলিষ্ঠ দেহ, প্রশস্ত ললাট, উন্নত নাসা। সব চেয়ে আশ্চর্য তাঁর চোখ দুটি। দীর্ঘায়ত নয়ন, অবনী ঠাকুরের আঁকা ভারতীয় চিত্রকলাব অর্জুনের মতো। তাতে অপরিসীম ক্রান্তির ছাপ। দৃষ্টিতে বুদ্ধির দীপ্তি আছে বটে, কিন্তু তাকে ছাপিয়ে আছে আবার জলভারনত ঘনমেঘের মতো কালো গভীর ছায়া। সাধারণতঃ চোখে পড়ে না পুরুষের এমন অসাধারণ চোখ।

কিন্তু নয়াদিমীর সোসাইটিতে চারুদত্ত আধারকারের খ্যাতি পানীয়ঘটিত। এক বৈঠকে তিনি দশ পেগ হুইস্কি পান করতে পারেন অবলীলাক্রমে। চোখের পাতা কাঁপবে না এতটুকু। সেটা অভূতপূর্ব নয়। আরও দু'চার জন পারেন তা। কিন্তু আধারকারের কৃতিত্ব শুধু পানীয়ের গ্রহণে নয়, উদ্ভাবনেও। সংখ্যাগত মিস্ত্রি জানা আছে চারুদত্তের। ককটেল তৈরীর বহু পদ্ধতি তাঁর নথ্যে। ডিনারে, পার্টিতে নিমন্ত্রণকারিণীরা আগে আগে পরামর্শ করেন আধারকারের সঙ্গে। মহানন্দে মন্ত্রণা দেন তিনি। “কে কে আসছে, কতজন আসছে? যদি তিন রাউন্ডেই খায়েল করতে চাও, তবে প্রথমে দাও রাম অরেঞ্জ, তারপর জিন অ্যাণ্ড লাইম। তারপর হুইস্কি। মেয়েদের জন্য মাঝখানে ব্রাণ্ডি দিতে পার জিজারেলের সঙ্গে মিশিয়ে। কী বললে, রাম-অরেঞ্জ কেমন করে করবে জানো না। হোয়াট এ শিট! আচ্ছা শিখিয়ে দিচ্ছি। shaker-এর মধ্যে সিকি ভাগ নাও ইটালিয়ান ভারমুথ। ইটালিয়ান নেই? আচ্ছা অভাবে ফ্রেন্চ দাও। মেশাও সিকি ভাগ কমলালেবুর রস, অর্ধেক ঢালো রাম। বেশী করে বরফ, আর সামান্য একটু দারুচিনির রস। ব্যস। আচ্ছা করে মিশিয়ে এক্সর ককটেল গ্লাসে পরিবেশন কর।”

নটরাজন গৃহিণী বললেন, “মিনি সাহেব, (আমার মিনি সাহেব নামটা সেন সাহেবের অপদম্ভল থেকে বাহির বিধে ছড়িয়ে পরেছে বহুজনের সর্কোডুক সখোখনে) যদি নতুন নতুন

কফটেল চাখতে চান তো মিস্টার আধারকারের বুদ্ধি নেবেন।”

শ্মিত হাস্যে আধারকার বললেন, “হ্যাঁ, চাকরি থেকে রিটায়ার করে আমার রেসিপিগুলোর পেটেন্ট নেবো ভাবছি। কাগজে কাগজে বিজ্ঞাপন দেবো—If it's a drink, consult আধারকার। ঘরে ঘরে মিসেস বিটনের মতো নতুন গৃহিণীদের আলমারিতে থাকবে আধারকার'স বুক অব ড্রিন্‌ক্‌স্‌।”

কিন্তু আমার জন্যে এ সবেৰ চেয়েও বড় বিশ্বয় অপেক্ষা কবছিল। ভোজন পর্বের শেষে অতিথিদের সনির্বন্ধ অনুরোধে বেহালা বাজিয়ে শোনালেন আধারকার। দরবারী কানেড়ার সুর। গং নয়, শুধু আলাপ। প্রায় মিনিট কুড়ি ধরে বাজালেন অপূর্ব দক্ষতায়। বাজনা শেষে আমার পানে তাকিয়ে বললেন, “বলতে পারো কী সুর বাজালেম, মিনি সাহেব?”

বিশ্বয়ে হতবাক হয়ে রইলেম খানিকক্ষণ, উত্তর দেওয়ার কথাই মনে রইল না। পরিষ্কার বাংলা।

“কী, একেবারে থ' হয়ে রইলে যে?” এবারও বাংলায়।

সে প্রশ্নের জবাব না দিয়ে বললেম, “আপনি আশ্চর্য। বাংলা শিখলেন কেমন করে?”

“একি একটা প্রশ্ন? তুমি ইংরেজী শিখেছ কেমন করে?”

“আমি শিখেছি পেটের দায়ে।”

“আমি শিখেছি প্রাণের দায়ে। না, না, আর প্রশ্ন নয়, curiosity is a feminine vice.”

বিদায় দেওয়ার আগে আন্তরিকতার সঙ্গে কবমর্দন কবে বললেন, “মিনি সাহেব, ‘তুমি’ বলাছি বলে চটোনি তো মনে মনে? তুমি তো বয়সে অনেক ছোটই হবে। আমি থাকি রটেগাম গ্রোডে, বাইশ নম্বর। এস একদিন সন্ধ্যাবেলা, বাংলা বলবো, বেহালা শোনাবো, আর দেব টপ-হ্যাট। টপ-হ্যাট জানো তো? জানো না? অর্ধেক জিন, সিকিভাগ ফ্রেঞ্চ ভারমুখ, সিকিভাগ ইটালিয়ান। একফোটা বিটার্স, তার সঙ্গে খুব খানিকটা বরফ।”

আধারকারের বাড়িতে গেলেম। টপ-হ্যাটের লোভে নয়, লোকটিব আশ্চর্য আকর্ষণে। একদিন গেলেম, দু'দিন গেলেম। তারপর প্রত্যহ। কখনও বা সকালে এবং বিকেলে। অনেকদিন ব্রেকফাস্ট থেকে শুরু করে ডিনার পর্যন্ত সবই সমাধা হয়েছে তাঁর ওখানে। অল্প সময়ে আন্তরিকতা এত ঘনিষ্ঠ হলো যে, আধারকার পুরুষ না হলে নিন্দকের কুৎসারটনায় কলঙ্কিত হতে পারতো আমাব নাম। তাঁর বিবাহযোগ্য কন্যা থাকলে নয়াদিল্লীর গৃহিণীরা সম্ভবপর বর কল্পনা করে মুখরোচক আলোচনায় অবসর বিনোদন করতে পারতেন অলস মধ্যাহ্নে।

কিন্তু কন্যা দূরে থাক, কন্যার জননীরা চিহ্ন পর্যন্ত ছিল না অকৃতদার আধারকারের গৃহে। গোটা তিন চার চাকর, বেয়ারা খানসামা নিয়ে আধারকারের হোম গভর্নমেন্ট। তার একমাত্র রেস্তির্নিউ ডিপার্টমেন্টের ভার তাঁর নিজের, বাকী এক্সিকিউটিভ, লেজিস্লেটিভ, মায় জুডিশিয়ারী পর্যন্ত সমস্তটাই চাকরদের হাতে। খাটি প্রজ্ঞাতন্ত্র। মজ্ঞাতন্ত্র বললেও ক্ষতি নেই, ভৃত্যদের পক্ষে।

তর্ক চলে, আলোচনা হয়। রাজনীতি, ধর্ম, ওয়র স্ট্র্যাটেজী, মায় সিনেমা স্টার পর্যন্ত। কোন বিষয় বাদ পড়ে না। মাঝে মাঝে হয় কাব্যালোচনা। ববি ঠাকুরের বহু কবিতা ও কবিতাংশ আধারকারের কণ্ঠস্থ। গভীর কণ্ঠে আবৃত্তি করেন—মন দেয়া নেয়া অনেক করেছেি ময়েছি হাজার মরণে, নুপরের মতো বেজেছি চরণে চরণে। আমার দিকে তাকিয়ে প্রশ্ন করেন, “বল, কোথায় আছে?” বলতে পারলে বলেন, “সাবাস! Now you have earned a drink, নাও একটা অরেঞ্জ গিম্লেট—খানিকটা জিন ও কমলালেবুর রস। এই বয়, সাবকোবাস্তে—” কোনো দিন বলেন, “আজ পরীক্ষা। বল, কোথায় আছে—আমারে যে ডাক দেবে তারে বারংবার এ জীবনে কিয়েছি ডাকিয়া; সে নারী বিচিত্র বেশে, মৃদু হেসে, খুলিয়াছে দ্বার থাকিয়া থাকিয়া।”

“পারলে না? আচ্ছা আর পাঁচ মিনিট সময় দিলুম। তবু পারলে না, হাং, হাং, বাঙালী হয়ে বাংলা কবিতার বাজিতে অবাঙালীর কাছে হারলে। লোকে শুনলে বলবে কী হে? আচ্ছা আপন মাথা সাফ করে নাও। বয়,—লাও একটো বুকলীন। একটা টাঙ্কলারে অর্ধেকটা বরফের টুকরো, কিছুটা ফ্রেশস্টাইল ভারমুখ, কিছুটা ড্রাই জিন্। আচ্ছা করে নেড়ে দুকোটা অরেঞ্জ বিটার্স

ডিলিস্‌।”

একদিন জিজ্ঞাসা করেন, “মিনি সাহেব, প্রেমে পড়েছ কখনও?”

“না।”

“বল কী হে, ইয়ং ম্যান, বিলেতে ছিলে, প্রেমে পড়নি, একথা বিশ্বাস করবে কে?”

“বিশ্বাস করা উচিত। There are more things in heaven and earth...”

“কিন্তু There are more girls in Piccadilly and Liecester Square-ওতো বটে।”

“আসল কথা কী জানেন?” প্রেমে পড়লে চেহারাটা বড্ড বোকা বোকা দেখায়, সিনেমায় দেখেছি। সে ভয়ে এগোতে সাহস করিনি।”

উচ্চ হাস্যে ফেটে পড়লেন আশাবকার। “বোকা বোকা দেখায়, হাঃ, হাঃ, হাঃ, Just imagine প্রেমে না পড়ার কাবণ। বার্নার্ড শ’ এর চাইতে ভালো কিছু বলতে পারতেন না। তুমি একটি genius। না, তোমাকে আজ নতুন কিছু না দিতে পারলে মান থাকে না। Try রাম ব্রুইয়ট। চার চামচে রাম, এক চামচে লাইম, এক রঙি চিনি, আধ পেয়াল। ব্ল্যাক কফি সব সঙ্গে মিশিয়ে। ওয়াটারফুল।”

দিনের পর দিন বাড়ে বিস্ময়। ক্রমশঃ আকৃষ্ট হই এই মারাঠা ব্রাহ্মণের প্রতি। আশ্চর্য এর জীবন। কাব্যে, সাহিত্যে, সঙ্গীতে, শিল্পে গভীর এর অনুরাগ, বেহালা বাদনে অসাধারণ এর দক্ষতা। আয় করেন প্রচুর, ব্যয় করেন প্রচুরতর। বেশীভাগই মদ খাওয়া এবং খাওয়ানোয়। অথচ অশোভন আচরণ কবতে দেখিনি কখনও। দম্ভ করে বলেন, “মিনি সাহেব, তোমাদের শরৎ চাটুয্যে লিখেছেন,—যে মদ খায় সে কোনো দিন না কোনো দিন মাতাল হয়েছে নিশ্চয়। যে অস্বীকার করে সে হয় মিছে কথা বলে নয় তো মদের বদলে জল খায়। শবৎ চাটুয্যে দেখেননি চারুদত্ত আধারকারকে। দেখলে বই থেকে ঐ লাইন দুটি তুলে দিতেন।”

শ্রী নেই আধারকাবের সে-কথা সবাই জানে। কিন্তু আত্মীয়, পবিত্রজন? কাবও জানা নেই কোনো তথ্য। হাসিতে, খুশিতে, গল্পে, গুজবে, সবগবন রাখেন মজলিস, মুখবিত্ত কবেন নিজ গৃহের প্রাত্যহিক বন্ধুসমাগম। তবু চোখের দিকে তাকালে মনে হয় এই বাহ। কী এক গভীর দুঃখের ভার পুঞ্জীভূত হয়ে আছে ঐ ভাবানত নয়নের অন্তরালে, নিঃসঙ্গ জীবনের পশ্চাতে আছে অপরিসীম বেদনার ইতিহাস; কিন্তু কৌশলে প্রশ্ন এড়িয়ে গিয়ে আবৃত্তি করেন আধারকাব,—

আমারে পাছে সহজে বোঝ ঠাইতো এত লীলাব ছিল,

বাহিবে বার হাসির ছটা, ভিতবে তার চোখের জল।

ছয়

দু’জন ইংরেজ একত্র হ’লে গড়ে একটা ক্লাব, দু’জন স্কচ একত্র হ’লে খোলে একটা ব্যান্ড, দু’জন জাপানী করে একটা সিস্ট্রেট সোসাইটি। দু’জন বাঙালী একত্র হ’লে কবে কী? দলাদলি? তা করে এবং বোধ হয় একটু বেশী মাত্রায়ই করে। কিন্তু তাছাড়া আরও একটা জিনিস করে। গ্রাপন করে একটি কালীবাড়ি। উত্তর ভারতের এমন শহর দুখটি যেখানে বাঙালী আছে কিছু সংখ্যক অথচ কালীবাড়ি নেই একটি।

হিন্দু দেবদেবীর মধ্যে কালীমূর্তিটি সুখদৃশ্য নয়। বীণাবাদিনী সরস্বতীর সুম্মা বা কমলাসনা লক্ষ্মীর শ্রী নেই তাঁর মসীকৃষ্ণ দেখে। ভগবতী দুর্গার হাত দশটি, প্রহরণ সমপরিমাণ। কিন্তু কালীমূর্তির কাছে তাঁকে অনেক শাস্ত ও সুকুমার মনে হয়। কণ্ঠে তাঁর নরগুণের মালা, কটিতে তাঁর ছিন্নবাহুর গুচ্ছ, এক হাতে ধৃত মুক্ত কপাণ, আর হাতে দোলে খণ্ডিত শির। অতি বিস্তৃত আননের কোনোখান নেই কমলীয়তার লেশমাত্র আভাস, নয়নে নেই স্নিগ্ধনত দৃষ্টি। নিরাবরণ বন্ধ, নিরাভরণ দেহ। লোলায়িত রসনা। স্বদেশীয় ভক্তরা বলেন, মা ভয়ঙ্করা; কয়লাধারিন মেয়ে বই লিখে বলেন, বীভৎস।

এই রূপ ভয়াল মূর্তিকে ভালোবাসে বাঙালী। শ্রীচৈতন্য যে ভক্তিসম্রোত আনলেন তার চিহ্ন রইল একটি মাত্র বিশেষ শ্রেণীতে। কালীর ভক্তরা আছেন দেশব্যাপী। শুধু শাস্ত্রসেবক মধ্যেই তাঁর

পূজারীরা নিবদ্ধ নয়। তাঁর পূজা নিরাকর গ্রাম্য কৃষকের কুটির থেকে ধনীর প্রাসাদ পর্বত পরিব্যাপ্ত। পুরাকালে কাপালিকেরা শবাসনে সাধনা করেছে দেবী কালিকার, তান্ত্রিকেরা আরাধনা করেছে শ্যামামায়ের, দস্যুদল লুণ্ঠন মানসে নির্গত হয়েছে নুমুণ্ডমালিনী কালীর অর্চনা করে। আধুনিক যুগেও অসুস্থ আত্মীয়ের আরোগ্য কামনায় বাঙালী মেয়েরা মানৎ করেন মা কালীর কাছে, পল্লীতে মহামারী দেখা দিলে সরলচিত্ত অধিবাসীরা পূজা করে ভক্তিতে। ঠাকুর রামকৃষ্ণ তাঁর ধ্যান করেছেন দক্ষিণেশ্বরে, তাঁরই ভজনা করেছেন সাধক রামপ্রসাদ; রচনা করেছেন অপূর্ব শ্যামা-সঙ্গীত।

বাঙালীর পক্ষে এই কালীপ্রীতি আপাতদৃষ্টিতে কিছুটা বিশ্বয়কর মনে হবে। তার শারীরিক সামর্থ্য এবং মানসিক গঠন বাঙালীকে আকৃষ্ট করবে কোমলতার প্রতি, স্নিগ্ধতার প্রতি, মাধুর্যের প্রতি,—এইটাই আশা করা স্বাভাবিক। কিন্তু বাঙালীকে যারা ঘনিষ্ঠভাবে জানেন, তার প্রকৃতিকে যারা যথার্থরূপে অনুশীলন করেছেন তাঁরা জানেন, এই আপাতবিরোধিতাই তার চরিত্রের বৈশিষ্ট্য। সুসূঁমের মৃদুতা এবং বজ্রের কাঠিন্য অঙ্গান্বিতভাবে জড়িত তার প্রকৃতিতে। তাই ভীকৃতার অপবাদ যেমন তার বহুপ্রচারিত, চরম দুঃসাহসিকতার জয়তিলকও তারই ললাটে।

ভারতবর্ষের জাতীয় আন্দোলনেরও সংঘাত সংঘর্ষ আজ বহুব্যাপ্ত, আসমুদ্রহিমাচল তার বিস্তার ও বেগ। স্বাধিকার প্রতিষ্ঠার এই সুদীর্ঘ সংগ্রামে যোগ দিয়েছে জাতিধর্মনির্বিশেষে সর্ব প্রদেশের সর্বসাধারণ। মারাতী এসেছে, মাদ্রাজী এসেছে, এসেছে গুজরাতী, পাশ্চী ও বেহারী। ভরেছে জেল, সয়েছে নির্যাতন। কিন্তু স্বাধীনতার অদম্য স্প্রহায় বাঙালীই সাধন করেছে অগ্নিমন্ত্রের। দিয়েছে দক্ষিণ, ঈশান দিয়ে পরিশোধ করেছে দেশমাতৃকার ঋণ। একমাত্র বাঙলা ছাড়া ভারতবর্ষের কোথায় স্থানের ছেলে বরণ করেছে ফাঁসি, মেয়েরা ছুঁড়েছে পিস্তল, পলিতকেশ অস্ত্রপূরিকা বুক এগিয়ে নিয়েছে গুলীর আঘাত?

বিভিন্ন রোডের উপর যে কালীমন্দিরটি স্থাপিত হয়েছে মিলিত উদ্যোগ ও আর্থিক প্রচেষ্টায়, তাব জন্য নয়াদিষ্টব্য বাঙালী সমাজের গর্ব করার অধিকার আছে। আত্মঘাতী বুদ্ধির কর্মনাশা হঠকারিতায় সে কেবলই করে কলহ, ঘটায় ভেদ, ধ্বংস করে প্রতিষ্ঠান,—এ অপবাদ বাঙালীর। বোধ হয় একেবারে অমূলকও নয়। একক প্রচেষ্টায় বাঙালীর কৃতিত্ব তুলনাহীন। তার মেধা তার স্বন্ধি, তাব নৈপুণ্য সর্বজনস্বীকৃত। কিন্তু বহুজনের সম্মিলিত কর্ম দ্বারা একটা বৃহৎ প্রতিষ্ঠান গড়ে তোলাব যথেষ্ট শক্তি দেখায়নি বাঙালী—কথাটা গভীর পরিতাপের সঙ্গে স্বীকার করতে হয়। তাই এই কালীবাড়িটি দেখে মন খুশী হয়। কোনো রাজন্যব্যক্তির অনুগ্রহে নয়—কোনো বিদ্রোহীরাও একক অর্থানুকূলে, প্রবাসী বাঙালীদের প্রদত্ত ও সংগৃহীত টাঁদায় গড়ে উঠেছে এই মন্দির, স্থাপিত হয়েছে বিগ্রহ।

সবকারী দণ্ডরথানায় জীবিকার্জনের তাগিদে উত্তর ভারতের এই মহানগরীতে এসেছে বাঙালী। তাদের কেউ এক্সিকিউটিভ কাউন্সিলের সদস্যরূপে আয় কবেছেন প্রচুর অর্থ, কেউ সাধারণ কেবানীর কাজে পেয়েছেন পরিমিত বেতন। তাঁরা সবাই দিয়েছেন দান,—স্বচ্ছন্দ ও প্রদ্বায়। অল্প অল্প করে জমেছে অর্থ, ভরেছে দেবীর ভাণ্ডার। সাধুবাদ দিই তাঁদের। তাঁরা ধন্য। মন্দিরটি পরিকল্পনা কবেছেন যে স্থপতি তাঁর নাম জানি নে, কিন্তু প্রশংসা করি। আড়ম্বরহীন, বাহ্যল-বর্জিত, সহজ, সরল গঠন। বড়বাজাবের গন্ধ নেই, নেই মার্শিনী ঢং-এর অতি আধুনিক স্ট্রীমলাইন। দূর থেকে দেখে চোখ তৃপ্ত হয়, কাছে গেলে মন শুচিতায় ভরে ওঠে।

শুটি কয়েক সোপান অতিক্রম করে উপরে উঠলে বিস্তৃত অলিন্দ, ঈষৎ উচ্চ জালিকাটা প্রাচীর দিয়ে ঘেরা। মাঝখানে মন্দির, চারিদিক ঘিরে পথ। সে পথে দর্শনাধীরা প্রদক্ষিণ করে বিগ্রহ, দ্বারে লম্বমান ঘণ্টা-ধ্বনি করে মন্দিরের খুলি নেয় মাথায়। আপন অন্তরের কামনা নিবেদন করে ভক্ত নরনারীর দল। আকাশের আলো এবং বাইরের বাতাস আসতে বাধা নেই এতটুকুও। মন্দিরের অভ্যন্তরে নেই অন্ধকার, নেই পুষ্পপত্র ও গঙ্গোদকের দ্বারা আর্দ্র অপরিচ্ছন্ন আবহাওয়া।

মন্দিরের প্রাঙ্গণটি সুপরিসর। একদিকে আরাবল্লী পর্বতের 'রীজ'। পাথরের খাড়া দেয়াল, সিমেন্ট দিয়ে জোড়া। অন্যদিকে রাস্তা এবং রেলিং। পিছনে এক কোণে পুরোহিতের বাসস্থান। ছোট্ট একটি কোয়ার্টার মন্দির কর্তৃপক্ষের তৈরী।

দূরদেশে দেবীর নিয়মিত পূজার আয়োজনে পুরোহিত সংগ্রহ খুব সহজ নয়। বাঙলা থেকে কাউকে এনে রাখতে হলে চাই তাঁর জন্য নিয়মিত আয়ের ব্যবস্থা। তাঁর পরিজন প্রতিপালনের নিশ্চিত আশ্বাস। তাই মন্দিরের কর্তৃপক্ষ পুরোহিতের জন্য নির্দিষ্ট করেছেন মাসিক মাসোহারা। তার গ্রোড আছে, ইনক্রিমেন্ট আছে, ছুটির ব্যবস্থা আছে। আছে প্রশাসী, দর্শনারী প্রাণ্য অংশ নির্ধারিত। এ যুগে সেবসেবককেও চাকরির ফাডামেন্ট্যাল রুলস্ মেনে চলতে হয়।

মানুষের জীবন যখন জটিল হয়নি, তখন তার অভাব ছিল সামান্য, প্রয়োজন ছিল পরিমিত। সেদিনে ব্রাহ্মণের পক্ষে আবশ্যিক ছিল না বিস্তার। সে বিদ্যা দান করতো ছাত্রকে, জ্ঞান বিতরণ করতো শিষ্যকে, ভজন পূজন করতো নিশ্চিন্ত নির্বিঘ্নে। সে নির্লোভ, নিরাসক্ত, শুদ্ধাচারী, সাত্বিক। সে-দিন বিগত, তার সঙ্গে সে ব্রাহ্মণও তিরোহিত। একালে পুরোহিতেরও সংসারযাত্রার উপকরণ হয়েছে বৃদ্ধি। তার জীবন জন্য চাই সারা, সেমিজ ও ব্লাউজ, ছেলের জন্য মেলিনস ফুড, মেয়ের জন্য হেজলীন রো। ইহকালের সমাজ, সংসার ও পারিপার্শ্বিকের প্রতি উদাসীন হয়ে শুধু যজ্ঞমানের পরকালীন মঙ্গল চিন্তা করলে তার নিজের পরকাল ঘনিয়ে আসে। তাই মন্দিরের পূজারীর জন্য রাখতে হয়েছে বিনাভাড়া বাসস্থান, তাতে বিজলী আলো আছে, কলের জল আছে, আছে ভক্ত স্বল্পবিস্তৃত বাঙালী পরিবারের উপযোগী সাধারণ স্বাচ্ছন্দ্যের আয়োজন।

সিড়ির পাশে জুতা খুলে রেখে উঠলেম মন্দিরে। অকৃপণভাবে পুরোহিত দিলেন দেবীর পাদোদক, দিলেন নির্মাল্য ও প্রসাদকণিকা।

কলকাতার মতো মন্দিরপ্রাক্ষণে সুটপরা বাঙালীর উপস্থিতি এখানকার সমাজে পরিহাসের উল্লেখ করে না। কারণ বসনকে এখানে ব্যক্তির পরিধেয় বলেই গণ্য করে, মনোভাবের পরিচয়রূপে নয়। এটি সম্ভব হয়েছে শুধু শহরে বিভিন্ন পরিচ্ছদের মানুষের অবস্থিতির ফলে। এখানে মাত্রাজী ব্রাহ্মণ, পাজাবী সিং, মহারাজীয়ার বাদী, বাঙালী বিধবা আসে প্রণাম নিবেদনে। তাদের বেশ, ভূষা, এমন কি বস্ত্র পরিধানের রীতিমীতি সমস্তই বিভিন্ন। তারা ভক্ত, এইটেই তাদের একমাত্র পরিচয়, পরিচ্ছদটা তাদের শীত, জ্বাতপ ও নগ্নতা নিবারণের উপকরণ মাত্র।

মন্দিরের সামনে উন্মুক্ত প্রান্তর। সেখানে শরৎকালে ত্রিপলচাকা মণ্ডপে দুর্গাপূজা হয় মহা আড়ম্বরে। বাঙালী ছেলে-মেয়েদের হাতেগড়া কারুশিল্পের প্রদর্শনী বসে। দিনের বেলায় বালকবালিকারা পায় প্রসাদ, নিশাযোগে থিয়েটারে গৌণ ক্যারিয়ার মিহি স্বরে মেয়ের পাট করে সখের দলের তরুণ সম্প্রদায়।

কালীমন্দিরে প্রতি অমাবস্যার কালীকীর্তন হয়। শ্যামাবিষয়ক গান, কীর্তনের পদ্ধতিতে মূল গায়নে ও-দোহার মিলে গাওয়া হয়। রচনা ভক্তিমূলক, সুর বেচিচ্ছন্ন। তাতে মহাজন পদাবলীর লালিত্য নেই, নেই সাধকের একক ভক্তিনিবেদনের গাঢ়ীর্ষ ও আবেগ। জিনিসটা সঙ্গীতশাস্ত্রে প্রকৃষ্ট এবং ভক্তিতত্ত্বের দিক থেকে অনাবশ্যক অনুকরণ। সব দিক দিয়েই অসার্থক। কালীর অঙ্গনে রামপ্রসাদী সুরে ভক্তের কণ্ঠে—‘শ্রীশান ভালো বাসিস বলে শ্রীশান করেছে হুদি’ জাতীয় গানই হচ্ছে শেষ কথা।

গানের আসরে যে প্রৌঢ় ভক্তলোকের সঙ্গে গভীর পরিচয় ঘটল তাঁর নাম মোহিতকুমার সেনগুপ্ত, বয়স পঞ্চাশের ওপরে, শরীর অকৃশ, দৈর্ঘ্য সাধারণ বাঙালীজনোচিত, অডিট একাউন্টস সার্ভিসের লোক। সুদক্ষ অফিসার বলে খ্যাতি আছে সরকারী মহলে। বর্তমানে যানবাহন বিভাগের আর্থিক উপদেষ্টা। বেতন এবং পদমর্যাদা দুই-ই গুরুত্বপূর্ণ। এর আর দু’ভাইয়ের নাম বাংলাদেশে কলেজের ছাত্রছাত্রীদের কাছে সুপরিচিত। পরীকার আগে এম্ সেনের ইকনমিক্স ও মিক্রিক সেনের সিভিল পড়েনি এ-দশকে এমন বিদ্যার্থীর সংখ্যা বেশী নেই। ছাত্রজীবনে সেনগুপ্ত নিজের প্রতিভাশক্তি ছিলেন। প্রেসিডেন্সী কলেজ ম্যাগাজীনের তিনি দ্বিতীয় ছাত্র-সম্পাদক।

ভক্তলোক মৃতদার, অমারিক এবং নয়াদিল্লীর বাঙালী সমাজে যথেষ্ট সম্মানিত। বাঙালীদের নবুয় ক্রিয়াকর্মে যোগ আছে ঘনিষ্ঠ। কীর্তনের আসরে তাঁর উপস্থিতি দেখা যায় অবধারিত।

স্ট্রীট স্ট্রীটে আছে খবরের কাগজ, সেভিল রো’তে দরজী। নয়াদিল্লীর রিডিং রোডেও তেমনি

মন্দির। একটি নয়, দুটি নয়, পর পর তিনটি। রাস্তাটার নাম টেম্পল স্ট্রীট হলে কতি ছিল না। খ্রীষুগলকিশোর বিড়লার লক্ষ্মীনারায়ণ মন্দিরটি বোধ করি ভারতবর্ষে বর্তমান শতাব্দীতে নির্মিত সর্বশ্রেষ্ঠ দেবনিবাস। শুধু আকারে নয়, গঠন পরিপাট্যে ও অর্থব্যয়ের বিপুলতায় এর জুড়ি আছে বলে জানা নেই। দূর দূরান্ত থেকে আসে লোক। শুধু ভক্ত নয়, নিছক দর্শনাভিলাষীরাও। আসে হিন্দু, বৌদ্ধ, শিখ, পারসিক, খ্রিস্টান। আসে যুরোপীয় ও এমেরিকান টুরিস্ট। সকালে সন্ধ্যায়, মধ্যাহ্নে নানা ভাবে, নানা দিক থেকে ফটো তুলে খালি করে ক্যামেরার স্পুল।

প্রায় বারো বছর আগের কথা। পিতৃনাম চিহ্নিত করে যুগলকিশোর স্থাপন করতে চাইলেন একটি মন্দির যেখানে হিন্দুমাত্রেরই থাকবে অবাধ প্রবেশাধিকার। বিড়লাদের আদিবাস জয়পুরে, সেখানে এ-মন্দিরের সার্থকতা সীমাবদ্ধ। বছরে ক'জন লোক যায় সেখানে, ক'জন খবর রাখে সেখানকার? স্থান নির্বাচিত হলো দিল্লী, ভারতবর্ষের রাজধানী,—শুধু আজকের ভারতবর্ষের নয়, শত সহস্র বৎসর থেকে। এখানে ইন্দ্রপ্রস্থে রাজত্ব করেছে মহাভারতের কুরুপাণ্ডব বাস করেছে সংযুক্ত পৃথ্বীরাজ। শিরিতে ছিল সম্রাট কৃতবুদ্দিন, লাল কেলায় রাজদণ্ড ধরেছে বাদশাহ সাজাহান। যমুনার দুই তীরের বিস্তীর্ণ প্রান্তর, আরাবল্লীর বনভূমি, অধুনা বিলুপ্ত জনপদের পথখুলিতে কত শক হুনদল, পাঠান, মোগল একদেহে হলো লীন। ভাবীকালের ভারতবর্ষেরও দিল্লী হবে নগরমালিকার মধ্যমণি। আর যাই হোক, স্বাধীন ভারতের রাজধানী হবে না ওয়ার্ণা।

উনিশ শ' বত্রিশ সালে শুরু হলো মন্দিরের নির্মাণ কার্য। বহু এঞ্জিনিয়ার, বহু কন্স্ট্রাক্টর, শত শত রাজমিস্ত্রী, মুটে মজুর খাটে লাগলো ছ'বছর ধরে অবিশ্রাম। উনিশ শ' আটত্রিশ সালে সম্পূর্ণ হলো মন্দির। লক্ষ্মীনারায়ণের আরাধনার স্থান, ধনকুবের বিড়লা প্রাতঃবর্গের জনক রাজা বলদেও দাস বিড়লার নামে উৎসর্গীকৃত।

মন্দিরের গঠনভঙ্গিটি ভারতীয় স্থাপত্যের সুন্দর নিদর্শন। লাল পাথরের চূড়া, ধারগুলিতে আছে গৈরিক। মনে হয় যেন লাল জমিতে গেরুয়া পাড়। রাজপথ থেকে ষেত পাথরের অতি বিস্তীর্ণ সিঁড়ি উঠে গেছে উপরে। সেখান থেকে উঠেছে মন্দির। মেঝে ও দেয়ালে বিভিন্ন বর্ণের প্রস্তরখণ্ডের-সমাবেশে রচিত বর্ণাঢ্য আলিঙ্গন ও পুষ্পসম্ভার। প্রাচীর গাত্রে আছে অজস্র ফ্রেস্কো পেইন্টিং। জয়পুর শিল্পবিদ্যালয়ের শিল্পীরা অঙ্কন করেছে সে-সব চিত্র। তাদের বিষয়বস্তু ও অঙ্কনচাতুর্য প্রশংসনীয়। জয়পুর শিল্পবিদ্যালয়ের যিনি অধ্যক্ষ—কোশল মুখার্জি—তিনি বাঙালী; নব্য বঙ্গীয় চিত্রকলার উদ্ভাবক নন্দলাল, অসিতকুমার, সমর গুপ্ত প্রভৃতির সতীর্থ। বিড়লা মন্দিরটির পরিকল্পনায়ও আর একজন বাঙালী স্থপতির যথেষ্ট অংশ আছে, এ কথা জেনে আনন্দিত হওয়ার কারণ আছে আমাদের।

মন্দিরের মধ্যে বিগ্রহ আছে ষেতপাথরের। প্রত্যহ অগণিত নরনারীর কুসুমার্ঘ্যে প্রায় আচ্ছন্ন তাঁর চরণ ও পাদপীঠ। দ্বারে লৌহ-পেটিকা, উপরের ছিদ্রপথে ভক্তেরা রাখে প্রণামী। মন্দিরের বাম পার্শ্বে বিবটি ধর্মশালা, সেটি বিড়লা জননীদেব স্মৃতিরক্ষার্থে। ধর্মশালার সংলগ্ন নাট মণ্ডপ। তাতে প্রত্যহ সন্ধ্যায় ভজন সংগীত করেন সুকঠ গায়ক। সহস্রাধিক শ্রোতা অনায়াসে বসতে পারে সে সভায়। মাইক্রোফোনের সাহায্যে বাইরে সর্বসাধারণের শ্রবণায়ত্ত করার ব্যবস্থাও নিখুঁত। মন্দির-প্রবেশের বহু দূরে থাকতেই কানে এল সে গান—শ্রীরামচন্দ্র কৃপালু ভজ মন হরণ ভব ভয় দারুণম।

মন্দিরের পিছনে একটি বৃহদাকার পার্ক। এটি পরবর্তী রচনা। সাধারণ লোকের চমক লাগায় মতো অনেক আয়োজন আছে এই পার্কে। পাথরের বিরাটকায় হস্তী, তাব শুঁড় দিয়ে ফোয়ারার জল ঝরছে ঝর ঝর ধারায়। আছে পাথরের কুমীর, তারও মুখ দিয়ে নির্গত হচ্ছে জল। ফোয়ারা, পুষ্পবীথিকা, কৃত্রিম স্রোতস্বতী ও গিরিগহ্বর প্রভৃতি একাধিক আকর্ষণ আছে বালক, বালিকা ও দেহাভীদেব। প্রতিদিন অপরাহ্ন বেলায় ভিড় জমে তাদের। কেউ বসে বিশ্রামবেদীতে, কেউ সোলে সোলনায়, কেউ বা পরিক্রমণ করে এদিক থেকে ওদিক। অর্থব্যয়ে কাপণ্য করেননি শেঠ যুগলকিশোর। যুদ্ধপূর্বকালের অর্থমূল্যে মন্দির ও পার্কের নির্মাণে ব্যয় হবে প্রায় কুড়ি লাখ টাকা।

বিড়লা পরিবারের তিনজন, পাজ্জাবের আর্য প্রতিনিধি সভার প্রতিনিধি তিনজন এবং স্থানীয়

সনাতন ধর্মসভা থেকে তিনজন মিলে এক ট্রাস্ট। তাঁরাই রক্ষণাবেক্ষণ করেন মন্দির এবং তার সংলগ্ন উদ্যান, ধর্মশালা প্রভৃতি। আধুনিক মনোভাবের পরিচয় আছে পরিচালন ব্যবস্থায়। প্রতিদিনের প্রতি তিন বৎসরান্তে নির্বাচিত হন। ছোটখাটো ব্যাপারেও আধুনিকতার ছাপ আছে।

মন্দির প্রবেশের পূর্বে জুতা খুলে রাখবার ব্যবস্থাটি চমৎকার। সিঁড়ির ঠিক গোড়াতেই একটি ক্ষুদ্র কক্ষ। দেয়ালে জুতা রাখার ব্যাক। সেখানে জুতা জমা দিতে হয়। মালিককে দেওয়া হয় সংখ্যায়ুক্ত কার্ডবোর্ডের একটি চাকতি। অনুরূপ আর একটি চাকতি এঁটে রাখা হয় জুতার গায়ে, যাতে একজনের হাইহিল লেডিস সূঁর সঙ্গে অন্যজনের কাবুলী চপ্পল বদল না হয়ে যায়। চাকতি ফেরত দিলেই ঠিক নিজেই জুতাজোড়া এনে হাজির করে জুতাঘরের কর্মচারী যেমন স্যাভয়, গ্রনভনর বা কলকাতার গ্রেট ইস্টার্নে টুপী, ছাতা কিংবা লাঠি।

মহাশ্মা গান্ধী দ্বার উদঘাটন করেন এ মন্দিরের। তাঁর চাইতে যোগ্যতর পুরোধা ছিল না এ-অনুষ্ঠানের। ব্রাহ্মণ, শূদ্র ও হরিজনের সমান প্রবেশাধিকার যে মন্দিরে, তার দরজা তিনি খুলবেন না তো খুলবে কে? বিংশ শতাব্দীর সর্বশ্রেষ্ঠ ভারতীয় মন্দিরের সঙ্গে যুক্ত রইল এ-যুগের সর্বশ্রেষ্ঠ মানবাত্মাব নাম।

বিড়লা মন্দিরের সংলগ্ন ভূমিখণ্ডে তৃতীয় মন্দিরটি মূলতঃ বিড়লাদেরই অর্থানুকূলে নির্মিত। সেটি বৌদ্ধদের। বাঙালী কালীমন্দির ও লক্ষ্মীনারায়ণের মন্দিরের মাঝখানে এই ক্ষুদ্র মন্দিরটির অবস্থিতি ও গঠন কারুর দৃষ্টি এড়াবার নয়। মন্দিরভাস্কর্যে ভগবান তথাগতের ধ্যান-গম্ভীর মূর্তি। পীতবসন ভিক্ষু আছেন কয়েকজন। তাঁদের মধ্যে একজন রবীন্দ্রনাথের বিশেষ অনুরাগী ছিলেন। কবির স্মৃতিচিহ্নরূপে একটি বকুল বৃক্ষ বোপণ করেছিলেন মন্দিরাদ্বন্দ্বনে। রবি-বকুল বৃক্ষ রোপণানুষ্ঠানে পৌরোহিত্য করেছিলেন একজন বাঙালী ঐতিহাসিক। ডক্টর সুরেন্দ্রনাথ সেন। ভারত সরকারের দলিল দস্তাবেজ সংরক্ষক, কিপার অব ইম্পিরিয়েল রেকর্ডস।

সেন মহাশয় এককালে কলকাতা বিশ্ববিদ্যালয়ের আন্তোষ অধ্যাপক ছিলেন। মহারাষ্ট্র ইতিহাসে তাঁর গবেষণার মূল্য ঐতিহাসিক মণ্ডলীতে শ্রদ্ধার সঙ্গে স্বীকৃত। স্মৃতি বেতনের সরকারী চাকুরীতে অনায়াস জীবন যাপন করেও যে স্বল্পসংখ্যক ব্যক্তি সাহিত্যচর্চা করেন এবং অক্সফোর্ডের ডিগ্রী পাওয়ার পরেও যে স্বল্পতর ঐতিহাসিক বাংলায় ইতিহাস রচনা করেন, বঙ্গবাণীর সে সেবকদের মধ্যে শ্রীযুক্ত সেন বিশিষ্ট। ঐর পৈতৃকবাস ববিশাল জেলায়। বাচন ভঙ্গীতে তার আভাস পাওয়া যায়।

রিডিং রোডের একপাশে মন্দির, অন্যদিকে কোয়ার্টার। গভর্নমেন্টের কেরানী ও অনুরূপ কর্মচারীদের বাসস্থান। লম্বা একটানা ব্যারাক, কোনটার ইংরেজী L অক্ষরের মতো একপ্রান্ত প্রসারিত, কোনটার বা E'র মতো আকৃতি, শুধু মাঝখানের বাড়তিটুকু বাদ। সামনে খানিকটা মাঠ। মন্দির ও কোয়ার্টার,—সুন্দর এবং কুৎসিতের এত নিকট অবস্থিতি সচরাচর দৃষ্টিগোচর নয় কোনোখানে। এক একটা ব্যারাকে ত্রিশ, চল্লিশটি পরিবারের বাসব্যবস্থা। অল্প বেতনের কর্মচারীদের জন্য সুলভ সরকারী আয়োজন। এ-পাড়াটা নয়া দিল্লীর ইস্ট এন্ডে।

সেখতে ভালো না হলেও থাকতে মন্দ নয় এই কোয়ার্টারগুলি। বিশেষ করে সুলভতা বিচার করলে অভিযোগ করার উপায় থাকে না। বেতনের এক দশমাংশ ভাড়া। মাসেব শেষে আপিস থেকেই কেটে নেয় নিয়মিত। সেক্রেটারিয়েটের কেরানীদের সর্বনিম্ন বেতন ষাট টাকা। সুতরাং ছ'টাকা ভাড়া বাড়ি। দু'খানা শোবার ঘর, একখানা রান্নার, একটি ভাঁড়ার। ভিতরে একটু উঠান, বাইরে ছোট বারান্দা। জলের কল আছে, বাথরুম আছে, আছে ইলেকট্রিক আলো এবং—চমকে উঠো না যেন,—আছে বড় একটি সিলিং ফ্যান। বাড়িতে রোদ আসে, বাতাস আসে এবং ধুলিরও বাধা নেই। কলকাতা শহরে এমন ভাড়ায় এমন বাড়ি কোটিকে গুটিক মিলে না।

শুধু বাড়ি নয়। ফার্নিচারও। বিবাহ সতায় সালঙ্কারা কন্যার মতো গভর্নমেন্টের বাড়িও আসবাবপত্রসহ পাওয়া যায়। সেটাল পি-ডব্লিউ-ডি'র ফার্নিচার। দুটোকা মাসিক ভাড়ায় পাওয়া যায় দু'খানা তক্তাপোশ, একটি আলমারি, একটি টেবিল ও তিনখানা চেয়ার।

এক একটা ব্যারাক ও তার সামনে খোলা মাঠটুকু নিয়ে এক একটা 'কোয়ার্টার'। অধিকাংশই

ভারতে ব্রিটিশ সাম্রাজ্য প্রতিষ্ঠাতাদের নামের দ্বারা পৌরবাচিত। ক্লাইভ স্কোয়ার আছে সেই ইংরেজ ভদ্রলোকের নামে যিনি পলাশীর আশ্রকাননে ভারতবর্ষে ব্রিটিশ সাম্রাজ্যের ভিত্তি স্থাপন করেছিলেন। যিনি আশী টকা বাৎসরিক বেতনে ইস্ট ইন্ডিয়া কোম্পানীর সামান্য কেরানীরূপে ভারতবর্ষে এসে দেশে ফিরেছিলেন ইংলন্ডের সর্বশ্রেষ্ঠ ধনশালীরূপে। ১৭৪৪ সালে মাদ্রাজে আগত খ্যাতিহীন, বিপ্লবী রবার্ট ক্লাইভ ১৭৬০ সালের ৯ই মে যখন সেনানায়ক ক্লাইভ রূপে প্রত্যাবর্তন করলেন ইংলন্ডে, জাহাজ থেকে অবতরণ করলেন পোর্টসমাউথ বন্দরে, তখন ইংলন্ডের এ্যানুয়েল রেজিস্টারে তাঁর সম্পর্কে মন্তব্য ছিল,—“এই কর্নেলের কাছে নগদ টাকা আছে প্রায় দু’ কোটি, তাঁর স্ত্রীর গহনার বাস্ত্রে মণিমুক্তা আছে দু’ লাখ টাকার। ইংলন্ড, স্কটল্যান্ড ও আয়ারল্যান্ডে তাঁর চাইতে অধিকতর অর্থ নেই আর কারো কাছে।”

স্কোয়ার আছে লর্ড ডালহৌসীর নামে, যিনি একে একে পাঞ্জাব ও ব্রহ্মদেশ যোগ করলেন ভারত সাম্রাজ্যে, জোর করে দখল করলেন পেশোয়ারের সাতারা, কেড়ে নিলেন ঝাঁসী, নাগপুর, নিজামের বেরার, নবাব ওয়াজেদ আলী শাহর কাছ থেকে অযোধ্যা।

স্কোয়ার আছে ওয়ারেন হেস্টিংস-এর নামে, যিনি কাশ্মীরেশ চেন্সিংহের কাছ থেকে আদায় করেছিলেন বহু লক্ষ মুদ্রা, অযোধ্যায় বেগমদের পীড়ন করে অর্থ ও মণিমুক্তা সংগ্রহ করেছিলেন ন্যূনধিক দেড় কোটি টাকার। যার কুশাসন ও কুকার্যের সুদীর্ঘ তালিকা ব্রিটিশ পার্লামেন্টের বিচারসভায় অভূতপূর্ব বাণিতায় উদ্ঘাটিত করেছিলেন এডমণ্ড বার্ক। সে অপকীর্তির রোমহর্ষক বর্ণনা শুনে পার্লামেন্টকে দশকের গ্যালারীতে মুছিত হয়ে পড়েছিলেন একাধিক ইংরেজ রমণী।

আব আছে সিপাহী যুদ্ধের ছোট বড় মাঝারি ইংরেজ সেনাপতিদের নাম হেডলক্ স্কোয়ার, আউটরাম স্কোয়ার, উইলসন স্কোয়ার, নিকলসন্ স্কোয়ার ইত্যাদি ইত্যাদি। স্কোয়ার নেই শুধু মেজর জেনারেল হিউয়েটের নামে যিনি ১৮৫৭ সালের ৯ই মে মীরাত সেনানিবাসে ৮৫ জন ভারতীয় সিপাহীকে হাতে পায়ে লোহার শস্ত বেড়ী পরিয়ে সমস্ত সৈন্যদলের সামনে লাঞ্চিত করেছিলেন। সেদিন নিরুপায় ভারতীয় সিপাহীরা দাঁড়িয়ে দেখেছিল তাদের সঙ্গীদের এই অবমাননা। তাদের মুখে ছিল না প্রতিবাদ, কিন্তু চোখে ছিল আগুন। সে আগুন সহজে নেভেনি।

পরদিন রবিবার। সন্ধ্যার প্রাক্কালে আসন্ন রজনীর ঈষৎ অন্ধকার নামল মীরাতের ছাউনিতে। ব্রিটিশ সৈন্যরা তৈরী হয়েছে চার্চ-প্যারেডের জন্য। ভারতীয় সৈন্যরা করছে কী? বোধ হয় বিশ্রাম। এমন সময় অকস্মাৎ আওয়াজ এল,—

গুডুম!

পদাতিক বাহিনীর সিপাহীরা অস্ত্র ঘুরিয়ে ধরেছে বৃষ্টি সেনানায়কদের ঠিক লজাটে। বন্দুকের ঘোড়া টিপছে ক্লিক, ক্লিক, ক্লিক। আকাশ, বাতাস, প্রাচীর ও প্রান্তর কাঁপিয়ে ধ্বনিত হচ্ছে গুডুম! গুডুম!! গুডুম!!!

উত্তর ভারতে সিপাহী যুদ্ধের সেই হলো প্রারম্ভ।

নেতৃত্ববাহীন অসংজ্ঞাবদ্ধ পরিচালনা, পরিকল্পনাবাহীন পদ্ধতি, বিভিন্ন অংশে যোগাযোগশূন্যতা এবং কেন্দ্রীয় নির্দেশের অভাবে ব্যর্থ হলেও একথা আজ স্বীকার করতে হয় যে, ভারতবর্ষে ব্রিটিশ শাসনের অবসান ঘটাবার ও স্বরাষ্ট্র গঠনে ভারতীয়দের সেই প্রথম উদ্যোগ।

মীরাতের সিপাহীরা ঘোড়া ছুটিয়ে পরদিন প্রভাতে এসে পৌঁছল দিল্লীতে। বাদশাহ বাহাদুর শাহ তখন দিল্লীর মসনদে। বাবরের বিক্রম, আকবরের ব্যক্তিত্ব বা আওরঙ্গজেবের রণকুশলতার লেশ ছিল না এই বৃদ্ধ মুঘল সম্রাটের চরিত্রে। সিপাহীদের শৌর্য, শক্তি ও যুদ্ধোপকরণ কাজে লাগাবার ক্ষমতা ছিল না তাঁর। জনসাধারণের সংগ্রামোদ্মুখ ব্রিটিশ-বিদ্বেষকে সফল পরিণতি দান করতে পারলেন না তিনি।

দিল্লীর পরিধি সাত মাইল। অধিবাসীরা উত্তেজিত। ইংরেজের শিবিরে শিক্ষিত ও ইংরেজেরই অস্ত্রশস্ত্রে সজ্জিত চল্লিশ হাজার রণনিপুণ সিপাহী তার পাহারা। নগর প্রাচীরের উপরে চৌকিটি বৃহদাকার কামান। দুর্গাভ্যন্তরে বৃহত্তম বাক্সদখানা। তা ছাড়া আছে আরও বাটটি ছোট ছোট কামান। আছে বহু সুদক্ষ গোলান্দাজ,—কেন্দ্রীয় ভাগই দুদিন পূর্বে ছিল ব্রিটিশ সৈন্যদলভূক্ত।

তার যুরোপীয় যুদ্ধরীতিতে সুশিক্ষিত, সুনিপুণ এবং সুশৃঙ্খলাবদ্ধ। দিল্লী দুর্গকে সুরক্ষিত করেছে ভারতীয় এঞ্জিনিয়ারেরা যারা আধুনিকতম এঞ্জিনিয়ারিং জ্ঞান লাভ করেছে ইংরেজের সেনাবাহিনীতে। দিল্লী অধিকারের ক্রীণতম আশার কারণ ছিল না 'রীজে' সমবেত ব্রিটিশবাহিনীর মনে। লেশমাত্র যুক্তিযুক্ত সম্ভাবনা ছিল না দুর্গপতনের।

কিন্তু তবুও সিপাহীরা হারল। দিল্লী দখল করল ইংরেজ। ভারতে মুসলিম রাজত্বের ঘটল সমাপ্তি। দ্বিশতাব্দিকবর্ষ পূর্বে নির্মিত সম্রাট সাজাহানের লাল কেল্লার শীর্ষে উত্তোলিত হলো ব্রিটিশ পতাকা।

নগরপ্রান্তে 'রীজের' ইংরেজ-শিবিরে সৈন্য সংখ্যা ছিল চৌদ্দ হাজারের সামান্য কিছু বেশী। এরা সবই যুরোপীয় নয়। প্রায় সাড়ে পাঁচ হাজার ছিল ভারতীয় সেপাই। আড়াই হাজার সৈন্য—বলা বাহুল্য, তারাও ভারতীয়—পাঠিয়েছিলেন ইংরেজানুগামী দেশীয় রাজন্যবর্গ। তাদের জন্য আজ একুশ, এগারো বা পাঁচ সাত করে তোপধ্বনির বিধি আছে।

কর্নাল থেকে গ্রান্ড ট্রাঙ্ক রোডে ব্রিটিশবাহিনী এসে শিবির স্থাপন করল 'রীজে', যেখানে এখন দিল্লী যুনিভার্সিটি। বর্তমান সবজীমন্ডীতে ঘটেছে দীর্ঘকালব্যাপী অনেক খণ্ড যুদ্ধ। ইংরেজ সৈন্যদের সেই অস্থায়ী আবাস ভূমিতে পরে রচিত হয়েছে পুরাতন ভাইসরিগ্যাল লজ। সেখানে বসে এখন বিশ্ববিদ্যালয়ের বিদ্যার্থীরা, ফিজিক্স, কেমিস্ট্রি বা ইকনমিক্সের নোট টোকে। তারই অনতিদূরবর্তী একটি ভবনে উনিশ শ' চব্বিশ সালে তিন সপ্তাহের অনশন করেছিলেন মহাত্মা গান্ধী,—দিল্লীর সাম্প্রদায়িক দাঙ্গার প্রতিবাদকল্পে। প্রথম সর্বদল মিলনের প্রচেষ্টায় সম্মেলন আহ্বান করেছিলেন পণ্ডিত মালবীয়ারজি।

ইংরেজ জানতো, অনতিবিলম্বে দিল্লী অধিকার করতে না পারলে ভারতবর্ষে ব্রিটিশ সাম্রাজ্য ধূলিসাৎ হবে চিরতরে। তাই সর্বস্ব পণ করল তারা। জিতি তো বাদশাহ, হারি তো ফকির। ব্রিগেডিয়ার আর্কডেল উইলসন তখন ব্রিটিশ শিবিরের অধিনায়ক। তিনি জয় সম্পর্কে আশাবিহীন ছিলেন না।

গ্রীষ্ম গেল, বর্ষা অতীত, শরতের প্রথমার্ধও বিগতপ্রায়। অর্ধেকের উপর ইংরেজ সৈন্য জ্বর, উদরাময় ও অন্যান্য ব্যাধিতে ক্লম। পাঞ্জাব থেকে সেনাপতি লরেল ক্রমাগত উৎকণ্ঠিত পত্র পাঠাচ্ছেন,—আর কতদিন? দিল্লী বিজয়ের আর বিলম্ব কত? সমগ্র ভারতবর্ষে একমাত্র পাঞ্জাবেই সুসিপাহীরা তখনও আছে অনুগত, আত্মাচার সেনানিবাসে দেখা যায়নি বিক্ষোভ। কিন্তু আর বেশী দিন শান্তি রক্ষা কঠিন হবে। দিল্লী, দিল্লী, দিল্লীর উপরেই নির্ভর করছে ভারতবর্ষে জন্ কোম্পানীর ভাগ্য।

অবশেষে সেপ্টেম্বরের গোড়ার দিকে ফিরোজপুর থেকে হস্তিপৃষ্ঠে বাহিত প্রচুর গোলা বারুদ ও অন্যান্য আগ্নেয়াস্ত্র এসে পৌঁছল 'রীজে'র ছাউনীতে। ব্রিটিশ-সেনানায়কদের প্রাণে ফিরে এল ভরসা, মনে এল সাহস। সেনাপতি উইলসনকে অতিক্রম করে যুদ্ধ পরিচালনার ভার গ্রহণ করল জন্ নিকল্সন।

চৌদ্দই সেপ্টেম্বর। রাত্রি প্রায় নিঃশেষিত, যদিও আলোর রেখা দেখা দেয়নি আকাশে। ইংরেজবাহিনী আক্রমণ করল দিল্লী দুর্গ। পূর্ববর্তী ছয় দিন দিবারাত্রি ব্যাপী গোলাবর্ষণের দ্বারা নগর প্রাচীর বিধ্বস্ত করা হয়েছে ধীরে ধীরে,—মূল আক্রমণের মুখবন্ধরূপে। কান্দীরা গेटের দিকে খণ্ড খণ্ড দলে হানা দিল ইংরেজের সৈন্য। দুই পক্ষের কামান গর্জনে দূর দূর কম্পিত হলো দূর দূরান্তের গৃহগবাক্ষ, তাদের অগ্নিবর্ষণের রক্তিম আভাষ সীমন্তিনীর সিঁথির মতো রঞ্জিত হলো প্রভাতের বিস্তীর্ণ আকাশ।

এই মরণপণ যুদ্ধ চলল প্রহরের পর প্রহর। অবশেষে বিকট শব্দে কান্দীরা গेटের রুদ্ধদ্বার বিধ্বস্ত হয়ে পড়ল ধূলায়।

এঞ্জিনিয়ার বিভাগের ক্ষুদ্র একটি দল সরীসৃপের মতো বেয়ে উঠেছে প্রাচীরে। বিস্ফোরকে অগ্নি সংযোগের দ্বারা বিচূর্ণ করেছে সুদৃঢ় কান্দীরা গेट। তাদের অমানুষিক সাহসের ফলেই জয়লাভ সম্ভব হলো ইংরেজের। ইংরেজের ঐতিহাসিকেরা স্বীকার করেছেন, এই দলের মধ্যে আটজন ছিল ভারতীয়।

সেই ভয়ঙ্কর পথে জয়দুগ্ধ ব্রিটিশবাহিনী প্রবেশ করল ভীমবেগে। বিশৃঙ্খল আক্রমণ করল দ্বিগুণ তেজে। উন্মুক্ত তরবারি হস্তে সেনাপতি নিকলসন পরিচালনা করছিলেন সেই সৈন্যদল। জনৈক সিপাহী নিশানা করল তাঁকে। মুহূর্তে আত্ননাদ করে ধূলায় লুটিয়ে পড়ল নিকলসন। গুলি লেগেছিল তাঁর কপালে।

পরাজিত বৃদ্ধ বাহাদুর শাহ পলায়ন করলেন দুর্গ থেকে। আত্মগোপন করলেন দিল্লী প্রাসাদের চার মাইল দক্ষিণে হুমায়ূনের সমাধি সৌধে। সেখানে এক মুসলমান ফকিরের নিলেন আশ্রয়। জনশ্রুতি এই যে, সেই ফকিরই তাঁকে ধরিয়ে দিলেন ইংরেজের গুপ্তচর বিভাগের এক তরুণ কর্মচারী হডসনের হাতে।

হামা আজ দস্তে
গয়ের নালা কুনান্দ,
শাদী, আজ দস্তে
খেশ্তান ফরিয়াদ।

নিজের হাতই যখন নিজের গালে চড় বসিয়ে দেয়, তখন, হে শাদী, অপরের হাতে মার খাওয়া নিয়ে আর খেদ করে লাভ কী!

বন্দী সম্রাটকে হডসন পালকী করে নিয়ে এল দিল্লীতে। সেখানে বিচার হলো তাঁর। দণ্ড হলো নির্বাসন। ব্রহ্মদেশে। সেখানে পাঁচ বছর পরে বন্দীদশায় জীবনান্ত ঘটল তাঁর। ইতিভাগ্য বাহাদুর শাহ,—ভারতের শেষ মুসলিম সম্রাট!

ঠিক যেখানে বাহাদুর শাহ ধৃত হন, হুমায়ূন'স টুয়েই পরদিন হডসন গ্রেপ্তার করল আর তিনটি পলাতক। বাহাদুর শাহের দুই পুত্র ও এক পৌত্র। তাঁরা স্বেচ্ছায়ই ধরা দিয়েছিলেন। তাঁদের আশ্বাস দেওয়া হয়েছিল যে, তাঁদেরও বিচার হবে বাহাদুর শাহের মতো।

হডসন তাঁদের একটি খোড়ার গাড়িতে চাপিয়ে নিয়ে এল দিল্লীতে। দিল্লী গেটের কাছে এসে হডসন থামল সে গাড়ি। বন্দুক নিয়ে নিজ হাতে পর পর গুলি করল বন্দীদের ঠিক বৃকের মাঝখানে। রাজরক্ত বর বর ধারায় গড়িয়ে পড়ল দিল্লীব ধূলিধূসর পথে। মৃতদেহ নিয়ে চাঁদনী চকের উন্মুক্ত প্রান্তরে প্রকাশ্য প্রদর্শনী রূপে রাখা হলো তিন দিন। সম্রাটবংশধরদের বিকৃত মৃতদেহ দেখে শিউরে উঠল, পথচারীর দল, বারংবার অশ্রুসিক্ত চক্ষু মার্জনা করল নিঃশব্দে।

সাত

সাক্ষী স্ত্রী, পিতৃভক্ত পুত্র, ভ্রাতৃবৎসল অনুজ এবং প্রভুপ্রাণ সেবকেব দৃষ্টান্ত আছে আমাদের পুরাণ ইতিহাসে একাধিক। জনকতনয়া সীতা, দশরথাস্বজ্ঞ বামচন্দ্র, সুমিত্রানন্দন লক্ষ্মণ এবং রামানুজ হনুমানের কাহিনী জানে এদেশের আপামব সাধারণ। কিন্তু পত্নী-অনুগত স্বামীর উদাহরণ জানতে চাও তো সর্বত্র দেখে আসা প্রয়োজন ন'মাসিমার বান্ধবী ইন্দুমতী রায়ের বর প্রিয়নাথবাবুকে। ইন্দুমতীচরণ-চারণ চক্রবর্তী শ্রী প্রিয়নাথ রায়।

প্রাক্‌বৈবাহিক জীবনের পরিচয়লিপিতে ইন্দুমতী ছিলেন দাসগুপ্তা। গোখলেতে পড়েছেন ইংরাজী, সঙ্গীত সম্মিলনীতে শিখেছেন সেতার। ফুল স্নিভাসের ব্লাউজ গায়ে দিয়ে মাথোৎসবের দিনে ব্রাহ্মসমাজে উপাসনায় করেছেন গান—প্রভু, তুমি আমাদের পিতা। তাঁর এক দাদা রেলের অফিসার, অন্য ভাই ব্যারিস্টার।

ইন্দুমতীর বাবার সিদ্ধকে রূপা ছিল প্রচুর, কিন্তু নিজের দেহে রূপ ছিল না একটুকুও। ফলে কয়েক বছর আই-সি-এস, বিলাত ফেরত, ডেপুটি প্রভৃতির জন্য অযথা অপেক্ষার পর অবশেষে যৌবনের প্রান্ত সীমায় পৌঁছে এক শুভ মাঘে মাসি গুরুপক্ষে পঞ্চমাং তিথীে কটলগা হলেন প্রিয়নাথবাবুর। বিয়ের পরে কনের বদল হলো পদবী, বরের বৃদ্ধি হলো পদ। এ্যাসিস্ট্যান্ট থেকে

সুপারিটেণ্ডেন্ট। পয় আছে বটে আমাদের ইন্দুমতীর।

প্রিয়নাথবাবু তাঁর জীবন নাথ তো নিশ্চয়ই, বোধ করি প্রিয়ও হবেন। হওয়াই উচিত। কিন্তু আমার পক্ষে — থাক সে কথা। আমি তো আর তাঁকে জামাই করছি নে।

মহাশেও রোডে প্রিয়নাথবাবুর বাড়িটি 'বি' টাইপ কোয়ার্টার। নয়া দিল্লীতে বাজারে ডিম থেকে শুরু করে বসন্ত বাড়ি পর্যন্ত সবই গ্রেড করা। এ, বি, সি, ডি ইত্যাদি। হীরার বিচার ঔজ্জ্বল্যে, মসলিনের বিচার সূক্ষ্মতায়। সরকারী কর্মচারীর মূল্য নিরূপিত হয় বেতনে। পি. ডব্লিউ. ডি'র খাতায় বেতন অনুযায়ী ভাগ করা আছে বাড়ি। পাঁচ শ' থেকে ছ' শ' টাকা মাহিনার কর্মচারীর জন্য 'এ' টাইপ কোয়ার্টার, চার শ' থেকে পাঁচ শ' ওয়ালারা পায় 'বি'। ছ' শ'র উপরে মাইনে যাদের তারা পায় বাংলা। তারও শ্রেণী বিভাগ আছে। শুধু গঠন বা ব্যবস্থায় নয়, অবস্থানেও। ঠিকানা শুনেই বলে দেওয়া যায় লোকটার বেতনের পরিমাণ। হেস্টিংস বোডের বাসিন্দা পায় তিন থেকে চার হাজার, তোগলক রোডে তার নীচে। এক হাজারের বেশী না পেলে বাংলা মেলে না রাইসিনা রোডে।

নম্বর মিলিয়ে সন্ধান করলেম বাড়ির। বারান্দার পাশের ঘরে আধময়লা গোঞ্জ গায়ে একটি ভৃত্য ইলেকট্রিক ইন্সট্রি দিয়ে একখানা চকোলেট রং-এর বেনারসী শাড়ি পরিচর্যায় ব্যস্ত। জিজ্ঞাসা করলেম, “এইটে প্রিয়নাথবাবুর বাড়ি?”

“হ্যাঁ, মিস্টার রায়ের বাড়ি।”

গলার স্বরে বিরক্তি এবং কপালে কুঞ্চিত রেখার দ্বারা স্পষ্ট বোঝা গেল বাবু সম্বোধনটা শ্রোতার পক্ষে শ্রবণসুখকর নয়। সুতরাং ভ্রম সংশোধন করতে হলো।

“মিস্টার রায়কে একটু খবর দিতে পার?”

“আমিই মিস্টার রায়।”

গড সেভ দি কিং! মিসেস ইন্দুমতী রায়ের স্বামী যে সকাল আটটার সময় শাড়ি ইন্সট্রি করবেন তা কল্পনা করব কেমন করে? কিন্তু এখন তো আর ফিরবার উপায় নেই। ন' মাসিয়ার সঙ্গে তাঁর জীবন সম্পর্ক ব্যক্ত করতে হলো, দিতে হলো সংকিপ্ত আত্মপরিচয়। মিস্টার রায় অন্দর থেকে যথারীতি নির্দেশ লাভ করে ড্রয়িং-রুমে নিয়ে বসালেন। ‘উনি’ চান করছেন, আসতে বিলম্ব হবে না আশ্বাস দিলেন।

ড্রয়িং-রুমটির মেঝেতে শতরঞ্জি পাতা, তার উপরে ছোট মির্জাপুরী কার্পেট। টিপাই-এর উপরে পুষ্পহীন জাপানী কাঁচের ফুলদানী। এক কোণে একখানা ভাজ করা কেবিসের ইজিচেয়ার। মাথার কাছটা উপবেশনকারীদের তৈলসিক্ত শিরের অজস্র চিহ্নের দ্বারা মলিন। দেয়ালে কাঁচ দিয়ে ঝাধানো খান দুই সূচীশিল্পের নমুনা। এই সিঁবন কারুকর্মের শিল্পীর পরিচয় সম্পর্কে দর্শকের মনে পাছে কিছুমাত্র সংশয় ঘটে সেজন্য বড় বড় হরফে এক কোণে লেখা আছে ‘ইন্দু’। একটাতে একটা বুড়ি তাতে কয়েকটি গোলাপ ফুল। আর একটাতে একটা বিচিত্র বর্ণের কুকুর। লাল, নীল, সবুজ, হলদে রং-এর যদৃচ্ছ এবং অকুণ্ঠ ব্যবহার; ‘ভিবজিওর’ বললেই হয়। কুকুরটির মাথার উপরে ইংরেজী অক্ষরে লেখা—গড ইজ গুড। বোঝা গেল গৃহস্বামিনী ধর্মশীলা; কিন্তু সেটা প্রমাণের জন্য তো সারমেয়র প্রয়োজন ছিল না। বোধ করি, লেখার ভুল। ডগ ইজ গুড হবে।

প্রিয়নাথবাবুর সঙ্গে খানিক আলাপ করা গেল। আলাপ অর্থে তিনি বক্তা, আমি শ্রোতা। প্রায় সবটাই ‘উনি’ প্রসঙ্গ। উনি আবার বিছানায় এক পেয়ালা গরম চা না পেলে উঠতে পারেন না। উনি রোজ নিজে দাঁড়িয়ে থেকে ঠাকুরকে চাল ডাল মেপে দেন। বাজারের খাবার উনি বাড়ির ত্রিসীমানায় আসতে দেন না। নয়াদিল্লী বঙ্গ মহিলা সমিতির যা কিছু তা তো সব উনিই করেন। লেডী. মিত্র তো উনি ছাড়া ইত্যাদি ইত্যাদি।

ইন্দুমতী রায়ের প্রবেশ। মিঃ রায়ের উত্থান। এটা ইংরেজী রীতি।

গৃহস্থামিনী রায় আসন পরিগ্রহণ করলেন। প্রথমে গৃহে স্থানাভাবের বিবৃত বর্ণনা দিলেন। তবে হামাস পরেই গুরুদ্বারার রোডে বাংলা পাওয়ার আশা আছে। এ-বাড়িতে ঘরদোর ইচ্ছেমতো সাজাতে পারেননি। তবুও তো সিমলা থেকে যে আসবাবপত্র এনেছেন তার সব এখনও প্যাকিং খোলা হয়নি (সিমলা থেকে এসেছেন এই পাঁচমাস হলো)। ফি বছর দিল্লী-সিমলা করেন। গ্রীষ্মকালে দিল্লীতে এই প্রথম। এবার গভর্নমেন্ট অব ইন্ডিয়ার শৈল-বিহার বন্ধ। নতুন কমান্ডার-ইন-চীফ নাকি বলেছেন, সিমলা গেলে যুদ্ধ জয়ে বিঘ্ন ঘটবে। শোন একবার যত অনাসৃষ্টির কথা! আরও বেশী গরম পড়লে কিন্তু তিনি সিমলা না গিয়ে পারবেন না, তা বাপু, তোমরা যাই বল না কেন।

বেবী—অর্থাৎ ন' মাসিমা এখন আছে কোথায়? তার মেয়ের বিয়ে কত দূর? ছেলে পড়ে কোন ক্লাশে? তাঁর নিজের চিঠিপত্র লেখার অভ্যাস কম। অবসরও পান না। কত ঝামেলা! এই তো আজ চারটায় আছে এক পাটি। হ্যাঁগা শাড়িটা ইস্তিরি করে রেখেছে তো? প্রিয়নাথবাবুর প্রতি।

হাতের ঘড়ির পানে তাকিয়ে বিদায় প্রার্থনা কবলেম।

এখনই উঠবে? হ্যাঁ, বেলা হয়েছে বটে। আচ্ছ ক'দিন? দিল্লী থেকে যাবে কোথায়? বিলেতে কী হলো? যুদ্ধ না থামলে তো আর যেতে পারছ না। বমিং-এর সময় লন্ডনে ছিলে বুঝি? সেখানকার এন্ড্রা কি বকম? বাজারে ড্রিন স্যাম্পু পাওয়া যায়? ট্যান্ডি লিপস্টিক? এখানে তো ছাই কিছু মিলে না! আচ্ছা, একটু চা টাও তো খেলে না। ওর আবার আপিসের বেলা হচ্ছে, আচ্ছা আর একদিন এসে খেয়ে যেও কিন্তু।

আবও একটি ভদ্রলোকের সঙ্গে দেখা করবাব ফরমাশ ছিল। ঠিকানা জানা ছিল না। প্রিয়নাথবাবু, খুড়ি, মিস্টার বায়কে জিজ্ঞাসা করলেম,—“ভি. আর. ভেক্টরশরণের বাড়িটা কোথায় জানেন? কোন ডিপার্টমেন্টের যেন এ্যাসিস্ট্যান্ট সেক্রেটারী?”

প্রচণ্ড বিস্ফোরণ বলে একটা কথা বাংলা পত্রিকায় আজকাল প্রায়ই দেখা যায়। সেটা ঠিক কি রকম জানা ছিল না। প্রিয়নাথ রায়ের অবস্থা দেখে কিছুটা অনুমান করতে পারলেম।

“এ্যাসিস্ট্যান্ট সেক্রেটারী! ভেক্টরশরণ বলেছে বুঝি? চাল, কেবল চাল। চাল দিতে দিতেই গেল মাদ্রাজীটা। জানে, আপনি নতুন লোক, ধরতে পারবেন না। এ্যাসিস্ট্যান্ট সেক্রেটারী, হুঃ। রিটারার করার দু'—এক বছর আগে যে হতে পারে সে তো ভাগ্যবান। এখন যুদ্ধের বাজার। তাই সেকেন্ড ডিভিশন ক্লার্কের পর্যন্ত সুপারিন্টেন্ডেন্ট হচ্ছে। নইলে মশাই, এ্যাসিস্ট্যান্ট হতেই যে চলে পাক ধরে। আমি যেবাব সুপারিন্টেন্ডেন্ট হলেম, উডহেড সাহেব, সার জন উডহেড, পরে বাংলাদেশের গভর্নর অবধি উঠল,—ডেপুটি সেক্রেটারী। ডেকে বললেন, “রয়, তোমার মতো

এমন কাজের লোক—”।

অত্যন্ত অন্ততপ্ত হলেম। অনিচ্ছাক্রমে এবং নিজের অজ্ঞাতেও যে অপর লোকের মনস্তাপের কারণ হতে হয়, তারই দৃষ্টান্ত।

ভেক্টরশরণের গৃহ আছে, গৃহিণী নেই। থাকলে বিপদ ছিল। তিনি প্রাচীন-পন্থী হলে তাঁকে গলায় দড়ি দিতে হতো, আধুনিকা হলে প্রথমে স্বামীর বজুর সঙ্গে পলায়ন ও পরে বাংলা সিনেমায় নায়িকা। মাতাল বর নিয়ে ঘর করা যায়, কলহ করা যায় অন্যান্যুরাগী স্বামীর সঙ্গে। কিন্তু উদাসীন ব্যক্তির স্ত্রী হওয়ার মতো দুর্ভাগ্য নেই জগতে। প্রেম ভালো, বিচ্ছেদ দুঃখের, কিন্তু সব চেয়ে মারাত্মক ইন্ডিয়ানেশ—যে কাছের টানে না—দূরের টানে না—শুধু ভুলে থাকে।

ভক্তেরা বলেন, ধ্যান, জ্ঞান নিদিধ্যাসন সমস্তই ভগবানে উদ্ভিষ্ট না হলে ঈশ্বর লাভ ঘটে না।

যাযাবর অমনবিবাস ও

বরদারাজলু ভেক্টশরণ ভগবান প্রাপ্তির জন্য উদ্যম নন। কিন্তু ভক্তের ঐকান্তিকতা নিয়েই অস্বাভাবিক করেছেন সেক্রেটারিয়েটের। আপিস, আপিস, আর আপিস। কাজ, কাজ আর কাজ।

সকালে সাড়ে নটায় সবে মাত্র ফরাস যখন ঘর ঝাঁট দিয়ে গেছে তখন এসে বসেন টেবিলে। অপরাহ্ন গড়িয়ে যায় সন্ধ্যার আধারে, উর্ধ্ব ও অধস্তন কর্মচারীরা চলে যায় নিজ নিজ বাসায়, সহকর্মীরা একে একে করে প্রস্থান। একা ভেক্টশরণ কাজ করে যান অনন্যমনা। বাড়ি ফেরেন কখন রাত আটটায়, কখনও বা তারও পরে। গ্রীষ্ম, বর্ষা, শীত, বসন্ত ঐ একই ধারা। ছুটি নেই, ক্যাসুয়েল লীড নেই। রবিবারে দুপুরে অনেক দিন চলে আসেন আপিসে। ফাইল নিয়ে লেখেন নোট, ফ্লাগ দিয়ে দাগ দেন “ফ্রেশ রিসিট” অথবা “পি. ইউ. সি.—পেপার আভার কনসিডারেশন।” বন্ধু বাজুবেরা ঠাট্টা করে বলে, ভেক্ট, কেবল খেটেই গেলে, জীবনটা ভোগ করবে কখন?

ভেক্টশরণ হাসেন আর ডাইনে ঝিয়ে মাথা নাড়েন। বোধ হয় মনে মনে বলেন, কী আহাম্মক! হোয়াটে ফুল-অ! ভোগ? হঃ, হার্ড ডিভিশন ক্লার্ক থেকে সেকেন্ড, সেকেন্ড থেকে এ্যাসিস্ট্যান্ট, এ্যাসিস্ট্যান্ট থেকে সুপারিন্টেন্ডেন্ট, সুপারিন্টেন্ডেন্ট থেকে এ্যাসিস্ট্যান্ট সেক্রেটারী। অনেকটা পাল্লা। ভোগের জন্য জীবন তো আছেই পড়ে। চাই প্রমোশন, চাই উন্নতি। চাকুরি রে ঠুঁছ মম শ্যাম সমান।

ভেক্টশরণের এক অনুজ ছিলেন বিলাতে। আই. সি. এস. মানসে। সেখানেই পরিচয়। ভাই-এর অধ্যবসায় লক্ষ্য করেছি তাঁরও চরিত্রে। আশা করি, একদা সিভিল লিস্টের পাতায় নাম ছাপা হবে সগৌরবে।

ভেক্টশরণের স্বজাতিয়েরা নয়াদিল্লীতে সুপ্রতিষ্ঠিত। ভারত সরকারের দপ্তর গোড়াতে ছিল কলকাতায়। লালদীঘির কাছে যে বাড়িতে এখন বাংলার লাট থাকেন, সেখানে বসতি ছিল ওয়ারেন হেস্টিংস থেকে লর্ড হার্ডিঞ্জের। তখন সেক্রেটারিয়েটে বাঙালী ছিল বহু। পরে রাজধানী স্থানান্তরিত হলো দিল্লীতে। তখন থেকে তাদের সংখ্যা হয়েছে হ্রাস, অতঃপর পাঞ্জাবী, মারাঠী, গুজরাটি নানা জাতি এসেছে ধীরে ধীরে। দখল করেছে চাকবির মসনদ। সে অভিযানে মাদ্রাজীরা সর্বগ্রাে। তারা খাটে বেশি, কথা কয় কম, ফাঁকি দেয় কদাচিৎ।

নয়াদিল্লীতে মাদ্রাজীদের ক্লাব আছে, সঙ্ঘ আছে, স্কুল আছে। বোর্ডিং হাউসও আছে একাধিক। সেখানে স্কুলের ডেস্কের মতো ছোট ছোট টেবিল। তার উপরে কদলীপত্রের আহার। চার আনায মিলে স্বাথম, কুটু, সম্বর ও আল্লালম। একজন তামিল বা অন্ধ্র দেশীয়ের নিয়মিত খাদ্য। কোনোদিন ওর সঙ্গে পাওয়া যায় তৈয়রপত্চত্তি অর্থাৎ নারকেলের কুঁচি সহযোগে দৈ। সেদিন তো রীতিমতো ভূরিভোজন।

শুধু অশনে নয়, বসনেও যথেষ্ট মিতাচারী দক্ষিণাত্যের লোক। একথানা চাদর দ্বিখণ্ডিত করে হয় পরিধেয়, একটি সাধারণ ফতুয়া গাত্রাবরণ। কাঁধে একটি তোয়ালে, পায়ে একজোড়া স্যান্ডেল। বাস। আপিস ছাড়া সর্বত্র স্বচ্ছন্দচিন্তে চলাফেরা করে এই বেশে। আর যাই হোক, শোষক নিয়ে শোক করে না মাদ্রাজী কোনদিন।

তাদের মেয়েদেরও সম্ভা বাহুল্যবর্জিত। ভূষণ পরিমিত। অবশ্য সংখ্যায়। মূল্যে নয়। সাধারণ মধ্যবিত্ত মাদ্রাজী গৃহিণীরও কানে আছে হীরার ফুল। তার দাম শুনে অনেক বাঙালী স্বামী চোখে সর্বে ফুল দেখবেন। বেশীর ভাগ মাদ্রাজী তরুণীদের রূপ নেই, কিন্তু রুচি আছে। তাদের গৃহস্থার সকালে সন্ধ্যায় আলিস্পনের দ্বারা সুদৃশ্য, তাদের কবরীবন্ধন পুষ্পস্তবকে সম্ভিজত। সঙ্গীতে দক্ষতা আছে প্রায় সবারই।

সদ্য পরিচিত একজন পদস্থ মাদ্রাজীর গৃহে আমন্ত্রণ ছিল ডিনারের। ভদ্রলোক দু’হাজার টাকা

মাইনে পান। অথচ আহারের আয়োজন দেখে রসনার বদলে চক্ষু জলসিক্ত হওয়ার উপক্রম। কিন্তু তাঁর স্ত্রীর পারদর্শিতা আছে বীণা বাদনে। অপূর্ব সুর সৃষ্টি করলেন তারযন্ত্রে। জঠর যদিবা রইল অভুক্ত শ্রবণ হলো মধু-তৃপ্ত। স্বচ্ছন্দ চিত্তে ক্ষমা করা গেল তাঁর ভোজন-সভার বায়কুষ্ঠ আয়োজন।

মাদ্রাজীদের সঙ্গে পাঞ্জাবীদের তফাৎ এইখানে। আচার এবং আচরণে পাঞ্জাবীরা শুধু মডার্ন নয়, আলটা মডার্ন। যুবক, বৃদ্ধ সবাই মিলে করছে উর্ধ্বশ্বাসে বিলাতীর নকল। শুধু ছেলেরা হলে ক্ষতি ছিল না। মেয়েরাও।

রেস, ক্লাব ও কার্নিভাল—অতি আধুনিকতার এই তিন তীর্থক্ষেত্রে পাঞ্জাবী মহিলারাই প্রধান পাণ্ডা! তাঁরা চার রাউন্ড শেরী সাবাড় করতে পারেন হাসতে হাসতে। রজনীব শেষ প্রহর পর্যন্ত ফক্সট্রি নাচতে পারেন অক্লান্ত চরণে। তাঁদের দেহে শোভার চাইতে সম্ভার অধিক। তাঁরা বিয়ের আদিতো তব্বী, অস্ত্রে বিপুলা। তাঁদের বর্ণ গৌর, কিন্তু আনন লালিত্যহীন। চাকর-চাকরাণীদের শাসনকার্যে স্বহস্তে উত্তম-মধ্যম প্রয়োগ করতে দ্বিধা করেন না এতটুকুও। দেহে কিংবা মনে পাঞ্জাবিনীর নাইকো কোমলতা।

ভারতবর্ষে যুরোপীয় ভাবধারার প্রথম উন্মেষ ঘটল বাংলা দেশে। ইংরেজী শিক্ষা ও সভ্যতাকে প্রথম বরণ করল বাঙালী। সে-যুগের বাঙালীর প্রাণশক্তি ছিল প্রচুর, প্রতিভা ছিল প্রখর। ইংরেজের সাহিত্য, বিজ্ঞান ও সভ্যতাকে সে গলাধঃকরণ করল না, করল গ্রহণ। আপন ঐতিহ্য ও সংস্কৃতির জারক বসে পরিপাক করে তাকে সে আত্মসাৎ করল। পশ্চিমের চিন্তাধারাকে সে ধার করল না, ধারণ কবল। তাই বাঙালীর মধ্যে সম্ভব হলো মাইকেল মধুসূদন, বিবেকানন্দ ও চিত্তরঞ্জন দাশ। সাহিত্যে শিল্পে ও ললিতকলায় বাংলাদেশ সূচনা করল সমৃদ্ধিযুক্ত নব্যযুগের, আনল দেশাত্মবোধের অভ্যন্তর প্রেরণা। যৌবনকে দিল অভয়মন্ত্র, নারীকে দিল আত্মচেতনা। সেদিন সর্বভারতীয় অধিনায়িকার আসনে অধিষ্ঠিতা হলেন বঙ্গজননী।

যুরোপের সম্পর্শে সর্বশেষে এসেছে পাঞ্জাব। বাংলায় ইংবেজ শাসন প্রতিষ্ঠার প্রায় দেড় শত বৎসর পাবে লর্ড ডালহৌসী দখল কবেছিলেন পাঞ্জাব। কিন্তু যুরোপকে পাঞ্জাব অন্তরের মধ্যে পায়নি, শুধু বাইবে থেকে কবেছে অনুবর্তন। যুরোপের সভ্যতা ও সংস্কৃতিকে সে অনুসরণ করেনি, অনুকরণ করেছে। সে ভারতবর্ষকে দেয়নি কাব্য, দেয়নি সঙ্গীত, দেয়নি বিজ্ঞান। দিতে পারেনি দেশসেবাব আদর্শ। আধুনিক ভারতবর্ষে তাব দান একদল পি- ডব্লিউ ডি'র এঞ্জিনিয়ার, সৈন্যদলের সুবেদার এবং আই-এম-এসের ডাক্তার। একমাত্র লাজপৎ রায় ছাড়া পাঞ্জাবের আর কেউ হয়নি আজ পর্যন্ত কংগ্রেসের সভাপতি।

কলকাতাব লালদীঘিবে জল সাদা এবং গোলদীঘির আকার চতুষ্কোণ। কিন্তু এখানকার গোলমার্কেট সার্থকনামা। সেটা গোলই বটে। চাবটি রাস্তার সংগম স্থলে বৃত্তাকার দ্বীপের মতো এ-বাজারটি। দোতলা বাড়ি। উপরে দরজীর দোকান, नीচে শাকসবজী, মাছ, মাংস, ফল ইত্যাদি। পৃথক পৃথক কক্ষ। ইংবেজীতে লেখা আছে বিভ্রাণ্ডি—কোনটাতে মাছ, কোনটাতে বা মাংস। প্রবেশপথগুলিতে সূক্ষ্ম তারের জাল-আটা দরজা। স্প্রিং দেওয়া আছে, যাতে আপনিই বন্ধ হয়ে যায়। মাছেব ঘবটিতে উচু সিমেণ্টের বেদীতে রাখা হয় মাছ, তার উপর দিয়ে গেছে জলের কলের সছিদ্র পাইপ। ছিদ্রপথে অবিরাম বিন্দু বিন্দু করে ঝরেছে জল। আপনি ধুইয়ে নিচ্ছে বেদীটি। আইসচেস্টের ভিতরে থাকে মাছ। পরিষ্কার, পরিচ্ছন্ন। মাছির উপদ্রব নেই, কর্দমাক্ত জল সিঞ্চনে পঙ্কিল হওয়ার আশঙ্কা নেই ক্রেতাদের বসন। মার্কেটের দু'ধারে মনোহারী দোকান, মুদী ও ময়রা ইত্যাদি। বাঙালীর দোকান আছে কয়েকটি, তার মধ্যে একটিতে মিলে দৈ, সন্দেশ ও অন্যান্য বাঙালীর খাবার।

গোল মার্কেটের পথে আছে লেডি হার্ডিঞ্জ কলেজ, ভারতবর্ষে পুরুষের সম্পর্কশূন্য একমাত্র

মহিলা মেডিকেল কলেজ। বিদ্যার্থীদের মধ্যে এ্যাংলোইন্ডিয়ান আছে, মাজাজী আছে, মারাঠী আছে, আসামী আছে। বাঙালী নেই একটিও। পাঞ্জাবী এক অধ্যাপক বন্ধুর শ্যালিকা পড়ে ফোর্থ ইয়ারে। সুদর্শনা। বাংলার বাইরে কলেজ য়ুনিভার্সিটিতে সুন্দরীর সাক্ষাৎ মিলে। রূপের অভাবটাই সেখানকার মেয়েদের উচ্চশিক্ষার কারণ নয়। পড়াশুনাটা নয় বিয়ের আগের স্টপ গ্যাপ।

মেয়েটি মেধাবী, ক্লাশে প্রথম স্থান অধিকার কবেছেন পরীক্ষায়। বললেন, মেডিসিনের চাইতে সার্জারীতে আগ্রহ বেশী। পাশ করে হবেন সার্জেন। সর্বনাশ!

প্রাচীনরা হাতে ধরতেন সম্মার্জনী। ঘরের মেঝে থেকে অবাধ্য স্বামীর পৃষ্ঠ পর্যন্ত সর্বত্র তার অপক্ষপাত ব্যবহারের দ্বারা সংসারযাত্রাকে তাঁরা নিরঙ্কুশ রাখতেন। আধুনিকাদের হস্তে শোভে ভানিটি ব্যাগ। তার গর্ভে নিহিত প্রসাধন সামগ্রী নিজের স্বামীর হৃদয়ে ত্রাস এবং পরের স্বামীর হৃদয়ে চাঞ্চল্যের সঞ্চার করে। অতি আধুনিকারা যদি ধরেন ফরসেপস তবে বেচারী পুরুষ জাতিকে আত্মরক্ষা সমিতি স্থাপন করতে হবে অচিরে।

রসবোধ আছে তরুণীর। কলহাস্যে উচ্ছ্বসিত হয়ে উঠলেন।

লেডী হার্ডিঙ্গে বাঙালী ছাত্রী না থাকলেও অধ্যাপিকা আছেন একজন। মহিলার এক ভাই আই. সি. এস, এক ভাই এম. এস. দু' ভাই একাউন্টস সার্ভিসে উচ্চপদস্থ অফিসার। এক বোন শিল্পী। গভর্নমেন্ট অব ইন্ডিয়ার শিল্প ও বিজ্ঞান বিষয়ক মাসিক পত্রিকা 'জার্নেল অব সাইন্টিফিক অ্যান্ড ইন্ডাস্ট্রিয়াল রিসার্চ'-এর চিত্রসম্পাদিকা। অন্য ভাই বোনেরা সকলেই কৃতী। তিনি নিজে ডব্লিউ. এম. এস. অর্থাৎ আই. এম. এনেরই মহিলা সংস্করণের অন্তর্ভুক্ত। মাইনে পান অনেক, ডাক্তারী করে আয় করেন যথেষ্ট, ভ্রম ব্যবহার, অমায়িক ভাষণ, সহৃদয় আচরণ। লেডী ডাক্তারী গন্ধ নেই কোনখানে। কলেজের সংলগ্ন সরকারী কোয়ার্টার। সেখানে গৃহসজ্জায় গৃহকত্রীর সুরচির পবিচয় পরিস্ফুট।

নয়াদিল্লীতে মহিলা ডাক্তার আছেন একাধিক। যুক্তপ্রদেশের আছেন জন দুই। লেডী হার্ডিঞ্জের যিনি প্রিন্সিপাল তিনি দক্ষিণ দেশীয়। একটি আছেন পাঞ্জাবী। এর জনক ধরমবীর পাঞ্জাবে সুপরিচিত, জননী যুরোপীয়। তাঁরা উভয়েই জননায়ক সুভাষচন্দ্র বসুর অত্যন্ত অন্তরঙ্গ সুহৃদ। মহিলা বিয়ে করেছেন একটি বাঙালী। এরা দুজনেই ডাক্তার। স্বামী স্ত্রী দুজনেই রাজনীতিক বা স্কুল মাস্টার-হওয়ার চাইতে ভালো। পলিটিক্যাল ইকনমির মতো দাম্পত্যোত্তর ডিভিশন অব লেবার আছে। সেখানে স্ত্রীর অংশ কথা বলার, স্বামীর অংশ কথা শোনার। দুজনেই বক্তা হলে গার্হস্থ স্বাস্থ্য রক্ষায় নিদারুণ বিঘ্ন ঘটে।

কনট প্লেসকে বলা যায় দিল্লীর চৌরঙ্গী। সাহেবী এবং সাহেবী ধরনের দোকান পসার সেখানে। স্যুট বানাবার দর্জী, ফটো তোলায় স্টুডিও, প্রভিন্সনসের স্টোর, চুলে ঢেউ খেলাবার বিউটিপার্লার, লাঞ্চ খাওয়ার হোটেল, সিনেমা দেখবার ছবিঘর,—সবই এই কনট প্লেসে। শুধু চৌরঙ্গী নয়, ক্লাইভ স্ট্রিটও। ব্যাঙ্ক ও আপিসপাড়াও এইটেই। বার্ড কোম্পানীর পেটেন্ট স্টোন, মাটির টাইলস, ডালমিয়ার সিমেন্ট কিনতে হলে আসতে হবে কনট প্লেসেরই আশেপাশে।

কনট প্লেসের নামকরণ হয়েছে রাজা পঞ্চম জর্জের পিতৃব্য পরলোকগত ডিউক অব কনটের নামে। মন্টেগু-চেমসফোর্ড রিফর্মসের ফলে বর্তমানে কেন্দ্রীয় পরিষদ সৃষ্টি হলে তার আনুষ্ঠানিক উদ্বোধন করতে ভারতে আসেন তিনি। জালায়ানওয়ালাবাগের নরঘাতন নিষ্ঠুরতার স্মৃতি তখনও স্পষ্ট জাগ্রত ভারতীয়দের মনে। বৃদ্ধ ডিউকের উদ্বোধন বক্তৃতায় তার প্রতি ইঙ্গিত ছিল, ছিল আন্তরিকতার সুর,—“দু'পক্ষেই ভুল ত্রুটি ঘটেছে বিস্তার। আজ তার পর্যালোচনার প্রয়োজন নেই। আসুন আমরা সবাই অতীতের কথা বিস্মৃত হই, পরস্পরকে ক্ষমা করি। ফরগিভ অ্যান্ড ফরগেট।”

কিন্তু ফরগেটেনেস তো চলে শুধু সমানে সমানে। শাসক-শাসিতের মধ্যে তার স্থিতি পদ্মপত্রে জলবিন্দুর মতোই ক্ষণিকের। মুহূর্তে মুহূর্তে নতুন করে স্মরণের কারণ ঘটে এক পক্ষের ক্ষমতাগর্বিত আশ্বালন ও অপর পক্ষের নিরুপায় নিষ্ফল আর্তনাদ। জালিয়ানওয়ালাবাগ ভুলতে না ভুলতে আসে হিজলী, তার স্মৃতি শূন্য মিলাবার আগে ঘটে কাঁথি বা তমলুক।

কনট প্লেসের আকৃতি গোলাকার। বৃন্তের ভিতরের দিকে মুখ করে এক সারি দালান। তার পিছনে আছে অনুরূপ আর এক সারি। তাদের মুখ বাইরের দিকে। সেটার নাম কনট সার্কাস। রোমান পদ্ধতির বিরাটাকার থামের উপরে প্রসারিত বারান্দা। সেখানে অপরাহ্ন বেলায় ভিড় জমে সুবেশ নরনারীর, সওদা করে সৌখীন ক্রেতারা, আলোকোজ্জ্বল শো-কোসে বিচিত্র দ্রব্যের দর্শন পায় কৌতুহলী জনতা।

দালানের পরেই প্রশস্ত রাজপথ। তার ঠিক মাঝখানে সাদা দাগ দিয়ে পার্কিং-এর নির্দেশ, সেখানে থাকবে অপেক্ষমান মোটরকার ও টাক্স। দু'পাশ দিয়ে চলে যানবাহন। রাস্তার ওপারে বিস্তীর্ণ পার্ক। লৌহশৃঙ্খলের দ্বারা ফুটপাথ থেকে বিচ্ছিন্ন। সেখানে বিশ্রামার্থীদের জন্য আছে বেঞ্চি, ক্রীড়াচঞ্চল শিশুদের জন্য আছে তৃণাচ্ছাদিত অঙ্গন এবং পুষ্পবিলাসীদের জন্য আছে অজস্র ফুলের আয়োজন।

ঘাস জিনিসটাব মূল্য যে কত তা জানা নেই বাংলাদেশে, যেখানে দু'দিন না ইটলে পায়েব তলায় গজায় ঘন ঘাসেব বন। অপদার্থ ব্যক্তিকে ঘাস খেতে বলে গাল দেওয়ার উপায় নেই উত্তর ভারতে। ভাতের চাইতে সেটা অনেক বেশী দুর্ঘট। গ্রীষ্মকালে সূর্যের তাপ যেখানে এক শ' তেরো ডিগ্রিতে ওঠে এবং সারা বছরে যে দেশে মাত্র কুড়ি ইঞ্চি বৃষ্টি হয়, সে-দেশে ঘাস জন্মাতে প্রয়াসের প্রয়োজন। নয়াদিল্লীর বন-ট প্লেসেব প্রত্যেকটি ঘাস হাতে করে বোনা এবং হাতে ধরে বাঁচানো। তার জন্য সরকারী হটিকালচার ডিপার্টমেন্ট থেকে যে পরিমাণ যত্ন, ভাল ও অর্থ ব্যয় করা হয়, সে হিসাবটা যে কোনো দৈনিক পত্রিকার সম্পাদকদেব জ্বালাময়ী প্রবন্ধ রচনার উপাদান হতে পারে।

ফুল সম্পর্কে আমবা ভারতীয়েরা, বিশেষ করে বাঙালীরা যথেষ্ট সচেতন নই। ফুল এবং চাঁদের আলো একমাত্র কলেজ ম্যাগাজিনে কিশোর বয়স্কদের প্রথম পদ্য রচনা ছাড়া আর কোনো কাজে লাগে বলে তো জানা নেই। আর্টিস্টিক জাতি বলে বাঙালীর মনে যে আত্ম-ভিমান আছে সে নিয়ে তর্ক চলে কিন্তু তথ্য মিলে না। সাধারণ স্বল্পশিক্ষিত ইংবেজ পরিবারেও খাওয়ার টেবিলে বা বসার ঘরে সামান্য কিছু ফুলের সজ্জা মিলে নিশ্চিত। অতি সচ্ছল বাঙালীর গৃহে পুষ্পগুচ্ছের চিহ্ন দেখা যায় কদাচিৎ। অর্থের প্রশ্ন নয়, কচির প্রশ্ন। বেশীর ভাগ বাঙালী পরিবারে ফুলের প্রয়োজন হয় জীবনে মাত্র দু'বার,—ফুলশয্যার রাত্রিতে এবং শবাধার সজ্জায়।

পুরাকালে পরিবারে গৃহদেবতার পূজার রীতি ছিল। সেজন্য প্রয়োজন ছিল গন্ধপুষ্পের। বাড়িতে থাকতো দু'-একটি ফুলের গাছ। আধুনিকতায় গৃহদেবতার স্থান নেই। পূজা যদি করতেই হয়, তবে পাথরের ঠাকুর অম্পক্ষা রক্তমাংসের দেবতাদের তুষ্ট করাই বুদ্ধিমানের কাজ। ফল মিলে হাতে হাতে। তাই এ-যুগে আমাদের ভজন-পূজন হয় আপিসের বড় সাহেব, জেলার ম্যাজিস্ট্রেট এবং রাষ্ট্রনৈতিক নেতাদের। আমাদের ঠাকুর ঘরের জায়গা দখল করেছে ড্রয়িং-রুম। কিন্তু জবা, দোপাটি ও নাগকেশরের স্থান কার্নেশন, ডালিয়া বা গ্ল্যাডিওলাস এসে পূর্ণ করেনি। সখীপরিবৃত্তা আধুনিকা শকুন্তলাকে পুষ্পবীথিকায় তরু আলবালে জল সিঞ্চনরত দেখার সম্ভাবনা-মাত্র নেই। তার দর্শনাভিলাষে এ যুগের দুঃস্বপ্নকে যেতে হবে লাইট হাউস সিনেমায় নয় তো লেকে। কলকাতায় যে লোক ফুল ঘরে রাখে সে নেহাতই ফুলবাবু।

এ শহরে ফুলের অভাব নেই। পথের দু'পাশে সরকারী বাংলাগুলির বিস্তৃত অঙ্গন পুষ্পসজ্জায় সমৃদ্ধ। পথচারণে দৃষ্টি মুগ্ধ হয়। রাস্তার চৌমাথায় বৃত্তাকৃতি পার্কগুলিতে আছে ফুলের কেয়ারী।

ডাকঘরের গায়ে, হাসপাতালের মাঠে, ফুটে রয়েছে প্রচুর মরসুমী ফুল। কনট প্লেসে আছে 'ক্যানা' ফুলের ঝাড়। শীতের দিনে পুষ্পাভরণের অজস্রতা কল্পনা করা যায় গ্রীষ্মের ভগ্নাবশেষ দেখেই।

নয়াদিল্লীর আকাশে আছে বৈরাগীর দৃষ্টি, বাতাসে আছে নিঃশ্বের হতাশ্বাস, মাটিতে আছে তপস্বিনীর কাঠিন্য। কিন্তু তার পথপার্শ্বে সযত্নরোপিত তরুশ্রেণী পথচারীর জন্য প্রসারিত করেছে ছত্রছায়া, তার শ্যামল তৃণাবৃত পার্ক বিছিয়ে দিয়েছে হরিৎ অঞ্চল, তার বহু বিচিত্র কুসুমের দল রচনা করেছে বর্ণাঢ্য ইন্দ্রজাল। প্রণয়ীযুগলের পক্ষে সর্বাপেক্ষা অনুকূল আবেষ্টন আছে নয়াদিল্লীতে। সন্ধ্যার ঈষৎ অন্ধকারে তার জনবিরল, ধ্বনিবিরহিত গন্ধ-আমোদিত পথে পাশাপাশি চলতে গিয়ে সদাবিবাহিত তরুণ-তরুণীর হৃদয় হয় উদ্বেল, কণ্ঠ হয় ক্ষীণ, চুপি চুপি বলতে অভিলাষ হয় অত্যন্ত তুচ্ছ কোনো কথা, যার না আছে অর্থ, না আছে সঙ্গতি, না আছে প্রয়োজন। এবং সেই স্তব্ধ সায়াহ্ন একজনের ঝুমকা-দোলানো কানের অত নিকটে আর একজনের মুখ আনতে গেলে তা' দু'-একবার লক্ষ্যচ্যুত হয়ে পড়াও একেবারে বিচিত্র নয়।

আট

সকালবেলা ঘুম ভাঙলো একটি মেয়ের চোচানিতে। শুধু আজ নয়, প্রত্যহই ভাঙে। অবশ্য আমি বলি চোচানি। মেয়ের মা বলেন গান। মেয়েটি গান শিখছে।

পৃথিবীতে সঙ্গীত কে কখন সৃষ্টি করেছেন জানিনে। কিন্তু এতকাল এইটুকু বিশ্বাস ছিল, যিনিই করুন, তাঁর মনে কোনো নিষ্ঠুর অভিপ্রায় ছিল না। কিন্তু সে ধারণা বজায় রাখা ক্রমেই শক্ত হয়ে উঠছে।

মেয়েটির গলায় সুরের লেশ মাত্র নেই, অথচ জোর আছে অসুরেব। সেটা আরও সাংঘাতিক। ভোর পাঁচটা থেকে সাতটা,—এই পাকা দু'টি ঘণ্টা সে প্রত্যহ সঙ্গীতভাষ্য করে। সপ্ত সুরের সঙ্গে কুস্তি করে বললেই ঠিক হয়। আশেপাশের প্রতিবেশীরা যে এখনও ননভায়োলেন্ট আছে সেটা গান্ধীজিব শিক্ষায় নয়, একান্ত নিরুপায় হয়েই। সভ্যতার অনেক দণ্ড আছে। তার মধ্যে এও একটা।

যুরোপ আমাদের অনেকগুলি মন্দ জিনিষ দিয়েছে। তার মধ্যে সবচেয়ে মারাত্মক কোনটা সে বিষয়ে মতভেদ আছে। জস্তারেরা বলেন সিফিলিস, গুরুজনেরা বলেন ফ্রি-লভ এবং গান্ধীজি বলেন কলকারখানা। আমার মনে হয় ভারতবর্ষে যুরোপের সবচেয়ে ক্ষতিকর আমদানি হারমোনিয়ম। মানুষের স্নায়ুতন্ত্রের ওপর নিদারুণ অত্যাচারের এমন দ্বিতীয় যন্ত্র নেই। আশ্চর্য নয় যে, পণ্ডিত জওহরলাল বলেছেন, জনসভায় অভিনন্দনপত্র পাঠ করার আগে কেউ যখন হারমোনিয়ম বাজিয়ে উদ্বোধন সঙ্গীত শুরু করে তখনই তাঁর অদম্য অভিলাষ হয়, জনতার মাঝখানে ঝাঁপিয়ে পড়ে ঐ বাদ্যযন্ত্রটাকে পদাঘাতের দ্বারা চূর্ণ বিচূর্ণ করেন।

জড় পদার্থের একটা সুবিধা আছে। তার সহনশীলতা অপরিমিত। সে বিদ্রোহ করে না। দিনের পর দিন দু'ঘণ্টা বেসুরো চিংকারের সঙ্গে পাল্লা দিয়ে আওয়াজ বের করা একমাত্র হারমোনিয়মের পক্ষেই সম্ভব। গত দশদিন ধরে সেই এক সুরে—'বঁধু, তুমি যে চলে গেলে, ফিরে তো নাহি এলে'। বঁধু লোকটা যে কে, ঠিক জানিনে। যেই হোক, বেচারীর অবস্থা কল্পনা করতে পারি। মেয়েটির সঙ্গে আলাপ থাকলে হাতজোড় করে বলতেম,—বাছা, চলে যে গেছে, সে নেহাত প্রাণের দায়েই গেছে। এবং তোমার ঐ গান না থামলে সে আর ফিরছে না এও নিশ্চয়। প্রেম যত গভীরই হোক প্রাণের মায়া, অর্থাৎ কানের মায়ার চাইতে সে বড় নয়।

মেয়েটির অপরাধ নেই। তার মাকে দোষ দেওয়া বৃথা। তিনি জানেন মেয়ের বিয়ে দিতে হবে। পাত্রপক্ষ কনে দেখতে এলে গানের পরীক্ষা আছেই। সুতরাং তার জন্য মেয়েকে তৈয়ার করা আবশ্যিক। তাই কিনতে হয় হারমোনিয়ম, রাখতে হয় গানের মাস্টার, মেয়েকে প্রাণান্তকর কসরৎ করতে হয় কণ্ঠস্থলীর।

এদেশে সর্বগুণাঙ্ঘিতা হবাব দাবী মেয়েদেব উপবে । বিবাহযোগ্যা কন্যাকে হতে হবে বিদুষী, কলাবতী, সুধীবা ও গৃহকর্মনিপুণা । যে মেয়ে ফিজিঙ্গে অনার্স নিয়ে বি এস সি- পাশ করেছে তাকেও কার্পেটে ফুল স্তোমশ । শখতে হয়, বড়ির ফোডন দিয়ে মোচাব ঘণ্ট ঠাখতে জানতে হয় এবং সম্ভবপব ববেব বন্ধুদেব সামনে কনে বাছনিব সময় মহাশ্য়া গাঞ্জীব একটি অতি পরিচিত ফটোব ভঙ্গিতে মাদুবে বসে হাবমোনিয়াম বাজিয়ে গান ধবতে হয়—‘যে ছিল আমার স্বপনচারিণী তাবে’ ইত্যাদি ।

বিবাহেব দববাবে পুকষেব কাছে প্রত্যাশা সামান্য । ডাক্তার ববেব মাসিক আয়ের খোজ নিয়েই মেয়েব মায়েবা খুশি থাকেন, তাব ক্রীড়া-দক্ষতা, অভিনয় পাবদর্শিতা কিংবা বক্তৃতা শক্তি নিয়ে মাথা ঘামান না । ছেলেবা কববে শুধু একটা । হয় লেখাপড়া, নয় ফুটবল, নয়তো ইনক্লেব জিন্দাবাদ । মেয়েদেব বিচাব কোনো একটা মাত্র কৃতিত্ব নয়, সব কিছু মিলিয়ে । তাংদেব দাম প্রথমতঃ কাপে, তাংপব তাংদেব বিদ্যাব, তাংদেব সঙ্গীতে, তাংদেব নৃত্যে, তাংদেব সৃষ্টিশিল্পে এবং বেশী ভাগ ক্ষেত্রে তাংদেব পিতৃকুলেব ব্যাকব্যালেন্বেব পবিমাপে ।

পুবাকালে বাজকন্যাবা নিজেবা পতি নির্বাচন কবতেন । পুকষেব হতো পবীক্ষা । বীর্যবস্তার পবীক্ষা । পুকষকে তখন স্বয়ম্বব সভায় নাবীব ববমাল্যেব যোগ্য হওয়াব সাধনা কবতে হতো । একালে মেয়েবা সহজলভ্যা । এংদেব জন্য হরধনু ভাঙতে হয় না, প্রতিবিশ্ব দেখে মংস্যচক্র বিদ্ধ কবতে হয় না । তাংদেব লাভ কবতে ঝাধা মাইনেব একটা চাকুবি হলেই যথেষ্ট । একালে বাজপুত্র, কোটালপুত্রদেব কঁচবরণ কন্যাব খোজে ঘব ছেড়ে বিদেশে বেরোতে হয় না । দুধসাগরেব জলেব নীচে যে রূপাব ক্রীড়াং কালো ভোমবাব মধ্যে আছে বাক্ষসেব প্রণ তাব সন্ধান কবতে হয় না । সোনাব কাঠি ছুইয়ে পাতালপুবীব বাজকন্যাব ঘুম ভাঙতে হয় না । সবকাবী দপ্তবখানা অফিসাবেব ভকমা এতে তাবা বীবদর্শে প্রজাপতি ঋষিকে দ্যুবাে হাঁক দিয়ে বলেন—লে আও নিপুণিকা, চতুর্বিবা মালবিকাব । সেন, মাধুবী বায, ভলি দত্ত বা অকঙ্কতী চ্যাটাঙ্গীদেব । একালেব কেশবতী বাজকন্যাব নব্বই ভবি সোনা আব তিনপ্রস্থ ফানিচাবেব খেযা নৌকা চাপে অপর্ণ এসে উত্তীর্ণ হন বাসবঘবেব ঘাটে । পণেব টাকায় কাবেঙ্গী নোটেব মালা ববেব গলায় পবিযে দিয়ে বলেন, যদিং হুদয়ং তব ওর্দিং হুদয়ং মম

আমাব কর্ণপটহ বিন্দীর্ণকাবিনী সঙ্গীত অভিনায়িনীকে চাখে দেখিনি । শুনেছি একেবাবে কপহীনা নন । লেখাপড়ায় ও ভাবো ও’ হোক । কিন্তু গান তাকে শিখতেই হবে । আমবা হতভাগ্য প্রতিবেশী,—আমংদেব ললাটে দুখ আছে , খণ্ডাবে ক্ষে

দীর্ঘ নিঃশ্বাস ছেড়ে পাশ ফিরে আব একবাব নিদ্রাব উদ্যোগ কবলেম । বৃথা এবাব গান নয়, কার্ড । দর্শনপ্রার্থী এক ভদ্রলোক । কার্ডেব উপবে ছাপা—পি সি সমাদ্দাব, বিএ, ডেপুটি এ্যাসিস্ট্যান্ট কম্ট্রোলাব । ভদ্রলোক আজ সকালে আসবেন কথা ছিল বাট । কিন্তু সকালে মানে যে সাড়ে ছটা ও ভাবতে পাবনি ।

এই যে, নমস্কার । দুর্মচ্ছলেন না কি । বড অন্যায হয়ে গেছে তাহলে । আমি ৭ আমি মশাই ঠিক পাঁচটায় উঠে খানিকটা হেটে আসি । বাবখাষা ধবে’ ফিবোজ শা বোড, উইন্ডসব প্লেস, কুইনসওয়ে হয়ে বাড়ি মাইল দুই হবে । আছি ভালো মশাই । ডিসপেনসিয়াটা অনেকটা চাপা আছে । চা ৭ আছা দিন এক কাপ, একবাব অবশ্য হয়ে গেছে । আপনাব বুঝি এখনও হয়নি । সাতটাব আগে বিছানা ছাভেন না । খাসা আছেন মশাই । দশটা-ছটা আপিস কবতে ইঁদ না, কাবো তোযাঙ্কা নেই । হাই সার্কেলে মৃত কবনে । হ্যা, ভালো কথা, জিজ্ঞাসা কবেছিলেন নাকি নেহককে ঐ ডিযাবনেস এলাউন্সেব কথাটা ।

নেহক মানে বি কে নেহক । ফিনান্স ডিপার্টমেন্টেব আভাব সেক্রেটারী । পণ্ডিত জহরলাল নেহকব সঙ্গে আত্মীয়তা আছে । ভদ্রলোক নিজে আই সি এস এবং স্ত্রী বিদেশিনী, কিন্তু ভারতবর্ষে প্রতি দুজনাবই সত্যিকাব টান আছে ।

ক্রটি স্বীকার কবতে হলো । স্মরণ ছিল না । কিন্তু তিনি নিবাস হয়ে হাল ছাড়বার পাত্র নন । বললেন, আজ একটু মনে রাখবেন । শুনেছি তো সাড়ে সতেরো পাবসেন্ট করাব কথা হয়েছে ।

কিন্তু কত মাইনে অবশি এলাউলটা দেবে সেইটেই আসল কথা। পাঁচ শ' টাকার উপরে মাইনে হলে দেবে না বলে কেউ কেউ বলছে। দেখুন তো একবার অন্যায়টা। কেন, আমাদের অপরাধটা কী? জিনিসপত্রের দাম তো আর শুধু পাঁচ শ'র নীচেওয়ালাদের জন্যে বাড়েনি। দুধের দাম টাকায় ছ' সেরের জায়গায় এক সের নিতে হচ্ছে তাকেও আমাদেরও। বলুন সত্যি কি না? তবে কেন ডিয়ারনেস এলাউলের বেলায় আমরা বাদ পড়ব? এসব ইনজাস্টিসের জন্যেই তো মশাই গবর্নমেন্টের কাজে ঘোঁসা ধরে যায়। গান্ধী মহারাজ কি আর অমনি শয়তানী গবর্নমেন্ট বলেন? গান্ধী ভক্তকে সবিনয়ে স্মরণ করিয়ে দিতে হলো যে, গান্ধীজী পাঁচ শ' টাকার বেশী কারোয় মাইনেই রাখতে রাজী নন।

না, না, সেটা ঠিক নয় মশাই। তিনি মহাত্মা, তাঁর কথা আলাদা। ঋষিতুল্য লোক। একটু ছাগলের দুধ পেলেই হলো। আর পাঁচজনেব তো তা নয়। এই ধকন না আমারই কথা। আপনি তো ঘরের লোকের মতো, আপনাকে বলতে আর কী? আট শ' টাকা পাই। ইনকাম ট্যাক্স, প্রভিডেন্ট ফান্ড কেটে নিয়ে হাতে আসে সাত শ' তেরো টাকা পাঁচ আনা। ফি মাসেই শেষের দিকে টানাটানি হয়। কোনটা না করলে হয়? গাড়ি আছে, মেয়ের বিয়ে দিতে হবে, ছেলেকে বিলেতে পাঠাতে হবে। পাঁচ শ' টাকার সীমা কিছু কাজের কথা নয়। স্ট্যান্ডার্ড অব লিভিং বাড়তে হবে, তা না হলে ভারতবর্ষের উন্নতি নেই। দেখুন না বিলেতে, এমেরিকায়। ইয়া, সাহেবগুলিকে তাড়িয়ে দিন না। ওরা করে কী? শুধু দস্তখত। যা কিছু তো আমরাই লিখে পড়ে দিই। কিন্তু পাঁচশ'র উপরে যদি মাইনে না থাকে, তবে চাপরাশীর মাইনে যে মাসে আট আনায় দাঁড়াবে! দাঁড়াবে না? বরং এখনকার চাইতে আরও বাড়বে? অবাক করলেন মশাই? কি জানি; আপনারদের কংগ্রেসীদের কী বিচাব-বুদ্ধি আপনারাই জানেন।

কংগ্রেসীদের বিচার-বুদ্ধি ব্যাখ্যা করাব মতো ধৈর্য বা সময় কোনোটাই ছিল না। প্রসঙ্গ পরিবর্তনের জন্য ক্রীপস আলোচনার কথা তুললেম। দেখা গেল তাতেও আগ্রহেব একেবারে অভাব নেই। জিজ্ঞাসা করলেন, কিছু হবে মনে হচ্ছে কি? হলে বাঁচা যায় মশাই। ইংরেজ ব্যাটাদের আচ্ছা শিক্ষা হয়। ছিল বটে আগের দিনে সব দিলদরিয়া সাহেব। যথার্থ মা-বাপেব মতো। আমি তখন সব সেক্রেটারিয়েটে ঢুকেছি। আমাদের সুপারিন্টেন্ডেন্ট ছিলেন মহাতপ বাবু। মহাতপ ঘোষ, খড়দায় বাড়ি। বড়ো হয়েছেন, বয়স সত্তরের কাছাকাছি। সার্ভিস বৃকে লেখা আর্টক্লিশ। পেলনের আরও সাত বছর বাকী। চোখে একেবারেই দেখতে পান না, লিখতে হাত কাঁচপ। একদিন ফাইলে টাইপকরা লেখার উপরেই দস্তখত করে বসে আছেন। আমরা ভয়ে সারা। আজ আর রক্ষে নেই। মারে,—সার অ্যালেকজান্ডার মারে—সাহেব ছিলেন আমাদের সেক্রেটারী। ডেকে নিয়ে বললেন, মহাতপ, ছেলে ম্যাট্রিক পাশ করেছে? না করে থাকে তো ক্ষতি নেই। কাল নিয়ে এসো ভর্তি করে দেবো। তুমি এবার রিটায়র কর। অনেক খেটেছ এখন ডিসার্ড ওয়েলআর্নড রেস্ট। আর এখন মশাই আমার মেজ শ্যালক কলকাতা যুনিভার্সিটির গ্রাজুয়েট। দু'বছরের চেষ্টায় ঢোকাতে পারছি নে।

শুধু মেজ শ্যালকের চাকরি প্রাপ্তিতে বার্থ নয়। নিজের প্রমোশন সম্পর্কেও অভিযোগ ছিল।

স্বরাজ না হলে আর চাকরি করে সুখ নেই মশাই। ইংরেজ ব্যাটাদের কাছে এখন মুসলমানেরা হচ্ছে বড় শিয়ারের। তাদেরই পোয়া বারো। কাজ জানুক আর নাই জানুক, মাথায় ফেজ থাকলেই জ্বালা। পেটে বোমা মারলে এক কথা শুদ্ধ ইংরেজী বেরোয় না এমন সব লোক অফিসায় হয়ে এসে বসেছে। খান-বলে আমাদের এক নতুন কন্ট্রোলার এসেছে। আকাট মূর্খ। সেদিন এক ফাইলে রেকর্ডে লিখতে দুটো r দিয়ে বসে আছে। গত মাসে দু'বছরের জুনিয়র একজন মুসলমান আমাদের চার জনকে ডিঙিয়ে ডেপুটি চীফ হয়ে গেল। এসব অবিচার কি আর চিরকাল সহিবে? ইংরেজদের দিন ঘনিয়ে এলছে। তবে ইয়া, এও বলি, হবে নাই বা কেন? মুসলমানদের ফেলো-কিলিং আছে। চাকরি নিয়ে, প্রমোশন নিয়ে তাদের লীডারেরা সব সমস্ত লড়ছে। পান থেকে চুন খসেছে কি, অমনি এসেছলীতে পাঁচজন মুসলমান মেথার পাঁচটা প্রশ্ন করবে, উইল দি অনারেবল মেথার বি প্লিজড্ টু স্টেট। একটা মুসলমান চাপরাশীকে কিছু বলেছেন তো

মিনিস্টারেরা কৈফিয়ত তলব করবে। আর আমাদের হিন্দুরা ? সব কংগ্রেসী। তারা কেবল উচ্চাঙ্গের কথা বলে বলেই গেলেন। স্বরাজ, স্বাধীনতা ; কমপ্লিট ইন্ডিপেন্ডেন্স। আরে চাকরি-বাকরিগুলি সবই যদি অন্যের হাতে গেল তবে স্বরাজ নিয়ে কি ধুয়ে খাবো ? আমি পষ্ট কথা বলবো মশাই, আমাদের কংগ্রেসের কর্তারা প্রাকটিক্যাল পলিটিক্স একেবারেই বোঝেন না তাই জীবন কাটাচ্ছেন শুধু জেলখানায়।

ভদ্রলোককে বাধা দিয়ে লাভ নেই, তর্ক করা নিরর্থক। মৃধ্যবিশ্ত বাঙালী পরিবারের অতি পরিচিত আবহাওয়ায় মানুষ। চাকরিকে জানেন জীবনের অনিবার্য অবলম্বন, গবর্নমেন্ট পোস্টকে আকাঙ্ক্ষিত সৌভাগ্য। তাঁর ধ্যান, ধারণা, চিন্তা ও স্বপ্ন সমস্তই এই চাকরিকে কেন্দ্র করে। ক্যারেক্টার রোল নিয়ে তার আরম্ভ, পেন্সন নিয়ে তার শেষ ! এবং এই আদি অন্তের মাঝখানে প্রমোশন দিয়ে তার বিস্তার।

আপিসের বেলা হচ্ছিল। সমাদ্দারবাবু গাছোখান করলেন। আচ্ছা এখন তাহলে উঠি। আপিস আছে। আজ আবার এ মাসের এরিয়ার স্টেটমেন্টটা পাঠাতে হবে। বিকেলের দিকে আর একদিন আসব। বিকেলে বাড়ি থাকেন না ? তাহলে সকালেই আসব। আচ্ছা, চলি এখন। ঐ ডিয়ারনেস এলাউয়েন্সের কথাটা কিন্তু আজ একবার কাঁইন্তলি—।

বিকালের দিকে চায়ের নিমন্ত্রণ ছিল। নয়াদিল্লীর প্রেস ক্লাব টি পাটি দিচ্ছেন সার স্ট্যাফোর্ড ক্রীপসকে। ক্রীপস্ চা, লাঞ্চ ও ডিনাবের বহু নিমন্ত্রণ পেয়েছিলেন। কিন্তু একমাত্র প্রেস ক্লাব ছাড়া আর কোনো আমন্ত্রণই তিনি গ্রহণ করেননি। বললেন, তাঁর প্রতি ভারতীয় সাংবাদিকদের সহৃদয় ব্যবহারে তিনি অত্যন্ত কৃতজ্ঞ এবং সে কৃতজ্ঞতা প্রকাশের উদ্দেশ্যেই এই চা চক্রে তিনি যোগ দিতে স্বীকৃত হয়েছেন।

সেক্রেটারিয়েটের সাউথ ব্লকেব প্রাঙ্গণে চা পাটিব আয়োজন। স্বদেশী ও বিদেশীয় সাংবাদিকদের নিয়ে নিমন্ত্রিত প্রায় শ'দেড়েক। কয়েকজন মহিলাও আছেন। অবশ্য তাঁরা সবাই বিদেশিনী।

প্রেস ক্লাবের সভাপতি বাঙালী। উষানাথ সেন। ভারতে সাংবাদিকদের গুরুস্থানীয় ও এসোসিয়েটেড প্রেসের প্রতিষ্ঠাতা স্বর্গীয় কে. সি. রায়েব সহকর্মী ছিলেন। বর্তমানে এসোসিয়েটেড প্রেসের অন্যতম কর্ণধার, দিল্লী আপিসেব কর্ম-সচিব। বয়স ষাটের উপরে, শরীর সুগঠিত। বিষয়লব্ধ তীক্ষ্ণনাসা, উজ্জ্বল দৃষ্টি। কথাবার্তা, চালাচলন ও বেশভূষায় প্রখর ব্যক্তিত্বের চিহ্ন আছে। ভদ্রলোক অবিবাহিত। নয়াদিল্লীতে কোনো দিন চিরকুমার ৬৩ বসলে তিনিই হলেন সর্বজনসন্মত পার্মানেন্ট প্রেসিডেন্ট।

টি-পাটির পরে সাংবাদিক সম্মেলন। নয়াদিল্লীর সরকারী ও বেসরকারী ইতিহাসে এইটিই সর্বাপেক্ষা বৃহৎ প্রেস কনফারেন্স। সাউথ ব্লকের কমিটি ক্রমে তিল ধারণের স্থান ছিল না। এই কনফারেন্সে ক্রীপস্ তাঁর পরিকল্পনা সর্বপ্রথম সর্বসাধারণের কাছে প্রকাশ করলেন। প্রায় দেড় ঘণ্টা ব্যাপী বিভিন্ন সাংবাদিকের শতাধিক প্রশ্নের উত্তর তিনি দিলেন। তাঁর বাচনভঙ্গী, তাঁর ক্ষিপ্ততা, তাঁর অক্লান্ত উদ্যম উপস্থিত সমুদয় সাংবাদিকদের প্রশংসা অর্জন করল। তাঁর রসবোধও আছে। মাঝখানে একবার হঠাৎ বললেন, সবুজ। তারপর গায়ের কোটটা খুলে রেখে আন্তিন গুটিয়ে বললেন, এবার আসুন ! বিপুল হাস্যরোলে ধ্বনিত হয়ে উঠল কনফারেন্স।

সার স্ট্যাফোর্ড বিলাতের খ্যাতিনামা ব্যবহারজীবীদের অন্যতম। আইনবাবসায়ী মহলে তাঁর বার্ষিক উপার্জনের পরিমাণ বহু লোকেরই ঈর্ষাজড়িত বিস্ময়ের উদ্রেক করেছে। এই সাংবাদিক বৈঠকে যুক্তিতর্কে ব্যারিস্টার ক্রীপসের অসামান্য দক্ষতা নতুন করে প্রমাণিত হলো।

কিন্তু মানুষ মাত্রেরই ধৈর্যের সীমা আছে। সে-কথাটা অত্যন্ত অপরিহার্যভাবেই ক্রীপস্ও সাংবাদিকদের স্মরণ করিয়ে দিতে বাধ্য হলেন। জনৈক সাংবাদিকের এক অভদ্র প্রশ্ন অবশেষে কঠিন স্বরে বললেন,—ভদ্রমহোদয়গণ, আমার ধৈর্য অসাধারণ, কিন্তু তারও শেষ আছে। ব্রিটিশ মন্ত্রিসভা সম্পর্কে কোন অভদ্র ইঙ্গিত আমি বরদাস্ত করতে রাজী নই।

ভারতীয় সাংবাদিকদের, বিশেষ করে রিপোর্টারদের বুদ্ধি আছে, শক্তি আছে, কৃতিত্বও কম

নয়। কিন্তু তাঁদের ক্ষেত্রবোধ নেই। তাঁরা যে রাজনীতিক নন একথাটা তাঁরা কদাচিৎ স্মরণে রাখেন। প্রেস না হলে পলিটিক্স চলে না, কিন্তু পলিটিক্স না হলেও প্রেস চলে। যথা—হরিজন। এদেশের সাংবাদিকেরা শুধু প্রথম শ্রেণীর রিপোর্টার হয়েই খুশি থাকতে চান না, প্রথম শ্রেণীর পলিটিসিয়ানও হতে চান। তাই অনেক সময়েই অপ্রীতিকর পরিস্থিতির উদ্ভব ঘটে। তাঁদের অপরাধ নেই। স্পেশিয়েলাইজেশনে এদেশে বিশ্বাস নেই। এখানে যে ডাক্তার জ্বরের চিকিৎসা করেন, তিনি ফোঁড়াও কাটেন এবং দরকার হলে দাঁতও তোলেন।

ক্রীপস্ প্রস্তাব গ্রহণযোগ্য কিনা সে সম্পর্কে সাংবাদিকদের মধ্যে মতদ্বৈধ দেখা গেল। প্রস্তাবটির সমস্ত গুরুত্বই ভবিষ্যতে। জনশ্রুতি এই যে, গান্ধীজি ক্রীপসের সঙ্গে প্রথম সাক্ষাতের দিন এই প্রস্তাবটি সম্পর্কে মন্তব্য করেন a post-dated cheque অতি উৎসাহী কোনো কোনো সাংবাদিক তাঁর সঙ্গে নিজেদের ভাষা যোগ কবলেন, on a crashing bank. মুখে মুখে এই প্রকিপ্ত অংশটিও গান্ধীজির মূল উক্তি বলেই চলতে লাগল। ইচ্ছাকৃত কিংবা অনবধানতায় সত্যবিকৃতির এমন বহু দৃষ্টান্ত আছে আমাদের রাজনৈতিক ইতিহাসে।

সেদিন সন্ধ্যায় দুই বন্ধু নিয়ে গেলেন এক ক্লাবে।

নয়াদিল্লীর সনচেয়ে নামকবা ক্লাব আই. ডি. জি.। ইম্পিরিয়েল দিল্লী জিমখানা। ক্লাব বর্ণাশ্রমে দ্বিজোত্তম। প্রবেশাধিকার অত্যন্ত সীমাবদ্ধ। শুধু ব্যাবাহুল্যেব দ্বারা নয়, লিখিত অনুশাসনের দ্বারা। এ্যাডমিশন ফি ও মাসিক চাঁদা দুই-ই গুরুভার। তাছাড়া আই. সি. এস., আই. পি., অডিট একাউন্টস ইত্যাদি প্রথম শ্রেণীর চাকরে ছাড়া সরকারী লোক আব কাবও পক্ষেই আই. ডি. জি.-র সদস্য হওয়ার উপায় নেই। বে-সরকারী ডাক্তার, জার্নেলিস্ট, ব্যারিস্টারদের পক্ষে ঠিক এরকম বাধা না থাকলেও নতুন সদস্য গ্রহণের সময় ক্লাব কর্তৃপক্ষ যথেষ্ট সতর্কতা অবলম্বন করে থাকেন যাতে একমাত্র তাঁরাই মেম্বার হন আর্থিক সঙ্গতি এবং সামাজিক মর্যাদা যাদের শীর্ষস্থানীয়, ইংরেজীতে যাকে বলে এ-ওয়ান। ক্লাবের কৌলিন্য যাতে কলুষিত না হয় সেজন্য সজ্ঞা দৃষ্টি আছে কর্তৃপক্ষের।

ক্লাবের টেনিস লন আছে, সুইমিং পুল আছে, ব্যান্ড আছে। মায় নিজস্ব খোবা পর্যন্ত। নয়াদিল্লীতে এইটি একমাত্র ক্লাব যেখানে শুধু পান, ভোজন ও অবসর বিনোদনেব নয়, স্থায়ী বাসস্থানের ব্যবস্থাও আছে। আই. ডি. জি. কেবলমাত্র খেলা বা আড্ডা দেওয়াব জায়গা নয়, পুরোপুরি ক্লাবই বটে।

দু' নম্বর ক্লাব,—চেমসফোর্ড। সেক্রেটারিয়েটের কাছাকাছি বাইসিনা ও কুইন ভিক্টোরিয়া রোডের সঙ্গমস্থলে এই ক্লাবটি সব চেয়ে সরগরম। প্রথমতঃ এব দক্ষিণা তেমন সামাজিক নয়, দ্বিতীয়তঃ এর অবস্থিতি অনেকটা সুবিধাজনক এবং তৃতীয়তঃ এখানে অভাবতীয় অল্প। সদস্য গ্রহণও অতটা কড়াকড়ি নেই। চেমসফোর্ডের সুইমিং পুলে ফি বছর এখানকার সম্ভরণ প্রতিযোগিতা হয়। প্রতি মঙ্গলবার রাত্রিতে হয় নাচ। শীতের দিনে খবের ভিতরে, গ্রীষ্মকালে বাইরে। বাইরে অবশ্য কাঠের ফ্লোর নয়, শান বাধানো। বাগবাজারেব রসগোল্লার মতো চেমসফোর্ড ক্লাবের পকৌড়া—অর্থাৎ ফুলবিরও নাম আছে।

মহিলাদের এখানে পৃথক চাঁদা দিতে হয় না। স্বামীর গরবে গরবিনীরা স্বচ্ছন্দে এসে বসেন পুরুষ বন্ধুদের তাদের টেবিলে। সুদক্ষ পার্টনার পেলে কেবলই ডামি হন। না পেলে তিন রঙের তিনখানা অনার্স কার্ড সম্বল করে মিথি সুরে ডাকেন,—টু নো-ট্রাম্পস্। দেনাব সুদের মতো হারের হার বাড়ে হু হু করে। খেলার শেষে খাতায় সই করে আসেন নিঃশব্দে। মাসের শেষে স্বামী বেচারী কম্পিত হৃদয়ে মুখ বুজে চেক লিখে দেন আর বোধ করি মনে মনে ভগবানকে স্মরণ করেন।

জাতিধর্মনির্বিশেষে বেশীর ভাগ ভারতীয় অফিসারই চেমসফোর্ডের সদস্য। পাঞ্জাব, সিন্ধু, গুজরাট, মারাঠা, দ্রাবিড়, উৎকল, বঙ্গ—কোনো দেশীয়ই বাদ নেই। কিন্তু উপস্থিতির দিক দিয়ে পাঞ্জাবীরাই প্রধান। বিশেষ করে শিখ। তাঁরা বিকালে এসে তিন সেট টেনিস খেলেন, সন্ধ্যায় পাঁচ

রাবার ব্রিজ। তিন পেগ ছইন্সি ও চার কোর্সের ডিনার খেয়ে তাঁরা যখন স্বর্ণহে প্রত্যাবর্তন করেন, তার আগেই ইংরেজী ক্যালেন্ডারে তারিখের পরিবর্তন ঘটে। তাঁদের গৃহিণীরাও পিছনে পড়ে থাকবার পাত্রী নন। ক্লাবে শঙ্খবী দম্পতিদের দেখলে সহধর্মিণী কথাটার মানে বুঝতে কষ্ট হয় না।

বন্ধুদের ক্লাবটি শহরের অপর প্রান্তে। এর চাঁদা সামান্য, সভা সংখ্যাও বেশী নয়। বাঙালী আছে, মাদ্রাজী আছে, আসামী আছে এবং আছে আরও অন্যান্য প্রদেশের লোক। এটিও ছেলে এবং মেয়েদের সম্মিলিত ক্লাব। মেয়েদের মধ্যে অনেকে খ্রীস্টীয় সমাজের।

ক্লাবের রেজিস্টারে যাই থাক, ঘরে মেয়েদের সংখ্যাই যেন বেশী। প্রায় পনেরো আনাই কুমারী। গায়ের রং কালো, নখের রং লাল এবং গালের রং ছাই-ছাই। বলা বাহুল্য শেষের দুটো ভগবান প্রদত্ত নয়। তার পেছনে বিলাতী প্রসাধন কোম্পানীর অনেকখানি হাত আছে। বিচিত্র বসন, বিচিত্রতর ভূষণ। একটি মহিলা পরেছেন গোলাপী রঙের একটি সায়ার উপরে একখানা মশারীর নেট, তাতে সাটিনের পাড বসানো। আর একজনের লেস-বসানো ব্লাউজে সূতার ব্যবহারে এত কঠোর মিতব্যয়িতা যে, তার দিকে চোখ তুলে তাকালে কান আপনিই লাল হয়ে ওঠে।

বয়স বেশীর ভাগই ত্রিশের উর্ধ্বে। দেহে কাবো বা ইউক্লিডের সরল রেখা, কেউ বা অঙ্ক শাস্ত্রের ইলিপ্স। আমাদের মেয়েদের ভূগোলে নাতিশীতোষ্ণের স্থান নেই,—হয় উত্তর মেরু, নয়তো দক্ষিণ। কেউ করেন মাস্টারী, কেউ নার্স, কেউ বা স্টেনোগ্রাফার।

ক্লাবে ব্যারমিস্টন আছে, কার্যম আছে, পিং পং আছে। কিন্তু খেলার চাইতে ঢং এবং কথার চাইতে ন্যাকামির পরিমাণ বেশী। একটি পঁয়ত্রিশ বছরের বিপুল মহিলা কোনো এক সাহায্য অভিনয়ের টিকিট বিক্রয়ের চেষ্টা করছিলেন। তাঁর কথা বলার ভঙ্গী ও আচরণ দেখে বারংবার ইচ্ছা হচ্ছিল, আগাগ পকেট বালি, ভাদ্রে আপনার নিশ্চয়ই ধারণা যে, আপনার ঘোলা বছর এখনও পার হয়নি। কিন্তু সেটা যে কুড়ি বছর আগেই কেটে গেছে সে কথা আপনাকে স্মরণ করিয়ে দেওয়া দরকাব।

জানি, এদের উপরে বাগ কবে লাভ নেই। ভগবান এদের রূপ দেননি, ভাগ্য দেয়নি বিস্ত। এদের পিতৃকুল আভিজাত্যেব প্যাতিতে গৌরবান্বিত নয়। বয়স উর্ধ্বগামী, যৌবন অপগতপ্রায়। এদিকে ঠিকুজি মিলিয়ে অভিভাবকদের পাত্র স্থির করার দিন প্রায় কেটে গেছে। স্কুল ছাত্রীকে জিরাডিয়েল ইনফিনিটিভ মুখস্থ করিয়ে দেহে ও মনে নেমেছে ক্রীতি, রাত জেগে অনাস্থীয় অপরিচিত রোগীকে থার্মোমিটার আর আইসবাগ দেওয়ার কাজে ধরেছে বিরক্ত, আপিসে “উইথ রেফারেন্স টু ইওর লেটার নম্বর” টাইপ করে কবে জীবনে এসেছে বিতৃষ্ণ।

প্রিয় ও পরিজন নিয়ে নীড় রচনাব চিরন্তন মোহ আছে নারীব বক্তে। একখানি ছোট গৃহ একজন প্রেমাসক্ত স্বামী ও একটি দুটি সন্ত সবল শিশু—এই কল্পনা সে যুগযুগান্ত ধরে পেয়ে আসছে মায়ের কাছ থেকে, মাতামহীর কাছ থেকে, জগতের আদি মানবী আদমপত্নী ইভের কাছ থেকে। সে কল্পনা সত্য হতে পারল না, সে কামনা সার্থক হলো না। অতৃপ্ত বাসনার সহস্র নাগিনী জাগায়ে জর্জর বক্ষে সে বৃথাই প্রতীক্ষা করেছে এই দীর্ঘকাল। তার দেহে একদিন রূপ না থাকলেও স্বাস্থ্য ছিল। কিন্তু আজ তার শ্রী গিয়েছে ঘুচে, স্বাভাবিক কমনীয়তা হয়েছে দূর এবং নারীর সর্বশ্রেষ্ঠ ভূষণ যে লজ্জা তা' হয়েছে লুপ্ত। অবশেষে বঞ্চিত হৃদয়ের অপরিসীম বেদনাকে ঢাকতে সে প্রাণপণে প্রয়াস করছে নানাভাবে। কেউ করছে মহিলা সমিতি, কেউ করছে রেডিওতে বক্তৃতা, আর কেউ বা রুজ, পাউডার ও লিপস্টিক মেখে পুরুষের সঙ্গে করছে নির্জলা ফ্লাট।

ক্লাবের পুরুষ সদস্যদের মধ্যে কলেজের ছাত্র আছে, সেক্রেটারিয়েটের কর্মচারী আছে, বীমার দালাল আছে, ডাক্তার আছে। প্রায় সবাই তরুণ। বিবাহিত সদস্যেরা বেশীর ভাগ খ্রীস্টান এবং কুমার সভ্যেরা বেশীর ভাগ হিন্দু। কারণ সুস্পষ্ট।

পশ্চিমের শিক্ষা, সভ্যতা ও ভাবধারা আমাদের দেশে এনেছে নতুন আবেগ। তার ফলে অভাবনীয় পরিবর্তন ঘটেছে আমাদের কর্মে এবং চিন্তায়। আমাদের আহা, বিহার, বসন, ভূষণ

বদল হয়েছে। বদল হয়েছে রীতি, নীতি ও ধ্যান-ধারণা। এককাল নারীকে আমরা শুধু মাত্র পুরুষের আত্মীয় রূপেই দেখেছি। সে আমাদের ঠাকুমা, দিদিমা, মাসি, পিসি, দিদি, বৌদি কিম্বা শ্যালিকা। কিন্তু জ্ঞানী, জায়া এবং অনুজা ছাড়াও নারীর যে আরও একটি অভিনব পরিচয় আছে, সে সম্পর্কে আমরা বর্তমানে সচেতন হয়েছি। তার নাম সখী।

প্রাণী জগতের মতো মনোজগতেরও বিবর্তন আছে। তার ফলে বিভিন্ন বস্তু, ব্যক্তি বা নীতির মূল্য সম্পর্কে আমাদের মনোভাবের পরিবর্তন ঘটে। নারীর মূল্যেরও যুগে যুগে তারতম্য ঘটেছে।

একদা সমাজে মায়ের স্থান ছিল সবপ্রধান। সেদিন পবিত্র পরিচালনা থেকে বংশ-পরিচয় এবং উত্তরাধিকার নির্ণীত হতো মাতার নির্দেশ, সঙ্কল্প এবং সম্পর্ক দিয়ে। ক্রমে এই ম্যাট্রিয়ার্কাল ফেমিলী বিলুপ্ত হলো। রাজমাতার চাইতে রাজরাণীর মর্যদা হলো অধিক। সাধারণ পরিবারেরও পরিধি পরিমিত হলো। সংসারে কত্নী হলেন জননী নয় গৃহিণী। ছেলেরা মায়ের কোল ছেড়ে বউ-এর আঁচলে আত্মসমর্পণ করল।

বলা বাহুল্য, এই হস্তান্তরের ফলে মায়েরা খুশি হলেন না। কেউ কেউ অধিকার রক্ষার জন্য যুদ্ধ ঘোষণা করলেন। ফল হলো না। হার হলো তাঁদেরই। শুধু বউকাটকী শাশুড়ী আত্মা পেয়ে নাটক, নভেলে তাঁরা নির্মিত হলেন। যারা বুদ্ধিমতী, তাঁরা কালের লিখন পাঠ কবলেন দেয়ালে, মেনে নিলেন অবধারিত বিধি। নিঃশব্দে,—কিন্তু স্বচ্ছন্দ চিন্তে নয়। জগতের সমস্ত বিস্কৃক মাতৃকুলের অনুক্ত অভিযোগ আজও জেগে আছে বহুশাসিত আধুনিক গৃহের বিরুদ্ধে। যুরোপ ও এমেরিকার সমাজে পত্নীকর্তৃত্ব পুরোপুরি স্বীকৃত। বিবাহের পর ছেলের সংসারে তার মায়ের স্থান নেই কিংবা থাকলেও সে স্থান উল্লেখযোগ্য নয়। সংস্কৃত ব্যাকরণের লুপ্ত অকাব চিহ্নের মতো তাঁর অস্তিত্ব আছে, গুরুত্ব নেই।

কিন্তু স্ত্রী বলতে যেদিন ভাবী সম্ভানের গর্ভধাবিণী বা গৃহকত্নী মাত্র বৃদ্ধতম, সেদিনও বিগত। স্ত্রীর মধ্যে চাই সচিব সখীমিত্র প্রিয় শিষ্যা ললিতে কলাবিধৌ। কিন্তু একজনের কাছে এতখানি প্রত্যাশা করা শুধু কালিদাসের কাব্যেই শোভা পায়, বাস্তবক্ষেত্রে নয়।

এ যুগের পুরুষের কাছে ঘরের চাইতে বাইবেব ডাক বেশী। সে দশটা পাঁচটায় আপিসে যায়, কারখানায় খাটে, শেষার মার্কেটে ঘোরে। সেখান থেকে টেনিস, রেস কিংবা মিটিং। রাত্রিতে ক্লাব অথবা সিনেমা। এর মধ্যে গৃহের স্থান নেই, গৃহিণীরও আবশ্যকতা নেই। আগে সত্বীক ধর্মচরণ করতে হতো। যাগ-যজ্ঞ, ব্রত-পার্বণে প্রয়োজন ছিল ভার্যার। কিন্তু ধর্ম এখন শুধু ইলেকশনে ভোটসংগ্রহ ছাড়া ভারতবর্ষেও বড় একটা কাজে লাগে না। তাই এ-যুগে সহধর্মিণীর চাইতে সহকর্মিণীকে নিয়ে বেশী রোমাঞ্চ লেখা হয়।

পুরুষের জীবনে আজ গৃহ ও গৃহিণীর প্রয়োজন সামান্যই। তার খাওয়ার জন্য আছে রেস্টোরাঁ, শোয়ার জন্য হোটেল, রোগে পরিচর্যার জন্য হাসপাতাল ও নার্স। সম্ভান সম্ভিতদের লালনপালন ও শিক্ষার জন্য স্ত্রীর যে অপরিহার্যতা ছিল, বোর্ডিং-স্কুল ও চিলড্রেনস্ হোমের উদ্ভব হয়ে তারও সমাধা হয়েছে। তাই স্ত্রীর প্রভাব ক্রমশঃ সঙ্কুচিত হয়ে ঠেকেছে এসে সাহচর্যে। সে পত্নীর চাইতে বেশীটা বাস্কবি। সে কত্নীও নয়, ধাত্রীও নয়,—সে সহচরী।

নারীর পক্ষেও স্বামীর সম্পর্ক এখন পূর্বের ন্যায় ব্যাপক নয়। একদিন স্বামীর প্রয়োজন মুখ্যতঃ ছিল ভরণ, পোষণ ও রক্ষণাবেক্ষণের। কিন্তু এ-যুগের স্ত্রীরা একান্তভাবে স্বামী-উপজীবিনী নয়। দরকার হলে তারা আপিসে খেটে টাকা আনতে পারে।

তাই স্বামীর গুরুত্ব এখন প্রধানতঃ কর্তারূপে নয়, বন্ধুরূপে।

ভারতবর্ষও এই নব ভাবধারার বন্যাকে এড়িয়ে থাকতে পারেনি। টেউ এসে লেগেছে তার সমাজের উপকূলে। আমাদেরও পরিবার ক্রমশঃ ক্ষুদ্রকায় হচ্ছে, আত্মীয় পরিজনের সম্বন্ধ সঙ্কীর্ণ হচ্ছে। গ্রাম্য সভ্যতার ভিত বিধবস্তু, কলকারখানাকে কেন্দ্র করে নগর-নগরীর বিস্তৃতি ঘটেছে ধীরে ধীরে। তার সঙ্গে নতুন সভ্যতা, নতুন দৃষ্টিভঙ্গী, নতুন জীবন-ধর্মের উদ্ভব অপরিহার্য।

এদেশেও পুরুষের জীবনে এবার আবির্ভূত হয়েছে সখী; নারীর জীবনে সখা। সেটা ভালো কি মন্দ তা নিয়ে তর্ক করতে পারো, মনু পরাশর উদ্ধৃত করে মাসিক পত্রে প্রবন্ধ লিখতে পারো। কিন্তু তাকে ঠেকাতে পারবে না।

স্বী-পুরুষের জীবনে সখাসখীর যে উপলব্ধি, তার প্রয়োজনীয়তা সম্পর্কে আমাদের সমাজকর্তারা একেবারে উদাসীন ছিলেন না। কিন্তু পতিকে পরম গুরু এবং পত্নীকে সেবিকা বানিয়ে দাম্পত্যে তাঁরা সখীত্বের অবকাশ রাখতে পারেননি। ট্রান্সফারড এপিথেটের মতো সেটা পুরুষের পক্ষে বৌদি এবং স্বী-র পক্ষে দেবরের উপর ন্যস্ত করেছিলেন। সংসারে এর চাইতে মধুরতর সম্পর্ক আমার জানা নেই।

সীতার সাথী ছিলেন লক্ষ্মণ, তাঁর অপর আর কোনো বন্ধুর প্রয়োজন ছিল না। বুড়ো হ'লেও ঋষি বায়ীকি সে-কথা জানতেন। পাঞ্চালীর পাঁচ পাঁচটা স্বামী থাকতেও একটি দেবরের অভাব ঘোচেনি। তাই বেদব্যাসকে আনতে হলো,—শ্রীকৃষ্ণ। তিনি দ্রৌপদীর সখা,—সংকটে শরণ্য, সম্পদে স্মরণীয়।

এয়ুগে জীবনযাত্রার উপচার বহুবিধ এবং ব্যয়সাধ্য। যে লোক দু'শ' টাকা পায় তার পক্ষে বউ কাছে রাখাই কঠিন, বৌদি দূরে থাক। মেয়েরাও জানেন, পণের টাকা ও সোনার হার না হলে বরই কটবে না অনেকের, দেবর তো পরের কথা। তাই আধুনিকারা ঘা খেয়ে মন দিয়ে মেনেছেন যে, বেশী আশা করে ফল নেই। একটি নির্ভরযোগ্য সহদয় বন্ধু পেলেই ভাগ্য। আধুনিকেরা বুদ্ধি দিয়ে বুঝেছেন যে, অনেক লোভে লাভ নেই, তার চেয়ে বরং চাই শুধু একটি বান্ধবী। প্রিয়বান্ধবী।

কিন্তু সাধারণ হিন্দু পরিবারে অনাস্থীয় স্বী-পুরুষের বন্ধুত্বের পথ উন্মুক্ত নয়। সাধারণ মুসলমান পরিবারেও নয়। সেখানে বান্ধবীর স্বীকৃতি মাত্র নেই। সেখানে পুরুষের জীবনে প্রথমে যে অনাস্থীয়া নারীর সান্নিধ্য ঘটে, তিনি নিজেই স্বী। তাই ক্লাবে পাটিতে বিলাতফেরত ও বড় চাকুরেদেব ভ্রূইংক্রমে তরুণের দল আসে। কাউকে ডাকে ললিতাদি, আর কাউকে বলে বিগাবউদি কাউকে বা শুধু পদবীর আগে 'মিস' বা 'মিসেস' জুড়ে দিয়ে সম্বোধন করে—মিস গুপ্ত, মিস আয়েঙ্গার বা মিসেস সোনেরা জাহীর।

নয়

তিরিশে মার্চ সম্রাট ফিরোজশাহ-কোটলায় মুনলাইট-পিকনিকের যিনি আয়োজন করেছিলেন, আইডিয়্যাল হোস্টেস বলে নয়াদিল্লীর সোসাইটিতে তাঁর প্রসিদ্ধি আছে। মহিলা সুন্দরী, পরিহাসপটু এবং প্রিয়ভাষিণী। বন্ধুসমাগমে আনন্দ লাভ ও আনন্দ দান করার দুর্লভ ক্ষমতা আছে তাঁর।

ফিরোজশাহ-কোটলা দিল্লীর পঞ্চম নগরীর ধ্বংসাবশেষ। ভারতের শেষ হিন্দু সম্রাট পৃথ্বীরাজের সময়ে দিল্লী নগরী ছিল বর্তমান কুতুবের নিকটস্থ মেহরৌলীতে। পুরাতত্ত্ব বিভাগ কিছু কাল পূর্বে এই রাজধানীর নগর প্রাচীর মুক্তিকাগর্ভ থেকে আংশিক উদ্ধার করেছেন। জনপ্রবাদ এই যে, নিজ প্রিয়তমা কন্যার যমুনা দর্শনাভিলাষ পূরণার্থে পৃথ্বীরাজ তৈরী করেছিলেন কুতুব মিনার। প্রতাহ অপরাহ্ন বেলায় প্রসাধন সমাপনান্তে রাজনন্দিনী আরোহণ করতেন তার শীর্ষে, অবলোকন করতেন দূরবর্তী যমুনার জলধারা। কিন্তু ঐতিহাসিকেরা এ কাহিনী বিশ্বাস করেন না। তাঁদের অভিমত, পাঠান সম্রাট কুতুবুদ্দিন আইবেক নির্মাণ শুরু এবং আলতামাস শেষ করেন জগতের সর্বোচ্চ বিজয়স্তম্ভ এই মিনার।

দ্বিতীয় দিল্লী নগরী প্রতিষ্ঠা করেন সুলতান আলাউদ্দিন খিলজী। তাঁর রাজত্বকালে দুর্ধর্ষ মুঘল দস্যুদল ভারতবর্ষ আক্রমণ করল, হত্যা ও লুণ্ঠনের দ্বারা বহু নগরনগরী বিধ্বস্ত করে উপনীত হলো দিল্লীতে। দিল্লীর সমতল ভূমিতে তাদের প্রতিরোধ করা সহজ ছিল না। সম্রাট পশ্চাদপসরণ করলেন কুতুবে। মুঘলেরা দিল্লীর পার্শ্ববর্তী অঞ্চল দখল করে আমীর ওমরাহদের ধনরত্ন লুণ্ঠন করল এবং সাধারণ কৃষকদের শস্যক্ষেত্র বিধ্বস্ত করল। অবশেষে দিল্লীর অসহনীয় গ্রীষ্মের প্রখরতায় ক্লান্ত ও রোগাক্রান্ত হয়ে দস্যুদল দিল্লী পরিত্যাগ করল। আলাউদ্দিন এই দস্যুদলের পুনরাক্রমণ প্রতিরোধের জন্যে নির্মাণ করলেন সুদৃঢ় প্রাচীরবেষ্টিত নব নগরী, নাম দিলেন সিরি। এই নগরীতে সুলতান নির্মাণ করেছিলেন নিজের জন্য এক মহার্ঘ প্রাসাদ, তার স্তম্ভ সংখ্যা ছিল এক সহস্র। আজ সে প্রাসাদের চিহ্ন মাত্র নেই।

আলাউদ্দিন খিলজী ছিলেন অসমসাহসিক যোদ্ধা। রাজা-জয়ের নেশা ছিল তাঁর রক্তে। তিনি রাজপুতদের পরাজিত করে চিতোর অধিকার করেছিলেন। দাক্ষিণাত্যে প্রথম মুসলিম অধিকারও প্রতিষ্ঠিত করলেন তিনি। সেই বিজয় গৌরবকে চিরস্মরণীয় করতে নির্মাণ শুরু করলেন দ্বিতীয় কুতুব। প্রথম কুতুবের পাশেই। প্রথম কুতুবের চাইতে এর আকার হবে দ্বিগুণ,—এই অভিলাষ ছিল সুলতানের মনে। কিন্তু আরব্ব কাজ শেষ করার মতো আয়ুর মিয়াদ ছিল না তাঁর। অর্ধসমাপ্ত এই নব পরিকল্পিত কুতুবের চিহ্ন আজও দর্শকজনের কৌতুহল উদ্বেক করে। বর্তমান সিরির স্মারক আছে শুধু প্রত্নতাত্ত্বিকের গবেষণায় এবং কিছুটা বিরাট নগর প্রাচীরের ভগ্নাবশেষের মধ্যে।

ফিরোজাবাদের প্রতিষ্ঠা করেন সুলতান ফিরোজশাহ তোগলক। রাজার নামে রাজধানীর পরিচয় মুসলিম রাজত্বের ইতিহাসে অভূতপূর্ব নয়। চতুর্দশ শতাব্দীতে ভারতের মুসলিম নৃপতিদের মধ্যে ফিরোজশাহ তোগলক ছিলেন সর্বশ্রেষ্ঠ। দীর্ঘ সাঁইত্রিশ বৎসর তিনি প্রবল প্রতাপে রাজদণ্ড পরিচালনা করেছেন। দিল্লীর মুসলিম বাদশাহদের মধ্যে একমাত্র আওরঙ্গজেব ব্যতীত আর সবার চাইতেই তিনি ছিলেন বয়োবৃদ্ধ। মহম্মদ তোগলকের মৃত্যুর পরে তিনি যখন সিংহাসনে আরোহণ করেন তখনই তাঁর বয়স ষাটের উর্ধ্ব।

ইতিহাসে মহম্মদ বিন তোগলকের নাম অব্যবস্থিতচিত্ত ও অপরিণামদর্শী নৃপতির উদাহরণ রূপে কুখ্যাত। কিন্তু একথা অস্বীকার করার উপায় নেই যে, তাঁর চরিত্রে বহু রাজোচিত সদগুণেরও সমাবেশ ঘটেছিল। মহম্মদ বহু ভাষাবিদ, কবি, গণিতজ্ঞ এবং সুদক্ষ লিপিকার ছিলেন। সাহসী যোদ্ধা এবং সহৃদয় দাতা বলেও তাঁর সুনাম আছে। আবার নিষ্ঠুরতার জন্য নিন্দারও অভাব নেই। প্রসিদ্ধ আরবী পর্যটক ইবন বতুতার আয়ুচরিতে সম্রাট মহম্মদের একটি সংক্ষিপ্ত কিন্তু যথার্থ বর্ণনা আছে।

“দান করা এবং হত্যা করা এই দুই ব্যাপারেই রাজা মহম্মদ তুল্য দ্বিতীয় ব্যক্তি নেই। যে পথ দিয়ে তিনি যান সে পথে কোনো না কোনো অতি দরিদ্রকে তিনি ধনী বানিয়ে যান, কোনো না কোনো জীবিত ব্যক্তিকে তিনি পরলোকে পাঠিয়ে দেন। একাধারে তাঁর মহানুভবতার ও নিষ্ঠুরতার শত শত গল্প লোকের মুখে মুখে ফিরছে।”

ইবন বতুতা নিজে মহম্মদের অধীনে কয়েক বছর দিল্লীর কাজী অর্থাৎ প্রধান বিচারক ছিলেন।

মহম্মদের নানা উদ্ভাবনী বুদ্ধি ছিল, কিন্তু সাধারণ কাণ্ডজ্ঞান ছিল না। বহু বিষয়ে পরীক্ষা করায় তাঁর ঝোঁক ছিল। বেশীর ভাগ পরীক্ষারই মারাত্মক পরিণতি ঘটেছে। উত্তর ভারত থেকে দাক্ষিণাত্যে একাধিকবার রাজধানী স্থানান্তরিত করা, দিল্লী এবং দৌলতাবাদের মধ্যে রাজধানীর সমুদয় আধিবাসীর গমন ও প্রত্যাগমন, রৌপ্য মুদ্রার পরিবর্তে তাম্র মুদ্রার প্রচলন, চীন জয়ের প্রয়াস ইত্যাদি মহম্মদের সর্বনাশা উদ্যোগের একাধিক কাহিনী স্কুলপাঠ্য ইতিহাসে বাল্যকালে আমরা পড়েছি।

জীবনের শেষভাগে মহম্মদ আপন সেনাবাহিনী নিয়ে বর্তমান করাচীর নিকটবর্তী থাট্টায় এক দুর্গ অবরোধ করেছিলেন। একদিন প্রভাতে সেখানে এক ধীবর সিন্ধুদেব হঠাৎ এক অদ্ভুত মৎস্য শিকার করেছিল। সে মৎস্য রাজসমীপে উপস্থিত করা হলো। সম্পূর্ণ অপরিচিত আকৃতির এই মৎস্য মানুষের রসনার পক্ষে সুস্বাদু কিনা সে পরীক্ষার বাসনা জাগল মহম্মদের মনে। পাত্রমিত্রের অনুরোধ উপরোধ আগ্রাহ্য করে সে মৎস্য সম্রাট আহাব করলেন। ইহলোকে সেই তাঁর শেষ পরীক্ষা। সেদিনই জীবনান্ত ঘটল তাঁর।

মহম্মদের প্রতিভা ছিল, শক্তি ছিল। সে-সময়ে আলাউদ্দিন খিলজীর রাজধানী সিরি ও প্রাচীন মেহরৌলীর মাঝখানে দিল্লীর বিস্তালাী ব্যক্তিদের বহু প্রাসাদ ও প্রমোদোদ্যান গড়ে উঠেছিল ধীরে ধীরে। কিন্তু যথোচিত রক্ষাব্যবস্থার অভাবে মুঘল দস্যুদের আক্রমণ সম্ভাবনা থেকে সেগুলি মুক্ত ছিল না। মহম্মদ তাঁর নিজ প্রাসাদ রচনা করলেন সেখানে। দুর্ভেদ্য প্রাচীর দিয়ে ঘিরে দিলেন সিরি থেকে মেহরৌলী। নব নগরীর নামকরণ করলেন ‘জাহানপুর্না’—বাংলা ভাষায় যার মানে হলো জগতের আশ্রয়। প্রাসাদের সংলগ্ন ভূমিতে বৃহৎ এক হুদ খনন করেছিলেন পানীয় জলের সংস্থানে। কুতুবের অদূরবর্তী বর্তমান খিরকী গ্রামে আজও চোখে পড়ে এই প্রাচীরের

অবশিষ্টাংশ। তার গায়ে হুদে জল প্রবেশ-ব্যবস্থার চিহ্ন আছে পরিশ্রুট।

বর্তমান কুতুব রোডের নিকটে সরকারী প্রত্নতাত্ত্বিক বিভাগের খনন কার্যের ফলে আবিষ্কৃত হয়েছে মহম্মদের স্নানাগার, তাঁর স্নানানা ও তাঁর বিখ্যাত মঞ্চ, যেখানে বসে প্রত্যহ তিনি তাঁর সৈন্যদলের কুচকাওয়াজ পরিদর্শন করতেন। আলাউদ্দিনের সহস্রশতাব্দী কক্ষের অনুরূপ মহম্মদও একটি বিরাট কক্ষ নির্মাণ করেছিলেন, যার কিছু কিছু চিহ্ন আজও কৌতূহলী দর্শকদের বিস্মিত করে।

মহম্মদের মৃত্যুর পরে ফিরোজশাহ তোগলক সম্রাট হলেন। মহম্মদের তিনি আত্মীয় এবং সেনানায়ক ছিলেন। সিন্ধু থেকে সৈন্য সামন্ত নিয়ে তিনি ফিরে এলেন দিল্লীতে। রাজ্যের গঠনকার্যে মনোনিবেশ করলেন অবিলম্বে। অনেকেই বোধ হয় জানে না যে, ফিরোজশাহই ভারতের সর্বপ্রথম নরপতি যার ধর্মনীতিতে হিন্দু ও মুসলমানের রক্ত এক হয়ে মিশে ছিল। তাঁর জননী ছিলেন রাজপুতানী।

দুই বিভিন্ন ধর্মের সম্মিলিত প্রভাব তাঁর চরিত্রে একটি বৈশিষ্ট্য দান করেছিল। বিশ্বাস ও ধর্মপরায়েণ বলে তিনি খ্যাত ছিলেন এবং প্রজাদের কল্যাণ সাধনে তাঁর আন্তরিক স্পৃহা ছিল। মুসলিম যুগের প্রথম কৃত্রিম সেচ ব্যবস্থার প্রবর্তন করেন ফিরোজশাহ। অধুনা ওয়েস্টার্ন যমুনা ক্যানেল নামে খ্যাত খালটি তিনিই খনন করেন। কর্নালের নিকটস্থ যমুনার মূল ধারা থেকে উৎসারিত হয়ে এবে এক শাখা এসেছে দিল্লীতে, অপর শাখা গেছে হিসারে। ফিরোজশাহের আমলে এই খালের পরিধি বিস্তৃততব ছিল। সম্রাট সাজাহানের আদেশে তৎকালীন পূর্ববিভাগের অধ্যক্ষ আলী মর্শন ঐ এই খালের সংস্কার সাধন করেন। এখানে স্মরণ করা অপ্রাসঙ্গিক নয় যে, সম্রাট সাজাহানের রক্তেও হিন্দু প্রভাব ছিল। তাঁর জননী যোধপুরী বেগমও রাজপুতানী ছিলেন। আহম্মদশাহ আব্দালী কর্তৃক দিল্লী অববোধ কালে এ খালটি দ্বিতীয়বার বিনষ্ট হয় এবং পরবর্তী যুগে ইংরেজ শাসকগণেব চেষ্টায় তাব পুনঃ সংস্কার ঘটে।

সৌধ নির্মাণে ফিরোজশাহেব গভীর অনুরাগ ছিল। এদিক দিয়েও সম্রাট সাজাহানের সঙ্গে তাঁর চরিত্রেব মিল ছিল। কুতুব মিনারের উর্ধ্বতন যে দুটি তলা স্বেত পাথরে গড়া তা ফিরোজশাহেরই কীর্তি। ভূমিকম্পে কুতুবের যে ক্ষতি ঘটেছিল তারও সংস্কার তিনিই করেছিলেন। দিল্লীর হিন্দুরাও হাসপাতালেব সংলগ্ন 'বীজে' এখনও তাঁব নির্মিত মৃগয়াগৃহের ভগ্নাবশেষ বর্তমান।

সিরি, বিজয়মন্ডল ও কুতুব তিন তিনটি নগরী থাকা সত্ত্বেও ফিরোজশাহ যমুনার ধারে আর একটি নূতন নগরেব পত্তন কবলেন। একেবাবে যমুনার ঠিক গায়ে নির্মাণ করলেন রাজপুরী ফিরোজশাহ-কোটলা। আজ তোবণপথে ঢুকলেই ঐ দিকে চোখে পড়ে বস্তীর্ণ তৃণাচ্ছাদিত অঙ্গন। একদা সেখানে ছিল ফিরোজশাহের দরবার গৃহ। আজ আমাদের পিকনিক পাটির আসর বসল সেখানে।

দলটি ক্ষুদ্র নয়। ছেলে মেয়ে নিয়ে প্রায় জন বাবো। কিন্তু অধিনায়িকা আহাৰ্য যা এনেছেন, তা দিয়ে অনায়াসে তার ডবল লোকের উদর পূর্তি করা যেতে পারে।

পিকনিকে সব চেয়ে যিনি মনোযোগের যোগ্য, তিনি মিস্টার খোশ্‌লা। বহুল পরিচিত ব্যক্তি। বিশেষ করে মহিলা মহলে। মেয়েরা এগজিভিশন করেছেন, তার দরজায় ভলান্টিয়ারী করেছেন কে? মিস্টার খোশ্‌লা। মহিলা সমিতি দামোদর বন্যাব সাহায্য ভাণ্ডারে টাকা তুলেছেন। মেয়েদের সঙ্গে বাড়ি বাড়ি ঘুরে চাঁদা আদায় করেছেন কে? মিস্টার খোশ্‌লা। চাঁদনী চক থেকে মিসেস মুখার্জীর উল কিনে আনছেন, মিসেস স্বামীনাথনের জন্য পাঁচ দোকান ঘুরে পশ্চিম ফ্রীম যোগাড় করছেন। সমস্তই মিস্টার খোশ্‌লা। নয়াদিল্লীতে মেয়েরা আছেন অথচ মিস্টার খোশ্‌লা নেই, এমন কোনো সভা, সমিতি, পার্টি, পিকনিক কেউ কল্পনা করতে পারবে না।

সাধারণ পাঞ্জাবীর তুলনায় বেঁটে, দোহারা চেহারা। মাথার চুল ব্যাকত্রাশ করা। নির্বাচ যুগের চিত্রাভিনেতা ডগলাস ফেরারব্যাক্স-এর অনুকরণে দীর্ঘ জুলপি গালের মধ্যপথ পর্যন্ত প্রসারিত। হিটলারের মতো গোপের কায়দা। পরিধানে ব্রাউন রঙের কর্ডরয়েব প্যান্ট, পায়ের গোড়ালির কাছটা সরু। প্যাণ্টের পিছনে হিপ-পকেট। তাতে মনোগ্রাম-করা লম্বা রূপার সিগারেট কেস যার

গর্ভে প্রায় পঞ্চাশটা সিগারেট রাখা চলে। গায়ে গ্যাবার্ডিনের কোট। প্রায় আজানুলব্ধ। নীচের পকেট দুটি ঈদের চাঁদের আকৃতিতে কাটা। সিল্কের সার্ট। টকটকে লাল রঙের টাই, তাতে নীল রং-এর লতাপাতার ছাপ। মাথায় একটি সবুজ ফেটের টুপি, নীচের দিকে নামিয়ে পরেন। পায়ে কখনও কখনো নেশন সু, কখনও বা বাকলস আঁটা সুয়েডের জুতা। দিনের বেলায় চোখে এক জোড়া মোটা শেলের ফ্রেমযুক্ত সানগ্লাস। রোদ থাক আর নাই থাক। মেয়েদের হাতে রিস্টওয়াচের মতো মিস্টার খোশলার গগলসও প্রয়োজনের জন্য নয়, শোভার জন্য।

মিস্টার খোশলার প্রকৃত পেশা নিয়ে মতভেদ আছে। কেউ বলে তিনি কন্সট্রাক্টর, কেউ বলে তিনি দু'তিনটে বীমা কোম্পানীর এজেন্ট, আর কেউ বা এমন কিছু বলে যার ইংরেজী তর্জমা করলে কথাটা দাঁড়ায়,—স্ট্রফ লোফার। তিনি নিজে কার্ডে নামেব পিছনে লেখেন একটি শব্দ যা দিয়ে নলিনীরঞ্জন সরকার থেকে শুরু করে বাবুগঞ্জের হাটে কাটা-কাপড়ের ব্যবসাদার পতিতপাবন সাহাকে পর্যন্ত বুঝানো যায়। মার্চেন্ট। কিন্তু কাজ তাঁর যাই হোক, ব্যস্ততার অভাব নেই। এই দারুণ পেট্রোল রেশনিং-এর দিনেও সারাদিনই দেখা যায় তিনি তাঁর বেবী অস্টিন নিয়ে ব্যস্তসমস্ত হয়ে ছুটছেন শহরের এক প্রান্ত থেকে অপর প্রান্তে। পথে পরিচিত কারো সঙ্গে দেখা হলে এক মিনিট কথা বলেই বটলন“আচ্ছা ভাই, এখন বড্ড ব্যস্ত। আবার দেখা হবে, শ্যাল সি ইউ এগেন।”

পিকনিকে খোশলা বিপুল উদ্যমে মেয়েদের আহাৰ্য পরিবেশন কবলেন। স্যান্ডউইচের প্লেট নিয়ে ছুটতে গিয়ে প্রায় আছাড় খেতে খেতে বৈঠে গেলেন। সন্দেশেব থালা নিয়ে হস্তদণ্ড হলেন, কোনো মহিলাকে “মিজ” কোনো মহিলাকে বা “ফর মাই সেক”, বলে দুটো বেশী পেঙ্কী খাওয়ালেন। একটি তরুণী অন্য কার কাছে এক গ্লাস জল চাইছিলেন। পাশ দিয়ে যাচ্ছিলেন মিস্টার খোশলা। তাঁর কানে যেতেই “জল, জল, মিস উপাধ্যায়ের জন্য জল” বলে এমন উতলা হয়ে জলের অন্বেষণে ছুটতে লাগলেন যে, মনে হলো, হাতের কাছে অন্য কোথাও না পেলে তিনি বুঝি তৎক্ষণাৎ ভগীরথের ন্যায় গঙ্গা আনয়নের জন্য কৈলাসে ছুটবেন!

শ্রীমতী সুব্বা রাও প্রস্তাব করলেন চারিদিকে ঘুরে দেখবার। দেখার মধ্যে যা আছে তা ফিরোজশাহ নির্মিত একটি মসজিদ। সুলতান পাত্রমিত্র নিয়ে জুম্মার দিনে প্রার্থনা করতে আসতেন। অনুমান করা অন্যান্য নয় যে, সেদিন এই মসজিদের গুরুত্ব ছিল অসাধারণ। যদিও আজ ভয়দশা দেখে তার বিগত সৌষ্টব বুঝবার উপায় নেই। কিন্তু তার গঠন-পারিপাট্য লক্ষ্য করার মতো। ইংরেজীতে যাকে বলে ‘প্রোপোরশন’—ফিরোজশাহ-কোটলার মসজিদ ও অন্যান্য প্রাসাদ-ভগ্নাবশেষে তা বিশেষভাবে বর্তমান।

ফিরোজশাহের আমলে সর্ব প্রথম ভারতীয় স্থাপত্যে হিন্দু ও মুসলিম পদ্ধতির সিন্থেসিস ঘটেছিল। প্রাকমুসলিম যুগের উত্তর ভারতীয় হিন্দু স্থাপত্য ছিল সম্পূর্ণ আলাদা ধরনের। অতি প্রাচীন হিন্দু মন্দিরে এখনও তার চিহ্ন আছে। বর্তমানে জৈন পদ্ধতি নামে অভিহিত এ স্থাপত্যের সর্বশ্রেষ্ঠ নিদর্শন বোধ হয় রাজপুতনার মাউন্ট আবু পর্বতোপরি বিখ্যাত মন্দিরটি।

সেদিনের হিন্দু স্থাপত্যে আর্চ—অর্ধবৃত্তাকার গঠন—ছিল না। তার বৈশিষ্ট্য ছিল চতুষ্কোণ স্তম্ভে। এই স্তম্ভগুলি কারুকার্যখচিত! কোনোটাতে দেবদেবীর মূর্তি, কোনোটাতে পুষ্পসজ্জা, কোনোটাতে বা ঘণ্টা কিংবা গাছ। প্রস্তরে গঠিত এই স্তম্ভগুলির অলঙ্করণের মধ্যে মিলত সেদিনকার স্থপতিদের মণ্ডন-চাতুর্যের পরিচয়। সেকালের স্থাপত্যে গম্বুজেরও অস্তিত্ব ছিল না। চতুষ্কোণ স্তম্ভের উপরে সমান্তরাল প্রস্তরখণ্ড একটির পর একটি সাজিয়ে দু’দিক থেকে ক্রমশঃ মিলিয়ে আনা হতো মাঝখানে। দ্বার, গবাক্ষ ও প্রবেশপথের উপরাংশে আঁচের পরিবর্তে এই গঠন অনেকটা যাগ-কাটা সিঁড়ির মতো দেখায়। আঁচের ভারবহন ক্ষমতা অধিক এবং তার ব্যবহার যুরোপ ও মধ্য এশিয়ায় প্রচলিত ছিল।

এই স্থাপত্যের প্রথম পরিবর্তন ঘটল দ্বাদশ শতাব্দীর শেষ ভাগে। দাস বংশের কুতুবুদ্দিন আইবেক দিল্লীতে এসে প্রথম তৈরী করতে চাইলেন একটি মসজিদ যেখানে বসে তিনি আল্লার কাছে পাঠাতে পারবেন প্রচুরতর অর্থ প্রবলতর প্রতাপ এবং প্রভূততম শাস্তি কামনা করে প্রাত্যহিক আবেদন। বলা বাহুল্য তাঁর নিজ জন্মস্থান আফগানিস্থানে যে-ধরনের মসজিদের সঙ্গে

তিনি আশৈশব পরিচিত তারই অনুরূপ ভজনালয় নির্মাণ করা ছিল তাঁর বাসনা। সে-মসজিদ পয়েন্টেড আর্চের, অনেকটা গণিত শাস্ত্রের দ্বিতীয় বন্ধনীচিহ্নের মতো খিলানের উপর তৈরী।

রোমানরা ব্যবহার করতো বৃত্তাকার আর্চ। আরবীয়েরা পছন্দ করতো পয়েন্টেড আর্চ। পণ্ডিতেরা সিদ্ধান্ত করেছেন যে, পয়েন্টেড আর্চ সম্বলিত স্থাপত্যের প্রথম নিদর্শন হলো ষষ্ঠ শতাব্দীতে নির্মিত ইরাকের অন্তর্গত সামারার মসজিদটি। হিন্দু স্থপতিদের জানা ছিল না তার নির্মাণ কৌশল। কাবুল কান্দাহার থেকে মুসলিম কারিগর আনাও সম্ভব ছিল না। সুতরাং দিল্লীর প্রথম মসজিদে স্থাপত্যের যে নিদর্শন রইল সেটা হিন্দু ও মুসলিম স্থাপত্যের সম্মেলন নয়, গাঁজামিলন। কুতুব মিনার সংলগ্ন মসজিদে আজও তার প্রমাণ আছে। সে মসজিদের বারান্দায় ও দ্বারপথে অর্ধবৃত্তাকার গঠন সত্যিকার খিলানের উপর নয়। তাতে ‘কী-স্টোন’ নেই।

মুসলিম স্থাপত্যে দেবদেবীর মূর্তি বা পুষ্প ও বৃক্ষলতা উৎকীর্ণ করার রীতি ছিল না। কোরাণের বচন উদ্ধৃত হতো মসজিদের প্রাচীরের গায়ে ও আর্চের উপরে। আরবী লিপি ও কোরাণের রচনা সম্পর্কে কুতুবুদ্দিনের মসজিদ নির্মাণরত ভারতীয় রাজমিস্ত্রীদের জ্ঞান ছিল সামান্যই। তাই কৃত্রিম আর্চের উপরে তারা বৃক্ষ অঙ্কন করে তার আশেপাশে আরবী বচন উৎকীর্ণ করার প্রয়াস করেছে কোনো মতে। হিন্দু স্থাপত্যে চিহ্ন মসজিদের সংলগ্ন মণ্ডপে আরও অধিকতর প্রকট। তার স্তম্ভগুলি নিঃসন্দেহে কোনো হিন্দু মন্দির থেকে আহত। সেকালের মুসলিম নরপতির লুণ্ঠনকে লজ্জার বিষয় মনে করতেন না। বরং অপহৃত দ্রব্যের প্রকাশ্য ব্যবহারের দ্বারা তাঁরা বিজয়স্তুত্ব রচনা করে আপন অপকীর্তির সাক্ষ্য রাখতেন পরবর্তীকালের জন্য।

সুলতান আম্রামাস কুতুবুদ্দিন রচিত মসজিদের বিস্তার সাধনে উদ্যোগী হয়ে গজনী থেকে আনলেন মুসলিম স্থপতি ও কারিগর। তারা জ্যামিতিক পদ্ধতির মুসলিম অলঙ্করণ প্রচলন করল ভারতবর্ষে। খিলজী যুগে অধিক সংখ্যক মুসলিম রাজমিস্ত্রী এল আফগান থেকে। তারা প্রবর্তন করল চতুষ্কোণ স্তম্ভের পবিত্রে ‘কী-স্টোন’-যুক্ত সত্যিকার আর্চ, সমতল ছাদের বদলে গম্বুজ, চলতি ভাষায় যাকে বলে শিকারা, এবং ঘণ্টা, পুষ্প, বৃক্ষ ইত্যাদির বদলে জ্যামিতিক রেখাঙ্কন সজ্জা। ভারতে পুরোপুরি মুসলিম স্থাপত্যের প্রতিষ্ঠা হলো। কুতুব সংলগ্ন আলাই দরওয়াজা ও নিজামুদ্দিনের জামাতখানা মসজিদ সেকালের হিন্দু প্রভাববর্জিত একান্তভাবে মুসলিম স্থাপত্যের নিদর্শন।

তোগলক রাজত্বে, বিশেষ করে ফিরোজশাহেব নির্মিত প্রাসাদ, দুর্গ ও অন্যান্য অট্টালিকায় হিন্দু স্থাপত্যের পুনর্ব্যবহার দেখা গেল। সে যুগের স্থাপত্যের প্রথম বৈশিষ্ট্য হলো অলঙ্কার ও বাহুল্যবর্জিত গঠন। সাধারণ পাথর ও চুন সুবকিব আস্তুর দিয়ে তা তৈরী,—খিলজী আমলে ও পরবর্তী মুঘল যুগে ব্যবহৃত লাল বা স্বেত পাথরের চিহ্ন বড় নেই। বোধ হয় মুঘল দস্যুদের আক্রমণ প্রতিরোধ ব্যবস্থায় ও দক্ষিণাভা অভিযান প্রভৃতিতে ফিরোজশাহের পূর্ববর্তী রাজকোষ শূন্য হয়ে এসেছিল, বায়বহুল প্রস্তর ব্যবহার আর সম্ভব ছিল না। মহম্মদ তোগলক কর্তৃক বারংবার দিল্লীর অধিবাসীদের স্থানান্তরিত করার ফলে পাথরের কাজে দক্ষ রাজমিস্ত্রীর অভাব ঘটাও বিচিত্র নয়।

ফিরোজশাহের সৌধাবলীতে সবচেয়ে উল্লেখযোগ্য, চতুষ্কোণ স্তম্ভের ব্যবহার, দ্বারপথে ও বারান্দায় আর্চের বদলে হিন্দু পদ্ধতির গঠন এবং প্রস্ফুটিত পদ্ম উৎকীর্ণ প্রাচীর-সজ্জা। ফিরোজশাহ নির্মিত হাউজ খসের পরবর্তী অংশগুলিতে আছে এর প্রকৃষ্ট পরিচয়।

মসজিদের গায়ে যে অট্টালিকার উপর অশোক স্তম্ভটি আছে তার আরোহণপথ খুব কঠিন নয়। সিঁড়ির ধাপগুলি কিছুটা উচু সন্দেহ নেই। কিন্তু আমাদের সঙ্গী নারীবাহন মিস্টার খোশলা থাকতে মেয়েদের চিন্তার কারণ নেই। প্রত্যেকটি মহিলা নিরাপদে উপরে না ওঠা পর্যন্ত তিনি নীচে দাঁড়িয়ে তদারক করলেন। বেশী পরিচিতাদের হাতে ধরে উঠতে সাহায্য করলেন এবং সদ্য পরিচিতাদের দিকে হাত বাড়িয়ে বললেন, “মে আই—।”

অশোক স্তম্ভটি প্রাসাদের যে অংশে স্থাপিত সেটা ফিরোজশাহের অন্দরমহলের অন্তর্ভুক্ত বলে কথিত। স্তম্ভটি প্রস্তর নির্মিত। আদালার নিকটবর্তী এক গ্রামে সম্রাট অশোক কর্তৃক এই স্তম্ভটি

স্থাপিত হয়েছিল খ্রীস্টজন্মের প্রায় আড়াই শত বৎসর পূর্বে। একদা যুগ্মা থেকে প্রত্যাবর্তনের পথে তা' ফিরোজশাহের চোখে পড়ল। পুরাকীর্তিতে ফিরোজশাহের গভীর আগ্রহ ও অনুরাগ ছিল। সেখান থেকে স্তম্ভটি তুলে নিয়ে এলেন তিনি দিল্লীতে, তাঁর রাজধানী ফিরোজশাহ-কোটলায়।

বিদ্যালয় চাকর গাড়িতে চাপিয়ে শত শত মজুর টেনে এনেছিল এই স্তম্ভটিকে। স্তম্ভটির শীর্ষে একটি স্বর্ণ নির্মিত আচ্ছাদন ছিল। পরবর্তী যুগে জাঠ দস্যুরা দিল্লী লুণ্ঠনকালে তা' আত্মসাৎ করেছে। বহুবর্ষ পরে স্তম্ভের গায়ে পালি ভাষায় উৎকীর্ণ লিপির পাঠোদ্ধার হয়েছে। অহিন্সা ও সর্বজীবে দয়াপ্রদর্শনের অনুরোধ জানিয়ে ভগবান বুদ্ধের অনুগামী সম্রাট অশোক সমগ্র ভারতবর্ষে যে বহুশত অনুশাসন প্রচার করেছিলেন, এই স্তম্ভে তারই একটি সাক্ষ্য রয়েছে।

অশোক স্তম্ভের পাশে দাঁড়িয়ে দেখা যায় অদূরবর্তী যমুনার জলস্রোত। ফিরোজশাহের আমলে যমুনার ধারা কোটলার পাদদেশ স্পর্শ করত সে কথা বুঝতে আজও কিছুমাত্র কষ্ট হয় না।

নীচে নেমে সদলবলে বসা গেল খেলা মাঠের মধ্যে। পাশে একটি ক্ষুদ্র জলাশয়। স্থানীয় লোকেরা বলে, বাউলী। দারুণ গ্রীষ্মের দিনে সুলতান অবগাহন করতেন এর ঙ্লে, বিশ্রাম করতেন এর তীরবর্তী পাখাণ-বেদিকায়।

কে একজন বললেন, “তাস সাথে থাকলে একহাত খেলা যেত।”

আমাদের অধিনায়িকা অমনি তাঁর তোরঙ্গ থেকে বার কবলেন দু'প্যাকেট সুদৃশ্য ঝক-ঝকে তাস, নম্বর লেখার ছাপানো প্যাড ও পেন্সিল।

সবাই জয়ধ্বনি করে বলল—“একেই বলে দুবদৃষ্টি। সকল কালেব সকল বকম দরকারের কথা যিনি আগে থাকতে ভেবে রাখেন, তাঁরই নাম অনাগতবিধাতা।”

ডাক্তার অধিকারী আমাদের মধ্যে সর্বাপেক্ষা বয়োজ্যেষ্ঠ। আর্মিতে লেফটেনেন্ট কর্নেল। অত্যন্ত রসিক লোক। মাথার পাকা চুল দিয়ে মনের কাঁচা ভাবকে ঢেকে রেখেছেন। মাইল দশক দূরবর্তী ক্যান্টনমেন্ট থেকে এসেছেন পিকনিকে যোগ দিতে। কন্ট্রাক্টরিজে তাঁর জুড়ি মেলা ভার। খুশি হয়ে বললেন, “ক্রীপস্ আলোচনা চলছে। স্বরাজ হলে আমরা ঠুকেই প্রেসিডেন্ট করব। স্বাধীন ভারতে প্রথম মহিলা প্রেসিডেন্ট, মিসেস বিজয়া ব্যানার্জী। বিজয়া ব্যানার্জী কী—”

সবাই মিলিত কণ্ঠে উচ্চধ্বনি করলেন, “জয়।”

বাধা দিয়ে বললেন, “কর্নেল, প্রেসিডেন্ট বললেই মনে হয় পলিতকেশ, বিগতযৌবনা বৃদ্ধা। তাম্র চাইতে বলুন মহারাণী।”

কর্নেল তৎক্ষণাৎ স্বীকার করলেন; “ঠিক বলেছ ভায়া। মহাবাণীই ভালো। দিল্লীর দ্বিতীয় মহিলা সম্রাজ্ঞী। সুলতানা রিজিয়ার পরে সুলতানা বিজয়া। জয় মহারাণী বিজয়া কী জয়। বন্দে মাতরম, আল্লা হো আকবর, হিপ্ হিপ্ হুররে।”

ভাবী সুলতানা সহাস্যে জিজ্ঞাসা করলেন, “একসঙ্গে তিনটাই বলেন নাকি আপনি?”

“নিশ্চয়। গান্ধী মহারাজ, জনাব জিন্না ও ব্রিটিশ গভর্নমেন্টকে খুশি রাখতে হয়। যখন যার হাতে ক্ষমতা আমি তাঁরই দলে আছি। অবস্থা অনুযায়ী যার যত তাড়াতাড়ি মত বদলায় ইংরেজীতে তাকেই তো বলে তত প্রেসিডেন্ট।”

মিস্টার জুবেরী সদ্য আই-সি-এস হয়েছেন। বিলেতে লণ্ডন স্কুল অব ইকনমিক্সে কিছুকাল পড়েছিলেন। সোশ্যালিজমে এখনও ভক্তি আছে। বললেন, “মহারাণী তো মনাকর্জিম। ডেমোক্রেসির যুগে তা' চলবে না।”

কর্নেল বললেন, “খুব চলবে। ঘরে ঘরে মনাকর্জিম চলছে, আর ঘরের বাইরে গভর্নমেন্টে চলবে না? ভায়া হে, তোমার বয়স অল্প, শিখতে এখনও ঢের বাকী। ডেমোক্রেসি বস্তুটা আছে শুধু হারল্ড ল্যাক্সির বইতে। আমাদের মিস্টার ব্যানার্জীকে জিজ্ঞাসা করে দেখ, তাঁর বাড়িতে তাঁর জানলার পর্দা নীল হবে কি সবুজ হবে, সকালে সূজো রান্না হবে কি ছেঁচকি রান্না হবে—এসব সিদ্ধান্ত ব্যানার্জীর ভোট নিয়ে ঠিক হয়, না মহারাণীর হুকুমে চলে? বিয়ে করলে নিজেই বুঝতে পারবে যে, হার মেজেস্টিস্ গভর্নমেন্টে আর যাই থাক, লীডার অব দি অপোজিশন নেই।”

প্রবল উচ্চ হাস্য উদ্ভিত হলো সভায়।

লজ্জাজড়িত আত্মপ্রসাদে মহিলার গৌর গণ্ডস্থয় রক্তিম হয়ে উঠল। প্রসঙ্গ চাপা দেওয়ার জন্য আমার দিকে তাকিয়ে বললেন, “আর কথা নয়। আসুন এবার খেলা যাক।”

হাত জোড় করে বললেন ‘মাপ করবেন ও বিদ্যে আমার একেবারে জানা নেই।’

“বলেন কী? আচ্ছা তা হলে খেলা থাক। গান করুন।”

“কী সর্বনাশ! তার চাইতে বরং কুতূব মিনারের উপর থেকে লাফিয়ে পড়তে বলুন। না হয় আপনার খাতিরে তাই চেষ্টা করে দেখব। গান করলে অবশ্য লাফিয়ে পড়ার ইচ্ছাটা হবে আপনার।”

ব্যানার্জী বললেন, “তবে আবৃত্তি শোনান, রবি ঠাকুরের কবিতা।”

জবাবে বললেন, “ছোটবেলায় সংস্কৃত শব্দরূপ আর বড় হয়ে জুরিস্‌প্রুডেন্সের ধারা মুখস্থ করে করে কবিতা মনে রাখবার আর সময় পেলেম কখন?”

মিসেস বললেন, “আচ্ছা, তা হলে গল্প বলুন।”

ডাক্তার অধিকারী আমেভুমেস্ট যোগ করলেন,—“প্রেমের গল্প।” হেসে বললেন, “কর্নেল, প্রেমের হলে সেটা যে গল্পই হবে, সত্যি হবে না, সে তো জানা কথা। কিন্তু সে গল্পও আমার জানা নেই। চান তো ভূতের গল্প বলতে পারি। জানেন, এই বাউলীর ধারে ঠিক আপনার ডাইনে মিসেস মিত্র যেখানটায় বসেছেন, সেখানে রাজরক্তের দাগ আছে? সম্রাট দ্বিতীয় আলমগীরকে এখানে হত্যা কবা হয়।”

“ও মাগো!”—বলে ত্রিঃ করে লাফ দিয়ে সরে একেবারে দলের মাঝখানটিতে এসে বললেন মিসেস মিত্র। বাব বাব নিজ শাড়ির দিকে পরীক্ষামূলক দৃষ্টিতে তাকাতে লাগলেন, সত্যিই রক্তের দূ’ একটি ছিটে ফোঁটা তাঁব বসনে লেগেছে কিনা সেই আশঙ্কায়। সবাই খানিকটা হেসে নিল। কিন্তু অন্যান্য মহিলাবাও যে একটু চঞ্চল না হলেন তা নয়।

মিস্টার খোশলা মিসেস মিত্রের জন্য অত্যন্ত উদ্বিগ্ন হলেন। বার বাব বলতে লাগলেন এমন ভাবে মেঘদেব ভয় দেখানো মোটেই উচিত হয়নি। হঠাৎ ভয় পেয়ে শক্ লাগলে সাজ্জাতিক ইত্যাদি ইত্যাদি।

অধিনায়িকা দমবাব পাত্রী নন। বললেন, “বেশ, বলুন ভূতের গল্প। সত্যি ভূতের হওয়া চাই কিন্তু। বানানো নয়।”

“মিসেস ব্যানার্জী, ভূত চিবকালই বানানো হয়ে থাকে। ভূতের গল্পের তো কথাই নেই। কিন্তু দুর্ভাগ্যের বিষয় তাও আমি জানি নে।”

মহিলা সবেগে মাথা নেড়ে বললেন, “না না, আপনি কেবলই ফাঁকি দিচ্ছেন। তাস খেলা নয়, গান নয়, গল্পও নয়। একটা কিছু করুন।”

কর্নেল বললেন, “তাই তো হে, তোমাব কেস খাবাপ হচ্ছে। তুমি যদি কোনো কিছুই না পার তবে মহাবাহীব গভর্নমেন্টে তোমাব জায়গা হবে না।”

মহিলা বললেন, ‘সত্যি তো। আপনাকে নিয়ে করব কী? গান গাইতে জানেন না যে, বৈতালিক হবেন! পদ্য কইতে পারবেন না যে, সভাপণ্ডিতের চাকরি দেব। গল্প বলতে পারেন না যে, বয়সা করব। এমন অকর্মী লোক আপনি, হবেন কী?’

যুক্তকরে বললেন, “আমি তব মালঞ্চের হব মালাকার।”

বিপুল হাস্যরোল।

দশ

আরোগ্য সম্ভাবনাহীন রোগীর অত্যাসন্ন মৃত্যু নিশ্চিত জানার পরেও যে প্রফেসরন্যাল নির্লিপ্ততা নিয়ে ডাক্তার প্রেসক্রিপশন লিখে যান, ক্রীপস্ আলোচনা সম্পর্কেও বর্তমানে আমাদের সেই মনোভাব উপস্থিত। এর ব্যর্থতা সম্পর্কে নয়াদিল্লীতে সমবেত জার্নালিস্টদের মনে এখন আর সংশয় নেই। প্রশ্ন এখন শেষ মুহূর্তে হঠাৎ অপ্রত্যাশিত কিছু ঘটবার নয়, প্রশ্ন কবে আলোচনার অসাফল্য সরকারীভাবে ঘোষণা করা হবে।

অথচ মাত্র সপ্তাহ দুই পূর্বেও ক্রীপস-দৌত্যের এই পরিণতি আশঙ্কা করার কারণ ছিল না। বরং এই রাজনৈতিক আলোচনা দ্বারা শীঘ্রই ভারতবর্ষ ও ব্রিটেনের মধ্যে একটা সম্মানজনক মীমাংসার ফলে ভারতে জাতীয় গভর্নমেন্ট প্রতিষ্ঠিত হবে, এই আশাই বেশীর ভাগ লোকে পোষণ করেছে।

উনিশ শ একচল্লিশ সালের ডিসেম্বর মাসে জাপান বটেন ও এমেরিকার বিরুদ্ধে যুদ্ধ ঘোষণা করল। প্রথম দিনেই পার্স হারবার বিধ্বস্ত হলো। তিন দিন পরে ব্রিটিশ নৌবহরের অন্যতম গর্ব ও নির্ভর প্রিন্স-অব-ওয়েলস ও রিপালস জাপানী বোমার আঘাতে প্রশান্ত মহাসাগরের গর্ভে সলিল সমাধি লাভ করল। দেখতে দেখতে হংকং ও মালয় জাপানীরা কেড়ে নিল। যোলই ফেব্রুয়ারী সুদূর প্রাচ্যে ব্রিটিশের সর্বশ্রেষ্ঠ ঘাঁটি—যা দুর্ভেদ্য বলে সবার ধারণা ছিল—সিঙ্গাপুরের পতন।

দুই শত বৎসরের ব্রিটিশ শাসনকালে এই প্রথম জল এবং স্থলপথে ভারতবর্ষ শত্রু আক্রমণের সম্মুখীন। কর্তৃপক্ষের মনে উদ্বেগ, সাধারণের মনে ভীতি এবং সহজবিশ্বাসপ্রবণ অজ্ঞজনের অসংবদ্ধ রসনায় নানাবিধ ভ্রাসজনক রটনার সৃষ্টি হলো।

এই পরিস্থিতির মুখোমুখি দাঁড়িয়ে হাউস অব কমন্সে প্রধানমন্ত্রী চার্লিস ঘোষণা করলেন—ওয়ার ক্যাবিনেট সর্বসম্মতিক্রমে ভারতবর্ষের বর্তমান ও ভবিষ্যৎ সমস্যা সম্পর্কে একটি ন্যায়সঙ্গত ও চূড়ান্ত সমাধান—জাস্ট অ্যান্ড ফাইনাল সলিউশন—স্থির করেছেন এবং লর্ড প্রিন্সিপাল সার স্ট্যাফোর্ড ক্রীপস্ নিজে ভারতীয় নেতৃবর্গের সম্মতি সংগ্রহের জন্য মন্ত্রিসভার প্রস্তাবটি নিয়ে ভারতে যাচ্ছেন।

যুদ্ধ শুরু হওয়ার পর থেকে পুনঃ পুনঃ উপেক্ষিত হয়েছে জাতীয়তাবাদী ভাবতের দাবি। বারংবার প্রত্যাখ্যাত হয়েছে কংগ্রেসের সহযোগিতার প্রস্তাব। মাসখানেক পূর্বে মার্শাল চিয়াং কাইসেক ও মাদাম এসেছিলেন ভারতবর্ষে। তাঁরা প্রকাশ্যে বিবৃতিতে ব্রিটেনকে ভারতীয়দের হাতে যথাসম্ভব ক্ষিপ্ৰতায় প্রকৃত রাজনৈতিক ক্ষমতা প্রদানের অনুরোধ করেছিলেন। প্রেসিডেন্ট রুজভেল্ট তার পরেই সুস্পষ্ট ভাষায় চার্লিসের উক্তির প্রতিবাদ করে বললেন, আটলান্টিক চার্টার সমগ্র পৃথিবীর জন্য, কেউ তা থেকে বঞ্চিত হবে না। এবং প্রায় সঙ্গে সঙ্গেই অস্ট্রেলিয়ার বৈদেশিক মন্ত্রী এডাউ সেখানকার পার্লামেন্টে ভারতের স্বাধীনতা দাবিকে ন্যায্য বলে স্বীকার করে বললেন, সে দাবির প্রতি অস্ট্রেলিয়ানদের পূর্ণ সহানুভূতি আছে।

ভারতবর্ষে জনগণের স্বাধিকার প্রতিষ্ঠার প্রচেষ্টার প্রতি সম্মিলিত জাতিগুলির ক্রমবর্ধমান অনুকূল মনোভাব ও প্রকাশ্য উক্তি দ্বারা ব্রিটেনের রক্ষণশীল কর্তৃপক্ষ বিব্রত হচ্ছিলেন সন্দেহ নেই। কিন্তু তার চাইতেও গুরুতর কাবণ ছিল প্রধানমন্ত্রীর ঘোষণায়। সে কাবণ সহৃদয়তার নয়, অনুজ্ঞা উপরোধ বা উপদেশজাত নয়। কারণ কঠোর বাস্তব ঘটনা পবম্পবাব। আটই মার্চ রেঙ্গুনের পতন হলো, ব্রঙ্কে ব্রিটিশ শাসনের সমাপ্তি ঘটল। ভারতবর্ষের বিক্ষুব্ধ জনমতকে শাস্ত ও ইংরেজের অনুকূল করার প্রয়োজনীয়তা ইতিপূর্বে এমন আর কখনও অনুভূত হয়নি। এগারই মার্চ চার্লিস ক্রীপস্ মিশনের কথা ঘোষণা করলেন।

তবুও একথা মানতেই হবে যে, প্রধানমন্ত্রীর ঘোষণা ভারতবর্ষে অভূতপূর্ব উৎসাহের সঞ্চার করেছিল। এদেশের সংবাদপত্র ও জনসাধারণ ব্রিটিশ ওয়ার ক্যাবিনেটের এই নব প্রচেষ্টাকে অভিনন্দিত করল। বোধ হয় এতদিনে সত্য সত্যই ব্রিটেন ভারতীয় সমস্যার সত্যিকার সমাধানে উৎসুক। ক্ষমতা হস্তান্তরে স্বীকৃত।

ভারতে এই অনুকূল মনোভাবের পশ্চাতে ছিল মন্ত্রিসভার ভারপ্রাপ্ত আলোচনাকারী ব্যক্তিটির প্রতি ভারতবর্ষের আস্থা। সার স্ট্যাফোর্ড ক্রীপস্কে ভারতবর্ষ বর্তমান শতাব্দীর মুষ্টিমেয় ভারতহিতৈষী ইংরেজের মধ্যে অন্যতম জ্ঞান করে থাকে। ক্রীপস্ ইতিপূর্বে দু'বার ভারতবর্ষে এসেছেন। কংগ্রেস নীতি ও কর্মপদ্ধতির সঙ্গে তাঁর প্রত্যক্ষ পরিচয় আছে। পণ্ডিত জওহরলাল নেহরুর তিনি একজন অন্তরঙ্গ সুহৃদ। একাধিকবার ভারতে ইংরেজ শাসনের ভরিত সমাপ্তি কামনা করে তিনি লেখনী চালনা করেছেন। বেশী দিনের কথা নয়, যুরোপে যুদ্ধ ঘোষণার সাত সপ্তাহ পরে হাউস অব কমন্সে দাঁড়িয়ে গভীর প্রত্যয়বাক্যক স্বরে ক্রীপস্ বলেছেন, “কংগ্রেসের নয় ব্রিটিশ গভর্নমেন্টের অনমনীয় মনোভাবের জন্যই ভারতীয়দের ন্যায়সঙ্গত

দাবি আজও অসূর্ণ রয়েছে। সাম্প্রদায়িক কলহের কথাটা একটা ছুতা মাত্র !”

সেই ক্রীপসের আপোষ আলোচনা নিরর্থক হতে চলল ! মতভেদের বর্তমান কারণ দেশরক্ষার প্রশ্ন ! ব্রিটিশ গভর্নমেন্টের প্রস্তাবানুসারে দেশরক্ষার ভার থাকবে একান্তভাবে প্রধান সেনাপতির হাতে। কংগ্রেসের দাবি, দেশরক্ষার দায়িত্ব দেশবাসীর। সে দায়িত্ব পালনের জন্য জনসাধারণের মধ্যে যে অনুপ্রেরণা সঞ্চার প্রয়োজন তা একমাত্র ভারতীয় দেশরক্ষা সচিবের পক্ষেই সম্ভব, বিদেশী কমান্ডার-ইন-চীফের নয়।

যুদ্ধ পরিচালনার প্রত্যক্ষ ভার কংগ্রেস প্রধান সেনাপতির উপরে ন্যস্ত করতে রাজী ছিলেন। সে ব্যাপারে তাঁকে সর্বাধিক স্বাধীনতা দানে কংগ্রেসের আপত্তি ছিল না। কিন্তু দেশরক্ষার মূল দায়িত্ব ভারতীয় দেশরক্ষা সচিবের হাতে না থাকলে স্বাধিকার লাভের অর্থ থাকে না। বিশেষতঃ যুদ্ধের সময়ে দেশের অন্যান্য সমস্যা ও ব্যবস্থা দেশরক্ষার বৃহত্তর প্রশ্নের দ্বারাই বহুলাংশে প্রভাবান্বিত। সত্যিকার দায়িত্ব ও স্বাধীনতা লাভের পরিমাপ দেশরক্ষার নিরবচ্ছিন্ন অধিকারের দ্বারাই নিরূপিত হয়।

এই যুক্তির সারবস্তা অস্বীকার করা ক্রীপসের সাধ্য ছিল না। তাই তিনি বিকল্প প্রস্তাব করলেন, প্রধান সেনাপতি যুদ্ধ সচিবরূপে সমর পরিচালনা সংক্রান্ত দায়িত্ব পালন করবেন এবং দেশরক্ষা সচিব আখ্যা নিয়ে একজন জনপ্রতিনিধি দেশরক্ষা ব্যবস্থার সঙ্গে যুক্ত থাকবেন।

ভালো কথা। কিন্তু এ দুজনের কর্মবিভাগ হবে কী ভাবে? ক্রীপস প্রস্তাবিত নব দেশরক্ষা সচিবের করণীয় কর্মের একটি তালিকা দিলেন। সে তালিকায় আছে, (১) পেট্রোল সরবরাহ; (২) স্টেশনারী অর্থাৎ কাগজ, পেন্সিল, নিব, কালী, কলম কেনা, রাখার ভার, ফর্ম ছাপান; (৩) ক্যান্টিন পরিচালনা ইত্যাদি ইত্যাদি।

গাভীর রক্ষা করে এই তালিকাটি পাঠ করা কঠিন। এদেশের অন্তঃপুরে পানের তিতরে লঙ্কার কুচি, লুচির মধ্যে ন্যাকড়া ও সবচেয়ে চিনির বদলে নুন মেশানো প্রভৃতি কতকগুলি জামাই-ঠাকানো প্রাচীন মেয়েলী কৌতুকের কথা শোনা আছে। কিন্তু চল্লিশ কোটি নরনারীর ভাগ্য নিয়ে দুই দেশেব নেতৃত্বান্বী ব্যক্তিদের মধ্যে যেখানে চরম গুরুত্বপূর্ণ আলোচনা চলেছে, সেখানে এই পিড়ির নীচে সুপরি রেখে আছাড় খাওয়ানো রসিকতা নিশ্চয়ই কেউ প্রত্যাশা করে না।

অপরদিকে ইম্পিরিয়াল হোটেলে এক সাংবাদিক বন্ধুর চায়ের নিমন্ত্রণ ছিল। বন্ধুটি কংগ্রেসের সমর্থক নন, গাভীজিকে তিনি সাংসারিক বুদ্ধিহীন স্বপ্নবিলসী আনপ্রাকটিক্যাল আইডিয়েলিস্ট—মনে করেন। ভারতীয় নন। আমেরিকানও নন,—ইংরেজ। অত্যন্ত বিরক্তির সঙ্গে তিনি বললেন, “ব্রিটেনের কোন শত্রু এই তালিকাটি রচনা করে ক্রীপসের হাতে দিয়েছে? জাপানীদের টাকা খাচ্ছে এমন কোনো ফিফথ কলামিস্ট নয় তো?”

অসম্ভব নয়।

বন্ধুটি রীতিমতো ক্রুদ্ধ হয়েছিলেন। বললেন, “পেট্রোল, স্টেশনারী, ক্যান্টিন! খ্যাংরা কাঠি ও দাঁতের খড়কে নয় কেন—হোয়াই নট ব্রুমস্টিকস্ অ্যান্ড টুথপিকস্?”

ভারতবর্ষের প্রথম দেশরক্ষা সচিব হবেন পণ্ডিত জওহরলাল নেহরু, এই কথা গত এক সপ্তাহ ধরে নানাভাবে আমরা আলোচনা করেছি। একবার কল্পনা করে দেখা যাক জাপানী আক্রমণ প্রতিরোধের জন্য সমগ্র দেশব্যাপী জনগণকে উদ্বুদ্ধ করে পণ্ডিত নেহরু তাঁর অনবদ্য ভাষায় বেতারে আবেদন করছেন, তার সঙ্গে পড়ে শোনাচ্ছেন কর্মের তালিকা—“পেট্রোল, পেন্সিল, নিব, আলপিন—” পৃথিবীতে সব জিনিসেরই নাকি মাত্রা আছে। নেই কি শুধু নিরুজ্জিতার? পরিহাসের?

ব্রিটিশ কর্তৃপক্ষের বক্তব্য এই,—যুদ্ধের সময় দেশরক্ষার দায়িত্ব ব্রিটেনের। সে দায়িত্ব শুধু ভারতের অগণিত জনসাধারণের প্রতি নয়, সে দায়িত্ব মিত্র জাতিসঙ্ঘের প্রতি, যাদের সঙ্গে সম্মিলিতভাবে ব্রিটেন যুদ্ধ করছে অক্ষান্তির বিরুদ্ধে। সে দায়িত্ব তাঁরা পরিত্যাগ করতে পারেন না।

দেশরক্ষার প্রশ্নটি ভারতবর্ষের পক্ষে নানা দিক দিয়ে জটিল। ইংরেজীতে ন্যাশানাল আর্মি

বলতে যা বুঝায় ভারতবর্ষের তেমন কোনো সেনাবাহিনী নেই। ভারতে সেনাবাহিনী গড়ে উঠেছে পেশাদার সিপাহীদল থেকে। ইস্ট ইন্ডিয়া কোম্পানীর আমলে এই সিপাহীদের সংগ্রহ করা হতো দেশের বিভিন্ন অঞ্চল থেকে। একের পর এক করে কোম্পানী নগর, প্রদেশ ও রাজ্য দখল করেছে, ধীরে ধীরে বৃদ্ধি করেছে সিপাহীদল, বেতনের আকর্ষণে।

সিপাহী বিদ্রোহের অব্যবহিত পরে কোম্পানীর হাত থেকে রাজ্য শাসনের ভার নিলেন মহারাণী ভিক্টোরিয়া। সেনাবাহিনীও সম্রাজ্ঞীর অধীন হলো। শুরু হলো পরিবর্তন। সিপাহী বিদ্রোহের ফলে দেশীয় সৈন্যদের সম্পর্কে কঠোর সতর্কতা অবলম্বনের প্রয়োজন বোধ করলেন ইংরেজ সামরিক কর্তৃপক্ষ। প্রতি দুটি ভারতীয় বাহিনীর সঙ্গে যুক্ত করলেন এক ব্রিটিশ বাহিনী, যাতে কোনোদিন কোনো কারণে ভারতীয় বাহিনী বিরুদ্ধভাবে পদক্ষেপ হলে অবিলম্বে দমন করা চলে তাদের। সিপাহী বিদ্রোহের আগে ছয়টি ভারতীয় বাহিনীর সঙ্গে একটি মাত্র ব্রিটিশ বাহিনী থাকতো। গোলন্দাজ বাহিনীতে একটিও ভারতীয় নেওয়া হয়নি উনিশ শ পঁয়ত্রিশ সাল পর্যন্ত। এই যুদ্ধের আগে পর্যন্ত অফিসার র‍্যাঙ্কে ভারতীয় যারা ছিলেন তাঁদের আঙুলে গোনা যায় এবং যারা ছিলেন তাঁদের মধ্যেও কেউ মেজরের উপরে ওঠেনি। সামরিক বিচারে বোধ করি তখন পর্যন্ত ভারতীয়দের মেজরিটি প্রাপ্তি ঘটেনি।

সবচেয়ে সতর্কতামূলক ব্যবস্থা হলো সৈন্যদলের লোক নির্বাচনে। ‘সামরিক’ ও ‘অসামরিক’ জাতি, এই কৃত্রিম শ্রেণী বিভাগের দ্বারা ভারতীয় বাহিনী থেকে পাঞ্জাব ও সীমান্ত প্রদেশের অধিবাসী ছাড়া সমগ্র ভারতবর্ষের অন্যান্য প্রায় সব দেশের লোককে সময়ে দূরে রাখা হয়েছে। অথচ ইতিহাসে যাদের কিছুমাত্র দখল আছে তাঁরাই জানেন ভাবতে ইংরেজের রাজ্য বিস্তারের এক প্রধান অংশ সম্ভব হয়েছিল বর্তমানে ‘অসামরিক’ জাতি বলে উপেক্ষিত বাংলা ও মাদ্রাজের সিপাহী সাত্ত্বীদেরই বাহুবলে। বর্তমানে অত্যন্ত সহজবোধ্য কারণে যে সকল ইংবেজ রাজনীতিক মুসলমানদের সামরিক কৃতিত্ব সম্পর্কে সশ্রদ্ধ প্রশংসায় গদগদ এবং ইংরেজের অবর্তমানে ভারতে গৃহ-যুদ্ধ ঘটলে হিন্দুদের অসহায়ত্ব নিয়ে যারা প্রায় অশ্রু-বর্ষণ করেন, সেই ভাবতবন্ধুদেব স্মরণ করিয়ে দেওয়া যেতে পারে যে, ইংরেজের রাজ্য বিস্তারের কালে যারা শ্রেষ্ঠ সামরিক শক্তি বলে স্বীকৃত ছিল এবং যাদের কাছে ইংরেজ সর্বাধিক প্রতিরোধ পেয়েছে, তারা মারাঠা ও শিখ। এদের প্রথমটির ধর্মমত অবিমিশ্রিত হিন্দু, দ্বিতীয়টিও হিন্দু ধর্মেরই সংস্কারোত্তর রূপ। একটিও ইসলাম নয়।

পাঞ্জাব ও সীমান্ত প্রদেশের প্রতি সেনা বিভাগেব এই পক্ষপাতিত্বের কারণ কী? কেউ বলেন, উত্তর ভারতের লোকেরা সাধারণতঃ দৈর্ঘ্য ও দৈহিক গঠনে দক্ষিণ ও পূর্বাঞ্চলের অধিবাসীদের চাইতে উন্নত। কিন্তু সেটাই সামরিক জাতি বলে চিহ্নিত হওয়ার পক্ষে যথেষ্ট নয়। গুর্খাদের তাহলে কোনকালেই থাকী পরতে হত না। বিশেষ করে সৈন্যদের কৃতিত্ব যে-যুগে তাদের দৈহিক সামর্থ্যের উপরেই নির্ভর করতো, আগ্নেয়াস্ত্র উদ্ভাবনের সঙ্গে সঙ্গেই তার সমাপ্তি ঘটেছে।

কোনো বিশেষ অঞ্চল থেকে সৈন্য সংগ্রহের সুবিধা এই যে, তার ফলে একটা নতুন জাতিপ্রথা সৃষ্টি করা চলে। সামরিক বৃত্তি অনেকাংশে পারিবারিক হয়ে দাঁড়ায়। পুরুষানুক্রমে পিতামহ থেকে পিতা এবং পিতা থেকে পুত্র সেই বৃত্তি প্রসারিত হয় এবং একই বাহিনীতে বংশপরম্পরা চাকুরির দ্বারা বাহিনীর প্রতি একটা কায়মি স্বার্থবোধ জাগে। নিজেকে তারা সে বাহিনীর সঙ্গে ঘনিষ্ঠ ভাবে জড়িত অংশবিশেষ বলে জ্ঞান করে। ঠিক যেমন করে কলকাতার বড় বড় বিলাতী কোম্পানীগুলির ক্যাশিয়ার, বড়বাবু, বা বেনিয়ানরা। বিদেশী শাসকের পক্ষে শাসনযন্ত্রের প্রতি শাসিতের এই মমত্ববোধ সৃষ্টির সার্থকতা সামান্য নয়।

তার চাইতেও বড় কারণ আছে। সে কারণ রাজনৈতিক। স্বীকার করতেই হবে যে, কিছুকাল পূর্বেও ভারতের উত্তর পশ্চিম প্রান্ত ছিল রাজনৈতিক চেতনাহীন। সিপাহী বিদ্রোহের সময় পাঞ্জাব ছিল একমাত্র প্রদেশ যেখানে ইংরেজের বিরুদ্ধে দেশীয় জনগণ অস্ত্র ধরেনি। আধুনিক কালেও ভারতের অন্যান্য প্রদেশের তুলনায় পাঞ্জাবে জাতীয় জাগরণের চিহ্ন অপেক্ষাকৃত ক্ষীণ। গদর দল ও কোমাগাটামারুকে নিয়ে যারা পাঞ্জাবের দেশপ্রাণতার প্রশস্তি রচনা করেন তাঁদের স্মরণ রাখা

প্রয়োজন যে, সে পাঞ্জাবীরা বিদেশে গিয়েই দেশাত্মবোধের দ্বারা উদ্বুদ্ধ হয়েছিল, দেশে থাকতে নয়। সাধারণ পাঞ্জাবী সম্বল জীবনযাত্রা, মোটা মাইনে, অজস্র আহার ও দামী পোশাক পেশেই খুশি থাকে, দেশ নিয়ে বড় একটা মাথা ঘামায় না। ভগৎ সিং-এরা নিয়ম নয়, ব্যতিক্রম মাত্র।

ভারতীয় সেনা বিভাগে বাঙালীরাই সব চেয়ে বেশী অবাদিত। আর্মির মনুসংহিতায় তারা হরিজন। আচর্য নয়। বিংশ শতাব্দীর প্রথমাংশ থেকে শুরু করে তারা ভারতে ব্রিটিশ শাসনের প্রতিবাদ করেছে অবিরত, সংগ্রাম করে আসছে অমিত তেজে। ভারতের আধুনিক জাতীয় জাগরণের প্রথম উদ্যোগ ঘটেছে এইখানে। জাতীয় যশ্রে এখানে মায়েরা আহুতি দিয়েছে পুত্র, মেয়েরা দিয়েছে প্রেরণা, ছেলেরা দিয়েছে প্রাণ। এদের প্রভাব ক্ষুণ্ণ করতে কার্জন করেছে বঙ্গ-ভঙ্গ, হার্ডিঞ্জ স্থানান্তরিত করেছে রাজধানী, ম্যাকডোনাল্ড কায়ম করেছে কমিউন্যাল এওয়ার্ড। সর্বনাশ! এদের সেনাদলে নিলে রক্ষা আছে? এইখানে স্মরণ করা অপ্ৰাসঙ্গিক নয় যে, সিপাহী বিদ্রোহের প্রথম লক্ষণও প্রকাশ পেয়েছিল বাংলাদেশেরই এক ছাউনিতে। ব্যারাকপুরে।

‘সামরিক জাতির’ প্রতি এই পক্ষপাত ব্রিটিশ শাসনের পক্ষে সহায়ক হয়েছে সন্দেহ নেই। অভাব অভিযোগের ফলে পাছে তাদের ব্রিটিশ-অনুরক্তি হ্রাস পায় সেজন্য ব্রিটিশ শাসকেরা এই ‘সামরিক জাতির’ পার্থিব কল্যাণ সাধনে অনেকটা তৎপর হয়েছেন, সে কথাও সত্য। সেনা বিভাগের বেতনের হার ও পেন্সন সাধারণ দরিদ্র গ্রামবাসীর পক্ষে যথেষ্ট লোভনীয়। তা ছাড়া বার্ষিকে অবসর গ্রহণকালে অনেকে জায়গীরও পেয়েছে।

পাঞ্জাব সেনাবিভাগের সৈন্য ও অশ্ব যোগায়, তাই পাঞ্জাব সর্বদাই কর্তৃপক্ষের অধিকতর সম্মেহ মনোযোগ লাভ করে এসেছে। কৃষির উন্নতি, স্বাস্থ্যোন্নয়ন-পরিকল্পনা পাঞ্জাবে হয়েছে বেশী। সমবায় আন্দোলন ও কৃষিবিদ্যার গবেষণা শুরু হয়েছে সেখানে এবং ভারতে ব্রিটিশ যুগের সর্বাপেক্ষা বিস্ময়কর ও ব্যয়বহুল কৃত্রিম সেচকার্যের নিদর্শন আছে পাঞ্জাবে ও সিন্ধুপ্রদেশে। সেখানে বেশীর ভাগ চাষীরই ক্ষেতে ধান, গোয়ালে গরু এবং ঘরে আর্মির মেডেল আছে। সেখানে সাহেবকে বলে হুজুর, দাবোগাকে বলে ধর্মাবতাব, গভর্নমেন্টকে বলে সরকার বাহাদুর। সেখানে স্বরাজের গবজ থাকবে কার?

কিন্তু বন্যা যখন আসে, তখন তাকে বালির ঝাঁপ দিয়ে ঠেকানো যায় ক’দিন? সমুদ্র যদি ক্যানুটেব আদেশ মেনেই চলতো তবে আব ভাবনা ছিল কী? সমস্ত প্রতিবেদক ও সাবধানতা ব্যর্থ করে দেশাত্মবোধের ধাবা এগিয়ে এসেছে ধীরে ধীরে। ভারতবর্ষের পূর্ব, পশ্চিম, উত্তর, দক্ষিণ—কোথাও কোনো প্রান্তে তার আর বাধা রইল না। পশ্চিম সীমান্তে খান আব্দুল গফুর খান এই ভাবগঙ্গার ভগীরথ।

এই বছর অনুগৃহীত অঞ্চলের রাজনীতির সম্পর্কবর্জিত সরল অধিবাসীদেরও তাদের স্বদেশ ও স্বজাতির বিরুদ্ধে পুনঃ পুনঃ ব্যবহার এখন আর আগের মতো নিরাপদ নয়। বোধ হয় অনেকেই জানেন না যে, উনিশ শ ত্রিশ সালে সত্যাগ্রহ আন্দোলনের কালে একদল হিন্দু গাডোয়াল সৈন্য পেশোয়ারে মুসলিম স্বেচ্ছাসেবকদের উপরে গুলীবর্ষণে অস্বীকৃত হয়ে অস্ত্র পরিত্যাগ করেছিল। সে সংবাদ এদেশের খবরের কাগজে প্রকাশ পায়নি, অর্থাৎ প্রকাশ করতে দেওয়া হয়নি।

সম্প্রদায়ের দিক দিয়ে উনিশ শ একচল্লিশ সাল পর্যন্ত এই সেনাদলের শতকরা ষোল্লিশ ভাগ ছিল মুসলমান, তেইশ ভাগ শিখ ও বিয়াল্লিশ ভাগ হিন্দু। লক্ষ্য করার বিষয় এই যে, এ হিসাব থেকেও হিন্দুদের বিরুদ্ধে বহুপ্রচারিত সামরিক অযোগ্যতার অপবাদ মিথ্যা প্রমাণিত হয়।

খুব সামান্য হলেও ভারতবর্ষের সামরিক নীতির প্রথম পরিবর্তন ঘটে প্রথম মহাযুদ্ধ অবসানের পর। একান্তভাবে যুরোপীয় অফিসার পরিচালিত বাহিনীর সামান্য অংশ ভারতীয়করণের সিদ্ধান্ত গৃহীত হয়। ভারতীয়েরা সেনাবিভাগে ক্রিংস কমিশন প্রাপ্তির যোগ্য বিবেচিত হয় এবং ভারতীয় সেনানায়কদের শিক্ষাদানের উদ্দেশ্যে দেৱাদুনে ভারতীয় স্যান্ডহাস্ট-এর প্রতিষ্ঠা ঘটে।

বর্তমান যুদ্ধে এই ভারতীয়করণ দ্রুত হয়েছে। বলা বাহুল্য, ভারতীয়দের প্রতি মমত্ববোধে নয়। ইংরেজের নিজ প্রয়োজনের তাগিদে। অসামরিক জাতি বলে সেনাবিভাগে ইতিপূর্বে যাদের প্রবেশের সম্ভাবনা মুত্র ছিল না, তারাও এখন অফিসার হতে পারে। অবশ্য এই বাধা অপসারণের

ফলে সেনাবিভাগে বাঙালীর সংখ্যা এখনও খুব উল্লেখযোগ্য বলে আমার বিশ্বাস নেই, যদিও বিমানবহরে তাদের সংখ্যা তেমন হতাশাজনক নয়। সুদক্ষ বৈমানিকরূপে কয়েকজন বাঙালী তরুণ ইতিমধ্যেই যথেষ্ট খ্যাতিও অর্জন করেছেন।

এতকাল ভারতবর্ষে দেশরক্ষার ব্যবস্থার ভিত্তি ছিল উত্তর-পশ্চিম সীমান্তে। কমান্ডার-ইন-চীফের সবগুলি কামানের মুখ ছিল আফ্রিদিদের দিকে। একচক্কু হরিণের মতো পার্ল হারবার বিধ্বস্ত হওয়ার পরে সেনাপতিরা প্রথম হৃদয়ঙ্গম করলেন, বিপদ ঠিক সে দিক থেকেই উপস্থিত যে দিকে তার সম্ভাবনা তাঁরা কল্পনাও করেননি।

যুদ্ধ শাস্ত্র মতে জাপানের বিরুদ্ধে ভারতের প্রথম প্রতিরোধ-ব্যবস্থা হওয়া প্রয়োজন নৌবহর। তা নেই। জলপথ সবটাই শত্রুর দখলে। ব্রিটিশ ও ভারতীয় যে পেশাদার সেনাবাহিনী ভারতে বর্তমান, তা আধুনিক যুদ্ধক্ষেত্রে পুরোপুরি সজ্জিত নয় এবং তাদের ঘাঁটিগুলি সম্ভাবিত রণক্ষেত্র থেকে বহু শত যোজন দূরে দেশের অপর প্রান্তে।

এই আসন্ন আক্রমণের বিরুদ্ধে ভাবতবর্ষের আত্মরক্ষার উপায় কী, এ প্রশ্ন সামরিক কর্তৃপক্ষের মনে উদ্ভূত হয়েছে কিনা জানার উপায় নেই। কিন্তু অস্ত্রশস্ত্রহীন যুদ্ধবিদ্যায় অভিজ্ঞতালব্ধ জনসাধারণের মনে এ জিজ্ঞাসা জেগেছে। অবশেষে একজন এই প্রশ্নের উত্তর নির্দেশ কবলেন। তাঁর নাম পণ্ডিত জওহরলাল নেহরু।

পঞ্চাশ লক্ষ ভারতীয় সৈন্য সংগ্রহের এক পরিকল্পনা প্রস্তুত করলেন জওহরলাল। কান্দীরা পণ্ডিতের বংশধর তিনি। তাঁর উদ্বর্তন পূর্বপুরুষ রাজকাউল ছিলেন প্রখ্যাতনামা পার্শ্ব ও সংস্কৃতজ্ঞ পণ্ডিত, প্রপিতামহ লক্ষ্মীনারায়ণ নেহরু ছিলেন মুঘল দরবারে নামকবা ব্যবহারজীবী। এডভোকেট জনকের সন্তান জওহরলাল নিজেও মসিজীবীরূপেই কর্মজীবন শুরু করেছিলেন। দেশরক্ষার আয়োজনে তিনিই সর্বপ্রথম পরিকল্পনা করলেন সর্বসাধারণের অসিচালনার। জনগণের কথা যিনি ভাবেন তাঁকেই তো আমরা বলি জনগণ-মন-অধিনায়ক।

অস্ত্র ? চাই বৈকি। অবশ্যই চাই। পঞ্চাশ লক্ষ সৈন্যের অস্ত্র যোগাতে দেশে নতুন কলকারখানা স্থাপন ও পুরাতন কলকারখানার বিস্তার প্রয়োজন। সেটা সময়সাপেক্ষ। শত্রু তো তার জন্য অপেক্ষা করবে না। পণ্ডিতজী অত্যন্ত নিকটে থেকে গভীবভাবে অনুধাবনের সুযোগ পেয়েছিলেন স্পেন ও চীনের গণবাহিনীর যুদ্ধসজ্জা ও যুদ্ধরীতি। স্পেনে চাষী মজুরদের সমিতি থেকেই গড়ে উঠেছিল সেনাবাহিনী। তার মধ্যে থেকেই উদ্ভব হয়েছে একাধিক সেনাপতির যারা প্রথম জীবনে কেউ চালিয়েছে লাঙ্গল, কেউ বুনেছে তাঁত। চীন থেকে যুদ্ধবিদ্যা শেখাবার লোক আনার পরিকল্পনা করলেন জওহরলাল।

গতিশীলতা ইংরেজীতে যাকে বলে মোবিলিটি, সেই হলো এই বাহিনীর সর্বাপেক্ষা সুবিধা। রাইফেলের অভাবে হাত বোমা দিয়ে এর কাজ চলে। সর্বত্র এদের সহযোগিতার জন্য গ্রামবাসীরা হতো ব্যগ্র। ক্ষুধায় অন্ন এবং বিপদে আশ্রয় জোগাতো তারা। দেশপ্রাণতার প্রেরণায় এই বাহিনীর নিজস্ব বৈশিষ্ট্য থাকতো। যুরোপীয় পরিচালনায় বেতনভুক সৈন্যদলের মতো তারা আদেশ পালনের যত্নমাত্র হতো না !

জনশ্রুতি এই যে, কোনো কোনো ব্রিটিশ সৈন্যদলও এই পরিকল্পনা শ্রদ্ধার সঙ্গে পরীক্ষা করে দেখার পক্ষপাতী ছিলেন এবং বিলাত থেকে মেজর টম উইনট্রিংহ্যাম ভারতবর্ষে এসে এই সৈন্যবাহিনীর শিক্ষার ভার গ্রহণ করবেন এমন প্রস্তাবও শোনা গেছে। উইনট্রিংহ্যাম স্পেনে ফ্রান্সের বিরুদ্ধে যুদ্ধের সময় গণতান্ত্রিক দলের সৈন্যবাহিনীর সঙ্গে সংশ্লিষ্ট ছিলেন। কিন্তু পণ্ডিত নেহরুর পরিকল্পনা ব্রিটিশ গভর্নমেন্ট প্রীতির চোখে দেখবেন এ আশা যারা করেছিলেন তাঁরা যাই হোন মানবচরিত্র সম্পর্কে যথেষ্ট অভিজ্ঞ নন। তাঁদের জানা উচিত ছিল, ব্রিটিশ প্রস্তাবে সৈন্যসামন্ত বা অস্ত্রশস্ত্রের কথা থাকে না। থাকে পেট্রোল, স্টেশনারী ও ক্যান্টিন। রুল্ ব্রিটেনিয়া, ব্রিটেনিয়া রুল্ দি প্লেভস্। •

ইম্পিরিয়্যাল হোটেল থেকে ফিরছি স্বস্থানে। গেটের বাইরে এসে দাঁড়াতেই দেখি হঠাৎ ব্রেক কবে সশব্দে একটি গাড়ি দাঁড়াল একেবারে ঠিক সামনে। গাড়ির ভিতর থেকে মুখ বাড়িয়ে

আরোহীটি বললেন, “তাই তো, আমাদের বোঁচকা যে ! এখানে কী করছিস ? আয় উঠে আয় ।”

বোঁচকা আমার পিতৃ বা মাতৃদত্ত নাম নয় । পারিবারিক সম্বোধনও নয় । কিশোর বয়সে সহপাঠীদের দ্বারা আবিষ্কৃত উত্কণ্ট করার একটি অভিধা মাত্র । লাটিমের অধিকার, আমসম্বের অংশ ও বিস্কুটের বটন নিয়ে মতভেদজনিত কলহের পরিণামে বিক্ষুব্ধ পক্ষ ঐ শব্দটি পুনঃ পুনঃ আবৃত্তি দ্বারা আমার উপরে প্রতিশোধ গ্রহণের চেষ্টা করত এবং বহুল পরিমাণে সফলকাম হতো । মনে আছে, অনেকদিন খেলার মাঠে বা ক্লাশে ঐ নামটা শুনে ক্রোধে ও অপমানে প্রচুর অশ্রুপাত করেছি ।

নামটা একেবারে আকস্মিক নয় । তার পশ্চাতে কিঞ্চিৎ ইতিহাস আছে ।

প্রথমে যেদিন বন্দাবন পণ্ডিতের পাঠশালায় বিদ্যারম্ভ, সে দিন দিদিমা একখানা শান্তিপূরী জড়িপাড় ধুতি ও সিন্ধের জামা পরিয়ে দিয়েছিলেন । পোশাকটা গুরুগৃহগামী ব্রহ্মচারী বিদ্যার্থীর চাইতে সদা বিবাহান্তে স্বশুরালায়ে আগত জামাতা বাবাজীর পক্ষেই অধিকতর উপযোগী ছিল সন্দেহ নাই । কিন্তু বিপদ দেখা দিল বস্ত্রটি নিয়েই । প্রথমতঃ তার অবস্থান যথাস্থানে রাখা রীতিমতো আয়াসসাধ্য ব্যাপার, তার উপরে সযত্নে কুণ্ঠিত লম্বমান কৌচার প্রান্তভাগ মাধ্যাকর্ষণের ফলে কেবলই নিম্নাভিমুখি হয়ে ভূমিতে লুপ্তিত হয় । এক হাতে শ্লেট ও পণ্ডিত ঈশ্বরচন্দ্র বিদ্যাসাগর মহাশয়ের বর্ণ-পরিচয়, অপরহাতে ধৃত শিথিলবন্ধন বসনের প্রান্তভাগ । কোনোরকমে তালপাকানো অঞ্চলভাগ, দেখতে ঠোঁটলা আকৃতি ।

গোসাইদের বাড়ি বসিধু ছিল পাঠশালার সর্বাপেক্ষা বখা ছেলে । বয়সে অন্য ছাত্রদের চাইতে অনেক বড় । লেখাপড়ায় বৃহস্পতি । বার দুই ধরে এক ক্লাশেই আছে । এরই মধ্যে বিড়ি ধরেছে । কাছে এসে অত্যন্ত নিরীহের মতো প্রশ্ন করল, “হাতে বোঁচকাটি কিসের বাপু, মুড়কির না বাতাসার ?”

ক্লাস সুদ্ধ সবাই হেসে উঠল । সেই থেকে শুরু হলো বোঁচকা । খাতা নিয়ে, পেন্সিল নিয়ে ঝগড়া হলেই বলে, বোঁচকা । সিধুকে কত সাধ্য সাধনা করেছি । এস্তার মার্বেল, রাশি রাশি জলছবি ঘুষ দিয়েছি । আর যেন কোনদিন না বলে । পরম পরিতৃপ্তির সঙ্গে জিনিসগুলি পকেটে পুরে’ প্রতিশ্রুতি দিয়েছে, “স্কেপেছিস ? আর বলি কখনো বোঁচকা ? তোর ঐ লাল পেন্সিলটা কিন্তু আমায় দিতে হবে ।”

কিশোর বালকের পক্ষে সেদিন ঐ লাল পেন্সিলটা দান করা কর্ণের কবচকুণ্ডল দানের চাইতে কোনো অংশে কম কঠিন ছিল না । কিন্তু তাতেও স্বীকৃত হয়েছে । অত্যন্ত অনুনয় করে বলেছি, “দেখ ভাই । অন্য ছেলেরা যেন আর না বলে, বারণ করে দিয়ে ।”

সিধু পেন্সিলটার ডগায় জিভের লালা লাগিয়ে কাগজে মোটা অক্ষরে নিজের নাম লিখতে লিখতে অত্যন্ত তাচ্ছিল্যের সঙ্গে মন্তব্য করল, “হুঁ, বলুক দেখি সাহস আছে কোন্ শা—”

সিধুর বিবাহের নিকট বা সুদূর কোনো সম্ভাবনাই তখন ছিল না । কিন্তু তার সম্ভবপর পত্নীর কাল্পনিক সহোদরের উল্লেখ না করে কোনো একটা বাক্য সমাপ্ত এবং আরম্ভ করা তার পক্ষে কঠিন । ঐ বয়সেই ভাষায় তার এমন শব্দসম্ভার যা এ বয়সেও উচ্চারণ করা আমাদের পক্ষে সম্ভবপর নয় ।

কিন্তু প্রতিশ্রুতি দান ও তা পালনের মধ্যে সামঞ্জস্যসাধন নিয়ে সিধুর কোনো চিন্তা ছিল না । এ বিষয়ে তার রেকর্ড প্রায় ব্রিটিশ গভর্নমেন্টের সমতুল্য । পরের দিনই ক্লাশে পণ্ডিত মহাশয়ের উপস্থিতি সত্ত্বেও পিছনের বেঞ্চি থেকে পরিচিত কঠোর চাপা স্বরে আওয়াজ এল, বোঁচ—অমনি চারিদিক থেকে অন্য ছাত্রেরা শ্লেটের আড়ালে মুখ লুকিয়ে হাসি চাপতে চেষ্টা করলো—হিঃ হিঃ হঃ হঃ, ফিক্ ।

কাছে এসে দেখি সিধুই বটে । যদিও চেনা খুব সহজ নয় । পরনে লাইট গ্রে রঙের শার্কস্কিনের মহার্ঘ সুট, পায়ে দামী বিলাতী জুতা যার চক্ৰমক করা পালিশে প্রায় মুখ দেখা যায় । দুই হাতে গোটা চারেক আংটি, পকেটে পার্কার ফিফটি ওয়ান কলম ও পেন্সিলের সেট, যা একমাত্র আমেরিকান সেনানায়কদের কাছে ছাড়া এদেশে এখনও আর কেউ দেখেনি বললেই হয় । এই কি

সেই সিধু যে পাঁচ বছর আগে পটলডাঙার পাইস হোটেলের নীচের তলায় এক টাকা বারো আনা ভাড়ায় আর দু'জন লোকের সঙ্গে একটা অজ্ঞকার কুঠিঁরিতে থাকতো ? কোন তেলের কলের বিল কালেক্টর ছিল, মাইনে আঠারো টাকা । চিবুকের নীচে কালো বড় আঁচলটা না থাকলে সিধু বলে বিশ্বাস করাই কঠিন হতো ।

“তুই এখানে কেন ? বিলাত থেকে ফিরলি কবে ? বিয়ে থা করেছিস তো ?” এক সঙ্গে তিনটা প্রশ্ন করল সিধু ।

“সে-সব পরে হবে, তোমার খবর কি বল দেখি ?”

“আমার খবর ভালো । মিলিটারি কন্ট্রাস্ট করছি । হাতে দু'পয়সা আসছে রে ।” সে-কথা বিশেষ করে বলার প্রয়োজন ছিল না ।

তার কাহিনী যা শোনা গেল, সংক্ষেপে তা এই :—তেলের কলের সেই চাকরি ছেড়ে সে অনেক কিছু করেছে । সাবানের ক্যানভাসারি, এক টাকার ইনসিওরেন্সের দালালী, মায় কাগজের প্যাকেটে চানাচুর বিক্রি পর্যন্ত । কোনোটাতেই কিছু হয় না । মাসের মধ্যে দু'বেলা দু'মুঠো ভাত জোটে না অনেকদিন, এমন অবস্থা । হঠাৎ বাধলো যুদ্ধ । এরোড্রাম তৈরী করে এমন এক কন্ট্রাস্টরের অধীনে কুলি-তদারকের কাজ নিয়ে চলে গেল আসামের কোন জঙ্গলে । সেখানেই কপাল ফিরল । কিছু হাতে নিয়ে এসে বসল কলকাতায় । প্রথমে ছোট-খাটো জিনিস সাপ্লাই, পরে বড় বড় কন্ট্রাস্ট । এখন দিল্লীতে এসেছে ডিপার্টমেন্টের কোন এক বড় সাহেবকে ধরতে ।

পুরানো দিল্লীর সুইস হোটেলে তার আস্তানা । সেখানে এসে গাড়ি থেকে নেমে নিয়ে গেল তার ঘরে । জিজ্ঞাসা করল, “থাকিস কোথায় ? কুইনসওয়ে ? আচ্ছা গাড়ি তোকে নামিয়ে দেবে সেখানে । এই দেখো ড্রাইভার, আভি ঠাহরো । এ সাবকো কুইনসওয়ে ছোড়নে পড়েগি ।” কুলির তদারক করে হিন্দীটা রপ্ত করেছে সিধু মন্দ নয় ।

বাধা দিয়ে বললেন, “না, না, আমার জন্য ভাবনা নেই । আমি বাস নেবো এখান থেকে ।”

“ক্যাপা নাকি ? বাসে যা ঝাঁকুনি আর যা ভিড় ! ভদ্রলোকের ওঠা দায় । গাড়ি থাকতে সে দুর্ভোগ কেন ? ভাড়া তো তাকে পুরো দিনের জন্যই দিচ্ছি ।”

এতক্ষণ বুঝলেন, গাড়িটা ট্যান্ডি এবং সমস্ত দিনের জন্যই ভাড়া করা হয়েছে । নয়াদিল্লীর ট্যান্ডিতে মিটার নেই, তার নম্বরও ‘টি’ দিয়ে আরম্ভ নয় । না জানলে বুঝাব সাধ্য নেই যে, ভাড়াটে গাড়ি । কিন্তু বিশ্ময়ের অন্ত পাইনে । ঝাঁকুনি আব ভিড়ের জন্য সিধুর ন্যায় ভদ্রব্যক্তির বাসে ‘ওঠা দায় । মনে আছে, পটলডাঙা থেকে দুপুর রোদে পায়ে হেঁটে একদিন টালিগঞ্জে দেখা করতে এসেছিল এই সিধু । সে খুব বেশী দিনের কথা নয় ।

বয়সে ছইশ্বি ঝকুম করল সিধু । নিষেধ করলেন । হোসে বলল, “ভাবছিস বুঝি ‘সোলান’ কিংবা ‘মারি’ ? ওসব দেশী মাল ছাঁবে এমন শর্মা নয় সিধুচন্দ্র । চেংখই দেখ না । খাস স্কচ । খাসা । বাবা খাবো তো খাটি জিনিস খাবো, নয়তো নয় ।”

“সে জন্য নয় । কিন্তু স্কচ পাও কোথায় ? বাজারে তো শুনেছি— ।”

“হ্যাঁ, সাদা বাজারে নেই, কিন্তু কালো বাজারে অভাব কী ? ভাইরে, সবই টাকার মামলা । যত্নবনে ফেলো, জিনিস দেবে না কোন শা—”

স্বচক্ষে দেখলাম কথায় এবং কাজে তফাত করে না সিধু । তিন বোতল সোডা কিনে এনে একটা পাঁচ টাকার নোটের অবশিষ্ট ফেরত দিচ্ছিল বেয়ারা । “ঠিক হ্যাঁ, লে যাও” বলে ‘অত্যন্ত নির্লিপ্ত ওদাসীন্যে সমস্তটাই বকশিস করল তাকে । লোকটা আত্মমিপ্রণত সেলাম করে প্রস্থান করল ।

সিধু তার বর্তমান দিল্লী আগমনের কারণ ব্যক্ত করল । কলকাতায় ছোট সাহেব নাকি তার নামে লাগিয়েছে অনেক কিছু । এখান থেকে তাই তার ফ্যাক্টরী দেখতে যাচ্ছে কোনো একজন অফিসার । সূতরাং একটু ভাবনায় ফেলেছে ।

ভাবনাটা কিসের ঠিক বুঝতে পারলেন না । দেখে আসুক না ফ্যাক্টরী, স্কটিটা কিসের ?

সিধু বিরক্ত হয়ে বললো, “আরে ফ্যাক্টরী থাকলে তো দেখবে ? ফ্যাক্টরীই নেই যে ।”

“ফ্যাক্টরী নেই, তবে মাল যোগাচ্ছ কেমন করে ?”

“তুই এখনও সেই ঝোঁচকাই আছিস। বিলাত ঘুরেও বুদ্ধি খুলল না এতটুকু! আরে মাল যোগাবার জন্য ফ্যান্টারী থাকার দরকার কী? অন্য লোকের ফ্যান্টারী নেই? সেখান থেকে ঠেরী করিয়ে নিজের লেবেলে চালাতে আটকাবে কোন শা—? ছাপাখানার কিছুটা খরচ আছে! খানকয়েক চালান ফরম, লেটার হেড, রাবার স্ট্যাম্প, বাস। অর্ডার কি ফ্যান্টারী দেখে হয়? অর্ডার তো হয়” বলে মুখে চোখে এমন একটা ইঙ্গিত করল যে, তার অর্থ কিছুটা স্পষ্ট ও কিছুটা ঝাপসা হয়ে আমার কাছে একটা প্রহেলিকা সৃষ্টি হলো!

জিজ্ঞাসা করলেম, “মাল যোগাচ্ছ এত দিন, এর মধ্যে তোমার ফ্যান্টারী আছে কি নেই সে-ঝোঁজ হয়নি?”

“হবে না কেন? তিন চার বার ইন্সপেকশন হয়ে ভালো রিপোর্ট চলে গেছে। এবারেও কি যেত না? শা—ছোট সায়েব বাটার খাই বেড়েছে এত যে, আর মিটাতে পারছি নে। তাই না এ-ঝামেলা। যাক, পরোয়া করি নে। জানতে পারব সবই।”

“কেমন করে?”

“কেন, আপিসের কেরানীরাই খবর দেবে। দেবে না? আরে ভাই দেবে কি আর অমনি? সংসারে বিনিয়সায় পরহিতার্থে আর কাজ করে কোন শা—? আশী টাকা কেরানী, একসঙ্গে পাঁচ শ’ টাকা দেখেছে এর আগে? খবর তো খবর, দরকার হলে ফাইলকে ফাইল গাপ করিয়ে দেওয়ার দাওয়াই পর্যন্ত জানি। এই যে মধুবাবু, আসুন আসুন। কী খবর? আচ্ছা এক মিনিট বাস ভাই, ঠিক সঙ্গে একটু প্রাইভেট,—চলুন মধুবাবু বারান্দায়।” সদা আগত আগন্তুককে নিয়ে বাইবে গেল সিধু।

প্রায় মিনিট কুড়ি পবে ফিরে এসে বলল,—“মোট হাতে কিছু ঢালতে হবে দেখছি। যাক পরে পুথিয়ে নেবো।”

বিস্মিত হওয়ার পালা শেষ হয়ে গেছে অনেকক্ষণ আগেই। শুধু জিজ্ঞাসা করলেম, “আচ্ছা এসব কি শেষ পর্যন্ত চাপা থাকে? ডিপার্টমেন্টের অন্য লোকেরা কি জানতে পারে না?”

“কেমন করে জানবে? এই যে এসেছিলেন ভদ্রলোক, খবর দিয়ে গেলেন কোন সায়েব যাচ্ছে এখান থেকে তদন্ত করতে, কবে যাচ্ছে ইত্যাদি। আপিসে যখন বাবো তখন উনি কি আমার সঙ্গে কথা কইবেন, না কিছু? এমন ভাব দেখাবেন যে, জীবনে এর আগে কখনও আমাকে চোখেও দেখেননি। বাস, তা হলেই হলো। সব কাজেরই সিস্টেম আছে তো?”

একজন বেয়াবা গোটা দুই বিরাট প্যাকেট নিয়ে এসে বলল, “ফেল্লস্ কোম্পানি পাঠিয়েছে।” সিধু বললে, “ঠিক হ্যাঁ। কাল দোকানে সওদা করেছি কিছু। তাই পাঠিয়েছে। দেখ তো জিনিসগুলি। তোরা মডার্ন টেস্টের লোক, আপ-টু-ডেট ফ্যাশানের খবর রাখিস। হ্যাঁ, সার্ট। এক ডজন। ছাব্বিশ টাকা পনেরো আনা করে একটা। ওদের সেই পনেরো আনার কায়দা জানিস তো? পুরা সাতাশ টাকা লিখবে না কিছুতেই। ক্রমাল! হ্যাঁ, পিরামিড। ডজন সম্বর টাকা। পাওয়া যে যাচ্ছে এই ঢের, সম্বর হলেই কী, আশী হলেই কী? এটাকে কী বলে রে? দেখছি আজকাল এমেরিকান সাহেবরা পরে খুব। ডার্কিন? ডার্কিন নয়? তবে কী? জার্কিন? বর্গীয় জ-য়ে আকার তো? দোকানে তো আর জিনিসের নাম জিজ্ঞাসা করতে পারি নে। ভাববে কী? কিনলেম তো, কখন পরবো সে পরে দেখা যাবে। দাম বেশী নয়। দু’শ আশী টাকা। চামড়াটা ভালো কোয়ালিটির।” বিল দেখলাম আরও খুঁটি-নাটি অনেক কিছু মিলিয়ে সাত শ’ টাকার উপরে। সায়েব তার ওয়ালেট খুলে দু’খানা পাঁচ শ’ টাকার নোট বেয়ারার হাতে দিল দাম চুকিয়ে দিতে।

চূপ করে স্মরণ করতে চেষ্টা করলেম, এর আগে ঠিক কখন সিধুর গায়ে তালিহীন জামা দেখেছি।

প্রচুর আদর আপায়ন করল সিধু। বাল্যবন্ধুর প্রতি তার এই সহদয়তা দেখে মুগ্ধ হওয়া উচিত। তার চালচলন দেখে বুঝতে কষ্ট হয় না যে, আমাকে দশ বছর মাইনে-করা কর্মচারী করে রাখার মতো অর্থ আছে তার ব্যাঙ্কে। কিন্তু কর্মচারীর বদলে অংশীদার করতে চাইল। বললে,

“আরে ব্যারিস্টার হবি যখন হবি। এখন খবরের কাগজে রিপোর্ট লিখে আর ক’টাকা আসবে? তার চেয়ে আমার সঙ্গে জুটো যা, নেহাত মন্দ হবে না। আমারও সুবিধে হবে, চিঠিপত্র লেখা, সায়েব-সুবার সঙ্গে কথাবার্তা বলা তো আমার আসে না।”

হেসে বললেন, “তার দরকার কী? তুমি যা বলছ তাতে কনট্রাক্ট পেতে ওসবের যে কিছু দরকার আছে তা তো মনে হয় না। তোমার হয়ে তোমার টাকাই কথাবার্তা কইবে।”

“নেহাত মিথো বলিসনি। যে-পূজার যে-বিধি তা না হলে কিছুই হয় না। তবে হ্যাঁ, ইংরেজী বলতে কইতে পারে, লিখতে পারে এমন লোক থাকলে আরও সুবিধে। তাকে পেলে আমি এখন যা পাচ্ছি তার ডবল আয় করতে পারি। বলেছিলাম নিত্যানন্দকে। মনে নেই তাকে? সেই যে পুরুত ঠাকুরের ছেলে নিতাই রে। পাঠশালায় একদিন তার পৈতে ছিড়ে দিয়েছিলাম। আর কথা কইতে পারে না। কেবলই হাত দিয়ে ইশারা করে জবাব দেয়। শেষে পণ্ডিতমশায়ের কাছ থেকে পৈতে ধার করে কথা বলল। নালিশের ফলে শাস্তি পেলেম দ’ঘণ্টা দুই কানে ধরে বেঞ্চির উপরে দাঁড়িয়ে থাকা। সেই নিত্যানন্দ এখন ডেপুটি হয়েছে। মাঝে ক’দিন সাম্রাইর কাজে ছিল। রাস্তা বাতলে দিলেম, কী করলে দু’পয়সা হবে। বলে কিনা, ‘সিধু, ছেলেবেলায় ইস্কুলে অনেক অকাজ কুকাজ করেছিস, বড় হয়ে এখন আর করিস নে।’ শোন কথা একবার! টাকা উপায় করতে আমি করছি ঠিকাদারী, তুই করছিস চাকরি। যাতে দু’পয়সা উপরি আসে তার চেষ্টা করব, তাতে কুকাজটা কোন্‌খানে? হরিনাম জপতে তুইও আসিসনি, আমিও বসিনি।”

যাক, তবু ভালো। সংসারে তাহলে দু’একটা লোক এখনও আছে যারা ব্যাক্তের পাশ বইর উপরে দৃষ্টি রাখাটাই জীবনের চরম মোক্ষ মনে করে না।

সিধু বলল, “হ্যাঁ লাভটা কি হচ্ছে? ওর সঙ্গে কাজ করতো আর এক অফিসার, সে লেক রোডে বাড়ি কিনেছে দু’খানা, গাড়ি কিনেছে। তার বউ-এর গায়ে হীরার গয়না। আর আমাদের নিত্যানন্দ রামকৃষ্ণ পরমহংস হয়ে বসে আছেন। বাদুড়-ঝোলা হয়ে ট্রামে চেপে আপিসে যায়, ওয়াছেল মোল্লার সুট পরে। আহাম্মুক এক নম্বরের।”

তাতে আর সন্দেহ কি!

জিজ্ঞাসা করলেন, “আচ্ছা ভাই, যুদ্ধের বাজারে কি অনেস্টি বলতে কোথাও কিছু আর অবশিষ্ট নেই?”

“অনেস্টি? তার মানে স্তততা? ভায়া হে, ওসব ভালো ভালো কথা যা আমরা ছেলেবেলায় কপিবুকে লিখেছি—না, লিখেছি বলা ঠিক নয়; আমি তো লেখাপড়ার ধার ধারতাম না, কেবল মাস্টারের বেতই খেয়েছি—তোরা লিখেছিস, ওসব ছাপার বইতে থাকে,—ছেলেবেলায় মুখস্থ করতে মন্দ লাগে না। কিন্তু সংসারে ওসব ফালতু। এই বুকে হাত দিয়ে বলছি বোচ্কা, জানবি, এমন লোকই নেই যাকে কেনা যায় না। দামের কম বেশী নিয়ে কথা। কেরানীবাবুকে দিতে হয় দশ, বড়বাবুকে পঁচিশ, সুপারিন্টেন্ডেন্টকে পঞ্চাশ, ইন্সপেক্টরকে এক শ’। যত বেশী মাইনের অফিসার, তত বেশী তাঁর দক্ষিণা। টাকায় না হয় এমন কাজ নেই। তবে হ্যাঁ, কেউ কেউ হয়তো সোজাসুজি টাকাটা নিতে ভয় পায়। তাদের বেলায় বিলাতী হলে পাঠাবে এক কেস ‘হোয়াইট লেবেল,’ দেশী হলে মেয়ের বিয়েতে দেবে বেনারসী শাড়ি।”

সিধুচন্দ্রের ওখানে ডিনার খেয়ে তারই ভাড়া করা ট্যাক্সি চেপে বাড়ি ফিরলেম অনেক রায়ে। অনেকগুলি সিগারেট ভরে দিয়েছিল আমার সিগারেট কেসে। ‘ব্ল্যাক অ্যান্ড হোয়াইট’ শাদা আর কালো। শাদা বাজারে তার দর্শন এখন দুর্লভ! কিন্তু কালো বাজারে অভাব কী? দেশে অভাব কী সিধুচন্দ্রের?

এগারো

শান্ত্রিকারেরা বলেছেন, রাজদর্শনে পূণ্যলাভ। অমাত্যদর্শনেও পূণ্য আছে কিনা জানিনে। বোধ হয় আছে। নইলে এক্সিকিউটিভ কাউন্সিলরদের বাড়িতে প্রত্যহ ভিড় জমে কেন। ভিড় জনতার নয়, আই-সি-এস-এর।

এক্সিকিউটিভ কাউন্সিলরদের সুদৃশ্য বাংলার সম্মুখে তৃণাচ্ছাদিত বিস্তীর্ণ অঙ্গনে অপরাহ্ন গৃহস্থামী বসেন বিশ্রান্তালাপে। হাতের কাছে ছোট টিপাইর উপরে টেলিফোন, সুদীর্ঘ তারের সাহায্যে প্রাইভেট সেক্রেটারীর কক্ষে প্লাগ পয়েন্টের সঙ্গে যুক্ত। সেখানে সুইচ আছে। কে কথা বলেন এবং কি কথা বলেন তার গুরুত্ব বিচার করে সেক্রেটারী সুইচের দ্বারা মনিবের টেলিফোনের সঙ্গে যোগাযোগ সাধন করেন। খান দশ বারো চেয়ার। বেতের। সবুজ রঙের ভালস্পার এনামেলে স্প্রে-পেইন্ট করা। বাগানে কাঠের চেয়ার ব্যবহার আজিজাত্যের চিহ্ন নয়। সূর্যকে কেন্দ্র করে গ্রহ-উপগ্রহ সমন্বিত সৌরমণ্ডলের ন্যায় আই.সি.এস-পরিবৃত এক্সিকিউটিভ কাউন্সিলরের সাক্ষ্য সভাতল। অমাত্যের প্রাত্যহিক আসর। সে আসর গুণিজনের নয়, ধনীজনের।

পরিধানে শাদা শাটিন জিনের ট্রাউজার্স ও হাতকাটা হাফসার্ট। টাই নেই, কোটও না। নয়াদিল্লীতে গ্রীষ্মকালে ঐটেই রীতি। আপিস থেকে ডিনার পর্যন্ত ঐ পোশাকই সর্বজনগ্রাহ্য। খারা বয়সে তরুণ, তাঁরা সার্টের বদলে পরেন স্পোর্ট সার্ট। সেটা আরও বেশী স্মার্ট। মোজাহীন চরণে শাদা কাবুলী চল্লল। আর্মিতে থাকীর মতো সিভিলিয়নদেরও যুনিফর্ম আছে। সে যুনিফর্ম লিখিত অনুশাসনের নয়, অলিখিত ফ্যাশনের। ঠিক যেমন বিয়ের বরযাত্রীদের গিলে-কোচানো ধুতি আর সোনার বোতামওয়ালা পাঞ্জাবি। মাদ্রাজী, পাঞ্জাবী, বাঙালী, সিন্ধী,—সব আই.সি.এস-এরই এক বেশ, এক ভাষা। বলা বাহুল্য, দুটোর একটাও তাদের স্বজাতীয় নয়।

যে-বন্ধুকে কাণ্ডাবী করে এই সভার্ণবে প্রবেশ করা গেল তিনি গভর্নমেন্টের একজন পদস্থ অফিসার। প্রৌঢ়, অপরীক এবং অত্যন্ত সদাশয়। বহুপরিচিত ব্যক্তি। এমন গৃহ অল্প যেখানে তাঁর গতি নেই, এমন গৃহিণী অল্পতর যার ডিনার পাটিতে তাঁর নিমন্ত্রণ নেই।

পুরুষ মাত্রেরই বউ না থাকলে বাতিক থাকে। কারো তাস, কারো থিয়েটার, কারো দেশোদ্ধার, আর কারো বা সাহিত্য কিংবা স্বামীজি। এ-ভদ্রলোকের বাতিক পোশাকের। সবচেয়ে ভালো পোশাকের সাহেব—বেস্ট ড্রেসড ম্যান—বলে নয়াদিল্লীতে তাঁর পরিচিতি। গল্প আছে যে চার দিনের জন্য একবার হঠাৎ তাকে ট্যুরে যেতে হয়। তাড়াতাড়িতে জামাকাপড় বেশী সঙ্গে নেওয়ার অবকাশ না পাওয়াতে মাত্র দুটো ওয়ার্ড্রোব ট্রাঙ্ক ও একটা স্টুকেস নিয়েই নাকি তাঁকে বেরিয়ে পড়তে হয়। সেগুলির গর্ভে শুধু গোটা পনেবো স্টু, দেড় ডজন সার্ট, দশটা টাই ও কুড়িখানা রুমাল ছিল। ভাঁজভাঙা সার্ট বা ক্রীজহীন প্যান্ট পরতে দেখিনি তাঁকে কেউ কোনোদিন। সকালবেলা গয়লা, খবরের কাগজওয়ালাব মতই তাঁর বাড়িতে প্রত্যহ ‘নয়মিত ধোবা আসে বালিশের ওয়াড়, বিছানার চাদর, স্লিপিং স্টু ও জামা কাপড় প্রেস করে দিতে বন্ধুরা ঠাট্টা করে পরামর্শ দেন, আপিসে একটা ইলেকট্রিক আয়রন রাখতে—বড় সাহেবের ঘরে ঢুকবার আগে একবার তাড়াতাড়ি গায়ের জামাটা ইস্তিরি করে নিতে পারবেন।

জামাকাপড়ের প্রতি ভদ্রলোকের মনোযোগ আছে, কিন্তু আসক্তি নেই। সুদৃশ্য টাই, মনোরম মাফলার অকাতরে দান করেন আপন বন্ধুদের। গৃহে সর্বদা আতিথ্যের অকুপণ আয়োজন। এমন অমায়িক প্রকৃতির লোক বেশী চোখে পড়ে না।

ইনি হচ্ছেন সেই স্বল্প সংখ্যক ভারতীয়দের অন্যতম যাদের সাহেব সম্পর্কে কোন দুর্বলতা নেই। একবার বস্ত্রের পথে মাঝ রাত্রিতে এক স্টেশন থেকে ট্রেনে উঠছিলেন। প্রথম শ্রেণীর কামরায় এক সাহেব দরজা-জানালা বন্ধ করে নিদ্রা দিচ্ছিলেন। হাঁকাহাঁকিতে অত্যন্ত বিরক্তির সঙ্গে দ্বার খুলে দেখলেন কালা আদমী। ‘ভাগো’ বলে সশব্দে দ্বার রুদ্ধ করলেন। কিন্তু এ কালা আদমীটি অন্য জাতের। সাহেব দেখেই পশ্চাদপসরণের পাত্র নন। স্টেশন মাস্টার এসে অন্য গাড়িতে তাঁর জায়গা করে দিতে চাইলেন। কিন্তু তিনি নাছোড়বান্দা। সাহেব তো গোটা কামরাটা রিজার্ভ করেনি, সুতরাং ঐ কামরাতেই তাঁর যাওয়া চাই।

এতে সাহেবের ধৈর্যচ্যুতি ঘটা অস্বাভাবিক নয়। একটা নেটিভের স্পর্ধা দেখ একবার। না হয় টাকা আছে, ফার্স্ট ক্লাসের টিকিটই কিনেছে। কিন্তু তা বলে একেবারে একজন খাস বিলাতী সাহেবের সঙ্গে এক কামরায়! মাই গড, ইন্ডিয়ায় হলো কী? সেই আধ ন্যাংটো নেংটি ইদুর

গ্যাঙ্গীটা কি দিল্লীতে ভাইসরয় হয়েছে ? উইলিংডন কি নেই ? সাহেব তাঁর চাবুক হাতে নিয়ে গাড়ির দরজা রুখে দাঁড়িয়ে বললেন, “দেখছ চাবুক ?”

ভদ্রলোক তাঁর পকেট থেকে রিভলবার বের করে বললেন, “দেখছ পিস্তল ?”

সাহেব মিনিটখানেক হাঁ করে তাকিয়ে রইলেন তাঁর পানে, তার পরে আন্তে আন্তে দোর খুলে দিয়ে নিজের বার্থে গিয়ে শুয়ে পড়লেন ।

এ-জাতের লোকদেরই সাহেবরা পুলিশের কর্তা হয়ে লাঠিপেটা করেন, হাকিম হয়ে পাঠান জেলে, কিন্তু মনে মনে করেন গভীর শ্রদ্ধা । এদেরই জন্য বিদেশে নিজেকে ভারতীয় বলে পরিচয় দিতে পারা যায় অকুণ্ঠিত চিন্তে ।

আর্মির এক কর্নেল কিছুকাল এই ভদ্রলোকের উপরওয়ালা ছিলেন । পাঞ্জাবী হাবিলদার ও সিপাহীদের ধমকিয়ে তিনি চুল পাকিয়েছেন । জানেন ভারতীয়দের দিয়ে কাজ করাবার ঐ একমাত্র উপায় । সে-উপায় প্রয়োগ করলেন একদিন ঐর উপরে । ভদ্রলোক অত্যন্ত ধীর ও শান্ত স্বরে বললেন, “কর্নেল, একজন অফিসারের সঙ্গে কথা বলার রীতি এটা নয় । মনে রেখো, তুমি চোখ রাঙালে আমিও পাণ্টে চোখ রাঙাতে পারি—ইফ ইউ সাউট লাইক দ্যাট, আই ক্যান সাউট ব্যাক টু ।”

শুনেছি এই কর্নেলই পরে ঐকে নিজের বাড়িতে ডিনার খাইয়েছেন বহুদিন । অসুখ হলে নিজেকে বাড়ি এসে আরোগ্য কামনা জানিয়েছেন এবং রিটারার করার কালে প্রমোশন সুপারিশ করেছেন উজ্জ্বলিত প্রশংসায় !

এক্সিকিউটিভ কাউন্সিলের সাক্ষ্য সভায় আলোচনার মধ্যপথে রঙ্গস্থলে প্রবেশ করলেম আমরা দুজনে । বঙ্কুর সহায়তায় যথারীতি পরিচিত হলেম গৃহস্থামী ও উপস্থিত পারিষদবর্গের সঙ্গে । সুদৃশ্য গ্রামে সুস্বাদু পানীয় পরিবেশন করল উর্দি পরিহিত বেয়ারা । রূপার সিগারেট বাস্ক থেকে সিগারেট । গৃহস্থামী নিজে বিরামহীন ধূমপায়ী, ইংরেজীতে যাকে বলে চেইন-স্মোকার । একটা নিঃশেষ হতেই বাস্ক থেকে আর একটা তুলে নিয়ে ঠোটে চাপেন । কে আগে তাতে দেশলাই জ্বলে অগ্নি সংযোগ করতে পারেন, তাই নিয়ে কাড়াকাড়ি ।

বিলাতপ্রত্যাগতদের একটা বিশেষ মর্যাদা আছে এ দেশে । তার উপর বিলাতী সংবাদপত্রের সঙ্গে সংশ্লিষ্ট হলে তো কথাই নেই । মহামান্য বড়লাট বাহাদুরের এক্সিকিউটিভ কাউন্সিলের মাননীয় সদস্য মহোদয় অমায়িক আচরণ ও অজস্র ধন্যবাদের দ্বারা প্রচুর আপ্যায়ন করলেন ।

খণ্ডিত আলোচনার সূত্র অনুসরণ করে বোঝা গেল, বিষয়টি নয়াদিল্লীর গ্রীষ্মাধিকা ঘটিত । জগদ্ধার্থদেবের রথযাত্রার ন্যায় ভারত গভর্নমেন্টেরও বার্ষিক শৈলযাত্রা আছে । এপ্রিলের গোড়াতে দপ্তর স্থানান্তরিত হয় সিমলা পাহাড়ে । শরৎকালে উন্টোরখে প্রত্যাবৃত্ত হয় দিল্লীতে । বছরে দু'বার করে সিমলার কার্ট রোড আর নয়াদিল্লীর পাহাড়গঞ্জের পথে গরুর গাড়ি বোঝাই বাস্ক পেটরা লটবহরের মিছিল দেখা যায় । এই প্রথম শৈলবিহার স্বগিত হয়েছে সরকারী হুকুমে ।

নবনিযুক্ত অস্থায়ী সেনাপতি জেনারেল মোলস্‌ওয়ার্থ দাবি করেছেন, এবার সিমলা যাওয়া চলবে না । গরমে জাপানীদের সঙ্গে সৈন্যরা বর্মার বনে জঙ্গলে লড়তে পারে, আর সেক্রেটারিয়েটের সিভিলিয়ন সাহেবরা একটু গরমও সহ্যে পারবেন না ? এত বাবুয়ানায় যুদ্ধ জেতা যায় না ।

আর্মির প্রয়োজনের উপরে কথা নেই । সূত্রাং সেইটেই শিরোধার্য করতে হয়েছে নিতান্ত অনিচ্ছুক চিন্তে । সেক্রেটারী সায়েবেরা বিচলিত—উঃ বাবা মার্চের শেষে যা গরম, মে-জুনে না জানি কতই বেশী হবে !

ডেপুটি সেক্রেটারীরা বেশীর ভাগই ভারতীয় । কাজেই তারা এক খাপ উপরে উঠে বলেন, বেশী ? মে-জুন মাসে মেডিক্যাল লীভ নিয়ে পালাতে হবে ।”

তাঁদের দ্বীরা আরও সাংযাতিক । স্বামীরা আপিসে চলে গেলে দুপুর বেলা পরস্পরের মধ্যে বলাবলি করলেন, “শুনেছ ভাই, নতুন কমান্ডার-ইন-চীফের কীর্তি ? গরমে নাকি এবার দিল্লী থাকতে হবে । মাই গুডনেস্ । তার চেয়ে চল আমরা মেয়েরাই না হয় সিমলাতে গিয়ে মেস করে থাকি, ওরা থাকুন দিল্লীতে গরমে সেদ্ধ হয়ে মরতে !”

এল্লিকিউটিভ কাউন্সিলর জিজ্ঞাসা করলেন, “গরম কি এখানে খুব বেশী হয়?”

একজন অমনি বললেন, “ভয়ানক! থাকতেই পারবেন না এখানে।”

আর একজন বললেন, “গরমে গায়ে ফোঁস্কার মতো হয় অনেকের।”

তৃতীয় ব্যক্তি বললেন, “এপ্রিল থেকেই তো লু চলবে।” ‘লু’ মানে গরম হাওয়ার ঝড়।

এল্লিকিউটিভ কাউন্সিলর বললেন, “তা দেখুন, সেক্রেটারিয়েটের ঘরগুলি সবই এয়ার-কন্ডিসনড। দুপুরবেলা সেখানেই থাকব। এক রকম করে কাটিয়ে দেওয়া যাবে বোধ হয়।”

চতুর্থ জন, যিনি এতক্ষণ কিছু বলার সুবিধা না পেয়ে অস্বস্তি বোধ করছিলেন, তৎক্ষণাৎ সায় দিয়ে বললেন, “তা নিশ্চয়ই যাবে। গরমে কি আর দিল্লীতে লোক থাকে না?”

এল্লিকিউটিভ কাউন্সিলর তাঁর দিকে তাকিয়ে বললেন, “আর রাত্রিতে তো লু বইবে না।”

তিনি উৎসাহিত হয়ে বললেন, “যা বলেছেন সার, রাত্রিগুলি সব সময়েই ঠাণ্ডা থাকে। তা ছাড়া এইচ-এমদের বাংলাতে একটা করে ঘর এয়ার কন্ডিসনড করে দেওয়া হবে। এমন কিছু কষ্ট হবে না।”

‘এইচ-এম’ মানে—অনারেবল মেম্বর বা মিনিস্টার। এল্লিকিউটিভ কাউন্সিলরদের ঐ সংক্ষিপ্ত নামেই উল্লেখ করা হয় সরকারী মহলে।

প্রথম বক্তা, যিনি গরমের আতিশয্য নিয়ে এতক্ষণ বাগবিত্তার করছিলেন, অত্যন্ত ক্ষুব্ধ হলেন। চতুর্থ ব্যক্তির কথাগুলি তাঁরই বলা উচিত ছিল। না বলতে পারায় মনে তীব্র অনুশোচনা ঘটল। চতুর্থ ব্যক্তি বলেছেন বলে, তাঁর উপরে রীতিমতো ক্রুদ্ধ হলেন। মনে মনে বললেন, কেবল খোশামুদি! এইচ-এম যেই বলেছেন, গরম এক রকম করে কাটিয়ে দেওয়া যাবে, অমনি একেবারে প্রমাণ করার চেষ্টা যেন গরমটা কিছুই নয়! হাম্বাগ কোথাকার! নিশ্চয় জানি এইচ-এম-দিল্লী থাকা অপছন্দ করলে উনি তখন উণ্টো সুর গাইতেন! লোকটা যে একেবারে মোসাহেব প্রকৃতির এবং তিনি নিজে যে কোনো কালেই এমন নির্লজ্জ চাটুকারিতা করতে পারতেন না, এ বিষয়ে মনে মনে নিজেকে আশ্বাস দিয়ে অনেকটা আরাম বোধ করলেন।

গরম থেকে প্রসঙ্গ পরিবর্তন করে এইচ-এম শুরু করলেন সরকারী কাজকর্মের কথা। কাউন্সিলের কাহিনী। কী ভাবে ইংরেজ সহকর্মীদের ব্রিটিশ স্বার্থ রক্ষার প্রয়াস তাঁর প্রচেষ্টায় প্রতিহত হয়, তাঁর প্রথর দূরদৃষ্টির ফলে কোথায় কখন গভর্নমেন্টে দেশের স্বার্থ সপ্রতিষ্ঠিত হচ্ছে তারই সালঙ্কার বর্ণনা।

দেখা গেল, এবিষয়ে শ্রোতাদের কাছে অধিক বলার প্রয়োজন ছিল না। ‘তিনি না বলতেই তাঁরা এ ব্যাপারে সম্পূর্ণ একমত। এইচ-এম-না থাকলে অভাগিনী ভারতমাতার যে কী দারুণ দুর্গতি ঘটতো সে কথা কল্পনা করে দু’একজন গভীর উদ্বেগ প্রকাশ করলেন। প্রায় অশ্রু-বরিষণের উদ্যোগ।

কান টানলেই মাথা আসে। দেশের কথা তুলতেই কংগ্রেস। এইচ-এম-কংগ্রেস নেতৃবৃন্দের নিষ্ফলা নীতির তীব্র নিন্দা করে বললেন, “শুধু জেলে গেলেই দেশ স্বাধীন হয় না।” কী করে হয় তা স্পষ্টতঃ না বললেও সংশয়ের অবকাশ রইল না যে, এল্লিকিউটিভ কাউন্সিলরদের প্রচেষ্টা দ্বারাই তা হয়। এবিষয়েও পারিষদ দলের মধ্যে বিন্দুমাত্র মতবৈধ নেই।

এইচ-এম-বললেন তিনি এত ভাবনা চিন্তার ধার ধারেন না, মুহূর্তে মন স্থির করেন। অমনি অনুমোদন শুনলেন, “সার, ভাবনা চিন্তা দেশে অনেক হয়েছে, এখন ঝাঁপিয়ে পড়াই দরকার।”

এইচ-এম-সংশোধন করলেন, “অবশ্য আগে ভাগে না ভেবেচিঙে হঠাৎ একটা কিছু করে বসাবো আবার ঠিক নয়।”

“জ্ঞাতে আর সন্দেহ কী সার, না ভেবে কাজ করার নাম তো হঠকারিতা,” একই ব্যক্তি বলেন অল্পান বদনে।

পরবর্তী সপ্তাহে এক ডিনারের নিমন্ত্রণ স্বীকারান্তে এইচ-এমকে বিদায়-সম্ভাষণ পূর্বক নিজান্ত হলেম পথে। সঙ্গী ভদ্রলোক জানালেন তাঁর এক বন্ধু নাকি চমৎকার চাটুচার্যপরায়ণ এই পারিষদদলের নব নামকরণ করেছেন ‘হেঁ হেঁ সংঘ’। নামটা সার্থক সন্দেহ নেই।

আসল কথাটা বোঝা কঠিন নয়। এরা আই. সি. এস। দেশীয় সংবাদপত্রের ভাষায় যাকে বলে স্বর্গোদ্ধৃত চাকরে-হেভেনবর্ন সার্ভিস। সিজার পত্নীর সতীত্বের মতো এদের যোগ্যতা প্রশ্নের অতীত। ভবিষ্যৎ অব্যাহত এবং ক্ষমতা সীমাহীন। এরা সববিদ্যাবিশারদ। তাই আজ যিনি বিষয়ের অখ্যাত মহাকুমার এ্যাসিস্টেন্ট কালেক্টর, কাল তিনি করাচী পোর্টট্রাস্টের চেয়ারম্যান, পরশু তিনি কন্ট্রোলার অব ব্রডকাস্টিং, পরদিন ডিরেক্টর-জেনারেল অব আর্কিওলজি এবং তার পরের পরদিন গভর্নমেন্টের এ্যাগ্রিকালচারেল কমিশনার। তাঁরা জানেন, এক্সিকিউটিভ কাউন্সিলরকে খুশি রাখতে পারলে পদোন্নতি দ্রুত হয়। তাই কেউ সত্বীক এসে এইচ. এমকে নিয়ে যান সিনেমায়, কেউ নিমন্ত্রণ করেন ডিনারে, কেউ সকালে বিকালে হাজিরা দিয়ে প্রত্যেক কথায় করেন হেঁ হেঁ, হেঁ হেঁ। 'হেঁ হেঁ সংঘের' সদস্য হতে চাঁদা দিতে হয় না, শুধু যথাস্থানে হাজিরা দিতে হয়।

ইন্ডিয়ান সিভিল সার্ভিস ভারতে ব্রিটিশ শাসনের অপূর্ব সৃষ্টি। এর মোট সংখ্যা এগারো শ'র কাছাকাছি, তার মধ্যে প্রায় অর্ধেক ভারতীয়। পরাধীন জাতির মধ্যে থেকেই সাম্রাজ্যবাদের সমর্থক সংগ্রহ করার প্রকৃষ্ট দৃষ্টান্ত এই সার্ভিস। স্বীত বেতন এবং লোডনীয় পেনশনের আকর্ষণে বিশ্ববিদ্যালয়ের মেধাবী ছাত্র আকৃষ্ট করেন ব্রিটিশ গভর্নমেন্ট। তরুণ সম্প্রদায়ের সর্বোত্তম নিদর্শন বেছে নিয়ে নিয়োজিত করেন শাসনকার্যে, যে-শাসন দেশের দাসত্বকে করে দৃঢ়মূল; দারিদ্র্যকে করে ক্রমবর্ধমান এবং জাতীয় আন্দোলনকে করে বিষসঙ্কুল।

অসাধারণ মোহ আছে ইংরেজী বর্ণমালার তিনটি অক্ষরে। I. C. S. নামের পিছনে তাদের অবস্থিতি দ্বারা সাহেব হলে বোঝায় যে, লোকটা পাবলিক স্কুলের ছাত্র, অক্সফোর্ড কিংবা কেমব্রিজের পাশ এবং কঠিন কম্পিউটিভ পরীক্ষায় উত্তীর্ণ। একটি ভারতীয় ভাষা শিখেছে, ওভারসিঙ্ক এলাউয়েল পায়, চাকরি শুরু করেছে এ্যাসিস্টেন্ট কালেক্টর রূপে এবং শেষ করবে এক্সিকিউটিভ কাউন্সিলর বা প্রাদেশিক গভর্নর হয়ে। পাঁচ শ' টাকায় আরম্ভ, ছয় কিংবা আট হাজারে শেষ। বাট বছর বয়সে এক হাজার পাউন্ড পেনশন নিয়ে ইংলন্ড বা রিভেন্যুরাতে বাড়ি, নিশ্চিন্ত অবসর এবং ভারতবর্ষের প্রতি প্রবল বিতৃষ্ণা।

ভারতীয় হলে বোঝাবে,—উচ্চ বংশ, কলেজে ভালো ফল, পুলিশের সন্দেহাতীত, স্বদেশীয় স্পর্শলেশশূন্য নিরুলঙ্ঘ ছাত্রজীবন, বিলাতের প্রতি ভক্তি এবং চাকরিতে বিচার বিভাগের বদলে এক্সিকিউটিভ বিভাগে কায়েমীর জন্য আশ্রয় চেষ্টা। এদের জন্যই বারোয়ারি পূজার মস্তপে চেয়ারের ব্যবস্থা, বিদ্যালয়ে পুরস্কার বিতরণী সভার সভাপতিত্ব, মাসিক পত্রিকায় অপাঠ্য গল্প রচনার সুযোগ এবং অনুঢ়া বয়সে কন্যার উদ্বিগ্না জননীর আকুল বিকুলি।

চলতি কথায় এদের বলা হয় ভারতে ব্রিটিশ শাসনের কাঠামো। স্টীলফ্রেম। এদের মধ্যে এমন দু'চার জন লোক ছিলেন এবং এখনও আছেন যারা পাণ্ডিত্যে, প্রতিভায় ও কর্মশক্তিতে যে কোনো ক্ষেত্রে শীর্ষস্থান গ্রহণের অধিকারী। তাঁরা স্বপ্নেদের অনুবাদ করেছেন, ব্রিটিশ ভারতের অর্থনীতি আলোচনা করেছেন, ভারতবর্ষের প্রথম পূর্ণাঙ্গ ইতিহাস রচনা করেছেন, সার্থক সাহিত্য সৃষ্টি করেছেন, সমবায় আন্দোলন প্রবর্তন করেছেন এবং সর্বাপেক্ষা স্মরণীয় ঘটনা—ভারতীয় জাতীয় মহাসভা কংগ্রেসের গোড়াপত্তন করেছেন! জাতীয়তাবাদের শুরু সুরেন্দ্রনাথ, ঋষি অরবিন্দ এবং বিদ্রোহী সুভাষচন্দ্র এই সিভিল সার্ভিসের অন্তর্ভুক্ত হয়ে বা হতে হতে ছিটকে পড়েছিলেন।

কিন্তু ব্যতিক্রমের দ্বারাই তো নিয়মের প্রমাণ হয়। বেশীর ভাগ আই. সি. এস-ই নিতান্ত সাধারণ, ইংরেজীতে যাকে বলে মিডিওকর। তাঁরা লেখার মধ্যে লেখেন ফাইল, পড়ার মধ্যে পড়েন গেজেট এবং আলোচনা করেন ফার্লো, প্রমোশন বা রিটায়ারমেন্ট। অন্তিম নিজেই জানা নাইটহুড, ত্রীণ জন্য বৃহৎ গাড়ি ও ছেলের জন্য ইম্পিরিয়াল সার্ভিস তাঁদের চরম উচ্চাভিলাষ।

ইংরেজীতে বলে, কামানের চাইতে সোনার দাম কম। বৈদেশিক শাসনের বিরুদ্ধে শিক্ষিতদের অসন্তোষ ঠেকিয়ে রাখবার অমোঘ অস্ত্র, তাঁদের শাসনযন্ত্রের অঙ্গীভূত করা। সে-তথ্য জানা আছে ইংরেজের। এগারো শ' আই. সি. এসের জন্য ভারতের রাজস্ব থেকে খরচ হয় বছরে আড়াই কোটি টাকা। প্রতি আড়াই লক্ষ ভারতীয়ের মাথার উপরে আছে একজন আই. সি. এস. প্রতি

৮৬৮ বর্গ মাইল এলাকার আধিপত্যে । প্রচুর অর্থ, প্রভুত প্রতিষ্ঠা এবং বৈদেশিক পরিবেশের ফলে একটি বিশেষ শ্রেণীতে পরিণত হন তাঁরা । দেশের দায়-বিমুক্ত, দেশের থেকে বিমুক্ত । আই. সি. এস. একটা পেশা নয়, আই. সি. এস. একটা জাত । হোলি রোম্যান এম্পায়ার যেমন না ছিল হোলি, না ছিল রোম্যান এবং বলা না যায় এম্পায়ার ; ইন্ডিয়ান সিভিল সার্ভিস তেমনি ইন্ডিয়ান নয়, সিভিল তো নয়ই এবং সার্ভিসের বাষ্প মাত্র নেই তাতে ।

বারো

সার স্ট্যাফোর্ড ক্রীপস্ দিল্লী পরিত্যাগ করলেন ।

আগের দিন সন্ধ্যায় দিল্লী বেতার-কেন্দ্র থেকে ভারতীয়দের উদ্দেশ্যে এক বেতার-বক্তৃতায় তিনি ক্রীপস্-দৌত্যের ব্যর্থতা ও কারণ বর্ণনা করলেন । বেতার-বক্তারূপে একমাত্র লন্ডন টাইমসের ভূতপূর্ব সম্পাদক উইকহ্যাম স্টীড ছাড়া সমগ্র ব্রিটিশ সাম্রাজ্যে বোধহয় ক্রীপসের জুড়ি নেই । অপূর্ব তাঁর বাচনভঙ্গী, অসাধারণ তাঁর কণ্ঠ । পরিতাপের কথা, সে দক্ষতা তিনি প্রয়োগ করলেন ভারতবর্ষের, বিশেষ করে কংগ্রেসের অযথা অপবাদকীর্তনে । ইচ্ছাকৃত সত্যগোপন বা সত্যের বিকৃতি সাধন, ভিত্তিহীন অভিযোগ, পরস্পর-বিরোধী উক্তি এবং কুযুক্তির দিক দিয়ে তাঁর এ বেতার-বক্তৃতাটি রাজনৈতিক অপভাষণের একটি প্রকৃষ্ট উদাহরণ হয়ে থাকবে ইতিহাসে ।

সমগ্র বক্তৃতাটি এক ক্ষমতাগর্বিত ব্যক্তির আহত অভিমান ও দুর্বলের প্রতি অবজ্ঞার অভিব্যক্তি । আত্মসম্মানজ্ঞানসম্পন্ন দরিদ্র ব্যক্তি ধনী আত্মীয়ের কৃপামিশ্রিত মুষ্টিভিক্ষা প্রত্যাখ্যান করলে দাতার মনে যে ক্রোধের সম্ভার হয়, সার স্ট্যাফোর্ডের কণ্ঠে তারই পরিচয় ছিল ।

ক্রীপস্ বললেন, ভারতবর্ষের বিভিন্ন দলের মধ্যে যে প্রবল মতবিরোধ বর্তমান, একজন নিরপেক্ষ মধ্যস্থ ব্যক্তির ভূমিকা নিয়ে ব্রিটিশ গভর্নমেন্ট তার একটা সমাধান করতে চেয়েছিলেন । শ্রোতারা বিস্ময়ে চক্ষু মার্জনা করে ভাবল, এডলফ হিটলারের বক্তৃতা শুনিছ না তো ? তিনিও তো বলেন, তিনি চিরকাল শান্তি চেয়েছিলেন !

চাকরি বন্টন, পৃথক নির্বাচন, রাজনৈতিক সুবিধাদান প্রভৃতি একাধিক উপায়ে এদেশে সাম্প্রদায়িক বিভেদ সৃষ্টি করেছেন এবং মতবিরোধকে সযত্নে বাঁচিয়ে রেখেছেন খারা, তাঁরাই নাকি মধ্যস্থতা করতে চান । পরিহাস আর কাকে বলে ?

ক্রীপস্ বললেন, যুক্তিশীল ব্যক্তিরাই স্বীকার করবেন যে; যুদ্ধের এ দুঃসময়ে নূতন শাসনতন্ত্র রচনা সম্ভব নয় । যেন ভারতীয় নেতৃবর্গ একথা স্বীকার করেননি । তাঁরা চেয়েছিলেন শুধু প্রকৃত ক্ষমতাবিশিষ্ট একটি সাময়িক জাতীয় গভর্নমেন্ট, যুদ্ধের এ দুঃসময়ে যার প্রয়োজন সব চেয়ে বেশী । দেশের নেতৃস্থানীয় ব্যক্তিদের সহযোগিতায় সে-গভর্নমেন্ট গঠিত হবে, সে-গভর্নমেন্টকে একটি স্বাধীন দেশের মন্ত্রিসভার সমমর্যাদা দান করা হবে এবং অলিখিত চুক্তি অনুযায়ী বড়লাট একজন নিয়মতান্ত্রিক শাসনকর্তার ন্যায় এ গভর্নমেন্টের সিদ্ধান্ত স্বীকার করতে বাধ্য থাকবেন, নিজ বিশেষ ক্ষমতা প্রয়োগের দ্বারা তাকে অগ্রাহ্য করতে পারবেন না—এই ছিল জননেতাদের দাবি । নূতন শাসনতন্ত্র রচনার কোন কথাই ছিল না ।

কংগ্রেসের প্রতি ক্রোধান্বিতই সবচেয়ে বেশী । বললেন, জাতীয় গভর্নমেন্ট গঠনের দাবি ছাড়া কংগ্রেস সকল ক্ষমতা আত্মসাতে প্রয়াসী, দেশের ডিস্ট্রিক্ট হওয়ার বাসনা সংখ্যাগরিষ্ঠদল কংগ্রেসের । অথচ এগারোই এপ্রিল তারিখের লেখা চিঠিতে মোলানা আজাদ ক্রীপস্কে লিখেছিলেন, কংগ্রেস দেশের অন্যান্য রাজনৈতিক দলের সহযোগিতায় জাতীয় গভর্নমেন্ট গঠনে ইচ্ছুক । এ ধারণার উপরে ভিত্তি করেই সমস্ত আলোচনা চলেছে । জাতীয় গভর্নমেন্টের সদস্য সংখ্যা, বিভিন্ন দলের অংশ ইত্যাদি প্রশ্ন পরে নিশ্চয়ই আলোচিত হতো । কংগ্রেস নিজে ক্ষমতা লাভের জন্য ব্যাকুল নয়, কিন্তু ভারতীয় জনসাধারণের হাতে প্রকৃত ক্ষমতা ন্যস্ত হোক, এই তার দাবি ।

দেশরক্ষার দায়িত্ব ভারতীয়দের হাতে দেওয়ার আপত্তি সম্পর্কে ক্রীপস্ বললেন, ভারতবর্ষ

রক্ষার দায়িত্ব ব্রিটেনের এবং মিত্রশক্তি আমেরিকার প্রতি ব্রিটেনের যে-কর্তব্য তা পরিহার করা সম্ভব নয়। যুদ্ধের সময় প্রধান সেনাপতির কর্তৃত্ব কাণ্ডে হস্তক্ষেপ যুদ্ধজয়ের অনুকূল নয়। কংগ্রেস সভাপতি স্পষ্ট জানিয়েছিলেন, প্রধান সেনাপতির যুদ্ধ পরিচালনা-ব্যবস্থায় হস্তক্ষেপের কোনো অভিপ্রায় ছিল না কংগ্রেসের। বরং সমরমন্ত্রী হিসাবে তাঁর হাতে আরও অধিকতর কর্তৃত্ব অর্পণে তাঁরা প্রস্তুত ছিলেন। কিন্তু দেশরক্ষার চরম দায়িত্ব থাকবে দেশেরই একজন প্রতিনিধির হস্তে। তা না হলে স্বাধীনতার কোনো অর্থ থাকে না।

জাপানীদের বিরুদ্ধে যুদ্ধ পরিচালনার সর্বময় কর্তৃত্ব মার্কিন সেনাপতি জেনারেল ম্যাকআর্থারের হাতে। তা সত্ত্বেও অস্ট্রেলিয়ার দেশরক্ষা সচিব অস্ট্রেলিয়ানই; মার্কিন বা ইংরেজ নয়,—এ দৃষ্টান্ত উল্লেখ করলেন কেউ কেউ। কিন্তু ব্রিটিশ গভর্নমেন্ট যুক্তিকে প্রজ্ঞা করেন এমন নজীর নেই।

সবচেয়ে হাস্যকর উক্তি করলেন সার স্ট্যাফোর্ড জাতীয় গভর্নমেন্টের দায়িত্বশীলতা সম্পর্কে। তিনি বললেন, “কংগ্রেস এমন একটি জাতীয় গভর্নমেন্ট গঠন করতে চায়, যার উপরে বড়লাটের বা ব্রিটিশ গভর্নমেন্টের কোনো ক্ষমতা থাকবে না। একবার ভেবে দেখা যাক তার মানে কী। অনির্দিষ্ট কালের জন্য ভারতের গভর্নমেন্ট এমন কয়েকজন ব্যক্তির দ্বারা গঠিত হবে, যাবা কোনো আইনসভা বা নির্বাচকমণ্ডলীর কাছে দায়ী নন, যাদের কেউ কখনও নাড়াতে পারবে না।” কী সাংঘাতিক কথা। সত্যি তো। এ তো কোনো মতেই হতে দিতে পারা যায় না। আইনসভা, নির্বাচকমণ্ডলী এবং জনসাধারণের কাছে দায়ী ও পরিবর্তনযোগ্য গভর্নমেন্টের একমাত্র আদি ও অকৃত্রিম নমুনা তো আছে আমাদের বর্তমান বেঙ্কল - ম্যাক্সওয়েল - নুন - ওসমান - বামস্বামী পরিবৃত্ত পরম করুণাময় লর্ড লিনলিথগোর গভর্নমেন্টে!

বেতার-বক্তৃতার উপসংহারে ক্রীপস্ জাপানের বিরুদ্ধে ভাবতীয়দের প্রতিরোধ শক্তিকে উদ্বুদ্ধ করার উদ্দেশ্যে অনেক উদ্দীপনাময়ী উক্তি করলেন—“যাঁকি নিতে হবে, নতুন পরীক্ষা কবতে হবে, পুরাতন মনোভাবের উর্ধ্বে উঠতে হবে” এমনি সব ভালো ভালো কথা।

অপ্রতিদ্বন্দ্বী ব্যারিস্টার বলে সার স্ট্যাফোর্ডের খ্যাতি আছে। কিন্তু আশ্চর্য এই যে, এ-সকল উক্তির অন্তর্নিহিত দুর্বলতা ও অসঙ্গতি তাঁর মতো ব্যবহারজীবীর দৃষ্টিতে ধবা পড়েনি। “যাঁকি নিতে হবে।” ঠিক কথা। তবে সেটা ব্রিটিশ গভর্নমেন্টকে নয়,—নিতে হবে পদানত নিপীড়িত ভারতীয় জনসাধারণকে। “নতুন পরীক্ষা করতে হবে।” অথচ ভাবতবর্ষে বহাল থাকবে সেই সনাতন স্বৈরশাসন। “পুরাতন মনোভাবের উর্ধ্বে উঠতে হবে।” শুধু ভারত সম্পর্কে নয়। এই হলো ব্রিটেনের সর্বাপেক্ষা প্রগতিশীল সমাজতান্ত্রিক ভারতবন্ধু সার স্ট্যাফোর্ড ক্রীপস্ কথিত সুসমাচার !!

বিলাতের ন্যাশনাল গভর্নমেন্টের অনুরূপ অস্থায়ী যুদ্ধকালীন গভর্নমেন্ট গঠিত হবে, এই ভিত্তিতেই মৌলানা আজাদ ও পণ্ডিত নেহেরু ক্রীপস্ প্রস্তাবের আলোচনা করতেন। পরে দেখা গেল, ভাইসরয়ের এক্সিকিউটিভ কাউন্সিলেরই দ্বিতীয় সংস্করণ ছাড়া আর কিছুতেই রাজী নন ব্রিটিশ কর্তৃপক্ষ। কখনও কোনো আলোচনায় ক্রীপস্ যে ন্যাশনাল গভর্নমেন্টের আভাসমাত্র দিয়েছেন এমন কথাও স্বীকার করলেন না তিনি। অথচ এক্সিকিউটিভ কাউন্সিলের পুনর্গঠন বা তাতে যোগ দেওয়া-না-দেওয়া নিয়ে তিন সপ্তাহ আলোচনা করবেন মৌলানা আজাদ বা পণ্ডিত জগদ্বলাল, একথা একমাত্র উল্লাদ বা বিশেষ অভিসন্ধিপরাণ্য ব্যক্তি ছাড়া নিশ্চয়ই আর কেউ বিশ্বাস করবে না।

কংগ্রেসের পক্ষ থেকে রাষ্ট্রপতি জোরের সঙ্গে বললেন, ক্রীপস্ ক্যাবিনেট গভর্নমেন্টের আশ্বাস দিয়েছিলেন। ক্রীপস্ তা বেমালুম অস্বীকার করলেন। যদিও সাংবাদিকদের মধ্যে যারা ২৩শে মার্চের প্রেস কনফারেন্সে উপস্থিত ছিলেন তাঁরা সবাই সাক্ষ্য দেবেন যে, সেখানেও ক্রীপস্ এই ন্যাশনাল গভর্নমেন্টের কথাই বলেছিলেন।

কংগ্রেস নেতৃবর্গ একটি ‘অভি মারাত্মক ভুল করেছেন। তাঁরা ক্রীপস্ আলোচনার কোনো লিখিত ও অবিসংবাদিত দলিল রাখেননি। বিলাতে ব্যবসায়ীদের দেখেছি, কোনো বিশেষ লেনদেন বা চুক্তি সম্পর্কে দুই ব্যক্তির মধ্যে আলোচনার একটি পরস্পর অনুমোদিত লিখিত বিবরণ থাকে।

আলোচনার পরে একজন আলোচনার সমুদয় বিবরণ একটি পত্রে লিপিবদ্ধ করে অন্যজনের কাছে পাঠিয়ে দেন। তিনি হয় ঐ পত্রে বর্ণিত বিবরণ যথার্থ বলে অনুমোদন করেন, নয় তো ভ্রমনির্দেশ করেন। এ ব্যবস্থায় দুই পক্ষের মৌখিক আলোচনায় কোনো সময় একে অন্যের উক্তি বা মনোভাবকে ভুল বুঝলে অবিলম্বে তার সংশোধন হয়। চল্লিশ কোটি নরনারীর ভাগ্য নিয়ে যেখানে আলোচনা চলছে, সেখানে কংগ্রেস-কর্তৃপক্ষ এক্রপ কোনো সাবধানতা অবলম্বন করেননি—এ শুধু আশ্চর্য নয়, বালকোচিত অদূরদর্শিতার পরিচায়ক। প্রত্যেক দিন সন্ধ্যায় সেদিনকার আলোচনার সারমর্ম একটি পত্রে গ্রথিত করে তাতে ক্রীপসের অনুমোদন-স্বাক্ষর রাখলে পরে পরস্পরের প্রতি এই অসত্য ভাষণের দোষারোপ কবাব অবকাশ ঘটত না।

মৌলানা আজাদ তাঁর শেষ দীর্ঘ চিঠিতে বলেছেন, দেখা যাচ্ছে কংগ্রেস ও ক্রীপসের মধ্যে আলোচনা যতই এগিয়ে চলেছে, ব্রিটিশ মনোভাবের ততই ক্রমিক অবনতি ঘটেছে। এ মন্তব্য অহেতুক নয়। ব্রিটিশ প্রস্তাব নিয়ে ভাবতে আগমন ও ভাবত পবিত্র্যাগের মধ্যে ক্রীপসের চরিত্রে অভাবনীয় পরিবর্তন ঘটেছে।

ক্রীপসের এই ব্যর্থতার এবং পবিত্রতনের কারণ কী, তা নিয়ে বহু অনুমান, বহু সংশয়, বহু গবেষণার অবকাশ আছে। ব্যর্থতার সমুদয় দায়িত্ব ক্রীপসের নয়।

লর্ড লিনলিথগো ক্রীপস-দৌত্যের সাফল্য কামনা করেননি, একথা অনুমান করা কঠিন নয়। যুদ্ধের প্রাবল্য থেকে একাধিকবার ভারতীয় জনসাধারণের সমর্থন সংগ্রহের তিনি ভার নিয়েছিলেন। ব্যর্থ হয়েছেন। সুতরাং তাব দ্বাবা যা সম্ভব হয়নি, অন্য কোনো ব্যক্তির প্রচেষ্টায়, বিশেষ করে একজন শ্রমিকদলের সদস্য দ্বাবা তা সম্ভব হবে এটা তাব পক্ষে রুচিকর নয়। ব্যক্তিগত মতবাদে লর্ড লিনলিথগো যে একজন কম্পার্ভেটিভ ডাইহার্ড সেকথা অবিস্মৃত নয় কারো কাছে।

ভঙ্গীলটি আর্চিবল্ড ওয়েভেল একজন ভারতীয় দেশরক্ষা সচিবের অধীনে কাজ কবতে ইচ্ছুক ছিলেন কি না তাও জানার উপায় নেই। ওয়েভেল বর্তমানে ব্রিটেনের শ্রেষ্ঠ সেনাপতি, তার সম্মানপূর্ণ উপরে ব্রিটিশ গভর্নমেন্টের অবিচলিত আস্থা। ভাবতবর্ষে, বিশেষ করে তাব সামরিক ব্যাপারে ওয়েভেলের অননুমোদিত কোনো ব্যবস্থায় সম্মত হওয়া তাঁদের পক্ষে সম্ভব নয়।

সাধারণের ধারণা এই যে, লন্ডন থেকে টেলিফোনযোগে সাব স্ট্যাফোর্কে সতর্ক করে দেওয়া হয়, তিনি যেন ওয়ার ক্যাবিনেটের লিখিত প্রস্তাবের বাইরে আব এক পাও না যান। ভারতবর্ষ সম্পর্কে চার্চিল ও এমার্সন মনোভাব এতই সুপরিচিত যে, এ অনুমান একেবারে অমূলক মনে হয় না।

দ্বিতীয় মহাযুদ্ধের গোড়াত্ত ইংলন্ডের রাজনৈতিক গগনে ক্রীপস ছিলেন একান্ত নিশ্চল। শ্রমিকদলের সঙ্গেও সে সময়ে তাঁর সম্পর্ক ছিন্ন হয়েছিল। উনিশ শ উনচল্লিশ সালের শেষভাগে তিনি ভাবতবর্ষে এলেন। বিভিন্ন স্থান পবিত্রদর্শন করলেন, বিভিন্ন ভারতীয় নেতৃবৃন্দের সঙ্গে ঘনিষ্ঠভাবে মিশলেন, পণ্ডিত জওহরলালের অতিথিরূপে পুংখানুপুংখরূপ অনুসন্ধান করলেন এ দেশের জাতীয় আন্দোলন ও তার ধারা সম্পর্কে।

ভারতবর্ষ থেকে ক্রীপস গেলেন চীনে। চীন থেকে রাশিয়া হয়ে ইংলন্ডে যখন প্রত্যাবর্তন করলেন, চেষ্টা করলেন গভর্নমেন্টের তখন পতন ঘটেছে। প্রধান মন্ত্রীরূপে চার্চিল গঠন করেছেন নতুন কোয়ার্টারশন গভর্নমেন্ট। রাশিয়া ও ব্রিটেনের বৈদেশিক সম্পর্ক সে সময় মধুর নয়, অথচ একমাত্র রাশিয়ার সঙ্গে মিতালীর দ্বারাই তখন যুরোপে হিটলারের প্রতিরোধ সম্ভব। কে ভার নেবে রাশিয়া ও ব্রিটেনের মধ্যে মৈত্রীসাধনের? ক্রীপসের নাম কে প্রস্তাব করেছিলেন তা জানার উপায় নেই। কিন্তু আইন ব্যবসায় প্রচুর অর্থোপার্জন পরিত্যাগ করে রাজনীতিক্ষেত্রে বিস্তৃতপ্রায় ক্রীপস অকস্মৎ একাদিন প্রবেশ করলেন দশ নম্বর ডাউনিং স্ট্রীটে। প্রধানমন্ত্রী চার্চিল বোধ হয় বললেন, মস্তো পছন্দ করুন। সেখানে ব্রিটিশ রাজদূত হয়ে যাও। ব্রিটেন ও রাশিয়ার মধ্যে মিত্রতার সম্বন্ধ স্থাপন করা চাই। এখনই বণ্ডনা হও। ফর গডস্ সেক।

কোম্পানীর কভেনাণ্টেড সার্ভিসের লোক, স্বেচ্ছা পরিচালকগোষ্ঠীতে একমাত্র বাঙালী অফিসার। প্রচুর বেতন, প্রভূত প্রতাপ। যুদ্ধের প্রয়োজনে গভর্নমেন্ট সাম্রাই ডিপার্টমেন্টে নিয়ে এসেছেন আরও বেশী পারিশ্রমিক দিয়ে। নিজের কোম্পানীতে ‘লিয়েন’ আছে। যুদ্ধ শেষ হলে সেখানে ফিরে গিয়ে পুনরায় স্বপদে প্রতিষ্ঠিত হবেন পূর্বগৌরবে।

নিমন্ত্রিতের সংখ্যা জন দশেক। একমাত্র আমিই একক। বাকি সবাই যুগলে; —মিস্টার এন্ড মিসেস। ডিনার ন’টায়, কিন্তু নিমন্ত্রিতেরা সাড়ে সাতটার মধ্যে সবাই উপস্থিত। ড্রয়িং-রুম তাঁদের হাস্য, পরিহাস ও আনন্দকলরবে মুখরিত হয়ে উঠল।

আমাদের প্রাচীন ভোজসভাগুলির সঙ্গে এই ডিনার পার্টিগুলির প্রভেদটা সুস্পষ্ট। তফাতটা শুধু আসন পেতে আহার ও ছুরি কাঁটায় খাওয়ার মধ্যে নয়। আমাদের ভোজন আয়োজনগুলি মূলতঃ সামাজিক ক্রিয়া কর্ম সম্পর্কিত। মেয়ের বিয়ে, ছেলের উপনয়ন, নাতনীর ভাত কিংবা ব্রত, পার্বণ উপলক্ষ করে আমাদের নিমন্ত্রণ। তাতে লোক ডাকতে হয় আত্মীয়তা ও কুটুম্বিতার সু-বরে, হৃদয়তার বিচার করে নয়। সূতবাং সংখ্যা হয় অপরিমিত। ছাদের উপর সামিয়ানা টাঙিয়ে তার নীচে এক সঙ্গে আসন পড়ে সন্তর কিংবা আশী। মেয়েদের জন্য শয়নগৃহে খাট-পালঙ্ক বের কবে খাবার জায়গা। এতেও একেবারে সমাধা হয় না সমুদয় নিমন্ত্রিতের আহার। বাড়ির সিকি মাইল দূর থেকে টের পাওয়া যায় কলকোলাহল।

ইংরেজী ডিনারের বিশেষ কোনো উপলক্ষের দরকার নেই। নেই কোনো নির্দিষ্ট দিন। কোনো বিশেষ ব্যক্তিকে ডাকার অলংঘনীয় দায় নেই গৃহকর্তার। গৃহকর্তী বলাই ঠিক,—কারণ নিমন্ত্রণ করেন গৃহিণীরা।

এক টেবিলে বসে খাওয়ার রীতি স্বভাবতঃই নিমন্ত্রিতের সংখ্যাকে পরিমিত রাখে। বেশীর ভাগই ছ’জন; উর্ধ্বে বারো। তাও গৃহকর্তা ও গৃহিণীকে নিয়ে। বাড়ির গৃহিণী এখানে ভাঁড়ারে ময়দা মাখানো নিয়ে ব্যস্ত নন, ড্রইং রুমে আর পাঁচজন নিমন্ত্রিতের ন্যায় আলাপ-আলোচনায় তারও যোগ আছে। তাঁব বসন হলুদের চিহ্নদ্বারা লাক্ষিত নয়, আনন উদানের আঁচে বিশীর্ণ নয় এবং দেহ পরিবেশনজনিত ক্লাস্তিতে পীড়িত নয়। তিনিও সুবেশা, সুসজ্জিতা। তিনি সমুদয় অভাগতদের আহ্বারান্তে অপরাহ্ন বেলায় সর্বশেষে আহ্বারে বসেন না, তাঁদের সঙ্গেই আহ্বার গ্রহণ করেন। গৃহকর্তা কোমরে গামছা ভড়িয়ে জলের জাগ বা নুনের হাঁড়ি হাতে ছুটোছুটি না করেও অতিথিদের আদর আপ্যায়নের প্রতি দৃষ্টি রাখেন, তাঁদের সঙ্গে বসেই আহার করেন।

খাওয়াটাই ইংরেজী ডিনারের মূল কথা নয়। সেটা বন্ধুজনের একত্র মিলনের একটা উপলক্ষ মাত্র। তাই আহ্বারের আয়োজন পরিমিত। সূক্ত থেকে অম্বল পর্যন্ত দশটা তরকারি এবং দরবেশ থেকে রাবড়ি পর্যন্ত পাঁচটা মিষ্টানের আয়োজন না হলে সেখানে কেউ ছি ছি করে না। পান্ডুয়া গেলার কৃতিত্ব নিয়ে প্রতিযোগিতা নেই ইংরেজী ডিনারে। আমাদের আধুনিক সমাজের ইঙ্গ-বঙ্গের ক্রটি অশ্বেষণে যাদের কখনও ক্লাস্তি নেই, এই একটি ব্যাপারে অন্ততঃ তাঁরা যেন আমাদের কাছে কৃতজ্ঞ থাকেন।

আমাদের নিমন্ত্রণকর্তা মজলিসী ধরনের লোক। আসর জমাবার দক্ষতা আছে তাঁর। এককালে শিকারে সখ ছিল। বিহারের জঙ্গলে সম্বর শিকারের গল্প করলেন, আসামের অরণ্যে নেকড়ে।

শুধু গল্প নয়, তাসের ম্যাজিক জানেন অনেক রকম। চোখ বুজে প্যাকেটের মধ্য থেকে চিড়িতনের গোলাম বের করে দিয়ে বিস্মিত করলেন সবাইকে, হরতনের নওলাকে হাত ঘুরিয়ে নিমিষের মধ্যে বানিয়ে দিলেন গোলাম এবং এক মহিলার শাড়ির ভাঁজ থেকে ইক্কাবনের সাহেব বের করে তাঁর কাছে কপট তাড়না এবং আর সবার কাছে উচ্ছ্বসিত সাধুবাদ লাভ করলেন। গল্প গুজব ও হাস্য পরিহাসের মাঝে মাঝে শীতল পানীয় এবং কক্টেল গ্রাশে টোমাটোর রস পরিবেশন করল বেয়ারা।

আহারের ব্যবস্থা পাশের কক্ষে। বুফে ডিনার। একটা টেবিলের উপরে বিভিন্ন পাত্রে সাজানো সমুদয় আহ্বার। রোস্ট, স্যালাড, চপ, আবার তার সঙ্গেই পরোটা বিরিয়ানী, পটলের দোলমা।

পুড়িং আছে, রসগোল্লাও আছে। অবাক হওয়ার কিছু নেই। ইঙ্গ-বঙ্গের ছাপ থাকে আমাদের অশনে, বসনে, চিন্তায় ও কর্মে। হাতে দশগাছা জলতরঙ্গ চুড়ির সঙ্গেই আমাদের মেয়েরা পরেন রিস্টওয়াচ; কোচানো খুতির উপরেই ছেলেরা পরেন ডবল কাফের সাট।

সাইডবোর্ডে স্তরে স্তরে একদিকে সাজানো আছে প্লেট, অন্য দিকে চামচে, কাটা এবং ছুরি। সবাই প্লেট নিয়ে স্বহস্তে নিজ নিজ অভিকৃচি মতো আহাৰ্য তুলে নেন। ছেলেরা বেশীর ভাগ টেবিলের চার পাশে দাঁড়িয়ে দাঁড়িয়ে খান। মেয়েরা কেউ বা বসেন চেয়ারে, কেউ বা ছেলদের অনুসরণে দাঁড়িয়েই। গৃহকত্রী খেতে খেতেই তদারক করেন অতিথিদের। বলেন; “এ কী ভাই; মিলি তুমি কিছু খাচ্ছ না যে? মিস্টার সেন, আর একটা চপ নিন। মিসেস দেশাই রোস্ট নিয়েছেন তো?”

মিসেস সাহার নাম শোনা ছিল ইতিপূর্বে, চাক্ষুষ পরিচয় ঘটল এই ভোজসভায়। অতিশয় কীণাক্ষী, সাধারণ বাঙালী মেয়েদের তুলনায় যথেষ্ট ফর্সা কিন্তু পাউডার-আধিকার দ্বারা গভীর স্বাভাবিক বর্ণকে এমনভাবে ঢেকে রেখেছেন যে, কাগজের মতো সাদা মুখ দেখে মনে হয় বুঝি বা কোনো কঠিন অসুখের পর ভাঙালী বা মদনপল্লী স্যানিটোরিয়াম থেকে সদ্য উঠে এসেছেন! পরিধানে সাদা ধবধবে শিফনের অতি মহার্ঘ শাড়ি; প্রায় কাঁচের মতো স্বচ্ছ। তার মধ্য দিয়ে সুস্পষ্ট দৃষ্টিগোচর ঈষৎ হাল্কা রঙের অন্তর্বাস। শাড়িতে পাড় থাকাটা আজকাল যথেষ্ট মর্ডার্ন নয়। ঘটি-হাতা ব্রাউজের মধ্যে থেকে লম্বমান বিশীর্ণ বাহুহয়। ‘ভি’ আকৃতি সম্মুখ ভাগে মর্মান্তিকরূপে উদ্ঘাটিত গ্রীবার দুই পার্শ্ববর্তী উদ্ধত দুটি কণ্ঠা! গলায় মুক্তার একটি মালা। কানে সর্বশাক্তি ক্ষুদ্র মুক্তা গাঁথে গাঁথে একজোড়া দুল, প্রায় কাঁধ অবধি ঝোলানো। বাম হাতের দীর্ঘ সরু অনামিকায় তারই সঙ্গে ম্যাচ-করা মুক্তাবসানো মস্ত একটি আংটি। সবুজ, নীল, মেরুন, ভায়োলেট প্রভৃতি বিভিন্ন রঙের শাড়িপরিহিতাদের মধ্যে মহিলা আপন বেশভূষায় সম্পূর্ণ বিশিষ্ট। যেন শীতের দিনে বর্ণাঢ্য মরসুমী ফুলের বাগানে রজনীগন্ধার উন্নত বৃন্তটি।

মহিলা টেবিল-স্পুনের আধ চামচ বিরিয়ানী নিয়েছিলেন, তাই যেন শেষ করতে পারেন না! হোস্টেস একটু রোস্ট তুলে দিতে যাচ্ছিলেন তাঁর প্লেটে। “পারবো না ভাই, পারবো না, দিয়ো না, প্লীজ” বলে চৈচিয়ে উঠলেন। অনেক সাধ্য সাধনার পর একটা চপ নিলেন এবং ম্যানিকিউর করা দুই আঙ্গুল দিয়ে অতি সন্তুর্ণে তার সিকি ভাগ ভেঙে খেলেন, “ভয়ানক পেট ভরে গেছে। আর পারছি নে।”

একটা ঝালের চচ্চড়ি ছিল টেবিলে, তাই একটু নিলেন মিসেস সাহা। এটাই চলতি। মিস্টার সাহা বাধা দিয়ে বললেন, “খৈয়ো না, এত ঝাল খেলে অসুখ করে মরবে।” এতেও নতুনত্ব নেই। স্বামীর লক্ষ্য খেতে বারণ করেন এবং স্ত্রীরা তা অগ্রাহ্য করে বেশী করে লক্ষ্য খান, এইটে প্রমাণ করাই হলো আধুনিকাদের আহাৰ সম্পর্কিত আধুনিকতম ফ্যাশান।

ভোজনপর্বের শেষে মহিলাদের প্রতি অনুরোধ হলো গানের। কেউ গাইলেন। কেউ “অনেকদিন ছেড়ে দিয়েছি” বলে এড়িয়ে গেলেন। গৃহকত্রী মোটামুটি রকম গাইতে পারেন এবং তাঁকে অনেক সাধ্য সাধনা না করলেও চলে। একটি গুজরাটি মহিলা তাঁর স্বদেশীয় সঙ্গীত শোনালেন। তার মধ্যে একটি ভক্ত কবি নরসিংহ মেহতার রচনা। তাঁর রচিত “বৈষ্ণব জনতো তেনে কহি” বলে একটি গান এককালে গ্যাস্ট্রিক্স প্রিয়রূপে খুব প্রসিদ্ধি লাভ করেছিল।

মিসেস সাহার সদাশয়তা আছে। অনেক রাত্রিতে ডিনার পাটি ভাঙলো। নিজ মোটরে পৌছে দিতে চাইলেন আমাকে আমার আবাসে। মিস্টার সাহাকে বললেন, “বীরেন, মিনি সাহেবকে নামিয়ে দিতে হবে কুইনসওয়েতে।”

অতি-আধুনিকারা স্বামীকে নাম ধরেই ডাকেন। ওটা ইংরেজীর নকল। আমি সনাতনী নই। স্বামীর নাম করতে নেই, এ অনুশাসনের শাস্ত্রীয় ব্যাখ্যায় আমার বিশ্বাস নেই। কিন্তু ইংরেজী জন, আর্থার, সিরিলের কায়দায় আমাদের স্ত্রীরাও আমাদের সুধীর, বিকাশ বা উপেন বলে ডাকতে শুরু করলে পুলকে রোমাঞ্চিত হয়ে ওঠারও কোনো কারণ দেখি না।

মানুষের নামের যদি কেবলমাত্র সনাস্করণ ছাড়া আর কোনো প্রয়োজন না থাকত, তবে

নামের বদলে সংখ্যা ব্যবহারের দ্বারাই তা অনায়াসে চলতে পারত। তা হলে মেয়ের জন্ম মাত্রেই মেয়ের মা তার নামনির্বাচন নিয়ে ভাবনায় পড়তেন না। নিত্য নতুন নামকরণের অনুরোধ জানিয়ে রবীন্দ্রনাথের কাছে চিঠি আসত না।

জড় বস্তুর পক্ষে নাম একটা অভিধা মাত্র। গোলাপকে ঘেঁটু আখ্যা দিলে তার গন্ধেব তারতম্য ঘটে না, একথা সেক্ষণীয়রের মতো অন্য পাঁচজনেও জানে; যদিও একথা ঠিক যে, কাব্যের সীমানা থেকে শুধু ঐ নামের জন্যেই তার চির নির্বাসনের সম্ভাবনা ঘটে।

কিন্তু মানুষের পরিচয় তো কেবল কোনো বিশেষ একটি সত্তার দ্বারা নয়। বিভিন্ন পরিবেশে, বিভিন্ন কারণে, বিভিন্ন ব্যক্তির কাছে তার বিভিন্ন রূপ। তাকে প্রকাশ করার জন্য তার বিভিন্ন নাম। আপিসে কেরানীবাবুর কাছে যিনি মিস্টার মুখার্জী, পাড়ায় বন্ধুদের কাছে তিনি বিনোদবাবু, বাল্যের সহপাঠীদের কাছে বিন্দে, বাড়িতে মায়ের কাছে খোকন এবং কোনো বিশেষ একটি মাত্র লোকের কাছে তিনি 'ওগো' কিংবা 'শুনছো' নয়তো শুধু মাত্র 'এই'। সেগুলি তো কেবলমাত্র নাম নয়,—সেগুলি নির্দেশ। সংজ্ঞা নয়, সঙ্কেত। সেই বিশেষ ব্যক্তিটির কাছে সেগুলি বিশেষ অর্থ বহন করে, বিশেষ কানেব ভিতবে বিশেষ সুর। এবং অভিজ্ঞ লোকেবা জানেন, এই ছোট্ট দুই অক্ষরের সঙ্কেতেব দ্বারাই যে পাবে সে আপনি পারে, পারে সে ফুল ফোটাতে।

তেরো

প্রত্যেক মানুষের জীবনেই বেগ হয এমন কতকগুলি দুর্বল মুহূর্ত আসে যখন সে মস্তিষ্ক অপেক্ষা হৃদয় দ্বারা বেশী চালিত হয়। সে মুহূর্তগুলি অতর্কিতে দমকা হাওয়ার মতো এসে অতিসাবধানী লোককেব হৈর্ষেব বন্ধন ছিন্নভিন্ন করে দেয়। তখন সংযমী যোগী পুরুষেরা লক্ষ্যভ্রষ্ট হন, হিসেবী মহাজনেরা গরমিল করেন জমাখরচেব খাতায় এবং স্বভাবতঃ চাপা প্রকৃতির স্থিতধী ব্যক্তিরা বিচলিতচিত্তে মনের কথা ব্যক্ত করেন অন্য লোকের কাছে। এমনি এক দুর্বল মুহূর্তে আধারকারের পূর্ব ইতিহাস উদ্ঘাটিত হলো একান্ত অপ্রত্যাশিতরূপে। ক্রান্ত সমাহিত নয়ন এবং নিঃসঙ্গ জীবন-যাপনের অন্তবালবতী বহস্য শোনা গেল তারই নিজ বর্ণনায়।

অপরায়ু বেলায় সন্ধান কোণে মেঘ দেখা দিয়েছিল। বৃষ্টি প্রত্যাশা করেছিলেন গ্রীষ্মপীড়িত হতভাগ্যের দল। বৃষ্টি এল না, এল আধি। ধুলির ঝড়। না দেখলে কল্পনা কবা শব্দ এর রূপ। বাংলাদেশে কোনোকালে দেখা যায় না এ জিনিস। আকাশ-ভূবন আধার করে প্রবল বেগে কোথা থেকে আসে এত বিপুল ধূলিবাণি তা ধারণাতীত। মেঘেব চাইতে ঘন তর আচ্ছাদন সূর্যকে আবৃত করে। ঘবের মধ্যে আলো জ্বালতে হয় দিনেব বেলায়। দোর জানালা নিষিদ্ধরূপে বন্ধ করলেও কিছু ধূলা প্রবেশ করে নাকে, মুখে, চোখে, এমনকি বাস্তব পেটরার মধ্যস্থিত জামা-কাপড়ে। বৃষ্টির ফোটা মাত্র নেই; শুধু শুষ্ক ধূলি ঝড়। কিন্তু এই আধির ফলেই উদ্ভাপ হাস পায় অভাবনীয় ভাবে, ধবলী হয় শীতল। উত্তর ভারতেব এক বিস্ময়কর প্রাকৃতিক বৈশিষ্ট্য এই আধি।

রুদ্ধদ্বার কক্ষে বসেছি দুজনে মুখোমুখি। শো-শো শব্দে বাইরে বইছে আধির ঝড়ো হাওয়া, আলোড়িত হচ্ছে ধূলির পাহাড়। ধীরে ধীরে অনুচ্চ কণ্ঠে বিবৃত করলেন আধারকার আপন জীবন-ইতিহাস।

আধারকারের কুলগত পেশা যুদ্ধ। তাঁর পূর্বপুরুষেরা লড়েছে মুঘলের সঙ্গে, লড়েছে যশোবন্ত সিংহের বিরুদ্ধে। তার প্রপিতামহ বিষ্ণুদত্ত পেশোয়া বাজিরাওয়ের অন্যতম সেনাপতি ছিলেন। আসাইয় যুদ্ধে পেশোয়াব দক্ষিণ পাশ্ব থেকে শত্রু নিপাত করেছেন অমিতবিক্রমে। নিহত হয়েছেন বৃকে গুলির আঘাতে। আধারকার বালক বয়সে দেখেছেন তাঁর রুধিরাক্ত লৌহবর্ম, পরিবারের সযত্নে রক্ষিত গৌরবময় উত্তরাধিকার। বীরের রক্ত আছে তাঁর ধমনীতে।

পরিবারে বিস্ত ছিল প্রচুর, বীর্য ছিল বিখ্যাত, কিন্তু বিদ্যা ছিল না আধুনিক। আধারকার শিতার একমাত্র সন্তান, শিক্ষা লাভ করেন পুণার এক ইংরেজী স্কুলে। এল্‌ফিন্‌স্টোন কলেজ থেকে পাশ করে গেলেন ম্যাগেস্টারে। বয়ন-বিদ্যা-বিশেষজ্ঞ হয়ে যখন ফিরলেন স্বদেশে, যুরোপের প্রথম

মহাযুদ্ধ তখন ক্ষান্ত হয়েছে। বস্বেতে স্থাপন করলেন এক কাপড়ের কল, অসুরের মতো খাটতে লাগলেন তাকে সাফল্যমন্ডিত করতে।

বছর পাঁচেক পরের কথা। এক সন্ধ্যায় এক বন্ধুর আগমন সম্ভাবনায় এসেছেন দাদর স্টেশনে। বন্ধু এলেন না। ফিরে আসছেন এমন সময় কানে এল এক নারীকণ্ঠ। সে তো কণ্ঠ নয়, সে সুর। ভাষা বুঝলেন না, পিছনে তাকিয়ে দেখলেন, প্ল্যাটফর্মের দাঁড়িয়ে এক তরুণী, সঙ্গে একজন মধ্যবয়সী ভদ্রলোক। সামনে সুটকেশ, হোল্ডঅল, বেতের খুড়ি ইত্যাদি মালপত্র। উভয়ের মুখে উদ্বেগের ছাপ সুস্পষ্ট। বস্বেতে তখন সাম্প্রদায়িক দাঙ্গার তান্ডব চলেছে সাজঘাতিক। স্টেশনের ভিতরে কুলির অভাব, বাইরে যানবাহনের। সন্ধ্যার পরে ঘরের বাইরে যাওয়া নিরাপদ নয়।

আধারকার জিজ্ঞাসা করলেন, “আপনারা কি বস্বেতে এই প্রথম এলেন?”

ভদ্রলোক বললেন, “হ্যাঁ, আমার এক আত্মীয় থাকেন এখানে। তাঁকে টেলিগ্রাম করেছিলাম স্টেশনে হাজির থাকতে। আসেননি দেখছি। বোধহয় টেলিগ্রাম পাননি।”

“পেলেও আসা কঠিন। শহরে দাঙ্গা বেধেছে, খুন-খারাপি চলছে বেপরোয়া। আপনারা কোথায় উঠবেন?”

“তাই তো ভাবছি। কাছাকাছি কোনো হোটেলের সন্ধান দিতে পারেন?”

“তা পারি। কিন্তু জায়গা পাবেন না সেখানে। বেশীর ভাগ হোটেলের চাকর, বেয়ারা, ঝাঁধুনি পালিয়েছে প্রাণের ভয়ে; সেখানে বাসিন্দা যারা আছে, তাদের অমঙ্গলের অভাব, নতুন লোক নেয় না আর।”

“তবে তো বড়ই মুশ্কিল” বলে ভদ্রলোক সঙ্গিনীর দিকে তাকালেন। ভয়ার্ত ভাব সঞ্চারিত হলো তরুণীর মুখমন্ডলে। স্টেশনে ওয়েটিং রুমে চেষ্টা করে ফল হলো না। সব আগে ভাগেই দখল হয়ে আছে দূরগামী যাত্রীতে। পরম অসহায় দৃষ্টিতে তাকালেন মহিলা তাঁর স্বামীর দিকে।

আধারকার প্রস্তাব করলেন, “যদি আপত্তি না থাকে, চলুন আমার ফ্ল্যাটে। কাল প্রাতে খোঁজ করা যাবে আপনাদের আত্মীয়ের। আমার সঙ্গে গাড়ি আছে।”

ভদ্রলোক তাকালেন স্ত্রীর পানে। তিনি একটু সঙ্কুচিত হয়ে ইংরাজীতে বললেন স্বামীকে, যদিও উক্তির লক্ষ্য যে আধারকার তাতে সন্দেহ রইল না। “রাত্রিবেলা হঠাৎ বিনা খবরে আমরা গিয়ে উঠলে ঠাঁর স্ত্রীকে খুব বিব্রত করা হবে।”

আবার সেই সুর। বোধ করি, এ সুর ছিল ভীমসিংহপত্নী পদ্মিনীর, যা দিয়ে তিনি রাজপুত যুবককে উদ্বুদ্ধ করেছিলেন যুদ্ধে প্রাণ দিতে, হয় তো ছিল হেলেন অব ট্রয়ের; যাব জন্য সহস্র রণতরী ভেসেছিল সাগরে!

আধারকার বললেন, “এক রাত্রির জন্য নিরুপায় অতিথিদের গৃহে আতিথ্য দিলে স্ত্রীকে বিব্রত করা হয় কিনা জানি নে, হয়তো হয়। কিন্তু আপনারা নিশ্চিত হোন আমার স্ত্রী মোটেই বিব্রত হবেন না, কারণ আমার স্ত্রী নেই।”

“স্ত্রী নেই? ওঃ, তা হলে—” বলতে বলতে থেমে গেলেন ভদ্রমহিলা।

আধারকার বললেন, “তা হলে কী?”

“আপনাকে ধন্যবাদ। আমরা কোনোরকম করে রাতটা প্ল্যাটফর্মের দাঁড়িয়ে দেবো।”

“ওঃ, ব্যাটলরের বাড়িতে অতিথি হওয়াটা সামাজিকতায় বাধে বুঝি? মনে ছিল না। বেশ, প্ল্যাটফর্মের দাঁড়িয়ে থাকবেন। ভয় নেই। গোয়ানিজ কুলীগুলি দেখাচ্ছেন বটে এখন, তবে আছে কাছাকাছি। জড়োয়া গয়না আছে গায়ে, সুটকেশগুলির ভিতরেই বা না কোন শ’ কয়েক টাকার জিনিসপত্র হবে। আশা করি, তাদের আসতে বিলম্ব হবে না। কাল মৃতদেহ সনাক্ত করার দরকার হলো খবর দেবেন। আচ্ছা, চলি, গুড নাইট” বলে দ্রুত পদে নিজাক্ত হলেন আধারকার। স্বরে তার অপমানিতের স্ফোভ এবং উম্মা।

কিন্তু মিনিট পাঁচেক পরেই আবার দেখা গেল আধারকারকে ফিরে আসতে। বললেন, “দেখুন, একটা উপায় মাথায় এল। আমার ফ্ল্যাটেই চলুন। আপনাদের পৌছে দিয়ে আমি কাছাকাছি আমার কেরানীর বাড়িতে গিয়ে বসে শোব। তা হলে বাড়ির দোষ থাকবে না ব্যাটলরের।

ভিতর থেকে আগল এটে দেবেন ভালো করে, আর যাই হোক, প্ল্যাটফর্মের চাইতে আশা করি সেটা নিরাপদ হবে !”

গোয়ানিজ কুলীর নামে মহিলাটির মনে যথেষ্ট ভয় ধবেছে। স্বামীটিরও প্ল্যাটফর্মে রাত কাটানোর কল্পনাটা খুব প্রীতপ্রদ মনে হচ্ছিল না। সুতরাং আধারকাবের প্রস্তাবে সম্মত হলেন। কুলীর সন্ধান পাওয়া গেল না। আধারকার নিজে দু’হাতে অবলীলাক্রমে দুটো বড় সুটকেস বয়ে নিয়ে গেলেন গাড়িতে।

ছোট ফ্ল্যাট। একটি মাত্র শয়নকক্ষ। আহাৰাদিব পব আধাবকার প্রস্থানোদ্যোগ করতেই মহিলাটি পবিস্কাব ইংরেজীতে জিজ্ঞাসা করলেন, “ওকী, কোথায় যাচ্ছেন?”

“আমাব কেরানীব বাড়িতে?”

“কেরানীব বাড়িতে? সে কতদূর?”

“মাইল পাঁচেক হবে।”

“এত বাত্রিতে সেখানে? কোনো বিশেষ দরকার আছে কী?”

“দরকার বাত্রিটা কাটানো।”

“কেন এ-বাড়ি দোষ কবল কী?”

আধাবকাব এব জন্য প্রস্তুত ছিলেন না। বললেন, “দোষ নয়, মানে আপনাদের অসুবিধে—”

বাধা দিয়ে মহিলাটি অসহিষ্ণু স্ববে বললেন, “আমাদের অসুবিধার কথা আপনাকে কে বলেছে? আব যদি হুইই অসুবিধা; আপনি দয়া করে আশ্রয় দিয়েছেন, আর আপনাকেই এই দাঙ্গা হাস্যামাব রাহিৎ পন্ড থেকে তাড়িয়ে নিজেদেব সুবিধা কবব, আমাদের এতখানি জংলী ঠাণ্ডাবলেন কেন? তব চেষ্টে বলুন, আমবা আবাব সেই স্টেশনেব প্ল্যাটফর্মেই ফিরে যাচ্ছি।”

স্বামী ভদ্রলোকও জোব দিয়ে বললেন, “ক্ষেপেছেন মশাই, এই বাত্রিতে যাবেন বাইরে।”

কিন্তু আব একদফা তর্ক দেখা দিল শয়ন-ব্যবস্থা নিয়ে। একটি মাত্র খাট। আধাবকার চান সেটি দখল কববেন অতিথিবা, তিনি ডুযিং-কমেব মেজেতে ঘুমাবেন। অতিথিদের ইচ্ছা ঠিক তার বিপরীত। কিন্তু এবাবেও মহিলাই জয়লাভ কবলেন।

নিজের ঘবে শুতে যেতে যেতে আধাবকাব বললেন, “এ ভাবি অন্যায় হলো। মনে মনে নিশ্চয় ভাবছেন, লোকটা সুবিধেব নয়। নিজে আবাম কবে খাটে নিদ্রা দিচ্ছে, আব অতিথিদের ভূমিশ্যা।”

মুদু হাস্যে মহিলাটি বললেন, “লোকটি আপনি সুবিধের নন, তা টের পেয়েছি! অত্যন্ত ঝগড়াটে।”

“ঝগড়াটে? বাঃ ঝগড়া কবলেম কখন?”

“করলেন না? সেই যে প্ল্যাটফর্মে কী বলেছি, তা নিয়ে কত কথা শোনালেন, কেরানীব বাড়ি শুতে যেতে চাইলেন। যান, আব কথা নয়। বাত হয়েছ। এখন, লক্ষ্মী হয়ে শুয়ে পড়ুন গে।”

পরদিন আধারকারেব ঘুম ভাঙলো অনেক বিলম্বে ভূতোর ডাকাডাকিতে। ঘড়িতে তখন প্রায় আটটা। তাড়াতাড়ি বেশ পবিবর্তন করে এসে দেখেন, টেবিলে প্রাতরাশ প্রস্তুত। সুপ্রভাত জ্ঞাপন করতে মহিলাটি হেসে বললেন, “কাল বাত্রিরে শুতে যাবার সময় বললেন, আমাদের ভূমিশ্যার কথা মনে করে খাটে শুয়ে ভালো ঘুম হবে না আপনার। কনশেশ খোঁচা মারবে! এই আপনার ঘুম না হওয়াব নমুনা? কনশেশের খোঁচা নিয়েই বেলা আটটা?”

আধারকার লজ্জিত হয়ে বললেন, “দেখতে পাচ্ছি, আমি ঘুমিয়ে পড়ার সঙ্গে সঙ্গে হতভাগা কনশেশটাও ঘুমে বেঁইশ হয়েছিল।”

উচ্চ হাস্য উথিত হলো টেবিলে। স্বামী ও গৃহস্বামীর অটুহাস্যের সঙ্গে মিশল নারীকণ্ঠের কলধ্বনি। মহিলা বললেন, “তাই নাকের ডাকে পাশের ঘরে চোখের দু’পাতা এক করা দায়!”

“নাকের ডাক? নাক ডাকে নাকি আমার? কই, আমি তো টের পাইনি কখনও।”

“ঐতো মজা। যখন টের পাওয়ার অবস্থা হয়, নাক তখন আর ডাকে না।” আবাব সেই পুরুষ ও নারীকণ্ঠের সম্মিলিত হাস্যোজ্জ্বল।

সন্ধ্যায় কিছু আগে অতিথিরা বিদায় নিয়ে চলে গেলেন তাঁদের আত্মীয়ের গৃহে। সনির্বন্ধ অনুরোধ জানিয়ে গেলেন তাঁদের ওখানে একদিন অবকাশমতো আসবার। আধারকার প্রস্তুত ছিলেন তখনই তাঁদের সঙ্গে গাড়িতে চেপে বসতে, শুধু সেটা নিতান্ত অশোভন হবে বলেই মনকে নিরস্ত করলেন।

তাঁদের গাড়িতে তুলে দিয়ে আধারকার এসে বসলেন বারান্দায়। পড়তে চেষ্টা করলেন অনাদিনেব মতো এক ইংরেজী প্রেমের উপন্যাস। এণ্ডে পাবলেন না বেশী দূর। মন বার বার উন্মনা হতে লাগলো। প্রত্যহ সন্ধ্যাবেলা বিলিয়র্ড খেলতে যান জিমখানা ক্লাবে। সেদিন কিছুমাত্র উৎসাহ রইল না তাঁর।

সুনন্দা ব্যানাজীরা দিন দশেক রইলেন বস্বেতে। প্রত্যহ অপরাহ্নে আপিস থেকে আধারকার সোজা এসে হাজির হতেন ব্যানাজীর আত্মীয়গৃহে। দল ঝৈঁধে যেতেন কোনোদিন সিনেমায়, কোনোদিন এপোলো বন্দর, কোনোদিন মহালক্ষ্মী মন্দির, কোনোদিন বা এলিফেণ্টার কেডস।

বস্বে তাগা করে স্বস্থান লাহোরে প্রত্যাবর্তন করলেন ব্যানাজী দম্পতি। আধারকার রইলেন বস্বেতে ফিরে গেলেন আপন কপহীন রসহীন, বৈচিত্র্যবর্জিত জীবনের ক্রান্তিকব পুনরাবৃত্তির মধ্যে। প্রভাত আর আনে না কোনো প্রত্যাশা, সন্ধ্যায় ঘটে না কোনো প্রার্থিত সামিধা, রাত্রিতে থাকে না পরবর্তী দিবসের প্রগাঢ় প্রতীক্ষা। সুনন্দাবিরহিত নগরীর কুত্রাপি নেই কোনো আকর্ষণ, কোনোখানে নেই মধু, নেই স্বাদ।

কিন্তু বিচ্ছেদ মানেনই নয় ছেদ, যতির অর্থ নয় ইতি। অদর্শনেব সাত্বনা থাকে পত্র, বাচনেব বিকল্প লেখনে। লাহোরের সৌঁছে সুনন্দা ব্যানাজী লিখলেন,—

“মিস্টার আধারকার, নিরুপায় নিশীথে অপরিচিত আগন্তুকদের আপনি আশ্রয় দিয়েছিলেন। আতিথ্য দিয়েছিলেন অকৃপণ উদার্যে,—সে জন্য ধন্যবাদ। আপনাব সৌজন্য স্মরণে রাখব চিরকাল।”

জবাবে আধারকার লিখলেন,—

“এক রাত্রির অবস্থিতির দ্বারা ব্যাচিলরের গুহাকে আপনি দিয়েছেন সম্মান, গৃহস্বামীকে দিয়েছেন দুর্জয় মর্যাদা। কৃতজ্ঞতা তো জানাব আমি। সৌজন্যের প্রকাশ কর্মে, সেটা সহজসাধ্য; শ্রীতির প্রবেশ মর্মে, তা দূরহুলতা। মিসেস ব্যানাজী, আপনাব অনুগ্রহ বচনাটীত।”

ভরিত উত্তর এল পরের। “দেখছি, আপনাব কুশলতা শুধু আতিথেয়তায় নয়, পত্ররচনায়ও বটে। মশাই, আপনি তো চারুদন্ত নন, আপনি চাকবাক।”

এমনি করে চিঠি লেখালেখির খেলা চলে দুই পক্ষ। সে-চিঠিতে উজ্জের চাইতে অনুজ্জের ভাগ বেশী; শব্দের চাইতে অর্থের।

অভাবনীয় পরিবর্তন ঘটলো আধারকারে জীবনে। তাঁর জীবনের প্রারম্ভ থেকে এ পর্যন্ত কেটেছে পুঁথিপত্র আর কলকারখানা নিয়ে। পরীক্ষায় পাশ আব অর্থার্জন। সোনার কাঠি ছোঁয়ানো রূপকথার রাজকন্যার মতো অকস্মাৎ জেগে উঠে আজ নিজেকে তিনি প্রথম আবিষ্কার করলেন। অধীত বিদ্যার শুষ্ক পাণ্ডিত্যের মধ্যে নয়, নয় অর্জিত অর্থের বিরাট সঞ্চয়স্থলীতে। আবিষ্কার করলেন আপন উপবাসী হৃদয়ের অন্তহীন শূন্যতার মধ্যে।

কম্বহীন সন্ধ্যায় নির্জন গৃহকোণে ভাবতে ভালো লাগে যে স্মৃতি, সে সুনন্দার! সুযুগ্ম রাত্রির তিমিরস্তম্ভ প্রহরে অকস্মাৎ ঘুম ভেঙে মনে পড়ে যে-প্রসঙ্গ, সে সুনন্দার। প্রভাতে প্রথম জাগরণে স্মরণে আসে যে-মুখ, সে সুনন্দার। এ কী বিষ্ময়, এ কী রহস্য, আনন্দ-বেদনা-বিজড়িত এ কী অনির্বচনীয় অনুভূতি!

নিজের হৃদয় যতই উদ্ঘাটিত হয় নিজের কাছে, লক্ষিত হন, অনুতপ্ত হন আধারকার। শাসন করেন দুর্বল চিন্ত। পাছে কোনোদিন কোনো অসাধবান মুহূর্তে সুনন্দার কাছে ইজিতমাত্র প্রকাশ পায় মনোভাব, সে দুর্ভাবনায় শঙ্কিত হন।

“তোমাকে আর একটু জিন অ্যাণ্ড লাইম দেবে, মিনি সাহেব?” হঠাৎ থেমে প্রশ্ন করলেন আধারকার।

গ্রাসে তখনও অর্ধেকের বেশী ছিল। তুলে ধরে বললেম, “অলমতি বিস্তরেণ।”
মিনিটখানেক চুপ করে থেকে আধারকার বললেন, “আমাকে নিশ্চয়ই একটা ভিলেন মনে হচ্ছে।”

জবাবে বললেম, “আপনি আপনার কাহিনী শেষ করুন। আমি রিপোর্টার, রিফর্মার নই। মিনি-সংহিতায় বিধান নেই কোনো প্রায়শ্চিত্তের।”

স্বল্প বিরতির পর খণ্ডিত আখ্যানের অনুবৃত্তি শুরু করলেন আধারকার।

মাস তিনেক পরে মিলসংক্রান্ত প্রয়োজনে আসতে হলো লাহোরে। বলা বাহুল্য, অতিথি হলেন ব্যানাজী-ভবনে।

অতিথিকে ভারতীয়েরা সেবা করেন পুণ্যকামনায়, তাকে যত্ন করেন ভদ্রতার খাতিরে। কিন্তু অতিথিকে আপন করা যায় একমাত্র হৃদ্যতার জোরে। সে হৃদ্যতার প্রাচুর্য ছিল সুনন্দার। লাহোরে আধারকারের কাজ সমাপ্ত হলো তিন দিনে। কিন্তু বিনা কাজের শ্রদ্ধিমোচন করে একাধিকবার বার্থ রিজার্ভ ও ক্যাম্পেলেশনের পরে বাস্বতে প্রত্যাবৃত্ত হলেন তিন-চারে বারো দিন কাটিয়ে। কিন্তু যে-আধারকার বাস্ব থেকে গিয়েছিলেন এবং যে-আধারকার লাহোর থেকে ফিরলেন তাঁরা এক ব্যক্তি নন। ইতিমধ্যে তাঁর জন্মাস্তর ঘটেছে।

লাহোরে সেদিন অপবাহু বেলায় গিয়েছিলেন এক পরিচিত বন্ধু সন্দর্শনে, শহর থেকে অনেকটা দূরে। আশা ছিল সন্ধ্যার পূর্বেই প্রত্যাবর্তনের। কিন্তু এড়াতে পারলেন না অনুরোধ, নৈশভোজন সমাধা কবতে হলো সেখানে। ফেরার পথে নামল বৃষ্টি। তার উপবে বাহন হলো বিকল। টাক্সব অশ্ব ও আসন দুই-ই প্রাচীনত্বে সমান, চলতে চলতে একটি চাকা স্থানচ্যুত হয়ে ভেঙে পড়ল অকস্মাৎ; আরোহী সবলে নিষ্কিপ্ত হলেন কদমাক্ত পাথে। উত্তর ভারতে শীতকালের বর্ষগ বর্ষার প্রবল বারিপাতকেও হাব মানায়। জনহীন পথপ্রান্তে দিক্ত হলেন দীর্ঘকাল, ব্যানাজীগৃহে যখন এসে পৌঁছিলেন বাত তখন প্রায় চারটা।

মুদু আঘাত কবতেই দাব খুলে দিলেন যিনি তিনি স্বয়ং সুনন্দা।

“কোথায় ছিলে এই ঝড় বাদলাব মধ্যে ? সাবা বাত ধবে উৎকণ্ঠায় মরছি” বলতে বলতে কণ্ঠ রুদ্ধ হলো বাস্পে। ঝব ঝব ধারায় অব্যাহা অশ্রু গড়িয়ে পড়ল দুই গাঙে। আত্মসংবরণ করতে ত্বরিত অন্তর্হিতা হলেন পাশের কক্ষে।

দোর খোলাব শব্দে গৃহস্থামীর নিদ্রা ভঙ্গ হয়েছিল। তিনি দোতলার সিঁড়ি বেয়ে নেমে এসে জিজ্ঞাসা করলেন, “কী ব্যাপার ! কোথায় ছিলেন এতক্ষণ ? আমরা ভেবে ভেবে মবি, বিশেষ বিড়ুই এই দুর্যোগের রাত্রিতে কোথায় কী হয়। সুনন্দা তো এক মিনিটেও জন্য বিছানায় যায়নি, কেবল বারান্দায় এদিক ওদিক কবেছে। একটু শব্দ হলেই টাক্সা এল ভেবে নীচে যায়।”

আধারকার বাহনবিভ্রাট বিবৃত করলেন সবিস্তাবে, ক্ষমা প্রার্থনা করলেন নিজ বিলম্বের জন্য। সুনন্দা বেরিয়ে এসে গম্ভীর কণ্ঠে বাধা দিয়ে বললেন, “ভিজ়ে জামা-কাপড়গুলি ছাড়া হবে কি ? টাক্সার চাকা ক’ইঞ্চি ভেঙেছে, যোড়া ক’গজ লাফিয়েছে সে সব কাহিনী কাল সকালে ব্যাখ্যান করলে কিছু মহাভারত অশুদ্ধ হবে না। মাথা থেকে এখনও জল ঝবেছে, নিউমোনিয়া না বাধালে বোধ হয় বাহাদুরিটা পুরা হবে না।”

বোঝা গেল, শাসনকর্ত্তী নেপথ্যেই ছিলেন, টাক্সা দুর্ঘটনাব বিবরণ শুনেছেন স্বকর্ণে।

আপন শয়নকক্ষে এসে নিদ্রার চেষ্টা করলেন আধারকার। ঘুম এল না। মুদ্রিত কমল-কলিকায় পার্শ্বে গুঞ্জনরত লুদ্ধ ভ্রমরের মতো মন বারংবার কেবলই প্রদক্ষিণ কবে ফিরতে লাগল একটি কক্ষপথে। অতিথির বিলম্ব গৃহকর্ত্তীর এই ব্যাকুল উৎকণ্ঠা, বিনিদ্ৰ নয়নে এই সুদীর্ঘ প্রতীক্ষা, সকোপন অভিমান-জড়িত এই শাসন এবং সর্বোপরি এই অশ্রুধারা প্রাবিত আননের মধ্যে দিয়ে নারীহৃদয়ের কোন গোপন রহস্য আজ অকস্মাৎ উদ্ঘাটিত হলো ? শয্যা ত্যাগ করে আধারকার বাইরে এসে দাঁড়ালেন।

রাত্রি বিগতপ্রায়। তারকাহীন নভস্তল মেঘমালায় আবৃত এবং দিগন্তবর্তী তরুশ্রেণী বিলীয়মান রজনীর ঈষৎ ঘন অন্ধকারে আচ্ছন্ন। আসন্ন প্রভাতের প্রতীক্ষারত ধরণীর এই প্রশান্ত গম্ভীর মূর্তির

মুখোমুখি দাঁড়িয়ে আধারকার যেন আজ তাঁর জীবন-দেবতার প্রসন্ন কলাগণ করস্পর্শ প্রথম অনুভব করলেন ললাটে। দুই হাত যুক্ত করে প্রণাম করলেন কাকে তা তিনি নিজেই জানেন না। শুধু “আমি ধন্য, আমি ধন্য” এই বাক্য তাঁর উদ্বেল অন্তরের অন্তর্জল থেকে উদ্ভিত একটি মহান সঙ্গীতের মতো দ্যুলোক, ভুলোক পরিব্যাপ্ত করে বিশ্বলোকের বীণাতন্ত্রীতে অনাহত রাগিণীতে ধ্বনিত হতে লাগল।

আধারকার থাকেন বস্বেতে, সুনন্দা থাকেন লাহোরে। প্রায় এক হাজার মাইলের ব্যবধান। কিন্তু যোজনা গণনা করে নয় দূরত্ব, নৈকট্যের নির্দেশ হৃদয়ে। হৃদয়ের সে অদৃশ্য যোগাযোগের নিবিড় বন্ধনে বহুদূরবর্তী এই দুটি নরনারী পরস্পরের কাছে রইলেন নিকটতম।

সুনন্দা একদিন কথাচ্ছলে বলেছিল, “চারু, ইংরেজীতে কথা কয়ে সুখ নেই। আমি যদি মারাঠি বলতে পারতাম তবে বেশ হতো।”

আধারকার বললেন, “পর্বত যদি মহম্মদের কাছে না আসতে পাবে, মহম্মদ যাবে পর্বতসকাশে।”

অসাধ্য সাধন করলেন আধারকার। ছ’মাসে শিখলেন বাংলা, বৎসরকালে কণ্ঠস্থ করলেন রবীন্দ্রনাথের কাব্য, দু’বছরে সাক্ষর করলেন পঠনযোগ্য সমুদয় বাংলা সাহিত্য।

আধারকারের পরিজনদের পরলোকগত। এক বোন স্বামী-পুত্র নিয়ে আছে কঙ্কনে। তার সঙ্গেও যোগাযোগ সুদৃঢ় নয়। এতকাল বৃন্তহীন পুষ্পব মতো আপনাতে আপনি সম্পূর্ণ ছিলেন আধারকার। কর্মে, চিন্তায়, জীবনযাপনে ছিলেন স্বাধীন। এবাব সে-স্বনিয়ন্ত্রিত জীবনের ধারা হলো বদল। বসে থেকে চিঠি লেখেন লাহোরে, “নন্দা, বাড়ির বেয়ারাটা ছুটি চাইছে তিন মাসের আগাম মাইনে সমেত, দেবো কিনা লিখো।” কিংবা লেখেন, “মালবার হিলসে ওয়ালকেশ্বর রোডে একটা বাড়ি বিক্রি হচ্ছে সম্ভব। কিনব কি?”

নিজের ভালো-মন্দের সমস্ত দায়িত্ব, সমস্ত ভাবনার ভার দিয়ে নিশ্চিন্ত হলেন এক দূরবর্তিনী নিঃসম্পর্কীয়া অভিভাবিকার হস্তে, কিছুদিন মাত্র আগেও যিনি ছিলেন সম্পূর্ণ অপরিচিত। আত্মসমর্পণে যে এত সুখ, নির্ভরতায় যে এত প্রশান্তি, তা কখনও জানেননি এর আগে।

চৌদ্দ

ব্যবসায়িক প্রয়োজনে আধারকারকে যেতে হলো বিলাতে। লাহোর থেকে সপত্নীক ব্যানার্জী সাহেব এসে জাহাজে তুলে দিয়ে গেলেন ব্যালার্ড প্যারারে।

দিন গেল, মাস বিগড়, বৎসরও অতীত প্রায়। বিরহ বেদনায় পীড়িত যে-দিনগুলি অন্তহীন মনে হয় প্রথমে, তারও শেষ আছে। আধারকার প্রত্যাবৃত্ত হলেন স্বদেশে। অবিলম্বে গেলেন লাহোরে।

অভ্যাগের প্রভাত। ট্রেনের কামরায় ঘুম ভেঙে গিয়ে আধারকার বাইরে তাকিয়ে দেখলেন, নির্মেষ আকাশে সূর্যোদয়ের স্বর্ণচ্ছটা বিচ্ছুরিত। শাল তরুর কোমল শ্যামল পল্লবদল শিলিরাড়ি বাতাসে মৃদু কম্পিত। টেলিগ্রাফের তারের উপরে উপবিষ্ট একজোড়া খঞ্জনী পক্ষিশাবক ঘন ঘন পুচ্ছ-আন্দোলনরত। অকারণ খুশিতে ভরে উঠল তাঁর মন।

অপরাহ্নে লাহোরে স্টেশনে পৌঁছে দেখলেন একা ব্যানার্জী সাহেব এসেছেন অভ্যর্থনায়। বাড়ি পৌঁছে বেয়ারার হাতে পেলেন চিঠি। অতি পরিচিত অক্ষরে অনুপস্থিতির জন্য ক্ষমা প্রার্থনা। এক বিশেষ জরুরী কাজে একটি মহিলাকে নিয়ে যেতে হলো এক জায়গায়, চায়ের ব্যবস্থা রইল বেয়ারার কাছে, আধারকার যেন চা খেয়ে নেন। সন্ধ্যার মধ্যেই ফিরবেন তিনি।

শুধু চায়ের ব্যবস্থা নয়, স্নানের ঘরে বাথ-টবে ধরা আছে জল, টাওয়েলর্যাকে ধবধবে তোয়ালে, সোপ-কেসে আছে আনকোরা সুগন্ধি সাবান। শয়নকক্ষে পরিপাটি বিছানা, খাটের পাশে ছোট টিপাইর উপরে সুদৃশ্য টেবিলল্যাম্প ও খানকয়েক সদা প্রকাশিত ইংরেজী উপন্যাস, মায় জয়পুরী ফুলদানীতে সযত্নে বিন্যস্ত আধারকারের প্রিয় শ্বেত করবীগুচ্ছ।

অতিথির পরিচর্যা. আদরে, আপ্যায়নে লেশমাত্র ত্রুটি নেই কোনোখানে। তবুও কেন যে

অকারণ বেদনার ছায়া ঘনায় মনের দিগন্তে আধাবকার নিজেই তা জানেন না। প্রবাসে কতদিন নিদ্রাহীন রজনীতে কল্পনা করেছেন আজকের এই মুহূর্তটি। কী বলবেন, তা নিয়ে মনে মনে পর্যালোচনা করেছেন, কত বার। দীর্ঘ বারোমাসের পুঞ্জীভূত কথার মধ্যে কোনটি বলবেন সবাত্রে কোন প্রশ্ন, কোন সংবাদ দেবেন ও নেবেন, তাই নিয়ে অবসরক্ষেপে ভেবেছেন কতদিন। দেখা হলে যে-কথা ভেবে রেখেছিলেন, তা হয়তো যেতো তলিয়ে, অতি প্রয়োজনীয় ক্ষমতাব্য রহিত চাপা, হয়তো শুধু উচ্চারণ করতেন ছোট্ট একটি সাধারণ প্রশ্ন “কেমন আছ?” তার কিছুই হলো না। খচখচ করতে লাগল আধারকারের মন। হেমন্তের দিনটি যে অপরিসীম আনন্দের অর্থ নিয়ে শুরু হয়েছিল, সে আনন্দ নিয়ে যেন শেষ হলো না।

আধারকার সাতদিন রইলেন লাহোরে। সুনন্দার সেবা, যত্নে ও আতিথেয়তায় রক্ত মাত্র রইলো না কোথাও, কিন্তু তবুও যেন আগেকার সে সুর বাজল না আধারকারের মর্মে, রস সম্ভারিত হলো না অতিথির মনে। কোথায় রইল ঝাঁক, কোনখানে ঘটল ব্যত্যয়, তার নিশানা পাওয়া গেল না। শুধু ব্যথা জেগে রইল হৃদয়ের নিভৃততম গহ্বরে। যে-অভাব চোখে দেখা যায় না অথচ বৃকে বোঝা যায়, তার বেদনা দূর করার উপায় কী?

সুনন্দা কি বদলেছে? কই বোঝা তো যায় না। কিন্তু মন বলে, কী যেন নেই। অতি সামান্য বিষয় কাঁটার মতো বিধে আধারকারের মনে, কুশের অঙ্কুর সম ক্ষুদ্র, দৃষ্টিঅগোচর, তবু তীক্ষ্ণতম। কিন্তু সেগুলি এমনই অকিঞ্চিৎকর যে, তা নিয়ে নালিশ করতে গেলে হাস্যকর ঠেকে। আধারকারের স্কাটের যে একটা বোতাম ছিড়েছে তা যদি একদিন সুনন্দার চোখে না পড়ে থাকে তাতে বিশ্বাসের কিছুই নেই। একটা মস্ত সংসারের সমস্ত পরিচালনভার যে-গৃহিণীর মাথায়, তার পক্ষে সেটা অস্বাভাবিক নয়। এটা যুক্তির কথা। কিন্তু মানুষের মন তো ইশাক্‌টিভ লজিকের পাঠ্য কেতাব নয়। সে ফস করে পান্টা প্রশ্ন করে বসে, কই, আগে তো এমন চোখে না পড়তে দেখিনি কখনও।

লাহোর ত্যাগের দিন আধারকার বিদায় সম্ভাষণ জানাতে গেলেন ব্যানাজীদের এক বন্ধু-পরিবারে। সে-গৃহে আধারকারের সম্প্রীতি জন্মেছিল সুনন্দাদেরই বন্ধুতাসূত্রে। গৃহস্বামীর কন্যা বললেন, “আজই যাচ্ছেন কী বকম? এলেন তো এই সে দিন!”

“সে-দিন আর কোথায়, দিন দশকে তো প্রায় হলো!”

“দশ দিন? কক্ষনো নয়, আমি বলছি অনেক কম। সাত দিন। আচ্ছা বাজী রাখুন? আপনি এসেছেন গেল শনিবারে, সেই যেদিন সুনন্দাদি, রাণু মাসিমা, আমরা সব সিনেমায় গেলাম।”

“সিনেমায় গেলে?”

“হ্যাঁ, রাণু মাসিমা এসেছিলেন এখানে বেড়াতে! তিনি সেন্ট এন্ড্রুজে সুনন্দাদির সঙ্গে এক ক্লাসে পড়তেন তো? তিনি ধরলেন সিনেমায় যেতে হবে। টিকিট কেনা হয়ে গেছে পর খবর এল আপনি আসছেন ঐ দিনই বিকালে। সুনন্দাদি তাই যেতে চাইছিলেন না, কিন্তু রাণু মাসিমা চলে যাবেন পরদিন সকালে। কাজেই শেষটায় অনেক বলাতে রাজী হলেন। কই আপনি শুনছেন না তো, কী ভাবছেন? বাজী হেরেছেন কিন্তু।”

আধারকারের মুখে-চোখে যে বেদনার ছাপ সুস্পষ্ট হলো, তাকে বাজীতে হেরে যাওয়ার শোক মাত্র বলে গণ্য করা কঠিন। কিন্তু বাড়ি ফিরে এ প্রসঙ্গ উত্থাপন করলেন না একটুকুও।

আধারকারকে ট্রেনে তুলে দিতে সে-দিন সন্ধ্যায় যথারীতি স্টেশনে এসেছিলেন স্বামী স্ত্রী। ওয়েটিং রুমের একান্তে সুনন্দা জিজ্ঞাসা করলেন, “তোমাকে আজ সারাদিন এত আনমনা দেখাচ্ছে কেন? কী এত ভাবছো বলো তো?”

আধারকার চমকে উঠে তৎক্ষণাৎ আত্মসংবরণ করে বললেন, “কই, না, তো!”

ট্রেন ছাড়ল। প্ল্যাটফর্মের উপর রুমাল সঞ্চালনরত বাঙ্কব-বাঙ্কবীদের মূর্তি দূর হতে দূরতর, ক্ষীণ হতে ক্ষীণতর হয়ে অন্ধকারে মিলিয়ে গেল। ডিস্ট্যান্ট সিগন্যালের লাল আলোটা ধীরে ধীরে চলে গেল দৃষ্টির অন্তরালে।

বার্থে ক্লান্ত দেহ এলিয়ে দিয়ে আধারকার ভাবতে লাগলেন সেই একই কথা যা আজ সকাল

বেলা থেকে কিছুতে তাড়াতে পারছেন না মন থেকে। কেমন করে সম্ভব হলো তার আগমন দিনে সুনন্দার পক্ষে বাজ্বীসজ্জা ? প্রিয়সামিধার চাইতে বড় হলো সিনেমা ? টিকিট কেনা ছিল ? কত লক্ষ টাকা দাম সে টিকিটের ? কথা দেওয়া হয়েছিল বাজ্বীকে ? কথা কি ভাঙা যায় না কিছুর জন্যই ? কই আধারকার তো কল্পনা করতে পারে না এমন কোনো এনগেজমেন্ট যা সুনন্দার অভ্যর্থনার জন্য সে অগ্রাহ্য না করতে পারে অবহেলে। এক বছর পরে সুনন্দা যদি আসত লণ্ডন থেকে পুণায়, কিংবা ধরো লাহোর থেকে বস্বেতে, আধারকার কি তার নিকটতম বন্ধুর অনুরোধ এড়াতে না, মাথাধরা বা শরীর খারাপের কল্পিত অজুহাত দেখিয়ে ? প্রিয়জনের জন্যে মিথ্যাভাষণও কি নেই সুখ ?

বেশ তো, না হয় ধরে নেওয়া চ্যালেঞ্জ, বালাবন্ধুর কাছে প্রতিশ্রুতি ভঙ্গ করা সম্ভব ছিল না। আগেভাগে টিকিট কেনা ছিল, যেতে হয়েছে সিনেমায়। এতে দোষ কিছুই নেই। কিন্তু তার জন্য গোপনীয়তার আবশ্যক ছিল না, ছিল না জরুরী কাজের দোহাই দিয়ে এই মিথ্যা ছলনাব !

বস্বেতে মন বসল না কাজে, তিষ্ঠিতে পারলেন না দীর্ঘকাল। আবার গেলেন লাহোরে। কিন্তু ঋণিত লয় খেয়াল গানের মতো কিছুতে পৌঁছতে পারলেন না আর সমে, বেতালা বেসরো বাজতে লাগল জীবনের রাগিণী। ভারকেন্দ্র থেকে যেন চ্যুত হয়ে পড়ল এই দুটি অনাস্থীয় নবনারীর তিন বছর ধরে দিনে দিনে গড়া হৃদয়সৌধ। ফিবে গেলেন বস্বেতে। এমন করে বারংবার যাওয়া আসা করলেন বস্বে থেকে লাহোরে, লাহাব থেকে বস্বে।

অবশেষে অত্যন্ত অপ্রত্যাশিতরূপে এই অস্থির ব্যাকুলতার একদিন ঘটল অবসান।

আধারকার আবার লাহোরে। সংশয় বেদনায় বিচলিত। অথচ প্রকাশ্য অভিযোগে নেই উপলক্ষ। কারণ সুনন্দার প্রতি আধারকারের দাবি তো অধিকারের নয়, অনুভূতির। দাবি হৃদয়ের। সে হৃদয় যুক্তি-জ্ঞানহীন শিশু মতো বারংবার কেবলই অশ্রুভাবাক্রান্ত হয়ে ওঠে। দুপুরে আপিসের কাজে বের হওয়াব কালে সে-দিন সুনন্দা কাছে এসে দাঁড়ালেন না, আগেব মতো এগিয়ে দিলেন না ক্রমাল, ফাউন্টেন পেন, হাতেব ঘড়ি ও পকেটেব পার্স। ঝি বললে, “মেমসাব রসুইমে আলু বনাতী হৈ।” পরদিন সন্ধ্যাবেলা আপিস প্রত্যাগত আধারকার কাউকে প্রতীক্ষমা না দেখলেন না দোতলার বারান্দায়। শুনলেন খোবাব কাপড় মিলিয়ে নিতে ব্যস্ত আছেন মেমসাব।

রাগ করার কিছুই নেই, এতে। কিন্তু অভিমানাহত মন বলে, কই ইতিপূর্বে কখনও তো ঘটেনি এমন দুর্ঘটনা। আধারকারের নির্গমন-আগমনক্ষেণে কোনো দিন দেখা যায়নি বন্ধনশালায় আলু কর্তনের প্রতি গৃহিণীর এই অপ্রতিরোধ্যনীয় অনুবাগ এবং বজ্রকের অপহরণপ্রবণতাব বিরুদ্ধে মেম সাহেবের এই সতর্ক পাহারা।

ব্যানাজীর আপিসে কাজের চাপ ছিল বেশী, প্রত্যাগমনে ঘটবে বিলম্ব। সন্ধ্যাব প্রাক্কালে আধারকার প্রস্তাব করলেন, “চল বেরিয়ে আসি সাহাদারা গার্ডেনস্।”

সুনন্দা বললেন, “না।”

তবু পীড়াপিড়ি করলেন আধারকার।

“কেন, চল না।”

“না, একা তোমার সঙ্গে দেখলে লোকে কী বলবে?”

বিশ্বাস্যে হতবাক হয়ে রইলেন আধারকার। সদুর অতীতের কথা নয়, স্মৃতিকে করতে হবে না মন্থন। এই তো বিলেত যাওয়ার আগেও কতদিন দুজনে গেছেন সালিমার বাগে, সিনেমায়, জুহুব সমুদ্রতীরে, বসের রেষ্টোরাঁয়। সুনন্দা নিজে উদ্যোগ করে নিয়ে গেছেন অমৃতসবের স্বর্ণমন্দির দর্শনে, ব্যানাজী রয়েছেন লাহোরে। সে-দিন কোথায় ছিল লোকেরা, কোথায় ছিল তাদের মন্তব্যের প্রতি সহচারিণীর এই অসাধারণ শ্রদ্ধা ?

লোকে দেখলে কী বলবে ? হায়রে এ প্রশ্ন আধারকারই আগে তুলেছিলেন একদিন অতীতে !

বস্বেতে সেবার শীতের শেষে বসন্ত রোগের প্রাদুর্ভাব হলো মহামারীরূপে। আধারকারের গায়ে বেরুল গুটিকা। কী জানি কেমন করে খবর পৌঁছল লাহোরে। পরদিন সন্ধ্যাবেলায় সুনন্দা এসে

হাজির হলেন আধারকাবের ফ্যাটে। আধারকার বিস্মিত হয়ে বললেন, “তুমি?”

শঙ্কা, স্নেহ ও অভিমান জড়িত কণ্ঠের উত্তর শুনলেন, “তা ছাড়া আব দূভোগ আছে কার? ক’দিন হয়েছে?”

“দিন চারেক, কিন্তু আমি তো খবর দেব না বলেই ঠিক ক’বেছিলাম।”

“তা করবে না? তা না হলে আর আমাকে ভাবিয়ে মারবে কেমন করে?”

আধারকার উৎকণ্ঠিত কণ্ঠে বললেন, “এই ছোয়াচে রোগ, এর মধ্যে আসবার মন্ত্রণা দিল কে তোমাকে?”

‘ক্রুদ্ধ হয়ে সুনন্দা বললেন, “দেখ, আমাকে রাগিও না বলছি। মন্ত্রণা দিয়েছে কে? মন্ত্রণা দিয়েছে আমার অদৃষ্ট।” খানিক থেমে জিজ্ঞাসা করলেন, “চাকর বাকব হতভাগাগুলো গেছে কোন চুলোয়?”

“বার্টি আর বেয়ারটা পালিয়েছে ভয়ে। মাদ্রাজী ডাইভারটা আছে। সে-ই ওষুধপত্র আনে।”

“খাসা ব্যবস্থা, শুধু খবরের কাগজে ‘শোক সংবাদ’ ছাপাটুকুই যা বাকী”, বলে সুনন্দা গেলেন ড্রাইভারের সন্ধানে। তাকে নিয়ে ট্যাক্সি থেকে মালপত্র আনলেন উপরে। ঘরদোর করলেন আবর্জনামুক্ত, ধুলিহীন। বিছানা ঝেড়ে মুছে নতুন করে রচনা করলেন, স্বহস্তে রোগীর পথ্য তৈরী করলেন পবম নৈপুণ্যে।

আধারকার জিজ্ঞাসা করলেন “ব্যানাজীকে দেখছি না যে?”

“তিনি তো আসেননি।”

“আসেননি? তুমি এসেছ কাব সঙ্গে?”

“কারো সঙ্গে নয়, একা।”

“মানে?”

“মানে আবার কী? উনি, গেছেন ট্যাবে, ফিরতে দেবী হবে দিন পাঁচেক। তোমাব লাহোরের এজেন্টের সঙ্গে পরশু সকালে দেখা হয়েছিল এক দোকানে। তার কাছে খবর পেলেম অসুখের। বাড়িতে তালো ঠাণ্ডে দুপুর সাড়ে এগারোটোর ট্রেন ধরেছি ছুটতে ছুটতে। ওঁকে টেলিগ্রাম করে দিয়ে এসেছি এখানে বওনা হতে।”

বিস্ময়ে অভিভূত আধারকার বললেন, “ব্যানাজী রাগ করবেন না?”

“হয় তো ক’বেবেন।”

কিছুক্ষণ চুপ ক’বে থেকে আধারকার বললেন, “লোকেই বা বলবে কী? ব্যানাজী ফিরে না আসা পর্যন্ত অপেক্ষা ক’বেল না কেন? একা চলে এলে কেন?”

বিরক্ত কণ্ঠে সুনন্দা বললেন, “এসেছি আমাব ইচ্ছে। লোকের ভাবনা ভেবে তোমার মাথা গরম করতে হবে না। তুমি চুপ করে ঘুমাও তো এখন।” বলে শয্যাপার্শ্বের চেয়ার ছেড়ে উঠে জানলার কাছে গিয়ে দাঁড়ালেন।

ঘরের মধ্যে আলো বেশী ছিল না, রোগীর দৃষ্টি থেকে আড়াল করার জন্য টেবিলল্যাম্পের একটা দিক খবরের কাগজ দিয়ে ঢাকা। পশ্চাৎ থেকে সুনন্দার মুখের অংশমাত্র দেখা যায়। কিছুক্ষণ পূর্বে সুনন্দা মান ক’বেছেন। আর্দ্র কুণ্ডলদল পিঠের উপর অযত্নবিস্তৃত। পরিধানে দেশী তাঁতের একটি শাড়ি। বামস্কন্ধের উপর তার অবিন্যস্ত বক্সিম অঞ্চলপ্রান্তের অন্তরাল থেকে নিটোল সুকুমার বাহুটি অনবদ্য ভঙ্গিতে লম্বিত। উন্নত গ্রীবার নিকটে সূক্ষ্ম একটি স্বর্ণহারের একটুখানিমাাত্র আভাস। মৃদু দীপালোকিত কক্ষে বাতায়নবর্তিনীর এই মৌন মূর্তিটি রোগশয্যাশায়িত আধারকারের কাছে একটি পরম নিশ্চিত আশ্বাসের মতো প্রতীয়মান হলো। দুজনের কেউ আর কোনো কথা বললেন না। শুধু উভয়ের উদ্বেল হৃদয়ের গভীর ভাবাবেগ সমাজ-সংসারের সমস্ত ক্ষুদ্রতা ও কলঙ্কের উর্ধ্বে দেবমন্দিরের পবিত্র হোমায়ির মতো যেন জ্বলতে লাগল একটি অনিবার্ণ অদৃশ্য শিখায়।

পরের দিন ব্যানাজীও এসে পৌঁছলেন। আধারকারের বসন্ত আসল নয়, চিকেন। কিন্তু রোগমুক্ত হতেই সুনন্দা জোর করে নিয়ে গেলেন লাহোরে এবং পক্ষাধিককাল পূর্বে আধারকার ছাড়া পেলেন না বসন্তে ফিরতে।

সে-দিনের সুনন্দার দৃষ্টি ছিল না বাইরে, গ্রাহ্য ছিল না লোকপন্যাসের, মন ছিল ইতরজনের নিন্দা-প্রশংসার অতীত। সংসারে ছিল না আসক্তি, গৃহকর্মে ছিল না আকর্ষণ, স্বামীতে ছিল না মনোযোগ। কতদিন আধারকার স্বরণ করিয়ে দিয়েছেন সুনন্দাকে, “এই, ব্যানাজী এসেছে আপিস থেকে। যাও, দেখগে তার কী চাই।”

সুনন্দা বলেছেন, “আচ্ছা, হয়েছে হয়েছে। তোমাকে আর গিল্পীপনা শেখাতে হবে না। তুমি ব্যানাজীর দ্বিতীয় পক্ষের স্ত্রী কি না?”

সেদিনের সুনন্দা নহে মাতা, নহে কন্যা, নহে বধূ। সে শুধু প্রণয়িনী। সে তো সুনন্দা ব্যানাজী নয়, সে সুনন্দা প্রিয়দর্শিনী।

সুনন্দারা হিন্দু নয়, খ্রীষ্টান। বহু বর্ষ পূর্বে তাঁর পিতামহ এসে স্থায়ী আবাস গড়েছিলেন লাহোরে। সুনন্দা মানুষ হয়েছেন যুরোপীয় আবেষ্টনে, বিদ্যাভ্যাস করেছেন শ্বেতাঙ্গদের কন্ভেন্টে, পরিশীলিত হয়েছেন খ্রীষ্টীয় প্রথায়। তাঁদের সমাজে তরুণীরা অবগুণ্ঠনবতী নয়, স্ত্রীরা নন অঙ্কুশপরিহা। পুরুষের অবাধ সাহচর্য সেখানে নিষিদ্ধ নয়, বাইরে বন্ধুসঙ্গ নয় নিষিদ্ধ। এমনকি বিবাহবিচ্ছেদ এবং পুনর্বিবাহও সামাজিক অস্ত্রায় ছিল না সুনন্দার।

কঠোর ভিত্তি সত্য হৃদয়ঙ্গম করলেন আধারকার। মোহভঙ্গ হয়েছে সুনন্দার। সুখার পাত্র হয়েছে রিক্ত। মন্থন করলে আর উঠবে না মধু, উঠবে হলাহল।

সে-দিন অপরাহ্ন বাড়ি ফিরবার উৎসাহ ছিল না আধারকাবের। টেলিফোন করে জানিয়ে দিলেন ফিরতে বিলম্ব হবে তাঁর। বহুক্ষণ লক্ষ্যহীনভাবে ইতস্ততঃ পরিভ্রমণ করে অবশেষে উপস্থিত হলেন ম্যালের পাশে সিনেমা হলের সম্মুখে। কী! যেন-কী খেয়াল হলো, টিকিট কিনে প্রবেশ করলেন ভিতরে। ছবি তখন শুরু হয়ে গেছে। অঙ্ককার ঘবে টিকিট চেকার বসিয়ে দিয়ে গেল একটা আসনে। নির্বাক চিত্র। কিড্‌ডু শব্দে প্রজেক্টরের আওয়াজ শোনা যায় স্পষ্ট। দর্শকদের আলাপ, আলোচনা, মন্তব্যেরও বাধা থাকে না।

হঠাৎ নিজের নাম কানে আসতে চমকে উঠলেন আধারকার। সামনের সাবিত্রে কারা বসেছেন অঙ্ককারে তা দৃষ্টিগোচর নয়, কিন্তু তাঁরা যে পুরুষ নন সে বিষয়েও সন্দেহ থাকে না। আধারকার উৎকর্ণ হয়ে শুনলেন।

“বাই বলিস ভাই, এডম্যারার-এর সংখ্যা আর বাড়াসনে। আধারকার বেচারার তো মরেছে তোর হাতে, আর কেন?”—চাপা কণ্ঠে বললেন একটি মহিলা।

উত্তর হলো, “হ্যাঁ, বলেছে এসে তোর কানে কানে।”

আধারকার আসন থেকে প্রায় পড়ে যাচ্ছিলেন মাটিতে। ভুল কবার সাধা কি ও কণ্ঠ ? এ কণ্ঠ যে তাঁর জীবন ইতিহাসের সঙ্গে জড়িত হয়ে আছে অচ্ছেদ্য বন্ধনে। প্রথম শুনেছিলেন তিন বছর পূর্বে দাদার স্টেশনে।

সখীদ্বয়ের পরিহাস পরিবাদ চলতে লাগল মৃদুকণ্ঠে, কিন্তু আধারকারের শ্রুতির অগোচর রইল না এক বর্ণও।

প্রশ্নকত্রী বললেন, “কানে কানে বলতে হবে কেন ? আমাদের কী চোখ নেই ? স্পষ্ট দেখতে পাচ্ছি, আর কোনো আশা নেই লোকটার।”

“ইস, বড় যে দরদ, দেখছি। ওগো করুণাময়ি, তবে তুমিই ত্রাণ কর না কেন তাকে।”

“বলিস কি ! সহিতে পারবি ? তা হলে যে তোর মুখচন্দ্রমা অমাবস্যার অঙ্ককারে ছেয়ে যাবে, বন্ধুবিচ্ছেদ ঘটবে আমার।”

“একটুও না। দিব্যি করে বলছি, আমার তাতে কি আসে যায় ? বরং ছাড়া পেলে হাঁপ ছেড়ে বাঁচি।” কণ্ঠ পরিহাসতরল নয় এবার।

প্রশ্নকত্রী নিজেও বোধহয় কিছুটা বিস্মিত হলেন। কৌতুক পরিহার করে বললেন, “কেন ভাই, আধারকারকে তো বেশ ভালো লোক মনে হয়। ভদ্র, শিক্ষিত, বিস্তালালী অথচ স্নব নয়,—বেশ সিম্পল।”

“সিম্পল নয়, সিম্পটন। কাণ্ডজ্ঞান নেই এতটুকু। সব জিনিষই অত্যন্ত সীরিয়াসলি নেবে।

কবে কখন fun করে কী বলেছি, কী করেছি, সেটাকেই মনে করে বসেছে, আমি ওর প্রেমে পড়েছি। ইডিয়ট! সত্যি বলছি তোকে, আমি ক্রমশঃ যেন টায়ার্ড হয়ে উঠছি।”

হঠাৎ ছবির স্পুল ছিড়ে গিয়ে ছবি হলো বন্ধ, আলো জ্বলে উঠল প্রেক্ষাগৃহের। সে আলোতে দেখা গেল আলাপ আলোচনারত বান্ধবীদ্বয়কে অদূরবর্তী আসনে।

মিনিট পাঁচেকের মধ্যে জোড়া-দেওয়া ফিল্ম শুরু হলো। আবার অডিটরিয়ামের বাতি দেওয়া হলো নিভিয়ে।

ছবির আখ্যান-ভাগ এক তরুণী শ্রেষ্ঠিকন্যার প্রণয়কাহিনী। তাঁর দরিদ্র প্রেমাস্পদ চলে যাচ্ছেন দূরদেশে জীবিকার প্রয়োজনে। সন্ধ্যাবেলায় পরিজনের অলঙ্কিতে উদ্যান-বাটিকায় তরুণী সন্ধ্যা করলেন তাঁর সঙ্গে। পিতৃগৃহ পরিত্যাগ করে সঙ্গিনী হতে চাইলেন দয়িতের। কিন্তু তরুণ চায় না ধনীকন্যাকে দারিদ্র্যের মধ্যে টেনে আনতে। বলে, আমাকে ভুলে যেও। মনে কবো,—এক সন্ধ্যায় অপ্রত্যাশিতরূপে দুজনে দেখা হয়েছিল এক পাশ্চাত্যশালায়, রূপিত প্রভাতে যাত্রীরা চলে গেছে। নিজ নিজ বিভিন্ন পথে। আর দেখা হবে না কোনো দিন।

শ্রেষ্ঠিকন্যার প্রেম গভীর। ঐহিক সুখ-স্বচ্ছন্দের প্রশ্ন তাঁর কাছে হুচ্ছ, দৃষ্টি নেই মগ্ন মুক্তা বিলাসোপকরণ বা ঐশ্বর্যসম্ভারে। থাকে প্রাণ সমর্পণ করেছেন, তাঁব বিহনে প্রাণ ধারণ করবেন কেমন করে? হে নিষ্ঠুর যদি ফেলে যাও এ অভাগিনীকে, পায়ের দলে যাও কোমল হৃদয় তবে জেনো মৃত্যু তার অবধাবিত।

দর্শকগণ রুদ্ধশ্বাস প্রতীক্ষায় সম্মুখের পর্দায় নিবদ্ধদৃষ্টি।

প্রণয়ব্যাকুলা বমণীর এই আত্মসমর্পণে কী কববে তরুণ নায়ক? প্রচুর পাউডারপ্রলিপ্ত নায়িকার গওদেশে ঠাস করে একটি সবল চপেটাঘাত করলে আধারকার সব চেয়ে খুশি হতেন। কিন্তু তা কেমন করে হবে? ছবিতে দেখা গেল, অকণ্ঠে উঠেছে পূর্ণিমা চাঁদ, মাধবীলতায় ফুটেছে গুচ্ছ গুচ্ছ ফুল, পবনস্পরের চঞ্চুতাড়না দ্বারা প্রণয় নিবেদন করছে তরুণীকে উপবিষ্ট ক্রৌঞ্চমিথুন এবং উদ্যানের সরোবরে দুটি প্রস্ফুটিত পদ্ম হঠাৎ দু'দিক থেকে ভাসতে ভাসতে এসে মিলল একসঙ্গে। ভাবতী সিনেমার এই চিত্রপরিচিতি পারিপার্শ্বিকে ছায়াচিত্রের নায়কবো চিরকাল যা কবে থাকে তাই করল তরুণ। বাহুবল্লভে আবদ্ধ কবল নায়িকাকে দুজনে হাত ধরাধরি করে রওনা হলো। কোথায়, তা অবশ্য একমাত্র চিত্রপরিচালকই জানেন! বিমুক্ত দর্শকবৃন্দের সম্মন করতালি ধ্বনিতে মুখরিত হয়ে উঠল প্রেক্ষাগার শেষ হলো নাটিকার।

সকলের অলঙ্কিতে আধারকার নিষ্ফ্রান্ত হলেন প্রেক্ষাগৃহ থেকে। মনে মনে বললেন, একমাত্র নাটকের মধ্যেই সম্ভব এই অবাস্তব কাহিনীর অবতারণা। সেখানে তো সত্যিকারের জীবন্ত মানুষের মুখোমুখি হওয়ার দায় নেই। তাই তার কল্পিত নায়িকার পক্ষে কোনো অসম্ভব আচরণ বা কোনো অস্বাভাবিক উক্তি করতেই বাধা নেই। তা শুনে আমরা বিমুক্ত দর্শকরাও ‘এক্সটার’, ‘এক্সটার’ বলে চৈচিয়ে উঠি। আমরা তো জানিনে শ্রেষ্ঠিকন্যার যে-প্রণয়নিবেদন দৃশ্য দেখে সত্যি সত্যি কান্না পড়ে। হতভাগ্য নায়ক সে তথ্য জানতে পারে দু’দিন পরে। কিন্তু সে তো দর্শকের দেখার উপায় নেই। রচিত কাব্যের বর্হিদেখে, অভিনীত নাটকের নেপথ্যে সে থাকে চিরকাল লোকলোচনের অন্তরালে। নাটকের যেখানে শেষ, জীবনের সেখানেই তো শুরু!

সেই রাত্রেই লাহোর পরিত্যাগ করলেন আধারকার।

রাত বারোটায় ট্রেন। খোয়া-বাঁধানো পথের উপর দিয়ে মস্তুর গতিতে চলেছে টাঙ্গা। এপথে কতবার আসা-যাওয়া করেছেন আধারকার। কিন্তু আজকের এই যাত্রা তো অন্য আর বারের মত নয়। তখন যাওয়ার মধ্যে থাকতো অদূরবর্তী পুনরাগমনের আশ্বাস, থাকতো পুনর্মিলনের সত্যিকার প্রতীক্ষা। আজ সে-আশা রইল না এতটুকুও। যে গৃহদ্বার এইমাত্র অতিক্রম করলেন, যে পথ রাখলেন পশ্চাতে, কদাচ তা পুনর্দর্শনের আর সম্ভাবনা রইল না।

যুদ্ধক্ষেত্রে দেখা যায়, বোমার আঘাতে আহতের একটি বাহু দেহ থেকে বিচ্ছিন্ন হয়ে পড়ে আছে অদূরে, অথচ জ্বর সংজ্ঞা হয়নি বিলুপ্ত। গ্যাঙ্গুল্যান-বাহিত সে আহত স্পষ্ট দেখতে পায়,

ফেলে রেখে যাচ্ছে সে আপন খতিত বাহু। আধাবকার অনুভব করলেন সেই অনুভূতি। আপন চোখে দেখতে পেলেন পশ্চাতে ফেলে রেখে যাচ্ছেন—বাহু নয়, শতধাবিদীর্ণ হৃদয়।

ফানই বটে! স্নেহ নয়, প্রীতি নয়, শোভা-গন্ধ বিমণ্ডিত হৃদয়াবেগের বাষ্প-মাত্র নয়, শুধু কৌতুক। নিষ্ফল প্রণয়ের উপশম আছে করুণায়, কিন্তু উপহাসিতের নেই সাধুনা। তার লজ্জা দুঃসহ।

এই হৃদয়হীন নারীর ছলনাকেই সত্য কল্পনা করে বিভ্রান্ত হয়েছিলেন আধাবকার,—একথা ভেবে নিজের উপরেই গভীর বিতুষ্টা জন্মাল তার। কতদিন প্রমত্ত প্রগলভতায় হৃদয়ের কত দুর্বলতা ব্যক্ত করেছেন তাঁর কাছে, কত স্বপ্ন গড়েছেন তাঁকে কেন্দ্র করে, সেসব স্মরণ করে বারংবার নিজেকে শিকার দিলেন আধাবকার।

গভীর বেদনা ও অপরিসীম লজ্জা নিয়ে আধাবকার ফিরে চললেন স্বস্থানে। অনন্ত আকাশে লক্ষ কোটি যোজন দূরের যে তারকা-শ্রেণী অনিমেষ নয়নে এই বিপুল ধরিত্রীর পানে তাকিয়ে আছে, তারা সাক্ষী রইল আব একটি সক্রিয় কাহিনীর। যুগযুগান্ত ধরে এমন কতশত অশ্রুসজল বেদনাবিধুর নাটা অভিনীত হয়েছে তাদের পলকহীন নয়নের অকম্পিত দৃষ্টিব সম্মুখে। কত খেলা গেছে ভেঙে, কত ফুল ঝরেছে ধূলায়, কত বাঁশরী হয়েছে নীরব।

এই স্বপ্নপরিসর জীবনের প্রায় সমুদয় অংশ আধাবকার কাটিয়েছেন একা। এই তো সে-দিন পর্যন্ত চাকর বেয়ারা মাত্র সম্বল ফ্যাটে আপনাকে নিয়ে আপনি ছিলেন মগ্ন। আজও আবার সেই নিঃসঙ্গ একাকিত্বের মধ্যেই প্রত্যাবর্তন করলেন। অথচ এ দুয়ের মধ্যে কি অপরিসীম প্রভেদ। আকাশ আজ নিঃশেষে শূন্য, বাতাস আজ নিরর্থক, এই জনাকীর্ণ পৃথিবীর সমাজ ও সংসাবেব যাবতীয় কর্ম বিশ্বাস ও ক্লাস্তিকব।

নিজের অতীত, বর্তমান ও ভবিষ্যতের দিকে চেয়ে দেখলেন আধাবকার। একটা বিরাট মরুভূমির মতো সর্বত্র উষ্ণ। কোনোখানে নেই একটু ছায়া, একটু শ্যামলিমা, একটু আলোক আধার বিজড়িত স্নিগ্ধতার চিহ্ন লেশ।

আধাবকার মুখই বটে। কাঁচকে ভেবেছিলেন হীরা, সদ্য টাকশাল থেকে নির্গত উজ্জ্বল তাম্রখন্ডকে ভ্রম করেছিলেন গিনি বলে। গান্ধীজির একটা লেখা চোখে পড়ল, আধুনিকাদের সম্পর্কে। তারা নাকি প্রত্যেকেই নিজেকে ভাবে একটি জুলিয়েট, এক সঙ্গে আধ উজন বোমিওব প্রণয়িনী। আধাবকারের মনে হয়, এতদিনে যেন অর্থ পেলেন।

‘কিন্তু নিশ্চিন্ত হতে পারেন না একেবারে। আবার সংশয় জাগে চিন্তে। একাধিক বোমিওর জন্য কি দুর্ঘোষের রাত্রিতে উৎকণ্ঠায় বিন্দ্র রজনী যাপন করা যায়? সম্ভব হয় তাদের অসুখের সংবাদে স্বামী সংসার ফেলে একাকী একহাজার মাইল ছুটে যাওয়া!’

বসেতে ফিরে মাস কয়েক বিপুল উদ্যমে চেষ্টা করলেন আপনাকে সম্পূর্ণ বিলুপ্ত করতে কর্মের মধ্যে। মিলের কাজে খাটতে লাগলেন সকাল থেকে সন্ধ্যা। ভুলতে প্রয়াস করলেন বিগত তিন বৎসরের স্বপ্নায় স্বপ্নলোক। করতে চাইলেন নতুন করে জীবনারম্ভ। কিন্তু মন তো শিশুদের আঁক কষার স্টেট নয় যে, ইচ্ছা মতো পেলিলের আঁচড় মুছে নতুন করে সংখ্যাপাত করা যাবে। নিজের সঙ্গে দিনের পর দিন অবিরাম যুদ্ধ করে ক্ষতবিক্ষত হলেন আধাবকার। তারপর জলের দামে একদিন হঠাৎ মিল দিলেন বিক্রি করে। অন্তর্হিত হলেন বসে থেকে।

গেলেন মালায়া, রবারের বাগানে হলেন ম্যানোজার। ভালো লাগল না বেশী দিন। গেলেন সিলোনে এক কফি কোম্পানীর কর্তারূপে, টিকতে পারলেন না দু'বছর। বুয়েন্স এয়ার্সে কাজ করলেন মদের কারখানায়; সেখানেও বিরক্তি ধরল। পরিব্রাজক হয়ে দীর্ঘকাল পরিভ্রমণ করলেন। দেশ দেশান্তর। নানকিং, কানবারা, টরোন্টো, ওয়াশিংটন, লাইপৎসিগ, ব্রাসেলস্। তবু ভুলিল না চিন্ত।

নিউ ক্যাসলের এক ইংরেজ কোম্পানী থেকে এককালে নিজের মিলের জন্য আধাবকার কিনেছিলেন কিছু সাজ-সরঞ্জাম। তাদের ভারতীয় শাখার ম্যানোজাররূপে অবশেষে আধাবকার এলেন দিল্লীতে। এখানে আছেন আজ প্রায় এগারো বছর। যে মিল তিনি বিক্রি করে দিয়েছেন

কুড়ি বছর আগে, তার ম্যানেজিং ডিরেক্টর আজ কোটিপতি। সেখানে এক ডজন কর্মচারী আছে যারা আধারকারের চেয়ে বেশী-মাইনে পায়।

বছরের পর বছর হয়েছে গন্ত। জীবনের আজ অপরাহ্ন বেলায় এসে পৌঁছেছেন আধারকার। দেহে স্পষ্ট থেকে স্পষ্টতর হচ্ছে বার্ধক্যের আক্রমণ-আভাস। হৃদয়াবেগের যে-তীব্রতা যৌবনের লক্ষণ, আজ তা স্তিমিততৈজ।

যে-সুনন্দাকে আধারকার ভালোবেসেছিলেন, সে তো শুধু ঐ রক্ত মাংসের মানুষটি নয়। প্রেম আপন গভীরতায় নিজের মধ্যে একটি মোহাবেশ রচনা করে। সেই মোহেব দ্বারা যাকে ভালোবাসি তাঁকে আমরা নিজের মনে মনে মনোমত করে গঠন করি। যে সৌন্দর্য তাঁর নেই, সে সৌন্দর্য তাঁতে আরোপ করি। যে-গুণ তাঁর অভাব, সে গুণ তাঁর কল্পনা করি। সে তো বিধাতাব সৃষ্ট কোনো ব্যক্তি নয়, সে আমাদের নিজ মানসোদ্ভূত এক নতুন সৃষ্টি। তাই কুরূপা নারীর জন্য রূপবান, বিদ্বান তরুণেরা যখন সর্বস্ব ত্যাগ করে, অপর লোকেরা অবাক হয়ে ভাবে, “আছে কী ঐ মেয়েতে, কী দেখে ভুলল?” যা আছে সে তো ঐ মেয়েতে নয়,—যে ভুলেছে তার বিমুগ্ধ মনের সৃজনধর্মী কল্পনায়। আছে তার প্রণয়াজ্ঞানলিপ্ত নয়নের দৃষ্টিতে। সে যে আপন মনের মাধুরী মিশ্রায়ে কবেছে তাহারে রচনা।

আধারকারের দৃষ্টি থেকে সে-অগুন আজ বিলুপ্ত, মন থেকে সে-মোহাবেশ অপসৃত। একদিন জগতের সমস্ত কবিকুলের কল্পলোক থেকে আহৃত যে-সৌন্দর্য, যে-সুখমা, যে-বর্ণসম্ভার দ্বারা সুনন্দাকে তিনি রচনা করেছিলেন তিলে তিলে, আজ তাব লেশমাত্র নেই। প্রবঞ্চিত আধারকারের কাছে সুন্দরী আজ একজন অতি সামান্য পমণী মাত্র। কোনোখানে তার এতটুকু অনির্বচনীয়তা, এতটুকু বিশেষত্ব অবশিষ্ট নেই।

কিন্তু কী আশ্চর্য মানুষের মন! আজও ক্ষতের মূল রয়েছে গভীবে যদিও চিহ্ন গেছে মিলিয়ে। অসাবধান মুহূর্তে জোয়া লাগলে আজও কেন টনটন করে ব্যথায়? কেন নিঃশেষ হয় না স্মৃতি?

আধারকারের কাহিনী শেষ হলো।

বাকাহীন নিস্তব্ধতায় বসে বইলেম খানিকক্ষণ।

“জুজুর, টাঙ্গা ল্যানে পড়েগা?”

চমকে চেয়ে দেখি আধারকারেব ভূতা। কখন আধারকার উঠে চলে গেছেন, নিঃশব্দে, টের পাইনি একটুও। আপন জীবনেব নিগূঢ় গোপন কাহিনী ব্যক্ত করেছেন আজ এক অতি অল্প দিনের পরিচিত অসমবয়সী বন্ধুর কাছে। যখন বলে গেছেন, তখন অবগাহন করেছেন স্মৃতির ধারায়। কাহিনী সঙ্গ হতেই সে-মোহজাল ছিন্ন হয়েছে, নেমে এসেছেন বাস্তবের প্রত্যক্ষ ভূমিতে। সঙ্কোচ দেখা দিয়েছে সেই মুহূর্তে, যেই হয়েছে চোখাচোখি। তাই অদৃশ্য হয়েছেন নিঃশব্দে। সুতরাং বিদায় নেওয়াব চেষ্টা থেকে বিবত হলেম। ভূতাকে টাঙ্গা আনতে করলেম বারণ। পদব্রজে নিজাস্ত হলেম পথে।

শুরুপক্ষের অষ্টমীব চাঁদ উঠেছে মেঘশূন্য আকাশে, তার জ্যোৎস্না ছড়িয়ে পড়েছে দু’পাশের বাংলাগুলির বিস্তীর্ণ অঙ্গনে। পথ জনশূন্য, ধ্বনিবিহীন। কাছাকাছি কোথায় যেন হাসনুহানার ঝাড়ে ফুটেছে ফুল। তাব তীব্র মন্দির সুবাসে বাতাস হয়েছে উতলা আকুল, রজনী হয়েছে গন্ধবিহীন।

চলতে চলতে ভাবছিলাম আধারকারের কথা। কানে বাজতে লাগল সস্রুণ স্বীকারোক্তি, “মিনি সাহেব, আমি ইডিয়টই বটে। পরিহাসকে মনে করেছি প্রেম : খেলাকে ভেবেছি সত্য। কিন্তু আমি তো একা নই। জগতে আমার মতো মূর্খরাই তো জীবনকে করেছে বিচিত্র; সুখে দুঃখে অনন্ত মিশ্রিত। যুগে যুগে এই নির্বোধ হতভাগ্যের দল ভুল করেছে, ভালোবেসেছে, তারপর সারা জীবনভোর কঁদেছে। হৃদয়নিংড়ানো অশ্রুধারায় সংসারকে করেছে রসঘন, পৃথিবীকে করেছে কমলীয়। এদের ভুল, ভ্রুটি, বুদ্ধিহীনতা নিয়ে কবি রচনা করেছেন কাব্য, সাধক বেঁধেছেন গান, শিল্পী অঙ্কন করেছেন চিত্র, ভাস্কর পাষাণ-খণ্ডে উৎকীর্ণ করেছেন অপূর্ব সুখমা। জগতে বুদ্ধিমানেরা করবে চাকুরি, বিবাহ, ব্যাঙ্কে জমাবে টাকা, সাকরার দোকানে গড়াবে গহনা; স্ত্রী, পুত্র,

স্বামী, কন্যা নিয়ে নির্বিঘ্ন জীবন যাপন করবে স্বচ্ছন্দ সচ্ছলতায়। তবু আমরা মেধাহীনের দল একথা কোনো দিন মানবো না যে, সংসারে যে বঞ্ছনা করল, হৃদয় নিয়ে করল ব্যঙ্গ, দুখ বলে দিল পিটুলী,—তারই হলো জিত, আর ঠকল কেবল সে, যে উপহাসের পরিবর্তে দিল প্রেম।”

অতি দুর্বল সাধুনা। বুদ্ধি দিয়ে, রবি ঠাকুরের কবিতা আবৃত্তি করে বলা সহজ—“জীবনের ধন কিছুই যাবে না ফেলা, ধুলায় তাদের যত হোক অবহেলা।” কিন্তু জীবন তো মানুষের সম্পর্ক বিবর্তিত একটা নিছক তর্ক মাত্র নয়। শুধু কথা ঠেথে ঠেথে ছন্দ রচনা করা যায়, জীবন ধারণ করা যায় না।

আধারকার হচ্ছেন সেই শ্রেণীর পুরুষ, যারা কিছুই হাতে রাখতে জানেন না। এঁদের কপালে দুঃখ অনিবার্য। পলিটিশের মতো মানুষের জীবনও হচ্ছে এ্যাডজাস্টমেন্ট আর কম্প্রমাইজ। এ দারুণ ইনফ্রেশনের বাজারেও সংসারে শুধু হৃদয়ের দাম খুব বেশী নয়।

সুনন্দার পক্ষে সম্ভব ছিল না আধারকারের গতিতে তাল রেখে চলা। সে নারী। প্রেম তার পক্ষে একটা সাধারণ ঘটনা মাত্র। আবিষ্কার নয়, যেমন পুরুষের কাছে। মেয়েরা স্বভাবতঃ সাবধানী, তাই প্রেমে পড়ে তারা ঘর বাঁধে। ছেলেরা স্বভাবতঃই বেপরোয়া, তাই প্রেমে পড়ে তারা ঘর ভাঙে। প্রেম মেয়েদের কাছে একটা প্রয়োজন, সেটা আটপৌরে শাড়ির মতো নিত্যস্বই সাধারণ; তাতে না আছে উল্লাস, না আছে বিষয়, না আছে উচ্ছলতা। ছেলের পক্ষে প্রেম জীবনের দুর্লভ বিলাস, গরীবের ঘরে বেনারসী শাড়ীর মতো ঐশ্বর্যময়, যে পায় সে অনেক দাম দিয়েই পায়। তাই প্রেমে পড়ে একমাত্র পুরুষেরাই করতে পারে দুর্ভাগ্য ত্যাগ এবং দুঃসাধাসাধন।

আধারকার নিজেই একদিন বলেছিলেন, “মিনি সাহেব, জগতে যুগে যুগে কিং এডওয়ার্ডেরাই করেছে মিসেস সিম্পসনের জন্য রাজ্য বর্জন, প্রিন্সেস এলিজাবেথেরা করেনি কোনো জন, শিখ বা ম্যাকেক্সির জন্য সামান্যতম ত্যাগ। বিবাহিতা নারীকে ভালোবেসে সর্বদেশে সর্বকালে আজীবন নিঃসঙ্গ জীবন কাটিয়েছে একাধিক পুরুষ; পরের স্বামীর প্রেমে পড়ে কোনোদিন কোনো নারী রয়নি চিরকুমারী।”

কোমলহৃদয় বলে আমার খ্যাতি নেই। কিন্তু আধারকারের জন্য সত্যিকার বেদনা বোধ করলাম হৃদয়ে। সুনন্দা ব্যানার্জী আজ কোথায় আছেন জানি নে। অনুমান করছি, এতদিনে তাঁর যৌবন হয়েছে গত, দেহ বিগতশ্রী, দৃষ্টি বিদ্যুৎহীন এবং কপালের রেখাগুলি প্রচুর প্রসাধনপ্রলেপের দ্বারাও আজ আর কোনো মতেই গোপনসাধ্য নয়। কোনো দিন কোনো অবকাশ মুহূর্তে বহু বর্ষ আগেকার এক মারাঠি ব্রাহ্মণের চরম নির্বুদ্ধিতার কথা স্মরণ করে ক্ষণেকের জন্যও তাঁর মন উন্মনা হয় কিনা, সে কথা আজ জানার উপায় নেই। অথচ তাঁরই জন্য আধারকার দিলেন চরম মূল্য। নিজেকে বঞ্চিত করলেন সাফল্য থেকে, খ্যাতি থেকে, ঐহিকের সর্ববিধ সুখ স্বচ্ছন্দ্য থেকে! সব চেয়ে বড় কথা, নিজেকে বঞ্চিত করলেন সম্ভবপর উত্তরপুরুষ থেকে, বংশের ধারাকে করলেন বিলুপ্ত।

কোনো দিন সন্ধ্যাবেলায় তাঁর কুশল কামনা করে তুলসীমঞ্চে কেউ জ্বালবে না দীপ, কোনো নারী সীমস্তে ধরবে না তাঁর কল্যাণ-কামনায় সিন্দুরচিহ্ন, প্রবাসে অদর্শনবেদনায় কোনো চিন্ত হবে না উদাস উভল। রোগশয্যায় ললাটে ঘটবে না কারও উদ্বেগকাতর হস্তের সুখস্পর্শ, কোনো কপোল থেকে গড়িয়ে পড়বে না নয়নের উদ্বেল অশ্রুবিন্দু। সংসার থেকে যেদিন হবেন অপসৃত, কোনো পীড়িত হৃদয়ে বাজবে না এতটুকু ব্যথা, কোনো মনে রইবে না ক্ষীণতম স্মৃতি।

প্রেম জীবনকে দেয় ঐশ্বর্য, মৃত্যুকে দেয় মহিমা। কিন্তু প্রবঞ্চিতকে দেয় কী? তাকে দেয় দাহ। যে আগুন আলো দেয়-না অথচ দহন করে, সেই দীপ্তিহীন অগ্নির নির্দয় দাহনে পলে পলে দহ হলেন কাণ্ডজ্ঞানহীন হতভাগ্য চারুদত্ত আধারকার।

ଜନାନ୍ତ୍ରିକ

ପ୍ରଥମ ପ୍ରକାଶ : ଅକ୍ଟୋବର ୧୯୫୯ ନଭେମ୍ବର ୧୯୫୯

উৎসর্গ

তা'কে,
যে আমারে দেখিবারে পায়
অসীম ক্ষমায়
ভালোমন্দ মিলায়ে সকলি”

বারোই নভেম্বর :

উনিশ শ' বাহান্ন :

কলকাতা

আজ রাকতা যে কলম হেচ্চ দিগার পুঙনা-সাবাদ ।
এক জররা আজ উচ্চে হাসৎ আকিজুন না সাবাদ ।
হার হিলা কে দর্ ত সাউয়ার আকনে আইয়েজ
কর দেম ও লেক বা কাজা দর্ না গিবিস্ত ।

—ওমর খৈয়ামের রুবাইয়াৎ ॥

The little finger writes, and having writ
Moves on ; not all thy peity nor wit
Shall lure it back to cancel half a line
Nor all thy tears wash out a word of it.

—ফিটজ্জিরালাড-কৃত ইংরেজী অনুবাদ

পূর্বভাষণ

পারস্যদেশীয় উপকথায় একটি চিত্তাকর্ষক কাহিনী আছে। গল্পের নায়ক,—বিদ্যাহীন, বুদ্ধিহীন ও বিস্ত্রহীন এক রাখাল বালক সমুদ্রের বেলাভূমিতে ক্রীড়াচ্ছিলে শুক্তি আহরণ করতো প্রতিদিন। জানতো না, তার মধ্যে ছিল লক্ষ হীরা মানিক। সে মানিক যার ঘরে আসে, তাকে রাজা করে; যার ঘর ছাড়ে, সে হয় ফকির।

অপূত্রক অধিপতির মৃত্যুর পরে রাজ্যে বৃদ্ধ উজীর বের হলেন ভাবী সুলতানের সন্ধানে। বহুদিনব্যাপী ব্যর্থ অন্বেষণের পর হতাশ হয়ে এক দিন শপথ করলেন, পরদিন জুম্মার নামাজের শেষে যার সঙ্গে প্রথম দেখা হবে তাকেই রাজপদে মনোনীত করবেন।

নামাজের পরে মসজিদের বাইরে এসে উজীর দেখতে পেলেন দ্বারের পাশে মীনারের ছায়ায় এক রাখাল বালক নিদ্রামগ্ন। ক্ষুধায় ও পথশ্রমে ক্লান্ত হয়ে সে আশ্রয় নিয়েছিল সেখানে। ঘোড়ায় চড়িয়ে উজীর নিয়ে এলেন তাকে রাজধানীতে। রাখাল বালককে বসিয়ে দিলেন বাদশাহের তক্তে। শাহজাদীর সঙ্গে ঘটল তার পরিণয়।

নিজের অজ্ঞাতে অকস্মাৎ অসামান্যতা লাভের এমন বিস্ময়কর ঘটনা শুধুমাত্র কপকথার। ভাণ্ডারেই নিবদ্ধ নয়। সত্যকার মানুষের প্রাত্যহিক জীবন-যাত্রার ইতিহাসেও এমন একাধিক দৃষ্টান্ত আছে। শ্রীতিপ্রদ বলেই সে অভিজ্ঞতা দীর্ঘকাল আমাদের স্মরণে থাকে না। সে আমাদের আপন সৌভাগ্যের অনুকূল, তাই তাকে আমরা আপন যোগ্যতার অবধারিত পূর্বস্কাব কপেই গণ্য করি, প্রসন্ন ভাগ্যদেবতার অকারণ পক্ষপাত বলে স্বীকার করিনে।

আমি লেখক নই। গ্রন্থ রচনার কোন উচ্চাভিলাষ কোনকালে আমার কল্পনায় ছিল না। অথচ সম্প্রতি গ্রন্থকাররূপে আমার পরিচিতি ঘটেছে। এটা একান্তই আকস্মিক। পাঠকজনেব যে প্রসন্ন প্রশ্ন লেখকজীবনেব চরম পুরস্কাররূপে চিরকাল স্বীকৃত, সেই অভাবনীয় অনুগ্রহেব দ্বারা যদি ধন্য হয়ে থাকি, তবে তাও সম্পূর্ণ অপ্রত্যাশিত।

কর্মের প্রয়োজনে আমি দিল্লী এসেছিলাম। সে অনেকদিন আগেকার কথা। বয়স তখন অল্প, কৌতূহল প্রচুর এবং মনের স্বাভাবিক রসগ্রাহিতা পরিণত বুদ্ধি ও পবিত্র অভিজ্ঞতার অন্তবালে তখনও পরিপূর্ণরূপে বিলুপ্ত হওয়ার অবকাশ পায়নি। জীবনের যে-অধ্যায়ে হৃদয় সহজে উদ্বেল, কল্পনা উদ্দীপ্ত ও রসনা মুখর হয়, যৌবনের সেই প্রারম্ভিকালে আর্থবর্তের এই মহানগরীতে আমার প্রথম পদাধি। আমার পক্ষে সেটা অবশ্যই অবিস্মরণীয় ঘটনা।

সর্বদেশেই কাব্য ও উপকথার মধ্য দিয়ে কয়েকটি স্থান অপ্রতিদ্বন্দ্বী প্রতিষ্ঠা লাভ করে। তাদের খ্যাতি তাদের আপন মাহাত্ম্যে নয়, সাহিত্যিকের রচনানৈপুণ্যে। হাকন্-অল-বসিদেব রাজধানী বোম্বাদেব সঙ্গে সত্যিকার ভূগোলের সম্পর্ক সামান্য। তার যথার্থ পরিচয় আছে একমাত্র শেহরজাদী-কথিত একাধিক সহস্র রজনীর কাহিনীতে। যে-উজ্জয়িনীর প্রাসাদ-অলিন্দে একদা মৃগলোচনা জনপদবধূরা প্রবাসী প্রিয়জনের প্রতীক্ষারতা ছিলেন, তার আসল ঠিকানা সার্ভে অব ইন্ডিয়ায় ম্যাপে মিলে না। শুধু স্বপ্ন দিয়ে তৈরী সে যে স্মৃতি দিয়ে ঘেরা।

কাব্যলোকের মহিমামণ্ডিত এই নগরমালার মধ্যে দিল্লীর স্থান নেই। রামগিরি পর্বতে নির্বাসিত অভিশপ্ত যক্ষের বিরহ-বেদনা বহন করে আষাঢ়স্য প্রথম দিবস যে পূর্বমেঘ যক্ষপ্রিয়ার কাছে উপনীত হয়েছিল, তার পরিক্রমণপথে দিল্লীর আকাশ ছিল কি না, সে কথা কালিদাস বলেননি। ইন্দ্র-বজ্র অধ্যুষিত অতি আধুনিক দার্জিলিংকেও রবীন্দ্রনাথ কুমারশাস্ত্রী মেঘলোক থেকে গল্পের স্বপ্নলোকে উন্নীত করেছেন, কিন্তু দিল্লীপথের ধূলি ছাড়া মহানগরীর আর কিছুই তাঁর রচনায় স্থান পায়নি, যদিও বহ্মাওনের নবাব গোলাম কাদের খাঁ'র পুত্রীকে জনশূন্য ক্যালকাটা রোড অপেক্ষা আজমিরী গেটের পাশে খুব বেমানান দেখাত বলে মনে হয় না।

তবুও দিল্লীর গৌরব তার নিজস্ব। সে তো একটি মাত্র নগরী নয়, বহু নগরীর ধ্বংস ও বিকাশ। একটি রাজ্যের রাজধানী নয়, বহু রাজত্বের শাশন ও সূতিকা। বিচিত্র সভ্যতা, বিভিন্ন ধর্ম, বহুবিধ জাতির সংঘাত, সংঘর্ষ ও সমন্বয়ে ভারতবর্ষের সুমহান ঐতিহ্য গড়ে উঠেছে এখানে। বৃগবৃগাঙ্ক ধরে যে-দিনটি স্থান ভারতবর্ষের, সংস্কৃতি ধারণ, খ্যাতি বহন ও পরিচিতি প্রসারণ করেছে, তার মধ্যে বারাণসীর পরিচিতি প্রজ্ঞায়, বৃন্দাবনের প্রসিদ্ধি ভক্তিতে, দিল্লীর গুরুত্ব

ইতিহাসে। ভারতবর্ষের ইতিহাস ও দিল্লীর ইতিবৃত্ত অনেকাংশে সমার্থক।

ইতিহাসের সঙ্গে কাব্যের প্রভেদ অনেক। কাব্যের আবেদন মানুষের মনে। তার নায়ক-নায়িকার বিচরণস্থল আমরা কল্পনায় অনুভব করি। চোখ বুজে তাকে ভাবা যায়। ইতিহাসের সাক্ষ্য থাকে মাটিতে। তার ঘটনাস্থল প্রত্যক্ষ। চোখ মেলে তাকে দেখা যায়। দিল্লীর প্রাচীর ও প্রান্তরে, দুর্গপ্রাকার ও প্রাসাদ-অঙ্গনে, সমাধিক্ষেত্র ও সৌধমালায় অসংখ্য দর্শনীয় আছে।

কিন্তু দর্শনের যে রস, সে শুধু নয়ননিবন্ধ নয়, মননসাপেক্ষ। চক্ষু দ্বারা দেখি—একথা বাল্যকালে বিদ্যারম্ভের প্রথম পর্বে পাঠ্যপুস্তকে আমরা সবাই পড়েছি। কিন্তু চোখ চাইলেই যে দেখা যায় না, এ তথ্য বয়োবৃদ্ধির সঙ্গে আমরা ক্রমশঃ জেনেছি। যে-দৃষ্টির সঙ্গে মনের যোগ নেই, সে তো দেখা নয়,—তাকানো। দেখার সঙ্গে আনন্দের যোগ সাধন করতে সঙ্গীর প্রয়োজন। ভোগের বেলায় সংখ্যাধিকার ফলে বস্তুর হ্রাস ঘটে। একের পাতে যা পরিপূর্ণ এক, দুইয়ের পাতে তা বিভক্ত অর্ধেক। উপভোগের বেলায় বহু দ্বারা রসের ঘটে বৃদ্ধি। এই জন্যই স্টেথোস্কোপ হাতে রোগী দেখতে যাই একা, উড়নী গায়ে বিয়ের কনে দেখতে যাই সবাক্ষেবে।

দিল্লীতে আমি দেখেছি অনেক, শুনেছি প্রচুর এবং জেনেছিও নেহাৎ কম নয়। কিন্তু সমস্তই একক। যার সঙ্গে দেখলে দেখার বস্তু দর্শনীয় হয়ে ওঠে, তিনি ছিলেন অন্যত্র। তাঁকে নিয়ে দিল্লী পরিভ্রমণ সেদিন সম্ভব ছিল না। তবুও আমার চোখ দিয়েই তাঁকে দেখাব, আমার মনে এই অভিলাষ ছিল। সে কাজটা সহজ নয়।

পুরাকালে হংসদ্বতের দ্বারা দূর-দূরান্তরে বার্তা প্রেরণের রীতি ছিল। কিন্তু এ যুগের নলরাজেরা জননে বার্তালাই রাজহংস দময়ন্তীর উদ্যানে পৌছতে পারবে না, মধ্যপথেই কোন সুনিপুণ পাচকের হস্তে সুপক্ক ব্যঞ্জনে ভোজনরসিকগণের রসনাভৃষ্টির সহায়ক হবে। বর্তমানের মরালগামিনীরা মরালকে বাতিল করেছেন। তাঁরা এখন উদ্দিপরা সরকারী ডাক-হরকরার উপর নির্ভর করেন। সুতরাং আমার দেখাকে আমি রূপান্তরিত করলেম পত্রে। তার সংখ্যা অনেক এবং ক্ষীতি ভীতিজনক।

চিঠি জিনিসটা স্বভাবতঃই দ্বিবিচনের ব্যাপার। তাকে বহু বিচনের ব্যবহারে আনলে ব্যাকরণদৃষ্টি ঘটে। চিঠি চাঁদনী রাতে দুটিমাত্র প্রাণীর গঙ্গা-বিহরণের ছোট্ট পানসিটি। কুসুমগঞ্জের হাটের পথে বহুজনের নদী পারাপারের জন্য পাঁচ মাল্লার খেয়া নৌকা নয়।

দিল্লীর রৌদ্রদগ্ধ আকাশের নীচে আমার বিস্তীর্ণ অবকাশক্ষেত্রে যে প্রচুর পত্রশস্য জন্মলাভ করেছিল, সেগুলি একটিমাত্র গৃহিণীর ভাণ্ডারে মরাই ভরে' রইবে, এই ছিল কামনা। কোন দিন কোন কারণে সরকারী সিভিল সাপ্লাইর গুদামে সেগুলি সর্বসাধারণের খাদ্য-সমস্যার সমাধান করবে, এমন আশঙ্কা ছিল না। পত্রগুলি থাকে লেখা, তাঁর কোমল করুণগুলের মধ্যে কৈবল্য লাভ করলেই তাদের মোক্ষ। তারা যে ভবিষ্যতে কম্পোজিটারের স্থূল হস্তাবলেপনের দ্বারা সর্বাপছাপাখানার মসীলিপ্ত হয়ে সাহিত্যের বিচারশালায় লেখকের দুষ্কৃতির অকাটা সাক্ষ্যরূপে দেখা দেবে, তা কল্পনাও করি নি।

মুদ্রণের দ্বারা পত্রের জাতিভ্রংশ ঘটে। যেমন সিনেমাকরণের দ্বারা উপন্যাসের। পত্রের রস লজ্জানম্র নববধুর অনুচ্চ কণ্ঠে গীত সঙ্গীতের মতো, নির্জন শয়নকক্ষে একমাত্র স্বামীর কাছেই তার প্রকাশ। ইউনিভার্সিটি ইনস্টিটিউটে জনাকীর্ণ জলসার আসরে তাকে টেনে আনলে তারও দুর্গতি, অন্যেরও দুর্ভোগ। কারণ, বঁধুর কানে যা কলস্বর বহুর কানে তা কলরব।

অবশ্য পৃথিবীর বিভিন্ন ভাষায় মুদ্রিত পত্রের অভাব নেই, যদিও সিনেমায় বেশীর ভাগ যুদ্ধ-চিত্রই যেমন প্রচ্ছন্ন প্রোপাগান্ডা, সাহিত্যের অধিকাংশ পত্র-সঙ্কলনও ডেমনি ছদ্মবেশী প্রবন্ধসংগ্রহ। পত্র-সাহিত্য নামে সাহিত্যের একটা বিভাগ আছে। সাধারণতঃ দুটি কারণে তার উদ্ভব। প্রথমটা তথ্যমূলক, দ্বিতীয়টা সাহিত্যিক।

কবি বা সাহিত্যিকদের লেখা পত্রে লেখকের দু'টি বিভিন্ন রূপ প্রকাশ পায়। কাব্যজীবনের বহির্দিশে প্রত্যেক সাহিত্য-সেবীর নিছক মানুষরূপে যে একটা সম্ভাব্য বর্তমান, এক শ্রেণীর পত্রে তারই পরিচয় থাকে। সেখানে পত্রলেখক পিতা, মাতা, ভ্রাতা, স্বামী স্ত্রী বা বন্ধু প্রভৃতি সামাজিক

সম্পর্কের দ্বারা পরিচিত, সাহিত্য-প্রতিভার দ্বারা নয়।

দ্বিতীয় শ্রেণীর পত্রগুলি পত্রচরিতার আত্মপ্রকাশের অন্যতম উপকরণ। পত্ররচনা সেখানে একটা রীতি, ইংরাজীতে যাকে বলে ফর্ম। সেখানে যাকে লেখা হয় সে গৌণ, যা লেখা হয় সেটাই মুখ্য। এই ফর্ম অবলম্বন করে সার্থক কথাসাহিত্য সৃষ্টি হয়েছে, যেমন—রোমানফের গল্প। তথ্যপূর্ণ প্রবন্ধ লিখিত হয়েছে, যথা—লোটারস টু দি শেরিফ অব ব্রিস্টল। নব শিক্ষাবিধীর জন্য সংক্ষেপে পৃথিবীর ইতিহাস বর্ণিত হয়েছে; প্রমাণ—লোটারস ফ্রম এ ফাদার টু এ ডটার। উপভোগ্য কবিতা রচিত হয়েছে, উদাহরণ—শিলিং-এর চিঠি।

প্রথম শ্রেণীর পত্র প্রকাশের কালে প্রকাশকের একটি চোখ থাকে জীবনীকারের দিকে। দ্বিতীয় শ্রেণীর পত্রাতে থাকে সৃষ্টির প্রেরণা। ‘ভাই ছুটি’ বলে যার আরম্ভ আর ছিন্নপত্র—এ দু-এর রস যে আলাদা জাতের এবং গুরুত্ব যে পৃথক কারণে, সে কথা বলাই বাহুল্য।

মুদ্রিত পত্রের আরও একটি শ্রেণী আছে। সেখানে লেখকের উদ্দেশ্যটাই এতই সুস্পষ্ট যে, তাকে কেউ পত্র বলেই জ্ঞান করে না। রাজনৈতিক প্রতিদ্বন্দ্বিতায় যুগ্মদান দুই পক্ষের মধ্যে দৈনিক সংবাদপত্রের পৃষ্ঠায় ‘খোলা চিঠি’র গোলা বর্ষণকে পাঠকেরা কূটনৈতিক কুস্তির প্যাচরাপেই গণ্য করে, চিঠি বলে ভুল করে না।

দ্বিতীতে লেখা পত্রগুলি মূলতঃ চিঠিই ছিল। কিন্তু সাময়িক পত্রিকায় প্রকাশের কালে সংকলয়িতা বাংলা চলচ্চিত্রের সেলার বোর্ডের উপযোগী অতিরিক্ত সতর্কতার সঙ্গে তার মধ্য থেকে ব্যক্তিগত প্রসঙ্গসমূহ, এমন কি তার ইঙ্গিত পর্যন্ত অসামান্য নিপুণতায় নিষ্কিষ্ক করেছেন। তাঁকে দোষ দিতে চাইনে। প্রত্যেক পত্রের মধ্যেই লেখক ও প্রাপকের সাংসারিক সম্পর্কে কেন্দ্র করে যে স্নেহ, প্রীতি, রাগ, অনুরাগ প্রকাশ বা প্রচ্ছন্ন থাকে, সর্বসাধারণের সমক্ষে তার উদ্ঘাটন বাঞ্ছনীয় নয়। তাতে পরিণামে উভয়েরই বিব্রত বোধ করার সম্ভাবনা। তবুও একথা উল্লেখ করা প্রয়োজন যে, গ্রন্থাকারে গ্রথিত আমার পত্রগুলি কারণেই যদি প্রবন্ধসমষ্টি বা অন্য আর কিছু মনে হয়ে থাকে, তবে তার জন্য একমাত্র সংকলয়িতার কাঁচিকেই দায়ী করতে হয়। ডাক্তারেরা জানান, অস্ত্রোপচারের ফলে রোগীর অঙ্গপ্রত্যঙ্গের আংশিক বিকৃতি অবশ্যজ্ঞারী।

কী কারণে পত্রাধিকারিণী চিঠিগুলিকে তাঁর নিজস্ব অন্তঃপুরের গোপনীয়তা থেকে টেনে এনে বহির্জগতে লোক-লোচনের সম্মুখে তুলে ধরেছেন, তা আমার জানা নেই। ফ্রেডেরী তত্ত্বে নিশ্চয়ই এর একটি বুদ্ধি-বিশ্রাস্তকারী ব্যাখ্যা আছে। তাতেও আমার প্রয়োজন নেই। আমার মনে হয়, মেয়েদের স্বভাবের মধ্যেই একটা স্বাভাবিক প্রচারপ্রবণতা আছে।

সমসার পুরুষের পরিচয় কীর্তিতে, সেটা স্বয়ং-প্রকাশ। নারীর গৌরব অধিকৃতির, সেটা প্রচারের অপেক্ষা রাখে। স্থায়ী আমানতে গচ্ছিত টাকার পরিমাপ প্রচুর, এই তথ্যটুকু জেনেই পুরুষ সন্তুষ্ট; ব্যাঙ্কের পাশ-বই পকেটে নিয়ে বেড়ানো সে প্রয়োজন মনে করে না। কিন্তু অর্থের অভিস্ফুটাই নারীর কাছে যথেষ্ট নয়। তার প্রমাণটা যথোচিত পরিমাণে পরিস্ফুট না হলে তার তৃপ্তি নেই। তাই জড়োয়া গহনা সিন্দুকে থাকলেই মেয়েরা খুশী নয়, নিজের সর্বাস্বৈ এখবরের বিজ্ঞপ্তি বহন করে, আপন ধনসম্ভারের প্রচারকার্যে তাদের দুর্জয় আসক্তি।

জানি, আমার পত্রগুলির প্রতি আমি অব্যথা মহার্ঘতা আরোপ করছি, এই অভিযোগ উঠতে পারে। কিন্তু দ্রব্যের মূল্য তো শুধুমাত্র তার অন্তর্নিহিত গুণাগুণের দ্বারা নির্ণীত হয় না। এক খণ্ড দ্যবস্তু ডাকটিকিটের দাম আমার কাছে কানাকড়িও নয়। অথচ ডাকটিকিট সঞ্চয় খার বাতিক, তিনি তার জন্য প্রয়োজন হলে হাজার টাকা দিতেও কার্পণ্য করেন না। সুতরাং সেদিনের পত্রগুলি অন্ততঃ পত্রাধিকারিণীর কাছে একেবারে মূল্যহীন ছিল না, এ বিশ্বাস যদি পত্রলেখকের মনে কখনও দেখা দিয়ে থাকে, তবে আশা করি, তা অবিনয়ের অপরাধ বলে গণ্য হবে না।

কিন্তু মূল্য এক কথা, প্রচার আর। পত্র-প্রকাশের সঙ্গে আত্মপ্রকাশে আমার প্রবল আপত্তি ছিল। প্রবন্ধ করলে, নিশ্চিতরূপে হেতু নির্দেশ করা কঠিন। কারণ, মানুষের সকল কাজের শিছনেই একাধিক হেতুর সমষ্টি থাকে, শুধু একটিমাত্র হেতু থাকে না, যদিও নিজের অভিরুচি, সুযোগ ও সুবিধানুযায়ী এ বহুবিধ কারণের মধ্যে বিশেষ একটিকেই আমরা একমাত্র কারণ বলে প্রমাণ করতে

চাই। যে-সকল কারণে আত্মগোপনের প্রয়াস করেছিলাম, তার প্রধানতম বর্তমানে অর্থহীন। ১৯৪৭ সালের ১৫ই আগস্ট ভারতবর্ষের অভূতপূর্ব রাজনৈতিক পরিবর্তনের ফলে অন্য অনেক পুরাতন বিধি-ব্যবস্থা, অন্তরায় ও অসুবিধার সঙ্গে সঙ্গে তারও অবসান ঘটেছে। সবিত্তারে আজ তার উল্লেখ নিম্প্রয়োজন। কিন্তু প্রাক-স্বাধীনতা যুগের ভারতবর্ষে শাসন ব্যবস্থার স্বরাষ্ট্র বিভাগীয় প্রবল প্রতিহিংসাপরায়ণতার সঙ্গে যাদের কিছুমাত্র পরিচয় আছে তাঁদের পক্ষে তার পরিপূর্ণ অর্থবোধ নিশ্চয়ই কঠিন নয়।

দ্বিতীয় আপত্তি ছিল নিছক ভয়সঙ্কাত। মুদ্রণ সম্পর্কে আমার মনে একটা সাজ্জাতিক শঙ্কা আছে, স্বয়ংস্ব-সভার রাজকন্যার মতো একমাত্র যোগ্যতমকেই ছাপার অক্ষর সসন্মানে বাসরঘরের ভিতর নিয়ে যায়, নিষ্করণ নির্মমতায় বাকী আর সবাইকে অবজ্ঞাত ও উপেক্ষিতরূপে দ্বারপ্রান্তে দাঁড় করিয়ে রাখে। সেই ব্যর্থকাম উপহাসিতদের সংখ্যাবৃদ্ধিতে আমার উৎসাহ ছিল না।

তর্কবাগীশদের ঔৎসুক্য এখানেই নিবৃত্ত হয় না। তাঁরা ঘাড় নেড়ে সংশয়ের স্বরে বলেন,—তা যেন হলো; কিন্তু ঐ মৃত্যু-সংবাদ রটনাটা কেন?

জবাবে আমি বলি, সেটা রটনা নয়; ঘটনা। সেদিনের পত্রলেখকের যে নিঃশেষ মৃত্যু ঘটেছে তাতে সন্দেহের অবকাশ মাত্র নেই। দেহটা বেঁচে থাকার নিদর্শন নয়, মিশরের মমি তার জ্বলন্ত প্রমাণ। আর দৈহিক মৃত্যুর পূর্বেই যে কোন ব্যক্তির মৃত্যু ঘটতে পারে, ইতিহাসে তারও নকীর আছে। রাম্বে ম্যাকডোনাল্ডের সত্যিকার মৃত্যু কি তাঁর দেহাবসানের অনেক আগেই ঘটেনি?

দিল্লীতে নবাগত যাযাবরকে অদ্যকার লেখকের মধ্যে খুঁজতে যাওয়া পণ্ডিত্রম। ঠিক যেমন বিবাহোত্তর পত্নীর মধ্যে পূর্বরাগের প্রিয়াকে দেখতে চাওয়া বিড়ম্বনা। সেদিনকার রচনার সঙ্গে আজকের লেখা যদি কোন পাঠক তুলনা করেন, তবে তিনিই আমার প্রতি সবচেয়ে বেশী শ্রদ্ধা করবেন।

অনিচ্ছাকৃত শত্রুতার স্বাদ অবশ্য একেবারে অপরিজ্ঞাত নয়। মিত্রজনের মনোযোগও যে কোন কোন ক্ষেত্রে কতখানি অপ্রীতিকর হয়ে উঠতে পারে, তা ইতিপূর্বে জানা ছিল না। আত্মবিলুপ্তির জন্য আমি যথেষ্ট চেষ্টা করেছিলাম। তাতে লাভ হয় নি। পরিচয় গোপন রয়নি। ফলে, চায়ের নিমন্ত্রণে গেলে যথার্থি পরিচয় আদানপ্রদানের পরে অকস্মাৎ প্রশ্ন শুনতে হয়,—“ওঃ, আপনিই তো সেই—?” আত্মীয়-বাড়িতে বিবাহ-সভায় সদ্যপরিচিতা অতিথিরা বইর নায়ক-নায়িকার অস্তিত্ব সম্বন্ধে জিজ্ঞাসু কণ্ঠে বলেন, “আচ্ছা সত্যি কি—” বন্ধুদের আড্ডায় উৎসাহী সাহিত্য-সমালোচকেরা পুস্তকে বর্ণিত বিভিন্ন চরিত্রের অলঙ্কারশাস্ত্রসম্বন্ধে ব্যাখ্যা দাবী করেন।

বন্ধুদের উদ্বেগ এর চাইতেও মারাত্মক। তাঁরা শুধু প্রশংসা করেই নিরন্তর নন। উপদেশদানেও সমান উৎসাহী। পরিচিত, অর্ধ-পরিচিত ও অপরিচিতের দল যখন-তখন বাড়ি বয়ে এসে অযাচিত পরামর্শ দেন। কেউ বলেন, এবার একখানা বড় উপন্যাস লিখুন। কেউ বা বলেন, উপন্যাস নয়,—ছোট গল্প। তাতেই আমার হাত খুলবে। আর এক দলের বিশ্বাস, প্রবন্ধ রচনাই আমার ক্ষেত্র। অধিকতর হিতাকাঙ্ক্ষীর দল বিষয়-নির্বাচনের ক্রেশ পর্বন্ত নিজেরাই স্বীকার করেন। তাঁরা কেউ বলেন দ্বিতীয় খণ্ড লিখতে, কেউ বা বলেন, দিল্লী আর নয়, এবার কলকাতার উপরে একটা বই। হুহু করে কাটবে। সংসারে ডাক্তারের সংখ্যা অগুণ্টি, সে কথা আমরা প্রত্যেকেই কোন-না-কোন সময়ে উপলব্ধি করেছি। মাথা ধরেছে—একথা বলা মাত্র প্রত্যেক পরিচিত বন্ধুর কাছ থেকেই একটা ওষুধের বা প্রক্রিয়ার নির্দেশ কে না পেয়েছি? সম্প্রতি আবিষ্কার করলেম, এ জগতে সাহিত্যরসিকের সংখ্যাও নেহাৎ কম নয়।

শুধু উপদেশেই শেষ নয়। অনুরোধ এবং অনুযোগও আছে। সদ্যঃপ্রসূত মাসিকপত্রের তরুণ সম্পাদক আসেন লেখার বায়না নিয়ে। রিক্তহস্তে ফিরে যাওয়ার কালে মনে মনে গাল দিয়ে যান, লোকটা পয়লা নম্বরের স্রব। পুরাতন পুস্তক-ব্যবসায়ী আসেন নতুন বইর দাবী নিয়ে। বিফল-মনোরথ হয়ে সন্দেহ করেন, নিশ্চয়ই অপর কেউ বেশী পারসেন্ট কবুল করেছে। নতুন প্রকাশক অনুন্নত ব্যর্থতায় বিরক্তির সঙ্গে সিদ্ধান্ত করেন, এ লেখকের অর্থগুরুতা মোটানো তাঁর শক্তির বাইরে।

অর্থে আসক্তি নেই যোগী-ঋষির। আমি তাঁদের দলে নই। কিন্তু অর্থের কারণে গ্রন্থরচনা করেন অর্থ-বই লেখকেরা। আমি সে গোষ্ঠীরও বাইরে। নোট লেখা আমার কর্ম নয়। আসল কথা এই যে, আমার লেখার পশ্চাতে কোন প্রেরণা নেই।

আমি সাহিত্যিক নই। কল্পনাশক্তির যে-প্রাচুর্য কথাসাহিত্যিকের সর্বপ্রধান অবলম্বন, আমার মধ্যে তার বাস্পমাত্র নেই। নিজেকে অসাহিত্যিক প্রমাণের আগ্রহে শরৎচন্দ্র বলেছেন, আকাশের পানে তাকিয়ে তাঁর চোখে ব্যথা ধরে গেলেও, কারও নিবিড় কুন্তলদাম দূরে থাক, একগাছা চুলের আভাস পর্যন্ত কখনও তাঁর চোখে পড়ে নি। শরৎচন্দ্রের খেয়াল হয়নি যে, ঐ বিনয়োক্তি লিপিবদ্ধ করার কালে নিজের অজ্ঞাতেই তিনি অনবদ্য সাহিত্য রচনা করেছেন। কিন্তু আমার পক্ষে এটা নিতান্তই স্বীকাব্যক্তি। প্রস্তুতিত পদ্মকোরকের পানে তাকালে কারো কমল-আননের কথা আমার মনে জাগে না। পদ্মমধুর কথা স্মরণ করে প্রলুব্ধ রসনা জলসিক্ত হয়ে ওঠে।

আমি সাংবাদিক। সাংবাদিকেরা চেষ্টা করলে সাহিত্যসমালোচক বা প্রবন্ধকাব হতে পারেন, কিন্তু উচ্চ শ্রেণীর কথাসাহিত্যিক হওয়া তাঁদের পক্ষে সম্ভব নয়। উইনস্টন চার্চিলের গদ্য রচনার স্টাইল যতই মনোহর হোক না কন, গ্রেট এক্সপেক্টেশান্স তাঁর কাছে দুরাশা, গ্রেট কন্ট্রিম্পবারীস নিয়েই তাঁর কারবার। সংবাদ-সাহিত্য নামক একটা বস্তু সম্প্রতি এদেশেও দেখা দিয়েছে বটে, কিন্তু সত্যিকার সাহিত্যের পংক্তিতে তার আসন আজও পাকা হয়নি। সেটা বড় জোর,—আর্ট ইন ইভালুই।

এর কারণ সুস্পষ্ট। রস-সাহিত্যের সঙ্গে বাস্তবের সম্পর্ক অত্যন্ত প্রত্যক্ষ হওয়ার প্রয়োজন নেই। যা ঘটছে, তার চাইতে যা ঘটতে পারে তাই নিয়ে তার কারবার। সে-সাহিত্যের জন্মস্থান সাহিত্যিকের মনে। সংবাদ-সাহিত্য একান্তভাবে বাস্তব-সর্বস্ব। যা ঘটেনি তা তার এলাকাব বাইরে। সে-সাহিত্যের সূচনা হয় সাংবাদিকের দেখায়। কথা-সাহিত্য ব্যাফেলের চিত্র। সংবাদ-সাহিত্য সেসিল বিটনের ফটোগ্রাফ। সাহিত্যিক রচনা করেন আপন মনের প্রকাশন্যাকুলতায়। কেউ পড়বে, কি, পড়বে না, সে-চিন্তা তাঁর পক্ষে অবাস্তব। সাংবাদিক বিপোর্ট লেখেন জনসাধারণের জ্ঞাতার্থে, তাঁর দৃষ্টির সম্মুখে সহস্র সহস্র পাঠক।

আমার চোখের সামনেও একটি ব্যক্তি আছেন। তাঁর নাম বলা নিষেধ। দিল্লীর পত্রগুলি তাঁকেই লিখিত। আজ যা লিখছি, তাও তাঁরই জন্য। আমাব কাছে তিনি অধিক প্রত্যাশা করেন না। তিনি জানেন, আমি দুষ্টা নই, দর্শক। আমি গল্প বানাতে পাবিনে, গল্প শোনাতে পারি। বলা বাতুল্য, আমার লেখা তাঁর ভালোই লাগে। প্রশংসা যা করেন, তাতে আব যাই থাক, অপ্রমত্ত সমালোচকের নিরপেক্ষ বিচারশক্তির প্রমাণ থাকে না। নিশ্চিত জানি, তিনি আমাব জীবনী রচনাব তার নিলে আক্ষেপের কারণ ঘটাবে না।

অবশ্য মনোবিজ্ঞানীরা বলেন, কোনো লোকই সম্পূর্ণরূপে পৃথক নয়। মৌলিক হৃদয়বৃত্তিব দিক দিয়ে মানুষ মাত্রেরই এক, অনুভূতির যোগসূত্রে অল্পবিস্তর একের সঙ্গে বহুব সাদৃশ্য আছে। সূত্রাং হয় তো একজনের কাছে যা কটিকর, পাঁচ জনের কাছে তা একেবারে বিস্ময়কর নয়। বিচিত্র নয় যে, আমার লেখাও সেই একটি লোকের সঙ্গে অন্য আরও দু'—এক জন পাঠকের ভালো লাগবে। অবশ্য ভালো লাগার মাত্রা নিয়ে তারতম্য ঘটা অস্বাভাবিক নয়। মায়ের স্নেহে আর মাসির আদরে তফাৎ তো অবধারিত।

লেখার ইতিহাসটা কিন্তু নিতান্তই সাধারণ। বাংলাদেশের প্রত্যেক পুরুষকেই কোন এক বিশেষ বয়সে ঘটকের আক্রমণ সইতে হয়। তাদের কেমন করে ঠেকাতে হয়, অভ্যাসের দ্বারা সে বিদ্যা আমার আয়ত্ত। শুভানুধ্যায়ী সুহৃদ এবং অনুরাগী পাঠকদের কি করে রাখতে হয়, সে কৌশল আমার জানা নেই। একমাত্র তাঁদের হাত থেকে আত্মরক্ষার প্রেরণায়ই এক দিন এক বজুর সহায়তায় আমি এই বিরাট নগরীর প্রান্তভাগে এক ক্লাবে যোগদান করলেম।

ক্লাব বস্তুটা এদেশে প্রাচীন বানপ্রস্থের আধুনিক এবং সংক্ষিপ্ত সংস্করণ। তফাৎ শুধু এই যে, এর জন্য পক্ষাশোর্ধ্ব অবধি অপেক্ষা করতে হয় না। ক্লাব, মর্মাহত, তৃপ্তিহীন, লক্ষ্যহীন অভিজাত নরনারীর এটা আত্মবিশুদ্ধির অবলম্বন, ইংরেজীতে যাকে বলে এক্কেপ। তাই বেশীর ভাগ ক্লাবেই

বিপত্নীক অফিসার, স্মার্মিপিভ্যক্তা বমণী, বিগতযৌবনা কুমারী, কপটীনা তরুণী এবং অবিবাহিত শ্রীট ব্যক্তিব্যাস আসব জাকান । এদের জীবনে সুখমা নেই, অথচ আসক্তি আছে । তাই জীবনকে অপচয় করে এরা জীবনকে ভবাতে চেষ্টা করেন । বেসকোর্সে পব-পর উইন-এ হেবে-বাওয়া জুয়াড়ী যেমন সমস্ত ক্ষতি একবারে পূরণের আশায় প্রেসে দ্বিগুণ বাজী রাখে ।

এই ক্লাবটিতেও সে ধবনেব নবনাবীর অভাব ছিল না । আব ছিল বিলাত-প্রত্যাগত তরুণ ব্যাবিস্টাব, নতুন বিত্তশালী ব্যবসায়ী, সদা আলোকপ্রাপ্ত মারোয়াড়ী-নন্দন ইত্যাদি । এই ক্লাবেই আমার পবিচয় ঘটিলো মিসেস মলী সেনেব সঙ্গে ।

প্রাণী জগতের মতো নাম জগতেও যে বিবর্তন আছে, মলী সেন তাব জীবন্ত সাক্ষ্য । তাঁব মাতামহ ছিলেন সেকালের বিখ্যাত কবিবাজ । ভৈষজ্যশাস্ত্রে তাঁব যেমন অসাধারণ ব্যুৎপত্তি, সংস্কৃত কাব্যও তেমনি প্রগাঢ় অনুবাগ । দৌহিত্রীব জন্মমাত্রই মাতামহ নামকরণ করলেন, সন্ধ্যামালিনী । কিন্তু এত দীর্ঘ নাম বাণভট্টব কাদম্ববীতে যদি বা শোভা পায়, বিংশ শতাব্দীব গৃহস্থ পবিবাসে চলে না । অচিরেই সেকালের অলঙ্কিতে নামেব প্রথমার্ধ বিস্মৃতিব গর্ভে অন্তর্হিত হলো । বইল শুধু মালিনী । সেটা সম্বোধনে সহজ এবং শ্রবণেও মধুর ।

মেয়েব জ্যাঠামশায় অবসরপ্রাপ্ত হেডমাস্টাব । বিংশ শতাব্দীব প্রথম দশকে কলেজের ছাত্র ছিলেন । কার্লইলেন লেখা এখনও অনর্গল মুগস্থ বলতে পারেন । শিবনাথ শাস্ত্রীব পরম ভক্ত, এঙ্গেলিনী পত্রিকায় যৌবনে উপনিষদের উপব প্রবন্ধ লিখেছেন । দুর্নীতি সম্পর্কে তাঁব শুচিবাই প্রায় হিন্দু বিধবাব আচার-পব্যবহাব কাছাকাছি । ভূদেব মুখোপাধ্যায়েব পাবিবাবিক প্রবন্ধ ছাড়া অন্য কোন বাব্বা এই অন্দবমহলে দেখলে তিনি আতঙ্কিত হতেন । তিনি ভাতৃপুত্রীব নামে ভাবচাক্রেব অন্নদামঙ্গলেব গন্ধ আঁপিসাব করে আতকে উঠলেন । নাম পালটে কবলেন মলিনা ।

পল্লভী সংশোধনের ভাব কল্যা স্বয়ং সহজে গ্রহণ কবলেন । সিনিয়ব কেমব্রিজব ফিজ দাখিল কলাব কালে ফরমে ইঙ্গেলী ধবনে নাম লিখলেন—মলেনী । উত্তবকালে বন্ধু ও ভক্তজনের অন্তবস্ত্র সম্ভাষণে এব সর্বশেষ কপাস্তব ঘটিয়ে সোসাইটিতে আবর্জিতা হলেন মিসেস মলী সেন । এখানে বলে দেওয়া আবশ্যক যে, বাংলা সাহিত্য-জগতে শেষেব কবিতাব অমিত বে তখনও জন্মগ্রহণ করেনি ।

মলী সেন হচ্ছেন সেই জাতীয় মেয়ে—না, থাক, সে কাহিলী বর্ণন' না কবাই ভালো । তাঁব জীবন-আলেখ্য তাঁব আপন উক্তি, আচরণ ও কর্মেব মধ্য দিয়েই ধীরে ধীরে উদঘাটিত হোক জনসমক্ষে, বহু চিত্রিত সফলিত ঘটনা-বহুল সুদীর্ঘ ছায়াচিত্রেব মতো । আমার জবানিতে তাব ব্যাখ্যা লেখনা মাএ স্ববাক চিত্রেব তো কমেন্টাবী প্রয়োজন হয় না ।

অনাবৃষ্টি, ঝঞ্ঝাবাত ও বন্যা নিত্যই প্রাকৃতিক দুর্ঘটনা। এদের উপদ্রব আকস্মিক, ফলাফল অনাকাঙ্ক্ষিত। কিন্তু আগমন অনিশ্চিত নয় বাংলা দেশে। সোল, দুর্গোৎসবের ন্যায় এগুলিও বাৎসরিক। কখনও ঝাঁকুড়ায়, কখনও বাখরগঞ্জ, কখনও বা তিস্তা দামোদরে। দৈনিক সংবাদপত্রের সচিত্র বিবরণীর মধ্য দিয়ে তাদের বহু ধ্বংসসাধনের সন্ধান কাহিনী দেশ দেশান্তরে পরিচিত।

দৈব দুর্বিপাকে ক্ষতি ঘটে বহুর। সে-ক্ষতি অতি বিস্তৃত। বর্ষার প্রাবনে অকস্মাৎ জলমগ্ন হয় গ্রামের পর গ্রাম, বিনষ্ট হয় স্বল্পবিত্ত জনগণের সমস্ত সম্বল, শস্যনাশে সর্বস্বান্ত হয় ঋণভারজর্জরিত দরিদ্র কৃষককুল। কারো ধন যায়। কারো বা জন। শোকভারাক্রান্ত অসহায় নরনারীর সম্মিলিত কঠোর কাতর অভিযোগ ও ব্যথিত দীর্ঘশ্বাস নির্মম ভাগ্যদেবতার রুদ্ধ দ্বারপ্রান্তে চরম নিষ্ফলতায় পুঞ্জীভূত হতে থাকে দিনের পর দিন, মাসের পর মাস, বৎসরান্তে বৎসর। সেই সর্বব্যাপী দুঃখের তিমিরে শুধু স্বল্প সংখ্যক সেবা-ব্রতী আপন পরিমিত শক্তি ও সামর্থ্যানুযায়ী আত্মত্যাগের আয়োজন দ্বারা কোনক্রমে ছালিয়ে রাখেন মানব করুণার ক্ষীণ দীপশিখা, মর্ত্যলোকে বিধাতার সর্বশ্রেষ্ঠ আশীর্বাদ।

কিন্তু সুযোগও আসে কারো কারো। বন্যার্তদের দুঃখে সূচতুর দেশহিতৈষীরা সভা সমিতিতে সঘন করতালির মধ্যে প্রচুর অশ্রুপাত ও প্রচুরতর বাগবিত্তারের দ্বারা খবরের কাগজে নাম ও এসেছলীতে আসন পাকা করার ব্যবস্থা করেন। চলমান ট্রামে বাসে পেশাদার চাঁদা-প্রার্থীর দল যাত্রীদের সামনে চাঁদার বাস্তব এগিয়ে ধরে বারম্বার এবং লাল শালুর কাপড়ে সাদা অক্ষরে ঘোষিত একাধিক সংকটগ্রাণ সমিতির সদস্যবৃন্দ হারমোনিয়াম গলায় ঝুলিয়ে ডি. এল. রায়ের একটি অতিপরিচিত সুরে গীতা সংগীত সহযোগে দ্বারে দ্বারে মুষ্টিভিক্ষা সংগ্রহে নিগত হয়।

দুর্গতেরা, অর্থাৎ তাদের নামটা, আরও একটা বিশেষ কাজে লাগে। অভিজাত সম্প্রদায়ের সৌখীন নাট্যাভিনয়ের সেটা বিশেষ সহায়ক। ধনিগৃহের অফুরন্ত অবসরকাল সন্তানবিহীনা শ্রোতা রমণী বা আলোকপ্রাপ্তা নব্য তরুণীদের উৎসাহে অধুনা অধিকাংশ নাচের আসর, ভ্যারাইটি শো বা অভিনয়-আয়োজন হয়। কলেজে প্রস্তুি দেওয়া তরুণ ছাত্র, ব্রীফহীন ব্যারিস্টার, পিতৃবিয়োগে হঠাৎ হাতে টাকা-পাওয়া জমিদার-নন্দন ও নারীসামিধ্য-বাকুল আর্ট-ভক্ত বেকার যুবকদের দল তার কর্মকর্তা। গুরুত্বা বস্ত্রের আবরণে ভণ্ড সন্ন্যাসীর ন্যায় জনহিতৈষণাব তিলক ললাটে নিয়ে এদের এই নাট্যপ্রচেষ্টাগুলি ব্যক্তিগত প্রমোদানুষ্ঠানের অকিঞ্চিৎকরতা মুক্ত হয়ে সংকার্যের সনন্দ লাভ করে। উদ্যোক্তারা তাই দুর্ভিক্ষ বা বন্যার শরণ নেন। অভাবে কোন বিদ্যালয়ের উন্নতি বিধান, মৃত ব্যক্তির স্মৃতিরক্ষা এমন কি হাতের কাছে সম্ভোষজনক আর কিছুই না পাওয়া গেলে সর্বশেষে কন্যাদায়গ্রস্তের উপকারার্থেও অভিনয় এবং টিকেট বিক্রয়ের ব্যবস্থা করেন। বেশীর ভাগ মন্ত্রীদেব দেশসেবার মতো এ-সকল সাহায্য-রজনীর সাহায্যটাও লক্ষ্য নয়, উপলক্ষ্য মাত্র। সুতরাং বন্যাপীড়িতের সাহায্যার্থে সম্প্রতি মিসেস মল্লী সেন যে নাট্যভিনয়ের প্রয়াস করেছেন আশা কবি তার সার্থকতা নিয়ে অনর্থক গবেষণায় কেউ সময় নষ্ট করবেন না।

অভিনয়টা নিউ এম্পায়ারে হলেই ঠিক মানাত। সাধারণতঃ তাই হয়। কিন্তু অধুনা সিনেমার চাপে একমাত্র সকালবেলা ছাড়া সেখানে হল খালি পাওয়ার জো নেই। সময়টা এ ধরনের অনুষ্ঠানের পক্ষে খুব উপযোগী নয়। সপ্তাহে একমাত্র রবিবার ছাড়া সে সময়ে অবকাশ আছে কার ? আর রবিবারেই বা সকালে স্কুল-কলেজের ছাত্র ও কিছু সংখ্যক আপিস আদালতের কেরানীবাবু ব্যতীত অভিনয় দেখতে আসবে কে ? তাদের মধ্যে এক টাকা দামের উপরে টিকেট কিনবে ক'জন ? তার চাইতেও বড় কথা,—সোসাইটির সেরা নর-নারীরাই যদি না দেখল, তবে অভিনয় করে সুখ কোথায় ? মল্লী সেন তাঙ্কিল্যের সঙ্গে মুখ ঝেঁকিয়ে বললেন, “সকালবেলা থিয়েটার করতে পারব না। সে যেন রাত সাতটায় চায়ের নিমন্ত্রণ কিংবা জ্বানুয়ারী মাসে ফুটবল ম্যাচ। রিভিউস।”

এখানে বলে দেওয়া প্রয়োজন যে, মে-জুন মাসে ফুটবলের মাঠে পশ্চিম দিকের মেম্বারস্ গ্যালারীতে সাদা ফ্রেমের সান্‌ গ্লাস চোখে আটা রঙিন ম্যাকিন্স হাতে মল্লী সেনকে প্রত্যহই

দেখতে পাওয়া যায়, যদিও সেখানে তাঁর এই নিয়মিত উপস্থিতি কতটা নিছক ক্রীড়ানুরাগপ্রণোদিত আর কতটাই বা ব্যাশানের তাগিদে তা নিয়ে তাঁর অন্তরঙ্গ বান্ধবীদের মধ্যেও মতদ্বৈধ আছে। এমন কি, তাঁদের মধ্যে কেউ কেউ নাকি আড়ালে এমনও বলে থাকেন, “ও তো দেখতে যায় না, দেখতে যায়।”

অসম্ভব নয়। আপনাকে উদ্ঘাটিত করার প্রেরণা আছে বিশ্ব-প্রকৃতিতে, আছে মানবচরিত্রে। তাই বীজ আপনাকে অঙ্কুরিত করে বৃক্ষে, তরুলতা বিকশিত হয় ফুল-ফলে, মানুষ পরিবাস্ত হয় স্বীয় আচার-আচরণে। নিজেকে ব্যক্ত করার এই স্বাভাবিক ব্যাকুলতা যখন সহজ ও সুসমঞ্জস হয় তখন তাকে বলি আত্মপ্রকাশ। আতিশয্যের দ্বারা সে যখন কলুষিত হয়, তখন তাকে বলা হয় আত্মপ্রচার। বিকৃত বলেই সেটা থিক্ত।

ইংরেজ কবি বলেছেন, এ জগতটা নাট্যশালা; মানুষ মাত্রই সেখানে জীবননাট্যের কুশীলব। মলী সেন বিলাতী কনভেন্টের ছাত্রী ছিলেন, সিনিয়র কেমব্রিজের বেড়া ডিঙিয়ে সেখানে কলেজে গ্রন্থবশের পথ মেলে। তাই যে বয়সে বান্ধালী ছেলেরা নেসফিল্ডের ব্যাকরণ মুখস্থ করে, সে বয়সে তিনি ইংরেজী নাটক পড়েছেন। তাঁর কাছে ঐ কাব্যোক্তি অবিদিত নয়।

কিন্তু তাতে মন ওঠে না। সুবৃহৎ পৃথিবীর বিশাল নাট্যক্ষেত্রে কোটি কোটি অভিনেতা অভিনেত্রীর ক্ষান্তিবিহীন অভিনয়-পর্বের মধ্যে একটি মাত্র মলী সেনের পাট কতটুকু? নিখিল ব্রহ্মাণ্ডের চরাচর বিস্তৃত সেটের মধ্যে সে তো শুধু একজন ‘এক্সট্রা’; সে তো ‘স্টার’ নয়। জনতার কোন ভূমিকা নেই, তাদের অভিনয় নিরবধি কাল এবং বিপুল পৃথিবীর অঙ্গীভূত। কোথায় যে তার প্রস্তাবনা আর কোনখানেই বা যবনিকা পতন তা সকলের অলক্ষিত। নায়িকার জন্য চাই নির্দিষ্ট নাটক—তার পরিধি পরিমিত এবং আরম্ভ ও সমাপ্তি দুই-ই সুস্পষ্ট হওয়া প্রয়োজন! ফুটবল সম্পর্কে যাই হোক না কেন, নাটকে দেখাবার প্রক্টাই প্রধান। সে-কথা মলী সেনের জানা আছে। তার জন্য আবশ্যক যথোচিত মঞ্চ ও প্রেক্ষাগার।

উত্তর কলকাতায় সাধারণ রঙ্গালয় ভাড়া পাওয়া শক্ত নয়। কিন্তু তার কৌলিন্য নেই। সেখানে কাস্টমস বা পুলিশের ক্লাবের সদস্যদের মেবার পতন বা বস্ত্র বর্ণী অভিনয় চলে, যাতে মিহি সুরের পুরুষেরা নকল চুল মাথায় চাপিয়ে শাহজাদী সাজে। সেখানে অভিজাতদের অভিনয় সম্ভব নয়। স্থান-মাহাত্ম্য বলে একটা কথা আছে তো? গুলু ওস্তাগরের গলিতে কি বাড়ি তুলবেন স্যার ধীরেন মুখার্জী? মির্জাপুরের হোটеле হবে চীফ মিনিস্টারের ডিনার?

তার চাইতে বাড়িতে স্টেজ বেঁধে অভিনয় করা বরং ভালো। তাতে সাহেবপাড়ার থিয়েটার হলের ডিগনিটি না থাকলেও, ডিস্টিংশান আছে। দামী জর্জেটের অভাবে মোটা খদ্দেরের শাড়ীর মতো। অন্য লোকের কথা কী, জোড়াসাঁকোর বাড়িতে একাধিক অভিনয়ে অংশ গ্রহণ করেছেন স্বয়ং কবিগুরু রবীন্দ্রনাথ।

মলী সেনদের বাড়িটা অতিশয় প্রাচীন। চক মিলানো গড়ন। মাঝখানে বৃহৎ উচু দালান। চণ্ডীমণ্ডপ। সেকালে দুর্গাপূজা হতো মহাসমারোহে। সামনে বিস্তীর্ণ প্রাঙ্গণ। সেখানে বসে সমবেত জনতা ভক্তিবলে শ্রবণ করত মহাষ্টমীর দিনে পূজামণ্ডপে ফুলপুরোহিতের উদাস্ত কণ্ঠে চণ্ডী পাঠ। প্রতি বৎসর রাস পূর্ণিমার রাত্রে যাত্রাভিনয় হতো। রাই উম্মাদিনী পালায় অধিকারী অঘোর সামন্ত নিজে আসরে বসে বৃন্দাভূতীকে ঝাপ তালে গানের খেই ধরিয়ে দিতেন—“গোকুল তাজি শ্যাম রায়, তুমি এলে মথুরায়, শ্রীরাধিকার প্রাণ যায়, তোমার বিহনে এ-এ-এ।” প্রাঙ্গণের তিন দিকে ঘেরা দালানের দোতালার বারান্দায় চিকের আড়ালে বসে মহিলারা বিরহিণী রাধার দৃখে ঘন ঘন চোখ মুছতেন। সে দীর্ঘদিন আগেকার কথা।

মলী সেনের স্বস্তর বৈকুণ্ঠনাথের কুখ্যাতি ছিল অর্থগণ্ডতার। পাড়ার ফুটবলের ক্লাবে চাঁদাবদ্ধিত কৃদ্ধ যুবকের দল তাঁর নামের ঈষৎ পরিবর্তন করে নব নামকরণ করেছিল বায়কুণ্ঠ সেন। তিনি প্রথমে পূজা-পার্বণের রাজসিক অংশ কাট-ছাঁট করে নেহাৎ অবজ্ঞনীয় শাস্ত্রীয় অনুষ্ঠানটুকু বজায় রাখলেন। যাত্রা হলো বন্ধ, কথকতা গেল উঠে, কাঙালী-বিদায় পেল লোপ।

পূজারও আয়ু বেশী দিন রইল না। সে-বার নবমীর দিনে বলির পশু আটকে গেল খড়্গে।

শ্রীধর মাস্টার এ বাড়িতে ঝাঁড়া ধরছেন এই বাইশ বছর ; এক কোপে মোষ নামিয়েছেন কতবার । তাঁর হাতে এমন দুর্ঘটনা এই প্রথম । তিনি হাতের অস্ত্র নামিয়ে রেখে, কপালের ঘাম মুছে, প্রতিমার পানে হাত জোড় করে বললেন, “মা করুণাময়ী, রোষ করিসনে । দেখিস, কর্তার যেন কোন অমঙ্গল না ঘটে । ভালোয় ভালোয় বছর পার হোক, আসছে বছর জোড়া মোষ মানত রইল তার পায়ে ।”

হায়, একসঙ্গে একাধিক মহিষের রুধিরপানের এমন লোভনীয় সম্ভাবনার প্রতিও মায়ের কিছুমাত্র আসক্তি দেখা গেল না । করুণাময়ীর করুণা রইল সম্পূর্ণই অপ্রকাশ । মাস খানেকের মধ্যে টাইফয়েডের ব্যাপক আক্রমণে মারা গেল পর পর বৈকুণ্ঠের বড় দুই ছেলে । একুশ দিন যমে ডাক্তারে টানাটানির পর কোন মতে বেঁচে গেল অবশিষ্ট পুত্র শিবনাথ,—পটলডাক্তার পুরাতন সেন পরিবারের একমাত্র বংশধর । এই শোচনীয় দুর্ঘটনার সঙ্গে বলিবিপ্রাটে রুগী ভবানীর প্রকৃত সম্পর্ক কতখানি, সে কথা তিনিই জানেন । কিন্তু শোকে মুহাম্মান বৈকুণ্ঠনাথ রাগ করে বললেন, “এ বাড়িতে আর ভগবতীর পাট নেই, এবার থেকে পূজা বন্ধ ।”

তার পর থেকে গৃহে আর পাতা হয়নি দেবীর আসন, স্থাপনা হয়নি অর্চনার ঘট । পুত্রের দালান ব্যবহৃত হয়েছে বৈকুণ্ঠের ব্যবসায়ের গুদামঘর হিসাবে । পড়তি বাজারে মাল কিনে তিনি সেখানে মজুদ করেছেন উঠতি বাজারে বিক্রয়ের উদ্দেশ্যে । এক পাশে জড়ো-করা জীর্ণ তক্তাপোশ, বাঙিল ঝাঁধা পুরোনো আমলে বৃহৎ ভোজের দিনে ব্যবহৃত কুশাসনের স্তূপ, ডালা-ভাঙা টানের বাস্র, দেয়ালে কলি ফেরাবার পাটের মোটা তুলিসমেত চুণের কেনেস্তারা এবং গৃহস্থালীর অন্যান্য বহু পরিত্যক্ত অব্যবহার্য উপকরণ ।

সে-সমস্ত দূর করে আজ ক’দিন ধরে থিয়েটারের স্টেজ তৈরী হচ্ছে । ঠেলাগাড়ী বোঝাই আসছে শাল কাঠের তক্তা, বস্তা বোঝাই রঙ্গিন কাপড়, ইলেকট্রিকের তার, বিভিন্ন বর্ণের আলো ও নানাবিধ সাজ-সরঞ্জাম । হাতুড়ি পেরেকের ঠকাঠক শব্দে দালানের কার্নিশে অতি পুরাতন বাসিন্দা মালিকহীন পারাবতের দল সচকিত, ভীত ও সম্ভ্রান্ত চিন্তে ইতস্ততঃ পলায়নরত ।

যাঁর উপরে রঙ্গমঞ্চ তৈরীর ভার তিনি সার্টফিকেট দিয়েছেন, এ বাড়ির সদর দালানটা স্টেজের পক্ষে খুবই উপযোগী । মনে হয় যিনি বাড়ি তুলেছিলেন তিনি যেন এই অভিনয়ের কথা ভেবেই এমন উচু মণ্ডপ ও সামনে প্রেক্ষাগারের উপযোগী প্রাঙ্গণ পরিকল্পনা করেছিলেন ।

শুনে মলী সেন খুশী হলেন । সেকেলে ধরনের এই অতি পুরাতন কক্ষগুলিও যে কোনো দিন কোটুনা উপলক্ষ্যে কার্জে লাগতে পারে একথা এই প্রথম তাঁর মনে হলো ।

এ বাড়িটার প্রতি মলী সেনের তীব্র বিতৃষ্ণা ছিল । পনের বৎসর পূর্বে বৈশাখের এক উৎসব মুখরিত সন্ধ্যায় বহুব্রশে তিনি এই গৃহে প্রথম পদার্পণ করেন । প্রচলিত পঞ্জিকার শুভদিন-নির্ঘণ্টের তালিকা অনুসারে সে-দিনটা অবশ্যই মঙ্গলদায়ক ছিল । কিন্তু পঞ্জির নিদান ও ভাগ্যের বিধান যে অনেক ক্ষেত্রেই হাতে হাত দিয়ে চলে না সদ্যবিবাহিত দম্পতির পরবর্তী জীবনে তারই দুঃখজনক প্রমাণ রইল । সে কাহিনী যারা জানেন তাঁদের কাছে আজ তার পুনরুল্লেখ অনাবশ্যক । যারা জানেন না তাঁদের জন্য স্বল্প পরিসরে সংক্ষিপ্ত বিবরণ যথেষ্ট নয় । সুতরাং সে চেষ্টা না করাই ভালো । বরং বাড়ির প্রসঙ্গেই ফিরে আসা যাক ।

মলী সেনের বিয়ের বছর পাঁচেক পরে এক ক্রিসমাসের রাত্রেতে ফারপোর ড্যাশ শেষ হলে তাঁকে বাড়ি রেখে আসতে যাচ্ছিলেন সুধাংশু । ডক্টর সুধাংশু মিটার । তিনি চিকিৎসকই বটেন, তবে দেহের নয়, দাঁতের । শিবনাথের অনুজ । অতি দূর সম্পর্কীয় । আত্মীয়তায় মলী সেনের দেবর । হৃদ্যতায় কী তা এক কথায় প্রকাশ করা কঠিন । ইংরেজীতে ফ্রেন্ড, ফিলসফার অ্যান্ড গাইড বলে একটা কথা আছে । তার বাংলা তর্জমা ঠিক জানিনে । জানলে ব্যাখ্যা করা সহজ হতো । গাড়িতে উঠে সুধাংশু বলল, “বউদি তোমাদের এই মাস্কাজর আমলের বালাখানাটা ছাড়বে কবে ?” ঠিক বুঝত না সেয়ে মলী সেন জিজ্ঞাসা করলেন, “কিসের কথা বলছ ?”

“আর কিসের ? তোমাদের এই পটলডাক্তার রাজমহলাটির । আজকের দিনেও যে কোন ডিসেন্ট রুটির ভদ্রমহিলা এই যিজ্জি পুরানো নোবো গলির মধ্যে বাস করতে পারে এ আমার

ধারণায় আসে না। ভাড়াটে বাড়িতে থাকে এমন সাধারণ চাকরে, উকীল, প্রফেসরের স্বীরাও তো আজকাল উত্তর কলকাতায় থাকতে চায় না। চৌরঙ্গী পাড়ায় থাকা সবার সাধ্য নয়, তবুও তারা অন্ততঃ লোক রোড কিংবা সাদার্ন এভিনিউতে বাড়ি খোজে।”

মলী সেন ক্রীণ স্বরে বললেন, “পুরানো আমলের বাড়ি—”। সুধাংশু বাধা দিয়ে বলল, “দোহাই তোমার, বউদি, ওটাকে বাড়ি বলা না। সিন্দুক বলতে চাও বলা, এমন কি গৌরবে দুর্গ বললেও আপত্তি করব না। কিন্তু বাড়ি—কখনই নয়, নেভার।”

এ বিষয়ে অধিক বলা বাহুল্য। মলী সেন নিজে কতদিন সদ্যপরিচিত বন্ধু-বান্ধবকে ঠিকানা দিতে গিয়ে অস্বস্তি বোধ করেছেন। লাউডন স্ট্রিট, মার্লিন পার্কের ড্রয়িং রুমে বসে রামধন মিত্রী লেনের নাম উচ্চারণ করতে হলে স্বভাবতঃই লজ্জায় অধোবদন হতে হয়।

“তোমার কথা সত্যি। আমি নিজেও যে এই দ্বাপর যুগের বাড়িটাতে একেবারে আনন্দে গদগদ হয়ে আছি, তা ভেবো না। কিন্তু সাহেবী পাড়ায় বাড়ি পাচ্ছি কী করে?” বললেন মলী সেন।

“অন্য আর দশজনে যেমন করে পায়। হয় ভাড়া, নয় কিনে। এ দুটোর একটাও না হলে তৃতীয় পন্থা আছে, সেটা সব চেয়ে ভালো—নিজেরা তৈরী করে।” জবাব দিল সুধাংশু।

“বাড়ি তৈরী করা কি চারটিখানি কথা? তার কত ঝামেলা।”

“টাকা ঝামেলা থাকে না। শিবদা একবার মুখের কথাটি বের করুন দেখি, সাতদিনে তোমাদের বাড়ির জায়গা কিনে সাত মাসে বাড়ি তুলিয়ে দিতে পারি কিনা দেখো।”

শিবদার অনুমতি সময়সাপেক্ষ। দেবর আর ভ্রাতৃজায়া মিলে পরামর্শ করলেন দিন দুই, গাড়ি চেপে দালালের মাঝফিতে এখানে ওখানে জায়গা দেখলেন দিন দশেক।

এখন চৌরঙ্গীর আব সেই পুরাতন অভিজাত্য নেই। পাট কোম্পানীর সাহেব, বিলাতী ডিগ্রীওয়ালা স্বীরোগের ডাক্তার ও বেডিওলজিস্টরা সে অঞ্চলে ফ্র্যাট নিয়ে তার কুলীনত্ব অনেকখানি ঘুচিয়েছে। ময়রা স্ট্রিট বা উড স্ট্রিট এখন আর ফ্যাশান নয়। এখানকার খাঁটি অভিজাত পল্লী—আলিপূর।

পোর্টল্যান্ড পার্কে জমি পছন্দ হলো মলী সেনের। ব্যালাডি টমসন-ম্যাথুসকে দিয়ে প্ল্যান করানো হলো বাড়ির। সর্বামুনিক এমেরিকান বীতির স্ট্রিমলাইনড ডিজাইন। স্পেগলার থেকে আসবে বাড়ির লিফট, ফিলিপস থেকে ফ্লুরেসেন্ট বাতি এবং স্যাঙ্কস থেকে স্যানিটারী ফিটিংস। বার্ডস করবে ফ্লোর, ল্যাজারাস দেব ফার্নিচার। বসার ঘরে ফোয়ালে ছবির ডিজাইন করবেন যামিনী রায়। বাকী রইল শুধু গৃহকর্তাকে বলা। টাকার প্রয়োজনে

প্রতাহ সন্ধ্যায় বাড়ি ফিরে কিছুক্ষণ ব্যবসায় সংক্রান্ত কাজ করার অভ্যাস আছে শিবনাথের। দিবাভাগে ক্রেতা-বিক্রেতার আনাগোনায ও অন্যান্য কাজের তাড়ায় কোন কিছুতে নিরবচ্ছিন্নরূপে মন দেওয়ার উপায় থাকে না। নিশীথে নিজকক্ষের নিভৃত আবেষ্টনে ধীর চিন্তে হিসাবপত্র পরীক্ষার সুযোগ মেলে। সেদিন তাতে বাধা পড়ল। মলী সেন এসে বললেন, “একটা দরকারী কথা আছে।”

তা না বললেও চলতো। দরকার না থাকলে সন্ধ্যাকালে মলী সেন সিনেমায় বা ক্লাবে না গিয়ে বাড়ি থাকতেন কেন? দরকারটা যে শিবনাথের নয়, তাও অনুমান করতে কষ্ট হয়নি। লেজারের পাতা থেকে মুখ তুলে স্বীর পানে তাকিয়ে শিবনাথ জিজ্ঞাসা করলেন, “কী ব্যাপার?”

ব্যাপার,—নতুন বাড়ি।

মলী সেন চেয়ার টেনে নিয়ে বসলেন। এ বাড়ি পরিত্যাগের সংকল্প, সাহেবী পাড়ায় নতুন গৃহ নির্মাণের অভিজাত্য, তার জন্য স্থান অন্বেষণ, জমি নির্বাচন, নক্সা তৈয়ার ইত্যাদি সবিস্তারে বর্ণনা করলেন। টেবিলের উপরে প্ল্যান খুলে সযত্নে ব্যাখ্যা করে বোঝালেন, কোনখানে হবে শয়নকক্ষ, কোথায় হবে অতিথির ঘর, কত বড় হবে ড্রয়িং রুম, কত দূরে থাকবে গ্যারেজ ও ভৃত্যদের বাস ব্যবস্থা ইত্যাদি। বলতে বলতে উৎসাহে, উত্তেজনায় উচ্ছ্বসিত হয়ে উঠেছিলেন মলী সেন।

শিবনাথ সমুদয় প্রস্তাব অখণ্ড মনোযোগে শুনলেন, সযত্নে প্ল্যানটি দেখলেন। তারপর প্রশ্ন করলেন, “নতুন বাড়ি কার জন্য?”

হায়, অদৃষ্ট ! সপ্তকাণ্ড রামায়ণ পাঠান্তে অবশেষে প্রশ্ন করে কিনা “সীতা কার পিতা !” এর পরে সংযম রক্ষা করা অন্য যে কোন মহিলাই পক্ষেই শক্ত হতো। কিন্তু মল্লী সেন আজ স্থির করেছিলেন কিছুতেই ধৈর্যচ্যুত হবেন না। গভীর স্বরে উত্তর করলেন, “আমার—মানে, আমাদের জন্য।”

শিবনাথ সংক্ষেপে বললেন, “তোমার জন্য যদি হয়, করতে পার। আমাদের জন্য যদি হয়, তবে নিশ্চয়োজন।”

“তার মানে ?”

“খুব সহজ। আমি তো এখানেই বেশ আছি।”

“কিন্তু আমি যে এখানে সুখী নই, তা জান ?”

“জানি। কিন্তু সুখ কি আছে রাজমিস্ত্রীদের খুলিতে ? নতুন বাড়িতে গেলেই কি সমস্ত দুঃখ দূর হবে ?”

“না, হবে না। তবে নিজের পছন্দ মতো একটা বাড়িতে বাস করছি, অন্তত সেটুকু তো জানব।”

“বেশ তো তুমি নতুন বাড়িতে থাকতে চাও, থেকো। আমি বাধা দেব না।”

ধৈর্যের ঝড় বৃষ্টি আর থাকে না। বহু কষ্টে আত্মসংবরণ করে অবজ্ঞা-মিশ্রিত কণ্ঠে বললেন মল্লী সেন, “বাধা দিতে চাইলেই যেন বাধা দিতে পারতে। তুমি জানো আমি কারো বাধাই মানিনে, তোমার তো নয়ই।”

শিবনাথ নিরুত্তরে আপন খাতাপত্র টেনে নিয়ে পুনরায় হিসাব পরীক্ষা কার্যে মনোনিবেশের উদ্যোগ করলেন।

এ ভঙ্গিটুকু মল্লী সেনের অজানা নয়। বিতর্কের মধ্যপথে অকস্মাৎ এইরূপ মৌনতার দ্বারা অপ্রীতিকর বাদানুবাদের পবিসমাপ্তি ঘটান শিবনাথের একটি পরিচিত পুরাতন কৌশল।

কিন্তু বর্তমান প্রসঙ্গের একটি চূড়ান্ত পরিণতি না ঘটিয়ে মল্লী সেন আলোচনা বন্ধ করতে প্রস্তুত নন। তাই তিনি উদগত ক্রোধ দমন করে যথাসম্ভব শান্ত স্বরে জিজ্ঞাসা করলেন, “তোমার আপত্তি কি কারণে ? জায়গাটা কি পছন্দ নয় ?”

খাতায় নিবন্ধদৃষ্টি শিবনাথ উত্তর দিলেন—“এর চেয়ে ভালো জায়গা কলকাতায় খুব বেশী পাওয়া যাবে, মনে হয় না।”

“তবে ?”

শিবনাথ নিরুত্তরে পেন্সিল চালনা করতে লাগলেন ডেবিট-ক্রেডিটের অঙ্কে।

উত্তরের প্রত্যাশায় কিছুক্ষণ অপেক্ষা করে পুনরায় প্রশ্ন করলেন মল্লী সেন, “বাড়ির প্ল্যানটা ভালো নয় ?”

“প্লানে তো কোন দোষ দেখছিনে, ডিজাইনটি চমৎকার, ড্রয়িংও নিখুঁত।”

“তা হলে ?”

“বলেছি তো, তুমি নিজে থাকতে চাও তো বাড়ি শুরু করে দাও। কন্ট্রাক্ট দেওয়ার আগে এস্টিমেটটা একবার আমাদের দোকানের এঞ্জিনীয়ারকে দেখিয়ে নিও, কোনো ভুল-চুক থাকবে না।”

“দেখ, এ বাড়ি তৈরী তোমার ইচ্ছা নয়, সে কথা অত ঘুরিয়ে বলার দরকার কি ? সোজাসুজি বলার সাহস নেই কেন ?”

শিবনাথ উত্তর দিলেন না, আপন মনে হিসাব পরীক্ষায় ব্যাপৃত রইলেন। সাহসের কথাটা না তোলাই ভালো ছিল। সে কথা মল্লী সেনও মনে মনে জানেন। যদিও মুখে স্বীকার করেন না। কথা উঠলে বলেন, “একে সাহস বলে না, বলে গোয়ার্হুমি পিগহেডেনেস্।”

মিনিট দুই অপেক্ষাক্ষে মল্লী সেন আপন অভিযোগের পরিশিষ্ট হিসাবে বললেন, “স্বামী স্ত্রী দু’জন আলাদা বাড়িতে থাকলে আর পাঁচজনে যে তার কি ব্যাখ্যা করে তা তুমি বোঝ না এমন নয়। তুমি থাকবে পটলডাকার বাড়িতে আর আমি থাকব পোটল্যাশ পার্কে—লোকনিদ্রায় তা

হলে কান পাতা যাবে কোথাও ?”

টাকা আনা পাই’র অঙ্কে লাল পেলিলের টিক দিতে দিতে প্রায় স্বগতোক্তির মতো অনুচ্চ কণ্ঠে শিবনাথ বললেন, “লোকনিন্দার কথা ভেবেই কি আমরা সব সময়ে সব কাজ করি ?”

“আমরা’ মানে আমি তো ? না করিনে । যে-নিন্দা অকারণ, যে-নিন্দার পেছনে থাকে অশ্রমের ক্ষোভ আর বঞ্চিতের ঈর্ষা, তাকে আমি কেয়ার করিনে । আমি ক্রায়ে পুরুষ বন্ধুদের সঙ্গে ব্রিজ খেলি বা রেসে যাই বলে তোমার যে সকল মাসি, পিসি, দিদি-দিদিমার দল দু’বেলা আমার অখ্যাতি না করে জল স্পর্শ করেন না, তাঁদের আমি বরাবর অগ্রাহ্য করব । কিন্তু আমি একা একটা ভিন্ন বাড়িতে বাস করলে কেউ যদি অপ্রিয় কিছু বলে, তাকে দোষ দেব না ।”

“অর্থাৎ যিনি আসামী তিনিই বিচারক হয়ে রায় লিখবেন । আদালতে—”

অসহিষ্ণু স্বরে বাধা দিয়ে মলী সেন বললেন, “তোমার ও-সব আইন আদালতের ব্যাখ্যান রাখ । তুমি যে ল’ক্লাশে কিছুদিন পড়েছিলে তা অত ঘট করে প্রমাণ না করলেও চলবে । তা নিয়ে কিছু কম কাণ্ড হয়নি যে, পুরানো বলেই সে-কাহিনী আমি আজ ভুলে যাব । তুমি কষ্ট করে শুধু এইটুকু বল যে, এই পুরানো অশ্রমকার কুঠরি ছেড়ে তুমি নতুন বাড়িতে বাস করতে রাজী আছ কি না ?”

“কষ্ট করে নয়, স্পষ্ট করেই বলছি,—এ বাড়ি ছেড়ে অন্যত্র বাস আমার ইচ্ছা নয় ।”

কণ্ঠে দৃঢ়তার আভাস, ভঙ্গিতে চরম সিদ্ধান্তের লক্ষণ ।

মলী সেন চেয়ার ছেড়ে দাঁড়িয়ে উঠে উচ্চ কণ্ঠে বললেন, “তা হবে কেন ? জমির বায়না দেওয়া হয়েছে, মালিক কাল আসবে পুরো টাকা নিতে, পরশু সেল-ডিড রেজিস্ট্রি হবে ! এখন তাকে বলতে হবে, জমি কেনা হবে না, কেন না আমার স্বামীকে না জানিয়ে এতদূর এগিয়েছিলেম । এখন দেখছি, তাঁর মত নেই । লজ্জায় মাথা কাটা যাবে আমার । আমাকে জব্দ করার এত বড় সুযোগ কি তুমি হাতে পেয়ে ছাড়তে পার ? তোমাকে কি আমি পনের বছরেও চিনিনি ?”

শিবনাথ এবার খাতা বন্ধ কবে স্ত্রীর পানে তাকিয়ে বেদনাক্রিষ্ট কণ্ঠে বললেন “সেটাই সত্যি, মলী, এই পনের বছরে তুমি আমাকে এতটুকুও চেননি, চিনতে চাওনি । কিন্তু সে কথা থাক । তুমি যে জমির বায়না করেছে তা তো এতক্ষণ আমাকে বলনি । আমি এ বাড়ি ছেড়ে অন্যত্র বাস করব না । তোমার ইচ্ছাকে অগ্রাহ্য করার অভিপ্রায়ে নয় । এই বাড়ি আমার পিতামহের নিজের হাতে গড়া । এ বাড়িতে আমার মা একদিন লাল ঢেলী পবে সিঁথিমৌর মাথায় বউ হয়ে এসেছিলেন । দেহান্তে এই বাড়ি থেকেই তাঁকে দাহ করতে নিয়ে যাওয়া হয়েছে শ্রাশানে । এই বাড়িতে শেষ নিঃশ্বাস ফেলেছেন আমার কত প্রিয় পরিজন, এই বাড়ির প্রতি ধূলিকণায় জড়িয়ে আছে আমার ভাইদের স্পর্শ, বোনদের চিহ্ন, বাবার স্মৃতি । কিন্তু কথা যখন দেওয়া হয়েছে, জমি নিশ্চয়ই কেনা হবে ।”

মলী সেন বললেন, “থাক, তোমাকে দয়া করতে হবে না । আমার নিজের গয়না বিক্রি করলে অশ্রুত হাজার পঞ্চাশ টাকা নিশ্চয়ই পাওয়া যাবে । সে টাকা দিয়ে আপাতত জমির দাম আমি দিতে পারব । তোমার কাছে জীবিত স্ত্রীর অনুরোধের চাইতে যখন মৃত পিতামহের স্মৃতিই বেশী মূল্যবান—”

শিবনাথ বাধা দিয়ে বললেন, “মূল্য কম বেশী নিয়ে কথা নয়, মলী; ; সেন্টিমেন্টের কথা । সেটা যুক্তি দিয়ে বোঝানো যায় না, হৃদয় দিয়ে বুঝতে হয় । এ বাড়ি আমাদের পয়মস্ত । এ বাড়ি তৈরীর পরেই নানাভাবে ঠাকুর্দামশায়েব সৌভাগ্য বেড়েছে, এ বাড়িতে থেকে বাবা ব্যবসায় আশাতীত উন্নতি করেছেন ।”

তাচ্ছিল্যের সঙ্গে মলী সেন মন্তব্য করলেন, “আধুনিক কালেও যে কোন পুরুষমানুষের এমন কুসংস্কার, সুপারস্টিশন থাকতে পারে তা জানা ছিল না । বসত বাড়ির উপরে ব্যবসায় সাফল্য নির্ভর করে একথা যে বিশ্বাস করে তার পাড়াগায়ে থাকা উচিত ছিল ।”

“বোধ হয় তাই । কিন্তু সুপারস্টিশন তো কেবল পুরুষেরই মনোপলি নয় । বাড়ির সামনের

রাস্তাটার নামের উপরই যে বাড়ির ভিতরের মানুষগুলির দাম নির্ভর করে, সে তো মেয়েরাই বিশ্বাস করে এবং এই আধুনিককালেই।”

রোষে মলী সেনের সবঙ্গ দম্ব হতে লাগল। কিন্তু মুখে যথোচিত কঠোর অথচ যোগ্য প্রত্যুত্তর যোগাল না। কোনো কথা না বলে ক্রুদ্ধ পদক্ষেপে ঝড়ের বেগে নিজস্ব হলেন শিবনাথের কক্ষ থেকে।

তারপরে ক্রমাগত সপ্তাহখানেক ধরে একাধিকবার চেষ্টা করেছেন। পর্যায়ক্রমে যুক্তি, তর্ক, অনুরোধ, অনুন্নয়, অনুযোগ, তিরস্কার ও অশ্রুধারা প্রয়োগ করেছেন মলী সেন। শিবনাথ অবিলম্বে। তাঁর ঐ এক কথা, “আমরা এ বাড়ি ছাড়লে লক্ষ্মীও আমাদের ছাড়বে।”

পরাজিত হয়ে অবশেষে হাল ছেড়েছেন মলী সেন।

সে জমি কেনা হয়েছে। পরিবর্তিত ধ্যানে সেখানে বৃহৎ চারতলা বাড়ি উঠেছে সে-বহরই। তাতে বারোটা ফ্ল্যাট। বাংলা গভর্নমেন্টের সেক্রেটারী, পোর্ট ট্রাস্টের বড় সাহেব, ইম্পিরিয়াল ব্যাঙ্কের এজেন্ট প্রভৃতি ক্লাইভ স্ট্রীটের রথী-মহারথীরা সেগুলিতে বাস করেন। প্রতি মাসের পহেলা তারিখে শিবনাথের কারেন্ট একাউন্টে প্রায় হাজার পাঁচেক টাকা ভাড়া জমা হয়।

তিস্তা স্মৃতি মনে রেখে লাভ নেই, আছে মনস্তাপ। মলী সেন তা জানেন। কিন্তু বিশ্বরণ তো মানুষের ইচ্ছাধীন নয়। নতুন জুতার ফোঁস যা এমন প্রতি পদক্ষেপেই পথচারীকে পায়ের ক্ষতস্থানের কথা বেদনার সঙ্গে স্মরণ করিয়ে দিতে থাকে, তেমন পটলডাঙ্গার সেই পুরাতন বাড়িতে বিতৃষ্ণ অবস্থিতি ক্ষণে ক্ষণে মলী সেনের মনে আনে সেদিনকার সেই পরাভবের অপমান। তার বেদনা গভীর। জ্বালা দুঃসহ।

সংস্কৃত অলঙ্কার শাস্ত্রে নাটককে বলে দৃশ্যকাব্য। বাংলা থিয়েটার যারা দেখেন, তাঁরা জানেন, বাংলা নাটকে কাব্য আছে সামান্যই, দৃশ্য আছে যথেষ্ট। সেগুলি সব সুদৃশ্য হলে ক্ষোভ ছিল না।

অভিনয়ে দৃশ্যপট ব্যবহারের প্রবল বিরোধী ছিলেন রবীন্দ্রনাথ। সেটা অপ্রত্যাশিত নয়। তাঁর নাটক সবই কাব্যপ্রধান। কবিতা ছিল তাঁর জীবন-ধর্ম। যা লিখেছেন তা-ই হয়েছে কাব্য। এমন কি শিশুশিক্ষার সহজ পাঠেও তার প্রকাশ। বলা যায় না, হয়তো তিনি শুভঙ্করের ধারাপাত নূতন করে লিখলে তাতেও কাব্যের স্বাদ পাওয়া যেত।

কবির বিশ্বাস, অভিনয় ব্যাপারটা গতিশীল। দৃশ্যপটগুলো স্থায়ী। জীবন্ত মানুষের আবৃত্তি, সঙ্গীত ও নৃত্যলীলার সম্মিলিত সচল অভিব্যক্তির পথে সেগুলি অচল বিষমুপ। সযত্নে পরিত্যক্ত। অভিনয়ের পরিপূর্ণ উপভোগ দর্শকের কল্পনার উপরে দাবী রাখে। চিত্রিত পট ও নির্মিত দৃশ্য তার সেই কল্পনাশক্তিকে পদে পদে ব্যাহত করে।

মলী সেন কবি নন। নিজেই ইন্টেলেকচুয়াল বলেও কোনো দাবি করেন না। কিন্তু সহজাত বুদ্ধি, ইংরেজীতে যাকে বলে কমন্সেন্স, সেটা তীক্ষ্ণ। লোকচরিত্রে গভীর জ্ঞান নেই বটে, কিন্তু নিজ গোষ্ঠীর মানুষগুলিকে ভালো কুরেই চেনেন। জানেন, এদের পুরুষেরা বড় চাকরি করে, মোটা মাইনে পায়। মেয়েরা দামী গাড়ি চড়ে, ভারি গয়না গড়ায়। আর যাই করুক, এরা জেমস জয়েস পড়ে না। থার্ড প্রোগ্রামের নাম শুনেলে থার্ড ডিগ্রীর কথা ভেবে আতকে উঠতে পারে। এদের জন্যে চাই অন্য ব্যবস্থা।

রবীন্দ্রনাথেরই লেখা উদ্ধৃত করে মলী সেন বললেন, “সংসারে বেশীর ভাগ লোকই ব্রহ্মা সৃষ্টি করেছেন পা-ঝাড়া দিয়ে; শিতামহের চারটে মুখ আছে শুধু বড় বড় কথা বলার জন্য। তাদের জন্যে গাছে জল দেওয়ার দৃশ্যে শকুন্তলার হাতে শুধু জলের ঝারি দিলেই যথেষ্ট নয়, ডালপালা সুদ্ধ গাছের গুঁড়িটাকেই স্টেজের উপর খাড়া করা চাই।”

কথাটা মিথ্যা নয়। আমাদের দর্শকেরা সিনেমা দেখতে গিয়ে চায় গান, নাটক দেখতে গিয়ে ম্যাজিক। তাই সিনেমার কুন্দনন্দিনী যদি বিব খেতে খেতে একখানা করুণরসাত্মক গান না ধরে, তবে সে শুধু নিজেই মরে ‘না, সঙ্গে সঙ্গে ছবির প্রযোজককেও মারে। প্রাণে নয়, ধনে। থিয়েটারের ইন্দ্র যদি দর্শকদের চোখের সামনে রথে চেপে স্টেজ থেকে শূন্যে না মিলিয়ে যায়, তবে অচিরে প্রেক্ষাগৃহটি শূন্য হওয়ার আশঙ্কা।

আজকের অভিনয়ে স্টেজে গাছের ঠুড়ি খাড়া করার ভার যিনি নিয়েছেন, ইংরেজী অক্ষরে তাঁর নামের উচ্চারণ 'রয়'। আসলে অবশ্য গাছের ঠুড়ি নয়,—সমুদ্রে ভাসমান প্রমোদ-তরঙ্গী। কারণ অভিনয়ের পালাটি অভিজ্ঞানশকুন্তলম নয়,—স্বপনকুহেলী ! এতে তরু-আলবালে বারিসিঞ্চনরতা সখিপরিবৃত শকুন্তলার সাক্ষাৎ পাওয়া যাবে না ; দেখা যাবে জ্যোৎস্না-রজনীতে সমুদ্রবক্ষে বীণাবাদিনী রাজকন্যা মঞ্জুশ্রীকে ।

ম্যাসাচুসেট থেকে ডিগ্রি ও ওয়েস্টিং হাউস থেকে ট্রেনিং নিয়ে মিস্টার এন. সি. রয় অর্থাৎ শ্রীমান নিখিলচন্দ্র রায় বর্তমানে স্থানীয় এক নামজাদা এমেরিকান কোম্পানীতে রেসিডেন্ট ডিরেক্টর। কিন্তু সোসাইটিতে এঞ্জিনীয়ার বলে তাঁর পরিচয়টা সত্য হলেও আংশিক মাত্র। এ যেন ইংলণ্ডের রাজনীতিতে উইনস্টন চার্চিলের পরিচয় দিতে বলা,—লীডার অব দি কন্সারভেটিভ পার্টি ।

নিখিল রায়ের স্বল্প মোটেই বৃষের ন্যায় নয়, তাঁর ভূজস্বয়কেও ঠিক শালপ্রাণ্ড বলা চলে না । বস্তুতঃ, কালিদাসের শ্লোকের সঙ্গে মিলিয়ে নিতে গেলে তাঁকে দিব্যকান্তি বলা কঠিন । তবুও গণ্ডে কয়েকটি বসন্তের গুটিচিহ্ন বাদ দিলে বাঙালী হিসেবে মোটামুটি তিনি সুপুরুষ, একথা একমাত্র স্বভাব-নিন্দুক ব্যতীত আর সবাই স্বীকার করে । টেনিসে সমস্ত মিশ্র বা দিলীপ বোসের পরেই তাঁর র্যাঙ্কিং হবে এমন সম্ভাবনা নিশ্চয়ই নেই । কিন্তু ইস্ট ইন্ডিয়ান চ্যাম্পিয়ানশিপে দু'তিন বারই তিনি সেমিফাইন্যাল অবধি উঠেছেন । ক্লাব টুর্নামেন্টে কাপ পেয়েছেন একাধিক । বিলিয়র্ডে অনায়াসে তিনি নব্বই-এর কাছাকাছি ব্রেক করতে পারেন ।

তাঁর জনপ্রিয়তার চূড়ান্ত প্রমাণ এই যে, একাদিক্রমে তিন বছর তিনি ক্লাবের সম্পাদক নিবাচিত হওয়া সত্ত্বেও সদস্যদের মধ্যে কেউ পদত্যাগ করে নতুন ক্লাব গড়ার উদ্যোগ করেনি ।

নিখিলের চরিত্রে আর একটি বিস্ময়কর বিশেষত্ব সম্প্রতি আবিষ্কৃত হয়েছে । তিনি একজন সুদক্ষ অভিনেতা । স্বপনকুহেলীর নায়িকা সিংহল রাজকুমারী মঞ্জুশ্রীর ভূমিকায় মল্লী সেন । নায়ক তাঁরই প্রণয়মুগ্ধ বিদেশী রাজকুমার ইস্ত্রিজিতের অংশে—নিখিল রায়—বন্ধু বাসুদেবীরা ঠাট্টা করে বলেন,—“গ্রিয়ার গার্সন অ্যাণ্ড ওয়ালটার পিজন । একেবারে স্টার কাস্ট ।”

অভিনয় নিখিলের নেশা, এঞ্জিনীয়ারিং তাঁর পেশা । দুটোতেই তাঁর পারদর্শিতার উল্লেখযোগ্য প্রমাণ দিতে বন্ধপরিচর নিখিল আলোর মালায় ছেয়ে দিয়েছেন অভিনয়মঞ্চ । মানবদেহে শিরা-উপশিরার মতো অসংখ্য দীর্ঘ বৈদ্যুতিক তার যোজনা করেছেন স্টেজের এক প্রান্ত থেকে অপর প্রান্তে । বৃহদাকার আর্ক ল্যাম্পগুলি ঝুলছে উপর থেকে । বিভিন্ন সুইচ নিয়ন্ত্রণে সেগুলির বিচ্ছুরিত আলোক-বন্যায় প্রাবৃত অভিনয়মঞ্চে কখনও দেখা যাবে রৌদ্রোজ্জ্বল দিবা দ্বিপ্রহর, কখনও আভাস দেবে অস্তগামী সূর্যকিরণে রক্তিম আসন্ন সন্ধ্যার, কখনও বা সৃষ্টি করবে শুক্লা রজনীর মৃদুস্বিচ্ছ চন্দ্রালোক । প্রয়োজন মতো সমস্ত আলো নিভিয়ে দিয়ে গভীর অন্ধকারে ঢেকে দেওয়া যাবে সমগ্র মঞ্চপীঠ ।

অভিনয়ের সর্বশেষ অঙ্কে আছে, সবেগে আন্দোলিত রাজপুত্রের তরঙ্গী ঝঙ্কারবিশুদ্ধ সিঁদুর উত্তাল তরঙ্গাঘাতে ভেসে যাচ্ছে কূল থেকে অকূলে, চোখের সমুখ থেকে দৃষ্টির অন্তরালে । প্লাইউড, কাডবোর্ড ও টিনশিট দিয়ে তৈরী হয়েছে ময়ূরপঙ্খী নৌকা । তার তলদেশে গোলাকার ক্যাস্টের ঠাঁটা । অদৃশ্য দড়ির সাহায্যে দুলে দুলে চলবে কৃত্রিম জলের উপর কৃত্রিম তরঙ্গী—সত্যিকার জলযাত্রার ভঙ্গিতে । সমুদ্রের ঢেউ, তার গর্জন, তরঙ্গীর আন্দোলন ও গতি সমস্তই সৃষ্টি করা হবে বৈদ্যুতিক শক্তির সহায়তায় । তার জন্য স্টেজের নীচে বসানো হয়েছে বিভিন্ন অংশভাগবিশিষ্ট ছোট বড় গুটি কয়েক মোটর এবং একটি কনভার্টার । আনা হয়েছে নানা আকৃতির রেল, নানা মাপের রোলার, ছোট বড় কপিকল, দাঁতওয়ালা চাকা, সরু-মোটো শিকল, লোহার স্প্রিং, কাঠের হাতল ইত্যাদি অগণিত যন্ত্রপাতি ও সাজসরঞ্জাম ।

একটার পর একটা সুইচ টিপে শেষবারের মতো সমস্ত বৈদ্যুতিক কৌশলগুলি পরীক্ষা করে দেখাছিলেন এবং দেখাছিলেন নিখিল । উৎসাহের আতিশয্যে কীপ্র তাঁর ভঙ্গি, আত্মতৃপ্তির অভিব্যক্তি তাঁর মুখে, চোখে, সর্বাস্থে ।

নিজের পরিকল্পনার সার্থক রূপায়ণে আত্মপ্রসাদ লাভ মানুষের পক্ষে স্বাভাবিক। কিন্তু নিখিলের বর্তমান উৎসাহ ও আনন্দের কারণ কেবল মাত্র নিজস্ব এঞ্জিনীয়ারিং বৃত্তির প্রশংসনীয় পরিচয় নয়। যাকে দেখাচ্ছেন সেই বিশেষ ব্যক্তিটির উপস্থিতি এবং আগ্রহও নিখিলের মনে কম প্রভাব বিস্তার করেনি। সুইচ বোর্ডের সামনে দাঁড়িয়ে মলী সেন প্রত্যেকটি আলোক নিয়ন্ত্রণের কৌশল এমন গভীর ঔৎসুক্যের সঙ্গে লক্ষ্য করছিলেন যে, তাতে যে কোনো বিশেষজ্ঞের মনেই ব্যাখ্যা করে বুঝিয়ে দেওয়ার ইচ্ছে জাগে। মাঝে মাঝে একটি দুটি প্রশ্নের দ্বারা মলী সেন ব্যাখ্যাকারীর সেই উৎসাহকে আরও বাড়িয়ে তুলছিলেন। স্বল্পপরিসর স্থানে কাছাকাছি দাঁড়িয়ে বিভিন্ন সুইচ, গিয়ার, লিভার ও গ্যাজেটগুলি টিপে, টেনে, খুলে বা বন্ধ করে দেখাতে গিয়ে উৎসাহে উদ্দীপ্ত নিখিলের হাত মাঝে মাঝে অতর্কিতে মলী সেনের হাতের আঙুল বা বাহুর একাংশ স্পর্শ করছিল।

সমস্ত বোঝানো ও দেখানো শেষ হয়ে গেলে মলী সেন বিস্ময় ও আনন্দে স্তব্ধ হয়ে রইলেন।

ক্ষণেক অপেক্ষা করে নিখিল প্রশ্ন করলেন, “কেমন হয়েছে বলুন মিসেস সেন।”

মলী সেন কিছু না বলে শুধু একবার নিখিলের পানে তাকালেন। বলার প্রয়োজন ছিৎ না। তাঁর চোখের উজ্জ্বল চাহনি, তাঁর আনন্দে আনন্দের আভা, তাঁর অধরে পরিতৃপ্তির ঈষৎ হাস্যরেখা যে কোনো উজ্জ্বলিত প্রশংসার চাইতে মুখরতর। নিখিলের অক্লান্ত পরিশ্রমের পরিপূর্ণ পুরস্কার।

পুনরায় নিস্তব্ধতা ভঙ্গ করে নিখিল জিজ্ঞাসা করলেন, “কী ভাবছেন?”

ম্রিত হাস্যে মলী সেন উত্তর করলেন, “কিছু না।”

“কিছু না কী রকম? চোখের সামনে দেখতে পাচ্ছি, চুপ করে ভাবছেন।”

“চুপ করে আছি তা দেখতে পাচ্ছেন বটে; কিন্তু ভাবছি দেখছেন কেমন করে?”

“বাঃ রে, চুপ করে আছেন বলেই মনে হচ্ছে ভাবছেন। নইলে ভাবনা কি আর চোখে দেখা যায়?”

“যায় না বুঝি? যাক, বাচালেন। ভাগ্যিস পুরুষমানুষদের দৃষ্টিশক্তিটা খাটো। আমরা মেয়েরা কিন্তু আপনাদের ভাব এবং ভাবনা দুই দেখতে পাই। কী হাসছেন যে বড়? বিশ্বাস হচ্ছে না? এঞ্জিনীয়ার মানুষ, হাতে কলমে পরীক্ষা না করে কিছুই মানতে চান না। আচ্ছা, আপনি এখন কী ভাবছেন বলব? শুনতে চান? থাক, থাক, আপনাকে অমন রাঙা হয়ে উঠতে হবে না। ভয় নেই। আমি বলছি না।”

হেমন্ত সুপক্ক থান্যের সুরমা ক্ষেত্রের উপরে হঠাৎ এক ঝলক স্বর্ণাভ রৌদ্রের মতো মলী সেনের মুখে চোখে একটি নিঃশব্দ কৌতুকোজ্জ্বল হাস্যোচ্ছ্বাস ছড়িয়ে পড়ল।

বিস্ত্রত নিখিল কী করবেন, কী বলবেন ভেবে না পেয়ে নিরুত্তরে দাঁড়িয়ে রইলেন। অকারণেই তাঁর ললাটে স্বৈদবিন্দু সঞ্চারিত হতে থাকল।

বৈদ্যুতিক তার বা সুইচ ইত্যাদির সংস্পর্শে পাছে কারো কোনো বিপদ না ঘটে সেজন্য সুইচ বোর্ডটি স্বভাবতঃই স্টেজের এমন একটি অংশে রাখা হয় যেখানে একমাত্র অভিজ্ঞ ভারপ্রাপ্ত ব্যক্তি ব্যতীত অন্য কারো উপস্থিতি বা যাতায়াতের সম্ভাবনা নেই। যেহেতু এ ক্ষেত্রে সাধারণতঃ ব্যবহৃত বিদ্যুৎ অপেক্ষা উচ্চতর শক্তির বিদ্যুৎ এবং মোটর, ট্রান্সফর্মার ও নানাবিধ জটিল যন্ত্রপাতি নিয়ে কাজ, সেজন্য নিখিল অধিকতর সতর্কতায় বিশেষ নিরাপত্তার ব্যবস্থা করেছেন। স্টেজের নিভৃত কোণে কিছুটা উচুতে পৃথক একটি সুদৃঢ় মঞ্চ তৈরী করে তার উপরে সুইচ বোর্ড ও কন্ট্রোল গিয়ারগুলি বসিয়েছেন, যাতে অসতর্ক কেউ সেখান দিয়ে যাতায়াতের সময় হাত বাড়িয়েও তার সংস্পর্শে না আসে। মঞ্চটির চারদিক টিউবের রেলিং দিয়ে ঘেরা। ওঠা নামার জন্য আছে ক্ষুদ্রাকার একটি কাঠের সিঁড়ি। সেই রেলিং-এর উপর দেহের ভার ঈষৎ ন্যস্ত করে শিছন ফিরে দাঁড়িয়েছিলেন মলী সেন।

অপাঙ্গ দৃষ্টিতে নিখিলের সঙ্কট লক্ষ্য করে অত্যন্ত সহজভাবে বললেন, “কী ভাবছিলেন, শুনবেন? ভাবছিলেন, আপনার এই পরিচয় এই পরিকল্পনা এত সাজসরঞ্জাম, এই সার্থক কারুকার্য যোগ্য হবে কি আমাদের অভিনয়?”

ইঠাৎ কেমন যেন বিচলিত বোধ করলেন নিখিল। নিজের অলক্ষিতেই বুঝি সুইচ বোর্ডের কাছ থেকে সরে মল্লী সেনের পাশে এসে দাঁড়ালেন। বললেন, “মিসেস সেন, আপনাদের অভিনয় এর যোগ্য কি অযোগ্য জানিনে। সে কথা আমি কখনও ভাবি নি। আমার সামনে ছিল শুধু একটি লক্ষ্য। সে আপনি। আমি যা কিছু করতে চেয়েছি, যা কিছু করেছি সবই আপনার পছন্দমত হবে, আপনি খুশি হবেন, এই মনে করে।”

কথাগুলি যেমন করে বলা হলো, তেমন করে বলার কল্পনামাত্র ছিল না নিখিলের মনে। তাঁর নিজের কাছেই সেগুলি ছাপার অক্ষরে কেতাবী বক্তৃতার মতো মনে হলো। গলার স্বরটাও নিজের কানেই অতিমাত্রায় নাটকীয় শোনা। অথচ জ্যামুগ্ধ তীরের মতো সদ্য উক্ত বাক্যগুলিকেও আর ফিরিয়ে আনা সম্ভব নয় কোনো মতেই। ছিঃ ছিঃ ! মিসেস সেন কী জানি কী ভাবলেন। অনুশোচনা হলো নিখিলের।

মিসেস সেন সত্যি কী ভাবলেন, তা বোঝার উপায় ছিল না। বাইরে অপরাধু বেলার রৌদ্রালোক স্নান হয়ে এসেছে। ভিতরে স্টেজের নির্জন অংশের এই অপরিচরিত মঞ্চটিতে আলোর প্রবেশপথ স্বভাবতঃই সঙ্কীর্ণ। সেই সঙ্কীর্ণ আলোক এখন সঙ্কীর্ণতর হয়েছে। নিরুত্তর পার্শ্ববর্তিনীর মুখমণ্ডলে তাঁর মনোভাবের যদি কোন ইঙ্গিত প্রতিফলিত হয়েও থাকে, আসন্ন সন্ধ্যার এই স্বল্পালোকিত মুহূর্তে তা কোনক্রমেই আর দৃষ্টিগোচর নয়। তাই আপন প্রগলভতার অসামান্য মৃদুতা স্মরণ করে লজ্জা ও অনুতাপে কেবল ক্লিষ্ট হতে থাকলেন নিখিল রায়।

“জানেন, আপনার সঙ্গে আমি আর কথা বলছিলাম?”

কিছুটা অভিমান, কিছুটা ব্যথা এবং কিছুটা বা অনুযোগের সুর মেশানো ছিল মল্লী সেনের কণ্ঠে।

অপরিসীম বিশ্বয়ে নিখিল জিজ্ঞাসা করলেন, “মানে?”

“মানে, আমি ভীষণ রাগ করেছি।”

নিখিলের শব্দা তা হলে অহেতুক নয়। নিজের নিবুদ্ধিতার নিদাক্ষণ প্রতিফল প্রত্যক্ষ করে নিখিল মনে মনে নিজেকে বারংবার ধিক্কার দিলেন। কেন বলতে গেলেন ঐ কথাগুলি? ক্রুদ্ধ অভিভাবকের সম্মুখে অপরাধী বালকের মতো অসহায় নিখিল আপন স্পর্ধিত আচরণের সমুচিত দণ্ড লাভের আশঙ্কায় নিরুদ্ধ নিঃশ্বাসে মনে মনে যেন মুহূর্ত গণনা করতে লাগলেন।

“আপনি আমার কোনো কথা রাখেন না; আপনার সঙ্গে আড়ি।” কপট কলহের ভঙ্গিতে বললেন মল্লী সেন।

না, এ তো ঠিক শাস্তি বিধানের ধারা নয়! কণ্ঠে তো উদাত্ত রোধের আভাস পাওয়া যাচ্ছে না। নিশ্চিত হতে না পেরে সংশয়ের স্বরে নিখিল জিজ্ঞাসা করলেন, “আপনার কথা রাখিনে? কই, আমি তো মনে করতে পারিনে কবে আপনার কোন কথা অগ্রাহ্য করেছি।”

“করেন নি? আজ দুপুরে যেতে এসেছিলেন? এতবার অনুরোধ করে লোক পাঠালেম, কান দিয়েছেন তাতে?”

আঃ! কী আশ্চর্য!! দূর দিগন্তে যাকে অগ্নিশিখা বলে ভ্রম হয়েছিল, দেখা গেল, সেটা প্রত্নবীর অরুণ রঙে রঞ্জিত লঘু মেঘখণ্ড মাত্র। নিখিল আপন স্বাভাবিক স্বৈর্য ফিরে পেয়ে সহজ কণ্ঠে বললেন, “ওঃ এই? আমি ভাবছিলাম, কী জানি সাংঘাতিক কিছু বা?”

“এটা সাংঘাতিক নয় বুঝি?”

“না, একবেলা ভাত না খাওয়াটা আমাদের মতো মুটে মিস্ত্রীদের পক্ষে কিছুই নয়। পাওয়ার হাউসে—।”

মল্লী সেন হাস্যচপল কণ্ঠে বাধা দিয়ে বললেন, “থাক থাক। অত বিনয় প্রকাশের প্রয়োজন নেই। আপনি যে আপিসের বড় সাহেব, সে আমরা সবাই জানি।”

নিখিল সহাস্যে বললেন, “হাঁ, বড় সাহেব বটে, তবে শুধু পাখার নীচে বসে দস্তখৎকারী নই। দরকার হলেই আন্তিন গুটিয়ে হাতুড়ি, রেঞ্চ ধরতে পারি। পাওয়ার হাউসে ব্রেকডাউন হলে কতদিন সকাল থেকে বাত অবধি একটানা কাজ করতে হয়। আদালী চাপরাশীরা বুদ্ধি করে

কখনও দু'এক টুকরো রুটি বা দু'একটা সিদ্ধ ডিম যোগাড় করে আনে। কখনও বা শ্রেফ চা আর সিগারেট। কতবার এমন হয়েছে। আজ তো আপনার কেনা কেক, সপেশ, আপেল, নাসপাতিতে স্বাস্থ্যমতো ডুরি ভোজন বলা চলে।”

মলী সেন যুক্ত দুই কর প্রণামের ভঙ্গিতে কপালে ঠেকিয়ে বললেন, “মানছি, আপনারা সব স্বাস্থ্যবৃত্ত লোক। বশিষ্ঠ জামদগ্নির লেটেস্ট এডিশন। উর্ধ্বলোকে বিচরণ করেন। আপনারা শুধু ধোয়া নিয়েই বাচতে পারেন। আমরা মর্ত্যালোকের ক্ষুদ্র জীব, পা দুটি ধুলো কাদার মাটিতে। আমাদের যে বস্তু না হলে চলে না।”

“বেশ তো, মর্ত্যালোকের মর জীবেরা মর্তমানের কাঁদি নিয়ে বসে থাক না। আমরা কি আপত্তি করেছি?”

অনুপ্রাসযুক্ত উত্তরটা খুব সুচতুর হয়েছে ভেবে মনে মনে বেশ একটু আশ্বাসদা বোধ করলেন নিখিল।

“না করেন নি। কিন্তু তবুও আপনারদের কথা ভেবেই কলা গিলতে গেলেও গলায় আটকে ধরে তাদের, সে খবর রাখেন? জানেন, আমাকে আপনি আজ সারা দিন না খাইয়ে রেখেছেন?” নিখিলের দিকে ফিরে প্রশ্ন করলেন মলী সেন।

গভীর বিষ্ময়ে নিখিল বললেন, “আমি না খাইয়ে—মানে—আপনি—আপনি আজ খাননি দুপুর বেলা? সে কী? কেন?”

ঈষৎ হাস্য করে মলী সেন বললেন, “যোগী স্বশিদের নিয়ে বিপদই তো ঐ। মুনিঠাকুর, আপনারদের তৃতীয় নয়নটা আছে কপালের কোনখানে বলতে পারেন? জানলে সুবিধে হতো। আমাদের এত ভুগতে হতো না।”

এ সব কথার সম্পূর্ণ অর্থগ্রহণ নিখিলের সাধ্য নয়। কিন্তু একথা বুঝতে কষ্ট হলো না যে, মলী সেনের এই স্বেচ্ছাকৃত অনাহারের পশ্চাতে তাঁর নিজের সম্পর্ক আছে এবং সে-সম্পর্ক কেবলমাত্র পাকযন্ত্রের নয়, হৃদযন্ত্রেরও বটে।

অনুতপ্ত কণ্ঠে নিখিল বললেন, “কি করি বলুন, তখন এখানে নিজে দাঁড়িয়ে না করালে কিছুতেই মিস্ট্রীরা সন্ধ্যার আগে এসব শেষ করতে পারত না। অভিনয়ের সময় স্টেজে আলোই জ্বলত না। জানেন তো, ফাঁকি দিতে পারলে আমাদের লোকগুলি কুটোটিও নড়াতে চায় না। তা’ ছাড়া এসব ব্যবস্থা জটিলও কম নয়। হাতে ধরে দেখিয়ে না দিলে ওদের পক্ষে কবাও অসম্ভব। কিন্তু আমার জন্য আপনি কেন না খেয়ে বসে রইলেন? অন্যায়, ভারি অন্যায় আপনার।”

“বর্সে আর রইলেম কোথায়? টেবিলে দু’জনের খাবার সাজিয়ে নিয়ে আপনাকে ডাকতে পাঠালেম। আপনি এলেন না। অপেক্ষা করে বেলা গড়িয়ে গেল। ঘড়ির কাঁটা একটা থেকে দুটোয়, দুটো থেকে আড়াইটার কোঠায় পৌঁছল। প্লেট ধরে সমস্ত খাবার-দাবার দিয়ে দিলেম চাকর-বেয়ারাদের।”

আসলে কথটা সত্য নয়। না খেয়ে থাকেন নি মলী সেন। বরং সর্ব্বোচ্চ আত্মসম্মতি দিয়ে রাখা ঝালের মাছ দু’বার চেয়ে নিয়েছেন।

নিখিলের খাওয়ার আয়োজন তিনি যথেষ্টই করেছিলেন। টেবিলে অপেক্ষাও নেহাৎ অল্প করেন নি। অবশেষে নিখিল আসবেন না নিশ্চিত জেনে বুদ্ধিমতী মেয়ে মাত্রেই যা করা উচিত, তিনি করেছেন।

মলী সেনের বিশ্বাস, এসব ক্ষেত্রে এমন সামান্য একটু অতিরঞ্জন দোষের কিছুই নেই।

হৃদয়ের ব্যাপারে মলী সেন নিজেকে মনে করেন একজন খাঁটি আর্টিস্ট। তিনি বলেন, “ঘটনার সত্য আর আর্টের সত্য এক নয়। যা ঘটেছে তার চাইতে যা ঘটলে ঠিক হয় তার উপরেই আর্টিস্টের পক্ষপাত। নীতিবাণীশেরা যাই কেন না বলুন,—সত্যম্ শিবম্ হতে পারে, কিন্তু সুন্দরম্ নয়। প্রয়োজন মতো একটু বাড়িয়ে বা কমিয়ে না দেখালে সত্য চিরকাল শুষ্ক কাষ্ঠং হয়ে থাকে, কোনোকালেই নীরস তরুণের হয় না।”

বিরুদ্ধবাদীরা প্রশ্ন করে, “যথা?”

“যথা, পুলিশ কোর্টের রিপোর্টে থাকে সত্যিকার ঘটনা। বস্ত্রমবাসুর উপন্যাসে আছে সত্যিকার আর্ট। যেমন পত্রিকার পাতার ফটোগ্রাফে পাই অবিকৃত সত্য, শিল্পীর তুলিতে আঁকা ছবিতে দেখি উপভোগ্য আর্ট।”

শুনেন ক্রাবে, পাটিতে তাঁর ভক্তমণ্ডলী সপ্রশংস-বিস্ময়ে মুখব্যাদান করে মন্তব্য করেন,—“মাই গর্শ! হাউ ক্রেভার!”

নিখিল ইলেকট্রিক্যাল এঞ্জিনিয়ার। কিলো-ওয়াট বোম্বেন, এম্পিয়র জ্ঞানেন, ভোটেজ চেনেন। আর্টের সরু গলিঘূর্ণিতে তাঁর গতায়ত নেই। তিনি সহজ সরল বুদ্ধিতে এইটুকু বুঝলেন, এই অতিথিপরায়ণা কোমলহৃদয়া মহিলাটি আজ তাঁরই জন্য সারাদিন অভুক্ত। অত্যন্ত দুঃখিত হলেন। সহৃদয় কণ্ঠে বললেন, “কেন বলুন তো অনর্থক না খেয়ে কষ্ট পেলেন?”

মলী সেন বললেন, “দেখছি, এঞ্জিনিয়ার সাহেবের নোট বইতে সবই আছে; শুধু লেখা নেই—পাগলা ঝাড়ে করলে তাড়া কেমন করে ঠকাব তায়?”

কিন্তু এ কথাগুলির প্রকৃত তাৎপর্য কী, আলোচ্য প্রসঙ্গে তাদের সম্পর্কই বা কোনখানে, তা নিখিলের কাছে স্পষ্ট হওয়ার পূর্বেই পরিবর্তিত কণ্ঠস্বরে গাঙ্গীর্থের সঙ্গে বললেন, “রাগ করে আজ ভেবেছিলেম, থাকুন না আপনি উপোস করে। আমার ভারি ব্যয়েই গেল তাতে। প্রতিজ্ঞা করেছিলেম একমাত্র অভিনয়ের ব্যাপার ছাড়া আপনার সঙ্গে আর কোনো সম্পর্কই রাখব না। কিন্তু প্রতিজ্ঞার মুষ্টিলাই এই যে, সেটা না ভাঙা পর্যন্ত মনে আর স্বস্তি থাকে না।”

নিখিল কি যেন বলতে যাচ্ছিলেন, তাঁকে বাধা দিয়ে মলী সেন বলতে লাগলেন, “জ্ঞানেন মিস্টার রশ, ভগবান লোকটা বড় একচোখো রেফারী। জীবনের খেলায় পুরুষেরা কেবলই ধাক্কা দিয়ে দিয়ে গোল করে, আর মেয়েরা কেবলই পড়ে গিয়ে গোল হারে। তিনি হুইসিল হাতে নির্বিকার চেয়ে দেখেন,—বোধ হয় উপভোগই করেন,—ফাউল দেন না। গ্যালারী থেকে জুতো আর ইটপাটকেল ছুঁড়ে মারবার আশঙ্কা নেই কি না।”

মলী সেনের কণ্ঠের সূক্ষ্ম আবেদন যেন সহস্র সহস্র অদৃশ্য তবঙ্গে বাতাসে ছড়িয়ে পড়ল। সেই কাতর ব্যাকুলতা তাঁর তন্ত্রী দেহটিকে ঘিরে এক গম্ভীর অথচ বেদনাবিধুর ভাবাবেগের নিস্তব্ধ আবেষ্টন রচনা করল।

হঠাৎ দুই পদক্ষেপে সুইচ বোর্ডটার কাছে গিয়ে সুইচ টিপে আলো জ্বলে দিলেন নিখিল। ঘুমন্ত ব্যক্তিকে অকস্মাৎ সজ্জারে ধাক্কা দিয়ে জাগিয়ে তোলার মতো নিজেই তিনি যেন সবল আঘাতের দ্বারা মোহাবিষ্ট মধ্বরাজ্য থেকে আত্মচেতন্যের বাস্তবতায় ফিরিয়ে আনলেন।

আলো জ্বালার সঙ্গে সঙ্গেই মঞ্চের ঠিক নীচে কার যেন দ্রুত পদধ্বনি ও গুরু পতনশব্দ শোনা গেল। চমকে উঠে “কে ওখানে?” বলে হাঁক দিলেন নিখিল।

দু’জনেই রেলিংএর উপর দিয়ে ঝুঁকে নীচে তাকিয়ে দেখতে চেষ্টা করলেন। সেখান থেকে মেজের উপরে শুধু শাড়ির একটি প্রান্ত ছাড়া আর কিছুই দেখা গেল না।

নিখিল দ্রুতপায়ে সিঁড়ি বেয়ে নীচে নেমে এলেন। মলী সেনও তাঁর অনুগমন করলেন।

“এ কী! এ যে নীরজা! তুমি এখানে? এমন করে শুয়ে?”—বিস্ময়ে-বিস্ফারিত নয়নে নিখিল তাকালেন।

কিন্তু তাঁর জিজ্ঞাসার উত্তর পাওয়ার পূর্বেই সেখানে ঝড়ের বেগে উপস্থিত হলেন ব্যস্ত-সমস্ত সিদ্ধনাথ। কোনো দিকে দৃকপাতমাত্র না করে বললেন, “এই যে মিসেস সেন, আশ্চর্য্য এখানে! আপনাকে না খুঁজেছি হেন স্থান নেই। আর একটু দেবী হলেই খবরের কাগজে নিরুদ্দেশের বিজ্ঞাপন ছাপতে হতো, হাঃ হাঃ হাঃ (অটহাস্য)। উঃ, কম করে বার দশেক মা কোন আপনার দোতলার বারান্দা আর গ্রীনরুমে ছুটেছি। হাঁটতে ব্যথা ধরে গেছে। একটু বাতের ধাত আছে কি না। এটা পৈতৃক, ঠাকুরদা মশায়েরও ছিল। মেজ শ্যালক আয়ুর্বেদ কলেজের প্রফেসর। ব্যবস্থা দিলেন,—পুরানো ঘি গরম করে সকাল-সন্ধ্যা মালিশের। গিল্লীকে বললেম, শালা না হলে আর এমন ঠাট্টা কেউ করে? ঘি নতুনই মেলেনা, তার আবার পুরানো। দাদাকে বলো, এখন থেকে দাদা মালিশের ব্যবস্থা দিতে, নইলে রোগী জুটবে না। হাঃ হাঃ হাঃ।”

সিদ্ধনাথ এক নিঃশ্বাসে কথা বলেন। দম ফুরিয়ে নিজে না থামা পর্যন্ত তাঁকে কিছু প্রশ্ন করা বৃথা। তাঁর অটোহাস্য শেষ হলে, মলী সেন জিজ্ঞাসা করলেন, “ব্যাপার কী সিদ্ধনাথবাবু ? আমাদের খুঁজছিলেন কেন ?”

“খুঁজছিলেন কেন ? অভিনয় শুরু হওয়ার আর ঘণ্টা তিন-চার মাত্র বাকী। এদিকে অপর্ণার মা বলে পাঠিয়েছে,—অপর্ণার অসুখ। সে আজ পাট করতে পারবে না। ডোবালে দেখছি।”

“কী সর্বনাশ ! অপর্ণার যে প্রথম দৃশ্যই পাট। এখন উপায় ?” উদ্বেগে মলী সেনের মুখ বিবর্ণ হয়ে উঠল।

সিদ্ধনাথ বললেন, “না, না, আপনি উতলা হবেন না। মনে উদ্বেগ থাকলে আপনার পাট নষ্ট হবে। আপনি এ-সব ভাববেন না। অপর্ণার ভার আমি নিচ্ছি।” চারপাশে একবার সতর্ক দৃষ্টি নিক্ষেপ করে সন্তুর্ণণে বললেন, “অসুখ না হাতি ! আসল ব্যাপার, কমপ্লিমেন্টারী। চারখানা করে সব অভিনেতা অভিনেত্রীদের দেওয়া হয়েছে তাদের আত্মীয়-বন্ধুদের জন্য। অপর্ণার মায়ের আরও চারখানা চাই। তাই নিয়ে যগড়া।”

তাঁর বাচনভঙ্গি দেখে মনে হয়, যেন অতি মারাত্মক এক গুপ্ত সামরিক তথ্য উদ্ঘাটিত করলেন।

মলী সেনকে আশ্বাস দিলেন, “সব আমি ঠিক করে দিচ্ছি। আপনাকে ভাবতে হবে না। কিন্তু এদিকে ভাড়া-করা চেয়ারগুলো যে এখনও এসে পৌঁছল না। যারা টিকিট কিনেছে তারা বসবে কোথায় ? ডোবালে দেখছি !”

মলী সেন পুনরায় উদ্বিগ্ন হয়ে বললেন, “অ্যা, এখনও চেয়ার আসে নি ? তা’হলে কী হবে ?”

“আহা, আপনি চঞ্চল হচ্ছেন কেন ? আমি সব ব্যবস্থা করছি। আপনি স্থির হয়ে নিজের পার্টের কথা ভাবুন তো। আপনি উতলা হবেন না।”

যে রূপ ব্যস্ততার সঙ্গে এসেছিলেন ঠিক সেরূপ ব্যস্ততায়ই প্রস্থান করলেন সিদ্ধনাথ।

মলী সেন নিখিলকে বললেন, “হাই, একটু গরম কফির চেষ্টা করিগে। তা নইলে স্টেজ-ফ্রাইটএ ধরবে। আপনি ওয়াশ চান তো উপরের বাথরুমে চলে যান। নতুন সাবান, তোয়ালে সমস্ত ঠিক করা আছে। বেশী দেবী করবেন না যেন, আমি ড্রেসিং রুমে পেয়ালা নিয়ে বসে থাকব কিন্তু।”

ইতিমধ্যে নীরজা উঠে দাঁড়িয়ে নিজ বসন সুবিন্যস্ত করেছেন। নিখিল দেখলেন, মলী সেনের প্রস্থানপথে অপলক নেত্রে তাকিয়ে আছেন নীরজা। নিখিল দৃষ্টিবিশারদ, কবি কিংবা সাহিত্যিক নন। সে নেত্র শূন্যগর্ভ কি অগ্নিগর্ভ, তা বলা তাঁর পক্ষে সম্ভব নয়।

নীরজা কৈফিয়তের সুরে বললেন, “আমার কানের একটা ইয়ারিং কোথায় হারিয়ে গেছে। তাই খুঁজে দেখছিলেন এখানটায়। হঠাৎ পা পিছলে পড়ে গিয়েছি।”

নিখিল বললেন, “এই অঙ্ককারে খুঁজলে পাওয়া যায় কখনও ? দাঁড়াও আমি একটা টর্চ নিয়ে আসছি।”

নীরজা বাধা দিয়ে বললেন, “না মিছে পরিশ্রম করবেন না। নিশ্চয়ই এখানে নয়, অন্য কোথায় হারিয়েছি।” বলে প্রস্থানোদ্যম করলেন।

নিখিল পিছন থেকে এগিয়ে এসে নীরজার বাম বাহ লক্ষ্য করে বললেন, “এ কী, এত রক্ত কিসের ? পড়ে গিয়ে কোথাও কেটে যায় নি তো ?”

আপন দক্ষিণ হস্তে নীরজার বাহাট নিখিল তুলে ধরলেন। “ইস, অনেকটা কেটেছে যে ! এখনও রক্ত বেরুচ্ছে। তাড়াতাড়ি একটা ব্যান্ডেজ করা চাই” বললেন নিখিল।

নীরজা সজোরে নিখিলের হাত ছাড়িয়ে নিয়ে বললেন, “কিছু দরকার নেই। ও কিছু নয়, সামান্য কাটা। ঠাণ্ডা জলে ধুয়ে ফেললেই হবে। আপনি যান।”

“দরকার নেই মানে ? এ সব ধুলো-বাগির মধ্যে সেপটিক হতে কতক্ষণ ? চলো আমার সঙ্গে মিসেস সেনের কাছে। তাঁর কাছে নিশ্চয়ই ডেটল পাওয়া যাবে।” বলে পুনরায় নীরজার বাহাট হাতে তুলে নিলেন।

“আমার কিছু হয় নি, মিস্টার রয়। আপনি কেন অনর্থক এই নিয়ে ফাস্ করছেন? আপনার পায়ে পড়ি। আপনি যান। আপনার কফি ঠাণ্ডা হয়ে যাচ্ছে।”

নীরজার কঠোর কঠোর তিক্ততা নিখিলকে আঘাত করল। বিস্মিতও করল। নিঃশব্দে নীরজার বাহাট নিজের হাত থেকে মুক্ত করে দিলেন।

নীরজা নিখিলের দিকে দৃষ্টিপাত মাত্র না করে সতেজ পদক্ষেপে স্টেজের অপর প্রান্তের দ্বারোদ্দেশ্যে রওনা হলেন।

সামনে তাকিয়ে চলতে চলতে—এ কী? হঠাৎ আলোগুলি কি সব নিস্তেজ হয়ে এল? চোখে ঝাপসা দেখায় কেন? বুকের পাশে জামার কাছটা ভিজে ঠেকছে যেন! জলবিন্দু ঝরল কোথেকে? দুই হাত নিজের চক্ষে স্থাপন করলেন নীরজা। তাই তো, চোখে জল কেন? নিজের কাছেই নিজে আবিষ্কার করলেন নীরজা, তিনি কাঁদছেন। শ্রাবণ দিনের মেঘকঙ্কল আকাশ থেকে বারিবর্ষণের মতো শ্যামাঙ্গী নীরজাব ঘনকৃষ্ণ দুই নয়ন থেকে অশ্রু গড়িয়ে পড়তে লাগল। তাঁর কপোলে, কণ্ঠে, বক্ষে ও বসনে। অবিরাম বেগে। অজস্রধারায়।

নিখিলের বৈদ্যুতিক কলাকৌশল ও আলোকসম্পাতের সঙ্গে সঙ্গতি রেখে মঞ্চের দৃশ্যসজ্জার ব্যবস্থা করছেন বীরেশ্বর বোস—প্রথিতযশা চিত্রশিল্পী। জলের রং ও তৈলচিত্র দুটোতেই তাঁর সমান খ্যাতি। রূপ সৃষ্টি ও ব্যবহারিক শিল্প—দুটোতেই তাঁর সমান পারদর্শিতা। একাধিক চলচ্চিত্র প্রতিষ্ঠানের শিল্প-নির্দেশক। তা’ ছাড়া স্বৈরাঙ্গ-পরিচালিত বিজ্ঞাপন কোম্পানিতে স্ক্রীভে বোতনে নিযুক্ত স্থায়ী কর্মশিল্পীল আর্টিস্ট।

টেবিলের উপরে ইতস্ততঃ বিক্ষিপ্ত নানা রঙের টিউব। ফুলদানীর মধ্যে দীর্ঘবৃন্তযুক্ত পুষ্পগুচ্ছের মতো একটি চিনেমাটির ঘটে দাঁড় করানো গোটা পাঁচেক তুলি। বাম হস্তের মুষ্টিতে ধৃত আরও গোটা তিনেক। বিভিন্ন রং ব্যবহারের জন্য। যখন যে রংটি প্রয়োজন সে-তুলিটি বাম হাত থেকে ডান হাতের আঙুলে তুলে নেন। একটানা সুরে শীঘ্র দিতে দিতে একটি মাটির ঘটের গায়ে রাখার পরে রেখা, রং এর পরে রং যোজনা করছিলেন বীরেশ্বর। তাঁর অন্তরঙ্গ বন্ধু-বান্ধবেরা জানেন, এটাই বীরেশ্বরের গভীর মনোনিবেশের লক্ষণ। তখন তাঁর কাজে ব্যাঘাত ঘটতে নেই।

কিন্তু ব্যাঘাত ঘটল।

একটি প্রৌঢ়া মহিলা এসে প্রণম করলেন, “এই যে বীরেশ্বর, শুনলেম কাল সন্ধ্যা থেকে না কি কেবল সিনই আঁকছ!”

মহিলাব স্বশ্রুকে পোশাকী ও পিতৃকুলে আট-পৌরে নাম কিছু একটা অবশ্যই ছিল এবং আছে। সে বোধ হয় একমাত্র তিনি ছাড়া আজ আর কেউ মনেও আনতে পারে না। ঘরে বাইরে সর্বত্র বর্তমানে তাঁর এক ও অনন্য পরিচিতি—“মাম্মামাসি”।

বীরেশ্বর মুখ তুলে বললেন, “হ্যাঁ, মাম্মামাসি। প্রথম অঙ্কের সুন্দর সেটটা হঠাৎ ছিড়ে নষ্ট হয়ে গেল। সেটা ফের নতুন করে আঁকতে হলো।”

“সারা রাত জেগে বসে ছবি আঁকলে? ধনি তোমার ধৈর্য আর উৎসাহ।”

“অন্য উপায় ছিল না, মিসেস সেন বেচাবী এমন মুষড়ে পড়েছিলেন। তা ছাড়া তক্ষুণি নতুন করে আঁকতে না বসলে আজ এতক্ষণে শেষও হতো না।”

একটু বক্র হেসে মাম্মামাসি বললেন, “ওঃ তাই নাকি? সত্যি তো মিসেস সেনকে মুষড়ে পড়তে দেখলে তোমরা ছেলেরা কি আর স্থির থাকতে পার? দেখ বীরেশ্বর, তোমার মা আমার দিদির পিসশাশুড়ী হতেন, তোমাকেও এই এতটুকু কাল থেকে দেখে আসছি; তোমাদের নেহাৎ আপনার জনই মনে করি, তাই বলছি। নাটক করছো কর। কিন্তু এ মিসেস সেনটির কাছ থেকে সাবধান।”

মাম্মামাসির মণ্ডবোর তাৎপর্য বীরেশ্বরের কাছে অজ্ঞাত। তিনি জিজ্ঞাসু নেত্রে তাকাতেই মাম্মামাসি বললেন, “সেই যে ছেলেকেণায় গল্প শুনেছি কামাক্ষায় না কি পুরুষ মানুষদের ভেড়া বানিয়ে রাখে, এঙ্ক যেন তাই। ওর কাছ থেকে একটু দূরে দূরেই থেকে।”

“আপনি কি বলছেন?”

“ঠিকই বলছি। কানেও তুলো দিই নি, চোখেও ঠুলি পরি নি! জানি সবই। নাম করবো না, কিন্তু যারা ডুবছে তাদেরও দেখেছি, যারা ডুবতে বসেছে তাদের দেখছি। কিন্তু তাদের যেমন-তেমন। তোমার যে ঘরে স্ত্রী পুত্র আছে। তুমি বেশী কাছে ঘেঁষো না যেন।”

উত্তরে বীরেশ্বর কিছু বলার পূর্বেই বেয়ারা এসে সংবাদ দিল, “হজুর, টেলিফোন।”

“কার, আমার?” বীরেশ্বর জিজ্ঞাসা করলেন।

“জী, হজুর আপকে ঘরসে টেলিফোন আয়া হৈ।”

“ঘরসে টেলিফোন!” অর্থাৎ সুবালা। বীরেশ্বরের স্ত্রী।

বীরেশ্বর শঙ্কিত হলেন। শঙ্কা অহেতুক নয়। কাল বিকেলে বাড়ি থেকে বেরিয়েছেন বেলা সাড়ে চারটায়। বলে এসেছিলেন, ফিরতে একটু রাত হতে পারে। আজ সন্ধ্যা সমাগত প্রায়। চব্বিশ ঘণ্টার কাছাকাছি। এখনও বাড়ি যাওয়া হয়নি। নিজের অপরাধের গুরুত্বে বীরেশ্বর নিজের কাছেই সঙ্কোচ বোধ করলেন।

সংসারে কর্মিষ্ঠ ব্যক্তিদের নিয়ে বিপদ এই যে, অপরের কর্মদক্ষতার উপরে তাদের আস্থা কম। সমস্তটাই স্বহস্তে সমাধা না করতে পারলে তাদের মন খুশি হয় না। ক্লাবের দুটি সদস্যা—মিনতি ও ডলী—শান্তিনিকেতনের প্রাক্তন ছাত্রী। চিত্রাঙ্কনে দক্ষতা আছে। দৃশ্যপট চিত্রণে বীরেশ্বরের সহযোগিতা করতে তাঁরা দুজনেই উৎসাহের সঙ্গে এগিয়ে এসেছেন। কিন্তু কোনো কিছুই সম্পূর্ণরূপে তাঁদের হস্তে ন্যস্ত করার মতো নির্ভরতা নেই বীরেশ্বরের। তিনি কখনও বা মিনতির হাত থেকে তুলি কেড়ে নিয়ে আঁকতে বসেন ফুলের মঞ্জরী, কখনও বা ডলীকে সরিয়ে দিয়ে উইংসে লাগাতে শুরু করেন সবুজ রঙের ওয়াশ। ফলে পরিশ্রমের পরিমাপ বিভক্ত হয়ে লঘু হওয়ার অবকাশ পায় না, পুঞ্জীভূত হয়ে কেবলি বৃদ্ধি পেতে থাকে।

স্টেজের বহির্দেশে যবনিকার দুই পার্শ্বে ঘন কৃষ্ণ মখমলের উপরে কোনারকের সূর্যমন্দিরের রথচক্রের অনুকরণে রূপালী জরির দুটি চক্র রচনার পরিকল্পনা বীরেশ্বরের। চক্র দুটির কেন্দ্র থেকে দুলিয়ে দেওয়া হবে তুষারশুভ্র একজোড়া চাঁদমালা। নীচে থাকবে দুটি আশ্রপল্লববাহী পূর্ণকুন্ড। শুভকর্মের চিরপরিচিত শাস্ত্রসম্মত মাস্তুলিক। সেই মঙ্গলঘট দুটি আলিম্পনের ভঙ্গিতে সম্মুখে সুচিহ্নিত করছিল ডলী।

বীরেশ্বর পাশ দিয়ে যাচ্ছিলেন।

“মিস দ্রুত, আপনার হাতে কী? মঙ্গলঘট? না, না, এ লাইনটা অত সরু নয়। আচ্ছা, দিন আমাকে, দেখিয়ে দিচ্ছি।” বলে নিজেই তুলি নিয়ে বসে পড়লেন। দেখিয়ে দিতে বসলেও সেটা একেবারে শেষ না করে যে উঠবেন না সে কথা সবারই জানা আছে।

টেলিফোনের দিকে যেতে যেতে আপন মনে প্রপ্লোসুরের দ্বারা আপন বিবেক গ্লানিমুগ্ধ করার প্রয়াসী হলেন বীরেশ্বর। কাল বাড়ি থেকে বেরুবার সময় তিনি কিছু ভাবেন নি যে, রাত্রিতে বাড়ি ফিরতেই পারবেন না। কী করে ভাববেন? সমুদ্র-সৈকতের দৃশ্যপটটি যে কর্মকর্তাদের অনবধানতায় অমন ভাবে ছিড়ে নষ্ট হবে, তা কি কেউ আগে কল্পনা করেছিল? সেখানা যে নতুন করে আঁকতে হবে তা কি তিনি জানতে পেরেছিলেন? হাত গুনতে তো আর জানেন না। হুঃ, কাল-রাত্রিতে তঙ্কুণি ঝুঁকা শুরু না করলে আজ অভিনয়ের আগে তা শেষ হতো কি না! মিনতি, ডলী হাজার হোক ছেলেমানুষ, তাদের ভরসায় কি সেটা ফেলে রাখা চলে?

হ্যাঁ, সুবালাকে একটা খবর দেওয়া উচিত ছিল, তাতে সন্দেহ নেই। কাল রাত্রিতে ব্যস্ততার মধ্যে সেটা ভুল হয়ে গিয়েছে। অন্যায়ই হয়েছে। কিন্তু আজ সকালে কি একবার চেষ্টা করেন নি? দশ মিনিটের চেষ্টায় টেলিফোনের যে রং নাথায় পেয়েছেন সে কি তাঁর দোষ? কে না জানে যে, কলকাতার টেলিফোনে পনের মিনিটের আগে একটা লাইন পাওয়া যায় না। পাওয়া গেলেও ভুল নম্বর। রিসিভার তুলেই একেবারে যে ঠিক লাইনটি পায় সে তো নিশ্চিত মনে সেস্টলেকজারের টিকিট কিনলেও পারে।

“হ্যালো, কে, সুবালা? হ্যাঁ, আমি কথা বলছি। দেখ, কাল রাত্তিরে এখানে”—বীরেশ্বর গৃহে

প্রত্যাগমনের বিখণ সবিস্তারে বর্ণনা করতে যাচ্ছিলেন।

সুবালা বাঁধা দিয়ে বললেন, “প্রিমিয়র কোম্পানী থেকে লোক এসেছিল। বললে, তাদের ডিজাইনটা কাল চাই-ই।”

“কাল? আচ্ছা, ওটা তো’ প্রায় হয়েই আছে। একটা শুধু ফিনিশ দিয়ে দেওয়া বাকী। দশ মিনিটের কাজ। আমি তোমাকে কাল রাত্তিরে খবর—”

“আর নিউ বুক কোম্পানী ফোন করেছিল। তাদের ওখানে আজ কিংবা কালের মধ্যে যেতে বলেছে, খুব জরুরী।”

“কাল যাব’খন। আজ সকালে তোমাকে—হ্যালো, হ্যালো,” ঐ যাঃ, বোধহয় লাইন কেটে দিয়েছে। “হ্যালো মিস, হ্যালো, হ্যালো”—বীরেশ্বর টেলিফোনটা মুাশ করতে শুরু করলেন। ঠক ঠক ঠক ঠক ঠক।

বুধা চেষ্টা। আজকাল কি আর টেলিফোনে কথা বলার জো আছে কারো সঙ্গে? গভীর রিস্তির সঙ্গে বীরেশ্বর রিসিভারটা রেখে দিলেন।

মনে মনে অত্যন্ত অস্থিতি বোধ করলেন বীরেশ্বর। কাল বিকেল থেকে আজ এতক্ষণ পর্যন্ত গৃহে অনুপস্থিতির অপরাধে সুবালা যদি বিক্ষোভ প্রকাশ করতেন, এমন কি কিঞ্চিৎ ভৎসনা করতেন তবে যেন বীরেশ্বর আশ্বস্ত হতেন। তা’হলে আত্মপক্ষ সমর্থনের অন্ততঃ একটা প্রয়াস করা যেতো। সুবালা ‘সে প্রসঙ্গ অবতারণার অবকাশ মাত্র দিলেন না।

এই সুবালার রীতি!

দুধের ঘনত্ব বৃদ্ধি দ্বারা তারপরিমাণে ঘটে হ্রাস। নামেরও সজ্ঞাচন হয় অনুরাগের আধিক্যে। হৃদযাতা ও স্নেহাধিকার ফলেই বিনোদ বিনুতে এবং শ্রীলতা লতায় পরিণত হয়।

যে-মেয়েটির উপরে মলী সেনের সজ্জাক্ষের সমুদয় ব্যবস্থাপনার ভার, তার নামটিও রেহানুরক্তগণের নিকট সম্ভাষণে সুধীরা থেকে সংক্ষিপ্ত আকারে হয়েছে,—ধীরা।

সম্পর্কে ধীরা মলী সেনের ভাগিনেয়ী। শিবনাথের এক মামাতো বোনের মেয়ে। গত বৎসর বেথুন থেকে ইন্টারমিডিয়েট পাশ করেছে। তাকে ফর্সা বলা কঠিন, দেহ-সৌষ্ঠবেও নিখুঁত নয়। কিন্তু মুখে বুদ্ধিদীপ্ত এমন একটি স্নিগ্ধ লাগণের আভাস আছে যা সহজেই সকলের দৃষ্টি আকর্ষণ করে। রূপ না থেকেও বমণী যে বমণীয়া হতে পারে ধীরা তারই দৃষ্টান্ত।

মেয়েটি মলী সেনের প্রতি অত্যন্ত অনুবক্ত। স্কুলে নীচের ক্লাসের ছাত্রদের প্রায় প্রত্যেকেরই একজন আদর্শ হিরো থাকে। কারো বিদ্যাসাগর, কারো নেতাজী, কারো বা ফুটবলার কিংবা সিনেমা স্টার। ধীরার আছে মলী সেন। তার কলেজের সহপাঠিনী থেকে শুরু করে পরিচিত ব্যক্তিদেহ মধ্যে এমন একজনও নেই যে মলী মামীর রূপ, গুণ, বিদ্যা ও বুদ্ধির বিস্তারিত বিবরণ অন্ততঃ বার পাঁচেক শোনে নি।

অনুরাগ ও অনুসরণের বিচারে ধীরা প্রায় ভক্তের পর্যায়ে পড়ে। বৃহৎ বিষয়ের সঙ্গে ক্ষুদ্রের তুলনা যদি ক্ষমাই হয় তবে বলা যেতে পারে,—বুদ্ধদেবের যেমন আনন্দ, মহাত্মা গান্ধীর যেমন বিনোবা ভাবে, মলী সেনের তেমনি ধীরা। মলী সেনের সাজসজ্জা, রুচি, মতামত এমন কি কথা বলা থেকে শুরু করে চলার ভঙ্গিটি পর্যন্ত ধীরা অনুকরণ করে থাকে। কোনো কাজে গভীর মনোনিবেশকালে গলার সুন্দর স্বর্ণহারটি দুই ওষ্ঠাধরের মধ্যে চেপে ধরার অভ্যাস আছে মলী সেনের। মাতুলানীর এই মুদ্রাদোষটি পর্যন্ত ভাগিনেয়ীর চরিত্রে সযত্ন চেষ্টা দ্বারা প্রতিফলিত হয়েছে।

প্রীতিটা উভয়তঃ। মলী সেনও ধীরাকে অত্যন্ত পছন্দ করেন। শনিবারে কলেজের শেষে প্রায়ই নিয়ে এসে নিজের কাছে রাখেন। সোমবারে গাড়ি দিয়ে আবার কলেজে পৌঁছে দেন। দু’একটা পাটি, শিকুনিকেও মাঝে মাঝে নিয়ে যান। জামা, জুতা, সেন্ট প্রভৃতি উপহার দেন যখন তখন।

কতবার শাড়ি কিনতে গেছেন মার্কেটে নিজের জন্য সঙ্গে ছিল ধীরা সে বলেছে, “এই

শাড়িটা চমৎকার, এটা কেনো মলী মামী।”

মলী সেন জিজ্ঞাসা করেছেন, “এটা তোর কাছে ভালো লাগছে ? আচ্ছা বেশ তোর জন্য নিচ্ছি।”

ধীরা অপ্রতিভ হয়ে বলেছে, “না, না আমার জন্য নয় ; তোমার জন্য কিনতে বলছি।”

“আচ্ছা আপাততঃ তোর জন্যই কিনছি, আমাকে না হয় দু’ একদিন ধার দিস পরতে।”

ধীরা মনের চাঞ্চল্য যথাসাধ্য দমন করে বলেছে “বা রে, তোমাকে যে-শাড়িতে মানায়, আমার গায়ে তা কেমন দেখাবে ?”

“খুব খাশা দেখাবে। নে, বাড়ি গিয়ে আবার মাকে যেন দেখাসনে। সে আমাকে কবে বকুনি দেবে।”

সেটা মোটেই সত্য নয়। বকুনি ধীরাব মা দেন না। ধীরার বাবা দু’ একবার মদু’ স্বরে আপত্তি করেছেন স্বীর কাছে। “বৌঠান বড় মানুষ, টাকার ছড়াছড়ি। কিন্তু আমাদের কি এতটা নেওয়া ঠিক ? পূজা-পার্বণে ভালোবেসে দু’ একটা উপহার দেন, সে এক কথা ; আর ফি মাসেই শাড়ি দিচ্ছেন, জামা দিচ্ছেন সে অন্য ব্যাপার। শিবদা’ই বা কী ভাবছেন কে জানে ?”

মেয়ের মা সে কথায় কান দেননি। তিনি মেয়েমানুষ, সাংসারিক বুদ্ধি স্বভাবতঃই প্রখর। ধীরাকে মলী সেন স্নেহ করেন, সে তো লাভেরই কথা। এই তো আরো কত মেয়ে কলেজে পড়ে। তাদের মায়েরা দুঃখ করে বলে, খরচের আর পার নেই, মেয়ের জামা-কাপড়ের নিত্য নতুন ফ্যাশানের দায়ে প্রাণ যাওয়ার দাখিল। ধীরার জন্য আজ পর্যন্ত তাঁকে কখনও ভাবতে হয়েছে ? নতুন উপহারের কথা ছেড়েই দাও। মলী সেনের নিজের ব্যবহৃত শাড়িই কী ধীরাকে তিনি কম দিয়েছেন ? ফী মাসেই নতুন শাড়ি কেনা মলী সেনের একটা সখ যেমন ফি সপ্তাহে সিনেমায় যাওয়া অবিহাতি পুরুষের। অথচ একটা শাড়ি বারকয়েক পরিধানের পরেই আর আকর্ষণ থাকে না তার প্রতি। ধীরাকে দিয়ে দেন। ধীরা না থাকলে নিশ্চয়ই অন্য কাউকে দিতেন। আলমারী বোকাই করে আর কতদিন রাখতে পারতেন ? তা’ ছাড়া ধীরার বিয়ের কথাটাও তো একবার ভাবতে হবে। টাকা লাগবে না তখন ? মামীর করুণা অক্ষুণ্ণ থাকলে সে সময়েও অনেক সুরাহার সম্ভাবনা।

অকটা যুক্তি।

বাবার মুখ বন্ধ হয়।

মামীর সজ্জাবিন্যাসের ভার যে ধীরা সানন্দে এবং সাগ্রহেই গ্রহণ করেছে, সে কথা উল্লেখ না করলেও চলে।

এ বাড়িতে কক্ষের অভাব নেই। ঠাকুর দালানে যেখানে স্টেজ তৈরী হয়েছে তার পিছনে ও দু’পাশে একটা করে মাঝারি ধরনের কুঠরি। সেগুলি অভিনেতা অভিনেত্রীদের সজ্জাকক্ষরূপে ব্যবহারের জন্য নির্দিষ্ট হয়েছে। ঠাদিকের ঘরটি আয়তনে অপেক্ষাকৃত বৃহৎ। মহিলাদের প্রসাধন ও সজ্জাপর্ব অধিকতর ব্যাপক এবং সময়সাপেক্ষ। উপচার উপকরণও অনেক। সুতরাং সেটি তাঁরা দখল করবেন। বিপরীত দিকের কক্ষটি পুরুষ অভিনেতাদের পোশাক পরিবর্তনের স্থান।

পূর্ববর্তী অগ্রীতিকর অভিজ্ঞতায় মলী সেন জানেন, এ সব সৌখীন অভিনয়ে স্টেজে অনাবশ্যকরূপে ভীড় জমে। রক্তাবতরণকারিণীদের চাইতে নেপথ্যচারিণীর সংখ্যা বেশী হয়। অভিনেত্রীদের আত্মীয় ও সখীদের উপস্থিতিতে বেশ-পরিবর্তনের স্থানগুলি জনাকীর্ণ থাকে। ফলে সবাই পক্ষে নিশ্চিন্ত নিভূতে আপন অঙ্গরাগে মন দেওয়া কঠিন হয়। দুরূহ ভূমিকায় আত্মপ্রকাশের অব্যবহিত পূর্বে অভিনেতা অভিনেত্রীদের পক্ষে যে একটা উত্তেজনাহীন শাস্ত পরিবেশে কিছুক্ষণ আত্মস্থ হওয়ার প্রয়োজন আছে, তারও আর কিছুমাত্র সুযোগ মেলে না। তাই মলী সেন এবার নিজের জন্য পৃথক একটি কক্ষ নির্দিষ্ট রেখেছেন।

ধীরা মলী সেনের বেশবিন্যাসের সমুদয় উপকরণ একে একে সজ্জা-কক্ষটির যথাস্থানে সাজিয়ে রাখছিল। কিন্তু ক্রমে ক্রমে ঘরের পানে তার দৃষ্টিক্ষেপ ও হাত ঘড়িটার প্রতি তাকানো থেকে একথা অনুমান করা কঠিন নয় যে, সে কোনো এক জনের আগমন প্রত্যাশায় আছে।

“কী করছ ?” বলে একটি তরুণ প্রবেশ করল কক্ষে ।

ধীরার কাছ থেকে কোনো সাড়া শব্দ পাওয়া গেল না ।

“খুব ব্যস্ত না কি ?” পুনরায় প্রশ্ন করল আগন্তুক । কিন্তু উপস্থিত অপর ব্যক্তিটি সেই দণ্ডে ড্রেসিং টেবিলের প্রসাধন সামগ্রীগুলি নিয়ে এমনই ব্যাপ্ত হয়ে পড়ল যে, মনে হয় পাউডারের কেস বা নেইল পুলিশের শিশিটা থেকে এক মুহূর্তের জন্যও অন্যদিকে মনোযোগ দেওয়ার অবকাশ নেই তার । এমন কি, প্রশ্নগুলি যে সে শুনতে পেয়েছে, তারও কোনো লক্ষণ দেখা গেল না তার আচরণে ।

যুবকটি মৃদু হেসে কৌতুকের স্বরে বলল, “চিনতে পারছ কি ? আমার নাম শ্রীসমীরচন্দ্র গুপ্ত । পিতা মৃত অধরচন্দ্র গুপ্ত, নিবাস লাহোর, হাং সাং-১৭ নম্বর মহেশ মিত্র লেন, পোস্ট অফিস বিডন স্ট্রীট, থানা—”

অত্যন্ত নীবসকণ্ঠে ধীরা উত্তর করল, “চিনতে পারলেই বা চেনার দরকার কী ?”

সমীর অনুতপ্ত কণ্ঠে বলল, “আমার অনেকটা দেবী হয়ে গিয়েছে । এখানে যে পাচটার সময় আসতে হবে সেকথা ভুলেই গিয়েছিলেম । রাগ করো না লক্ষ্মীটি ।”

এ কৈফিয়তে ক্রোধ শাস্ত হয় না বরং বৃদ্ধি পায় । ভুলতে পারাটাই যে সবচেয়ে বেশী অমার্জনীয় অপরাধ । তীব্র অভিমানে ধীরার হৃদয় পীড়িত হলো । সমীরের দিকে দৃষ্টিপাত মাত্র না করে অত্যন্ত উদাসকণ্ঠে বলল, “না, রাগ কিসের ?”

সমীর কাছে এসে ধীরার হাত ধবে বলল, “আমাব অন্যায় হয়েছে, মাফ করো ।”

ধীরা সজোরে হাত ছাড়িয়ে নেওয়ার চেষ্টা কবল, “আঃ, ছাড়ো বলছি । কেউ দেখলে কী ভাববে ? উঃ, লাগছে । ছাড়ো, ছাড়ো ।”

সমীর ধীরার হাতখানা আপন মুষ্টি থেকে মুক্ত করে দিয়ে ব্যগ্র কণ্ঠে জিজ্ঞাসা কবল, “সত্যি লেগেছে কি ?”

“না, লাগবে কেন ? আমাব হাতটা তোমার স্প্রিং-ডাম্পল কি না যে, গায়ের জোরে চাপবে । যা যণ্ডামাকার মতো এক একটা আঙুল তোমাব ।”

“সত্যি, আমি একটা জন্তু ।”

সমীরের মুখে অনুতাপের ছায়া দেখে মুহূর্তে ধীরার অভিমান দূর্ব হলো । হেসে বলল, “ইস, বিনয় করা হচ্ছে দেখছি । জন্তু নয় তো কী ? জন্তুর চাইতেও বেশী । জন্তুদের বন্ধু নম্বু-বাবু । তা দেখুন নম্বু-বাবু ফের যদি কখনও এমন দেবী হয়, তবে জন্তুর মতো আড়ি হবে কিন্তু ”

সজ্জি হয়ে গেল । শীতের কুয়াশাস্ত্রে শিশিরার্ধি ঘাসেব উপরে মৃদুতাপ সূর্যালোকের মতো প্রীতিরসে ছেয়ে গেল দুটি প্রথম প্রণয়মুগ্ধ তরুণ-ভক্তনীর সুনিবিড় সান্নিধ্য, তাদের কপট কলহ-কাকলি-মুখর নিভৃত সান্নাৎ ।

ধীরা বলল, “আর পাঁচ মিনিট আগে এলেই মলী মামীকে দেখতে পেতে ।”

সমীর ঠাট্টা করে বলল, “তোমার মলী মামী কি কুতুবমীনার, না, ভিক্টোরিয়া মেমোরিয়াল, যে দেখতে আসতে হবে ?”

“আহা, অত ঠাট্টা করতে হবে না । সত্যি বলছি, মলী মামীব সঙ্গে একবার আলাপ করলে দেখবে, যা বলেছি এক বর্ণও বেশী নয় ।”

“কিন্তু আলাপ করেও তোমার মতো যদি অষ্টপ্রহর তাঁর নাম না জপ করতে পাবি, তবে শেষে রাগ করো না যেন ।”

ধীরা রেগে বলল, “হয়েছে, হয়েছে । আমি না হয় মলী মামীর নাম জপ করি । আর তুমি ? ডন ব্র্যাডম্যান, লেন হাটন আরও ঐ রকম কি সব বিলাতী দেবতাদের নামে যে ঘুমের ঘোরেও চোঁচিয়ে ওঠ, সে বৃষ্টি আর আমি জানিনে ? একবার দেখছি না মলী মামীকে, মৃণু ঘুরে যাবে ।”

সমীর কপট গাষ্টীর্যে দু’হাত দিয়ে নিজের মাথাটাকে এদিকে ওদিকে নাড়া দিয়ে বলল, “মাথাটা বেশ শক্ত বসে আছে কাঁধের ওপরে । বেশী ঘুরতে পাবে না ।”

সমীরের ভক্তি দেখে ধীরা কলহাস্যে উল্লসিত হয়ে উঠল । বলল, “জানো, মাল্লামাসি বলেন,

মলী মামীকে দেখলে পুরুষ মানুষের নাকি কাণ্ডজ্ঞান থাকে না। আসলে মাল্যমাসি মলী মামীকে দু'চক্ষে দেখতে পারেন না। আড়ালে গাল দিয়ে বলেন,—ছেলেধরা। তাঁর মেয়ের সঙ্গে যে দু'একটি ছেলের বিয়ের কথা হয়েছে তাদের—, এই রে! নাম করতে না করতেই, এদিকে আসছেন। চল, চল ওদিকে পালাই। আমাদের দু'জনকে এক সঙ্গে দেখতে পেলে আর রক্ষে রাখবেন না।”

মলী সেন শিবনাথকে ডেকে পাঠিয়েছিলেন।

তিনি এসে প্রণাম করলেন, “আমাকে কী দরকার?”

স্ত্রীর প্রতি স্বামীর যোগ্য প্রশ্নই বটে!

কিন্তু মলী সেন সে সম্পর্কে কোনো মন্তব্য না করে সহজ কণ্ঠেই বললেন, “দৈনিক বিশ্ববার্তার ফটোগ্রাফার আসবে এক্ষুণি। একটা ফটো নিতে চায়।”

“ফটো? কার, আমার?”

“হ্যাঁ, তোমার এবং আমার।”

ব্যাপারটা শিবনাথের কাছে কিছুমাত্র স্পষ্ট হলো না।

বিশ্বব্যবস্টি নেত্রে স্ত্রীর পানে তাকাতেই মলী সেন ব্যাখ্যা করলেন, “বিশ্ববার্তা আমাদের এই সাহায্য রজনীর খবর খুব ফলাও করে ছাপছে। কাল অভিনয়ের বিভিন্নতার সঙ্গে ছাপবার জন্য অভিনেতা, অভিনেত্রী ও উদ্যোক্তাদের কয়েকখানা ছবি নিতে চায়। তাদের নিজেদের ফটোগ্রাফার আসবে এক্ষুণি।”

মলী সেনের উদ্যোগে এই নাট্যানুষ্ঠানের প্রতি বিশ্ববার্তার এই বিশেষ মনোযোগের অবশ্য একটু সবিশেষ হেতু আছে।

বিশ্ববার্তার সম্পাদককে আমন্ত্রণ কবা হয়েছে অনুষ্ঠানের উদ্বোধন করতে। প্রতি সপ্তাহেই তিনি শহর ও শহরতলীর একাধিক সভাসমিতির হয় সভাপতিত্ব নয় তো উদ্বোধন করে থাকেন। ছাত্রদের রবীন্দ্র-জয়ন্তী, বুদ্ধদের বৈষ্ণব সম্মেলন, তরুণদের সাহিত্য সভা, হ্যানিম্যান স্মৃতি বার্ষিকী, পঞ্জিকা সংস্কার বা নির্খল বঙ্গ সঙ্গীত সমিতির অধিবেশন প্রভৃতি সর্বত্র তাঁর সমান গতিবিধি। প্রত্যেকটিতে তাঁর সমান ওজস্বিনী বক্তৃতা। সভার উদ্যোক্তারা খুবই খুশি হয়। সারগর্ভ ভাষণের জন্য নয়, প্রচারসাক্ষ্যের জন্য। পরদিন সম্পাদকের নিজ কাগজে ডবল কলাম হেডিং-এ বক্তৃতার সঙ্গে সভার যে সুদীর্ঘ বিবরণ প্রকাশিত হয়, সেটা যথাস্থানে ছাপা হলে কলাম ইঞ্চি দরে স্থূল অঙ্কের বিল মেটাতে হতো।

অবশ্য এই উদ্বোধনের ব্যাপারটা কেন্দ্র করেই ক্লাবের সদস্যদের মধ্যে একটা অপ্রীতিকর মতবিরোধের উদ্ভব হয়েছিল।

বিপদ এই যে, সংবাদপত্র জগতে বিশ্ববার্তার প্রতিদ্বন্দ্বী আছে এবং তাব সম্পাদকেরও অনুরাগী লোকের অভাব নেই। ফলে সভাপতির আসন নিয়ে বিতর্কের সৃষ্টি হয়। বিরোধীদের মুখপাত্র বলল, “বিশ্ববার্তার সম্পাদককে ডাকা ভুল হয়েছে।”

অপরগণক তা মানতে রাজী নয়। তাদের জবাব,—“ভুল যে নয় তা বুঝতে পারবে অভিনয়ের পরদিন বিশ্ববার্তা দেখলে।”

“সে সঙ্গে ‘নবীন ভারতটাণ্ড’ দেখব তো? বিশ্ববার্তা যেমন ফলাও করে বিবরণ ছাপবে, নবীন ভারত তেমনি তার নামটুকুও উল্লেখ করবে না।”

“কেন? তাদের রিপোর্টারকে কমপ্লিমেন্টারী টিকিট দিই নি?”

“ওঃ, তা হলে আর কি? একেবারে নবীন ভারতের মাথা কিনে বসে আছি। রিপোর্টারদের ডেকে কী হয়? তাদের রিপোর্ট তো হবে চার পাঁচ লাইন। কাগজের এক কোণে স্থানীয় সংবাদ বা আবহাওয়া খবরের নিচে ছাপা হবে। কারও চোখে পড়বে না।”

“তা হলে আর কি করা যাবে? নবীন ভারতের না হয় না-ই বেরাবে।”

“না-ই বেরাবে? নবীন ভারতের সার্কুলেশন জান?”

বিশ্ববার্তার বন্ধু ব্যঙ্গস্বরে বলল, “সার্কুলেশান যাই হোক, পাঠক কারা ? নবীন ভারত তো বেশী কেনে শুনেছি মোকানীরা। পৃষ্ঠা সংখ্যা বেশী, পরের দিন প্যাকেট ঝাধার কাজে লাগে।”

“আর তোমার বিশ্ববার্তার বিক্রি বুঝি সব বিশ্ববিদ্যালয়ে ? নবীন ভারতের সম্পাদককেই আমাদের অনুষ্ঠানে ডাকা উচিত ছিল এ কথা আমি হাজার বার বলব, তাতে মিসেস সেন খুশি হোন আর নাই হোন।”—বলে নবীন ভারত-সেবক মল্লী সেনের পানে তাকাল।

মল্লী সেন বললেন, “আমি একটুও অখুশি হই নি, সতীশ বাবু। আমাদের এ সব ব্যাপারে যত বেশী প্রতিকার সহায়তা পাওয়া যায় ততই ভালো ! পাবলিকের কাজে পাবলিকের সহানুভূতি না পেলে চলবে কেন ? আর প্রেস পাবলিসিটি না হলে কি আজকাল লোকের সমর্থন মেলে ? বিশ্ববার্তার সম্পাদককে ডাকা হয়েছে। নবীন ভারতের সম্পাদককেও ডাকলে ক্ষতি কি ?”

“ক্ষতি নেই। কিন্তু অসুবিধা আছে।”

সম্পাদকেরা তো একজন সাধারণ শ্রোতা বা দর্শক হিসাবে সভা সমিতিতে আসতে পারেন না। বিশেষতঃ এক সম্পাদক যে সভায় বিশেষ একটি অনুষ্ঠান সম্পাদনের মর্যাদা নিয়ে আসছেন তাতে অপর সম্পাদকের নিজস্ব উপস্থিতি কল্পনা করাও অসম্ভব। অথচ একই সভার দুজন উদ্বোধনকর্তাও সম্ভব নয়। গৌরবে বহুবচন ব্যাকরণে আছে বটে, জীবিত ব্যক্তির বেলায় তো তা হওয়ার উপায় নেই।

মল্লী সেনই মীমাংসা করলেন সমস্যার। পূর্ব-নির্ধারিত ব্যবস্থানুযায়ী বিশ্ববার্তার সম্পাদক করবেন উদ্বোধন। নবীন ভারতের সম্পাদককেও আমন্ত্রণ করা হলো। তিনি হবেন প্রধান অতিথি—গেস্ট ইন চীফ।

এ সকল নেপথ্য-তথ্য শিবনাথের জানা ছিল না। ফটো তোলাব প্রস্তাবে বিস্মিত হয়ে জিজ্ঞাসা করলেন, “আমার ফটোর কী প্রয়োজন ? তোমাদের অভিনয়ের সঙ্গে আমার সম্পর্ক কী ?”

“নেই তা জানি। কিন্তু সম্পর্ক রাখলে দোষ কী ?”

“দুর্গতদের দোহাই দিয়ে আনন্দ করায় আমাব রুচি নেই।” বোধ হয় নিজের অজ্ঞাতেই শিবনাথের কণ্ঠে কিছুটা উত্তাপের আভাস ছিল।

মল্লী সেন জিজ্ঞাসা করলেন, “দুর্গতদের দোহাই না দিয়ে শুধু আমাদের জন্যই নাটক করলে তুমি তাতে খুশি হয়ে যোগ দিতে ? দেখ, আমাব কোনো ব্যাপারেই তোমার বিন্দুমাত্র আগ্রহ নেই, তোমার কোনো কাজেও আমার কোনো উৎসাহ নেই—এ তো দুজনের কারোরই জানতে বাকী নেই। আজ নূতন কবে তা নিয়ে তর্ক করা পণ্ডশ্রম। এই অভিনয় আয়োজনে তোমার যোগ নেই, এতে আমি দুঃখিত নই। অনুমান করছি, মনোবেদনায় তোমারও বন্ধ বিদীর্ণ হচ্ছে না। কিন্তু ফটো তোলাতেই বা এত আপত্তি কিসের ? কাল কাগজে তোমার ও আমার ছবি এক সঙ্গে ছাপা হলেই কেউ কিছু মানহানির মামলা দায়ের করবে না।”

“না তা করবে না, কিন্তু—”

শিবনাথের বক্তব্য শেষ হওয়ার পূর্বেই ফটোগ্রাফার সঙ্গে নিয়ে উপস্থিত হলেন সুরেন লাহিড়ী। সাহিত্যিক। অন্ততঃ তিনি নিজে তাই মনে করেন। করাটা বোধ করি খুব অনায়াস ও নয়। বাংলা দেশে এমন সাপ্তাহিক, মাসিক, পূজা সংখ্যা ও বিশেষ সংখ্যা কমই আছে যাতে সুরেন লাহিড়ীর কবিতা, প্রবন্ধ বা গল্প প্রকাশিত না হয়। এখানে চুপি চুপি বলে দেওয়া প্রয়োজন যে লাহিড়ী একটা নামজাদা ব্যাঙ্ক-এর পাবলিসিটি অফিসার অর্থাৎ বিজ্ঞাপন বিতরণের কর্তা।

সামাজিক মর্যাদা বা অর্থ-গৌরবে লাহিড়ী মশায় ঠিক মল্লী সেনের গোষ্ঠীতে নন। শুধু সাহিত্যিক পরিচয়েই তিনি সেখানে প্রবেশাধিকার পেয়েছেন। এই সাহায্য রজনীর প্রচার-সচিবের কাজ তিনি স্বেচ্ছায় এবং সানন্দেই গ্রহণ করেছেন। বললেন, “এই যে আপনারা প্রস্তুত হয়েই আছেন। ইনিই বিশ্ববার্তার ফটোগ্রাফার। নিন মশাই, আপনার যে ক’খানা ফটো দরকার তুলে নিন।”

শিবনাথ যথাসাধ্য স্বাভাবিক কণ্ঠে জিজ্ঞাসা করলেন, “কিন্তু সুরেনবাবু, আমার ছবি আবার কেন ? আপনারা অভিনয়ের পাত্রপাত্রীদের—”

“সে তো নেওয়া হবেই। আগে আপনাদেরটা হয়ে যাক। আপনারা হলেন জয়েন্ট প্রডিউসারস। কাগজে আজকের এনাউন্সমেন্টটা দেখেননি বুঝি। প্রথম লাইনেই বড় বড় অক্ষরে লেখা, মিস্টার শিবনাথ এ্যান্ড মিসেস মলী সেন প্রজেক্ট বেঙ্গলী রোমান্টিক মিউজিক্যাল—‘স্বপন কুহেলী’। হুঃ, আমার পাবলিসিটির স্টাইলই আলাদা। একেবারে বিলাতী কায়দা।” আত্মপ্রসাদের হাসি হাসলেন সুরেন লাহিড়ী।

শিবনাথের হাতে একখানা সংবাদপত্র দিয়ে বললেন, “দেখুন একবার পড়ে, আজকের বিশ্ববার্তা কি লিখেছে।”

পত্রিকার পৃষ্ঠে লাহিড়ী কর্তৃক সযত্নে লাল পেন্সিলে চিহ্নিত অংশটুকুর উপরে শিবনাথ দ্রুত দৃষ্টি চালনা করলেন।

মলী সেনদের অভিনয় প্রচেষ্টার সুদীর্ঘ এককলম ব্যাপী সাধুবাদ। প্রথমে দুর্গতদের সাহায্যার্থে সম্ভ্রান্ত নরনারীর এই উদ্যম যে দেশের পক্ষে কতখানি আশা ও আশ্বাসের লক্ষণ সে সম্পর্কে বিস্তারিত বাগবিস্তার করে বিশ্ববার্তার নিজস্ব সংবাদদাতা বিশেষ ভাবে মলী সেনের গুণ কীর্তন করেছেন। বেশীর ভাগ ধনীগৃহের কমহীনা গৃহিণীদের মতো অলস বিলাস ব্যসনে সময় অতিবাহিত না করে জনকল্যাণ ও আর্থের সহায়তায় এগিয়ে এসে তিনি সমাজের সম্মুখে যে মহৎ দৃষ্টান্ত স্থাপন করেছেন তা যেন অন্য মহিলারাও অনুসরণ করেন।

কিন্তু প্রশংসা একমাত্র মিসেস সেনেরই প্রাপ্য নয়। কাবণ যদিও আজ সন্ধ্যায় অভিনয়েব কোনো ভূমিকায় মিস্টার সেনকে পাদপ্রদীপের সম্মুখে দেখা যাবে না, তবুও সংবাদদাতা বিশ্বস্তসূত্রে জানতে পেয়েছেন যে, স্ত্রীর এই জনহিতকর উদ্যোগে মিস্টার সেনের উৎসাহ ও সহযোগিতাও বিশেষ উল্লেখযোগ্য। অভিনয়ের সর্ববিধ ব্যবস্থায় মিস্টার সেনের অক্লান্ত পরিশ্রম ও বিপুল অর্থব্যয়ের উল্লেখ কবে উপসংহারে তিনি লিখেছেন,

—“কলিকাতার শিল্প ও বাণিজ্য জগতের ঠাহারা সংবাদ রাখেন ঠাহারা সকলেই সেন ও দত্ত পরিবারের ব্যবসায়িক সম্মেলন, শিল্প জগতে বাঙ্গালীর অতুল কীর্তি মেসার্স ডাট এ্যান্ড সেন (১৯৩০) লিমিটেডের অসাধারণ সাফল্যের কথা অবগত আছেন। এই দুই সম্ভ্রান্ত বংশের বৈবাহিক সম্বন্ধ যে সমাজের পক্ষেও কতখানি মঙ্গলজনক হইয়াছে তাহা বর্তমানে মিস্টার শিবনাথ সেন ও তাহার পত্নী মিসেস মলী সেন (ভূতপূর্ব দত্ত) তাহাদের সম্মিলিত বহু পরহিতজনক কর্মেব মধ্য দিয়াই প্রমাণিত করিতেছেন। হিন্দু স্বামী-স্ত্রীর প্রাচীন মহান আদর্শ এদেশ হইতে লুপ্ত হইতেছে বলিয়া যে সকল মৃঢ় সনাতনীরা সর্বদা আর্তনাদ করিয়া থাকেন তাহারা এই শিক্ষিত, সম্ভ্রান্ত ও বিস্তরশীলী সেন দম্পতিকে দেখিয়া জ্ঞান লাভ করিতে পারিবেন” ইত্যাদি ইত্যাদি।

গর্বভরে লাহিড়ী বললেন, “পড়লেন সবটা? কী রকম? হুঃ, আমি যখন একবার পাবলিসিটিব চার্জ নিয়েছি তখন, ও কী, আপনার মুখ চোখ এমন লাল হয়ে উঠল কেন, মিস্টার সেন? এতে লজ্জা পাবার কী আছে? চলুন বারান্দায়। এবাব ফটোটো শেষ করে ফেলা যাক।”

অভিনয়ের সঙ্গে বিশেষভাবে সংশ্লিষ্ট ব্যক্তিদের মধ্যে ঝাঁদেব নিজস্ব মোটর নেই তাঁদের বাড়ি থেকে মেয়েদের গাড়ি পাঠিয়ে আনার ব্যবস্থা করেছেন মলী সেন। বৃকের কাছে সিঙ্কের রিবন আঁটা স্বেচ্ছাসেবিকারা ঘুরে ঘুরে বিভিন্ন অভিনেতা, অভিনেত্রী ও উদ্যোক্তাদের কাছে থেকে প্রয়োজনীয় ঠিকানা নিয়ে তালিকা প্রস্তুত করছিলেন।

বীরেশ্বর নিজ বাড়ির নম্বর ও রাস্তার নাম লিখিয়ে দিলেন। কিন্তু খুব নিশ্চিন্ত বোধ করলেন না। সুবালো নিজে উদ্যোগী হয়ে আসবে কি? সম্ভাবনা খুবই কম। কম কেন, একেবারে নেইই বলা যেতে পারে। বীরেশ্বরের সম্পর্কিত কোনো অভিনয়, প্রদর্শনী বা শিল্পানুষ্ঠানে আজ পর্যন্ত কোনো দিন সুবালাকে যোগ দিতে দেখা যায় নি।

বড়দিনের সময়ে বীরেশ্বরের চিত্রপ্রদর্শনী দেখতে পরিচিত অপরিচিত নরনারীর ভীড় হয়েছে মিউজিয়মে। দৈনিক সংবাদপত্রে উচ্ছ্বসিত প্রশংসায় সচিত্র প্রবন্ধ লিখেছেন চিত্র-সমালোচকেরা। প্রসিদ্ধ রসজ্ঞের দল সুখ্যাতি করেছেন প্রকাশ্য সভায়। একমাত্র নিষ্পৃহ, নিরুৎসুক রয়েছেন সুবালো। শিল্পীর নিজের স্ত্রী, বন্ধু-বান্ধবের দল আগ্রহ ভরে নিয়ে যেতে চেয়েছে সঙ্গে করে।

অসুস্থতা বা অন্য কোনো অপরিহার্য গৃহকর্মের অজুহাতে সুবালা বিনীতভাবে প্রত্যাখ্যান করেছেন তাঁদের নিমন্ত্রণ।

সেবার ফাইন আর্টস সোসাইটির এগজিবিশানে প্রদর্শনীর সর্বশ্রেষ্ঠ চিত্রের জন্য রাষ্ট্রপালের স্বর্ণপদক পেলেন বীরেশ্বর। বিশেষভাবে আহূত সভায় সহরের শ্রেষ্ঠ শ্রমী, জ্ঞানী ও বিশিষ্ট ব্যক্তিগণের উপস্থিতি ও সম্মান করতালির মধ্যে সে পদক গলায় পরিয়ে দিলেন প্রাদেশিক মুখ্যমন্ত্রী মহোদয়। স্বামীর এই সম্মান-সভায় সুবালাকে অনেক করে নিমন্ত্রণ জানিয়েছিলেন সভার উদ্যোক্তাগণ। এমন কি, সোসাইটির সভানেত্রী লেডী সুধা ব্যানার্জী স্বয়ং পত্র দ্বারা বীরেশ্বরকে অনুরোধ করেছিলেন সতীক উপস্থিত হতে।

নির্দিষ্ট দিনে সভাস্থলে বীরেশ্বরকে আসতে হলো একক। সেদিন সকাল বেলায়ই কী এক অপরিহার্য কারণে সুবালার শ্রীবামপুরে যাওয়ার প্রয়োজন ঘটল। ছোট ভাই-এর বাড়ীতে। সেখান থেকে ফিরতে ট্রেন ফেল করলেন।

সুবালা যেন এক দূর্বোধ প্রাহেলিকা। বীরেশ্বরের কাছে। গৃহকর্ম, সেবা, যত্ন ও পরিচর্যায় তাঁর অনবচ্ছিন্ন কৃতিত্ব রক্তহীন। যথাকালে হাতেব কাছে প্রয়োজনীয় জিনিসটি বীরেশ্বর পেয়ে আসছেন সর্বদা। ঘড়ির কাঁটার মতো নিঃশব্দ নিয়মে স্বামীর আহার, নিদ্রা, পোষাক, পরিচ্ছদ, আরাম, আয়েশের ব্যবস্থা করেন সুবালা এনালস ইকাস্ট্রিকটায়।

আপিসেব বরাদ্দ কাজের চাপে দিনের বেলায় নিজের কাজ করার সময় থাকে না বীরেশ্বরের। অথচ ব্যক্তিগত চিত্রাঙ্কনে অর্থাগম হয় প্রচুর। তাই প্রায় প্রত্যহই, অনেক রাত অবধি জেগে বীরেশ্বর ছবি আঁকেন। সে-সময়ে এক পেয়ালা গরম কফি পেলে তিনি খুশি হন। ছাত্রাবস্থায় বরোদাঘ এই অভ্যাসে শুরু। কথাচ্ছলে বীরেশ্বর একদিন তার উল্লেখ করেছিলেন। তারপর থেকে ইজ্জেলব পাশে একটি ছোট টিপাইতে নিয়মিত তার ব্যবস্থা হয়ে আসছে আজ সাত বছর। পেয়ালা, পিরিচ, ফ্লাস্কভর্তি গরম কফি, দুধ, চিনি। একদিনের জন্যও ব্যতিক্রম হয় নি।

রাত্রিতে ঘুমের ঘোবে মাঝে মাঝে অস্পষ্ট অক্ষুট অধোজ্ঞিত কবার অভ্যাস আছে বীরেশ্বরের। কে যেন সুবালাকে বলেছে, হাত বুকের উপরে চেপে রেখে ঘুমোলে দুঃস্বপ্ন থেকে এমন হয়। পুত্র নিয়ে সুবালা ঘুমোন এক ঘরে। বীরেশ্বরের শয্যা পৃথক কক্ষে। কিন্তু প্রতি রাত্রিতে অন্ততঃ একবার সুবালা এসে মশাি তুলে দেখে যান নির্দ্রিত স্বামীর বাহু দুটি যাতে তাঁর বক্ষের উপরে নাস্ত না রয়। বীরেশ্বরের সুখ স্বাস্থ্যদোর সম্ভবপর সর্বপ্রকার আয়োজনের প্রতি সুবালার অপরলক দৃষ্টি।

তবুও উভয়ের পরিপূর্ণ যোগ নেই জীবনে। কোথায় যেন গ্রন্থি হয়েছে শিথিল, মর্মে রয়েছে শূন্যতা। বীরেশ্বর অনুভূতি দিয়ে তাব আভাস পান অস্তবে কিন্তু বুদ্ধি দিয়ে তার নিশানা খুঁজে পান না।

অসুস্থ হয়ে ডাক্তারের কাছে যেতে হলে সুবালা স্বামীর সঙ্গে যাবেন নিশ্চিত। পূজার ছুটিতে শিলং বেড়াতে গেলে বীরেশ্বরকে যেতে হয় একা। প্রতি বৎসরই কোনো না কোনো প্রতিবন্ধক দেখা দেয় সুবালার পক্ষে। পরিপাটিভাবে বীরেশ্বরের বাস্তব গুছিয়ে দিতে দিতে বলেন আসছে বারে তিনি যাবেন। সেই প্রতিশ্রুতি আগামী বৎসব আসে, যায়, বিলীন হয় বিগত বৎসরের বিস্মৃত অতীতে। স্বামীর সঙ্গে সুবালার দার্জিলিং, পুরী কিম্বা মধুপুর ভ্রমণ আর কিছুতেই হয়ে ওঠে না। যথাকালে যথারীতি বিশেষ কোনো অসুবিধা দেখা দেয় প্রায় অবধারিত রূপে। ছেলের এগজামীন, বোনের বিয়ে নয় তো বাড়ির অব্যবস্থা কিম্বা অন্য আর কিছু।

অভিনয়মঞ্চ থেকে প্রেক্ষাগারে যাতায়াতের সঙ্কীর্ণ গলি-পথটায় নিখিলের সঙ্গে মামামাসির প্রায় মুখোমুখি দেখা হয়ে গেল।

অভিজ্ঞ ব্যক্তিমাত্রই জানেন, সংসারে কয়েকটি বিশেষ শ্রেণীর লোককে যথাসাধ্য এড়িয়ে চলতে হয়। যথা,—গরীব আত্মীয়, বীমার দালাল ও সার্বজনীন পূজার সেফ্টেটরী। মামামাসি এর কোনটিই নন। তবুও নিখিল তাঁকে দেখলেই শঙ্কিত হন। চাণক্যম্রোক নিখিলের ভালো পড়া নেই। কিন্তু মনে হয়, মামামাসিকে তিনি শঙ্কিনামের পর্যায়েই গণ্য করেন এবং শুধু শত নয়, প্রায়

সহস্র হস্ত দূরে রাখতে চেষ্টা করেন।

এত কাছাকাছিতে না দেখার ভান করে পাশ কাটিয়ে যাওয়া অসম্ভব। অকস্মাৎ পিছন ফিরে প্রস্থানোদ্যোগ ততোধিক দৃষ্টিকটু। কী করেন ভেবে স্থির করার পূর্বেই মুখে চোখে সৌজন্যের বন্যা বইয়ে দিয়ে মাম্মামাসি বললেন, “এই যে, মিস্টার রয়, থিয়েটারের ব্যবস্থা নিয়ে কী পরিশ্রমটাই না করতে হচ্ছে আপনাকে! গৌরী বলে, ‘মা, মিস্টার রয় শেষকালে একটা অসুখ বিসুখ না বাধিয়ে বসেন, আমার তো সে-ই ভয়’। মিথ্যা নয়—”

নিরুপায় নিখিল বাধা দিয়ে জিজ্ঞাসা করলেন, “আপনি কি মেয়েদের ড্রেসিংরুম থেকে আসছেন? সেখানে নীরজা আছে কি?”

“দেখি নি তো। তাঁকে কী দরকার?”

“বেচারি হঠাৎ আছাড় খেয়ে হাত কেটে ফেলেছে। এই মাত্র স্টেজ ম্যানেজাব বললেন, তাঁর কাছে ফার্স্ট-এইডের বাক্স আছে। ব্যাণ্ডেজ যদি বা না হয়, অন্ততঃ একটু আইওডিন দিয়ে দিলেও কাজ হতো। তাই তাঁকে খুঁজছিলেম।”

মাম্মামাসি আপ্যায়নের ভঙ্গিতে বললেন, “আচ্ছা, আমি দেখছি, নীরজা কোথায় আছে। কিন্তু এদিকে আমি যে যাচ্ছিলেম আপনারই সন্ধানে। গৌরী সেই কখন থেকে আপনাকে খুঁজে বেড়াচ্ছে।”

গৌরী মাম্মামাসি ব মেয়ে। বিবাহযোগ্য।

নিখিল জিজ্ঞাসা করলেন, “তাই নাকি? কেন বলুন তো?”

“তা তো বলেনি কিছু। তবে মনে হচ্ছে চা খাওয়ার জন্য।”

“সেজন্য আমাকে কেন?”

“তা জানেন না বুঝি? তা হলে খুলেই বলছি, মিস্টার রয়। অনেক বেলায় এখানকার রিহার্সেল থেকে বাড়ি ফিরে গেল। আমি বললেম, চান করে খেয়েদেয়ে একটু ঘুমিয়ে নিতে, নইলে রাঙিরে ক্লান্তি লাগবে, গানের গলা খুলবে না। ওমা, খানিক বাদে দেখি, রান্নাঘরে বসে শিগাড়া ভাজছে। কেন? না, মিস্টার রয়ের জন্য ফ্রাঙ্কে চা আর টিফিন বাস্কেটে খাবার নিয়ে যেতে হবে। থিয়েটারের বাড়িতে যা হৈ-হট্টগোলের ব্যাপার। সেখানে সময় মতো চা জুটবে কি না কে জানে।”

মাম্মামাসিকে নিখিল এতদিনে অনেকটাই জেনেছেন। তাঁর এ ধরনের হৃদয়গ্রাহী রচনাশক্তির সঙ্গে নিখিলের পরিচয় এই প্রথম নয়। তাই বিশেষ আগ্রহ প্রকাশ না করে শুধু সাধারণ ভঙ্গিতার ভঙ্গিতে বললেন, “মিসেস পাকড়াশী—”

বাধা দিয়ে অত্যন্ত আত্মীয়তার সূরে মাম্মামাসি বললেন, “না, না, ঐ ‘মিসেস পাকড়াশী’টা আপনাকে ছাড়তে হবে, মিস্টার রয়। ঐ দেখ, আমিই বা বলছি কাকে? তুমি তো নিজের পেটের ছেলের মতো, তোমাকে ‘আপনি’ বলা কি আমারই ভালো দেখায়? তা’ দেখ, নিখিল, তোমাদের ঐ সাহেবী কায়দায় মিস্টার মিসেসগুলি, আপিসে, ক্লাবেই বসে। আপনা-আপনি মধ্যে ও-সব কেন? এই তো সেদিন গৌরীও বলছিল, ‘মা, মিস্টার রয় যে আমাকে সর্বক্ষণ মিস পাকড়াশী বলেন, আমার বড় সন্তোচ লাগে। মনে হয় যেন ট্রেনের দু’জন পেসেঞ্জার, গাড়ির কামরায় আলাপ। যে যার স্টেশনে নেমে গেলেই শেষ’। না, বাপু, তুমি এখন থেকে আমাকে মাম্মামাসিই বলা।”

“তা না হয় বলব। কিন্তু আমি বলছিলেম, মিস পাকড়াশী যে আমার জন্য এতখানি কষ্ট করছেন, সেজন্য তাঁকে আমার অসংখ্য ধন্যবাদ জানানবেন। কিন্তু আমার চা-এর দরকার নেই।” বলে নিখিল প্রস্থানোদ্যম করলেন।

মাম্মামাসি ব্যস্তভাবে বলে উঠলেন, “সে তা’হলে তোমাকে নিজে এসে বলতে হবে, নিখিল। আমার বলায় হবে না।”

মরু-যুদ্ধে জার্মান সেনাপতির মতো প্রতিপক্ষের সর্বাপেক্ষা দুর্বল অংশে আঘাত হানলেন মাম্মামাসি। কণ্ঠস্বরে যথেষ্ট গাভীর আরোপ করে বলতে লাগলেন, “তুমি তো জান না, নিখিল,

ঠিক সময়ে চা-এর পেয়ালাটি হাতে না পেলে গৌরী একেবারে নেতিয়ে পড়ে। মেয়েব আমার ঐ বোগ। নিজেই স্বীকার করে। বলে 'দু'দিন ভাত না খেয়ে থাকতে বল, বাজী আছি। কিন্তু চা না পেলে ঝাঁচব না।' সেই গৌরী কিনা এই সঙ্গে অবধি চা না খেয়ে আছে।"

মাম্মাসি নিখিলের মুখের পানে তাকিয়ে দেখলেন। কিন্তু নিখিলের জন্য আপন কন্যার এই কষ্টসাধনেব সস্করণ কাহিনী উপস্থিত শ্রোতার মনে অনুতাপেব দাবানল সৃষ্টি করেছে এমন কোনো চিহ্ন সেখানে দেখা গেল না।

নিখিল পূর্ববৎ ভদ্রতায় শুধু বললেন, "আমি দুঃখিত।"

জেনাবেন বামেল বণকৌশল পবিবর্তন করলেন। শ্লেষমিশ্রিত কণ্ঠে বললেন, "আমি সেই কখন থেকে বলছি, গৌরী, তুই চা-টা খেয়ে নে। মিস্টার বয়ের জন্য মিছে বসে থেকে মাথা ধরাসনে। তিনি হয়তো অন্য কোথাও চা খাচ্ছেন। তা মেয়ে কি শোনে। বলে 'না, মা, অমন কথাটা বলো না।' মিস্টার বয়ের নাম করে এনেছি, তিনি না খেলে বরং বাড়ি ফিরিয়ে নিয়ে সব নর্দমায ফেলে দেব।"

বুণা। ঝেঁচটা নিখিল যে শুধু অমানবদানে পবিপাক করলেন তাই নয়, অধিকন্তু অকপট স্বীকৃতি দ্বারা কথার প্রসঙ্গ ইলিটটুকু আবও সুস্পষ্ট কবে চুললেন। বললেন, "আপনি ঠিকই অনুমান কবেছেন মাম্মাসি। সাড়ে তিনটা বজতে বাজতেই মিসেস সেন আমাকে চা পাঠিয়ে দিয়েছিলেন। চা আব নয়। এখন এক পেয়ালা কফি চাই। সে ও মিসেস সেন তৈরী করেছেন, বলে গেছেন। এখন ঠাব ওখানেই যদি। আচ্ছা, চলি। নমস্কার।"

ক্রোধে মাম্মাসিব দুই কর্ণ তপ্ত, ললাট কুণ্ডিত এবং শ্বাস প্রশ্বাস ত্বষিত হয়ে উঠল। ক্ষোভে ও অপমানের জ্বালায় তিনি প্রথমে উত্তেজিত ও পরে শ্রিয়মাণ হয়ে গেলেন।

ছিঃ, ছিঃ, কী লজ্জা! এমন প্রকাশ্য অবস্থা ও সুস্পষ্ট প্রত্যাখ্যানের কলঙ্ক তিনি আব কত কাল বহন করবেন? শুধু তো নিখিলই নয়। ইতিপূর্বে আরও কয়েকটি সম্ভবপন পাত্রের কাছেও তো তিনি ব্যর্থ হয়েছেন।

মাম্মাসি আব যাই হোন, একেবারে নিবোধ নন। যোগ্য ভাষাতত্ত্ব সংগ্রহেব ব্যগ্রতায় মেয়ের নাম করে তিনি যে-সংগ কাহিনী বচনা করেন শ্রোতাদের কাছে সেগুলি যে বিশ্বাসযোগ্য/হয়ে ওঠে না সে কথা তিনি নিজের মনে মনে রাখেন। কিন্তু উপায়ান্তর ছাবে পান না। তিনি ভুলে যান যে, এ যুগে যাবা নিজেই নিজেব পত্নী নিবচন করে তার রূপকণ্ঠেব বাজপুত্রের মতো ভাটের মুখে গুণপন। শুধু বাজকন্যার গলায় মালা দেবে এমন সম্ভাবনা নেই। জানেন না যে, কোটশিপেব ম'কেটই হচ্ছে একমাত্র বাজাব যেখানে মিডলম্যান নেই। সে স্বয়ং কন্যার মা হলেও নয়।

কিন্তু এই ছেলেগুলিই বা কী? চোখ কান বলে কি কিছু নেই এদের? মাম্মাসি ভাবেন। এত পড়াশুনা কবেও এক একটা যেন আস্ত হস্তিমুখ। কাণ্ডজ্ঞান বিন্দুমাত্রও নেই। এই যে নিখিল, -মস্ত ব্রজস্বীহর, দিল্লীতে তৈরী, বড় ঢাকবি অথচ একটা অপদার্থ ফ্রাট মেয়েমানুষ নাকে দাঁড় দিয়ে ঘোঁষাচ্ছে তার ঠঁশ আছে একটু! হঃ, মিসেস সেনেব কাছে কফি খেতে যাচ্ছেন। বলতে লজ্জা হল না একটু। পুরুষ ভ্রাতৃটা এমন নির্লজ্জ দেখাযাই বটে। তাদের সংস্রব পুণোপুবি বড়ন করাই দেখে।

কিন্তু তার কি উপায় আছে? পুরুষকে বাদ দিলে আব যাই হোক, মেয়েব তো বর জোটে না। ভাবনা তো এখানে এবং সব চেয়ে দুর্ভাগ্য এই যে, সে ভাবনাটা একা মাম্মাসিরই। আর কারো নয়। দুর্ভাবনাভাবে বহু বিনিদ্র রজনীতে কন্যাব নিশ্চিন্ত নিদ্রালস দেহের পানে তাকিয়ে তিনি সখেদে বাংলা প্রচলিত প্রবাদ-বিশেষ শ্রবণ করেছেন। হায়, হতভাগা মেয়েটার যদি একটু নিজেব হিতাহিত বোধ থাকতো! এই তো দস্তদের বিভা, নিজেই নিজের বিয়ে ঠিক করল। প্রীতি রায়, বেথুনে গৌরীর দুঃক্লেশ নীচে পড়তো, দেখতেও এমন কিছু আহা-মরি নয়। অথচ কেমন খাসা বরটি বাগাল!

আর গৌরী? কচি খুকুটি তো নয়—লোকের কাছে যতই কেন কমিয়ে বলে থাকেন, তিনি

নিজে তো জ্ঞানেন মেয়ের বয়স কত—একটু যদি তার নিজের উদ্যোগ থাকতো। না দেখাবে সে কোনো আগ্রহ, না করবে তেমন খাতির আপ্যায়ন; ছেলেরা কাছে ঘেঁষবে কী ভরসায়? তারা সঙ্কেবেলায় সিনেমা দেখতে বললে মেয়ে বলে মাথা ধরে। বেড়াতে নিয়ে যেতে চাইলে মেয়ে জবাব দেয়, ভালো লাগে না। তিনি নিজে চেষ্টা করে যে দু'একটি প্রাথমিক পাঠ্যক্রে ভিড়িয়ে দিয়েছেন, তারা দু'চার দিন পরেই হতাশ হয়ে সরে পড়েছে। বোকা, নিরেট বোকা। হবে না কেন? যেমন বাপ তার তেমন মেয়ে। ঠিক বাপের ধারা পেয়েছে।

রাগে ও বিরক্তিতে মামামাসির সর্বাস্থে আশুনের জ্বালা ধরল।

কথাটা নেহাৎ মিথ্যা নয়। বাপের সঙ্গে গৌরীর মিল আছে অনেকখানি। সেটা মামামাসির পক্ষে রুচিকর নয়।

বাপ পরলোকে! বৈচে থাকতে তাঁকে নিয়ে মামামাসির মনস্তাপের অবধি ছিল না। মৃত্যুর পরেও তাঁর স্মৃতি মনে সুখোদ্বেগ করে না। বিবাহিত জীবনের নিদারুণ ব্যর্থতার জন্য মামামাসি তার স্বামীকে কোনোকালে ক্ষমা করেননি। কোনোকালে ক্ষমা করবেনও না।

রূপার জোরে কুরূপা মেয়ে পার হওয়ার চির প্রচলিত পন্থায় মামামাসিও নিশ্চয়ই ধনবান পতি লাভ করতে পারতেন। কিন্তু তা হয় নি।

এ জগতে নিঃসম্বল দরিদ্রের আছে মহন্ত, অমিতব্যয়ী ধনীর আছে ঔদার্য। ব্যয়কুণ্ঠ বিত্তবানেন নেই কোনোটাই। সংসারে কৃপণ বড়লোকেবাই সব চেয়ে ভয়াবহ। মামামাসিও বাবাব কাছেও মেয়ের মায়ার চাইতে টাকার মায়ী ছিল বেশী। অনেক দিন অপেক্ষার পর কন্যাব যৌবন যখন উত্তীর্ণপ্রায়, খুঁজে পেতে তিনি সব চেয়ে সস্তায় যে পাত্র সংগ্রহ করলেন তাঁর না ছিল কাম্বন না ছিল কৌলীন্য।

সংসারে এক শ্রেণীর লোক আছে যারা ছাত্রজীবনে কৃতিত্বে সকলের শীর্ষস্থানে থেকে কর্মজীবনে বিফলতার গভীর তলদেশে গড়িয়ে পড়ে। জীবনের আকাশে তারা ক্ষণস্থায়ী সন্ধ্যাতারার মতো। রজনীর প্রথম প্রহরে সর্বাধিক ঔজ্জ্বল্যে দেখা দিয়ে মধ্য প্রহরে নিশ্চিন্ততায় অগণিত তারকারণ্যে অলক্ষ্যে হারিয়ে যায়। মামামাসির স্বামী গৌরমোহন সেই জাতের।

ইউনিভার্সিটির পরীক্ষায় গৌরমোহন কখনও দ্বিতীয় হননি। ভবিষ্যতে তিনি জজ, ম্যাজিস্ট্রেট, দ্বিতীয় আশু মুখ্যজ্যে, ব্রজেন শীল এমনই অসাধারণ কিছু একটা হবেন—এ সম্বন্ধে ছাত্রাবস্থায় তাঁর বন্ধুবান্ধব, মাস্টার, অধ্যাপক সবাই একমত ছিলেন। কিন্তু কার্যকালে দেখা গেল, তিনি হলেন হাইকোর্টের—না, জজ নয়, একজন সাধারণ উকীল।

আসল কথা, গৌরমোহনের পাণ্ডিত্য যতখানি, সাংসারিক বুদ্ধি ততখানি নয়। তিনি অতি মাত্রায় লাজুক ও মুখচোরা গোছের লোক। কলেজের পরীক্ষার খাতায় কঠিন আইনের প্রশ্নের গবেষণাপূর্ণ জবাব লিখে যে পরীক্ষকদের চমৎকৃত করেছে, সামান্য একটা জামিনের আর্জি পেশ করতে সে যে কথা খুঁজে পায় না অথবা অসংলগ্ন উক্তি করে, তার দৃষ্টান্ত তিনি। হয়, ওকালতিতে তিনি রাসবিহারী ঘোষ হবেন বলে যারা শেষ আশা রেখেছিলেন, গৌরমোহন তাদেরও নিরাশ করলেন।

সর্বাপেক্ষা কঠিন আঘাত পেলেন মামামাসি। ভবিষ্যতে বিপুল সাফল্যের দ্বারা স্বামী সকলের স্বর্গ্য উৎপাদন করবেন, এই কল্পনা নিয়ে বিয়ের সময় মামামাসি তাঁর স্বস্তুরালয়ের ধনহীনতাকে খুব হুইচিস্টে না হলেও যা হোক এক রকম মেনে নিয়েছিলেন। সে সফলতার আশু লক্ষণ তো কিছুমাত্র দৃষ্টিগোচর নয়। তবুও নিজের উদগ্র উচ্চাভিলাষের জোরে তিনি নিজেকে দমতে দিলেন না। স্বামীকেও না। বললেন, “দেশী উকীলদের কেউ পোঁছে না। বিলেতে গিয়ে ব্যারিস্টার হয়ে এস। পসার জমতে দেবী হবে না।”

গৌরমোহন ততদিনে নিজের অক্ষমতা সম্পর্কে সম্পূর্ণ সচেতন হয়েছেন। বুঝেছেন, বাকপটু না হলে আইন ব্যবসায় চলে না। উকীল থাকতে যার হাতে মামলা আসে না, ব্যারিস্টার হলেই তার দরজায় মক্কেলের কিউ জমে যাবে এমন সম্ভাবনা কোথায়?

ত্রীকে বুঝিয়ে বলেন “তার চাইতে বরং, বাগেরহাট কলেজে একজন ফিলজফীর লেকচারারের কাজ খালি আছে—কাগজে বিজ্ঞাপন দিয়েছে—”

দুই চক্ষে অজস্র অবজ্ঞা বর্ষণ করে মামামাসি বললেন, “ছ্যা, শেষকালে নেতানো গুরুমশায় ? সেও আমার কলকাতার নয়। অজ্ঞ পাড়াগাঁয়ে। তা তোমার আর এর চাইতে কত বেশী উচ্চাকাঙ্ক্ষা হবে ! ও-সব কল্পনা ছাড়া। যা বলছি শোনো। ব্যারিস্টারীর চেষ্টা দেখ।”

অসহায় গৌরমোহন অবশেষে খরচের প্রশ্ন তুললেন। জানেন একমাত্র অর্থঘটিত যুক্তিই স্বীকৃত আছে অকাটা। তিনি স্বপ্নেরেই এটা মেয়ে !

ফল হলো না। মামামাসি গৌরমোহনের আপত্তি সত্ত্বেও বসন্ত বাড়িটা বাঁধা রেখে হাজার কয়েক টাকা যোগাড় করলেন। কন্যাব ভবিষ্যৎ ভেবে শান্তিও কিছু টাকা খরচ বলে দিলেন। বলা বাহুল্য, নিজের স্বামীকে লুকিয়ে।

বিলাতে গৌরমোহন যথারীতি লীকনস্ ইন থেকে পবীক্ষায় সব ক’টি পেপারে প্রথম হলেন, প্রাচীন ভাষায় উত্তরাধিকার আইনের বিবর্তন সম্পর্কে পাণ্ডিত্যপূর্ণ থিসিস লিখে লন্ডন ইউনিভার্সিটির ডক্টরেট পেলেন এবং অতঃপর দেশে ফিরে এসে ব্রীক্ষহীন ব্যারিস্টারদের সংখ্যাবৃদ্ধি দ্বারা হাইকোর্টের বার লাইব্রেরীর শোভা বর্ধন করতে লাগলেন।

দুঃখের ও হতাশায় মামামাসিও এসময়োত্তর আর সীমা রইল না। পবিত্রিত বন্ধু-বান্ধবীদের সুখ ও ঐশ্বর্যের কথা স্মরণ করে নিজগুণের অসচ্ছলতা তাঁর কাছে ক্রমশঃ অধিকতর অসহনীয় হয়ে উঠতে লাগল।

দশ সাহেবের কেমন ককককে দামী জ্যাগুয়ার। গৌরমোহনের একটা ছোট অস্টিনও হয় না কেন ? রিচি বোর্ডের সুহৃদমিত্র যেমন রেডিওগ্রাম ও রেফ্রিজারেটর, টেলিফোন, বাবুটী, বেয়ারা, মামামাসিও তেমন কিছুই নেই। এর চেয়ে সোরণ্ডব বিচার ভগবানের রাজ্যে আর কী হতে পারে ? অথচ গুণে, বুদ্ধিতে মামামাসিও চাইতে তার যোগ্যতা এমন কীই বা বেশী। শুধুমাত্র গৌরমোহনের হাতে পড়েই তাঁর এ দুরবস্থা, একথা মনে করে স্বামীর প্রতি মামামাসির অশ্রদ্ধা দিনে দিনে পুঞ্জীভূত হয়ে উঠতে লাগল।

তাব বর্তমান দুর্ভাগ্যের পশ্চাতে মামামাসি শুধু গৌরমোহনের অক্ষমতাই নয়, দুরভিসন্ধিও আবিষ্কার করলেন। গৌরমোহন যে নিজের ভবিষ্যৎ অসাফল্যের কথা আগে ভাগে জেনে শুনেই মামামাসিকে বিয়ে করে ঠকিয়েছেন, সে সন্দেহ ক্রমশঃই তাঁর মনে দৃঢ়মূল হলো। গৌরমোহনের সঙ্গে বিয়ে না হলে তিনি যে অপব্যবহার কোনো ধনশালীর ঘরের গৃহিণী হতেন, সে বিষয়ে তাঁর মনে বিন্দুমাত্র সংশয় নেই। কেন, কামাপুরুষের মৈত্র্যের বাড়িতে বিয়ের কথা হয় নি তাঁর ? সন্ধ্যা এটনীর বড় ছেলে দেখতে আসে নি তাঁকে ? সেখানে বিয়ে হলে যে আজ তিনি সোনার ইট গেঁথে গলায় পরতে পারতেন। সে খবর রাখে কেউ ?

না। অস্বস্তিঃ গৌরমোহন রাখেন না। আব রাখলেই বা কী ? এ সকল উজ্জ্বল প্রত্যাশা অবশ্যই আছে। সোনার ইট গেঁথে সর্ভা গলায় পরা যায় কিনা এবং পরা গেলেও সাধারণ বিচ্ছেদ হারের চেয়ে তাতে বেশী সুন্দরী দেখায় কিনা, সে বিষয়ে মতভেদের অবকাশ নিশ্চয়ই আছে। তবে ইতিমধ্যে এটুকু বোঝার মতো কাণ্ডগোল গৌরমোহনের হয়েছে যে, স্বীকৃত সঙ্গে বাদ প্রতিবাদ অপেক্ষা নিরন্তর থাকাকাটাই অধিকতর নিরাপদ।

কিন্তু যৌনব্রতই যে সংসারে নিশ্চিত পরিব্রাণের পথ নয়, সে কথাও গৌরমোহন ক্ষণে ক্ষণে উপলব্ধি করেন। হয়তো তিনি পড়ার ঘরে একাগ্রচিত্তে নূতন কোনো পুস্তকে মনোনিবেশ করেছেন এমন সময় অবস্মাৎ সেখানে মামামাসিও আবির্ভাব ঘটল। অতঃপ্ত গাভীরের সঙ্গে বললেন, “গৌরীর স্কুলের বাস বন্ধ করে দাও।”

গৌরমোহন অবাক হয়ে জিজ্ঞাসা করলেন, “তাঁহলে সে স্কুলে যাবে কেমন করে ?” অতি সংক্ষিপ্ত উত্তর শুনলেন,--“পায়ে হেঁটে।”

গৌরমোহন বুঝলেন, এটা রাগের কথা।

অত্যন্ত নম্রকণ্ঠে বললেন, “বাসের তো ভাড়া মাত্র দশ টাকা। সে ক’টা টাকা বাঁচিয়ে আর—”

“বটে ? দশটা টাকা তোমার গ্রাহ্যের মধ্যেই নয় ? মাসের শেষে ক’হাজার টাকা এনে হাতে দাও শুনি ? কী করে সংসার চলে খবর রাখ তার ?” ক্রোধে একেবারে ফেটে পড়লেন মামামাসি।

আবার একদিন হয়তো এসে বললেন, “গৌরীর স্কুলে যাওয়াব শাড়ি নেই। যাও, বাজার থেকে

কয়েকটা জামা কাপড় নিয়ে এস দিকিনি।”

সিদ্ধ, জর্জেট, ঢাকাই, বিষ্ণুপুরী ইত্যাদির এমন এক বর্ড দিলেন মামামাসি যা ঝুলে যাওয়ার তো কথাই নেই, ফুলশয্যার তত্ত্বের পক্ষেও বেশী মনে হতে পারে।

গৌরমোহন সবিনয়ে জিজ্ঞাসা করলেন, “এত কিসের জন্য?”

“এতকুতেই তোমার চোখ কপালে উঠল? আমার বাপের বাড়িতে ছেলেবেলায় কখনও যে এক জামা পরে দু’দিন ঝুলে যাই নি, তা জান? বেশ তো, মেয়েকে অনাথ আশ্রমে দিয়ে দাও; কাপড়, জামা কিছুই কিনতে হবে না।” বলে মামামাসি সবগে প্রস্থান করলেন।

কন্যাকে কেন্দ্র করে এই কলহের পিছনে একটু বিশেষ কারণ আছে। মামামাসি জানেন, মেয়ের প্রতি গৌরমোহনের স্নেহ সাধারণের চাইতে অনেকটা বেশী। চতুর শাশুড়ীরা যেমন ঝিকে ভর্ৎসনা করে বউকে শেখান, তেমনি তিনিও গৌরীকে উপলক্ষ্য করে তার বাপকে জব্দ করে থাকেন। এমন কি, গৌরমোহন জীর সাক্ষাতে কন্যাকে যথেষ্ট আদর করতেও কৃষ্ঠা বোধ করেন। মামামাসি দেখতে পেলেই মন্তব্য করেন, “থাক, থাক, হয়েছে তো ভারি একটা মেয়ে। বিয়ে দিতে জিভ বেরিয়ে যাবে। হতো যদি ছেলে, তবুও না হয় বুঝতেম।”

তিনি যে পুত্রসন্তান প্রসব না করে কন্যা জন্ম দিয়েছেন তাব সমুদয় অপবাধও একমাত্র গৌরমোহনের, এ সম্পর্কে মামামাসির মনে কিছুমাত্র সংশয় নেই।

মাঝে মাঝে স্বামীর চরিত্রে উদ্যোগের অভাব তিনি আপন কৌশল ও আয়োজনের দ্বাৰা পরিপূরণের চেষ্টা করেন।

যে-সব এটর্নী ইচ্ছা করলেই গৌরমোহনকে ব্রীফ দিতে পারেন, মামামাসি বেছে বেছে তাঁদের ডিনার খাওয়ান, সিনীয়ার ব্যারিস্টারদের বাড়ি বগে এসে কারো সঙ্গে সম্পর্ক পাতান কাকাবাবু। কারো জীকে ডাকেন দিদি, কারো বা নাতনীর জন্মদিনে ‘বিধবা-কল্যাণ সমিতি’ থেকে উল্বে জাম্পার কিনে এনে নিজের হাতে বোনা বলে চালিয়ে দেন প্রজেক্ট।

কিন্তু পৈতৃক কৃপণ স্বভাব কাটিয়ে উঠতে না পারার ফলে নিমিত্তিতোরা বাড়ি ফিরে খাদ্যের পরিমাণ নিয়ে নিজেদের মধ্যে করেন কৌতুক! উপহারের স্বল্পমূল্যতা নিয়ে গিল্লীরা আড্ডালে কবেন নিন্দা। গৌরমোহনের চেষ্টার মঞ্চে অভাবে শূন্য থাকে পূর্ববৎ।

অবশেষে আর্থিক গৌরবের অভাব রাজনৈতিক খ্যাতি দ্বারা পূরণের মানস করলেন মামামাসি। স্বামীকে বললেন, কর্পোরেশনের নির্বাচনে দাঁড়াতে। মেয়রের না হোক, অন্ততঃ কাউন্সিলরের জী হলেই বা কম কী?

গৌরমোহন প্রমাদ গণনা করে বললেন, “সর্বনাশ! আমাকে লোকে ভোট দেবে কেন?”

জী বললেন, “কেন দেবে না? ঐ রামদুলাল বটব্যালের চাইতে তুমি কোন অংশে শাটো? সে তো আকাট মুখ, পাড় মাতাল। চোরাই মালের ব্যবসা করে। সে যদি ইলেকশানে দাঁড়াতে পারে, তুমি পারবে না কেন?”

“তার কত টাকা আছে সে খবর রাখো?”

“থাকুক টাকা, তুমি তো ভোটদাতাদের ঘবে মেয়েব সম্বন্ধ করতে যাচ্ছ না যে তারা তোমার টাকার খোজ নেবে। তারা ভোট দেবে সং ও যোগ্য প্রার্থী দেখে।”

যুক্তি নির্ভুল। কিন্তু যুক্তি দিয়ে যদি নির্বাচনে জেতা যেতো, তবে আর ভাবনা ছিল কি? বাস্তবিক, একমাত্র কলেজে পরীক্ষায় পাশ করা ছাড়া লজিক যে সংসারে আর কোনো কাজে লাগে এমন প্রমাণ নেই।

গৌরমোহন আপত্তি করলেন, “ইলেকশানে কত লোকজন চাই, তা জানো? লোকের বাড়ি বাড়ি ঘুরে ক্যানভাস করা, মিটিং করা, এ-সব করবে কে?”

“সে-সব আমি ঠিক করে রেখেছি। পাড়ার ছেলেদের সঙ্গে আমার কথা হয়েছে। তারা সবাই বলেছে তোমার মতো বিদ্বান প্রার্থী দাঁড়ালে ইলেকশান জেতা কিছুই নয়। তারা সবাই তোমার ভলান্টিয়ার হবে, হ্যান্ডবিল বিলোবে, পোস্টার আঁটবে। তোমাকে কিছু ভাবতে হবে না।”

গৌরমোহন বুঝলেন, জী ইতিমধ্যেই অনেকখানি অগ্রসর হয়েছেন।

সাধারণতঃ কোনো ব্যাপারেই তিনি জীর বিরুদ্ধাচরণে সাহস করেন না। কিন্তু এখানে তাঁকে

সহজে রাজী করা গেল না। তিনি কেবলই বলেন, “আমি জ্বলেও যাইনি, কোনো দলেও নেই। আমাকে চেনে কে? জানে কে? ভোট দেবে কে?”

মাম্মাসি সহজে নিরস্ত হওয়ার পাত্র নন। তিনি গৌরমোহনকে ভীত, বুদ্ধিহীন, নিষ্কর্মা ইত্যাদি আরও যে সকল বাছা বাছা শব্দে তিরস্কার করলেন তার অধিকাংশই মূদ্রণের যোগ্য নয়। অহনিশি এলুপ নিষ্ঠুর তাড়নাব ফলে দিন চার পাঁচ পরে অবশেষে বিধ্বস্ত গৌরমোহন আত্মসমর্পণ করলেন। নমিনেশান পেপার দস্তখত করে ভোটযুদ্ধে নামলেন।

গৌরমোহনের বিদ্যার খ্যাতি তখনও কিছুসংখ্যক লোকের মনে ছিল। গোড়াতে অনেকেই তাঁর প্রতি অনুকূল মনোভাবও দেখালেন। কিন্তু ভোটের দিন এগিয়ে আসতেই তাঁর প্রতিদ্বন্দ্বীর তৎপরতাও বৃদ্ধি পেল। সে রাতারাতি খন্দর পরে গভর্নমেন্টকে এলোপাতারি গাল দিতে শুরু করল। পাড়ার ইউথ ক্লাবে লিখে দিল এক হাজার টাকার চেক, কনসার্ট পার্টিকে খাওয়াল ভোজ এবং মহিলা সমিতিতে দান করল দু’ডজন চরকা ও তিনখানা কলের তাঁত।

অবিলম্বে গৌরমোহনের সমর্থকদের সংখ্যা হ্রাস পেতে লাগল। ছেলেদের মধ্যে যারা কয়েকদিন আগে মাত্র গৌরমোহনের হয়ে কাজ করেছে, তারাই এখন লালকালিতে ছাপা পোস্টার কাঁধে নিয়ে প্রবীণ দেশসেবী ও পরদুঃখকাতর রামদুলাল বটব্যালকে ভোট দিয়ে জাতির মর্যাদা এবং করদাতাদের স্বার্থ অক্ষুণ্ণ রাখাব অনুবোধ জানাতে লাগল। টিনের চোঙ্গা মুখে কালও যারা ‘ভোট ফর্ গৌরমোহন’ বলে চিটেয়েছে আজ তারা ‘রামদুলালকী জয়’ চাঁৎকারে পল্লী কাঁপিয়ে তুলল।

পল্লীর তাগাদায় গৌরমোহন নিজে পাড়ায় যে-সকল ভদ্রমহোদয়ের সঙ্গে দেখা করে ভোট প্রার্থনা করলেন, তাঁরাও প্রসন্ন হলেন না। এ কী রকম ভোটপ্রার্থী? এ তো প্রায় কথাই বলে না। না, লোকটা যথেষ্ট বিনয়ী নয়। রামদুলাল মদ খায় বটে, কিন্তু অমন অমায়িক লোক আর হয় না। ইত্যাদি, ইত্যাদি।

সর্বনাশের যেটুকু বাকী ছিল তাও মাম্মাসির অতিকূপণতায় পূর্ণ হলো। তিনি স্বেচ্ছাসেবকদের জলযোগের আয়োজনে যথেষ্ট হাতটানের পরিচয় দিলেন। রামদুলালের লোকেরা যখন দু’বেলা লুচি তরকারী ও দরবেশ খাচ্ছে, তখন দু’খানা খিন এরাকট বিস্কুট ও এক পেয়লা চা খাইয়ে স্বেচ্ছাসেবকদের হাতে রাখতে চাইলে চলবে কেন? তা ছাড়া, ভোট ক্যানভাসের জন্য দিন-চুক্তিতে যে তিনখানা ট্যান্ড্রি ভাড়া করা হয়েছে, তাদের গতিবিধি সম্পর্কে তিনি এমন কড়া হিসাব নিতে শুরু করলেন যে, সেগুলি চোপে বন্ধুবান্ধবসহ স্বেচ্ছাসেবকেরা যে ভিক্টোরিয়া মেমোরিয়াল, চিড়িয়াখানা ও পরেশনাথের মন্দির বেড়িয়ে আসবে তার আর জো রইল না। আশ্চর্য নয়, যে, অতঃপর বিরক্ত চিত্তে ভলান্টিয়ারেরা প্রায় সবাই সরে পড়ল।

ভোটের দিন গৌরমোহনের ক্যাম্পে সরবৎ ও পান সিগারেট খেয়ে ভোটদাতারা রামদুলালকে ভোট দিয়ে এল। গৌরমোহনের জামানতের টাকাটা পর্যন্ত বাজেয়াপ্ত হলো।

অতঃপর মাম্মাসির আর দয়া মায়া রইল না। উঠতে বসতে তিনি স্বামীকে গঞ্জনা দিতে লাগলেন। গৌরমোহন গোনো বিষয়ে কিছু বলতে গেলেই তিনি তাঁকে থামিয়ে দেন, “সেই হয়েছে, তোমার আর ফৌড়ন কাটতে হবে না। তোমার যা যোগ্যতা সে তো দেখাই গিয়েছে।”

মাম্মাসির আগ্রহাতিশয্যে তিনি যে একান্ত অনিচ্ছায়ই নির্বাচনে দাঁড়িয়েছিলেন সে কথা মাম্মাসিকে স্মরণ করিয়ে দেওয়ার সাহস গৌরমোহনের ছিল না। তিনি বিনা প্রতিবাদে মেনে নিলেন যে, নির্বাচনে পরাজয়ের, সমুদয় দোষ একমাত্র তাঁরই।

নির্বাচনের ধকলে গৌরমোহনের শরীর ভেঙে পড়ল।

গৌরী এসে বলল, “মা, বাবা মাথার যন্ত্রণায় বড় কষ্ট পাচ্ছেন, একজন ডাক্তার ডাকলে হয় না?”

নির্বাচনের ব্যয়ের প্রচণ্ড দমকা হাওয়ায় সংসারের ছিন্নযুক্ত জীর্ণ আর্থিক তরগীটা তখন প্রায় কাৎ হয়ে পড়েছে। মাম্মাসির মেজাজটা গোড়া থেকেই বিগড়ে ছিল। শ্লেষ করে বললেন, “হ্যাঁ, ডাকতে হবে বৈকি। ৭৫ কি আর আমাদের মতো মুখ্য লোকের মাথা যে একটা এম্পিরিনের বড়ি গিলে শুয়ে থাকবে? এ হলো পি-আর-এস, পি-এইচ-ডির মাথা। সে মাথাধরা কি ডাক্তার না

ডাকলে সারে ? যাও, বিধান রায় কিংবা নলিনী সেনকে কল দাওগে।”

ডাক্তার অবশ্য দু’দিন পরে ডাকা হয়েছিল। কিন্তু তখন না ডাকলেও কোনো ক্ষতি ছিল না। ডাক্তার দেখে যাওয়ার ঘণ্টা পাঁচেক পরেই মেনিনজাইটিসে জীবনে ব্যর্থকাম, অক্ষম ও অযোগ্য স্বামী গৌরমোহনের জীবনান্ত ঘটল।

ভাগ্যের এমনই পরিহাস ! তাঁর মৃত্যুর পরদিন সকালে ক্যালকাটা গেজেটে দেখা গেল, গৌরমোহনকে গভর্নমেন্ট এক ট্রাইবুনালের জজ নিযুক্ত করেছে।

মামামাসির হৃদয়ে অনুতাপের বদলে ক্ষোভ দেখা দিল। মরার ব্যাপারেও গৌরমোহন কিছুমাত্র বিচক্ষণতার পরিচয় দিতে পারলেন না। লোকটা এমন অপদার্থই বটে।

অতীত স্মৃতি সিনেমার ছবির মতো মামামাসির মনের পর্দায় দেখা দিয়ে পুরাতন বেদনাকে আর একবার নাড়া দিয়ে গেল। দীর্ঘনিঃশ্বাস ফেলে তিনি প্রেক্ষাগারের দিকে ফিরে চললেন। যেতে যেতে ভাবলেন,—জীবনের কোনো সাধ, কোনো আকাঙ্ক্ষাই পূর্ণ হয়নি। এখন মেয়েটাকে একটি কুতী পাত্রের হাতে দিতে পারলে হয়তো অতীতে স্বামী গৌরবের অভাব ভবিষ্যতে জামাতাগর্বের দ্বারা কিছুটা পূরণ হতে পারে। কিন্তু তারই বা সম্ভাবনা কোথায় ?

“মামামাসি যে, কেমন আছেন ?”

মামামাসি মুখ তুলে তাকিয়ে দেখলেন, সামনে দাঁড়িয়ে সত্যসিদ্ধ। বললেন, “ভালো আছি বাবা, তুমি কেমন ? অনেক দিন দেখি নি যে ?”

সত্যসিদ্ধ সে কথার জবাব না দিয়ে প্রশ্ন করলেন, “কৈ, মুখ দেখে তো খুব ভালো মনে হচ্ছে না। অসুখ-বিসুখ করেনি তো ?”

মামামাসি উত্তর করলেন, “না অসুখ নয়, তবে মনটা তেমন ভালো নেই।”

“বুঝেছি, মেয়ের বিয়ে তো ? তার জন্য অত ভাবনা কেন ?”

ম্নান হেসে মামামাসি উত্তর দিলেন, “মেয়ের মা তো হওনি ?”

সত্যসিদ্ধ মৃদু হেসে বললেন, “না, সেটা হচ্ছে থাকলেও আর হওয়া সম্ভব নয়।” তাবপর মৃদু কণ্ঠে বললেন, “মামামাসি, কিছু যদি মনে না করেন তো একটা কথা বলি। সংসারে সব কাজেই ধৈর্যের প্রয়োজন আছে। ডিমকে ভেঙে ফেলেলেই তো তা থেকে তাড়াতাড়ি বাচ্চা বেরোয় না। তাতে অনেকদিন ধরে তা দিতে হয়।”

একটু চিন্তা করে মামামাসি বললেন, “হয়তো তোমার কথাই ঠিক। সংসারে যখন যা হওয়ার, ঠিক তখনই তা হবে, তার আগে নয়। আমি উতলা হয়ে কী করব ?” একটু হেসে যোগ করলেন, “ঐ যে তোমাদের ইংরেজী প্রবাদ আছে, তাই মনে হয়,—মামামাসি প্রপোজেন্স—”

“মল্লী সেন ডিসপোজেস্। এই তো ? আপনি চমকে উঠবেন না। হ্যাঁ, সমস্তটা না জানলেও আমি অনেকটাই অনুমান করতে পারি। আমার কথা শুনুন, মিসেস সেনকে আমি আপনার চেয়ে অনেক বেশী জানি। আপনি অনর্থক ভয় পাবেন না। এমন অনেক লোককে দেখেছি যারা নিজেরা মাছ খায় না কিন্তু ছিপ ফেলে মাছ ধরতে ভালোবাসে ! তারা আমিশাশীদের পক্ষে ভয়ের পাত্র নয়, কৌতূহলের পাত্র।”

মামামাসি কী যেন বলতে যাচ্ছিলেন, কিন্তু এমন সময় ঝাঁর সম্পর্কে আলোচনা সে-ব্যক্তিটিই সশরীরে হাজির হলেন সেখানে। স্বয়ং মল্লী সেন। বললেন, “মামামাসি, তুমি যদি ড্রেসিং-রুমে বসে ছোট ছোট মেয়েগুলির চুলটা একটু বেঁধে দাও তো বড় উপকার হয়।”

সংকত হয়ে মামামাসি প্রস্থান করতেই মল্লী সেন সত্যসিদ্ধের দিকে তাকিয়ে জিজ্ঞাসা করলেন, “কী, বড় যে পালিয়ে বেড়াচ্ছ ?”

সত্য জবাব দিলেন, “শুনেছি ছায়াকে তার পিছনে ছুটে ধরা যায় না, বরং পিছন ফিরে উল্টো দিকে চলতে থাকলেই নাকি সে পিছু নেয়।”

মল্লী সেন বললেন, “ঠেয়ালী রাখ। বল, এতদিন কোথায় ছিলে ?”

“কোথায় আবার, এখানেই।”

“মিছে কথা, তবে দেখি নি কেন ?”

“দেখা তো শুধু দেখার বস্তুর উপর নির্ভর করে না। আকাশে তারা সারাক্ষণই থাকে। দিনের

আলো না নিভলে কি তা চোখে দেখা যায় ?”

বেশ তো, আমাব চোখ না হয় সূর্যকিরণে ঝলসে আছে, তুমি এৰদিনও আসনি কেন ?”
“আমি টাইম-লিমিট মান্নি । বিটায়ামেন্টেৰ পৰেও যে বি এমপ্ৰয়মেন্ট চায় সে অশ্ৰদ্ধেয়, শুধু গভৰ্ণমেণ্টেৰ দপ্তৰে নয়, জীবনেৰ কাৰবাবেও ।”

মল্লী সেন খানিক চুপ কৰে থেকে প্ৰশ্ন কবলেন ‘আচ্ছা সিদ্ধু আমল’ কি পবম্পৰ বন্ধু হয়ে থাকতে পাবিনে ?”

“না । স্ত্ৰী-পুৰুষেৰ বন্ধুত্বে আমি বিশ্বাস কবিনে । সেটা হয় বাডতে বাডতে অনুবাগেৰ কোঠায় পৌছয়, নয় তো কমতে কমতে পৰিচয়েৰ পৰ্য্যায় নামে । অনাস্থীয় নবনাবীৰ মध्ये মাত্ৰ দুটি সম্পৰ্ক সম্ভব । হয় ভদ্ৰতাৰ, নয় তো প্ৰেমেৰ ।”

মল্লী সেন বললেন, “আমি যা নই তা ভেবে তুমি একদিন আনন্দ পেয়েছিলে । তাতে আমাব হাত ছিল না । তাৰপৰ হঠাৎ একদিন যদি তোমাব জ্ঞান হয়ে থাকে যে, তুমি যা ভেবেছ আমি তা নই, সে কি আমাব অপবাধ ?”

সত্য বললেন, “কিছুমাত্ৰ নয় । আমি তো তোমাকে কখনও দোষী কবিনি । নোট ডবল কৰাব কাহিনী জান তো ? একদল লোক আছে যাবা একশ’ টাকাৰ নোট দু’শ’ টাকা হৰে আশা কৰে যখন দেখে নোট নিয়ে লোকটা উধাও, তখন তাকে গাল দিয়ে বলে, জোচ্চোৰ । তাদেব একবাৰও মনে হয় না যে, নোট ডবল কৰা সম্ভব একথা যাবা বিশ্বাস কৰে মুৰ্খতাটা তাদেবই । আমি জানি, দিক্কাৰেৰ পাত্ৰ যদি কেউ থাকে, তবে সে তাৰা নিজে ।”

মল্লী সেন আহত হলেন ।

কিন্তু প্ৰতিঘাত না কৰে বললেন, “আমাব হাত থেকে তুমি গভীৰ দুঃখ পেয়েছ তা জানি, সিদ্ধু ।”

সত্য বললেন, “দেখ মল্লী, ভগবান সব জিনিসেবই একটা শেষ দিয়েছেন । তাঁৰ নিয়মে মানুষেৰ জীবন-কালেবও একটা সীমা নিৰ্দিষ্ট আছে । দুঃখ যত গভীৰই হোক দেহাবসানেৰ সঙ্গে সঙ্গেই একদিন তাবও সমাপ্তি ঘটে । তা নিয়ে মাথা ঘামিয়ে সময় নষ্ট কৰতে নেই ।”

“আমি যে তোমাব জন্য সত্যি সত্যিই ভাবি, সে কথা হয়তো আজ আব তুমি বিশ্বাস কৰবে না । কিন্তু আমিও যে ব্যথা পাই, আব যাই হোক, আমাবও যে হৃদয় আছে, একথা কি তোমাব একবাৰও মনে হয় না ?”

সত্য কবজোড়ে বললেন, “দোহাই তোমাব । এ-সব গভীৰ কথা আমাকে শুনিও না । আমি ডাক্তাৰ মানুষ । স্টেথিস্কোপ দিয়ে হৃৎপিণ্ডেৰ শব্দ শুনতে অভ্যস্ত । হৃদয়েৰ খবৰ বাখিনে । গ্ৰে’স এনাটমিতে তাৰ উল্লেখ নেই ।”

মল্লী সেন কিছুক্ষণ নীৰব থেকে বেদনাভাবাক্ৰান্ত কঠে বললেন, “একদিন ভাবতেম, আমবা দু’জনে দু’জনকে এত গভীৰভাবে জানি যে, মুখ ফুটে না বললেও একজনেৰ কথা আব একজন বুঝতে পাৰে । সে ভুল ভেঙেছে । তাই ঠিক কৰেছিলেম, তোমাকে সবটাই স্পষ্ট ভাষায় জানাব । এখন দেখছি, বৃথা । যে বুঝবে না বলেই পণ কৰে বসেছে, তাকে বোঝাবাৰ চেষ্টা বিডম্বনা । বুঝেছি, আমাকে তুমি কোনো দিন ক্ষমা কৰতে পাববে না ।”

সত্য বাস্তব হয়ে ব্যাকুল কঠে বললেন, “ক্ষমাৰ কোনো প্ৰশ্নই ওঠে না । আমাকেও তুমি ভুল বুঝো না । গোলাপ তুলতে গেলে ফুলও জোটে, কাঁটাও ফোটে । কিন্তু ফুলেৰ সৌৰভ ভুলে গিয়ে যাবা শুধু কাঁটাৰ আঘাতটাই চিবকাল মনে জীয়ে বাখে আমি তাদেব দলে নেই । কথাগুলি বোধ হয় অনেকটা কবিত্বেৰ মতো শোনাচ্ছে । তা শোনাক । কিন্তু এব এক বিন্দুও মিথো নয় । পৰেৰ দোষ মনে কৰে বাখায় সুখ নেই, একথা আমি পুথি থেকে নয়,—নিজেৰ অভিজ্ঞতা থেকেই জেনেছি । অতীতেৰ যে দিনগুলি সবস, যে কথাগুলি মধুৰ এবং যে মুহূৰ্ত্তগুলি সুধায় পৰিপূৰ্ণ, আমি সেগুলিই মনে বাখব, বাৰ্থতাৰ, পৰিতাপেৰ বা তিক্ততাৰ গুলি নয় যথার্থ বলছি, একাউটেপ্লী আমাব পেশা নয় । জীবনেৰ টায়েল ব্যালেন্স ক’ষ অম’ব প্ৰকৃতি-বিকল্প । না, মিসেস মল্লী সেন, কী পাই নি তাৰ হিসাব মিলাতে মন মোৰ নহে বাজী ।”

পূর্ব-পরিত্যক্ত আসনে ফিরে এসে বীরেশ্বর অর্ধ-সমাপ্ত ঘটচিত্রণ সম্পূর্ণ করতে লাগলেন। তুলি তুলে নিলেন হাতে। রক্তাভ গৈরিক বর্ণের মৃৎ-কুণ্ডটির গায়ে চিত্রণ স্বেত রেখায় দুঃখ-ধবল একটি শঙ্কলতা ঐকে দিলেন ধীরে ধীরে। হঠাৎ তাঁব মনে পড়ল, বহু বর্ষ আগে তাঁকে দিয়ে সুবালা ঠিক এমন একটি শঙ্কলতাব নক্সা আঁকিয়ে নিয়েছিলেন বালিশের ওয়াড়ে। সোনালী সিল্কের সূতায় তার উপরে স্বহস্তে রচনা করেছিলেন সুত্রী সূতীশিল্প।

কলেজ-হোস্টেলের অপবিপাটি শয্যায় উপাধানগাত্রে এই সীবনসৌকুমার্য বহুজনের মনোযোগ আকর্ষণ করে সহপাঠীদের মাধ্যমে প্রচুর কৌতুক পরিহাসের কারণ হয়েছিল।

বিস্মৃতির অঙ্ককার গৃহর থেকে ক্ষীণ জল ধারার মতো বয়ে আসে সুদূর অতীতের উচ্ছল আলোকোদ্ভাসিত দিনগুলির একটু-আধটু আভা। বৈশাখের অরণ্য-প্রান্তে বিগত বসন্তের দ্রুত বিলীয়মান মৃদু পুষ্পবাসের মতো।

বীরেশ্বরের বিয়ে হয়েছে অপেক্ষাকৃত অল্প বয়সে। সে আজ অনেক বছর আগেকার কথা। ফুলশয্যার পরদিন দুপুরবেলা নববধূসহ স্বশুরালয় থেকে গৃহে প্রত্যাগমন করছিলেন। বিদায়ের ক্ষণে মেয়ে যত কাঁদে মেয়ের বাপ তার চেয়ে বেশী। নতুন জামাতাকে জড়িয়ে ধরে বার বার কবে বললেন, “সুবি আমার মা-মরা মেয়ে, বড্ড চাপা। মুখ ফুটে কাউকে কিছু বলবে না। ওর মুখ দেখে তোমাকে বুঝতে হবে ওর কখন কি চাই।”

বীরেশ্বর তখন খার্ড ইয়ারের ছাত্র। মনে মনে হেসে ভেবেছিলেন, সে আর এমন শক্ত কী?

বোধ হয়, শক্ত হতোও না। কিন্তু বিপর্যয় ঘটল অত্যন্ত অপ্রত্যাশিত ভাবে। ছেলেবেলা থেকেই ছবি আঁকার হাত ছিল বীরেশ্বরের। পাঠশালায় বিদ্যাভ্যাসকালে প্লেটে দিবানিদ্রারত পণ্ডিত মশায়ের প্রতিকৃতি অঙ্কনের দ্বারা সহপাঠীদের কৌতুক ও অধ্যাপকের ক্রোধ উদ্বেক করেছেন অনেক দিন। বাল্যকালের নানাবিধ বায়ুরোগ উপশমের বহুপরীক্ষিত চিকিৎসা—প্রচুর তিরস্কার ও প্রচুরতর কর্ণমর্দন—হলো নিষ্ফল। গুরুজনের মুষ্টিযোগ ব্যর্থ ক’ব চিত্ররোগ অনড় হয়ে রইল বীরেশ্বরের প্রকৃতিতে।

অগ্নিদাহের সঙ্গে চিরকাল যুক্ত হয় বায়ুবেগ; উচ্ছৃঙ্খল ধনীনন্দনের সঙ্গে বন্ধু। বীরেশ্বরের সঙ্গে যোগ দিলেন তার এক আত্মীয়া। কলেজের ছুটিতে বেড়াতে এসেছিলেন তাদের বাড়ি। বীরেশ্বরের অঙ্কনচাতুর্যে মুগ্ধ হয়ে মুখে দিলেন উৎসাহ, হাতে দিলেন উপহাব,—ছবি আঁকার এক প্রহর রং এবং এক গুচ্ছ তুলি।

অতঃপর বীরেশ্বরকে সংযত রাখা আর কোনো মতেই সম্ভব হলো না। স্কুলের খাতা, অঙ্কের বই, মায় সংসারে খোবার হিসাব ও দাদামশায়ের জমাখরচের জাবেদা বিভিন্ন রেখায় ক্ষতবিক্ষত হয়ে উঠল। ঘরের দেয়াল, আলমারীর কপাট, এমন কি, গৃহপালিত মার্জারশাবকগুলি পর্যন্ত বিচিত্র রঙের প্রলেপন থেকে রক্ষা পেলো না।

ম্যাট্রিকুলেশান পাশ করে বীরেশ্বর এলেন কলেজে। কলকাতায়। হোস্টেলের অন্য ছেলেরা যখন গ্রেটা গার্বো ও চার্লস বোয়ের-এর জীবনী মুখস্থ করে কিংবা ফুটবলের মাঠে রেফারীর কর্ণে কটুক্তি ও মন্তকে বিনামা বর্ণণে ব্যস্ত, বীরেশ্বর তখন নিজ কক্ষে আপন মনে তুলি দিয়ে ছবি এঁকেছেন নিরবচ্ছিন্ন মনোযোগে দিনের পর দিন।

তারই কিছু সংখ্যক একত্র করে এক সহাধ্যায়ী কলেজের উৎসবসভায় আয়োজন করল এক ক্ষুদ্র প্রদর্শনীর। কে জানত যে, তারই মধ্যে লুকায়িত ছিল একটি দাম্পত্য প্রেমের ভবিষ্যৎ সমাধি? গেরিলো প্রিন্সিপি কি কখনও কল্পনা করেছিল যে সেরাজেভোয় তারই নিকিণ্ড পিস্তলের গুলিতে অঙ্কুরিত ছিল ভাদুনের লোকস্বয়, কাইজারের পতন ও ভার্সাই সন্ধি?

স্থানীয় মার্কিন কনসাল জেনারেল এসেছিলেন উৎসবে। তিনি বীরেশ্বরের ছবি দেখে তার প্রতি আকৃষ্ট হন। তাঁর চেষ্টায় এক আমেরিকান সংস্কৃতি সমিতি বীরেশ্বরকে দিতে চাইলেন একটি বৃত্তি। ভারতবর্ষের যে কোনো সরকারানুমোদিত চিত্রবিদ্যালয়ে চিত্রাঙ্কন শিক্ষার সুবিধার্থে।

এখানেই বিপদের সূত্রপাত।

ছয় শত ডলার। তখনকার দিনের মুদ্রামানে পাঁচ হাজার টাকারও কম। তিন বৎসরের জন্য।

উল্লসিত বীরেশ্বর আত্মহারা হয়ে বললেন, তিনি অধ্যয়ন পরিত্যাগ করে শুরু করবেন অনন্যচিন্তে শিল্পসাধনা। কলেজ ছেড়ে দিয়ে ভর্তি হবেন আর্ট স্কুলে।

শুনে বন্ধুরা ক্ষুব্ধ হয়ে বলল, “মাথা খাবাপ!”

অভিভাবকেরা ক্ষান্ত হয়ে গর্জন করলেন, “হতভ্রষ্টাড়া কোথাকাব, ছবি ঐকে হবে কী? তাতে পেট চলে কারো?”

কিন্তু বীরেশ্বরকে তখন পটের নেশায় পেয়েছে, পটের কথা ভাববার অবকাশ নেই।

বীরেশ্বরের বাবা বৃদ্ধ হয়েছেন। অনেক কাল রেলের স্টেশন মাস্টার। রেলের বর্তমান অনেক বড় সাহেবকে তিনি ছোট সাহেব-কাল থেকে জানেন। তারাও অনেকে তাঁকে নাম ধরেই ডাকেন। সুতরাং আশা ছিল, কর্ম থেকে অবসর গ্রহণের প্রাক্কালে পুত্রকে অন্ততঃ শাংহাইর টাকা বেতনে সিগনেলাররূপে ভর্তি করে যেতে পারবেন। বাস্। মন দিয়ে খাটলে আস্তে আস্তে প্রমোশন পেয়ে সেও কি আর একদিন এ রকম মাস্টার বাবু হবে না? কথায় বলে, বাপকা বেটা—

কিন্তু বাপের বুদ্ধির সঙ্গে বেটার বুদ্ধি এ-যুগে খুব বেশী যে মেলে এমন প্রমাণ নেই। অন্ততঃ এ-ক্ষেত্রে মিলল না।

বীরেশ্বর তখন শিল্প-জীবনের কল্পনায় বিভোর। পুরোপুরি স্বধরাজ্যে পদচারণা করছেন। সেখানে তিনি রায়ফেল ও লিওনার্দো দা ভিঞ্চির উত্তরসাধক, বটিচেলী ও পল্ গগনার সগোত্র, অবনী ঠাকুর ও নন্দলালের সতীর্থ। রূপার বোতাম-আঁটা সাদা জিনের কোট গায়ে টুলে বসে দিনের পর দিন ফাইভ আপ আর সিগ্গারটিন ডাউনের লাইন ক্রিয়ার দিচ্ছেন—নিজের জীবনে এমন দুর্ঘটনার কথা ভাবলেও তিনি শিউরে ওঠেন।

ভাবী মাইকেল এঞ্জেলো মনে মনে বলেন, “হঁ। শরৎচন্দ্র যদি রেঙ্গুনের একাউন্টস আপিসে কেরানীগিরি করে দেহপাত করতেন কিংবা সমাবেস্টে মম যদি সেন্ট টমাস হাসপাতালে রোগীর নান্দী টিপে জীবন কাটােন, তবে পৃথিবীতে দুর্গতির আর সীমা থাকতো কি?”

সুবালা তখন পিত্রালয়ে। সদ্যপ্রসূত পুত্রের জননী। বীরেশ্বরের কলেজ পরিত্যাগ ও চিত্রবিদ্যাভ্যাসের সংকল্প তাঁর কানেও এসে পৌঁছেছে। জনশ্রুতিতে তিনি বিশ্বাস করেন নি। এর মূলে কিছুমাত্র সত্য থাকলে পত্রযোগে বীরেশ্বর সর্বাগ্রে জানাতেন তাঁকেই—পত্নীপ্রাণের এই সহজাত বিশ্বাসের দৃঢ়তায় সুবালা পরম নিশ্চিন্ত ছিলেন।

হঠাৎ এক দিন সংবাদ এল। দুঃসংবাদ বলাই ঠিক। সমস্ত শুভানুশংখীর সদুপদেশ অগ্রাহ্য করে বীরেশ্বর নিজের কলেজের পাঠ্যপুস্তক সহপাঠীদের বিলিয়ে দিয়ে চলে গিয়েছেন বরোদায়। সেখানকার কলাভবনে শুরু হয়েছে শিল্পের সাধনা।

বর্ষীয়সী হিতাকাঙ্ক্ষিণীর দল সুবালাকে অনেক পরামর্শ দিলেন। কেউ বললেন, চিঠি লেখ। কেউ বললেন, টেলিগ্রাফ। কেউ বা উপদেশ দিলেন, একেবারে বরোদায় সশরীরে উপস্থিতির। এমন কি, তাঁর স্বশ্রমেরও ইচ্ছা ছিল পুত্রবধু কঠোর তিরস্কারের দ্বারা বীরেশ্বরকে এই অপরিণামদর্শিতা থেকে নিরস্ত ককন। সে সমস্ত অগ্রাহ্য করে সুবালা স্তব্ধ হয়ে রইলেন।

সকাতর অনুরোধ, সক্রোধ ভৎসনা, সখেদ অশ্রুপাত দূরে থাকুক, কখনও পত্রে বা বাচনিক আলোচনায় এ প্রসঙ্গের উল্লেখমাত্র করলেন না বীরেশ্বরের কাছে।

জীবনের এমন গুরুত্বপূর্ণ সিদ্ধান্ত গ্রহণের দিনে সুবালার কথা যদি বীরেশ্বরের মনে না পড়ে থাকে তবে তিনি কি উপযাচিকা হয়ে তাঁকে তা স্মরণ করাতে যাবেন? ছিঃ। যে পরিণতবয়স্ক ব্যক্তি আপন স্ত্রী এবং সন্তানের ভবিষ্যৎ সম্পর্কে এমন মর্মান্তিকরূপে উদাসীন হতে পারে সেই দায়িত্বজ্ঞানহীন ব্যক্তির সঙ্গে কলহ তাঁর আত্মসম্মানে বাধে।

দুঃসহ দুঃখের স্ত্রীত্ব বেদনায় আপনার চতুর্দিকে অপরিসীম উদাসীন্যের এক দুর্লভ্য প্রাচীর রচনা করলেন সুবালা। আপন অভিমানের যে দুর্ভেদা দুর্গে নিজেকে তিনি অলক্ষ্যে অপসারিত করলেন তার প্রবেশদ্বার বীরেশ্বরের কাছে রুদ্ধ হয়ে গেল নিঃশব্দে। নিশ্চিন্তরূপে। চিরকালের জন্য।

শিল্পশিল্পার মধ্যপথে বীরেশ্বরের ভগ্নহৃদয় পিতা লোকান্তরিত হলেন।

সুবালার দাদারা দুঃজনেই কৃতী এবং সহোদরার প্রতি গভীর স্নেহপরায়ণ। তাঁদের আগ্রহ ছিল

সপুত্র সুবালাকে নিজেদের সংসারে সমাদরে ও সম্মানে গ্রহণ করা। সুবালা সবিনয়ে তা প্রত্যাখ্যান করে ভর্তি হলেন ট্রেনিং কলেজে। বি-টি পাশ করে এক বালিকা বিদ্যালয়ে শিক্ষকতার কর্ম সংগ্রহ করলেন সম্পূর্ণ আপন প্রচেষ্টায়।

আট স্কুলে শিক্ষা সমাপনান্তে দীর্ঘ দিন বীরেশ্বরের অর্থাগমের পত্তা প্রশস্ত ছিল না। এদেশে চিত্রকরেরা যতটা নাম পায়, ততটা ইনাম পায় না। বক্তৃতা ও প্রবন্ধে তাঁদের সুখ্যাতি থাকে অজস্র। কিন্তু সে কেবলি শব্দ, তার পিছনে অর্থ নেই। কুচিৎ কদাচিৎ মাসিক পত্র দৃষ্ট একখানা ছবি মুদ্রণের দ্বারা যে উপার্জন হয় সেটা উচ্চারণ কবতে বিনা রঙেই চিত্রকরের কর্তব্য বস্ত্রিম হয়ে ওঠে।

বীরেশ্বরের জীবনেও সে অধ্যায় গিয়েছে। সেই অসচ্ছলতার দিনে আপন উপার্জনের দ্বারা সংসারযাত্রাকে সুবালাই সচল রেখেছিলেন। বীরেশ্বর কখনও জানতেও পারেন নি কী ভাবে সংগৃহীত হয়েছে তার নিজের ভ্রাশ্রীত পবিত্র, পুত্রের সেন্ট জেভিয়ার্সে অধ্যয়নের ব্যয়, কেমন করে ঘটেছে প্রাত্যহিক আহার্যের নিয়মিত আয়োজন, কোথা থেকে এসেছে বোগীব পথ্য, চিকিৎসকের দক্ষিণা এবং প্রয়োজন হলে বায়ু-পরিবর্তনের সমুদয় অর্থ।

ধীরে ধীরে বীরেশ্বরের ভাগ্য প্রসন্ন হয়েছে। আজ তাঁর মাসিক উপার্জন অনেক বিলাত-প্রতাগত ব্যারিস্টারের পক্ষেও ঈর্ষার যোগ্য। অথচ সুবালার আচরণে কিছুমাত্র পরিবর্তন ঘটে নি। আজও তিনি তেমনি নির্বাক নৈপুণ্যে সংসার পরিচালনা করেন। দশটা বাজতে না বাজতে নিয়মিত বেঁটে ছাতা ও ভ্যানিটি ব্যাগ হাতে নিয়ে ট্রামে চেপে স্কুলে যাত্রা করেন। পাঁচটায় ক্লাস্ট দেহে ফিরে এসে ব্যবস্থা করেন বৈকালিক চা-পর্বের।

সচ্ছলতার দিনেও এই অনাবশ্যক কৃচ্ছসাধনা থেকে সুবালাকে নিবৃত্ত করা সম্ভব হয় নি। বীরেশ্বরের মাঝে মাঝে চেষ্টা করেছেন। কিন্তু তৎক্ষণাৎ অন্য প্রসঙ্গের অবতারণা দ্বারা সুবালা সে-আলোচনা এড়িয়ে গিয়েছেন সুকৌশলে।

বেশী পীড়াপীড়ি করার সাহস হয় না। সংসারের অন্য আর পাঁচ জনের সঙ্গে মিল নেই সুবালার, একথা বীরেশ্বর পূর্ব অভিজ্ঞতা দ্বারা জেনেছেন। নিজের সুখ-সুবিধার ব্যবস্থায় সবাই খুশি হয়, এটা প্রচলিত ধারণা। কিন্তু সুবালার সামান্য সহায়তার চেষ্টা কবতে গিয়ে দেখেছেন, শুধু বিরক্তির কারণ ঘটিয়েছেন। আশ্চর্য!

স্নেহের পূজার সময় একদিন মার্কেটে বীরেশ্বরের দেখা হয়ে গেল তাঁর এক দূর সম্পর্কিত ভগিনী ও ভগিনীপতির সঙ্গে। তাঁরা দু'জনে পূজার সওদা করছিলেন! ভগিনী প্রমত্ত করল, “বউদির জন্য এবার কি শাড়ি কিনলে, বীরেশ্বরদা?”

বীরেশ্বর জবাব দিলেন, “বউদির শাড়ি? সে আমি কিনব কেন?”

“বাঃ, তুমি কিনবে না তো কিনবে কে?”

“কেন, তোর বউদি। আমাদের সবার জামা কাপড় তো সে-ই কেনে।”

বিস্মিত কণ্ঠে বোন বলে, “তোমাদের জামা কাপড় তিনি কিনতে পারেন। তা বলে তাঁর নিজেরটাও কি তিনি কিনবেন? আর যদি বা কেনেনও তা হলে আর তোমার দিতে নেই নাকি? তুমি কি কখনও বউদিকে কিছু কিনে দাও না?”

“না তো। টাকা পয়সা তো সবই তার কাছে থাকে। তার যখন যা দরকার তা সে-ই কিনে নেয়। আমি তো মাসের শেষে পুরো মাইনেটা তার হাতে তুলে দিয়েই খালাস।” বলে আত্মপ্রসাদের হাসি হাসেন বীরেশ্বর।

“এই তোমার বুদ্ধি? এমন না হলে আর আর্টিস্ট!” সহাস্যে মন্তব্য করলেন ভগিনীপতি।

একখানা বাঙ্গালার সিন্ধের শাড়ি নির্বাচন করে ভগিনী বীরেশ্বরের হাতে দিয়ে বললেন, “নাও, এই শাড়িটা নিয়ে যাও বউদির জন্য। ফিকে নীলের উপর ঘন নীল আর সোনালী জরির আঁচল, ফর্সা রঙে বউদিকে খাশা মানাবে। তেঘটি টাকা দাম আজকালকার হিসেবে খুব বেশী নয়। আচ্ছা, তোমার কাছে টাকা না থাকে তো, আমি দিচ্ছি। পরে পাঠিয়ে দিও, তা হলেই হবে।”

কিন্তু ষাঁর জন্যে শাড়ি তাঁর আচরণ একান্ত হতবুদ্ধিকর। খুশি হওয়া দূরে থাকুক, অত্যন্ত বিচলিত কণ্ঠে সুবালা বলে উঠলেন, “শাড়ি কার জন্য?”

“তোমার।”

“আমার ? আমার জন্য শাড়ি তোমাকে কে আনতে বলেছে ?”

সত্য গোপন করে বীরেশ্বর বললেন, “কেউ বলে নি। আমি নিজেই কিনেছি। ঝু রঙটা তোমাকে খুব চমৎকার—”

বাণপুরুষ কণ্ঠে সুবালা বাধা দিয়ে বললেন, “কেন, কেন তুমি শাড়ি কিনতে গেলে আমার জন্য ?”

অপ্রস্তুত বীরেশ্বর শাড়ির প্যাকেটটা স্ত্রীর হাতে দিতে দিতে থেমে গেলেন।

ইতস্ততঃ করে বললেন, “কিছু অন্যায় হয়েছে কি ? আমি তো ঠিক বুঝতে পারি নি। রাণী আব ওর বর সীতেশের সঙ্গে দোকানে দেখা হয়েছিল। তারা বললে—তোমার কি পছন্দ—”

“অন্যায়, খুব অন্যায়। কোনো দিন যেন তুমি আর—” বলতে বলতে দবদব ধারায় অশ্রু গড়িয়ে পড়ল সুবালার দুই নেত্র থেকে কপালে, বক্ষে।

তিনি দ্রুতপদে প্রস্থান করলেন কক্ষান্তরে।

প্রখ্যাখ্যাত শাড়ির প্যাকেটটার পানে তাকিয়ে হতবাক বীরেশ্বর দাঁড়িয়ে রইলেন একা। ইতিপূর্বে সুবালার চক্ষে জল দেখেন নি তিনি কখনও। সূতরাং তার মনোবেদনার পরিমাণ অনুমান করতে পাবলেন। কিন্তু হেতু খুঁজে পেলেন না। সংসাবে অন্য লোকের স্ত্রীরা শাড়ির জন্য বায়না ধবে, শুনেছেন। শাড়ি উপহার দিলে আহত হয়ে অশ্রুপাত করে কোন রমণী ?

বীরেশ্বর শিল্পী। কল্পনাপ্রবণ তাঁর মন। অনেক দিন রাত্রিতে অকস্মাৎ ঘুম ভেঙে গিয়েছে। শয্যা ভাগ করে পার্শ্ববর্তী কক্ষে এসে দেখেছেন,—স্ত্রী গভীর নিদ্রামগ্ন। ক্ষীণ সূঠাম দেহটি উৎসব অবসানে কণ্ঠচ্যুত পুষ্পমালিকাব মতো পালঙ্কেব একপ্রান্তে অনায়াসে বিন্যস্ত। কপোলে কবীবন্ধনবিমুক্ত কুন্তলদলের গুটি কয় শীর্ণ গুচ্ছ ইতস্ততঃ বিক্ষিপ্ত। শ্বাস-প্রশ্বাসের ভারে বক্ষস্থল নিয়মিত তালে মৃদু আন্দোলিত।

নিদ্রিতা পত্নীর অবগুণ্ঠনহীন মুখের পানে তাকিয়ে বীরেশ্বর ভেবেছেন, সুবালা যেন বাতায়নপথে দৃষ্ট কক্ষচূড়া বক্ষেব পুষ্পিত শাখার অন্তরালে সদ্যোখিত ঐ অষ্টমীর চাঁদের মতো। দেখে মনে হয়, হাত বাড়ালেই নাগাল পাওয়া যায় বুঝি বা। কিন্তু আসলে লক্ষ লক্ষ যোজন দূরে। কাছে থেকে দূর দৃশ্য কবছে সে, সে যেন ভাত্রদিনে খবপ্রোতা তটিনীর তরঙ্গশীর্ষে প্রভাত-সূর্যেব কম্পিত আলোক শিখাটি। দেখা যায়, ছোঁয়া যায়; কিন্তু ধরা যায় না।

সিদ্ধনাথকে ভগবান একজোড়া পা দিয়েছেন। পাখা দেন নি। তাই গতি দ্বারা তিনি সৃষ্টিকর্তাব সে ভুল সংশোধনের চেষ্টা করেন। তাঁর অকস্মাৎ আগমন ও নিগমন মাটিতে হেঁটে চলার চাইতে আকাশে উড়ে যাওয়ার সঙ্গেই বেশীটা মিলে।

দ্রুত প্রবেশ ও দ্রুততব ভাষণের দ্বারা মিনিট পাঁচ হয় ব্যাপী সিদ্ধনাথ যে-উদ্বিগ্ন প্রকাশ করলেন, তার সংক্ষিপ্ত সার এই যে, অভিনয় শুক হওয়াব সময় এগিয়ে আসছে অথচ অভিনেতা অভিনেত্রীদের সাজসজ্জার এখনও অনেক বাকী।

অভিনয়ে প্রধান ভূমিকা মলী সেনের। প্রথম দৃশ্যে যবনিকা উত্তোলনের সঙ্গে সঙ্গেই তাঁর পাট। তিনি সলজ্জে স্বীকার করলেন, ক্রটিটা তাঁরও। আশ্বাস দিলেন, তাঁর প্রস্তুত হতে বিলম্ব হবে না।

নিজের নির্দিষ্ট প্রসাধন কক্ষটিতে প্রবেশ করে মলী সেন খুশি হলেন।

অতি পরিপাটি ব্যবস্থা। ড্রেসিং টেবিলের উপরে নিপুণভাবে সাজানো ভেসেলিন, পেইন্ট, গ্রীজ, পাউডার, গ্লিসারিন, সফট টিসু, প্যানকেক, ম্যাসকারা, আইব্রো পেন্সিল ইত্যাদি মেক-আপের নানাবিধ সরঞ্জাম। ক্রেসবিন্যাসের চিরুনি ব্রাস, ফিতা ট্যাসল। আলনায় অভিনয়ের বিভিন্ন অঙ্কে বা গর্ভাঙ্কে ব্যবহারের জন্য বিভিন্ন ধরনের জামা কাপড় পৃথকভাবে ভাঁজ করা। রাজকন্যা মঞ্জুশ্রী ঠিক কোন দৃশ্যে কোন বস্ত্র এবং অঙ্গাবরণটি পরিধান করবেন, সুস্পষ্টাঙ্করে লেখা ছোট ঋগঞ্জের লেবেলে দিয়ে তা চিহ্নিত। ছোট টেবিলটার উপরে অলঙ্কারগুলি থাকে থাকে অনুরূপ সুবিন্যস্ত। এক কোণে একটি ইজিচেয়ার, বিভিন্ন দৃশ্যের মধ্যাকালীন অবসর ক্রমে ক্রান্ত

মলী সেন যাতে দেহ এলিয়ে দিয়ে বিশ্বাস করতে পারেন।

অন্য সময়ে অব্যবহৃত এ ঘরটাতে পাখার কোন ব্যবস্থা ছিল না। গরমে ঘামে মুখের মেক-আপ গলে নষ্ট হওয়ার আশঙ্কা। তাই জানালার ভেতর দিয়ে তার গলিয়ে দূরবর্তী প্রাণের সঙ্গে যুক্ত করা হয়েছে ছোট একটি টেবিল ফ্যান। অন্য কোণে স্পিরিট স্টোভে ফুটছে ছোট কেটলিতে গরম জল। টিপাইর উপরে ফ্রাঙ্কে ভরা গরম দুধ, নাকে দেওয়ার মিস্টল, গলার জন্য স্প্রে, অডিকলোনের বোতল, থ্রোট পেস্টিসল্‌স্‌ কামলোজ-এর ট্যাবলেট ও এ্যাস্পিরিনের শিশি ইত্যাদি স্নায়ু ও কণ্ঠ সতেজ রাখার অতি পরিচিত বিবিধ ডাক্তারী আয়োজন।

মনে মনে ধীরার নিপুণ ব্যবস্থার যথেষ্ট সূচ্যাদি করে প্রসন্ন চিন্তে মলী সেন অভিনয়ের জন্য সজ্জাবিন্যাসে ব্যাপৃত হলেন। ঝাঁ হাতের ঘড়িটা খুলে রাখলেন ড্রেসিং টেবিলের উপরে। ডান হাতের চুড়ি ক'গাছা, গলার মফচেন ও কানের দু'টি রেখে দিলেন টেবিলের দেয়ালে। একটা ড্রেসিং গাউন জড়ালেন গায়ে। কপালের ঠিক উপর থেকে একখানা তোয়ালে জড়িয়ে মাথার চুলগুলি ঢেকে দিলেন এমনভাবে যাতে মেক-আপের পেইন্ট বা পাউডারের ছোপ না লাগে। ডান হাতের তর্জনী দ্বারা স্বেত চীনেমাটির জারটা থেকে অনেকখানি ক্রীম তুলে নিয়ে দু'হাতে মাখতে সুরু করলেন কণ্ঠ ও কপালে।

আগন্তুকের ছায়া পড়ল সম্মুখের দর্পণে।

“কে, ধীরা? ইস একেবারে পরীর মতো সেজেছিস যে! দেখে মাথা খারাপ হবে যে ছেলেদের।” বললেন মলী সেন।

প্রশংসায় প্রীত ধীরা বলল, “যাও।”

“সত্যি বলছি, শাড়িটা খাসা। আমারই পরতে লোভ হচ্ছে। মা দিয়েছেন বুঝি?”

“তুমি বেশ লোক যা হোক! মা দিতে যাবেন কেন? তুমিই তো কিনে দিয়েছ। দেখে চিনতে পারছ না?”

প্রায় প্রতি সপ্তাহেই নূতন শাড়ি কেনা অভ্যাস ধীর, তাঁর পক্ষে সব শাড়ি মনে বাখা সম্ভব নয়। মলী সেন জিজ্ঞাসা করলেন, “আমি কিনে দিয়েছি? কৈ মনে পড়ছে না তো!”

“মা গো, কী ভুলো মন তোমার! গেল পূজোব আগের পূজোয় তুমি আব আমি এগজিবিশানে যাই নি? মনে নেই, সেই যে হঠাৎ সুধাংশু মামাদের সঙ্গে দেখা হয়ে গেল? তুমি দুটো শাড়ি কিনে একটা দিলে সুধাংশু মামার বউকে, আর একটা আমাকে!”

“হ্যাঁ, মনে পড়েছে বটে। সে কি এই শাড়িটা? তখন তো এত সুন্দর মনে হয় নি। তুই পরেছিস বলেই বোধ হয় এখন এত ভালো দেখাচ্ছে।”

ধীরা সলজ্জ হাসি হেসে চুপ করে রইল। তারপর হঠাৎ জিজ্ঞাসা করল, “আচ্ছা সুধাংশু মামা আজ আসবেন না থিয়েটার দেখতে?”

“কী জানি, হয়তো আসতেও পারেন।”

“তিনি অনেকদিন আসেন নি কিন্তু, না মলী মামী?” মন্তব্য কবল ধীরা।

মলী সেন সে প্রশ্নটা এড়িয়ে জিজ্ঞাসা করলেন, “তোর কি সুধাংশু মামার জন্য মন কেমন করছে না কি?”

“না, মন কেমন করবে কেন? তবে তিনি এলে বেশ হতো। তিনি এর মধ্যে থাকলে থিয়েটার নিশ্চয় আরও অনেক ভালো হতো।”

সে-কথা মলী সেনের অজানা ছিল না। গান, বাজনা, অভিনয়, চড়ুইভাতি সব কিছুই সুধাংশুর উপস্থিতিতে প্রাণবন্ত হয়ে ওঠে।

মলী সেন চুপ করে রইলেন। নিজের অজান্তেই বুঝি একটা দীর্ঘনিঃশ্বাস পড়ল। ধীরাকে যাই কেন না বলুন, তিনি নিজে নিশ্চিত জানেন, সুধাংশু আজ আসবে না। শুধু আজ নয়, আর বোধ হয় কোন দিনই সে আসবে না। এ-সব উৎসব-আয়োজনের সঙ্গে চিরদিনের মতোই সম্পর্ক শেষ হয়ে গেছে তার। অথচ এমন একদিন ছিল—

থাক, সে কথা স্মরণ না করাই ভালো। যে যায় সে এমন করেই যায়! ছিন্নমালার ঝট কুসুম ফিরে কুড়াতে যাবেন না মলী সেন। যা ফুরিয়েছে তাকে ফুরোতে দেওয়ার নীতিতে তিনি বিশ্বাস

করেন। কবিশুন্দের কাব্যগ্রন্থাবলীর মধ্যে ‘কলিকাতা’ই তাঁর সর্বাধিক প্রিয়।

মলী সেনের চিন্তায় বাধা পড়ল।

“মলী মামী, একজন স্লোকের সঙ্গে একবার কথা বলবে?”

অকস্মাৎ এমন ভঙ্গিতে প্রশ্ন করল ধীরা যে, স্পষ্টই বোঝা গেল, কথাটা নিয়ে মনে মনে অনেক চিন্তা ঘূর্ণের পরে হঠাৎ কোন রকমে সে মুখ থেকে বের করেছে।

মুখে ক্রীম মাখতে মাখতে মলী সেন জিজ্ঞাসা করলেন, “কে সে?”

“আমার একজন বন্ধু মানে—ইয়ে—একটি চেনা ছেলে।”

মলী সেন পিছন ফিরে ধীরার পানে তাকালেন। বিস্মিত কণ্ঠে বললেন, “বন্ধু?”

অত্যন্ত বিব্রতভাবে মাটির দিকে চোখ রেখে ধীরা বলল, “না, ঠিক বন্ধু নয়, মানে, আমার সঙ্গে পড়ে একটি মেয়ে, তারই দাদা।”

মলী সেন ঈষৎ হাস্য করে সঙ্কটকূট কণ্ঠে বললেন, “বটে! হাঁটু মাউ খাঁউ, রোমালের গন্ধ পান্ড। বন্ধু নয়, বন্ধুর দাদা! ব্যাপারটা খুলে বল দিকিনি, শুন।”

“বাঃ রে, খুলে বলার আবার কি আছে এর মধ্যে?”

“কিছুই নেই? উইঃ, এ যে মনে হচ্ছে, ঘরেতে ভ্রমর এল গুনগুনিয়ে।”

এ যুগের মামীরা ভাগিনেয়ীদের সঙ্গেও পরিহাস করতে ছাড়েন না। বিশেষতঃ হৃদযাতাটা যদি প্রগাঢ় হয়।

“তুমি লোকমু দুটুমি করলে আমি চলে যাব কিন্তু।”

ধীরা প্রশ্নানোদ্যোগ করতেই মলী সেন সহাস্যে বললেন, “আরে শোন, শোন কোথায় যাচ্ছিস? আমাকে সবটা বললে লাভই হবে। যুদ্ধে এবং প্রেমে ‘এলাই’ থাকা ভালো। জানিস তো, তোর মা আমার কথা কেমন মানেন? আমার সুপারিশ আচলে বেঁধে, চাই কি, একেবারে নির্বিঘ্নে বাসরঘর অবধি পৌছতে পারবি।”

“যাঃ।” ধীরা লজ্জায় একেবারে রাঙা হয়ে উঠল।

মলী সেন সম্মুখে ধীরাকে কাছে টেনে নিয়ে বললেন, “যাঃ কিরে? দেখি, দেখি, মুখ তোল। ও মা তাই তো, ধীরা আমাদের সে ধীরা আর নাই তো! সত্যি, বেশ বড় হয়ে উঠেছিস যে। ঠাট্টা নয়। আমাকে কিছু লুকোসনে।”

কিছুটা ধীরার সলজ্জ ও স্বতঃপ্রস্তুত স্বীকৃতিতে, কিছুটা বা মলী সেনের সহৃদয় জিজ্ঞাসায় বিষয়টা ধীরে ধীরে প্রকাশিত হলো। সমীর লাহোরে মেডিকেল কলেজে পড়ে। ধীরার সহপাঠিনী তার মাসতুতো বোন। তাদের বাড়ীতেই ধীরার সঙ্গে প্রথম দেখা।

দেখতে? ছাই, হাত-পাগুলি চোয়াড়ের মতো। একটা আন্ত গুণ্ডা বললেই হয়। পদ্য লেখা? রামচন্দ্র! দু’লাইন বাংলায় চিঠি লিখতেই প্রাণ বেরিয়ে যায়। শুধু খেলা নিয়ে পাগল। কলেজ কামাই করে অস্ট্রেলিয়ার টেস্ট খেলার কমেস্ট্রী শুনবে রেডিওতে। সিনেমা? না, সিনেমায় তারা যায় নি কখনও। ই্যা, দু’দিন বেড়াতে গিয়েছে বটে। বিকেলে, গঙ্গার ধারে।

মলী সেন পরিহাসতরল কণ্ঠে মন্তব্য করলেন, “এ্যা, দু’জনে লুকিয়ে নদীর ধারে? একেবারে ধীরা-সমীরে যমুনাই তীরে—?” তার পর স্নেহপূর্ণ প্রশান্ত কণ্ঠে বললেন, “আমাদের অভিনয় দেখতে এসেছে বুঝি? যা ডেকে নিয়ে আয়। আগে দেখি রোমিও মশাই আমাদের জুলিয়েট ঠাকরুণের যোগ্য কি না।”

ছেলেটি সত্যি সুদর্শন। দীর্ঘ, সুঠাম গড়ন, সর্বাস্থে স্বাস্থ্যের দীপ্তি, মুখে বুদ্ধির আভা। ঘরে দ্বিতীয় চেয়ার ছিল না, জামা কাপড়ের ওয়াদ্রোব-ট্রান্সটার উপরে বসতে দিয়ে মলী সেন আলাপ করতে লাগলেন।

ধীরা মলী সেনের অত্যন্ত প্রিয়পাত্রী। তার কল্যাণ মলী সেনের বিশেষ কাম্য। তিনি কথাচ্ছলে অতি নিপুণতার সঙ্গে সমীরের পারিবারিক ও ব্যক্তিগত বহু তথ্য সংগ্রহ করলেন। তার পড়াশুনা, খেলাধুলা ও ভবিষ্যৎ সম্পর্কে অনেক উৎসাহ দিলেন।

সমীর বিদায় নিতে চাইলে ধীরাকে বললেন, “কিছু খেতে-টেতে দিয়েছিস ওকে? সে কী রে? এই বুঝি তোর হসপিটালিটি? একুশি উপরে আমার বসার ঘরে নিয়ে যা। ফ্রীজে আইসক্রিম

আছে। না না, তোমাকে অত লজ্জা করতে হবে না। খেতে পারবে না বৈ কি? খুব পারবে। জানো তো, সুশীল ও সুবোধ বালক যাহা পায় তাহা খায়।” মলী সেন কৌতুকোচ্ছল স্নেহে দৃষ্টিতে সমীরের দিকে তাকালেন।

বোঝা গেল, পাত্রটি পছন্দ হয়েছে মলী মামীর।

সজ্জাকক্ষ থেকে বেরিয়ে দোতালার ড্রয়িং রুমে বসে মলী সেনের প্রশংসায় উচ্ছ্বসিত হয়ে উঠল সমীর। বাস্তবিক অনেক কিছু জানা শোনা আছে ধীরার মামীমার। ঠিক বলেছেন, আজকাল জেনারেল প্র্যাকটিশনারদের পসার নেই। হ্যাঁ, বিলাতে গিয়ে সে গাইনেকলজি অ্যান্ড অবস্টেট্রিকসে স্পেশিয়েলিস্টই হবে।

ভারি চমৎকার কথা বলতে পারেন কিন্তু মলী মামী। নিখুঁত এ্যাকসেন্ট, বিলেতী মেমসাহেবদের মতো। সাধারণ কলেজে পড়া বাঙালী মেয়েদের মতো হিস্টরিক্যাল বলেন নি একবারও; সেকেন্ড সিলেবল-এ জোর দিয়ে বলেছেন, হিস্টরিক্যাল। ধীরা লক্ষ্য করেছে কী?

আর ক্রিকেটেরই বা কত খবর রাখেন! বললেন, এদেশে পেস বোলারের অভাব। সে যদি ভালো সুইং করাতে শেখে, তবে হয়তো বছর কয়েক পরে টেস্ট ম্যাচে চাম্প পেতেও পারে। সত্যি তো, এ কথাটা তো সমীর কখনো ভাবে নি!

ফটোগ্রাফীতেও মলী মামীর যথেষ্ট উৎসাহ আছে! আশ্চর্য! লাইকার নাম করতেই কেমন বলে দিলেন, ওতে প্রত্যেকটি ছবি এনলার্জ না করালে সুখ নেই; বড্ড বেশী খবচ। তার চাইতে রোলীকর্ড বা রোলীফ্রেন্স ভালো। সমীরের গ্যালবামটা দেখতে চেয়েছেন। কালই তাঁকে সেটা এনে দেখালে—

হঠাৎ খেয়াল হলো সমীরের, সে একাই কথা বলে যাচ্ছে। শ্রোত্রীটির কাছ থেকে কোনো সমর্থনসূচক সাড়াশব্দ পাওয়া যাচ্ছে না তো!

একটু অবাক হয়ে জিজ্ঞাসা করল, “মলী মামী নিজেও ফটো তোলেন বুঝি?”

“জানিনে।”

ধীরার কঠোর নিষ্পৃহতায় সমীরের বিস্ময় বৃদ্ধি পেল। কিন্তু সে সম্পর্কে আব কোনো প্রশ্ন না করে আইসক্রীমের প্লেটটা দেখিয়ে জিজ্ঞাসা করল, “প্লেট একটা কেন? তুমি খাবে না?”

“না।”

“সে কি হয়? তুমি না খেলে আমিও খাচ্ছি। আইসক্রীম তো তুমি খুব পছন্দ —”

অসহিষ্ণু স্বরে বাধা দিয়ে ধীরা বলল, “আঃ কেন মিছে বকাচ্ছ? তোমাব খেতে হয় খাও, না হয়, বাইরে ফেলে দাও।”

ধীরার এই অহেতুক উন্মাদ্য হতবাক সমীর মিনিট খানেক তার মুখের পানে তাকিয়ে বইল। সে ভেবেই পেল না, হঠাৎ কোথায় কখন এবং কী তার অপরাধ ঘটেছে।

সমীর প্রেক্ষাগারে ফিরে গেলে ধীরা চুপ করে ড্রয়িং রুমেই বসে রইল। তীব্র অসন্তোষ ও ক্রোধে তার মন দক্ষ হতে লাগল। কিন্তু কেন এই বিরক্তি, কার উপরে এই রাগ, তার কোনো হৃদিস ঝুঞ্জে পেলো না।

সমীরের দোষ কী? সে তো কথা উঠলেই ঠাট্টা করেছে। ধীরা নিজেই তো তাকে একরকম জোর করে মলী সেনের কাছে নিয়ে গেছে। সমীর মলী সেনের প্রশংসা করেছে? তাতে রাগ করার কি আছে? মামীর প্রশংসা সে নিজে যতখানি করে, এত আর করে কে? এর আগে সমীর কি তাকে মলী মামীর পাবলিসিটি অফিসার বলে কম পরিহাস করেছে? ধীরা কোন সঙ্গত কারণ ভেবে পায় না।

তার রূঢ়তায় আহত সমীরের মুখে সুস্পষ্ট বেদনার ছায়া ও ভীত অপরাধীর মতো ঘর থেকে তার নিঃশব্দে প্রস্থান স্মরণ করে ধীরার বুকে ছুঁচ ফুটতে থাকল। অথচ তার প্রতি উদ্যত অভিমানকেও কোন মতেই সে মন থেকে তাড়াতে পারল না।

মলী মামী তাকে কত গভীর স্নেহ করেন, তা সে জানে। সমীরকে তিনি অবজ্ঞা করলে ধীরা নিশ্চয়ই ক্রুদ্ধ হতো! তিনি যে সমীরকে যথেষ্ট সমাদর করেছেন তাতেও সে প্রসন্ন হতে পারল না। তার মনে অযথা অভিযোগ খচখচ করতে লাগল। নিজের হৃদয়ের এই দুই বিপরীত

ভাবধারণার কঠিন ঘাত প্রতিঘাতে সে কষ্টকারণে মৃগশিশুর ন্যায় অবিরত ক্ষত বিক্ষত হতে থাকল।

অন্ধকার রাত্রি নির্জন গ্রাম্য পথে একক যাত্রীর মনে অজ্ঞাত আশঙ্কার মতো কি যেন এক অনিশ্চিত অমঙ্গলের ছায়া আচ্ছন্ন করল ধীরার মন। কিছুতেই সে ভেবে পেল না, কেন যে ঝড়ের রাতে উদ্ভাল সমুদ্রতরঙ্গের মতো তার বুকের কাছে দুর্নিবার কান্নার ঢেউ ক্ষণে ক্ষণে কেবলি উইল হয়ে উঠছে।

“কী হে বীরেশ্বর, তুলি হাতে নিয়ে উর্ধ্বমুখী হয়ে আছ যে ? কার ধ্যান কবছ ? বলালক্ষ্মীর, না, গুললক্ষ্মীর ?” বলে সিদ্ধনাথ সহাস্যে পাশে এসে দাঁড়ালেন।

বীরেশ্বর চমকে উঠে পুনরায় অন্ধনকার্যে মনোনিবেশের উদ্যোগ করলেন। বাম হস্তের অনামিকা ও অন্ত্রের দ্বারা ঈষৎ চাপ দিয়ে টিউব থেকে তুলির উপরে রং মাখিয়ে নিতে নিতে সলজ্জে উত্তর দিলেন, “দাদা, এ বয়সে কি আর কোনো লক্ষ্মী বর দেবেন যে, ধ্যান করব ?”

“ঠিক বলেছ ভায়া। আমাদের বয়সে লক্ষ্মী সরস্বতীকে ডেকে আর কাজ নেই। তার চেয়ে বরং নন্দী মামাকে ভজনা করা ভালো। খুশি হয়ে যদি দু’চার হন্দর সিদ্ধি পাঠিয়ে দেন তো এই কষ্টোলের দিনে ব্ল্যাক মার্কেট করে কিছু গুছিয়ে নিতে পারি। হাঃ হাঃ হাঃ।” সিদ্ধনাথের অট্টহাস্য প্রায় সিকি মাইল দূর থেকে শোনা যায়।

বীরেশ্বর জিজ্ঞাসা করলেন, “কিন্তু তুমি এতক্ষণ ছিলে কোথায় সিধুদা ? আমাদের পাবলিসিটি অফিসার লাইডী যে চারদিকে তোমাকে খুঁজে বেড়াচ্ছেন।”

“ওঃ, তাই নাকি ? আর বল কেন ভাই, গিল্লী সেই থিয়েটারের নাম শোনা ইস্তক আজ একমাস ধরে রাজ দু’বেলা শাসাচ্ছেন, তিনি অভিনয় দেখতে আসবেনই। যত বলি, আমার দু’লাইনের পাট, প্রায় মৃত সৈনিকের ভূমিকা বললেই চলে। সে আর দেখে কি হবে। তত তাঁর জেদ বাড়বে। মনে মনে বোধ হয় ঠাউবেছেন যে, নিশ্চয়ই বাজপুত্র-টুত্র সেজে এই বৃদ্ধ বয়সে কোনো সুন্দরী তরুণীর সঙ্গে প্রেম করব, তাই তাঁকে দেখতে দিতে চাইনে। হোঃ হোঃ হোঃ হোঃ” বলে আর একদফা উচ্চ হাস্য করলেন সিদ্ধনাথ।

তুলির রেখার উপরে দৃষ্টি রেখে অন্ধনরত বীরেশ্বর বললেন, “বেশ তো, আসুন না।”

“তুমি তো ভায়া বলেই খালাস। এদিকে আমাকে যে এখানকার ব্যবস্থা ফেলে রেখে ছুটেতে হয়েছে বাড়িতে। এত করে বললাম, পাশের বাড়ির মেয়েদের সঙ্গে এসো। না, আমাকে নিজে গিয়ে নিয়ে আসা চাই। বলেন, অন্য কোনো সাধারণ সিনেমা, থিয়েটারে আর কাউকে নিয়ে যেতে আপত্তি নেই। কিন্তু এখানে আমার বন্ধুবান্ধবদের ব্যাপারে, আমার সঙ্গে না এলে নাকি তাঁর সম্মানের হানি ঘটে। কী আর করি ? হজুরাগীর হুকুম তো না মেনে রক্ষে নেই।” বলে সিদ্ধনাথ অসহায় কাতরতার ভঙ্গি করলেন।

কিন্তু এই কপট অভিযোগের অন্তরালে স্বীকৃত প্রতি অকৃত্রিম স্নেহ ও প্রীতির যে সুনিশ্চিত প্রমাণ তাঁব কণ্ঠস্বরের মধ্যে দিয়ে পরিষ্কৃত হলো সেটা বীরেশ্বরের মতো অমনোযোগী মানুষের পর্যন্ত দৃষ্টি এড়ায় না।

“তোমার গ্রীমতী আসছেন কখন ?” সিদ্ধনাথ জিজ্ঞাসা করলেন।

“বীরেশ্বর সংশয়ের স্বরে বললেন, “কী জানি, আসবেন কি না—”

“আসবেন কি না কী হে ? বলেন নি তোমায় কিছু ? অবাক করলে। দেখছি, ছবিতো যত রাজ্যের সুন্দরীর মুখ ঐকে ঐকেই গেলে, নিজের স্বীকৃত মুখের পানে তাকাবার বুঝি আর সময় পেলো না ? ওহে, বড়োমানুষের কথাটা মনো রেখো, বাড়ির গিল্লীটি সবার আগে। ও—সব বান্ধবী-টান্ধবী হচ্ছে বিলাতী ডিনার সুট। ফিটফাট, খোপ দুরন্ত। সন্ধ্যাবেলা পরে ক্লাবে, পাটিতে যেতে মন্দ নয়। স্বী হলো আমাদের সেকেলের দোলাই। কাট, ছাঁট, ইস্তিরির জোলুস নেই বটে, কিন্তু এমন কাজের জিনিস আর নেই ভাই। গ্রীয়ে কাঁধে চাপালে, শীতে গায়ে জড়ালে, রোদ-বৃষ্টিতে মাথায় ঝাধলে।” বলে নিজের রসিকতায় নিজেই উৎফুল্ল হয়ে আর একপ্রহ্ন অট্টহাস্য করলেন সিদ্ধনাথ।

বীরেশ্বরের কিছু বলার অবকাশ না দিয়েই কঠোর যথাসম্ভব গাভীর আরোপ করে উপদেশ দিলেন সিদ্ধনাথ, “না হে, যা বলছি শোন। একুশি বাড়ি চলে যাও, বউমাকে নিয়ে এস। বুঝেছি, একুট মনান্তর হয়েছে আর কি। সে কিছু নয়। এক সঙ্গে ঘর করতে গেলে অমন হয়েই থাকে। এই আমারই দেখ না, গিল্লীর সঙ্গে কথা কাটাকাটি তো এক রকম লেগেই আছে। তা বলে একজনকে বাদ দিয়ে আর একজনের চলে কি? এক দণ্ডও না। শাস্ত্রকারেরা তো বলেই গেছেন,—অজ্ঞা যুদ্ধে খবি প্রাক্কে—কী হে পুরো কথাটা?”

সিদ্ধনাথ ব্যস্ত মানুষ। বেশীক্ষণ এক স্থানে স্থির হয়ে থাকা তাঁর স্বভাবে নেই। ইতস্ততঃ ছুটোছুটি না করলে তাঁর মনে স্বস্তি থাকে না। “যাই দেখিগে এদিকে অর্কেষ্টার দল ঠিকমতো এসে পৌঁছেছে কি না। মিসেস সেন যা উতলা মানুষ। হয়তো বা এরই মধ্যে গাড়ি নিয়ে ছুটেছেন তাদের তল্লাসে।” বলে দ্রুতপদে নিজান্ত্র হলেন।

বীরেশ্বরের হলো কী? তাঁর হাতের তুলি চলতে চায় না কেন? মালতীর পদশব্দে তাঁর খেয়াল হলো, প্রায় মিনিট দশেক তিনি তুলি রেখে দিয়ে নিঃশব্দে নিজিয় বসে আছেন। আশ্চর্য হয়ে তিনি উঠে দাঁড়ালেন। তাই তো, বাড়ি গিয়ে নিজে সুবালাকে নিয়ে এলে হয়। কী আশ্চর্য, একথাটা তো এর আগে খেয়াল হয়নি।

অসমাপ্ত অঙ্কনকার্যের ভার মালতীর হস্তে ন্যস্ত করে তিনি চললেন মলী সেনের সন্ধানে।

বেশীদূর যেতে হলো না।

মলী সেন বুঝি বীরেশ্বরের খোঁজেই আসছিলেন। বীরেশ্বর বললেন, “মিসেস সেন, আমাকে একবার বাড়ি যেতে—”

ব্যাক্য সমাপ্ত করার অবকাশ পেলেন না। মলী সেনের মুখের পানে তাকিয়ে অর্ধ পথেই থেমে গেলেন। জিজ্ঞাসা করলেন, “ব্যাপার কী মিসেস সেন? কী হয়েছে?”

“এই দেখুন কাণ্ড বলে মলী সেন বীরেশ্বরের দিকে একটি পুস্তিকা এগিয়ে দিলেন।

অভিনয়ের প্রোগ্রাম।

অভিজাতগণের অভিনয়োৎসব অভিনয়ের পরিচয় পুস্তিকা—প্রোগ্রামটি—একটি বিশেষ গুরুত্বপূর্ণ বস্তু। অবশ্য তাতে অভিনয় সংক্রান্ত তথ্য অতি সামান্যই থাকে। এক পৃষ্ঠায় বিভিন্ন ব্যবসায়ীর বিজ্ঞাপন, কোনোটা জড়োয়া গহনার, কোনোটা বিলাতী প্রসাধন দ্রব্যের, কোনোটা বা সিগারেট বা চা বিক্রেতার। অপর পৃষ্ঠায় প্রযোজক, পরিচালক, শিল্পনির্দেশক ইত্যাদির নাম। পৃষ্ঠান্তরে অভিনয়ের কোনো বিশেষ দু’একটি দৃশ্যের আগে-ভাগে তোলা ফটোগ্রাফ এবং নায়ক-নায়িকাদের ছবি।

এ প্রবন্ধের অভিনয় যারা হামেশাই দেখেন তাঁরা জানেন, প্রোগ্রামে মুদ্রিত বেশীভাগ মহিলাব ফটোগ্রাফস্ব তব্বীদেহের সঙ্গে তাঁদের বর্তমান মেদবহুল বপূর মিল অতি সামান্যই থাকে। সেটা আশ্চর্য নয়। কারণ সেগুলি অন্ততঃ সাত-আট বৎসর আগে তোলা ফটোগ্রাফ। প্রোগ্রামে মুদ্রণের জন্যই সমস্তে নির্বাচিত। আসলে সেগুলি—মা যাহা ছিলেন : মা যাহা হইয়াছেন নয়।

মুদ্রণ পরিপাট্য ও গঠন সৌষ্ঠবে এ-সব ক্ষেত্রে অভিনয়ের চাইতে অভিনয়ের প্রোগ্রামটিই অধিকতর দৃষ্টি আকর্ষক হয়; আধুনিক ইভিনিং পার্টিতে অধিকাংশ মেয়ের কাপের চাইতে পোশাকের মতো।

এই অভিনয়ের একটি মনোহারিণী পরিচয় পুস্তিকা রচনার জন্য মলী সেনের ব্যগ্রতাব অবধি ছিল না। বহু দিন বীরেশ্বরের সঙ্গে তার পরিকল্পনা, আকৃতি ও মুদ্রণ সম্পর্কে বহু জল্পনা কল্পনা করেছেন। মলী সেনের আশা ছিল, বহুবর্ণে চিত্রিত ক্রিসমাস কার্ডের মতো এক টাকা মূল্যে এই সুদৃশ্য প্রোগ্রামটিও অভিনয়ান্তে অন্ততঃ কিছু দিনের জন্য দর্শকজনের ড্রয়িং রুমে মেটেলপীসের শোভাবর্ধন করবে। হায়, তার পরিণতি দেখে মলী সেনের প্রায় দুঃখে কান্না পাওয়ার উপক্রম। ক্রোধে বীরেশ্বরের বাকরোধ।

বহু ব্যবহারে ক্ষয়প্রাপ্ত অতি পুরাতন আংশিক ভগ্ন টাইপে মুদ্রিত, মফঃস্বল আদালতের নীলাম ইস্তাহারের মতো অস্পষ্ট, অপরিষ্কার। অভিনেতা, অভিনেত্রীগণের ছবিগুলি বিকৃত ও মসীলিঙ্গ। অতি নিকট আত্মীয়গণের পক্ষেও এই ছবি থেকে ছবির পাত্রপাত্রীদের সনাক্তকরণ দুঃসাধ্য।

কাণ্ডই বটে। প্রায় লঙ্কাকাণ্ড বললেই হয়।

কিন্তু কণ্ঠে বীবেশ্বর বললেন, “প্রেসেব ম্যানেজারকে খাবে চাবকানো দরকার। এ তো সিলেকশান—আসল আর্ট পেপারই নয়। ইমিটেশান। এই কাগজে আর্ট প্লেট ছাপা চলে।” মল্লী সেন এ সব টেকনিক্যাল ব্যাপার সামান্যই বোঝেন। তিনি মিনতি কবে বললেন, “এ প্রোগ্রাম তো কারো হাতে দিতে পাব না। যা হয় একটা উপায় ককন, বীবেশ্বরবাবু।” বীবেশ্বর বললেন, “সে কথা ঠিক। কিন্তু আমাকে যে এখন একবার বাড়ি যেতে হচ্ছে মিসেস সেন।”

“বাড়ি এখন থাক, বীবেশ্বরবাবু, আপনি একবার না হয় প্রেসেই গিয়ে দেখুন, যদি কিছু করা যায়।”

“প্রেসে অন্য কাউকে পাঠালে হয় না? সুবালাকে—মানে আমার স্ত্রীকে একবার—”

বাধা দিয়ে কাতর কণ্ঠে মল্লী সেন বললেন, “অন্য আর কাউকে দিয়েই একাজ হবে না। দোহাই আপনার বীবেশ্বরবাবু একুণ একবার গাড়িটা নিয়ে যান, এই প্রোগ্রাম নিয়ে কাউকে আমি আর মুখ দেখাতে পারব না। আর দেবী কববেন না। প্লিজ।”

উর্ধ্ব্বাসে বীবেশ্বরকে ছুটেও হলো ছাপাখানার উদ্দেশ্যে।

নিশ্চিত মনে বেশ বিন্যাসের সুযোগ যেন আর কিছুতেই মিলবে না মল্লী সেনের। তাঁর প্রসাধন কক্ষে দ্বাবে মৃদু কবায়িত শোনা গেল।

মুখে ফাউন্ডেশান লোগান লেপনে ব্যস্ত মল্লী সেন জিজ্ঞাসা কবলেন, “কে?”

বাইরে থেকে যে নাম উচ্চারিত হলো ও স্পষ্ট গুনে পাওয়া না গেলেও বোঝা গেল, নবীকণ্ঠ।

মল্লী সেন ভিতরে আসতে বললেন

দোর খোলে প্রবেশ কবলেন নীবজা

‘এ কী, তুমি এখনও ঘুবে বেড়াছ?’ সজ্জতে হবে না? ওঃ ওই তো তোমার তো পাট একেবারে চতুর্থে অঙ্গে তেমন এড়া নেই।’ বললেন মল্লী সেন

নীবজা নিকটবে দাঁড়িয়ে রইলেন।

মল্লী সেন জিজ্ঞাসা কবলেন “কিছু চাই কি?”

‘না’

যদিও বিনা প্রয়োজনে মল্লী সেনের প্রসাধন কক্ষে নীবজার প্রবেশ কিছু একটা অভাবনীয় অঘটন নয় তবু মল্লী সেনের মনে হলো, উদ্ভটতা যথার্থ নয়।

নীবজা সমীপের পর্দিতাক্ত অস্মন ওয়াদ্রের ট্রান্সটার উপবেই চেপে বসলেন। খানিক চুপ কবে থেকে আবার বললেন, ‘মল্লীদি, তোমাকে একটা কথা বলব। ব্যগ কববে না, বল?’

মল্লী সেন জিজ্ঞাসা দৃষ্টিতে নীবজার পানে ঠাকালেন। কিন্তু নীবজা মল্লী সেনের দৃষ্টি থেকে মুখ ফিরায়ে নিয়ে নির্বাক বসে বইলেন কিছুক্ষণ। তাব পব আতঙ্কে হঠাৎ বলে উঠলেন, “আমাকে তুমি মেবে ফেলো না মল্লীদি।”

বিশ্ময়ে চক্ষু বিস্তারিত করে মল্লী সেন জিজ্ঞাসা কবলেন “মানে?”

চাঁচতে আসন থেকে উঠে এসে নীবজা নতজানু হয়ে মল্লী সেনের গত দৃষ্টি চেপে ধরলেন। বললেন, “মিস্টার ব্যকে তুমি আমার কাছ থেকে কেড়ে নিও না দেহাই তোমান, তাঁকে তুমি ছেড়ে দাও।”

সকাতব প্রার্থনার ভাবে কণ্ঠ তাঁব কবণ, দুর্দমনীয় আবেগে দেহ তাঁব কম্পিত মল্লী সেনের কোলের মধ্যে মাথা বেখে মিনতিপূর্ণ কণ্ঠে বাবংবার বলতে লাগলেন, ‘দয়া কব, আমাকে দয়া কর, মল্লীদি।’

স্বভাবতঃ শাস্তস্বভাব নীবজার এই অপ্রত্যাশিত আচরণে অভিভূত মল্লী সেনের যেন আর ব্যকশক্তি বইল না। কঠিন আঘাতে হতচেতন ব্যক্তির মতো তিনি নিশ্চল নিস্তব্ধ বসে বইলেন।

কিছুক্ষণের মধ্যে নীবজা আত্মসংবরণ কবে উঠে দাঁড়ালেন। আপন অঞ্চলে অক্ষিসিক্ত দুই চক্ষু

মার্জনা করে নিজের আসনে ফিরে গেলেন। মান্ন হেসে বললেন, “আমাকে নিশ্চয় পাগল ভাবছ। অন্যায় নয়। উদ্ভাদ না হলে এমন অসম্ভবের পানে আমি হাত বাড়াব কেন? কিন্তু আমার সব কথাও আজ তোমাকে শুনেতে হবে।”

চিত্রাঙ্গিতের মতো নিজীব মলী সেন বহু আয়াসে শক্তি সঞ্চয় করে উচ্চারণ করলেন, “বেশ, বল।”

নীরজা বিদূষী নয়। কথোপকথনেও তার তেমন দক্ষতা নেই। কিন্তু জগতে সত্য মাত্রেরই একটি অনাড়ম্বর অথচ অপ্রতিরোধ্য আবেদন আছে। অতি অকিঞ্চিৎকর কাহিনীও তার প্রভাবে হৃদয়স্পর্শী হয়ে ওঠে। নীরজার মুখে নিরলঙ্কার বর্ণনায় সত্যের সেই স্বজু, সহজ রূপটি তার সামান্য জীবন কাহিনীকেও একটি কমনীয় মাধুর্য দান করল।

কন্যা জন্মের পূর্বেই নীরজার পিতা লোকান্তরিত হন। তিন বছর বয়সে মাও মারা গেলেন। মামার বাড়িতে মানুষ নীরজা জ্ঞান হওয়া মাত্রই শুনেছে, সে দেখতে অত্যন্ত কুৎসিত, তার বিয়ে হওয়া দায়।

আশঙ্কাটা মিথ্যা নয়। তার গায়ের রঙ মিশ কালো, হাত দুটি সরু সরু, কপালটা মস্ত এবং দাঁতগুলি মারাত্মকরূপে অসমান। মামী বাগ কবে বলতেন, দিনের বেলায়ও নাকি নীবজাকে দেখে ছোট ছেলেরা আঁতকে উঠতে পারে।

কিন্তু বিয়ের দুর্ভাবনা দেখা দেওয়ার অনেক পূর্বেই মাতুল ও মাতুলানী গ্রামের মড়কে মল্লোলক থেকে পরলোকে পাড়ি দিলেন। একদল খ্রীস্টান মিশনারী এসেছিল ঔষধপত্র নিয়ে মহামারী নিবারণে। তাঁদের মধ্যে এক সম্ভানহীনা মহিলা নীরজাকে নিয়ে গেলেন কলকাতায়। তাঁরই অনুগ্রহে নীরজা ম্যাট্রিক পাশ করলেন। ততদিনে নীবজার বুদ্ধি হয়েছে। বুঝেছেন, কপহীনা মেয়েদের কপালে বর নিয়ে ঘর করা বস্তুবনা অল্প। তাই খেতে হয়।

কিন্তু চাকরীর বাজারেও স্টেনোগ্রাফার নির্বাচনে অফিসাবেরা স্পিডের সঙ্গে চান অস্ত্রতঃ চলনসই চেহারা। শিক্ষয়িত্রী নিয়োগেও স্কুল-কমিটি এম. এ. বি. টি-ব মুখ না দেখে ভর্তি করেন না। খ্রী জাতীয় পেশার মধ্যে বাকী থাকে নার্সিং। দু'বছর ট্রেনিং নিয়ে নীরজা নার্স হলেন।

বসন্ত দিনের পুষ্পবনে যখন প্রজাপতিব মেলা বসে, তখন পথের ধারে নামগোত্রহীন অনাদৃত ফুলের চার পাশেও নাকি ভ্রমরের আনাগোনা ঘটে। আশ্চর্য নয়। খ্রীহীনা নীরজার দুয়াবেও একদিন ভক্তের পুষ্পাঞ্জলি প্রসারিত হলো।

লোকটা হাসপাতালেরই একজন তরুণ ডাক্তার। তাঁর স্ত্রি শুনে নীরজার প্রথম জ্ঞান হলো, “তিনিও নারী; যুগযুগান্ত হতে পুরুষের আরাধনার ধন। ভুলে গেলেন, তিনি কুদর্শনা। মনে হলো, অনুরাগের চন্দনচিহ্নক ললাটে ধারণ করে জগতের সমস্ত কবিজনের কল্পলোক-বিহারিণী তিলোত্তমা, হেলেন ও ক্রিওপেট্রাদের রাজ্যে এই সামান্য নীরজারও একটি অসামান্য পরিচয় আছে।

তারপর একদিন পূজা হলো সাত্। পূজারী হলেন নিখোজ। স্বর্গলোকচ্যুত দেবী তাঁর মাটির মূর্তিতে ফিরে এসে চূর্ণ বিচূর্ণ হয়ে পড়লেন ধূগহীন, দীপহীন, ক্ষাভস্তব, স্তম্ভপাঠ, পরিত্যক্ত মন্দিরের শোকাবহ দীনতার মধ্যে। সেই কলঙ্কিত পরাভবের দূরপন্থে লজ্জায় নিজের কুরূপ নিজের কাছে দ্বিগুণিত কদর্যতায় আবার নতুন করে প্রকট হলো।

অক্রমোচন করে নতুন হাসপাতালে কর্ম সন্ধান করলেন নীরজা। সেখানেই একদিন এ্যাম্বুলেন্স বহন করে আনল বসন্ত রোগাক্রান্ত মরণোন্মুখ নিখিলকে। তার আরোগ্যের আশা মাত্র ছিল না কারো মনে।

এ-রোগে চিকিৎসার সুযোগ সামান্য। পরিচর্যাই প্রধান। প্রত্যহ শত শত পীড়িত লোক নিয়ে যাদের কারবার, তাদের কাছে কোন বিশেষ লোকের প্রতি সবিশেষ মনোযোগ প্রত্যাশা করা বৃথা। হাসপাতালে একজন নতুন রোগী আর একটি নতুন ‘কেস’ মাত্র। আর কিছু নয়। কেন যে এ-রোগীটির প্রতি নীরজার মনোযোগ আকৃষ্ট হলো, তা আজও তার কাছে অজ্ঞাত। ডয়াবহ ছোয়াচে ব্যাধির সমস্ত বিপদ অগ্রাহ্য করে প্রাণপাত পরিশ্রম ও পরিচর্যা দ্বারা নীরজা নিরাময় করে তুললেন নিখিলকে।

সে-খণ নিখিল জীবনে ভোলেন নি।

আরোগ্য্যন্তে নার্সদের পুরস্কার দেওয়ার রীতি নতুন নয়। সত্যি সত্যি প্রাণদান করেছেন যিনি, কৃতজ্ঞ নিখিল তাঁকে স্বীকৃত অঙ্কের চেক লিখে দিলেন। নীরজা সে টাকা মাথায় ঠেকিয়ে সমস্ত বাস্তব তুলে রাখলেন। মনে মনে প্রতিজ্ঞা কবলেন, কোনো দুর্দিনে এর একটি কপদিকও স্পর্শ করবেন না।

বাংলাদেশের পল্লী অঞ্চলে চৈত্রের খর রৌদ্রে বিশুদ্ধ জলাশয়ের কোন প্রান্তে যে কলমীলতার মূল সঙ্গোপনে লুকিয়ে থাকে, তা কেউ জানে না। নবীন আষাঢ়ের প্রথম বর্ষগেই সেই অদৃশ্য লতার নব পত্রোদগম ঘটে। নীরজাব হৃদয়েরও যে ভাবাবেগ একদা প্রবঞ্চনার অগ্নিদাহে নিঃশেষে ভস্মীভূত হয়েছে বলে তাব ধাবণা ছিল, অলঙ্কিত জলসিঞ্জন কখন যে তার আবার নতুন অঙ্কুর দেখা দিয়েছে, সে-সন-তারিখ তাঁব নিজেবও জানা নেই।

বেসডেন্ট ফিজিসিয়নের সঙ্গে ঝগড়া করে হাসপাতালের কাজ ছেড়ে দিতে হলো নীরজাকে।

খবর পেয়ে নিখিল এসে প্রস্তাব কবলেন, তাব অসুস্থ পিসীমাকে প্রত্যহ নিয়মিত দেখা শোনা কবাব। নীরজা বুঝলেন, পিসীমা উপলক্ষ মাত্র। লক্ষ্য, যতদিন তার অন্যত্র স্থায়ী কর্মসংস্থান না ঘটে ততদিন পরোক্ষে অর্থসাহায্য।

এ পক্ষেও টাকাটা গৌণ, মুখ্য নিখিলের সান্নিধ্য। মাইনে একবেলার, কিন্তু নীরজা দুবেলাই নিখিলের বাড়ি আসতে লাগলেন।

পিসীমার পবিচর্য্যাব প্রয়োজন সামান্য ছিল। দেখা গেল, রোগীব চাইতে সুস্থ লোকের প্রতিই নার্সের দৃষ্টি। যেন বেশী প্রখব। নিখিল দেখেন, আজকাল তাব আহাৰ্যে নিত্য নতুন ব্যঞ্জন, কমালে মনোহর সচীশিষ্ট, আলমবীতে হাতে বোনা সুদৃশ্য পুলোভার।

এক বন্ধু ডাক্তাব নতুন ক্লিনিক খুলেছিলেন। নিখিল সুপারিশ চিঠি দিয়ে নীরজাকে পাঠালেন তাঁর কাছে। নীরজা রাস্তায় চিঠিখানা খণ্ড খণ্ড করে ছিড়ে ফেলে দিলেন ডাস্টবিনে। পরদিন এসে নিখিলকে বললেন, ডাক্তাব আগেই অন্য নার্স নিযুক্ত কবেছেন। চাকরি খালি নেই আর।

ঐক্ৰিমতী গৃহিণীবা পাথবেব ঠাকুরবেব পূজা পূজন পরম নিষ্ঠায়। নানা উপচারে নৈবেদ্য সাজিয়ে ধবেন তাঁর সামনে। ঠাকুর প্রসন্ন হন, কিনা, কে জানে? নীরজার মনেও সংশয়ও জাগে। তার অর্থ্য কি সমস্তই বৃথা?

অবশেষে পাশাণেও চাকল্য দেখা গেল। বৈজ্ঞানিকেরা জানেন, সিস্মোগ্রাফ যন্ত্রে সহস্র যোজন দূরবর্তী ভূখণ্ডেব মৃদুতম কম্পনটুকু পর্যন্ত রেখাপাত করে। তার চাইতেও বহুগুণ স্পর্শকাতর তন্ত্রী আছে মানুষের হৃদয়ে। দৃষ্টির অগোচর সূক্ষ্মভিন্দ্রু পরিবর্তনের সামান্য আভাসটুকু পর্যন্ত ধরা পড়ে তাতে। নীরজা আবিষ্কাব কবলেন, ক্রাবেব প্রতি সম্প্রতি মনোযোগটা বৃদ্ধি পেয়েছে। সভয়ে অনুমান করলেন, আকর্ষণটা কেবলমাত্র তাস বা টেনিস বলের মতো নিজীব বস্তুর প্রতি নয়।

নিখিলের সহায়তায় ক্রাবে ভর্তি হওয়া নীরজাব পক্ষে কঠিন নয়। সেখানে প্রথম পদার্পণেই বৃথতে পারলেন, কোথায় আছে নিখিলের আনন্দের উৎস, কার হাতে আছে নীরজার মৃত্যুবাণ। অনুরক্ত নারীর চক্ষুকে ফাঁকি দেওয়া কঠিন। তার দৃষ্টি দূরবীক্ষণের মতো সজ্ঞানী, অণুবীক্ষণের মতো তীক্ষ্ণ।

নীরজার আত্মকাহিনী সমাপ্ত হলে মলী সেন কয়েক মিনিট অধোমুখে চূপ করে রইলেন। তারপর নিস্তব্ধতা ভঙ্গ কবে প্রশ্ন কবলেন, “তুমি কি আশা করো, মিস্টার রয় তোমাকে বিয়ে করবেন।”

বিদ্যুৎস্পৃষ্টের ন্যায় চমকিত নীরজা উত্তর দিলেন, “না। আমি জানি, সে কোনো দিন সম্ভব নয়।”

“তিনি তোমাকে ভালবাসেন?”

“জানিনে।”

“মিথ্যে কথা। পুরুষের ভালোবাসা টের পায় না এমন মেয়ে জগতে নেই। তুমি ভালো করেই জান, তোমার প্রতি তাঁর আকর্ষণ নেই।” দৃঢ় কণ্ঠে বললেন মলী সেন।

এক মুহূর্ত নীরব থেকে নীরজা বললেন, “হয়তো তোমার কথাই ঠিক।”

“তবে ?”

সত্যি তো, তবে ? এই তবের কোনো জবাবই নেই নীরজার। কী কামনা করেন তিনি ? কিসের প্রত্যাশা তাঁর ? কেন এই ঈর্ষাভারাক্রান্ত হৃদয়ের নিরন্তর আকুলি-বিকুলি ?

নীরজা বললেন, “মলীদি, যুক্তি দিয়ে তোমার প্রশ্নের উত্তর দিতে পাব না। সত্যি বলছি তোমাকে, এতদিন ভাবতেম আমার মনে ঝাপসা কিছুই নেই। জানতেম, মিস্টার রয় চিরকাল একলা থাকবেন না। একদিন তাঁর ঘরে সত্যিকার গৃহকর্ত্রী আসবে ; মাইনে-করা নার্সের নকল গৃহিণীপনার আর প্রয়োজন থাকবে না। সে দিন দুঃখ করব না। যথার্থ অধিকারীর হাতে আমার গায়ে-পড়া দায়িত্বভার তুলে দিয়ে সহজ-ভাবেই আমি বিদায় নেব। কিন্তু সম্প্রতি বুঝেছি, সে সমস্তই ভ্রান্তি। বুঝেছি নিজের মনকেও মানুষ সব সময়ে ঠিক বুঝতে পারে না।”

মলী সেন মুরুব্বীয়ানাব ভঙ্গিতে বললেন, “সে-জন্যই আত্মবিলেখণের প্রয়োজন।”

নীরজার কানে এ কথা আদৌ প্রবেশ করল কি না সন্দেহ। তিনি আপন বক্তব্যেই অনুবৃত্তি করে বলতে লাগলেন, “কতদিন কল্পনা কবে আত্মপ্রসাদ লাভ করেছি যে, যতটুকু পাওয়া সম্ভব, তার বেশীতে আমার লোভ নেই। বাস্তবের প্রথম আঘাতেই সে ভুলেব ঘোর ভেঙেছে। যাকে আমার হাতে পাইনি, তাঁকে তোমাব হাতে হারাবার শঙ্কাতে আজ আমি অস্থির। বুঝেছি, নাটক উপন্যাসের মহীয়সী নায়িকাব মতো নিঃস্বার্থ প্রেমের গৌরব ঘোষণা কবা আমার সাধ্য নয়। যে বলে, ভালোবেসেই সুখী, প্রতিদানেব প্রত্যাশা বাখিনে, মলীদি, সে মেয়ে আমি নই।”

মলী সেন এমন সতেজ-সম্পৃষ্ট স্বীকারোক্তির জন্য প্রস্তুত ছিলেন না। বিস্মিত হয়ে প্রশ্ন করলেন, “তুমি কী চাও !”

“আমি মন দিতে চাই, মন নিতে চাই।”

মলী সেন কিছুটা বিদ্রূপ কিছুটা বা যুদ্ধের ভঙ্গিতে জবাব দিলেন, ‘বটে ? কিন্তু মাই ডার্লিং, ভালোবাসা তো ক্রিসমাস প্রেজেন্ট নয়। সান্টাক্লস তা কারো জন্য বয়ে আনে না। সেটা জয় করার ধন ; ভিক্ষে করার নয়।’

“আমি বুঝেছি। কিন্তু তোমার এ চ্যালেঞ্জের কোনো বাহাদুরী নেই, মলীদি। প্রতিদ্বন্দ্বিতা চলে সমানে সমানে। তুমি আর আমি কি এক ? তোমার অসামান্য কপ, তোমার প্রখর বুদ্ধি, তোমাব অগাধ ঈর্ষা। তোমার সমস্ত সামাজিক প্রতিপত্তি ও প্রতিষ্ঠা নিয়ে তুমি দাঁড়িয়েছ অর্থাৎ কুকণা, কুলহীনা, বিত্তহীনা, নগণ্য এক নারীর বিক্ষেপে ; এ যে মোহনবাগানের সঙ্গে নেবুতলার মণ্ড। এই জয়ের বড়াই কর তুমি ? ধিক !”

মলী সেন ডেসিং টেবিলের উপরে ঘড়িটার পানে তাকিয়ে বললেন, “অভিনয় শুবু হওয়ার আর বেশী দেরী নেই। আমাকে তৈরী হতে হবে, নীরজা। এ প্রসঙ্গ থাক। সেকালে স্বামী নিয়ে ঝগড়া হতো সতীনে সতীনে। কিন্তু একালে সখা নিয়ে কলহ চলে না কারো সঙ্গে। অন্ততঃ নার্সের সঙ্গে তো নয়ই।”

কঠিন অপমানের তীব্র আঘাতে মুহূর্তের জন্য নীরজার সমস্ত দেহ যেন অসাড় হয়ে গেল। চোখে অন্ধকার দেখলেন। দুহাত দিয়ে ওয়াডোব-ট্রাঙ্কটাব প্রান্ত দুটি সবলে চেপে ধরে কোনমতে যেন নিজেকে পতন থেকে রক্ষা করলেন। কিছুক্ষণ পরে উঠে দাঁড়িয়ে বললেন, “তুমি আমাব চেয়েও অযোগ্য, তোমাকে ঈর্ষা করবো না, করুণা করব।”

ধীর, শান্ত, সংযত পদক্ষেপে কক্ষ থেকে নিজাস্ত হলেন নীরজা। দীনার মতো সঙ্কোচে নয়, রাগীর মতো সন্ত্রমে।

“এ কী, আপনি এখানে ?”

প্রশ্ন শুনে শিবনাথ পিছনে তাকিয়ে দেখলেন সত্যসিদ্ধ। একটু হেসে বললেন, “অবাক হচ্ছেন কেন ? এখানে কি আমার অনধিকার প্রবেশ ?”

সত্যসিদ্ধও পরিহাসতরল কণ্ঠেই বললেন, “তা জানিনে। তবে আপনাকে ঠিক প্রত্যাশা করি নি। রেসকোর্সে কি কেউ পাত্রীদের দেখবে আশা করে বা স্টক এক্সচেঞ্জে স্বামীজিদের ?”

শিবনাথ বললেন, “সে কি কথা ? আপনি কি এখনও আজকের বিশ্ববাস্তা দেখেন নি ? প্রচারসচিব সুরেন লাহিড়ী শুনতে পেলে যে আপনার আর মুখদর্শন করবেন না।”

“বটে ? লাহিড়ী তাঁর প্রচার পত্রিকায় আপনাকে আজকের অভিনয়ে প্রধান অভিনেতা বলে উল্লেখ করেছে নাকি ?”

“না,—অতখানি জলজ্যাস্ত মিথ্যা বোধ হয় তাঁর কলমেও আটকায়। বলেছেন,—প্রয়োগকর্তা।”

“ক্ষুণ্ণ হবেন না। নিয়ম রক্ষার জন্য ওটা দরকার। জানেন তো, আমাদের ছেলেমেয়ের বিয়েতে নিমন্ত্রণ পত্রে নিবেদকের নাম দিতে হয় বাড়ির সকলের ব্যোজ্যেষ্ঠ ব্যক্তির, যদিও হয়তো সরিকী ঝগড়ার ফলে অন্য সময়ে তাঁর সঙ্গে মুখ দেখা-দেখি পর্যন্ত বন্ধ।” সত্যসিদ্ধ হাস্য করলেন।

শিবনাথও না হেসে পারলেন না। একটু থেমে বললেন, “নাটকে আপনার পাট কি, ডাক্তার ঘোষ ?”

সত্যসিদ্ধ জবাব দিলেন, “একমাত্র বিদ্যকের ভূমিকা ছাড়া কিছুতেই আমাকে মানায় না। কিন্তু মুশ্বিল হয়েছে এই যে, আজকাল নায়কেবাই বিদ্যকেব মত আচরণ করে। তাই আলাদা করে নাটকে ও-পাটটা আর থাকে না।”

শিবনাথ হেসে জিজ্ঞাসা করলেন, “তা হলে আপনি আমারই দলে, শুধু দর্শক।”

সত্যসিদ্ধ আধা পরিহাস ও আধা গাভীরের স্বরে বললেন, “দর্শক সে-কথা ঠিক। তবে আপনার সগোত্র বললে বোধ হয় সত্যের অপলাপ হবে।”

“কেন ?” বিস্মিত কণ্ঠে জিজ্ঞাসা কবলেন শিবনাথ।

“আসলে আপনিও অভিনেতাদেরই দলে। আজকের নাটকের কুশীলবদের সঙ্গে আপনার তফাৎ শুধু এই যে, যবনিকা পতনের সঙ্গে সঙ্গেই তাদের পালা শেষ। আপনার পালা চলছে অহোরাত্র। না, শিবনাথবাবু। আপনার অদৃষ্টকে ঈর্ষা কবিনে। গ্রীণ রুমটা স্টেজের সঙ্গেই ভালো। সেটাকে সত্যিকার জীবনে টেনে আনলে দুগতির আব সীমা থাকে না। ও কী ? হঠাৎ গভীর হয়ে উঠছেন যে ! না, না আমার কথায় অনাবশ্যক গুরুত্ব দেবেন না যেন। ও-সব আমার স্বগতোক্তি মাত্র। কিন্তু এখানে দাঁড়িয়ে থেকে যে আমরা মঞ্চশিল্পী বটেজ সাজানোর ব্যাপারে বড়ই অসুবিধা ঘটচ্ছি। চলুন, এ দিকটায়।”

বীরেশ্বর এসে বললেন, “মিসেস সেন, আমি একটু আমার বাড়ি থেকে ঘুরে আসছি।”

মলী সেন বললেন, “অভিনয় শুরূ হতে আর আধ ঘণ্টাও বাকী নেই। এখন বাড়ি যাচ্ছেন কী রকম ?”

“অভিনয়ে আমার যা কাজ তা সবই শেষ হয়েছে।”

“শুধু সিন, সিনারি আঁকা শেষ হলেই আট ডিরেক্টরের কাজ ফুরায়, ভেবেছেন বুঝি ?”

“সেগুলি যাতে ঠিক মতো যথাসময়ে ব্যবহার হয়, তার ব্যবস্থাও করেছে। প্রথম দৃশ্যের জন্য স্টেজ সেট করাই আছে। পরের দুটো দৃশ্যের সাজ সরঞ্জামও জড়ো করা হয়েছে। এখন যবনিকা তুললেই হয়।”

মলী সেন মাথা নেড়ে বললেন, “না হয় না ! আপনি নিজে সর্বক্ষণ সামনে দাঁড়িয়ে না থাকলে দেখবেন কোন কিছুই নির্ভুল হবে না।”

এ বিষয়ে অবশ্য বীরেশ্বরের মনেও কিছুটা শঙ্কা ছিল। যদিও তিনি সহকর্মীদের পুঙ্খানুপুঙ্খরূপে নির্দেশ দিয়ে যাচ্ছেন, তবুও তাঁর ভয়, হয়তো পটোশোলনের পরে দেখা যাবে, কুঞ্জবনের দৃশ্যে রাজপথের চিত্র, অথবা রাজসভার দৃশ্যে জলের প্রস্রবণ। বললেন, “আমি সেই কাল বিকেল থেকে এখানেই আছি। এখন একবার বাড়ি না গেলে—”

“আপনার স্ত্রী ভাববেন যে, হয় হারিয়ে গেছেন, নয়তো ছেলেধরায় ধরেছে !” কৌতুকমিশ্রিত কণ্ঠে মন্তব্য করলেন মলী সেন।

বীরেশ্বর হেসে বললেন, “না, তা ঠিক নয়। তবে স্ত্রীর কারণেই বাড়ি যেতে হচ্ছে সেটা ঠিক।”

“ব্যাপার কী ?”

“তাকে অভিনয় দেখতে নিয়ে আসতে যাচ্ছি।”

“সেজনা আপনার যাওয়ার প্রয়োজন কী ? আমি একুশি গাড়ি পাঠিয়ে দিচ্ছি।”

“না, গাড়ি পাঠালে হবে না। আমিই যাব।”

“কেন বলুন তো ?”

একটু ইতস্ততঃ করে বীরেশ্বর বললেন, “সুবালা, মানে আমাব স্ত্রী, একটু—ইয়ে—যাকে বলে রিজার্ভ। আমি নিজে সঙ্গে করে নিয়ে না আসলে হয়তো আসবেনই না।”

মলী সেন জানেন, মঞ্চসজ্জার সমুদয় আয়োজন একেবারে ট্রুটিলেশন না হওয়া পর্যন্ত বীরেশ্বরের ক্ষান্তি নেই। তাঁর দিক থেকে অভিনয়েব সমুদয় ব্যবস্থা সম্পূর্ণ না করে তিনি স্টেজ থেকে একদণ্ডও অন্যত্র যাবেন না। সুতরাং কিছুক্ষণের জন্য বীরেশ্বরের অনুপস্থিতিতে মলী সেনের বিশেষ আপত্তি ছিল না। তিনি বীরেশ্বরের অনুবোধে সম্মত হতে যাচ্ছিলেন। কিন্তু বীরেশ্বরের স্ত্রীর উল্লেখ মাত্রই মলী সেনের মত পবিবর্তন ঘটল।

সুবালাকে তিনি কখনও দেখেন নি। তাঁর সম্পর্কে কিছু জানেনও না, তবুও মলী সেনের মনে হলো, এই অজ্ঞাত, অপরিচিত মহিলাটি অন্তবালে থেকে অপ্রভেদী ঔদ্ধত্যে তাঁকে যেন দ্বন্দ্ব আস্থান করেছে। বীরেশ্বরের গতিবিধি নিয়েই যেন দু’পক্ষের ক্ষমতার পরীক্ষা। বীরেশ্বরকে এই দণ্ডে বাড়ি যাওয়া থেকে নিবৃত্ত না করতে পাবলেই যে এই টেস্টে মলী সেনের ইনিংস ডিফিট ! তিনি শঙ্ক হয়ে বললেন, “কিন্তু এখন তো আপনার এখন থেকে নড়া সম্ভব নয়, বীরেশ্বরবাবু।”

“আমার বেশী বিলম্ব হবে না। আমি ট্যান্ডি নিয়ে যাচ্ছি। খুব সম্ভব অভিনয় শুক হওয়াব আগেই ফিরে আসতে পাবব।”

“আমি জানি, পারবেন না। কিন্তু আপনি যখন মন স্থিরই কবে ফেলেছেন তখন আব এ নিয়ে তর্ক করে কী ফল ?”

বীরেশ্বর সঙ্কুচিত হয়ে বললেন, “একান্ত প্রয়োজন না হলে আমি কখনও, আপনি বিশ্বাস করুন—”

বিরস কণ্ঠে বললেন মলী সেন, “বিশ্বাস অবিশ্বাসের কথা এর মধ্যে কী আছে, বীরেশ্বরবাবু ? আর এত অনুরোধ উপরোধেরই বা প্রয়োজন কী ? আমি স্কুলের হেডমাস্টারও নই, এখানে কেউ আমার মাইনে করা কর্মচারীও নয় যে, আমার অনুমতি না নিয়ে তারা কোথাও যেতে পারবে না। এই সাহায্য রজনীর উদ্যোগ করছে আমি। নিমন্ত্রিত, অভ্যাগত ও দর্শকদের কাছে ভালো-মন্দ জবাবদিহির দায়ও আমারই। আপনারা দয়া করে আমাকে সাহায্য যতটুকু কবেছেন, ততটুকু আপনাদের মহত্ব। তার চেয়ে বেশী প্রত্যাশা করাটাই ভুল।”

স্পষ্টই বোঝা গেল, মলী সেন অত্যন্ত ক্ষুণ্ণ হয়েছেন।

বিশ্বয়ের কিছুই নেই। বেচারী আজ মাসখানেক ধরে এই অভিনয়ের জন্য কী কঠোর পরিশ্রমটাই না করেছে। কোনো কারণে অভিনয় যদি শেষ পর্যন্ত সার্থক না হয়, তবে সমস্ত ব্যর্থতার লজ্জা তো তাঁরই। মঞ্চসজ্জা নিয়ে তাঁর এই উৎকণ্ঠা তো স্বাভাবিক।

বীরেশ্বর হৃদয়ঙ্গম করলেন। অন্ততঃ হয়ে বললেন, “আমার অনায়াস হয়েছে, মিসেস সেন। অভিনয় শেষ না হওয়া পর্যন্ত স্টেজ থেকে আমি নড়ছি না। আপনি নিশ্চিন্ত থাকুন, অন্ততঃ মঞ্চসজ্জার দিক থেকে অভিনয়ে যুঁত থাকতে দেব না।”

বাস্। আউট। একটি ইন-সুইকারে সুবালার লেগ স্টাম্প উড়িয়ে দিয়েছেন মলী সেন। ঝুশি হলেন। কিন্তু মনোভাব সম্পূর্ণ গোপন করে কিছুটা উষ্মগের ভঙ্গিতে বললেন, “কিন্তু আপনার স্ত্রী যদি আপনি না গেলে সত্যি না আসেন, তবে তো—।”

“আমি একবার তাঁকে টেলিফোন করার চেষ্টা দেখিগে।”

প্রস্থানরত বীরেশ্বরের পানে তাকিয়ে সদ্য জয়লাভের আনন্দে পুলকিত হয়ে উঠলেন মলী সেন। মৃদুকণ্ঠে একটা গানের কীলি গুনগুন করতে করতে পুনরায় প্রসাধন শুরু করলেন। গভীর আত্মপ্রসাদের সঙ্গে মনে মনে বললেন, “যে কোনো পুরুষ মানুষকে দিয়ে যা ইচ্ছে করতে পারি আমি। হ্যাঁ, যা ইচ্ছে তাই-ই। তর্জনী সঙ্কেতে যদৃচ্ছা চালনা করতে পারি তাঁকে।”

ড্রেসিং টেবিলের আয়নায় আপনার অপরূপ দেহলাবণ্যের দিকে তাকিয়ে সগর্বে ভাবলেন মল্লী সেন, তিনিই সেই অনন্যা নারী, রূপকথার রাজপুত্রেরা যার কমল নয়নের প্রসাদ যাচঞা করে অনায়াসে প্রাণ বিসর্জন করেছে দুঃসাধ্য সাধনে। বেদপুরাণের যোগীঋষিরা যুগযুগান্ত ধরে অর্জিত তপস্যার ফল নিমেষে ভালি দিয়েছে যার চরণে। নগণ্য সুবালা! তাঁর জন্য অবজ্ঞামিশ্রিত কাকুণ্য বোধ করলেন মল্লী সেন।

পদশব্দে মল্লী সেন পিছনে তাকিয়ে দেখলেন,—সত্যসিদ্ধ।

অপ্রত্যাশিত। কিন্তু অনাকাঙ্ক্ষিত নয়। মন খুশিতে ভরা ছিল, তারই প্রকাশ ঘটল অতর্কিত। স্নিগ্ধ হাস্যে সূরের রেশ টেনে বললেন, “কেন এলে মোব ঘরে আগে নাহি বলিয়া?”

সত্য জবাব দিলেন, “ক্রটি স্বীকার করছি। কিন্তু শঙ্কিত হয়ো না। প্রণয় নিবেদন করতে আসি নি।”

আনন্দের যে-জ্বাল বুনেছিলেন মল্লী সেন এতক্ষণে নিজের মনে মনে, মুহূর্তে সে খানখান হয়ে ছিড়ে নষ্ট হয়ে গেল।

আহত কণ্ঠে বললেন, “তা জানি। কিন্তু যদি আসতেই, তাতেই বা এমন অগৌবব ছিল কী? বমণীব মন, সহস্র বর্ষেরই সখা সাগনার ধন। ‘সঞ্চয়িতা’খানা আনতে বলব কী?”

“থাক, দবকাব হবে না। স্মৃতিশক্তি সমস্তটাই এখনও লোপ পায় নি। কিন্তু আমি তো উত্তরাযণ ব’ শ্যামলীতে বসে পঁচিশ ভল্যুম রচনাবলী লিখতে পারিনে। আমি সাধারণ মানুষ। জীবনদেবতার চাইতে জীবনসঙ্গিনীর প্রতি আমার বেশী লোভ। ভুমার চাইতে ভূমিকে আমি অধিকতর সত্য মনে করি। তাই এ্যাডমায়ারার প্লেটে ‘অলসো রান’-এর সংখ্যা বাড়তে আমার প্রবৃত্তি নেই।”

ম্লান হেসে মল্লী সেন বললেন, “কোনো কিছুই একেবারে ষোল আনা স্বদে না পেলে তোমার মন ওঠে না। মনোভাবের দিক দিয়ে তুমি হচ্ছে একজন ঝানু ক্যাপিটালিস্ট। হেনরী ফোর্ড বা জি. আর্. ডি-টটার সগোত্র। আর যাই হোক সিদ্ধ, তুমি আধুনিক নও।” কথার শেষের দিকে তাঁর গলার স্বর কৌতুকে লঘু চপল হয়ে উঠল।

অনুরূপ পরিহাসতরল কণ্ঠে সত্য জবাব দিলেন, “সানন্দে স্বীকার করছি, আমি আনধুনিক। প্রেমের ক্ষেত্রে প্রাইভেট ওনারশিপই আমাব পছন্দ। হৃদয়বেগের আশ্রয়লাইজেশানে আমার বিশ্বাস নেই। কিন্তু এসব বৃহৎ তত্ত্বকথার আলোচনা আপাততঃ থাক। আমি একটা বিশেষ প্রয়োজনে এসেছি। না, ঘড়ির দিকে তাকাতে হবে না। আমি কয়েক মিনিটের বেশী সময় নেব না। শুধু কয়েকটা প্রশ্ন জিজ্ঞাসা করব।”

মল্লী সেন জিজ্ঞাসু নেত্রে তাঁর পানে তাকালেন।

সত্য এক মুহূর্ত ইতস্ততঃ করে বললেন, “বিষয়টা আমার পক্ষে একটু সঙ্কোচের, ইংরেজীতে যাকে বলে এস্কেসিসিং। শুনে তুমি যদি অনধিকারচর্চা বলে থামিয়ে দিতে চাও, তা’হলেও আমি অভিযোগ করব না।”

“ভূমিকা তো হলো। এবার বলো।” বললেন মল্লী সেন।

“প্রশ্নটা মিস্টার ব্যানার্জী—শচীন সম্পর্কে।”

মল্লী সেন দৃষ্টি নত করে বললেন, “কী জানতে চাও?”

ঠিক সে প্রশ্নের জবাব না দিয়ে সত্য বললেন, “সাধারণতঃ অন্য লোকের বিষয় নিয়ে মাথা ঘামানো আমার স্বভাব নয়। চরকা নিজের থাকলে তাতেও তেল দিতেম কি না সন্দেহ, পরেরটা তো দূরের কথা। কিন্তু শচীনের ব্যাপারটার দিকে চোখ বুজে থাকতে পারছি। তার মা আমার দূর সম্পর্কে বোন। তাঁকে তুমি কখনও দেখেছ?”

“না। তবে তাঁকে আজ আমাদের অভিনয় দেখার নিমন্ত্রণ করেছে। হয়তো আসবেন।”

“খুব সম্ভব আসবেন না। সংসারে এসব আনন্দ উৎসবের আসরে কখনও কোথাও তাঁকে দেখেছি স্মরণ হয় না। শচীন তোমাকে তাঁর কথা কী বলেছে?”

“বিশেষ কিছু নয়। শুধু এই যে ভগবানে তাঁর অগাধ বিশ্বাস, আর ছেলের উপরে অসীম স্নেহ।”

“পুত্রস্নেহ কোন মায়ের কম? কিন্তু এই মহিলা যেন অন্য সকল মায়ের চাইতেও বেশী মা। জীবনে বহু দুঃখ পেয়েছেন তিনি। সে জনোই আমার ভয়।”

“কিসের ভয়?”

“বিধবা বুঝি বা তাঁর সর্বশেষ আশা ও অবলম্বন একমাত্র ছেলের দিক থেকেও যা খান।”

এক মুহূর্ত চিন্তা করে মলী সেন বললেন, “অর্থাৎ সাদা কথায়, ভয় আমাকে?”

সত্যসিদ্ধু সহানুভূতিপূর্ণ কণ্ঠে বললেন, “নিজের অজ্ঞাতেও আমরা অনেক সময়ে অপরের দুঃখের কারণ হই। অনিচ্ছাকৃত ক্ষতিসাধনের দৃষ্টান্তও পৃথিবীতে কম নেই। সে-বার আমাদের পাড়ায় দেওয়ালীর রাতে দূরবর্তী এক ছাদ থেকে জ্বলন্ত বাজির একটা শুল্কিত ছিটকে এসে একটা বড় বস্তিকে ঘণ্টাখানেকের মধ্যে পুড়িয়ে ছাই করে দিল। কত দরিদ্র হলো গৃহহীন, কত দুঃস্থ হলো সর্বস্বান্ত। অথচ যারা বাজি পোড়ানো তাদের মনে তো কোনো দূরভিসন্ধি ছিল না।”

মলী সেন বললেন, “সিদ্ধু তুমি যা বলতে চাও সোজা করেই বল। কোদালকে কোদাল বললে বুঝতেও সহজ, চিনতেও কষ্ট নেই। সাধু ভাষায় খনিত্র নাম দিয়ে তাকে অনাবশ্যক রহস্যময় করে তুলো না।”

সত্য বুঝলেন, তর্কে অবতীর্ণ হচ্ছেন মলী সেন। পুরাতন স্মৃতি মনে পড়ল। কতদিন কত বিষয় নিয়ে সুদীর্ঘ আলোচনা হয়েছে তাঁদের। প্রথমে মলী সেনের বুদ্ধি, তীক্ষ্ণ তাঁর অনুভূতি, অসাধারণ তাঁর বাকনৈপুণ্য, জোরালো তাঁর যুক্তিজাল। তর্কে তাঁকে সহসা পরাজিত করা কাবো পক্ষে সহজ নয়।

নিজেও প্রস্তুত হয়ে বললেন, “বেশ, তাই বলছি। শচীনকে তুমি মুক্তি দাও।”

বটে! এও তো সেই, “আমাকে দয়া কর মলীদি”রই ঈষৎ পরিবর্তিত ভাষণ—রিভাইজন্ড ভার্শন। মেয়েলী অনুনাসিক কান্নারই পুরুষালী পুনরাবৃত্তি! অসহ্য!

নিজের মনে মনে মলী সেন নীরজার সেই অবজ্ঞাভরে প্রস্থানের অপমানে নিরন্তর দম্ব হচ্ছিলেন। তাই ক্রোধে উদ্দীপ্ত হয়ে উঠলেন। অগ্নিশ্রাবী দুই চক্ষু সত্যসিদ্ধুর পানে তুলে ধরে জিজ্ঞাসা করলেন, “মুক্তি? কার কাছ থেকে?”

“মিথ্যা থেকে, অলীক স্বপ্নবিলাস থেকে, তার আপন মোহপাশ থেকে।” উত্তর করলেন সত্য।

মলী সেন এব জন্য প্রস্তুত ছিলেন না। নম্র স্বরে বললেন, “শচীনকে আমি পছন্দ করি, এ যেমন মিথ্যা নয়, আমাকে তার ভালো লাগে এও তেমনি সত্য। একে অস্বীকার করতে চাও তুমি?”

“না, চাইনে। কিন্তু সংসারে ভালোলাগা নিয়ে বিপদ বাধে না। কারণ তার তো কোনো দায় নেই। যত গোল ভালোবাসা নিয়ে। তার দাবী যে অফুরন্ত। তোমার কথা ভাবিনে। তুমি চিরকাল দোরকেই ঘর ভেবে আনন্দ পাও। তোমার ভুল ভাঙবার চেষ্টা বৃথা। দুঃখ হয় শচীনের জন্য।”

খোঁচাটা মলী সেনকে যথেষ্টই বিধল। কিন্তু সে নিয়ে কলহ না কবে জিজ্ঞাসা করলেন, “কারণ?”

“কারণ, সাগর-তরঙ্গ তো ক্যানিউটের আঙ্গা মেনে চলে না। শচীনের ভালোলাগার স্রোত তো তোমার ভালোলাগার সরু ধরা-বাঁধা খাদ বেয়েই চিরকাল বইবে না। কবে, কখন যে সে ক্ষীণ ধাবা হ্রদয়ের একুল-ওকুল-দুকুল ছাপানো প্রাবনে ভালোবাসার বিবটি সমুদ্রে পবিত্র হবে, হতভাগ্য তা জানতেও পারবে না। তারপরেই শুরু হবে আশাভঙ্গের পালা।”

“কিন্তু আশা যদি হয় অসম্ভবের তবে মনস্তাপ থেকে তাকে ঠেকাবে কে? শচীন চায় আমাকে বিয়ে করতে।”

“কী বললে?” বিষ্ময়ে প্রায় চাঁচিয়ে উঠলেন সত্যসিদ্ধু। নিজের কানকে যেন বিশ্বাস করতে পারেন না।

“হ্যা, কাল সন্ধ্যাবেলা সে রীতিমতো ফর্মালী প্রপোজ করেছে। পাগল আর কাকে বলে?”

মিনিট কয়েক দু'জনেই চুপ করে রইলেন। সত্যসিদ্ধ মনে মনে বোধ হয় সমস্ত বিষয়টা পর্যালোচনা করলেন। নিস্তব্ধতা ভঙ্গ করে অনেকটা অর্ধ-স্বগতোক্তির মতো বললেন, “না, এতটা আমিও ভাবতে পারি নি। ব্যাড, অফুলি ব্যাড।”

“আমাকে কী করতে বল?”

“শচীনকে বিয়ে করতে বলি না নিশ্চয়। না, পরিহাসের বিষয় বা সময় এটা নয়। কিন্তু পরামর্শ দেওয়ার কালও উত্তীর্ণ হয়ে গেছে। ক্ষতি যা ঘটান তা ঘটেছে।”

মলী সেন আহত হলেন।

কথা বলার ভঙ্গিটা দেখ না একবার। ক্ষতি ছাড়া কারো কোনো ভালো করেনি নি যেন তিনি কোনো দিন। ক্লেষের সঙ্গে বললেন, “মন্দ ছাড়া আমার কাছে তুমি আর কী আশা কর? কিন্তু জান, এই মন্দ মলী সেনের জন্যই তোমাদের শচীন ব্যানার্জী একদিন আন্দামান বা জেলের হাত থেকে বেঁচেছে?”

“সে কী?”

“হ্যা, সে মিশেছিল সন্ত্রাসবাদীদের দলে। বোমা তৈরী করে দেশ স্বাধীন করার মতলবে। সেখান থেকে তাকে সরিয়ে আনলে কে? স্বদেশী ডাকাতিতে পুলিশের হাতে ধরা পড়ে নি, সে কার অনুগ্রহে? খোঁজ রাখ তার? একবার বরং তাকেই জিজ্ঞাসা করে দেখো।”

বিস্মিত সত্য অনুরোধ করলেন, “সবটা খুলে বলো তো, শুনি।”

ব্যাপারটা সংক্ষেপে এই,—

সেবার পূজার ছুটিতে কলকাতা থেকে শিলং যাচ্ছিলেন মলী সেন। স্বামী শিবনাথ সোজা দোকান থেকে স্টেশনে এসে ট্রেনে উঠবেন, কথা ছিল। কিন্তু শেষ মুহূর্তে গাড়ি ফেল করলেন। বিজ্ঞাত কবা কম্পার্টমেন্ট একা শুয়ে ঘুমুচ্ছিলেন মলী সেন। ইঠাৎ পিস্তলের আওয়াজ ও যাত্রীদের আতর্জনাদে জেগে উঠে দেখেন, গাড়ি নিশ্চল, বাইরে অন্ধকার এবং ভিতরে মানুষের অস্পষ্ট ছায়া।

আলোব সুইচ টিপতেই চোখে পড়ল, দবজাব কাছে মেঝেতে একটি যুবক। দীর্ঘ, বলিষ্ঠ দেহ। উঠে দাঁড়াবাব চেষ্টা কবে বাব বাব পড়ে যাচ্ছে। মলী সেনকে বলল, “আপনি ভয় পাবেন না। আমবা টেবিস্ট। পাশেব কামবায় মারোয়াড়ীব সঙ্গে হাজাব কুড়ি টাকা অ'ছে খবর পেয়েছিলাম। অন্ধকারে ভুল কবে আপনাব গাড়িতে উঠে পড়েছি। আমার সঙ্গীরা শিকল টেনে পালিয়েছে। আমি তাড়াতাড়িতে গাড়ির জানালা দিয়ে লাফাতে গিয়ে পা ভেঙে ফেলেছি। নড়তে পারছিনে। যাক, এক্ষুণি লোকজন এসে পড়বে। আশা কবি, কাঁধে করেই বয়ে নিয়ে যাবে থানায়। পায়ে হেঁটে আব কষ্ট কবতে হবে না।” বলে সে মৃদু হাস্যের চেষ্টা করল।

বিশিষ্ট চেহারাব মতো কোনো কোনো মানুষের হাসিরও একটা আলাদা জাত আছে। অন্য আর পাঁচজনের চাইতে তা এতই স্বতন্ত্র যে, একবার দেখলেই তা ব্রোমাইড পেপারের গায়ে ফটোগ্রাফের রেখার মতো মনেব ফলকে দাগ কেটে বসে। বিস্ময়ে হতবাক, ভীত, সচকিত মলী সেনও তরুণ বিপ্লবীকে তার হাসি থেকেই চিনলেন।

মনে পড়ল, বছরখানেক আগে এক এগজিভিশনের দরজায় মোটর থেকে নামতেই চাঁদার বাজ্র এগিয়ে ধরেছিল একটি যুবক তাঁর সামনে। হাতের ব্যাগ খুলে একটা টাকা দিতে যাচ্ছিলেন। যুবকটি বাধা দিয়ে গম্ভীরভাবে বলল, “মাত্র এক টাকা দিচ্ছেন যে? দশ টাকার নোট বের করুন।”

এ কী রকম চাঁদা সংগ্রহের রীতি রে বাপু! এ তো প্রার্থনা নয়, এ যে হুকুম!

কৌতুক বোধ করে মলী সেন জিজ্ঞাসা করলেন, “আপনি চাঁদা কুড়োতে এসেছেন, না, ইনকাম ট্যাক্স আদায় করতে এসেছেন?”

কিছুমাত্র অপ্রতিভ না হয়ে সহাস্যে জবাব দিল যুবক, “হ্যা, ট্যাক্স বললেও ক্ষতি নেই। ফনশেল্‌ট্যাক্স। যাদের শোষণ-করা-পয়সায় বড়মানুষি করে বেড়াচ্ছেন, সেই গরীবদের জন্য মাঝে মাঝে কিছু দেওয়াকে দান ভেবে গর্ব বোধ করবেন না। বরং নিজেদেরই বিবেক শাস্ত রাখার একটা

সুযোগ পাচ্ছেন মনে করে কৃতজ্ঞ থাকবেন। এ তো ভিক্ষা দিচ্ছেন না; প্রায়শ্চিত্ত করছেন।”

কথাগুলি শ্রুতিকটু। ভাষাটাও খুব কটিকর নয়। কিন্তু প্রকাশ্য বাজপথে দাঁড়িয়ে একজন অজ্ঞাতকুলশীল চাঁদাপ্রার্থীকে সঙ্গে বাদ প্রতিবাদে ব্যাপ্ত হতে যে কোনো সম্ভ্রান্ত মহিলারই সম্মানে বাধে।

কোন কথা না বলে মলী সেন অবজ্ঞার সঙ্গে একখানা নোট ফেলে দিলেন চাঁদাব ব্যাঙ্কে। ফুঃ। এমন কত দশ টাকা কত সময়ে এখানে ওখানে হাবিয়ে যায় মলী সেনের

চাঁদা যে নিল সে ক্রোধে ও বিবাক্তিতে আবক্ত মলী সেনের মুখের পানে চেয়ে শুধু একটু হেসে বলল, “ধন্যবাদ।”

সে হাসিতে না ছিল শ্লেষ, না ছিল অনুকম্পা, না ছিল অভিযোগ। সকাল বেলায় শিরাবৈ শেখা প্রস্তুতিতে গঙ্গাবাজের ষ্ঠেত পাপড়ির মতো সে হাসিটি নির্মল। সম্ভ্রান্তবেলায় নির্মেষ আকাশে প্রথম তারারিট মতো স্নিগ্ধ। মলী সেনের মন থেকে অনেক দিন তা মোছে নি।

ট্রেনের বাইরে বেলের লোকজনের ব্যস্ত-সমস্ত পদধ্বনি শোনা গেল। মুহূর্তে মন স্থির করে, মলী সেন। ক্ষিপ্রহস্তে শচীনের হাত থেকে একপাশে ছিটকে-পড়া বিভলভাবটা গাড়ির জানলার দিয়ে সজোরে ছুড়ে ফেলে দিলেন বাইরে। নিজেব বিছানার একটা কুশল ও বালিশ তুলে ‘নিয়ে দ্বিতীয় শয্যা বচনা করলেন ওদিককার পার্থে। বললেন—“বাচতে চান তো, চাদব ঢাকা দিয়ে শুয়ে পড়ুন বিজ্ঞানায়। আমি মলী সেন। মনে রাখবেন, আপনার নাম শিবনাথ। কলকাতায় পটলভাঙ্গায় বাড়ি, বড়বাজারে ব্যবসা। কেউ প্রসন্ন করলে বলবেন, স্ত্রী নিয়ে পূজার ছুটিতে বেড়াতে যাচ্ছেন শিলং-এ। বাকীটা আমি সামলাব।”

কিন্তু উঠতে বললেই যদি ওঠা যেতো, তবে পালাতেই বা বাধা ছিল কি? মজ চব্বনের অল্প আচরণে বিব্রত নকল শিবনাথ কোনোমতে মলী সেনের বাহুতে ভব দিয়ে নির্দিষ্ট পার্থে অগ্রায় নিলেন।

বাংলা ডিটেকটিভ উপন্যাসের অসম্ভব কাহিনীর মতো প্রায় অবিবাস্য্য পবিত্রতনে সেই আকস্মিক যোগাযোগ স্বরণ করলে আজও তাঁরা দু’জনেই বিস্মিত বোধ করেন।

হত্যার প্রতি একটা স্বাভাবিক বিতৃষ্ণা আছে প্রত্যেক নবীর্ঘই অস্তবে। তাঁদের কাছে রাজনৈতিক বিশেষণের দ্বাবাই হত্যাকাণ্ড কৌলিন্য লাভ করে না। তাই পিস্তলচর্চক দেশোদ্ধারব্রতের নবমাতন নিষ্ঠুরতা থেকে শচীনকে নিবস্ত করাব নিবস্তব প্রয়াস করেন মলী সেন।

দিনের পর দিন তর্ক করেন, কলহ করেন। করেন অনুবোধ, অনুনয় ও অভিমান। প্রতিনিয়ত ঘর্ষণের দ্বাবা নাকি পাথবও ক্ষয় করা যায়, দেশসেবীর প্রতিজ্ঞা কোন ছাব? ধীরে ধীরে কোন অদৃশ্য প্রক্রিয়ায় নিজেব অলক্ষ্যে তাব মত পবিত্রর্তন ঘটছে, তা শচীন জানে না। মলী সেন জানেন।

অচিরেই বিপ্লববাদের নভোমণ্ডল থেকে খসে পড়ল একটি ক্ষুদ্র জ্যোতিষ্ক।

কিন্তু বিজ্ঞান শাস্ত্রে বলে, বস্তুর বিনাশ নেই। আছে রূপান্তর। সেই ক্ষীণদ্যুতি নক্ষত্র নতুন জন্ম নিয়ে নবরূপে দেখা দিল ক্ষুদ্র সুখ, দুঃখ, আশা, নিরাশায় ভরা বিচিত্র জীবনের বিস্তীর্ণ আকাশে শুক্লা চর্তুদশীর রাতে স্নিগ্ধ চন্দ্রমাব মতো। অবশ্য বৈজ্ঞানিকেরা জানেন, চাঁদের আলো তাব নিজের নয়। কোন সূর্য থেকে আলোক আহরণ করছে শচীন সে তথ্যও কি ব্যাখ্যা করে বলাব প্রয়োজন আছে?

গভীর মনোযোগের সঙ্গে সমস্ত শুনলেন সত্যসিদ্ধ। বললেন, “তোমাব সাহস, তোমাব প্রত্যাপন্নমতিত্ব, তোমাব সাফল্যের প্রশংসা করি। কিন্তু শচীনের ভালো করেছে, একথা বলতে পারলে সুখী হতেম। খুনের আসামীকে জেলের চিকিৎসকেরা রোগে ওষুধ দিয়ে ঝাচায়, সুস্থ হলে ফাসিতে মরার জন্যে। সে ডাক্তারেরা রোগীর সত্যিকার মিত্র কি না সে বিষয়ে আমার সন্দেহ আছে।”

“মানে? তুমি কি আশঙ্কা কর—?” মলী সেনের কণ্ঠে উদ্বেগের আভাস।

“করি বললে অর্ভুক্তি হবে, করিনে বললেও সত্যভাষণ হবে না। শচীন হচ্ছে সেই জাতেব মানুষ, ইংরেজীতে যাকে বলে ইম্পেচ্যুয়াস। এরা বুদ্ধি দিয়ে ঝাচে না, অনুভূতি দিয়ে ঝাচে।

অতীতে তার সমস্ত অস্তিত্বকে জড়িয়ে ছিল উদগ্র স্বাধীনতার স্পৃহা। তাকে সে ছেড়েছে। বর্তমানে তার সমগ্র সত্তাকে আচ্ছন্ন করেছিলে তুমি। তাকে তুমি ছেড়েছ। ভবিষ্যতে তার আর অবলম্বন রইল কী ? বাকী জীবন সে টিকে থাকবে হয়তো ; বেঁচে থাকবে না নিশ্চয়।”

মলী সেন অসহিষ্ণু কণ্ঠে বললেন, “তার কৃতকর্মের সমস্ত দায়িত্ব কি আমার ? তার মূর্খতার শাস্তিও কি আমাকেই নিতে হবে ? তোমাদের কি এই আইন-কানুন ? এ যে দেখছি ঋণটি শিবঠাকুরের আপন দেশ ! উহ, ‘মিড গিল্টি’ বলে মার্সি পিটিশন পেশ করতে পারলেম না। তোমার ওকালতি সম্বন্ধে না।”

“দায়িত্ব তোমার খানিকটা আছে বৈ কি ? দিনে দিনে প্রত্যাশা যদি জাগিয়ে থাক, তবে প্রত্যাধীর প্রার্থনা দেখে আজ রাগ করলেই বা চলবে কেন ? কিন্তু মলী, তর্ক করে তো তোমাকে বোঝাতে পারব না। এবার আমি চলি, তোমারও অভিনয়ের জন্য ড্রেস করা দরকার।”

আসন ছেড়ে উঠতে উঠতে ঈষৎ হাস্য করে বললেন, “কেন জানিনে। এখনও তোমার ভালো মন্দ নিয়ে মাথা না ঘামিয়ে পারিনে। বুঝেছি, ক্ষয়রোগের মতো হৃদয়রোগের ব্যাসিলিও বড় মারাত্মক। একবার ধরলে আর কিছুতেই ছাড়তে চায় না। তোমার কল্যাণ কামনা করি বলেই আমি চাই, শাস্তি তুমি নাও। অন্য কারো হাত থেকে নয়, তোমার নিজের বিবেকের কাছ থেকে। পরের বেদনা আর বাড়িও না।”

সত্যসিদ্ধুর কণ্ঠের ব্যাকুলতা মলী সেনের হৃদয় স্পর্শ করেছিল। কিন্তু তার শেষ উক্তিটি শোনামাত্রই আবার তাঁর মন বিদ্রোহী হয়ে উঠল। ওঃ, পরের ব্যথার জন্যই যত দুর্ভাবনা ! তা’হলে দূর সম্পর্কের বোনের জন্যই আসল দরদ !

উদ্যতরোয় ফগিনীব মতো গ্রীবা উন্নত করে মলী সেন সদর্পে ঘোষণা করলেন,—“জানি তুমি আমার হিতাকাঙ্ক্ষী। তাই আমিও তোমাকে বলছি নীতিকথার সুধাপান করে তৃষ্ণা মেটানো আমার ধাতে নেই। স্বামীর ভালোবাসা পাই নি বলেই সংসারে আর কোনো কিছুতেই আমার অধিকার নেই, এ অনুশাসন আমি মানিনে। আমি জানি, সৃষ্টির আদি থেকে যে নিয়মে বিশ্বব্রহ্মাণ্ড চলে আসছে, সে হচ্ছে যোগ্যতমের জয়—সারভাইভ্যাল অব দি ফিটেস্ট। জগতে সর্বত্র যদি প্রতিযোগিতা চলে, তবে শুধু প্রেমের ক্ষেত্রেই তা নিন্দনীয় হবে কেন ? আর মাঠে খেলতে নামলে মাঝে মাঝে আঘাত দেওয়া ও আঘাত নেওয়ার আশঙ্কা তো রয়েছেই। তা নিয়ে দীর্ঘ নিশ্বাস ফেলা নির্বুদ্ধিতা। না, সিদ্ধ, কোথায় কোন অনুঢ়া কন্যার বর জোটাতে বিয় হচ্ছে, কোন কুরূপা নার্সের বুক ভেঙে যাচ্ছে, কোন কাণ্ডজ্ঞানহীন যুবকের স্বপ্নভঙ্গ ঘটছে, বা কোন বিধবা জননীর দুঃখ পাওয়ার সম্ভাবনা আছে, তা নিয়ে মাথা ঘামিয়ে আমি আমার নিজের প্রাপ্য ছাড়ব না।”

গভীর সহানুভূতিপূর্ণ কণ্ঠে সত্যসিদ্ধু উত্তর করলেন, “সংসারে যা পেতে চাই তাই যে প্রাপ্য নয়, সে কথা জানার দিন তোমার আজও আসে নি। খেলার উপমা দিয়েছ তুমি ? কিন্তু ভুলে গিয়েছ যে, তাতেও বুলস্ব অব দি গেম বলে একটা কথা আছে। অফসাইড থেকে গোল দেওয়া তো গ্রাহ্য নয়। দোহাই তোমার, মলী, আত্মপ্রভারণা দ্বারা নিজেকে কেবলি নষ্ট করো না। হৃদয় নিয়ে হৃদয়হীনতা দ্বারা নিজের বিড়ম্বিত জীবনের ব্যর্থতাকে আর গভীর করে তুলো না।”

গান সাজ হলেও থাকে সুরের রেশ। ঝড় থেমে যাওয়ার পরেও কাঁপে নদীর ঢেউ। তর্কেরও সমাপ্তি ঘটে না, বাকরোধ মাত্র। কথা যখন থাকে না মুখে, ব্যথা জেগে রয় বৃকে। তাতে চিন্তাবিক্ষেপ ঘটে, কাজে মনোনিবেশ অসম্ভব হয়।

ঘড়ির ধাবমান কাঁটার পানে তাকিয়ে মলী সেন শঙ্কিত হলেন। পটোশোলনের লগ্ন এগিয়ে আসছে। মিনিটে মিনিটে। দ্রুত প্রসাধন সমাপনের চেষ্টা করলেন। কিন্তু বায়ে বায়ে ববিনের সূতো ছিড়ে-বাওয়া সেলাইকলের মতো কেবলই থামতে হলো তাঁকে। ক্ষণে ক্ষণে হাত অচল হতে লাগল। আসন্ন অভিনয়ের কথা বিস্মৃত হয়ে মনে মনে পর্যালোচনা করতে লাগলেন কাণ্ডজ্ঞানহীন শচীর নির্বুদ্ধিতা, নীতিবাগীশ সত্যসিদ্ধুর সুনীতি সম্পর্ক। বিরক্তি বোধ করলেন।

জগতে প্রত্যেক মানুষের বিবেকেই আছে একটি ফুলবেগু। নিজের বিরুদ্ধে নিজেরই মামলা চলছে সেখানে অহর্নিশ। তাতে আপনাকে নির্দোষ প্রমাণ করতে না পারা পর্যন্ত মনে শান্তি থাকে

না। মল্লী সেন ভার্চাস মল্লী সেনের কেসে নিজেই নিজের ব্রীফ নিয়ে মনে মনে সওয়াল শুরু করলেন মল্লী সেন।

ন্যায়তঃ, স্বভাবতঃ চিরাচরিত নিয়মেই তাঁর যা পাওনা, সংসার কি তা থেকে তাঁকে বঞ্চিত করে নি ? প্রচণ্ড অন্যায়ে নির্দয় পীড়নে যারা পীড়িত, নিষ্পেষিত, তাদের সামান্য বিচ্যুতির বেলায়ই বৃষ্টি দেখা দেয় যত কপিবৃকের বচন ? হুঃ, বুলস্ অব দি গেম ! মাই ফুট ! অপারিসীম অবজ্ঞায় ওষ্ঠাধর বিকৃত করলেন মল্লী সেন।

হৃদয় নিয়ে হৃদয়হীনতা ! ভাষার গাঁথুনি আছে বটে। কিন্তু এপিগ্রাম দিয়ে তো বাস্তব ঘটনাকে উড়িয়ে দেওয়া যায় না। পরের ব্যথার কথা ভাবতে হবে তাঁকে। কেন ? কিসের জন্য ? তাঁর ব্যথার কথা কে বুঝেছে ? তাঁর হৃদয়ের খোঁজ রেখেছে কেউ ?

মনে পড়ল সুধাংশুকে। মনে পড়ল আট বছর আগেকার একটি চরম শোকাহত সন্ধ্যা। কালের অনন্ত লিপিতে হৃদয়বিদীর্ণ বেদনার একটি সস্করণ স্বাক্ষর।

সেও ছিল ঠিক এমনি একটা বন্ধু-বান্ধবীর সম্মিলিত উৎসবের উপলক্ষ। মল্লী সেনের দলের প্রায় জন কুড়ি-পঁচিশ স্ত্রী-পুরুষে মিলে খড়দায় গঙ্গার ধারে এক বাগানে পিকনিকের আয়োজন। প্রত্যবে মোটরযোগে গমন, সারাদিন অবস্থান, খাওয়া-দাওয়া, খেলাধুলা ও গান-বাজনার পরে সন্ধ্যায় কলকাতায় প্রত্যাগমন,—এই ছিল প্ল্যান।

ব্যবস্থা যা কিছু, মল্লী সেনকেই করতে হয়। তাঁর মত নিখুঁতভাবে সব কিছু করাব ক্ষমতা আছে কার ? স্থান নির্বাচন করে বাগানের মালিকের অনুমতি সংগ্রহ যেমন করেন তিনি, তেমনই খাওয়ার মেনু তৈরী এবং রান্নার সাজ-সরঞ্জামও যোগাড় করেন তিনিই। কেক কেনা থেকে গাড়িতে পেট্রোল নেওয়া পর্যন্ত সমস্তই তাঁর তদারকে।

প্রশংসনীয় নিপুণতায় পরবর্তী দিনের সমুদয় আয়োজন সমাধা করে সন্ধ্যাবেলা নিজের ঘরে আধশোয়াভাবে একটু বিশ্রাম করছিলেন মল্লী সেন। সুধাংশুর প্রতীক্ষায় ছিলেন। কাল কোন শাড়িটা পরা যায়, কোন গানটা গাওয়া যায় তার পরামর্শ করবেন। সুধাংশুর রুচি ও বুদ্ধির উপরে মল্লী সেনের অগাধ বিশ্বাস। তাঁকে না হলে মল্লী সেনের কোন কাজই হয় না। কিন্তু সে আজ এত দেয়ী করছে কেন ? দাঁড়াও, আসুক একবার আজ, খুব কষে বকুনি দিতে হবে।

কিন্তু বিলম্ব ক্রোধের গণ্ডি ছাড়িয়ে প্রায় উৎকর্ষার কোঠায় না পৌছা অবধি সুধাংশুর আর দেখা পাওয়া গেল না। ঘরে ঢুকতেই মল্লী সেন প্রশ্ন করলেন, “তোমার হয়েছে কী ? এমন দুর্ঘটনাই হয়েছে কেন ? সারাদিন ছিলে কোথায় ?”

সুধাংশু জবাব দিলেন, “এখানে, ওখানে, চেষ্টারে।”

“বল কী ? প্র্যাক্টিসে তোমার এত মনোযোগ হলো কবে থেকে ? কলকাতা শহরের সমস্ত লোক কি আজকাল দাঁত তোলাতে তোমার চেষ্টারেই এসে হাঁ করে বসে থাকে নাকি ?”

“না ; কিন্তু তাদের জন্য আমাকে তো হাঁ করে বসে থাকতে হয়।”

সুধাংশুর আহত কণ্ঠস্বর মল্লী সেনকে আঘাত করল।

সুধাংশুর রোগীর সংখ্যা নগণ্য। তাঁর সেই অসাফল্যের প্রতি অত্যন্ত ইজিত ছিল মল্লী সেনের প্রস্নে, সে কথা হৃদয়ঙ্গম করে তিনি অনুতপ্ত হলেন। স্নিগ্ধ হাস্যে বললেন, “আমি ঠাট্টা করছিলাম। ও কী, মুখ ভার করে রইলে যে ? কী ছেলেমানুষ তুমি ! একটুও সেল অব হিউমার নেই ! আচ্ছা, আমার অপরাধ হয়েছে। মাফ চাইছি। নাও এখন ঐ ইজিচেয়ারটা টেনে বোসো দিকিন। অনেক কথা আছে। দাঁড়াও, বেয়ারাটাকে একটু কফি দিতে বলি। এই বয়, সাবকোবাস্তে—থাবে না ? কফিতে তোমার অরুচি ? ব্যাপার কী বলো তো ?”

সুধাংশু বললেন, “কিছু না।”

মল্লী সেন মাথা নেড়ে বললেন, “না সুধাংশু, ‘কিছু না’ বললেই শুনব না। আমি বেশ বুঝতে পারছি, কোথায় কী একটা ঘটছে। তুমি যেন কেবলই আলগা হয়ে যাচ্ছ। আমি দেখছি, কালকের পিকনিকে তোমার এতটুকু আগ্রহ নেই। দু’হপ্তা ধরে এর উদ্যোগ আয়োজন তুমি কখনও মন খুলে যোগ দাও নি।”

সুধাংশু বললেন, “তুমি অনেক খেটেছ। তাড়াতাড়ি শুয়ে ঘুমোও, নইলে কাল ক্লান্ত লাগবে।”

মলী সেন উঠে দাঁড়িয়ে সুধাংশুর পথ রোধ করে দৃঢ় কণ্ঠে কললেন, “অমন ভাবে কথা চাপা দিলে চলবে না। না বলে এখন থেকে তুমি এক পা নড়তে পাবে না। আমাকে তুমি ভালো করেই জান। আমাকে চটিও না। এক্ষুণি আমি সবাইকে টেলিফোন করে কালকের পিকনিক বন্ধ করে দেব।”

“তা তুমি পার। কিন্তু সে পাগলামি কর না। বলার মতো বিশেষ কিছুই নেই। শুধু আমার ভালো লাগে না, এই।”

“ভালো লাগে না? কী ভালো লাগে না?”

“এই পিকনিক।”

মলী সেন বিস্মিত কণ্ঠে বললেন, “ভালো লাগে না? এক সময়ে তোমারই তো উৎসাহ ছিল সব চেয়ে বেশী। গত বছর বটানিক্সে যাওয়ার উদ্যোগী তো ছিলে তুমিই।”

“ঠিক কথা। গোড়াতে বরং তোমারই আপত্তি ছিল। সে সব আমি ভুলিনি, বউদি। কিন্তু আজ আর আমার এতে মন নেই। শুধু এই পিকনিক নয়, আমাদের ককটেলের পার্টি, গানের জলসা, আমাদের এই সোসাইটি, আমাদের এই জীবন-যাত্রা, কোনো কিছুই আমার ভালো লাগছে না।”

মলী সেন ক্ষণকাল চিন্তা করে বললেন, “তোমার ভালো লাগে না, সে কথা তুমি আমাকে আগে বল নি কেন? আমি কালকের আয়োজন নাকচ করে দিতাম। তোমাকে বাদ দিয়ে আমি কোনোদিন কিছুতে হাত দিয়েছি? তোমার ভালো লাগে না এমন কিছু কখনও করেছি?”

“ঠিক সে কারণেই বলি নি। আমি ভেবেছি, আমাব ভালো লাগছে না বলেই তো জিনিসটা মন্দ নয়। তুমি যদি ওতে আনন্দ পাও, তবে ক্ষতি কি? তা ছাড়া, ভেবেছি, ঘরে তুমি ইদানীং খুব বেশী অশান্তি ভোগ করছ। বাইরে হয় তো তুমি এ-সব নিয়ে কিছুটা ভুলে থাকতে পারবে।”

“এখন বুঝেছি, কেন তোমাকে একদিনও এই পিকনিকের পরামর্শ পাওয়া যায় নি, কেন তুমি আমাকে এড়িয়ে চলেছ।”

“এড়িয়ে চলেছি—একথা ঠিক নয়। কিছুদিন আমাকে খুব ঘোরায়ুরিও করতে হয়েছে, একেবারেই সময় পাই নি।”

“কেন?”

“ফ্ল্যাট ঝুঁজে বেড়িয়েছি।”

“ফ্ল্যাট? কার জন্য?”

“নিজের জন্য।”

“কেন, হোটেল দোষ কবল কী?”

“দোষ কিছু নয়, হোটেল অনেকগুলো টাকা দিতে হয়।”

“টাকা ঝাঁচাবার জন্য তুমি হোটেল ছেড়ে ফ্ল্যাটে থাকতে চাইছ?”

“হ্যাঁ, তা ছাড়া—”

মলী সেন বাধা দিয়ে বললেন, “মিথ্যে কথা, তুমি বিয়ে করতে যাচ্ছ। বল, সত্যি কি না।”

বিস্মিত কণ্ঠে সুধাংশু বললেন, “হ্যাঁ সত্যি, কিন্তু তুমি জানলে কেমন করে?”

“হোটেলের চাইতে ফ্ল্যাট নিয়ে থাকা সস্তা, একথা আর যাকেই হোক মেয়েদের কাছে বলতে যেও না। আর আমার জানার কথা বলছ? আমি যে ইদানীং সংকটের মধ্য দিয়ে যাচ্ছি, সে খবরই বা তুমি পেলে কেমন করে? কিন্তু তুমি বিয়ে করবে সে সংবাদ আমার কাছে লুকোতে এত মিথ্যে কাহিনীও বানাতে হলো! ছিঃ!”

দৃঢ়স্বর সঙ্গে সুধাংশু বললেন, “মিথ্যে আমি বলি নি। ফ্ল্যাটের নাম শুনলেই তোমরা লাউডন স্ট্রীট বা রাজা সন্তোষ রোডের কথা ভাব। বালীগঞ্জ, কালীঘাট অঞ্চলে অল্প আয়ের গৃহস্থের উপযোগী ফ্ল্যাটও যে আছে, তার খবর রাখ না। আর লুকোবার তো কোনো প্রলয়ই ওঠে না। তুমি পিকনিকের ব্যবস্থা নিয়ে ব্যস্ত ছিলে। ভেবেছিলাম এ ঝামেলা কেটে গেলে তোমাকে বিস্তারিত বলব। তার আর সুযোগ হলো না।”

“তা যাকগে। ভাগ্যবতীটি কে? আমাদের লুসী মিস্তির নয় তো?”

“না, আমার দিদির এক বিধবা ননদের মেয়ে। আমার মায়ের মনোনীত পাত্রী।”

“বেশ, বেশ। মস্ত সুখবর। কনগ্রাচুলেশানস্।” বলে মলী সেন বিলাতী কায়দায় হাত বাড়িয়ে দিলেন সুধাংশুর পানে।

শুভ বিবাহের সংবাদ অবশ্যই সুসংবাদ। কিন্তু মলী সেনের ভাষাটা যতই শ্রুতিমধুর হোক না কেন, তাঁর কণ্ঠে যেন সজীবতার তেমন আভাস পাওয়া গেল না। দেবরের বিয়ের সুখবরটা ভ্রাতৃজয়ার মনে যে অপরিমিত সুখের সঞ্চার করেছে এমন নিঃসংশয় প্রমাণ পাওয়া গেল না।

সুধাংশু শেকহ্যান্ড না করে নিজের দুই হাতের মধ্যে মলী সেনের দক্ষিণ হস্তটি গ্রহণ করলেন। গভীর আন্তরিকতার সুরে বললেন, “বউদি, বিয়েতে তুমি উপস্থিত না থাকলে কিন্তু চলবে না। পাড়াগাঁ বলে যে যেতে চাইবে না—”

“বিয়ে স্থির করা যদি আমাকে বাদ দিয়ে চলতে পারে, তবে শুধু মস্ত পড়াটা আমার অনুপস্থিতির জন্যই ঠেকবে না আশা করি।”

মলী সেনের কণ্ঠে শ্লেষ ও উত্তাপ সুধাংশুর মনোযোগ এড়াল না। তিনি বিনীত ভাবে জিজ্ঞাসা করলেন, “বউদি, তুমি অসন্তুষ্ট হয়েছ ? আমার কি কোনো অপরাধ ঘটেছে ?”

মুহূর্তে আত্মসংবরণ করে মলী সেন বললেন, “না, কিছুমাত্র নয়। কে বললে তোমাকে আমি অসন্তুষ্ট হয়েছি ? আমি খুশী হয়েছি—সত্যি, ভারি খুশী হয়েছি। বিলিভ মি। ঐ যা, আমার চোখে কী যেন একটা ঢুকেছে, বড্ড জ্বালা করছে। এক মিনিট বস তো, আমি বাথরুমে থেকে চোখটা একবার ধুয়ে আসছি।”

মিনিট পাঁচ-সাত পরে এসে সহাস্যে বললেন, “তুমি তাহলে কাল আমাদের সঙ্গে পিকনিকে যাচ্ছ না ?”

সুধাংশু বললেন, “না, একজন বাড়িওয়ালার সঙ্গে কাল পাকা কথা হবে। সকালেই তার কাছে যেতে হবে।”

সুধাংশু প্রস্থানের উদ্যোগ করতেই মলী সেন বললেন, “ও কী, উঠেছ যে ? এখনই রসন চৌকী বায়না করতে ছুটে না কি ? এত তাড়া কিসের ? বিয়ের লগ্ন তো পার হয়ে যাচ্ছে না। একটু বসই না।”

সুধাংশু পুনরায় আসন গ্রহণ করে বললেন, “আমার কোনো তাড়া নেই। কিন্তু তোমাকে তো কাল খুব সকালেই উঠতে হবে।”

মলী সেন সে কথায় কান না দিয়ে বললেন, “সুধাংশু, আমাদের প্রথম সাক্ষাতের দিনটি তোমার মনে পড়ে ?”

“পড়ে বৈ কি। আমি প্যারিস থেকে দেশে ফিরেছি তার আগের দিন। এ বাড়ির কস্তী তোমার পিসশাশুড়ী আমাকে ছেলেবেলা থেকে স্নেহ করতেন। পরদিন এসে তাঁকে প্রণাম করতেই বউ দেখতে পাঠিয়ে দিলেন দোতলায়। শিবদার বাবা অতিশয় গোড়া হিন্দু। সন্দেহ ছিল না যে, বউ এনেছেন ভট্টপল্লী থেকেই। ঘরের দরজায় দাঁড়িয়ে অবাক হয়ে গেলাম। সিঁড়ি দিয়ে উঠতে উঠতে ভাবছিলেম, দেখব, দেড় গজ ঘোমটায় মুখ-চোখ ঢাকা সাহা বা মল্লিক কোম্পানীর লেস বসানো জবরজস্ত জামা জরিতে মোড়া একটি নির্বাক, নিশ্চল, জড় কাপড়ের পুটলি। ও মা, তার বদলে কি না তুমি ? একেবারে যেন আধুনিক কোনো লেখকের উপন্যাসের পাতা থেকে সদ্য নেমে এসেছে এক কন্যা। স্মার্ট, মডার্ন, প্রিটি।”

“কী ভাবলে ?”

“ভাববার আর অবকাশ ছিল কোথায় ? তুমি বসে উল্লের কী যেন একটা বুনছিলে। মুখ তুলে আমার পানে তাকাতেই নমস্কার করে বললেম, “শিবদার মা আমার মাসি হতেন। বড় ভাই-এর স্ত্রীদের এ পরিবারে বলে, বৌঠান। বড়, মেজ, সেজ ইত্যাদি বিশেষণ যোগ করে তাঁদের সনাক্ত করা হয়। সে-রকম গুরুগম্ভীর প্রাচীন সম্বোধন আপনাকে ঠিক মানাবে না। যদি অনুমতি করেন তবে শুধু বউদি বলেই ডাকব।”

“তার পর ?”

“তুমি প্রতি-নমস্কার করে টোঁকি এগিয়ে দিয়ে বললে, আমার কথা শোনা আছে তোমার।

ভাবলেন, থাকবারই তো কথা। মানুষ থাকে এক জায়গায়, কিন্তু তার খ্যাতি রটনা হয় সর্বত্র। বিশেষতঃ সেটা যদি অখ্যাতি হয়। কুশল বিনিময়ের পরে সহজভাবে বললে, বয়সে না হলেও সম্পর্কে তুমি বড়। তাই যদি আমার আপত্তি না থাকে তো আমার নাম ধরেই ডাকতে চাও। কথায় নেই অনাবশ্যক অমডুইতা, আচরণে নেই কৃত্রিমতা। সহজ, শোভন, সহৃদয় ব্যবহার। বাঙালী মেয়ে এমন হতে পারে, কল্পনা করি নি এর আগে। মোস্ট প্রজেক্ট সারপ্রাইজ !”

প্রজেক্ট সারপ্রাইজই বটে। শুধু সুধাংশুর পক্ষে নয়, মলী সেনেরও। দুই বৎসর ব্যাপী সুখহীন, আশাহীন, নিরানন্দ বিবাহিত জীবনের স্বাস্থ্যরোধকারী ক্রিষ্টতার মধ্যে এই প্রথম যেন অনুভব করলেন মৃদু স্নিগ্ধ বাতাসের সুকোমল স্পর্শ। রুদ্ধ গৃহের ঘন অন্ধকারে হঠাৎ মুক্ত ক্ষুদ্র বাতায়নপথে উন্মুক্ত স্বচ্ছ আকাশের ঈষৎ একটুখানি ইসারার মতো যেন মলী সেনের সামনে দেখা দিলেন সুধাংশু। লেডী ইন ডিসট্রেসের উদ্ধারার্থে নাইট এরাষ্ট।

বাঙালী পরিবারে দেবর ভ্রাতৃবধুর সম্বন্ধটি প্রীতি ও পরিহাসের এক অপূর্ব সংমিশ্রণে মধুর। মনোভাবের মিল এই দুটি সমবয়সী নরনারীর সেই স্বভাবতঃ সুন্দর সামাজিক সম্পর্কে দু’দিনেই হৃদাতায় নিবিড় এবং নির্ভরতায় নিকটতর করে তুলল। সরল আলোচনা, অনাবিল কৌতুক, কপট কলহ ও অবিরত মান অভিমানের মধ্য দিয়ে তাঁদের সখ্য দু’জনের জীবনকেই এক অনাস্বাদিতপূর্ব মার্ধুর্য দান করল।

যতদিন সংসারের কত্রী শিবনাথের পিসীমা জীবিত ছিলেন, ততদিন মলী সেনের পক্ষে বাড়ির বাইরে চলাফেরার অবাধ সুযোগ ছিল না। তাঁর শাসন ফাঁকি দিতে এই দুই অপরিণত বয়স্ক অপরাধীকে তাই প্রায়ই নানাবিধ কৌশল অবলম্বন করতে হতো।

একদিন সকাল বেলা সুধাংশু এসে বললেন, “পিসীমা, এবার আর ভাবনা নেই। তোমার বাতের ব্যামো একদিনে আরাম হয়ে যাবে। চৌবঙ্গীতে এক ফরাসী ভৈরবী এসেছেন, বিনি-পয়সায় রাজ্যের সমস্ত রোগ সারিয়ে দিচ্ছেন। চল, আজ বিকেলেই তোমাকে তাঁর কাছে নিয়ে যাচ্ছি।”

পিসীমা আশাশ্রিত হয়ে জিজ্ঞাসা করলেন, “ফরাসী ভৈরবী, সে কি রে ? ব্যাটাছেলে, না, মেয়েছেলে ?”

“মেয়ে। মেম সন্ন্যাসী আর কি ! একবার তাঁর পা দুটো জড়িয়ে ধরতে পারলে, প্রসন্না হয়ে কমণ্ডলু থেকে শেম্পেন দান করবেন। দু’ফোটা খেলেই আরোগ্য।” বলে মলী সেনের পানে চোখ টিপলেন।

পা জড়িয়ে ধরার প্রস্তাবটা পিসীমার কাছে খুব প্রীতিপ্রদ মনে হলো না। হাজার হোক মেম তো, মেলেছো। খিরিস্টান। হিন্দু হয়ে তিনি কেমন করে—।

কিন্তু এদিকে বাতের কষ্টটাও তো কম নয়। তাই আসল কথাটা গোপন করে বললেন, “আমি গিয়ে আর কী করব বল ? কথা তো বুঝব না। তুই নিজেই আমার হয়ে আম্পেন না কাম্পেন—কি বললি, তাই খানিকটা নিয়ে আসিস।”

সুধাংশু বিশ্বাসের ভান করে বললেন, “ওঃ, তাই তো। তুমি যে ইংরেজি জ্ঞান না, সে তো আমার মনেই ছিল না। কিন্তু ভৈরবী তো পুরুষ মানুষের সামনে বেরোন না। মেম হলে কী হয়, মাথায় ইয়া লম্বা জটাঝাল। পুরুষ মানুষ কখনও কেউ সামনে এসেছে কি অমনি তা দিয়ে মুখ ঢেকে দেন। না, তোমার বাত তা হলে দেখছি আর সারানো গেল না।”

পিসীমা ব্যাকুল হয়ে বললেন, “না বাবা, এমন সুযোগ হাতে পেয়ে ছাড়তে নেই।” মলী সেনের পানে তাকিয়ে বললেন, “বউমা, তুমি বরং বিকেলে সুধাংশুর সঙ্গে যাও। আমার নাম করে ওষুধটা নিয়ে এস। একটু ভক্তি করে ভৈরবীর পায়ের ধুলোটা নিও যেন।”

সন্ধ্যায় সিনেমা দেখে বাড়ি ফেরার পথে মলী সেন সুধাংশুকে মনে করিয়ে দেন, পিসীমার জন্যে ভৈরবীর ওষুধ বলে যা হোক কিছু একটা নিতে হবে যে। তাই তো ! নিকটবর্তী ডাক্তারখানা থেকে এক টিন ক্রুসেনস সপ্ট কিনে নেওয়া হয়।

আর একদিন হয়তো বিলেতী ফুটবলের টীম এসেছে কলকাতায়। সুধাংশু দু’খানা টিকিট কিনেছেন যথারীতি।

দুপুর বেলা পিসীমা পুরানো ন্যাকড়া ছিড়ে একটা ওণ্টানো হাঁড়ির ওপরে জল দিয়ে প্রদীপের

সলতে ভৈরী করছিলেন। সুধাংশু এসে বললেন, “শিসীমা, আমার সেজ বোনের ভাসুরঝিকে আজ দেখতে আসবে বাসুড়বাগানে। তোমাকে একুণি যেতে হবে। কনে সাজাতে। আবলুসের মতো কালা মেয়ে, ঘসে মেজে চলনসই করে তোলা, যার তার কর্ম নয়।”

প্রচ্ছন্ন প্রশংসায় শিসীমা মনে মনে খুশী হয়ে বললেন, “কিন্তু সন্ধ্যা বেলা আমার জন্মের সময় পার হয়ে যাবে যে। তার চাইতে বউমাকে বরণ নিয়ে যা।”

মুখে চোখে গভীর হতাশার চিহ্ন ফুটিয়ে সুধাংশু বললেন, “সে কি আর তোমার মতো পারবে? তবে তুমি যখন বলছ, অগত্যা।”

মলী সেন দরজার আড়ালে অপেক্ষা করছিলেন। পাছে আর অধিকক্ষণ হাস্য সংবরণ কঠিন হয়ে পড়ে তাই সাবধান পদক্ষেপে সেখান থেকে তাড়াতাড়ি সরে পড়েন।

গুরুজনদের মৃত্যুর পরে মলী সেন যখন নিজেই সংসারের কতী পদে উন্নীত হলেন, তখন আর কোথাও কোনো বাধা রইল না। সপ্তাহে সাত দিনে সাতটা সিনেমা দেখা এবং একই দিনে দুপুরে রেসকোর্স, বিকেলে খেলার মাঠ, সন্ধ্যায় ক্লাব এবং রাতে ক্যাবারেয় যাওয়ার দৃষ্টান্ত আছে ভূরি ভুরি।

শুধু আমোদ প্রমোদের ক্ষেত্রেই নয়, তাঁদের প্রায় সমস্ত কর্ম, কল্পনা, মন্ত্রণাই দু'জনের সম্মিলিত সম্মুখে কেন্দ্র করে। সুধাংশুর নেশা ডিটেকটিভ উপন্যাসে। তাই মলী সেন নাম জানেন আগাথা ক্রীস্টির সর্বশেষ খ্রীলারের। মলী সেনের প্রিয়,—ববীন্দ্র সঙ্গীত। তাই সুধাংশু খবর রাখেন কনক দাশের আধুনিকতম রেকর্ডের।

তরুণ বয়সের যে সকল বৃহৎ পরিকল্পনা চিরকাল প্র্যানের আকাবেই শূন্যে মিলিয়ে যায়, কোনো দিনই বাস্তবে পরিণত হয় না, সেগুলিতেও দু'জনেরই যথাযোগ্য স্থান নির্দিষ্ট থাকে। উদয়শঙ্করের নাচ দেখে এসে যুরোপে ড্যান্সট্রুপ নিয়ে যাওয়াব যে জল্পনা কল্পনা চলে তাতে ইন্সপেরিওর পদ মলী সেনের, ম্যানেজারের পদ সুধাংশুর। এমেরিকার ‘লাইফ’ কাগজের মতো যে বাংলা সাময়িকপত্র প্রকাশের প্র্যান হয়, তাতে সম্পাদিকার নাম মলী সেন, প্রকাশক সুধাংশু।

এমনি করে কেটেছে সুদীর্ঘ সাত বৎসর। সাতটি বছর যেন সাত স্বর্গে রচা ছন্দোবদ্ধ কাব্যকাহিনীর মতো স্বপ্নময়। সাত লহরে গাঁথা রত্নখচিত চন্দ্রহারের মতো মহার্ঘ্য।

সমাজের যে উর্ধ্ব বায়ুস্তরে তাঁদের বিহার, বৃহৎ কারেখী নোটের ঘন ঘন পক্ষ সঞ্চালন ব্যতীত সেখানে পৌছানো সম্ভব নয়। সুধাংশুর নিজস্ব উপার্জন পরিমিত। কিন্তু মলী সেনের অকুপণ ক্ষমিণ্যে সে বিষয়ে তাঁকে সচেতন হতে হয় নি কোনোদিন। জনহোয়াইটের জুতা, অস্টিন রিডের সার্ট, রায়কিনের সুট ছাড়া সুধাংশুকে কখনও বড় দেখা যায় নি। প্রিয়জনের জন্য ব্যয় কবার যে ব্যগ্রতা নারীহৃদয়ের স্বাভাবিক ধর্ম, সুধাংশুকে দিয়ে তা চরিতার্থর সুযোগ পেয়ে আনন্দ লাভ করেছেন মলী সেন। শিবনাথের বিরুদ্ধে মলী সেনের আর যাই কেন না অভিযোগ থাক, সত্যের খাতিরে স্বীকার করতে হয়, ত্রীর যদুচ্ছা টাকা খরচ নিয়ে কোনোদিন কোনো প্রশ্ন ওঠে নি।

বিগত দিনের সেই স্মৃতির ভাণ্ডার উন্মুক্ত করে খণ্ড খণ্ড বহু স্মৃতির ইতিহাস মলী সেন সুধাংশুর সঙ্গে আলোচনা করলেন। তাঁর আসন্ন বিবাহের প্রয়োজনীয় ব্যবস্থা সম্পর্কে নানাবিধ উপদেশ দিলেন। তাঁর ভাবী পত্নীকে নিয়ে দু'চারটে প্রচলিত পরিহাসও করলেন সর্কৌতুকে। তারপর সুধাংশু প্রশ্ন করতই ঘরের দরজা বন্ধ করে দিয়ে শয্যা উপুড় হয়ে এলিয়ে পড়লেন। বক্ষেব সমস্ত শক্তি দ্বারা এতক্ষণ রক্তহীন মুখমণ্ডলে যে বিস্তৃত হাসির রেখাটি ফুটিয়ে রেখেছিলেন, তা নিমেষে মিলিয়ে গেল। দাঁত দিয়ে ওষ্ঠাধর সবলে চেপে উদ্যত কান্নার বেগ রোধ করতে চেষ্টা করলেন।

বাতাসে অঝিরে যতক্ষণ আছে, ততক্ষণ তার কথা কারো মনেই থাকে না। তার ব্যত্যয় ঘটা মাত্রই স্বাসযন্ত্রে গোলযোগের ফলে মূর্ত্ত মধ্য সে-অভাব সম্পর্কে সচেতন হতে হয়। এতকাল সুধাংশুর উপরে মলী সেনের দখল ছিল প্রকৃতির আলো হাওয়ার মতোই স্বতঃসিদ্ধ। তাই তার অন্তিত্ব সম্পর্কে তিনি কিছুমাত্র সজাগ ছিলেন না। এক্ষণে সে-অধিকার ত্যাগের প্রশ্ন দেখা দিতেই সজোরে টান লাগল ঘরে নয়, বাইরে নয়,—একবারে তাঁর বেদনা-ভারাক্রান্ত হৃদয়ের মাঝখানটিতে। সন্তুষ্ট জগৎটাকে স্বার্থে ভ্রূর ও প্রবঞ্চনায় কুৎসিত মনে হলো।

তবুও একবার হির চিন্তে নিরপেক্ষ বিচার করতে চেষ্টা করলেন মলী সেন। হয়তো সুধাংশুর

কথাই ঠিক। পুরুষ মানুষ বিরাট মহীবৃহের মতো আপন কাণ্ডেব উপর আপনি দাঁড়িয়ে থাকতে চায় সমুদ্রত। দড়ি দিয়ে ঝোলানো অর্কিডের মতো পরাশ্রয়ী সৌখিন অস্তিত্ব তার পক্ষে মৃত্যুর অধিক। সে হবে গৃহেব প্রধান, নারীর নাথ ও সম্ভানের জনক। শুধু পরনারীর সখীত্ব নিয়ে তার সাবা জীবন কাটানো চলে না।

দিন কয়েক আগে জরুরী কাজে সুধাংশুকে যেতে হয়েছিল তাঁর দিদির বাড়িতে। মফস্বল। সহরে। ভগ্নীপতি স্কুল মাস্টার। সামান্য বেতন। তাই দু'বেলা দুটি ছাত্র পড়াতে যান। বোন দুপুরে সাবুর পাঁপড় তৈরী কবে বিক্রী কবেন কোঅপারেটিভ স্টোরে। উঠনের একপাশে স্বামী যে বেগুন ও পালাং শাকের বাগান করেছেন, বিকালে ছোট ঘট থেকে জল সেচন করেন তাতে। সন্ধ্যা বেলা স্বামী যখন হাত মুখ ধুয়ে সামান্য জলযোগের পর শিশু দুটিকে খেলা দেন, স্ত্রী অদূরে মাদুরে বসে কাঁধা সেলাই করেন। দু'জনে সংসারের সুখ-দুঃখের গল্প করেন।

সুধাংশু তাঁদের দেখে যেন প্রথম জানলেন, জীবনের সত্যিকার তাৎপর্য। বুঝলেন কত অর্থহীন সংসারে তাঁর নিজের বর্তমান অবস্থিতি। স্থির কবলেন, আব নয়। তিনি তো হার্লে স্ট্রীটের স্পেশিয়েলিস্ট নন। সামান্য দাঁতেব ডাক্তার। নিজের অবস্থা ও পারিপার্শ্বিকের উর্ধে বৃহৎ আড়ম্বর বা আকাশচুম্বী কল্পনা তাঁর জন্য নয়। ভাবলেন, তিনি সারাদিন পবিশ্রম করে যা উপার্জন করবেন তা দিয়ে সংসার চালাবে একটি সাধারণ কর্মপটু, সবল, স্নেহশীলা স্ত্রী। মানুষ করবে একটি দুটি সবল সুস্থ শিশু। কাজ কী তাঁর শার্ক স্কীনের জ্যাকেটে? কী হবে তাঁর লুসী মিণ্টন, লিলি ঘোষ, এ্যানিটা সেন বা সোসাইটিব ডায়না গায়কে নিয়ে?

শুনে মলী সেন চূপ কবে বইলেন।

সুধাংশু যখন বললেন, “বউদি, তোমাব ভালোবাসাব স্বণ আমি জীবনে ভুলব না। কিন্তু আমাকেও তো আমার আপন পূর্ণতা লাভ করতে হবে।”—তখনও মলী সেনেব মুখে কথা জোগাল না।

সত্যি তো! মলী সেনের কাছে কতটুকু পাওয়াব আশা আছে সুধাংশুর? তাঁর ভাগ্যবঞ্চিত জীবনেব শোকাবহ বিডম্বনাব সঙ্গে জড়িয়ে নিজের জীবনকে সুধাংশু বাধ কববে কেন?

এ সমস্তই যুক্তির কথা। তাতে মাথা সাফ হয়, মন শান্ত হয় না। শিলাখণ্ডে বাধাপ্রাপ্ত পার্বত্য নদীর প্রবল জনস্রোতেব ন্যায় সূতীক্ল বেদনায় কেবলি নিরন্তর ফুলে ফুলে ওঠে।

বারিশে মুখ ঢেকে আঁঠুবে মলী সেন বললেন, “আমি একা, আমি শূন্য, আমি নিষ্ফল।” হৃদয়েব সমস্ত মাধুর্য কঠে ঢেলে দিয়ে অনুচ্চকণ্ঠে বার বার ডাকতে লাগলেন, “সুধাংশু, সুধা, সু।”

পবদিন প্রভাতে দেখা গেল মলী সেনের অন্য মূর্তি।

পিকনিকে তাঁব উৎসাহ, আনন্দ ও উচ্ছ্বাস যেন ক্ষীণমুখ ফোয়াবার জলের মতো ফিনকি দিয়ে উঠে ছড়িয়ে পড়তে লাগল চতুর্দিকে। পুকুরে সাঁতাব কাটলেন, গাছের শাখায় দোলনা বেঁধে দোল খেলেন, গানের পরে গান গেয়ে সবাইকে মোহিত রাখলেন ঘণ্টার পর ঘণ্টা। মনের কোণে কোথাও কোনোখানে একবিন্দু বেদনাব লেশ আছে এমন আভাস পাওয়া গেল না। যেন এক রাত্রে আপনার পূর্ব জীবনকে জীর্ণ পটভাসেব মতো পবিত্যাগ কবে এসেছেন পশ্চাতে।

সেদিন থেকে মলী সেনেব নব রূপান্তর। যে ছিল স্থির-জ্যোতি নক্ষত্র, সে হলো তীরগতি উল্কা। খরবেগে ছুটে চললেন লক্ষাহীন, মাত্রাহীন নিকুদেশ যাত্রায়। শুধু আলো নিয়ে নয়,—জ্বালা নিয়ে।

মেয়েদের জন্য নির্দিষ্ট বৃহৎ সজ্জাকক্ষটির পাশ দিয়ে বোধ করি বিশেষ কোনো একজনর সন্ধানই যাচ্ছিলেন নীরজা।

ব্যস্ত পদে মামামাসি এসে জিজ্ঞেস করলেন, “নীক, গৌরীকে দেখেছ কি এদিকে?”

নীরজা উত্তর করলেন, “কৈ, না তো!”

“হতভাগা মেয়ে গেল কোথায়? নাঃ আমি আর পেঁরে উঠছি।” মামামাসির কণ্ঠে বিরক্তি ও হতাশার সংমিশ্রণ।

বিস্ময়াবিষ্ট নীরজা জিজ্ঞাসা করলেন, “কেন, ব্যাপার কি, মামামাসি?”

“আর বলো কেন ভাই। সকাল থেকে পই পই করে মেয়েকে বললেম, স্টেজে নিখিলের সঙ্গে থেকে তাঁর কাজে একটু সাহায্য করতে। কে শোনে সে কথা! মেয়ে কোথায় বসে আছেন তার ঠিকানা নেই। এই মেয়ে নিয়ে আমার হয়েছে মরণ।”

“না, মামামাসি, গৌরীর মতো এমন ভালো মেয়েকে আপনি অমন করে বলবেন না।” মেয়ের প্রশংসায় মা মনে মনে যুথুথু প্রীত হলেন। কিন্তু মুখে প্রতিবাদের ভাব ফুটিয়ে বললেন, “তোমরা তো বল ভালো। নিজের ইষ্ট-অনিষ্ট বোধ যার নেই তার আবার ভালো কী?”

উত্তরে নীরজা কিছু বলার চেষ্টা করতেই তাঁকে বাধা দিয়ে পরিবর্তিত স্বরে বললেন, “বুঝেছি, তুমি কি বলবে। সত্যি কিছু বোকা সে নয়। সে কি আর আমি জানিনে? নিজের মেয়ের কথা নিজে বলতে নেই। নইলে দেখতে, শুনতে, স্বভাবে, বুদ্ধিতে এমন মেয়ে আর ক’টি আছে আমাদের চেনা-জানার মধ্যে? জাঁক করছিনে। কিন্তু শিথিয়ে পড়িয়ে মেয়েকে সবার প্রশংসার যোগ্য করে গড়ে তোলা যে কতখানি শক্ত ব্যাপার সে যে করেছে সে-ই শুধু জানে।”

নীরজা বিনা প্রতিবাদে মামামাসির কৃতিত্ব স্বীকার করলেন।

খুশী হয়ে মামামাসি বললেন, “মেয়ের সব ভালো। কিন্তু বড্ড বেশী লাজুক। আজকালকাব ছেলেদের কী ধারা জ্ঞান তো? গুরুজনদের ঠিক করা সম্বন্ধে বিয়ে করবে এমন পাত্রই নয়। এরা নিজেরা দেখবে, মিশবে, পছন্দ করবে, তবে তো বিয়ে। অমনি কি আর তাঁদের চোখে পড়া যায়। এখনকার দিনে মেয়েদের কি একটু ফরোয়ার্ড না হলে চলে?”

ফরোয়ার্ড! যাক, ইংরেজী করে কথাটাকে তবু কিছুটা ভদ্র করা হয়েছে। তা না হলে আসলে ব্যাপারটা তো গায়ে-পড়া-ভাব। চলতি বাংলায় যাকে বলে বেহায়াপনা।

নীরজা মনে মনে সঙ্কুচিত হলেন। ছিঃ ছিঃ। মেয়ে হয়ে জন্মেছে বলেই কি তাদের মান-সম্মান বোঝটুকুও থাকতে নেই?

দুঃখও বোধ করলেন। মেয়ের জন্য নয়। মেয়ের মায়ের জন্য। হায়, মামামাসি! তিনি তো জানেন না, গৌরীকে প্রতিদ্বন্দ্বিতা করতে হবে কার সঙ্গে! কত শক্তিশালী তার প্রতিপক্ষ! তিনি তো জানেন না যে, একা-কালে যুদ্ধজয় সাহসের দ্বারা হয় না, সামর্থ্যের দ্বারা হয়। বোঝেন না যে, এ-যুগে অর্মির চাইতে আর্মামেন্টের প্রয়োজন বেশী। বেচারী গৌরী। মায়ের তাড়নায় যতই কেন না ফরোয়ার্ড হোক, তার সাফল্যের আশা কোথায়? মাজল্ লোডার দিয়ে কি শার্মেন ট্যাকের সঙ্গে লড়াই করা চলে?

আপন মনোভাব গোপন করে কিছুটা পরিহাসের ভঙ্গিতে নীরজা বললেন, “কিন্তু মামামাসি, গৌরীকে না দেখতে পেয়ে আপনি এত উতলা হচ্ছেন কেন? এই রাতেই তাঁকে ফরোয়ার্ড মার্চ করতে হবে না কি?”

মামামাসি হেসে বললেন, “এখন খুব ঠাট্টা করে নিচ্ছ। তা’কর। মেয়ের বিয়ের দুর্ভাবনা তো টের পাও নি বিয়ে-থা হোক, ঘর সংসার কর, তখন বুঝবে বয়স্ক মেয়ে সংপাত্রে না দিতে পারা পর্বস্ত মায়ের কেন মুখে ভাত রোচে না, চোখে ঘুম আসে না।”

নীরজা সহানুভূতির সুরে বললেন, “না মামামাসি, আপনি মিছে অত ভাববেন না। গৌরীর মত এমন লক্ষ্মীমেয়ের ভালো বর-জুটবে না তো জুটবে কার?”

“না মা, সে-ভরসা নিয়ে তো চূপ করে বসে থাকা যায় না। একে তো ছাই পোড়া দেশে সুপাত্রের সংখ্যাই কম, বদি বা একটি ভালো পাত্র পাওয়া গেল, তার শিছনে কী সাংখ্যাতিক শনির দৃষ্টি তা আমিই জানি। তুমি ছেলেমানুষ, এসব বুঝবে না।”

ছেলেমানুষ মনে মনে হাসলেন। ভাবলেন, উপমাটা ঠিক হয়নি। শনি নয়,—রাহ! এ শুধু গ্রাস করতে জানে, পরিপাক করতে নয়। সে গ্রহণ করে না। গ্রহণ ঘটায়। তাতে পৃথিবীতে নামে অন্ধকার। কমল মলিন হয়, কুমুদ বিলীর্ণ।

স্বভাবতঃই অনুভূত কন্যার জন্মসীরা পছন্দ করেন না স্বস্ত্রেণীর বিবাহযোগ্যতা অন্য মেয়েদের। যেমন এক মোটির গাড়ির সেলসম্যানেরা সুচকে দেখেন না অন্য কোম্পানীর গাড়িকে। বয়সের দিক দিয়ে নীরজা গৌরীর চাইতে অল্প কয়েক বছরের মাত্র বড়। সে হিসাবে তাঁকে আপন কন্যার একজন সমতুল্য প্রতিদ্বন্দ্বী জ্ঞান করা মামামাসির পক্ষে অনুচিত হতো না। কিন্তু আর্থিক

সচ্ছলতা, সামাজিক মর্যাদা বা দেহসৌষ্ঠব—এ তিনের কোনো দিক দিয়েই নীরজা কোনো দিন মামামাসির উদ্বেগের হেতু হননি। তিনি নিশ্চিন্ত ছিলেন, সম্ভবপর পাত্রদের মনোযোগ থার্মোমিটারে নীরজার স্থান সাড়ে আটানব্বই ডিগ্রীরও অনেক নীচে। তাই নীরজার প্রতি তাঁর মনে কোনো বিরূপতা ছিল না। এমন কি, নিজের মনের সুখ-দুঃখের কথা নীরজার কাছে ব্যক্ত করতেও তাঁর কোনো দ্বিধা ছিল না।

সেখানে মামামাসি বললেন, “এ-সব কি আমার কাজ, না, আমার ভাববার কথা? এমন এক লোকের হাতে পড়েছিলাম যে, সারা জীবন কেবল কষ্ট পেয়েই গেলাম। বেঁচে থাকতে কোনো দিন কোনো কাজ তাঁকে দিয়ে হয় নি, মরেও আমার মাথায় দিয়ে গেছেন এই কন্যাদায়ের ভার। সত্যি বলছি মা তোমাকে, বিয়ে হয় নি, তবুও আছ সুখে। মনেমতো হাতে না পড়ার চাইতে চিরজীবন আইবুড়া থাকা বরং ভালো। তাতে এমন অহিনিশি দম্কে দম্কে মরতে হয় না।”

কিছুক্ষণ উভয়েই নীরব বইলেন।

মামামাসিও মনে মনে পর্যালোচনা করলেন আপন ভগ্ন আশা, তিস্ত স্মৃতি ও ব্যর্থ জীবন। নীরজা স্মরণ করলেন আপন অপূর্ণ অতীত, অতৃপ্ত বর্তমান ও অনিয়ত ভবিষ্যৎ। নিস্তব্ধতা ভঙ্গ করে মামামাসি বললেন, “যাই, গেথিগে মেয়েটা কোথায় গেল।”

স্টেজে আলোকসম্পাত ও সমুদ্রদৃশ্যের বৈদ্যুতিক কৌশলগুলি সম্পর্কে শেষবারের মতো সহকর্মীদের নির্দেশ দিয়ে নিখিল অভিনয়ে নিজ বেশ-বিন্যাসেব জন্য আপন সজ্জাকক্ষের দিকে যাচ্ছিলেন। দূর থেকে নীরজাকে একা দেখতে পেয়ে কাছে এসে জিজ্ঞাসা করলেন, “তোমার হাতের জ্বালাটা কমেছে, নীরজা? আর রক্ত বেরুচ্ছে না তো?”

নীরজা সে কথার উত্তর না দিয়ে বললেন, “আমি আপনার খোঁজেই যাচ্ছিলাম। এই নিন।” নিজের হাতের ব্যাগটা থেকে কী একটা ক্ষুদ্র জিনিস বেব করে নিখিলের হাতে দিতে গেলেন। “কী? স্লিড লিঙ্কস! একটা কেন? ওঃ, তাই তো, আমার ঝাঁ আন্তিনে লিঙ্কস্ পরি নি দেখছি। আশ্চর্য, আমার তো খেয়ালই হয় নি। ছিল কোথায় এটা?”

“যেখানে বরাবর থাকে। আপনি এক হাতে পরেছেন, তাডাতাড়িতে অন্য হাতে পরতে ভুলে গেছেন।”

“ঠিক। কিন্তু তুমি তো ভোলো নি। সত্যি নীরজা, তোমাকে যত দেখছি তত আমি অবাক হচ্ছি। রোগীর সেবা থেকে অসাবধানী লোকের তদারক পৰ্যন্ত সব ক্যান্সঃ তুমি এক্সপার্ট। আমি যে তোমার কাছে কত কৃতজ্ঞ তা কথায় জানাতে—।”

“নার্সের কাজই তো লোকের পরিচর্যা করা। তা ঠিকমতো না করলে আপনি রাখবেন কেন? এব মধ্যে কৃতজ্ঞতার আছে কী, তা জানাবাবই বা প্রয়োজন কোনখানে?”

বাগ হলো নীরজার। কৃতজ্ঞ! আহা, কৃতজ্ঞতা কুড়োবার জন্য যেন তাঁর আর ঘুম হচ্ছিল না!

“নার্সের কাজ রোগীকে ওষুধ খাওয়ানো, আইসব্যাগ দেওয়া, টেম্পারেচার নেওয়া। সুস্থ লোকের জামায় বোতাম বসানো, চাবি ঝুঁজে দেওয়া, ধোবার কাপড় মিলিয়ে রাখা নার্সের ডিউটির মধ্যে নয় নিশ্চয়ই।” বলে সহাস্যে ঝাঁ হাতটি এগিয়ে দিলেন নীরজার দিকে।

নীরজা লিঙ্কসটা জামার আন্তিনে পরিয়ে দিতে দিতে মর্নে মনে ভাবলেন, ঠুঁ, এমনি অঙ্কই বটে! মুখে বললেন, “সে আর এমন বেশী কী? পিসিমার শুল্ভা কয়ে হাতে অবসর সময় যখন থাকে তখন আপনার দু’একটা বই গুছিয়ে দেওয়া বা ফুলদানীটা সাজিয়ে রাখাকে কিছু কাজ বলে না। আমি না করলে, অন্য কেউ করত। পড়ে থাকত না।”

“ঠিক জানিনে। হয়তো করত, কিন্তু তোমার মতো নিষ্ঠুর করে কেউ করতে পারত না। আমার এক এক সময়ে মনে হয়, হাসপাতালের নার্স না হয়ে বাড়ির গিন্নী হলেই যেন তোমাকে মানাত ভালো।”

কাণ্ডজানহীন এঞ্জিনীয়র! কিছুমাত্র বোধ নেই, নিজের অজ্ঞাতে কার কোন সূতীব্র বেদনার তন্ত্রীতে কঠিন আঘাত করছেন তিনি!

কোনো দিকে দৃকপাত মাত্র না করে নিজের মস্তব্য প্রকাশ করেই চললেন, “সত্যি নীরজা, তুমি

যার স্ত্রী হবে, সে ভাগ্যবান। কোনোদিন তার এতটুকু অসুবিধা হবে না। কিন্তু এই যে তুমি না চাইতেই হাতের কাছে দরকাবী জিনিসটি এগিয়ে ধরছ, তাতে আমার অভ্যাস ক্রমেই খারাপ হয়ে যাচ্ছে। ভয় হয়, শেষে যে দিন তুমি চেলী পরে নিজের ঘর করতে যাবে, সে-দিন না আমি একেবারে অচল হয়ে পড়ি।”

কথা সমাপ্ত করে সরলচিন্তে বস্ত্র হাসতে লাগলেন।

কিন্তু তাঁর শ্রোত্রীটি দুই চক্ষে অগ্নি বর্ষণ করে কঠিন স্বরে বললেন, “মিস্টার রয়, এমন ব্যঙ্গ করার দরকার কী? আমার আর কোথাও কোনো গতি নেই, আমাকেও আপনাব আব পাঁচজন চাকর-দাসীর মতো আপনার এখানেই খেটে খেতে হবে, সে কথা আমাকে স্মরণ করিয়ে দেওয়ার জন্য তো পরিহাসের প্রয়োজন নেই। কেন আপনি আমাকে এমন অপমান করছেন?”

বিম্মিত নিখিলের মুখের হাসি নিমেষে অন্তর্হিত হলো। তিনি ক্ষুব্ধ স্বরে বললেন, “অপমান করেছে? বল কী, নীরজা! আমি তো কোনোদিন তোমাকে চাকর-দাসীদের মতো ভাবি নি।”

“ভেবেছেন। নিশ্চয় ভেবেছেন। ভাবলে দোষও নেই কিছু। চাকর নয়তো কী? আপনি মাইনে দেন, আমি কাজ কবি। প্রভু-ভৃত্যের সম্পর্ক ছাড়া আমাদের আর অন্য সম্বন্ধ আছে কী?”

“জান, তুমি মাইনের কথা বললে আমি কত দুঃখিত হই? তুমি যে হাসপাতালে আমাকে যমবে হাত থেকে ছিনিয়ে রেখেছিলে সে কি আমার মাইনের লোভে? টাকা দিয়ে কী আমি আমার সে-খণ্ড কোনোদিন শোধ করতে পারব? ক’দিন থেকে আমি লক্ষ্য করছি, তুমি যেন কেবলই বিরক্ত হচ্ছে। আমি অন্যমনস্ক লোক, কাঠখোটা মানুষ। কথাবার্তাও সব সময়ে তোমাদের মতো তেমন গুছিয়ে বলতে পারিনে। তাই হয়তো আমার কোনো আচরণ বা কথায় তোমার মনে হয়েছে যে, আমি বুঝি টাকার মাপে তোমার সেবার হিসাব করছি। বিশ্বাস করো নীরজা, তোমাকে অপমান করার কথা আমি কখনও স্বপ্নেও ভাবতে পারিনে। তবুও না জেনে তোমার মনে যে ব্যথা দিয়েছি, তার জন্য মাপ চাইছি। আমাকে ক্ষমা কর।” বলে নিখিল ধীরে ধীরে প্রস্থান করলেন।

নিখিলের মলিন মুখ, কাতর চাহনি ও লুপ্ত গতি নীরজাকে তাঁর আপন অকারণ কড়তাব তীব্রত। সম্পর্কে সচেতন করল। নিখিলের বেদনার্ত কণ্ঠের সক্রিয় ক্ষমা প্রার্থনা মুহূর্তে ত্রীকলক তীব্রবে মতো নীরজার নিজেরই বুকো বিধল। তাঁর দুই চোখে অশ্রু সম্ভাবিত হলো। হায়, এমন করে ক্ষণে ক্ষণে আপনাকে আপনি আব কত কাঁদাবে নীরজা, তা সে নিজেই ভেবে পায় না।

মল্লী সেনের সজ্জাকক্ষে একটি অপরিচিত মহিলার পদার্পণ ঘটল।

গ্রীষ্মের অপরাজে সূর্যাস্তের পরেও যেমন অনেকক্ষণ দিনেব আলো বজায় থাকে, তেমনি এই অসাধারণ মহিলার দেহলাবণ্য যৌবনাঙ্গেও তাঁর মুখমণ্ডলে এমন একটি দীপ্তি বক্ষা করেছে, যে হঠাৎ দেখলে তাঁকে প্রৌঢ়া মনে করা কঠিন।

বিধবার পবিধানে পরিচ্ছন্ন সাদা থান, গায়ে রাখা-কৃষ্ণের নামাক্রিত বৃন্দাবনী সূতী চাদর। খালি পা। কণ্ঠে রুদ্রাক্ষের স্রু একটী মালা। পুরুষের মতো খাটো করে ছাঁটা মাথার কালো চুলে কোথাও একটু সাদার ছোপ লাগে নি। উজ্জ্বল গৌরবর্ণের সুগঠিত কপালের ঠিক মাঝখানে উল্কিতে আঁকা একটি স্রু তিলকচিহ্ন। যৌবনে মহিলা যে যথার্থ সুন্দরী ছিলেন, সে-কথা বুঝতে খুব বেশী দৃষ্টিশক্তির দরকার হয় না।

মল্লী সেন কিউটেসের শিশি থেকে তুলির সাহায্যে হাতের সুদৃশ্য অঙ্গুলির সযত্নেবর্ধিত নখগুলির রঞ্জনকার্যে ব্যাপৃত ছিলেন। চোখ তুলে তাকাতাই মহিলা বললেন, “আমি শচীনের মা।”

বলার প্রয়োজন ছিল না। মাতা ও পুত্রের মুখের সুস্পষ্ট সাদৃশ্য কারুরই দৃষ্টি এড়াতে এমন সম্ভাবনা নেই।

মল্লী সেন মনে মনে প্রসন্ন হলেন না। কী বিপদ! অভিনয় শুব হওয়ার আব কতক্ষণই বা বাকী। প্রথম দৃশ্যই তাঁর পাট। অথচ এখন পর্যন্ত সাজসজ্জা শেষ করতে পারলেন না। কেবলই ঘটছে নানা লোকের আনাগোনা। বারংবার ঘটছে চিন্তাবিক্ষেপ।

মনোভাব গোপন করে উঠে দাঁড়িয়ে অভ্যর্থনা করলেন। বললেন, “আমার নাম,—মল্লী।”

শচীনের মা বললেন, “সে কী আর বলে দিতে হয়? তোমাকে এর আগে চোখে দেখিছি বটে,

কিন্তু তোমার বর্ণনা এত শুনেছি যে, মনে মনে তোমার চহারাটি আঁকা হয়েই ছিল। বোধ হয় হাজার লোকের ভীড়ে দেখলেও দূর থেকেই চিনতে পারতেন। আমার ছেলের মুখে তো অষ্ট-প্রহরই তোমার নাম।”

মলী সেন ঈষৎ হেসে বললেন, “আমার দুর্নাম বলুন। একমাত্র নিন্দে করা ছাড়া আর কেউ যে কখনও আমার কথা বলে এমন তো মনে হয় না।”

শচীন এর মাও হেসে বললেন, “তা বৈ কি। তুমি ভালো করেই জান, শচীন তোমাকে কতখানি পছন্দ করে। ওর ঐ এক ধারা। যাকে ভালো লাগে না, তার ছায়াও মারবে না। কতদিন আত্মীয়-কুটুম্বদেব কাছে ঐ নিয়ে কথা শুনেছি। আর যার উপর ওর টান, তার নাম করতে অজ্ঞান। তোমাকে বলব কী মা, যে-বছর ম্যাট্রিক দেবে,—বেশ বড় হয়েছে—সে বছর স্কুলের কোন ছেলে নাকি বলেছিল, মনোরমা নামটা শুনেতে ভাল নয়। তাই নিয়ে ঘৃণাবোধ করে সে ছেলোটোর নাক দিয়ে রক্ত ঝরিয়ে এল। কেন না, সেটা আমার নাম। ক্যাপা আর কাকে বলে!” বলে মহিলা হাসতে লাগলেন।

আপন পুত্রের তরুণ বয়সের এই হঠকারিতার কাহিনী জননীর সাকৌতুক অথচ স্নেহ ভাষণে মলী সেনের শ্রবণে একটি অপক্লপ মাধুর্য লাভ করল। মহিলার মুখের হাসি ও চোখের দৃষ্টি থেকে ক্ষরিত বাৎসল্যগৌরবের অদৃশ্য ধারা থিয়েটারের গ্রিজ, পেইন্ট, হীরা, জহরত, টিসু, ব্রোকেডে সমাকীর্ণ সঙ্গী এই সজ্জাক্ষটাকে ঘিরে মুহূর্তে যেন সিন্ধু একটি কমনীয় পরিবেশ রচনা করল।

শচীন এর মা একটু থেমে বললেন, “আগে ছিলেম আমি, এখন হয়েছে তুমি। প্রশংসা শুনে শুনে আমার তো বীতিমত হিংসে হওয়াব উপক্রম।” বলে আবার হাসতে লাগলেন।

সে হাসিতে মলী সেনও যোগ দিলেন। বললেন, “সত্যি, আপনি যে এসেছেন এতে আমি কত যে খুশি হয়েছি। শুনেছি কোথাও কোনো উৎসবে আপনি যান না, তাই—।”

কপট গাঙ্গীর্থের ভঙ্গিতে বাধা দিয়ে শচীন এর মা বললেন, “তোমাদের নাটক দেখতে এসেছি, ভেবেছি বুঝি? মোটেই না। এসেছি ঋগড়া করতে। আমার কাছ থেকে আমার ছেলেকে দখল করা—এ কী রকম কথা? যাই, শক্ত করে দু’কথা শুনিযে দিয়ে আসিগে। কিন্তু এসে এখন দেখছি, ভালো করি নি। এরই মধ্যে নিজেই তোমার দখলে চলে গিয়েছি। ছেলের সঙ্গে সঙ্গে আমাকেও দেখছি এখন তোমার নাম কীর্তন করতে হবে।” বলে মৃদু হাস্যে মলী সেনের দিকে তাকালেন। তাঁর ভাষায় ছিল স্নেহ, দৃষ্টিতে ছিল অকপট কল্যাণকামনা।

মলী সেনকে নিরুত্তর দেখে বললেন, “সত্যি মা, আমি কোথাও কখনও যাইনে। আত্মীয় স্বজনদের বিয়ে, পৈতে, ভাতের নিমন্ত্রণও নয়। এই নিয়ে আমাকে কথাও কম শুনেতে হয় না। কিন্তু সে আমি গায়ে মাখিনে। আমার আছেন ঠাকুর। তাঁকে নিয়ে সংসারের এক কোণে পড়ে আছি। আর আছে ঐ পাগলা ছেলে।”

মলী সেন জিজ্ঞাসা করলেন, “ভগবানে আপনার খুব ভক্তি বুঝি?”

শচীন এর মা উত্তর দিলেন, “শোনো একবার পাগলীর কথা। খুব ভক্তিই যদি থাকবে তা’হলে আর তুচ্ছ সংসারের কথা, ছেলের কথা ভেবে অস্থির হব কেন? তবে চেষ্টা তো করতে হবে। তিনি ছাড়া আর কী গতি আছে বল?”

“আচ্ছা, ভগবান যা করেন সবই ভালোর জন্য—একথা কি আপনি বিশ্বাস করেন?”

“এর মধ্যে বিশ্বাস অবিশ্বাসের জায়গা নেই মা, এ যে সত্যি। আমি মুখ্য মানুষ, তোমরা তো কত পড়াশুনা করেছ, তোমরাই বল, সূর্য পূর্ব দিকে ওঠে। সে-কথা কেউ বিশ্বাস করুক, না করুক, সূর্য তো ~~বরাবরই~~ ~~নেই~~ ~~পূর্ব দিকেই~~ ~~উঠবে~~ ~~এও~~ ~~হেমনি~~।”

উত্তর ও উপমাতে আর যাই থাক, ন্যায়শাস্ত্রের কণা মাত্র নেই। চরিত্রহীনের পশু বৌঠাকরুণকে মনে পড়ল মলী সেনের। অর্জুন তীর ছুঁড়ে পাতাল থেকে জল এনেছে, একথা যদি মিথ্যা হয়, তবে পিতামহ ভীষ্ম তাঁর শবশয্যা তৃষ্ণা মেটালেন কেমন করে! বুঝলেন তর্ক করা বৃথা।

কিছুটা সঙ্কোচের সঙ্গে বললেন, “কিছু যদি মনে না করেন তো বলি, শুনেছি আপনার জীবনে আপনি কিছু দুঃখ কম পান নি। আপনি তো ভগবানে এত নির্ভর করেন, আপনাকে তিনি কেন

দুঃখ দিলেন ?”

শচীনের মা প্রশান্ত কণ্ঠে বললেন, “ঠাকুর দুঃখ আমাকে অনেক দিয়েছেন সত্যি। কেন দিয়েছেন তা তিনিই জানেন। কিন্তু সে দুঃখ তুচ্ছ করার মত ক্ষমতা দিয়ে তিনিই তো আবার দুঃখ দূর করেছেন। তিনি যে দুঃখহরণ।”

যুক্তির দিক দিয়ে এ সকল উক্তি মল্লী সেনের কাছে শুধু অসার নয়, রীতিমত অপ্রত্যাশিত। অন্য যে-কোনো ব্যক্তির মুখে এ কথা শুনে মল্লী সেন অবজ্ঞাভরে বলে উঠতেন—ননসেন। কিন্তু শচীনের মায়ের মুখে এই কথাগুলি বিশ্বাসের প্রগাঢ়তায় এমন একটি সতেজ ঋজুতা লাভ করল যে, তাকে বুদ্ধি দিয়ে গ্রহণ করতে না পারলেও অবজ্ঞা করার রূঢ়তা প্রকাশ করলেন না তিনি।

শচীনের মা বললেন, “মা, তুমি আমার মেয়ের মতো। তোমাকে বলতে লজ্জা নেই। আমার বাবা ছিলেন গরীব পূজারী বামুন। যেসব বিয়ে হলো সেখানে বাবুরা পায়রার বিয়েতে দশহাজার টাকার বাজি পুড়িয়েছেন, বউদের দাঁড়িপাল্লায় ওজন করে টাকা দিয়ে মুখ দেখেছেন শাশুড়ী। নাতির জন্যে কানে দেখতে রাজাবাহাদুর যে-দিন আমাদের বাড়ি এসেছিলেন, আমার তখন তের বছর বয়স। মনে আছে, বাবা বলেছিলেন, এ শুধু মদনমোহনেরই কৃপা। নইলে তাঁর মনোরমার কী এমন কপাল! এ যে স্বপ্নেরও অতীত।”

একটু নীরব থেকে বললেন, “স্বপ্ন ভাঙতেও দেবী হলো না। বিয়ের দু’বছর যেতে না যেতেই স্বামী ঘর ছেড়ে বাইরে ছুটলেন। মোসাহেব আর মেয়েমানুষ নিয়ে দিনরাত ডুবে রইলেন মদে। শাশুড়ী, ননদের নির্যাতনের সীমা রইল না। দোষ তো আমারই। তাঁদের ছেলেকেই যদি ঘরে বেঁধে না রাখতে পারল তবে বউ-এর রূপ দিয়ে কী হবে? মনে পড়ে, নিজে সারাদিন উপোসী। তবু স্বামীর খাবার সাজিয়ে মাঝরাত অবধি জেগে বসে রয়েছি। কতদিন মত্ত অবস্থায় তিনি কাঁসি ঝুড়ে মেরেছেন গায়ে। লক্ষ্য করলে, কপালে দাগ এখনও দু’চারটে দেখতে পাবে হয়তো।”

মল্লী সেন শিউরে উঠে অর্ধ স্বগতের মতো মন্তব্য করলেন—“বুট!”

শচীনের মা বললেন, “এ সমস্তই হয়েছিল। কিন্তু স্বামী যে দিন সমস্ত মান সত্ত্বমের মাথা খেয়ে কৈবর্তপাড়া থেকে এক প্রকার একটা নষ্ট মেয়েকে অশ্রমবহলে এনে তুললেন, সে-দিন ঠিক করলেম, আর নয়। রাত্রিতে শোবার ঘরে কড়িকাঠের সঙ্গে দড়ি বেঁধে ঝুলে পড়ব। থোকা তখন বছর তিনেকের। বারুণীর মেলা থেকে কে যেন তাকে খেলনা কিনে দিয়েছিল—একটি মাটির গোপ্পল। সে-টা দু’হাতে চেপে কোথা থেকে হঠাৎ আমার কোলে উঠে বলল, ‘মাম, থাকুল!’ এক মুহূর্তে রাস্তা দেখতে পেলাম। তাই তো, আমার ঠাকুর! তাকে কেন স্মরণ করি নি? আমার বাপের বাড়ির মদনমোহন—তাকে কেমন করে এতদিন ভুলে ছিলাম? সে-দিন থেকে ভগবানকে ডাকতে শুরু করলেম। মা, তুমি হয়তো বিশ্বাস করবে না; সেই থেকে আমার আর দুঃখ রইল না। তারপর যোল বছর স্বপ্নের বাড়ি ছিলাম। স্বামী অত্যাচার করেছেন, গুরুজনেরা দিয়েছেন গঞ্জনা, বিধবা পেয়ে সরিকেরা ষড়যন্ত্র করে ঠকিয়ে নিয়েছে বিষয়-আশয়—কোনো কিছুই আমাকে কষ্ট দিতে পারে নি।”

মল্লী সেন অবাধ হয়ে জিজ্ঞাসা করলেন, “স্বামীর এত অত্যাচার অপমানেও আপনি তাকে ছেড়ে আসেন নি?”

“ছেড়ে এলেই নিস্তার কোথায়? স্বামী-স্ত্রীর সম্পর্ক তো শুধু ইহকালেই শেষ নয়। জন্ম-জন্মান্তর ধরেই যে তা চলতে থাকবে?”

মল্লী সেন অসহিষ্ণু কণ্ঠে বললেন, “তা বলে, দুষ্টরিত্র, অত্যাচারী স্বামীর সমস্ত উপদ্রব সহ্য করে তাঁর কাছে পড়ে থাকতে পারব না আমি, তা সে-সম্পর্ক এক জন্মের হোক, কি এক হাজার জন্মেরই হোক।”

শচীনের মা হেসে বললেন, “বাট, তোমাকে পারতে হবে কেন? তোমার এমন বর এমন ঘর, এমন সুখের সংসার। তোমার মত ভাগ্যবতী আছে ক’জন?”

মল্লী সেনের মুখে স্নান ছায়া পড়ল। প্রসঙ্গ পরিবর্তনের জন্য তাড়াতাড়ি বললেন, “সমস্ত সঙ্কটেই কি আপনি নিশ্চিন্তে ঈশ্বরে নির্ভর করতে পারেন?”

“পান্নি বলি কেমন করে? এই ছেলের ব্যাপারেই দেখ না। মাঝে তাকে নিয়ে উদ্বেগের আর

সীমা ছিল না। সে গোপনে গোপনে একটা সাংঘাতিক বিপাকে জড়িয়ে পড়েছে, তা বুঝতে পারছিলেন; অথচ কি করা দরকার তা জানা ছিল না। শেষে একদিন মনে হলো, আমি কেন মিছে ব্যাকুল হচ্ছি। বাসুদেবের যদি এই হচ্ছে হয় যে, ছেলে আমার জেলে পচবে বা ফাঁসিতে মরবে, তবে আমার সাধ্য কী তাকে বাঁচাই? সেই থেকে মনের অস্থিরতা কমল। কোথা থেকে গোবিন্দ জুটিয়ে দিলেন তোমাকে। না, না, তুমি অমন কৃষ্টিত হচ্ছে কেন? আমি সমস্তই জানি। তোমার মত এত বড় উপকার শতাব্দির আর কেউ করে নি।”

কৃতজ্ঞা জননীর এই অকৃত্রিম ধন্যবাদ জ্ঞাপনে মল্লী সেন অত্যন্ত বিব্রত বোধ করলেন। মনে হলো, এই ভক্তিমতী মহিলার স্নেহ সাধুবাদে তাঁর সত্যিকার অধিকার নেই। প্রতারণার দ্বারা এই প্রশংসা অর্জন করেছেন, এই চিন্তায় নিজের কাছেই নিজেকে অপরাধী মনে হলো।

ধীরে ধীরে মল্লী সেন বললেন, “একদিন হয়তো শুনবেন, আপনার ছেলের একদিক দিয়ে যে সামান্য উপকার করেছে, অন্য দিক দিয়ে তার অনেক বেশী করেছে অপকার।”

“শুনলেও বিশ্বাস করব না। তোমাকে কতক্ষণ বা জেনেছি। তবুও এইটুকু বুঝেছি, ঠাকুর যাকে এমন লক্ষ্মীর মতো রূপ আর সরস্বতীর মতো বুদ্ধি দিয়েছেন, সে ভুল করতে পারে, অন্যায় করতে পারে না।”

“কিন্তু ভুল থেকেও তো লোকের ক্ষতি হয়।”

“তা হয়। কিন্তু মা, ভুল করা না কবা তো সব সময়ে মানুষের হাতে নয়। বামপ্রসাদের গান শোন নি—‘সকলই ষেতোমার ইচ্ছা, ইচ্ছাময়ী তারা তুমি; তোমার কর্ম তুমি করাও মা, লোকে বলে করি আমি।’”

প্রজ্ঞায় নম্র ও হৃদ্যতায় গম্ভীর কণ্ঠে মল্লী সেন বললেন, “আপনাকে দেখে এবার কিন্তু আমার হিসেবে হচ্ছে। আপনার মতো এমন সহজ সরল বিশ্বাস যদি থাকত, তবে অনেক সঙ্কট থেকেই বোধ হয় ত্রাণ পেতেন।”

শতাব্দির মা সহানুভূতিপূর্ণ কণ্ঠে বললেন, “মা, তোমার বয়স অল্প। কিন্তু কথা শুনে মনে হয়, যেন অনেক দুঃখের সাগর পার হয়ে এসেছ। জানিনে তোমার কী কষ্ট, কীসের মনস্তাপ। কারণ যা-ই হোক, রাধামাধবকে স্মরণ করো; অশান্তি দূর হবে। বিপদ কেটে যাবে। তিনি যে বিপদভঞ্জন। দীনদয়াল।”

মল্লী সেন নীরবে কিছুক্ষণ চিন্তা করলেন। শেষে অকস্মাৎ প্রশ্ন কবলেন, “আচ্ছা, কী বলে আপনার ঠাকুরকে আপনি ডাকেন?”

“তাঁর নাম কি একটা, নাম অসংখ্য—

কুজা রাখিল নাম পতিতপাবন হবি।
চন্দ্রাবলী নাম রাখে মোহন বংশীধারী ॥
অনন্ত রাখিল নাম অন্ত না পাইয়া।
কৃষ্ণ নাম রাখে গর্গ ধ্যানেতে জানিয়া ॥
কণ্ঠ মুনি নাম রাখে.....”

এই সমস্তই মল্লী সেনের কাছে নতুন। অশ্রুতপূর্ব কাহিনী। অজ্ঞাতপূর্ব তথ্য।

কিছুক্ষণ পরে শতাব্দির মা বিদায় নিলেন। কক্ষ থেকে নিষ্ক্রান্ত হওয়ার পূর্বে গভীর স্নেহভরে দক্ষিণ হস্তের তর্জনি দ্বারা মল্লী সেনের চিবুক স্পর্শ করে একটি চুম্বন গ্রহণ করলেন।

তাঁর প্রস্থান-পথে একদৃষ্টে তাকিয়ে থেকে হঠাৎ কেন যেন মল্লী সেনের মনে পড়ল তাঁর পরলোকগত মায়ের কথা। মল্লী সেন তাঁকে দেখেন নি কোনোদিন; প্রসবের পরেই তাঁর মৃত্যু ঘটে। তবুও বার বারই মল্লী সেনের মনে হতে লাগল,—তাঁর সেই অকালমৃত জননী আজ জীবিতা থাকলে তিনি বুঝি বা এই ভগবদ্বিশ্বাসী পুণ্যশীলা মহিলার মতোই হতেন। ঠিক এমনই স্নেহশীলা। এমনই কল্যাণময়ী।

প্রসাধন শেষে ধীরে ধীরে অভিনয়ের জন্য বেশ পরিবর্তন করলেন মল্লী সেন। কানে পরলেন কুণ্ডল। কণ্ঠে সরু চেনের বদলে চওড়া হীরার কণ্ঠি। চরণে বাজল নুপুর, বাহুতে উঠল মণিবলয়।

নিতহে দুলিয়ে দিলেন মুক্তার ঝালরযুক্ত চুনীপান্নার মনোরম অলঙ্কার । আধুনিকা মিসেস সেন বসনে-ভূষণে সম্পূর্ণ রাপান্তরিত হলেন অতীত কালের রাজকন্যা মঞ্জুশ্রীতে । অঙ্গে তাঁর নীলাবর, বক্ষে তাঁর রক্তাংগুক, ঘনকৃষ্ণ কবরীবন্ধনে প্রযুটিত খেত করবীশুচ্ছ ।

ঘড়ির পানে তাকিয়ে দেখলেন, এখনও কিছু সময় আছে । ইজিচেয়ারটাতে দেহ এলিয়ে দিলেন । অভিনয়ে নিজ ভূমিকাটি উপলব্ধি করতে চেষ্টা করলেন মনে মনে ।

কিন্তু মন নিবিষ্ট করা কঠিন হলো । হঠাৎ শোনা গানের ভালোলাগা সুর যেমন পুরোপুরি আয়ত্তে আসে না অথচ কেবলই ঘুরে-ফিরে কানে বাজতে থাকে, শট্টানের মায়ের প্রসঙ্গও ডেমনি মল্লী সেনের মনে পড়তে লাগল ক্ষণে ক্ষণে ।

দুঃখের অনল এই বঙ্ধিতা রমণীকে অঙ্গারের মতো মলিন করে নি, স্বর্ণের মতো উজ্জ্বল করেছে । মন তাঁর বিকোভে তিস্ত নয়, ঔদার্যে প্রশান্ত । বিধবার এই সৌম্য স্নিগ্ধ রূপটি মল্লী সেনকে একাধারে বিস্মিত ও আকৃষ্ট করল ।

হঠাৎ চেয়ে দেখলেন, সামনে দাঁড়িয়ে মাম্মামাসি ।

তিনি জিজ্ঞাসা করলেন, “ঘুমিয়ে পড়েছিলে না কি ? তা ঘুমের আর দোষ কী ? যা খাটুনিটা যাচ্ছে ক’দিন ধরে ! তুমি বলেই পারছ, অন্য আর কেউ হলে—”

মল্লী সেন লজ্জিত হয়ে বললেন, “না, ঘুমুই নি । বোধ হয় একটু অনামনস্ক হয়েছিলাম । তা খবর কী মাম্মামাসী ?”

“খবর বিশেষ কিছু নয় । আসছে বুধবার গৌরীর জন্মদিন । গুটি দুই-তিন বন্ধুবান্ধবকে চা’য়ে ডাকব ভাবছি । নিখিলকে আসতে বলব, তোমার সুবিধে হবে কী ?”

মাম্মামাসির জিজ্ঞাসায় মল্লী সেনের প্রতি কোন গূঢ় ইঙ্গিত ছিল কি না তা তিনিই জানেন । অন্য সময়ে মল্লী সেনও এতে রাগ করতেন কিনা সন্দেহ । কিন্তু ঠিক এই মুহূর্তে মল্লী সেনের মনের তত্ত্বগুলি একটি বিশেষ স্বরগ্রামে বাধা ছিল । প্রব্রুটা সেখানে যেন অকস্মাৎ মুঠাঘাতের মতো বাজল । বললেন “মিস্টার রয়কে তুমি নিমন্ত্রণ করবে, তার সঙ্গে আমার সুবিধা অনুবিধার সংশ্রব কী ?”

নীরাবে পরাজয় স্বীকার করবেন এমন পাত্রী মাম্মামাসিও নন । তিনি শ্রেষ্টের সঙ্গে জবাব দিলেন, “কী জানি ভাই, সে তো আমিও ভাবি । কিন্তু লোকে বলে, আজকাল মিস্টার রায়ের নাকি নিজের মত বলে কিছুই নেই । তাই ভাবলম—” ।

মল্লী সেন বাধা দিয়ে কঠিন স্বরে বললেন, “লোকে কী বলে না বলে, তা আমাকে শোনার দরকার নেই । তুমি কাকে নিমন্ত্রণ করবে, সেও তোমার ভাবনা । এ নিয়ে আমি আর কোনো বাদানুবাদ করতে চাইনে, মাম্মামাসী ।”

“তুমি অন্যায় রাগ করছ, মল্লী । আমি না হয় চূপ করেই রইলাম । কিন্তু তাই বলে মেজাজ দেখিয়ে তো আর পাঁচজনকে মুখ চাপা দিতে পারবে না, ভাই । তাদের তো চোখ-কান দুইই আছে । তা যাক্গে, জেনে সুখী হলেম যে, মিস্টার রয়কে অন্য কারো অনুমতি নিয়ে চলতে হয় না ।”

একটু অর্থমূলক হাস্য করে মাম্মামাসি ড্রেসিং রুম থেকে নিজস্ব হলেন ।

বিরক্তিতে ছেয়ে গেল মল্লী সেনের মন ।

প্রবেশ করল সমীর । মল্লী সেন তাকে দেখে একটু বিস্মিতই হলেন । জিজ্ঞাসা করলেন, “কী সমীর, কী চাই ?”

“আপনি আমার অ্যালবামটা দেখতে চেয়েছিলেন, তাই সেটা নিয়ে এসেছি ।”

“এরই মধ্যে ? কোথায় ছিল এটা ?”

“হেদোয় আমার মাসির বাড়িতে, যেখানে আমি উঠেছি ।”

“সেখান থেকে আনলে কখন ?”

“একুণি । একটা ট্যাক্সি নিয়ে গিয়েছিলাম ।”

নিমেবে সমস্ত ব্যাপারটা মল্লী সেনের কাছে দিবালোকের মতো স্বচ্ছ হয়ে দেখা দিল ।

পরিচিত মহলে নিজ ভক্তজনের সংখ্যাধিক্য নিয়ে অতীতে বহু দিন ভিঁনি করেছেন। এই প্রথম যেন আপন অনিন্দ্য দেহত্রীর জন্য লজ্জা বোধ করলেন। তাঁর অপ্রতিরোধ্য আকর্ষণের স্বদর্শিতা এমন পরিপূর্ণ নয়তায় এর আগে আর কোঠাশাস কর মলী, কাছে স্পষ্ট হয় নি। তিনি নতমস্তকে কয়েক মুহূর্ত চিন্তা করলেন। তারপর স্নেহ-কোণে জিজ্ঞাসা কবলেন, “ধীরা কোথায়? জান না? আচ্ছা চল, আমি দেখছি।” লতা কি স্টেজের গলি-পথটায় প্রেক্ষাগৃহ থেকে ধীরাক্কে ডাকিয়ে এনে বললেন “কোথায় ছি, এতক্ষণ? সামনের ঐ সারি দুটো গেস্টদের জন্য। সমীরকে নিয়ে ওখানে বোস গে যা। সমীর, তুমি থিয়েটার শেষ হলে, আমার গাড়িটা নিয়ে ধীরাকে বাড়ি পৌঁছে দিও। ভালো কথা, এ-ইপ্তায় কী সিনেমা দেখেছ? কিছু দেখনি? আচ্ছা, তা হলে পরশু ম্যাটিনীতে দু’জনে টারজান দেখতে য়েও। আমি টিকিট আনিয়়ে রাখব।”

পম্পাশাশি দু’খানি আসনে দু’জনে বসল। কিন্তু এই দুটি কিশোর প্রণয়ীর যে সান্নিধ্য ইতিপূর্বে পরস্পরের হৃদয়কে উত্তেল ও রসনাকে মুখর করেছে আজ তার মধ্যে মাধুর্যের লেশমাত্র সন্ধান পাওয়া গেল না।

ধীরা স্টেজের উপরে নীল ভেলভেটের যবনিকার দিকে দৃষ্টি নিবদ্ধ করে বসে রইল। আড়ষ্ট। নিঃশব্দ। অবশেষে অস্বস্তিকর নিস্তব্ধতা ভঙ্গ করার উদ্দেশ্যে সমীর প্রশ্ন করল, “শুরু হবে কখন?”

“ধীরা জবাব দিল, “সাতটায়।”

“থিয়েটার ভাসবে কখন?”

“জানিনে।”

এরকম প্রশ্নোত্তরের দ্বারা আদালতে জেরা করা হয়তো যায়। কথাবার্তা চালানো যায় না। তবুও আবহাওয়াটাকে সহজ করার চেষ্টায় সমীর ঠাট্টা করে বলল, “সখের থিয়েটার দলের শুনেছি সময়ের জ্ঞান থাকে না। তোমাদের নাটকের আরম্ভ সেভেন পি-এম, না, সেভেন এ-এম?”

অপর পক্ষ থেকে এই পরিহাসের যথোচিত সাড়া পাওয়া গেল না। সে হাতের ঘড়ি দেখে বলল “আর মিনিট পনের পরে।”

সমীর জিজ্ঞাসা করল, “তোমার হলো কী? হঠাৎ এমন গম্ভীর কেন?”

ধীরা তার পানে না তাকিয়ে পূর্ববৎ নির্লিপ্ত কণ্ঠেই জবাব দিল, “না, গম্ভীর কিসের?”

সমীর বিরক্ত হয়ে মনে মনে বলল, খামোকা গোমড়া মুখ করে বসে থাকলে ভালো লাগে তো, থাক না। ভারি আমার বয়েই গেল। সে আর কোনো কথা না বলে হাতের প্রোগ্রামটির পাতা বার বার উল্টে পাণ্টে পড়তে লাগল, সিগারেটের বিজ্ঞাপন, অভিনেতা অভিনেত্রীদের নাম, কর্মকর্তাদের তালিকা।

নিজের সজ্জাকক্ষে ফিরে এসে মলী সেন থাকে দেখতে পেলেন তাঁকে কিছুমাত্র প্রত্যাশা করেন নি। তিনি আর কেউ নন, তাঁরই স্বামী শিবনাথ।

শিবনাথ বললেন, “সিন্দুকের চাবিটা একবার দরকার।”

স্বামী স্ত্রীর মধ্যে একমাত্র প্রয়োজনীয় প্রসঙ্গ ব্যতীত বাক্যালাপ খুব সামান্যই ঘটে। দীর্ঘকাল থেকে এই নিয়মেই তাঁরা অভ্যস্ত। তবুও এই মুহূর্তে ঠিক এই কথাটার জন্য যেন মলী সেন প্রস্তুত ছিলেন না। গিরিবালাবর মতো তারও মনে হলো, হায়, এই উৎসবের সন্ধ্যা, এই উজ্জ্বল দীপালোকিত অপরিসর সজ্জাকক্ষ, এই স্বপ্নময় পরিবেশে যে-কথা প্রথম মনে আসে সে কি সিন্দুকের চাবি! মোহ নয়, সুখ নয়, ক্ষণিক মাধুর্যের সামান্য ইঙ্গিতটুকুও নয়?

আপন বক্ষের উদগত দীর্ঘনিঃশ্বাস সবলে দমন করে নিঃশব্দে ব্যাগ থেকে চাবির গোছাটা শিবনাথের হাতে দিলেন মলী সেন।

শিবনাথ মিনিট খানেক কী যেন চিন্তা করলেন। তারপর অত্যন্ত সঙ্কোচের সঙ্গে বললেন, “তোমার খান কয়েক গহনা দিতে পার দিন দুই-তিনের জন্য? বিশেষ জরুরী?”

মলী সেন বললেন, “গহনা সমস্তই সেফডিপজিটের লকারে। তার চাবি সিন্দুকের ভিতরেই

আছে। খুলে যা দরকার নিতে পার।”

শিবনাথ ব্যাখ্যা করে বললেন—“আমার কাছে নগদ টাকা সব কুড়িয়ে গুছিয়েও বোধ হয় হাজার খানেকের বেশী হবে না। এই রাত্তিরে আরও সাত হাজার টাকা খালি হাতে যোগাড় করা শক্ত। তাই কয়েকটা গহনা বাঁধা রেখে এখন টাকাটা নিচ্ছি। সোমবার ব্যাঙ্ক খুললেই তোমার গহনা ফিরে পাবে।”

মলী সেন জিজ্ঞাসুনেত্রে শিবনাথের পানে তাকালেন। শিবনাথ বললেন, “টাকাটা নিয়ে আমাকে এখনই বণ্ডনা হতে হবে। ছবি তোমার কাছে চিরকাল কৃতজ্ঞ থাকবে।”

শিবনাথ ঐচ্ছানোদ্যোগ করতেই মলী সেন জিজ্ঞাসা করলেন, “তুমি যাচ্ছ কোথায়?”

“আসানসোলে। ছবির কাছ থেকে এইমাত্র খবর নিয়ে লোক এসেছে। দেবেন তাদের আগিসের ক্যাশ ভেঙেছিল, ধরা পড়েছে।”

কণ্ঠে নীরব থেকে মলী সেন জিজ্ঞাসা করলেন, “কাল সকালে সেখানে গেলে ক্ষতি কী।”

“ক্ষতি অনেক। আগিসের বড় সাহেবকে অনেক বলে-কয়ে বাজী করানো গেছে, আজ রাত্তিরেই টাকাটা দিয়ে দিলে আর পুলিশে জানাবে না।”

“পুলিশে জানায় তো জানাবে। টাকা চুরি যে করেছে, তার শাস্তি সে পাবে। সেই শাস্তি থেকে তাকে বাঁচানটাই অন্যায়।”

“তোমার বোন নেই। থাকলে জানতে পারতে যে, ভগিনীপতিকে জেলে পাঠানটাই সংসারে সব চেয়ে বড় ন্যায় নয়।”

বোন না থাকলেও সে কথা মলী সেন বোঝেন। ছবিকে তিনি নিজেও স্নেহ করেন। তাই মনে মনে লজ্জিত হলেন। তাঁর আপত্তি তো সাহায্য দানে নয়। তিনি বললেন, “আব মিনিট কয়েক পরেই অভিনয় শুরু হবে, এখন তুমি চলে যাবে, সে কি করে হয়?”

শিবনাথ জবাব দিলেন, “না হওয়ার তো কোনো কারণ দেখছি। অভিনয়ের সঙ্গে আমার যোগাযোগ যে কোনখানে সে তো আমি ভেবে পাইনে।”

“যোগাযোগ নেই, সে-কথা সত্য। কিন্তু সেটা ঘটা করে প্রচার করারই বা সার্থকতা কী?”

“প্রচার করা যেমন অনাবশ্যক, ভান করাও তেমনি অনুচিত।”

“অত্যন্ত মহৎ মনোভাব, সন্দেহ নেই। কিন্তু তবুও এমনই অদৃষ্টের খেলা যে গত পনেরটা বছর ধরে অহোরাত্র শুধু ভান করেই কাটাতে হচ্ছে।”

নির্মম, নির্ভেজাল সত্য! শিবনাথ হৃদয়ঙ্গম করলেন। তাইতো, ভান তাঁকেও কম করতে হয় না।

জগতে বহু মনোবেদনারই লাঘব আছে সমবেদনায়। কিন্তু স্বামী বিমুখ বা স্ত্রী অন্যান্যরাগিণী প্রাণান্তেও এ দুঃখের প্রকাশ চলে না কারো কাছে। আত্মীয় পরিজনদের কাছে, বন্ধুবান্ধবদের কাছে, সমাজের কাছে অসুখী দম্পতির তাই নিরন্তর গোপনের প্রয়াস করে তাদের বিড়খিত জীবনের দুঃসহ দুঃখভার। ভান করে,—সুখী, স্বাভাবিক, সম্মিলিত জীবনযাত্রার। শিবনাথও তার ব্যতিক্রম হন।

শিবনাথকে নিরন্তর দেখে মলী সেন মিনতিপূর্ণ কণ্ঠে বললেন “বন্ধুবান্ধব, নির্মম, অভাগত সব এসেছেন। তোমাকে না দেখতে পেলে তাঁরা কী ভাববেন? তাঁদের প্রশ্নের আমি কী উত্তর দেব? দোহাই তোমার, সবার কাছে এমনভাবে আমার মাথা হেঁট করে দিও না।”

শিবনাথ স্থির কণ্ঠে বললেন—“ছবির এই বিপদের সময়ে এ সব তুচ্ছ কথা ভাববার নয়।”

মলী সেন দীর্ঘনিঃশ্বাস মোচন করে বললেন, “আমার সমস্ত কথাই তোমার কাছে তুচ্ছ। আচ্ছা, সামান্য একটা পাখি পুষলে তার প্রতি মানুষের যে আকর্ষণ থাকে আমার সম্পর্কে তোমার তাও নেই?”

শিবনাথ বললেন, “এতকাল পরে নতুন করে এ সব কথা আলোচনায় আজ আর কোনো ফল আছে কি?”

“না, নেই। তবুও একটা কথা জিজ্ঞেস করছি—তুমি বিয়ে করেছিলে কেন? আমি তোমার কী ক্ষতি করেছিলেম? আমার এতবড় সর্বনাশ তুমি কেন করলে?” কোভে ও বেদনায় মলী সেনের

কঠ অশ্রুভারাক্রান্ত হয়ে উঠল।

অত্যন্ত সঙ্গত প্রশ্ন। শিবনাথের দিক থেকে কোনো জবাব ছিল না।

কাতর কণ্ঠে শিবনাথ বললেন, “তোমার ক্ষতি করেছে, সে কথা ঠিক। কিন্তু বিশ্বাস কর মলী, অন্যায় যা করেছে, সে ভুল করে করেছে, না বুঝে করেছে। ইচ্ছে করে নয়।”

“ভুল করেছে জেনে আমার লাভ কী? আমার জীবনটাই যে এমন করে ব্যর্থ করে দিলে তা কি শুধু ‘সরি’ বললেই চুকে যায় ভেবেছ?”

“কোনো দিন তা ভাবিনি? মলী, তোমার দুঃখ অনেক। কিন্তু আমার মনস্তাপ যে তার চাইতে ঢের বেশী। তুমি তবুও নিজের দুর্ভাগ্যের জন্য আমাকে দোষী করে মনে কিছু সাহ্বনা পাও। আমি সোষ দেব কাকে? নিজের জীবনকে বিড়স্থিত করেছে, তার বেদনা মমান্তিক। তোমার জীবনকে নষ্ট করেছে, তার অনুশোচনা দুঃসহ। তুমি বিব্রাঙ্গন করবে না, মলী, অনুভূতাপের পীড়নে দিনে মুখে আমার অন্ন রোচে না, রাত্রিতে চোখে আমার ঘুম আসে না।”

শিবনাথের কঠোর আন্তরিকতা মলী সেনের হৃদয় স্পর্শ করল। তিনি কী বলবেন ভেবে না পেয়ে চুপ করে রইলেন।

শিবনাথ জিজ্ঞাসা করলেন, “মলী, আমি মূর্থ, হঠকারিতা করেছে! কিন্তু তুমিই বা ভুল করতে গেলে কেন? তোমাদের সমাজে তো মা-বাবার নির্দেশে গৌরীদান হয় না। মেয়ের মত নিয়েই সেখানে পাত্র স্থির হয়। তুমি কেন আপত্তি করলে না? আমাদের রীতিনীতি, আব্বাহওয়া, পরিবেষ্টন কোনো কিছুই তো তোমার অনুকূল ছিল না!”

দীর্ঘনিঃশ্বাস ফেলে মলী সেন বললেন, “আমার মত না নিয়ে বিয়ে হয় নি, সেকথা সত্য। বাবার তখন অত্যন্ত সঙ্কট যাচ্ছিল। শেয়ারের বাজারে হঠাৎ অনেক টাকা লোকসানে ঋণে তিনি আকণ্ঠ ডুবে ছিলেন। সে-কথা ঘৃণাক্ষরে কাউকে জানতে দেন নি। ঠিক সেই সময়ে তোমার বাবা এই বিয়ের প্রস্তাব করেন। প্রথমে আমার বাবার মত ছিল না। কিন্তু বিয়ে হলে আমার বাবার কারখানা ও ব্যবসাপুলি সমস্ত তোমাদের ব্যবসার সঙ্গে এমালগ্যামেন্টে হয়ে রক্ষে পাবে, শেয়ার হোল্ডারদের টাকাটা ঝাঁচবে, নিজেরও প্রতারক অখ্যাতি রটবে না ভেবে বাবা শেষটায় রাজী হন। কিন্তু আমি সম্মতি না দিলে তিনি কখনও বিয়ে দিতেন না।”

“তুমি সম্মতি দিলে কেন?”

“বাবা বার বার বলেছিলেন, ‘মলী তুই খুশি হয়ে রাজী না হলে এ-বিয়ে আমি দেব না। আমার দেনার কথা, কারখানার কথা তুই ভাবিসনে। তার ব্যবস্থা যা করার আমি করব।’ কিন্তু আমাব বাবাকে আমি ভালো করেই জানতেম। অত্যন্ত সেনসিটিভ মানুষ। সে-দিনই রাত্রিরে চুপি চুপি তাঁর টেবিলের দেওয়াল থেকে রিভলবারটা আমি সরিয়ে এনে নিজের কাছে লুকিয়ে রাখলেম। মনকে বোঝালেম, ছেলে থাকলে আজ সে ঋণের বোঝা মাথায় নিয়ে বাবার পিছনে দাঁড়াতো। মেয়ে হয়ে আমি যদি তাঁকে তাঁর বিপদের দিনে উদ্ধার করতে না পারি, তবে মিক আমাকে।”

শিবনাথ বিস্মিত হলেন। যাকে তিনি চিরকাল আব্বামপ্রিয়, গভীরতাহীন, লঘুচিত্ত, ফ্যাশানসর্বস্ব তরুণী বলে মনে মনে করুণা করেছেন, সেও যে তার প্রিয়জনের কল্যাণে আপন সুখ-স্বাচ্ছন্দ্যের চিন্তা সম্পূর্ণ অগ্রাহ্য করে আত্মত্যাগে সক্ষম, সে-কথা কোনো দিন তিনি কল্পনা করেন নি।

মলী সেন বললেন, “তাছাড়া,—মিথো বলব না, ভেবেছিলেম, তোমার আত্মীয় পরিজনের সঙ্গে যদি বা নিজেকে খাপ খাইয়ে না নিতে পারি, তোমার কাছ থেকে কোনো আক্ষেপের কারণ ঘটবে না। লতার মূল যদি মাটি থেকে রস টানতে পারে, তবে রোদের তাপে সে শুকিয়ে মরে না।”

শিবনাথ অর্ধস্বগতের মতো বললেন, “সত্যি, দুঃজনেই জীবনকে আমরা কী অসহ্য বিড়ম্বনা করে রেখেছি।”

মলী সেন বললেন, “হ্যাঁ। হোয়াট এ টেরিবল্ মেস্। কিন্তু এমন করে আর কতকাল জীবন কাটাতে হবে, বল।”

“যতকাল জীবনের শেষ না হচ্ছে। কিন্তু মৃত্যু তো আমাদের ইচ্ছাধীন নয়। সময় হলে তাকে এড়ানো যেমন চলে না, সময় না হলে তাকে পাওয়াও তেমন অসম্ভব। একটা সীন্ না করে তো এ-যুগে প্রাণ দেওয়ার উপায় নেই।”

হঠাৎ দুই হাত দিয়ে শিবনাথের হাত চেপে ধরে ব্যাকুল কণ্ঠে মলী সেন বললেন, “এস, আবার নতুন করে আমরা জীবন আরম্ভ করি। যা গিয়েছে, তা গিয়েছে। যা আছে তাই নিয়ে শুরু করি।”

ধীরে ধীরে নিজের হাত মুক্ত করে নিয়ে শিবনাথ একটু ভ্রান হেসে বললেন, “এ তো পরীক্ষার পড়া নয় যে, সমস্ত বছর ক্লাশ পালিয়ে এগজামিনের আগে সারারাত জেগে বই মুখস্থ করে পাশ করবে! এরিয়ার মেক-আপের অবকাশ নেই জীবনে। না মলী, স্বভাবে চিন্তায়, দৃষ্টিভঙ্গিতে কোথাও তোমার সঙ্গে আমার এতটুকু মিল নেই। তোমার পথ আর আমার রাস্তা পৃথক, চলার হুন্দ আলাদা। এক ঘরে আমরা বাস করব। এক ঘরে আমরা ঘর করব না। সৃষ্টিকর্তার এই বিধান।”

দুই হাত দিয়ে চক্ষের অশ্রুবিন্দু মার্জনা করে মলী সেন বললেন, “ভগবান লোকটার মতো এমন ধৈর্যশীল আসামী আর দ্বিতীয় নেই। সংসারের সমস্ত দুঃখতির অভিযোগ অনায়াসে তারই মাথায় চাপিয়ে দেওয়া যায়। সে তো প্রতিবাদ করতে পারে না। হায়, পথের কথা তুলে আজ তুমি খোঁটা দিচ্ছ। একবারও তোমার মনে পড়ছে না যে, পথ আমার একদিনে পৃথক হয়ে যায় নি। তুলে গিয়েছ যে, আমি তো প্রথমে তোমার হাত ধরেই চলতে চেয়েছিলাম। তুমিই হাত সরিয়ে নিয়েছ।”

শিবনাথ বললেন, “আমি তোমাকে দোষ দিচ্ছি না, মলী, দোষ আমার। কিন্তু আমার কথা কাউকে বলার নয়। সে শুধু অন্তর্যামী জানেন। আমি আমার নিজের সঙ্গে যুদ্ধ করে নিজেই ক্ষত-বিক্ষত হচ্ছি অহর্নিশ। তোমাকে ঠকাবার কোনো অভিপ্রায় ছিল না। আমাকে তুমি ক্ষমা করো।”

উত্তরে মলী সেন কিছু বলার পূর্বেই ব্যস্তপদে সিদ্ধনাথ প্রবেশ করে বললেন, “মিসেস সেন, ডাক্তার সত্যসিদ্ধকে দেখেছেন? এখানে আসেন নি তিনি?”

মলী সেন জিজ্ঞাসা করলেন, “ডাক্তারকে কেন? কী হয়েছে?”

“আর বলেন কেন! মেয়েদের ড্রেসিংরুমে অপর্ণা ফেইন্ট করেছে। আমাদের কালে তো পতন ও মুর্ছাটা থাকতো পার্ট এর শেষে এ যে দেখছি অভিনয়ের আগেই অজ্ঞান। প্রোগ্রেসিভ যুগ কিনা সব কিছুই এখন আগে আগে হয়। হোঃ হোঃ হোঃ! যাই দেখিগে ডাক্তার আছে কোথায়। ডোবালে দেখছি। না, না, আপনাকে আসতে হবে না। আপনি উদ্বিগ্ন হচ্ছেন কেন? আমি ওদিক সম্মলাচ্ছি।”

সিদ্ধনাথ ডাক্তারের সন্ধানে গেলেন।

শিবনাথ বললেন, “আমি ছোট গাড়িটা নিয়ে যাচ্ছি। বড় গাড়িটা আর ড্রাইভার রইল। দরকার হলে দোকানেব হিলম্যানটাও টেলিফোন করলেই তোমাকে পাঠিয়ে দেবে।”

“তুমি আজ রাতটুকুও অপেক্ষা করতে পার না?”

“না, কোনো মতেই না।” বলে শিবনাথ কক্ষ থেকে নিষ্কান্ত হলেন।

মলী সেন ইজিচেয়ারটা বসে স্কোভে ও অপমানে দগ্ধ হতে লাগলেন। যে লোক একটা সামান্য অনুরোধের মর্যাদা রাখে না, তার কাছে ভিক্টুরের মতো নতুন করে জীবন আরম্ভের কথা তুলেছিলেন তিনি কোন লজ্জায়? ছিঃ ছিঃ, এমন দুর্বলতা তাঁর কেমন করে ঘটল? থিক তাঁকে! শত থিক তাঁব অতিপ্রমত্ত প্রগলভতায়!!

হঠাৎ শতাব্দের মায়ের উপরে মলী সেনের রাগ হতে লাগল। গিরিধর গোপাল, দীন দয়াল মধুসূদন! রাবিশ! উঠে দাঁড়িয়ে বেয়ারাকে হাঁক দিয়ে বললেন, পুরুষদের ড্রেসিংরুম থেকে অবিলম্বে নিখিলকে ডেকে আনতে।

অস্থির পদক্ষেপে পদচারণ করতে করতে ভাবলেন, ক্ষমা? কিসের ক্ষমা? বরগার উৎস শুকিয়ে দিয়ে তার কাছে চায় বিন্দু জলধারা? বাশির রক্ত বন্ধ করে দিয়ে প্রত্যাশা করে সুমধুর সুর?

ক্রোধে মলী সেনের কর্ণধ্ব তপ্ত, নিশ্বাস দ্রুত এবং দৃষ্টি কঠোর হয়ে উঠল। দুই হাতের মুষ্টি বন্ধ করে দাঁত দিয়ে ওষ্ঠাধর চেপে মনে মনে বললেন,—না, কোট চাইলে ক্রোক দান করা তাঁর ধর্ম নয়। ডান গাঙ্গে চড় খেয়ে বাঁ গায়ে দেওয়ার নীতিতে তিনি বিশ্বাস করেন না। ভাগ্যের

কাছেও পরাভব মানবেন না কিছুতেই। দীপের আলো যদি না পান, ছালাবেন অন্ত্রি শিখা। হয়তো তাতে পুড়ে মরবেন, শুধু নিজেই। ক্ষতি নেই। তিনি হত হবেন, তবু নত হবেন না।

যে-কথা কাউকে বলার নয় বলে শিবনাথ স্ত্রীর কাছে মার্জনা ভিক্ষা করলেন, সে তাঁর অন্তর্যামী ছাড়া, আরও দু'—একজন জানে। সে কাহিনীটুকু সংক্ষিপ্ত বটে, কিন্তু সামান্য নয়।

কলেজে সংস্কৃতের শিক্ষক অঘোর বাচস্পতির কাছে প্রত্যহ পাঠ নিতে যেতেন শিবনাথ। বিপত্নীক বাচস্পতির গৃহে রাশীকৃত জড় পুঁথিপুস্তক ব্যতীত একটি সজীব প্রাণী ছিল। সে তাঁর মেয়ে শৈলবালা। প্রতিদিন সন্ধ্যা বেলা মেজেতে মাদুর বিছিয়ে বুদ্ধ ব্রাহ্মণ নবীন ছাত্রের কাছে ব্যাখ্যা করতেন কাব্য, ব্যাকরণ বা সাহিত্য। গৃহকর্ম সমাপনাতে গৃহের অপর প্রান্তে ছুঁচ দিয়ে জীর্ণ জামা-কাপড়ের ছিদ্র সংস্কার করতো শৈলবালা।

পিতলের শিলসুজের উপর জ্বলছে রেড়ীর তেলের প্রদীপ। প্রাচীন কবিগণের রচনার অন্তর্ধান সাহিত্যরস, সুপণ্ডিত অধ্যাপকের উদাত্ত কণ্ঠের আবৃত্তি এবং স্বল্পপরিসর গৃহের রহস্যময় মৃদু দীপালোক কিছু দিনের মধ্যেই সীবনরতা তরুণীর এই নিঃশব্দ অথচ নিয়মিত উপস্থিতিতে শিবনাথের চক্ষে একটি বিশ্ময়কর বিশেষত্ব দান করল। তাঁর ভাবপ্রবণ হৃদয়ের উদ্দীপ্ত কল্পনায় বাদুড়বাগানের অপরিচ্ছন্ন সঙ্কীর্ণ গলিটি ক্রমে কাব্যে বর্ণিত রেবা, শিপ্রা ও বেত্রবতী-তটবর্তিনী অবন্তী, বিদিশা বা উজ্জয়িনী নগরীর বিশাল রাজপথের মহিমা-মণ্ডিত হয়ে উঠল। এবং সেই গলির একপ্রান্তে ভাড়াটে বাড়ির ক্ষুদ্র গৃহকোণবাসিনী সামান্য শৈলবালা ধীরে ধীরে সংস্কৃত সাহিত্যের মইয়সী নায়িকাদের সঙ্গে এক হয়ে মিশে গেল।

শিবনাথেব মনে হলো, স্বষি কণ্ঠের আশ্রমে এই ছিল সেই তরু-আলবালে জলসিঞ্চনরতা শকুন্তলা, বঙ্কলবন্ধনেও যার দেহসৌষ্ঠব শৈবালবেষ্টিত কমল-কলিকার ন্যায় রম্য। তিনি কল্পনা করলেন, মহেশ্বরের পদপ্রান্তে প্রণতিবিনতা এই সেই পর্যাণ্ড যৌবনপুষ্পে অবনমিতা উমা, অঙ্গে যার অরুণার্ক রক্তিম বসন, কর্ণে যার চূতপল্লব, অলকে যার নবকর্ণিকার।

বরষার ভরা নদীব মতো শিবনাথেব তরুণ হৃদয় শৈলবালার প্রতি গভীর অনুরাগে কানায় কানায় পরিপূর্ণ হয়ে উঠল।

প্রকৃতি বিচারে মানুষকে নাকি সাধাবণতঃ দুটি বিশেষ শ্রেণীতে ভাগ করা যায়। এক,—যারা হৃদয়ের দ্বাৰা চালিত। দুই,—যারা মস্তিষ্কেব দ্বাৰা। কিন্তু সংসারে এহ দুই শ্রেণীর বাইরে আরও এক জাতের লোক আছে। তাদের ভাবাবেগ অত্যন্ত প্রখর অথচ বিচারবুদ্ধিও কম সচেতন নয়।

ইতঃ নষ্ট এবং ততঃ স্রষ্ট দলের এই হতভাগোবা না উপভোগ করতে পায় দুঃসাহসিকতার স্বল্পায়ু আনন্দ, না খুশি হয় হিসেবী বুদ্ধিব সনাতন নিরাপত্তায়। এরা ইমোশানের স্রোতে ভেসে যেতে শক্তি; অথচ ইন্টেলেক্টের ঘাটে বসে থেকেও তৃপ্ত নয়। অনুভূতি ও বুদ্ধিবৃত্তির নিরন্তর অন্তর্দ্বন্দ্বে পীড়িত মানুষের দলে ছিলেন শিবনাথ। তাঁর অদৃষ্টে দুঃখভোগ অবধারিত।

আর্থিক বা-সামাজিক কোনো দিক দিয়েই শিবনাথ ও শৈলবালার দুই পরিবার সমপর্যায় নয়। এমন কি, তাদের জাত পর্যন্ত বিভিন্ন। সূতরাং পরিণয়ের মধ্য দিয়ে শিবনাথের গ্রেম যে তার চরম ও সার্থক পরিণতি লাভ করবে প্রচলিত সামাজিক রীতিতে তার সম্ভাবনা মাত্র ছিল না।

নিজ হৃদয়াবেগের এই অবশ্যজ্ঞাবী নিষ্ফলতার কথা শিবনাথের অজ্ঞাত ছিল না। অথচ শৈলবালার প্রতি আপন তরুণ হৃদয়ের সূতীব্র আকর্ষণ দমন করাও তাঁর পক্ষে সাধ্যাতীত। এক দিকে যুক্তিহীন হৃদয়াবেগ ও অন্য দিকে সতর্ক বুদ্ধির বিচার বিশ্লেষণ,—নিজ মনের এই দুই বিপরীতধর্মী-ভাবধারার পীড়নে শিবনাথ যখন ক্ষতবিক্ষত, তখন হঠাৎ একদিন জানতে পারলেন, রং শুধু তাঁর একার মনেই লাগে নি। বসন্তের যে যাদুমন্ত্র তরুণীথাকে পল্লবিত করেছে, সে লতার গ্রন্থিতেও মুকুল ফোটাতে ছাড়ে নি।

গৃহে গৃহিণী না থাকায় এত কাল শৈলবালার বাড়ন্ত গড়ন ও বিবাহে বিলম্ব সম্পর্কে পাড়ার আর পাঁচ জন হিভেম্বিল্লি মহিলার গভীর উৎকণ্ঠার কথা বাচস্পতি মশায়ের কানে এসে পৌছয় নি। তাই যে-দিন তাঁর এক আত্মীয় পত্রযোগে তাঁকে এ-বিষয়ে বিস্তর তিরস্কার ও প্রচুর উপদেশ বিতরণ করলেন, সে-দিন বুদ্ধ অধ্যাপকের প্রথম খেয়াল হলো,—তাই তো, মেয়েকে তো পাত্রস্থ করা

দরকার। কিন্তু তার উপায়টা জানা না থাকায় প্রথম যার সঙ্গে দেখা সেই শিবনাথকেই জিজ্ঞাসা করলেন।

চমকিত শিবনাথ বিবর্ণ হয়ে অস্পষ্ট উচ্চারণ ও অসংলগ্ন উক্তি দ্বারা অনেক চেষ্টায় যা বললেন, তার মোটামুটি ভাবার্থটা এই যে, অতঃপর তাঁর পরিচিত মহলে শৈলবালার যোগ্য পাত্র কেউ আছে কিনা সন্ধান করে দেখবেন।

সে-সন্ধ্যায় চন্দ্রাপীড়ের উপাখ্যান অধ্যাপকের ব্যাখ্যায় যথেষ্ট প্রাঞ্জল হলো না এবং বাণভট্টের সুদীর্ঘ সমাসবদ্ধ শব্দগুলির মধ্যে বিক্ষিপ্তচিন্ত ছাত্রটি কেবলই হেঁচট খেয়ে পড়তে লাগল। গৃহকোণে অপর প্রাণীটির নিয়মিত উপস্থিতিতেও সেই প্রথম ব্যত্যয় দেখা গেল।

পাঠশেষে শিবনাথ যখন বাড়ি ফেরেন, প্রত্যহই শৈলবালা প্রদীপ হাতে অঙ্ককার সিঁড়িয়ায় পথ দেখিয়ে দেয়। আজও তার ব্যতিক্রম হলো না।

শিবনাথ শৈলবালাকে জিজ্ঞাসা করলেন “তোমাকে আজ এতক্ষণ দেখি নি যে? এ কী তোমার মুখ এমন শুকনো দেখাচ্ছে কেন? কোনো অসুখ-বিসুখ করে নি তো?”

শৈলবালা তার দুই চক্ষু শিবনাথের পানে বিক্ষারিত করে রুদ্ধশ্বাসে বলল, “কেন আপনি আমাকে এখান থেকে তাড়াতে চাইছেন? আমি আপনার কী ক্ষতি করেছি?”

বিস্মিত শিবনাথ বললেন, “আমি তোমাকে তাড়াতে চেষ্টা করছি! সে কী! কে, আমি তো—”

“করছেন না তো কী! বাবার সঙ্গে এতক্ষণ কিসের পরামর্শ করছিলেন?”

শিবনাথ বললেন, “পরামর্শ কোথায়—ওঃ, সে তোমার বিয়ের কথা যা হচ্ছিল—তা, মানে, তোমার বিয়ে—সে তো ভালোই—এ কী তুমি কাদছ?” বলে শিবনাথ ডান হাতের তর্জনী দিয়ে শৈলবালার আনত চিবুকটি তুলে ধরতে চেষ্টা করলেন।

শৈলবালা এক পা পিছিয়ে আঁচল দিয়ে চক্ষু মার্জনা করে বলল, “আমার ভালো ভেবে আপনাকে আর কষ্ট করতে হবে না। আপনার যদি আমাকে দেখলেই দুশ্চিন্তা ঘটে, তবে বরং এখানে আর পড়তে আসবেন না।”

শিবনাথ বিস্মিত হলেন। এ তো সঙ্কুচিতা, অপরিণতবুদ্ধি বালিকার উক্তি নয়! শৈলবালার দিকে ভালো করে আর একবার তাকিয়ে দেখলেন, প্রথম যৌবনোন্মেষ তার দেহকে সুঠাম, কপোলকে আরক্তিম ও দৃষ্টিকে ভাবগম্ভীর করেছে।

শিবনাথের কাছে কিছু ঝর অস্পষ্ট রইল না। তাঁর প্রণয়-বেদনা নিরর্থক হয় নি, রূপকথার সোনার কাঠির মতো তা তাঁর কল্পলোকের রাজকন্যাকে জাগিয়ে তুলেছে,—এ কথা জেনে তাঁর সর্বদেহ অপরিসীম পুলকে রোমাঞ্চিত হয়ে উঠলো।

কিন্তু সে-আনন্দ ক্ষণস্থায়ী। এই নিষ্ফল হৃদয়াবেগ তাঁদের উভয়ের—বিশেষ করে শৈলবালার—কল্যাণ করবে না, জীবনকে বিড়ম্বিত করবে, এই চিন্তায় শিবনাথ কেবলই ক্লিষ্ট হতে লাগলেন। ঠিক এই সময়ে তাঁর বিয়ের কথা উঠল বিখ্যাত দত্তসাহেবের পরিবারে।

শিবনাথের পিতা বৈকুণ্ঠনাথের অর্থ ছিল যথেষ্ট, কিন্তু মর্যাদা ছিল না আশানুরূপ। মনে মনে এজন্য তাঁর ক্ষোভ ছিল গভীর। তাই বৈবাহিক সম্পর্কের লিফটে চেপে তিনি দ্রুত সম্ভ্রান্ত মহলের উপরতলায় উঠতে উৎসুক ছিলেন। দত্তসাহেব কলকাতার অভিজাতমণ্ডলীর একটি স্তম্ভবিশেষ। কোর্ট সার্কুলারে ঘন ঘন তাঁর নাম ছাপা হয়, দৈনিক কাগজে ইন্টারভিউ। রয়টারের খবরে তাঁর বিলাতে গতিবিধির নিশানা থাকে। বৈকুণ্ঠনাথ পুলকিত হলেন।

পাত্র যিনি, মনের তীব্র অস্বস্তিতে তিনি অস্থির। নিজেকে তাড়াতাড়ি যে-কোনো এক জায়গায় শক্ত করে বেঁধে ফেলার ব্যগ্রতায় শিবনাথ প্রায় চোখ বুজেই সম্মতি দিলেন।

এ-দেশে যুবকেরা স্ত্রী ঘরে আনে ঠিকজির নির্দেশে। বৃদ্ধেরা দ্বিতীয় বার দায়পরিগ্রহ করে বন্ধুদের অনুরোধে উপরোধে। শিবনাথ বিয়ে করলেন আত্মরক্ষার্থে।

দু’দিন পরেই জানতে পারলেন, এর চেয়ে মারাত্মক ভুল জীবনে আর কখনও করেন নি। শিবনাথ ভেবেছিলেন, স্ত্রী এসে অধিকার করলেই অবাধ্য হৃদয় আর নিরর্থক চঞ্চল হওয়ার অবকাশ পাবে না। শৈলবালাকে ভালো সহজ হবে। মুঢ় জানতেন না যে, বাড়ির মতো হৃদয়েরও ভ্যাকেনট পজেশান না দিলে নতুন লোকের সেখানে প্রবেশ অসাধ্য। শোনে নি যে, মানুষের

মনই হলো একমাত্র স্থান, যেখানে বে-আইনী দখলকারীর বিরুদ্ধেও ইজেক্টমেন্ট স্টাট চলে না।

শিবনাথ যাকে ভালোবাসলেন, তাকে বিয়ে করতে পারলেন না। যাকে বিয়ে করলেন, তাকে ভালোবাসতে পারলেন না। তাদের দুজনেরই দুঃখের কারণ হলেন। নিজেরও সুখী হলেন না।

শিবনাথের বিয়ের কল্লেকমাস পরেই অথোর বাচস্পত্তির মৃত্যু ঘটল। শৈলবালা চলে গেল কোথায় দূর-সম্পর্কীয় কোন এক আত্মীয়ের বাড়িতে। শিবনাথ তার আর কোনো সংবাদ বা সন্ধান পেলেন না।

কিন্তু কাছে থেকে যে ছিল দৃষ্টির আনন্দ, দূরে গিয়ে সে হলো চিন্তার সুখ। সামনে যে ছিল কামনার পাত্র, আড়ালে সে হলো ধ্যানের ধন। মলী সেনের পক্ষে কোনো মতেই সম্ভব ছিল না সেই অদৃশ্য প্রতিপক্ষকে পরাস্ত করা।

সংসারে যে-দুঃখতকারীর নীতিবোধ আছে তার শাস্তি ঘটে দু'দিকে। শিবনাথেরও সর্বাপেক্ষা বড় অসুবিধা ছিল তাঁর আপন বিবেক। তিনি না পারেন সাধারণ অত্যাচারী স্বামীদের ন্যায় হৃদয়হীন নিষ্ঠুরতায় স্ত্রীর সুখ-দুঃখ সম্পর্কে উদাসীন থাকতে, না পারেন তাঁর প্রতি নিজ অন্যায় আচরণের লজ্জা এড়াতে। অথচ স্ত্রীর যা প্রাপ্য তা দেওয়াও তাঁর সাধ্যের অতীত। অনুপস্থিত শৈলবালার প্রতি এক কল্পিত অথচ সুদৃঢ় আনুগত্য-বোধের দ্বারা উপস্থিত মলী সেনের প্রতি কর্তব্যে তিনি কেবলই বিচ্যুত হতে থাকেন।

শৈলবালা কোন অজ্ঞাত স্থানে কেমন করে জীবন কাটাচ্ছে সে-চিন্তা শিবনাথের মনকে দিব্যরাত্রি আচ্ছন্ন করে রইল। কখনও তিনি কল্পনা করতেন, সে আত্মীয় পরিজনের সমুদয় অনুরোধ, স্নানয়, তিরস্কার ও লাঞ্ছনা অগ্রাহ্য করে আজও অনুঢ়া জীবন যাপন করছে। নিজ গ্রাসাচ্ছাদনের জন্য কঠোর পরিশ্রমে দেহ তার দুর্বল, স্বাস্থ্য তার নষ্ট। কিন্তু সেই ক্ষীণকায়্য নারী তার উদার হৃদয়ের গোপন মণিকোঠায় আজও শিবনাথের মূর্তিকেই সযত্নে রক্ষা করছে। সেখানে তাঁর নিত্য আবাহন, নিত্য স্তবজুতি পাঠ। নিজের কল্পনায় শৈলবালার সেই বিশ্বস্ততার পাশে আপন আচরণ তুলনা করে নিজেকে তিনি ব্যর্থবাব দিচ্চাব দেন।

আবার কখনও বা শিবনাথ কল্পনা করেন,—পরের গলগ্রহ-জীবন থেকে নিষ্কৃতি লাভের জন্য কোনো একজনের স্ত্রী হওয়া ছাড়া হয়তো শৈলবালার আর অন্য গতি ছিল না। তাই অনাকাঙ্ক্ষিত পতিগৃহে দুর্ভাগিনীকে দিনের পর দিন অনিচ্ছুক পত্নীত্বের দায়িত্ব বহন করতে হচ্ছে। বহু আয়াসে নিজের কঠিন হৃদয়বেদনা গোপন করে সংসারের আর পাঁচজন গৃহকর্ত্রীর মতো নিয়মিত সাজিয়ে দিতে হচ্ছে আপিসের রান্না, স্কুলের টিফিন, বা রোগীর পথ্য। শৈলবালার বিবাহিত জীবনের সেই দুর্লভ ভূমিকা কল্পনা করে শিবনাথের নিজ দুঃখ তুলনায় অত্যন্ত অকিঞ্চিৎকর মনে হতো।

এমনিভাবে শিবনাথ ও মলী সেন—এই স্বামী-স্ত্রীর মধ্যে স্মৃতি ও কল্পনায় মিশে শৈলবালা এক দুর্লভ্য পর্বতের মতো অচল অটল হয়ে রইল। তাকে কেউ অতিক্রম করতে পারল না।

বিবেকের তাড়নায় মাঝে মাঝে মলী সেনের প্রতি মনোনিবেশ করেন শিবনাথ। চেষ্টা করেন তাঁকে নিজ অন্তরের মধ্যে গ্রহণ করতে। সে প্রয়াস সফল হয় না। সে-দোষ সবটা শিবনাথের নয়, মলী সেনেরও নয়।

জন্মগত সংস্কার ও পারিপার্শ্বিক আবহাওয়ার ফলে যে দৃষ্টিভঙ্গি ও মনোভাব শিবনাথ লাভ করেছেন, তার সঙ্গে স্ত্রীর ধ্যান ধারণা ও আচার-আচরণের মিল নেই। মলী সেন শৈশবে ন্যানি, কৈশোরে মেট্রন ও যৌবনে গভর্নেসের হাতে মানুষ হয়েছেন। পটলডাক্সার সেন-পরিবারে তাঁর রীতি-নীতি নিতান্তই সঙ্গতিহীন। যেন ধৃতির সঙ্গে টেইলস্, কোর্মা-কারীর সঙ্গে পলতার ঝোল। শিবনাথ ও মলী সেনের অভিভাবকেরা একথাটা ভুলে ছিলেন যে, গরুর গাড়ির সঙ্গে প্যাকার্ড ক্রিপার জুড়ে দিলে আর যাই হোক, আরোহীদের যাত্রাগতি স্বচ্ছন্দ হয় না।

শিবনাথের এক বন্ধু এসে বলল, মায়া-সিনেমায় কি একটা ভালো ছবি হচ্ছে। শিবনাথ আপিস থেকে ফোন করে স্ত্রীকে বললেন, যথাসময়ে তৈরি হয়ে থাকতে।

স্বামীর কাছ থেকে এই সামান্য সহৃদয়তার ইঙ্গিতটুকু মলী সেনের হৃদয়কে স্পর্শ করল। তিনি খুশীতে চঞ্চল হয়ে বললেন, “ওঃ, হাউ নাইস। কিন্তু বাংলা সিনেমায় গিয়ে কি হবে? আটত্রিশ বছরের হাতির মতো মোটা নায়িকা পঞ্চাশ বছরের ঝুঁড়িওয়ালার নায়কের সঙ্গে গান গেয়ে প্রেম

করবে ! সিকেনিং । তার চাইতে চলো এম্পায়ারে ।”

শিবনাথের উৎসাহ নিমেষে অন্তর্হিত হলো । ইংরেজী ছবিতে শিবনাথের তেমন রুচি নেই । চোখ বুজে ওষুধের বড়ি গেলার মতো স্ত্রীকে নিয়ে গেলেন সিনেমায় ।

সেখানে দেখা হলো ব্যারিস্টার অশোক নন্দীর সঙ্গে । মল্লী সেনের পুরানো বন্ধু । ইন্টারভ্যালের সময় সে এসে জিজ্ঞাসা করল, “হাউ এবাউট এ ড্রিক্ ?”

মল্লী সেন যতই এড়াতে চান, সে ততই নাছোড়বান্দা । শেষটায় অগত্যা রাজী হতে হয় । তিন জন সিনেমার বারে এলে অশোক নন্দী শিবনাথের দিকে তাকিয়ে জিজ্ঞাসা করলেন, “হোয়াটস্ ইওয়ার পয়জন ?”

বেচারা শিবনাথ এসব বিলাতী রসিকতার অর্থ জানেন না । ফ্যালফ্যাল করে তাকিয়ে থাকেন ।

মল্লী সেন তাড়াতাড়ি বললেন, “আমাদের দু’জনেরই সফট্ ।”

“ডোনট বি এ্যাবসার্ড্ ।” বলে অশোক বেয়ারাকে হুকুম করল, নিজের জন্য হুইস্কি অ্যান্ড সোডা । হ্যা, বড়া । আর মল্লী সেনের জন্য শেরী । শিবনাথকে বহু পীড়াপীড়িতেও লেমন স্কোয়াসের উপরে তোলা গেল না ।

অশোক শিবনাথের নিষ্পুপানি নিয়ে দু’চারটে ঠাট্টার চেষ্টা করল । কিন্তু গভীর শিবনাথ হাইটেনশন ইলেকট্রিক ক্যাবলের মতো প্রবল অন্তর্দাহ নিয়ে বসে রইলেন নিরুত্তর । এ-সব চপল আলাপ, লঘু কৌতুক ও অপরিচিত রীতি-নীতি তাঁর কাছে অত্যন্ত অসার ও অন্তঃসারহীন চরিত্রের সুস্পষ্ট লক্ষণ মনে হলো । বিশেষ করে, স্ত্রীর এই প্রকাশ্যে মদ্যপান তাঁর মনকে গভীর বিরক্তিতে ভরে দিল ।

মল্লী সেন বুঝলেন, স্বামী খুশি হন নি । কিন্তু কারণ খুঁজে পান না । ড্রিক্ সম্পর্কে তাঁর নিজের বিশেষ কোনো আসক্তি নেই । কিন্তু তার একবিন্দু উদরে গেলেই ধর্ম নষ্ট হয়—এমন অনুশাসনও মানেন না । তাঁদের সমাজে উৎসবে, নিমন্ত্রণে মেয়েরা সবাই একটু-আধটু পোট, শেরী বা ভার্মুথ পান করেন, এ তিনি জ্ঞান হওয়া অবধিই দেখে আসছেন । এ নিয়ে অনর্থ করার কী আছে ? শিবনাথের এত ঠোড়ামিরই বা মানে কী ? অশোকের অত অনুরোধের পরেও নিজের জেদ বজায় রাখা তাঁর উচিত হয় নি, একথা কিন্তু তাঁকে মানতেই হবে !

অপরাহ্নবেলায় স্বামী-স্ত্রীর সামিথ্যটুকু যতখানি আনন্দের সম্ভাবনা নিয়ে শুরু হয়েছিল, সন্ধ্যা বেলায় তার চতুর্গুণ তিক্ততায় তার পরিসমাপ্তি ঘটল ।

বাইশে মাঘ শিবনাথের জন্মদিন । দোকানে বেরোবার সময় মল্লী সেন তাঁকে সে-কথা মনে করিয়ে দিয়ে বিকেলে তাড়াতাড়ি বাড়ি ফেরার অনুরোধ করলেন ।

শিবনাথের ভালো লাগল । একজনের জন্মদিনের কথা অন্য আর একজন স্মরণ করে রেখেছে, এ-তথ্যটুকু মনকে খুশী করে । সন্ধ্যায় গৃহে এসে দেখলেন, মস্ত উৎসবের আয়োজন । বিরাট ভোজের ব্যবস্থা, প্রচুর জনসমাগম ।

ঘরের সিলিং থেকে ঝুলছে নানা রঙের জাপানী লঠন । টিপায়ের উপর জড় হয়ে আছে নানা জনের লেখা ইংরেজীতে শুভকামনার চিঠি, কার্ড ও টেলিগ্রাম । উর্দিপরিহিত ফারপোর বেয়ারারা পরিবেশন করছে নানাবিধ সুস্বাদু ভোজ্য ও পানীয় । এক কোণের টেবিলে মল্লী সেনের দেওয়া সুদৃশ্য প্রেজেন্ট । সাহেবী দোকান থেকে কেনা দামী টয়লেট কেস । তাতে সবুজ ফিতায় ঝাধা কার্ডে ইংরেজীতে লেখা,—মেনি হ্যাপি রিটার্নস ।

শিবনাথ কিছুমাত্র প্রসন্ন হলেন না । মনে পড়ল আগেকার এমনি একটি জন্মদিনের স্মৃতি । সন্ধ্যাবেলায় মেজেতে কার্পেটের আসন বিছিয়ে শৈলবালা তাঁকে খেতে দিয়েছিল নিজ হাতে প্রস্তুত সাধারণ অন্ন-ব্যাঞ্জন । সব শেষে ছোট পাথরের বাটিতে নলেন গুড়ের পায়স—জন্মদিনের অবর্জনীয় উপহার । তাঁকে উপহার দিয়েছিল একটি রুমাল । তার এক কোণে রেশমের সূতায় কাজকরা শিবনাথের নামের ইংরেজী আদ্য অক্ষরটি ।

সে-দিনের উৎসবে তার উপলক্ষ্য ও উদ্যোক্তা ছাড়া বাইরের তৃতীয় ব্যক্তির প্রবেশাধিকার ছিল না । সে-দিনের আহাৰ্য স্নেহের দ্বারা ধন্য এবং উপহার প্রিয়হস্তের চিহ্ন দ্বারা মহার্ঘ ছিল ।

আন্তরিকতায় স্নিগ্ধ ও প্রীতিতে পূর্ণ সেই সামান্য অথচ সুচুঁ আয়োজনের কাছে আজিকার বহু আড়ম্বরপূর্ণ এই হট্টগোলকে অপব্যয়প্রবণ বিকৃতরুচির উৎকট নির্দশন মনে হলো। যেন শ্যামলীর পাশে আগরওয়ালা ম্যানসন। যেন সুরবাহারের কোমল আলাপের কাছে হোটেলের উচ্চরব জ্যাঙ্গ ব্যান্ড।

হায়, মলী সেনের কোনো কাজ শিবনাথের রুচিকর হয় না, কোনো সেবায় মিলে না স্বাদ। শিবনাথের কোনো আচরণে মলী সেন পান না সন্তোষ, কোনো কথায় পান না প্রীতির আভাস।

মলী সেন ও শিবনাথের শয্যা পৃথক। স্বামী সোকানের হিসাবপত্রের খাতা পরীক্ষা করে অনেক বাত্রিতে যখন শুতে আসেন, স্ত্রী তখনও একক শয্যায় জেগে প্রতীক্ষা করেন। প্রত্যাশা করেন একটু মধুর আহ্বান, একটু নিবিড় স্পর্শ, একটু সোহাগ-সন্তোষণ। রাতের পর রাত সে-আশা বিফল হয়। সে নিশিঙ্গাগরণ বৃথা যায়।

মলী সেন কল্পনাও করতে পারেন না যে, দুটি পাশাপাশি শয্যাব মধ্যবর্তী কয়েক হস্ত পরিমিত ফাঁকের মধ্যে দস্তুর পাবারারের মতো বিরাজ করছে অদৃশ্য শৈলবালার অবিস্মরণীয় স্মৃতি। তাকে শিবনাথ কোনদিন লঙ্ঘন কবতে পারলেন না।

শিবনাথদেব বাড়ির পাশেব রাস্তা দিয়ে শব নিয়ে যায় স্বাম্মানে। একদা গভীর নিশীথে শবঘাত্রীদেব কণ্ঠে বিকট হবিধবনি শুনে মলী সেনের ঘুম ভেঙে গেল। অঙ্ককার গৃহে একা বিছানায় তাঁব ভয় হতে লাগল। তাজাতাড়ি উঠে শিবনাথের শয্যায় এসে গুলেন। নিজের ডান হাত দিয়ে শিবনাথকে বেষ্টন করে ভীতি অপনোদনের চেষ্টা কবলেন।

স্ত্রীর স্পর্শে শিবনাথেরও নিদ্রা ভঙ্গ হয়েছিল। আপন বক্ষের উপর স্ত্রীর সুগোল সুকুমার বাহুখানি তাকে সঙ্কুচিত করল। নিজেকে যেন অপবাদী মনে হলো। যন্ত্রচালিতের মতো সেন নিজের অজ্ঞাতেই ধীরে ধীরে মলী সেনের বাহুটি তিনি পাশে নামিয়ে দিলেন।

বিদ্যুৎস্পষ্টের মতো মলী সেন সে-শয্যা পরিত্যাগ করে নিজের বিছানায় ফিরে এলেন। শিবনাথের শয্যায় অংশ গ্রহণের যে অন্য আব একটা অর্থ হতে পারে সে-কথা উপলব্ধি করে লজ্জায় ও ক্ষোভে তিনি মৃত্যুকামনা কবলেন। ছিঃ ছিঃ! শিবনাথ তাকে কী মনে করলেন! তিনি যে শুধু অন্ধকায়ে ভয় পেয়েই শিবনাথের পাশে গিয়েছিলেন, সে-কথাটা চোঁচিয়ে তাকে জ্ঞানিয়ে দিতে ইচ্ছা কবল মলী সেনের।

শিবনাথও অন্ততপ্ত হলেন। স্ত্রী যে ভীত সচকিত হয়ে তাঁব শয্যায় আশ্রয় নিয়েছিলেন এবং তাঁব অকারণ গঢ়তায় অপমানিত ও ক্ষুব্ধ হয়ে ফিরে গেলেন এই কথা ভেবে শিবনাথের অনুশোচনা হলো। তিনি সুইচ টিপে মাথাব কাছের আলোটা জ্বেলে দিলেন। সহানুভূতিপূর্ণ কণ্ঠে জিজ্ঞাসা কবলেন, “তোমাব কী ভয় কবছে? আলোটা কি জ্বেলে রাখব?”

নিজের বালিশে মুখ ঢেকে অশ্রুধ্বস্ত কণ্ঠে মলী সেন বলে উঠলেন, “না, না, আমার একটুও ভয় কবছে না। তোমাকে কিছু কবতে হবে না।”

হার কী বলবেন ভেবে না পেয়ে চূপ করে রইলেন শিবনাথ। তার পর বোধ হয় নিজের মুখ-ভাব গোপন করার উদ্দেশ্যেই আলোটা নিবিধে দিলেন।

পরদিন নিজের শয্যা মলী সেন অপসাবিত করলেন পার্শ্ববর্তী কক্ষে।

দিনের পব দিন গেল কেটে। বছরের পব বছর হলো গত। শিবনাথ ও মলী সেনের হৃদয়ে কোনো যোগাযোগ ঘটল না। একজন রইলেন গিলাব মতো অসাড়। অন্য জন বইলেন হিমের মতো শীতল। এবং উভয়ের মিলিত সন্তা রইল মরুর মতো উষর।

শিবনাথ ধীরে ধীরে নিজেকে ডুবিয়ে দিলেন আপিসের কাজের মধ্যে। মলী সেন আপনাকে ছড়িয়ে দিলেন ক্লাবে, পার্টিতে, পিকনিকে।

দু’জনেই জীবন সম্পর্কে হলেন ভয়আশ, স্বপ্নহীন, বীতস্পৃহ।

অহনিশ শিবনাথ ভাবেন, মৃত্যুর আর বাকী আছে কত?

মলী সেন ভাবেন, মৃত্যুর আর বাকী আছে কী?

সজ্জাকক্ষের জ্যাঙ্গব্রে মলী সেন ও শিবনাথ যখন তাঁদের অভিশপ্ত জীবনের শোকাবহ

ব্যর্থতাকে আর একবার নতুন করে উপলব্ধি করছিলেন, রক্তমঞ্চের অপর প্রান্তে বীরেশ্বর ও নিখিল তখন মঞ্চসজ্জার বিভিন্ন ব্যবস্থা সম্পর্কে আলোচনায় রত।

দৃশ্যপট এবং আলোক-সম্পাতের সূচু সমন্বয়ের উপরেই নির্ভর করে মঞ্চসজ্জার সৌকর্য। তাঁদের কাজের এই ঘনিষ্ঠ যোগাযোগের ফলে বীরেশ্বর ও নিখিলকে ঘন ঘন আলাপ ও পরামর্শ করতে হয়।

স্টেজে প্রথম দৃশ্যটি সেট করা হয়ে গেছে। শুধু পটোভোলনের অপেক্ষা।

মল্লী সেনের মতো নিখিলেরও নাটকের শুরুতেই পাট। তিনি ইন্দ্রজিতির পোশাক পরে প্রস্তুত। পরবর্তী দৃশ্যের ব্যবস্থাপনা সম্পর্কে কী যেন দু-একটা খুঁটিনাটি নিয়ে কথা বলছিলেন বীরেশ্বরের সঙ্গে।

সত্যসিদ্ধ এসে বললেন, “রয় সাহেব, ক্ষমা প্রার্থনা করতে এলেম।”

নিখিল বিস্মিত হয়ে জিজ্ঞাসা করলেন, “ক্ষমা প্রার্থনা? আমার কাছে? কী জন্য?”

“অত্যন্ত আগ্রহ সঙ্গেও আপনাদের অভিনয়ের শেষ অবধি থাকা সম্ভব হবে না। একটা টাইফয়েডের কেস আছে বেহালায়। আমি মিনিট পনের-কুড়ি পরে চলে যাব। ক্রটি মার্জনা করতে হবে।”

“ক্রটি কিসের? আমাদের নাটক এমন কিছু নয় যে, সবাইকে শেষ অবধি বাসে দেখতেই হবে।”

“কথাটা বড় মিথ্যে নয়: শেষ অবধি ভালো অভিনয় সখের থিয়েটারে খুব কমই হয়।” বললেন বীরেশ্বর।

নিখিল বললেন, “আমার তো এই প্রথম। আগে কখনও অভিনয় করি নি। বেশ নার্ভাস বোধ করছি। ভয় হচ্ছে, অডিটরিয়াম থেকে হাততালি দিয়ে বসিয়ে না দেয়।”

“তালি বাজানো ছাড়া হাতের আর দু'চারটে মারাত্মক ব্যবহারও আছে যে।” কৌতুকভরে মন্তব্য করলেন বীরেশ্বর।

তিনজনই একসঙ্গে উচ্চ হাস্য করলেন।

সত্যসিদ্ধ বললেন, “না, না, মিছে বাবড়াচ্ছেন কেন? মিসেস মল্লী সেনের প্রডাকশন-এ লরেঞ্জ অলিভিয়ের বা শিশির ভাদুড়ীকে দেখার প্রত্যাশা নিয়ে কেউ আসে না। টিকিট যারা কেনে, তারা জানে দুর্গতদের সাহায্যের জন্য অভিনয়, ব্যবসা হিসেবে নয়।”

“কিন্তু নায়িকার পাটটা কোনো ব্যবসাদারী থিয়েটারের চাইতে খারাপ হবে, একথা ভাববেন না যেন, ডক্টর ঘোষ। রিহার্সেল-এ যতটুকু দেখেছি, মঞ্জুরী ভূমিকায় মিসেস সেনের চাইতে আর কেউ ভালো করতে পারবে, আমার মনে হয় না। আশ্চর্য ক্ষমতা। মনে হয়, যেন বিলেতী সিনেমার নামকরা অভিনেত্রীদেরও হার মানাতে পারেন।” দৃঢ়তার সঙ্গে বললেন নিখিল।

“আপনার সঙ্গে আমি সম্পূর্ণ একমত, মিস্টার রয়। অভিনয়ে মিসেস সেনের জুড়ি মেলা ভার।” সত্যসিদ্ধ বললেন। তাঁর অধরপ্রান্তে একটুখানি হাসির রেখা দেখা গেল কী? কী জানি! স্পষ্ট বোঝা গেল না।

বীরেশ্বর বললেন, “শুধু অভিনয় নয়, অর্গ্যানাইজিং এবিলিটিও আশ্চর্য। এরকম একটা বৃহৎ ব্যাপার, কত তার ঝামেলা, কত তার সমস্যা। সমস্তই একা সামলাচ্ছেন।”

“এই দলদলির দেশে এতগুলি ছেলেমেয়েকে দিয়ে এক সঙ্গে কিছু কনানোটাই কি সহজ কথা? আমি তাঁকে যত জানছি ততই অবাক হচ্ছি। বাস্তবিক, অসাধারণ মহিলা মিসেস সেন।” সজ্জ প্রশংসায় মন্তব্য করলেন নিখিল।

“ঠিক কথা, রয় সাহেব। তবে এ বিষয়ে আপনার খুব ওরিজিন্যালিটি আছে ভেবে যেন গর্বিত হবেন না। মিসেস সেন সম্পর্কে ইতিপূর্বে আরও দু'এক জনের এরকম মনে হয়েছে। তাঁর সম্পর্কে শেষ পর্যন্ত জানলেই জ্ঞান যায় যে, আগের জানাটা কত সামান্য। কিন্তু এ প্রশংসা এখন থাক। অল্প আলোচনায় এমন সংক্ষিপ্ত প্রশংসা দ্বারা মিসেস সেনের বিবিধ গুণগ্রামের প্রতি যথেষ্ট সুবিচার হবে না। এপিকের বিষয়বস্তুকে কি সনেটে লেখা যায়?”

নিখিল কী যেন বলতে যাচ্ছিলেন। সত্যসিদ্ধ তাঁকে বাধা দিয়ে বললেন, “না মিস্টার রয়,

আমাকে ডুল বুঝবেন না। আমি আপনার মতের বিরোধিতা করছি। সমর্থনই করছি। কপালে ছাপ নেই বলেই চিনতে পারেন না যে, আপনি আর আমি একই ট্রেনের যাত্রী, একই প্যাটির মেম্বর।” বলে সত্যসিদ্ধ হাস, কবলেন। সে-হাসিতে কিছু কৌতুক, কিছু ব্যঙ্গ আর কিছু বৃথি বা অনুকম্পার আভাস ছিল।

নিখিল কী বলবেন, ভেবে না পেয়ে চূপ করে রইলেন। বীরেশ্বরও কথা ঝুঁজে পাচ্ছিলেন না।

ব্যাকুল আর্তনাদে এই নীরবতা ভঙ্গ করে অকস্মাৎ আবির্ভূত হলেন মাল্লামাসি।

“সত্য, আমার সর্বনাশ হয়ে গিয়েছে।”

“কেন, কী হয়েছে?” প্রায় একই সঙ্গে জিজ্ঞাসা করলেন সচকিত সত্যসিদ্ধ, বীরেশ্বর ও নিখিল।

মাল্লামাসি বললেন, “গৌরী গোপনে বিয়ে কবেছে।”

“বিয়ে কবেছে? কবে?” জিজ্ঞাসা করলেন সত্যসিদ্ধ।

“আজ। ঘন্টা কয়েক আগে। দুপুর বেলা বাড়ি থেকে বেরিয়েছে। আমি ভেবেছি, এসেছে এখানে। তা নয়, গিয়েছে ম্যারেজ সার্জিস্ট্রাবের আপিসে। লুকিয়ে বিয়ে করে এসেছে তিন আইনে।”

“তাই নাকি! তা বেশ তো, এতে সর্বনাশের কি আছে, মাল্লামাসি? বরটি কে?”

“এক দোকানী। একে সর্বনাশ বলব না তো বলব কী?”

“দোকানী?”

“হ্যাঁ গো, হ্যাঁ। শ্যামবাজার না কোথায় যেন খদ্দেরের দোকান কবে খায়। লবণ তৈরী করে জেলও খেটেছে বাব দুই। এ-সমস্তই গৌরীর বাপের কৃতকর্মের ফল। ছোকরা ল'কলেজে তাঁরই ছাত্র ছিল। আমাদের বাড়িতে ঘন ঘন আসত। তিনি খুব পছন্দ করতেন, বলতেন এমন ভালো ছেলে নাকি আব হয় না। দেশের কাজে নিষ্ঠা দেখলে নাকি সকলেরই শ্রদ্ধা হয়। আমি কখনও আমল দিই নি। ভালো না হাতি। অপদার্থেব একশেষ। তা না হলে ফার্স্ট ক্লাশ এম-এ-ল পাশ কবে কেউ কাপড় বেচতে যায়?”

“গৌরীর সঙ্গে তার পরিচয় অনেক দিনের বৃথি?”

“হ্যাঁ, তাব বাবাই সোহাগ কবে আলাপ করিয়ে দিয়েছিলেন যে। এক সময়ে তাঁর এমন দুর্বুদ্ধিও হয়েছিল যে, মেয়েকে ঐ হতভাগটার সঙ্গে মিশে পাড়ায় স্বদেশী করতে পাঠাবেন। গৌরীরও মনে মনে ঐ রকমই খানিকটা ইচ্ছে ছিল বোধ হয়। শেষে শুধু আমার ভয়েই দুজনে সে-মতলব ছেড়েছিল। কিন্তু এর চাইতে সেও যে ছিল ভালো।”

সত্যসিদ্ধ জিজ্ঞাসা করলেন, “আপনি কি কিছুই জানতেন না? গৌরী যে এ ছেলেটির প্রতি আকৃষ্ট হয়েছে তা কি আগে অনুমান করেন নি?”

“ঘুণাকরেও না। সে যে এমন আহাম্মুকি করতে পারে, তা স্বপ্নেও ভাবি নি কোনোদিন। একটা সামান্য দোকানীর প্রেমে পড়বে আমার মেয়ে, এ যে ধারণার অতীত। ছিঃ, ছিঃ, লোকের কাছে আমি মুখ দেখাব কেমন করে?”

গৌরী মেয়েটি অত্যন্ত লাজুক ধরনের। এত নিরীহ ও নিজীব যে, তার প্রবল প্রতাপাধিত মায়ের পাশে সে প্রায় কারো চোখেই পড়ে না। ক্যান্সারুমাতা যেমন আপন বৃকের কোটরে সজ্জান বহন করে ফেরে, মাল্লামাসিও তেমনি তাকে সর্বদা নিজ আঁচলের ঢাকায় ঘিরে রেখে চলতেন। সেও যে কোনো একজন মানুষের মনোহরণ করতে পারে, তাকে ভালবেসে, জননীর অসঙ্কীর্ণ অগ্রাহ্য করে গোপনে বিয়ে করার সাহস সঞ্চয় করতে পারে, সত্যসিদ্ধ এ-কথা কখনও কল্পনা করেন নি।

ব্যাপারটা অপ্রত্যাশিত সন্দেহ নেই। কিন্তু তা বলে মাল্লামাসির এত শোকার্ত হওয়ারই বা মানে কী?

মানোটা মাল্লামাসিই বুঝিয়ে দিলেন।

কান্নাজড়িত কণ্ঠে তিনি বললেন, “তোমরা তো জান সত্য, এই মেয়ের বিয়েই ছিল আমার রাত্রিদিনের ধ্যান, জ্ঞান। কী না করেছি তার একটা ভালো বিয়ের জন্য? মেম রেখে শিখিয়েছি

বিলেতী আদব-কায়দা। ক্লাবে মার্কারের কাছে শিখিয়েছি টেনীস। সোসাইটিতে পাটিতে নিয়ে বেড়িয়েছি, যাতে বড় ঘরের ছেলেদের সঙ্গে চেনা-জানা হয়। হায়, হায়, এই তার পরিণতি! শেষকালে আমার জামাই হলো একটা কুল-শীল-হীন দোকানদার। হতভাগা মেয়ের গলায় দেয়ার কি দড়ি জুটল না?” চোখ দিয়ে তাঁর জল ঝবতে লাগল।

চোখ মুহূর্তে মুহূর্তে বললেন, “জীবনে কোনদিন সুখী হতে পাবলেম না। ছেলে-মেয়েরা বাপের স্বভাব পাবে না তো পাবে কার? বৈঠে থাকতে তাকে নিয়ে মনস্তাপের অবধি ছিল না। মরার পর তাঁর মেয়েকে নিয়েও দুঃখ পাব চিরকাল। এই আমার বিধিলিপি।”

সহানুভূতির স্বরে সত্যসিদ্ধ বললেন, “না, মামামাসি, দুঃখ কিসের? গৌরী তার নিজের মনোনীত পাত্রকে বিয়ে কবেছে; তাতে ক্ষতি কী? তাকে নিয়ে সে যদি সুখী হয়, তবে আমাদের খেদ কেন? আপনি প্রসন্নমনে তাদের দু’জনকে গ্রহণ করুন, ভগবানের কাছে তাদের সর্বস্বীর্ণ কল্যাণ কামনা করুন।”

ভ্রূঙ্ককণ্ঠে জবাব দিলেন মামামাসি, “কী বললে? তাদের আশীর্বাদ করব? কক্ষণও না। আমি অভিসম্পাত করব। তেমন মা আমি নই। আমাব সমস্ত আশা-আকাঙ্ক্ষা বার্থ করে দিয়ে এত বড় আঘাত যে দিল, তাকে আমি কোনদিন ক্ষমা করব না।”

এতক্ষণ সত্যসিদ্ধুব সঙ্গেই কথা বলছিলেন মামামাসি। মনোব উত্তেজনায় উপস্থিত অপর ব্যক্তি দৃটিকে লক্ষ্যই কবেন নি। হঠাৎ নিখিলেব দিকে দৃষ্টি পড়তেই মামামাসিব সমস্ত ক্ষোভ দুর্জয় ক্রোধে পরিণত হলো; তিনি কঠিন কণ্ঠে বললেন, “এই যে নিখিল রয়েছে দেখছি এখানে। বলুক সত্যি চোঁটা করেছিলাম কি না। গোড়াতেই যদি বিয়েটা হয়ে যেতো তবে গৌরী আজ ঐ অপদার্থ দোকানীটির খপ্পরে পড়ত? না, তখন যে তোমাদের এঞ্জিনীয়ার সাহেবের গ্রাহাই নেই। কেন, গৌরী কোন অংশে ওর অযোগ্য? তা গ্রাহ্য হবে কেন? বুদ্ধিশুদ্ধি কি কিছু আব অবশিষ্ট আছে ওর? সবই যে আর একজনের পায়ে বিসর্জন দিয়ে বসে আছেন। লজ্জা কবে না? সেই যে বলে, কড়ি দিয়ে কিনলেম, দড়ি দিয়ে বাঁধলেম, হাতে দিলাম মাকু। এখন শুধু ভ্যা করাটুকুই বাকী। গুনছি, মিসেস সেনেব বন্ধু বলে নাকি আবার জাঁক কবেও বেড়ান। ছিঃ, ছিঃ, বলি আজকালকাব ছেলেদের কি গড়-বৃত্ত জ্ঞান নেই? তোমরা কি ভাতের বদলে ঘাস খাও?”

রাগে মামামাসির যেন আর দিগবিদিক জ্ঞান বইল না।

হতবাক নিখিল বিশ্বযবিমূঢ় দৃষ্টিতে তাকিয়ে বইলেন মামামাসিব পানে। তাঁব সেই বিব্রত অবস্থা মামামাসির মনে করুণাব বদলে প্রতিহিংসার উদ্বেক কবল।

“ছিঃ, বন্ধু! তোমার মতো এমন আর ক’জন বন্ধু আছে মিসেস সেনেব, তাব খোঁজ রাখ, গাডার চণ্ড্র? জান; আর কতজন এর আগে তোমাব মতো বন্ধু হয়ে নিজেদের নাক-কান কেটেছে? সত্যসিদ্ধুকেই না হয় একবার জিজ্ঞাসা করে দেখ।” প্রায় চিৎকার করে বললেন মামামাসি।

সত্যসিদ্ধু তাড়াতাড়ি প্রসঙ্গটা চাপা দেওয়ার উদ্দেশ্যে বললেন, “মামামাসি, আপনি তো বোধ হয় এখানে অভিলয় দেখতে আর থাকবেন না! বাড়ি যেতে চান তো, আমি গাড়ি করে রেখে আসতে পারি।”

সত্যসিদ্ধুর কথায় মামামাসি নিজের উত্তেজনা সম্পর্কে সচেতন হলেন। তাই তো, তিনি যে মাত্রাজ্ঞান হারিয়ে ফেলেছিলেন! নিজের অসংযত ভাষণের জন্য লজ্জিত বোধ করলেন। একটু চুপ করে থেকে সহজ কণ্ঠে বললেন, “না, তোমাকে আর কষ্ট দিতে চাইনে। দয়া করে আমাকে শুধু একটা ট্যান্সি আনিতে দাও।”

“চলুন, আমি ট্যান্সি ডেকে দিছি।” বলে বীরেশ্বর মামামাসিকে নিয়ে প্রস্থান করলেন।

কিছুক্ষণ সত্যসিদ্ধু ও নিখিল দু’জনেই চুপ করে রইলেন। তারপর অনেকটা যেন আপন মনেই বললেন সত্যসিদ্ধু, “বেচারী মামামাসি, আশা করেছিলেন যেমন বিরাট, আশাভঞ্জে আঘাতও পেয়েছেন তেমন কঠিন।”

নিখিলের কানে এ মন্তব্য আদৌ পৌঁছেছে কিনা তা বোঝা গেল না। তাঁর চিন্তাকুল চেহারা থেকে অনুমান করা শক্ত নয় যে, মামামাসির অগ্রিয় ভাষণ তাকে শুধু আঘাত করে নি, বিচলিতও

করেছে।

কিছুটা সন্তোষের সঙ্গে নিখিল বললেন, “আপনাকে একটা কথা জিজ্ঞাসা করি—যদি কিছু মনে না করেন—কথাটা—”

“আপনাকে কিছু বলতে হবে না। আপনার প্রশ্ন আমি বুঝেছি। দেখুন, মিস্টার রয়, আমি আপনার চাইতে বয়সে বড়, সে-হিসেবে অভিজ্ঞতাও বেশী। আমার কথা শুনুন, সংসারে যার কাছে যতটুকু পাওয়া যায়, তার কাছে ততটুকুর জ্ঞানই কৃতজ্ঞ থাকা ভালো। না, না, মিস্টার রয়, এ তর্কের কথা নয়, এ অনুভূতির কথা। পাথরের নুড়িকে শালশিম ভেবে যদি অর্থ্য দিয়েই থাকেন তাতেই বা ক্ষোভ কিসের? পুষ্কার আনন্দ জোঁ মূর্তিতে নয়, আনন্দ ভক্তের মনে।”

বীরেশ্বর ফিরে এলেন। বললেন, “মাল্যমাসিকে ট্যান্ডিতে তুলে দিয়ে এলাম।”

সত্যসিদ্ধ বীরেশ্বরের প্রবেশ বা উক্তি কোনদিকেই মনঃসংযোগ না করে নিজের কথাই জের টেনে বললেন,—“হয়তো আমার কথাগুলি অনেকটা সারমোনাইজিং-এর মতো শোনাচ্ছে। কিন্তু বিশ্বাস করুন, মিস্টার রয়, এ আমার দৃঢ় প্রত্যয়ের কথা। একদিন আমিও আপনারই মতো মনে মনে দগ্ধ হয়েছি, মানুষের প্রতি, বিশ্বশ্রদ্ধাশূণ্যের প্রতি বিতৃষ্ণা বোধ করেছি। কিন্তু আজ আমার মনের স্বৈর্য সম্পূর্ণ ফিরে পেয়েছি। সংসারে কারো সম্পর্কে কোনো অভিযোগ নেই আমার।”

নিখিল জিজ্ঞাসা করলেন, “কেমন করে তা সম্ভব হলো?”

“সংসারে অতি নগণ্য ঘটনা থেকেও যে মাঝে মাঝে কী বৃহৎ পরিবর্তন ঘটে, তা আমাদের কল্পনার বাইরে। লালাবাবুর গল্প শুনেছেন হয়তো। সেই যে ‘বেলা গেল’র কাহিনী। এও অনেকটা সে-বকমই। এত অকিঞ্চিৎকর যে, আমার নিজেরই বলতে সঙ্কোচ হচ্ছে।” বলে সত্যসিদ্ধ ক্ষণেক দীর্ঘ রইলেন। বোধ করি নিজের মনে মনে সমস্ত বিষয়টা একবার পর্যালোচনা করলেন। তারপর ধীরে ধীরে বলতে সুরু করলেন,—

“মাস ছয়-সাত আগের কথা। এক সন্ধ্যায় চেয়ারে একটি মহিলা এলেন। রোগী। এমন কতই আসে। ব্যক্তি হিসাবে কারো সম্পর্কেই ডাক্তারের কোনো ঔৎসুক্য থাকে না। কিন্তু এ মহিলাটি অন্য পাঁচজনকে চাইতে স্বতন্ত্র। আশ্চর্য বুদ্ধির দীপ্তি তাঁর দৃষ্টিতে, অনাধার গদ্যতার আভাস তাঁর ভাষণে ও আচরণে। মহিলা বিবাহিতা। স্বামীর পরিচয় জিজ্ঞাসা করতে ঈষৎ হেসে বললেন, ‘তাতে তো আপনার রোগ নির্ণয়ে কোনো সাহায্য হবে না।’”

বীরেশ্বর বললেন, “আশ্চর্য তো!”

“হ্যাঁ, সে-জন্যই বোধ হয়, একটু বিশেষ মনোযোগ দিয়ে চিকিৎসা সুরু করলেম তাঁর। প্রতি দুই-প্তা অন্তর আসেন তিনি। পৃথিবীতে যেটো অনেক যত্নে ব্যবস্থা কবি ওষুধের। রোগের উপশম দেখিলে। সন্দেহ হলো, মহিলা, নির্দেশ মতো বিশ্রাম নিচ্ছেন না। জিজ্ঞাসা করতে সংক্ষেপে উত্তর দিলেন, তিনি খেটে খান। আমি অশ্বাস দিলেম, আমাকে ফিজ দিতে হবে না। স্মিত মুখে জবাব দিলেন, ‘ডাক্তারকে পয়সা না দিলে ওষুধে উপকার হয় না।’ অর্থাৎ বিনীত অথচ সুস্পষ্ট ইঙ্গিতে জানিয়ে দিলেন, কারো কাছ থেকে অর্থসাহায্য নেওয়ার পাত্রী তিনি নন। মাস দুই নিয়মিত এলেন। তারপরে তাঁর আর দেখা নেই।”

নিখিল বললেন, “অন্য কোনো ডাক্তারের কাছে গিয়েছেন বোধ হয়।”

“না, তা নয়। হঠাৎ আজ সকালে তিনি আবার এসেছিলেন। চেহারা দেখেই বুঝলেম, অসুখ কমে নি, বেড়েছে। যথারীতি পরীক্ষার পর মনোভাব যথাসাধ্য গোপন রেখে স্বাভাবিক স্বরে বললেম, আপনার স্বামী কিংবা অন্য আত্মীয়-স্বজনের সঙ্গে একবার—।” তিনি বাধা দিয়ে শাস্ত্র অথচ দৃঢ় কণ্ঠে বললেন, ‘আপনার যা বলবার আমাকেই বলতে পারেন।’ আমি ইতস্ততঃ করছি দেখে বললেন ‘আপনি অনর্থক বিব্রত বোধ করবেন না। আমি জানি আমার কী হয়েছে। আপনি কতদিন মিয়াদ মনে করেন?’”

নিখিল মন্তব্য করলেন, “এ্যামেজিং।”

সত্যসিদ্ধ বললেন, “প্রশ্নের পাশ কাটিয়ে বললেম—পুষ্টির খাদ্য, পরিপূর্ণ বিশ্রাম এবং প্রয়োজনীয় পরিচর্যা পূলে সারতে—সব চেয়ে ভালো হয় কোনো স্যানাটোরিয়ামে, কসৌলী, ধরমপুর কিংবা—। তিনি জিজ্ঞাসা করলেন, ‘বাড়িতে থাকলে অন্য লোকের ছোয়াচ লাগার আশঙ্কা

আছে খুব ?' আমি বললেম, তা আছে। মহিলা প্রতিবারের মতো নিয়মিত ব্যাগ থেকে টাকা বের করে পুরো ফিজের টাকাটা রাখলেন আমার টেবিলে। বললেন, 'আপনি আমার যথেষ্ট যত্ন নিয়েছেন, আপনাকে অনেক ধন্যবাদ।' ছোট্ট একটা নমস্কার করে ধীরে ধীরে চলে গেলেন। জানেন মৃত্যুর এত মুখোমুখি দাঁড়িয়ে, অথচ ভয় বা বিচলনের কিছুমাত্র চিহ্ন নেই আচরণে।"

বীরেশ্বর জিজ্ঞাসা করলেন, "তারপর ?"

সত্যসিদ্ধ বললেন, "অবিবাহিত ডাক্তারের পক্ষে কোনো মহিলা পেশেন্ট সম্পর্কে অত্যধিক আগ্রহ প্রকাশটা বিপজ্জনক। তবুও ঔজ্জ্বল্যের নিয়ে যে-সকল বিক্ষিপ্ত সংবাদ সংগ্রহ করেছি তাদের মধ্যে পূর্বাঙ্গের সামঞ্জস্য নেই। কেউ বলেন, মহিলা কোনো এক মেয়ে স্কুলের শিক্ষয়িত্রী। আত্মীয় পরিজন কেউ কোথাও নেই। নেই যদি তবে সে-কথা বলতে বাধা কী ? আবার কেউ বলেন, মহিলার সবাই আছে, স্বামী একজন আর্টিস্ট। আছে যদি তবে সে কথা গোপন করার প্রয়াস কেন ? সত্যি বলছি, মিস্টার রয়, স্বভাবে শাশু, ব্যবহারে মধুর ও মনোভাবে তেজস্বিনী এই মহিলা আমার কাছে যেন সংকেতহীন এক বিরাট রহস্য।"

নিখিল ও বীরেশ্বর দু'জনেই চুপ করে রইলেন।

সত্যসিদ্ধ একটু থেমে আবার বলতে লাগলেন, "আমি ডাক্তার। অহরহঃ চোখের সামনে রোগীকে মরতে দেখতে হয়। তাতে বিচলিত হলে চলে না। কিন্তু মৃত্যুকে এমন প্রত্যক্ষরূপে এর আগে যেন কখনও উপলব্ধি করি নি। বোধ হয়, এই মহিলা তাঁর আপন চরিত্রের বৈশিষ্ট্য আমার মনে গভীর রেখাপাত করেছিলেন বলেই তাঁর আসন্ন অবধারিত মৃত্যু আমার কাছে ভয়াবহ নির্মমতায় এমন স্পষ্ট হয়ে উঠল। জীবন যে কত ক্ষণিকের এবং মানুষ যে কত অসহায় তা যেন এই প্রথম যথার্থরূপে বুঝতে পারলেম। সে-মুহুর্তেই সংসারের সমস্ত কলহ, বিরোধ, মান, অপমান নিতান্ত তুচ্ছ এবং অর্থহীন মনে হলো। কথটা শুনতে যতই কেন না অবাক লাগুক মিস্টার রয়, আমার রোগী সুবালার কাছে আমি সত্যি কৃতজ্ঞ। তিনি আমাকে নতুন জীবনদর্শনের ইঙ্গিত দিয়ে দিয়েছেন।"

"কী নাম বললেন তাঁর ?" ব্যগ্র কণ্ঠে প্রশ্ন করলেন বীরেশ্বর।

"সুবালা। মিসেস সুবালা বোস। কেন, চেনেন নাকি এ-নামের কাউকে ?"

বীরেশ্বরের গলার ভিতরে কী একটা স্প্রিং-এর মতো সজোরে চেপে ধরল যেন। বহু আশ্রাসে সেখান থেকে জড়িত উচ্চারণে এক অক্ষরের যে-শব্দটা নির্গত হলো তা এতোই মৃদু যে, সেটা হ্যাঁ, কিংবা না, তা ঠিক বোঝা গেল না।

সত্যসিদ্ধ বিদায় নিতেই বীরেশ্বর ছুটে গেলেন টেলিফোনের কাছে। একবার নো-রিদ্রাই ও দু'বার ভুল নম্বরের পর লাইনটা পেলেন।

"হ্যালো, কে কথা বলছ ? ও নিধু, মাকে একবার ডেকে দে তো। মা নেই ? বেরিয়েছেন ? কখন ? কখন ফিরবেন বলে যান নি ? হেঁটে বেরিয়েছেন কী ? ট্যাক্সিতে ! খোকন সঙ্গে আছে তো ? খোকনকে, কী বললি ? খোকনকে আগেই সিনেমা দেখতে পাঠিয়েছেন ? হ্যালো, হ্যালো—যাঃ (খট খট খট) হ্যালো, হ্যালো মিস—ইয়েস, আই হ্যাভ বিন কট অফ্। ইয়েস পি-কে, সিঙ্ক-জিরো—নাইন-ডবল থ্রি। হ্যালো, হ্যালো, কে নিধু—হ্যাঁ আমি। তা কি বলছিলি তুই ? ছোট্ট স্টুকেশটায় খানকয়েক জামা কাপড় গুছিয়ে নিয়ে গেছেন ? কোথায় যাচ্ছেন জিজ্ঞেস করিস নি কেন ? জিজ্ঞেস করেছিলি ; বেশ। কী বললেন তিনি ? কিছু বলেন নি ? কী বললিস শুনতে পাচ্ছিনে। হ্যাঁ, চাবি ; চাবির কী হয়েছে ? চাবি তোর কাছে দিয়ে গেছেন ? আমাকে দেওয়ার জন্য ? হ্যালো, একটু টেঁচিয়ে বল দিকিন। হ্যাঁ, এখন শুনতে পাচ্ছি। চিঠি ? কার চিঠি ? আমার ? মা লিখে রেখে গিয়েছেন, আমার জন্য ? কোথায় সে চিঠি ? টেবিলের উপরে রেখেছিস তো শিগগির নিয়ে এসে খুলে পড় দেখি। ওঃ, তুই তো পড়তে জানিস নে। কী মুন্ডিল !"

হতবুদ্ধি বীরেশ্বর কী করবেন ভেবে পেলেন না।

ধীরে ধীরে তাঁর স্মরণ হলো, হ্যাঁ, কিছুদিন থেকে সুবালাকে কেবলই জানালার পাশে ইজিচেয়ারটায় চুপচাপ বসে থাকতে দেখেছেন বটে। সে কী তবে—কী জানি। বীরেশ্বর তো

ভেবেছেন স্কুলের খাটুনির পরে সুবালা বিশ্রাম করছেন। কিংবা কিছু ভাবেনই নি। অহর্নিশ যাদের দেখা যায় তাদের চেহারার পরিবর্তন স্বভাবতঃই চোখে পড়ে না। কিন্তু এখন বীরেশ্বরের মনে হতে লাগল, তাই তো, সুবালার চোখে মুখে ইদানীং একটা ক্লান্তি ও অবসাদের ছাপ পড়েছে যেন।

কিন্তু সুবালা হঠাৎ গেলেন কোথায়?

তার চাইতেও বেশী অবোধ্য বিষয় আছে। কী কারণে সুবালা আপন অসুস্থতার কথা বীরেশ্বরের কাছে এতদিন একবারও উল্লেখ করেন নি? কেন তাঁকে দেন নি আপন দুরারোগ্য ব্যাধির সামান্যতম ইঙ্গিত? কেন নেন নি প্রাত্যহিক শিক্ষকতার অহেতুক পরিশ্রম থেকে অন্ততঃ সাময়িক বিশ্রাম?

শীমাসাবিহীন দুর্গাহ্ সমস্যার মতো সুবালা চিরকাল বীরেশ্বরের কাছে এক দুর্জয়, দুর্বোধ্য চরিত্র। অভিজ্ঞতার অতীত। পরিচিতির উর্ধ্বে।

নিখিল একা বসে ভাবছিলেন মামামাসির প্রচ্ছন্ন ইঙ্গিত ও প্রকাশ্য তিরস্কার।

সংসারটা কি আগাগোড়াই ছলনা? মানুষের মুখগুলি কি সব মুখোশ? এতদিন মিসেস সেনের যে আচরণকে তিনি সহজাত সৌজন্য মনে করে শ্রদ্ধাশ্রিত হয়েছেন, সে তবে শুধু একটা পোজ? যাকে সৌহার্দ্য ভেবে পুলকিত হয়েছেন সে তা'হলে নিছক ককোট্রি?

স্কোভে ও দুঃখে নিখিলের চোখে সমস্ত পৃথিবীটাই যেন বিবর্ণ মনে হলো। বাস্তবিক, কী নির্বোধ তিনি! মামামাসি যে তাকে ভৎসনাকরে গেলেন, সে তো অহেতুক নয়। সত্যি, তিনি অবজ্ঞারই পাত্র।

কপট সোহাগ ও কৃত্রিম সখ্যের আবরণে মায়াবিনী সুপরিচরিত পন্থায় তাঁকে কেবলই প্রবঞ্চনা করেছে, এই নবলজ্জ খারণায় মলী সেনের প্রতি নিখিলের মনে প্রবল বিদ্বেষ দেখা দিল। স্থির ও নিরপেক্ষ চিত্তে তিনি একবারও ভেবে দেখলেন না, মলী সেনের সত্যিকারের অপরাধ কোথায় বা কতটুকু। ‘আমি প্রতারিত, প্রবঞ্চিত’—শুধু এই কথা মনে করে আহত আত্মাভিমানে তিনি ক্ষুব্ধ হয়ে উঠলেন।

সত্যসিদ্ধুর উক্তিগুলি নিখিলের কাছে ছেলদের কপিবৃকের নীতিকথার মতো মনে হলো। হয়তো সত্য, কিন্তু অবাস্তব। জীবনদর্শনের অর্থ কী? তার ইঙ্গিত বলে সত্যসিদ্ধু যে কবিত্ব কার গেলেন তারই বা অস্তিত্ব আছে কোনখানে?

না, ডাক্তার সাহেব, উপদেশের মলমে মনের ক্ষত শুকাই না।

কিন্তু একান্তে বসে আত্মশুদ্ধিতির সময় এখন কোথায়? আজ রাত্রির এই উৎসব-আয়োজনের মধ্যে তার মর্মবেদনার তো অবকাশ নেই। যবনিকার এক প্রান্তে প্রেক্ষাগৃহে প্রতীক্ষাকুল অসংখ্য নরনারী, অপর প্রান্তে এই মনোরম দৃশ্যপট, এই উজ্জ্বল দীপালোক, এই সুমধুর আবহ সঙ্গীত, এই জরি-ঝলমল সাজ-সজ্জার সমারোহ। এই স্বপ্নময় পরিবেশে ইলেকট্রিক্যাল এঞ্জিনীয়ার এন-সি-রয়ের তো কোনো অস্তিত্ব নেই। এই মুহূর্তে তিনি মগধের রাজতনয় ইন্দ্রজিৎ। বিদেশিনী রাজকন্যা মঞ্জুশ্রীর প্রেমের দ্বারে তৃষ্ণার্ত অতিথি।

ক্রিং ক্রিং ক্রিং করে বৈদ্যুতিক ঘণ্টা বেজে উঠল। অভিনয় আরম্ভের ষাঁচ মিনিট পূর্বেকার সঙ্কেতধ্বনি।

“ফাইভ মিনিটস টু কার্টেন; টেক পজিশন, এডরিবডি।” দূর থেকে স্টেজ-ম্যানেজারের কঠে নির্দেশ শোনা গেল।

নিখিল কালবিলম্ব না করে স্টেজে আপন নির্দিষ্ট স্থানে এসে আসন গ্রহণ করলেন।

ঐনরুমের অপর অংশে নীরজা চলতে চলতে আপন চিন্তাধারায় এমন গভীর নিমগ্ন ছিলেন যে, দুই গজ দূরে থেকেও সত্যসিদ্ধুকে দেখতে পান নি। অবশেষে প্রায় তাঁর ঘাড়ের উপরে পড়তে পড়তে নিজেকে কোনো মতে সামলে নিয়ে বললেন, “মাপ করবেন, আপনাকে ঠিক—”

সত্যসিদ্ধু হেসে বললেন, “ঘুমের মধ্যে হেঁটে বেড়ায় এমন লোককে ইংরেজীতে বলে সম্ভানবুলিস্ট। জেগে থেকেও স্বপ্নচালিত যারা তাদের জন্য অন্ততঃ ডাক্তারী শাস্ত্রে কোনো সংজ্ঞা

আছে বলে জানিনে। নীরজা, ব্যাপারখানা কী ?”

নীরজা লজ্জিত হয়ে বললেন, “আপনাকে মোটেই দেখতে পাই নি।”

সত্যসিদ্ধু কৌতুকজড়িত কণ্ঠে বললেন, “সংসারে কীণদৃষ্টি শুধু বৃজেরাই নন। একটা বিশেষ অবস্থায় তরুণ-তরুণীরাও চোখেব অসুখে ভোগেন। তখন বিশেষ কোনো ব্যক্তি ছাড়া আর কারকে চোখেই পড়ে না।”

সত্যসিদ্ধুর বলার ভঙ্গিতে নীরজাও হেসে ফেললেন। বললেন, “তাই না কি ? বড় বেয়াড়া অসুখ বলতে হবে, ডক্টর ঘোষ।”

“হ্যাঁ, জটিল তো বটেই। চোখে বঙ্গিন চশমা না পরেও রোগী তখন সব কিছুই রঙ্গিন দেখতে শুরু করে।”

“সে তো শুনেছি জনডিসের লক্ষণ। লিভারের দোষ থেকে হয়। তাদের ধরে ধরে এক কোর্স এমিটিন ইনজেকশান দিলে হয় না ?” কপট ওৎসুক্যের সঙ্গে জিজ্ঞাসা করলেন নীরজা।

সত্যসিদ্ধু নীরজার রসবোধ ও বাকচাতুর্যে চমৎকৃত হলেন। সহাস্যে জবাব দিলেন, “না মিস্টার, ডায়াগনোসিসে ভুল আছে। এ-অসুখ লিভার থেকে নয়, হার্ট থেকে। কিন্তু ব্রিটিশ ফারমাকোপিয়ায় ওর ওষুধ লেখা নেই।”

পরিহাসের আবরণে সত্যসিদ্ধুর মন্তব্যগুলি যে আলোচনাকে ক্রমশঃই বাস্তবের দিকে এগিয়ে নিয়ে যাচ্ছে সে-কথা হৃদয়ঙ্গম করে নীরজা বিব্রত বোধ করলেন। তাড়াতাড়ি প্রসঙ্গ পরিবর্তনের উদ্দেশ্যে বললেন, “আপনার কাছে একটু বিশেষ প্রয়োজন আছে, ডক্টর ঘোষ। আজ কালের মধ্যেই আপনার চেয়ারে একবার যাব ভাবছিলাম।”

সত্যসিদ্ধু জিজ্ঞাসা করলেন, “প্রয়োজন আমার কাছে ? কারো অসুখ-বিসুখ সংক্রান্ত বোধ হয় ?”

নীরজা জবাব দিলেন, “না, প্রয়োজনটা আমারই।”

সত্যসিদ্ধু জিজ্ঞাসু নেত্রে নীরজার পানে তাকালেন।

নীরজা কয়েক সেকেন্ড নিজের মনে কী যেন চিন্তা করলেন। তারপর বললেন, “আপনার জানা-শোনা কোনো হাসপাতালে আমার একটা কাজ জুটিয়ে দেন যদি তবে উপকার হয়।”

সত্যসিদ্ধু জিজ্ঞাসা করলেন, “মিস্টার রয়ের বাড়িতে যে কাজ, সে কি শেষ হয়ে গিয়েছে ?”

“হ্যাঁ—না—হ্যাঁ—তা এক রকম শেষ বললেও হয়।” ইতস্ততঃ করে বললেন নীরজা।

সত্যসিদ্ধুর কাছে বিষয়টা স্পষ্ট হলো না। জিজ্ঞাসা করলেন, “তার অর্থ ?”

নীরজা বললেন, “আসলে মিস্টার রয়ের বাড়িতে কাজ সামান্যই। ওঁব পিসিমাকে শুধু একটু দেখাশোনা করা। তিনি অসুস্থ বা নিতান্ত অশক্ত নন। সারা দিনে ঘন্টা দুই-তিনের বেশী কাজ নেই। নার্স না হয়ে যে-কোনো মেয়েমানুষ হলেই চলে।”

সত্যসিদ্ধু জিজ্ঞাসা করলেন, “মিস্টার রয় তাই মনে করেন বুঝি ?”

“না, তিনি কিছু বলেন নি।”

সত্যসিদ্ধু জিজ্ঞাসা করলেন, “পিসিমা কি খুব দজ্জাল, বদরাগী লোক ?”

“না, না। তিনি মাটির মানুষ। আমাকে প্রায় মেয়ের মতই স্নেহ করেন।” জানালেন নীরজা।

সত্যসিদ্ধু কিছুটা সঙ্কোচের সঙ্গে বললেন, “মাইনের কথাটা জিজ্ঞাসা করা অভদ্রতা, তবুও—”

“না, সে-দিক দিয়ে বলার কিছুই নেই। হাসপাতালে চাকরির ডবল টাকা মেলে এখানে।” বললেন নীরজা।

“তবে ?”

“অসুবিধা,—মানে—কেন জানিনে আর ভালো লাগছে না এ-কাজ।” বললেন নীরজা।

“ইং, বুঝছি।” বলে অর্থপূর্ণভাবে মৃদু মৃদু হাসতে লাগলেন সত্যসিদ্ধু।

সত্যসিদ্ধুর হাসি ও মন্তব্যে নীরজা সঙ্কোচ বোধ করলেন। চোখ তুলে সত্যসিদ্ধুর পানে তাকাতেও লজ্জা হচ্ছিল তাঁর। মাটিতে চোখ রেখে বললেন, “বাঃ রে, এর মধ্যে আর বোঝাবুঝির প্রশ্ন আছে কোনখানে ?”

সত্যসিদ্ধু পূর্ববৎ সকৌতুক হাস্যে বললেন, “নেই ? কি জানি। হবেও বা। এ-সব হৃদয়সা

তব্বৎ। সমস্তই নাকি নিহিতং গুহায়াং। থাক। এর চাইতেও বেশী ব্যাখ্যা করলে হয়তো তুমি লজ্জায় একেবারে মিশে যাবে।”

নীরজা নতদৃষ্টিতে চুপ করে দাঁড়িয়ে রইলেন। তাঁর গায়েব রং অমন কালো না হলে কর্ণমূলে লালের আভা নিশ্চয়ই স্পষ্টতব্ব হতো।

সত্যসিদ্ধ বললেন, “ভাবছ, ধরলেম কী করে? কেন, সেটা এমন শক্ত কী? যার একটু সামান্য বুদ্ধি আছে, সে-ই অনায়াসে ঠাঁচ করতে পারে। খাটুনি নেই, মাইনে দ্বিগুণ, রোগী নির্বঙ্কট। এ-চাকরি যার ভালো লাগে না, বুঝতে হবে তাঁর ভালো লাগার অন্য লক্ষ্য আছে। এবং সে লক্ষ্যে যে অলক্ষ্যে টান পড়েছে, তা তো তরুণ মনিবটির অবস্থা দেখেই অনুমান করা যায়।” অর্থপূর্ণ হাস্য করলেন সত্যসিদ্ধ।

হাসি শেষ হলে কঠে গাষ্ট্রীয় ও সহানুভূতি মিশিয়ে সত্যসিদ্ধ বললেন,—“নীরজা, আমি তোমারও শুভাকাঙ্ক্ষী। তাই বলছি। জেনে রেখো, সুখের উপরে কোনো জ্বরদস্তি চলে না। সতরাং যা পাবার নয়, তা নিয়ে কাড়কাড়ি করতে গেলে মান যায়, প্রাণও ভরে না। বোধ হয় হেঁয়ালীর মতো শোনাচ্ছে। আমার মুস্থিলই এখানে। ঠাট্টা করে করে এমনই অভ্যাস খরাপ হয়ে গিয়েছে যে, এখন সিরিয়স কথা বলতে গেলেও লোকে সিরিয়সলী নেয় না। কমিক অ্যাক্টরকে হিরোর পার্ট দিলে যে-দশা ঘটে।”

অতি-প্রয়াগে ব্যর্থ হয় দণ্ড, অতি-পীড়নে ভয়। অনুভূতিও অসার হয় অতিরিক্ত দুঃখভোগে। বলা বাহুল্য, সেটা বেদনার অবসান নয়, বেদনার অভ্যাস। ব্যথার অপসৃতি নয়—বিশ্মৃতি।

আপন নিঃশ্রেয় বিবাহিত জীবনের শোকাবহ ব্যর্থতায় ক্রমশঃ অভ্যস্ত হয়ে মলী সেন তার অস্তিত্ব সম্পর্কেও যেন আর সর্বদা সচেতন ছিলেন না। অগ্নিদগ্ধ হয়ে মাটি যেমন কাঠিন্য লাভ করে, দুঃখের দহনে তিনিও তেমনি কঠোর ওদাসীনা অর্জন করেছিলেন শিবনাথ সম্পর্কে আপন মনোভাব ও আচরণে। উপশমহীন ব্যাধির প্রতি অভিজ্ঞ চিকিৎসকের নিশ্চেষ্টতার মতো স্বামীর বিমুখতাকেও তিনি তাঁর জাগ্রত অনুভূতি থেকে দূরে সরিয়ে রেখেছিলেন সযত্নে।

আজ সন্ধ্যায় শিবনাথের সঙ্গে এই নূতন সংঘাত মলী সেনকে কঠিনভাবে আহত করল। অতর্কিত আঘাতে বহু পুরাতন ক্ষতস্থান থেকে পুনরায় রক্তক্ষরণের ন্যায়, দীর্ঘদিন পরে নতুন করে ব্যথায় ক্লিষ্ট হতে লাগল তাঁর মন।

শিবনাথের প্রতিটি উক্তি, প্রতিটি মন্তব্য বারংবার পর্যালোচনা করে নির্জন গৃহে ক্রোধে ও বিরক্তিতে দগ্ধ হতে লাগলেন মলী সেন। বিরক্তি নিজেরই প্রতি। আত্মবিশ্মৃত হয়ে তিনি যে শিবনাথের কাছে নত হয়েছিলেন, এই কথা মনে করে আপনাকে তিনি আর কিছুতেই ক্ষমা করতে পারলেন না।

জগতে বঞ্চিত হওয়ার মধ্যে আছে দুঃখ। কিন্তু প্রত্যাখ্যাত হওয়ায় আছে অসম্মান। সেই আত্মবামাননার লজ্জা দুষ্টর। প্রাণভিক্ষার চাইতেও প্রেমভিক্ষা গ্লানিকর।

প্রত্যাশাহীন মনের যে উদগত ঔদ্ধত্যে এতকাল শিবনাথের অনাদরকে তিনি উপেক্ষা করেছেন, তাতে চিন্তে শান্তি না পেলেও সন্তোষ পেয়েছেন। বিনীত নিবেদন ও কাতর অনুরোধের দ্বারা মলী সেন নিজেকে আজ সেই ন্যূনতম আত্মতৃপ্তি থেকেও বিচ্যুত করেছিলেন। নিশ্চিত প্রত্যাখ্যানের দ্বারা শিবনাথ শুধু যে মলী সেনের সেই ব্যাকুলতাকেই বিফল করলেন তা নয়, তাঁর দীনতাকেও প্রকট করে দিয়ে গেলেন পরিপূর্ণ নগ্নতায়। কোনোখানে তার আর এতটুকু আড়াল বা আবরণ রইল না। ছিঃ ছিঃ।

তৃষ্ণার্ত গরবিনী তাঁর সমুন্নত মঞ্চ থেকে নেমে এসে বিনম্র অঞ্জলি পেতেছিলেন নদীতে। হায়, সেখানে স্রোত বিশুদ্ধ। জল মিলল না। অভাগিনীর দু’হাত ভরে উঠল শুধু শাঁক!

বেয়ারা এসে জানাল নিখিলের পক্ষে এখন আসা সম্ভব নয়।

সম্ভব নয়! মলী সেন বিস্মিত হলেন। জিজ্ঞাসা করলেন “তুমি ঠিকসে বাতায় খে?”
বাতিয়েছে বই কি। পরিকারভাবে সে মেম-সাহেবের সেলাম দিয়েছে। কিন্তু সাহেব বলছেন, তাঁর এখন ফুরসৎ নেই।

আশ্চর্য! মল্লী সেন ডেকে পাঠিয়েছেন, তার পরেও নিখিলের ফুরসৎ নেই। মল্লী সেনের বিশ্বাস হয় না। বেয়ারাটা অন্য কাউকে নিখিল বলে ভুল করে নি তো?

বেয়ারা মাথা নেড়ে বলল, ভুল সে একটুও করে নি। রয় সাহেবকে সে আচ্ছাসেই চেনে। ভারি বড়া এঞ্জিনর, দো হাজার তনখা তলব। তাঁর সেমাকভি অনেক উঁচা। নিজের নোকরদের হোলীর দিন পাঁচ পাঁচ রূপয়া বকশিশ দেন। একথা সে আপন কানসে শুনেছে। তাঁর দপ্তরমে চাপরাশীর কামও না কি বহুৎ আছে। হজুর যদি থোড়া মেহেরবানী করে সাহেবকে শুধু একদফে বলেন, তবে কালই তার বৈঠে হয়ে বড় লেড়কার একটা নোকরীর ব্যবস্থা হয়।

অসহিষ্ণু মল্লী সেন ধমক দিয়ে জিজ্ঞাসা করলেন, কোথায় আছেন এখন রয় সাহেব? সে সম্মুখিত হয়ে জানাল, সাহেব ওদিকের সজ্জাকক্ষেই আছেন। মেমসাহেবের হুকুম হলে সে আবার এক্ষুণি গিয়ে তাঁকে বলতে পারে।

না, তার প্রয়োজন নেই। বেয়ারাকে বিদায় দিলেন মল্লী সেন।

সে বেচারি যেতে যেতে ভাবল, ছেলের চাকরির সুপারিশের কথাটায়ই মনিব চটেছেন। কিন্তু তার যুক্তি ঝুঁজে পেল না। ভাবল, মেমসাহেবের সঙ্গে এঞ্জিনর সাহেবের যখন এত দোস্তী, তখন তার ছেলের জন্য একটু বলে দিতে আপত্তি কিসের? এ-সব বড়লোকেদের মেজাজের ঠিকানা পাওয়া যে তার মতো গরীব মানুষের সম্ভব নয়, অবশেষে এই সিদ্ধান্তেই তার বিশ্বাস দৃঢ়তর হলো।

মল্লী সেন অবাক হয়ে ভাবতে লাগলেন। তিনি ডেকে পাঠালে কোনো পুরুষের সময়ের অভাব হয়, জীবনে একথা এই প্রথম শুনলেন।

এক তাড়া পুফ হাতে ব্যস্তভাবে প্রবেশ করলেন লাহিড়ী। বললেন, “এই যে মিসেস সেন, আপনাকেই খুঁজছিলাম। কালকের কণ্ঠজে যে রিভিউটা ছাপা হবে তার প্রথমটা একবার দেখে দেন যদি।”

মল্লী সেন বিস্মিত হয়ে জিজ্ঞাসা করলেন, “রিভিউর পুফ? তার মানে? রাম জন্মের আগেই রামায়ণ লেখা হয়েছিল শুনেছি। নাট্য সমালোচনাও নাটক শুরু হওয়ার আগেই ছাপা থাকে নাকি?”

লাহিড়ী বিজ্ঞজ্ঞানোচিত হেসে বললেন, “হুঃ, ঐখানেই তো পাবলিসিটি অফিসারের এফিসিয়েলী। কাগজে ভালো সমালোচনা ছাপাতে হলে অভিনয় পর্যন্ত অপেক্ষা করলে চলে বুঝি? আমাদের টেকনিকই আলাদা। ড্রেস রিহার্সেলের দিনে এডিটর ও রিপোর্টারদের এনে এত আদর-আপ্যায়ন করেছি কি অমনি? অভিনয়ের সমালোচনাটা ফলাও করে আগেই লিখেছিলাম। কেঁক, স্যান্ডুইচের ঝাঁকে এক সময় দিয়ে দিয়েছি তাঁদের হাতে। কাল সকালে নিজস্ব নাট্য-সমালোচকের নামে ছাপা হয়ে যাবে দেড় কলাম। দেখবেন, এ-সব ট্রেড সিক্রেট যেন আবার কাউকে বলে দেবেন না।”

পাবলিসিটি অফিসারের ট্রেড সিক্রেট নিয়ে মাথা ঘামানোর মতো মনের অবস্থা তখন মল্লী সেনের নয়। লাহিড়ীকে বিদায় করার উদ্দেশ্যে বললেন, “কিন্তু আমার তো এখন আর একটুও সময় নেই সুরেনবাবু, আমাকে মাপ করতে হচ্ছে।”

লাহিড়ী নাছোড়বান্দা। বললেন, “এ দু’মিনিটের ব্যাপার, আপনি শুধু চট করে একবার পুফগুলির উপর চোখ বুলিয়ে দিন, কাটাকুটি সংশোধন যা কিছু আমি করছি।”

ব্যাপারটার গুরুত্ব যাতে মল্লী সেন যথেষ্ট উপলব্ধি করতে পারেন সেজন্য স্বর নীচু করে বললেন, “কাগজের আপিস থেকে এ-ভাবে গ্যালাই বাইরে আনা নিয়ম নয়। শুধু আমার সঙ্গে বিশেষ বন্ধুত্ব বলেই, এ খাতিরটা পাওয়া গেছে।”

বিশেষ খাতিরের জন্য অবশ্য মল্লী সেন বিশেষ চিন্তিত ছিলেন না। কিন্তু সুরেন লাহিড়ীর অধ্যবসায় তাঁর জানা ছিল। রিভিউটা একবার না পড়া পর্যন্ত এখান থেকে উঠবেন, এমন সম্ভাবনা আর।

হাত বাড়িয়ে কাগজগুলি নিয়ে দ্রুত তার উপরে দৃষ্টি চালনা করলেন মল্লী সেন।

নিরবচ্ছিন্ন প্রশংসা। ব্যবস্থাপনার, অভিনয়ের, আলোক সম্পাতের, দৃশ্যসজ্জার,

নৃত্য-পরিচালনার, সঙ্গীতের সব কিছুই তম-প্রত্যয়ান্ত সাধুবাদ। বিশেষ করে অভিনয়ের যুগ্মপ্রয়োগকত্রী মিসেস মলী সেনের অভিনয় সম্পর্কে প্রায় পুরা তিন প্যারাগ্রাফ। তৃতীয় অঙ্কে মঞ্জুরীর রাজগৃহ ত্যাগের দৃশ্যে তাঁর স্বাভাবিক ও মর্মস্পর্শী অভিনয়ে প্রেক্ষাগৃহে অনেকেই যে অশ্রু সংবরণ করতে পারে নি,—সে কথাও উল্লেখ আছে।

“চমৎকার !” বলে মলী সেন প্রফুল্লি ফিরিয়ে দিলেন সুরেন লাহিড়ীর হাতে।

“কাল সকালে এটা পড়ে, যারা আজ টিকিট কেনে নি তারা বুঝতে পারবে যে, কী জিনিস মিস্ করেছে। দেখবেন, আমি বলে রাখছি, রিপিট পারফরমেন্সের জন্য চিঠি আসবে অনেক।” বলে বীরদর্পে প্রস্থান করলেন উৎফুল্ল প্রচার-সচিব।

পরক্ষণেই ডলি এসে উৎকণ্ঠার সঙ্গে বলল, “মলীদি, বীরেশ্বরবাবু বাড়ি চলে গেলেন এই মাত্র। স্টেজ সাজাবাব ভাল দিয়ে গেলেন আমার উপরে, আমার তো বড্ড ভয় হচ্ছে।”

কথাটা উদ্বেগেই বটে।

“বাড়ি চলে গেলেন ? কেন ?” জিজ্ঞাসা করলেন মলী সেন।

“বললেন, বাড়িতে কী বিশেষ দরকার ; এক্ষণি না গেলেই নয়।” উত্তর করল ডলি।

মলী সেনের স্মরণ হলো, স্বীকে অভিনয় দেখতে নিয়ে আসবাব জন্য বাড়ি যেতে চেয়েছিলেন বটে বীরেশ্বর। মলী সেন নিবৃত্ত করেছিলেন। তাই এবাব তাঁকে না বলেই বীরেশ্বর চলে গেছেন মনে করে মলী সেন ক্ষুব্ধ হলেন। ভীকু কোথাকার ! সাহস হয় নি মুখোমুখি তাঁর ইচ্ছার বিবোধিতা কবতে। যাক। পশ্চাদপসরণে দ্বাবা আত্মরক্ষা করে যাবা, তারা মলী সেনের মনোযোগের অযোগ্য।

ডলি মলী সেনের মনোভাবটা অনুমান করেছে কি না তা সে-ই জানে। সে বলল, “আমি তোমাকে বলে যাওয়ার কথা বলেছিলাম। তিনি বললেন, ‘সময় নেই’।”

বটে ! সময় নেই !! মলী সেনের জন্য আজ কী সবারই সময়ের অভাব ? অথচ এতকাল তাঁর একটু সখ্য, একটু প্রশ্রয়, একটু সান্নিধ্যের জন্য অকাতরে সময় বিসর্জন দিয়ে সময় সার্থক মনে করেছে কতজন। আজও অপবাহুে তাঁর একটি সামান্য ইঙ্গিত, একটি ক্ষুদ্র আহ্বানের অপেক্ষা করেছে কত উৎকর্ণ শ্রবণ, কত উদ্বেল হৃদয়। এই ঘটনা কয়েকের মধ্যে কোথায় ঘটেছে বিপ্লব ? কোনখানে নেমেছে যবনিকা ? নির্দিষ্ট দিনশেষে চিত্রাঙ্গদার অপসৃত দেহ-লাবণ্যের মতো তাঁর আকর্ষণ কি নিঃশেষ হয়েছে আজ সন্ধ্যায় ? চক্ষে কি নেই বিদ্যুৎ, হাসো কি নেই সম্মোহন, কাণে কি নেই মদিরতা ?

সে-মুহুর্তে হাজির হলেন অমলা। মেয়েদের ড্রেস করার ভার তাঁর উপরে। বললেন, “মলী ভাই, সহচরীর পাটে ছোট মেয়েদের চলে ওয়েভ দিয়ে দিলে চমৎকার দেখাতো। কিন্তু কার্লিং ক্রিপ দেখতেনে ড্রেসিং কমে। তোমার কাছে—”

কথা শেষ হওয়ার আগেই ক্রোধ ও বিরক্তিজড়িত কাণে মলী সেন বললেন,—“সবই কি আমাকে করতে হবে ? কোনো কিছুই কি তোমরা দেখে শুনে নিজেরা করতে পার না ? কী কৃষ্ণেই যে এই অভিনয়ে হাত দিয়েছিলাম ! বিরক্তি ধরেছে আমার !”

ডলি ও অমলা দুজনেই মলী সেনের এই আকস্মিক বিক্ষোভে বিস্মিত বোধ করলেন। অভিনয়ে আয়োজনে মলী সেনের পরিশ্রম ও উদ্বেগের কথা অমলার অজানা ছিল না। তিনি অনুমান করলেন, ক্রান্তিজনিত অবসাদেই চিত্ত বিক্ষিপ্ত হয়েছে তাঁর।

তাঁরা চলে গেলেও মলী সেনের চিত্ত শান্ত হলো না। কিসের এক দুর্জয় অভিমান যেন তাঁর হৃদয়কে দলিত, মথিত ও পীড়িত করতে লাগল সর্বক্ষণ। সমস্ত পরিচিত নরনারী, সমুদয় প্রচলিত রীতিনীতি ও সর্ববিধ সমাজ-বাবস্থ। বিরুদ্ধে এক দুর্দমনীয় বিদ্রোহের ভাঙনায় উত্তেজিত হলো তাঁর মন। তাঁর চক্ষে এই বিশ্ব চরাচরের জলে, স্থলে ও অন্তরীক্ষে কোথাও কোনোখানে আর লেশমাত্র আনন্দের চিহ্ন রইল না।

নিজেকে আর কখনও এমন নিঃসঙ্গ নিরালাস মনে হয় নি। বৃহৎ পৃথিবীটা যেন একটা অতলস্পর্শী গহ্বর ; তার সীমাহীন শূন্যতার মধ্যে একা দাঁড়িয়ে আছেন তিনি।

হঠাৎ তাঁর মনে পড়ল সুখাংশুকে। তাঁর বঞ্চিত বিড়স্থিত জীবনের একমাত্র অথচ ক্ষণস্থায়ী

আনন্দ। অন্তহীন দুঃখ-রজনীর মেঘাবৃত আকাশে স্বল্পায়ু চন্দ্রালোক।

নিজের মনে মনে তাঁকে তিনি বারংবার আহ্বান করে বলতে লাগলেন, “সুখা, তুমি দূরে চলে গেলে কেন? কেন এমন চিরকালের মতো পর হয়ে গেলে তুমি?”

তার অনুক্ত রুষ্ঠের সেই অনুচ্চারিত কাতরতা নির্জন সজ্জাকক্ষটিকে যেন এক গভীর শোকাচ্ছন্ন নিস্তব্ধতায় পূর্ণ করে দিল।

ক্রতপদে সত্যসিদ্ধ প্রবেশ করলেন। কিন্তু তাঁকে কিছু বলার সুযোগ মাত্র না দিয়ে বিরসকণ্ঠে মল্লী সেন বললেন, “যদি আবার কোন উপদেশ দিতে এসে থাক সিদ্ধু, তবে ক্ষান্ত হও। উচিত-অনুচিতের তালিকায় আমার আর রুচি নেই।”

সত্যসিদ্ধ বললেন, “তাতে অবাক হই নি। মরণ-কালে সুপথ্যে অরুচি ঘটে, একথা আয়ুর্বেদেও আছে। কিন্তু ভয় কারো না, আমি লাইফ ইনসিওরেন্সের এজেন্ট নই; অনিচ্ছুক লোককে কর্তব্য বোঝানো আমার পেশা নয়।”

মল্লী সেন ঈষৎ হেসে বললেন, “শুনে আশ্চর্য হলেম। অনেক ডাক্তারই ভুলে যান যে, ওষুধ এবং উপদেশ কোনোটিই বিনামূল্যে দিতে নেই। তাতে কারো আস্থা থাকে না।”

“বোধ হয় তাই। কিন্তু এ-আলোচনা বর্তমানে নিষ্প্রয়োজন। আমি একটি জরুরী সংবাদ দিতে এলেম। শতীনকে পুলিশ গ্রেপ্তার করেছে।”

“গ্রেপ্তার করেছে! কখন?” ভীতিবিহ্বল কণ্ঠে জিজ্ঞাসা করলেন মল্লী সেন।

“হ্যাঁ, আজ বিকেলে। ডি. সি. হেড কোয়ার্টার্স আমার বিশেষ বন্ধু। স্কুলে সাত বছর আমরা এক সঙ্গে পড়েছি। এইমাত্র টেলিফোনে আমার খবর দিলেন। আমি একুশি লালবাজারে যাচ্ছি।”

“গ্রেপ্তার কিসের জন্য? শতীন কি নতুন কোন—”

“বোধ হয় না। টেলিফোনে যতটুকু জানা গেল তা এই যে, সে নিজে পুলিশের কাছে গিয়ে যেচে সমস্ত কনফেশন করেছে। পুরানো কোন কোন রাজনৈতিক ডাকাতিতে তার যোগাযোগ ছিল তাও বলেছে। আমি জামিনের ব্যবস্থা করতে যাচ্ছি। ওঃ, আর একটা কথা। আমার বন্ধু বলছিলেন, শতীনের বাড়ি তন্নাসীর সময়ে কোন এক মহিলার নামে লেখা একখানা চিঠি পাওয়া গেছে। প্রেমপত্র জিনিসটা ভালো। যিনি লেখেন তিনি নিশ্চয়ই আনন্দ পান। থাকে লেখা হয়, অনুমান করি, তাঁরও মন্দ লাগে না। কিন্তু সেটা প্রকাশ্য আদালতে বহুজন সমক্ষে পঠিত হলে কতখানি রুচিকর হবে, সে-বিষয়ে আমার সন্দেহ আছে। কাগজপত্র এখানেও যদি কিছু থাকে তবে সেগুলি এই বেলা অবিলম্বে সরিয়ে ফেল।”

এক মুহূর্ত থেমে সত্যসিদ্ধ পুনরায় বললেন, “রোগী-বিশেষে ওষুধটা আমি বিনিয়মসায়ই দিয়ে থাকি। মানুষ-বিশেষে উপদেশটাও বিনামূল্যে দিলেম। আস্থা থাকা না-থাকাটা অবশ্য আমার হাতে নয়।”

আকস্মিক এই দুঃসংবাদের আঘাতে প্রায় স্তব্ধ হয়ে গেলেন মল্লী সেন। গভীর উদ্বেগ ও শঙ্কায় আচ্ছন্ন হলো তাঁর শরীর ও মন। সুসম্বন্ধ চিন্তার ক্ষমতা পেল লোপ। বাকস্মৃতি হলো না রসনায়। চলৎ-শক্তিহীন প্রস্তর-মূর্তির মতো বসে রইলেন নিজের আসনে।

কিন্তু সে মিনিট কয়েক মাত্র। ছুটে এলেন সিদ্ধনাথ। “মিসেস সেন, আপনি এখনও বসে আছেন? ড্রপসিন উঠবে এই মুহূর্তে। ডোবাবেন দেখছি। চলুন, চলুন, আর এক সেকেন্ড দেরী নয়।” বলে এক রকম হাত ধরেই টেনে নিয়ে গেলেন মল্লী সেনকে। দমকা হাওয়ায় উড়িয়ে-নিয়ে-যাওয়া তৃণখণ্ডের মতো মল্লী সেনকে সজ্জাকক্ষ থেকে তাঁর নিজের অজ্ঞাতেই সিদ্ধনাথ নিয়ে এলেন স্টেজে। যন্ত্রচালিত পুতুলের মতো মল্লী সেন কাঠের সিঁড়ি বেয়ে উঠে বসলেন অভিনয়ের সেটে।

স্টেজ ম্যানেজার শেষবারের মতো পাত্রপাত্রীদের দিকে তাকিয়ে দেখলেন, সব ঠিক আছে কি না। তারপর ক্রতপদে উইংসের আড়ালে গিয়ে বললেন, “রেডি? ওয়ান, টু, থ্রি।”

হুইসিল।

প্রেক্ষাগৃহের অবশিষ্ট আলোগুলি একসঙ্গে নিবে গেল। ইলেকট্রিক সুইচের প্রতিক্রিয়ায় মাঝের সমুদ্র থেকে নীল ভেদভেদের মোটা যবনিকা নামিয়ে হলো অপসৃত।

উৎসুক দর্শকদের চক্ষের সম্মুখে উদ্ঘাটিত হলো রঙ্গস্থল।

‘স্বপন কুহেলী’ গীতিনাট্যের প্রথম দৃশ্য।

সমগ্র মঞ্চটি ঘন অন্ধকারে আচ্ছন্ন। নিস্তব্ধ শুধু বহু দূর হতে বাতাসে ভেসে-আসা বীণাধ্বনির ঈষৎ একটুখানি আভাস আসে যেন।

রজনীর শেষ প্রহরে পূর্বাকাশের মতো ধীরে ধীরে অন্ধকার দূর হয়ে রঙ্গস্থলে দেখা দিল আলোর রেখা। যেন তারই সঙ্গে সঙ্গতি রেখে বীণার সুর হলো স্পষ্ট থেকে স্পষ্টতর।

রঙ্গস্থল পূর্ণালোকিত হলে দেখা গেল,—নদীবক্ষে ভাসমান সুদৃশ্য এক প্রমোদতরঙ্গী।

ময়ূরপঙ্খী গড়ন। শ্বেত পঙ্খের কাজ করা ছাদের উপরে বীণা বাজাচ্ছেন সুন্দরী রাজকন্যা মঞ্জুরী। তাঁর প্রায় কোলের কাছ ঘেঁষে বাহুতে ভর দিয়ে অর্ধশায়িত সৌম্যদর্শন ইন্দ্রজিৎ। নীচে

দ্বাররক্ষিকার ভূমিকায় দাঁড়িয়ে সুবেশা দুটি তরুণী; রাজকন্যার প্রিয় সহচরীদ্বয়। দূরে অপর তীরে আকাশ নীচু হয়ে যেখানে গাছের সারির সঙ্গে এক হয়ে মিশে গেছে, সেখানে উঠেছে আখানা চাঁদ। তার আলো দুলছে নদীর বুকে।

বীরেশ্বরের সুনিশুণ তুলির রেখা ও নিখিলের আলোকসম্পাতের কৌশল ‘স্বপন কুহেলী’র দৃশ্য-বিন্যাসে স্বল্প সৃষ্টি করেছে সন্দেহ নেই।

প্রেক্ষাগৃহের মুগ্ধ নরনারী করতালি দ্বারা সংবর্ধনা জানাল নয়নমুগ্ধকর মঞ্চসজ্জার এই অপূর্ব কলাকৌশলকে।

সমীর স্তব্ধ নিঃশ্বাসে চেয়ে ছিল স্টেজের দিকে। ধীরার কানের কাছে মুখ এনে বলল, “মলী মামীকে ভারী সুন্দর দেখাচ্ছে কিন্তু।”

সত্য কথা। মলী সেনের স্বাভাবিক দিব্যকান্ধি যে-কোনো নারীর পক্ষেই ঈর্ষার বস্তু। সযত্ন প্রসাধন, বর্ণাঢ্য বসন-ভূষণ, আলোকোজ্জ্বল পরিবেশের সহযোগে সেই পর্যাণ্ড রূপ হয়েছে অপরূপ।

কিন্তু সত্য কথা শুনেও যে মন অপ্রসন্ন হতে পারে, তা কি ধীরা ইতিপূর্বে কোনোদিন কল্পনা করেছে?

উত্তেজিত সমীর দিগবিদিক জ্ঞানশূন্য হয়ে মলী সেনের প্রশংসায় নিজের উজ্জ্বলের খলি উজ্জাদ করে দিতে লাগল। বলল, “দেখেছ, বীণার তারে হাতের আঙুলগুলি খেলছে কেমন প্রেসফুল।”

“সায়লেন্স প্লিজ।”—পিছন থেকে অন্য দর্শকের কাছে তাড়া খেল সমীর। তার ডান পাশের ভদ্রলোকটিও বিরক্তিপূর্ণ দৃষ্টিক্ষেপ করলেন। বাধ্য হয়ে সমীরের মন্তব্য বন্ধ হলো।

পার্শ্ববর্তিনীটি অহেতুক মনোবেদনায় অনর্থক পীড়িত হতে লাগল নিঃশব্দে। মলী সেনের রূপ নিয়ে এতকাল সবচেয়ে গর্বিত ছিল ধীরা স্বয়ং। আজও সমীর কিছু না বললে সম্ভবতঃ সে নিজেই প্রশংসা করত। হায়, যে-কথা নিজের মুখে সবাইকে বলে বেড়াতে পারা যায় মনের আনন্দে, সে-কথা পরের মুখে শুনলে বুকে ব্যথা বাজে কেন, এ-রহস্য ধীরা কিছুতেই বুঝে ওঠে না।

অন্যান্য অভিনেতা অভিনেত্রীরা স্টেজের ভিতরে উইংসের পাশ থেকে অভিনয় দেখছিল। যদিও নীরজা দাঁড়িয়ে ছিলেন দূরে এক প্রান্তে, সেখান থেকে অভিনয়রত নায়ক-নায়িকাকে স্পষ্ট দেখতে পাওয়ার অসুবিধা ছিল না।

অভিনয়ের সঙ্গে বাস্তবের যোগ থাকে না, এটুকু বোঝার মতো বুদ্ধি নীরজার আছে। থিয়েটারের প্রণয়, দ্রব্ধ, সখ্য বৈরিতা পাত্রপাত্রীরা মুখের গ্রিঞ্জ-পেইন্টের মতোই অভিনয় শেষে

ধুয়ে মুছে ফেলে রেখে যায় পাদপ্রদীপের ছায়াতে, একথা তাঁরও অজানা নেই। তবুও প্রেমমুগ্ধ ক্রৌঞ্চমিথনের মতো মঞ্জুরী ও ইন্দ্রজিৎদের এই ভাবাবেগে ঘনসম্মিলক অবস্থিতিটুকুকে নীরজা কিছুতেই যেন প্রসন্ন মনে দেখতে পারলেন না। নিজের মনকে বারংবার বোঝাতে চেষ্টা করলেন,—এতো শুধু অভিনয়। কিন্তু মানবমনে বিচাব-বুদ্ধির গণ্ডি অতিক্রম করেও আছে যে

যুক্তিতর্কের অতীত এক অনুভূতির কেন্দ্র, সেখানে নীরজার কেবলই ব্যথা বাজতে থাকে।

মঞ্জুরীর বীণাবাদন স্নান হলো। সম্ভরণে বীণাটিকে রাজকন্যা এক পাশে সরিয়ে রাখলেন। ইন্দ্রজিৎ তাকিয়ে ছিলেন তাঁর মুখের পানে। সে তন্ময় দৃষ্টিতে প্রণয়বিহীন পুরুষের পরিপূর্ণ

আত্মনিবেদনের সুস্পষ্ট অভিব্যক্তি। সে-দৃষ্টির সঙ্গে দৃষ্টি মিলতেই নয়ন নত করলেন মঞ্জুরী।

এই অংশটুকু নিখুঁত ভাবে আয়ত্ত করতে নিখিল ও মল্লী সেনকে রিহাসলে যে অনেক দিন ধরে অনেক চেষ্টা করতে হয়েছে, সে তো নীরজা স্বচক্ষেই দেখেছেন। অথচ সে-কথা এখন তাঁর মনেই পড়ল না। ঈর্ষাকাতর হৃদয়ে পীড়িত তন্ত্রীগুলি অবিরাম বেদনায় আলোড়িত হতে লাগল।

সমগ্র প্রেক্ষাগৃহটি নীরব। বোধ হয়, একটা আলপিন পড়লেও শব্দ শোনা যাবে। দর্শকজনের বিষ্ময়বিমুগ্ধ চক্ষুগুলি স্টেজের উপরে নিবদ্ধ।

সমীর ধীরার কানের কাছে কী যেন বলার উপক্রম করছিল। পাশের ভদ্রলোকটি নিজের ওষ্ঠাধরে তর্জনী স্থাপন করে বললেন, “হাশশ—।”

বেচারী সমীরকে অগত্যা উৎসাহ সংবরণ করতে হলো।

দর্শকজনের উৎসুক দৃষ্টির বাইরে ইন্দ্রজিতের মহার্য রাজসজ্জার অন্তরালে যে রক্তমাংসের সাধারণ মানুষ নিখিলচন্দ্র রায়টি আছেন, তাঁর চিন্তা শাস্ত ছিল না।

মামামাসির কটু ভাষণের আঘাতে নিখিলের স্বপ্ন গেছে ভেঙে মন হয়েছে বিবাক্ত। মোহভঙ্গের পরিণাম তো মোহমুক্তি নয়, মোহভেদ। এক ভ্রম থেকে অপর ভ্রান্তি। ফলে প্রথমে যতখানি ছিল অনুরাগ, তার বেশী জন্মেছে বিদ্বেষ। যতখানি ছিল আকর্ষণ, তার বেশী দেখা দিয়েছে বিতৃষ্ণা।

কিন্তু নিজ দায়িত্ব পালনে কোনোদিন ত্রুটি ঘটে নি নিখিলের। আজ সন্ধ্যায় এই অভিনয়েও আপন কর্তব্যে এতটুকু স্থলন হবে না, এই দৃঢ় প্রতিজ্ঞা দ্বারা মন থেকে বার বার সরিয়ে দিলেন ব্যক্তিগত দুঃখ-স্কোভেভ ভার। নিষ্ঠার সঙ্গে করতে লাগলেন আপন অংশটুকুর অভিনয়।

আহত নিখিলের সমস্ত বেদনা চাপা রইল ইন্দ্রজিতের রাজবেশের আড়ালে। মুখে ফুটিয়ে তুললেন প্রফুল্লতা, দৃষ্টিতে আনলেন বিহ্বলতা, কণ্ঠে জাগালেন ভাবগভীর স্বর। জড়তাহীন উচ্চারণে শুরু করলেন নিজ পার্ট,—“সুলক্ষণে, ধন্য মানি আপনারে তোমার প্রসাদে। প্রেমে তব মোর অভিষেক।”

নীরজার দুই কানে কে যেন জ্বলন্ত অঙ্গার নিক্ষেপ কবল। কিন্তু আত্মসংবরণে ব্যর্থ হলে তো লজ্জা রাখার থাকবে না কোথাও। তাই নিজেকে সংযত করার চেষ্টায় মনে মনে বলতে লাগলেন “না ঈর্ষা করব না। ফেলব না চোখের জল। দুঃখকে জয় করব আমি।”

“হে কল্যাণী, ভিক্ষা এলু আছে তব পাশে। বিমুখ করো না যেন—” নিখিলের কণ্ঠ কানে এল—

নীরজা দুই হাত দিয়ে সজোরে নিজের কান দুটি চেপে ধরলেন। স্মরণ করলেন সত্যসিদ্ধুর উপদেশ,—যা রইবে না জানি, তাকে স্বেচ্ছায় ত্যাগ করতে পারলেই হারানোকে আর ক্ষতি মনে হয় না। ঠিক কথা। ত্যাগ করবেন তিনি। শুধু স্বেচ্ছায় নয়, স্বচ্ছন্দচিত্তেও। অনুচ্চ কণ্ঠে মন্ত্রের মতো পুনঃ পুনঃ আবৃত্তি করতে লাগলেন নীরজা, “আমি দিলেম, আমি দিলেম। নিঃশেষে দিলেম।”

চেয়ে দেখলেন, নিখিল আবেগভরে তাঁর দুই হাতের মধ্যে মল্লী সেনের ডান হাতখানি গ্রহণ করেছেন। বলছেন—কী বলছেন? কী জানি, তার এক বর্ণও আর নীরজার বোধগম্য হলো না। দুই চক্ষে তাঁর জ্বালা ধরল। ছিঃ ছিঃ। এ-দৃশ্য কি লুপ্ত করা যায় না দৃষ্টির সম্মুখ থেকে? ত্রেকে দেওয়া যায় না সূচীভেদ্য আধারে? আকাশে অমাবস্যার কালিমা কি নেই? সমস্ত আলো কি মুছে দেওয়া যায় না রক্তমণ্ডল থেকে? ন্যায়হীন, নীতিহীন, নির্মম, নিষ্ঠুর এই পৃথিবী থেকে?

উত্তেজনায় কম্পিত পদে নীরজা দ্রুত ছুটে গেলেন বৈদ্যুতিক কলাকৌশল ও আলোক নিয়ন্ত্রণের সুইচ বোর্ডটার দিকে।

নিখিলের মনেও ঝড় বইছিল প্রচণ্ড।

এতদিন মল্লী সেনের ক্ষণিক উপস্থিতিতে তিনি জ্ঞান করতেন সৌভাগ্য, তাঁর সঙ্গকে মনে করতেন পুরস্কার। আজও অপরাহ্ন বেলায় ইলেকট্রিক সুইচ বোর্ডটার কাছে মল্লী সেনের অঙ্গুলির অতর্কিত ছোঁয়াটুকু নিখিলের সর্বাত্মক পুলকের প্রবাহ সৃষ্টি করেছে। সেই নৈকট্যই এখন বিরক্তি

উৎপাদন করে। সেই আকাজিকত স্পর্শ মনে হয় অশুচি। আশ্চর্য !

এতক্ষণ যে-মনোবলের দ্বারা নিখিল পরিপূর্ণ নিষ্ঠায় অভিনয় করে যাচ্ছিলেন, মলী সেনের হাতটি হাতে নেওয়া মাত্রই যেন ছিটকে-পড়া কাচের বাসনের মতো তা ভেঙে চৌচির হয়ে গেল। স্থান কাল পাত্র সম্পর্কে তাঁর আর জ্ঞান রইল না। অভিনয় বিস্মৃত হলেন। ভুলে গেলেন, তিনি মগধের যুবরাজ ইন্দ্রজিতের ভূমিকায় অবতীর্ণ। আপনাকে দেখতে পেলেন এক ছলনাময়ী নারীর অগ্নীভিক্রম অভিনিকট পরিবেষ্টনে। প্রবল ঘৃণা ভরে তার কলুষিত হস্তের অবাস্তবিক স্পর্শ থেকে তড়িৎবেগে সরিয়ে নিলেন নিজের হাত।

সজোরে হাত টেনে নিলেন, না, কি হাত দিয়ে ধাক্কা দিলেন ?

কে জানে ?

মানসিক আলোড়নের প্রাবল্যে নিজেকে অবিচলিত ও সংহত রাখা কঠিন হলো মলী সেনেরও পক্ষে।

সিদ্ধনাথ তাঁকে গ্রীণরুম থেকে প্রায় একটি জড় পদার্থের মতো টেনে স্টেজে বসিয়ে দিলেন বটে, কিন্তু আপনার বোধশক্তিকে পুরোপুরি বজায় রাখা যেন মলী সেনের শক্তির বাইরে মনে হলো। তিনি-প্রাণপণে যতই মনোনিবেশের প্রয়াস করেন অভিনয়ে, তাঁর সমস্ত চৈতন্য কেবল হারিয়ে যেতে চায় অতীত স্মৃতিতে। মনে পড়ে একটি সুকুমার তরুণ মুখ,—সারল্যে নির্মল ও বীরত্বে নিভীক। স্মরণে আসে দুটি স্বচ্ছ চপল চক্ষুর দৃষ্টি,—সাংসারিক অভিজ্ঞতায় পরিপক্ব নয় ; ভাবপ্রবণতায় উদীপ্ত। নিজের অজ্ঞাতে মলী সেন উন্মনা হয়ে যান।

এ কী বিপত্তি ! ইন্দ্রজিৎ চেয়ে আছে মঞ্জুশ্রীর মুখের পানে। অধীর আগ্রহে প্রত্যাশা করছে উত্তর ; প্রেমময়ী রাজকন্যার সলজ্জ সম্মতি। কিন্তু কোথায় ? সে যে বাক্যহীন ! এক বর্ণও মনে আসছে না পাট ! উপায় ? লজ্জা ও উৎকণ্ঠায় মলী সেনের সর্বাঙ্গ হিম হয়ে এল।

যাক, এ যে উইংসের পিছন থেকে পাটের খেই ধরিয়ে দিচ্ছে স্মারক। মলী সেন শুনতে পেলেন,—“আমি চাই তোমাকে বিয়ে করতে, চাই দু’জনে ঘর বাঁধতে।” সর্বনাশ ! এ তো নাট্যকারের রচনা নয়, এ যে শচীনোর উক্তি। এ কী বিভ্রম, না, ইন্দ্রজাল ? মলী সেন কী জেগে স্বপ্ন দেখছেন ?

প্রমটোর বেচারার বার বার স্মরণ করিয়ে দেওয়ার চেষ্টা করল—“হে অতিথি কিছু নাহি অদেয় তোমায়—বলুন মিসেস সেন, হে অতিথি—।”

বুধা। মলী সেনের মস্তিষ্কে যেন একটা প্রচণ্ড ভূমিকম্পের বিপর্যয় চলছে। পক্ষাঘাতগ্রস্ত রোগীর মতো তাঁর রসনা হলো ভাবাহীন, অঙ্গ হলো বিবশ। মনে হলো, পায়ের তলা থেকে সরে যাচ্ছে আশ্রয়। সম্মুখে চেয়ে দেখলেন,—এ কী, প্রেক্ষাগৃহটা রথের মেলার নাগরদোলার মতো ঘুরছে যেন ! রঙ্গমঞ্চের আলোগুলি যাচ্ছে নিবে ! এ কী, চারদিকে এত অন্ধকার কেন ?

অন্ধকার ! হ্যাঁ, অন্ধকারই চান নীরজা। ঘন, কালো, নিশ্চিন্ন অন্ধকার। যে-অন্ধকারে লুপ্ত হবে সহস্র কৌতূহলী দৃষ্টির সম্মুখে নির্লজ্জ প্রণয়লীলার এই প্রগলভ প্রকাশ। লুপ্ত হবে নিখিল, মলী সেন, উৎসব-আয়োজনের সমস্ত সমারোহ।

রুদ্রাশাসে নীরজা সিঁড়ি বেয়ে উঠলেন সুইচবোর্ডের ক্ষুদ্র মঞ্চটির উপরে। ঠিক যেখানে ঘণ্টা দুই আগে নিখিল মলী সেনকে সম্মুখে দেখিয়েছেন আলোক নিয়ন্ত্রণ ও বৈদ্যুতিক কৌশলগুলির নিয়ন্ত্রণসম্বন্ধে। সারিবন্দী অসংখ্য সুইচের মধ্যে যেটা প্রথম হাতের নাগালে পেলেন নীরজা সেটাই টিপে দিলেন সজোরে।

দুম্ ! দাম্ !! দড়াম্ !!!

বিকট শব্দে কেঁপে উঠল রঙ্গস্থল। বিপুলবেগে প্রমোদতরঙ্গীণী হলো আন্দোলিত। ছাদের উপর থেকে মলী সেন সবলে শূন্যে নিক্ষিপ্ত হলেন। পড়ে গেলেন স্টেজের নীচে যেখানে নানা যন্ত্রপাতি ও সাজসরঞ্জামের ভীড়।

চক্ষের পলকে ঘটল দুর্ঘটনা।

সভয় আর্দনাদ উঠল স্টেজের ভিতরে। কেউ চিৎকার করছেন, “স্টেচার।” কেউ চেঁচাচ্ছেন, “এ্যাড্‌জেল।” কেউ বা হাঁক দিচ্ছেন, “ফায়ার-ত্রিগেড।” কী করবেন ভেবে না পেয়ে অধীনভাবে ছুটোছুটি করছেন শক্তির মুখে কর্মকর্তার দল। স্টেজ-ম্যানেজার তাড়াতাড়ি নীল পদটি টেনে দিলেন।

প্রেক্ষাগৃহের দর্শকেরা ভীত, চমকিত। কী ঘটেছে বুঝতে না পেরে অজ্ঞাত আশঙ্কায় তাঁরা সবাই অবিলম্বে বাইরে বেরোবার চেষ্টায় উর্ধ্বাঙ্গে দরজার দিকে ছুটলেন। সেখানে কে কার আগে নিজস্ব হবেন তাই নিয়ে প্রতিযোগিতা। ব্যস্ততা ও ভীড়। মায়েদের ত্রাস, শিশুদের আর্দনাদ। চতুর্দিকে বিশৃঙ্খলা ও কোলাহল।

সমীর আসন ছেড়ে ছুটে গেল স্টেজের উপর। নিমেষে লাফিয়ে পড়ল মঞ্চের তলদেশে। জিমনাস্টিক-করা শরীর তার। মল্লী সেনের সংজ্ঞাহীন লঘুভার দেহ দুই হাতে অনায়াসে বহন করে উপরে নিয়ে এল। ড্রেসিং রুমে টেবিলের উপর শুইয়ে দিল।

কৌতূহলী বন্ধুবান্ধবীরা চার দিকে ঘিরে দাঁড়ালেন। মেয়েদের মধ্যে কেউ খুঁজতে লাগলেন স্মেলিং স্ট-ওয়েলদের মধ্যে কেউ ছুটলেন বরফের সন্ধানে। বর্ষীয়সীরা “ডাক্তার, শীগগির একজন ডাক্তার” বলে ব্যাকুলভাবে তাকাতে লাগলেন আশেপাশে।

এই হিতাকাঙ্ক্ষী অথচ কিংকর্তব্যবিমূঢ় নরনারীর ভীড় ঠেলে যিনি সামনে এগিয়ে এলেন, তিনি শচীনেন্দ্র মা। হতবুদ্ধি সমীরকে বললেন—“আমি ঠেকে দেখছি বাবা। তুমি চট করে একটু ঠাণ্ডা জল আনো দিকিন।”

মল্লী সেনের মাথাটি স্নেহভরে তুলে নিলেন নিজের কোলে। বরফের কাঁচুলির শক্ত বাঁধনটা শিথিল করে দিলেন। হাত-পাখার অভাবে একটা প্রোগ্রামের বই নিয়ে হাওয়া করতে লাগলেন সবড়ে।

ঘণ্টা দুই কেটে গিয়েছে।

প্রেক্ষাগৃহ জনশূন্য। স্টেজের উপরেও ভীড় নেই। বেশীর ভাগ অভিনেতা ও অভিনেত্রীই চলে গিয়েছেন। শুধু ঘনিষ্ঠ বন্ধুদের মধ্যে কয়েকজন তখনও অপেক্ষা করছেন।

ক্রিং ক্রিং শব্দে টেলিফোন বাজল মুহূর্ত্তঃ। নানা জায়গা থেকে আসছে পরিচিত ও অপরিচিতদের কঠে ঘন ঘন উৎকণ্ঠিত অনুসন্ধান।

একাধিক সম্ভবপর স্থানে খোঁজ করে শিবনাথকে ধরা গিয়েছে। সৌভাগ্যক্রমে প্রয়োজনীয় অর্থ সংগ্রহে দেয়ী হওয়ায় আসানসোল যাত্রায় তাঁর বিলম্ব ঘটেছিল। তিনিও রোগীর কক্ষের বাইরে অপেক্ষা করছিলেন।

অনুশেষে ডাক্তার বেরিয়ে এসে বললেন, “জ্ঞান হয়েছে। ভয়ের কিছু নেই। ইনজুরি তেমন বিশেষ কিছু নয়। পায়ে ও পিঠে কয়েকটা সামান্য ব্রুইসেস ছড়ে যাওয়ার মতো। খুব আশ্চর্য রকমভাবে বেঁচে গিয়েছেন বলতে হবে। ওঁর ঘরে আজ রাত্তিরে কেউ যাবেন না যেন।”

প্রাণের আশঙ্কা নেই। আঘাত সামান্য। শুনে খুবই খুশি হওয়া উচিত। কিন্তু শিবনাথের মনে যেন আশ্বাসের সৃষ্টি হলো না। কেন? শিবনাথ কি সহজে উতলা হন? বেশী উদ্বিগ্ন বোধ করেন? না কি—তিনি—হঠাৎ শিবনাথের কাছে নিজের হৃদয়ের গোপন কুঠরীর দ্বার উদঘাটিত হলো। শিবনাথ সভয়ে আবিষ্কার করলেন, এ তো উদ্বেগ নয়, হতাশা। মল্লী সেনের দুর্ঘটনার সংবাদ শুনে তিনি অবশ্যই অত্যন্ত দুঃখিত ও চিন্তিত হয়েছিলেন। কিন্তু সেই দুঃখ ও দুর্ভাবনার সঙ্গে তাঁর অবচেতন মনের নির্ভূততম স্তরে সমান্তরালভাবে বইছিল একটি অতি সূক্ষ্ম প্রত্যাশার ধারা। অরুচিকর দাম্পত্য-বন্ধন থেকে গ্রহিমোচনের ইঙ্গিত। নিরন্তর কৃত্রিম স্বাসরুদ্ধকর জীবনযাপনের বিড়ম্বনা থেকে নিকৃতির আশা। ডাক্তারের আশ্বাসে তাই যেন মনে অতি সূক্ষ্ম অথচ সুস্পষ্ট নিরাশার ভাব জাগল।

শিক্ষা ও শুভবুদ্ধির প্রভাবে শিবনাথ সভয়ে দুই হাত দিয়ে যেন সজোরে প্রতিরোধ করতে চাইলেন এই হীন মনোভাব। কিন্তু নিজের কাছে নিজের সত্যতায় কিছুতেই স্বীকার করতে পারলেন না তার অস্তিত্ব। ফলে নিজের উপরেই ক্রুদ্ধ হলেন।

ত্রীর জ্ঞান হওয়া মাত্রই তাঁর কাছে যেতে না পারার দুঃখেই যে স্বামীর মুখ দান হয়ে আছে,

সে-সম্পর্কে ডাক্তারের মনে বিন্দুমাত্র সংশয় রইল না। তিনি শিবনাথকে বোঝালেন, “শারীরিক আঘাত বেশী না হলেও জোর শক লেগেছে তো। এখন প্রিয়জনকে দেখলে একটা ইমোশনাল একসাইটমেন্ট হতে পারে। তাতে ব্রেইন ব্লাড রাশ করার আশঙ্কা।”

আপন সূপ্ত মানসের গুপ্ত তথ্য জানতে পেরে নিজের প্রতি ধিক্কার জন্মাল শিবনাথের। হৃদয়হীন পাশেও বলে নিজেই নিজে ভৎসনা করলেন তিনি। স্ত্রীর চিকিৎসা ও পরিচর্যা যাতে কিছুমাত্র ত্রুটি না ঘটে সে-দিকে অতি মাত্রায় তৎপর হয়ে উঠলেন। ডাক্তারকে জিজ্ঞাসা করলেন, “একবার কর্ণেল এমার্সনকে ডাকলে হয় না?”

“না, না, এ সামান্য ব্যাপারে তাঁকে কেন? পেশেন্টের দরকার শুধু এখন রেস্টফুল স্লিপ। ভালো করে ঘুমোতে পারলেই হয়। আমি লুমিনাল আর ব্রোমাইড দিয়ে একটা মিক্সচার রেখে গেলাম। তাই যথেষ্ট।”

শিবনাথ বললেন, “একজন বিলাতী নার্স—”

ডাক্তার বললেন, “যে-মহিলা ঠুর কাছে রয়েছেন তিনি বোধ হয় মিসেস সেনের মা? তাঁর চাইতে ভালো গুণ্ণা নার্স এসে করতে পারবে না। তবে, আপনি যদি টাকা খরচ করতে চান, আমার আপত্তি কী?”

শিবনাথ নিবৃত্ত হলেন।

আত্মনিগ্রহের পালায় আরও একজনের অংশ ছিল। সে ধীরা। মলী সেনের ঘরের বাইরে অঙ্কার এক কোণে থামে ভর দিয়ে দাঁড়িয়ে ছিল নিঃশব্দে। ভয়ে, দুঃখে ও অনুশোচনায় প্রায় বিবর্ণ চেহারা। মলী সেনের প্রতি কিছুক্ষণ পূর্বে সে বিরূপ হয়ে ছিল, একথা মনে করে ধীরার অনুতাপের আর সীমা রইল না। নিজের দুই গালে নিজ হাতে চড় কষিয়ে দিতে ইচ্ছা হলো তার। মলী মামীর আর জ্ঞান ফিরে আসবে কি? তিনি সম্পূর্ণ সেরে উঠবেন তো? তিনি যদি না ঝাটেন? না, না, সে কি কখনও হয়? মনে মনে সমস্ত ঠাকুর দেবতাকে স্মরণ করে সে প্রার্থনা করল, “ঈশ্বর, কালী, দুর্গা, তোমরা মলী মামীকে ভালো করে দাও, সুস্থ করে দাও।”

পাশে কার যেন উপস্থিতি অনুভব করল ধীরা। মুখ তুলে দেখল,—সমীর।

সমীর চুপি চুপি বলল, “ডাক্তার বলেছেন, বেশী লাগে নি। কোনো ভয় নেই!”

ধীরা সমীরের দেহলগ্ন হয়ে তার কাঁধে আপন অশ্রুপ্লাবিত মুখটি স্থাপন করল। সমীর ডান হাত দিয়ে তাকে বেঁটন করে স্নেহসিক্ত কণ্ঠে বলল, “কৈদ না, ধীরা, মলী মামী ভালো হয়ে উঠবেন।”

অভিমানের দ্বারা যে-দুটি হৃদয় কেবলই দূরে সরে যাচ্ছিল কিছুক্ষণ আগে, উত্তেজ ও অনুশোচনার মধ্য দিয়ে তারা এখন নিকটতর হলো। সমীর দেখল, হাসিতে যে-ব্যবধান দূর হয় নি, অশ্রুতে তা ধুয়ে মুছে নিচ্ছিল হলো।

নিখিল বসেছিলেন এতক্ষণ একান্তে। ঘড়ির পানে তাকিয়ে দেখলেন, রাত কম হয়নি। গৃহে ফিরবার উদ্যোগ করলেন। মনে হলো স্টেজের বাইরে সিঁড়ির উপর কে যেন বসে আছে। অঙ্কারে ভালো দেখা যায় না। কাছে এগিয়ে গেলেন।

“এ কী নীরজা! তুমি বাড়ি যাওনি এখনও?” সবিস্ময়ে জিজ্ঞাসা করলেন নিখিল।

নীরজা উঠে দাঁড়াতেই নিখিল লক্ষ্য করলেন, তার মুখ ছাই-এর মতো পাংশু। ভাবলেন, দুর্ঘটনায় তাঁরও আঘাত লেগেছে মনে। বললেন, “চল আমি পৌছে দিচ্ছি তোমাকে।”

গাড়িতে বসে দু’জনের কারুর মুখেই কথা ছিল না। ক্লাস্তিতে অবসন্ন বোধ করলেন নিখিল। ক্লাস্তি শুধু দেহের নয়, মনেরও। চোখ বুজে ভাবতে চেষ্টা করলেন আজ অপরাহ্ন থেকে দ্রুত পরিবর্তিত সময় ঘটনা-প্রবাহ। অসীম এক শূন্যতায় যেন ছেয়ে গেল মন। যেন ঝুজতে লাগলেন কোনো একটা নির্ভর, হাত বাড়িয়ে পেতে চাইলেন কোনো একটা অবলম্বন। হাতের সামনে যা ছিল নিজের অজ্ঞাতেই বুঝি তা শক্ত করে আঁকড়ে ধরলেন।

নীরজাও অন্যমনস্ক ছিলেন তেমনি। কখন যে তাঁর ডান হাতখানি পার্শ্ববর্তী নিখিলের হাতের মধ্যে আশ্রয় লাভ করেছে তা জানতেও পারেন নি।

হঠাৎ খেয়াল হলো নীরজার। সর্বদা জাগল কম্পন। সুখে কী দুঃখে, সেকথা বোঝবার সাধ্য রইল না।

গ্যাসের আলোয় আলোকিত রাজপথ দিয়ে ছুটে চলেছে গাড়ি। বাইরের পানে চেয়ে নীরজা মনে মনে কান্ধে যে প্রণাম করলেন, কেন যে প্রণাম করলেন, সে শুধু তাঁর অন্তর্যামীই জানেন।

“এই যে শিবনাথবাবু, আপনি এখানে—”

চমকিত শিবনাথ তাকিয়ে দেখলেন, সুরেন লাহিড়ী।

পূর্ণিমার নিদ্রা নেই। নিদ্রা নেই সাগরের। আর নিদ্রা নেই দেখা গেল প্রচার-সচিবের চক্ষে।

প্রথমে মল্লী সেনের বর্তমান অবস্থা সম্পর্কে মামুলী দৃষ্টিভঙ্গি ও পরে শিবনাথের প্রতি সহানুভূতি জানিয়ে লাহিড়ী বললেন, “কী দুর্ভাগ্য! অভিনয়ের রিভিউটা বিশ্ববাস্য পেজ মেক আপ হয়ে গিয়েছিল। বন্ধ করে দিতে হলো। যাকগে, গতস্য শোচনা নাস্তি। তার জায়গায় এই রিপোর্টটা ছাপার জন্য পাঠিয়ে দিচ্ছি। বড় ভাড়াহুড়া করে লিখতে হলো। একটু শুনুন দিকিন, কেমন হয়েছে। এক্ষুণি পৌঁছে দিতে হবে নিউজ এডিটরের ডেস্কে। নইলে ডাক এডিশানটা ধরা যাবে না!”

শিবনাথের সম্মতির অপেক্ষা মাত্র না করে লাহিড়ী পড়তে শুরু করলেন। এমন একটি উপভোগ্য অভিনয় সুরুতেই পণ্ড হওয়ার ফলে দর্শকগণের হতাশা, আটের ক্ষতি, প্রধান অভিনেত্রীর আঘাত ইত্যাদি বর্মস্পর্শী বর্ণনা। শেষ কয় ছত্রে আছে শিবনাথেরও উল্লেখ:

“অপ্রত্যাশিত শোচনীয় দুর্ঘটনায় অনুষ্ঠানের অন্যতম প্রধান উদ্যোক্তা মিস্টার সেন স্বভাবতঃই অত্যন্ত অভিভূত হইয়া পড়িয়াছেন। তাঁহার ন্যায় পত্নীগতপ্রাণ স্বামীর এই উদ্বেগ ঘটনাস্থলে উপস্থিত ভদ্রমহোদয় ও ভদ্রমহোদয়াগণের গভীর সহানুভূতি উল্লেখ করিয়াছে। যে-সকল বিশিষ্ট নাগরিক বাড়িতে আসিয়া বা টেলিফোনযোগে মিস্টার সেনকে তাঁহার এই বিপদে সমবেদনা জানাইয়াছেন, তাঁহাদের মধ্যে নিম্নলিখিত ব্যক্তিগণ উল্লেখযোগ্য—স্যার ও লেডী প্রফুল্লনাথ; জাস্টিস এস. পি. সেন; কলিকাতা কপোরেশনের ডেপুটি মেয়র জনাব মহম্মদ জারীফ; শেরীফ রামসুখন ভাণ্ডারী; মিস্টার ডি. কে. বোস, আই. সি. এস ও তাঁহার স্ত্রী।”

“নামের লিস্টটা আরও একটু বড় হ’লে ভালো হয়। যাই দেখি গে, নতুন আর কেউ টেলিফোন করেছে কি না।” বলে লাহিড়ী প্রস্থান করলেন।

কিন্তু পরমুহূর্তেই ফিরে এসে প্রচারসচিব উৎসাহের সঙ্গে বললেন, “রিপোর্টটার সঙ্গে সিক্-বেডের একখানা ছবি ছাপতে পারলে চমৎকার হতো। কপালে ব্যাণ্ডেজবাঁধা, চোখ বুজে শুয়ে আছেন মিসেস সেন, নার্স মাথায় আইস-ব্যাগ দিচ্ছে,—ওঃ, ফার্স্ট ক্লাস পাবলিসিটি এফেক্ট হতো। একদম বিলাতী কায়দা। একজন ফটোগ্রাফারকে যদি একবার আনতে পারেন, মিস্টার সেন,—আচ্ছা, থাক, আমি বিশ্ববাস্যর একবার টেলিফোন করে দেখিগে, তাঁদের স্টাফ-ফটোগ্রাফারকে ধরা যায় কি না।”

বন্ধুজন ও পরিচিতের দল একে একে সবাই চলে গিয়েছেন। শুধু শিবনাথ তখনও বসে আছেন মল্লী সেনের ঘরের সামনে লক্ষ্যহীন, নিরুদ্যম আলস্যে।

রাত্রি গভীর হতে লাগল। বাড়ির সম্মুখের গলিতে দোকানপাট অনেককণ বন্ধ হয়ে গিয়েছে। পথ জনবিরল। আশেপাশে দীপহীন রুদ্ধদ্বার গৃহগুলিতে অধিবাসীরা বেশীর ভাগ সুপ্তিমগ্ন।

আসন ত্যাগ করে শিবনাথ ধীরে ধীরে এসে দাঁড়ালেন ঘরের সংলগ্ন খোলা ছোট ছাদটিতে। আলসের উপর দু’হাত রেখে তাকিয়ে দেখলেন—উর্ধ্বে নিঃশব্দতমিরবেষ্টিত বিস্তীর্ণ আকাশ। সেখানে লক্ষ লক্ষ তারকা-অক্ষরে লেখা বুঝি মহাকাশের দুর্বোধ্য লিপিকা। ভ্রূতে কি আছে সমাপ্তির ইঙ্গিত? মুক্তির নিশানা? আছে পরিভ্রাণের সঙ্কেত?

বেদনামখিত বক্ষস্থল থেকে নিজের অলক্ষিতেই গভীর দীর্ঘশ্বাস মোচন করলেন শিবনাথ।

আমার কথাটি ফুরালো। কিন্তু নটে ষাট মুড়োবার আগেই বিমিত বন্ধুজনেরা প্রশ্ন করেন, “সে কী কথা? এই কি শেষ?”

জবাবে চুপি চুপি বলি, শেষ কিছুই হয় না। উপসংহারের অন্তে থাকে পরিশিষ্ট, পঞ্চম অঙ্কের অবসানে আসে এপিলোগ, পরিশেষের পরে পুনশ্চ। তাই প্যারাডাইজ লস্টের পরে আবার প্যারাডাইজ রিগেইনড হয়। বঙ্কিমের হাতে মরা উদাসিনী বন্য বাসিকা দামোদরের হাতে বেঁচে উঠে নম্র বধুরূপে স্বামী পুত্র নিয়ে করে ঘর। পর্বের পর পর্ব যোজনায় পাটনার পিয়ারী বাঈজীর ধারা বয়ে পৌঁছয় মুরারিপুকুরেব দ্বারকাদাস বাবাজীর আশ্রমে বৈষ্ণবী কমললতায়। টানলে বাড়ে শুধু দ্রৌপদীর বস্ত্র নয়, উপন্যাসের ভল্যুও। প্রমাণ—আপটন সিনক্রয়ার।

অবশ্য জগতে বস্তু এবং প্রাণী দু’-এরই আয়ুষ্কাল বাঁধা আছে বিশ্বদেবের খাতায়। সেই নির্দিষ্ট সীমারেখা অতিক্রম মাত্রই তাদের অস্তিত্ব যায় ঘুচে। কিন্তু জীবনসংগ্রামে মধ্য দিয়েই যে, জীবনের উজ্জীবন ঘটে তার প্রমাণ আছে যুগে যুগে জগতের একাধিক মহামানবের ধর্মপুত্র জীবনে। ক্রুশদণ্ডে যিশুর যে-জীবনাবসান, সে খ্রীস্টের সত্যিকার মৃত্যু, না, জন্ম? ইংরেজী উনিশ শ আটচল্লিশ সালের তিরিশে জানুয়ারী নাথুরাম গডসে গান্ধীজিকে প্রকৃতপক্ষে মেয়েছে, না, বাচিয়েছে?

মরণ নিয়ে কবিদের নানা জল্পনা-কল্পনার কথা সুপরিজ্ঞাত। তাঁকে কেউ বলেছেন মধুর, কেউ বলেছেন ভয়াল, কেউ বলেছেন শান্তির পারাবার। কেউ বা তাঁকে মনে করেছেন শ্যাম সমান। মৃত্যুর রূপ সম্পর্কে তাঁদের যতই মতভেদ থাক, তাকে চরম সমাধান বলে তাঁরা কখনও ভুল করেন নি। কবিদের সাংসারিক জ্ঞানের পরিমাণ সম্পর্কে বহু কৌতুক প্রচলিত আছে; কিন্তু তাঁদের বুদ্ধিবৃত্তির অভাব নেই। মরণেই যদি সমস্ত নিঃশেষ, তবে কোন পরিতৃপ্তি নিয়ে মরবে নায়ক? কোন প্রতিশ্রুতি নিয়ে বাঁচবে নায়িকা? না, একমাত্র বাংলা সিনেমার পরিচালক ছাড়া এ-যুগে মৃত্যুকে আর কেউ সমাপ্তির অবধারিত উপায় মনে করে না।

পদার্থবিদ্যায় বলে,—বস্তুর বিলোপ নেই; আছে পরিবর্তন। আধ্যাত্মিকতার মতে, প্রাণের বিনাশ নেই, আছে বিবর্তন। সাদা কথায়, তথ্যজ্ঞানীরা মানে রূপান্তর; তত্ত্বজ্ঞানীরা মানে জন্মান্তর। এ দু’-এর কোনোটিই যারা নয়, সেই সাধারণ মানুষেরও দৈনন্দিন অভিজ্ঞতায় আছে অনুরূপ উদাহরণ। ধূপ দন্ধ হলেই তো মেলে সুরভি, প্রদীপের তেল ক্ষয় হয়েই দেয় আলো। বসন্তে চেরীর শাখায় পাতা খসে গেলে ফোটে ফুল। ফুল ঝরে গিয়ে ধরে ফল। ফল থেকে বেরোয় বীজ। সে কি তরুর সারা, না শুরু? শ্রাবণ আকাশের শ্যামল মেঘমালা কি জলের আদি, না, অন্ত? জপের মালায় কোন রত্নাকটি শেষের? স্তবের ভাষায় কোন মন্ত্রটি সমাপ্তির?

বস্তুত, জগতে বিরাম নেই, আছে বিশ্রাম। যাত্রাশেষ নেই, আছে যাত্রাভঙ্গ। সে-থামাটা শুধু পুনরারম্ভেরই পূর্বাভাস; গানের যেমন সম, কবিতার যেমন চরণ। সেগুলি তো ইতি নয়—যতি। একমাত্র দাম্পত্য কলহে স্ত্রীর উক্তি ছাড়া জগতে ‘শেষ কথা’ বলে কিছুই নেই।

শুনে বন্ধুরা নিরস্ত হন। কিন্তু বাঙ্কবীরা তাঁদের খোঁপাশুদ্ধ মাথা নেড়ে কানের দুলে দোলা দিয়ে বলেন, “বা রে তা বলে তোমার গল্পের কি পূর্ণচ্ছেদ থাকবে না? প্লটের থাকবে না কনক্লুশন?”

সেই সাহিত্যানুরাগিণীদের আর একবার স্মরণ করিয়ে দিতে হয় যে, গল্পের বায়না নিয়ে আমি বসি নি।

গল্প এ-যুগে হয় না। গল্প রচনার জন্য চাই যে-রহস্যময় পরিবেশ এবং কল্পনাপ্রবণ মনোভাব তার কোনোটিই বর্তমানে আর সম্ভব নয়। অপরিচয়ের যে দূরত্ব ও কৌতুহল শ্রোতার কল্পনাকে উদ্বীণ ও মনকে মোহাবিষ্ট করে, আজিকার ভূগোল-ইতিহাস-ব্যাক্যাত বিজ্ঞান-বিশ্লেষিত দিনে তার অস্তিত্ব নেই।

পৃথিবীর সকল দেশের সর্বাপেক্ষা আদি ও অকৃত্রিম গল্প হলো রূপকথা। তার পাত্র-পাত্রীরা সাধারণ নরনারীর প্রাত্যহিক পরিচিতির বাইরে। তার ঘটনাবিন্যাস সাংসারিক অভিজ্ঞতার উর্ধ্বে। সেই অজ্ঞাত, অভাবিত রহস্য তাই শ্রোতার মনে এক অনির্বচনীয় মোহ বিস্তার করে। রূপকথার রাজ্য পুরোপুরি স্বপ্নের রাজ্য। সে-গল্পলোক আসলে হলো কল্প-লোক। তাই তার আবেদন এত সর্বজনীন, এত দেশ-কাল-নিরপেক্ষ।

কিন্তু আধুনিক জগতে মানুষের বিশ্বাসের পরিধি সঙ্কীর্ণ। বিশ্বাসের ক্ষমতাও সীমাবদ্ধ। যন্ত্র এবং বিজ্ঞান মিলে অচেনা অজানার ক্ষেত্রে করেচ্ছে অপরিচর, অসম্ভবের তালিকাকে করেছে সংকীর্ণ। এরোসেন্সে যখন হামেশাই তিল, তিসি, মায় হাতির বাক্সা চালান হচ্ছে, তখন পুষ্পকরবোর নামে কারো মন উত্তেজিত হয় না। প্রত্যহ খবরের কাগজে যখন থাকে হাইড্রোজেন বোম্বার স্ট্রোম্বর্ক বিবরণ, তখন অগ্নি বা বরুণ বাণের কথা শুনে কারো দুই চোখ কপালে উঠবে এমন সম্ভাবনা নেই। যে-দিনে প্রমাণ ছাড়া কিছুই প্রত্যয় হয় না, সে-দিনে 'এ হ্যাভ-বুক অব কটামির পাভায় উল্লেখ না থাকলে সাত ভাই চম্পার পাঞ্চল বোনটিকেও কারো মনে ধরে না এবং গ্রামীণ-ভক্তবিদের ছাড়পত্র না পেলে ব্যাঙ্গমা-ব্যাঙ্গমীদেরই বা সাধ্য কি যে, শ্রোতাদের বেড়া ডিঙ্গায়।

এক যে ছিল রাজা! সুদূর অতীতে কোন এক বিস্মৃত দিবসের কর্মহীন সন্ধ্যায় মৃদু দীপ্তলোকিত গৃহকোণে বৃদ্ধা পিতামহী সর্বপ্রথম এই বাক্যটি উচ্চারণ করেছিলেন, তা শুধু পতিভেদেই জানেন। কিন্তু যুগ-যুগান্ত ধরে এই সহজ ও সামান্য সূচনটি নিঃসংশয় শিশুচিন্তে যে কী মোহিনী মায় রিস্তার করে আসছে, সে কথা কারুরই অজানা নেই। ভাষার কারুকার্য নয়, ভাবের গাভীর নয়, আড়ম্বরহীন নিরলঙ্কার চারটি মাত্র শব্দ,—এক যে ছিল রাজা! সে তো কথা নয়, সে ইস্তজাল।

মুন্সিল এই যে, এ-যুগে রাজা নেই। আছে রাজ্যপাল। নৃপতির বদলে রাষ্ট্রপতি। তাঁদের ভূকৃতিতে কারো শিরশ্ছেদ হয় না, তাদের তৃষ্টিতে হয় না অর্ধেক রাজত্বসহ রাজকন্যা লাভ। প্রজাপালন বা দুইদলন কোনোটাই তাঁদের এক্তিয়ারে নয়। প্রভাতে ত্রিষ্টুভ অনুষ্টুপ ছন্দে গৌণে কোনো সভাকবি করে না তাঁদের স্ততিপাঠ। চাঁদির রেকাবে হাজার আশরফি সাজিয়ে কোনো আমীর ওমরুহ দেয় না নজরানা। অনাথ আশ্রমের দ্বারোদ্ঘাটন বা বালিকা বিদ্যালয়ের পুরস্কারবিতরণী সভার সভাপতিত্ব ছাড়া তাঁদের আর কোনো সার্থকতা নেই। ফুঃ, তাঁদের গল্প লিখতে বসবে কে?

এ-কালের বাজকন্যারাও পাঁচ মহলা রাজপুরীর অন্তঃপুরে সোনার কাঠি ছোঁয়ার অপেক্ষায় নিভ্রাময় থাকে না। সোনার গয়না গড়াতে স্যাকরার দোকানে ভীড় বাড়ায়। কেশবতীদের কেশদাম মেঘবরণ হওয়ার আগেই ববড় হয়ে যায়। আধুনিক কঙ্কাবতীর অশ্রুতে মুক্তা ঝরে না, বরং গালের মেকআপ ধুয়ে যায়। তাদের গল্প শুনতে বসবে কে? ডেমোক্রেসীতে ফেয়ার ট্রায়েল হয় তো হতে পারে, কিন্তু ফেয়ারী টেলস কদাচ নয়। হায়, গণতন্ত্রে ছেলেদের মত গঠন করে মস্ত্রিমণ্ডলী, মেয়েদের রুচি, নিয়ন্ত্রণ করে সিনেমা প্রযোজক এবং শিশুদের চিন্ত বিনোদন করে ডিটেক্টিভ বই-এর প্রকাশক।

রূপকথার পরবর্তীকালে উপকথা রচিত হয়েছে যাদের নিয়ে, তাঁদের সঙ্গেও আধুনিক নরনারীর সাদৃশ্য সামান্য। ক্রোধ, করুণা, প্রতিহিংসা প্রভৃতি মৌলিক প্রবৃত্তিগুলি তীব্র অনুভূতি ও প্রচণ্ড প্রকাশ সে-যুগের অধিকাংশ নরনারীর আচরণে দিয়েছে অভিনবত্ব, চরিত্রকে করেছে রহস্যময়। পাপে, পুণ্যে, কুরতায়, ঔদার্যে, লোভে, বৈরাগ্যে, মহত্বে ও দুষ্কৃতিতে তাঁরা অসাধারণ। তাই তাঁদের সম্পর্কে পাঠকের কৌতুহল ও কল্পনার কিছুমাত্র অভাব ঘটে নি।

আধুনিক মানুষের জীবনে বিস্তার নেই। বিক্রমও না। হোমিওপ্যাথিক ওষুধের মতো তার না আছে রং, না আছে ঝাঁজ। নিতান্তই নিরীহ। জীবী চরিত্রে সন্দেহান হলে আধুনিক ভেনিসের মুর শম্যাগৃহে সুন্দরী ভার্যাকে গলা টিপে মারে না, বড় জোর বিবাহবিচ্ছেদের পরামর্শ নিতে উকীলের বাড়ি ছোটে। ওসমান এবং জগৎসিংহ এখন আর তরোয়াল নিয়ে তেড়ে আসে না। একে অন্যকে সিগারেট-কেস বাড়িয়ে দিয়ে বলে, “হ্যাভ এ স্মোক।” প্রশয়িনীর মৃত্যুসংবাদ পেয়ে এ-যুগে প্রেমিক আশ্বহত্যা করে না; বরং মাসিক পত্রিকায় অপাঠ্য গদ্য কবিতা লিখে পাঠকের মনেই হত্যা-প্রবৃত্তি জাগায়।

এ যুগে মানুষের ক্ষুদ্র সুখ, ক্ষুদ্র দুঃখ, ক্ষুদ্র কল্পনা। উচ্চাভিলাষ রাজসিংহাসন নয়, খুব বেশী হলে একটা প্রাদেশিক মন্ত্রিত্ব। তার জন্য গুপ্তহত্যার প্রয়োজন হয় না, খন্দরের টুপিই যথেষ্ট।

কলহের উত্তেজনা প্রতিপক্ষের বিরুদ্ধে কেউ যুদ্ধযাত্রা করে না, থানায় ডায়েরী লিখিয়ে আসে। এখন জয়ের লক্ষ্য নির্বাচন, দানের দৌড় ফ্যাগ-ডে এবং প্রতিহিংসার মাত্রা বেনামী চিঠি। এ-কালে বাসের জন্য উদ্ভব হয়েছে ফ্ল্যাট, আহারের জন্য ক্যাফেটেরিয়া এবং পড়ার জন্য 'ডাইজেস্ট' অথবা দৈনিক পত্রিকার রবিবাসরীয় অংশ। কোনোখানে আর বিশালতা বা নাটকীয়ত্বের অস্তিত্ব নেই। তাই এ-যুগে ড্রামা হয় না, হয় প্লে। সেক্সপিয়ার হয় না, হয় নোয়েল কাওয়ার্ড। এখন জীবনে টেম্পেস্ট নেই; আছে কেবলই ব্রিফ এনকাউন্টার।

বাস্তবিক গল্প-উপন্যাসকে যে ইংরেজীতে ফিকশান বলে সেটা একেবারে নিরর্থক নয়। কী কঠিন সম্বন্ধে পড়েই যে আধুনিক সাহিত্যিকেরা চাষীমজুরদের গল্প রচনায় বসেন, সেটা বুঝতে কষ্ট হয় না। যেন রেশনের দিনে বাঙালী মেয়েদের রুটি খাওয়ার দায়। অবশ্য অপরিচয় এবং ব্যবধান নিরঙ্কুশ কল্পনার অনুকূল, সন্দেহ নেই। কিন্তু অবকাশ, অপব্যয় ও অজ্ঞতার মাটি না পেলে কল্পনাময়ী রচনার অঙ্কুরোদগম হয় না। তাই আইন সভায় স্বতন্ত্র দল যেমন প্রচ্ছন্ন সুবিধাবাদী, রাষ্ট্রনীতিতে নিউ ডেমোক্রেসী যেমন বেনামী কমিউনিজম, রচনা শাস্ত্রে আধুনিক গল্প-উপন্যাসও তেমনি ছদ্মবেশী প্রচার পুস্তিকা। 'মেহনতি'তে আর যাই হোক, সাহিত্য হয় না। সাহিত্যিকেরই কথা ধার করে বলতে পারি, মানুষের মনোহরণ করে বংশীধর। সেটা হলধরের সাথে নেই।

এ-যুগের সার্থক সাহিত্যসেবীদের কাছে সমাজ ও জীবনের এই সন্ধীর্ণ পরিধির কথা অজ্ঞাত নেই। তাঁরা জানেন, নলেন গুড়ের মরশুম ফুরোলে নলেনতর গুড়ের আশায় বসে কালহরণে লাভ নেই, তখন বাজার থেকে চিনি কিনে সন্দেশের পাক দিতে হয়। তাই তাঁরা এখন গল্প না লিখে লেখেন প্রসঙ্গ। ঘটনা-বিন্যাসের চেষ্টা ছেড়ে মন দেন চরিত্র-সৃষ্টিতে। জীবনের গতি অপেক্ষা মনের ধারা তাঁদের রচনার অধিক উপজীব্য। তাতে বিবরণ অপেক্ষা বিশ্লেষণ বেশী। মানসিক একটি বিশেষ অবস্থা, বা আচরণের একটি বিশেষ ভঙ্গি ফুটিয়ে তুলতে পারলেই তাঁদের রচনা সফল।

পুরান দিনের রচনায় পাত্র-পাত্রীদের মাতৃজঠরবাস থেকে শ্মশানযাত্রা পর্যন্ত সমগ্র জীবনের কাহিনী থাকত। এখনকার লেখায় থাকে তাদের জীবিতকালের কোনো একটি অংশ, কোনো একটি দিন, এমন কি কোনো দু'একটি ঘণ্টার কথামাত্র। সেগুলি কথাসাহিত্যের ভোজনশালায় ডিনার নয়,—আলাকার্টি। কাহিনী-সমুদ্রের তরঙ্গ নয়,—বুদুদ। এ-যুগের গল্প-লেখক,—শেকত। কবি,—টি. এস. এলিয়ট। জগতে রোমান্টিক কাব্য আর হয় না। সত্যিকার গল্পও আর হবে না। যেমন আর ফিরে আসবে না সামন্ততন্ত্র বা পালের জাহাজ, কিম্বা চণ্ডিমণ্ডপের আড্ডা।

তবুও সংশয় নিরসন হয় না। বান্ধবীরা সহৃদয়। তাঁরা হঠাৎই বই-এর মলাট মুড়ে রেখে তাঁদের কমলকরপন্নবে চা-এর পেয়ালা এগিয়ে ধরেন। কিন্তু দেখে বৎস সম্মুখেতে প্রসারিত ভব সমালোচকের জিজ্ঞাসা নেত্র।

বাগবিস্তার দ্বারা ভোটদাতাদের ভোলানো যায়, সমালোচকদের নয়। তাঁর উর্ধ্বে ও অধে মৃদু শির সম্মালনপূর্বক সংস্কৃত অলঙ্কার শাস্ত্র, ইংরেজী কাব্য-জিজ্ঞাসা ও রাশিয়ান সাহিত্য-বিচার উদ্ধৃত করে শব্দবহুল ও কটাক্ষ-কুটিল যে-সব মন্তব্য প্রকাশ করেন তার সহজ সারাংশ এই যে, "আচ্ছা না হয় মেনেই নিলেম এটা মলী সেনের গল্প নয়। কিন্তু বাপু হে, তাঁর জীবনের কি পরিণতি নেই?"

যথাবিহিত সম্মান পুরস্কার নিবেদন করি, "না, নেই।" শুধু মিসেস মলী সেনের নয়, সংসারে কারুর জীবনেরই পরিণতি থাকে না। থাকে পরিণাম। জিভে ক্যানসার ক্ষতকে কি গণ্য করব ঠাকুর রামকৃষ্ণের দিব্য জীবনের পরিণতি? অতীতের কারাবরণকারী বহুনির্ধাতিত দেশহিতব্রতীদের জীবনের পরিণতি কি বর্তমান পারমিটলোলুপতা?

পরিণতি কথাটার মধ্যে যে সুসমঞ্জস সমাধানের ইঙ্গিত আছে, জীবনের প্রকৃতিই তার বিরুদ্ধে। বাস্তব জীবন হচ্ছে কতকগুলি আকস্মিকতার সমষ্টি। সুপরিচালিত ধারা বা যুক্তিসম্মত ধাপ বেয়ে তা চলে না। তার আরম্ভ, তার স্থিতি এবং তার অবসান সমস্তই পুরোপুরি কার্যকারণবিরহিত, খামখেয়ালীভর্য্য,—ইংরেজীতে যাকে বলে আরবিট্রারী। তার মধ্যে ঔচিত্যানুগ বিকাশ বা সজ্জিগ্ণ সমাপন খুঁজতে যাওয়া পণ্ডশ্রম। কাল পূর্ণ হলে মলী সেনের জীবনেরও নিশ্চয় একটা

পরিণাম ঘটবে। কিন্তু সে তো আমার জানা নেই। এটা খণ্ডিত জীবনচিত্র মাত্র। পূর্ণাঙ্গ জীবনচরিত্র নয়। মলী সেনের যিনি বসণ্ডয়েল, তিনি গোকুলে বাড়ছেন।

প্রকৃত তথ্য হচ্ছে এই যে, দুর্ঘটনার পরে মলী সেনের সঙ্গে আমার আর যোগাযোগ ঘটে নি। কর্তার ইচ্ছায় শুধু কর্ম নয়, কর্মস্থানও বটে। আমার কর্মদাতাদের আদেশে অভিনয় রাত্রির পরদিনই আমাকে দীর্ঘকালের জন্য স্থানান্তরে যেতে হয়। মাঝে এই প্রাসাদপুরীতে কখনও আসি নি, এমন নয়। কিন্তু মলী সেনের সঙ্গে সাক্ষাতের চেষ্টা করি নি। সেটা ইচ্ছাকৃত। থাকে ভালো লাগে, তাঁর সঙ্গে পরিচয় পরিমিত রাখা বিধেয়। যে-গানের রেকর্ডটি পছন্দ, সেটি বেশী বাজাতে নেই।

অবশ্য পছন্দ হলে কৌতূহলটাও একেবারে অস্বাভাবিক নয়। কিন্তু তারও একটি সীমা থাকা প্রয়োজন। সম্পূর্ণ সুস্থ হয়ে উঠে মলী সেন পুনরায় অভিনয়ের ব্যবস্থা করেছিলেন কি না, সে-সংবাদ আমার পক্ষে অনাবশ্যক। একমাত্র সাহায্য রজনীর টিকেটের খাবা মূল্য ফেরত আশা করেন, তাঁরা ছাড়া আর কারুরই তাতে ঔৎসুক্য নেই। উপর থেকে নীচে ছিটকে পড়া সম্বন্ধে মলী সেনের মাথার আঘাত কেন গুরুতর হয়নি, তার কারণ নিয়ে মাথা ঘামানেন ডাক্তারেরা। হঠাৎ মানসিক উদ্বেগজনক বা অবসাদে সংজ্ঞা লোপ হয় কি না তার সঠিক উত্তর দিতে পারবেন মনস্তত্ত্ববিদ। প্রমোদভরণীর ছাদ থেকে পতনের সঠিক কারণ কি, সেটা নির্ণয়ের কাজ সরকারী গোয়েন্দা বিভাগের। আমি আর যাই কেন না হই, অন্ততঃ রবার্ট ব্রেক নই।

মলী সেন সম্পর্কে আমার কৌতূহল নেই। কিন্তু মনোযোগ আছে। বিদেশে আমার এক আত্মীয়াকে মলী সেনের কাহিনী বলেছিলেন। শুনে নিরতিশয় ঘৃণাভরে নাসিকা কুণ্ঠিত করে তিনি থিকার দিলেন, “অমন মেয়ের মুখে আশুন।”

মহিলা পাঁচটি মেয়ে ও চারটি ছেলে, একুনে এই নয়টি জীবিত সন্তানের জননী। বয়স চল্লিশের উপরে। এখনও স্বামীর নামীয় খামের চিঠি গোপনে খুলে পড়েন এবং তাঁর বাড়ি ফিরতে দেবী হলে আপিসের এ্যাংলো ইন্ডিয়ান স্টেনোগ্রাফার মেয়েদের চেহারা সম্পর্কে চাপরাশীকে জেরা করেন। তাঁর উষ্ণতার কারণ বুঝি।

মলী সেনের সগোত্রদের মধ্যে অনেক মেয়েই এখন স্বৈচ্ছায় এবং সানন্দে মুখে সধুম অগ্নিবহন করেন। সমাজের উপরতলায় অতিআধুনিকাদের খবর যারা রাখেন, তাঁরা অবশ্যই জানেন যে, ঠোটে রং মাখাটাই এখন আর যথেষ্ট প্রগতিশীল তাঁর চিন্তা নয়। আমার আত্মীয়ের ভৎসনা কানে গেলে মলী সেন বিচলিত হবেন, এমন সম্ভাবনা নেই। সুতরাং সে-প্রসঙ্গ থাক।

এদেশে সুনীতি সংঘের চাঁদা-না-দেওয়া সদস্য আছেন সর্বত্র। আপামর সাধারণের নৈতিক চরিত্রের স্বয়ংনিযুক্ত অভিভাবকের সংখ্যাও অগুণ্ঠিত। যদিও তাঁরা জেনে আতঙ্কে প্রায় শিউরে উঠবেন, তবুও স্বীকার করতে লজ্জা নেই, মলী সেনের সম্পর্কে আমার দুর্বলতা আছে। অন্ততঃ সাধুভাষায় পাণীয়সী বলে তাঁকে গাল দিতে আমার মন সরে না।

ত্বী অনন্যমতি নয়, একথা শুনে স্বামীসম্প্রদায় আনন্দে একেবারে গদগদ হয়ে উঠবেন এমন প্রত্যাশা অবশ্য করিনে। কিন্তু বিবাহিতা নারীর জীবনেও যে দুর্ভাগ্য সংকট দেখা দিতে পারে সে-কথা উপলব্ধির প্রয়োজন আছে। এককুট ভূমিকা—ব্যাড পার্ট—শুধু যে প্রবঞ্চিত স্বামীর তা নয়, অবহেলিত ত্বীরও। সসম্মানে অভিনয় করা সমানই কষ্টসাধ্য। একথা খুঁচি টেলস্টয়ের হয়তো জানা ছিল না। কিন্তু কারাবাস যাদের ঘটেছে কারাযন্ত্রণার খবর তাদের কাছে তো অজ্ঞাত নয়।

পুরাকালে বিবাহের লক্ষ্য ছিল বংশরক্ষা। নিজের অবর্তমানে ভূসম্পত্তির তত্ত্বাবধানের জন্য ছিল সন্তান-সন্ততির আবশ্যিকতা। শ্রমশিল্পের যুগে সে প্রয়োজন অন্তর্হিত। যৌথ কোম্পানির উদ্ভব হওয়াতে সম্পত্তির পারিবারিক তদারক আর অপরিহার্য নয়। সমাজতন্ত্রে ব্যক্তিগত সম্পত্তিই যদি না থাকে, তবে তার জন্যে ব্যক্তিগত দৃষ্টিভঙ্গিও অনাবশ্যক।

পরলোকে পিশুপ্রাপ্তির আগিদে দারপরিগ্রহ যে দেশের সনাতন রীতি, সেই ভারতবর্ষেও এখন বেশীর ভাগ লোক ইহলোকের পিশু সংস্থানেই হিমশিম। পরিবারের আকার বৃদ্ধিতে একালে আনন্দ হয় না; আতঙ্ক ঘটে। কুলগুরু অনুশাসন অগ্রাহ্য করে আধুনিক হিন্দু যেমন বিলাতি হোটেল খানা খায়, তেমনি পোপের অনুজ্ঞা উপেক্ষা করে আধুনিক রোমান ক্যাথলিক পর্যন্ত

গোপনে জন্মশাসন করে। মেরী মাতার চাইতে মেরী স্টোপসের প্রতি তাদের এখন বিশ্বাস বেশী। শুধু প্রজনার্থেই মহাভাগাঃ হতে এ যুগের নারীর আপত্তি আছে। ভার্য্য এখন আর পুত্রার্থে নয়, প্রীত্যার্থে। ঘরকন্না দেখার জন্য স্ত্রী ঘরে আনার যুক্তিও আজ আর তেমন গ্রাহ্য নয়। বিলাতে তো গৃহস্থালীর পারিশ্রমিক হিসাবে স্বামীর কাছে নির্দিষ্ট বেতন আদায়ের যুক্তি দেখিয়ে এরই মধ্যে নারী-আন্দোলন শুরু হয়েছে।

প্রশ্ন ওঠে প্রীতি আগে পরে বিবাহ; না, আগে বিবাহ পরে প্রীতি? এ-তর্ক প্রায় তৈলাধার পাত্র-এর মতোই পুরাতন ও ক্ষান্তিহীন। সুতরাং নিরর্থক। কিন্তু বিনা প্রেমসে যে না চলে দাম্পত্য জীবন, সে-বিষয়ে এ-কালে মতদ্বৈধ নেই। মীরা দে, দত্ত, দাস বা দেবী সবাই সে-কথা মানেন। আগে স্বামীর সেবায় নিষ্ঠা এবং স্ত্রীরা শয্যার ভাগ পেয়েই খুশি থাকতেন। এখন দু'পক্ষেরই মন না পেলে মন ওঠে না। তাই সমুদ্রের ওপারে শুধু ভাই-এরাই ঠাই ঠাই নয়, মনের অমিলে স্বামী স্ত্রীতেও পাটিশান সূট হয় যার সহজবোধ্য নাম ডাইভোর্স।

সমুদ্রের এপাবে আমাদের সমাজে মেয়েদের পক্ষে বাসরঘরগুলি অভিমন্ডর চক্রব্যূহ। তাতে প্রবেশের পথ আছে, নির্গমনের উপায় নেই। পতিপ্রেমবঞ্চিতা নারীকে এ-দেশে গৃহকর্মে সম্পূর্ণ আত্মনিয়োগ করে হতে হয় দাসী। নয়তো পূজা-অর্চনা ও দানধর্মে মন ব্যাপ্ত করে হতে হয় দেবী। সাধারণ মানবী হয়ে জীবনধারণের কোনো সুযোগ নেই তার সামনে। এ-দেশে বিবাহ হির হয় স্বর্গে, সূতবাং স্বর্গবোহণের পূর্বে তার পরিত্রাণ কোথায়? তার তো হোলি ওয়েডলক্ নয়, হোলি ডেডলক্।

দুঃখে অচঞ্চল সুখে চ বিগতস্পৃহ যে-নারী তিনি নমস্যা। তাঁকে নিয়ে তো প্রশ্ন ওঠে না। কিন্তু হৃদিস্থিত ক্রমীকেশেব দোহাইতে যাব হৃদয় সান্ত্বনা না পায়, সমাজের আর পাঁচজন নারীর মতো যে প্রত্যাশা কবে সখা, প্রীতি ও অনুরাগ, সেই কাদামাটিতে-গড়া সাধারণ মেয়ে স্বামীর কাছে প্রত্যাখ্যাত হয়ে থাকবে কী নিয়ে? মলী সেনের শৈশবের শিক্ষা, কৈশোরের আবেষ্টন ও যৌবনের সমাজ কোনোটাই ঈশ্বরে আত্মসমর্পণের অনুকূল নয়। কৃচ্ছসাধনের সঙ্গে ভগবদ্ভক্তির সম্বন্ধ ঠিক কোনখানে সে আমাব জানা নেই। কিন্তু সোনার বোতাম আঁটা সিঁকের পাজ্রাবী গায়ে যে ব্রহ্মচিন্তা চলে না, সে-বিষয়ে আমি নিঃসন্দেহ।

সমাজে অধিকাংশ আধুনিকাদেরই উভয় সঙ্কট। পূর্বজন্ম বা কর্মফলের উপর যে-অসন্দিগ্ধ নির্ভরতায় প্রাচীনরা আপন দুর্ভাগ্যকে অনিবার্যরূপে গ্রহণ ও বহন করতেন, সে তাঁরা বর্জন করেছেন। অথচ যে-দুঃসাহসের দ্বারা প্রচলিত সমাজ-ব্যবস্থাকে সম্পূর্ণ অগ্রাহ্য করা যায়, তাও তাঁরা অর্জন করেন নি। তাঁদের না আছে অন্ধ বিশ্বাসের প্রশান্তি, না আছে যুক্তিপরিচয়গতর দৃঢ়তা। যে-পাখির মনে আকাশে উড়ে বেড়াবার বাসনা আছে অথচ ডানায় যথেষ্ট জোর নেই, তার মতো দুঃখী নেই ত্রিজগতে। পাখা-ঝটপটানিতে কেবলই ক্ষত-বিক্ষত হওয়া ছাড়া গতাত্তর থাকে না তার।

মলী সেন তো ছায়া নন। তাঁর হৃদয় আছে, আশা আছে, আসক্তি আছে এবং সৃষ্টির সর্বশ্রেষ্ঠ যে-সম্পদ সেই ভালোবাসা আছে। ভালোবাসায় তিনি আপন স্বামীকে জয় করতে পারেন নি। অন্যকে আকর্ষণ করেছেন। কিন্তু হয়, যে-প্রেম নরনারীর পরিপূর্ণ মিলনের মধ্যে সমন্বানে প্রতিষ্ঠিত নয়, যে-অনুরাগ নিত্যকার সাংসারিক জীবনযাত্রায় অপ্রতিফলিত, স্বজন-বন্ধুগণের দ্বারা অস্বীকৃত এবং সমাজের মৌলিক-কল্যাণ ব্যবস্থার সঙ্গে সংগতিহীন, সে ঝঞ্ঝার মতো বেগবান হলে স্তব্ধ হয়ে পড়ে। মনোহরণ করতে পারে। কিন্তু দীর্ঘকাল ঝাঁচতে পারে না। প্রেম—যুলিজ। বাস্তব জীবনের দীপশিখায় আশ্রয় না পেলে সে দীপ্তিময় হয়েও স্বল্পায়ু। এ-সত্য মলী সেনের জানা ছিল না। তাই ব্যর্থমনোরথ হয়ে তিনি ক্রোড়ে বিদ্রোহে ও ভ্রান্তিতে বারংবার কেবলি মাথা ঝুঁড়েছেন চারদিকের দেয়ালে। তাতে দেয়ালে চিড় ধরে নি। তাঁর নিজেরই আহত ললাট থেকে ঝরেছে শোণিত।

অসামান্য রূপ ও অসাধারণ বুদ্ধি নিয়ে অতুল ঐশ্বর্য্যে এবং অসংখ্য ভক্তজনের মধ্যে মলী সেন রিক্ত, নিঃসঙ্গ ও বৃদ্ধকু। চিরাচরিত রীতিতে যেখানে তাঁর স্থান, সেখানে তিনি অনাহুত। স্বাভাবিক নিয়মে ঝাঁপকাছে তাঁর মান, তাঁর কাছে তিনি অনাদৃত। সেই অবস্থিত অবস্থিতির

অপরিমিত গ্লানি নিরন্তর বহন করে আপন আত্মাকে তিলে তিলে হনন করছেন অনন্যোপায় মলী
সেন। তিনি যা চেয়েছেন তা রয়েছে তাঁর পাওয়ার অতীত। তাঁর কাছে যা চাওয়া হয়েছে, তা ছিল
তাঁর দেওয়ার অসাধ্য।

এই হলো তাঁর ট্রাজেডি।

এই হবে তাঁর এপিট্যাফ।

ঝিলম নদীর তীর

প্রথম প্রকাশ : জৈষ্ঠ ১৩৬১ মে ১৯৫৪

উৎসর্গ

শ্রীযুক্ত ফণিভূষণ মুখোপাধ্যায়
শ্রীযুক্তা মনোরমা দেবী
শ্রীচরণকমলেশু

কৃতজ্ঞতা স্বীকাৰ

“ঝিলম নদীৰ তীব” সাময়িক পত্ৰে খণ্ডিতাকাবে প্ৰকাশিত বচনাৰ পৰিবৰ্ধিত ও পূৰ্ণতৰকপ । সাহিত্যিক শ্ৰীসুধীৰচন্দ্ৰ সবকাৰ ও শ্ৰীবিষ্ণু মুখোপাধ্যায়েৰ অনুবোধে এৰ সূচনা । তাঁৰা লেখকেৰ অশেষ ধনাবাদভাজন ।

তথ্যসংগ্ৰহকাৰ্যে য়ে সবল পুস্তক, পুৰাতন দৰ্শন ও সবকাৰি মুদ্রিত বিবৰণীৰ সাহায্য নেওযা হযেছে এবং যাঁৰা ব্যক্তিগত অভিজ্ঞতা ও স্মৃতি তেকে সমসাময়িক ইতিহাসৰ অলিখিত অধ্যয় ও নেপথ্য বৃত্তান্ত গ্ৰন্থকাৰেৰ গণচৰীভূত কৰেছেন তাঁদেৰ স্বৰ্ণও কৃতজ্ঞতাৰ সন্মুখ স্মৰণীয় । তাঁদেৰ নামেৰ তালিকায বিশেষভাবে উল্লেখযোগ্য

হোয়াৰ থ্ৰি এম্পায়াৰ্স মিট (ই এফ নাইট), জম্মু অ্যাণ্ড কাশ্মীৰ টেবীটবীস (ফৰ্ডবিক ডু), গোলাব সিং (কে এম শামিকব), বেমনিসেন্স অব এ বেঙ্গল সিভিলিয়ান (উইলিয়াম এডোয়ার্ডস), ডিফেণ্ডিং কাশ্মীৰ (পাবলিকেশন ডিভিশন), কনভেমড আনহাৰ্ড (অজ্ঞাত), ডেসপাচেস টু দি সেক্ৰেটাৰী অব স্টেটস (এইচ এম ডুব'ণ্ড), হিস্টৰী অব দি শিখস (কানিংহাম), ইউ এন কমিশনস বিপোট, মিশন উইথ মাউণ্টব্যাটেন (এ ক্যাম্পবেল জনসন), হোয়াইট পেপাৰ অন কাশ্মীৰ (গভৰ্ণমেণ্ট অব ইণ্ডিয়া), শেখ মহম্মদ আবদুল্লা, মাননীয় জি. এম সাদেক ও মিসেস বাজেন্দ্ৰ সিং ।

Mountbatten says,
as a military operation, the speed of the
fly-in on the 27th October left our SEAC
efforts standing

—*Allan Campbell Johnson*

বিলম নদীর তীর

হিমালয়ের বরফ গলে গলে হয়েছে নদী। পাহাড়ের গা বেয়ে, পাইনের বন পেরিয়ে, আকাবাঁকা পথে সে নদী নেমে এসেছে নীচু মাটিতে। মৌরী ক্ষেতের ধার দিয়ে, উইলো খাড়ের কাছ দিয়ে চলে গিয়েছে শহরের বুক চিরে। কাঠের ঘর-বাড়িতে ঢাকা দু'পাশের তীর; মধ্যখানে ধীরে বয়ে যাচ্ছে জলধারা। অন্ধকারে দূর থেকে দেখায় যেন কনে বউ-এর মাথায় দু'পাশের কালো চুলের মাঝখানে একটানা সরু সিঁথিটি।

ছোট্ট নামটি তার; সহজ ও মিষ্টি। বিলম। সকালবেলা সোনালী রোদের আভা ঠিকরে পড়ে তার বকে। সন্ধ্যাবেলা দোলে তারা-ভরা আকাশের ছায়া। বিলম বিলমিল করে দিন-রাত।

নদীর কোল ঘেঁষেই উঠেছে দুধের মতো ধবধবে স্বেত পাথরে গড়া মস্ত রাজপুরী। দুয়ারে তার সেপাই। সিঁড়িতে তার সাত্ত্বী। দেউড়িতে সঙ্গীন উচিয়ে কুচকাওয়াজ করে উদ্গীর্ণা পাহারাওয়ালার দল।

পুরানো আমলে এটাই ছিল রাজাদের খামহল। বুড়ো মহারাজা জীবন কাটিয়ে গিয়েছেন এখানেই। নতুন রাজার চাল-চলন আলাদা। স্ত্রী পুত্র দাস দাসী নিয়ে তিনি উঠে গিয়েছেন দূরে পাহাড়ের গায়ে বিলাতী ধরনে তৈরি নূতন বাড়িতে। সেখানে সেজের বদলে জ্বলে বিজলী বাতি, হাতিশালের বদলে আছে মোটর গ্যারেজ।

সেকলে বাজবাড়ি একালে হয়েছে সরকারী আপিস। তকমা-আটা কর্মচারীরা সেখানে বসে মহারাজার নামে প্রজা শাসন অর্থাৎ প্রজা শোষণ করে। শুধু বছরে দু'দিন রাজ-দরবার বসে মাঝের গোল হল ঘরটিতে। তখন চতুর্দোলায় চেপে রাজা আসেন। পুরানো রাজমহলের সাবেকি জাঁক-জমক আবার জেগে ওঠে। আগে সাজে লোক, পিছে সাজে লস্কর। ডাইনে বাজে বাঁশি, বায়ে বাজে মৃদঙ্গ।

দশহরার দরবার দেশের সবচেয়ে বড় পার্বণ, বছরের সবচেয়ে সেরা সমারোহ।

মুক্তাব খালব আঁটা জড়োয়া চাঁদোয়ার নীচে কিংখাবে মোড়া গজদন্ডের সিংহাসন। তাতে বসেছেন রাজা। মহারাজ শ্রীহরি সিং। কাশ্মীরের প্রজাদের দণ্ডমুণ্ডের কর্তা। সামনে পায়ের কাছে খোলা তলোয়ার হাতে প্রতিহারী। পিছনে মাথার কাছে ছাতাহাতে ছত্রধর। দু'পাশে চামর দুলিয়ে হাওয়া দিচ্ছে আটজন কিস্কর কিস্করী। রূপোর পিলসুজের মাথায় জ্বলছে সোনার প্রদীপ; জয়পুরী পাথবেব ধূপদানিতে পুড়ছে কস্তুরী ধূপ। জমকালো পোশাকে পাত্র-মিত্র ও অমাতারা বসেছেন প্রথম সারিতে। তার পিছনে গণ্যমান্য লোকদের আসন পড়েছে যার যার মর্যাদা বুঝে। ফুলের শোভায়, জরির সাজে, নানা রঙের আলোর মেলায় ঝলঝল করছে সভা-ঘর।

কিন্তু এত ধুমধামের মধ্যেও মহারাজাকে কেমন মনমরা দেখাচ্ছে যেন। তাঁর মুখে কেন নেই হাসি? চোখে কেন নেই খুশি-খুশি ভাব?

সত্যি, মহারাজা হরি সিং-এর মনে একটুও সুখ নেই।

মাস দুই হলো এদেশ থেকে ইংরেজ সরকার চলে গিয়েছে। যাবার বেলায় দেশকে দু'ভাগ করে এক ভাগ দিয়ে গিয়েছে একদল মুসলমানের হাতে। হিন্দুদের সঙ্গে তাদের মহা আঁড়ি। এক সঙ্গে এক রাজত্বে বাস করতেও তাবা রাজী নয়। ভারতবর্ষ থেকে কেটে নেওয়া এই মুসলমানী দেশের নাম হয়েছে, পাকিস্তান।

ইংরেজ আমলের আরও যে-সব দেশীয় রাজা ছিলেন, ইংরেজ যেতে না যেতেই তাঁরা প্রায় সবাই নিজ নিজ রাজ্যের সীমানার মিল দেখে ভাগ হওয়া দেশের এ-দিকে কিংবা ও-দিকে যোগ দিয়েছে। জয়পুর, গোয়ালিয়র, কুচবিহার ইত্যাদি মিশেছে ভারতবর্ষে। ভাওয়ালপুর ও কালাত মিশেছে পাকিস্তানে। কাশ্মীর এখনও আছে দোঁটানায়।

কাশ্মীরের সীমানার যোগ রয়েছে দু'দেশেরই সঙ্গে। পশ্চিমে প্রায় পঁচিশ মাইল ধরে আছে পাকিস্তান। আবার পূর্ব-দক্ষিণে তার সীমানা মিলেছে ভারতবর্ষে। কাশ্মীর কোন্ দেশে যোগ দেবে? মহারাজা মন ঠিক করতে পারেন না। অনেক ভেবে শেষটায় তিনি বললেন, “এখন

কোনো দেশেই যোগ দিচ্ছি না। যেমন আছি তেমন থাকি। পরের ভাবনা পরে হবে।”

মহারাজা যাই ভাবুন, দেখা গেল, পরের আশায় বসে থাকতে অপরেরা রাজী নয়। ভারতবর্ষের নেতারা কিছু বললেন না বটে। ও-দিকে পাকিস্তানের কর্তাদের তো সবুর নয়। তাঁরা চান কাশ্মীর তক্ষুণি তাদের দখলে আসুক। কাশ্মীরের মহারাজা হিন্দু। ডোগরা রাজপুত। রাজ্যের প্রজারা বেশীর ভাগ মুসলমান। পাকিস্তানের বড় নেতারা মাথা নেড়ে বললেন, “এ অসহ্য।” বাবু যত কন, পারিষদগণ কহে তার শত গুণ। ক্ষুদ্রে নেতারা ঘুবি বাগিয়ে হুকার দিলেন, “লড়কে লেসে—”

যেই কথা সেই কাজ। প্রথমে শুরু হলো অভাব অনটনের চাপ দেওয়া। হাতে না মেরে ভাতে মারার ফন্দি।

কাশ্মীর পাহাড়ী রাজ্য। চাষবাসের দেশ। ক্ষেতে ধান আর বাগানে ফল,—এই হলো সেখানকার মোটামুটি ফসল। অন্য সব জিনিস তাকে আনতে হয় বাইরে থেকে। লাহোর বা রাওলপিণ্ডির পথে চালান আসত এতকাল। পাকিস্তান বন্ধ করে দিলে তা। তখন পোট্রালের অভাবে কাশ্মীরের পথে মোটর বাস অচল হলো, কাগজের অভাবে স্কুল কলেজে লেখাপড়া বন্ধ, চিনির অভাবে ময়রার দোকানে সন্দেশের থালা পড়ে রইল খালি। রাজ্যে রোগী পায় না ওষুধ, শিশু পায় না পথ্য। নেহাত গরীব যে দিনমজুর, একটু নুন না মেলাতে তারও মুখে ভাত স্লেচ্চে না।

এ তো শুধু আরম্ভ। যেমন ফাঁসীর আগে হাজত, মারের আগে ধমকানি। সেপ্টেম্বর মাসের গোড়া থেকে শুরু হলো জ্বরদস্তি হামলা। রাজ্যই সীমানার ও-পার থেকে পাকিস্তানীরা দল বেঁধে কাশ্মীরের গ্রামে ঢুকে লুণ্ঠরাজ করতে লাগল।

গত চার দিনে অবস্থা আরও সঙ্গীন হয়েছে। খবর এসেছে, যুদ্ধের সৈন্যদেব মতো হাজার হাজার হানাদার কাশ্মীর রাজ্য আক্রমণ করেছে। ভিন্ন ভিন্ন শত্রু রাজ্যের নানা জায়গায় সীমানা পার হয়ে গ্রামের পর গ্রাম দখল করেছে। সব চেয়ে বড় দলটা এগিয়ে আসছে মোটব লরী চেপে ডোমেলের পথে রাজধানী শ্রীনগরের দিকে। সে-দলে আছে হাজারখানেক উত্তর-পশ্চিম সীমান্ত প্রদেশের উপজাতি, কয়েক শ’ পাঠান আফ্রিদি, আর অগুনতি মুসলীম লীগের ভলান্টিয়ার,—নিজেদের তারা বলে, “মুসলীম ন্যাশন্যাল গার্ড।”

দেশীয় রাজ্যগুলি এতকাল আপদে বিপদে নির্ভর করেছে ব্রিটিশ সরকারের উপর। তাদের নির্ভেদে সৈন্য যা’ ছিল, সে শুধু নামকওয়াস্তে। কাশ্মীরের সৈন্য-সংখ্যা সামান্য। তারও আবার অর্ধেক ছিল মুসলমান। শত্রুরা হানা দিতেই তারা দল ছেড়ে সব পড়লো। বাধা দেওয়া দূরে থাক, “আল্লাহো আকবর” বলে তারা হানাদারদেরই দলে ভিড়ে গেল। কথায় বলে, যার খায় পরে তারই দাড়ি উপাড়ে। এই নিমকহারামেরাও হানাদারদের রাস্তা দেখিয়ে আনতে লাগল রাজধানীর দিকে। মহারাজা উতলা হবেন না তো হবে কে?

দশহরার দিনে রাজা দরবারে না বসলেই নয়। একশ’ বছর ধরে চলে আসছে এ নিয়ম; মহারাজা গোলাব সিং-এর আমল থেকে। পিতা-পিতামহদের সে নিয়ম তো ভাঙা চলে না। তাই এবারেও সভা ডাকতে হয়েছে।

দরবারে কুল-পুরোহিত মন্ত্র পড়লেন। ভাট গান বেঁধে রাজার মহিমা শোনাল। মনের উদ্বেগ চেপে রেখে রাজা কাউকে দিলেন সনদ; কাউকে দিলেন শিরোপা। সভাসদেরা একের পর একে রাজার পায়ের কাছে রাখল প্রণামী। কেউ পাঁচ মোহর, কেউ বা দুই,—যার যেমন হার বাধা আছে বাপ-ঠাকুদার আমল থেকে। জমিদার জায়গিরদারেরা কেউ দিল আসমানী রঙের কক্সা পাড় পশমী জমিয়ার, কেউ দিল বুড়ি-ভর্তি সুগন্ধ মৃগনাভী, কেউ বা দিল গিলগিটের নামকরা নীল গাই-এর শিং।

হঠাৎ ব্যস্ত-সমস্তভাবে শহর কোটাল এসে ঢুকল দরবারে। চুপি চুপি কী যেন বলল নগরপালকে। নগরপাল তাঁতকে উঠে ফিসফিস করলেন তার উপরওয়ালার কানে। উপরওয়ালার অমনি কানে কানে বললেন তাঁরও উপরওয়ালকে। তিনি গোপনে জানালেন মন্ত্রীকে, মন্ত্রী ভয়ে

ভয়ে শোনালেন দেওয়ানকে । দেওয়ান মুখ কালো করে উঠে গিয়ে রাজাকে দিলেন দুঃসংবাদ ।

শুনে মহারাজ হরি সিং-এর মুখে কথা সরলো না খানিকক্ষণ । তারপর হঠাৎ আসন ছেড়ে উঠে দেওয়ানকে সঙ্গে নিয়ে চলে গেলেন বাইরে । এবার আর চতুর্দোলা নয় ; শাশী শব্দে মোটির ইকিয়ে দিলেন নতুন রাজবাড়ির দিকে ।

সভাসদেরা সবাই অবাক । এ ওর মুখের দিকে তাকায় । ব্যাপার কী ? একটু পরেই জানতে পারা গেল, ব্যাপার গুরুতর । মন্দ খবর বাতাসের আগে ছোটে । শোনা গেল, ব্রিগেডিয়ার রাজেন্দ্র সিংজী যুদ্ধে নিহত হয়েছেন । কী সর্বনাশ !

রাজেন্দ্র সিং ছিলেন মহারাজার প্রধান সেনাপতি । যেমন বীর, তেমনি সাহসী । তাঁর উপরেই মহারাজার যা কিছু ভরসা । কান্ধীরের হিন্দুসৈন্য তখনও শ'দেড়েক বাকি ছিল । তাদের নিয়ে রাজেন্দ্র সিং এগিয়ে গিয়েছিলেন দুশমনদের রুখতে ।

হানাদারেরা তখন শ্রীনগর থেকে পয়ষট্টি মাইল দূরে উরি অবধি এসেছে । সেখানে ঐ অল্প ক'টি মাত্র সৈন্য নিয়ে রাজেন্দ্র সিং পাকিস্তানীদের বাধা দিলেন । প্রাণের মায়া ছেড়ে লড়তে লাগলেন তিনি ; লড়তে লাগল তাঁর সৈন্যরা । হানাদারেরা সংখ্যায় প্রায় দশ গুণেরও বেশী । অসাধারণ বীরত্বে রাজেন্দ্র সিং তাদের ঠেকিয়ে রাখলেন উরিতে পুরা দুটি দিন । তারপর নিজ সৈন্যদের সঙ্গে নিজেও মারা পড়লেন যুদ্ধে । দেড়শ জন দেড় হাজারের বিরুদ্ধে লড়তে পারে কতক্ষণ ?

রাজদরবার থেকে মুখে মুখে খবর ছড়িয়ে পড়ল চারিদিকে । দোকানপাট বন্ধ হয়ে গেল, পথে লোক চলে না, ঘরে ঘরে মেয়ে-পুরুষ সবাই ভয়ে জড়সড় । কী জানি কী হবে আজ রাতটুকু পোহালে ।

কিন্তু ততক্ষণও সময় পেলো না তারা । রাত তখন দশটার কাছাকাছি । হঠাৎ শহরের সমস্ত আলো নিবে গেল । বিজলী আলোর কারখানাটা মছরায় । পাহাড়ী ঝরনার জল ধরে জলবিদ্যুৎ তৈরি হয় সেখানে । থামের মাধ্যম তারের মধ্য দিয়ে সে-বিদ্যুৎ আসে দূর দূরান্তের শহরে । হানাদারেরা মছরায় পৌঁছে কারখানার যন্ত্রপাতি ভেঙে চুরমার করে দিয়েছে ।

মছরা ? সে-তো রাজধানী থেকে মাত্র পঞ্চাশ মাইল । চমকে উঠলো সবাই । তবে শ্রীনগরের আর বাকি রইল কত ? পিচ-বাধানো চওড়া সড়ক গিয়েছে মছরার গা দিয়ে । সে-পথে মোটির লরী বোঝাই হানাদারদের শ্রীনগরে এসে পৌঁছতে কতক্ষণ লাগবে ? তবে আর কিসের ভরসা ? সেই রাত্রিতেই শহর থেকে প্রাণের ভয়ে লোক পালাতে শুরু করল । মোটিরে, লরীতে টাঙায়, গরুর গাড়িতে, সাইকেল-এ বা ঘোড়ার পিঠে চেপে ছুটল নানা দিকে । যাদের কিছুই জুটল না, তারাও স্ত্রী-পুত্রের হাত ধরে পায়ে হেঁটে রওনা হলো নিরাপদ জায়গার খোঁজে ।

রাজবাড়িতে হরি সিং দীর্ঘনিশ্বাস ফেলে জিজ্ঞাসা করলেন, “দেওয়ান, এখন উপায় ?” দেওয়ান হাত জোড় করে বললেন, “মহারাজ, উপায় একমাত্র ভারত সরকার । তাঁদের সাহায্য চান ।”

এক বছর আগে পণ্ডিত নেহরুকে রাজ্যে ঢুকতে দেননি, কয়েদ করেছিলেন ; সে কথা রাজার মনে ছিল । সেই নেহরু এখন ভারত সরকারের কর্তা । রাজা চিন্তিত মুখে বললেন, “তাঁরা কি সাড়া দেবেন ?”

দেওয়ান উত্তর করলেন, “হজুর, আর্তকে রক্ষা করা মানুষের ধর্ম ; তা যদি না করেন তবে তাঁরা কেমন মহৎ ? অত্যাচারীকে বাধা দেওয়া ন্যায়ের বিধান ; তা যদি না মানেন, তবে তাঁরা কিসের শাসক ? আপনি আবেদন করুন, আর দেরিতে সর্বনাশ হবে ।”

তখন সেই অজ্ঞকার রাজপুত্রী খাসকামরায় লঠনের আলোতে বসে কান্ধীরের শেষ মহারাজা হরি সিং নিজ হাতে পত্র রচনা করলেন । করুণ প্রার্থনা জানালেন ভারতের নতুন সরকারের কাছে । লিখলেন,—“একুশি সৈন্য-সামন্ত পাঠিয়ে কান্ধীরকে রক্ষা করুন । মোহাই, তার চল্লিশ লক্ষ লোককে বাঁচান ।”

সে-দিন তারিখটা ছিল ২৫শে অক্টোবর. ইংরেজী ১৯৪৭ সাল ।

হুই

নয়াদিল্লীতে মহারাজার তার পেয়ে প্রধান মন্ত্রী নেহরু ভাবেন, কী করা যায় ?

সদার বলভভাই প্যাটেল সহকারী প্রধানমন্ত্রী। তিনি এবং অন্যান্য মন্ত্রীরা বললেন, তাড়াতাড়ি সৈন্য পাঠাতে হবে কাশ্মীরে ; হানাদারদের ঠেকাতে।

লর্ড মাউন্টব্যাটেন তখন বড়লাট। তাঁর খুবই আপত্তি। তবে তিনি এখন নিয়মতান্ত্রিক গভর্নর জেনারেল, নিজের মত খাটাতে পারেন না, শুধু উপদেশ দিতে পারেন। বললেন, “পাকিস্তানও যদি সরাসরি সৈন্য পাঠায় হানাদারদের পক্ষে, তবে ?”

ডাকা হলো সেনাপতি ও সৈন্যদের কর্তাদের। তাঁরা সবাই ইংরেজ। এসে গভীরভাবে মাথা নেড়ে বললেন, কাশ্মীরে ভারতীয় সৈন্য পাঠানো বিপদের কথা।

মন্ত্রিসভা জোর দিয়ে বললেন, বিপদের ভয়ে মহাবাজকে সাহায্য না দেওয়া কাপুরুষতা। পাকিস্তানীরা জোর করে দখল করবে কাশ্মীর, এ কখনই হতে দেওয়া যায় না।

সে-কথা ঠিক। কিন্তু কাশ্মীর তো ভারতবর্ষে তখনও যোগ দেয়নি। আইন মানতে গেলে কাশ্মীরকে রক্ষা করা তো ভারত সরকারের দায় নয়।

মহারাজা হরি সিং সে-কথা জানতে পেরে পর দিনই দলিল সই করে পুরোপুরি ভারতবর্ষে যোগ দিলেন।

তখন ভারত সরকার তাঁদের সেনাপতিকে হুকুম দিলেন কাশ্মীরে সৈন্য পাঠাতে।

দিল্লী থেকে কাশ্মীরে যাওয়ার একটি মাত্র রাস্তা। অনেক পাহাড়-পর্বত ডিঙিয়ে, নদী-নালা পার হয়ে, বন-জঙ্গলের ভিতর দিয়ে সে-পথ। প্রায় তিনশ’ মাইল। তারও এখানে ভাঙা, ওখানে মেরামতি। কোথাও এত খাড়া উঁচু যে, গাড়ি চলা দায়, কোথাও বা এত ভীষণ সরু যে, পাশাপাশি হাঁটা কঠিন। সে-পথ ধরে গেলে নুন আনতেই পাশ্চাত্য ফুরোবে। ভারতীয় সৈন্য কাশ্মীরে শৌছবার আগেই হানাদারেরা তা’ পুরোপুরি দখল করে নেবে। তাই আকাশ পথে বিমানে সৈন্য পাঠানো ছাড়া অন্য গতি নেই।

দিল্লীর ছাউনিতে তখন যথেষ্ট সৈন্য নেই। বারো মাইল দূরে গুরগাঁয়ে শিখ রেজিমেন্টের এক ব্যাটেলিয়ন সৈন্য ছিল। হুকুম পেয়ে রাত্রির অন্ধকারে তাদের কিছু এসে পৌঁছল পালমের বিমানঘাঁটিতে। তাড়াতাড়ি কোনো মতে সেখানে গোলা বারুদ, পোশাক পরিচ্ছদ দেওয়া হলো তাদের। সাতাশে অক্টোবর ভোরবেলা প্রভাতী তাবাটি যখন সবে অন্ত গিয়েছে, দূরে খোলা মাঠের শেষে পূর্বের আকাশে দেখা দিয়েছে একটুখানি আবছা আলোর আভা, তখন বিমানবহরের তিন তিনখানা ডাকোটা বিমানের পাখা এক সঙ্গে গর্জন করে উঠল। শিখ সৈন্যদের নিয়ে নিমেষে আকাশ-পথে রওনা হলো শ্রীনগরের দিকে। স্বাধীন ভারতের এই প্রথম যুদ্ধযাত্রা।

সৈন্য তো রওনা হয়ে গেল। কিন্তু তারা শ্রীনগরে নামতে পারবে তো ? সেখানকার বিমানঘাঁটিটি এরই মধ্যে হানাদারেরা দখল করে বসেনি তো ? দিল্লীর সদর দপ্তরে সবার মনেই সেই ভাবনা। বেতার টেলিফোনের ঘরে যন্ত্রপাতি নিয়ে বসে আছে লোক। হেডফোন কানে লাগিয়ে অপেক্ষা করছে খবর দেয়া-নেয়ার কর্মচারীরা। আধঘণ্টা পর পর বড়কর্তারা খোজ নিচ্ছেন, খবর এসেছে কি ? না, আসেনি।

নটা বেজে গেল। তখনও খবর এল না। সাড়ে নটা বাজলো। বাজলো দশটা। কোনো খবর নেই। দশটা পনের,—কুড়ি,—পঁচিশ ঘড়ির কাঁটাটা এগিয়ে যাচ্ছে মিনিটে মিনিটে। মিনিট তো নয়, মনে হয় যেন এক একটা যুগ। কারো মুখে কথা নেই, ঘরে নেই শব্দটি। একটা পিন পড়লেও বুঝি আওয়াজ শোনা যাবে। উদ্বেগে সবার যেন দম আটকে আসছে। এত দেরি হচ্ছে কেন ? তবে—কি—? সাড়ে দশটা, দশটা একত্রিশ,—হঠাৎ বেতার যন্ত্রের বোর্ডে আলো জ্বলে উঠলো।

“হ্যালো, হ্যালো দিল্লী, হ্যালো,—দিস ইজ শ্রীনগর কলিং, হ্যালো—।” খবর এসেছে। ডাকোটা তিনটি নিরাপদে বিমানঘাঁটিতে নেমেছে। প্রথম ভারতীয় সেনাবাহিনী পৌঁচেছে

কান্দীয়ে ! হুররে !

স্বস্তির নিঃশ্বাস ফেলে দপ্তরের উপরওয়ালারা বললেন, “থ্যাঙ্ক গড।”

তিন

যে শিখ সৈন্যরা আকাশ-পথে শ্রীনগরে পৌঁছল তাদের নেতা ছিলেন লেফটেনেন্ট কর্নেল দেওয়ান রণজিৎ রায়। নামের শেষটা বাঙালীর মতো। তাই না ? আসলে তিনি পাঞ্জাবী। লম্বায় প্রায় ছ’ফুট, ছত্রিশ ইঞ্চি বুকের ছাতি, হাতেব কজি দুটি লোহার ঝাঁটের মতো শক্ত এবং চওড়া। দেখে মনে হয়,—হ্যাঁ, লড়াই করার যোগ্য একখানা চেহারা বটে !

কথা ছিল, তিনি তাঁর ঐ অল্প ক’জন সৈন্য নিয়ে বিমানঘাটিটা শুধু আগলে থাকবেন। যথেষ্ট সৈন্য আর গোলা বারুদ না পাওয়া পর্যন্ত যুদ্ধ নয়।

বিমানঘাটিতে কান্দীয়ের অবস্থা শুনে এবং দেখে কর্নেল বায়-এর তো চক্ষুস্থির। শত্রু রাজধানী শ্রীনগরের কাছে বারমুলা শহর দখল করেছে। আর থানিকটা এগিয়ে এলেই পাহাড়ী এলাকা পার হয়ে গ্রামে, মাঠে ছড়িয়ে পড়ে চারদিক থেকে শ্রীনগরকে ঘিরে ফেলতে পারবে।

তাই তো। এখন করা কি ? হানাদারেরা সংখ্যায় কত, কোন্ পথে আসছে, কী তাদের সাজ-সরঞ্জাম, সমস্তই অজানা। না জেনে-শুনে শ’খানেক সৈন্য নিয়ে শত্রুর সঙ্গে লড়াইতে যাওয়ার বিপদ অনেকখানি। অথচ আরও সৈন্য আর অস্ত্র-শস্ত্র এসে পৌঁছনোর অপেক্ষায় থাকলে শ্রীনগরের আশা শেষ। কতিন সমস্যায় পড়লেন কর্নেল রায়।

বসে ধীরে-সুস্থে ভাববারই বা সময় কোথায় ? এক মিনিট দেরি মানে হয় তঁা শত্রুকে এক গজ এগোতে দেওয়া। চটপট ঠিক করে ফেললেন কর্নেল বায়। দিল্লীর হুকুম যাই থাক, এই মুহূর্তে হানাদারদের ঠেকাতে না গেলে সবই হবে খতম। তিনি সৈন্যদের নিয়ে তৈরি হলেন।

আর এক সমস্যা দেখা দিল। সৈন্যরা যাবে কী কবে ? সঙ্গে না আছে মিলিটারী লরী, না আছে জীপ, না আছে অন্য কোনো রকমের গাড়ি বা ঘোড়া। শ্রীনগরের রাস্তায় যে মোটর বাসগুলি যাত্রী বা মাল বইতো, খুঁজে পেতে তারই কয়েকটা যোগাড় হলো কোনো মতে। তাই নিয়ে কর্নেল রায় আব তাঁর সৈন্যরা রওনা হলেন।

বারমুলাব মাইল দুই পূবে আছে একটা ছোট পাহাড়। তার একপাশ দিয়ে চলে গিয়েছে শ্রীনগরের পাকা সড়ক। দু’ শ’ গজ দূবে বইছে বিলাম নদী। সেই পাহাড়ের চূড়ায় ঘাঁটি করলেন কর্নেল রায়। হানাদারেরা ঐ সড়কে এগিয়ে আসতেই হুকুম দিলেন—“ফায়ার।”

শিখদের বন্দুকগুলি একসঙ্গে গর্জে উঠলো—গুডু ম, গুডু ম, গুডু ম !!

উরি থেকে এই অবধি হানাদারেরা বিনা বাধায় এগিয়ে আসছিল। আচমকা গুলী খেয়ে প্রথমে একেবারে হতভম্ব হয়ে গেল। যারা সামনে ছিল তাবা ঝড়ে উপড়েফেলা কলাগাছের মতো ধপাস করে পড়ে পড়ে মবতে লাগল রাস্তার দু’পাশে। পিছনের লোকগুলি দিশেহারা হয়ে এদিকে ওদিকে ছিটকে পড়ল।

শেষে কিছুটা সামলে নিয়ে হানাদারেরাও পাণ্টা আক্রমণ করল।

একটু পরেই কর্নেল রায় বুঝলেন, যা’ শোনা গিয়েছে তা’ সত্যি নয়। দিল্লীতে অনেকে ভেবেছে, হানাদার মানে হলো একদল গুণ্ডা। দা, কাটারি, বর্শা, বল্লম, বোমা, পটকা ও গাদা বন্দুক নিয়ে লুণ্ঠরাজ করতে এসেছে বুঝি। মোটেই তা’ নয়। এরা আজকালকার লড়াই-এর ফিকিরফন্দি সব জানে। ইউনিট, সাব-ইউনিট অর্থাৎ আলাদা ছোট ছোট দলে ভাগ হয়ে যুদ্ধ চালাবার কায়দা কৌশল শিখেছে এরা। ক্যাপ্টেন, মেজর, কর্নেল—এমনি সব শিক্ষিত কমান্ডার হচ্ছে দলের সর্দার। ব্রেনগান, স্টেনগান, হাঙ্কা ও মাঝারি মেশিনগান, হ্যাণ্ড গ্রেনেড, ট্যাঙ্কমার রাইফেল—আরও সব বিলাতী হাতিয়ার আছে তাদের হস্তে। লাল পাগড়ি বা সঙ্গীন উচনো দেখলেই ভয়ে পালিয়ে যাবে, এ-সব দৈত্য নয় তেমন।

শিখ সৈন্যরা সংখ্যায় হানাদারদের কাছে নগণ্য। তবে পাহাড়ের মাথায় ঘাঁটি করার মস্ত একটা সুবিধা আছে। আড়ালে লুকিয়ে গুলী ছোঁড়া যায়। সেই সুযোগ নিয়ে তারা বিপক্ষ দলকে ঘায়েল করতে লাগল।

অবিরাম যুদ্ধ চলল কয়েক ঘণ্টা। সূর্য অস্ত গিয়ে সন্ধ্যা ঘনিয়ে এল। কর্নেল রায় লক্ষ্য করলেন পাহাড়ের অন্যদিক দিয়ে হানাদারদের একটা দল গুটিগুটি এগিয়ে আসছে। সর্বনাশ! শত্রু দু'দিক দিয়ে ঘিরে ফেললে শিখ সৈন্য যে একটিও জ্যান্ত রইবে না। তিনি বুঝলেন, তক্ষুণি সৈন্যদের অন্য জায়গায় সরিয়ে নিতে না পারলে রক্ষা নেই। হুকুম দিলেন তাদের পিছু হটতে।

বড় হাবিলদার পায়ে পায়ে ঠোঁক দিয়ে ডান হাতে স্যালুট করে জিজ্ঞাসা করল, “হজুর, আপ ? আপনি ?”

কর্নেল একটু হেসে বললেন, গুলী চালিয়ে দূশমনদের কেউ আটকে না রাখলে তারা পিছু নেবে। তাই সব শেষে যানেন তিনি। নিজের সৈন্যদলের শেষ লোকটিও নিরাপদে পার না হওয়া পর্যন্ত অধিনায়ককে যুদ্ধক্ষেত্র থেকে নড়তে নেই। এই হলো তাঁর মত। তিনি নিজে হাতে মেশিনগানের ঘোড়া টিপতে লাগলেন খট খট খট খট খট...।

শিখ সৈন্যরা ধীরে ধীরে পিছনে সরতে লাগল। হানাদারেরা অবশ্য চুপ করে বসে নেই। তাদের বন্দুক থেকে ঝাকে ঝাকে গুলী এসে পড়তে লাগল কর্নেল রায় আর তাঁর সেনাদলের চার পাশে। কিছু শিখ পড়ল মারা, কয়েকজন হলো জখম। ঘণ্টাখানেকের মধ্যে বাকি সৈন্য হানাদারদের এড়িয়ে নিরাপদ জায়গায় পৌঁছল।

সবার শেষে উঠে দাঁড়ালেন কর্নেল রায়। সেই মুহূর্তে অঙ্ককার থেকে একটা গুলী এসে লাগল তাঁর কপালে। মাটিতে লুটিয়ে পড়লেন তিনি। বীর রণজিৎ রায় বীরের মতোই যুদ্ধ করতে করতে মারা গেলেন যুদ্ধক্ষেত্রে।

বছর তের আগে দেবাদুনের মিলিটারী কলেজ থেকে পাশ করে সেকেন্ড লেফটেনেন্ট হয়ে রণজিৎ রায় ঢুকেছিলেন সেনাদলে। গত মহাযুদ্ধের সময় বর্মার জঙ্গলে জাপানীদের সঙ্গে লড়ে খুব নাম করেছিলেন। তাড়াতাড়ি প্রমোশন পেয়েছেন। উন্নতির ধাপে ধাপে হয়েছেন লেফটেনেন্ট থেকে ক্যাপ্টেন, ক্যাপ্টেন থেকে মেজর, মেজর থেকে লেফটেন্যান্ট কর্নেল। আরও ওপরে উঠবার আগেই মাত্র টোত্রিশ বছর বয়সে জীবন শেষ হলো তাঁর। সব পাপড়িগুলি মেলার আগেই যেন শুকিয়ে গেল ফুলটি। পাক ধরার আগেই যেন বোটা থেকে খসে পড়ল গাছের কচি ফল।

সুখ দুঃখ আনন্দ বেদনার আলো-ছায়া ঘেরা এই মর্তভূমি থেকে অকালে বিদায় নিলেন কর্নেল রায়। কিন্তু ঝাঁচিয়ে গেলেন শ্রীনগরকে। রক্ষা করলেন কান্দীর রাজ্যকে। নিরাপদ করলেন লক্ষ লক্ষ নরনারীকে। শিখ সৈন্যদের আক্রমণে হানাদারেরা ছত্রভঙ্গ হয়ে গিয়েছিল। সে-দিন আর এগিয়ে আসার সাধ্য ছিল না তাদের।

মরেও অমর হয়ে রইলেন কর্নেল রায় আর তাঁর সঙ্গীরা। বারমূলার পথে আজ যারা যাতায়াত করে তাদের চোখে পড়ে রাস্তার ধারে ছোট পাহাড়টির গায়ের কাছে একটি স্মৃতিফলক। একটি কাঠের বোর্ডে। তাতে ইংরেজীতে লেখা—

“ভারতের সেই সব বীর শিখ সৈন্যদের কথা চিরকাল মনে থাকবে, যারা কান্দীরের স্বাধীনতা রক্ষায় ১৯৪৭ সালের ২৭শে অক্টোবর প্রথম এইখানে হানাদারদের ক্রথতে গিয়ে প্রাণ দিয়েছে।”

কান্দীরে আরও আছে একটি ছোট স্মৃতিস্তম্ভ। পাথরের মনুমেন্ট। তার চারদিক কাঠের রেলিং দিয়ে ঘেরা। ইংরেজীতে কী লেখা আছে তা না পড়লেও চলে। কারণ লেখাপড়া শেখেন এমন যে অজ পাড়াগায়ের চাষী সে-ও জানে, এই স্মৃতিস্তম্ভটি কার জন্যে। মাথা নীচু করে হাত কপালে ঠেকিয়ে বলে, “কর্নেল রায় বাবর থে। ওয়ে ওহি থে জিন্‌হোনে হামকো বচায়।”

চার

করাচী প্রাসাদ কুটে, হোথা বারবার বাদশাজাদার তত্ত্বা যেতেছে টুটে।

আসলে কিন্তু করাচী নয়,—য্যাবটাবাদ এবং তন্দ্রা নয়,—স্বপ্ন। পাকিস্তানের শাহেনশাহ জনাব জিন্নার বহুকালের স্বপ্ন। স্বপ্নরাজ্য কান্দীর। এতদিনে আসছে বুঝি তাঁর অধীনে। ‘বুঝি’ আর কেন?—একেবারে নিশ্চিত। হাতের মুঠিতে বললেই হয়। হাজার হাজার হানাদারদের দেওয়া হয়েছে হরেকরকম হাতিয়ার। দেওয়া হয়েছে অসংখ্য মোটর লরী, ট্রাক ও গ্যালান গ্যালান পেট্রোল। তারা এরই মধ্যে শৌছে গিয়েছে পাটানে। সেখান থেকে এগিয়ে যাবে শ্রীনগর। যেন রিষড়া থেকে কোম্পগর, বেহালা থেকে ডালহৌসী স্কোয়ার।

নয়া বাদশাহ তাই চলে এসেছেন করাচী থেকে য্যাবটাবাদ। এগিয়ে এসে অপেক্ষা করছেন মাঝ পথে। সামনেই ইসলামের সব চেয়ে বড় পরব। রমজানের রোজার শেষে ঈদ। সেই পুণ্য দিনে হজরত মহম্মদের নাম স্মরণ করে বিজয়গর্বে শ্রীনগরে প্রবেশ করবেন পৃথিবীর দ্বিতীয় বৃহৎ ইসলাম রাষ্ট্র পাকিস্তানের জনক কায়েদ-এ-আজম মহম্মদ আলী জিন্না। হজরতবাল মসজিদের জমায়েতে প্রথম সারিতে দাঁড়িয়ে পড়বেন নামাজ।

কিন্তু হঠাৎ এ কী খবর! হানাদারদের পথে পড়েছে কাঁটা? শ্রীনগরের কাছে তাদের বাধা দিয়েছে ভারতীয় সৈন্যদল? এ যে ঘাটের কাছে নৌকাডুবি, ল্যান্ডিং-এর মুখে এয়ার-ক্র্যাশ! বিশ্বাস হতে চায় না যেন।

দুর্গম পাহাড় পর্বত ডিঙিয়ে কোনোখান থেকে কোনো সাহায্য এসে পৌছবার আগেই মহারাজের সিপাই বরকন্দাজ হবে নিকাশ, লোক লম্বুর হবে নিশ্চিহ্ন, অনায়াসে পাকিস্তানী নিশান উড়বে শ্রীনগরের সরকারি দপ্তরখানার চূড়াতে—এই ছিল পাকিস্তানের ধারণা। কয়েক ঘণ্টার মধ্যেই আকাশপথে ভারতীয় ফৌজ এসে নামবে কান্দীরে, রুখবে হানাদারদের—এমন সম্ভাবনা ছিল পাকিস্তানী কর্তাদের গোণাগুণতির বাইরে।

এত বড় আশাভঙ্গ জিন্নার জীবনে এর আগে আর ঘটেনি। তাঁর ক্রোধের আর সীমা পরিসীমা রইল না। পাঞ্জাব-গভর্নরের মিলিটারী সেক্রেটারীকে ডেকে বললেন—“প্রধান সেনাপতি জেনারেল গ্র্যাসীকে টেলিফোন করো এই মুহূর্তে। আমার হুকুম। এই দশে পাকিস্তানের সমস্ত সৈন্য নিয়ে যুদ্ধযাত্রা করুক কান্দীরে।”

শুনে সেনাপতির চক্ষুস্থির। এ কী অদ্ভুত আদেশ! ব্রিটিশ আমলের ইংরেজ কর্মচারীরা প্রায় সবাই ভারতবর্ষের শত্রু। ভারতে ইংরেজ প্রভুত্বের অবসান ঘটিয়েছে ভারতীয় কংগ্রেস। সেই কংগ্রেস যাতে ধ্বংস হয় তাতেই তাঁদের আনন্দ। কিন্তু আর যাই হোক, তাঁদেরও কাণ্ডজ্ঞান আছে। তাঁরা জানেন, পিছনে থেকে অস্ত্র-শস্ত্র, সাজ-সরঞ্জাম ও বুদ্ধি-ব্যবস্থা দিয়ে হানাদারদের সাহায্য করা এক, প্রকাশ্যে যুদ্ধে নামা আর। বেগতিক দেখে গ্র্যাসী সবিনয়ে বললেন,—

“ইওর এক্সেলেন্সী, আমি তো অকিনলেকের অধীন। তাঁর মারফতে আদেশ না পেলে করি কী?”

কথাটা ঠিক। দেশ বিভাগের সময় দু’পক্ষের সম্মতি নিয়ে দু’দেশেরই সামরিক সর্বাধিনায়ক হয়েছেন অকিনলেক। ভাবত ও পাকিস্তানের দুই পৃথক কমান্ডার-ইন-চীফ লেফটেনেন্ট জেনারেল সার রব লকহাট ও ডগলাস গ্র্যাসী। তাঁদের উপরে এক যুক্ত সুপ্রীম কমান্ডার,—ফিল্ড-মার্শাল সার রুড অকিনলেক।

খবর পেয়ে অকিনলেক তাড়াতাড়ি বিমানযোগে গেলেন লাহোরে। জিন্নাকে বললেন, কান্দীরে পাকিস্তানের সৈন্য পাঠানো মানেই, ভারতবর্ষের সঙ্গে যুদ্ধ। তাতে সর্বনাশ।

জিন্নার যুক্তি,—হিন্দুস্থানের ফৌজ এসেছে কান্দীরে হিন্দু মহারাজার পক্ষে। কাজেই পাকিস্তানের সৈন্য যাবে সেখানকার মুসলমানদের সাহায্যে।

অকিনলেক বললেন, “কান্দীর দলিল সহি করে যোগ দিয়েছে ভারতবর্ষে। সুতরাং কান্দীর এখন ভারতবর্ষেরই অংশ, তাকে রক্ষা করা ভারত সরকারেরই দায়িত্ব। সেখানে ভারতীয় সৈন্য লড়তে যাওয়া সম্পূর্ণ আইনসম্মত।”

“দলিল? সে তো মিথ্যে বাহানা। শ্রেফ জোচ্ছুরি। কান্দীরের ভারতে যোগ দেওয়া একটা সাজানো কায়সাজি।” গর্জে উঠলেন জিন্না সাহেব।

অনেক বুঝিয়ে শুনিয়ে শেষকালে অকিনলেক ঠাণ্ডা করলেন জিন্নাকে। কাশ্মীরে পাকিস্তানী সৈন্য পাঠাবার চকুম রদ করলেন পাকিস্তানের গভর্নর জেনারেল, অকিনলেকেরই পরামর্শে চিঠি লিখলেন মাউন্টব্যাটেনকে। তিনি ও নেহরু আসুন লাহোরে। তারা তিনজনে আলাপ আলোচনা করে একটা মীমাংসা করবেন কাশ্মীর সমস্যার।

নরম চিঠি পাঠালেন দিল্লীতে। খবরের কাগজে দিলেন এক গরম বিবৃতি। 'ভারতভুক্তি'র ধান্না দিয়ে ভারত সরকার কাশ্মীর দখল করেছে। পাকিস্তান তা' কোনো দিন মেনে নেবে না। হিন্দুস্থানী বন্দুকের জোরে সেখানকার মুসলমানদের দাবিয়ে রাখা চলবে না, চলবে না।

দিল্লীতে মন্ত্রিসভার সদস্যরা শব্দ হলেন। চিঠি পেয়ে বললেন, "সমস্যা। কিসের সমস্যা? কাশ্মীরে হামলা? যারা হানাদারদের পাঠিয়েছে তাবা তাদের ফিরিয়ে নিলেই তা' মিটে যায়। তার জন্যে আলাপের দরকার কি? আলোচনারই বা অবকাশ কোনখানে?"

মাউন্টব্যাটেন অবশ্য আপসের জন্যে ব্যগ্র। যে-ভাবেই হোক। তিনি চান, জিন্নার নিমন্ত্রণ রাখতে।

মন্ত্রিসভার সদস্যদের মধ্যে কেউ কেউ ব্যঙ্গ করে বললেন, "হ্যাঁ, নিমন্ত্রণই বটে। ধরনটা যে বড়ই চেনা চেনা ঠেকছে! নেহরুর অবশ্য ছাড়া নেই, জিন্নারও নেই আখুঁকরো গৌফ, তবুও মিউনিক পর্বের সঙ্গে ব্যাপারটা মিলে যাচ্ছে না কি? গদেসবার্গ আর লাহোর,—এ-দু'-এর তফাত তো শুধু নামে।"

এ-কথার জবাব দেওয়া কঠিন।

অবশেষে অনেক যুক্তিতর্কের পর ঠিক হলো নেহরু নয়, একা মাউন্টব্যাটেন যাবেন লাহোরে।

পাঞ্জাবের লাটপ্রাসাদে দুই গভর্নর জেনারেলের সাক্ষাৎ।

নমস্কার ও কুশল বিনিময়ের পরে জিন্না বললেন, "ভারত সরকার যে কাশ্মীরে সৈন্য পাঠাতে যাচ্ছে পাকিস্তানকে তা' সময় মতো জানানোই হয়নি।"

মাউন্টব্যাটেন বললেন, "সে কী কথা? মন্ত্রীদের যে-সভায় বিমানে সৈন্য পাঠাবার সিদ্ধান্ত হয়, সে-সভা থেকে বেরিয়ে নেহরু প্রথমেই যা' করেছেন, তা' হচ্ছে পাকিস্তানের প্রধানমন্ত্রী লিয়াকৎ আলীকে টেলিগ্রাম।"

জিন্না তখন অন্য কথা পাড়লেন। সোজা প্রশ্ন করলেন, "পবরাজ্যে ভারত সরকার সৈন্য পাঠায় কোন সাহসে?"

মাউন্টব্যাটেন জবাব দিলেন, "ইনস্ট্রুমেন্টস অব য়াকসান, 'ভারতভুক্তি'র অধিকারে।"

জিন্না গম্ভীর হয়ে বললেন, "ভারতভুক্তি সে তো নিছক ছিল।"

মাউন্টব্যাটেন বললেন, "না, পুরোপুরি সত্য।"

জিন্না ব্যঙ্গ করে বললেন, "ওঃ কাশ্মীরের ঐচ্ছিক মুসলমান দরখাস্ত করেছে বুঝি ভারত সরকারের কাছে?"

মাউন্টব্যাটেন বললেন, "আইনে তার দরকার হয় না। মহারাজ স্বয়ং দস্তখত করেছেন দলিলে।"

জিন্না বললেন, "মহারাজা? তিনি সহি করার কে? কোন দেশীয় রাজ্য ভারতবর্ষে আর কোন রাজ্য পাকিস্তানে যোগ দেবে তা' ঠিক করার একমাত্র মালিক হলো সেখানকার জনগণ।"

মাউন্টব্যাটেন নীরবে একটু শুধু মুচকি হাসলেন। মনে মনে বোধহয় বললেন, সে কী কথা, মিস্টার জিন্না, এই কিছুদিন আগে জুনাগড়ের বেলায় আপনারাই তো বলেছিলেন যে, যোগদানের ব্যাপারে নবাবের ইচ্ছাই হলো আইনগত শেষ কথা।

জিন্নাও বোধহয় বুঝলেন মাউন্টব্যাটেনের হাসির অর্থ। কড়া সুরে বললেন, "কাশ্মীরের 'ভারতভুক্তি' আমরা কোনো কালেই মানবো না। তার পিছনে আছে বল প্রয়োগ, গায়ের জোর।"

মাউন্টব্যাটেন শান্তভাবে বললেন, "খুব খাটী কথা। সে-বল প্রয়োগ করেছে হানাদারেরা। গায়ের জোর খাটিয়েছে আক্রমণকারীরা। তার দায়িত্ব পাকিস্তানের।"

দুরে ফিরে ঐ একই উক্তি ও একই যুক্তি। একই অভিযোগ এবং একই উত্তর।

এমনি করে কেবল কথা কাটাকাটি চললো দুই গভর্নর জেনারেলের মধ্যে।

অবশেষে জিমা বললেন, “আচ্ছা, আসুন একটা মিটমাট করা যাক। দু’পক্ষই অবিলম্বে একই সঙ্গে কাশ্মীর থেকে চলে আসুক।”

মাউন্টব্যাটেন বললেন, “ভ্যুরতবর্ষ তাদের সৈন্য ফিরিয়ে আনবে কাশ্মীর থেকে, সে না হয় বোঝা গেল। কিন্তু হানাদারদের ফেরাবে কে?”

জিমা বললেন, “আপনি ভারতীয় সৈন্য ফিরিয়ে আনলেই, হানাদারদের হামলা থামাবার ব্যবস্থা আমি করবো।”

বটে! তবে যে এতদিন পাকিস্তান বলে আসছে,—কাশ্মীর আক্রমণ সীমান্তের উপজাতীয়দের কাজ। হানাদারদের উপরে পাকিস্তানের কোনো হাত নেই! সেটা তা’ হলে শুধু বাইরে প্রচারের জন্য। ভিতরে আসল কথাটা স্বীকার করতে তেমন আপত্তি নেই!

আলোচনা শেষ হলো। তর্কের শেষ হলো না। মীমাংসা হলো না সমস্যা। দুই নবগঠিত রাষ্ট্রের বিরোধ বইল অবিরূপিত।

মাউন্টব্যাটেন ও জিমা একে অন্যের কাছ থেকে বিদায় নিলেন। আন্তরিক হৃদয়তায় নয়, মৌখিক ভদ্রতায়।

পাঁচ

এবার কাশ্মীর যুদ্ধের সেনাপতি হয়ে এলেন একজন বাঙালী। ব্রিগেডিয়ার এল. পি. সেন। লাণ্ণ্যপ্রসাদ বা ললিতপ্রসন্ন নয় কিন্তু। লাওনেল প্রতীপ সেন। নামটা পুরোপুরি স্বদেশী নয়, তার কারণ লাওনেল প্রতীপের জন্মও স্বদেশে নয়। তাঁর বাবা ছিলেন ব্রহ্মদেশের এক নামকরা ব্যারিস্টার। লাওনেল জন্মেছেন রেঙ্গুনে। পড়াশুনা করেছেন সেখানকার সাহেবী কনভেন্টে। বিলাতের স্যাণ্ডহাস্ট থেকে যুদ্ধবিদ্যা শিখে ভারতীয় সেনাবিভাগে অফিসার হয়েছেন গত মহাযুদ্ধের কয়েকবছর আগে।

ডিস্টিংগুইশড সার্ভিস অর্ডার সেনাদলের খুব উঁচু খেতাব। খুব বীরত্ব না দেখালে মেলে না। গত যুদ্ধে ব্রিগেডিয়ার সেন ছিলেন দশ নম্বর বালুচ রেজিমেন্টের সেনানায়ক। বর্মায় কংগ-এর জঙ্গলে জাপানীদের নির্মূল করে তিনি সেই সেরা খেতাব পেয়েছিলেন।

শ্রীনগর এসে ব্রিগেডিয়ার সেন দেখেন, শত্রু চায় রাজধানীকে দু’দিক দিয়ে ঘিরে ফেলতে। একদল হানা দিচ্ছে সমুখ থেকে। আসছে বারমুলা হয়ে পিচ-বাঁধানো পথে। মোটর লরীর মাথায় চাঁদ-তারা মার্কী সবুজ ঝাণ্ডা উড়িয়ে। আর একদল আক্রমণ করছে বাঁ পাশ থেকে। তারা আসছে গুটি গুটি পায়ে হেঁটে গায়ের পথ বেয়ে। দুটো জোরালো জঙ্গীদল। যেন সাঁড়াশির মুখে দু’পাটি ধারালো দাঁত। দু’পাশ থেকে শহরটাকে চোপে ধরবে শত্রু কামড়ে। চিবিয়ে গিলে ফেলবে ধীরে ধীরে।

ব্রিগেডিয়ার সেন বুঝলেন, প্রথমে চাই দিন কয়েকের সময়। আপাতত চাই হানাদারদের কিছু দিন ঠেকিয়ে রাখা। তাড়িয়ে দেওয়ার কথা হবে পরে।

সবার আগে হলো শ্রীনগরের বিমানঘাটিটি। শহরের মাইল আটেক বাইরে এই বিমানঘাটিটাই এখন কাশ্মীরের সঙ্গে ভারতের একমাত্র যোগাযোগ। ঘরের যেমন দোর, নদীর যেমন ঘাট। হাত ছাড়া হলে যাওয়া-আসারই আর পথ রইবে না।

আকাশ-পথে গাড়োয়ালী সৈন্যদের এক রোজমেন্ট এসে পৌঁছেছিল শ্রীনগরে। তাদেরই একদলকে মোতায়েন করলেন ব্রিগেডিয়ার সেন বিমানঘাটির পাহারায়। বন্দুক কাঁখে নিয়ে তারা টহল দিতে লাগলো সর্বক্ষণ। পাশ না দেখালে ঢুকতে দেয় না জনপ্রাণীকে। কেউ কাছে ঘেঁষেছে কি অমনি বাজুখাই আওয়াজে হাঁক দিয়ে শুধায়,—হু-কুম-দার্—? শুনে পিলে চমকে ওঠে সবার।

দিন কাটে তো, রাত কাটে না। ভোর হওয়ার আগেই হানাদারদের আনাগোনা শুরু হয় বাদগামে। গ্রামটা বিমানঘাটি থেকে আধ মাইল দূর। চোঁচালে গলা শোনা যায়। আগুন জ্বালালে ধোঁয়া দেখা যায়। এত কাছে।

যুদ্ধ বেধে গেল। একেবারে হাতাহাতি লড়াই। একদিকে পাকিস্তানী হানাদার, অন্যদিকে গাড়োয়ালী সৈন্য। কণ্ঠ আকড়ি' ধরিল পাকড়ি' দুই জনা দুই জনে।

শত্রুদলে প্রায় 'সাতশ'। তারা হ্যাণ্ড গ্রেনেড আর ব্রেনগান নিয়ে আক্রমণ করছে। গাড়োয়ালীরা সংখ্যায় তার অর্ধেক। তার চালাচ্ছে রাইফেল। চার ঘণ্টা ধরে চলল তুমুল হানাহানি। গোলার ধোঁয়ায় আকাশ হলো কালি, গুলীর শব্দে কানে লাগলো তাল। নিহত আর আহতদের রক্ত ঝরে' জমিন হলো রাঙা।

হানাদারেরা মরীয়া হয়ে সমুদ্রের ঢেউ-এর মতো জোরে বার বার ঝাঁপিয়ে পড়তে লাগলো গাড়োয়ালীদের উপরে। তীরে ঘা-খাওয়া ঢেউ-এর মতোই বারবার ফিরে যেতে হলো তাদের। গাড়োয়ালীদের একচুল হটাতে পারল না তাদের জায়গা থেকে।

খবর পেয়ে ব্রিগেডিয়ার সেনা শ্রীনগর থেকে তাড়াতাড়ি আরও সৈন্য আর অস্ত্রশস্ত্র পাঠিয়ে দিলেন। ততক্ষণে হানাদারেরা ঝাঁপিয়ে উঠেছে। নতুন সৈন্যদের মহড়া নেওয়ার সাথি নেই। নিমেষের মধ্যে শ' দুই হানাদার গেল মারা। বেগতিক দেখে তারা পালিয়ে যেতে লাগল। বিমানঘাটিটির আর কোনো আশঙ্কা রইল না।

বাদগামের জয়লাভ গাড়োয়ালীদের এক মস্ত বড় কীর্তি। কিন্তু এই যুদ্ধে তাদের সেনানায়ক মেজর সোমনাথ শর্মা নিহত হলেন। সামনের সারিতে দাঁড়িয়ে নিজ সৈন্যদের' তিনি পরিচালনা করছিলেন। যুদ্ধ জয়ের আনন্দ অনেকখানি মলিন হয়ে গেল তাঁর শোকে।

শোকে কাতর হয়ে বসে থাকার উপায় থাকে না সেনাপতিদের। রোগীর মতোতে উতলা ইলে ডাক্তার চিকিৎসা করবে কখন? ব্রিগেডিয়ার সেনাও মন দিলেন কান্ধীরের রক্ষা ব্যবস্থায়। খোলা মাঠে তাঁবু খাটিয়ে তৈরি হলো সৈন্যদের ব্যারাক, বলির বস্তা সাজিয়ে অস্ত্রাগার। দেবদারু গাছের গুড়ি খাড়া করে টেলিফোনের তার খাটানো হলো এ-দপ্তর থেকে ও-দপ্তরে।

সৈন্য। বেশী সৈন্য। আরও বেশী সৈন্য চাই কান্ধীরে। পাঠাতে হবে আকাশপথে। পাঠাতে হবে অবিলম্বে। কিন্তু এত বিমান মিলবে কোথায়? তাই তো। দিল্লীতে যুদ্ধ দপ্তরের বড় কর্তারা ভেবে কুল পান না।

ইঠাং খেয়াল হলো। অনেকগুলি বেসামরিক বিমান কোম্পানী রয়েছে যে দেশে। তারা কলকাতা, বোম্বাই, দিল্লী, গৌহাটি প্রভৃতি বড় বড় শহর থেকে আকাশ-পথে যাত্রী আর মাল আনা-নেওয়া করে প্রত্যহ। একুনে তাদের প্রায় শ' খানেক বিমান আছে। বেশীর ভাগই ডাকোটা। সরকারী হুকুমে রাতারাতি সবগুলি বিমান জড়ো করা হলো নয়াদিল্লীতে। পালাম আর সফদরজঙ্গ—এই দু'টি বিমানঘাটি থেকে সেগুলি খেয়া নৌকার মতো ঘণ্টায় ঘণ্টায় সৈন্য আর লড়াই-এর সাজ-সরঞ্জাম নিয়ে—আসা-যাওয়া করতে লাগল শ্রীনগরে।

পাইলট, রেডিও অফিসার, গ্রাউন্ড এঞ্জিনিয়ার, ক্রু, কার্গুরই বিশ্রাম নেই এতটুকু। ভোর হতে না হতেই শুরু হয় বিমানগুলির আকাশে ওড়ার পালা। সন্ধ্যায় একে একে ফিরে আসে মাটিতে। দিন শেষ হয় বটে, কাজ শেষ হয় না। তক্ষুণি আরম্ভ হয় আবার পরের দিনের উদ্যোগ আয়োজন।

সারারাত কুলীরা মাথায় বয়ে বোঝাই করে মাল, কর্মচারীরা ফর্দ করে জিনিসপত্রের। ফিটার মিস্ত্রীরা তেল ন্যাচড়া দিয়ে ঘষা-মাজা করে বিমানের কলকজা, ইঞ্জিন প্রপেলার ইত্যাদি। নাওয়া-খাওয়ার সময় থাকে না অনেকের। মেলে না দু'দণ্ড নিশ্চিন্ত আরামে ঘুমিয়ে নেওয়ার ফুরসত। দিনের পর দিন বিমান কর্মচারীদের এমন হাসিমুখে একটানা কাজ করার ক্ষমতা দেখে সবাই অবাক হয়। প্রশংসায় পঞ্চমুখ হয়ে বলে, "মানুষ তো নয় এরা। এক একটি কল!"

কলের মতোই নিরন্তর নিয়মে চলতে লাগল সরবরাহের কাজ। বিমানপথে শ্রীনগর পৌঁছতে লাগল বাস্তব-বন্দী বোম্বা, বন্দুক, বস্তা-বোঝাই রসদ। দলে দলে আসতে লাগল সৈন্য সামন্তেরা।

হেমন্তের শেষে হিমালয়ের কোলে মানস সরোবর থেকে যেমন সমতল ভূমিতে উড়ে আসে সারস, তিতির আর হংস-মিথুনের ঝাঁক।

রোগের মতো উৎসাহটো ছোঁয়াচে। একজনকে দেখলে আর একজনের বুক উচু হয়ে ওঠে। বিমানবাহিনীর লোকেরা যদি এত যোগ্যতা দেখাতে পারে তবে সাজোয়াবাহিনীর লোকেরা পিছনে পড়ে থাকবে নাকি? কখনও নয়। তারা উপরওয়ালাদের কাছে প্রার্থনা জানাল, হুকুম পেলে এক ডিভিসন আরমার্ড কার তক্ষুণি রওনা হতে পারে কাশ্মীরে।

আরমার্ড কারগুলি কামান বসানো মোটর গাড়ি। চারিদিকে মোটা লোহার পাতে ঘেরা; যেমন তাদের কামানের দূর পাল্লা, তেমন তাদের দ্রুতগতি। শত্রু ছত্রভঙ্গ হয় তাদের দাপটে।

কিন্তু যে-পথে সৈন্য চলা দায়, সে-পথে আরমার্ড কার যাবে কেমন করে? ঘন জঙ্গলে আটকে যাবে হয়তো উপরের ছাদ। পাথরে পিছলে যাবে নীচের চাকা। কামানের ভারে ঠুঁড়িয়ে যাবে নদী নালার উপরে হাঙ্কা কাঠের যত্নে সাকো।

তখন স্যাপার্স আর মাইনার্স দলের লোকেরা এগিয়ে এসে বলল, তারা থাকবে সাজোয়া গাড়ির সামনে। আগোভাগে গাছ কেটে বন সাফ করবে, পাহাড় কেটে পথ।

“এম. ই. এস.”-এর লোকেরা সব এঞ্জিনীয়র। তারাই বা কম যাবে কেন? সেলাম করে জানাল, তার ঝাঁকবে খাদেব ধার, গড়বে নতুন শক্ত পুল। বাস।

আর কথা কী? সেই রাতে দিল্লী থেকে বওনা হলো তারা।

পাঠানকোটের মাঠ ছাড়িয়ে, পীর পঞ্জলের চূড়া ডিঙিয়ে, বানিহালের সুড়ঙ্গ-পথ ঘর্ষর শব্দে পেরিয়ে একদিন সকালবেলা শ্রীনগরে এসে পৌঁছল ছোট একটি সাজোয়াবাহিনী। লাইনবন্দী আরমার্ড কার। দেখে শহরের ছেলে বুড়ো সবাব বৃকে এল বল, মনে জাগলো আশা, মুখে ফুটলো হাসি। রাস্তাব দু’পাশে দাঁড়িয়ে তাবা মুহূর্মুহঃ জয়ধ্বনি কবতে লাগলো। “ভারত মাতা-কী জয়!” “জয়, পশুিতজী-কী!”

ছয়

অক্টোবর মাসেব বাকি দিন কটা শেষ হয়ে গেল। এল নভেম্বর। শীতের আমেজ দেখা দিল কাশ্মীরে। হবি পর্বতের গায়ে লাগল কুয়াশার প্রলেপ। নাশিমবাগে ঠানারের পাতা হলো পীতাভ। পথেব ধারে ফল-ঝরা আখবোটের শাখগুলি শূন্য। ডাল হুদেব জলে পানকৌড়িদের ডুব-সাঁতারেব খেলাও হয়েছে সাস্র। তীরে ডানা মেলে বসে কুঁড়ে বাদশাব মতো তারা এখন শুধু বোদ পোহায় সারা দুপুব।

সে-দিন শুক্রবাব। ৭ই নভেম্বর। বাত তখনও শেষ হয়নি। ব্রিগেডিয়ব সেন হুকুম-দিলেন, “ফরোয়ার্ড মার্চ!”

গত ক’দিন ধরে ব্রিগেডিয়ব সেন এবং তার সহযোগীরা মিলে আক্রমণের তোড়জোড় সম্পূর্ণ করেছেন। শ্রীনগরের আশেপাশে কেবলই ছোট ছোট পাহাড়। তার আড়ালে কোন্‌খানে জন্ডো হয়েছে শত্রুদল; বন-বাদাড়ের মাঝে কোথায় আছে পথ, কোথায় আছে খাদ,—তার খবর যোগাড় করেছেন গোপনে। মাইল মেপে ঐকেছেন রাস্তা-ঘাটের নক্সা। এতদিন ভারতীয় সৈন্যদের ছিল আশ্চর্য্যকার লড়াই। এবার এসেছে আক্রমণের পালা।

পাটান থেকে শ্রীনগরের পথে হানাদারদের আস্তানায বেশীর ভাগ তখনও ঘূমে বেঘোর। দু’চার জন মাত্র আড়মোড়া ভেঙে উঠে বসেছে। এমন সময়, “হারে রে রে রে—!”

হানাদারদের সর্দার তখনও বিছানায়। এ ক’দিনের লুটের আনন্দে তাঁর সাজোপাঙ্গরা যেমন মশগুল; জয়লাভের আশায় তিনি নিজেও তেমনি খোশ মেজাজ। বাদগামের যুদ্ধের পরে এ পর্যন্ত ভারতীয় সৈন্যদের আর কোনো সাড়াস্ব্দ পাওয়া যায়নি।

বিনা বাধায়-ই হানাদারেরা ক্রমশঃ এগিয়ে এসেছে বারমুলা থেকে পাটান। পাটান থেকে

সেলাটং। শ্রীনগর শহরের প্রায় দোরগোড়ায়। এখন রাজধানী শ্রীনগর তাদের নাগালে। ঠিক যেন গাছের নীচু ডালে ঝুলছে লাল টুকটুকে পাকা আপেলটি। শুধু হাত বাড়িয়ে তুলে নেওয়ার অপেক্ষা। অনেক রাত জেগে সর্দার তাই ইয়ার-দোস্ত নিয়ে আমোদ ফুটি করেন। কখনও মনের সুখে গোঁফে লাগান চাড়া। কখনও বা গন্ধ-ভরা রুমাল হাতে নিয়ে সহস্রবার দাড়িতে দেন ঝাড়া।

শেষ রাত্রির দিকে সর্দারের ঘুমটা জাঁকিয়ে এসেছিল। স্বপ্ন দেখছিলেন।—যেন শ্রীনগর দখল করে মহারাজকে কোতল করেছেন। মহারাণীকে করেছেন বাদী। তাকিয়া ঠেস দিয়ে সোনার গড়গড়ায় রূপোর নলে অস্থির তামাকের ধোঁয়া খাচ্ছেন আরামে। হঠাৎ শোনেন “হারে রে রে রে—।”

ভারতীয় বাহিনী আক্রমণ করেছে ভীষণ বেগে।

চমকে উঠে বসে বললেন, “অ্যা, যুদ্ধ ? সে কী ?”

চোখ রগড়ে চারদিকে তাকিয়ে শেষটায় হাঁক দিলেন, “বন্দুক লাও।”

লাও তো বটে ! কিন্তু আনে কে ? হট্টগালের মধ্যে হানাদারেরা কেউ ঝুঁজছে হাতিয়ার, কেউ ঝুঁজছে পোশাক কেউ বা দিশেহারা হয়ে অনর্থক ছুটোছুটি করতে গিয়ে নিজেদের মধ্যেই কপালে খেল ঠোঁকর, মাথায় পেল চোট। ব্যাপারটা ভালো করে বুঝতে পারার আগেই কচুকাটা হয়ে গেল অনেকে।

ত্রিগেডির সেন আগেভাগে একদল সৈন্যকে পাঠিয়ে দিয়েছিলেন উত্তরে, আর একদলকে দক্ষিণে। মাঝখানে ছিল মূল পদাতিক বাহিনী। ত্রিভুজের তিনটি বাহুর মতো তিন দল সৈন্য একসঙ্গে আক্রমণ করল হানাদারদের।

তিনদিক দিয়ে ঘেরাও হয়ে লড়াই করা চলে কতক্ষণ ? কয়েক ঘণ্টার মধ্যেই হানাদারেরা কাবু হয়ে পড়ল। তার উপরে—।

এ কী, মেশিনগানের আওয়াজ শোনায় যেন ! হানাদারেরা অবাক হয়ে এদিকে ওদিকে তাকায়। ওমা, তাই তো। এ যে সাজোয়া গাড়ি ! সর্বনাশ !! ঘরঘর শব্দে ছুটে আসছে পথের ধুলো উড়িয়ে, কামানের ধোঁয়া ছড়িয়ে। গুলী ছুঁড়ছে যেন শিলাবৃষ্টি ! “ইয়া আল্লা” বলে হানাদারেরা তখন দিল সোজা চম্পট। দৌড়, দৌড়, চোঁচা দৌড়।

কমান্ডার দেখলেন মহা বিপদ। দলের লোকেরা এভাবে পালাতে শুরু কবলে যুদ্ধ করবেন কাকে নিয়ে ? তিনি তাদের ফেরাবার চেষ্টা করলেন। বললেন, “ভাইজান, তোমরা পিছু হটছ কেন ? মনে হিম্নৎ রাখ, হিন্দুস্থানী কাফেরগুলি এখনি ঘায়েল হবে। একটু পরেই শ্রীনগর আমাদের কন্ডায়। জিহাদ হাসিল কর—”

কে শোনে কার কথা। হানাদারেরা বলে, “আরে রাখে মিঞা, তোমাব শ্রীনগর। আপনি বাঁচলে বাপের নাম। জান যায়, তায় জিহাদ !” তাড়াতাড়ি পালাতে লাগল তারা যার যে দিকে দু’চোখ যায়।

কিন্তু যদিও সেদিকে যাওয়ার কি জো আছে ? ভারতীয় সৈন্যরা আছে যে তিন দিকেই। খোলা একমাত্র পিছনের পথ। যে পথে হানাদারেরা হানা দিয়েছিল শ্রীনগরের পানে। উল্টে সে পথেই উর্ধ্ব্বাসে পিছু হটল তারা। পিছনে মরে পড়ে রইল তাদের শতিনেক সঙ্গী। কিছু রেখে গেল লুঠের মাল, কিছু ফেলে গেল যুদ্ধের সাজ-সরঞ্জাম।

প্রাণের মায়ায় ছোটা,—বড় বিবম ছোটা। পড়ি তো-মরি করে ছুটতে ছুটতে হানাদারেরা সেলাটং থেকে পালালো পাটানে। পাটান থেকে বারমুলায়।

উল্লাসে ভারতীয় বাহিনী পিছনে ধাওয়া করল তাদের। কিন্তু শহরে যাত্রীচলার মোটর বাসগুলি কত আর জোরে চলতে পারে ? তবুও সৈন্যদলের ড্রাইভারেরা চেষ্টা করল প্রাণপণ। গাড়ির এক্সিলারেটরটা ডান পায়ে চেপে ধরল পুরোপুরি। স্পিডোমিটারের কাঁটাটা, চল্লিশ থেকে লাফিয়ে উঠল পঞ্চাশে। পঞ্চাশ থেকে পঞ্চাশ। সৈন্য বোঝাই বাসের জানলা খড়খড়িগুলি কাপতে লাগলো সশব্দে। স্টিয়ারিংটা ধরতে হলো শক্ত মুঠোয়।

“চালাও, চালাও জোরসে।” হাঁকতে লাগল ভারতীয় সৈন্যদলের সেনানায়ক। ঐ যে দেখা

যাচ্ছে,—পালাচ্ছে দুশমনেরা। আর একটু এগোলেই শরে ফেলা যাবে তাদের। “জোরে, আরও জোরে চালাও ড্রাইভার, আউর জোরসে।” পঞ্চাশ, সাতাশ—স্পিডোমিটারের কাঁটা উঠছে। বাট, বাষট্টি—আর একটু, আরও—!

ঘট ঘট ঘট—ঘটাং।

বেগ কমে ধীরে ধীরে গাড়ি ঠায় থেমে গেল। কাঁা ব্যাপার? মোটরের ইঞ্জিন বিগড়েছে বুঝি? ড্রাইভার হ্যাণ্ডল ঘুরিয়ে স্টার্ট দিতে চেষ্টা করল। টানল চোক। বনেট খুলে পরীক্ষা করলো যন্ত্রপাতি। না। পেট্রোল ফুরিয়েছে গাড়ির। এক ফোটা তেল নেই পেট্রোল ট্যাঙ্কে।

সাত

বারমুলা থেকে হানাদারেরা পালিয়ে গেল দূরে।

গাছ না উপড়ে বড় থামে না ঝড়, গা না মজিয়ে নড়ে না মড়ক। লুণ্ঠরাজ খুন-ঝারাপি না কবে দস্যুদলই বা বিদায় হয়েছে কবে কোন্ দেশে? হানাদারেরা গেল। কিন্তু যাবার আসে তাদের হাতের ছাপ রেখে গেল বাবমুলার আট্টেপুঠে। হাতের ছাপ তো নয়, নখের দাগ। সে দাগ বহু শোকের অশ্রু দিয়ে ভেজা, বহু লোকের রক্ত দিয়ে লাল।

হানাদারেরা বাবমুলায় চড়াও হয়েছিল, দিনে-দুপুরে। পুরুষেরা তখন যে যার কাজে বাইরে। হাটে চলেছে বেচাকেনা, মাঠে চলেছে নিড়েন। কাছারিতে চোখে চশমা এঁটে মুন্সীরা লিখছে উর্দু বয়ানে দশখাবার আরজি। মাদ্রাসার বুড়ো মৌলভী সাহেব শাদা দাড়িতে হাত বুলিয়ে কিশোর ছাত্রদের শেখাচ্ছেন—আলীফ, বে, তে, সে।

শহব দখল করে দস্যুবা দলে-বেদলে ছড়িয়ে পড়ল নানা দিকে। যেন পাকা ফসলের ক্ষেতে আচমকা নেমে এল বাশি রাশি পঙ্গপাল। সব ধ্বংস করে দিল দু'দণ্ডে।

প্রথম পর্যায়ে লুণ্ঠ। বাস্তু ভেঙে নিল টাকাকড়ি। সিদ্ধক ভেঙে সোনাদানা। মেয়েদের গা থেকে ছিনিয়ে নিল গয়না। তাঁতি বউ হারাল গলার ইসুলি, নাপিতবউ—এব গেল হাতের বাজুবন্ধ। অতি দরিদ্রের ঘবে আর কিছু না পেয়ে দস্যুবা হৈশেল থেকে টেনে নিয়ে গেল পিতল কাঁসার বাসনপত্র। সন্ধ্যাবেলা ধানের গোলায় আর তিসির আড়তে আগুন ধরিয়ে দিয়ে করল উল্লাস। রক্ত কবে একে অন্যকে বলল,—বড়ি আছি রোশনাই হো রই হৈ,—বাঃ, খুব উজ্জ্বল আলো হচ্ছে তো!

লুণ্ঠন আব হনন। যমজ ভাই-এর মতো চলে পিঠোপিঠি। হিন্দু আর শিখ সামনে পেলে আর রক্ষে নেই। হানাদারেরা নিমেষে তাদের হত্যা করতে লাগল পৈশাচিক উল্লাসে। যুবক, বৃদ্ধ, নারী, পুরুষ,—কোনো বাছবিচার রইল না আর কোনোখানে। স্ত্রীর চোখের সামনে কত স্বামীর মাথা পড়ল কাটা। মায়ের কোলে কত শিশুর বুকে বিধলো গুলী। ঝোপে জঙ্গলে লুকিয়ে যারা কোনো মতে প্রাণ বাঁচালো তাদেরও সবার দেহ অক্ষত রইল না।

কাশ্মীর আক্রমণকে পাকিস্তান বরাবর বলছে—ধর্মযুদ্ধ। কাশ্মীরের প্রজারা বেনীর ভাগ মুসলমান। মহারাজ হিন্দু। তিনি নাকি কেবলই মুসলিম নির্যাতন করেন। তাই উপজাতীয় মুসলমানেরা ক্ষেপে গিয়ে কাশ্মীরে চড়াও হয়েছে, তাদের স্বধর্মীদের ত্রাণ করতে। এ তো যেমন-তেমন লড়াই নয়,—এ জিহাদ। ওবা তো হানাদার নয়,—ওরা মুজাহিদ! বলেছেন পাকিস্তানের কর্তারা।

মুজাহিদেরা কিন্তু মুসলমানকেও রেহাই দিল না বারমুলায়। ত্রাণ করণের বদলে প্রাণ হরণ হলো সেখানে। মুসলমান যাদের ধন বা প্রাণ গেল তাদের মধ্যে নাম না-জানা ছিল অনেকে। নামজাদা ছিলেন অবশ্য মকবুল শেরোয়ানী।

শেরোয়ানী বারমুলার গণ্যমান্য নেতা। তাঁর কথা সবার মুখে মুখে, তাঁর খ্যাতি রটেছে পথে-ঘাটে। লোকে রোগে-শোকে তিনি ভাই এর মত দরদী, বিপদে-আপদে তিনি সখার মতো

সহায়। সারা শহরে তাঁর সুনাম ধরে না।

কিন্তু তাঁর উপরে পাকিস্তানীদের রাগ ছিল অনেক দিনের এবং অনেকখানি। পাকিস্তানের যিনি শাহানশাহ বাদশাহ, সেই কায়েদে আজম জিন্নাকে একবার বড়ই অপদস্থ করেছিলেন মকবুল শেরোয়ানী।

কয়েক বছর আগে জনাব জিন্না এসেছিলেন কাশ্মীরে। বারমুলাব এক সভায় বক্তৃতা দিচ্ছিলেন। বললেন, “কাশ্মীরী মুসলমানেরা সব এক হোক, তাদের এক আত্মা এক কলেমা, এক দল।”

শেরোয়ানী ছিলেন সে সভায় একজন শ্রোতা। উঠে দাঁড়িয়ে বললেন, “ঠিক কথা। এক হোক, তবে শুধু মুসলমান নয়—এক হোক হিন্দু, মুসলমান, শিখ, বৌদ্ধ, জৈন, পার্শ্বানি, খ্রীষ্টান।—এক হোক কাশ্মীরের সমস্ত জনগণ।”

জিন্না রেগে বললেন, “হিন্দুরা কাফের, মুসলমানের শত্রু।”

মকবুল শেরোয়ানী উত্তর দিলেন, “হিন্দুরা মানুষ, মুসলমানের ভাই।”

রাগে জিন্না সাহেবের চক্ষু রক্তবর্ণ। মুখে যোগাল না কথা। বার্নিশ করা জুতো ঘশমশ করে ক্রুদ্ধ পদক্ষেপে সভা ছেড়ে চলে গেলেন সেই মুহুর্তে। ফুলের মালা রইল পড়ে। জয়ধ্বনি রইল বাকী।

সেই পুরানো কাহিনী মনে ছিল পাকিস্তানীদের। তার শোধ তুলল এতদিনে। হানাদারেরা শেরোয়ানীকে বেঁধে নিয়ে গিয়ে হাজির করল তাদের সর্দারের সামনে। বলল, “সেলাম কব।”

শেরোয়ানী নিভীক। হেসে বললেন, “শুষ্কজনের চরণ ছাড়া করিনে কাণে প্রণিপাত।”

স্পর্ধা বটে! বোঝে ফুলতে থাকে সর্দারের অনুচরেরা।

মনের ক্রোধ চোখে রেখে সর্দার বললেন, “আমরা কাশ্মীর জয় কবেছি। শ্রীনগর দখল কব দু’এক দিনে। আমাদের দলে যোগ দাও। সাহায্য কব।”

শেরোয়ানী জবাব দিলেন, “আক্রমণকারীকে বাধা দেওয়া কাশ্মীরেব প্রত্যেকটি মানুষের কর্তব্য। তোমরা দস্যু। তোমরা নিপাত যাও।”

শুনে সবাই গর্জে ওঠে। কেউ হাঁকে গর্দীন লাও, কেউ চড়াতে চায় শুলে। আব কেউ বা চোখ লাল করে বলে, হেঁটোয় কণ্টক দাও, উপরে কণ্টক, ডালকুতাদের মাঝে কবই বণ্টক।

সর্দার হুকুম দিলেন, “হাটেব মাঝখানে দাঁড় কবিয়ে প্রথমে গুণে গুণে লগাও দু’শ’ বোড়া। স্লিটে পাঁচশ’ পয়জাব। কমবক্তের তাতেও শিক্ষা না হলে, গুলী কবে মাথাব খুলি উড়িয়ে দাও সবার সামনে।”

তখন শেরোয়ানীর হাতে উঠল হাতকাড়, পায়ে পডল বেড়ি। কোমবে দড়ি বেঁধে টানতে টানতে জন্মদেরা নিয়ে গেল চৌরাস্তার মোড়ে। বধ্যভূমিতে। সেখানে হানাদারেরা এসে ভিড় জমাল মজা দেখার আশায়।

শেরোয়ানী অবিচলিত। শপাং শপাং শব্দে পিঠে পড়তে লাগল ঢাবুক। একেব পব এক। কতগুলি লাগল বুক, মুখে, চোখে। কেটে গিয়ে, বস্ত্র গড়িয়ে পড়তে লাগল সর্বাস্ত্রে।

সর্দারের লোকেরা ক্রুদ্ধকণ্ঠে বলল, “এখনও বাঁচাব সময় আছে, আমাদের দলে যোগ দিতে রাজী থাক তো বল, বল—পাকিস্তান জিন্দাবাদ।”

মকবুল শেরোয়ানীর চোঁচিয়ে কথা বলার শক্তি নেই, চেতনা পাচ্ছে লোপ, জিব আসছে জড়িয়ে। তবুও কোন মতে অতি ক্ষীণকণ্ঠে উচ্চারণ করলেন, “কাশ্মীর জিন্দাবাদ, মেবী পিয়ারী কাশ্মীর—কাশ্মীর বেঁচে থাক, আমার সাধেব কাশ্মীর—।”

পর মুহুর্তে তিন দিক থেকে তিনটে বন্দুক এক সঙ্গে গর্জে উঠল তাঁর মাথা তাক করে।

হানাদারেরা উল্লাসে হর্ষধ্বনি করে বলল—অবাধের এই সমুচিত শাস্তি। অন্য লোকেরা দেখে শিথুক।

দেখে শেখার লোক আর বড় বাকী ছিল না। হানাদারেরা মেরে কেটে প্রায় সাবাড় করে এনেছিল সব।

কিন্তু ঠেকে শিখতে হলো আরও কয়েকজনকে। তারা কাশ্মীরী নয়, বিদেশী।

খ্রীষ্টান মিশনারীদের এক আশ্রম ছিল বারমুলায়। “প্রেজেন্টেশান কনভেন্ট” তার নাম।

অনেক কাল আগের কথা। এক ইংরেজ মহিলা এসেছিলেন কাশ্মীরে। রোমান ক্যাথলিক সিস্টার। চিরকুমারী, সন্ন্যাসিনী। কাশ্মীরে চাষী মজুরদের দুঃখদুর্দশা দেখে তাঁর হৃদয় কাতর হলো করুণায়। স্থির করলেন, সেইখানে দরিদ্রের সেবায় জীবন কাটিয়ে দেবেন তিনি। স্বদেশ, সমাজ ও স্বজন পড়ে রইল পিছনে। নিজের ইচ্ছায় মাথায় তুলে নিলেন সহস্র যোজন দূরে এক অপরিচিত দেশের দুঃস্থ জনগণের দুঃখ মোচনের ভার। নিজের অতি সামান্য সম্বল নিয়ে স্থাপন কবলেন এক আশ্রম। এই প্রেজেন্টেশান কনভেন্ট। তাব আয়তন ক্ষুদ্র, আয়োজন সামান্য। কিন্তু আন্তরিকতা কম নয়।

তারপরে বহু বছর গিয়েছে কেটে। বহু ধর্মপ্রাণ দানশীল বিদেশীর দানে ধীরে ধীরে বড় হয়ে উঠেছে সেই কনভেন্ট। ক্ষুদ্র অক্ষুর থেকে দিনে দিনে যেমন গড়ে ওঠে বিরাট মহীরূহ। শাখা-প্রশাখায় বিস্তৃত, পুষ্প-পল্লবে সমৃদ্ধ। আজ প্রেজেন্টেশান কনভেন্টে আছে হাসপাতাল। সেখানে প্রত্যাহ শত শত অসুস্থেরা পায় ওষুধ! আছে বিদ্যালয়। সেখানে দরিদ্র ছেলেমেয়েবা নেয় পাঠ। আছে নারী শিল্পাগার। সেখানে অনাথা স্ত্রীলোকেরা শেখে তাঁত চালনা, উল বোনা, সেলাই ও অন্যান্য কারুকাঙ্ক।

সেদিনেব সেই পুণ্যশীলা প্রতিষ্ঠাত্রী গিয়েছেন পরলোকে। তিনি নেই। কিন্তু আছে তাঁর কাজ, বয়েছে তাঁর আদর্শ। সে কাজ হাতে নিয়েছেন, সে আদর্শ সফল করেছেন নানা দেশ থেকে আগত নবীন সন্ন্যাসিনীবা। নতুন একদল সিস্টার। কেউ ফরাসী, কেউ জার্মান, কেউ বা ইটালীয়ান। তাঁদের জাতি আলাদা, ভাষা পৃথক, কিন্তু লক্ষ্য এক। সে লক্ষ্য পারোপকার।

হানাদারেরা বাবমুলায় আসছে শুনে কনভেন্টের অনেকেই ভীত হলো। মাদার সুপিরিয়র কনভেন্টের প্রধান কত্রী। তিনি আশ্বাস দিয়ে বললেন “আসে আসুক। আমরা রোগীর শুশ্রূষা কবি, আর্তের সেবা করি, দীন দরিদ্র নিয়ে আমাদের কাজ। কারো সঙ্গে কোনো বিরোধ নেই আমাদের। আমাদের ভয় কিসের?”

হায়! তিনি জানতেন না যে, যারা লুঠ করে তাদের বীতি আলাদা। সাধুর তারা শত্রু, ভালের ঢাবা যম। তাদের বিরোধ জগতের সমস্ত সভ্য ও শিক্ষিত নরনারীর সঙ্গে।

মাদার সুপিরিয়রের ভুল ভাঙতে বিলম্ব হলো না।

বেলা তখন পাঁচটা। পীর পঞ্জালের মাথায় শাদা ববফের গায়ে লেগেছে পডস্ত বোদের আধ-গোলাপী রঙ। বাগানে সবুজ ঘাসেব উপর পপলার গাছগুলিৰ ছায়া পড়েছে দীঘ। আলখাল্লার মতো লম্বা ময়লা পিরান গায়ে, চাপা চুপি মাথায় ক্রান্ত গুজবালেবা মেঘের পাল নিয়ে কাঁচা মক্কাই চিবাতে চিবাতে ফিরছে ঘরে।

কনভেন্টের স্কুলে ছুটির ঘন্টা বেজেছে অনেকক্ষণ। ছাত্র-ছাত্রীবা চলে গিয়েছে যে যার বাড়িতে। হাসপাতালে রোগীরা শুয়ে আছে বিছানায়। এমন সময় হঠাৎ শোনা গেল কোলাহল হৈ-ছল্লাহে একদল হানা দিল কনভেন্টে।

কনভেন্টের অতিথিশালায় ছিলেন কয়েকজন বিদেশী। কেউ নতুন এসেছেন বেড়াতে, কেউ বা আছেন অনেক দিন। তাদের মধ্যে ছিলেন এক বৃদ্ধ ইংরেজ। লেফটেনেন্ট কর্ণেল ভি ও টি ডাইকস। আগে কাজ করতেন ভারতীয় সেনা বিভাগে, পেশনের পর বায়ে গিয়েছেন এদেশে। সঙ্গীক বসবাস করছেন এই কনভেন্টে। বাতে প্রায় পঞ্চ। তবুও সাধামতো হিসাবপত্র লেখাব কাজকর্ম করে সিস্টারদের সাহায্য করেন মাঝে মাঝে। বিপদের সময় এই বৃদ্ধই বন্দুক হাতে এগিয়ে গেলেন সামনে। রুখতে চাইলেন দস্যুদের কনভেন্টের বাইরে।

কিন্তু বার্ষক্যে ডাইকসেব শরীর বলহীন। চোখেব দৃষ্টি ক্ষীণ। বাতে আডষ্ট হাত বন্দক তাক করার আগেই হানাদারদের গুলিতে প্রাণ হারালেন তিনি।

ভয়ে ও উদ্বেগে স্বামীর সঙ্গে ঠিক তাঁর পিছনেই ছিলেন স্ত্রী মিসেস ডাইকস। একটি ভীক খরগোশের ছানার উপরে এক পাল হিংস্র জন্তুব মতো তাঁর উপরে ঝাঁপিয়ে পড়ল হানাদারদের

দল। শুধু একবার বৃষ্টি একটি আর্তনাদ শোনা গেল। পর মুহূর্তেই আক্রমণকারীদের উদ্‌মাম আশ্ফালন ও উন্মত্ত কোলাহলে চাপা পড়ে গেল সে কাতর স্বর। দু'দিন পরে মিসেস ডাইকসের নম্র মৃতদেহটা খুঁজে পাওয়া গিয়েছিল একটা গভীর কূপের মধ্যে। মৃত মহিলার গায়ের জামা কাপড়টুকু পর্যন্ত নিতে বাকী রাখেনি তাঁর হত্যাকারীরা।

কনভেন্ট থেকে প্রচুর ধনদৌলত বস্তা বোঝাই করে নিয়ে যাবে—এই আশা ছিল দস্যুদের। নিবাস হলো। আশ্রম শোভার জনা নয়,—সেবার জন্যে। সেখানে না থাকে মণি-মুক্তার ছড়াছড়ি, না আছে হীরা-জহরতের জাঁকজমক। অগত্যা দেয়ালেব ঘড়ি, আলনার জামা কাপড় আর জানলাব পর্দা নিয়েই হানাদারেরা কাড়াকাড়ি করতে লাগল।

লুঠের মাল যতই হলো কম, লুঠনকারীদের ততই বাড়ল রোষ। জিনিসপত্র ভেঙে গায়ের খাল ঝাড়তে লাগল। ঘরের টেবিল, চেয়ার, আলমারি, দেওয়াজ, পেয়ালা, পিরিচ, শার্শি, কপাট করল চৌচির। তাদের অস্ত্রের আঘাতে বাগানের পাশে সমাধিস্থানে স্বেত পাথরের ক্রশ চিহ্নগুলি পর্যন্ত হলো চূর্ণবিচূর্ণ।

এতেও শান্ত হলো না ক্রোধ। বরং খুন চেপে গেল মাথায়। কনভেন্টের বিদেশী সম্মাসিনী মেয়েদের ন'জনকে সঙ্গীনের পাহারায় এনে এক সারিতে দাঁড় করাল উঠানে। ন'জন হানাদার বন্দুক উচিয়ে তাক করল তাদের কপালে। শুধু গুলী ছোঁড়ার অপেক্ষা। নিশ্চিত মৃত্যুর মুখে দুরূ-দুরূ বকে চোখ বুজে ভগবানের নাম স্মরণ করলেন সম্মাসিনীরা।

কিন্তু রাখে খ্রীস্ট মারে কে? আসন্ন মৃত্যুর হাত থেকে ন'টি পরোপকারী সম্মাসিনীদের রক্ষা করলেন অদৃশ্য থেকে নিশ্চয়ই ভগবান, কিন্তু প্রকাশ্যে একটি অতি ক্ষুদ্র জিনিস।

সম্মাসিনীদের মধ্যে একজনের মুখের একটি দাঁত ছিল সোনা-বাঁধানো। সেটা চোখে পড়তেই এক ভল্লদ বন্দুক ফেলে দিয়ে ছুটল সেটা দখল করার লোভে। কিন্তু লুঠের নজব তুতা একা তারই তীক্ষ্ণ নয়, তার অন্য সাঙাতরাও কিছু চোখ বুজে ছিল না। কাজেই সোনার লোভে নিজেদের মধ্যেই বাধল কলহ। প্রথমে গালাগালি; শেষে হাতাহাতি। হট্টগোলের মধ্যে হানাদারদের এক কর্তা এসে হাজির। তাঁর কাণ্ডজ্ঞান আছে। কান্দ্বীরী মেয়ে পুরুষ হত্যা করা এক, যুরোপীয় সম্মাসিনীদের গুলী করায় আর—সেটুকু তিনি বোঝেন। তাই শেষ মুহূর্তে অভাবনীয় রূপে প্রাণ রক্ষা হলো তাঁদের।

হানাদারদের আর এক দল ততক্ষণ ব্যস্ত ছিল কনভেন্টের অন্য এক অংশে। তারা চড়াও হলো ছাসপাতালে। যা' সামনে পেল তাই করল খানখান। যাকে হাতে পেল তাকেই করল আহত বা নিহত। বন্দুকের বাটের ঘায়ে টুকরো টুকরো করল দামী এক্স-রে যন্ত্রপাতি। শিশি বোতল দিল গুড়িয়ে, গুহুধপত্র গেল গড়িয়ে, ক্ষত-বিক্ষত হলো অসহায় অসুস্থ নরনারী। মারা গেল একজন নার্স, আয়ু শেষ হলো দু'জন রোগীর।

প্রাণ দিলেন একটি পুণ্যবতী মহিলা। সিস্টার টেরেসেলীন। কনভেন্টের সহকারী মাদার সুপিরিয়র। সুদূর যুরোপের স্পেন দেশ থেকে এসেছিলেন বারমুলায় পরহিতের ব্রত দিয়ে। কনভেন্টের উপাসনা স্থানটি পাছে হানাদারদের আক্রমণে অপবিত্র হয়, এই আশঙ্কায় গ্রহরীর মতো তিনি একা দাঁড়িয়ে ছিলেন মন্দিরের দুয়ারে। গুলী এসে বিধল তাঁর বকে।

সেদিন বারমুলায় দস্যুদের আঘাতে ছিল হলো একটি কোমল লতার মূল। সেদিন জনসেবার বেদীতে নিবল একটি স্নিগ্ধ দীপের শিখা।

সেদিন শুভ পাষাণ ফলকে পড়িল রক্ত লিখা।

আট

শ্রীনগর থেকে পেট্রোল জোগাড় করে অবশেষে বারমুলায় এসে পৌঁছল ভারতীয় সৈন্যদল। সূর্য তখন অস্ত গিয়েছে। ধীরে ধীরে সজ্জার অঙ্ককার নামছে ঘনিয়ে।

নিখুম নিস্তব্ধ নগর। অনেক ঘা খেয়ে অসহ্য বাথায় অজ্ঞান হয়ে যাওয়া মানুষের মতো যেন পড়ে আছে ক্ষতবিক্ষত বারমুলা। অসাড় অচৈতন্য। তার পথগুলি জনহীন, ঘর-দোর শূন্য। রাস্তার ধারে, বাড়ির উঠানে ছড়িয়ে আছে মৃতদেহ। সেখানে শকুনি গুঁধিনীদের চলছে ফলার, শেয়াল কুকুরে বেধেছে মারামারি। হায়, বারমুলা ছিল শহর,—বারমুলা হয়েছে শ্মশান।

পরদিন সকালবেলাই ব্রিগেডিয়র সেনের সৈন্যদল আবার বেরিয়ে পড়ল হানাদারদের সন্ধানে। কিন্তু তাদের কি আর নাগাল পাওয়া যায়? তাবা ততক্ষণে সব পড়েছে অনেক দূরে। পালাবার সময় রাস্তাঘাট নষ্ট করে রেখে গিয়েছে যাতে ভারতীয় সৈন্যদল সহজে কিছু ধাওয়া করতে না পারে। পথের মাঝখানে ফেলে রেখে গিয়েছে বিরাট গাছের গুঁড়ি। কোথাও বা পাশের পাহাড় থেকে গড়িয়ে দিয়েছে মস্ত পাথরের চাঁই। সে সব না সবিয়ে এগোতে পারে না জীপ বা মোটর বাস। তার উপরে আবার পেট্রোল ফুটিয়ে যায় মাঝে মাঝে। শ্রীনগর থেকে নতুন পেট্রোল এসে না পৌঁছানো পর্যন্ত বসে থাকতে হয় নিকপায়।

এমন করে ভারতীয় সৈন্যরা এসে পৌঁছল রামপুব। যে-পথে লাগে কয়েক ঘণ্টা, সে-পথে লাগলো কয়েক দিন।

শ্রীনগরে যারা আছে তাবা আশা ও আশঙ্কায় দুলছে অহবহ। কী হয়, কী হয়। সেলাটং ছিল ঘরের কোণায়। কানের কাছে গোলাগুলির আওয়াজ শোনা গিয়েছে। লোকেব মুখে খবর পাওয়া গিয়েছে। এখন শত্রুকে তাড়িয়ে নিয়ে যাওয়া হয়েছে দূরে। সেখানকার হারজিতের সঠিক সংবাদ জানে না কেউ। থেকে থেকে গুজব রটেছে নানা রকম। তার কোনটা সত্যি, কোনটা মিথ্যে হৃদিশ পাওয়া ভাল। সকালে শোনা গেল, ভারতীয় সৈন্য, হানাদারদের ঘায়েল করেছে। শুনে লোকে স্বস্তির নিঃশ্বাস ফেলে। পরক্ষণেই শোনা যায় তার উল্টো। ভারতীয় সৈন্যদের নির্মূল করে হানাদারেরা নাকি আবার এগিয়ে আসছে শ্রীনগরের পথে। তখন ভয়ে সবার মুখ শুকিয়ে যায়। বুক কবে দুরু দুরু। বাস্তব-বিছানা বেধে পালাবার উদ্যোগ করবে কিনা ভাবে, এমন করে দিন কেটে যায়।

ইটাং এক সন্ধ্যাবেলা শ্রীনগরের বিজলী আলোগুলি ঝলমলিয়ে উঠলো।

ছেলে, বড়ো, মেয়ে, পুরুষ সবাই ফ্যালফ্যাল করে তাকিয়ে থাকে আনন্দ-ক্ষণ। প্রথমে লাগে অবাক, পব মুহূর্তেই জাগে আনন্দ। য্যা, মতুবা? এহলে মতুবায পৌঁছে গিয়েছে ভারতীয় সৈন্যদল? হানাদারদের দিয়েছে হটিয়ে? খুশিতে এ ওকে জড়িয়ে ধবে বলে, “মতুবা, মতুবা! এসেছে আমাদের দখলে।”

হ্যাঁ; রামপুব থেকে মতুবায এসে পৌঁছেছে ব্রিগেডিয়র সেনের সৈন্যদল আজকাল সেনাবাহিনীর সঙ্গে থাকে জন কয়েক এঞ্জিনিয়ার। তারা যুদ্ধ কবেন না, কিন্তু যুদ্ধের সাজ-সবজ্ঞাম নিখুঁত বাখেন। জোড়াতালি দিয়ে অচল কলকন্ডা সচল করতে তারা ওস্তাদ। জীপ, নদী, মোটর, ট্রাক্স মেরামতিতে তাদের জুড়ি নেই। জলবিদ্যুতের যন্ত্রপাতি তাদের কাছে নতুন হলেও একেবারে অসাধ্য নয়। দিন কয়েকেব চেষ্টায় ভাঙা টুকরোগুলো ভুড়ে তাঁরা বিদ্যুৎ কাবখানা ডাইনামোটো চালু করে দিলেন। আলো জ্বলে উঠল রাজধানীতে।

শুধু পথে বা ঘরে নয়, লোকেব মনেও।

নয়

মতুবা থেকে উরির পথের দু'ধারে উচু পাহাড় আর ঘন বন। সেখানে লুকিয়ে থেকে শত্রু আচমকা আক্রমণ করতে পারে যে কোন মুহূর্তে। তাই ভারতীয় সৈন্যদলকে এবার এগোতে হবে সাবধানে। খবরদারী জন্য সহায়তা নিতে হয় বিমান বাহিনীর।

শ্রীনগরের বিমানঘাটিটি ক্ষুদ্র। মহারাজ তৈশি করেছিলেন তাঁর নিজের বিমান চলাচলের জন্য। সে-বিমান সৌখীন প্রমোদ-ভ্রমণের বাহন। আকারে ছোট, ওড়নে কম। তাই বিমানঘাটির

রানওয়ে যেমন সরু, ফ্লাইং কন্ট্রোল, বাতাসের গতি ও আবহাওয়ার হালচাল জেনে নেওয়ার যন্ত্রপাতি তেমনই সাধারণ। বড় বিমান চলাচলের ব্যবস্থা ছিল না সেখানে। ভারতীয় বিমানবাহিনীর বড় কর্তারা তখন প্রায় সবাই ইংরেজ। তাঁরা দিল্লী থেকে এসে বিমানঘাটি পরিদর্শন করলেন। বিশেষজ্ঞ যত ছোট, মেজ, সেজ ও বড় সাহেব তাঁরা দিন দুই ধরে তার সৈর্য্য, প্রস্থ, পুরিষি প্রভৃতি পরীক্ষা করলেন। ফিতা ফেলে মাপলেন, খড়ি দিয়ে দাগলেন, খাতা-পেন্সিল নিয়ে করলেন ভগ্নাংশ, দশমিক ও বর্গফলের রাশি রাশি অঙ্ক। তারপরে এক দিন্দ্ভা কাগজে নোট লিখে বললেন—অসম্ভব। শ্রীনগর বিমানঘাটিতে জঙ্গী বিমানের ওঠা-নামা চলে না।

বিশেষজ্ঞদের মত, সে তো না মেনে উপায় নেই। অগত্যা পালম থেকেই বিমান বাহিনীর বিমানগুলিকে উড়ে আসতে হয় কান্দ্বীরে। তাতে অসুবিধা অনেক। বিমানে পেট্রোল নেওয়ার জায়গা অল্প। যেতে আসতেই বেশীর ভাগ পেট্রোল ফুরিয়ে যায়।

দিন কয়েক পরেই কিন্তু সমস্যার সুরাহা হয়ে গেল এক আশ্চর্যজনক ঘটনায়।

পাহাড় পর্বতের আড়ালে, ঝোপ-জঙ্গলের মধ্যে যুদ্ধের এলাকাটা আকাশ থেকে চিনতে যাতে অযথা বিলম্ব না ঘটে সে জন্যে একটা বিশেষ ব্যবস্থা ছিল। দিল্লীর সুদর দপ্তর থেকে খবর পেলেই কান্দ্বীরে ভারতীয় সৈন্যদল খড়কুটো জড়ো করে আগুন ছেলে রাখতো তাদের ছাউনির কিনারে। বিমানগুলি সেই আগুন দেখে সহজেই তাদের লক্ষ্যস্থল বুঝতে পারতো।

সেদিন সকালবেলা পালম থেকে দু'খানা স্পিটফায়ার বিমান নিয়ে রওনা হলো বিমানবাহিনীর দু'জন তরুণ পাইলট। উড়ে এল পাটানে। নীচে তাকিয়ে দেখল, কোথাও কোনখানে আগুনের চিহ্নমাত্র নেই। বেতারে খবর পাঠাতে ভুল করেছে বেতারবার্তার অপারেটর। তাই ব্রিগেডিয়ার সেনের দপ্তর আগে-ভাগে জানতে পায়নি বিমানগুলির দিল্লী থেকে রওনা হওয়ার সংবাদ।

তাই তো, এখন কী করা যায়? ফিরে যেতে হবে দিল্লীতে? তাহাড়া আর উপায় কী? পাইলটেরা ভাবে, মিছিমিছি এতখানি পেট্রোল নষ্ট হবে, কোনো কাজ না করে ফিরে যাবো, সে কেমন কথা। তার চাইতে—। মিনিট দুই ভেবে নিয়ে এক পাইলট বেতাব টেলিফোনে অন্য পাইলটকে জিজ্ঞাসা করে, “শ্রীনগর বিমানঘাটিতে নেমে একবার খোঁজ নিলে হয় না?”

দ্বিতীয় জন জবাবে বলে, “তা হয়, কিন্তু বড় সাহেবরা যে বলেন,—স্পিটফায়ার নামতে পারে না সেখানে।”

“সাহেববা যাই বলুন আমি কিন্তু আমার বিমান নিয়ে ঠিক নামতে পারি ঐ রানওয়েব উপবে।” বলল প্রথম পাইলট।

“দ্বিতীয় জন বলে, “আমিও।”

“তবে এস, জয় হিন্দ বলে নামা যাক শ্রীনগবে।”

যেই কথা সেই কাজ। রেডী? ওয়ান, টু, থ্রী, ডাউন! হুশ, হু-উ-শ্।

একের পর এক, দুটি স্পিটফায়ার বিমানঘাটির কর্তৃপক্ষ ও ফ্লাইং কন্ট্রোলের কর্মচারীদের অবাক করে দিয়ে নির্বিঘ্নে নেমে পড়ল শ্রীনগরের ছোট রানওয়ের উপর। ভুলের ফলেই ফলল সফল। বিমানঘাটি থেকে পাইলটেরা ম্যাপের উপর লাল পেন্সিলের দাগ দিয়ে নিল লড়াই-এব সামান্য। আবার উঠল আকাশে। শত্রুপক্ষের মাথার উপর গুলিবৃষ্টি কবে সম্ভ্যার আগেই ফিরে গেল দিল্লীতে।

বিমান শাস্ত্রের বিদ্যানে যা' ছিল এতকাল অসম্ভব, তাই সম্ভব করল অসম্ম সাহসিক দুটি ভাবলীয তরুণ। তাদের গর্বে ভরে উঠল তাদের সহকর্মীদের বুক। তাদের বীৰত্বে উজ্জ্বল হলো সমস্ত ভাবতবাসী।

পর্বদিন শ্রীনগর বিমানঘাটিতে রাতের দপ্তর গোলা হলো ভারতীয় বিমানবাহিনীর। দিল্লী থেকে এসে পৌঁছল অনেকগুলি স্পিটফায়ার। সেই সঙ্গে এল, ব্রু, ফিটার, মোকানিক, গ্রাউণ্ড এঞ্জিনিয়ার, পাইলট অফিসার ইত্যাদি শ্রীমান বহুবল কর্মচারী দল। তাদের মালপত্র, যন্ত্রপাতি, সাজ-সবজ্জাম। অধিনায়ক হয়ে এলেন গ্রুপ ক্যাপ্টেন মোহের সিং, ডি এস ও।

বিমান বাহিনীর সহায়তায় ব্রিগেডিয়ার সেনের সৈন্যদল মড়ুরা থেকে রওনা হলো হানাদারদেব

সজ্জানে। আশেপাশের ঝোপ-জঙ্গলে ছোটখাটো শত্রুদল যা লুকিয়ে ছিল, তারা সাবাড় হয়ে গেল ভারতীয় সৈন্যদের বন্দুকের গুলিতে। কিন্তু আসল বড় দলটা তখনও অনেক দূরে। তাকে ধরতে হলে জোরে পিছু ধাওয়া করতে হবে।

কিছু দূর এগোতেই দেখা গেল সামনে গভীর ও চওড়া বিরাট এক নালা। তাতে পাহাড়ের ঝরনা থেকে স্রোত বয়ে যাচ্ছে তীর বেগে। গাড়ি পার হওয়ার উপায় নেই। পাথরে বাধানো শক্ত পুলটিকে হানাদাবেরা বারুদ জালিয়ে উড়িয়ে দিয়েছে অনেক আগেই।

ডাক পড়ল এঞ্জিনীয়বদের। তাঁরা বললেন, নতুন করে সেতু গড়তে চাই ভারী ভারী মাল-মশলা, তা' এখন দৃঢ়। আর চাই যথেষ্ট সময়। তার এখন অভাব।

কোনো কিছুতেই হাল ছাড়াব পাত্র নন ব্রিগেডিয়ার সেন। বললেন, “গাড়ি জীপ, ট্রাক, লরী, থাক পড়ে এখানে। শত্রুর পিছু ধাওয়া করতে হবে পায়ে হেঁটে। দখল করতে হবে উরি যেমন করে হোক।”

সৈন্যবা সেলাম করে বলল, “জো হুকুম।”

পায়ে হেঁটেই তারা তাড়া করল হানাদারদের। বীর দর্পে দখল করল উরি। চৌদ্দই নভেম্বর তিন সপ্তাহ আগে হানাদারদের রুখতে গিয়ে প্রাণ দিয়েছিলেন ব্রিগেডিয়ার রাজেন্দ্র সিং ঠিক সেইখানেই উচ্চ এক মঞ্চের উপর ব্রিগেডিয়ার এল. পি. সেন সর্বপ্রথম উত্তোলন করলেন অশোক চক্র আঁকা গেরুয়া, সাদা ও সবুজ রঙের নিশান। স্বাধীন ভারতের ত্রিবর্ণ জাতীয় পতাকা।

সবার কাঁঠে উঠল উচ্চ রব, “জয় হিন্দ,” “স্বাধীন ভারতের জয়ধ্বনি।

সৈন্যদলের ব্যাণ্ড বাজতে লাগল, “জন গণ মন অধিনায়ক—।” স্বাধীন ভারতের জাতীয় সঙ্গীত। উরিতে সে সঙ্গীত এই প্রথম শোনা গেল।

দশ

উরির জয়ধ্বনি মিলিয়ে যাওয়াব আগেই কিন্তু এল নতুন দুঃসংবাদ। জম্মু থেকে।

জম্মু আর লাডাক,—দুই দিকে দুই পৃথক প্রদেশ, মাঝখানে তার কাশ্মীর, এই তিন নিয়ে মহারাজ হরি সিং-এর রাজ্য। জম্মুর প্রায় গায়েই পশ্চিম পাকিস্তানের বড় বড় শহর আর সেনানিবাস,—শেয়ালকোট, ওয়াজিরাবাদ ও মারি। সেখান থেকে হানাদারেরা করেছে আক্রমণ। এরই মধ্যে দখল করে নিয়েছে অনেকখানি এলাকা। খুন, লুট আর জখমের তো কথাই নেই।

কাশ্মীর প্রদেশে আক্রমণকারীরা সবাই ছিল বাইরের লোক। তাদের ঠেকানো সহজ। জম্মুতে দস্যুদের সঙ্গে যোগ দিয়েছে কিছু স্থানীয় মুসলমান। তারা ঘরের শত্রু বিভীষণ। সব চেয়ে মারাত্মক। সদর ইব্রাহিম খা তাদের নেতা।

জম্মুতে মহারাজ হরি সিং-এর অধীনে পুষে ছিলেন এক মস্ত জায়গীরদার। তাঁর উপাধি রাজা। রাজার মতোই তাঁর প্রতাপ। রাজার মতোই তাঁর দান ও দাক্ষিণ্য। ইব্রাহিম এই রাজারই প্রজা। ছাত্রকালে সে ছিল মেধাবী। খুশি হয়ে পুষের রাজা নিলেন তার লেখাপড়ার ভার। স্কুল থেকে কলেজ। কলেজ থেকে বিলাত। রাজার অর্থে ব্যারিস্টার হয়ে ইব্রাহিম ফিরে এল জম্মুতে। সেখানে শিক্ষিত মুসলমানের সংখ্যা নগণ্য। দু'দিনেই তাদের নেতা হয়ে বসল নতুন ব্যারিস্টার।

ততদিনে পাঞ্জাবে মুসলীম লীগের প্রসার জমে উঠেছে। সাম্প্রদায়িক বড়ো হাওয়ায় হিন্দু-বিদ্বেষের পাল তুলে দিয়ে তারা ভাসিয়েছে দুই জাতিতত্ত্বের তরঙ্গী। তাই দেখে চতুর ইব্রাহিমের মাথায় গজাল দুর্বুদ্ধি। আরও অনেক সুযোগ-সজ্ঞানীর মতো সান্ধোপান্ন নিয়ে চেপে বসল সে নৌকায়। যে রাজার টাকায় হয়েছে মানুষ তাঁরই বিরুদ্ধে শুরু করল ষড়যন্ত্র। কুৎসিত কৃতঘ্নতার এমন নির্লজ্জ দৃষ্টান্ত অতি অল্পই আছে ইতিহাসে।

দুরাচার যেমন ছল, দুষ্কর্মেরও তেমনি সহযোগীর অভাব হয় না কোনোদিনই। ইব্রাহিমেরও জুটল দোসর। উত্তর-পশ্চিম সীমান্ত প্রদেশের প্রধানমন্ত্রী। আব্দুল কৈয়াম খান। তাঁর

বর্ণ-বিবর্তনের কাহিনীও কম চমকপ্রদ নয়।

গোড়াতে কৈয়াম ছিলেন জাতীয়তাবাদী মুসলমান। দিল্লীতে কেন্দ্রীয় আইনসভার প্রথম সারিতে কংগ্রেসী দলপতি ভুলাভাই দেশাই-এর পাশেই ছিল তাঁর আসন। তখন ইংরেজের সমালোচনা করতেন কঠোর ভাষায়। সাম্প্রদায়িকতাকে বলতেন বিষ। দেশনেতাদের ম্যালবামে থাকতো তাঁর ছবি। স্বদেশী সভা সমিতিতে শোনা যেত তাঁর ভাষণ।

ইঠাৎ একদিন তাঁর মতি হলো বদল, গতি হলো বিপরীত। যোগ দিলেন মুসলীম লীগে। রাতারাতি কংগ্রেসকে পাল দিতে লাগলেন এলোপাতাড়ি। গান্ধীকে বললেন,—ভণ্ড। নেহরুকে—গোয়ার-। আর প্যাটেল ? সে তো সাক্ষাৎ শয়তান, মুসলমানদের পয়লা নম্বর দূশমন।

কংগ্রেসের নেতারা তখন সবাই আমোদনগরে আগা খানের বাড়িতে বন্দী। তাঁরা পুরানো সহকর্মীর কীর্তি দেখে অবাক হয়ে ভাবেন, এ কী অঘটন!

কথায় বলে, জ্ঞাতি শত্রু বড় শত্রু, ভাই শত্রু মহাকাল। দলত্যাগীরাই হয় কালাপাহাড়। ভারতবর্ষের প্রতি আব্দুল কৈয়াম খানের রাগটাই যেন সব চেয়ে প্রচণ্ড। কান্দীর আক্রমণের পরিকল্পনা হয়েছে পেশোয়াবে, মূল পরিচালনাও সেখান থেকেই। সব কিছুই পিছনে ছিল কৈয়ামের হাত। সর্দার ইব্রাহিম খান যোগাযোগ রাখল তাঁর সঙ্গে। অস্ত্র-শস্ত্র যোগাড় করে করল বিদ্রোহ। বলল, “রাজা, মহারাজা মানিনে। আমরা নতুন সরকার গড়েছি। তার নাম,—আজাদ কান্দীর।”

মীরপুর, পুঞ্চ, নৌশেরা ও রাজৌরীতে ছিল মহারাজ হরি সিং-এর ছাউনি। কিন্তু সেগুলিতে সৈন্য সংখ্যা যেমন অল্প, অস্ত্র-শস্ত্রও তেমন অপ্রচুর। তার উপরে সেখানে ভিড় করেছে পাকিস্তান থেকে পালিয়ে আসা বহু হিন্দু ও শিখ শরণার্থী। অগণিত আহত ক্রান্ত ও সর্বস্বান্ত নরনারী। তাদের ক্ষুধার অন্ন আর বাসের ব্যবস্থাই দুরূহ। হানাদারেরা চার দিক থেকে ঘিরে ফেলল এই ঘাঁটিগুলিকে।

খবর পেয়ে ভারত সরকার সৈন্য পাঠালেন পুঞ্চের পথে।

কিন্তু পথ বলি তাকে কী মুখে ? গহন ঘন বনের মাঝে একে-বেকে গিয়েছে কোনোমতে পায়ে চলার সৰু রেখাটি। তাই বেয়ে আট হাজার ফুট উচু হাজি পীরের গিরিবর্ষ পার হয়ে বহু কষ্টে পুঞ্চের ছাউনিতে এসে পৌঁছলেন ব্রিগেডিয়ার প্রিতম সিং ও তাঁর এক ব্যাটেলিয়ন সৈন্য।

সেখানে সমস্যা খাদ্য। ওৎ-পাতা বাঘের মতো সহস্র সহস্র হানাদার ঘিরে বসে আছে শহরের সর্বদিক। সাধ্য কী যে তাদের এড়িয়ে বাইরে থেকে আসবে চাল ডাল তেল বা নুন। ভিতরে গৃহস্থদের গোলায় আর পাটোয়ারীদের আড়তে শস্য যা ছিল তা এসেছে ফুরিয়ে। বাইরে থেকে খাদ্য আমদানীর এক মাত্র উপায় বিমান। কিন্তু বিমান নামবে কোথায় ? ছাউনিতে সৈন্য যারা আছে তারা হানাদাবাদের দূরে ঠেকিয়ে রাখতেই হিমশিম। বিমান অবতরণের রানওয়ে গড়বে কখন ? প্রিতম সিং ভেবে কুল পান না।

পুঞ্চ শরণার্থীদের মধ্যে ছিল এক হিন্দু ছুতোব। একদিন সে এসে হাজির হলো প্রিতম সিং-এর দপ্তরে। ব্রিগেডিয়ার সাহেবের সঙ্গে দেখা করবে। আরদাঙ্গী চাপরাসীরা প্রথমে ইকিয়ে দিতে চায়। শেষটায় অনেক বিনতি মিনতিতে মন নরম হলো তাদের। নিয়ে গেল প্রিতম সিং-এর সামনে।

বৃদ্ধ সেলাম করে বলল, “হুজুর আমাকে কাজে লাগান।”

ব্রিগেডিয়ার জিজ্ঞাসা করেন, “তুমি বড়ো মানুষ, কী কাজ করবে ?”

বড়ো উত্তর দেয়, “হাওয়াই জাহাজের জমি তৈরী করব !”

প্রিতম সিং অবাক হয়ে বলেন, “রানওয়ে ? তুমি তার কী জান ?”

বড়ো বলে, “হুজুর কিছুই জানিনে, শুধু খাটতে জানি। আপনার এঞ্জিনীয়রেরা বানাবে নক্সা, রাজমিস্ত্রীরা গাঁথবে ইট। আমি মোট বয়ে যোগাবো মাটি, জল, চুন, সুরকী ও সিমেন্ট।”

প্রিতম সিং-এর সম্মুখে বোচো না। বলেন, “সে কী কথা ! তোমার এই অশক্ত শরীরে সে পরিশ্রম সইবে কেন ?”

ছুতোরের চোখের কোণে জল দেখা দিল। দু'হাত কপালে ঠেকিয়ে বলল, “মালিক, এই শক্ত হাড়গুলি অনেক সয়েছে। আমার জোয়ান দুই ছেলে মরেছে দাঙ্গাকারীদের হাতে, একমাত্র মেয়ে হয়েছে নিখোঁজ। রুগ্মা স্ত্রীর হাও ধরে রাত্রির অন্ধকারে পায়ে হেঁটে এসেছি পাঁচ ক্রোশের পথ। আর ক’টা দিন বাঁচব? কোন সুখেই বাঁচব? মরার আগে যদি বিমানখাটি তৈরী করাজে কিছু মদত দিতে পারি তবে জানব আমার জিন্দগী সফল।”

বৃদ্ধকে কিছুতেই নিরস্ত করা গেল না।

পরদিন ভোরবেলা অনেক লোকের হট্টগোলে ঘুম ভাঙল প্রিতম সিং-এর। জানালায় তাকিয়ে দেখেন, প্রায় হাজার দুই শরণার্থী। যুবক, বৃদ্ধ, স্ত্রী, পুরুষ। ব্যাপার কী? সবাই রানওয়ে তৈরী করাজে লাগতে চায়। বলে, “বুড়ো ছুতোর যদি পারে মোট বইতে, আমরা কি এতই অধম।”

অদম্য উৎসাহে কাজ শুরু হয়ে গেল রানওয়ের। ঝোপ-ঝাড় কেটে জমি হলো সাফ, দূরমুশ পিটিয়ে মাটি হলো শক্ত। ইট চুন সুরকী ঢেলে জায়গা হলো বিমান অবতরণের। রুগ্ম ও অশক্ত যারা, তাঁরাও সাহায্য করল নানা ভাবে। সমর্থ লোকেরা কাজে চলে গেলে তারা কেউ আগলান পড়শীদের ঘর সংসার, কেউ সামলাল তাদের ছেলেমেয়ে। এক মাসের কাজ সারা হলো এক সপ্তাহে। পুষ্কের অবরুদ্ধ অধিবাসীদের জন্যে আকাশপথে আসতে লাগল নিত্যকার খাদ্যসামগ্রী।

হানাদারেরা ভেবেছিল, অনাহারের চাপে ছাউনির লোকেরা হার মানবে দুদিনেই। তার আর সম্ভাবনা রইল না। অনেক শলা-পরামর্শের পর তারা তখন নিয়ে এল বড় এক বিলাতী কামান। তিন পয়েন্ট সাত হাউইটজার। পাহাড়ের উপর থেকে গোলা ফেলতে লাগল ঠিক একেবারে রানওয়ের উপর। বাধ্য হয়েই বিমান অবতরণ বন্ধ হলো দেখানে।

খাদ্যাভাব দেখা দিল শহরে। রেশনের মাপ কমিয়ে দিয়ে চলে কিছু কাল। সেনাবাহিনীর লোকেরা নিজে কম খেয়ে শিশুদের খাবার যোগাল আবও কিছু দিন। তার পর?

প্রিতম সিং তার সিগন্যালারদের ডেকে বললেন, “এ অসহ্য! পাহাড়ের উপরে শত্রুপক্ষের কামানটাকে ঠাণ্ডা না করলেই নয়। বেতাবে খবর পাঠাও সদর দপ্তরে। গোটা কয়েক দূর পাল্লার কামান পৌছে দিক এই ছাউনিতে। বাকী তার আমাদের।”

খবর পাঠানো যত সহজ, কামান পাঠানো তত নয়। তবুও সদর দপ্তরের কর্তারা বললেন, “চেষ্টা করতে দোষ কী?”

পঁচিশ পাউন্ডার গোটা কয়েক কামান, গোলা বারুদ আর জনকয়েক গোলন্দাজ নিয়ে একদিন দুপুর বেলা রওনা হলো বিমান বাহিনীর তিনখানা ডাকোটা। এয়ার কমান্ডের মেহের সিং তখন কামান্নীরে বিমান বাহিনীর কর্তা। তিনি ভাবলেন, এমন বিপজ্জনক কাজে পাইলটদের একা ছেড়ে দেওয়া ঠিক নয়। জেনারেল কুলবস্ত সিং সেখানে সেনাবাহিনীর অধিকর্তা। তিনিও সঙ্গ নিতে চান। দু’জনে চেপে বসলেন একখান হাওয়ার্ড বিমানে।

কিছুক্ষণের মধ্যেই চারখানা বিমান এসে পৌঁছল পুষ্কে। প্রথম ডাকোটাখানা যেই নামতে যাবে মাটিতে অমনি পাহাড় থেকে হানাদারদের হাউইটজারটা গর্জে উঠল গুড়ু ম-গুড়ু ম শব্দে। বাজ পড়ার আওয়াজে একটা বড় গোলা ফেটে পড়ল ডাকোটার গা ঘেঁষে। বৃষ্টি এক চুলের জন্য বেঁচে গেল ডাকোটার ডান দিকের ডানাটা। মেহের সিং বুঝলেন, চেষ্টা নিরর্থক! এ ক্ষেত্রে বিমান-অবতরণ আত্মহত্যারই সামিল। বেতাবে হুকুম দিলেন। সব বিমানগুলি ফিরে গেল সদর দপ্তরে। পুষ্কের ছাউনিতে শরণার্থীরা হতাশচিত্তে ফেলল দীর্ঘ নিঃশ্বাস। পাহাড়ের উপরে হানাদারদের খাঁটিতে উঠল হর্ষধ্বনি।

মেহের সিং-এর মাথায় ফন্দি খেলে অনেক। সন্ধ্যাবেলা তাঁর বাছাবাছা পাইলটদের ডেকে বললেন, “বন্ধুগণ, যে কাজ শুধু বলে হয় না, সে কাজ হয় কৌশলে। শত্রুর চোখে খুলো দিয়ে কাজ হাসিল করতে হবে আমাদের।”

তিনি খুলে বলেন তাঁর মতলব। শুনে পাইলটরা সবাই মহাখুশি। তারা বয়সে তরুণ, নতুনদের নামে মেতে ওঠে, বিপদের ঝুঁকিতে হয় আরও বেশী বেপরোয়া।

পুষ্কে সন্ধ্যা হয়েছে অনেকক্ষণ। শুরুপক্ষের পঞ্চমীর আখানা চাঁদ উঠেছে আকাশে। আধেক আলো, আধেক ছায়া আবছা কুয়াশার মতো ঘিরে রয়েছে দূরে শালবনের সারি আর শালিখানের

ক্ষেত। জলে, স্থলে, অস্তরীক্ষে লেগেছে নিঝুম নীরবতার রেশ, ঘুম জড়িয়ে এসেছে বুঝি বনলক্ষ্মীর স্নিগ্ধ আনত দুটি নয়নের শ্যামল আখিপল্লবে।

অকস্মাৎ সেই নিস্তব্ধতার বুক চিরে ভেসে এল মেঘ গর্জন। না, মেঘ নয়, বিমান। ভারতীয় বিমানবাহিনীর খান কুড়ি বিমান এসে পৌঁছল পুষ্কের আকাশে। তার প্রথমটিতে পাইলট স্বয়ং মোহের সিং।

হানাদারদের গোলান্দাজরা তাড়াতাড়ি গোলাবারুদ বোকাই করল কামানে।

কিন্তু এ কী? বিমানগুলি কেবলই চক্রাকারে ঘুরছে আকাশে। মাটিতে নামছে না তো! হানাদারেরা ভেবে পায় না এর অর্থ। স্পষ্ট দেখা যায় না সবগুলি, শুধু বোঝা যায় না তাদের সংখ্যা।

এই দেখা-অদেখা আর বোঝা-না-বোঝার সুযোগে আধা-আলো আধা-অন্ধকারের আড়ালে হঠাৎ হুশ করে নেমে পড়ল একখানা ডাকোটা। প্রিতম সিং-এর লোকেরা আগেই তৈরী হয়ে ছিল বিমানখাটির ভিতরে। তারা চক্ষুর পলকে হাতে হাতে নামিয়ে ফেলল বিমান থেকে মাল। কয়েক মিনিটের মধ্যেই বিমানটি আকাশে উড়ে গিয়ে চক্রাকারে ঘুরতে লাগল অন্যান্য বিমানগুলির সঙ্গে। বাকী বিমানগুলির ঘোরা-ফেরা আর পাখার গর্জনে দূর থেকে ব্যাপারটা কারো চোখে পড়ল না।

এক, দুই, তিন। একে একে ডাকোটাগুলি নামল মাটিতে। একে একে সাজ-সবজ্ঞাম খালাস করে দিল শত্রুর অলক্ষে। একে একে ঝাঁকেব পাখির মতো আবার উড়ে মিশে গেল দলে।

আধ ঘণ্টার মধ্যে তাঁর বিমান বাহিনী নিয়ে মেহেব সিং বিজয় গর্বে ফিরে গেলেন তাঁর সদর আস্তানায়।

পাহাড়ের উপর হানাদারেরাও মহাখুশি। হিন্দুস্তানের হাওয়াই জাহাজগুলি নামতেই সাহস করল না পুষ্কে। কাফেরগুলি ভয় পেয়েছে খুব। বিলকুল ডরকে মারে ভাগ গয়া, হাঃ হাঃ হাঃ।

তাদের হাসি অবশ্য বেশিক্ষণ স্থায়ী হয়নি। পরদিন ভোর হতে না হতেই শুরু হলো পুষ্কের ছাউনি থেকে ঐচিশ পাউন্ডারের গোলা বর্ষণ। যেমন তার পাল্লা, তেমন তার আওয়াজ, আর তেমন তার তেজ। হানাদারেরা তখন কামান বন্দুক সাজ-সবজ্ঞাম ফেলে প্রাণ নিয়ে পালাবার পথ পায় না।

এগারো

পুষ্ক রক্ষা পেল, কিন্তু উদ্ধার হলো না। দুর্গ শক্ত হলো, মুক্ত হলো না। হানাদারেরা আগের ভাগেই দখল করে বসেছিল নৌশেরাও তার আশেপাশের গ্রাম। খাঁটি করেছিল পাহাড়ের মাথায়। সেগুলি পুষ্কের সেতুমুখ। সেখান থেকে তাদের হটাতে না পারলে পুষ্ক উদ্ধার করা কঠিন।

কঠিন কাজের জন্য চাই কঠিন পণ। সেই পণ ছিল ব্রিগেডিয়ার ওসমানের। পঞ্চাশ নম্বর প্যারা ব্রিগেডের অধিনায়ক হয়ে তিনি এসেছিলেন ঝানগড়ে। সেটা নৌশেরারই কাছাকাছি। হানাদারেরা সেখানে মর্টার ও মেশিনগান নিয়ে আক্রমণ করেছে প্রবল বেগে। ভারতীয় সৈন্যরা তাদের সঙ্গে ঐটে উঠতে পারছে না।

উত্তর প্রদেশের আজমগড় জেলায় ওসমানের পৈতৃক বাস। বেনারসে হরিশ্চন্দ্র কলেজ থেকে ম্যাট্রিক ও এলাহাবাদ বিশ্ববিদ্যালয় থেকে বি-এ পাশ করে যান বিলাতে। যুক্তবিদ্যা শিখতে। স্যান্ডহাস্টের তিনিই শেষ ভারতীয় শিক্ষার্থী।

অতি তরুণ বয়সেই ওসমানের স্বভাবে ছিল অস্বাভাবিক দৃঢ়তা। এক জাতীয় লোহা আছে যা' ভাঙা যায় কিন্তু ঝাঁকানো যায় না। তার সঙ্গে বুঝি ওসমানের মিল ছিল। আর ছিল তাঁর দেশাত্মবোধ। সজাগ এবং সুতীক্ষ্ণ। সাম্প্রদায়িকতাবাদী এক মুসলমান নেতা বিলাতে এক ভোজ-সভায় বসেছিলেন ওসমানের ঠিক ডাইনে। নাম শুনে অত্যন্ত অস্তরঙ্গতার সুরে বললেন, “ও, আপনি জাতিতে মুসলমান? আমিও তাই। বড়ই সুখের...”

বাধা দিয়ে ওসমান বললেন, “আমি জাতিতে ভারতীয়। হ্যাঁ, ধর্মের কথা যদি জিজ্ঞাসা করেন তো বলবো,—ইসলাম।”

নেতা সাহেবের মুখের আখখানা কথা রইল মুখে। সমুখের প্রাটে খাবারও আর তেমন রুচিকর বোধ হলো না।

ভারত বিভাগের সময় ওসমান ছিলেন পশ্চিম পাকিস্তানের মূলতানে। সাম্প্রদায়িক নৃশংসতার বহু দৃশ্য দেখেছিলেন স্বচক্ষে। বহু বিপন্ন শিখ ও হিন্দুকে রক্ষা করেছেন স্বহস্তে। বৃষ্টি তারই প্রভাব পড়েছিল তাঁর পরবর্তী জীবনে। গান্ধী-হত্যার পরদিন থেকে ওসমান মাছ-মাংস ছেড়ে দিয়ে হয়েছিলেন নিরামিষাশী।

ব্রিগেডিয়ার ওসমান যে-দিন বানগড়ে সৈন্যদলের অধিনায়ক হয়ে এলেন, তার দু’দিন পরেই ঘটল ভারতীয় বাহিনীর পরাজয়। তাদের পিছনে হটে আসতে হলো কয়েক মাইল। অন্য কেউ হয় তো মুখে পড়তো এই প্রাথমিক বিফলতায়। ওসমানের বাড়ল জেদ। ভবিষ্যতে পাট্টা আক্রমণের উদ্যোগ আয়োজন কবতে লাগলেন। কঠোর পরিশ্রমে ভরে তুললেন গোলাগুলি আর বসদের ভাণ্ডার। গড়ে তুললেন স্থানীয় বালকদের নিয়ে এক অসামরিক স্বেচ্ছাসেবক বাহিনী। নিখুঁত করলেন খবর আনা-নেওয়ার সিগন্যালিং ব্যবস্থা। নিজ সহকর্মী ও সেনাবাহিনীকে দিলেন আশা ও আশ্বাস। তাদের মনে জাগিয়ে তুললেন প্রত্যয় ও প্রতিজ্ঞা।

প্রথমে ওসমান হানাদারদের হাত থেকে কেড়ে নিলেন কোট। সামান্য একটি পাহাড়ী গ্রাম। কিন্তু অসামান্য তার সামরিক গুরুত্ব। নৌশেরা, বানগড়, রাজৌরী ও পুষ্কোর সদৃকগুলি মিলেছে এর্শে এখানে।

কোটের পরেই দখল করলেন নৌশেরা।

হানাদারদের সদর ঘাঁটিতে সবাই প্রমাদ গণল। বড় কর্তারা চটে মটে কোটের সদরকে করলেন বরখাস্ত, নৌশেরা সেনাপতিকে কবলেন কয়েদ। নতুন অধিনায়কের অধীনে হাজার হাজার সৈন্য-সামন্ত দিয়ে পাঠালেন যুদ্ধে। হুকুম করলো, আবার দখল করা চাই হারানো এলাকাসুলি। যে হেরে পালিয়ে আসবে তার যাবে গদান। হয় নৌশেরা, নয় তো শির।

মসীয়া হয়ে হানাদারেরা নিশ্চিন্তি রাতে আক্রমণ কবল নৌশেরা। দক্ষিণ, পূর্ব আর উত্তর—তিন দিক থেকে তিন তিনটে বাহিনী। সব মিলিয়ে প্রায় হাজার পনেরো হানাদার। সঙ্গে তাদের বিলাতী রাইফেল, মাঝারি ও হালকা মেশিনগান, মর্টার ও গ্রেনেড। আধুনিক সামরিক পদ্ধতিতে আক্রমণের রকম দেখে বুঝতে কষ্ট হয় না, যুদ্ধের আসল পবিচালক কারা, কারা আছে কান্দীর হামলার পিছনে।

প্যারা ব্রিগেডের সৈন্যদল বিপুল বিক্রমে বাধা দিল এই বিশাল শত্রুতরঙ্গ। হানাদারদের লক্ষ্য,—যে করেই হোক আবার দখল কববে নৌশেরা। ভারতীয় বাহিনীর পণ,—যে করেই হোক বক্ষা করবে নৌশেরা। কান্দীর সংঘর্ষে এমন কঠোর ও এমন ভীষণ যুদ্ধ আর ঘটেনি। দু’ দলই করেছে জ্ঞান কবুল। যেন দংশনক্ষত শ্যোন বিহঙ্গ যুঝে ভুজঙ্গ সনে।

ব্রিগেডিয়ার ওসমান নিজে যুদ্ধক্ষেত্রে দাঁড়িয়ে নিজের সেনাদলকে দিতে লাগলেন নির্দেশ। যেখানে দেখেন বিপদের একটুখানি আভাস, সেখানেই যান তিনি।

রাত শেষ হলো। যুদ্ধ শেষ হলো না। কাটল দুপুর। তবু যুদ্ধের বিরাম নেই। বেলা গড়িয়ে গিয়ে অপরাহ্নের ক্রান্তি সূর্য নামলো পাটে। তখনও চললো হানাহানি।

হানাদারদের শক্তি শৌর্যে নয় সংখ্যায়। একজনকে নিকাল করলে থাকে আরও এগারো জন। এই সংখ্যার জোরেই তারা ভারতীয় বাহিনীকে করল বিপন্ন। পঞ্চাশ গজের মধ্যে এগিয়ে এল। ক্রমশঃ কাছে। কাছের চাইতেও কাছে। আরও বেশী কাছে।

ব্রিগেডিয়ার ওসমান গোড়াতেই বুঝেছিলেন, শত্রুসংখ্যা অগুণ্ঠিত। তাঁর নিজের বাহিনীর চতুর্গুণ। তিনি সাহায্য চেয়ে পাঠিয়েছিলেন পিছনের ঘাঁটিতে। তিনি যুদ্ধ পরিচালনা করেন আর মুহূর্ত গোণেন। কতক্ষণে এসে পৌঁছবে নতুন সৈন্যদল? ততক্ষণ যুদ্ধে পারবে তো তাঁর নিজের বাহিনী? রুখতে পারবে তো দুশমনকে?

বারে বারে ঘড়ি দেখছেন ওসমান। ঘড়ির কাঁটার সঙ্গেই পাল্লা তাঁর আর তাঁর সেনাবাহিনীর।

কাঁটা যত এগিয়ে যাচ্ছে তত বাড়ছে আশঙ্কা, তত কমছে জয়লাভের আশ্বাস।

অবশেষে শত্রুসৈন্য এসে পড়ল আরও নিকটে। একেবারে ঘাড়ের উপরে। ওসমান অধীর হয়ে তাকাচ্ছেন ডাইনে, বাঁয়ে, পিছনে। সৈন্য, আরও সৈন্য চাই এই মুহূর্তে। কিন্তু কোথায় পাবেন সৈন্য? দেখলেন ছাউনির কারখানা ঘরে এঞ্জিনীয়রেরা করছে যন্ত্রপাতি মেরামত। হাঁক দিয়ে বললেন ব্রিগেডিয়ার, “যেখানে যে আছে বন্দুক নিয়ে চলে এসো সমুখের সারিতে। কোনোমতে ঠেকিয়ে রাখ শত্রুকে।”

যাঁরা এঞ্জিনীয়র ছিলেন তাঁরা হাতুড়ি ফেলে হাতে তুলে নিলেন হাতিয়ার, সরবরাহ বিভাগের কর্মীদের কাজ রসদ যোগানো। তারা থাকে আসল যুদ্ধক্ষেত্রের অনেক পিছনে। তাঁদেরও নামতে হলো যুদ্ধে।

ব্রিগেডিয়ার ঘূর্ণির মতো ঘুরছেন তাঁবুতে তাঁবুতে। যাকে সামনে পান তাকেই যুদ্ধে পাঠান। “তুমি কে? ঠাধুনি? এখন রান্না থাক পড়ে। লড়াই কর। তুমি? মশালচি? কুচ পরোয়া নেই, হানাদারদের রোখো।”

যে লোকটা চিরকাল হিসাবের খাতা লেখে, খড়ি রেখে খাঁড়া ধরতে হলো তাকেও। “সং খ্রী আকাল।”

পিছন থেকে শোনা গেল বহু কণ্ঠ শিখদের রণ-হুঙ্কার। নতুন সৈন্যদল এসে পৌঁছেছে এতক্ষণে। ইস, আর একটুখানি, বুঝি পাঁচ মিনিট দেরি হলেই শেষ হয়ে যেত সব। নির্মূল হয়ে যেত ওসমানের সৈন্যদল। খাঁড়া কেটে গেল যেন। যেন প্রায় কানের উপর দিয়ে গেল কোপ।

নতুন সৈন্যদলের সঙ্গে সঙ্গেই এল ভারতীয় বিমান বাহিনীর খানকয়েক বোম্বার্ক বিমান। মাটিতে শিখ-সৈন্যের আক্রমণ আর আকাশে বোম্বার্ক বিমানের গুলিবর্ষণ। এ দু’-এর সামনে হানাদারেরা টিকে থাকবে কতক্ষণ?

সহস্র সহস্র হানাদারদের মৃতদেহ পড়ে রইল মাঠে, পথে, পাহাড়ের গায়ে, যেখানে সেখানে। ভারতীয় সৈন্যদের জয়ধ্বনিতে ক্ষণে ক্ষণে সচকিত হলো দূর ও নিকটের গিরিকন্দব। নৌশেরার যুদ্ধ হলো সারা। যে-পথ দিয়ে শত্রু এসেছিল, সে-পথ দিয়ে ফিরল নাকো তারা।

গুরু হলো নতুন অভিযান।

নৌশেরা থেকে বানগড়। পথে পড়ল গায়কোটের বন। শত্রুর চক্ষু এড়াতে ভারতীয় বাহিনীকে এগোতে হলো অতি সাবধানে। ঝোপ জঙ্গলের ফাঁকে ফাঁকে। কখনও দৌড়ে, কখনও হেঁটে; কখনও হামাগুড়ি দিয়ে, কখনও বা কেবল বৃকে চলে।

সৈন্যদল নিয়ে ওসমান পৌঁছলেন পৃথল পাহাড়ের সানুতে। শিকার-সন্ধানী নেকড়ে বাঘের মতো গোপনে। নিঃশব্দ পদসঞ্চারে। সবাই লুকিয়ে রইলেন বড় গাছের আড়ালে আড়ালে।

হানাদারেরা অনেক দিন থেকেই ঘাঁটি গড়েছিল এই পাহাড়ে। উচু চূড়ার উপর বসিয়েছিল হাফা ও মাঝারি মেশিনগান। কাঁটা তারের বেড়া দিয়ে ঘিরেছিল চার পাশ। যেখান দিয়ে পাহাড়ের ওঠার পথ, সেখানে ছিল সঙ্গীনধারী কড়া পাহারা।

পশ্চিমে আকাশে প্রদোষের ক্ষীণ আলো যখন গেল মিলিয়ে, শিশু গাছের মাথায় নামলো প্রথম অন্ধকার, শেয়ালকাঁটার বনে ঝিঝি পোকারা সমস্বরে ধরলো তান, তখন আচম্বিতে একজন ভারতীয় সেপাই একটা গাছের ডাল থেকে লাফিয়ে পড়ল প্রথম পাহারাওয়ালার ঘাড়ে। শক্ত মুঠিতে গলা টিপে নিমেষে সাবাড় করলো তাকে। টুশপাট করার অবকাশ পেলে না বেচার। দ্বিতীয় প্রহরী ছিল খানিকটা দূরে। আর একজন সৈন্য গুটিগুটি এসে তাকে পিছন থেকে পিঠে বসিয়ে দিল ঝকঝকে ধারালো ছুরি। সামান্য একটু গোঙানি শব্দ শোনা গেল। তার পরেই সব নীরব, নিশ্চল। আল্লার নাম নেওয়ারও সময় মিললো না হতভাগার।

বাকী সৈন্যরা সব তখন আড়াল থেকে বেরিয়ে এল সামনে। যেন আলাদিনের প্রদীপ ঘর্ষণে পাবাণের বুক চিরে দেখা দিল দৈত্যদল।

হানাদারেরা এমন অকস্মাৎ আক্রমণের জন্যে মোটেই তৈরী ছিল না। কিছুক্ষণ বাধা দিয়েই দেখালো পিঠ। ভারতীয় বাহিনী ঘাঁটি দখল করে দেখে, অস্ত্রশস্ত্রের তো কথাই নেই, জামা, জুতো ফেলে গিয়েছে অনেকে। রসুই ঘরে পড়ে আছে দিস্তা দিস্তা গরম চাপাটি, গামলা-ভরা সুকুয়া আর

ডেকচি-ডরা বকরীর গোষ্ঠ। আহা রে ! বাছারা পালাবার তাড়ায় খাবারগুলি মুখে দেওয়ার সময় পায়নি এতটুকু !

ঝানগড়ের ঝাড়াচকে আবার উঠতে লাগল ভারতীয় নিশান। গ্যাসের আলো ছেলে সেই রাত্রিতে সেখানে হলো সমুদয় বাহিনীর পংক্তি ভোজন। নাচ, গান, হৈ-হল্লা—বিজয়ের আনন্দোৎসব। ঠিক দু'মাস পঁচিল দিন পরে ব্রিগেডিয়ার ওসমানের ঘরে প্রথম বিছানা হলো খাটিয়ার উপরে। রাজপুত প্রতাপ সিং-এর মতো তিনিও প্রতিজ্ঞা করেছিলেন যতদিন ঝানগড় উদ্ধার না হবে শত্রুর হাত থেকে, ততদিন ঘুমোবেন মেঝেতে।

নৌশেরা ও ঝানগড় যেন দেউড়ির দুই গম্বুজ, দরজার দুই পাটি। হাতছাড়া হওয়ায় প্রতিপক্ষ পড়ল বিপাকে। পাকিস্তান থেকে রসদ, অস্ত্র শস্ত্র ও সৈন্য সরবরাহের রাস্তাগুলি পড়ল ভারতীয় কামানের পাল্লায়। হলো ভারতীয় গোলন্দাজদের সহজ নিশানা। রঙের টেকার মতো ঝানগড়ের ছাউনি যার হাতে, তারই হবে জিৎ। তাই দূর থেকে হানাদারেরা মাঝে মাঝে বোমাবর্ষণ করতে লাগল ঝানগড়ের উপরে।

জুলাই মাসের আরম্ভ। সেদিন চার তারিখ। রাত্রিবেলা ঝানগড়ে শুরু হলো শত্রুর বোমাবৃষ্টি। পূর্ব, পশ্চিম, উত্তর, দক্ষিণ, ঈশান, অগ্নি, নৈঋত—কোনো দিকেই রইল না ফাঁক। দুম, দাম, দড়াম ! মুহূর্ত্তে বোমা পড়তে লাগল ভারতীয় ছাউনির উপরে। কালীপূজার রাত্রিতে শতশত উড়ন তুবাড়ি আর হাউই বাজির মতো আকাশের বুকে খেলছে শুধু আগুনের হুঙ্কার।

সকল সঙ্কটে নিজ সৈন্যের পাশে এসে দাঁড়ান ব্রিগেডিয়ার ওসমান। সেদিনও সেই অগ্নিবীতির মধ্যে তিনি আসা যাওয়া করেছিলেন এক বাছার থেকে অন্য বাছারে। খোজ খবর নিচ্ছিলেন সবাকার। এমন সময় একটা বোমা ফেটে পড়ল তাঁর সামনে। একেবারে গায়ে বললেই হয়।

ছাউনির ভাতার ও শুশ্রূষাকারীর দল করল-প্রাণপণ চেষ্টা। কিন্তু তাঁরা তো ওষুধ দিতে পারেন। প্রাণ দিতে পারেন না। রাত্রিশেষে আকাশের তারাগুলি যখন একে একে গেল নিবে, চাঁদ ঢাকা পড়ল পাহাড়ের আড়ালে, তখন ভোরের স্নিগ্ধ মৃদু বাতাসে মিশে গেল ব্রিগেডিয়ার-ওসমানের শেষ নিঃশ্বাস। ঝানগড়ের ছাউনিতে কঠিন সৈনিকেরও চোখ হলো ছলোছল। খবর পেয়ে পাকিস্তানে উঠল আনন্দরোল। পেশোয়ারে হানাদারদের শিবিরে হলো দীপালী।

পুষ্পস্তবকে সাজিয়ে বীরের মৃতদেহ বিমানযোগে নিয়ে আসা হলো দিল্লীতে। সেখানে হিন্দু, শিখ, খ্রীষ্টান, পারসিক ও মুসলমানেরা শ্রদ্ধাভরে ফুল ছড়িয়ে দিল শবধারে। জাতীয় পতাকায় ঢেকে কামানের গাড়িতে হলো পূর্ণ সামরিক সম্মানে শবযাত্রা। শবানুগমন করলেন স্কুল, নৌ ও বিমানবাহিনীর তিন সর্বাধক্ষ্য ও অন্যান্য সেনানায়ক, মন্ত্রিসভার সমুদয় সদস্য ও প্রধানমন্ত্রী নেহরু। পথের দু'ধারে নতমস্তকে দাঁড়িয়ে বইল সকল সম্প্রদায়ের সহস্র সহস্র নরনারী।

স্বাধীন ভারতে এর আগে গান্ধীজির শবযাত্রা ছাড়া আর কারো মৃত্যুতে দিল্লীতে পড়েনি এমন সর্বজনীন বিষাদের ছায়া। ঘটেনি এমন বাস্তবিক শ্রদ্ধানিবেদন।

বারো

ঘীরে ঘীরে এগিয়ে চলল ভারতীয় বাহিনীর জয়রথ। তার চাকার তলায় পিষে চূর্ণ বিচূর্ণ হলো হানাদারদের অভিলাষ, পাকিস্তানের সাধ এবং ষড়যন্ত্র। মুক্ত হলো কাশ্মীর উপত্যকা ও জম্মুর বহু শত্রুকবলিত অঞ্চল। গায়ের জোরে কাশ্মীর দখলের পরিকল্পনা হলো বিফল। শ্রীনগরের রাজভবনে পাকিস্তানী নিশান তোলার স্বপ্ন আর সফল হলো না।

ক্রমে স্বাভাবিক অবস্থা ফিরে এল কাশ্মীরে। বাবসা-বাগিচা আবার চলতে লাগল হাটে বাজারে। আগের মতো স্কুল-কলেজে বসলো ক্লাশ, আপিস আদালতে শুরু হলো কাজকর্ম। ঘীরে, ঘীরে আসতে লাগল বাইরে থেকে দেশ-ভ্রমণকারীর দল। গুলমার্গের গালিচার মতো নরম সবুজ ঘাসের চত্বরে দেখা দিল ক্যাডির কাঁধে গলফের ব্যাগ চাপিয়ে পুক টুইডের প্লাস-ফোর্স-পরা শ্রীমন্দের দল। বরফ-জমা পাহাড়ের গা বেয়ে 'শী' করার উদ্দেশ্যে টাটু ঘোড়ার পিঠে চেপে

খিলনমার্গের পথে রওনা হলো দুঃসাহসী তরুণ-তরুণীরা। খিলমের বৃকে হাউসবোটগুলির বন্ধ ঝাঁপি খুলতে লাগল একে একে। শিকারায় কাঠের কারুকাজ, কাগজমণ্ডের সৌখীন কৌটা, আর বুটিলার শালের সওদা সাজিয়ে ফিরিওয়ালার দল ফিরতে লাগল বিদেশী যাত্রীদের দুরারে দুরারে। রাজধানীর বিপদ কাটল। কিন্তু রাজার দিন ফুরিয়ে এল রাজভের। মহারাজা হরি সিং-এর সিংহাসনে পড়ল টান।

ভেরো

রূপকথার রাজপুত্র রাজা হয়, মন্ত্রীপুত্র—সচিব, সওদাগরের ছেলে সপ্ত ডিঙায় সওদা সাজিয়ে সাত সমুদ্র তেরো নদীর পারে যায় বাণিজ্যে।

কাম্বীরের অধিপতি হরি সিং কিন্তু রাজার পুত্র নয়,—ভ্রাতৃপুত্র। বুড়ো মহাবাজ প্রতাপ সিং ছিলেন হরি সিং-এর জ্যাঠামশাই। নিজের ছেলে ছিল না। ভাইপোকে তিনি রাজত্ব দিয়ে গেলেন মরার পূর্ব মুহূর্তে। অনেকেই অবাক হয়েছিল।

অবাক হওয়ারই কথা। হরি সিং-এর বাপ অমর সিং ছিলেন মহাবাজ প্রতাপ সিং-এর আপন সহোদর। শৈশবে এক মায়ের বৃকের দুধ খেয়েছেন, একসঙ্গে করেছেন খেলা, সন্ধ্যাবেলায় একই আইমার কাছে ব্যঙ্গমা-ব্যঙ্গমীর গল্প শুনে ঘুমিয়ে পড়েছেন পাশাপাশি পালঙ্কে। কৈশোরে এক শিক্ষকের কাছে নিয়েছেন পাঠ, যৌবনে একত্র গিয়েছেন মৃগয়ায়। কিন্তু বড় হয়ে তিনিই হলেন বৈরী। সিংহাসনের লোভে ভাই-এর বিরুদ্ধে দাঁড়াল ভাই। প্রতাপ সিংকে সবিয়ে নিজে রাজা হওয়ার চক্রান্ত করলেন অমর সিং। সে-কাহিনী জানতে হলে তাকাতে হবে অনেক পিছনে, একবার চোখ বুলিয়ে নিতে হবে পুরানো ইতিহাসের ধুলো-জমা পাতায়।

সে প্রায় একশ বছর আগের কথা। পাঞ্জাবকেশরী বণিজ্জিং সিং তখন শিখ সাম্রাজ্যের অধীশ্বর। তার সৈন্যদলে ছিল এক তরুণ সেনানায়ক। ডোগরা রাজপুত গোলাব সিং। যেমন বীর তেমন চতুর। খুশি হয়ে মহারাজ রণজিৎ সিং তাঁকে দান করলেন জম্মু প্রদেশ। সেনাপতি গোলাব সিং হলেন রাজা গোলাব সিং।

ধীরে ধীরে বাড়তে লাগল জম্মু রাজ্যের সীমানা। গোলাব সিং যোগ কবলেন বালটিস্থান, জয় করলেন লাডাক। তাঁর তলোয়ার আর বুদ্ধি, দুই-ই সমান ধারালো। তাঁব বৃদ্ধিতে দেবি হলো না যে, মোগলরাজ্যের দিন ফুরিয়েছে, আশা নেই শিখ সাম্রাজ্যের, ভবিষ্যৎ ভারতবর্ষে একচ্ছত্র অধিপতি হবে ইংরেজ। ততদিনে রণজিৎ সিং-এর মৃত্যু ঘটেছে লাহোরে।

উদ্যোগী পুরুষকে সুযোগ দেন লক্ষ্মী, বুদ্ধিমানেরই সহায় হয় ভাগ্য। সীমান্ত যুদ্ধে বিব্রত হয়ে ইংরেজ সাহায্য চাইল গোলাব সিং-এর কাছে। রাজা ইংরেজ সৈন্যদলকে অকাতবে দিলেন অর্থ, দিলেন আহার, দিলেন আশ্রয়। চার বছর পর ইংরেজ শিখ সৈন্য পবাজিত করে লাহোর দখল করল। অমৃতসরের সজিসুত্র দু'কোটি টাকা দিয়ে রাজা গোলাব সিং পেলেন জম্মুর পাশাপাশি সমুদয় পাশাড়া এলাকা। তার সীমাশিা সিঙ্কু নদের পূব দিক থেকে রাবি নদীর পশ্চিম তীর অবধি বিস্তৃত। তার মধ্যে আছে কাম্বীর আর গিলগিট।

গোলাব সিং নতুন রাজ্যের অধিকার পেলেন কিন্তু দখল পেলেন না। কাম্বীরের শাসনকর্তা শেখ ইমামুদ্দিন কাউকে কাছেই ঘেঁষতে দেয় না। অবশেষে জম্মু থেকে রওনা হলো সৈন্যদল। যুদ্ধে পরাস্ত হয়ে ইমামুদ্দিন মান ল হার। কাম্বীরের সিংহাসনে বসলেন মহারাজা গোলাব সিং।

গোলাব সিং-এর মৃত্যুর পরে রাজা হলেন তাঁর পুত্র রণবীর সিং। বাপের ধারা বজায় রাখল ছেলে। বহুভাবে সাহায্য করলেন ইংরেজকে। সিপাহী বিদ্রোহের সময় সৈন্য পাঠিয়ে রক্ষা করলেন অনেক ইংরেজপ্রাণ।

কিন্তু দুদিনের বন্ধুকে সূদিনে মনে রাখা ইংরেজের স্বভাব নয়। বিপদ কেটে যেতেই ইংরেজ ভুলে গেল ডোগরা রাজবংশের উপকার। ততদিনে বড়লাট ও অন্যান্য ইংরেজ বড়কর্তারা জানতে পেরেছেন কাম্বীরের সামরিক গুরুত্ব। বুঝেছেন, আফগান ও চীন এবং জারের রাশিয়াকে রুখতে

হলে গিলগিটে রাখা চাই ইংরেজ খাটি। কাশ্মীর হাতছাড়া করে নিজের হাতে নিজেদের স্বার্থ হানি করেছেন,—একথা ভেবে তাঁদের আপসোসের আর শেষ রইল না।

তখন শুরু হল নানা কুটকৌশল। নানা ছলে ইংরেজ কর্তৃত্ব বহাল করতে চাইল কাশ্মীরে। রণবীর সিং-এর বড় ছেলে প্রতাপ সিং নেহাতই নিরীহ মানুষ। রাজা হয়েও জপ, তপ, পূজা-অর্চনা নিয়েই সময় কাটান বেশী। সুযোগ পেয়ে ইংরেজ কাশ্মীরে বসালেন এক রেসিডেন্ট, মানে—নিজেদের এক খবরদারি-আপিস। তার কর্তা হয়ে এলেন স্যার অলিভার সেন্ট জন—কাশ্মীরের প্রথম রেসিডেন্ট।

কথামালার উট জালতো, জানালা দিয়ে একবার নাক গলাতে পারলে আস্তে আস্তে গোটা ঘরটা দখল করতে দেরি হয় না। সে কৌশল ইংরেজ রেসিডেন্টের অজানা ছিল না। বিশেষ করে রেসিডেন্ট স্লোডেন লোকটা ছিল যেমন খল, তেমনি খড়িলাজ। সে মহারাজের দরবারের কাউকে দেখাল লোভ, কাউকে দেখাল ভয়। দু'হাতে ঘুষ দিয়ে একে একে হাত করল কর্মচারীদের অনেককে। মহারাজার রাজস্বমন্ত্রী গোপনে যোগ দিল স্লোডেনের দলে।

একদিন সকালবেলা মহারাজ প্রতাপ সিং আফিকে বসেছেন। এমন সময় ছোট ভাই অমর সিং এসে বললেন, “দাদা, বাইরে এস; জরুরী কথা আছে।”

পূজোর আসনে বসে কথা বলা চলে না। মহারাজ ইসারা করে বোঝালেন, আফিক শেষ হতে তখনও কিছু বাকি।

অমর সিং চড়া মেজাজে বললেন, “নিকুচি করেছে তোমার আফিক। পারো তো, আগে রাজ্য সামলাও, পরে করো পূজা-পার্বণ। নিজের মাথা ঠাচাতে পারলে ঠাকুর দেবতার মাথায় গঙ্গাজল ঢেলো ঘটি ঘটি।”

মহারাজ ব্যস্ত হয়ে ঠাকুর দালানের ভিতর থেকে বেরিয়ে এলেন। জিজ্ঞাসা করলেন, “বাপার কী?”

অমর সিং বললেন, “এখানে নয়। চল শোবাব ঘবে।” সাবধানে সমস্ত দোব জানলা বন্ধ করে চুপি চুপি অমর সিং দিলেন সংবাদ। নিদাকণ দুঃসংবাদ।

ইংরেজ রেসিডেন্টের হাতে ধরা পড়েছে অনেকগুলি গুপ্ত চিঠি। সমস্তই মহারাজ প্রতাপ সিং-এর নিজের হাতে লেখা। বাশিয়ার সঙ্গে ইংরেজদের বিরুদ্ধে যড়যন্ত্র করেছেন তিনি। রেসিডেন্ট স্লোডেনকেও গোপনে হত্যা করার চেষ্টায় আছেন মহারাজ।

শুনে মহারাজের দুই চোখ থেকে জল গড়িয়ে পড়তে লাগল। বললেন, “এ শুধু মিথ্যে অপবাদ দিয়ে আমাকে রাজ্যচ্যুত করার চক্রান্ত।”

অমর সিং বললেন, “চক্রান্ত?”

মহারাজ বললেন, “হ্যাঁ, তাই, আর সে চক্রান্তে আছ তুমি।” ছোট ভাই-র দুই হাত ধরে মহারাজ কাতবভাবে অনুনয় করলেন, “ভাই তুমি কাশ্মীরের গদিতে বসতে চাও, আমি জানি। কিন্তু এমন অধর্ম ভগবান সইবেন না, এমন কাজ করো না।”

অমর সিং আমতা আমতা করে বললেন, “আমি—ইয়ে—চক্রান্ত—সে কি কথা—মানে—”

ঠাব মুখে আব কথা যোগাল না। তাড়াতাড়ি সবে পড়লেন মহারাজার সুমুখ থেকে।

মহারাজ বৃথতে বাকী বইলো না যে, রেসিডেন্ট স্লোডেন ও ভাই অমর সিং মিলে তার চাবদিক থেকে জাল পেতেছে—বিষম ফাঁদ। কিন্তু কি করে পরিত্রাণ পাবেন ভেবে না পেয়ে ফাঁদে আটকে-পড়া শিকারের মতোই তিনি অসহায়ভাবে শুধু ছটফট করতে লাগলেন। অবশেষে মহালাগিকে বললেন, নিজের ভাই যখন শত্রু হয়েছে ঠাব, তখন পবিত্রাণের চেষ্টায় আব কী ফল অর্ধেক যা আছে তাই হোক।

সেদিন থেকে অমর সিং প্রাণ কবলেন প্রতাপ সিং

রেসিডেন্ট স্লোডেন এক ‘ইবসাদ’। তাকে লেখা, মহারাজ প্রতাপ সিং স্বেচ্ছায় সিংহাসন ত্যাগ করছেন। নানা সুশাসনের জন্য ভাবত গভর্নমেন্ট যেন ব্যবস্থা করেন অর্ধদলদে

মহারাজ প্রথমে অস্বীকার করলেন সেই চিঠিতে সই করেন। কিন্তু অমর সিং ভয় দেখাতে লাগলেন অবিরত। শেষকালে তিন দিন উপবাসে ক্রান্ত অমর সিং নিকপায় প্রতাপ সিং দিলেন

দস্তখত। নিজ হাতে স্বাক্ষর করলেন নিজের বরখাস্ত পরোয়ানায়।

রাজ্য শাসনের ভার নিল এক নতুন মন্ত্রণা পরিষদ। সে পরিষদের সভাপতি হিসাবে তার প্রকাশ্য প্রধান হলেন রাজা অমর সিং। অপ্রকাশ্য কর্তা রইলেন অবশ্য রেসিডেন্ট প্রৌডেন। গিলগিটে দুর্গ তৈরী হলো ইংরেজের। তাতে কামান, বন্দুক নিয়ে জাঁকিয়ে বসলো ব্রিটিশ রেজিমেন্ট,—গোরা সৈন্যদল।

নিজের রাজ্যে নিজ রাজপ্রাসাদে এক কোণে প্রায় বন্দী হয়ে রইলেন অক্ষম, অসহায়, গদীচ্যুত মহারাজ। প্রতাপহীন প্রতাপ সিং।

নিরাশায় নিরানন্দে, তাঁর দিনগুলি মনে হয় দীর্ঘ। মাসের বুঝ শেষ নেই, বছর যেন সংখ্যাহীন, অনাদি অনন্ত। অবশেষে মরীয়া হয়ে মহারাজ নিজ হাতে এক চিঠি লিখলেন বড়লাট লর্ড ল্যান্ডাউনের কাছে! সে পত্রের ভাষা অনিপুণ, রচনা অপটু, কিন্তু ভাব সরল ও সুস্পষ্ট। তিনি বললেন, রাশিয়ার সঙ্গে ষড়যন্ত্রের কথা আগাগোড়া মিথ্যে। রেসিডেন্ট যে চিঠিগুলি দেখিয়েছেন, সেগুলি সমস্তই জাল। হয় মহারাজকে তার নিজের সিংহাসন ফিরিয়ে দেওয়া হোক, নয় তো বুকের মাঝখানে গুলী করে তাঁকে হত্যা করা হোক। এমন অপমানিত লাঞ্ছিত জীবন আর তিনি সহিতে পারছেন না।

হঠাৎ একদিন কলকাতার এক খবরের কাগজে বেরুলো এক সরকারী দলিলের ছবছ নকল। তাতে প্রকাশ হয়ে গেল কাশ্মীরে ইংরেজের কীর্তিকাহিনী, রেসিডেন্ট প্রৌডেনের কারসাজি। পার্লামেন্টে উঠল তরঙ্গ। উদারনৈতিক সদস্য চার্লস ব্র্যাডলো মহারাজের পক্ষ নিলেন। উইলিয়ম ডিগবী ছিলেন সেকালের একজন ন্যায়নিষ্ঠ ইংরেজ। তিনি মহারাজার প্রতি অবিচারের নিন্দা করলেন জোরালো ভাষায়। অগত্যা ভারত সরকার মহারাজকে তাঁর শাসনভার ফিরিয়ে দিলেন। পনেরো বছর পরে আবার কাশ্মীরের সিংহাসনে বসলেন মহারাজ প্রতাপ সিং।

তারপরে আরও কুড়ি বছর বেঁচেছিলেন তিনি। তাঁর আগেই অমর সিং মারা গেলেন। যুবক হরি সিং হলেন মহারাজের মন্ত্রিসভার একজন সদস্য।

প্রতাপ সিং-এর পাটরাণী বললেন, “পুষিপুত্র নেব আমি। আর যাই হোক, বিশ্বাসঘাতক অমর সিং-এর ছেলেকে বসতে দেব না সিংহাসনে।”

প্রতাপ সিং কিন্তু চূপ করে থাকেন। তাঁর মনের কথা কেউ জানতে পায় না।

ক্রমে মহারাজের চুলে ধরল পাক, চোখে পড়ল ছানি। বায়ু, পিত্ত, কফ কুপিত হয়ে বাধল বিশ্বাস ব্যাধি। শয্যা নিলেন তিনি। রাজবৈদ্য এসে নাড়ী দেখেন দুবেলা, চরক ও সূক্ষ্মতের শ্লোক আউড়ে বড়ি ব্যবস্থা করেন নানা রঙের, ত্রিফলার জল আর মধু দিয়ে মেড়ে খাওয়ানো হয় প্রহরে প্রহরে।

বৃথা। মহারাজের রোগের উপশম হয় না। প্রতাপ সিং বুঝলেন, তাঁর অস্তিমকাল আসন্ন। পাত্র মিত্র, সভাসদদের ডাকলেন কাছে। স্নাতৃপুত্র হরি সিং-এর মাথায় হাত রেখে বললেন, “সবাই জেনে রাখো এই আমার উত্তরাধিকারী, জন্ম ও কাশ্মীরের ভাবী অধীশ্বর।”

মহারানী ছিলেন পাশে।—তিনি ডুকরে কেঁদে উঠলেন, “হায়, কি করলে মহারাজ? শেষকালে অমর সিং-এর ছেলেকেই দিলে রাজ্যভার!”

সে প্রশ্নের জবাব মিললো না। প্রতাপ সিং ততক্ষণে চোখ বুঁজেছেন। সে চোখ আর খোলেননি।

সিংহাসনে বসে মহারাজ হরি সিং প্রথমে মন দিলেন প্রজার কল্যাণে। রাজ্যের বড় চাকরিগুলি যাতে বিদেশীরা না দখল করে সেজন্য করলেন আইন, কর্মচারীরা যাতে কাজে ফাঁকি না দেয় সেদিকে রাখলেন কড়া নজর। গ্রামে গ্রামে ঘুরে স্বচক্ষে দেখতে লাগলেন চাষী মজুরদের অবস্থা। ঝিলামে বান এলে শিকারা নিয়ে নিজে উদ্ধার করতে লাগলেন বন্যার এলাকা থেকে বিপন্ন নরনারীর দল। বিলাতে গোলটেবিল বৈঠকে বক্তৃতা দিলেন,—ভারতবর্ষের শাসন কর্তৃত্ব দেওয়া উচিত ভারতীয়দেরই হাতে। একজন দেশীয় রাজার মুখে এমন কথা এর আগে কেউ কখনও শোনেনি।

ইংরেজ গভর্নমেন্ট খুশি হলেন না। কাশ্মীরে পুরোপুরি ইংরেজ কর্তৃত্ব না থাকায় তাঁরা তুষ্ট

ছিলেন না। এখন রুই হলেন। কাশ্মীরে বিশৃঙ্খলা সৃষ্টির চেষ্টা করলেন তাঁরা।

উপায় ছিল সহজ। কাশ্মীরের প্রজারা অজ্ঞ মুসলমান। তাদের সাম্প্রদায়িক বুদ্ধি উন্মেষে দিতে কতক্ষণ? ওয়েকফিন্ড নামে এক ইংরেজ ছিল মহারাজ হরি সিং-এর মন্ত্রী। তারই মারফতে মুসলমানদের ক্ষেপিয়ে তোলা হলো কাশ্মীর ও জম্মুতে। রাজ্যের বাইরে থেকে সে অসন্তোষের আগুন যোগান হলো প্রচুর ইন্ধন। মুসলমানদের নির্যাতন করছে হিন্দু মহারাজ আর তার হিন্দু কর্মচারীরা,—এই বলে চোঁচাতে লাগল পাঞ্জাবের অর্হর এবং আহম্মাদীয়া দলের নামজাদা সাম্প্রদায়িক মুসলমানেরা আর তাদের দলের উর্দু খবরের কাগজগুলি।

লাহোরের দৈনিক শিয়াশং পত্রিকা খোলাখুলি কাশ্মীরী মুসলমানদের কাছে জানাল আবেদন,—আম্লার নামে, শপথ নিয়ে তারা জান কবুল করুক। ইসলামের মান রাখতে তারা কোতল করুক দুষমনদের, সাবাড় করুক বিধর্মী সরকার। পত্রিকার হাজার হাজার সংখ্যা রোজ বিনামূল্যে হলো বিতরণ শ্রীনগর, সপুব, বিজবিহারা ও অন্যান্য শহরে। গুপ্তচর পুস্তিকা “কাশ্মীর মজলুস” আর “মকতবি কাশ্মীর” ছড়িয়ে পড়ল হাটে বাজারে, মজলিসে, মসজিদে। সুদূর পাড়াগায়ের মকুব মাদ্রাসার মুসলীম ছাত্রমহলে। আসতে লাগল অসংখ্য, কখনও ডাকে, কখনও বা হাতে হাতে। শ্বেগুলির ছাপার কালি লাল, লেখার ভাষা হিংস্র। পড়লে নেহাত শাস্ত মানুষেরও রক্ত তেতে ওঠে, মাথাখ চাপে খুন।

রাজ্যের ভিতরে আন্দোলনের নেতা হলেন এক তরুণ শিক্ষিত মুসলমান। তাঁর নাম—শেখ মহম্মদ আবদুল্লাহ।

চৌদ্দ

কাশ্মীরের এক সাধাবণ গৃহস্থ ঘরে জন্ম হয়েছে শেখ আবদুল্লাহর। তাঁর বাপ তৈরী করতেন পশমী শাল। মা রান্না করতেন, ঘর নিকোতেন, বিকালে হাটে বেচার জন্যে উদুখলে কুটতেন শালীধানের চিড়া। স্কুলেব পাঠ সাম্প্রদায়িক কলেজে পড়তে যান লাহোরে। সেখান থেকে আলীগড়।

ভারতবর্ষে হিন্দু মুসলমান বিরোধের বীজ বুনছে ইংরেজ। তার জমি তৈরী হয়েছে আলীগড়ে। আলীগড় মুসলীম কলেজের সাহেব অধ্যক্ষ মিস্টার বেক আর থিওডর মরিসন সে মাটিতে যুগিয়েছেন সার ও জল। যত্নে বাড়িয়ে তুলেছেন সাম্প্রদায়িক হিংসাও চারা গাছ। সরকারী উৎসাহ আর উস্কানির আলো হাওয়ায় শাখা প্রশাখা মেলে পরে সে হয়ে দাঁড়িয়েছে বিরীক বিষবৃক্ষ। সর্বাস্থে তার কাঁটা। সে গাছের ছায়াতে বসে থেকে যে নিয়েছে পাঠ, সেখানকার ঘাসের উপর যে চলেছে পথ, সেখানকার বাতাস থেকে যে নিয়েছে নিঃশ্বাস সে কি হবে সাক্ষাৎ প্রেমাবতার? মরুর দেশে ফুটবে কি নাগকেশরের ফুল। আলীগড়ের ছাত্র শেখ আবদুল্লাহ যে কাশ্মীরে ফিরে মুসলমানদের ক্ষেপিয়ে তুলবেন হিন্দু বিষেবে তাতে আর আশ্চর্য কী?

তিনি প্রথমে ফতেকদলে স্থাপন করলেন এক মুসলীম পাঠাগার। সেখানে রোজ সন্ধ্যায় যে সব তরুণ পড়তে আসত তাদের মধ্যে ছড়িয়ে দিতে লাগলেন গভর্নমেন্টের বিরুদ্ধে অসন্তোষ। শ্রীনগরের শাহহামদানের মসজিদে জুম্মার নামাজে বড় জমায়েত হয়। তাতে দিতে লাগলেন উত্তেজক বক্তৃতা। অজ্ঞ মুসলীম জনসাধারণ মোল্লাদের কথায় ওঠে বসে। চতুর আবদুল্লাহ শ্রীনগরের প্রধান মীরওয়াজ মোলানা ইউসুফ শাহকে দলে টানলেন। তাঁর ফতোয়া হাতে নিয়ে গ্রামে গ্রামে গড়ে তুললেন নিজ সমর্থকের সংঘ।

কাশ্মীরের রাজকর্মচারীদের মধ্যেও অনেকে ছিল বুদ্ধিহীন। তাদের হঠকারিতায় মুসলীম জনগণের বিক্ষোভ ক্রমেই বেড়ে চলল।

এই সময়ে হরি সিং-এর ঘটল মতিভ্রম। খ্রীষ্টানেরা বললেন, ভগবান যাকে মারতে চান, আগে-ভাগে তার বুদ্ধি দেন গুলিয়ে। মহারাজ রাজাশাসনের বদলে মাতলেন প্রমোদ ভ্রমণে। রাজকার্য গেল চুলোয়, প্রজাহিতের কথা তোলা রইল শিকায়। আজ লন্ডন, কাল প্যারিস, পরশু রিভিয়ারায় কাটে তাঁর দিন। সেখানে তাঁর কীর্তি-কলাপ মাঝে মাঝে প্রায় কেলেঙ্কারির কোঠায় গিয়ে ঠেকে।

বিদেশে বিলাস বাসনের সহস্র ছিদ্রপথে দ্রুত শূন্য হয়ে আসে রাজকোষের সুবর্ণ ঝাঝিটি। তলানি সামান্য যেটুকু থাকে সেটুকুও লাগে আমলা গোমস্তার ভোগে। তখন তারা টাকার তাগিদে দরিদ্র প্রজার গলায় ট্যান্ডের ফাঁসে আরও কষে লাগান টান।

ফল ফলতেও দেবী হলো না। অতি সামান্য ঘটনাকে উপলক্ষ করেই ঘটলো বিপর্যয়। বারুদেব স্তূপে একটি ক্ষুদ্র স্মৃতিস্তম্ভই তো বৃহৎ বিফোরণের পক্ষে যথেষ্ট।

ইংরেজী উনিশ শ একত্রিশ সাল। মে মাসের মাঝামাঝি। জম্মুর পুলিশ ব্যারাকে সেদিন একজন মুসলমান পুলিশ কাজে হাজির হয়নি। তার উপরওয়ালার, —লাভরাম হিন্দু। কাশ্মীরী পণ্ডিত। তিনি এসে দেখেন, লোকটা বিছানায় শুয়ে দিবি আরামে ঘুমোচ্ছে। শাসন করতে গেলে সে উল্টে লাভরামকেই গাল-মন্দ শুরু করল। রাগে লাভরাম পুলিশের বিছানাটা টান মেয়ে ফেলে, দিলেন ঘরের মেঝেতে। বালিশের তলায় ছিল পবিত্র কোরানশরীফের কয়েকটি পৃষ্ঠা, তা ছিটকে পড়ল মাটিতে।

কী! এত বড় স্পর্ধা। কাফেরের হাতে কোরানের হতাদর? বিধর্মী করে ইসলামের অপমান? ফতেদদলের পাঠাগারে গর্জে উঠল শেখ আবদুল্লা আর তার সমস্ত দলবল। জম্মু ও কাশ্মীরে যেখানে যত মুসলমান ছিল তাদের সবার কানে পৌঁছে দিল তারা এই খবর। ধুমায়িত অসন্তোষের অগ্নিতে পড়ল ঘটাহতি।

গভর্নমেন্ট বুঝলেন ব্যাপার গুরুতর। তাঁর মন্ত্রিসভার এক সদস্যকে দিলেন তদন্তের ভার। সাক্ষ্য প্রমাণে বোঝা গেল লাভরামের দোষ নেই। বিছানার ভিতরে যে ছিল ধর্মগ্রন্থ তা তার জানা ছিল না। তবুও মুসলীম সম্প্রদায়কে খুশি করতে লাভরামকে দেওয়া হলো চাকরি থেকে অবসর। অব্যাহত তার অপরাধে অবশ্য মুসলীম পুলিশটিকে করা হলো ববখাস্ত।

মুসলীম জনমত শান্ত হলো না। শেখ আবদুল্লা এক সভা ডাকলেন শ্রীনগরে খান কোয়াইয়ুম্ভার চত্বরে। সেখানে হাজার হাজার উত্তেজিত মুসলমানের কাছে হিন্দু মহারাজ, তাঁর হিন্দু কর্মচারী ও হিন্দু প্রজাদের বিরুদ্ধে বিমোদগার করে বক্তৃতা দিল এক পাঠান। নাম আবদুল কাদের। লোকটা এক ইংরেজের ঝাধুনি—বাবুটী। মনিবের সঙ্গে সদ্য এসেছে শ্রীনগরে। গভর্নমেন্ট সাম্প্রদায়িকতার অভিযোগে তাকে গ্রেপ্তার করলেন।

তেরোই জুলাই শ্রীনগর সেম্ভাল জেলে আবদুল কাদেরের বিচারের দিন। সকাল থেকেই জেলের দরজায় জড়ো হতে লাগল জনতা। দলে দলে মুসলমান ছোট বড় শোভাযাত্রায় পৌঁছল এসে নানা অঞ্চল থেকে। তারা চোঁচাতে লাগলো, আবদুল কাদের শহিদ। তাদের মুহম্মুঃ হুজ্জাবে কাপতে লাগল জেলখানার দরজা জানলা।

অবশেষে ঝাধাভাঙা জলস্রোতের মতো বিক্ষোভকাবীর দল ঢুকে পড়ল জেলের আঙুনায়ে। জেলা ম্যাজিস্ট্রেট আর তার সহকর্মীরাও চরম নিবৃদ্ধিতার পরিচয় দিলেন। জনতাকে বুঝিয়ে শান্ত করার কিছুমাত্র চেষ্টা না করেই করলেন গুলীবর্ষণ। নিহত হলো জন দশেক, আহত ততোধিক।

কোথাও আর কোনো মাত্রা রইল না। মৃতদেহ নিয়ে মিছিল করে বিপুল জনতা রওনা হলো গোরস্থানে। দশ হাজার ক্রুদ্ধ মুসলমানের শোভাযাত্রার প্রথম সারিতে ছিলেন পাঠাগারের নেতারা। তাদের হাতে আহতদের রক্তমাখা জামা কাপড়ে তৈরী বৃহৎ পতাকা। মুখে মহারাজার বিরুদ্ধে ধ্বংসাত্মক ধ্বনি। শোভাযাত্রা তো নয় যেন আগ্নেয়গিরি থেকে নির্গত তপ্ত লাভার স্রোত।

প্রধান রাজপথ দিয়ে জনস্রোত এসে পৌঁছলো মহারাজগঞ্জের বাজারে। সেটা রাজধানীর সবচেয়ে বড় ব্যবসায় অঞ্চল। মুহূর্তে উত্তেজিত জনতা ঝাঁপিয়ে পড়ল পথচারী হিন্দু স্ত্রী পুরুষের উপর। শ্রীনগরে শুরু হলো ভয়াবহ দাঙ্গা। দেখতে দেখতে হাঙ্গামা ছড়িয়ে পড়ল বিচরনগ এবং শহরের আরও অন্যান্য এলাকায়।

হিন্দু দোকান পসার হলো লুট, হিন্দু বাড়ি-ঘর হলো পুড়ে ছাই। তিনজন হলো খুন, একশ' তেঘটি জন জখম। দাঙ্গাকাবাবো খানা করল তছনছ, টেলিফোনের লাইন করল খানখান।

ওয়েকফিল্ড তখন কাশ্মীরেই দেওয়ান। দাঙ্গার সময়ে তিনি হলেন নিঃখোজ। ক্রিং ক্রিং শব্দে মুহম্মুঃ টেলিফোন বাজছে তাঁর বাগানোতে। ভয়ার্ত হিন্দুরা জানাচ্ছেন খুন, প্রাণ, মর্যাদা রক্ষার

কাতর আবেদন। পুলিশ, ম্যাজিস্ট্রেট, সরকারী কর্মচারীরা চাইছে নির্দেশ। ওয়েকফিল্ডের বেয়ারা টেলিফোন ধরে কেবলি বলছে, “সাহেব কোঠামে নেহি হৈ।”

কখন ফিরে আসবে ?

তা সে জানে না, “সেহি মালুম।”

শেষটায় ছাউনি থেকে মহারাজার সৈন্যদল এসে গুলী করে থামালো দাঙ্গাহাঙ্গামা, শান্তি ফিরিয়ে আনলো শহরে।

গভীর রাতে দেওয়ান দিলেন দেখা। যেন আকাশ থেকে পড়লেন। “ম্যা, দাঙ্গা হয়েছে না কি ? কী আস্পর্শ ! বদমাশদের শায়েস্তা করছি এখুনি। ডাকাত ব্যাটারদের আগে পাঠাবো জেলে, ফাঁসিতে লটকাবো তারপর—।” বলতে লাগলেন ওয়েকফিল্ড।

আসল ব্যাপার বুঝতে বাকী রইল না মহারাজের। তিনি আবদুল্লা আর তার সঙ্গীদের খেপ্তার করে আটক করলেন হরি পর্বতের গারদে। ওয়েকফিল্ডকে করলেন বরখাস্ত ‘ত্যাগিয়ে দিলেন অপদার্থ অকর্মণ্য অনেক কর্মচারীকে। শক্ত হাতে দমন করলেন সাম্প্রদায়িক আন্দোলন। রাজ্যে বিশৃঙ্খলার অজুহাতে মহারাজকে সরিয়ে কান্দীরের কর্তৃত্ব হাতে নেওয়ার যে চক্রান্ত ছিল ইংরেজের, তা সফল হলো না।

পনেরো

কয়েক বছর পরের কথা।

শেখ আবদুল্লা গিয়েছিলেন পেশোয়ারে। সেখানে দেখেন এক বিরাট জনসভা। প্রায় লক্ষাধিক শ্রোতা। দীর্ঘদেহ পাঠানরা অধীর আগ্রহে শুনেছে বক্তৃতা। কৌতূহলে আবদুল্লা এগিয়ে গেলেন কাছে।

মঞ্চের উপরে শুভ খন্দেরের টুপি মাথায় বস্ত্র নাতিদীর্ঘ ঝঞ্জুদেহ, উন্নতনাসা গৌরবান্বিত পুরুষ। ললাটে বুদ্ধির দীপ্তি, চক্ষে সাহসের বহ্নি, চিবুকে কাঠিন্যের ইঙ্গিত। কণ্ঠে তীব্রতা নেই অথচ দৃঢ়তা আছে। যেন ঝকঝকে ইস্পাতের তলোয়ার। ব্যক্তিটি কে ?

বস্ত্র আর কেউ নন—কংগ্রেস-নেতা পণ্ডিত জওহরলাল নেহরু। সভা শেষ হলে শ্রোতারা জয়ধ্বনি করতে করতে নেহরুকে ভক্তের মতো ঘিরে ধরলো চারদিকে।

শেখ আবদুল্লা অবাক হলেন। তাই তো, হিন্দু নেহরু মুসলমান পাঠানদের এমন মন জয় করলেন কেমন করে ? কী তাঁর কৌশল ? কোথায় তাঁর আকর্ষণ ? গেলেন নেহরুর কাছে। একবার নয়, দু’বার নয়, অনেকবার অনেক কথা বললেন। অনেক কথা শুনলেন। জানতে পারলেন ভারতে জাতীয় সংগ্রামের ইতিহাস, কংগ্রেস আন্দোলনের ধারা।

আবদুল্লা নেহরুকে জানালেন কান্দীরে মুসলীম চাষী মজুরদের দুঃখ-দুর্দশা। হিন্দু মহারাজ তাদের শোষণ করছেন।

নেহরু বললেন, চাষীরা গরীব বলেই দুঃস্থ, মুসলমান বলে নয়। সরকার হৃদয়হীন, তার কারণ এ নয় যে তাঁরা হিন্দু বা ডোগরা, তার কারণ তাঁরা স্বৈরাচারী।

আবদুল্লার চোখ খুলল।

পেশোয়ার থেকে ফেরার পথে আরও একটি ঘটনা ঘটল। কান্দীরের এক আপেল বাগানের মধ্য দিয়ে আসছিলেন আবদুল্লা। বাগানের মালিক এক ধনী মুসলমান। নিজে দাঁড়িয়ে ফল পাড়াছিলেন। মজুরেরা হিন্দু। গাছের কোনোখানে একটি ফলও যাতে রয়ে না যায় সেদিকে মালিকের কড়া দৃষ্টি। তাঁর তাড়ায় মজুরেরা ক্রমশঃ নীচের ডাল থেকে উঠছিল উচু ডালে। মানুষের ভারে গাছের শাখাগুলি এমন ঝুঁকে পড়ছে যে, আবদুল্লার ভয় হলো, কখন বুঝি বা—কড়ড়-কড়ড়—“বুঝি বা” নয়, সত্যি সত্যিই একটা গাছের সরু আগ-ডাল ভেঙে পড়ল মাটিতে। বছর কুড়ি বয়সের একটি মজুর খপাস শব্দে হলো ধরাশায়ী।

হা হা করে মালিক ছুটে এলেন। বসিয়ে দিলেন শপাং শপাং করে কয়েক ঝা বেত। মরার

উপর ঝাড়ার ঘা। গর্জন করতে লাগলেন। উল্লুক কোথাকার, গাছের একটা ফলস্ব ডাল ভেঙে ফেললে। হায়-হায়, কত টাকা লোকসান হলো। হতভাগার মজুরি কেটে নিতে হবে সবটা। তাতেই বা ক্ষতিপূরণ হবে কতটুকু? ইত্যাদি ইত্যাদি।

আবদুল্লা ও আর পাঁচজন মিলে কোনো মতে মাটি থেকে তুললেন আহত অচৈতন্য মজুরকে। নিয়ে যাওয়া হলো তার বাড়িতে। সেখানে আবদুল্লা দেখলেন, ঠিক একই দুঃখ, কষ্ট, একই অভাব অনটন যা এককাল দেখেছেন মুসলীম শাল কারিগরদের বাড়িতে। নেহরুর কথা মনে পড়ল, জনগণের যে দুর্দশা তার মূলে ধর্ম নয়,—অর্থ।

বদলে গেল শেখ আবদুল্লার দৃষ্টিভঙ্গি, বদলে গেল তাঁর মত। বদলে গেলেন তিনি নিজে। যেন তাঁর নবজন্মলাভ।

সেবার শহরে কী নিয়ে যেন হিন্দু-মুসলমানে বাধলো এক বিতর্ক। তর্ক থেকে কলহ। কলহ থেকে ক্রোধ। তার পরেই দুই পক্ষ ইটপাটকেল ছোড়াছুড়ি। হিন্দুদের বিপদ বেশী। সংখ্যায়া তারা নগণ্য। এক ঘর হিন্দুবাড়ি ঘিরে বাস করে দশ ঘর মুসলমান।

ঝিলমের দু'নম্বর পুলের পাশে একটি ছোট হিন্দু মেয়ে জ্বরে মরে পড়ে ছিল, দু'দিন। তার সংকারের উপায় নেই। ভয়ে হিন্দুরা ঘরের বাইরে বেরোয় না। নিজেদের হাটবাজারে যাওয়া বন্ধ। শব নিয়ে আশানে যাবে কে? মড়া পোড়াতে গিয়ে নিজেরা মারা পড়বে না কি? প্রাণহীন মেয়ে কোলে নিয়ে মা কঁদে বুক ভাসাচ্ছেন রাত্রি দিন।

শুনতে পেয়ে শেখ আবদুল্লা গেলেন সেই বাড়িতে। দু'হাতে তুলে নিয়ে এলেন ছোট্ট মেয়েটির মৃতদেহ। ঝিলমের স্রোতে নিজ হাতে শিকারা বেয়ে নিয়ে চললেন আশানে। নদীর দুই তীরে শত শত মুসলমান চলল শিকারার পিছনে। তারা থিকার দিতে লাগল, “ছিঃ ছিঃ, কাফেরের মড়া পোড়াতে যাচ্ছে আবদুল্লা! শেষ কালে শেখ হলো কাভোগ!”

কাভোগ মানে ডোম।

আবদুল্লা চুঁচিয়ে জবাব দিলেন, “খেৎ, মড়ার কী কোনো জাত থাকে রে, বোকার দল?”

সেই থেকে শেখ আবদুল্লা হলেন এক নতুন মানুষ! সকল সম্প্রদায়ের লোক নিয়ে তিনি গড়লেন নতুন সমিতি। মুসলীম কনফারেন্স ভেঙে হলো ন্যাশন্যাল কনফারেন্স। বুদ্ধ শিখ সদার বুধ সিং তার সভাপতি, তরুণ ব্রাহ্মণ প্রেমনাথ বাজাজ তার কর্মকর্তা, মুসলমান শেখ মহম্মদ আবদুল্লা তার অধিনায়ক।

জনগণকে নিয়ে কাশ্মীরে শুরু হলো গণ-আন্দোলন। এককাল যিনি ছিলেন মুসলীম নেতা এখন তিনি হলেন গণনায়ক। হিন্দু মুসলমান এক সঙ্গে কণ্ঠ মিলিয়ে জয়ধ্বনি করল তাঁর “শের-ই-কাশ্মীর জিন্দাবাদ।” কাশ্মীরের ঘরে ঘরে সহস্র সহস্র অস্ত্র, অস্ত্র ও অসহায় নরনারীর কাছে তিনি আনলেন নবীন অরুণালোক। রুক্ষিত, লাঞ্ছিতকে তিনি দিলেন অভয় ও আশ্বাস। দিলেন বর্তমানের মন্ত্র ও ভবিষ্যতের স্বপ্ন। মৃতের দেশে তিনি নব ভাব-গঙ্গার ভগীরথ।

ষোলো

কৃষ্ণগে মহারাজ হরি সিং-এর প্রধান মন্ত্রী হলেন রামচন্দ্র কাক। কাশ্মীরী পণ্ডিত। লোকটা সুচতুর। গোড়াতে শ্রীনগরের প্রতাপ সিং কলেজে লাইব্রেরীর কেরানী ছিলেন কুড়ি টাকা বেতনে। সেখানে থেকে ধীরে ধীরে হয়েছেন সরকারী দপ্তরের নানা বিভাগের কর্তা, আইন সভার সভ্য, মন্ত্রিসভার সদস্য, সবশেষে দেওয়ান। রাজকার্যে তাঁর কড়া দৃষ্টি ছিল, কিন্তু রাজনীতিতে দূরদৃষ্টি ছিল না। কংগ্রেসকে তিনি করলেন মহারাজের শত্রু। তারই হুকুমে কাশ্মীর রাজ্যে গ্রেপ্তার হলেন পণ্ডিত নেহরু চিরকালের মতো বিরোধ ঘটে রইল কাশ্মীরের মহারাজ আর ভারতবর্ষের ভাবী প্রধানমন্ত্রী মধ্যে।

দূর্ভাগ্য আর গল্পের গাড়ি, আসে যখন ভিড় করে আসে। শ্রীনগরের পথে একদিন দেখা দিল এক সন্ন্যাসী। স্বামী সন্তদেব। কেউ বলে তাঁর বয়স দু'শ বছর কেউ বলে পাঁচশ। হিমালয়ের

শুহায় বসে তপস্যা করেছেন এতদিন। ভক্তরা রটনা করল স্বামীজী সিদ্ধপুরুষ। ভূত, ভবিষ্যৎ কিছু নেই তাঁর অজানা। শুধু মুখের দিকে তাকিয়ে বলে দিতে পারেন মানুষের পূর্বজন্মের অজ্ঞাত ইতিহাস, আর পর জন্মের আগাম কাহিনী।

ক্রমে তাঁর খ্যাতি পৌছল মহারাজারও কানে। স্বামীজীর ডাক পড়ল রাজপ্রাসাদে। সেখানে সম্ভবে দেবতার মতোই আসন পাকা করে বসলেন দুদিনে।

সন্ন্যাসী মহারাজকে বললেন, “ইংরেজ চলে যাচ্ছে ভারতবর্ষ ছেড়ে। তোমার ললাটে দেখছি রাজ্য ক্ষেত্রের সুস্পষ্ট সামুদ্রিক লিখন। ইংরেজী ‘এল’ অক্ষরের মতো। কোন শব্দের আদ্যে আছে ‘এল’? লাহোর এবং লাডাক। কুছ ফিকির নেই, মহারাজ, হনুমানজী কি কৃপাসে লাহোর থেকে লাডাক রাজ্য হবে তোমার।”

গুরুজীর অলৌকিক শক্তিতে বিশ্বাস হলো হরি সিং-এর।

সেদিন থেকে হরি সিং-এর কাল হলো দুই,—কাক আর সম্ভবে। যেন জ্বরের সঙ্গে বিস্ফটিকা, বাড়ার সঙ্গে বজ্রপাত। মন্ত্রী দেয় দুর্বুদ্ধি, গুরু দেয় দুরাশা। সর্বনাশের পথে দ্রুত এগিয়ে চলেন মহারাজ। অন্য সব দেশীয় রাজারা যখন একে একে যোগ দিচ্ছেন ভারত সরকারের সঙ্গে, তখন তিনি স্বপ্ন দেখেন ভারতবর্ষ আর পাকিস্তানের মাঝখানে এক বিস্তীর্ণ স্বাধীন সাম্রাজ্যের। লাহোর থেকে লাডাক। ইংরেজী ‘এল’ আছে তাঁর ললাটে! হুঃ, সে কি আর অমনি?

নদীর জোয়ারের মতো সংসারে সুযোগ আর সময়ও বসে থাকে না কারো জন্যে। মহাকাশের কাছে মহারাজারও খাতির নেই। দিন আর মাস বয়ে গেল হেলায়। স্বপ্নভঙ্গে হরি সিং যখন চোখ মেললেন, রাজধানীও তখন যায় যায়, রাজ্যপাট টলমল। অগত্যা প্রাণের দায়ে পাকিস্তানী হানাদার ঠেকাতে ধরনা দিতে হলো ভারত সরকারেরই কাছে। প্রধানমন্ত্রী নেহরু বললেন, সৈন্য তিনি পাঠাবেন। কিন্তু মহারাজের পিছনে চাই জনমতের সমর্থন।

আগের কালের রাজারা তাদের আপন খেয়ালে রাজ্য চালাতেন। রেগে কারো নিতেন শির, কাউকে চড়াতেন শূলে, খুশিতে কাউকে দিতেন ধন-দৌলত, কাউকে বানাতেন সভাসদ। রাজকন্যাসহ অর্ধেক রাজত্ব দান করতেন ইচ্ছামতো। তখন প্রজা শুধু চোখ বুজে খাজনা যোগাত, মুখ বুজে দুঃখ সহিত। পাইক পেয়াদার পকেট পুরিয়ে খালি পেটে ভাঙা গলায় ঠেঁচিয়ে বলতো, “রাজ্যেশ্বরো জগদীশ্বরো বা।”

সেদিন আর নেই। প্রজা ফেলবে কড়ি, বাজা মাথবে তেল—এ রীতি একালে অচল। এখন দেশেব লোক চায় দেশ শাসনের ভাব। রাজাকে রাজ্য চালাতে হয় প্রজার পরামর্শ শুনে। নেহরু বললেন, জননেতাকে দিতে হবে কাশ্মীরের জনশাসনের ভার।

তথাস্তু। আবদুল্লা হলেন কাশ্মীর শাসন ব্যবস্থার সাময়িক অধিকর্তা,—হেড অব য়ার্ডমিনিস্ট্রেশান।

রাজ্য সরকারের মাথা হয়েই কিন্তু আবদুল্লার মাথা গেল ঘুরে।

আসলে আবদুল্লা লোকটার নিজস্ব কোনো মত নেই। যখন যার বুদ্ধি নেন, তখন তারই কথা বলেন, যার সাথে থাকেন তারই পথে চলেন। সঙ্গদোষ বড় দোষ। তার উপবে আছে আবার ক্ষমতার স্বাদ। লোভী বালকের ভোজন স্পৃহাব মতো তা কেবলই বাড়তে থাকে।

আবদুল্লার আশপাশে আবার এসে জুটল কয়েকটি কুব ও স্বার্থপর মুসলমান। তারা রাত্রিদিন ঘিরে থাকে তাঁকে। দুধের বাটির চারপাশে যেমন ভন্ডন্ড করে মাছি। দুষ্ট সরস্বতীর মতো তারা কেবলই দুষ্টবুদ্ধি দিল অষ্টপ্রহর।

দেখতে দেখতে আবদুল্লার মন আর মতি দুই-ই আবার হলো শান্তিতে আচ্ছন্ন ও স্বার্থবোধে মলিন। জাতীয়তাবাদের উন্নত শীর্ষ থেকে ধাপে ধাপে গড়িয়ে পড়লেন সাম্প্রদায়িকতার অতল গহ্বরে। জলেভেজা পুতুলের মতো তাঁর রং ধুয়ে মুছে বেরিয়ে পড়ল ভিতরের কাদামাটির ডেলা। রূপ ঘুচে গিয়ে দেখা দিল স্বরূপ।

আবদুল্লার রাগ ছিল হরি সিং-এর উপরে ষোল আনা। মহারাজ যে তাঁকে জেলে পুরেছিলেন, সেকথা ভুলতে পারেননি তিনি কোনো দিন। কিন্তু কথামালার উটের গল্প জানা ছিল তাঁরও। দড়িতে একবারেই ঝুঁচকা টান দিলে তা’ ছিড়ে যাওয়ার আশঙ্কা। তাই আস্তে আস্তে জাল গুটিয়ে

আনলেন তিনি। এগোলেন ধীরে ধীরে, ধাপে ধাপে।

আবদুল্লা প্রথমে চাইলেন কাশ্মীরে পুরোপুরি এক মন্ত্রীসভা। হরি সিং হবেন ক্ষমতাহীন নিয়মতান্ত্রিক মহারাজ। যেমন ভারতের বিভিন্ন প্রদেশে আছে রাজ্যপাল। কাজের জন্য নয়, সাজের জন্য। নৈবেদ্যের চূড়ায় যেমন সন্দেশ, খোঁপার উপরে যেমন গোলাপ ফুল।

ভারত সরকারের অনুগ্রহে শেখ মহম্মদ আবদুল্লা হলেন কাশ্মীরের প্রধানমন্ত্রী।

কাটল কিছু কাল। হরি সিং-এর প্রতাপ নেই, কিন্তু প্রভাব আছে। সরকারী কর্মচারীরা তখনও মহারাজকেই মনে করে রাজ্যের মালিক। নিরক্ষর চাষী মজুরেরা পুরান অভ্যাসে তখনও বিপদে দেয় মহারাজের দোহাই, আমোদে আল্লাদে মহারাজের গায় জয়। সেটা প্রধানমন্ত্রীর পছন্দ নয়। ততক্ষণে ভারতীয় সৈন্যদল হানাদারদের তাড়িয়ে নিয়ে গিয়েছে দূরে। আবদুল্লা ভাবলেন, এই সময়। তিনি তাঁর ধনুকে দিলেন টঙ্কার। ভূণ থেকে বের করলেন দারুণ অগ্নিবাণ। হরি সিং-এর কপাল গেল পুড়ে।

ভারত সরকারের কাছে পত্র দিলেন আবদুল্লা, রাজ্যের জনগণ চায় না হরি সিংকে। সিংহাসন ছাড়তে হবে তাঁকে।

সে কী কথা? শুনে চমকে ওঠেন মহারাজ। ছুটে আসেন দিল্লীতে। সেখানে তাঁর সহায় কে? গেলেন নেহরুর কাছে। হায়, তিনি হরি সিং-এর বন্ধু নন। শেখ আবদুল্লার উপরেই তাঁর অটুট বিশ্বাস। রাজতন্ত্রের চাইতে গণতন্ত্রে তাঁর আস্থা বেশী। তাঁর কাছে মহারাজের অনুনয় নিষফল।

অবশেষে একটা মাসোহারা নিয়ে গদি ছেড়ে দেওয়া ছাড়া গতি রইল না আর। তরুণ যুবরাজ করুণ সিং হলেন রিজেন্ট—অর্থাৎ পিতার অবর্তমানে কাশ্মীরের রাজ্যধর। তাঁর বয়স তখনও আঠারো পার হয় নি।

রাজপুত্র না হয়েও রাজা হয়েছিলেন হরি সিং। রাজা হয়েও রাজ্য হারালেন তিনি। ইংরেজী ‘এল’ অক্ষরটা আছে আরও একটা ইংরেজী শব্দের গোড়ায়। সেটা ‘লস্ট’। গুরু সন্তদেবের তা’ জানা ছিল না। শিষ্য হরি সিং-এর তা’ মনে ছিল না। মুর্থ হরি সিং!

রাজ্যহারা হরি সিং গেলেন বসে। নিরালা নিঃসঙ্গ জীবন যাপন করতে লাগলেন সেখানে। ঘরের জানালা দিয়ে দেখা যায় অদূরে সমুদ্র তীর। বেলাভূমিতে কেবলই আছাড় খেয়ে পড়ছে ফণাতোলা সাপের মতো অসংখ্য সাগর তরঙ্গ। ঢেউ-এর পরে ঢেউ। বিরামহীন, সংখ্যাহীন। দিনের পর দিন কমহীন হরি সিং তাকিয়ে থাকেন তার দিকে। মাঝে মাঝে নিজের অজান্তেই মন উখাও হয়ে যায় দূর দূরান্তের দেশে। সেখানে পাহাড়ের মাথায় সোনালী রৌদ্রে ঝলমল করছে রূপালী বরফের আন্তরণ, চার-চেনারী, পাতায় বইছে বিরবিরে হাওয়া, ঝিলমের স্রোতে হরতনের টেকার মতো বৈঠা নিয়ে মাঝিরা বাইছে ঝালরঙাটা রঙিন শিকাবা, আমীরাকদলের পুলের কিনারায় লাঠি হাতে নিঃশব্দ দুঃখীর দল ‘মিস্কিন’, ‘মিস্কিন’, বলে, হাত বাড়িয়ে মাগছে ভিক্ষা।

সে দেশ থেকে চিরকালের মতো বিদায় হয়েছেন হরি সিং। সেখানে কোনোদিন আর ঘটবে না তাঁর পদক্ষেপ।

মন্দমতি, ষট্টনীড়, ভাগ্যহত হরি সিং।

লঘুকরণ

উৎসর্গ

সেই যে আমার নানা রঙের দিনগুলিকে

ঈর্ষায় সুকুমার রায়ের আবেল-তাবোলের কৈফিয়ৎ শীর্ষক ভূমিকাটি ঈষৎ পরিবর্তিত আকারে বর্তমান পক্ষে প্রযোজ্য। যদিও পুরোপুরি “যাহা আজগুবি, যাহা উদ্ভট, যাহা অসম্ভব তাহা লইয়াই এই পুস্তকের কারবার” নয়, তবু এই গ্রন্থটিও খেয়াল রসের বই। সুতরাং সে-রস যাহারা উপভোগ করিতে পারেননা এ পুস্তক তাহাদের জন্য নহে।”

গ্রন্থকার

রাম গরুড়ের ছানা

হাকিমেরা জ্ঞানেন, বিচারকার্য সহজসাধ্য নয়। বিচারকের দায়িত্ব একাধিক। সে-দায়িত্ব আইনের প্রতি, আসামীর প্রতি, ন্যায় এবং নীতির প্রতি। তাই জেলের চকুম দিতে নবীন ম্যাজিস্ট্রেটের দ্বিধা ঘটে; ফাঁসির আদেশ দিয়ে জজ সাহেবের মুখে অম্ম বিশ্বাস হয়, চোখে ঘুম আসে না।

অথচ মেকলে থেকে শুরু করে বেভারলী নিকলস পর্যন্ত যে-সকল ইংরেজ ঐতিহাসিক, সাংবাদিক ও ভ্রমণকারীরা ভারতীয়দের সম্পর্কে রায় দিয়েছেন তাদের কাজ কঠিন ছিল না। কারণ তাঁরা জজিয়তির ভান করে আসলে করেছেন ওকালতি। বিচারের অছিলায় বাতিল। উকীলের বুদ্ধি থাকাটা আবশ্যিক, বিবেক না থাকলেও ক্ষতি নেই। তাই আমাদের সম্পর্কে ইংরেজ লেখকদের ভাষা এবং ভাব কোনোটাই এমন হয়নি গৌড়জন যাহে আনন্দে করিবে পান সুধা নিরবধি।

বিশ্ময়ের কিছুই নেই। সংসারে একমাত্র প্রেমের দৃষ্টিতেই স্বলন অপরাধ অনুদযাটিত থাকে। রাষ্ট্রীয় বিবাহতন্ত্রে একদা অত্যন্ত আকস্মিক ভাবেই ইতিহাসের হাঁদনাতলায় ইংরেজের সঙ্গে ভারতবর্ষের গাঁটছড়া বাঁধা হয়েছিল। পুরাকালে স্বামীরা স্বীদে স্বাতন্ত্র্য দিতেন না। দিতেন আশ্রয় ও ঐশ্বর্য। সে-দিনের ইংরেজও আমাদের কর্তৃত্ব দেয়নি, দিয়েছিল নিরাপত্তা, জাতীয় ঐক্য এবং আধুনিক জ্ঞান-বিজ্ঞান ও যন্ত্রশিল্পের দীক্ষা। বহির্বিশ্বের সঙ্গে যোগাযোগ সাধনের দ্বারা ভাবতবর্ষের নিস্ত্রিত আত্মাকে সে বহুধা বিকাশের পথে উদ্বুদ্ধ করেছিল,— একথা নীরদ চৌধুরী বলার আগেও অনেকেরই জানা ছিল।

জগতে বিবাহ মাত্রেরই আদিতে কুসুম ও অস্ত্রে কটক। প্রারম্ভে প্যারাডাইস ও পরিণামে পারগেট্টী। মধুসাসের মতো মধুচন্দ্রিকারও আয়ুষ্কাল পরিমিত। হানি-মুনের পরে যে দীর্ঘ দিনগুলি আসে তাতে মোহের বদলে থাকে মুদগর, ফুলশয্যা হয় হলশয্যা। ভারত ও ইংলন্ডেব নব পরিণয়ের বিহ্বলতাও স্বাভাবিক নিয়মেই একদিন শেষ হয়েছে। তার পরবর্তী অধ্যায়ে না ছিল পূর্বরাগের ব্যাকুলতা, না ছিল উত্তর প্রণয়ের প্রশান্তি। দুপক্ষেরই গলার মালা ততদিনে গলার দড়িতে পরিণত। আশ্চর্য নয় যে, তখন একের চোখে অন্যের তিল পরিমাণ ত্রুটি বিচ্যুতি তাল পরিমাপ হয়ে দেখা দিয়েছে।

কিন্তু ত্রুটির সংজ্ঞা তো খুব নির্দিষ্ট নয়। আইনস্টাইনের অঙ্কের মতো সেটা রিলেটিভ। দেশ, কাল ও পাত্রভেদে তার রূপান্তর ঘটে। একই প্রথা বা কাজ একক্ষেত্রে গর্হিত ও অন্যক্ষেত্রে নমস্যা হয়ে ওঠে। শ্যালিকা বিবাহ বিলাতি সমাজে নিন্দনীয়। অথচ পত্নীবিয়েগে স্বীর অনুঢ়া অনুজাকে জায়জ্ঞাপে গ্রহণ করা এদেশে শুধু অনুমোদিত নয়, বিশেষ অবস্থায় 'পিতৃকূল' ও স্বশ্বকূল দুদিকেব অভিপ্রেতও বটে। ওদেশে যে সকল লজ্জাবতীরা অস্টারেটি ক্রোদস—এ পথে বিচরণ কবেন, এদেশের পুরুষদের দেহের উপরার্থ অনাবৃত দেখলে তাঁরা প্রায় মূছা যান। ইলেকশানে রাজা মহারাজারা স্বতন্ত্রপাটির ছাপ নিলে হন রিএ্যাকশনারী, কংগ্রেসের মনোনয়ন পেলে হন প্রোগ্রেসিভ। পররাজ্যভাঙ্গাস এমেরিকা করলে এ্যাগ্রেশান, চীন করলে লিবারেশান!

তবে একথা ঠিক যে, সকল দেশে এবং সকল কালেই এমন কতগুলি ব্যাপার আছে যা অনুচিত গণ্য হয়। অসত্যভাষণ যে দুর্গণীয় এবং পতিতাবৃত্তি যে অশ্রদ্ধেয় সে বিষয়ে কোথাও কোনো দ্বিমত নেই। বৃহত্তর পাপ পুণ্যের কথা বাদ দিলেও সামাজিক আচরণে এমন কয়েকটা লিখিত বা অলিখিত অনুশাসন আছে যা সকল সভ্যতায়ই স্বীকৃত। মানুষের সৃষ্টি জীবনযাত্রার পক্ষে সেগুলি অনুকূল। সিনাই পর্বতের শীর্ষদেশ থেকে যে-দশটি অনুজ্ঞা প্রচারিত হয়েছিল, অতীন্দ্রীয় সমাজেও সেগুলি শ্রদ্ধার সঙ্গে পালন করা হয়। কারণ আমার প্রতিবেশীর সুন্দরী স্বীর দিকে আমি বার দুই অপাঙ্গে তাকালে স্বর্গস্থ ভগবানের কোনো ক্ষতি বৃদ্ধি আছে কি না জানিনে; কিন্তু স্বামী ভদ্রলোকের যে সুনিদ্রার ব্যাঘাত ঘটে তাতে সন্দেহ নেই।

সুতরাং মেনে নেয়া যাক যে, দোষ ত্রুটি নামে সংসারে কতগুলি সর্বজনগ্রাহ্য বিষয় আছে। সেগুলির উল্লেখ মাত্রই দুরভিসন্ধির পরিচয় নয়। অন্ততঃ কোনো বিদেশী পর্যটক যদি কোনো দিন বলে থাকেন যে, বাঙালী হাসতে জানে না তবে আন্তিন গুটিয়ে তেড়ে না আসাই ভালো। তাতে

বিক্রম যদি বা প্রকাশ না পায়, বিবেচনার পরিচয় মিলবে।

ভ্যালেন্টাইন চীরল য়ারা পডেনিন এবং মিস মেয়োর নামটাও য়াদের কাছে অজ্ঞাত তাঁদের মধ্যেও অনেকেই নিজ অভিজ্ঞতা থেকে উপলব্ধি করেছেন যে, বাঙালীর রসবোধ, ইংরেজীতে যাকে বলে সেল অব হিউমার, অল্প। আমাদের জীবন ও সংস্কৃতিতে হাসির চিহ্ন নেই। বাংলাদেশে লক্ষ্মীর পায়ের ছাপ আছে শুধু আলপনায়, তাঁর বাহনটি দেখা যায় সর্বত্র।

পরলোকগত সাহিত্যিক চারু বন্দ্যোপাধ্যায়ের লেখা “বাংলা সাহিত্যে হাস্যরস” নামে একটি ক্ষুদ্র পুস্তিকা আছে। নামটা কিছুটা ভ্রমাত্মক। কারণ বইটির বিষয়বস্তু মূলতঃ প্রাচীন বাংলা সাহিত্য। পরবর্তী কালের সাহিত্যের উল্লেখ যা আছে তা নিতান্তই সংক্ষিপ্ত। সুতরাং আলোচনাটা আংশিক। অবশ্য কারণটা বোঝা যায়। বাংলা সাহিত্যে হাস্যরসের সংখ্যা এত প্রচুর নয় যে তা নিয়ে তিন চার খণ্ড বই লেখা যায়। পঞ্চানন্দ থেকে পরশুরাম অবধি বছর অনেকগুলি, কিন্তু রসরচনা সামান্য।

উনবিংশ শতাব্দীকে বাংলার গৌরবময় যুগ বলা হয়। সেটা একেবারে নিরর্থক নয়। ঘটী করে জন্ম বা মৃত্যুব্যবহী পালন করা যায় এমন বাঙালী একমাত্র শ্যামাপ্রসাদ ও সুভাষচন্দ্র ছাড়া সমস্তই ঐ শতকের। কলকাতা কর্পোরেশনে প্রতি সপ্তাহে রাস্তার নাম বদলাতে য়াদের নাম কাজে লাগে তাঁদের কেউ এ শতাব্দীতে জন্মাননি।

চিন্তায় ও কর্মে আচার ও আচরণে বিগতযুগের বাঙালী পরিপূর্ণ প্রাণপ্রবাহের গতিশীল উদ্ভলতায় মহিমাব্বিত হয়েছিল। একালের মাপকাঠিতে সেকালের অনেক রীতি, নীতি, সংস্কার ও অনুষ্ঠান হয়তো অর্থহীন, অনাবশ্যক, এমনকি অশ্রদ্ধেয় মনে হতে পারে। কিন্তু একথা মানতেই হবে যে, উনবিংশ শতাব্দীর বাঙালীর সমস্ত সত্তা একটা বলিষ্ঠ প্রাণশক্তির সতেজ প্রকাশের দ্বারা সমৃদ্ধ ছিল। প্রাণ-চাঞ্চল্যের অজস্রতায় তাদের জীবন ও সমাজ সেদিন বসন্তের বহুপুষ্পিত তরুণীধিকার মতো একটা বেহিসেবী প্রাচুর্যের প্লাবনে ধন্য হয়েছিল। তাঁদের অন্দরে স্ত্রী, সদরে এয়ার এবং পরিবারে আশ্রিতের সংখ্যা যেমন ছিল একাধিক, তাঁদের আহার, উদ্যার এবং অট্টহাসিও তেমনি ছিল অপরিমিত। ছেলেদের গৌফ এবং মেয়েদের নখের মতো বাঙালীর জীবন থেকে হাসিও তাঁদের তিরোধানের সঙ্গে সঙ্গেই অন্তর্হিত হয়েছে। তাই সাহিত্যে কমলাকান্ত, নাটকে নিমেষ দত্ত এবং সঙ্গীতে নন্দলালের কোনো পরিশিষ্ট নেই। ডি. এল. রায়ের পরে বাংলা ভাষায় কোনো হাসির গান রচিত হয়নি।

জানি, আধুনিক বাঙালীর শ্রেষ্ঠ পরিচয় তার সাহিত্যের মধ্যে খুঁজে লাভ নেই। রবীন্দ্রোত্তর বাংলা সাহিত্যের নিজস্ব বৈভব অল্প, পরস্ব কলরব প্রচুর। তার অহঙ্কার এবং মালার মণি নিয়ে নয়, গলার ধ্বনি নিয়ে। সুতরাং সাহিত্যের কথা থাক।

ইংরেজীতে একটা চলতি কথা আছে,—টেল মি দি কম্পানী হি কিপ্‌স, আই শ্যাল টেল ইউ দি পারসন্ হি ইজ। লোকটা কাদের সঙ্গে মেশে তা জানলেই বোঝা যায় লোকটা কী প্রকৃতির। প্রাচীন প্রবাদের ঈষৎ পরিবর্তন করে বলা যায়,—টেল মি দি প্রেস দি পিপল হ্যাভ, আই শ্যাল টেল ইউ দি পিপল দে আর। বাস্তবিক দেশের সংবাদপত্র দেখে দেশের মানুষগুলি সম্পর্কে অনেকটা সঠিক ধারণা করা চলে।

ভারতবর্ষের প্রথম ইংরেজী খবরের কাগজ ‘হিকরি গেজেট’ বাংলা দেশে প্রকাশিত হয়। কিন্তু আগে শুরু করলেই যে আগে থাকা যায় না একথা ইশপের গল্পে কে না পড়েছে?

অপ্রীতিকর হলেও স্বীকার করা ভালো। ভারতবর্ষের ইংরেজী সাংবাদিকতায় বাঙালীর আসন প্রথম সারিতে নয়। যে ইংরেজী পত্রিকার সম্পাদক প্রথম পদ্মভূষণ, তিনি বাঙালী নন, যে ইংরেজী দৈনিকের সর্বাধিক সার্কুলেশান সে বাংলা দেশে নয়, এবং যে ইংরেজী সংবাদপত্র মুদ্রণ সৌষ্ঠবে প্রথম পুরস্কৃত সে বাঙালী পরিচালিত নয়।

কিন্তু দেশীয় সাংবাদিকতার ইতিহাসে বাঙালীর কৃতিত্ব আছে। সংবাদ পরিবেশন এবং মুদ্রণ পারিপাট্যে বাংলা সংবাদপত্র অন্যান্য ভারতীয় ভাষায় প্রকাশিত পত্রিকার তুলনায় অগ্রগামী। বাঙালীর সমাজ ও জীবনের সঙ্গে বাংলা সংবাদপত্র ধীরে ধীরে অনন্য-সম্বন্ধ হয়ে উঠেছে। সুতরাং তার মধ্যে আধুনিক বাঙালীর জীবনধর্মের অনুসন্ধান করা বোধ হয় অসমীচীন নয়।

কিছুকাল পূর্বে এদেশে সদ্য আগত এক মার্কিন সাংবাদিক 'কথা'জলে আমাদের ইংরেজী কাগজগুলি সম্পর্কে মন্তব্য করেছিলেন,—ডাল, ড্রাই, ড্রিমারী। চমৎকৃত হয়েছিলাম। অনুপ্রাসের জন্য নয়, তাঁর প্রশংসনীয় পর্যবেক্ষণ শক্তির জন্য। শুধু চমৎকৃত নয়, শক্তিতও। আমাদের ভাগ্য ভালো যে ভ্রমলোক বাংলা পড়তে পারেন না।

বাংলা সংবাদপত্রের প্রচার সংখ্যা উৎসাহজনক। অবশ্য এদেশের মাপকাঠিতে। কিন্তু সেগুলি অনাবশ্যকরূপে হাস্য-লেশহীন। ধরনটা প্রায় সূনীতি সজ্জের সভাপতির মতো, শুক্ল কাষ্ঠং। মনে হয়, বুঝিবা সংসারে বীতরাগ নিরন্তর কোপন স্বভাব একদল এডিটর, সাব-এডিটর, রিপোর্টার ও প্রিন্টার ইত্যাদি মিলে দিনের পর দিন পরিপূর্ণ বিরক্তিতে সেগুলি লিখে ও ছেপে বের করছে। হাসি নেই, চটুলতা নেই, কোথাও একটু লঘু পরিহাসের বাষ্প-মাত্র নেই। সুদীর্ঘ সম্পাদকীয় ভ্রমগুলি থেকে শেষ পৃষ্ঠার শেষ লাইন—শ্রীঅমুক কর্তৃক মুদ্রিত ও প্রকাশিত পর্যন্ত—সবই যেন রক্ত চক্ষু, রক্ত কেশ দুর্বাসা মুনির মতো কটমট তাকিয়ে আছে। আগে বছরে একবার অর্থাৎ পূজা সংখ্যাগুলিতে এই কঠোপনিষদের কিছুটা ব্যতিক্রম ঘটতো। সম্প্রতি একাধিক পূর্ণাঙ্গ উপন্যাসের চাপে সেখানেও রসরচনার ঠাই মিলে না।

সাধারণতঃ অবাঙালীদের প্রতি আমাদের মনে একটা করুণামিশ্রিত অবজ্ঞার ভাব আছে। মেড়ো শব্দটা মাড়োয়ারীর অপভ্রংশ, সুতরাং ভাষাতত্ত্বের দিক দিয়ে আপত্তিকর নয়। কিন্তু প্রচলিত অর্থে সেটা শুধু মাড়োয়ার বা রাজপুতনার অধিবাসীদের বোঝায় না। আসানসোলার ওপারে—বিহার থেকে উত্তর প্রদেশ, এমনকি দিল্লী, মধ্যপ্রদেশ অবধি বিস্তৃত ভূখণ্ডে যাদের বাস—তারা সবাই বাঙালীর কাছে মেড়ো এবং অনুকম্পার পাত্র। কথটা আর যাই হোক খুব সম্মানার্থে ব্যবহৃত নয়।

আমাদের আর্থিক দুর্গতি নিয়ে বাইরের কেউ যখন খোঁটা দেয়, আমরা আর্ঘ্যভেজে দর্পভরে গলা সপ্তমে চড়িয়ে বলি,—জান, আমরা ইনটেলেকচুয়াল জাতি? জান, আমাদের রবিঠাকুর ইত্যাদি ইত্যাদি। গলায় হাঁদের জোর কম এবং লজ্জা সরম হাঁদের একেবারেই মায়নি তাঁরাও অন্ততঃ মনে মনে ভাবেন, বড়বাজারের খুনখুনওয়ালাদের ব্যবসা, বাণিজ্য বিরাট বাড়ি ও বিশাল গাড়ি আছে বটে কিন্তু কালচার নেই। বাঙালীর টাকা নেই, কিন্তু রিফাইনমেন্ট আছে। মেড়োদের কাছে তাঁদের চাইতে চাঁদির কদর বেশী। ছ্যা।

বাইরে কারো কাছে তর্কে হারতে বলিনে। কিন্তু ঘরে ফিরে একান্তে একবার আত্মজিজ্ঞাসা করতে ক্ষতি কী? তামিল ভাষায় চৌবটি পৃষ্ঠার সাপ্তাহিক কৌতুক পত্রিকা আনন্দ নিকেতনের প্রচার সংখ্যা দু'লক্ষ পঁচাত্তরের কাছাকাছি। বাংলায় হাসির পত্রিকা অধুনালুপ্ত সচিত্র ভারতের আকার, প্রচার ও স্থিতিকাল স্মরণ করতেও লজ্জা বোধ হয়। ব্যঙ্গ কৌতুকের লেবেল ললাটে এঁটে যে শনিবারের চিঠি সাহিত্যের আসরে নেমেছিল অল্পদিনেই তার চেহারা পাণ্টাতে হয়েছে। অন্য আর পাঁচটা মাসিক পত্রিকার মতো পরে তারও ছিল গলায় রক্তাক্তের মালা, গায়ে সম্মাসীর বেশ, শিরে জটাজাল এবং বদন আবাড়স্য প্রথম দিবসে নবজলধর আবৃত নভোমণ্ডলের ন্যায় গুরুগম্ভীর।

সম্পাদককে দোষ দেওয়া বৃথা। গভর্নমেন্ট সম্পর্কে একটি অতি পুরাতন উক্তি এই যে, দেশের লোক যে-রকম শাসনের যোগ্য ঠিক সে-রকম শাসনতন্ত্রই তারা পায়। এই খাঁটি কথাটা সংবাদপত্র সম্পর্কেও খাটে। কারণ একথা অস্বীকার করে লাভ নেই যে, সিনেমা প্রযোজকের দৃষ্টি যেমন বক্স আপিসের দিকে, পত্রিকা প্রকাশকেরও একটা চোখ থাকে সার্কুলেশনের খাতায়। অতি উৎসাহী সম্পাদককেও কিছুদিন পরেই দীর্ঘনিশ্বাসের সঙ্গে মেনে নিতে হয় যে এদেশে রসের নিবেদনটা নিতান্তই অরসিকেসু।

জীবনে হিউমরের অভাবকে ক্রটি বললে কম বলা হয়। তাকে বলা উচিত অভিশাপ। বাঙালীর সকল সংস্কৃতির ক্ষেত্রে তা সংক্রামিত। বাংলা নাট্যশালায় প্রহসন নামে কোনো বস্তু নেই। হাসির নটিক সেখানে মাঝে মাঝে বা অভিনীত হয় তা দেখে হাসা যায় না,—হাসি পায়। বাংলা সিনেমায় হাসাবার চেষ্টা তো রীতিমতো হাস্যকর।

যা হওয়া উচিত বা যা হতে পারত তার বিপরীত কিছু ঘটান মথোই আছে হাসির উৎস। কিন্তু

অপ্রত্যাশিত ঘটনামাত্রই হাসির উপাদান নয়। দু'পায়ে চলা মানুষের রীতি। সুতরাং সার্বাসে যে লোকটা দু'হাতে ভর দিয়ে চলে সে আমাদের বিশ্বাসের উদ্বেক করে। কারণ তাতে অসম্ভবের অংশটুকু প্রধান। কিন্তু যে বিপুলকায় ব্যক্তি চলতে গিয়ে পথের কদমীবৃক্ষের পদাঙ্কন হেঁচু অতিক্রম ৫ ধাপস শব্দে ধরাশায়ী হন, তিনি দর্শকের হাসির উদ্বেক করেন। পূর্ণবয়স্ক লোকের পতনটা একেবারে অসম্ভব নয়,—অস্বাভাবিক। মানুষের আকৃতি সম্পর্কে আমাদের মনে একটা চিরন্তন ধারণা আছে। কেশশূন্য মস্তক, সুদীর্ঘ লম্বমান শুণ্ণ ও উদরের বিরাট পরিধি সহ কর্ণেল ব্লিম্প সে ধারণাকে অতিক্রম করে অথচ পুরোপুরি অবিচ্ছাদ্য কোঠায়ও পৌঁছায় না। তাই কার্টুন হিসাবে সে সার্থক সৃষ্টি। সে হাসির উদ্বেক করে; কিং কং জাগায় বিশ্বাস।

স্বাভাবিক যখন বিকৃত আকৃতি বা অস্বাভাবিক আচরণের মধ্য দিয়ে অসামঞ্জস্যরূপে দেখা দেয়, তখনই তা হাস্যরসের সৃষ্টি করে। জাত বৈষম্যের কন্যা যদি সূত্রধরকে রন্ধনশালায় প্রবেশে বাধা দেয় তা হলে সেটা অস্পৃশ্যতা নিবারণ আইনের আওতায় আসে কি না জানিনে। কিন্তু বিশ বছর এক সঙ্গে ঘর করার পরেও টগর বোষ্টমী যখন রেস্ট্রনের নন্দ মিস্ট্রীকে শুধু সাত পাকের সোয়ামী নয় এই যুক্তিতে হেসেলে ঢুকতে দেয়না তখনই তা হাসির খোরাক যোগায়।

কোনো একটা বিশেষ বয়সে যুবকেরা প্রথমে বিয়ের প্রস্তাবে অনিচ্ছা প্রকাশ করে। এটা স্বাভাবিক। পরে কোনো একটি ধনীকন্যা অথবা রূপসী তরুণী দেখলে বিয়ের জন্য ব্যগ্র হয়। এতেও নূতনত্ব নেই। কিন্তু চুলের কাঁটা, গানের খাতা দেখা মাত্রই চিরকুমার সভার যৎ সফল সদস্যের কৌমার্যের অস্তিমদশা উপস্থিত হয় তাদের কাহিনী ন্যায্যতই প্রহসনের বিষয়।

আমাদের জীবনে এবং জীবনের নানা অভিব্যক্তিতে হাসির অভাবদ্বারা যদি একথা প্রমাণিত হয় যে, আমরা অসঙ্গতি ও অসামঞ্জস্য থেকে সম্পূর্ণ বিমুক্ত তবে ক্ষোভ ছিল না। পরিতাপের বিষয়, চিন্তায়, কর্মে, জীবনযাত্রার প্রতি পদক্ষেপে আমরা অহরহ কেবলই হাসির উপকরণ পুঞ্জীভূত করে তুলছি। বৈজ্ঞানিক অধ্যাপক স্ত্রীর হিস্ট্রিবিয়া নিরাময়ের জন্য স্বপ্নাদ্য মাদুলী খুঁজে বেড়াচ্ছেন। বিস্তবান জমিদার-নন্দন কার্ল মার্কস উদ্ধৃত করেছেন, বাঘা বামপন্থী গভর্নমেন্টের পারমিট সংগ্রহের চেষ্টায় আছেন এমন দৃষ্টান্ত খুরি খুরি। আমাদের মেয়েরা একই সঙ্গে বোডশ শতাব্দীর উজ্জয়িনীর জনপদবধূদের অনুকরণে কঙ্কন এবং বিংশ শতাব্দীর মার্কিন তরুণীর অনুসরণে জাম্পার পরিধান করেন। ছেলেরা একাধারে জঙ্ঘ-নিরোধ ও ঠিকুজীতে বিশ্বাসী। ভোজনে একই সঙ্গে সুফলে ও সন্দেশ এবং ককুতায় কমিউনিজম ও জন্মাস্তরবাদ। এমন দেশটি কোথাও খুঁজে পাবে নাকো তুমি।

হাসির কারণ হওয়া সহজ; হাসি উপভোগ করা কঠিন। প্রথমটির জন্য চেষ্টার প্রয়োজন নেই। দ্বিতীয়টির জন্য চাই নির্লিপ্ত দৃষ্টিভঙ্গী ও নিরাসক্ত মনোভাব। সেটা অনুশীলন ও শিক্ষা সাপেক্ষ। মোহনবাগান শীত ফাইনালে হারলে যেখানে বিব খাওয়ার গল্প আছে, সেখানে আত্ম নিরপেক্ষ বিচারবুদ্ধি সহজলভ্য নয়। এদেশে মতভেদ ঘটলে মনোভেদ হয়। কথা কাটাকাটি থেকে মাথা ফাটাফাটি ঘটে।

গ্রীষ্মে স্নিগ্ধকারী ও শীতে উষ্ণতাদায়ক রূপে বিজ্ঞাপিত এক পানীয় সম্পর্কে ক্রোনো এক বাংলা পত্রিকার সম্পাদকীয় প্রবন্ধে একদা একটু নির্দোষ রসিকতার আভাস ছিল। ফলে পরের দিনই পত্রিকায় ঐ কোম্পানীর মোটা টাকার বিজ্ঞাপনের কষ্ট্রাষ্ট্র নাকচ হওয়ার উপক্রম। একটি নিরীহ রসরচনা প্রকাশের ফলে জনৈক তরুণ সাহিত্যিকের বন্ধুবিচ্ছেদ, স্বজন বিরোধ, এমনকি পত্নীলাভে বিশ্ব হটেছিল, এমন জনশ্রুতি আছে। বিয়ের কথাবার্তা যখন প্রায় পাকা, শুধু পাঞ্জি দেখে শুভদিন নির্ধারণটুকু বাকী, তখন সম্ভবপর স্ত্রীর মেজদা পশুপতিবাবু হঠাৎ সম্বন্ধ ভেঙে দিতে চান। তাঁর দৃঢ় বিশ্বাস ছিল, ভাবী বরের রচনায় “এ জগতটা এক বিচিত্র পশুশালা” এ লাইনটা তাঁকে লক্ষ্য করেছে লেখা।

আমাদের রসবোধ যথেষ্ট তীক্ষ্ণ নয় বলেই পরিহাসকে আমরা পরিবাদ জ্ঞান করি এবং সে কারণেই কৌতুক ও ভাড়াতির প্রভেদ বেশীর ভাগ বাঙালীর নিকট খুব পরিষ্কার নয়। শিড়ির নীচে সুপারী রেখে জামাইকে আছাড় খাওয়ানোকে আমাদের দেশে বলে রসিকতা এবং নির্জলা গালাগালিকে ঠাট্টা। নাটকে সিনেমায় কমিক বলতে বোঝায় পূর্ববঙ্গীয় অর্থাৎ বাঙাল উচ্চারণ;

বাসরঘরে রসিকতার অর্থ শ্যালিকার হাতে কানমলা। বাংলাদেশে সাংবাদিক আছেন, সাহিত্যিক আছেন, কবি ও শিল্পী আছেন একাধিক। নেই কার্টুনিস্ট। কলকাতায় বাজারে ল্যাংড়া আম, হেঁসেলে ঝাধুনী এবং রাস্তায় ট্যান্ড্রি ড্রাইভারের মতো দৈনিক কাগজের সার্থক কার্টুনও বাংলার বাইরে থেকে আসে।

প্রতিবাদের যুক্তি অনুমান করা কঠিন নয়। “বাঙালীর অভাব, অনটন, বেকার সমস্যা, অবাঙালীদের বাঙালী বিদ্বেষ, দিল্লী সরকারের উপেক্ষা ইত্যাদি”—বাংলা সংবাদপত্রের সম্পাদকীয় নিবন্ধের নিত্যকার অবলম্বন।

অভাব, অনটন আছে। হয়তো বেশী পরিমাণেই আছে। কিন্তু পাটালি গুড় বা জামদানী শাড়ির মতো দুঃখ দৈন্য তো একমাত্র বাংলাদেশেরই নিজস্ব বিশেষত্ব নয়। দারিদ্র্যের তো কোনো সোল এজেন্সি নেই। উত্তর ভারতে দেখা যায়, মজুর মেয়েরা দিন শেষে গোখূলি বেলায় কর্মক্ষেত্রে গৃহে ফিরছে। কেউ সারাদিন রাজমিস্ত্রীর কাজে ইট যোগান দিয়েছে, কেউবা মাটি কেটে পি-ড্রিউ-ডির রাস্তা বানিয়েছে। কারো কাঁকালে শিশু কারো মাথায় ঠুঁটুলি ঝাঁধা বাজরা, কারোবা কাঁধে পথের পাশে কুড়িয়ে পাওয়া ছালানি কাঠের আঁটি। ঘাগড়া দুলিয়ে বা আঁচল উড়িয়ে দল বেঁধে চলেছে। তাদের হাস্য পরিহাস এবং সম্মিলিত সঙ্গীতে পথঘাট আলোড়িত বললেই চলে। তাদের একটি সন্ধ্যার কাকলি কলবর দেখে বাঙালী পথিকের মুখব্যাদন দীর্ঘ হয়। বাজি রেখে বলা যায়, বম্বাল সেনের রাজত্ব কাল থেকে প্রফুল্ল সেনের আমল পর্যন্ত বাংলা দেশের মুটে মজুরেবা একযোগে এতখানি হাসেনি। অথচ অনাহার ও অনটন সেদেশে কিছু অশ্রুতপূর্ব নয়। রাজপুতনার অনেক অঞ্চলে ওজন করে জল কিনতে হয়। এবং সেটা জলের দবে নয়।

জীবন যতিপতনহীন হৃদোবদ্ধ কাব্য নয়। বার্থতার ব্যথা ও পবাজয়েব বেদনা দ্বাৰা তা ক্ষণে ক্ষণে খণ্ডিত। জানি, সংশ্লিষ্ট ব্যক্তির পক্ষে তা অগ্রাহ্য করা কঠিন। আপন পবাতবেব গ্লানি নিয়ে হাস্যপরিহাস দুরূহতর। কিন্তু ফুটবল মাঠের দর্শকের মতো নিরাপদ দূরত্বে গ্যালারীতে দাঁড়িয়ে (হায়, ফুটবলের মাঠ কি আর নিরাপদ আছে? কোন একটি বিশেষ দল না জিততে পারলে রেফারীর তো কথাই নেই, দর্শকদেব মধ্যেও অনেকের শারীরিক নিবাপত্তা বিপন্ন হতে কতক্ষণ। ধান ইট বা সোডার বোতলকে যারা স্বাণু পদার্থ বলে জানেন তারা নিশ্চয়ই লীগ বা শীল্ড ম্যাচেব সঙ্গে যথেষ্ট পরিচিত নন!) যারা সেই পতন অভ্যাদয় বন্ধুর পন্থা ও তার অগণিত ধাবিত যাত্রীদের অবলোকন করার সুযোগ পান সেই ব'ঙ, নী সাহিত্যিকেরা কি সেখানে কোনো হাসিব উপকবণ দেখেন না? বিখ্যাত ইংরেজী রসবচয়িতার একটি বিশিষ্ট উক্তি আছে,—দুঃখ থেকেই হাসিব জন্ম। স্বর্গে দুঃখ নেই, তাই সেখানে হাসিও নেই। স্বর্গে এখনও যাওয়া ঘটেনি, সেখানকাব কোনো খবরও রাখিনে। কিন্তু বাংলাদেশ যে স্বর্গরাজ্য নয় একথা বোধহয় সবাই মানেন। অবশ্য মন্ত্রীমণ্ডলী ও পার্লামেন্টারী সেক্রেটারীরা ছাড়া।

প্রথম মহাযুদ্ধের সময়ে ব্রিটেনের প্রধানমন্ত্রীর এক্ষুইথ সম্পর্কে একটি কিংবদন্তী আছে। যুদ্ধেব যখন অত্যন্ত সঙ্কটময় মুহূর্ত, জার্মেন অগ্রগতির মুখে ইংবেজেব প্রতিরোধ ব্যবস্থা বিধ্বস্তপ্রায়, তখন এক নিদাঘ সন্ধ্যায় তাঁকে এক বন্ধুগৃহে ব্রিজ খেলতে দেখা যায়। কাহিনীটি হয়তো সত্য, হয়তো বা কল্পিত। কিন্তু বিশেষ তাৎপর্যপূর্ণ। কেন যে প্রচুব যুদ্ধান্ত্র, অপরিসীম বীরত্ব ও গোড়ায় বিশ্বয়কর সাফল্যের পরেও জার্মেনী পরাজিত হয় এবং ইংরেজ সন্ধির শর্ত নির্দেশ করে, এই গল্পের মধ্যে তার কিছুটা ইঙ্গিত পাওয়া যায়।

যে সকল দেশনায়ক দেশের দুঃখ, দুর্দশা, অভাব অভিযোগকেই একমাত্র সত্য জ্ঞান করে এই রূপ, রস, আলো ও গন্ধভরা জননী বসুন্ধরার দিক থেকে মুখ ফিবিযে আছেন এবং অহর্নিশি তারস্বরে ‘ইনকিলাব’ ধ্বনি দ্বারা গগন বিদীর্ণ করাকেই পৃথিবীতে একমাত্র সাব জ্ঞান করেন তাঁবা নিশ্চয়ই নমস্যা লোক। তাঁদের নিন্দা করিনে। কিন্তু সবিনয়ে তাঁদের একথাটা স্মরণ করিয়ে দিলে বোধহয় অন্যায় হবে না যে, ধনুতে সর্বদা জ্যা যুক্ত করে বাখলেই তার তীরক্ষেপণ ক্ষমতা বাড়ে না, বরং কমে।

সমাজের অসচ্ছল শ্রেণীর কথা না হয় ছেড়ে দেওয়া গেল। বিত্তবানদের কথাই ধবা যাক। অর্থ যাদের অভ্রম্ব এবং অবসর যাদের অখণ্ড তাঁদের সংসারেও হাস্য পরিহাস আনন্দমুখব

পরিবেষ্টনটি সহজে দৃষ্টিগোচর নয়। সম্পন্ন বাঙালী গৃহে ভোজের অনুষ্ঠানে দেখা যায়, অনুরোধ উপরোধে অতিথিকে ক'খানা মাছের ফ্রাই খাওয়ানো যায় গৃহকর্তার শুধু সেই উৎকণ্ঠা। পেটে জায়গা নেই? আহা তবুও নিন না আর একখানা। পাতেই যদি কিছু পড়ে না রইল, তবে আর পাত পাঠা কেন?

যারা নিমন্ত্রিত তাঁরাও এতেই অভ্যস্ত। তাঁরা আসেন, পংক্তিতে বসেন, আহার সমাধা করেন, তার পরে ক্রমালে হাত মুছে পান মুখে পুরে উর্ধ্বশ্বাসে ট্রাম বা বাস ধরতে ছোটেন। না আছে দু'দণ্ড বসে বিশ্রান্তলাপ, না আছে পরিহাসকুশল বাগবিভূতি। হাস্য, কৌতুক, গান, গল্প ও হাল্কাধরণে ক্রীড়াকৌশলের মধ্য দিয়ে যে বন্ধুসমাগমকে আনন্দ রসঘন করে তোলা যায়, একমাত্র গলদা চিংড়ির কটলেটের উপরেই যে ভোজসভার উৎকর্ষ নির্ভর করে না এ তথ্য অনেক আধুনিক বঙ্গললনাই অবাঙালীদের কাছে শিখতে পারেন।

সামাজিক ভোজের নিমন্ত্রণে মেয়েরা ধারা আসেন তাঁবাও হাসিতে, খুশিতে, সহজ বাকপটুতা ও সাবলীল গতিতে বিশিষ্টা নন। অপাঠ্য উপন্যাসেব অতিবর্ণিতা প্রচ্ছদপটের মতো তাদের দ্যুতিও তাঁদের ঝলমল করা শাড়ি ও গয়নার মোড়কে। অকুণ্ঠিত পরিহাসপটু, সজীব ও নেকামিবর্জিত, সহজ, সতেজ, অথচ স্নিগ্ধ বাঙালী তরুণী প্রায় ভেজালহীন ঘি-এব মতো দুর্লভ এবং খন্দরহীন নেতার মতো অভাবনীয়। তাঁবা বেশীর ভাগই স্বর্গীয় সুকুমার বায়ের ছড়া বিশেষকে স্মরণ করিয়ে দেন।

আমাদের প্রাত্যহিক জীবনযাত্রায় আনন্দের অভাব সম্পর্কে অনেকেই সচেতন নন। তাঁরা তিরস্কারে: যোগ্য নন, কৃপার পাত্র। কিন্তু এ নীবস, নিরানন্দ জীবনযাপনকে যারা আমাদের সারবত্তার অর্থাৎ সিবিয়াসনের পবিচয় জ্ঞান করে আত্মপ্রসাদ লাভ কবেন তাঁরা হয় আত্মপ্রতারক, নয়তো কাণ্ডজ্ঞানহীন। আলো জিনিষটা হাল্কা। কিন্তু সে তৃণলতায় যোগায় প্রাণ; জলে, স্থলে, অসীম নভোমণ্ডলে মাখায় বং। অঙ্ককাব গুরুভার। তাতে আছে কেবল ভয়। সে শুধু নীবস নয়, নিবেটও বটে। এসস্তে পীচিব শাখায় অকারণ শিহরণ জাগিয়ে যে অজস্র ফুল ফোটে সেটা হিসেবী লোকের কাছে ত্যাবশ্যক চপলতা মনে হতে পারে। কিন্তু তারই পরিণতি ফল। বাবল্যব ডালে থাকে অসংখ্য কাটা। তাতে ফলের আশ্বাস নেই। আছে পট করে গায়ে বিধবার আশঙ্কা। সেটা যথেষ্ট সিবিয়াস সন্দেহ নেই, যদিও ভিন্ন অর্থে। বাস্তবিক, বিরসবদন মাত্রই বিদগ্ধ মনের প্রতীক নয়, ঠিক যেমন গেক্সা বসন মাত্রই নয় সাধুত্বের গ্যারান্টি। সংসারে বেশীভ ভাগ মুখই গোমড়া হয় বিজ্ঞতায় নয়, অজ্ঞতায়।

উত্তরাধিকার এবং পারিপার্শ্বিক—হেবিডিটি অ্যান্ড এনভারনমেন্ট—এ দুয়ের মধ্যে কোনটি দ্বাবা মানুষের প্রকৃতি প্রভাবান্বিত হয় সে সম্পর্কে একটা অসুস্থান তর্ক আছে। সুতরাং সে প্রশ্ন না তোলাই ভালো। তবে যুগধর্মটা দু'পক্ষই স্বীকার করেন। আধুনিক বাঙালীর জীবনদর্শন যুগের প্রভাব দ্বারা কতখানি চিহ্নিত সে প্রশ্ন সযত্ন গবেষণার অপেক্ষা রাখে। একথা ঠিক যে, তার জীবন ও সংস্কৃতি বর্তমানে নানা পর্বস্পর্শবিরোধী শক্তির আকর্ষণ ও বিকর্ষণে বিপর্যস্ত। যুগপরিবর্তনের মধ্যপথে সেটা অপরিহার্য। দিন ও রাত্রির সন্ধিক্ষণটি যেমন দিবসের দীপ্তি ও নিশীথের গাভীর উভয় বৈশিষ্ট্য থেকেই বঞ্চিত, সমাজের বিবর্তনকাল—পিরিয়ড অব ট্রানজিশানও তেমনি নিষ্ফল। পুরাতনকে বর্জন এবং নূতনকে গ্রহণ—এ দুয়ের কোনোটিই তখন পুরোপুরি হয়ে ওঠে না। ফলে যা দাঁড়ায় তা ত্রিশঙ্কর স্বর্গারোহণপর্বের ন্যায় কঁকরুণসাম্যক।

বাঙালী জীবন ও সমাজে এখন এই প্রদোষকাল, যার না আছে প্রভা না আছে প্রশান্তি। আমরা ফরাস ছেড়েছি, কিন্তু চেয়ারেও সম্পূর্ণ অভ্যস্ত হইনি। কৌচের উপরেও পা তুলে না বসলে আমাদের অস্বস্তি হয় না। আশ্চর্য নয় যে, আমাদের সোফাসেটের কুশন বছর-খানেকের বেশী টেকে না।

দোটার প্রতিক্রিয়া আছে আমাদের অশন, বসন ও আহারে, বিহারে। প্রাচীন সমাজে মজলিস নামে একটা ব্যাপার ছিল। সেখানে আলাপ আলোচনা সর্বদাই সুরুচির সীমানা মেনে চলতো, এমন কথা বলা চলে না। কিন্তু তাতে প্রচুর প্রাণ এবং প্রচুরতর হাস্যপরিহাসের সম্ভান মিলত। তাকিয়া, তাঁমাক ও সতরঞ্জ সহ সে বারোয়ারী মজলিসগুলি কলকাতার রাজপথ থেকে

ফিটনগাড়ির মতোই অঙ্কুরিত। অথচ ক্লাবকেও আমরা আন্তরিক সঙ্গ প্রদান করতে পারিনি। ক্লাবে বাঙালী ব্রিজ খেলতে পারে, বড়া বা ছোটো পেন্সন করতে পারে কিংবা অত্যন্ত দুঃসাহসী হলে নিত্য পরিচিত একান্ত নিরাপদ পার্টনারের সঙ্গে দু'পাক ওয়লজ চেষ্টা করতে পারে; প্রাণ খুলে হাসতে পারে না। কারণ ক্লাব বস্তুটা আমাদের সমাজের গায়ে চেপে বসেনি, ডিনার জ্যাকেটের নীচে শার্টের স্টিফ ফ্রন্টের মতো খাড়া হয়ে আছে।

জগতে সমস্ত চেষ্টা দ্বারা অনেক কিছুই আয়ত্তে আনা সম্ভব। কিন্তু হাসির ক্ষমতা আয়াসলভ্য নয়। কষ্ট করে ব্ল্যাক কফি গেলা রপ্ত হয়, কষ্ট করে কাযদামাফিক দস্তবিকাশও অসাধ্য নয়। কিন্তু কষ্টকরে সহজ সরল হাসি হাসা যায় না। সেটা স্বতঃস্ফূর্ত, ইংরেজীতে যাকে বলে স্পটেনিয়স। মার্কারের কাছে বিলিয়ার্ড বা কনভেন্টে পড়ে এ্যাকসেন্টের মতো সেটা শেখার বিষয় নয়।

প্রশ্ন হতে পারে, তবে কি আমরা একেবারেই অপদার্থ?

নিশ্চয়ই নয়। ঈশ্বরচন্দ্র বিদ্যাসাগরের 'বোধোদয়' যারা পড়েছেন তাঁরা জানেন যে, "আমরা ইতস্ততঃ যাহা কিছু দেখিতে পাই তাহাই পদার্থ।"

খাপছাড়া

পরিবারে নূতন বধূটি আগন্তুক। বংশ বিচারে যেখানে স্বঘর এবং কোষ্ঠী অনুসারে যেখানে রাজঘোড়ক, সেখানেও পিতৃপরিচয়ে সে ভিন্নকুলোদ্ভবা। স্বামীগৃহে গাছের ডালে পাতার মতো সে সহজাত নয়, জড়িয়ে-ওঠা লতার মতো বহিরাগত।

বাইরে থেকে এসেও এই বধূই ধীরে ধীরে ঘরের ঘরানী গৃহিণী হয়ে ওঠে। নূতন পরিবেশ ও পরিজনের সঙ্গে সে এক হয়ে মিশে যায়। তখন সে স্বশ্রুকুলেরই অবিচ্ছেদ্য অংশ। কিছুকাল পরে নিজের পিতৃকুলের কথা তার নিজেরই বুঝিবা তেমন মনে পড়ে না। বাংলার পল্লী অঞ্চলে একটি অতিপ্রচলিত ছড়া আছে,—

কান্দিয়া কেন মর ?

আপনি ভাবিয়া দেখ কার ঘর কর।

সদ্যবিবাহিতা কন্যার আসন্ন বিচ্ছেদ বেদনায় অশ্রুমুখী জননীকে লক্ষ্য করে অজ্ঞাতনামা গ্রাম্যকবির এ রচনাটি বিশেষ তাৎপর্যপূর্ণ।

ভাষাতত্ত্বেও অনুরূপ গোত্রান্তরের দৃষ্টান্ত আছে। ভাষার উৎপত্তি এবং প্রসার নিয়ে যারা গবেষণা করেন তাঁরা জানেন, ধনের মতো ভাষারও বৃদ্ধি ঘটে সংযোজনে। বাস্তবিক, জগতের সমস্ত জীবন্ত ভাষায়ই ভাষান্তর থেকে শব্দ গ্রহণের চিহ্ন আছে। সেটা অপহরণ নয়, আহরণ।

বিভিন্ন ভারতীয় ভাষায় এমন অনেক শব্দ আছে যেগুলি তাদের নিজস্ব নয়। বহু ব্যবহারের ফলে সেগুলি ক্রমশঃ ঐ সব ভাষার অঙ্গীভূত হয়ে গেছে। তাদের মূলের কথা সবাই ভুলে গেছে। কলম যে বাংলা শব্দ নয় একথা যারা কলম চালিয়ে খান তাঁরাও অনেকেই জানেন না। ইঞ্জিন কথাটা আছে ওয়েবস্টার ডিক্সনারীর পাতায়। কিন্তু বিহারের গণ্ডগ্রাম নিরক্ষর চাষীর কানেও সেটা আজ আর অশ্রুতপূর্ব নয়। শুচিধর্মী সনাতনী পুরুষোত্তমদাস ট্যান্ডন, যিনি জুতা, চিনি ও সাবান বর্জন করেছিলেন, তিনিও অবিচলিত চিত্তে রেল ব্যবহার করেছেন, অনাবশ্যক লৌহাবস্ত্রের খোঁজ করেননি। জয়প্রকাশ নারায়ণের দলহীন গণতন্ত্রেও ভোট বাদ দেওয়ার প্রস্তাব নেই।

আমাদের নিত্যব্যবহার্যের তালিকায়ও বহু বিদেশী দ্রব্যের স্বদেশীকরণ ঘটেছে। গডাডর চড্ডের মতো একই সঙ্গে যদিও নয়, আলু এবং তামাক আমরা অনেকেই খেয়ে থাকি। কিন্তু দুটোই যে গোড়াতে সাগরের ওপার থেকে এসেছে, সে খবর আমরা অনেকেই রাখিনে। ধূতিপরিহিত স্যালভেশান আর্মির মতো স্যালাড ও ক্যাপসিকামের গায়ে সাহেবী গঙ্কটা এখনও আছে বটে। তবে যে পরিমাণে তারা এখন আমাদের লাঞ্ছ বা ডিনার টেবিলে পরিদৃশ্যমান তাতে আশা হয়, অদূরভবিষ্যেই তারা পুইশাক ও চাড়াশের ন্যায় নির্জলা নেটিভ রূপে গণ্য হবেন। বিলাতী বেগুনের বিলাতিত্ব তো আছে কেবল নামে। কলকাতার নাহার, মহাত্ম বা বর্মনদের অবাঙালীত্ব যেমন শুধু পদবীতে।

বর্তমানে ভারতীয় সমাজে 'জন্মদিন' নামে একটা নূতন উৎসবের প্রচলন হয়েছে। ক্রিকেট ব্যাট ও গ্রিটিংসকার্ডের মতো এটাও আমরা ইংরেজের কাছ থেকে পেয়েছি। কংগ্রেসী রাজত্বে দেশে বিলাতী জিনিসের উপরে ইম্পোর্ট কন্ট্রোল আছে, বিলাতী প্রথার উপরে নেই। দিল্লী, সিমলা বা মুসৌরীতে অভিজাত হোটেল, রেস্টোরাঁয় সালায়ার কামিজ-পরা পাঞ্জাবী নিজস্বিনীদের 'টুইস্ট' দেখলে সে সম্পর্কে সন্দেহের অবকাশ থাকে না। অতি আধুনিকতাই একমাত্র বস্তু যা আমাদের দানী করতে ফরেন এজেন্টের লাগে না।

অবশ্য 'জন্মোৎসব' এদেশে অভূতপূর্ব নয়। আমাদের পূর্বপুরুষদের কাছে এ অনুষ্ঠানটি অজ্ঞাত ছিল না। তবে সেটা একান্তভাবে দেবদেবীর মধোই সীমাবদ্ধ ছিল। যুগযুগান্ত ধরে ধর্মপ্রাণ হিন্দুনরনারী জন্মোৎসব কৃষ্ণ জন্মোৎসব পালন করে আসছেন। আজও ক্রিসমাসে খ্রীস্টের অনুগামীরা যিশুর জন্মক্ষণটিতে গীর্জায় হাই-মাস এ যোগ দিয়ে থাকেন। বৈশাখী পূর্ণিমা বুদ্ধদেবের জন্মতিথি। সে দিনটিতে দেশদেশান্তরে বৌদ্ধশ্রমণদের সম্মিলিত কণ্ঠে ওঠে ভগবান

তথাগতের স্তব-ধ্বনি,—বুদ্ধ শরণং গচ্ছামি ।

প্রতি বৎসর বেলেড়ে শ্রীরামকৃষ্ণের জন্মোৎসব হয়, পন্ডিচেরীতে ঋষি অরবিন্দের । গভীর অনুরাগে ও নিষ্ঠায় থিবুমানমালাইতে রমণ মহর্ষির জন্মবার্ষিকী উদযাপন করেন তাঁর অগণিত শিষ্য শিষ্যার দল । তাঁরা পুরাণোক্ত ঠাকুর দেবতার ন্যায় পূজনীয় । দেব না হলেও দেবতুল্য ।

হাল আমলে ভক্তির ধারা বদলেছে । এখন দেবতার পাণ্ডার এবং দ্বিজরা চাকরির অধীন । তাঁরা স্বভাবতঃই ভক্তির অতীত । কিন্তু জগতে কোন স্থানই শূন্য থাকে না । ভ্যাকুয়াম অসম্ভব শুধু ফিজিঙ্গে নয়, মেটাফিজিঙ্গেও । তাই ভজন, পূজন, আরতি, আরাধনার ক্ষেত্র এখন ধর্মজগৎ থেকে কর্মজগতে স্থানান্তরিত । কর্মটা অবশ্য রাজকর্ম ।

অতীতে ধর্মের সঙ্গে রাজনীতির যোগাযোগটা অত্যন্ত প্রত্যক্ষ ছিল । রাজ্যজয়ে ইসলামের একহাতে ছিল, তলোবার অন্যহাতে কোরান । যুরোপে দীর্ঘকাল রাষ্ট্রের ভারকেন্দ্র ছিল চার্চের পুলপিটের তলায় । রাজাশাসনে রাজার চাইতে রাজগুরু গুরুত্ব অধিক ছিল । দৃশ্যতঃ একজন রাজদণ্ড ধারণ করতেন, কার্যতঃ অন্যজন তা চালনা করতেন । কার্ডিন্যাল রিশলু ধর্মযাজক ছিলেন কি, রাষ্ট্রনায়ক ছিলেন সে সম্পর্কে ঐতিহাসিকের মনেও সন্দেহ জাগতে পারে ।

অতীতের ভারতবর্ষেও কি রাষ্ট্রতন্ত্রে ধর্মমতের ছাপ লেগেই বৌদ্ধধর্মের উত্থান ও পতন ঘটেনি ? মুসলিম শাসনে হিন্দুদের মাথায় যে জিজিয়া করের বোঝা চেপেছিল তার পিছনে কি ছিল রাজস্বের প্রয়োজন না বিধর্মী বিদ্বেষ ?

সমাজবিজ্ঞানীদের মতে একালের রাজনীতিতে ধর্মনীতির চাইতে অর্থনীতির প্রভাব বেশী । হবেও বা । অর্থ না থাকলে যে রাজনীতি অর্থহীন একথা ইলেকশানে ধরাশায়ী রাজনীতিকেরা সবাই বলেন ।

বর্তমানে ধর্মের একা রাজনৈতিক মৈত্রীর গ্যারান্টি নয় । ইংরেজ ও জার্মেন দুইই ভগবান খ্রীস্টের উপাসক । অথচ পঁচিশ বছরের ব্যবধানে দু' দুটো মহাযুদ্ধ বাধাতে তাদের বাধনি । পাকিস্তান ও আফগানিস্তানের কর্তৃপক্ষের ধর্মের মিল সত্ত্বেও মনের মিল ঘটেনি । তবুও একথা মানতেই হবে যে, বেশীর ভাগ দেশেই রাষ্ট্রনীতি আজও সম্পূর্ণরূপে ধর্মবিযুক্ত নয় । বিধর্মীনির্ধাতনের দৃষ্টান্ত হিটলারের মৃত্যুর সঙ্গেই শেষ হয়নি । এমন রাষ্ট্রের সঙ্গে আমাদের পবিত্র প্রাত্যহিক যেখানে পরোধর্ম সত্যি সত্যিই ভয়াবহ ।

পারলামেন্টারী গণতন্ত্রের জন্মভূমি ব্রিটেনেও রাজা বা রানীকে ডিফেন্ডাব অব ফেইথ না হয়ে উপায় নেই । ক্যান্টাবেরীর আর্চবিশপের মাইনে আসে রাজকোষ থেকে । সেদিক দিয়ে তিনি রাজানুচর । কিন্তু তাঁর বিরোধিতায় এই শতকেও রাজাকে ছাড়তে হয়েছে সিংহাসন, বাজকন্যাকে ছাড়তে হয়েছে প্রেমাস্পদ ।

সেকুলারিজম অর্থাৎ ধর্মনিরপেক্ষ রাষ্ট্রবিধি যে সব দেশে আন্তবিকভাবে সঙ্গে স্বীকৃত সেখানেও সংখ্যালঘুদের সমস্যা রাজনীতিকে ধর্মের ছোঁয়াচ দিতে ছাড়ে না । মাইনরিটি কথাটা আসলে সাম্প্রদায়িক শ্রেণীবিভাগেরই ভিন্ন পরিভাষা । সম্ভ্রান্ত হোটলে টিপসকে যেমন বলা হয় সার্ভিস চার্জস এবং বাথরুমকে টয়লেটস ।

একথা ঠিক যে, এযুগের অগ্রগামী চিন্তাধারায় ধর্মকে মানুষের ব্যক্তিগত অভিরুচির বিষয়রূপে গণ্য করা হয় । তার সামাজিক বা সমষ্টি জীবন মৌলিক ন্যায় ও নীতিবোধের পরিবর্তে ধর্মীয় কিংবা লৌকিক অনুশাসনের দ্বারা নিয়ন্ত্রিত হবে, এ ধারণা একালে অগ্রাহ্য । অন্ততঃ রাষ্ট্র পরিচালনায় কোনো একটি ধর্মমতকে মূলমন্ত্র করে তুলতে শিক্ষিত সমাজের রুচিতে বাধে । দেশে ধনতন্ত্র চাই কি গণতন্ত্র চাই তা নিয়ে তর্ক চলতে পারে । আর যাই হোক, মোল্লাতন্ত্র যে চাইনে সে সম্পর্কে দ্বিমত নেই—দু একটা দেশে ছাড়া ।

তবুও গয়লার দুধ থেকে জল বাদ দেওয়ার ন্যায় রাজনীতি থেকে ধর্মকে বিচ্ছিন্ন করা দুর্গহ কাজ। প্রকৃতপক্ষে রাজনীতিকে ধর্মবিরহিত করাও চেষ্টায় রাজনীতিই এখন ধর্ম হয়ে উঠেছে। গডের জায়গা দখল করেছে ডেমিগড। বিশ্বপতির স্থানে দলপতি। কনফেশন ও অবতারবাদে ক্যাথলিকদেরও হার মানায় এমন রাজনৈতিক দলের অভাব নেই। প্রসিলিটাইজেশানের অত্যাগ্র আগ্রহে তারা মধ্যযুগের ধর্মাক্রমকেও লঙ্ঘন দেয়।

মাথা বেশী ঘামালেই যেমন মাথাধরার আশঙ্কা, তেমনি ধর্মের মাতামাতি অধিক হলেই ধর্মাক্রমতার উদ্ভব অনিবার্য। মত ও পথের দিক দিয়ে ক্যাপিটালিজম ও সোসিয়েলিজিমের মধ্যে আকাশ-পাতাল দূরত্ব। ফ্যাসিজম ও কমিউনিজমে অহি-নকুল সম্বন্ধ। কিন্তু সব ইজমেরই এক জায়গায় মিল,—সে ফ্যানিটিসিজম। তাই টুটস্কী হন নিহত, মহাত্মা গুলিবিদ্ধ, জিলাস কারারুদ্ধ, ও মিখাইল মলোভ বা জর্জি ম্যালেনকফ পদচ্যুত।

ভারতবর্ষে গান্ধী চেয়েছিলেন সত্যবাদ, নেহরু চান সাম্যবাদ। কিন্তু দেশের জলবায়ুতে যা আছে সে হচ্ছে ভক্তিবাদ। এখানে হাকিম থেকে পিয়াদা, বট থেকে তুলসী এবং গো থেকে গোময় সমস্তই পূজনীয়। পতিমাত্রই পরম গুরু এবং গুরুমাত্রই গরিয়সী। আমাদের রাজনীতিতেও যুক্তির চাইতে ভক্তির ভাগ বেশী, প্রেমের চাইতে প্রণাম। তাই এখানে নেতারা নবী হন; ভোটাররা ভোটারী। গান্ধী ইতিমধ্যেই গণেশে পরিণত। সিদ্ধিদাতা। সকল কাজেই তাঁর নাম নিতে হয়। নইলে ইলেকশান সিদ্ধ হয় না।

স্বর্গস্থ ঈশ্বর অদৃশ্য। তাঁর মহিমা প্রত্যক্ষ দৃষ্টিগোচর নয়। মর্তের দেবতা অথবা উপদেবতারা পার্থিব সংজ্ঞায় অনেক বেশী সত্য। বহুরূপে বিরাজিছে সম্মুখে তোমার। ত্রিকোণ কাঁচের ভিতর দিয়ে প্রতিফলিত সূর্যরশ্মির মতো তাঁদের মহাত্মা চাকরি, প্রমোশন, লাইসেন্স, পারমিট ইত্যাদির মধ্য দিয়ে বিচিত্র বর্ণচ্ছটায় ভক্তদের পানে বিচ্ছুরিত। আশ্চর্য নয় যে, রাষ্ট্রনায়কদের জন্মোৎসব ক্রমশঃ হোলী বা দেয়ালীর মতো বার্ষিক অনুষ্ঠানে দাঁড়িয়েছে।

সকালে গ্রামে গঞ্জে বারোয়ারি তলায় কবি, যাত্রা বা পালাকীর্তন হতো। একালে শহরের ক্লাব ও সমিতিতে নেতাদের জন্মদিন হয়। পাড়ায় পাড়ায় সবজনীন দুর্গোৎসব বা সরস্বতীপূজার মতো এগুলি সংখ্যায় যেমন বহুল আড়ম্বরেও চমকপ্রদ। বিয়ের লগনসায় বাজারে মাছ দুর্ঘট এবং দৈ সন্দেশ দুর্মূল্য হয়। রবীন্দ্রজয়ন্তী, নেতাজী জন্মোৎসব বা নেহরু-জন্মতিথিতে রজনীগন্ধার দাম বাড়ে, সভাপতি দুশ্রাপ্য হন।

জন্মদিনকে পারিবারিক গণ্ডিতে নিয়ে আসেন প্রধানতঃ ব্রাহ্মসমাজ এবং বিলাত ফেরতা ক' ভাই, ডি. এল. বায়ের ভাষায় যারা সাহেব সেজেছে সবাই। কিন্তু জগতে নিম্নগামী শুধু জল নয়, ফ্যাশনও। ধনীর প্রাসাদ থেকে মধ্যবিত্তের ফ্ল্যাটে পৌঁছে যেতে তার বিলম্ব ঘটে না। তারতম্য যেটুকু থাকে সেটুকু দামের। অবলীলাক্রমে মোটা অঙ্কেব চেক লিখে রয়াল্টি বা ফেলপস এর দক্ষিণা যোগানো যাদের সাধ্যাতীত, তাবা কলেজ স্ট্রীটে বা মেটিয়াবুরুজের দর্জির হাতে দেহ সমর্পণ করে লাউঞ্জ সূটের শোক নিবারণ করে। গ্রেট ইস্টার্নে লাঞ্চ বা অশোকায় ডিনার যাদের কাছে অনধিগম্য, তারা মহামায়া কেবিন বা দিলখুশ রেস্টুরেন্টে মার্টিনচপের সন্ধানে ছোটে। মধুর অভাবে গুড়ং-এর বিধি সকল শাস্ত্রেই আছে। দুধের স্বাদ ঘোলে না মিটেতে পারে; কিন্তু দুধ যেখানে মোটেই জোটে না সেখানে শেষ পর্যন্ত পিটুলিকেই দুধ বলে চালাতে হয়, এ তথ্য মহাভারতের বৃদ্ধারাও জানতেন।

সুখের বিষয়, শিশুদের আনন্দ বস্তু বা বিষয়েই সীমাবদ্ধ। সেগুলির আনুপাতিক মর্যাদা নিয়ে তাদের দুশ্চিন্তা নেই। ম্যাসাভিল গার্ডেনে জজসাহেবের বাংলাতে ছেলের জন্মদিনে আসে ফুবি

থেকে কেক বা ফ্যারিজানি থেকে কানিপাফ। বকুলবাগান রোডে উকীলবাবুর বাড়িতে আসে শ্রীদুর্গা মিষ্টান্ন ভাণ্ডারের সিন্ধারা বা সন্দেশ। মায়েদের কাছে এটা মনোবেদনার কারণ হতে পারে। কিন্তু ছোট ছেলেমেয়েদের কাছে এ দুয়ের মধ্যে তফাৎ যদি কিছু থাকে তবে সেটা নিছক স্বাদের।

কিশোর জীবনে জন্মদিন অনুষ্ঠানটি সর্বাপেক্ষা চাঞ্চল্যকর ঘটনা। নতুন পরিচ্ছদ বা লোভনীয় আহাৰ্যের দিক দিয়ে গৃহে যে-কোনো পূজা পার্বণ বা সামাজিক উৎসবই ছোটদের পক্ষে আকর্ষণের বিষয়। কিন্তু সে উৎসবে তাদের কোন বিশিষ্ট অংশ নেই। সেখানে তারা বড়দেব আনুষঙ্গিক মাত্র। সংবাদপত্রের উপস্থিত ব্যক্তিবর্গের মধ্যে তাদের উল্লেখ থাকে না। একমাত্র জন্মদিনেই কিশোরের নিজস্ব ভূমিকা আছে এবং সে ভূমিকাটি অপ্রধান পাশ্চরিত্রের নয়,—মূল নায়কের। সেদিনের আয়োজন, আমন্ত্রণ, আনন্দ, কলরব সমস্তই তাকে কেন্দ্র করে। সে দিনটিতে সে রাজার রাজা রাজাধিরাজ। তাই জন্মদিনের জন্য বালাকালের আগ্রহ ও উত্তেজনা তুলনাহীন। প্রতীক্ষারত কিশোর মানসে বৎসরে তার আগমনটি সপ্তাহের শেষে রবিবারের মতো যেন বহুবিলম্বিত। তার স্থিতিকালও যেন যথেষ্ট দীর্ঘ নয়। বছরের অন্য দিনগুলির যাযাবর তাড়া নেই, অথচ জন্মদিনটি ভোর থেকে দুপুর, এবং দুপুর থেকে সন্ধ্যায় গড়িয়ে শেষ হয়ে যায়। মনে হয়, ঘটাপ্রলো বাজায় যেন আধঘণ্টার পবে।

জন্মদিনে আধুনিক যুগের সমানাধিকারবাদের পরিচয় আছে। উত্তর ভারতে ভাইদোজ ও বাংলাদেশে ভাইফোঁটায় ছেলেদের সমাদর। সৈজুতি বা মাঘমণ্ডল ত্রতে মেয়েদের একাধিপত্য। জন্মদিনই একমাত্র উৎসব যা ছেলে এবং মেয়ে উভয়কে কেন্দ্র করেই অনুষ্ঠিত। অন্ততঃ এই একটি ক্ষেত্রে আমাদের মেয়েরা হিন্দুকোডের আগেই প্যারিটি লাভ করেছিল।

ধর্মভেদে সামাজিক প্রথার বিভেদ ঘটে, স্থানভেদে দেশাচারের। বাংলায় আছে নবান্ন, তামিলনাডে পোঙ্গল, পাঞ্জাবে ধুলভী। জন্মদিন কোনো একটি বিশেষ সম্প্রদায় বা বিশেষ অঞ্চলে আবদ্ধ নয়। আধুনিক মতি-গতি যাদের তাঁরা শিলং থেকে সৌরাষ্ট্র এবং কাম্বীর থেকে কেপ কমরীন্ যেকোনোই থাকুন, সেখানেই জন্মদিনের প্রসার ঘটেছে। দেশে সর্বভারতীয় এককের প্রতীক আগে ছিল কংগ্রেস, এখন হয়েছে করাপশান। আশা করি ভবিষ্যতে হবে বার্থডে পাটি। ইমোশন্যাল ইন্টিগ্রেশানের নামে যাদের চক্ষে অশ্রুর বন্যা বয়, একথাটা তাঁরা মনে রাখতে পারেন।

জগতে সমস্ত কিশোর-কিশোরীরই অন্তরের কামনা, জন্মদিনটা আরও ঘন ঘন আসুক। হায়, তারা তো কল্পনা করতে পারে না যে তাদের জীবনেই এমন এক সময় আসবে যখন প্রতিটি জন্মদিনের মধ্যেই থাকবে আসন্ন বার্থক্যের ক্রমিক পদক্ষেপ। সেটা তখন যৌবনের ফেয়ারওয়েল পাটি; জরার ট্রাফিক সিগন্যাল। বয়স বাড়ছে এ অনুভূতি জীবনের পূর্বাঙ্কে যেমনই আনন্দদায়ক, অপরাধে তেমনি অপ্রীতিকর। দাদার চেয়ে অনেক বড় হওয়ার সাধ বড় হয়ে বাবাব মতো হলে আপনিই উবে যায়।

চেষ্টা ভিন্ন সংসারে কোনো কিছুই মেলে না। কিন্তু না চাহিতে যারে পাওয়া যায় সে সাদা চুল। টাকার জন্য পরিশ্রম প্রয়োজন, টাকের জন্য নয়। ধারের সুদের মতো বয়স আপনি বাড়ে। সেটা কমানোটাই সমস্যা। লাইফ ইনসিওরেন্স নকল কোষ্ঠী, গভর্নমেন্টের আপিসে এফিডেভিট এবং দ্বিতীয় পক্ষে কেশে কলপ লেপনের দ্বারা বয়সের উর্ধ্বগতি গোপনের জন্য লোকের চেষ্টার অন্ত থাকে না। সুতরাং প্রাপ্তবয়স্কদের পক্ষে জন্মবার্ষিকীতে উৎসবের পরিবর্তে হরতাল করা উচিত। মায়ের মাথায় পনিটেল এবং দিদিমার গায়ে রঙিন শাড়ির মতো একটা বিশেষ বয়সের পরে 'জন্মদিন'টা হাস্যকর। ট্রেনে, বা এরোপ্লেনে যেমন হাফটিকিটের বয়স বাধা আছে জন্মদিনেরও তেমনি একটা সিলিং থাঁকা ভালো।

সম্প্রতি জন্মবার্ষিকীটা ব্যক্তি থেকে প্রতিষ্ঠানেও সংক্রামিত হয়েছে। নৌবহরের প্রতিষ্ঠা

দিবসটি প্রতিবৎসর নেভি-ডে রূপে পালিত হয়। কলেজ-ডে বিদ্যায়তনের জন্মতিথি। বিশেষ সংখ্যা বা অন্ততপক্ষে বিশেষ সম্পাদকীয় প্রবন্ধের দ্বারা যে নববর্ষ উদযাপিত হয় সে মাসিক, সাপ্তাহিক বা দৈনিকপত্রের জন্মবার্ষিকী।

প্রাণীমাত্রেরই বেঁচে থাকার একটা সীমানির্ধারিত আছে। গুরুজনের আশীর্বাদ ও প্রিয়জনের প্রার্থনায় প্রত্যেক মানুষেরই শতায়ু হওয়ার কামনা থাকে। কিন্তু সেঞ্চুরিটা যে হামেশাই ঘটে না একথা অন্তত ব্যাটসম্যানেরা জানেন! সর্বাধিক দীর্ঘজীবীর দেশ নিউজিল্যান্ডেও মানুষের গড়পড়তা আয়ু বায়ুটি বছর মাত্র। গ্রীষ্মপ্রধান ও অনগ্রসর দেশে তার পরিধি হ্রস্বতর। সরকারী চাকরিতে এক্সটেনশন মেলে,—মন্ত্রী সহায় থাকলে। মহাকাালের দরবারে সময় পার হলেই রিটারায়রমেন্ট।

পৃথিবীতে দিনের অন্তে আসে রাত, রাতের সমাপ্তিতে দেখা দেয় দিনের উজ্জ্বল আভাস। আলো ও অন্ধকারের এই ক্ষাণ্ডিহীন পুনরাবৃত্তির মধ্য দিয়ে ধরিত্রী আপন অক্ষপথে ধীরে নিশ্চিত গতিতে সাক্ষ করে সূর্য পবিত্রময় একটি আবর্তন। শীতের বাতাসে তরুশাখা থেকে পরিত্যক্ত পীতপত্রের মতো কালেভাঙের সর্বশেষ পাতাটি পড়ে খসে। মানুষের বয়সেব অন্তে ঘটে যোগ, জীবনের ঊজ্জ্বলিতে ঘটে বিয়োগ। বয়োবৃদ্ধির মানেই তো আয়ু হ্রাস।

পত্রিকার কোনো ধরাধা আয়ুষ্কাল নেই। তার জীবন তার কর্তৃপক্ষের আর্থিক সচ্ছলতা, পরিচালন নৈপুণ্য ও সাময়িক অভিরুচির দ্বাৰা নিয়ন্ত্রিত। বোধ হয় সে কারণেই প্রেস রেজিস্ট্রারের কাছে পত্রিকার হিসাব থাকে, ডেথ-রেজিস্ট্রারের কাছে নয়, যদিও তার মৃত্যুর হার যে কোনো এপিডেমিকের সমতুল্য। ভারতবর্ষ শিশু-মৃত্যুর দেশ। এখানে সন্তান থেকে লিমিটেড কোম্পানী বেশীর ভাগের আঁতুড়েই অন্তিম। মাসিক, সাপ্তাহিক, পাক্ষিক ইত্যাদিও এখানে নিত্য গজায়, নিত্য শুকায়। উদ্ভিদতত্ত্বে ওষধি নায় কোনো কোনো পত্রিকার আবির্ভাব সংখ্যাই অন্তর্জাল সংখ্যায় পরিণত হয়।

সংবাদপত্রের পক্ষে সুবিধা এই যে, প্রাচীনতা তার পক্ষে ক্ষতিকর নয়। সংসারে ওল্ড-ফুলদের কেউ পাতা দেয় না, কিন্তু ওল্ড ওয়াইনের কদর অসাধারণ। কবিরাজের কাছে পুবাণো ঘি সেয়ের বদলে ভরি দরে বিক্রি হয়। বয়সের সঙ্গে সঙ্গে সংবাদপত্রের গুরুত্ব বৃদ্ধি পায়, অর্থাৎ বিজ্ঞাপন বাড়ে। তাই তাব প্রথম পৃষ্ঠায় উল্লেখ থাকে,—‘স্থাপিত আঠাবর্ষ’ বিরানকবুই সাল, অথবা প্রকাশের অশীতিতম বৎসর। ঠিক যেমন থাকে ব্যাঙ্ক বা বৌমা কোম্পানীর লেটারহেডে জামাকাপড় বা মনোহারী দোকানের সাইনবোর্ডে।

ব্যবসায় প্রতিষ্ঠানের সঙ্গে সংবাদপত্রের কোথাও কোনো মিল আছে এমন ইঙ্গিত মাত্রই সংবাদপত্রের পাঠকেরা বিস্মিত, মালিকেরা ক্রুদ্ধ এবং সম্পাদকেরা ক্ষুব্ধ হন। কিন্তু এ দুয়ের সাদৃশ্য বাহ্যত যতখানি প্রতীয়মান ভিতরে তার চাইতে অনেক বেশী গভীর এবং সে সাদৃশ্য একান্ত আকস্মিকও নয়।

রাষ্ট্রবিজ্ঞানে সংবাদপত্রকে ফোর্থএস্টেট বলা হয়। সংবাদপত্রের স্বাধীনতা সভ্যজগতে একটি অতি বাঞ্ছিত অধিকার এবং একমাত্র কমিউনিস্ট বা ফ্যাসিস্ট একনায়কতন্ত্র ও সামরিক শাসন ব্যতীত সমুদয় রাষ্ট্রব্যবস্থায় তা স্বীকৃত। অতীতে সংবাদপত্রের সূচনা হয়েছে বৃত্তিরূপে নয়, ব্রতরূপে। কিন্তু প্রারম্ভের সঙ্গে পরিণতির সব সময়ে সঙ্গতি থাকে না। গাছের মূলের সঙ্গে ফুলের মিল কতটুকু? উৎস আর সঙ্গমে নদীর রূপ কি এক?

প্রাচীনপন্থীরা বলেন বর্তমানটা কলিযুগ। নবীনপন্থীদের ভাষায় এটা যন্ত্রযুগ, কলি নয় কলীয। প্রকৃতপক্ষে এখন বৈশ্য যুগ। কমার্শিয়াল এক্সপ্লয়টেশান—ব্যবসায়িক প্রয়োগ ছাড়া একালে কোনো কিছুই সার্থকতা নেই। টুরিস্ট আকর্ষণের কাজে না লাগালে নয়ন-ভুলানো প্রকৃতির

শোভাও বৃথা গণ্য হয়। তাই লেকের জলে প্যাডলো, পাহাড়ের গায়ে ফিউনিকুলার ও সমুদ্রতীরে হোটেলের পসরা সাজায় বসে রাপোপজীবীদের ন্যায় দেশজননীরাও এখন পরদেশীদের হাতছানি দেয়,—এস এস ঝু, আধ আচরে বোস, নয়ন ভরিয়া আমা দেখ।

মুগ্ধধর্ম চিত্রকরকে হতে হয় বিজ্ঞাপনের ডিজাইনার, গায়িকাকে প্লে-ব্যাক সিঙ্গার, টেনীস চ্যাম্পিয়নকে উইম্বলডনের সেন্টার কোর্ট থেকে ঝাঁপ দিতে হয় জ্যাক ক্রামারের বুলিতে। যেকালে স্কুল ফ্যাক্টরীতে এবং দেশসেবা ইনভেস্টমেন্টে পরিণত সকালে সংবাদপত্রকেও জয়েন্ট স্টক কোম্পানীর খাতায় নাম না লেখালে চলে না।

ফ্রিডম অব দি প্রেস বলতে যা বোঝায় তা হলো শুধু সরকারী কর্মচারীদের এলোপাতাড়ি গাল পাড়ার অধিকার। নতুবা অন্য যে কোনো ব্যবসায়ীর মতো পত্রিকার স্বত্বাধিকারীও মাসের শেষে কাগজের দাম, ব্লকের খরচ, বিজ্ঞানীর বিল মেটাতে হয়। নোটিশ বোর্ডে বিজ্ঞাপিত দিনে লোকজনের মাইনে কড়ায় গণ্ডায় না চুকিয়ে দিলে পেমেন্ট অব ওয়েজেস গ্র্যান্টে তার সাজার ব্যবস্থা আছে। সংসারে আর পাঁচজন সাধারণ লোকের মতো সাংবাদিকেরাও ক্ষুধা তৃষায় কাতর, আধিব্যাধিতে ক্লিষ্ট এবং পুত্রকলত্রের ভবণপোষণে ব্যতিব্যস্ত হয়ে থাকেন। সুতরাং সাংবাদিকতা যদি মিশন থেকে প্রফেশানে রূপান্তরিত হয়ে থাকে তবে তাতে লজ্জার কারণ নেই। সংবাদপত্র কবির ভাষায় কথার বাণ্ডিল হতে পারে। কিন্তু কথার পিছনে যদি অর্থ না থাকে তবে তা নিতান্তই অর্থহীন।

অতীতে পূর্বপুরুষদের দিনের শুক ছিল পাজিতে। বর্তমানে আমাদের দিনের আরম্ভ খবরের কাগজে। প্রভাতে গরম চায়ের পেয়ালাব সঙ্গে দৈনিক পত্রিকাব যোগাযোগ প্রায় অবিচ্ছেদ্য। ভুইস্কির সঙ্গে যেমন সোডা, গানের সঙ্গে যেমন হারমোনিয়াম। পঞ্জিকা ও পত্রিকাব সাদৃশ্য শুধু অনুপ্রাসে নয়, নানা দিকে তারা সমধর্মী। ব্যবহারের মিয়াদে উভয়েই ক্ষণস্থায়ী। বৈশাখের নূতন পঞ্জিকা চৈত্রের শেষেই ঘরের কোণে অনাবশ্যক পুরাতন জঞ্জাল। রবিবারের পত্রিকা সোমবারেই মুদির দোকানে সওদা ঝাঁধাব সরঞ্জাম।

পত্রিকা এবং পঞ্জিকা দুইই মানুষের মানসিক দুর্বলতার সুযোগ নিয়ে বাড়ে। পঞ্জিকার প্রতিষ্ঠা আমাদের অন্ধবিশ্বাসের উপর। বৎসরের কোনো একটি বিশেষ দিনের বিশেষ সময়ে গঙ্গায় ডুব দিলেই পরিণামে অক্ষয় স্বর্গলাভ,—এ ধারণা অনেকের মনে বদ্ধমূল। তাই পঞ্জিকা দূরদূরান্ত থেকে লক্ষ লক্ষ নরনারীকে চূড়ামণি যোগ এবং মকরসংক্রান্তিতে দশাশ্বমেধের ঘাট বা ত্রিবেণী সঙ্গমে টেনে আনতে পারে। পত্রিকার প্রসার আমাদের অন্ধবুদ্ধির অনুসরণে। সে ভগবানের নামে নিরীহ পথচারীর পিঠে ছোঁরা বসিয়ে দেওয়ার প্ররোচনা এবং শান্তি আন্দোলনের নামে দূতাবাসের দরজায় চড়াও হতে উৎসাহ জোগায়।

সম্পাদক ও পঞ্জিকাকার উভয়েই সর্বজ্ঞ। পঞ্জিকাকারের ক্ষেত্র আধ্যাত্মিক। কত দন্ত কত পল গতে উত্তরে যাত্রা নাস্তি সে খবর তিনি জানেন। কোন তিথিতে বার্তাকুভক্ষণে কী দোষ স্পর্শে তারও হৃদিস আছে তাঁর কাছে। সম্পাদকের কারবার আধিভৌতিক। তিনি হনলুলুর রাষ্ট্রবিপ্লব, নাইজেরিয়ার সাহিত্য এবং ল্যাপল্যান্ডের শিল্পকলা সম্পর্কে সমান পাণ্ডিত্যপূর্ণ মতামত দিতে পারেন। বিজ্ঞানের তত্ত্ব, পাটের বাজার, বাটার হার ইত্যাদি জগতের সমুদয় ব্যাপারে তাঁর যদুচ্ছ বাগবিস্তারের ক্ষমতা আছে। পঞ্চবার্ষিক পরিকল্পনায় বিভিন্ন রিভার ভ্যালী প্রজেক্টের মতো তাঁদের লেখনীও মালটি-পারপাস।

পঞ্জিকায় আকাশের গ্রহ উপগ্রহের গতি-বিধির নিশানা আছে। বৃদ্ধ পিতামহের কাছে সে তথ্য বিশেষ মূল্যবান ছিল। পুনর্বসু নক্ষত্র ঠিক কখন বৃশ্চিকে সঞ্চারিত হবে সে খবরটুকু ঘণ্টা, মিনিট, সেকেন্ডের মাপে না জানলে তাঁর পক্ষে হলকর্ষণ, নৌকাযাত্রা, গৃহপ্রবেশ ইত্যাদি কোন শুভ কর্মই হাত দেওয়া সম্ভব ছিল না। বর্তমানের পৌত্রপৌত্রীরা ওসব নৈসর্গিক ব্যাপারে বিশ্বাস করে না।

তারা তারকা বলতে বোঝে চিত্র তারকা। তাঁদের হাড়ির খবর থাকে পত্রিকার পাতায়। বাংলা মাসিক ও সাপ্তাহিকের তা জীবনীরস,—রুগ্ন শিশুর পক্ষে যেমন থুঁকোজ, চলন্ত মোটরগাড়ির পক্ষে যেমন গ্যাসোলীন।

ট্যাক্সির দাপটে যেমন শহরের রাজপথ থেকে ছ্যাকড়া গাড়ি বা টাক্সা অন্তর্হিত, পত্রিকার চাপে তেমনি পঞ্জিকা বাঙালীর গৃহচ্যুত। হায়, পঞ্জিকার ক্রমিক অবলুপ্তির ফলে হাঁচি, টিকটিকী, মচা, অশ্লেষা, ঋতুর্ধ্বক ইত্যাদি আমাদের সনাতন জাতীয় ঐতিহ্যও বিনষ্টপ্রায়। মৃতপ্রায় দেশীয় শিল্পের পুনরুদ্ধারের জন্য আজকাল সবকারী প্রচেষ্টায় একাধিক কমিটি, কমিশন গঠিত হয়েছে। পঞ্জিকা পূর্ব গৌরব উদ্ধারের জন্য অনুরূপ প্রয়াসেব প্রয়োজন আছে। এজন্যে কেন্দ্রীয় সরকারে এবং প্রতিটি অঙ্গরাজ্যে অবিলম্বে একজন তিন পোয়া মন্ত্রী অর্থাৎ মিনিস্টার অব স্টেট নিযুক্ত করা আবশ্যিক। পঞ্চায়েত মন্ত্রী অপেক্ষা পঞ্জিকামন্ত্রী নিশ্চয়ই কম গুরুত্বপূর্ণ নয়। তাঁদের অধীনে ডিরেক্টর জেনারেল, ডিরেক্টর, জয়েন্ট ডিরেক্টর, ডেপুটি ডিরেক্টর ইত্যাদি সহ এক একটি মিনিস্ট্রী বা ডিপার্টমেন্ট অবশ্য স্বতঃসিদ্ধ ব্যাপার।

বলাবাহুল্য, প্রাচীন তান্ত্রিক, মুং শিল্প প্রভৃতিব ন্যায় পঞ্জিকার পুনঃ প্রচলনও একমাত্র যুগোপযোগী সংস্কারেব দ্বারাই সম্ভব। আধুনিকীকরণ ছাড়া কোনো পুরানো বস্তু বা প্রথাই এযুগে আর গ্রহণযোগ্য হবে না। মডার্নইজমের দাবীতেই এখন চান্দ্রের প্যাকেটে, সন্দেশ বাক্সে এবং ময়দা পলিথিনেব ব্যাগে বিক্রী হয়। গরুর গাড়িতে রবার টায়ার ও চরখায় বল বিয়ারিং দেখা যায়। সুতবাং পঞ্জিকাবও যথোচিত পরিবর্তন অবশ্যসম্ভাবী। প্রাচীন পঞ্জিকায় বর্ষারস্ত্রে লেখা থাকে শনি রাজা মঙ্গল মন্ত্রী ইত্যাদি। পরিবর্তিত সংস্করণে সে স্থলে হবে মেট্রোগল্ডুইন রাজা প্যাবামাউন্ট মন্ত্রী। ফলং সিনেমাহলেব টিকেট কাউন্টাবে কিউ বৃদ্ধি। প্রচলিত পঞ্জিকায় মহাপুরুষদের আবির্ভাব ও তিরোভাবের উল্লেখ থাকে। অধুনা মহাপুরুষদের ডেফিনেশান অর্থাৎ সংজ্ঞা বদলে গেছে। সুতরাং মডার্ন পঞ্জিকায় লিখতে হবে—সাতই বৈশাখ ওয়াহিদা রেহমান বা ব্রিগেড বার্ডেটের জন্মতিথি। বাবোই শ্রাবণ ক্লার্ক গেবল বা ছবি বিশ্বাসের মৃত্যু-বার্ষিকী!

দ্বীপ

দুই বর্ণের সংযোগে সন্ধি। দুই নদীর সমাবেশে সংগম। দুই নরনারীর মিলনে পরিণয়। সঙ্গীতে যেমন ডুয়েট, রসায়নে যেমন কম্পাউণ্ড, রাজনীতিতে যেমন পি-এস-পি।

মানব-ইতিহাসে বিবাহের প্রবর্তন কবে তা জানিনে। তার প্রচলন কেন তা অনুমান করতে পারি।

সৃষ্টির গোড়ায় স্বর্গোদ্যানে মানুষ ছিল মাত্র দুটি। কোনো শুভদিন-নির্ঘণ্টের সূতহিবুক যোগে শ্রীমতী ইভের কুশণ্ডিকা হয়েছিল এমন জনশ্রুতি নেই। পুরাণে জেট-প্লেন ও বেদে এ-আর-পি'র অস্তিত্ব প্রমাণ করে যারা বিশ্ববিদ্যালয়ে ডক্টরেট পেয়ে থাকেন, তাঁরাও এখন পর্যন্ত আদমের বাসর-ঘর আবিষ্কার করতে পারেননি।

ক্যাফেটারিয়ায় স্বহস্ত-পরিবেশনের মতো নিজেরাই ফলমূল আহরণ কবে আদি জনক-জননী মোটামুটি অনন্যনির্ভর জীবন যাপন করেছেন। শীত, আতপ এবং বর্ষা-বাদলের অকস্মাৎ হ্রাস-বৃদ্ধিতে যকৃত বা পাকস্থলী বিকৃত হয়ে কচিৎ কদাচিৎ দেহকে হয়তো বিকল করবে। কিন্তু হাতের কাছেই বত্রিশ টাকা ফিজ-এর বিলাতী ডিগ্রীওয়ালা ডাক্তার না থাকায় সামান্য যদি কাশি বা অগ্নিমান্দ্য প্যারাটাইফয়েড বা গ্যাসট্রো-এনট্রাইটিস প্রভৃতি মারাত্মক নাম নিয়ে প্রাণঘাতিকা হয়ে ওঠেনি।

প্রথম মানব-মানবীর সন্তান-সন্ততির সঠিক সংখ্যা অপরিজ্ঞাত। গার্ডেন অব ইডেনে আর যাই থাক, সেখানে কমিশনার ছিল না। তবুও সিদ্ধান্ত করা অন্যায় হবে না যে, জগতে জনসংখ্যা বৃদ্ধির সঙ্গে ক্রমশঃ জীবনযাত্রা জটিলতর হয়েছে। মানুষ মৃগয়া ছেড়ে ধরেছে ভূমিকর্ষণ। শরাযুধ থেকে হয়েছে হল্যুধ। গৃহবাস পরিত্যাগ করে শুরু করেছে গৃহবাস।

চুলের সঙ্গে যেমন টেডি এবং কানের সঙ্গে যেমন দুল, গৃহের সঙ্গে সঙ্গে তেমনি দেখা দিয়েছেন গৃহিণী। প্রশ্ন উঠতে পারে, গৃহের তরে গৃহিণী, না গৃহিণীর জন্য গৃহ? এ-তর্ক শুধু অর্থহীন নয়, অস্বহীনও বটে। খপাস করে পড়ে না, পড়ে-খপাস করে? নেতা হয়ে জেলে যায়, না, জেলে গিয়ে নেতা হয়?

অবশ্য নৈয়ায়িককে লজ্জা দিতে পারেন এমন সূচত্বর ভাষ্যকারও আছেন। পররাষ্ট্রনীতিতে নিরপেক্ষতা রক্ষার মতো শ্যাম এবং কুল বজায় রাখার কৌশল তার আয়ত্তে। তিনি বলেছেন, গৃহিণী গৃহমুচ্যতে,—গৃহ বলতেই বোঝায় গৃহিণী। অনুমান করি, লোকটা অকৃতদার।

আসল কথা, আদিযুগে সংসারযাত্রাটা নারী বা পুরুষ কারুর পক্ষেই এককসাধ্য ছিল না। নেহাত প্রয়োজনের তাগিদেই দু'পক্ষকে হাত মিলাতে হয়েছে। ব্যবসা চালাতে যেমন পার্টনারশিপ। গভর্নমেন্ট দখল করতে যেমন কোয়ালিশন। কলকাতায় যেমন স্যাণ্ডারসনস অ্যান্ড মরগ্যানস; ঢাকায় যেমন আওয়ামী লীগ ও পাকিস্তানী কংগ্রেস, প্রাক-আয়ুব পর্বে।

বিবাহকে কল্পনাবিলাসী কবিরী বলেন,—ফুলডোর। যুক্তিবাদী আইনজ্ঞেরা বলেন সামাজিক চুক্তি। কোষ্ঠী বা হস্তরেখা বিচারক জ্যোতিষশাস্ত্রীরা বলেন দৈবের নির্বন্ধ। এ-ছাড়াও পরিণয়ের একাধিক পরিচিতি আছে। তার সবগুলি কিছু শ্রুতিসুখকর নয়।

সকলেই জানি, জগতে একজাতীয় অতিসজ্জ্বল লোক আছে কোনো কিছুতেই যাদের আস্থা নেই। ইংরেজীতে এদের বলে সৈনিক। এরা নিন্দুকের অধিক। সভাপতিত্বের অনুরোধের পিছনে এরা দেখতে পায় চাঁদার খাতা, সামনে নিজের সুগ্যাতি শুনে আশঙ্কা করে টাকা-খারের ভূমিকা। ন্যাশানালাইজেশনের অর্থ জানে,—ইনেফিসিয়েন্সি। প্ল্যানকে বলে,—চাকরি-সৃষ্টি এবং জনগণের নামে অশ্রু-বরিশণ দেখলে ভাবে, আসন্ন ইলেকশন। অর্ধপূর্ণ কুন্ড এদের চোখেই দেখায় অর্ধশূন্য। এই স্বভাব-সংশয়ীরা বিবাহের আখ্যা দেয়—বেড়ি। এরা বণ্ডকে বলে বন্ডেজ উদ্ধা-বন্ধনকে উদ্ধকন।

সংসারের বৈশিষ্ট্যহীন স্বাকী শতকরা নিরানব্বইজন, বাংলা দৈনিকের সম্পাদকীয় স্তম্ভে যাদের বলা হয় আপামর সাধারণ, এসব সুন্দর বিচার-বিশ্লেষণের ধার ধারে না। শেক্সপীর তারা পড়েনি।

গোলাপের সন্ধানও বিশেষ রাখে না। কিন্তু জানে, পৃথিবীতে নামে কিছুই যায় আসে না। যে ট্রেনের নাম এক্সপ্রেস সেও টাইমটেবলের তিন ঘণ্টা পরে পৌছায়। যে-দোকানী শিশিতে চিরতার আরক বেচে, সেও দোকানের সাইনবোর্ডে লেখে,—দি গ্রেট ইন্ডিয়ান কেমিক্যাল ওয়ার্কস। সুতরাং কোনো কিছুরই সংজ্ঞা নিয়ে তারা মাথা ঘামায় না। তাদের দিব্যজ্ঞান নেই, কিন্তু কাণ্ডজ্ঞান আছে। বিবাহকে তারা মনে করে একটা লটরী। পৃথিবীতে ভীকু ব্যক্তিদের আদি, অকৃত্রিম ও একমাত্র অ্যাডভেঞ্চার। তবে ডাবি বা রেঞ্জার্সের সঙ্গে তার তফাত শুধু এই যে, হেরে গিয়ে টিকিটখানা ছিড়ে ফেলা চলে না। চক্রব্যূহের মতো উদ্ধাহেরও আগমন-পথ সহজ, নির্গমনপথ দুঃসহ। আধুনিক অভিমন্যুদেব জানা খাকা ভালো যে, দাম্পত্যনগরীর সবগুলি রাস্তাই ওয়ান-ওয়ে।

মানুষের জন্ম আকস্মিক, মৃত্যু অনিবার্য। এই অনিয়ন্ত্রিত উপক্রমণিকা ও উপসংহারের মধ্যপথে বিবাহ জীবনের স্বরচিত অধ্যায়। কোর্টশিপের তো কথাই নেই, চাক্ষুষ পরিচয় বিবর্তিত বব-কনের গুরুজন নির্ধারিত সনাতন হিন্দু-বিবাহও স্বয়ম্ভু নয়। তার পিছনে দীর্ঘদিনব্যাপী সজ্জান আয়োজনের প্রাচুর্য আছে। বিবাহ স্থির যদি বা হয় স্বর্গে, রেজেস্ট্রি হয় মর্তে। সেটা যথেষ্ট চেষ্টাসাপেক্ষ। মাসিকপত্রিকার নব পর্যায়ে প্রকাশের মতো নরনারীর বিবাহিত পর্ব যুগ্ম সম্পাদনায় জীবনের পবিবর্তিত ৫ পবিবর্তিত সংস্করণ মাত্র।

বিবাহ পুরুষের দেয় হৈর্য, নারীকে দেয় প্রতিষ্ঠা। স্বামীর বাড়ায় দায়, স্ত্রীর বাড়ায় দাম। সে-দাম নারীর নিজস্ব নয়। গালের উপরে পাউডার এবং নখের উপরে রঙের মতো সেটা প্রাক্ষপ্ত।

গাণ্ডেশ্বাস্ত্রে শূন্যের নিজের কোনো সত্তা নেই। তার মূল্য নির্ধারিত হয় পার্শ্বস্থ সংখ্যাটির গুরুত্ব। দেশের চাইতে কুড়িল কদব বেশী। ঘাটের চাইতে আশীব ওজন অধিক। সমাজে নারীর মর্যাদা নির্মূর্ণিত হয় পিতা অথবা পতির গৌরবে। নায়েবকন্যা অপেক্ষা জমিদার-নন্দিনীর প্রতাপ প্রবল, থার্ড-মাস্টার অক্ষয়বাবু মেয়ের তুলনায় ব্যারিস্টার নন্দী সাহেবের তনয়ার নাসিকা উত্তুল্ল।

পিতৃ পবিচয়ের চাইতেও ভর্তৃপরিচয় গুরুতর। সেকশন-অফিসব বসু-গিল্লীর চেয়ে ডেপুটি সেক্রেটারি সেন-মহিষী অধিকতর দুঃসহ। কবির যা নারীকে আকাশের চন্দ্রমার সঙ্গে তুলনা কবেন সেটা বিশেষ অর্থপূর্ণ। কে না জানে যে, তাঁদের আলো তাব নিজের নয়,—সমস্তটাই পবন।

মালাবদলেব দ্বারা নারী বদল করে পদবী। সেটা প্রকাশ্যে পুরুষপুংখ করে পদ। সেটা অলক্ষ্যে। সপ্তপদীর পর পবিসারের কর্তৃপদ থেকে স্বামীর হস্তিত অপসৃতি লেবার-য়ুনিয়নে কমিউনিস্ট অমুপ্রবেশের মতোই নিঃশব্দ কিন্তু নিশ্চিত।

কে না জানে যে যুক্তিব চেয়ে শক্তি প্রবল, রাগের চেয়ে সোনা। কিন্তু সোনার চাইতেও জোরালো অস্ত্র আছে জগতে। তার নাম সোহাগ। অকারণ হাস্য এবং অকারণ অশ্রু—এই সাড়াশি-আক্রমণ, সামরিক পরিভাষায় যাকে বলা হয় 'পিনসার মুভমেন্ট' দ্বারা স্ত্রীরা অবলীলাক্রমে স্বামী এবং সিদ্ধকের চাবি আঁচলে বাধেন। মাল ও মালিক দুই-ই দখলে আনেন বিস্ময়কর তৎপরতায়।

প্রকৃতপক্ষে বিবাহ নারীর জীবনের আরম্ভ। আইনসভায় ভিবেটের আগে কোশ্চেন-আওয়ারের ন্যায় তার প্রাগবৈবাহিক অংশটুকু বিবাহিত পরিচ্ছেদেব মুখবন্ধ। পালার আগে প্রস্তাবনা। কবির ভাষায় বলতে গেলে, সজ্জাবেলায় প্রদীপ জ্বালার আগে সকালবেলাব সলতে পাকানো। অতি আধুনিক অভিজাতমণ্ডলীর ভাষায় ব্যাখ্যা করলে, ডিনারের আগে যেমন ড্রিন্‌ক্স, সিনেমায় অভিনয়ের আগে যেমন মেক-আপ।

বস্তুতঃ, গোত্রান্তরের দ্বারা প্রত্যেক নারীরই ঘটে জন্মান্তর। কাকে বিয়ে করব সে-ভাবনায় একালের যুবকেরা যে দৃষ্টিভ্রান্ত হয় সেটা একান্তই নিরর্থক। কারণ যাকেই বিয়ে করা যাক না কেন, দু'দিন পরেই দেখা যায়, সে অন্য আর কেউ।

পরিণয় পুরুষের জীবনে আনে সমাপ্তি। তার বিবাহোত্তর অন্তিম শুধু পূর্বজীবনের ভগ্নাবশেষ। নাটকের এপিলোগ বা বক্তৃতার পেরোরেশানের মতো সেটা মূল কর্মকাণ্ডের অকিঞ্চিৎকর

অনুবর্তন। শুধু করুণ নয়,—কৌতুকারহ। আশ্চর্য নয় যে, পৃথিবীর সকল দেশে এবং সকল সাহিত্যেই বিবাহিত পুরুষকে কেন্দ্র করে রচিত হয়েছে সর্বাধিক গ্রন্থসন।

দাম্পত্যে স্বামীর প্রয়োজন প্রকট, প্রভাব নাস্তি। ইংরেজী ভাষায় অ্যাপস্ট্রপি চিহ্নের ন্যায় তার অবস্থিতি আছে, উচ্চারণ নেই। কাঁঠালের বোটার মতো রস বা রসদ সংগ্রহের দিক থেকে তার অপরিহার্যতা স্বীকৃত হলেও ভোজের থালায় সে মনোযোগের বাইরে। কর্তা ছাড়া কর্ম ব্যাকরণে অসিদ্ধ হতে পারে,—গৃহস্থালিতে নয়।

রাষ্ট্রনেতার পক্ষে বিদেশে রাষ্ট্রদূত হওয়া মানেই যেমন সক্রিয় রাজনীতি থেকে বিদায়, তরুণের জীবনে পত্নীযোগের অর্থ তেমনি দুঃসাহস ও দুঃসাধের পথ থেকে পশ্চাদপসরণ। সোলার টোপারটি আকারে ক্ষুদ্র এবং ওজনে লঘুভার। সেটি শিরোধার্য করা মাত্রই মস্তিষ্ক থেকে নিশ্চিহ্ন হয় ছাত্রজীবনে উদগত যত বৃহৎ কল্পনার অক্ষুর। প্রতিবাদ-সভা, ইনক্লেব, ট্রামে অগ্নি-সংযোগ, পরীক্ষার গার্ডকে প্রহার ইত্যাদি প্রগতিমূলক কার্যের সে সমাধি-স্তম্ভ। সেকালের সেজের বাতি নিবিয়ে দেওয়ার চোঙা আর একালের ফ্যার-এক্সটিংগুইশারের সঙ্গে তাব সাদৃশ্য একান্ত অহেতুক নয়।

পারিগ্রহণের ফলে পুরুষ ঘরে আনে স্ত্রী, ডাক্তারের বিল ও সেকরার ক্যাটালগ। কুইনিনের বড়ির উপরে চিনির প্রলেপের মতো তার সঙ্গে আসে কিছুটা যৌতুক। সেটা পাত্র-সংগ্রহের জন্য পাত্রীপক্ষের দেয়া ঘুষ। ক্রেতা আকর্ষণের জন্য সিগারেট বা চা-এর প্যাকেটের সঙ্গে যেমন গিফট-কুপন।

পরিণয়ের দ্বারা নারীর ঘটে বিস্তার। জায়া থেকে জননী তো প্রাণিতত্ত্বের সিঁড়িতে একটি মাত্র ধাপ। এমন কি একা গৃহিণীও একক নন। এ-যুগের মেয়েরা সচিব হলে সেক্রেটারিয়েটে বসে, অন্দরে নয়। সখীরা মিলে কলেজের করিডর বা রেস্টোরাঁয় এবং ললিতকলার দৌড় সিনেমা বা বড়জোর সঙ্গীত-সম্মেলন। সুতবাং কালিদাসের তালিকা বসে একালিনী গৃহিণীর ঠিকুজি মেলে না। কিন্তু গিলবার্ট-সলিভ্যানের গীতিনাট্য-বিশেষের মতো আধুনিক পারিবারিক রাষ্ট্রবাবস্থায়ও সবক'টি মুখ্যপদেরই অধিকারিণী মাত্র একটি। পত্নীমাত্রেরই ধর্মনীতে বয় একনায়কত্বের রক্ত। অন্ততঃ একজিকিউটিভ ও জুডিশিয়ারির পৃথক 'অস্তিত্বে' তাদের বিশ্বাস নেই।

মোট কথা স্ত্রী হচ্ছেন সেই বস্তু যার অভাবে সংসার চলে না এবং উপস্থিতিতে সংসার অভাবে অচর্চ হয়। যাকে পাওয়ার পূর্বে পুরুষেরা কবিতা পড়ে এবং পাওয়া ব পরে গীতা। যাকে না পেয়ে খেঁজে পটাশিয়াম, সায়ানাইড বা লেক এবং পেয়ে সন্ধান করে গেকুয়া বা রুদ্রাক্ষ। বোধহয় তার সম্পর্কেই লেখা হয়েছে—যাহা চাই, তাহা ভুল করে চাই, যাহা পাই তাহা চাই না। সম্ভবতঃ কবিশুঙ্করও এটি বিবাহিত জীবনেরই রচনা।

বিবাহের প্রসঙ্গ তুললেই প্রেমের কথা আসে। যুনিয়নের নাম নিলেই যেমন ধর্মঘট, কিন্তু প্রকৃতপক্ষে প্রেমের সঙ্গে বিয়ে ব সম্পর্ক নিয়ে তর্কের অবকাশ আছে। প্রেম ও পরিণয়কে যারা শাড়ির সঙ্গে সায়া অথবা ভোটের সঙ্গে ক্যানভাসিং-এর মতো অবিচ্ছেদ্য জ্ঞান করেন, তাঁরা পণ্ডিত হলেও সংসার-অনভিজ্ঞ।

সাগরের ওপারে বিদেশী সমাজের রীতি,—আগে প্রেম, পরে বিবাহ। আগে সুর সাধা, পরে গান। সাগরের এপারে স্বদেশী শাস্ত্রের বিধান,—আগে বিবাহ, পরে প্রেম। আগে অস্ত্রোপচার, পরে ব্যান্ডেজ। প্রথম পক্ষের ভ্রান্তি এবং দ্বিতীয় পক্ষের প্রমাদ দুই সমতুল্য। প্রাজ্ঞ ব্যক্তির জ্ঞানেন, রাজনীতির সঙ্গে আধ্যাত্মিকতা মেশাতে গোলে ইতঃ নষ্ট এবং ততঃ ভ্রষ্ট হয়। বিবাহের সঙ্গে প্রেমের সংমিশ্রণের চেষ্টাও হাস্যকর। প্রেমেরে বাড়িতে গিয়ে বিয়ে করা, টাকা বাড়ানোর জন্য রেস খেলার মতোই সর্বনাশা হঠকারিতা।

রাজকুলেশুচ

মহাকাঞ্চনদ্বীপ গভর্নমেন্ট

অর্থমেব জগতে

শিক্ষা মন্ত্রণালয়

ফাইল নং
সাল
বিষয়

ই। জি। ৪৫৩
১৯৫৭-৫৮
স্কুলে অর্থ সাহায্য

করেসপন্ডেন্স : এস. ১

মহামান্য মহাকাঞ্চন সরকারের শিক্ষা বিভাগ সমীপে,

মহামহিম সরকার বাহাদুরের নিকট বিনীত নিবেদন এই যে, পঞ্চদশ পরগণার নিকাশীপুর গ্রামে প্রায় পঞ্চাশটি পরিবারের বাস। কিন্তু গ্রামের বালক বালিকাদের জন্য এতাবৎ এতদঞ্চলে শিক্ষার কোনো ব্যবস্থা ছিল না। গত কয়েক বৎসরে পার্শ্ববর্তী যবন দ্বীপ হইতে অনেক উদ্বাস্তু পরিবার গ্রামে আসিয়াছে। ইহাতে স্কুলের অভাব আরও বিশেষভাবে অনুভূত হয়। গ্রামবাসীদের সকলের চেষ্টা ও সহযোগিতায় গত বৎসর গ্রামে একটি প্রাথমিক বিদ্যালয় স্থাপিত হইয়াছে।

এযাবৎ স্কুলের সমুদয় ব্যয়ভার আমবা গ্রামবাসীরা নিজেরাই চাদা তুলিয়া নির্বাহ করিয়াছি। কিন্তু এ-বৎসর প্রথমে অনাবৃষ্টি ও পবে বন্যায় শস্য নষ্ট হওয়াতে আমাদের আর্থিক অবস্থা অত্যন্ত শোচনীয় হইয়াছে। অনেকেই চাদা দেওয়ার সমর্থন নাই। শিক্ষক মহাশয়ের বেতন নিয়মিত দেওয়া কষ্টকর হইয়া উঠিয়াছে। গ্রামের বখতলায় যে পুর্বাতন চালা ঘরটিতে স্কুল বসিতেছে তাহারও আশু সংস্কার প্রয়োজন। কিন্তু অর্থাভাবে তাহা হইতেছে না।

অতএব আমাদের বিনীত প্রার্থনা এই যে, সদাশয় সরকার বাহাদুর গ্রামেব এই বিদ্যালয়টিকে মাসিক দশ টাকা নিয়মিত সাহায্য এবং স্কুল ঘরের দরমার বেড়া ও খড়ের চাল মোরামতের জন্য পঞ্চাশ টাকা এককালীন দান মঞ্জুর করিয়া গ্রামস্থ বালক বালিকাগণের শিক্ষালাভের পথ সুগম রাখিতে আশ্রয় হয়।

ইতি—ইংবেজী ১১ই সেপ্টেম্বর, ১৯৫৭ সাল।

বশংবদ নিবেদক
নিকাশীপুর গ্রামেব অধিবাসীবৃন্দ

শিক্ষা মন্ত্রণালয়

নোটিস

দিরিয়েল নম্বর ১। নিকাশীপুর গ্রামবাসীদের পক্ষ হইতে আবেদন (পি-ইউ-সি)।

নিকাশীপুর গ্রামের প্রাথমিক বিদ্যালয়ের জন্য মাসিক দশ টাকা ও এককালীন দান হিসাবে পঞ্চাশ টাকার সাহায্য প্রার্থনা করা হইয়াছে। ইহা উদ্বাস্তুদের শিক্ষার বিষয়। উদ্বাস্তু পুনর্বাসন মন্ত্রণালয়ে যথোচিত ব্যবস্থার জন্য পাঠাইয়া দেওয়া যাইতে পারে।

২৬০

যাযাবব অমনিবাস

সি কে জি

১৩। ১২। ৫৭

ইউ এস

আব ব্যানাজী

১৬। ১২। ৫৭

উদ্বাস্তু পুনর্বাসন মস্ত্রণালয় (শ্রী বি বাসু)

শিক্ষা মস্ত্রণালয়, ইউ নোট নম্বর ২০৩৫। এফ। ৫৭ তারিখ ১৯। ১২। ৫৭

উদ্বাস্তু পুনর্বাসন মস্ত্রণালয়

এই মস্ত্রণালয় হইতে শুধু সে-সব স্কুলেই সাহায্য দেওয়া হয় যেগুলি পূর্বাপূর্বি অথবা মুখ্যতঃ উদ্বাস্তু বালক বালিকাদেব শিক্ষাব জন্য স্থাপিত। বর্তমান দবখাস্তে স্পষ্টতঃই উল্লেখ আছে যে স্কুলটি গ্রামেব সমুদয় বালক বালিকাদেব জন্য। সুতরাং ইহা শিক্ষা মস্ত্রণালয়েব বিবেচনাব বিষয়। ডি এস দয়া কবিয়া দেখিতে পাবেন। নির্দেশেব জন্য।

এল এস আব

। ১। ৫৮

ইউ এস

পি দাস

১২। ১। ৫৮

ডি এস (প্রাইমারী স্কুল)

সমগ্র গ্রামেব শিক্ষাব দায়িত্ব উদ্বাস্তু মস্ত্রণালয় লইতে পাবে না। শিক্ষা বিভাগেব জানাইয়া দেওয়া হউক।

এন চক্রবর্তী

ডি এস

১৬। ১। ৫৮

শিক্ষা মস্ত্রণালয়

উদ্বাস্তু পুনর্বাসন মস্ত্রণালয়েব মস্ত্রব্য ঘটনাসম্মত নহে। বিদ্যালয়টি সমগ্র গ্রামেব বালক বালিকাদেব শিক্ষাব জন্য হইলেও বর্তমানে অনেক উদ্বাস্তু ছাত্রছাত্রী পড়িতেছে ইহা অনুমান করা যাইতে পাবে। এ সকল ছাত্রছাত্রীদেব শিক্ষাব ব্যবস্থা করিতে বিদ্যালয়টি উক্ত মস্ত্রণালয় হইতে অর্থ সাহায্য পাইবাব অধিকারী। এ বিষয়েব প্রতি মনোযোগ আকর্ষণ কবিয়া বিষয়টি পুনর্বিবেচনাব জন্য উদ্বাস্তু পুনর্বাসন মস্ত্রণালয়ে পাঠানো যাইতে পাবে।

সি. কে জি

৩। ৩। ৫৮

ইউ এস

ডি এস

আব ব্যানাজী

ইউ এস

৭। ৩। ৫৮

জে. এসও হয়তো দেখিতে চাহিবেন

জে. এস

পি. সি. দত্ত
ডি. এস.
১০। ৩। ৫৮

এন. সি. রায়
১১। ৩। ৫৮

উদ্বাস্তু পুনর্বাসন মন্ত্রণালয়

উদ্বাস্তু ছাত্রছাত্রীদের মধ্যে যাহারা স্টাইপেন্ড পাওয়ার উপযুক্ত আমরা তাহাদিগকে নির্ধারিত হারে বৃত্তি দিতে প্রস্তুত আছি। যে সব উদ্বাস্তু ছাত্র অথবা ছাত্রী পবীক্ষার শতকরা অনূন পঞ্চাশ ভাগ নম্বর পাইয়াছে তাহারা নির্দিষ্ট ফরমে দবখাস্ত শিক্ষা বিভাগের মাধ্যমে পাঠাইলে প্রত্যেকটি আবেদন বিবেচিত হইবে। দরখাস্তের সঙ্গে যথারীতি উদ্বাস্তু সার্টিফিকেট, অভিভাবকের মাসিক আয়ের পরিমাণ, পরিবারের জনসংখ্যা একজন গেজেটেড অফিসার কর্তৃক এটেষ্টেশান করাইয়া দাখিল করিতে হইবে।

পি. দাস
ইউ. এস.
১৭। ৪। ৫৮

শিক্ষা মন্ত্রণালয়

জয়েন্ট সেক্রেটারী অনুগ্রহপূর্বক দেখুন। এ অবস্থায় অর্থ সাহায্যের বিষয় আমাদিগকেই বিবেচনা করিতে হইবে। এ বিষয়ে সিদ্ধান্ত গ্রহণের পূর্বে প্ল্যানিং শাখার অভিমত জানা প্রয়োজন। তাহাদের বর্তমান অথবা আগামী চতুর্থ পঞ্চবার্ষিকী পরিকল্পনায় নিকাশীপূরে অথবা উহার নিকটবর্তী কোনো গ্রামে কোনো স্কুল প্রতিষ্ঠাব সম্ভাবনা আছে কি? একই অথবা কাছাকাছি গ্রামে একাধিক স্কুল স্থাপন গভর্ণমেন্টের পলিসি নহে। প্ল্যানিং শাখা দয়া করিয়া দেখিতে পারেন।

জে. এস.

ডি. এস. (প্ল্যানিং)

আর. ব্যানার্জী
ইউ. এস.
৯। ৬। ৫৮
এন. সি. রায়
১০। ৬। ৫৮

শিক্ষা মন্ত্রণালয়

ফ্রেস রিসিট

মাননীয় শিক্ষা বিভাগের সেক্রেটারী
সমীপেষু

মহাশয়,

আমাদের প্রাথমিক স্কুলের জন্য মাসিক কিঞ্চিৎ অর্থ সাহায্য এবং স্কুলঘরের মেরামতের জন্য এককালীন অর্থ প্রার্থনা করিয়া গতবৎসর সেপ্টেম্বর মাসে মহামান্য সরকারের নিকট এক দরখাস্ত করিয়াছিলাম। অদ্যাবধি তাহার কোনো প্রাপ্তি সংবাদ পাই নাই। ইতিপূর্বে দুইখানি চিঠি লিখিয়া এ-বিষয় স্মরণ করাইয়া দিয়াছি। তাহারও কোনো উত্তর পাই নাই। এক্ষণে জানাইতেছি যে আর্থিক অনটনের হেতু আমাদের বিদ্যালয় পরিচালনা সুকঠিন হইয়াছে। গত তিনমাস যাবত স্কুলের শিক্ষক মহাশয়ের বেতন বাকী পড়িয়াছে। গৃহটির অবস্থা অত্যন্ত শোচনীয়, সম্মুখে বর্ষা আসন্ন। তাহার পূর্বেই উহার চাল নতুন করিয়া না ছাওয়া হইলে ঐ ঘরে বিদ্যালয় বসিতে পারিবে না।

অতএব আমাদের বিনীত নিবেদন এই যে অবিলম্বে আমাদের অর্থসাহায্যের আবেদন মঞ্জুর করিয়া বিদ্যালয়টিকে রক্ষা করিতে আজ্ঞা হয়।

ইতি—ইংরেজী ২০শে জুন, ১৯৫৮ সাল।

আপনার একান্ত বশংবদ
নিকাশীপুর গ্রামের অধিবাসীবন্দ

শিক্ষা মন্ত্রণালয়

করেসপন্ডেন্স : সিরিয়েল নম্বর ২—রিসিট (এফ-আর)

ফ্রেস রিসিটটি নিকাশীপুর গ্রামের অধিবাসীদের পত্র। এ সংক্রান্ত সমুদয় কাগজপত্র প্ল্যানিং শাখায় পাঠানো হইয়াছে। তাহাদের নিকট হইতে তাহা ফিরিয়া আসা পর্যন্ত অপেক্ষা করা যাইতে পারে।

সি. কে. জি.

২৯। ৭। ৫৮

ইউ. এস.

পত্রের প্রাপ্তি স্বীকার করা হউক। প্ল্যানিং শাখাকে রিমাইন্ডার দেওয়া হউক।

আর. ব্যানার্জী

২। ৮। ৫৮

করেসপন্ডেন্স : সিরিয়েল নম্বর (৩) ইসু

নিকাশীপুর গ্রামবাসীদের প্রতি

মহাকাঞ্চনদ্বীপ গভর্নমেন্ট

শিক্ষা মন্ত্রণালয়

ই। জি। ৪৫৩। ৫৭-৫৮

মহানগর ১০। ৮। ৫৮

প্রিয় মহাশয়গণ,

আপনাদের ১১-৯-৫৭ তারিখের আবেদনপত্র ও তৎপরবর্তী রিমাইন্ডারগুলির প্রাপ্তি স্বীকার করিতে আমি আদিষ্ট হইয়াছি। বিষয়টি সরকারের বিবেচনাধীন আছে।

আপনাদের বিশ্বস্ত

স্বাক্ষর অম্পট্ট
পক্ষে/আভার সেক্রেটারী

নোটস :

সিরিয়েল নম্বর (৪) ইসু

বিষয় :—নিকাশীপুৰ গ্রামেব স্কুলের অং আবেদন

প্ল্যানিং শাখা দয়া করিয়া ৯। ৬। ৫৮ তারিখে প্রেরিত ই। জি। ৪৫৩। ৫৭-৫৮ ফাইলটি তাঁহাদের মন্তব্য সহ শীঘ্র ফেরৎ পাঠাইবেন কী ?

পি. সি. সাক্সেনা
সেক্সান অফিসার
গ্রেড. টু
১০। ৮। ৫৮

শিক্ষা মন্ত্রণালয়

প্ল্যানিং শাখা

তৃতীয় পঞ্চবার্ষিকী পরিকল্পনায়, নিকাশীপুৰ গ্রামে কোনো বিদ্যালয় স্থাপনের প্রস্তাব নাই। যখন চতুর্থ পঞ্চবার্ষিকী পরিকল্পনাব খসড়া প্রণয়ন করা হইবে তখন অন্যান্য অঞ্চলের প্রয়োজন বিবেচনার সঙ্গে নিকাশীপুৰ গ্রামের দাবী বিবেচনা করিয়া দেখা যাইবে। করেল ডিভিলাপমেন্ট এবং আর. ই. এস. ব্লকের স্কিমোটিক বাজেট হইতেও স্কুলের জন্য অর্থ সাহায্য দেওয়া হইয়া থাকে। গ্রাম উন্নয়ন মন্ত্রণালয় এই কাগজপত্র দেখিতে পাবেন।

কে. এল. বক্সী
বিশেষ কাজে নিযুক্ত অফিসার
প্ল্যানিং,
১৯। ৮। ৫৮

গ্রাম উন্নয়ন মন্ত্রণালয়

নিকাশীপূরে কোনো আর-ই-এস ; আর-ডি- অথবা পোস্ট
স্কিমটিক বাজেট হইতে সাহায্য দেওয়ার প্রশ্ন ওঠে না।

রক নাই। সুতরাং

এল. এম. দাস.
জয়েন্ট ডিভিলাপমেন্ট কমিশনার
৩। ৯। ৫৮

শিক্ষা মন্ত্রণালয়

পূর্ববর্তী মন্তব্যগুলি দয়া করিয়া দেখা হউক। উপযুক্ত ক্ষেত্রে বেসবকারী স্কুলে মাসিক সাহায্য
দেওয়ার পূর্ব নজীর আছে। স্কুল ঘাণের মেরামতের জন্য এককালীন সাহায্য দিতে হইলে আমাদের
অর্থদপ্তরের অনুমোদন লইতে হইবে। কিন্তু তৎপূর্বে ইহা স্থির করা প্রয়োজন যে একই ঘাণে ছাত্র
ও ছাত্রীদের ক্লাশ হওয়া বাঞ্ছনীয় কিনা। স্ত্রীশিক্ষাব ডেপুটি ডিরেক্টরের অভিমত লওয়া সমীচীন।

সি.কে.জি.
১২। ৯। ৫৮

আব ব্যানার্জী
ইউ এস.
১৩। ৯। ৫৮

ডি. ডি. (মিসেস মিত্র)

স্কুলে সহশিক্ষা বাঞ্ছনীয় নহে। তবে যেখানে পৃথক বালিকা বিদ্যালয় স্থাপন সম্ভব নহে সেখানে
নিম্ন শ্রেণীতে সহশিক্ষা অনুমোদন করা ছাড়া গতাস্তর নাই। নিকাশীপূরের বিদ্যালয়ের ছাত্রীদের
বয়স নয় বৎসরের অধিক না হইলে একই ঘাণে ক্লাশ করিতে আপত্তি নাই। প্রসঙ্গতঃ চালাঘরটি
স্বাস্থ্যসম্মত কিনা সে বিষয়ে স্বাস্থ্যদপ্তরকে জিজ্ঞাসা করা উচিত মনে হয়।

(মিসেস) টি. মিত্র
ডেপুটি ডিরেক্টর (স্ত্রী শিক্ষা)

ইউ. এস (গ্রান্টস)

২৭। ৯। ৫৮

স্বাস্থ্য মন্ত্রণালয় (ডি.জি এইচ.এস.) তাঁহাদের অভিমত দয়া করিয়া জানাইবেন কি ?

আর. ব্যানার্জী
২। ১০। ৫৮

ডি জি. এইচ.এস. (স্বাস্থ্য মন্ত্রণালয়)

ডিরেক্টর জেনারেল হেলথ সার্ভিসেস স্বাস্থ্য মন্ত্রণালয়

যথেষ্ট আলো হাওয়ার ব্যবস্থা থাকিলে চালাঘরে স্বাস্থ্যের দিক দিয়া কোনো আপত্তি নাই। ঘরটি নিয়মানুযায়ী কিনা তাহা পাবলিক ওয়ার্কস ডিপার্টমেন্টের রিপোর্ট না পাইলে আমাদের পক্ষে কোনো মতামত জানানো সম্ভব হইবে না।

এ.কে.গুপ্ত

লেকটেন্যান্ট কর্নেল এম.বি. (কলি), এম.আর.সি.পি. (এডিন),

এল.আর.সি.পি. (লন্ডন)

ডি.জি. (এইচ.এস.)

১৯। ১১। ৫৮

ডি.ডি.জি.

পাবলিক ওয়ার্কস ডিপার্টমেন্ট অনুগ্রহপূর্বক দেখুন

এল. রুস্তগী

ডি.ডি.জি. (এইচ. এস)

২৩। ১১। ৫৮

পি.ডব্লিউ.ডি.

শিক্ষা মন্ত্রণালয়, ইউ নোট নম্বর ২০৩৫। এফ। ৫৭, তারিখ ১৮। ১০। ৫৮

পাবলিক ওয়ার্কস ডিপার্টমেন্ট

নিকাশীপুর স্কুল গৃহ সম্পর্কে এই দপ্তরে তথ্য নাই। তবে নীতির দিক দিয়া চালাঘর সমর্থনযোগ্য নহে। উহার ননরেকারিং এক্সপেন্ডিচার কম হইলেও রেকারিং এক্সপেন্ডিচার এত বেশী যে চালাঘর নির্মাণ পরিণামে জনসাধারণের অর্থের অপচয় ছাড়া আর কিছুই নহে। পাকা দালান ছাড়া কোনো স্কুলঘর তৈয়ার বা মেরামতে কোনো সরকারী অর্থসাহায্য দান এই বিভাগ সুপারিশ করিতে পারে না। বস্তুতঃ নূতন স্কুলের স্থাপনে পি. ডব্লিউ. ডি. কোড অনুযায়ী পাকা বাড়ি তৈয়ার আবশ্যিক ঘোষণা করিয়া নিয়ম প্রণয়ন আমরা অত্যন্ত জোরের সঙ্গে প্রস্তাব করিতেছি।

এ. পি. চক্রবর্তী

চীফ ইঞ্জিনিয়ার (কনস্ট্রাকশন)

৯। ১২। ৫৮

শিক্ষা মন্ত্রণালয়

উপরের নোট দ্রষ্টব্য। পাকা দালান ব্যতীত স্কুল স্থাপন করা হইবে কিনা তাহা পলিসি

বাধাবর অমনিবাস ১৭

ডিশিনানের ব্যাপার। যতক্ষণ ক্যাবিনেট সেইরূপ কোনো সিদ্ধান্ত না করিতেছেন ততক্ষণ স্থিতিবস্থা বজায় রাখাই রীতি। দরখাস্তে উল্লিখিত সাহায্যদানে অর্থ মন্ত্রণালয়ের অনুমোদন চাওয়া যাইতে পারে।

সি. কে. জি.

৩০। ১২। ৫৮

ডি. এস. (গ্রান্টস)

ডি. এস. (গ্রান্টস) টুরে গিয়াছেন। ফিরিয়া আসিলে পুনরায় পাঠাইবেন।

পি. কে. রায়

(ডি. এস.-এর খাশ সহায়ক)

১। ১। ৫৯

পুনরায় পেশ করা হইল।

সি. কে. জি.

১৪। ১। ৫৯

পি. সি. দত্ত

১৬। ১। ৫৯

অর্থ মন্ত্রণালয়

ইহা দুঃখের বিষয় যে কেসটি অসম্পূর্ণ ভাবে শিক্ষা বিভাগ হইতে পাঠানো হইয়াছে। সমুদয় তথ্য জানা না থাকিলে অর্থদপ্তর কী ভাবে অর্থব্যয়ের যুক্তিযুক্ততা বিচার করিতে পারে? বর্তমান ক্ষেত্রে নিম্নলিখিত তথ্যগুলি সর্বাত্মে জানা দরকার :—(১) স্কুলের ছাত্রছাত্রী সংখ্যা কত? (২) ছাত্র বেতন হইতে স্কুলের আয় কত? (৩) আয় ব্যয়ের অডিট সার্টিফিকেট (৪) স্কুল সরকার কর্তৃক অনুমোদিত কিনা।

সরকারি সাহায্য পাইতে হইলে শিক্ষকের যে শিক্ষার মান গ্রান্টস রুলে বাধিয়া দেওয়া আছে বর্তমান শিক্ষকের তাহা আছে কি?

বি.সি. মুখার্জী

আন্ডার সেক্রেটারী

শিক্ষা মন্ত্রণালয়

২। ৩। ৫৯

শিক্ষা মন্ত্রণালয়

পঞ্চদশ পরগণার শিক্ষা-ইনস্পেক্টরকে সরজমীনে তদন্ত করিয়া উক্ত বিদ্যালয় সম্পর্কে রিপোর্ট দিতে বলা হইক।

আর-ব্যানার্জী

১৮। ৩। ৫৯

শিক্ষামন্ত্রীর নোট

গত রবিবারের 'দৈনিক কালান্তর' পত্রিকার সম্পাদকীয় প্রসঙ্গে শিক্ষাবিভাগ কর্তৃক স্কুলে সাহায্য

লঘুকরণ

২৬৭

দেওয়া হয় না বলিয়া অভিযোগ করা হইয়াছে। দৃষ্টান্ত স্বরূপ নিকাশীপুর নামক গ্রামের প্রাথমিক স্কুলের কথা তাহাতে উল্লেখ করা হইয়াছে, দেখিলাম। অবশ্য নিকাশীপুর অঞ্চলে অনেক সরকার-বিরোধী আন্দোলনকারী আছে। বিগত নির্বাচনের ফলই তাহার সুস্পষ্ট প্রমাণ। যাহা হউক, সেক্রেটারী অনুগ্রহপূর্বক ব্যাপারটি সম্পর্কে অনুসন্ধান করিয়া আমাকে জানাইবেন কি?

সেক্রেটারী

এম. এম. পানিগ্রাহী

১৩। ৬। ৫৯

এইচ-ই-এম-এর নোটে যে বিষয় উল্লেখ আছে সে সম্পর্কে কোনো কাগজ-পত্র আছে কি?

এ.স্বামীনাথন

১৩। ৬। ৫৯

জে. এস.

প্লিজ স্পিক, ইমিডিয়েটলী

এন-সি. রায়

ডি. এস. (গ্রান্টস)

১৪। ৬। ৫৯

(পূর্ব পৃষ্ঠা হইতে)

আলোচনা কবা হইয়াছে। পঞ্চদশ পবগণাব স্কুল ইন্সপেক্টরের বিপোর্ট ও অন্যান্য সংশ্লিষ্ট কাগজপত্র পেশ করা হইল। এই সঙ্গে লিঙ্কড ফাইলটির প্রতিও মনোযোগ আকর্ষণ করা যাইতেছে। ইন্সপেক্টরের বিপোর্টে দেখা যাইতেছে প্রায় একবৎসর হইল স্কুলটি উঠিয়া গিয়াছে। বেতন না পাওয়ায় স্কুলের শিক্ষক অনেকদিন পূর্বেই অন্যত্র চলিয়া গিয়াছেন। যে ঘরে স্কুল বসিত তাহাও গত বৎসব বর্ষাব সময় ভাঙ্গিয়া পড়িয়া গিয়াছে। উহার বাঁশের বেড়া, খুঁটি ইত্যাদি হয় স্থানীয় অধিবাসীরা উন্নয়ন ধবাইতে ব্যবহার করিয়াছে নয়তো বৃষ্টিতে পচিয়া নষ্ট হইয়াছে। বর্তমানে একমাত্র মাটির ভিটাটুকু ছাড়া উহার আর কোনো চিহ্ন নাই। এমতাবস্থায় বিষয়টি অর্থদপ্তরে পুনরায় পাঠাইবার প্রয়োজন নাই। জয়েন্ট সেক্রেটারী অনুগ্রহপূর্বক দেখুন।

পি.সি.দত্ত

১৫। ৬। ৫৯

জে. এস.

আমি একমত। বিষয়টি সমাপ্ত গণ্য করিয়া ফাইল বন্ধ করা হউক। সেক্রেটারী অনুগ্রহ করিয়া দেখুন, তিনি বোধ হয় এইচ-ই-এম-কে জানাইয়া রাখিতে চাহিবেন।

এন-সি-রায়

১৬। ৬। ৫৯

সেক্রেটারী

মাননীয় শিক্ষা মন্ত্রী অনুগ্রহপূর্বক দেখুন। তথ্য হিসাবে।

এম. স্বামীনাথন

১৭। ৬। ৫৯

এইচ-ই-এম.

দেখিলাম, ধন্যবাদ।

এম.এম.পানিগ্রাহী

২১। ৬। ৫৯

সেক্রেটারী

কাগজপত্র প্রচার বিভাগে দেখানো হউক। প্রচার অধিকর্তাকে প্রকৃত অবস্থা জানাইয়া একটি প্রেস নোট ইস্যু করিতে অনুরোধ করা হউক।

এম. স্বামীনাথন

২২। ৬। ৫৯

জে. এস.

যথোচিত গ্র্যাকশানের জন্য প্রচার অধিকর্তা দয়া করিয়া সেক্রেটারীর মন্তব্য দেখুন।

এন.সি.রায়

২৪। ৬। ৫৯

প্রচার বিভাগ

প্রচার বিভাগ

শিক্ষা বিভাগের ইচ্ছানুযায়ী প্রেস নোট ইস্যু করা হইল। জে.এস. অনুগ্রহপূর্বক দেখিবেন।

পি. খাননবীশ

প্রচার অধিকর্তা

২৯। ৬। ৫৯

জে. এস.

এন.সি.রায়

২। ৭। ৫৯

প্রেস নোট

নিকাশীপুর গ্রামের বিদ্যালয়ে অর্থসাহায্য দেওয়া হয় না বলিয়া অভিযোগ করিয়া সম্রাতি মহানগরের কোনো একটি দৈনিক পত্রিকায় যে সম্পাদকীয় প্রবন্ধ প্রকাশিত হইয়াছে তৎপ্রতি গভর্ণমেন্টের দৃষ্টি আকর্ষণ করা হইয়াছে। পাছে এই প্রবন্ধের দ্বারা জনসাধারণের মনে ভ্রান্ত ধারণার সৃষ্টি হয় সেজন্য এই সম্পর্কে প্রকৃত তথ্য জ্ঞাপন করা প্রয়োজন।

কোনো বিদ্যালয়ের জন্য অর্থসাহায্যের আবেদন পাওয়া গেলে শিক্ষাবিভাগ কুলের হস্তক্ষেপে,

অবস্থান, শিক্ষার ব্যবস্থা, শিক্ষকদের যোগ্যতা ইত্যাদি আবশ্যকীয় বিষয়ে অনুসন্ধান করেন। ইহা বলাই নিম্প্রয়োজন যে, কোনো প্রকার তদন্ত ব্যতিরেকে অর্থসাহায্যের আবেদন মঞ্জুর করিয়া সরকার জনসাধারণের অর্থের অপচয় হইতে দিতে পারেন না। নিকাশীপুর বিদ্যালয়ের আবেদনেও অনুরূপ অনুসন্ধান করা হইয়াছিল। তদন্তের ফলে জানা গিয়াছে যে, নিকাশীপুরে বর্তমানে কোনো বিদ্যালয়ের অস্তিত্ব নাই। সুতরাং বিদ্যালয়কে অর্থসাহায্যদানে অস্বীকৃত হওয়ার কোনো প্রল্লই ওঠে না। ঐরূপ অভিযোগ সম্পূর্ণ ভিত্তিহীন এবং অসদুদ্দেশ্য প্রণোদিত।

শিক্ষা বিভাগে বর্তমান গভর্নমেন্টের আগ্রহ সুবিদিত এবং যে সকল বিদ্যালয় সহায়তা লাভের যোগ্য বিবেচিত তাহাদিগকে গভর্নমেন্ট অকাতরে অর্থসাহায্য করিতেছেন। চলতি বৎসরের বাজেটে বিদ্যালয়ে সাহায্যের জন্য সাত লক্ষ টাকার ব্যবস্থা করা হইয়াছে। চতুর্থ পঞ্চবার্ষিকী পরিকল্পনায় আরও অধিকতর অর্থ নির্ধারিত হওয়ার সম্ভাবনা আছে।

ইহা অত্যন্ত পরিতাপের বিষয় যে, একখানি প্রতিষ্ঠাবান সংবাদপত্র বিষয়টি সম্পর্কে প্রকৃত তথ্য নির্ধারণ করিবার চেষ্টা না করিয়া একমাত্র স্বার্থাশ্রেষ্টী 'সবকাব বিরোধী' পক্ষের কথায় এইরূপ দায়িত্বহীন মন্তব্য করিয়াছেন।

তির্যক অঙ্কি

জ্যোতির্বিদেরা বলেন, সৌরমণ্ডলের মধ্যবিন্দুতে আছে সূর্য। তাকে কেন্দ্র করে বিভিন্ন কক্ষ-পথে অবিরত আবর্তিত হচ্ছে নানা গ্রহ-উপগ্রহের দল।

মর্তলোকে বাঙালীজীবনের মর্মস্থলে আছে আপিস। সেখানে তার ভারকেন্দ্র—ইংরেজীতে যাকে বলে সেন্টার অব গ্র্যাভিটি।

প্রাপ্তবৃত্ত বোড়শ বর্ষে মারোয়াড়ী বসে গদিতে, শিখ চালায় ট্যাক্সি গুজরাল গরুর পাল লয়ে যায় মাঠে, বঙ্গবালকেরা সে-বয়সে সেন বা মিত্র কোম্পানীর নোট মুখস্থ করে গোলদীঘির-ধারে পরীক্ষা দেয় লালদীঘির পায়ে ঠাই পাওয়ার আশায়।

পুরাকালে জাতিভেদে বৃত্তিভেদ হতো। ব্রাহ্মণ কবত যজন, যাজন, অধ্যয়ন ও অধ্যাপনা। ক্ষত্রিয় করত যুদ্ধ। বৈশ্যের ছিল বাণিজ্য এবং শূদ্রের সেবা।

এযুগে দ্বিজ বলতে বোঝায় মন্ত্রী, ডেপুটি মন্ত্রী বা নিদেনপক্ষে পার্লামেন্টারী সেক্রেটারী। আর যাই হোক, পড়াশুনা তাঁদের কোয়ালিফিকেশান নয়।

অহিংস অসহযোগের দেশে সত্যমেব জয়তে। সেখানে নিজের রাজ্য পরের দখলে গেলে সৈন্য না পাঠিয়ে প্রতিবাদপত্র পাঠানোই রীতি। সুতরাং যুদ্ধ এখন যা ঘটে তা ভোটের। তাতে হাতিয়ারের বদলে হাত তুললেই যথেষ্ট।

বাণিজ্য ধীরে ধীরে এসে ঠেকছে স্টেট ট্রেডিং-এর দপ্তরে এবং সেবার উল্লেখ থাকে একমাত্র ইলেকশানের বক্তৃতায়। বর্ণাশ্রম ধর্মের কর্মবিভাগ একালে অচল।

ইংরেজী প্রবাদে বলে, সব রাস্তাই মেশে বোমে। রোম য়ারা দেখেছেন তাঁরা জানেন কথটা সত্য নয়। কিন্তু একথা নিঃসন্দেহ যে, সব বাঙালীই যায় আপিসে, যেমন ঝান্ডা হাতে সব “আমাদের দাবি মানতে হবে”-র মিছিলই ধায় এসেস্থলী বা পার্লামেন্টের দিকে।

শিক্ষিত বাঙালীর নেশা অনেক : কারো ফুটবল, কারো সাহিত্য, কারো বা কার্ল মার্কস। কিন্তু পেশা এক এবং অস্থিতীয়,—চাকরি। তাই এম-বি পাস করে তারা হতে চায় চা-বাগান, কয়লার খনি বা বিলাতী জাহাজের মেডিক্যাল অফিসার। বি-এল পাস করে সওদাগরী আপিসের ল-সুপারিনটেন্ডেন্ট।

শৈশবে মুখে কথা ফোটান আগেই চাকরির কথাটা বাঙালীর কানের ভিতর দিয়ে মরমে প শে থাকে। সন্ধ্যাবেলা মদু-দীপালোকিত শয্যায় ঠাকুমা-দিদিমাদের কণ্ঠে যে ছেলে-ভুলানো ছড়া শুনে বাঙালী খোকাখুকুদের চোখের পাতায় ঘুম নেমে আসে তাতেও চাকরির উল্লেখটা খুব স্পষ্ট :—

হাঁড়ির ভিতর ধনে,

গৌরী বেটা কনে ;

নোকে বেটা বর

টাকশালেতে চাকরি করে, ঘুঘুডাঙায় ঘর।

নোকে বেটার ঘর ঘুঘুডাঙার বদলে চেতলা বা খিদিরপুরে হলেও কারো কোনো আপত্তি হতো না। তার বয়স কত, চেহারা কেমন তা নিয়েও বিশেষ উদ্বেগ আছে এমন মনে হয় না। কনে এবং কনের অভিভাবকদের কাছে যা সবচেয়ে প্রয়োজনীয় তা হচ্ছে ঐ তার টাকশালে চাকরির খবরটা। সেটা সঠিক জানতে পারলেই গৌরীর মা-মাসিরা টেকিতে আনন্দ-নাড়ু কুটতে শুরু করেন, বাপ-কাকারা ময়রার দোকানে দৈ-সন্দেশ ফরমাস দিতে ছোটেন।

কালিদাসের কালে যাই হোক না কেন, আমাদের কালের পাত্রীপক্ষের সবারই কামনা এক। এমন কি গেস্ট-কন্টোলার দাপটে মিষ্টান্নম অনেক বিয়েতেই জোটে না। তখন ইতরে জনাও বর ভালো চাকরি করে জেনেই খুশি। পাত্র ব্যবসা করে শুনলে ভাবী বধূর মুখ মলিন এবং সম্ববপর ঋতুঠাকুরাণীর নাসিকা কুণ্ঠিত হয়। বরের বাজারে দোকানের মালিকের চাইতে ম্যানেজারের দর বেশী।

হর্স-পাওয়ার দিয়ে ইঞ্জিনের দাম বাড়ি, সিলেস্তার দিয়ে মোটর গাড়ির। হীরার মূল্য দু্যতিতে,

চাপরাসীর ভার তকমায়। সাবালক বাঙালীর দাম নিরূপিত হয় চাকরির ওজনে। তার পক্ষে পদবীর চাইতে পদের বিবরণটা গুরুতর। সাব-ইনস্পেক্টরের চাইতে ইনস্পেক্টর বড়; ডিরেক্টরের চাইতে ডিরেক্টার-জেনারেল।

বিশ্ববিদ্যালয়ের ডিগ্রী জানায শইপড়ার হিসাব। পাবলিক সার্ভিস কমিশনের বিজ্ঞাপন ছাড়া আর কোথায় তার খোজ পড়ে না। মাইনের অঙ্ক বোঝায় কর্মকুশলতা, সাদা কথায় যাকে বলে কাজ-বাগানোর ক্ষমতা। সংসারে সেটাই মুখ্য। বিদ্যার সঙ্গে বুদ্ধির যোগ কতখানি সে তত্ব কোনো বৈজ্ঞানিকের জানা নেই। কিন্তু টাকার সঙ্গে কৃতিত্বের খ্যাতি ধারের সঙ্গে সুদ বা স্বরের সঙ্গে মাথাধরার মতোই প্রায় স্বতঃসিদ্ধ। জগতে বিদ্যাতের মাপ এম্পিয়ারে, গতির মাপ বেগে এবং বিচক্ষণতার মাপ ব্যাল্ক-ব্যালেন্সে। মেট্রিক পদ্ধতিতেও তার নড়চড় নেই।

স্থানের দ্বারা যে দ্রব্যের আদর বাড়ে সে দৃষ্টান্ত আমাদের প্রাত্যহিক জীবনে হামেশাই চোখে পড়ে। বর্ষার দিনে ইলিশ মাত্রই বাঙ্গালীর রসনায় উপাদেয়। সে ইলিশ গঙ্গার হলে তার স্বাদ বাড়ে কি না তা নিয়ে সৌরাষ্ট্র ও পশ্চিমবঙ্গে মতদ্বৈধ আছে। কিন্তু দাম যে বাড়ে সে বিষয়ে তর্কের ঘবকাশ নেই। স্থানগৌরবেই গোয়ালন্দ বা পাকশীর যে ঢালানী ইলিশ সকালবেলায় ছাতুবাঁবুর বাজারে তিন টাকায় বিকোয়, সন্ধ্যাবেলা তক্তাঘাটে তা পাঁচটাকার কমে মেলে না। জামাইবস্তীর তত্ত্বে সাজানো ল্যাণ্ডা বেনারসের কি দ্বারভাঙ্গার তা দিয়ে শাশুড়ীরা বেয়ানের নজর বিচার করেন। ফ্ল্যাট আকারে এক এবং প্রকারে সদৃশ হলেও ভাড়ার হিসাবে করোলবাগ এবং গলফ-ক্লবস্ কিম্বা গলু ওস্তাগরের গলি আর হ্যারিংটন স্ট্রীটে কি তফাত নেই?

শুধু বস্তু নয়, ব্যক্তিও বহুক্ষেত্রেই তার বসতি দিয়ে কৌলীন্য লাভ করে। সে কালে শুদ্ধাচারী ব্রাহ্মণেরা বিখড়া কোলগর, আগরপাড়া বা হালিশহর যেখানেই থাকুন, সবাই টিকি, নস্যা এবং পাত্রাধার তৈলের তর্ক নিয়ে মোটামুটি জীবন কাটিয়ে দিতেন। কিন্তু ভাটপাড়ার নাম করলেই ব্রাহ্মণহুতা যেন বেশী প্রকট হয়ে উঠত। শাস্ত্রজ্ঞান পাঞ্জাব সিন্ধু গুজরাট মারাঠা দ্রাবিড় উৎকল বঙ্গের সর্বত্রই সমান সম্ভব। মোনাজাইট বালুকা বা ম্যান্নানীজ ধাতুর মতো তার অবস্থিতি কোন মানচিত্রের গায়ে দাগ দেওয়া নেই। তবুও কাশীর অথবা নবদ্বীপের পণ্ডিতদের বিধানই সর্বাত্মে গ্রাহ্য ছিল। বৈদ্যসমাজে কুল মিলিয়ে ঠাঁবা মেয়ের বিয়ে দিতেন তাঁরা কালিয়া বা সেনহাটির সেনগুপ্ত-দাশগুপ্তের ঘরে পাত্র খুঁজতেন। বাংলার বাইরে হিন্দুস্থানীদের মধ্যেও কাশ্মীরী মিশ্র, কনৌজের চতুর্বেদী ও মথুরার পাণ্ডেজীরা সামাজিক ক্রিয়াকাণ্ডে সামনের সারিতে আসন দাবি করতেন।

ঠিকানাও জেমেরে মর্যাদাবৃদ্ধি এ যুগেও কিছু কম নয়। কে না জানে যে হার্লে স্ট্রীটে চেম্বার হলেই ডাক্তারের এবং বন্ড স্ট্রীটে দোকান হলেই দর্জির বিল বিপুলাকার হয়?

চাকরিরও মান বাড়ে আপিসের নামে। খ্যাংরাপটিতে রামসুখদেওর আড়তে টাইপিস্ট যে চিঠি টাইপ করে তার পবিমাণ ফেয়ারলী প্রেসের হেভারসন ব্রীজের টাইপিস্টের চাইতে কিছু কম নয়। বেতনেও হয়তো পার্থক্য নেই। কিন্তু ঘরে স্ত্রী এবং পাড়ায় প্রতিবেশীদের কাছে দ্বিতীয়জনের মর্যাদা অধিক। বিদ্যাদানের মতো একান্ত নির্বিরোধী কাজেও প্রেসিডেন্সী অধ্যাপক মশাই যে হালিশহর কলেজের প্রফেসারের চাইতে অধিকতর মনোযোগের পাত্র সে কি শুধু মাইনের পার্থক্য?

বাঙালীর শশন, বসন, আচ্যাব আচরণে আপিসের প্রভাব অনেকখানি। বাঙালী মেয়েদের পোশাক নিয়ন্ত্রণ করে সিনেমার নায়িকা। সেটা অভূতপূর্ব নয়। বিদেশেও তাই। এলিজাবেথ টেলার বা সোফিয়া লরেনের স্কাটের হ্রাসবৃদ্ধি দ্বারাই পনের আনা ইংরেজ, আমেরিকান বা ফরাসী মেয়েদের ফ্যাশান নির্ধারিত। ক্রিস্টেন ডিয়ার তো আছে শুধু মুষ্টিমেয় উর্ধ্বচারিণী উচ্চাভিলাষিণীদের জন্য কোটে প্রেজেন্টেড না হওয়া পর্যন্ত যাদের দিবস বিশ্বাস এবং রজনী নিদ্রাহীন।

বাঙালী পুরুষের পোশাকের ধারা স্থিরীকৃত হয় আপিসের প্রয়োজনে। অধিকারীভেদে তত্ত্বসাধনার মতো চাকরিভেদে পরিচ্ছদ। ইংরেজের আমলে সিভিল সার্ভেন্ট কন্সটাবলের সঙ্গে

সরকারী আপিসে পরিধেয়ের নিয়মকানুন ঝাড়া ছিল। বেসরকারী আপিসগুলিতেও অলিখিত আইনে কেরানীর ছিল খুতি, অফিসারের স্ট। ব্রিটিশোত্তর যুগে সরকারী অফিসারদের জন্য একটা পোশাকের রীতি নির্দিষ্ট হয়েছে বটে। কিন্তু বিয়ের বরযাত্রীর গায়ে গিলে-করা পাঞ্জাবির মতো সেটাও শুধু বিশেষ উপলক্ষেই ব্যবহৃত।

এখন ধীরে ধীরে অফিসারেরা ছাড়ছেন টাই, কেরানীরা ধরেছেন প্যান্ট। এই নীচের মহলে যোগ ও উপরের মহলে বিয়োগের ফলে পোশাকের একতলা ও দোতলার দূরত্ব কমে গিয়ে মাঝখানে একটা নতুন তলার উদ্ভব হয়েছে স্থপতিদের ভাষায় যাকে বলে মেজেনাইন ফ্লোর। সেখানে শ্রী ছন্দহীন একটা অজ্ঞাবরণের সর্বব্যাপী বিস্তার। তার নাম—বুশ-শার্ট। প্রাচীন ফতুয়ার আধুনিক শোভন সংস্করণ; ইংরেজীতে যাকে বলে ডিল্যাক্স এডিশান। ভারতবর্ষে কালোবাজার ও মূল্যবৃদ্ধির সঙ্গে বিগত মহাযুদ্ধের এটি তৃতীয় অবদান।

জামাকাপড় থাকে মানুষের দেহে। তার রকমফের তাকালেই দেখা যায়। মনের পরিবর্তন থাকে গভীরে, সেটা সহজে দৃষ্টিগোচর নয়। আমাদের জীবনযাত্রা ও মনোভাবের উপরে আপিসের কাজের প্রভাব কতখানি সেটা নিরপেক্ষ গবেষণার বিষয়। বৃদ্ধ মহেশবাবুর বড় ছেলে রেলের মালবাবু। তিনি মেজেতে পিড়ি পেতে বসে খাগড়াই কাঁসার থালায় ভাত খান। এলুমিনিয়ামের কৌটয় টিফিন নিয়ে ট্রামে চেপে আপিসে যান। পাটের গাঁট, চালের বস্তা ও কয়লার ওয়োগানের ‘বিলটি’ লিখে সন্ধ্যাবেলা বাড়ি ফিরে প্রতিবেশীদের আড্ডায় মোহনবাগান, সূচিত্রা সেন, বা ক্রুচেভ নিয়ে বাগবিস্তার করেন। তাঁরই অনুজ রেলের অফিসার। তাঁর খাবার ব্যবস্থা টেবিলে, বাসন কাচের বা চীনেমাটির। দুপুরে বেয়ারা আপিসে বয়ে নিয়ে আসে হট কেসে-ভরা লাঞ্চ। বিকালে ক্লাবে গিয়ে খেলেন দু’ সেট টেনিস বা দু’ রাবার অকসান ক্রীড।

সন্দের মতো অন্দরমহলেও দু’ পক্ষের প্রভেদটা সুস্পষ্ট। কেরানী-গিন্নী ঘরসংসারের কাজ সাজ করে দুপুরবেলা সময় পেলে পাশের-বাড়ির বউদের সঙ্গে মাছের দাম, গয়লার শঠতা বা ছোটখুকীর হপিং কাশি নিয়ে সুখ-দুঃখের গল্প করেন। দিবানিত্রা ও প্রেমের উপন্যাসের ফাঁকে ফাঁকে অফিসারের মিসেস সেজেগুজে করেন সোশ্যাল ওয়ার্ক বা মহিলা-সমিতির সভানেতৃত্ব।

বাস্তবিক, জন্মশাসন থেকে সাম্যবাদ এবং ছইন্সি পান থেকে অসবর্ণবিবাহ প্রভৃতি সর্বপ্রকার বিতর্কমূলক বিষয়েই আমাদের মতবাদ আমাদের পদাধিকার দিয়ে প্রভাবান্বিত। উচ্চপদের সঙ্গে অতি-আধুনিকতার যোগাযোগ প্রায় বাসরঘরের সঙ্গে শ্যালিকার চতুরালির মতোই অবিচ্ছেদ্য।

জোয়ার ভাঁটা দিয়ে নৌকাযাত্রার মতো আপিস দিয়ে আমাদের জীবনযাত্রা নিয়ন্ত্রিত। আপিসের ঘড়ি দেখে রাস্তায় ট্রাম চলে, আপিসের সময় মেনে হৈসেলে হাঁড়ি চড়ে। আপিসের ছুটি হিসাব করে বৌভাতের দিন থেকে টেস্টম্যাচের তারিখ ধার্য হয়। কাশী বন্দাবন বা পুরী দার্জিলিং পুণ্যকামী বা স্বাস্থ্যদোষীদের আগমন নির্গমনের মর্মমণ্ডে আপিসের দরজা বন্ধ এবং খোলার উপরে নির্ভর করে। অধিকাংশ বাঙালীরই আপিসের ফাইলে ছাড়া লেখা নেই, আপিসের তাড়া ছাড়া জীবনে তাগিদ নেই। কানু বিনা গীত এখন হয়, শিবহীন যজ্ঞও। কিন্তু আপিসের গল্প নইলে সাক্ষ্যবৈঠকের গল্প জমে না।

রূপকথায় রাক্ষসের প্রাণ ছিল জলের নীচে পাথরের কৌটার ভিতরে। বাঙালীর প্রাণ আপিসের হাজিরাখাতায়। হাতে মারার চাইতে ভাতে মারার শাস্তি তার পক্ষে বেশী ভয়াবহ। উর্বরমুখে সূর্যমুখী কোন বাল্লভে স্রগ করে সে খবর আছে কবিসভাটের কল্পনায়। উৎসুক নেত্রে বাঙালী কেরানী যেদিনটির দিকে তাকিয়ে থাকে সে হচ্ছে মাসের পহেলা। ‘পে-ডে’টাই তার ‘ডি-ডে’। স্যামসনের চুল কেটে নেওয়ার মতো চেয়ার কেড়ে নিলেই সে ভূমিসাৎ—একাধিক অর্থে।

চাকরি বাঙালীকে দিয়েছে ইংরেজী-শিক্ষার আগ্রহ ও সুযোগ, আধুনিক জ্ঞান-বিজ্ঞানের স্বাদ ও সন্ধান। মহরগতি গ্রাম্যজীবনের নিস্তরঙ্গ পরিবেষ্টন থেকে তাকে শিল্পকেন্দ্রিক সভ্যতার কোলাহলমুখর আড়িনায় টেনে এনেছে। তারই ফলে গড়ে উঠেছে বাঙালী মধ্যবিত্ত সমাজ—ভারতীয় দেশাত্মবোধের যা সূতিকাগার, সাহিত্য, সঙ্গীত ও শিল্পকলার যা অবলম্বন এবং

সুকুমার রুচি ও ঐগতিপরায়ণতার যা ধারক ও বাহক।

কিন্তু এয়গে মধ্যপন্থার কোনো স্থান নাই। হয় কংগ্রেস নয় কমিউনিস্ট,—পি-এস-পি অনেকের কাছেই দুর্বোধ্য। পঞ্চাশোর্ধ্বে মাথার চুলের মতো সবকিছুই এখন সাদা আর কালোয় ভাগাভাগি। ধূসরের অস্তিত্ব নেই। সমাজেও মধ্যবিত্তেরা অপাণ্ডিত্যেয়।

ধনীজনের আছে টাকার জোর। সেটা প্রকাশ্যে ধিকৃত হলেও অপ্রকাশ্যে সকলেরই শিরোধার্য। গণজনের আছে সংখ্যার জোর। গণতন্ত্রের গণনায় মস্তিষ্কটা অপ্রাসঙ্গিক, খোজ পড়ে মাথার। তাই জানকীর চরণ-নখরে নিবন্ধদৃষ্টি বনবাসী লক্ষণের মতো রাজনৈতিক নেতা থেকে দৈনিক কাগজের সম্পাদক পর্যন্ত সবাই তাদের পানে অবিচলনেত্রে তাকিয়ে গলদাক্রম। ঘরেও নহে,পারেও নহে যে জন আছে মাঝখানে সেই মধ্যবিত্তেরাই বসেছে ঘাটের কিনারায়। চাকরি একদিন তাদের বিভিন্ন প্রদেশে নিয়ে গিয়েছিল। চাকরির কারণেই তারা আজ সেখান থেকে বিতাড়িত। যে কারণে একদা তারা পেয়েছিল প্রতিষ্ঠা সেকারণে আজ তারা পাচ্ছে প্রহার।

প্রহার বা পীড়ন মাত্রই অকল্যাণকর নয়। না পেড়ালে কোন সোনা শুদ্ধ হয়? না পেড়ালে শেন লোহা শক্ত হয়?

আঘাতে পাথর থেকে বেরোয় আগুনের ফুলকি, মাটির ডেলা থেকে শুধু ধূলিকণা এবং তিল, তিসি থেকে নির্গত হয় তবল তৈলাক্ত ধারা। গভীর পবিতাপের বিষয়, দুঃখে বাঙালী দৃঢ়ীভূত হয় না দ্রবীভূত হয়।

এক গালে চড় খেয়ে যারা অন্য গাল এগিয়ে দেন, অন্ততঃ খ্রীস্টের অনুগামীদের কাছে তাঁরা নমস্যা। কিন্তু মার খেয়ে যারা শুধুই করে নামটা সহি লম্বা পিটিশানে তাদের দু'গালেই চুনকালি মাখা। কেবলই নাকীসুরে কান্না শিশুর হলেও বিরক্তিকর; প্রাপ্তবয়স্কের বেলায় সেটা নিতান্তই অসহ্য।

চাকরি বাঙালীকে কায়িকশ্রমে বিমুখ, ব্যবসা-বাণিজ্যে অনুৎসাহী ও দুঃসাহসিকতায় পশ্চাৎপদ করেছে এ অভিযোগ অতি পুরাতন ও বহুশ্রুত। সবচেয়ে শোকাবহ এই যে, নিশ্চিত আয়ের নিরাপদ ছত্রছায়ার মোহ দিয়ে চাকরি তাকে কবেছে বিজ্ঞতেজ, হতদ্যম, ঐক্যহীন ও বাক্যসার। তিন কোটি সন্তানের বেখেছে বাঙালী কবে, মানুষ করেনি।

কালকের পোষাক

মনের ভাব ঠিক মতো ব্যক্ত করার জন্যই পৃথিবীতে ভাষার সৃষ্টি হয়েছে একথা ছেলেবেলায় স্কুলপাঠ্য পুস্তকে আমরা পড়েছি। কিন্তু পরবর্তী জীবনে বহু অভিজ্ঞতার ফলে বুঝেছি ব্যাপারটা আসলে বিপরীত। হামেসাই দেখি, দম্ভজাল শাশুড়ীর অসুখের খবর পেয়ে পিত্রালয় থেকে পুত্রবধূ লেখেন,—আপনার অসুখের সংবাদে বিশেষ চিন্তিত আছি। কলকাতার ছোট ম্যাটবাড়িতে যখন কুটুন্সের দল ছেলে-মেয়ে নিয়ে অতিথি হয়, বাড়ির গৃহিণীকে তখন শরৎচন্দ্রের নায়িকার মতো আনন্দে মুখ কালি করে বলতে শোনা যায়,—এস ভাই এস, বড় খুশী হলেম!

মনে যা নেই তা প্রকাশ করার জন্যই যেমন ভাষা, দেহে যা নেই তা প্রমাণ করার জন্য তেমনি পোষাক। কুলগুরু শিষ্যগৃহে আসেন নামাবলী গায়ে জড়িয়ে, চেহারটা যেন যথেষ্ট সাদৃশ্য দেখায়। চাকরির উল্লেদার সূট পরে ইস্টারভিউ দিতে যায়, যাতে বেশী স্মার্ট দেখায়। বিয়ের কনেকে দেখানো হয় নীলাশ্বরী পরিয়ে, বংটা যাতে বেশী ফর্সা মনে হয়। বস্তুতঃ আমাদের বেশীর ভাগ বেশই হচ্ছে ছদ্মবেশ।

অবশ্য বেশের সঙ্গে পরিবেশের একটা যোগাযোগ থাকা স্বাভাবিক। বরফে ঢাকা এক্সিমোর দেশে চর্মনির্মিত পোশাক আত্মরক্ষার তাগিদেই আবশ্যিক। আন্দীর পাঞ্জাবি বা ঢাকাই উড়ুনী গায়ে লন্ডনের রাস্তায় বেরলে পুলিশে ধরার আগেই ধুরিসীতে ধরে। ব্যাক্কক শহরে ওভারকোট পরিহিত ব্যক্তিকে পাগলা গারদে নেওয়ার পূর্বে হাসপাতালে নিতে হয়।

শুধু পরিবেশ নয়, পেশাও অনেকাংশে মানুষের পোশাকের জাত নির্ধারণ করে থাকে। বিভিন্ন জীবিকার জন্য বিভিন্ন ধরনের পোশাক চলতি আছে। তার নাম যুনিফর্ম। জজকে পরতে হয় উইগ, ক্যাথলিক ধর্মযাজককে গায়ে দিতে হয় আলখাল্লা, পুলিশকে মাথায় ঝাঁধতে হয় পাগাড়ি, নার্সকে ক্রমাল। এগুলি নিয়ম! তা ছাড়া সুবিধা অসুবিধার কথা বিচার করেও এক এক ধরনের কাজের জন্য এক এক রকমের পোশাক আপনিই প্রচলিত হয়। ডেস্কে বসে লেজার লিখতে ধুতিই যথেষ্ট। কিন্তু ল্যাবরেটরীতে গ্যাসিড, কেমিক্যাল নিয়ে যারা কাজ করেন এপ্রনটা তাদের পক্ষে প্রয়োজনীয় এবং কারখানায় যারা মেশিন চালান শর্টস তাদের দরকার। অবশ্য বৃত্তিভেদে পরিচ্ছদভেদটা একমাত্র পুরুষের বেলায়ই ঘটে মেয়েদের বেলায় নয়। কারণ জগতে মেয়েমাত্রেরই শুধু একটিমাত্র পেশা আছে,—সে হলো স্বামী-পরিচালনা। তার জন্য শাড়ি, ফ্রক, সালোয়াব, পায়জামা, ঘাগরা সব পোশাকই সমান উপযোগী।

অথচ বিস্ময়ের ব্যাপার এই যে, পোশাকের যত রকমারি, যত আয়োজন, যত বর্ণবিন্যাস তাব সবটাই মেয়েদের জন্য। স্বর্গোদ্যানে আদি মানব-মানবী আদম ও ইভেব পোশাকে পার্থক্য ছিল না। উভয়ে একইভাবে তিনটি মাত্র ডুমুরের পাতা সেলাই করে দেহাচ্ছাদন কবেছিলেন। অবশ্য আমার বিশ্বাস, বসন ব্যবহারের সেই প্রথম মুহূর্তটিতেও বৃক্ষপত্র নির্বাচনের ব্যাপারে আদম অপেক্ষা ইভের অনেক বেশী সময় লেগেছে। বৌভাতের নেমন্তন্ত্রে যেতে আজকের দিনের মিসেস সেন, মিসেস ঘোষেরা যেমন কোন শাড়িটা পরবেন তা স্থির করতে দিশেহারা হন, সেদিনের আদি জননী ইভও তেমনি ডুমুরপত্রগুলির আকার, আকৃতি ও বর্ণ নিয়ে অনেক মাথা ঘামিয়ে থাকবেন।

সৃষ্টির সেই উষাকাল থেকে আধুনিক কাল পর্যন্ত পোশাকের বহু পরিবর্তন ঘটেছে। বৃক্ষপত্র থেকে নাইলন অনেকটা পথ; পোশাক বিবর্তনের এই সুদীর্ঘ পথে ইভের উত্তরাধিকারিণীরা আদমের জাতকে অনেক পিছনে ফেলে গেছেন। গারো পাহাড়ের নাগা কুটির থেকে নিউ ইয়র্কের ড্রয়িং রুম পর্যন্ত সর্বত্রই মেয়েদের তুলনায় পুরুষের পোশাক সংখ্যা ও বৈচিত্র্য দু'দিক দিয়েই অনেক বেশী সরল এবং সাধারণ। বাড়ির কর্তা দু'দিনের ছুটিতে পুরি বা মিহিজামে বেড়াতে যেতে একটা ছোট এটাকী কেস হাতে নিয়েই বেরিয়ে পড়তে পারেন। গম্বীকে সঙ্গে নিলে স্টেশানে স্টেশানে কুলি ভাড়া দিতেই প্রাণান্ত। একালের মেয়েদের সৌষ্ঠব সব জমা থাকে তাদের ওয়াল্ডোবের মধ্যে।

সকলেই জানি, বাঙালী পুরুষের মূল পোষাক ধুতি, মেয়েদের পোশাক শাড়ি। এরই সঙ্গে

যোগ, বিয়োগ, গুণ, ভাগ করে কালে কালে তার রকমফের ঘটেছে। সে পরিবর্তনের সঙ্গে ভূগোলের সম্পর্ক থাকেনি। থাকবে। এই গরম দেশে গলায় শক্ত কলারে টাই বেঁধে কেউ ঘর্মাক্ত কলেবর হতে চাইতো না। বরং কথটা এই যে আমাদের পোশাক ঠিক হয়েছে রুচি নিয়ে নয়—রীতি দিয়ে। আর পুরুষের বেলায় সে রীতিটা রাজরীতি।

আমাদের গত কালকের রাজপুরুষেরা ছিলেন সাহেব। তাদের কোট, ট্রাউজার্স, হ্যাট, বুটকেই তখন আমরা পোশাকের চরম আদর্শ জ্ঞান করে সঙ্গে ধারণ করেছি। সরকারী দপ্তরখানার অফিসার থেকে হাসপাতালের ডাক্তার এমন কি সিগারেটের ক্যানভাসার পর্যন্ত সবাই সুট পরাটা আবশ্যিক জ্ঞান করেছে। কালকের আগে পরশু রাজহু ছিল মুসলমান বাদশাহদের। সে আমলে তাই চোগা চাপকান ছিল ভদ্রপোশাকের নির্দর্শন। আমাদের দাদামশায়দের দেহে তাদের স্থান হয়েছে সমাদরে।

আজ দিল্লীর রাজপাটে প্রভাব আছে আগ্রা, অযোধ্যা, কাশী, কাঞ্চী ও কোশলের। তাই শেরশাহী ও চোস্ত ধীরে ধীরে আমাদের রাজবেশ হয়ে উঠেছে। ঢিলে পাজামা পাঞ্জাবী ও তার উপরে ওয়েস্ট কোট হয়েছে আটপৌরে পোশাক।

সুতরাং কাল আমাদের ছেলেদের পোশাক কী হবে তা নির্ভর করবে কাল আমাদের রাজ্য শাসন করা করবেন তারই উপরে। যারাই করুন, পাজামা ও পাঞ্জাবীকে তাঁরা বাতিল করবেন মনে হয় না। বামপন্থীরাও গুণিত নেহরু যে একটি মাত্র জিনিস সমর্থন করেন তা হচ্ছে তাঁর ওয়েস্ট কোটটি। এমনকি লালপন্থীদেরও ঝাড়া আলাদা বটে, কিন্তু পোশাক আলাদা নয়। শুধু এদেশে নয় যুগোশ্লাভ ও এনড্রি ভিসিনস্কী এবং আর্নেস্ট হেমিংওয়েয়ের মধ্যে পরিচ্ছদের তফাৎ ছিল না। কেনেডি ও ক্রুশ্চেভের পোশাক এক।

তবে হিন্দী যেমন ভারতের বাস্তবভাষা, পাঞ্জাবী, পাজামা এবং ওয়েস্ট কোটও ঠিক তেমনি হবে ভারতের রাষ্ট্রবেশ। অর্থাৎ হিন্দী ও যেমন কোনকালেই ভারতের সব লোক সব সময়ে বলবে না, ঐ পোশাকটাও তেমনি সর্বদা সর্বত্র পরা হবে না। কালকের দিনেও বিয়ের আসরে বাঙালী বরযাত্রীর দলকে গিলে কোচাচোনা ধুতিতেই দেখা যাবে, বন্ধু-বান্ধবের বাড়ি আড্ডা দিতে মাদ্রাজী ভদ্রলোকেরাও একথানা বিছানার চাদর আধখানা কবেই পরবেন। সর্বভারতীয় পোশাকটা হবে সতি সত্যিই পোশাকী।

অবশ্য নকল করতে গেলেই কিছুটা নাকাল হতে হয়। নবাবী আমলে আমরা চাপকানের সঙ্গে চাদর গায়ে জড়িয়েছি, সাহেবী আমলে পাঞ্জাবীর উপরে কোট পরেছি, আসছে কালও হয়তো ধুতির সঙ্গে শেরশাহী চালাতে থাকবে। তবে বাচোয়া এই যে, সংস্কৃত বৈশী হলেই যেমন পৃথিবীতে হত্যাকাণ্ডের কলঙ্ক স্থানল হয়, বহু ব্যবহারের দাবাও তেমনি রুচি-বিকৃতি ফ্যাশানে পরিণত হয়।

ফ্যাশান কথাটার মধ্যেই যেন একটা লঘুচিন্তাও আভাস আছে। অস্কার ওয়াইল্ডের নায়ক বলেছেন, অতি আধুনিক ফ্যাশান হলো সেই কদর্য বস্ত্র যা এত অসহ্য যে প্রতি ছ'মাস পরেই বদল করতে হয়। মেয়েদের দেখে ও কথাটায় আমরা বিশ্বাস জন্মেছে।

অজ্ঞাতবাসকালে একদা মায়া সর্বোববেব তীরে বকসপী ধর্ম যুধিষ্ঠিরকে কয়েকটি কঠিন প্রশ্ন করেছিলেন। যুধিষ্ঠির সব কটি প্রশ্নেই সঠিক উত্তর দিয়েছিলেন। তার একটি ছিল এই, পৃথিবীতে সর্বাপেক্ষা পরিবর্তনশীল কি? পাণ্ডুতনয় উত্তর করলেন, মানুষের মন। আজকের দিনে ধর্ম বালীগঞ্জে লোকের পারে দাঁড়িয়ে যদি ঐ প্রশ্ন করতেন, তবে যুধিষ্ঠির নিশ্চয়ই তাঁর আগের ভ্রম সংশোধন করে জবাব দিতেন, জগতে সবচেয়ে পরিবর্তনশীল মেয়েদের কানের দুল। শুধু দুল নয়, মেয়েদের সমস্ত সাজ-সজ্জাই হচ্ছে স্বল্পায়ু। এ পূজায় যে জর্জেটটি শোভা পায় সামনের শোকেসে, পরের পূজায় তাই পড়ে থাকে পিছনের গুদামে। আমাদের ঠাকুমাদের আমলে শাড়িতে পাড় ছিল তিনটে। মেয়েদের আমলে পাছাপাড় উঠে গিয়ে তার সংখ্যা হলো দুই। বউদিদের কালে তার আকার শীর্ণ হয়ে দাঁড়ালো অর্ধেক, পাইপিং। বোনদের সময়ে তাও সম্পূর্ণ নিশ্চিহ্ন হয়ে শাড়ি হলো পাড়হীন। আমাদের মেয়েদের যুগ সবে আরম্ভ হয়েছে। এখন চলছে আচলা;

যাকে বলে পলু। জামা প্রথম যুগে ছিল লেস, ফ্রিলে ভরা পুরো আঙিনের জ্যাকেট। তারপর এলো ব্লাউজ। তার হাতার দৈর্ঘ্য কৃষ্ণপঙ্কের ক্ষীয়মাণ চাঁদের মতো ক্রমশঃ কজির কাছ থেকে কাঁধের উপরে এসে পৌঁচেছে।

ব্লাউজের আদি যুগে সম্মুখ দিকটা ছিল গলার সঙ্গে আঁটা; তাতে নেকলেস পর্যন্ত ঢাকা পড়ে যেতো। সদ্যবিগত যুগে তার নিম্নগতি নীতিবাণীশদের উদ্বেগের কারণ হয়েছিল। সদ্য আগত যুগে শুরু হয়েছে কটি থেকে তার উর্ধ্বগতি। আমার কাছে দুটোই সমান মারাত্মক ঠেকে। প্রথমটাতে চোখ চাইলেই দেখতে হতো বিশীর্ণ কণ্ঠা; দ্বিতীয়টাতে দেখতে হচ্ছে মেদবাহুল্য।

কিন্তু এসবই তো হলো গতকাল এবং আজকের কথা। আগামীকালের মেয়েদের পোশাক হবে কী?

ভবিষ্যদ্বাণী করা কঠিন। মেয়েদের মন যেমন দেবতাদেরও অজ্ঞাত, মেয়েদের পোশাকও তেমনি মানুষের গবেষণার বাইরে। তবে কিছুটা হয়তো আঁচ করা যেতে পারে। সেজন্য যেতে হবে দার্জিলিং কিংবা মুসৌরীতে। সেখানকার ম্যাগে দর্শন মিলে স্ল্যাকস্ পরিহিতা বঙ্গললনার। ফ্যাশান নৃত্যমণ্ডলের সর্বাধুনিক তারকার দল। পুরুষের পোশাক মেয়েদের পক্ষে নিষিদ্ধ বলে বাইবেলে অনুশাসন আছে বটে, কিন্তু ওল্ড টেস্টামেন্টের আমলে মেয়েদের তো শ্রদ্ধানন্দ পার্কে সভানেতৃত্ব করতে হয়নি, করতে হয়নি পোস্টার হাতে নিয়ে ডালহৌসী স্কোয়ারে অবস্থান ধর্মঘট।

কালকের দিনে ট্রামে, বাসে, সিনেমার দরজায় দেখা যাবে শুধু এই স্ল্যাকস্; পুরুষের ট্রাউজার্সের সামান্য পরিবর্তিত মহিলা সংস্করণ। হায়, সেদিন আর তরুণীর রঙ্গিন অঞ্চল দেখে তরুণের নাড়ী চঞ্চল হবে না, বউমার আঁচলে ছেলে বাঁধা পড়েছে বলে শাশুড়ী আক্ষেপ করবেন না এবং “চলে নীল শাড়ি নিঙাড়ি নিঙাড়ি পবান সহিত মোর”—বলে কবির দল দীর্ঘশ্বাস ফেলবেন না!

কিন্তু সাজ বদল হলেই তো ছাঁচ বদল হয় না। সেদিনও জ্যোৎস্না নিশীথের বাঙ্কবীকে সকাল বেলার প্রখর সূর্যালোকে দেখে আজকের মতোই চমকে উঠতে হবে। কারণ সংসারে সব মেয়েরই দুটো করে চেহারা; ঠিক যেমন ইনকাম ট্যাক্স ফাঁকি দেওয়ার জন্য প্রত্যেক অসাধু ব্যবসায়ীর দুটো করে হিসেবের খাতা!

★ অল ইন্ডিয়া রেডিওর সৌজন্যে

মীমাংসা

এক

আমাদের বাড়ির পাশেই বৃন্দাবন চাটুয্যের বাড়ি। একেবারে সংলগ্ন বলিলেই হয়।

আমি কখনও তাঁহাদের বাড়ি যাই না। অপরাহ্নে কেশ পরিচর্যা ছলে ছাদে উঠিয়া কাহারো সঙ্গে গল্প করি না। সকালে জানালায়-দাঁড়াইয়া পাঠ্যভাসের ফাঁকে কোনো গৃহাভ্যন্তরে অপাঙ্গে দৃষ্টি নিক্ষেপও করি না। নিয়মিতভাবে ছাপা শাড়ি ও হাই হিলের জুতা পরিয়া বেথুনের বাসে চাপিয়া কলেজে যাই।

বৃন্দাবন চাটুয্যের সেজ ছেলে বিকাশ। বয়স ষাঁচিশ। সে কেন আমাদের বাড়িতে আসে? সকালে সদর দরজায় অপেক্ষা করে,—কখন বাহির হইব। বিকালে পথ চাহিয়া দাঁড়াইয়া থাকে,—কখন ফিরিব। সঙ্কায় বাড়ির ভিতর আসিয়া প্রার্থনাপূর্ণ নয়নে মুখের পানে চাহিয়া রহে।

তাহাকে অনেক দিয়া দিয়া নিষেধ করিয়াছি। সে বারণ মানে না। ক্রুদ্ধ হইয়া ভৎসনা করিয়াছি। সে নিরস্ত হয় নাই। বিরক্তিতে মুখ ফিরাইয়াছি। সে অবিচল। চিঠির উত্তর না পাইয়াও চিঠি লেখে। বারবার 'রং-নাম্বার' পাইয়াও টেলিফোন করিতে ছাড়ে না। হায়, তাহাকে কী ভাবে ফিরাইব?

আমি কবি নই, সাহিত্যিক নই, সাময়িক পত্রিকা সম্পাদক নই। মনের ভাব সম্পূর্ণরূপে ব্যক্ত করিতে পারি না। কেবল ভয়ে ভয়ে থাকি। পদশব্দে সচকিত হই। ছায়া দেখিলে চমকিয়া উঠি। নিজের দুর্বলতায় নিজেই বিস্কৃত হই। ইচ্ছা করে, ঘর ছাড়িয়া বাহির হইয়া যাই।

বুঝিতে পারি, রাধিকা কেন তাহার সখীকে সম্বোধন করিয়া কাতর স্বরে কহিতেছেন,—

“বারণ কর লো সই, আর যেন
শ্যামচাঁদ আসে না আসে না।”

বুঝিতে পারি, চণ্ডীদাস কেন লিখিয়াছিলেন,—

“যে না দেশে পুথির ঘর সেই দেশে যাব
ডালে মূলে উপাড়িয়া সাগরে ভাসাব।”

কিন্তু পাঠক! আমার এ হৃদয়বেদনা কি তুমি বুঝিয়াছ?

উত্তর

আমি বুঝিয়াছি। যদিও আমি ছাপা শাড়ি ও হাই হিলের জুতা পরিয়া বেথুনে যাই না। কারণ আমি পুরুষ মানুষ। ঘরে স্ত্রী আছেন, এবং সামান্য বেতনে শিক্ষকতা করি।

কিন্তু আমার বাড়ির পাশেও একটি বাড়ি আছে। একেবারে সংলগ্নই বটে।

সে বাড়ির একটি ছোকরা লাইফ ইন্সিওরেন্সের এজেন্ট। সবেমাত্র কাজে নামিয়াছে, এখন পর্যন্ত একটিও 'কেস' দিতে পারে নাই। সে প্রত্যহই আমাদের বাড়িতে আসে। সকালে আসে, বিকালে আসে, অনেক রাত্রি অবধি বসিয়া মাসিক দেয় চাঁদা এবং বার্ষিক প্রাপ্য বোনাসের অঙ্ক নামতার মত শুনাইয়া যায়। পথে ঘাটে দেখা হইলেই ফস করিয়া ফরম সামনে ধরিয়া সহি করিতে বলে।

অনুনয়, বিনয় ব্যর্থ হইয়াছে। কটুবাকা নিষ্ফল। আমিও সর্বদাই ভয়ে ভয়ে থাকি। পদশব্দে শঙ্কিত হই। ছায়া দেখিলে চমকিয়া উঠি। ইচ্ছা করে, শুধু ঘর নয়,—এ পাড়া ছাড়িয়া অন্যত্র চলিয়া যাই।

বুঝিতে পারিতেছি, রাধিকা কেন বলিয়াছিলেন,—

“বারণ কর লো সই আর যেন
শ্যামচাঁদ আসে না আসে না।”

শ্যাম বোধকরি তখন একটা পাঁচ হাজার টাকার এন্ডাউমেন্ট পলিসি গছাইবার ফিকিরে ছিলেন।

বুঝিতে পারি, চন্দীদাস কেন লিখিয়াছিলেন—

“যে না দেশে পৃথিবীর ঘর সেই দেশে যাব

ডালে মূলে উপাডিয়া সাগরে ভাসাব।”

বোধহয় ফি ডাকেই চন্দীদাসের নামে বীমা কোম্পানীর ঝুড়ি ঝুড়ি প্রসপেক্টাস আসিতেছিল।

আমার বাড়ির পাশে যাহাদের বাড়ি তাঁহারাও চাটুয়ে। বোধহয় যে ছোকরা লাইফ ইন্সুরেন্সের এজেন্সি করে তাহারই নাম ‘বিকাশ’ হইবে।

ইতি

শ্রীহিনসিওরেন্ণভীত।

দুই

আমার এ কী হইল ? এ কী বেদনা ? দিনে আহার নাই, রাত্রিতে নিদ্রা নাই। মনে সুখ নাই। “অধির হইয়া ফিরি এখানে ওখানে।”

মলয় পবন, ফুলের সৌরভ, কোকিলের কুহুস্বর ও চন্দ্রের কিরণ সমস্তই আমার নিকট নিরর্থক মনে হয়। জীবন বিশ্বাদ ঠেকে। নববরষার মেঘাডম্বর দেখিয়া হৃদয় আমার ময়ূরের মতো নাচে না, অধিকতর বেদনাভারাক্রান্ত হয়।

মনোবেদনায় নিশি জাগরণান্তে প্রভাতে উঠিয়া ভাবি,—আজিকার দিন বার্থ যাইবে না। আজি মিলাইবে বিধি। দিন সাস্ত্র হয়, সন্ধ্যায় হৃদয় যন্ত্রণায় অধিকতর কাতর হইয়া পড়ি।

শুনিয়াছি কাব্যালোচনায় উদ্বেল হৃদয় শান্ত হয়। অমরশতকের অনুবাদ পাঠ করি, রবীন্দ্রনাথের কবিতা আবৃত্তি করি। কোন ফল হয় না।

আমার ন্যায় কোনো হতভাগ্যের কথা স্মরণ করিয়াই বোধ হয় কবি লিখিয়াছেন,—

“আর কতকাল থাকবো বসে ?”

বুঝিতে পারি, গ্রাম্য কবি কেন গাহিয়াছেন,—“আমাব বিনা কাণ্ঠে জ্বলছে অনল শ্রীরাধা বিহনেরে।” হায়, আমি কী হইলাম ? আমি কী করিব ?

উত্তর

তুমি রিট্রেক্‌মেন্টে পড়িয়া বেকার হইয়াছ। অতএব আহার, নিদ্রা এবং মনে সুখ না থাকিবারই কথা। অস্থির হইয়া এখানে ওখানে ফেরাটাও অস্বাভাবিক নহে। কিন্তু মুরুবির জোর না থাকিলে কিছুই হওয়ার আশা নাই।

মলয় পবন, ফুলের সৌরভ, কোকিলের কুহুধ্বনি ও চন্দ্রালোকের সহিত ব্যাক্তের পাশ বই-এর একটা অদৃশ্য কিন্তু অবধারিত যোগ আছে। যাহাদের চাকরি নাই, তাহাদের কাছে ঐগুলি বাঙালী প্রকাশকের নিকট কবিতার পাণ্ডুলিপির ন্যায় অগ্রাহ্য।

প্রভাতে সংবাদপত্রের কর্মখালির বিজ্ঞাপন পড়িয়া মনে যে আশা জাগে সারাদিন চেষ্টার পরে অপরাহ্ণে তাহা বিলুপ্ত হয়। ইহাতে বিস্ময়ের কিছুই নাই। তবে সন্ধ্যাবেলার হৃদয় বেদনা বলিয়া যাহাকে ভুল করিতেছ উহা আসলে উদরের যন্ত্রণা,—হৃদয়ের নহে। পাক-যন্ত্রের অবস্থানটা হৃদয়ন্ত্রেরই কাছাকাছি। সারাদিন অনাহারে থাকিলে সন্ধ্যায় গ্যাস্ট্রিক ব্যথা চাড়া দিয়া ওঠে, এ রূথা কবিরাজ জানে না, কবিরাজেরা মানে।

অমরুশতক বা রবীন্দ্রনাথের কাব্য গ্রন্থাবলীতে তোমার কোন উপকার হইবে না। বরং দিন কতক পিটম্যানের শটহ্যান্ড চেষ্টা করিয়া দেখিতে পার।

“বিনা কাঠে অনল জ্বলিবার” কথা নিতান্তই কবি-কল্পনা। উহাতে বিশ্বাস করিও না। নতুবা বিনা অগ্নে ক্ষুধা নিবাবণ হইত, বিনা বক্তৃতায় সভা।

তবে শ্রীকৃষ্ণের আমলে ব্রহ্মধামে রাজনৈতিক চেতনা ছিল না। কাজেই বেকাব কানু গয়লাদের পাড়ায় সোমণ্ড মেয়েদের সঙ্গে ফষ্টি-নষ্টি করিয়া ও ঝাঁশি ফুকিয়া দিন কাটাইয়াছেন। একালে সভা, সমিতি, এসোসিয়েশান বা পলিটিক্যাল পার্টির অভাব নাই। তুমি অবিলম্বে আমাদের ডি. এস. পি., সি. এস. পি.; এস. এস. পি. প্রভৃতি যে কোনো একটা বামপন্থী অথবা দক্ষিণপন্থী দলে ঢুকিয়া নেতা বানিয়া যাও। সকল বেদনার অবসান হইবে।

ইতি শ্রীবাজনৈতিক

ববীন্দ্রনাথের অনুসরণে।

নারী

বর্তমান শতকের ত্রিশের পর্যায়ে বাংলা সাময়িক পত্রের সঙ্গে যাদের ঘনিষ্ঠ পরিচয় ছিল তাঁদের নিশ্চয়ই স্মরণে আছে যে, অধুনালুপ্ত বিচিত্রা মাসিক পত্রিকায় কুমু ও মধুসূদন কাহিনীর গোড়াতে নাম ছিল,—তিন পুরুষ। দুই কিস্তি প্রকাশের পরে কবি তাঁর নব নামকরণ করেন—যোগাযোগ। পরবর্তীকালে পুস্তকাকারে সে নামেই তার প্রকাশ ও প্রচলন।

নামান্তরের কারণ নির্দেশে কবি বলেন, নামটা কাহিনীর আচলের সঙ্গে গ্রন্থিবন্ধন করে ছায়েবানুগতা হয়ে চলাবে সে তাঁর পছন্দ নয়। তাঁর ভাষায়, তিন পুরুষের তিন তোরণালা রাস্তা দিয়ে গল্পটা চলে আসবে এটা লেখকের খেয়াল, কিছু প্রমাণ করার জন্যে নয়, নিছক ভ্রমণ কবার জন্যেই। সুতরাং নামটা ত্যাগ করলে গল্পের কোনো স্বত্বের দলিল কাঁচবে না। কবির মতে নামটা লাউয়ের বোটার মতো; তাতে ধরবার সুবিধে। বোটার আকার নিয়ে কেউ লাউয়ের বিচার করে না।

লাউ সম্পর্কে আমাদের ঔৎসুক্য নিতান্তই পরিমিত। শ্রাবণের মেঘকজ্জল দিবসে পুণ্ডিত কদম্ববন অথবা হেমন্তের অলস অপরাহ্নে নির্মল নীল আকাশের নীচে স্বর্ণাভ শস্য-ক্ষেত্র অতি সাধারণ কবিভূরসলেসহীন মানুষের মনকেও ক্ষণেকের জন্যে মোহাবিষ্ট করতে পারে। কিন্তু উঠনের একপাশে বাঁশের মাচায় লম্বমান লাউয়ের দৃশ্য কোনো কালে কোনো কল্পনাপ্রবণ কোমল চিন্তকে উতলা করেছে, এমন কথা শোনা যায়নি। রোহিতের মুণ্ড বা গলদাচিংড়ি সহযোগে সুপক্ক ব্যঞ্জেনে লাউয়ের যে রস তা যতই উপাদেয় হোক না কেন তার উপলব্ধি একমাত্র রসনাতেই সীমাবদ্ধ। অতি-ভোজন জনিত অপরিপাকে তার বেদনাদায়ক অস্তিত্ব সম্বন্ধে মাঝে মাঝে কাউকে যদি সচেতন হতে হয়; তবে সেটা উদরে, হৃদয়ে নয়। সুতরাং লাউয়ের বোটা সম্পর্কে কবিগুরু অবজ্ঞা সম্পূর্ণ স্বাভাবিক। কিন্তু সংসারে নামটা কি সত্যি সত্যিই অলাবুস্ত্বের ন্যায় অকিঞ্চিৎকর? সন্দেহ আছে।

পরিচয় সৌকর্যের জন্যই জগতে নামের উদ্ভব। কিন্তু অনেক ক্ষেত্রেই নামকরণ একটা কার্যকারণহীন ঘটনা, ইংরেজীতে যাকে বলে আরবিট্রারী। মার্জার জাতীয় জন্তুর এক বিশেষ শ্রেণীর নাম বাঘ, সার্কাস বা চিড়িয়াখানা ছাড়া অন্যত্র যার উল্লেখমাত্রই প্রাণে আতঙ্কের সঞ্চার হয়। অপর শ্রেণীর নাম বিড়াল,—যে গৃহিণীর সন্নেহ পরিচর্যা ঘরে ঘরে প্রতিপালিত। কে কবে এদের বর্তমান প্রচলিত নাম দিয়েছিল তা যেমন জানা নেই, বাঘকে বিড়াল এবং বিড়ালকে বাঘ আত্মা দিলে কী ক্ষতি ছিল তাও তেমনি প্রাণীতত্ত্ববিদদের বুদ্ধির অগম্য। আমকে আমলকি এবং জামকে জামরুল বললে প্রচলিত ধারণার অপহব ঘটতে পারে বটে, কিন্তু উদ্ভিদ রাজ্যে কোনো বিশ্রবের আশঙ্কা থাকে না।

ভাষান্তর ও স্থানান্তরের ফলে পরিচিত নামের অপরিচিত রূপান্তরে নামের এই কারণহীন উৎপত্তি আরও স্পষ্টরূপে ধরা পড়ে। কে না জানে যে বরাকরের পুল পার হলেই বাংলার সিজাড়া বিহারের 'সামোশায়' পরিণত হয়, ট্যাডস 'ভিভি' আখ্যা পায় এবং তরুণীর সযত্নরচিত কবরীবন্ধনে ষেত কবরীর গুচ্ছটি মুহূর্তেই 'কানের' হয়ে ওঠে? তাতে তাদের স্বাদ, গন্ধ বা শোভার কিছুমাত্র তারতম্য ঘটে না।

কোনো কোনো ক্ষেত্রে নাম অবশ্য বস্তু বা প্রাণীর আকার, বর্ণ বা অন্য কোনো বৈশিষ্ট্যের ইঙ্গিত বহন করে। সেখানে 'যদুচ্ছ' নামকরণের স্বাধীনতা স্বভাবতঃই সঙ্কীর্ণ। গোলাকার সন্দেশের নাম বরফি এবং চতুষ্কোণ মিষ্টানের নাম কাঁচাগোলা হলে তাদের মিষ্টত্বের হানি ঘটে না, কিন্তু চোখে হাস্যকর এবং কানে পীড়াদায়ক হয়। দোকানে শাড়ি লাগ, সবুজ বা বাসন্তী যে কোনো রঙেই স্ত্রীর মনে চাক্ষুষ এবং স্বামীর পকেটে ছিন্ন সৃষ্টি করতে সক্ষম; কিন্তু নীলাবরী শুধু একটি বিশেষ রঙেই প্রাপ্তব্য। আবার গগনের পুঞ্জিত ঘনঘটায় দিনান্তে যদি কেউ ব্যাকুল কণ্ঠে "ধবলীয়ে আন গোহালে" বলে হাঁক দেয় তবে যে পরম্বিনী গাভীর চিত্রটি শ্রোতার মনে জাগে তার রঙটা অবশ্যই সাদা।

শনাস্করণ নামের অন্যতম উদ্দেশ্য,—একমাত্র নয়। নইলে নামের বদলে সংখ্যা দিয়েই পালা মিটতো। শাস্ত্রায় কর্পোরেশান বা মিউনিসিপ্যালিটির নম্বর মিলিয়ে অনায়াসেই বাড়ি চেনা যায়। খামের উপরে পয়ষষ্টি-বি কিংবা একশ তিয়াস্তর ডি-ওয়ান লিখলেই ডাকপিয়ন যথাস্থানে চিঠি পৌছে দেয়। তবুও নতুন বাড়ি তৈরী করে বাড়ির মালিক তার নাম দেন “উদয় ভিলা”, গেটের গায়ে পাথর বা কাঠের ফলকে উৎকীর্ণ করেন “শান্তি কুটির” অথবা তার চাইতে বেশী কাব্যগাঙ্কী,—“মিতালী” বা “মালপু”। সেগুলি বাড়ির শুধু আখ্যা নয়, আভরণও বটে।

আসল কথা, গল্প লেখা বা ছবি আঁকার মতো নামকরণও মানুষের রচনায়ক মনোভাবের একটা বিশেষ প্রকাশ। কল্পনাস্রয়া শ্রবণসুখকর নাম দিয়ে সাধারণ জড় বস্তুকেও মানুষ অসাধারণত্বের স্পর্শ দেয়। রেলের উপর দিয়ে যে গাড়ি চলে তাব রেলগাড়ি নামটা পুরোপুরি অর্থসঙ্গত। কিন্তু সেটা নিতান্তই বস্তুতাত্ত্বিক। পুর্কলিয়া প্যাসেঞ্জার বা ওরিয়েন্ট এক্সপ্রেস বললে নামটা সমষ্টির গণ্ডি থেকে ব্যক্তিহীন, বছর মধ্যে থেকে একের কোঠায় নেমে আসে। তবুও সে নাম পরিচয়ের চিহ্ন মাত্র। চাপরাসীর যেমন উর্দি, ভলান্টিয়ারের যেমন ব্যাজ, বোষ্টমের যেমন কপ্তি। শুধু গতির আভাস বা গন্তব্যের হৃদিস ছাড়া তার সঙ্গে টুয়েন্টি-আপ বা থার্টিসেভেন-ডাউনের তফাৎ সামান্য। কিন্তু ডেকান কুইন বা ফ্লাইং স্কটম্যান নামের মধ্যে আছে এমন কিছু যা নামের অধিক। সে রেলগাড়ির বস্তুরূপকে অতিক্রম করে ভাবরূপে পরিব্যাপ্ত। ট্রেনকে সে শুধু পরিচিতি নয়, ব্যক্তিত্ব দান করে।

রজুতে সপ্তম মানসিক অসুস্থতাব লক্ষণ। কিন্তু বস্তুতে ব্যক্তিত্ব আবেশ সূচনধর্মী মনোব সার্থক বিকাশ। আমেব বস্তুরূপটা ফল, পোস্তা অথবা হাতিবাগানে যা খুঁড়ি দরে বিক্রী হয়। আমের সব রূপটি আছে বাণীপসন্দ নামের মধ্যে। তাতে আছে উন্নতকচি বাজমহিষীবা দুর্লভ পক্ষপাতের ইঙ্গিত। ‘ইউ’দেব সেন্ট এবং ‘নন-ইউ’দেব পাবফিউম কথাটায় অতি আধুনিকাদের টয়লেট কেশে সুদৃশ্য শিশিতে-ভরা প্রসাধন ব্যবহার গুণের ব্যাখ্যান হয়। ‘ইভিনিং-ইন-প্যারি’ বা ‘রেড মস্কো’ নাম তাকে দেয় স্বপ্নলোকের মোহজাল। সেটা নোবেল প্রাইজ পাওয়া রাসায়নিকেরও সাধ্যাতীত।

গোলাপ যে-কোনো নামেই সমান মনোহরণ করে বলে যে মহাবর্ষি নামের গুরুত্ব অস্বীকার করে গেছেন, হায়, তার জানবাব সুযোগ হযনি যে গোলাপ-বিলাসীবা ইতিমধ্যে গোলাপেরই সহস্রাধিক নামকরণ করেছেন, বস্তুহিসাবে গোলাপের যে মাধুর্য তা কয়েকটি ইন্দ্রিয়গ্রাহ্য গুণের মধ্যেই নিবদ্ধ। তার জন্যে চমৎকাবিত্বের প্রয়োজন না থাকতে পারে। কিন্তু পিৎতেলী, মন্টিজুমা বা ফ্রেমিং সান-সেট নামের মধ্যে আছে একটা ভাবের ইসাবা বা চোখে দেখা যা না, হাতে ছোঁয়া যায় না। সে নামগুলি গোলাপকে এমন একটি স্নিগ্ধ মহিমা দান করে যা তাব সৌভা ও সুবতির বহু উর্ধ্বে। সে নামের পিছনে বোটানিস্টের হাত নেই, কল্পনাপ্রবণ কাবমানসের সুকুমার অনুভূতির চিহ্ন আছে যা রূপকে করে অপরূপ, রসকে করে বচনাতীত।

বস্তুর ন্যায় ব্যক্তির পরিচয় কেবল গুণি কয়েক প্রত্যক্ষগোচর গুণের মধ্যেই সীমাবদ্ধ নয়। তার আত্মপ্রকাশের ধাবা বহুবিধ। বিভিন্ন ক্ষেত্রে, বিভিন্ন পরিবেশে তাব বিভিন্নরূপ। সকালবেলা খলে হাতে গড়িয়াহাটের বাজাবে যিনি আলু কেনেন, দুপুরে হাইস্কুলে তিনি ছেলেনদেব কল অব থ্রির অঙ্ক কষান, বিকালে ময়দানে সবুজ গালারীতে বসে মোহনবাগান বা ইষ্টবেঙ্গলেব জন্য টেচিয়ে গলা ফাটান। অধস্তন কেরানীদের কাছে আপিসের যে বড়সাহেবের দুর্ধ্ব চোহারা, ঘরে শাসনপটু গৃহিণীর কাছে তাঁরই বিনয়াবনত মুখ।

এই বহুমুখী অস্তিত্বের মধ্যে মানুষের পরিচয় যখন পারিবাবিক সম্বন্ধের সূচনা করে তখন তার নাম প্রচলিত প্রথা দ্বারা সুনির্দিষ্ট। সম্পর্কের বিচারে আমরা কাউকে বলি ছোড়দি; কাউকে বলি—বেয়ানঠাকরণ। ভাষা ভেদে খুড়োমশাই চাচাজী এবং বউদি ভাবীতে রূপান্তরিত হতে পারেন। কিন্তু মূলতঃ সে নামগুলি সরকারী আপিসের কার্যবিধির মতো স্মরণাতীতকাল থেকে অবিসংবাদে স্বীকৃত। প্রকৃত পক্ষে সেগুলি মানুষের সংজ্ঞা নয়,—সম্বোধন।

কখনও কখনও মানুষের নামে থাকে তার জাতি বা বৃত্তির নিশানা। পাড়ার বামুনদি সম্পর্কে

আর কিছু না জানলেও এইটুকু জানি যে, তিনি কায়েরের মেয়ে নন। পণ্ডিতমশাই-এর বিদ্যা অথবা পুরুতটাকুরের সাত্ত্বিকতা নিয়ে মতবৈধ ঘটতে পারে। কিন্তু তাঁদের জীবিকা সম্পর্কে সংশয়ের অবকাশ নেই। তাঁদের বনমালী, গোবর্ধন, চন্দ্রমোহন বা অন্য কোনো ব্যক্তিগত নাম নিশ্চয়ই কিছু একটা আছে। কিন্তু একমাত্র ভোটের লিস্টে ছাড়া অন্য কোথাও তার কোনো খোঁজ পড়ে না। রেলের মালবাবু এবং আদালতে জজসাহেবের পিতৃদত্ত নাম চাপা পড়ে থাকে তাঁদের চেয়ারেব আড়ালে। পদ ও পদবীতে প্রভেদ থাকে না। বস্তুতঃ মাইনারের মাথায় হেলমেট এবং আশ্পায়ারের গায়ে সাদা কোটের মতো পেশা দিয়ে যে শুধু পোশাক নিরূপিত হয় তা নয়, নামেরও উদ্ভব ঘটে।

কাজের মধ্য দিয়ে ব্যক্তির যে প্রকাশ তা আপিসে প্রমোশন, ইলেকশানে ভোট এবং সংবাদপত্রে শোক-সংবাদ রচনার জন্যে যতই প্রয়োজনীয় হোক না কেন মানুষের পরিচয়ের দিক দিয়ে তা একান্তই আংশিক। কর্মকেন্দ্রিক জীবনের বাইরে নরনারীর যে একটি বৃহত্তর সত্তা আছে তা কোনো একটি বিশেষ লক্ষণের দ্বারা চিহ্নিত নয়। লক্ষ্য বাল, তলোয়ারের ধার এবং ঝাশিতে সুর ছাড়া আর কিছুই প্রত্যাশা করিনে। কিন্তু মানুষকে পাই তার রূপ, গুণ, বীর্য, প্রেম, ধৃতি ও ভিত্তিকায়। পুণ্যে পাপে, দুঃখে সুখে, পতনে উত্থানে তাব ব্যক্তিত্ব বহুধাবিকীর্ণ। মানুষের এই বহু বিচিত্র বিকাশকে কোনো একটি মাত্র নামের মধ্যে ব্যক্ত করা কঠিন। তাই পুরাণ ইতিহাসে ব্যক্তির একাধিক নাম। মহাভারতের ভীম বৃকোদর, রামায়ণের রাবণ দশানন এবং দশরথ-তনয় রঘুপতি রাঘব রাজারাম।

সেকালে ঠাকুর দেবতাদের নাম ও নারী দুই-এরই সংখ্যা ছিল অগুনতি। কৃষ্ণের শতনাম, সহস্র গোপিনী। বর্তমান মাগগি গণ্ডার দিনে সে সব এলাহী কাণ্ড ভাবতেও আমাদের হৃৎকম্প হয়। একশত্রে যেমন তমোহন্তি এখন এক স্ত্রীই শান্তি হরণের জন্য যথেষ্ট।

নামের বহুলতা একালেও একেবারে পুরোপুরি অন্তর্হিত হয়নি। ওয়ারডেবে পোশাকী ও আটপোরে দুই প্রস্থ শাড়ি গয়নার মতো বেশীর ভাগ মেয়েরই নামও একাধিক। কলেজের রেজিস্টারে যে তরুণী বিদ্যাখিণী বাসন্তিকা রায়, বাড়ির চার দেয়ালের মধ্যে সে হয়তো চুনু বা বাবলু। ছেলেদের নামেরও সদর অন্দর আছে। এন্ডারসন কোম্পানীর মুংসুদী মহাতপ চাটুয়ার ঝাটার মতো গৌফ, হাঁড়ির মতো ভুঁড়ি এবং ফুটবলের মতো টাকের পানে তাকিয়ে অবিশ্বাস্য মনে হলেও তাঁর আত্মীয় পরিজনেরা জানেন, তাঁর বন্ধা পিতামহীর কাছে তিনি এখনও খোকন।

সংসারে আলো ও বাতাসের মতো নামটাও এত স্বতঃসিদ্ধ যে তার গুরুত্ব সম্পর্কে আমরা নিজেরাও তেমন সচেতন নই। দুর্ভিক্ষ এ দেশে প্রাত্যহিক এবং রাষ্ট্রবিপ্লব আছে শুধু সম্পাদকীয় প্রবন্ধে। সুতরাং সে প্রসঙ্গ থাক। কিন্তু রাজদ্বারে খাশানে চ যার খোঁজ পড়ে থাকে সে হচ্ছে নিজের নাম। আপিসের হাজিবা বই থেকে রেশনের কার্ড এবং ডাক্তারের প্রেসক্রিপশন থেকে জমির দলিল অবধি সর্বত্রই নামের উল্লেখ চাই। আপনাতে আপনি বিকশি বৃত্তহীন পুষ্পের খবর আছে কবিসম্রাটের কল্পনায়, রাষ্ট্রহীন নাগরিকের অস্তিত্বও অসম্ভব নয় আধুনিক জগতে। কিন্তু নামহীন মানুষের জায়গা নেই কোনোখানে। যারা বলেন যে জেলের কয়েদী এবং স্টেশনের কুলীদের নাম নেই, আছে নম্বর, তাঁরা জানেন না যে এগজামিনের খাতার মতো তাদেরও পূর্ণ পরিচয়ের তালিকা থাকে নেপথ্যে।

সবাই জানি, মহাত্মা বলতে বোঝায় গান্ধীজিকে। বালগঙ্গাধর তিলকের আখ্যা ছিল লোকমান্য। দেশবন্ধুরূপে জনচিন্তে আজও অবিস্মরণীয় বাংলার চিত্তরঞ্জন দাশ। এগুলি তাঁদের পিতৃদত্ত নাম নয়,—আপন পুণ্য জীবনের মহিমামণ্ডিত লোকদত্ত বিশেষণ, অগণিত অনুরক্ত হৃদয়ের স্বতঃস্ফূর্ত অভিনন্দন। কিন্তু সংসারে বেশীর ভাগ নামই অর্জিত নয়, প্রাপ্ত। জমিদার-নন্দনের যেমন ব্যাঙ্ক ব্যালেন্স, মন্ত্রীদেবর যেমন মোটরকার।

ভূমিষ্ঠ হয়েই বিদ্যুতলাভ ঘটে কোটিতে গুটিকের। জন্ম নিলেই একটা নাম জোটে যে-কোনো শিশুর। বলাবাহুল্য, সে নাম নির্বাচনে শিশুর নিজের কোনো কৃতিত্ব নেই। অথের সাজ্জল্য থাকলে বেনারসী, চন্দ্রহার, মোটরগাড়ি মায় স্বামী পর্যন্ত পছন্দ করে নেওয়া চলে। কিন্তু নিজের

কৌলিক নামের উপরে নিজের রুচি খাটে না। এখানে আমরা সবাই পিতৃমাতৃনির্ভর। তাই পরিবর্তিত ও পরিবর্তিত সংস্করণে বই-এর ভ্রমসংশোধনের মতো নামেরও পরবর্তীকালে পরিমার্জন, পরিবর্জন ঘটে। পেলারাম পেলব রায়ে পরিণত হয়, অরুণ চাটুয্যে হন উত্তমকুমার।

সুখের বিষয় নিজের নাম নিয়ে নিজের কোন দায় নেই। সন্তানের শিক্ষা সহবৎ এবং আচার আচরণে ক্রটি বিচ্যুতির জন্য মা-বাবাকে নিন্দা সহিতে হয়। কিন্তু তার নামকরণের জন্য কারো কাছে জবাবদিহি করতে হয় না। শরৎচন্দ্রের নায়ক ঈর্ষাদঙ্ক সতীশ মেসের বি সাবিত্রীকে “মা-বাবা সার্থক তোমার নাম রেখেছিলেন” বলে ব্যঙ্গ করেছিল। সেটা নিতান্তই রাগের কথা। নইলে একথা বুঝতে বিলম্ব হয় না যে, নামের অর্থ বজায় রেখে ঠেঁচে থাকা পৃথিবীতে খুব কম লোকের পক্ষেই সম্ভব।

কানাছেলের পদ্মলোচন নাম কৌতুকের বিষয় সে-কথা বাংলা প্রবাদে বলে। টেলিফোন রঙের কন্যার নাম গৌরী শুনলেও চমকে উঠতে হয়। কারণ অসঙ্গতিটা এতই সুস্পষ্ট যে অতিশয় নির্বোধ ব্যক্তির কাছেও তা অজ্ঞাত নয়। কিন্তু শিশু সাধুচরণ যদি বড় হয়ে নোট জাল করে জেলে যায় এবং বুদ্ধদেব ঝাড়ুয়ে যদি পুলিশ কোর্টে নারী হরণের মামলায় আসামী হয়, তবে তাদের নাম নিয়ে তাদের মা-বাবাকে খোটা দেওয়া চলে না। জনক-জননী স্নেহপরায়ণ হবেন, এটা স্বাভাবিক। তাঁরা যে জ্যোতিষশাস্ত্রজ্ঞ ও হবেন, এমন প্রত্যাশা অনুচিত। পাঁজি দেখে যাত্রা এবং ঠিকুজি দেখে বিয়ের সম্বন্ধ আমরা অনেকেই করে থাকি। কিন্তু করকোষ্ঠি দেখে ছেলের নামকরণ করেছেন এমন সাবধানী বাপের কথা আজও শোনা যায়নি।

ইংরেজীতে একটা সহজ নিয়ম আছে যাকে বলে, কল অব থাথ। তাতে অনেক জটিল বিষয়ের কাজ চালানো মীমাংসা হয়। নামকরণেও গোটা কয়েক সাধারণ নীতি মেনে চললে হাস্যকর পরিস্থিতির উদ্ভব ঘটে না। এ্যুগে রাজা প্রায় সব দেশ থেকেই অন্তর্হিত, রাজ্য চালায় রাজপুরুষ। সুতরাং নৃপতি, ভূপতি, নাম নিয়ে আর টানাটানি করে কাজ নেই। সোনা যখন বাজারেই ফোরটিন ক্যারেট তখন হিরণ্ময়া বা স্বর্ণলতারার নিশ্চয়ই অলীক এবং সোনা মণিবা এ্যানাক্রোনিজম। মোট কথা, বাঙালী ছেলেদের নাম বীরেন্দ্র এবং বাঙালী মেয়েদের নাম সুদর্শনা না হলেই ভালো। জানি, স্নেহ অন্ধ এবং কল্পনা বলাহীন। কিন্তু তারও একটা কাণ্ডজ্ঞান থাকা প্রয়োজন মনে করি।

জীবনে নামকরণের গুরুত্ব যতটুকু সাহিত্যে তার বেশী। মানব মনের সুকুমার ও সুস্বন্দ অনুভূতিকে কেন্দ্র করে সাহিত্যের জন্ম ও বিকাশ। তার যে রস সে অনির্বচনীয়। কিছু পলাশের নেশা, কিছু বা চাঁপায় মেশা। সে-বস শুধু পৃথিব পাতার মধ্যে নয়, পাট-চর হৃদয়ের গভীর উপলব্ধিতে প্রসারিত। বিজ্ঞান ও ইতিহাসেব তত্ত্ব লেখকের কলমের মাধ্যমে যতখানি প্রকাশ ততখানিই বোধ্য। সাহিত্যে লেখাব যেথায় শেষ সেথায় বোঝারও অন্ত নয়।

নির্দিষ্ট অক্ষপথে পৃথিবীর আঁহিক গতির ফলে জগতে দিবা-রাত্রি ঘটে, ছাপার অক্ষরে এটা একটা বৈজ্ঞানিক সংবাদ। আমাদের জ্ঞানবৃদ্ধির সহায়ক। কিন্তু ‘গগনে গরজে মেঘ’ এই যুক্তাকর বর্জিত অতি সহজ তিনটি শব্দের সমাবেশ আমাদের কাছে শুধু তথ্য বহন করে না, মনের পর্দায় ঘনবরষার একটি শ্যাম গভীর চিত্র সৃষ্টি করে। বিজ্ঞানে বস্তুটাই মুখ্য। সাহিত্যে ব্যঞ্জনটাই আসল। ওস্তাদী গানে কথার মতো তার বিষয়টা অপ্রধান।

কাব্য উপন্যাসের নায়ক-নায়িকাকে আমরা গ্রন্থকারের রচনার সীমারেখার মধ্যেই আবদ্ধ রাখি, আপন কল্পনার তুলিতে রাঙ্গিয়ে তুলি। নাম সেই অঙ্কনকার্যে সহায়তা করে। কবি ও কথাসিদ্ধারা যে তাঁদের কাব্য ও পাত্র-পাত্রীদের নামকরণে বিশেষ যত্ন নিয়ে থাকেন সেটা অস্বাভাবিক নয়। মলাটের উপরে ‘প্রাথমিক পাটীগণিত’, বা ‘ইংলন্ডের ইতিহাস’ দেখলে বই-এর ভিতরে কী আছে সে সম্পর্কে নিশ্চিত হই। প্রয়োজন হলে কিনতেও দ্বিধা ঘটে না। কিন্তু ‘নলিনাক্ষের সহিত কমলার মিলন’ নাম হলে অতিবড় বাবীলিক ও ‘লৌকাডুবি’ পড়তে উৎসাহ বোধ করতেন কিনা সন্দেহ, যদিও নামটা বিষয়সঙ্গত। কবি নিজেও সাহিত্যে নামকরণের এই গুরুত্ব সম্পর্কে কম সচেতন ছিলেন না। দ্রৌপদীর নাম যদি উর্মিলা হতো তবে পঞ্চপতিগর্বিতা সেই ক্ষত্র নারীর দীপ্ত ভেজ যে ঐ তরুণ কোমল নামটির দ্বারাই পদে পদে খণ্ডিত হতো সে বিষয়ে তিনি নিঃসংশয়

ছিলেন।

পোশাকের মতো নামেরও বাহার এবং বৈচিত্র্য ছেলেদের চাইতে মেয়েদের বেশী। অতীত থেকে বর্তমান অবধি বাঙ্গালী পুরুষের নামের হেরফের যা হয়েছে তা অপেক্ষাকৃত অল্প। মেয়েদের নাম তাদের শাড়ির পাড় এবং ব্লাউজের ছাট-কাটের মতো অনেক অদল-বদলের মধ্য দিয়ে চলেছে। সে বিবর্তনের ধারার সঙ্গে বাংলা বই-এর নামকরণের একটা মিল খুঁজে পাওয়া যায়।

আদি যুগে নাম ছিল ঠাকুর দেবতার অনুকরণে। যথা, মেয়েদের নাম—জগদম্বা, যোগমায়্যা বা সিন্ধুস্বরী। বই-এর নাম,—অন্নদামঙ্গল, হরিবংশাবলী, কৃষ্ণচরিত্র। পরবর্তীকালে চার পাঁচ অক্ষরের পার্থিব নাম। যেমন মেয়েদের শৈলবালা, কমলকুমারী, মাধুরীলতা এবং উপন্যাসের দুর্গেশনন্দিনী, বঙ্গবিজেতা ও মাধবীকঙ্কন। তারপরের অধ্যায়ে তিন অক্ষরের সাদা সিধে নাম। তখন মেয়েরা মালতী, দামিনী ও সুসমা। বই - নীতালি, বলাকা, ও চৈতালী। মাঝে মাঝে যমকে ফাঁকি দেওয়ার উদ্দেশ্যে শিশুদের ফালতু বা হেলা এবং সমালোচক ঠকাবার জন্য পুস্তকের পর্ণপুট বা তৃণখণ্ড নামও দেখা গেছে।

একদা ইংরেজী ভাষা, সাহিত্য ও সভাতার সংস্পর্শে বাঙালীর মন্দতেজ নিস্তরঙ্গ জীবনশ্রোতে বিদেশী ভাবধারার একটা প্রচণ্ড জোয়ার এসেছিল। সে বিপুল জলোচ্ছ্বাসে আমাদের বহু জীর্ণ ধ্যান-ধারণা ও আচার-আচরণের মূল ধ্বসে তলিয়ে নিশ্চিহ্ন হয়ে গেছে। তাতে আমরা উপকৃত হইনি একথা বললে সনাতন আর্থধর্মের জয় হয় কিনা জানিনে, সত্যের মর্যাদা নিশ্চয়ই রয় না। অবশ্য জোয়ারের প্রথম বেগে জল মাঝে মাঝে নদীর কূল ছাপিয়ে যায়। তাকে বলি বন্যা। সে দিনের বিলাতীভাবের বন্যায় আমাদের শিক্ষিত সমাজেও একটা নোঙর হেঁড়া, বাঁধন ভাঙার ঢেউ উঠেছিল, চলতি কথায় যাকে বলা হত সাহেবিয়ানা। তার কতটা ভালো, আর কতটাই বা মন্দ সে-বিচারের ভার ঐতিহাসিকের। তবে একথা ঠিক যে মাঝে মাঝে তার অত্যাশ্র প্রকাশ টাউজারের দুই পুকেটে হাত ঢুকিয়ে চলা, বা পা ফাঁক করে সিগারেট খাওয়ার মতো নিছক অর্থহীন পরানুকরণের মধ্যে প্রত্যক্ষ করা গেছে। সেদিনের নামকরণের মুখেও কোনো কোনো ক্ষেত্রে এই ইঙ্গবঙ্গ মনোভাবের পরিচয় ছিল। আইভি-দি, কুইনী-মাসি, মিলি মিস্তির, মেরী চ্যাটার্জীরা শুধু সমাজের উচ্চস্তরেই নয়, শিক্ষিত মধ্যবিত্ত ঘরেও দেখা দিয়েছিলেন। সেদিন ঝাড়ুঘোরা ব্যানার্জী হয়েছেন, বসু মশাই—মিঃ বোস। কবি দ্বিজেন্দ্রলাল ডি-এল-রায় এবং সিভিলিয়ন সত্যেন্দ্রনাথ রায় প্রিন্স-এন-রে নামে পরিচিতি লাভ করেছেন।

নামের এই বিলাতীকরণ পারিবারিক গাঁও ছাড়িয়ে ব্যবসায়িক জগতেও সংক্রামিত হয়েছিল। দশু এ্যান্ড কোং বা চ্যাটার্জী ব্রাদার্স নাম ইংরেজী এ্যান্ডারসন লিমিটেড বা পিলকিংটন এ্যান্ড সন্সের অনুকরণ হলেও একেবারে অভূতপূর্ব নয়। বিদেশী হাওয়া গায়ে লাগার আগেও আমরা হাটে বাজারে ‘সাহাদের আড়ৎ’ বা ‘চৌধুরীদের গদি’র সঙ্গে পরিচিত ছিলাম। পালেন্স* পল্ এবং করেরা কার হওয়াতেও অবাক হইনে। কিন্তু বিপিন মোদক যখন বি.পীন-এ্যান্ড কোম্পানী এবং গোপাল বটব্যাল যখন জি.ও.পী.অল (প্রাইভেট) লিমিটেড নামে ব্যবসা শুরু করে, তখন নামের গায়ে বিদেশী আন্তরণ লাগাবার প্রয়াসটা আর উহা থাকে না। অবশ্য যে-যুগে ডবল দামে সাহেবী দোকান থেকে জিনিস কেনা প্রগতি এবং আভিজাত্যের লক্ষণ গণ্য হতো সে-যুগে এ মনোভাব সম্পূর্ণ অপ্রত্যাশিত নয়। স্বনামে পুরুষ ধন্য হতে পারে, কিন্তু ধনী হতে গেলে অনেক সময়ে বোনামিতেই কাজ সারতে হয়, এ তথ্য বর্তমান ব্ল্যাক মার্কেটের দিনে কে না জানে?

বিজ্ঞান শাস্ত্রে বলে, প্রত্যেক ক্রিয়ারই সমান ও বিপরীত প্রতিক্রিয়া আছে—এভরি এ্যাকশন হ্যাভ ইটস ইকুয়্যাল এ্যান্ড ওপোজিট রি-এ্যাকশন। অবৈজ্ঞানিক ব্যাপারেও কথটা কম প্রযোজ্য নয়। যৌবনে যারা মদ্য, মাংস ও অন্যান্য আনুষঙ্গিক সম্পর্কে একেবারে মোহমুগ্ধ পুরুষ, বার্ককো তাঁরাই গীতা, গঙ্গান্নান ও গুরুদেব নিয়ে মাতামাতির আর সীমা রাখেন না। বাঙালীর নামকরণেও এই নিউটনীয় সূত্রের প্রভাব আছে। বিগত যুগে যেমন ইংরেজী নাটক-নভেল থেকে মেয়েদের নাম আমদানি করা হতো, বর্তমান যুগে তেমনই সংস্কৃত কাব্য-সাহিত্য মন্বন করে নাম নির্বাচন

হচ্ছে। একালের গয়নার ডিজাইনের মতো নামেরও প্রাচীনতাই আধুনিকতার চিহ্ন। এ্যান, ন্যাসী এখন আর ফ্যাশান নয়। এখনকার নাম,—স্বামী, শর্মিলা, চিত্রলেখা বা প্রজ্ঞাপারমিতা।

দোকানের সাইনবোর্ডেও এখন রিভার্স গিয়ারের পালা। অক্সফোর্ড স্টোর, এম্পায়ার মেডিক্যাল হল্ কিংবা এলিফিনস্টোন পিকচার প্যালেস এখন পুরাতত্ত্বের কোঠায়। হালে খাবারের দোকানের নাম মিষ্টিমুখ, সিনেমার নাম রূপালী এবং জুতার দোকানের নাম শ্রীচরণেশু। প্রতিক্রিয়া? বোধ হয়। প্রতিশোধ বললেও ক্ষতি নেই।

ହ୍ରସ୍ବ ଓ ଦୀର୍ଘ

উৎসর্গ

দুর্গাকে

শকুন্তলার আংটি

পুরানো আমলের সাদা সাহেববা বলতেন—সূতীব। হাল আমলের কালো মনিবেরা ডাকেন—লোবীশ। আসলে নামটা সুধীৰ খাশনবীশ। কেবানীবা বলে—খাশনবীশ। অবশ্য আডালে। সামনে “সাব” ছাড়া অন্য কোন সন্মোদন করবে এমন বুকেব পাটা নেই কারো।

এটাচড আপিসেব লোয়াব ডিভিসন ক্লার্ক থেকে মিনিষ্ট্রিৰ ডেপুটি সেক্রেটারী। শিলিগুড়িৰ সমতলভূমি থেকে প্রায় কাঞ্চনজঙ্ঘাল চূড়া, গ্রাম্পায়াব স্টেট বিল্ডিংএব বেসমেন্ট থেকে টেরেস। দৃশ্যপ্ৰাণ প্রমোশনেব সোপানে সোপানে উত্তীৰ্ণ হয়েছেন খাশনবীশ। শত্রুপক্ষ নিশ্চা বটায়—ইস, আঙ্গুল ফুলে কলাগাছ। অথী-প্রত্যাথীব দল প্রশংসায় গদগদ হয়ে বলে—ওহো, বিজেন ফ্রম দি ব্যাক্স, কি অপূৰ্ব কর্মক্ষমতা।

লোকটা কাজেব সে বিষয়ে দ্বিমত নেই। বিদেশী ও স্বদেশী দুই বাজস্বেই সমান সুনাম আছে খাশনবীশেব। উপব্যালাবা প্রশংসায় পঞ্চমুখ। চুনি, পায়্যা বসগনে জড়োয়া গয়নাব মতো তাঁব ক্যাবেষ্টাব বোলগুলি “হাইলী এফিসিয়েন্ট”, “এক্সট্রিমলী ডিলিজেন্ট” প্রভৃতি বাছা বাছা ইংবেজী বিশেষণেব দ্ব্যতিতে ঝলমল।

সেটা কিছু অহেতুক নয়। সবকারী কাজ এমন অনন্যমতি অনুৰাণ বদাচিৎ দেখা যায়। ঋতুভেদে সূর্যেব উদয়-অস্তেব তাবতমা ঘাট। শুশু খাশনবীশেব আপিসে আসা যাওয়াব সময়েব এদিক-ওদিক নেই। তাকে সকালে দশটার ঠাঁচ মিনি. অগ্গ ছাড়া পূৰ্ব আসতে কেউ কখনও দেখেনি। বাত সাড়ে সাতটার আগে বাড়ি ফিরেছেন এমন ঘটনা বিবল।

সেবােব খাশনবীশেব ছেলের অসুখ। তর্নর্দন ভবেব বিনাম নেই। আপিসে যাওয়াব আগে স্বীক্রে ঔষধস দিলেন বিকেলে সাড়ে পাঁচটায় ডাক্তাব নিয়ে ফিরবেন।

পিছনে বাস চাপবাশীব কাঁদ ফাইলেব লোকা সহ যখন বাড়ি এলেন বাত তখন প্রায় নটা।

ঔব কাছে এটা অভূতপূৰ্ব নয়। তিনি নিজেই ডাক্তাবেক খবর দিয়েছিলেন। পাণ্ডে ডাক্তাব পবিবাবেব অনেক দিনেব বন্ধ প্রায় ধাবব লোক্বেব মতো। কিংবদন্তি এং প্রয়োজন মতো মুণ্ডুভংসনা দুইই বয়ে থাকেন। অবাব হগে বললেন “বর্ডিত ছেলের এমন অসুখ আব তুমি বাত নটা অবধি আপস কবছো ? এ কা. কণ্ড।”

খাশনবীশ লজ্জিত ও স্ববে বললেন “ল কেন গেলে। পৌনে পাঁচটা চেয়াব ছেড়ে উঠতে যাচ্ছি এমন সময় ডাক্তাব সেক্রেটারি ডেকে বললেন—কল সাড়ে দশটায় কলার্স মিনিষ্ট্রিতে জব্বী মিটিং। তো তেবা ববে সবল সগে অটটায় পৌছে দেওয়া চাই তাঁব বাড়িতে। দেখ দেখি একবার ইঞ্জবেব আক্কেমা মিটিং হবে তা সে কথা দুর্দান আগে। তো, না একেবারে শিরে সংক্রান্তি। যোকা আছে কেন। সংশ্যাস কিছু নয়তো।”

ডাক্তাব সে প্রশ্নেব জবাব না দিয়ে বললেন, তাকে বলতে পাবলে না যে তোমাব ছেলের অসুখ, ডাক্তাব ডাকতে যাচ্ছ। তিনি ওব নেই অন্য আব কাউকে দিয়ে কবিয়ে নিতেন।

“তিন কাঁচটা কেন ওবেই হয়েছে আব কি গর্ড নিয়ে সেজেগুজে মেমসায়েব আগে-ভাগেই এসে বসেছিলেন। পাচটা বাজতে না বাজস্বেই হব-পাবতী চলে গেলেন পাটিতে।” নিজেব বর্ণিত্রায় নিজেই হামাতে নাগলেন খাশনবীশ।

সে হাশিতে কিছুমাত্র যোগ না দিয়ে ডাক্তাব বললেন “যাব মিটিং তিনি গেলেন পাটিতে, আব যাব ছেলের অসুখ সে বহল তাব কাজ কবতে খুব চমৎকাব ব্যবস্থা দেখছি।”

এব গাষ্ট্রীবেব সপ্নে বললেন খাশনবীশ, “ওবে ভাই এ যে তোমাদেব বঘুপতি বাঘব শজাং মেব বাঙ্কা। এংখানে এই তে ই ফছ বগাজ। সেক্রেটারিয়েটে পনব আনা লোকই কাজ করে না কেবল গায়ে ঝু দিয়ে সন্দেহ গ্রহণে চাবজন লোক খাটে তাদেব একেব ঘাড়ে দাশব লোক চাপে না, আব পাবিনে, চাকার-বাকবি ছেড়ে দিলে ঝাচি।”

বিবক্তিত্রা যে বণ্ট, তা বুঝতে বাকী থাকে না কারো।

ডাক্তাব বাগ করে বললেন “বাখ তোমাব ন্যাবামি। তুমি না থাকলে যেন গভর্নমেন্ট আব দুনিয়া উল্টে যাব।”

খাশনবীশের অভাবে গভর্নমেন্টের পতন এবং পৃথিবীর সমাপ্তি ঘটবে এমন কথা তিনি বলেন না। তবে তিনি নজর না দিলে অসাবধান সেকশন অফিসার আর অপরিপক্ব আভার-সেক্রেটারীরা মিলে কোথায় যে কী তালগোল পাকিয়ে রাখবে তার কিছু ঠিক আছে কি ?

এ ধারণাটা শুধু খাশনবীশেরই নয়, তাঁর উপরয়্যালাদেরও। তাঁরা জানেন, যে কোনো দুঃসহ কাজের ভার খাশনবীশকে দিলেই নিশ্চিন্ত হওয়া যায়। তাই সময়ে এবং অসময়ে তাঁরই ডাক পড়ে।

মেয়ের বিয়ের জন্য ছুটি নিয়েছিলেন খাশনবীশ। দু'মাস, একমাসের আর্নড লীভ নয়। ক্যাসুয়েল। মেটে চারটি দিনের। পার্লামেন্টে বাজেট সেশান চলছে, এ সময়ে বেশী দিনের ছুটি চাইবেন কী করে? খাশনবীশের কি বিচার বিবেচনা নেই?

কিন্তু সে চারটি দিনেও সম্পূর্ণ নিষ্কৃতি নেই। আপিস জড়িয়ে থাকে খাশনবীশের অদৃষ্টে। বিয়ের দিন সকাল বেলায় পটবস্ত্র পরে কুশাসনে বসেছেন আভাদয়িকে। পুরোহিত মশায় মন্ত্র পড়াচ্ছেন,—মধু বাতা ঋতায়তে ইত্যাদি। এমন সময় টেলিফোন আসে স্বয়ং সেক্রেটারীর কাছ থেকে। পার্লামেন্ট কোম্পেন্সের ফাইল পেশ হয়নি মন্ত্রীর কাছে। যার উপরে ভার ছিল সে হঠাৎ অসুস্থ হয়ে গেছে হাসপাতালে। আজকের দিনে খাশনবীশকে ওয়ারী করতে হচ্ছে এজন্য তিনি অকুলি সরি। কিন্তু খাশনবীশের যদি কাইন্ডলি—

‘যদি’র কোনো অবকাশ নেই খাশনবীশ কাছে। তৎক্ষণাৎ ফাইল হাতে স্টেনোগ্রাফার এল খাশনবীশের বাড়িতে।

উঠানে মেরাপ ঝাড়া হচ্ছে, আত্মীয় বন্ধুরা কেউ তদারক করছেন ভিয়েনের, কেউ ছুটেছেন বাজারে, কেউ বা ফর্দ মিলিয়ে সন্দেশের থলি, দৈ-এর হাড়ি তুলছেন ভাঁড়ারে। স্বজনকুটুম্ব, ছেলেমেয়েদের কল-কোলাহলে বিয়ে বাড়িতে কোথাও এতটুকু নির্জন জায়গা নেই। বারান্দার এক কোণে টল পেতে বসে ওরই মধ্যে কন্যাকর্তা লোকসভার প্রশ্নের জবাব এবং “নোট ফর সাপলিমেন্টারী” লিখে দিলেন।

আশ্চর্য নয় যে আপিসে খাশনবীশের খাতির প্রচুর এবং প্রতিপত্তি প্রভূত। উপরস্থ কর্তারা তাঁকে যে পরিমাণ পছন্দ করেন অধীনস্থকর্মচারীরা ঠিক সেই পরিমাণে কবে ভয়। নিজের ভুলচুক নেই; তাই অন্যের ত্রুটি-বিচ্যুতিতে তিনি ক্ষমাহীন। না বলে কয়ে এক কেরানী কদিন অনুপস্থিত। সে আপিসে আসতেই তাকে লিখিত কেফিয়ৎ দিতে হল। জ্বর হয়েছিল বললেই পার পাওয়া যায় না। অসুস্থতা অপরাধ নয়। অসুখ করলে কাজে না আসাটাও স্বাভাবিক। কিন্তু নিয়ম অনুসারে ছুটির দরখাস্ত পাঠায়নি কেন? অফিস ডিসপ্লিন নেই কি?

এক চাপরাশী কাবুলীয়ালার কাছে টাকায় চার আনা সুদে ধার নিয়েছিল। খাশনবীশ জানতে পেরে নিজে উদ্যোগী হয়ে আপিসে কো-অপারেটিভ ব্যাঙ্ক চালু করলেন। আপদে-বিপদে গরীব কর্মচারীরা যাতে ঋণ পেতে পারে। কিন্তু চাপরাশীর সাসপেনসন রোধ হল না। সরকারী কর্মচারীদের কন্ট্রোল-ফ্রস-এ ধার দেওয়া এবং নেওয়া দুই-ই নিষিদ্ধ! সে কথা তো ভুললে চলে না। খাশনবীশ নির্দয় নন, নিয়মনিষ্ঠ।

প্রতাপ শুধু আপিসেই সীমাবদ্ধ নয়, নিজের বাড়িতেও প্রসারিত। সাধারণতঃ সমাজে স্ত্রী-পুরুষের কর্তৃত্বের একটা এলাকা বিভাগ থাকে। স্বামী আপিস-আদালত, ব্যবসা বাণিজ্যে খাটেন, টাকা আনেন। স্ত্রী ঘরকন্না দেখেন, ছেলেমেয়ের স্বামী-স্বস্তরের সেবাশুশ্রূষা করেন, গৃহে তাঁর শাসন নিরঙ্কুশ। সদর অন্দরের এই কার্যবিভাগের ফলে সংসারখাতাটা সুগম হয়।

কিন্তু খাশনবীশের রাষ্ট্রবিজ্ঞানে ইউনিটারী ছাড়া অন্য কোনো গভর্নমেন্ট নেই। প্রভিলিয়েল অটোনমীতেও তিনি বিশ্বাস করেন না। তাঁর স্ত্রী শৈলবালার আরাম আয়েশের আয়োজন ত্রুটিহীন। যি, চাকর, ঝাধুনি, মোটরগাড়ি, রেফ্রিজারেটর কোন কিছুই অভাব নেই। কিন্তু গৃহের কর্তৃত্ব গৃহিণীর হাতে নয়।

খাশনবীশ নিজে সেকরা ডেকে গিন্নীকে বার ভরি সোনার বালা গড়িয়ে দেন। সে বালা মকরমুখের হবে কি বলপ্যাটার্নের হবে সে সিদ্ধান্তও করেন তিনিই। পূজাপার্বণে ফি বছর দামী

বেনারসী, চান্দেবী কিনে আনেন দোকান থেকে। শীতের মর্শুমে কেনেন শাল বা মলিলা। কিন্তু তার পাড় বা রং পছন্দ করার স্বাধীনতা নেই স্ত্রীর। আলমারীর চাবির গোছাটা ভদ্রমহিলার আচলে। কিন্তু সংসারের চাবিকাঠিটি তাঁর স্বামীর পকেটে।

এই নিরবচ্ছিন্ন একাধিপত্যের মধ্য দিয়েই কেটে গেছে এত কাল। কোনোখানে প্রস্র ওঠেনি। কিন্তু নিশ্চিত পাথরের দেয়ালেও ফাটল দেখা দেয় একদিন। নিস্তব্ধ পুকুরের জলেও ঢেউ ওঠে কখন কখনও।

ছুটির দিনে দুপুরের খাওয়া-দাওয়া সাজ হয়েছে। পান চিবুতে চিবুতে একটা আরাম-কেন্দারায় আধশোয়া ভাবে বিশ্রাম করছিলেন খানবীশ। স্ত্রী কদিন থেকেই সুযোগের অপেক্ষায় ছিলেন। সম্ভবপণে কথাটা পাড়লেন।

“এবার পল্টুর বিয়ে দিলে হয় না?”

পল্টু অর্থাৎ ছেলে। বাড়ির একমাত্র পুত্রসন্তান। বছর চব্বিশ বয়স। যেমন সুদর্শন, তেমনি মেধাবী। স্কুল কলেজে স্কলারশিপ পেয়েছে বরাবর। সম্প্রতি মেডিক্যাল কলেজ থেকে পাশ করে সেখানেই হাউস-সার্জেন হয়েছে।

কথাটা খানবীশের মনেও উদয় হয়েছে বটে। বললেন, “আমিও তাই ভাবছিলুম। সেদিন ভবেশ রায় বলছিল তার মেজ মেয়েটির কথা—”

স্ত্রী তাড়াতাড়ি বাধা দিয়ে বললেন, “রাম বল, সে মেয়ে যেমন কালো তেমনি বেঁটে, তাকে পল্টুর কখনও পছন্দ হবে না।”

পল্টুর পছন্দ অপছন্দের কথাটা অবশ্য অপ্রাসঙ্গিক তবে কালো মেয়ে ঘরের বউ কর্তৃক খানবীশের নিজেরও ইচ্ছা নয়। তাই এসম্বন্ধে তিনিও নিরুৎসাহ ছিলেন। বললেন, “বিয়ের প্রস্তাব তো কতই আসছে। তার মধ্যে খুঁজে বেছে একটি ঠিক করলেই হবে।”

চতুর সেনাপতির সুকৌশলে সেনাপবিচালনাব মতো গৃহিণী এবার আলোচনাটা নিজের অতীষ্ট পাথে টেনে আনলেন। বললেন, “অত খোজাখুঁজির দরকার কী, আমাদের চেনা-জানা একটি ভাল মেয়ে দেখে বিয়ে দিলেই তো হয়।”

চেনা-জানার মধ্যে মেয়ে নিশ্চয়ই আছে। হয়তো একটু অতিরিক্ত মাত্রায়ই আছে। কিন্তু ভাল মেয়ে বলতে বোঝায় কাকে? খানবীশ জিজ্ঞাসা নেত্রে স্ত্রীর মুখের দিকে তাকালেন।

স্ত্রী বেচারী এতক্ষণ ধরে যে সাহস সঞ্চয় করেছিলেন খানবীশের দৃষ্টির প্রথম আঘাতেই তার অর্ধেক অন্তর্হিত হলো। কদিন ধবে নিজের মনে মনে সম্ভবপণ কথাব্যতীর একটা মহড়া দিয়ে রেখেছিলেন। কোন প্রশ্নের কী জবাব দেবেন তা আগে ভাগেই ভেবেছিলেন। এখন তা সবই গুলিয়ে গেল। কোনোমতে তাড়াতাড়ি বলে ফেললেন, “এই ধরো যেমন দীপালী, কিংবা—” কথাটা নিজের কানেই বড় আচমকা ঠেকল। শেষ করতে পারলেন না।

খানবীশ খাড়া-হয়ে বসলেন। জিজ্ঞাসা কবলেন, “দীপালী? সুরেন চৌধুরীর মেয়ে?”

স্ত্রী ঘাড় নেড়ে জানালেন, সে-ই।

“পাগল!” একটিমাত্র শব্দে সমস্ত নস্যাত্ন করে দিলেন খানবীশ।

পরিবারের চিরাচরিত রীতিতে আলোচনাটার ঐখানেই ইতি হওয়া উচিত ছিল। কিন্তু আজ তার ব্যতিক্রম দেখা গেল। একবার ভয় ভেঙে যেতেই শৈলবালার মনে আর দ্বিধা সন্দেহ রইল না। তিনি প্রশ্ন করলেন, “কেন? আপত্তি কিসের? দীপালী দেখতে সুকী, স্বভাবটি মিষ্টি। তার মা গরীব বটে, কিন্তু আমাদের তিনি কম উপকার করেননি।”

সমস্তই সত্য। খানবীশের প্রথম কেরানী জীবনে দীপালীর মা-বাবা তাঁর পাশের বাড়িতেই থাকতেন। দীপালী মেয়েটি তখন সবে জন্মেছে। খানবীশের স্ত্রী তিন বছরের ছেলে কোলে নিয়ে প্রথম এলেন দিল্লী শহরে। সঙ্গে এনেছিলেন বাস্র, বিছানা, রান্নার বাসনপত্র ও দুর্দান্ত ম্যালেরিয়া। কাপুনি ধরা স্বামী প্রায়ই বিছানায় পড়ে থাকতেন। অজ্ঞান-অচেতন। বিদেশ বিড়ুই, মুখে জলটুকু দেওয়ার দ্বিতীয় ব্যক্তি ছিল না। সে সময়ে দীপালীর মা-বাবা আপনজনের মতো দেখাশোনা সেবা-যত্ন করেছিলেন, নইলে খানবীশের স্ত্রী সেয়ে উঠতেন কিনা সন্দেহ। দীপালী ছোটবেলায়

পল্টর সঙ্গে খেলেছে, কিণ্ডাবগাটেনে একই স্থলে পড়েছে।

হঠাৎ সূরেন চৌধুরী মাঝা গেলেন। বিধবা মেয়ে তিনটিকে নিয়ে চলে গেলেন কলকাতায়। সেখানে স্বামীর প্রভিডেন্ট ফাণ্ডের টাকায় বড়টির বিয়ে দিয়েছেন, মেজটি মাস্টারী করছে। দীপালী সর্ব-কনিষ্ঠা। সিনিয়র কেমব্রিজ পাশ কবেছে। কলেজে পড়ার খবর অনেক, তাই নার্সিং কোর্স করছে।

দূরে থেকেও দুই পরিবারের হৃদ্যতার বন্ধন একেবারে ছিঁষ হয় নি। কলেজ হোস্টেলের একঘেয়ে খাওয়ায় অকচি ধবে, তাই পল্টু প্রায়ই পটলডাঙা থেকে কালীঘাটে যায় কাকীমার হাতেব বাম্মা খেতে। মাঝে মাঝে দীপালীবা দুবোন বেডাতে আসে দিল্লীতে জেঠাইমার বাড়িতে।

দীপালী মেয়েটি লোকের মন কুড়োতে পারে সন্দেহ নেই। অমন যে পবাকান্ত খাশনবীশ, নিজের ছেলেমেয়েবা পর্যন্ত সব সময় যাব কাছে ঘেঁষতে চায় না, তাঁকেও সে বশ কবতে ছাড়েনি। যে-কদিন দীপালী থাকে, আপিসে যাওয়াব সময় পানের কৌটো, নস্যব শিশি, সাদা ধবধবে ক্রমাল সবই হাতেব কাছে পাওয়া যায়। সে চলে গেলে খাশনবীশেবও মনে হয় বাড়িটা যেন ফাঁকা ফাঁকা ঠেকছে।

কিন্তু পবেব মেয়েকে স্নেহ কবা এক কথা, তাকে পুত্রবধ কবা আব। বিশেষতঃ একে ভিন্ন জাত, তায নার্স। অসম্ভব।

খাশনবীশেব মনোভাব স্ত্রী আগেও অনুমান কবেছিলেন। এখন আব সে সম্পর্কে কোন সংশয় বইল না। খানিকক্ষণ চুপ কবে থেকে বললেন, “তোমার ছেলে কিন্তু ঐ মেয়েকেই পছন্দ কবে বেখেছে।”

এব চেয়ে এটম বা হাইড্রোজেন বোমা ফাটালেই বা ক্ষতি ছিল কি ? হিবোশিমার লোকেবা কি এব চেয়ে বেশী অপ্রস্তুত ছিল ?

উদ্দীপ্ত ক্রোধ যথাসাধ্য দমন কবে খাশনবীশ জিজ্ঞাসা কবলেন, “কী কবে জানলে ? সে তোমায় বলেছে ?”

“না, চিঠিতে জানিয়েছে,” স্ত্রী জবাব দিলেন।

“কে দেখি সে চিঠি,” বললেন খাশনবীশ।

স্ত্রী জানালেন চিঠিটা তিনি ছিঁড়ে ফেলেছেন। কথাটা সত্য নয়। চিঠিটা তিনি নিজের আলমারীতে শাড়িব নীচে লুকিয়ে বেখেছেন। খাশনবীশ সে চিঠিব সবখানি পড়বেন, এ তাঁব ইচ্ছা নয়।

“খাশনবীশ চিঠিব ডন্য কোন ব্যগ্রতা প্রকাশ কবলেন না। স্ত্রীকে বললেন, “ছেলেকে লিখে দিও, সে এখন বড় হয়েছে, নিজে জামা, জুতো যেমন পছন্দ কিনতে পারে, আমি আপত্তি কবব না। কিন্তু তাব বেশী বাড়াবাড়ি আমি পছন্দ কবিনে।”

সেদিন থেকে খাশনবীশ আপিসে যান, ফাইল কবেন, কেবানী চবান এবং ঐ দৈনন্দিন নিয়মিত কার্যবিধিব ফাঁকে ফাঁকে সম্ভবপব বৈবাহিকেব সন্ধান কবেন। তাব স্ত্রী তাঁডাব আগলান, বাম্মাবাম্মাব তদারক কবেন এবং আডালে নীববে অশ্রুপাত কবেন।

ছমাসে প্রায় ছ’ডজন কন্যাদায়গ্রস্ত পিতাব প্রস্তাব যাচাইবাছাই কবে নিজেব মনোমতো একটি পাত্রী আধাআধি নির্বাচন কবলেন খাশনবীশ। আপিসেব সাজ পবতে পবতে স্ত্রীকে বললেন, “আজ বিকেলে মেয়ে দেখতে যেতে হবে, তুমি সাড়ে পাঁচটা নাগাদ তৈরি হয়ে থেকো।”

স্ত্রীব কাছ থেকে কোনো সাদা পাওয়া গেল না। খাশনবীশ জিজ্ঞাসা কবলেন, “চুপ কয়ে রইলে কেন ? আজ কি কোন অসুবিধা আছে ?”

স্ত্রী বললেন, “মেয়ে দেখতে হয়, তুমি একাই দেখ গে। আমি যাব না।”

বিস্মিত খাশনবীশ প্রশ্ন কবলেন, “সে কী কথা ? ভদ্রলোককে বলেছি, দুজনই যাব, এখন—

তাঁর কথা শেষ হওয়াব আগেই স্ত্রী বলে উঠলেন, “ছেলে যখন এ মেয়েকে বিয়ে করবে না জানি, তখন মিছেমিছি তাঁকে দেখতে যাওয়াব বিডম্বনা কেন ?”

খাশনবীশ বললেন, “হুঃ, আমি ভেবেছিলুম তাব বিদঘুটে মতলব সে ছেড়েছে। দেখছি তা

নয়। আমার সম্মতি নেই জেনেও সে ঐ দীপালীকেই বিয়ে কবতে চায় ? তার সাহস তো কম নয় ?”

স্ট্রী বললেন, “সে তো তোমারই ছেলে, জেদ তারই বা কম হবে কেন ?”

খাশনবীশ সের্ কথার কোনো উত্তর না দিয়ে বললেন, “সে যেন মনে না ভাবে যে, ছেলে বলেই আমি তার বিলাতী নাটুকেপনা বরদাস্ত করব। ইনডিসপ্লিনকে আমি প্রথমে দেব না। আমার কথা তাকে মেনে চলতে হবে, নইলে তার সঙ্গে আমার কোনো সম্পর্ক থাকবে না।”

ফাইল এবং জীবন কোন ক্ষেত্রেই নিজের সিদ্ধান্তের নড়চড় করেন না খাশনবীশ। পিতাপুত্রের সম্পর্কে এখানেই ছেদ। বাপ যদি চিঠি লেখা বন্ধ করলেন, ছেলে চলে গেল স্বেচ্ছাকৃত বনবাসে অর্থাৎ চাকরী নিয়ে আসামের কোন এক চা-বাগানে। সেদিন থেকে শুরু হল দুই তীরে দুই অভিমানস্কন্ধ পুরুষের স্বকৃত কচ্ছুসাধন, মাঝখানে বহমান নিরুপায় জননীর স্নেহকাতর অশ্রুশ্রোত।

একমাত্র পুত্রকে পরিত্যাগের বেদনা দুঃসহ। কিন্তু তার ভাব রইল শুধু খাশনবীশের মনে। আপিসের কাজে তার একটুকু প্রকাশ নেই। সেখানে তাঁর মনোযোগ আরও প্রখর, তৎপরতা আরও সুস্পষ্ট।

মাসখানেক পরেই খাশনবীশের বয়স আটাল্লব সীমা পার হবে। সরকারী চাকরীর সেটা ডুরান্ড বা ম্যাকমোহন লাইন। পার হলেই নো ম্যানস ল্যান্ড, অর্থাৎ বিটায়ারমেন্ট, চলতি বাংলায় যাকে বলা হয় ‘পেঙ্গন’।

খাশনবীশের উদ্বেগের অবধি নেই। নিজের জন্য নয়, আপিসের জন্য। কেরানী ও অন্যান্য অফিসারদের কার কতটুকু দক্ষতা সে তো তাঁর অজানা নয়। তাঁর অবর্তমানে কাজ-কর্মের যে কী অবস্থা হবে, তা ভাবতে গিয়ে তিনি শিউবে ওঠেন। কোন চিঠির জবাবে কী লেখা হবে, কোন ফাইলে কী নোটিং তার বিস্তারিত-নির্দেশ লিখে রাখেন পৃথক কাগজে। ভবিষ্যতের জন্য। যে অফিসারটি তাঁর স্থলাভিষিক্ত হবেন তাঁর পাছে ভুল না হয়, সে জন্য জরুরী কেসগুলির কোনটি কবে সেক্রেটারীর কাছে পেশ করতে হবে তার ফর্দ করে রাখেন একটি খাতায়।

রিটারায়রমেন্টের দিন আপিসে ঘটা করে বিদায় অভিনন্দন সভা হলো। সেক্রেটারী উচ্ছ্বসিত ভাষায় খাশনবীশের প্রশংসা করলেন; নিজের সুদীর্ঘ কর্মজীবনে এমন নির্ভরযোগ্য সহকর্মী খুব কমই দেখেছেন অকপটে স্বীকার করলেন। শুনে খাশনবীশের চোখে জল আসার উপক্রম। গলায় ফুলের মালা এবং পকেটে নামখোদাই রূপোর সিগারেট কেস উপঢৌকন নিয়ে শেষবারের মতো আপিস থেকে বাড়ি ফিরলেন।

পরদিন সকালবেলা ঘুম ভাঙতেই খাশনবীশের মনে পড়ল, আজ আর আপিসে যেতে হবে না। দাড়ি কামাবার তাড়া নেই, স্নান আহার সেরে সাড়ে নটার মধ্যে কোট প্যাণ্টুলান গায়ে চাপাবার প্রয়োজন নেই। আজ আর নীল রঙের “ইমিডিয়েট” ও লাল রঙের “প্রাইওরিটি” স্লিপ-আটা ফাইল ঘাঁটতে হবে না। “ড্রাফট ফর গ্র্যাণ্ডুভাল” সংশোধন করতে হবে না। প্রাত্যহিক কাজকর্মের একটানা বন্ধন থেকে আজ পরিপূর্ণ মুক্তি।

কিন্তু কে, মুক্তির আনন্দ বোধ কবছেন না তো !

এতদিন সকাল বেলায় খবরের কাগজটা পড়তে সময় পেতেন না। শুধু হেডলাইনগুলির উপরে চোখ বুলিয়ে নিতেন। আজ সময়ের অভাব নেই। প্রথম পৃষ্ঠায় পত্রিকার নাম, তারিখ থেকে শুরু করে শেষ পৃষ্ঠায় প্রকাশকের নাম, ছাপাখানার ঠিকানা পর্যন্ত প্রতিটি লাইন পড়ে ফেললেন। ঘড়ির দিকে তাকিয়ে দেখলেন, নটা তখনো বাজেনি। বাড়িতে রেডিওটা তিনিই কিনে এনেছিলেন, কিন্তু কোনোদিনই শোনার অবকাশ হয়ে ওঠেনি। আজ নিজেই রেডিওর সুইচটি খুলে ছিলেন। হিন্দী সিনেমার গান আর দাঁতের মাজনের বিজ্ঞাপন শুনে বিরক্তি ধরল। বন্ধ করে দিলেন।

ধীরে ধীরে বাইরের বারান্দায় এসে দাঁড়ালেন। রাস্তায় আপিসযাত্রীদের সাইকেল অভিযান শুরু হয়েছে দলে দলে। ট্রাফিক আইন বা রোড ম্যানার্সের কোনো ধার ধারে না। রংসাইড করে ডাইনে

ঝায়ে যদুচ্ছা সাইকেল চালায়। আপিসে যেতে প্রতিদিন খাশনবীশকে এই বেপরোয়া সাইকেল বাহিনীকে ঝাচিয়ে সম্ভরণে গাড়ি চালাতে হতো। নিরাপদে অর্থাৎ কাউকে চাপা না দিয়ে আপিসে না পৌছানো পর্যন্ত স্নায়ুতন্ত্রীগুলির উপরে সে এক নিদারুণ অত্যাচার। আজ আর তার আশঙ্কা নেই।

অয়েল মিনিষ্ট্রির মধু সরকার যাচ্ছিলেন। খাশনবীশকে দেখে গাড়ি থামিয়ে জিজ্ঞাসা করলেন “কি হে, এখনও তৈরী হওনি দেখছি, আপিসে যেতে হবে না? রিটার্ন করছে? ও তাই নাকি? কবে থেকে? তা বেশ বেশ এবার প্রাণ ভরে জিরিয়ে নাও; ওয়েল-আর্নড রেস্ট। আমাদের তো এখনও বছর চারেক ঘানি টানতে হবে।”

খাশনবীশ মূর্খ হাসির চেষ্টা করলেন। কিন্তু সে নিতান্তই কাষ্ঠহাসি। রাস্তা দিয়ে পরিচিত আরও দু'চারজন গেলেন। তাঁরা হাত নেড়ে সম্ভাষণ জানালেন। প্রতিসম্ভাষণে খাশনবীশও যথারীতি হাত নাড়লেন। কেমন যেন লজ্জিত বোধ করলেন। কাল বিকেল পর্যন্ত তিনি ছিলেন তাঁদের সঙ্গোত্র। একটি রাত্রির অবসানে আজ তিনি একটা পৃথক শ্রেণীতে নেমে এসেছেন। বুকের কোণে খচ করে একটা ব্যথা বাজল।

দূরে স্কুটার-বাহন প্রীতম সিং-এর চেহারা দেখা গেল। মাথায় আসমানী রং-এর পরিপাটি পাগড়িটি। মুখে দাড়ির সম্বন্ধ বিন্যাস। দেখে মনে হয় বুঝি ধোপায় কাচা কাপড়ের মতো মাড় দিয়ে ইস্তিরি করা। সুট, টাই, কলারের বাহার দেখলে তাক লাগে। এপাড়ায়ই থাকে। খাশনবীশের সঙ্গে দেখা হলেই বলে “নৌবীশবাবু, বেশী খেটে লাভ কী? গভর্নমেন্টের চাকরীতে গ্রেড বাধা মাইনে। কাজে জান দিন, কিংবা ফাঁকি দিন, বছরের শেষে ইনক্রিমেন্টের হার যে কে সেই। এক পয়সা কম বেশী হবে না।” অপদার্থ কোথাকার! আজ তার সঙ্গে দেখা হয়ে যাক এটা খাশনবীশের ইচ্ছা নয়। মানুষের মৃত্যুর মত সরকারী চাকরিতে রিটার্নমেন্টও অবধারিত। তবুও কেন যে প্রীতম সিং-এর কাছে অবসর গ্রহণের কথাটা গোপন রাখার জন্য খাশনবীশ ব্যগ্র হলেন তা তিনি নিজেই জানেন না। তাড়াতাড়ি বারান্দা থেকে সরে গেলেন।

দুপুরে আহারের পর প্রথমে একটা মাসিক পত্রিকা পড়তে চেষ্টা করলেন। মন বসল না। দিবানিত্রার উদ্যোগ করলেন। টেলিফোনটা ক্রিং ক্রিং শব্দে বেজে উঠতেই সবার আগে গিয়ে রিসিভার তুললেন। রং নাম্বার। বেলা পাঁচটার মধ্যে আরও দুটো টেলিফোন এল। দুবারই খাশনবীশ ধরলেন। না একটাও আপিস থেকে নয়।

একবার ভাবলেন নিজেই একটা টেলিফোন করে খবর নিলে কেমন হয়? বহু কষ্টে সে বাসনা দমন করলেন। আশা করলেন আপিসের শেষে দু'একজন নিশ্চয়ই আসবে দেখা কবতে। কেউ এল না। খাশনবীশেব হতাশা তাঁব মুখে চোখে গোপন রইল না। দুপুর থেকে বাত দশটায় ঘুমোতে যাওয়ার আগে সময়টুকু ঘড়ির অঙ্কে ঘণ্টাকয়েক মাত্র। কিন্তু খাশনবীশের কাছে মনে হয় যেন কয়েক যুগ। কী করে কাটাবেন ভেবে পান না।

পাড়ায় সরকারী চাকরীদের একটা ক্লাব আছে। তার সেক্রেটারী নাহোড়বান্দা লোক। খাশনবীশকেও সদস্য না করে ছাড়েনি। কিন্তু সূর্যাস্তের আগে যে কখনও আপিসের টেবিল ছাড়তে পারে-না তার পক্ষে শুধু চাঁদা দেওয়াই সার হয়, ক্লাবে যাওয়ার সময় কোথায়? যাক, এতদিনে বুঝি চাঁদাটার সম্ব্যবহার হয়। কিন্তু খাশনবীশ সারাটা জীবন শুধু কাজই করেছেন। খেলাধুলার খবরও রাখেননি। পিং পং, ক্যারাম কখনও খেলেননি। অকশন ব্রিজ দূরে থাক, সাধারণ টয়েস্টিনাইন কিংবা ব্রে পর্যন্ত জানেন না। ক্লাবে গিয়ে করবেন কী?

সরকারী কর্মচারীদের গল্পগুজব সমস্তই সেক্রেটারীয়েট কেন্দ্র করে। কোন সেক্রেটারী প্রাদেশিক গভর্নর বা বিদেশে রাষ্ট্রদূত হচ্ছেন, কোন জয়েন্ট সেক্রেটারীর কোথায় প্রমোশন আসন্ন, কোন মিনিষ্ট্রিতে কোন মন্ত্রীর প্রীতিভাজনদের জন্য নতুন পদ সৃষ্টি হচ্ছে—তারই আলোচনা। সে আলোচনায় খাশনবীশ এখন শ্রোতামাত্র। তিনি কোনো নতুন তথ্য শোনাতে পারেন না। অস্বস্তি বোধ করেন। মনে হয় তিনি যেন আর পাঁচ জনের সমকক্ষ নন। ক্লাবে যাওয়া ছেড়ে দিলেন।

টেলিফোনের মিস্ত্রী এসে খাশনবীশের বাড়ির টেলিফোনটি তুলে নিয়ে গেল। এটা অপ্রত্যাশিত নয়। গভর্নমেন্ট অফিসারদের বাড়িতে সরকারী কাজের প্রয়োজনে সরকারী খরচে টেলিফোন

দেওয়া হয়। অফিসার বদলী হলে বা অবসর নিলে সে টেলিফোন তুলে নিয়ে অন্য অফিসারের বাড়িতে বসানো হয়। সরকারী নিয়ম কানুনে অভিজ্ঞ খাশনবীশের তা অজানা নয়। তবুও কেন যে তিনি আহত বোধ করলেন তার কারণ খুঁজে পাওয়া যায় না। বিগতদিনের পদমর্যাদার সর্বশেষ চিহ্ন ছিল ঐ টেলিফোনটি, আপিসের সঙ্গে তাঁর অন্তিম যোগসূত্র। আজ সেটিও ছিন্ন হওয়াতে বৃকের মাঝখানে একটা প্রকাণ্ড ফাঁক অনুভব করলেন। রাত্রিতে শয্যায় শুয়ে চোখে ঘুম এল না। স্ত্রীকে বললেন, “চল কিছুদিন বাইরে কাটিয়ে আসি।”

স্ত্রী তাই চাইছিলেন। সোৎসাহে বললেন, “বেশ তো, চল না কলকাতায়, পরশু নাগাদ বেরিয়ে পড়ি।”

যে কারণে কলকাতার প্রতি স্ত্রীর আকর্ষণ, ঠিক সে কারণেই স্বামীর বিতৃষ্ণা। কলকাতা থেকে আসাম তো কাছেই। শৈলবালার আশা, ছেলেকে দেখতে পাবেন। খাশনবীশের আশঙ্কা, ছেলেকে দেখতে হবে।

অবশেষে মরীয়া হয়ে স্ত্রী বললেন, “দেখ, দিনকাল বদলেছে, এখন সবাই তোমার মতে চলবে এমন আশা করো না।”

খাশনবীশ খুশী হলেন না। বিরস কণ্ঠে বললেন, “ছেলে হয়ে সে বাপকে অগ্রাহ্য করবে আর আমি তাই নিয়ে আনন্দে ধেই ধেই নেচে বেড়াব, এই তুমি চাও?”

স্ত্রী বললেন—“আনন্দনির্ভানন্দের কথা নয়, যা ঘটে তাই মানতে হয়। আর অগ্রাহ্য করার কথাই যদি বললে, একবার ভেবে দেখ তো ছেলে যদি ভালেবাসার জোরেই বাপকে না মানে তবে শুধু কর্তৃত্বের চাপ টিকাবে ক’দিন?”

সংসারে শৈলবালা কোনোদিন কোনো বিষয়েই নিজের মতামত প্রকাশ করেননি। খাশনবীশ যা স্থির করেছেন, নির্বিবাদে তাই মেনে নিয়েছেন। তাই আজ তাঁর এই স্পষ্ট ভাষণে খাশনবীশ বিস্মিত হলেন। স্ত্রীরও যে একটি ব্যক্তিত্ব আছে, নিজস্ব চিন্তাধারা আছে, সে কথা আজ প্রথম অনুভব করলেন। চুপ করে ভাবতে লাগলেন।

কলকাতাব কথা স্ত্রী আর তুললেন না। দেশভ্রমণে খাশনবীশের কোনোকালেই আগ্রহ নেই। বাকী থাকে শুধু তীর্থপর্যটন। অবশেষে তাই স্থির হল। পঞ্চাশোর্ধ্বে বনে যাওয়া যদি সম্ভব না হয়, তবে অগত্যা বৃন্দাবনেই যাওয়া যাক।

প্রচলিত গল্পের বিষয়াসক্ত অনিচ্ছুক তীর্থযাত্রীর মতো খাশনবীশ অবশ্য চন্দ্রাবলীর কুঞ্জে লাউ-এর মাচা দেখতে পাননি। তবে একথা ঠিক যে, কোনো তীর্থক্ষেত্রেই খাশনবীশের দু’একদিনের বেশী ভাল লাগল না। তাই বেনারসে শৈলবালার দিদি যখন বোনকে কিছুদিনের জন্য কাছে রাখতে চাইলেন খাশনবীশ আপত্তি করলেন না। সে অবকাশে তিনি একবার দিল্লী ঘুরে আসবেন। পেশনের কাগজপত্রগুলির ফলো-আপ করতে হবে।

দেখা গেল, শুধু দুরাত্মার নয়, প্রয়োজন হলে সজ্জন ব্যক্তিদেরও ছলেব অভাব হয় না,—পেশনের কাগজগুলি উপলক্ষ মাত্র, আসল লক্ষ্য অন্যত্র। তাঁর অবর্তমানে আপিসটা কিভাবে চলছে তা জানার কৌতুহল দমন করা খাশনবীশের পক্ষে দুঃসাধ্য হয়ে উঠছে।

যে-আপিসে খাশনবীশ তাঁর কর্মজীবনের সুদীর্ঘ কুড়িটি বছর কাটিয়েছেন, ছ’মাস পরে সে আপিসে ঢুকতে আজ যেন একটা বিশেষ উত্তেজনা বোধ করলেন। এ দালানের প্রতিটি কক্ষ, সিঁড়ির প্রতিটি ধাপ, এমন কি দেয়ালের প্রতিটি ইটের সঙ্গেও বৃষ্টি খাশনবীশের পরিচয় আছে। তবু প্রতি পদক্ষেপেই তাঁর নাড়ীর গতি চঞ্চল এবং শ্বাসপ্রশ্বাস দ্রুততর হলো। পরীক্ষার হলে প্রবেশের মুখে পরীক্ষার্থীর মনে যে নার্ভাসনেস দেখা দেয়, ঠিক অনুরূপ অনুভূতি।

লিফটেব মুখেই গুরুদণ্ডের সঙ্গে দেখা, নমস্কার জানিয়ে জিজ্ঞাসা করল, “কবে এলেন? কেমন আছেন?”

গুরুদণ্ড মানুষটি ভালো, কাজেও চতুর। খাশনবীশ তাকে বরাবরই পছন্দ করতেন। খাশনবীশ খুশি হলেন। কিন্তু সে যে ‘সার’ সম্বোধন করেনি, সেটা খাশনবীশের মনোযোগ এড়াল না। ভাবলেন, ইচ্ছাকৃত নয়।

তাঁর নিজের পুরোনো ঘরটির সামনে এসে দাঁড়ালেন। সাদা জমির উপরে কালো অক্ষরে “এস

সি খাশনবীশ" লেখা বোর্ডটি নেই। আছে একটি নতুন বোর্ড, তাতে নতুন নাম।

বিশ্ময়ের কিছুই নেই। তবু খাশনবীশ যেন অবাক হলেন। ঠিক ঐখানে যে মাত্র কয়েক মাস আগে অন্য একটা নামের বোর্ড ছিল তা বোঝার উপায় নেই তো আজ! দরজা খুলে ঘরে ঢুকলেন। ঘরের নতুন মালিক তখনও আসেননি। খাশনবীশ নিজের হাতঘড়িটির পানে তাকিয়ে দেখলেন দশটা বেজে ছাব্বিশ মিনিট। তাঁর কপালের রেখাগুলি কৃষ্ণিত হলো। পাণ্ডুয়াগুলিটির জ্ঞান নেই। অফিসাবদেব হাজিবা খাতায় সময় লিখতে হয় না বটে, কিন্তু তাদের নিজেদের কি সেল অব প্রাইট থাকবে না? অফিসার নিজেই যদি ঠিক ঘড়ির কাঁটায় কাঁটায় আপিসে না আসেন তবে কেবানীদের দেবী হ'লে কৈফিয়ৎ চাইবেন কোন মুখে?

খাশনবীশ ঘরের চারদিকে তাকিয়ে দেখলেন। কৈ কোথাও কোনো পরিবর্তন নেই তো। ক্যালেন্ডারটি যেখানে ছিল সেখানেই ঝুলছে। তার ছবিতে তষস্কী রূপসী বমুখের হাসিটি এতটুকু স্নান হয়নি। টেবিলে পিতলের কলমদানটি তেমনি উজ্জ্বল, চকচকে। আলমারী, শেলফ, "ইন ও আউট" লেখা কার্টের ট্রে দুটি সবই যথাস্থানে আছে। শুধু চেয়ারে এতকাল যে মানুষটি বসতো সে নেই। কিন্তু তার অদর্শনে টেবিলের উপরে টাইমপীস ঘড়িটি বন্ধ হয়নি, মেজেতে কার্পটের রং বিবর্ণ হয়নি। ঘরেব কোনোখানে এতটুকু বিষাদের চিহ্ন পড়েনি। নিজের অজ্ঞাতেই বৃষ্টি একটা দীর্ঘশ্বাস মোচন করলেন খাশনবীশ। নিলাজ কুলটা শুধু ভূমিই নয়, ঘরদোব, আসবাবপত্র সব কিছুই বহুবল্লভা নারীর মতো "যখন যাহার তখনই তাহার।" হৃদয়হীন, শোকহীন, আনুগত্যহীন।

খাশনবীশ সেক্রেটারীর ঘরের কাছে যেতেই চাপরাশী বাধা দিয়ে বলল, "সিলিপ দিজিয়ে।" স্লীপ মানে কার্ড। কার্ড পাঠিয়ে ঢুকতে হবে খাশনবীশকে? অগ্নিদৃষ্টিতে তাকালেন চাপরাশীটাব পানে। চাপরাশী ছাড়াবাব পাত্র নয়, কেবলই বলে, বিনা সিলিপে ঢোকান অনুমতি নেই। ভাগ্যক্রমে সেইক্ষণে পুরানো চাপরাশী এসে পড়ল, সেলাম করে বলল, "এ নতুন লোক, হুজুরকে ঢেনে না। আপনি ভিতরে যান।" ব্যাপারটা কিছুই নয়, তবু খাশনবীশেব মেজাজটা খিচড়ে গেল।

ঘরের ভিতরে খাশনবীশেব অভ্যর্থনার ক্রটি হলো না। সেক্রেটারী হাসিমুখে কবমর্দন করলেন, স্বাস্থ্যের খবর নিলেন। দুঃখ প্রকাশ করলেন, অনেক গল্প করার ইচ্ছা ছিল, কিন্তু এক্ষণি ঘরে বাজেট সংক্রান্ত জরুরী মিটিং হবে। বাৎসরিক ব্যাপার, খাশনবীশেব তো জানাই আছে।

খাশনবীশ ঘর থেকে নিজস্তা হলেন। বছরের পর বছর এই বাজেট-মিটিং-এ খাশনবীশই ছিলেন ব্যবস্থাপক। মধ্যবিন্দু—সেন্ট্রাল ফিগার বললেই হয়। বাজেটেব খসড়াটা তিনিই করতেন, মিটিংটা ছিল শুধু আনুষ্ঠানিকভাবে তা অনুমোদনের জন্য। আজ সেই মিটিং হবে বলে খাশনবীশকে ঘর থেকে বেরিয়ে আসতে হলো। খাশনবীশের বুকে ব্যথা বাজল। ভাগ্যক্রমে তিনি যখন এ সময়ে এসেই পড়েছিলেন, তখন তাঁকে মিটিং-এ যোগ দিতে বললেই বা ক্ষতি ছিল কি? আলোচনায় তিনি যে সহায়তা করতে পারতেন সে কথা কি সেক্রেটারীর জানা নেই?

বারান্দায় বেষ্টিতে জনচারেক চাপরাশী বসে জটলা কবছিল। খাশনবীশ সমুখ দিয়ে চলে গেলেন, কেউ উঠে দাঁড়াল না। তাঁকে দেখতে পায়নি কি? কে জানে?

হঠাৎ মনে পড়ল, যে প্রয়োজনে এসেছিলেন সেই পেন্সনের কাগজপত্রের খোঁজ করা হয়নি তো। ভারপ্রাপ্ত ডেপুটি সেক্রেটারীর ঘরে গিয়ে দেখলেন সেখানেও এক নবাগন্তক। খাশনবীশ নিজের পরিচয় দিতেই ভদ্রলোক খাতিব করে বসালেন, ডিলিং অ্যাসিস্ট্যান্টকে ডাকতে পাঠালেন।

কথায় কথায় আপিস ডিসপ্লিনের কথা উঠল। খাশনবীশের যেটা সদ্য স্কোভের কারণ। নতুন অফিসারটির সে বিষয়ে বিশেষ দৃষ্টি আছে মনে হলো না। শাস্তির ভয় দেখিয়ে নাকি কাজ আদায় করা যায় না। বলে কিনা আপিসে কেরানী, টাইপিস্টদের মনে সেল অব পাটিসিপেশান না জন্মাতে পারলে কর্মদক্ষতা আশা করা বৃথা। যত উদ্ভট মতবাদ! রাবিশ!

ততক্ষণে ডিলিং অ্যাসিস্ট্যান্টটি এসে গেল। খাশনবীশের আমলের পুরানো কর্মচারী। খাশনবীশকে যেন চিনতেই পারে না এমন ভাব। বলল, "ফলো-আপের" কাগজপত্র লিখে পড়ে তৈরী তো আর আজই হতে পারে না। চার-পাঁচদিন পরে যেন একদিন খোঁজ নেন।

চার-পাঁচদিন? খাশনবীশের সময়ে এ কাজ যে ঘণ্টাদুয়েকের মধ্যে হয়ে যেত। কেরানীটি

অবজ্ঞার হাসি হাসল। ডাবখানা এই যে, সে সময়ের কথা ভুলে যাওয়াই ভালো। আসল কথা, কেমনাটি অতীতে খাসনবীশের কাছে তাড়না খেয়েছে অনেক। এখন তারই শোধ নেবার চেষ্টা। ঘর থেকে বারান্দায় বেরিয়ে প্রায় খাসনবীশকে শুনিয়েই বলল—“হঃ, এখন আর ডেপুটি সেক্রেটারী নন। থোড়াই কেয়ার করি ওকে। এবার বাছাধনের জুতোর সোল ক্ষয় করিয়ে ছাড়ব।”

আপিসে আরও কয়েক জনের সঙ্গে দেখা করার বাসনা নিয়ে এসেছিলেন, এখন আর সে ইচ্ছা রইল না। ফিরে চললেন। লহমন চতুর্বেদী খাসনবীশের পুরাতন অনুগত সহকর্মী। দেখতে পেয়ে বলল, “কী এখনই চললেন? আবার কবে আসছেন? যাবেন কী করে? একটা ট্যাক্সী আনিয়ে দেব কি?”

যথেষ্ট অমায়িক ব্যবহার। কিন্তু খাসনবীশকে আজ বুঝি শুধু খুঁত ধরার ব্যাধিতে পেয়েছে। তাঁর কেবলই মনে পড়তে লাগল, চতুর্বেদীর তো ড্রাইভার আছে। নিজের গাড়িতেই তাঁকে হোটলে পৌঁছে দেওয়া তো কঠিন ছিল না। এর আগে যখনই খাসনবীশের গাড়ি বিকল হয়েছে তখনই চতুর্বেদী নিজে যেতে খাসনবীশকে বাড়ি থেকে আপিস এবং আপিস থেকে বাড়িতে পৌঁছে দেয়নি কি? অভিমানে খাসনবীশের দৃষ্টি বাম্পাচ্ছন্ন এবং কঠ রুদ্ধ হলো। তিনি ঘাড় নেড়ে জানালেন, ট্যাক্সীর প্রয়োজন নেই।

ভেবেছিলেন নিজেই রাস্তায় বেরিয়ে ট্যাক্সী ধরবেন। সিঁড়ির কাছে এসে বাইরে রোদের দিকে তাকিয়ে সাহস হলো না। পাশের দরজায় এক অফিসারের পিওন বসেছিল। তাকে বললেন, একটা ট্যাক্সী ডেকে আনতে। পিওনটি অনেকদিন মিনিষ্ট্রিতে আছে। খাসনবীশকে চেনে। বলল, ডিউটি ছেড়ে বাইরে গেলে তার সাহেব বিশেষ গোসা হন। হজুর যদি মেহেরবানী করে অন্য আর কাউকে বলেন।

খাসনবীশের গালে ঠাস করে একটা চড় কষিয়ে দিলেও তিনি এর চাইতে বেশী আহত হতেন না। সিঁড়ি বেয়ে নামতে গিয়ে তাঁর মাথাটা যেন ঘুরতে লাগল। মনে হলো বুঝি বা মুখ থুবড়ে পড়ে যান। তাড়াতাড়ি শব্দ করে রেলিংটা ধরে ফেললেন। ধীরে ধীরে সতর্ক পদক্ষেপে বাইরে এসে দাঁড়ালেন।

এপ্রিলের খর রৌদ্রতাপে পথ জনবিরল। ধূলিকীর্ণ বাতাসের উষ্ণ নিঃশ্বাসে তৃণশুল্ক দন্ধ, বিশীর্ণ। সমস্ত পৃথিবীটা খাসনবীশের কাছে ঐ তপ্ত পাণ্ডুর আকাশের মতো বিবর্ণ মনে হলো। যে আপিসের কাজে তিনি তাঁর জীবনের সমস্ত উদ্যম, বিদ্যা, বুদ্ধি ও সময় নিঃশেষে দান করেছেন সেখানে আজ তাঁর কিছুমাত্র স্বীকৃতি নেই। একদা যেখানে তিনি ছিলেন অপরিহার্য, আজ সেখানে তিনি অনাবশ্যক। এই নগ্ন সত্য অবিকার করে খাসনবীশ মর্মান্বিত হন। নৈর্ব্যক্তিক সরকারী শাসনযন্ত্রটাকে একটা বিরাট প্রবঞ্চনা মনে হলো। এতকাল যে প্রতিষ্ঠা ও প্রভাব তাঁর নামের সঙ্গে জড়িত ছিল সে কি তবে তাঁর নিজের নয়? শুধু তাঁর চাকরিটার?

মুহূর্তে খাসনবীশের দৃষ্টি থেকে মোহজাল অপসৃত হলো। মন থেকে সকল গর্ব, সকল অভিমান দূর হয়ে গেল। ভূতপূর্ব ডেপুটি সেক্রেটারী অতি উন্নত কল্পলোক থেকে নেমে এলেন ধূলোকাটার মাটিতে। ইন্ডিয়া গেজেটের পাতার বাইরেও যে হাসিকান্নায় গড়া একটা বৃহত্তর জগৎ আছে। সে তত্ত্ব আজ প্রথম উদ্ঘাটিত হলো খাসনবীশের জীবনে। মনের মধ্যে একটি স্নিগ্ধ সংহত প্রশান্তি অনুভব করলেন।

পথের এক ক্ষীণদেহ ভিখারী পথচারীদের দয়্য উদ্বেকের চেষ্টায় ঢোলক বাজিয়ে সুরদাসের ভজন গাইছিল,—নৈন সলোনে শ্যাম হরি কভ আওঙ্গে। খাসনবীশ তাকে কাছে ডেকে তার হাতে একটা টাকা দিলেন। সে বেচারী দু’আনা-চার আনার বেশী কখনও প্রত্যাশা করে না। অবাক হয়ে খাসনবীশের মুখের পানে চেয়ে রইল।

সেদিন অনেক রাত্রিতে সদর দরজায় কড়া নাড়ার শব্দে বেনারসে শৈলবালার ঘুম ভেঙে গেল। তাঁর নামে এক্সপ্রেস টেলিগ্রাম। দেখলেই দুঃসংবাদের আশঙ্কায় বুক কাঁপতে থাকে। তাড়াতাড়ি খামটা ছিড়ে পড়লেন। পাঁচটি ইংরেজী শব্দে সংক্ষিপ্ত একটি বাক্য—“দীপালীর সঙ্গে পল্টুর বিয়ে স্থির কর।”

কৌন্তেয়

স্থান,—পাঞ্জাবের ফজিলপুর। কাল,—উনিশশো বাহার সালের মাঝামাঝি। পাত্র,—সর্দার মেহের সিং। বলে দেওয়া প্রয়োজন, নামধামগুলি সবই কল্পিত। সেটা ইচ্ছাকৃত। কারণ মেহের সিং ও তাঁর স্ত্রীর সত্যিকার পরিচয় ইঙ্গিতেও কারো কাছে প্রকাশ হোক, এ আমার অভিপ্রেত নয়।

মেটকাফ হাউসে ট্রেনিং শেষ করে ছোটখাটো গোটা দুই তিন কাজের পরে ফজিলপুর আমার প্রথম সাবডিভিশন। ফার্স্ট ক্লাস ম্যাজিস্ট্রেট রূপে সেখানে হাতেখড়ি।

বয়স অল্প, অভিজ্ঞতা অল্পতর। ইন্ডিয়া গেজেটের পাতায় আই-এ-এস পরীক্ষার ফল দেখে যে সকল পাত্রীপক্ষ তৎপর হয়ে ওঠেন, তাঁদের তীক্ষ্ণ সন্ধানী দৃষ্টি এড়িয়ে কৌমার্য তখনও অটুট। সুতরাং ফুলের ছেলেদের নারী ভূমিকা বর্জিত নাটকের মতো নিছক পুরুষপরিচালিত সংসার। ফৌজদারী বিচার, তাকাভি ঋণ, বিদ্যালয়ের পুরস্কার বিতরণ, হাসপাতাল কমিটির সভাপতিত্ব, মন্ত্রীদের ফরমাস ও এম-এল-এ, এম-এল-সি-দের নালিশ এবং পারমিটের তদ্বির ইত্যাদি প্রাত্যহিক রুটিন কাজের পরেও অবসর যেটুকু থাকে সে-টুকু শুধু আগাথা ক্রিস্টী ও উডহাউস নিয়ে কাটতে চায় না। তাই ফুলের বাগানে মন দিয়েছিলাম।

কাজটা খুব সহজসাধ্য ছিল না। সাব-ডিভিশন্যাল অফিসারের বাড়িটা ব্রিটিশ আমলের। সেকালের ষ্বেতাঙ্গ আই-সি-এস-দের লক্ষ্য করে লী কমিশনের দরাজ সুপারিশের মাপে তৈরী। বিরাট বাংলো, বিস্তৃত চত্বর। একদিকে গ্র্যাভল করা টেনিস কোর্ট, অন্যদিকে বাবুচী, খানসামা, মালী, মশালচী নিয়ে এক ব্যাটিলিয়ন অনুচরের বাসের ব্যবস্থা।

এ বাড়িতে আমার পূর্ববর্তী অধিবাসী যিনি ছিলেন, তিনি প্রিন্সিপ্যাল সার্ভিসের লোক। প্রমোশন পেয়ে সাবডিভিশনের কর্তা হয়ে ছিলেন। তাঁর চাকরি জীবনের সেটা অন্ত্যচল। গুটিদশেক পুত্রকন্যা নিয়ে বৃহৎ পরিবার। আশ্চর্য নয় যে, ফুলের চাইতে ফুলকপিকে তিনি অনেক বেশী সত্য জ্ঞান করতেন। সমস্ত বাগানটা তিনি ভিড়ি, ভুট্টা আর কাকড়িতে ছেয়ে ফেলেছিলেন। কোথাও কোনখানে এতটুকু শোভা বা গন্ধের আভাসমাত্র ছিল না। ফলে পুষ্পচর্চায় আমাকে বাগানটার সমস্তটাই প্রায় ঢেলে সাজাতে হল। সে কাজে সর্দার মেহের সিং ছিল আমার প্রধান নির্ভর।

নিরন্ত পাদপ দেশের সঙ্গে পরিচয় নেই। সুতরাং এরও সত্যি সত্যি কোথাও ক্রমরূপে গণ্য হয় কিনা জানিনে। কিন্তু মহকুমা শহরে সাবডিভিশন্যাল অফিসারই যে রাজাধিরাজ সে কথা হলপ করে বলতে পারি।

নয়া ম্যাজিস্টার স্নাবকো ফুলোমে বহুত শখ হয়—এই বার্তা গ্রামে গ্রামে রটে গেল ক্রমে। অশব্দন্ত সরকারী আমলা সেরেস্তাদার থেকে শুরু করে বেসরকারী অর্থীপ্রত্যার্থীর দল সবাই সাহেবের ফুলের বাগানে মদত অর্থাৎ সহায়তা দানের জন্য উদগ্রীব। ভদ্র উপায়ে তাদের আগ্রহ ও উদ্যমকে ঠেকিয়ে রাখাই কঠিন। মেহের সিং কিন্তু নিজে যেচে আসেনি। আমিই ডেকে এনেছিলাম।

খবরটা দিয়েছিল আমার খাস চাপরাসী সুখনলাল। গৃহিণীহীন গৃহস্বামীদের প্রতি চাকব বেয়ারাদের একটা স্বাভাবিক পক্ষপাতিত্ব থাকে। গৃহকর্মের ঝুটিনাটি নিয়ে অপত্নীক গৃহকর্তারা কেবলই ঝুত ধরেন না। ভাঁড়ারের চাবি ও বাজারের হিসাব সম্পর্কে তাঁরা সমান উদাসীন। ফলে প্রভুভূত্যের মধ্যে একটা সহৃদয় সখাতার সৃষ্টি হয়। বৃদ্ধ সুখনলালের বিশ্বাস জগতে অধিকাংশ লোকই দুর্জন। সুযোগ পেলেই তারা তার তরুণ মনিবটিকে ঠকিয়ে টাকাকাড়ি নিয়ে যাবে। তাই কারণে অকারণে এবং সময়ে অসময়ে সে উপদেশ বিতরণ করে থাকে শুধু উপদেশ নয়, তথ্যও। বাগিচা সম্পর্কে মেহের সিং যে কত বড় ওস্তাদ এবং তার গুলাব যে নোমাসেস অর্থাৎ এগজিবিশানে প্রাইজ পেয়েছে সে তথ্য একাধিকবার শোনাতে সে ভোলেনি।

মেহের সিং লোকটা লম্বায় ছ'ফুট। ওজনে বারো স্টোন। কালিদাসের ভাষায় শালগ্রাণ্ড মহাভূজঃ বললে ক্ষতি নেই। গালে গালপাট্টা, মাথায় পাগড়ি, হাতে লোহার কঙ্কণ। শিখধর্মের চিরপরিচিত পরিচয়-চিহ্ন। ঐ চেহারার সঙ্গে আমার কর্ণেল, রেলের ঠিকাদার, শহরের ট্যান্ডিচালকের যোগাযোগটা আমাদের মনে প্রায় বদ্ধমূল। সুতরাং মেহের সিং গোলাপের

বিশেষজ্ঞ শুনে অবাকই হয়েছিলাম। শরৎ চাটুয্যে মশাই যাই বলুন না কেন, কাবুলীওয়ালার গান গাওয়ার চাইতে সেটা কম বিস্ময়কর নয়।

ফুল সম্পর্কে আমার অভিজ্ঞতা যেমন পরিমিত, মেহের সিং-এর জ্ঞান তেমনি গভীর। ক্যাটালগ খেঁটে সিনেরেক্সিয়ার বীজ এনেছিলাম। অথচ ফুল হল না। মেহের সিং বলল, এ ফুল ছায়া চায়, বাংলোর পিছনে যেখানে বেশী রোদ আসে না সেখানে কেয়ারী বানাতে হবে। সাহারানপুরের নার্সারী থেকে অনেক দাম দিয়ে আনা হেলেন-ট্রবল গোলাপ গাছে ঝুঁড়ি ধরে শুকিয়ে যাচ্ছিল। মেহের সিং এসে রোগ নির্ণয় করল; ডাইব্যাক হচ্ছে, গাছের ডাল কেটে বাদ দিয়ে তিসির তেলের সঙ্গে তুঁতে মিশিয়ে প্রলেপ লাগাতে হবে। চন্দ্রমল্লিকায় কখন স্টেক ঝাণ্ডা চাই, ডালিয়া কী করে ডি-বাড়িং হয়, সে বিষয়ে তার অভিমত অপ্রাস্ত।

অথচ ফজিলপুরে জনসাধারণের কাছে মেহের সিং-এর প্রসিদ্ধি তার ফুলের জন্যে নয়। আসলে সেটা তার খ্যাতি নয়,—অখ্যাতি। এমন কঠিন কৃপণ কেউ কখনও দেখিনি। চালানী ব্যবসায়ে অটেল টাকা করেছে, কিন্তু কখনও কাউকে এক গ্রাস জল পর্যন্ত দেয় না। পাড়ার ছেলেরা ফুটবল ক্লাবের জন্যে চাঁদা চাইতে গিয়ে তাড়া খায়। শহরের বারোয়ারী ধূলভির জন্য একটা টাকা আদায় করতে কর্মকর্তাদের প্রাণান্ত ঘটে। জনশ্রুতি এই যে, প্রভাতে তার নাম নিলে সে দিনটায় নানা দুর্ভোগ ভুগতে হয়।

জানি, পরের অর্থ এবং নিজের আয়ু সম্পর্কে আমাদের সবারই ধারণা কিছুটা অতিরঞ্জিত। কিন্তু মেহের সিং-এর ব্যয়কুষ্ঠতা নিয়ে গল্প বানাবার প্রয়োজন নেই। সে ব্যাপারে প্রকৃত ঘটনা এমনতেই এত হাস্যকর যে তার উপরে রং চড়ানো নিতান্তই অনাবশ্যক।

হিতাকাজক্ষী প্রতিবেশীরা বলে, “সর্দারজী রাজ্যের লোককে ইট, সিমেন্ট, লোহা-লকড় যোগাচ্ছে। এবার নিজের জন্য পাকা বাড়ি তুলবে কবে? টাকা তো অনেক কামালে, ভোগ করবে কখন?”

মেহের সিং হেসে জবাব দেয়, “ঠিক বলেছ তোমরা। আর ক’টা দিনই বা আছি? দিনের বেলায় তো ব্যবসা বাণিজ্যের ধাক্কাই বাইরে বাইরেই কাটে, বাড়ির সঙ্গে সম্পর্ক তো শুধু রান্তিরে। সুতরাং জিন্দগী যদি আর বিশ সালও হয় তার অর্ধেক মাত্র থাকবে বাড়িতে। ঘুমের মধ্যে ফকিরের চালাঘর যা মোগল বাদশার দেওয়ানীখাসও তাই। বাকী থাকে শুধু সকাল আর সন্ধ্যায় কয়েকটা ঘণ্টা। সমস্ত যোগ করলে চার, কিংবা বড়জোর ছ’বছর হবে। তার জন্যে ত্রিশ চল্লিশ হাজার টাকা রাজমিস্ত্রী আর কন্সট্রাক্টর ওভারশীয়ারের পেটে দেওয়া কেন?”

এমন গাণিতিক যুক্তির উপরে তর্ক চলে না। প্রশ্নকর্তারা নিরস্তুর হয়।

মেহের সিং-এর এক অন্তরঙ্গ সুহৃদ নামজাদা এক সাইকেল কোম্পানীর সেলিং এজেন্ট নিয়েছিল। সে খনী বন্ধুকে একটা সাইকেল বেচতে উৎসুক। একসঙ্গে সব টাকা চায় না, ইনস্টলমেন্টে অর্থাৎ কিস্তিতে দাম দিলেও চলবে।

প্রস্তাবটা লোভনীয়। কিন্তু পাশাণে তো কর্দম থাকে না। মেহের সিংকে প্রলুব্ধ করা অসম্ভব। সবিনয়ে তা প্রত্যাখ্যান করে বলে, “বাবুয়ানির কম্পিটিশানের কি আর শেষ আছে, ভাই? আমি সাইকেল কিনেছি তো আড়তদার চিরঞ্জিলাল কিনবে একা অথবা ফিটন। মোটর গাড়ি কিনে আবার তাকেও হয়তো ছাড়িয়ে যাবে কুঠিয়াল কিষণচাঁদ শেঠ। কৈ, কেউ হারাক দেখি আমাদের পায়ে হাঁটার তাগদে?”

দম্ভটা অনর্থক নয়। চার আনা বাসের ভাড়া বাঁচাতে মেহের সিং শীতগ্রীষ্ম বার মাস চার ক্রোশ পথ হেঁটে মন্ডিতে মাল কিনতে যায়। পদচারণার প্রতিযোগিতায় মেহের সিংকে পরাস্ত করবে, এমন লোকের সংখ্যা বেশী নয়।

কিন্তু সৃষ্টিকর্তার রসবোধ তীক্ষ্ণ! তিনি বোধ হয় কৌতুকচ্ছলেই সর্দারজীর ভাগে এমন এক স্ত্রী জুটিয়েছেন যার হৃদয় দয়াদ্র এবং দান্ধিক্য অকুণ্ঠিত। হায়, ব্যয়কাতর মেহের সিং-এর অন্তঃপুরেই দানদাতবোর অব্যবহৃত ব্যবস্থা। প্রদীপের নীচেই যেমন অঙ্ককার, পুলিশের বড় কর্তার ছেলেই যেমন নক্সালাইট! নিঃশ্ব ভিত্তারী সদরে কর্তার কাছে তাড়না খেয়ে পালাবার পথ পায় না। অন্দরে গিল্লীর কাছে পৌঁছুতে পারলে দিনতিনেকের চাল-ডাল কুলি ভরে নিয়ে যায়।

বাড়ির যে বৃদ্ধা বি শীতে কাতর তার জন্যে কঞ্চল, রাস্তার যে ঝাড়ুদার ম্যালেরিয়ায় আধমরা তার জন্যে ওষুধ, স্কুলে যে গরীবের ছেলে বই-এর অভাবে পড়তে পায় না তার জন্যে পাঠ্যপুস্তক যোগায় মেহের সিং-এর স্ত্রী ।

শাস্ত্রকারেরা বলেন, জীচরিত্র মানুষ দূরে থাক দেবতাদেরও বুদ্ধির অগম্য । যদিও স্ত্রীজাতি সম্পর্কে নিজের জ্ঞান খুবই সামান্য, তবুও শাস্ত্রবাক্যে সন্দেহ করিনে । কিন্তু প্রত্যক্ষ অভিজ্ঞতায় যতটুকু জানি, তাতে মনে হয়, সংসারে পুরুষচরিত্রটাও কম দুর্বোধ নয় । মেহের সিং-এর ডিঙ্কনারীতে সন্ধ্যা বা অসন্ধ্যা বলে কোন কথা নেই । ব্যয় মাত্রই তার কাছে অপব্যয় । স্ত্রীর বেহিসেবী পরোপকারবৃত্তি নিয়ে তার মনস্তাপের সীমা নেই । অথচ তাতে বাধা দিতেও সে অনিচ্ছুক ।

ফুলের পরেই যে প্রসঙ্গ নিয়ে মেহের সিং বেশী আলোচনা করে, সে তার নিজের স্ত্রীর নির্বিচারে দানশীলতা । কোনদিন এসে বলে, আজ হরিয়ানা থেকে এক বিধবা এসে দুঃখের কাঁদুনী গেয়ে বিবিজীর আনকোরা দু'খানা সালায়ার হাতিয়ে নিল । অনাদিন সখেদে জানায় শহরের অনাথ আশ্রমের ছেলেমেয়েরা দেয়ালীর মিঠাই শাবে বলে দশ দশটা টাকা নিয়ে গেল ।

তাকে সাশ্রুনা দিয়ে বলি, “সদারজী, ওরা দুঃস্থ । তোমার বিবিজী যদি মাঝে মাঝে তাদের কখনও কিছু দান করেন, তাতে তোমার ঐশ্বর্য ফুরাবে না ।”

মেহের সিং অবাক হয়ে বলে, “ফুরাবে না ? এ-রেটে চললে কুবেরের ভাণ্ডারও নিঃশেষ হতে সময় লাগে না, আমি তো কোন ছার । শেষকালে হয়তো আমাকেই পরের দুয়ারে হাত পাতে হবে ।”

আমি আশ্বাস দিয়ে বললেন “ভয় নেই, তুমি যা উপায় করছ এবং যা জমিয়েছ তাতে হেসে খেলে তোমাদের জীবন কেটে যাবে, কিছু ভাবতে হবে না ।”

মেহের সিং আশ্বস্ত হয় না, বলে, “সাহেব জামানা বদলে যাচ্ছে । আমাদের জোয়ানীতে দেখেছি টাকায় বারো সের দুধ । এখন এক সেরের দাম এক টাকা ; তাতেও পাণ্ডুর নলকী পানি !”

প্রতিবাদ নিষ্ফল । বললেন, “তোমার স্ত্রীকে বারণ কর না কেন ? যদি না শোনে তার হাতে টাকাকড়ি দিও না ।”

মেহের সিং করুণ কণ্ঠে বলল, “না ছজুর, তা হয় না । আমার টাকাকড়ি তো সব তাঁরই । তাঁর ইচ্ছায় বাধা দিয়ে তাঁর মনে কষ্ট দিতে পারব না ।”

আমি যে অবাক হয়েছি সে কথা তার বুঝতে বাকী রইল না । কিছুটা সন্তোষের সঙ্গেই বলল, “ছেলেপুলে নেই, একটা কিছু নিয়ে থাকা চাই তো । তা ছাড়া নসীবের ফেরে এক সময় অনেক তকলিফ সময়েছ, আমি তাঁকে কোন দুঃখ দিতে চাইনে ।”

আসল কথাটা বুঝতে কষ্ট হয় না । স্ত্রীকে বেচারা খুবই ভালোবাসে । বাস্তবিক স্রৈণ কথাটার মানে জানতে অভিজান খোলার দরকার নেই । মেহের সিংকে দেখাই যথেষ্ট । অর্থে মেহের সিং-এর আসক্তি গভীর । স্ত্রীর প্রতি তার অনুরাগ গভীরতর ।

টেস্ট রিলিফের কাজে প্রায় একটানা মাস চারেক গ্রামে গ্রামে ঘুরতে হয়েছিল । সে পালা শেষ হতেই বদলির হুকুম এল । বাস্ত্রপেটারা বাধাছাদার মধ্যে মেহের সিং এসে সেলাম করে দাঁড়াল ।

পাঞ্জাবী ভাষাটা কিছু কিছু রপ্ত হয়েছিল, জিজ্ঞাসা করলেম, “ক্যা গাল ? খবর কি ?” সে হেসে জবাব করল, “চাঙগা ।”

কিন্তু গলার স্বরে প্রসন্নতার আভাস ছিল না । জিজ্ঞাসু দৃষ্টিতে তার পানে তাকিয়ে দেখি মুখে চোখে ক্লান্তি ও উদ্বেগের চিহ্ন সুস্পষ্ট ।

বাগানের গোলাপের গাছগুলি তুলে সঙ্গে নিয়ে যাওয়া অসম্ভব । এ বাড়িতে আমার অনুগামীর জন্যে রেখে যাওয়াও নিরর্থক । সেগুলি মেহের সিংকেই দান করলেম । আমেরিকান পীস্ আর শাসপেপ গোলাপ দুটো মিহিজামের নার্সারি থেকে অনেক দাম দিয়ে এসেছিলেম ; ফুল আর দেখা হতো

কিন্তু এসব ভাবনা নিয়ে মেহের সিং-এর আজ তেমন উৎসাহ দেখা গেল না । ব্যাপার কী

অসুস্থ ? ব্যবসায়ের গোলযোগ ? সর্দারনী কি আবার কোনো দরিদ্র কল্যাণে মোটা দান করে বসে আছেন ?

কোনটাই নয়। মেহের সিং বলল, “সাহেব, আমি বড় বিপদে পড়েছি।”

সে কি কথা ? মেহের সিং কপণ সন্দেহ নেই, কিন্তু মানুষটা সং। সে-কথা সবাই বলে। কন্ট্রোলার দিনে ব্ল্যাকমার্কেট করে দুপয়সা উপরি কামানো, কারো পাওনা ফাঁকি দেওয়া ইত্যাদি দুষ্ট ব্যবসায়ীদের প্রচলিত অভ্যাস থেকে সে সম্পূর্ণ মুক্ত। তার আবার বিপদ কিসের ? মেহের সিং বললে, “সে অনেক কথা, গোড়া থেকে শুনতে হবে।”

বারান্দায় বেতের চেয়ারগুলি প্যাক হতে তখনও বাকী ছিল। তারই দুটোতে দুজনে মুখোমুখি বসলেন। শোনা গেল তার কাহিনী।

মেহের সিং-এর বাপ ছিল গ্রামের মধ্যে বর্ধিষ্ণু চাষী। ঘটা করে ছেলের বিয়ে দিয়েছিলেন। পাড়াগায়ে সারদা আইনের অনুসরণ যত, লঙ্ঘন তার বেশী। বরের বয়স তখন বারো, কনের বয়স ছয়। কিন্তু ‘বরাত’ অর্থাৎ বরযাত্রীদের সমাদরে কী ক্রটি ঘটেছিল তা নিয়ে দুই বেবাহিকে বিয়ের পর দিন থেকেই মন কষাকষি ও কলহ। শেষ কালে মেহের সিং-এর শ্বশুর বাগ করে মেয়েকে জোর করে নিয়ে গেলেন নিজের বাড়িতে। বরকর্তা বললেন, কুছ পবোয়া নেহি। ছেলের আবার বিয়ে দেবেন। কিন্তু সে সংকল্প পূর্ণ হবার আগেই হঠাৎ গেলেন মারা।

বছর না ঘুরতেই পিতৃহীন মেহের সিং-এর কাকারা সমস্ত সম্পত্তি আত্মসাৎ করে প্রায় এক বস্ত্রে তাকে পথে বার করে দিল। গ্রামের এক সর্দারজী রেশ্মনে ইম্পোর্ট-এক্সপোর্টের কাজ করতেন। তাঁর দয়া হল। তিনি তাকে সেখানে নিয়ে গিয়ে নিজের ব্যবসায়ের ভর্তি করে দিলেন।

জাপানী ধোয়ার ভয়ে যখন দেশে ফিরে এল মেহের সিং, তখন তার বয়স ষোল্লিশ পার হয়ে গেছে। সে-বয়সে বিয়ে করতে গেলে তাদের সমাজে ভালো মেয়ে পাওয়া কঠিন। তাই নিজের পূর্বপরিভ্রাত্তর স্ত্রীকে এনে সংসার শুরু করল। আত্মীয়পরিজনরা অবশ্য আপত্তি করেছিল। বিয়ে হয়ে বিশ বছর স্বামীর মুখ দেখেনি যে মেয়ে তার স্বভাবচরিত্র কেমন কে জানে ? নানা লোকে যে নানা কথা বলে। তা বলুক। সে সব কথা গ্রাহ্য করেনি মেহের সিং।

সেজন্ম কখনও অনুতাপ করতে হয় নি তাকে। পূর্বজন্মে বিশ্বাস করে মেহের সিং। সে জন্মে নিশ্চয় তার অনেক সুকৃতি ছিল। নইলে এমন সুশীলা স্ত্রী সংসারে মেলা ভার। বর্মা থেকে আনা সামান্য পুঁজি নিয়ে সে ছোট কারবার শুরু করেছিল। আজ সে-ব্যবসায়ের হাজার হাজার টাকা খাটছে। এ সমস্তই তার বিবিজীর পয়ে। ঘরকন্নার কাজ, সেবাশুশ্রূষা, এমন কি সেলাই এমব্রয়ডারীতে পর্যন্ত তার জুড়ি মেলে না। তার হাতের রান্না রগীনজোসের কাছে সাহেবী হোটেলের খানা দাঁড়াতে পারে না। কী আপশোষ, হুজুরকে একদিন সে বিবিজীর পাকানো তন্দুরের রুটি, সরষের শাক আর গাজরের হালুয়া খাওয়াতে পারল না।

দুঃখের কখনও কোনো কারণ ঘটেনি এমন কথা অবশ্য মেহের সিং বলতে চায় না। বাল-বাচ্চা হয়নি বলে এক সময় তাদের মন খারাপ হয়েছিল বটে, কিন্তু ইলাজ অর্থাৎ চিকিৎসার সে কোন ক্রটি করেনি। আস্থালী, দিল্লী এমন কি বোম্বাইতে যত বড় বড় লেডি ডাক্তার আর নামকরা স্ত্রীরোগবিশেষজ্ঞ আছে তাদের কাউকেই সে দেখাতে বাকী রাখেনি। তাছাড়া গুরুদোয়ারায় মানত, চিন্তির কবরে সূতো বাঁধা, জলপড়া, মাদুলী, ঝাড়, ঝুক সবই করেছে। ভগবান দেননি, কী আর করা যাবে ? এ তো মানুষের হাতে নয়।

বিবিজীর খরচের হাতটা দরাজ, সে কথাও অবশ্য না মেনে উপায় নেই। ঘরের টাকাটা পরকে দিলেই যে জমার অঙ্কে ঘাটতি পড়ে সে-কথাটা তাকে আজও বোঝান গেল না। কেউ এসে কেঁদে পড়লেই সে গলে যায়। ছোট হলেমেয়ের নাম করে কিছু চাইলে তো আর দেবার তর সয় না।

দানধ্যান একেবারে খারাপ এমন কথা অবশ্য মেহের সিং বলে না। পরকালের জন্য কিছু পুণ্য সঞ্চয় নিশ্চয়ই প্রয়োজন। কিন্তু তা বলে নিজেদের ভবিষ্যৎও তো ভাবতে হবে।

স্ত্রীর পরহিতৈষণা নিয়ে মেহের সিং দুঃখ করে, কিন্তু রাগ করে না। ষোল আনা নিখুঁত পৃথিবীতে কী আছে ? মোটামুটি তার সুখেরই জীবন। ব্যবসা, গোলাপ আর স্ত্রী এই তিন নিয়ে বাকী দিনগুলি এভাবে কাটলেই সে খুশি।

কিন্তু হায়, বিধাতা বিরূপ। তার সুখের সংসারে অতর্কিতে ফাটল ধরেছে, ভেঙে খান খান হয়ে যায় বুঝিবা।

মাস কয়েক আগের ঘটনা। হুজুর তখন দৌড়েমে অর্থাৎ টুরে। মেহেব সিং দৈনন্দিন কাজকর্মের শেষে বাড়ি গিয়ে দেখে চৌদ্দ-পনের বছরের এক ছোকরা বারান্দায় বসে আছে। জীর্ণ বসন, শীর্ণ শরীর। দারিদ্র্য ও অস্বাস্থ্য সুস্পষ্ট চিহ্নিত।

স্ত্রীব কাছে পূর্ণ বিবরণ পাওয়া গেল। ছোকরার নাম জগজিৎ। সোনিপতের কাছে কোথায যেন বাড়ি, বাপ মা, ভাইবোন আপনার বলতে কেউ কোথাও নেই। লুধিয়ানার কোন এক লেদ মেশিনে ঠিকে কাজ করত। ছাঁটাইতে পড়ে এখন বেকার। আহা, বেচারীর কদিন খাওয়া জোটেনি।

এ গৃহে এরকম অনাহৃত আগন্তুকের আকস্মিক আবির্ভাব অভূতপূর্ব নয়। স্ত্রীব “আহা”ব অর্থও মেহের সিং-এর জানা আছে। পরিপাটি ভোজন, কিছু জামা কাপড় বা নগদ কিঞ্চিৎ দক্ষিণা হাতে পেয়ে তবেই এধরনের অপ্রার্থিত অতিথিরা বিদায় হয়।

কিন্তু এবার সে প্রচলিত বীতির ব্যতিক্রম ঘটল। দিন পাঁচ সাত পার হয়ে গেল, জগজিতের বড়বার লক্ষণ নেই। কারণটা স্ত্রীই ব্যাখ্যা করল, “একটা ছোকরা চাকর বাখব কয়েকদিন থেকে ভাবছিলাম। ভালোই হলো; জগজিতকে পাওয়া গেল। মাইনে দিতে হবে না, শুধু দুবেলা দু’মুঠো খেতে দেওয়া, বাস।”

“স্ত্রী সুবিধার ব্যাপারে মেহের সিং কোনকালে কথা বলে না। একটা কেন, দুটো চাকর রাখলেও বোধ হয় মেহের সিং-এর আপত্তি ছিল না।

অন্যহারে পীড়িত লোকের ক্ষুধার প্রকোপটা সাধারণতই বেশী হয়। বিশেষত পরিবেশনে ঔদার্য ঘটলে তার আর মাত্রা থাকে না। দু’বেলায় প্রায় আধ সের আটা এবং সে অনুপাতে ভাল তরকারী না হলে জগজিতের ক্ষুধিবৃদ্ধি হয় না। তার চা পেয়ালার বদলে ঘটিতে দিলেই ভালো মানায়। তাতে জলের চাইতে দুধের অংশ দ্বিগুণ এবং চিনির পরিমাণ পায়সের।

অপরিণতবয়স্ক বালকের এই ভোজনপটুতা মেহের সিং-এর স্ত্রীর কাছে সত্যিকার কৌতুকেব বিষয়। সে জগজিতের থালায় রুটির সংখ্যা কেবলই বাড়িয়ে দেয়। ফলে জগজিতের আগেকাব উপবাসক্লিষ্ট দেহে কিছুদিনের মধ্যেই সবল স্বাস্থ্যের নধর চিহ্নগতা দেখা দিল। মেহের সিং-এর স্ত্রীর নতুন কেনা জামাকাপড়ে তাকে এখন রীতিমত ভদ্রসজ্জন বলে ভ্রম হতে পারে। কারখানার দিন-মজুর বা বাড়ির সামান্য চাকর বলে আর চেনাই যায় না।

আহারে জগজিতের যতখানি মনোযোগ, কাজে তার ততখানিই অবহেলা। মেহের সিং তাকে দোকানের চিঠি বিলি করতে পাঠালে তার অর্ধেক ভুল ঠিকানায় পৌছয়। বাজার থেকে জিনিস কিনতে দিলে পয়সা হারিয়ে আসে। ঘরের টেবিলচেয়ার ঝাড়-পোছের কাজে সে তেলের শিশি ভেঙে রাখে। কালির দোয়াত উস্টে দেয়। এক গ্লাস জল গড়িয়ে দিতে তার বুঝি আড়াই ঘণ্টা সময় লাগে। এক সের গম পিষতে দিন কাবার। এমন অপদার্থকে হাতির খোঁরাক দিয়ে পোষার অর্থ কী?

মেহের সিং বলে, “আপদটাকে বিদায় কর দিকিনি।”

স্ত্রী বাধা দিয়ে বলে, “ছেলেমানুষ, এসব কাজ করেনি তো কখনও। দুদিন যেতে দাও, যীরে যীরে শিখবে।”

ছেলে-মানুষের কিন্তু শেখার কোন গরজ দেখা গেল না। সে অনেক ঘাটের জলখেয়ে মানুষ, বয়স অল্প হলেও সাংসারিক বুদ্ধি তার কিছু কম নয়। মেহের সিং-এর স্ত্রীর দুর্বলতা সে বুঝে নিয়েছে। সে জানে, কাজ না করেও এখানে খেয়ে দেয়ে দিবি আরামে দিন কাটানো চলবে।

তা হয়তো চলতো। কিন্তু প্রব্রঞ্জের আধিক্যে দিনে দিনে তার সাহস এবং দৌরাণ্য দুই-ই বাড়তে লাগল। সে লুকিয়ে মেহের সিং-এর লস্করী গলাসে চুমুক দেয়। চিরুণীতে টেরী

বাগায়। তার পশমের রঙিন গলাবন্ধটা গলায় জড়িয়ে পাড়ার বন্ধুদের কাছে বুক ফুলিয়ে বেড়ায়। এসব উপদ্রবে মেহের সিং যতই বিরক্ত হয়, তার স্ত্রী ততই জগজিতের দোষত্রুটি ঢাকবার চেষ্টা করে। মেহের সিং-এর সাধের ছড়িটা কদিন থেকে অদৃশ্য। স্ত্রী বলল, বিড়াল তাড়াতে ভেঙে দুখানা হয়ে গেছে। মেহের সিং ক্রমাল ঝুঁজে পায় না। শোনে খোবী হারিয়েছে। ইদানীং মাঝে মাঝে মেহের সিং-এর পকেট থেকে সিকিটা, আধুলিটা উধাও হয়। স্ত্রীকে জানাতে সে বলে, ফিরিওয়ালার কাছে জিনিস কিনেছিল, হাতে খুচরো ছিলো না। তাই স্বামীর মানিব্যাগ থেকে দাম দিয়েছে।

কিন্তু হাড়িতে সরা ঢাকা দিলেই দক্ষ মৎস্যের গন্ধ চাপা থাকে না। সেদিন দোকান থেকে ফেরার পথে মেহের সিং স্বচক্ষে দেখতে পেল, জগজিৎ গলির মোড়ে পানের দোকানের সামনে দাঁড়িয়ে সিগারেট ফুঁকছে। তার মানিব্যাগ থেকে অপসৃত্যমান টাকাকড়ির গতি যে কোথায়, এবং হেতু যে কী সে সম্পর্কে আর সংশয়ের অবকাশ রইল না।

অথচ জগজিতকে শাসন করলে স্ত্রীর মুখ ভার হয়, তাকে তাড়াতে গেলে স্ত্রীর চোখ জলে ছলছলিয়ে ওঠে। মেহের সিং কারণ ঝুঁজে পায় না। ধনীগৃহে অপূত্রক নারী পুষ্টি নিয়ে সম্পত্তির উত্তরাধিকার রক্ষা করে। সাধাবণ গৃহস্থ ঘরে সন্তানহীনরা কেউ ভাই-এর ছেলে, বোনের মেয়েকে মানুষ করে। কেউ বা পশুপক্ষী,—কুকুর বেড়াল, টিয়া-কাকাভূয়া পাষাণে। সে বরং বোঝা যায়। কিন্তু একটা গোত্র পরিচয়হীন পথের ভিখারী নিয়ে বাড়াবাড়ির অর্থ কী? জগজিতের প্রতি স্ত্রীর এই অন্ধ স্নেহাধিকা মেহের-সিং-এর কাছে একটা দুর্বোধ্য প্রহেলিকা।

স্ত্রীর প্রতি মেহের সিং-এর অসাধারণ প্রেম ও অবিচলিত বিশ্বাস। বর্মা থেকে ফিরে এসে নূতন করে সে শুধু স্ত্রী পায়নি, পেয়েছে নূতন জীবন। সেই শাস্ত নিকৃষ্টপদ্রব প্রীতিসমৃদ্ধ জীবনের মর্মস্থলে পুষ্পকোরকে দুষ্ট কীটের মত প্রবেশ করেছে এই মন্দমতি তন্ত্র-স্বভাব বালক। সুখের দলগুলিকে সে কেটে ছিন্নভিন্ন করেছে। মেহের সিং-এর কাছে জগজিৎ একটা মূর্তিমান বিভীষিকা। তাকে দেখলে ক্রোধ এবং বিরক্তিতে তার সর্বঙ্গে জলবিছুরিটর জ্বালা ধরে। তার নামটা পর্যন্ত ভিত্তি বিশ্বের মতো ঠেকে।

অনেক দুঃখ আছে যা কেবলই গোপনে সইতে হয়, মুখ ফুটে কাউকে বলা চলে না। মেহের সিং আপন মনের অগ্নিদহনে আপনি দগ্ধ হয়।

কিন্তু ধৈর্যেরও সীমা আছে। সহ্যেরও আছে শেষ। আঘাত পেয়ে পেয়ে শক্ত পাথরের দেওয়ালও একদিন ধসে পড়ে ধূলায়।

দিন তিনেক আগে বিকালে মেহের সিং দোকানের জাবেনা খাতায় বেচা-কেনার হিসাব মিলিয়ে দেখছিল, এমন সময় মোতিওয়ালা গিরিধারীলাল এসে চুপি চুপি বলল, “দেখ তো সদারজী, গয়নাটা চিনতে পার কিনা?”

চিনতে কোন অসুবিধা ছিল না। সাবেকী ধবনের ভারী কুন্দনের একটি কণ্ঠি, বারো চৌদ্দ ভরি সোনার কম নয়। বছর তিনেক আগে মেহের সিং নিজেই গড়িয়ে দিয়েছিল স্ত্রীকে।

গিরিধারীলাল বলল, জগজিৎ তা বন্ধক রেখে তিনশ’ টাকা নিয়ে গেছে।

রাগে মেহের সিং-এর সমস্ত শরীরটা যেন কাঁপতে লাগল, তার নিঃশ্বাস তপ্ত এবং কানের ভিতর থেকে আগুনের হলকা ছুটল। তক্ষুনি বাড়ি এসে জগজিতের পিঠে কষে কয়েক ঘা বসিয়ে দিল। চুরির দায়ে তাকে অবিলম্বে পুলিশে ধরিয়ে না দিলে তার ক্রোধ শাস্ত হবে না। কিন্তু স্ত্রী কেবলই প্রতিবাদ করে। বলে, সে নিজে জগজিতের হাত দিয়ে হারটা দোকানে পাঠিয়েছে। টাকার তার জরুরী প্রয়োজন ছিল।

কথা কাটাকাটিতে প্রয়োজনটা কী এবং কেন তা গোপন রইল না। ফুলেল তেল, গন্ধ সাবান, জলি-বসানো জুতো ইত্যাদি পেয়ে পেয়ে জগজিতের লোভ দিন দিন বেড়েই যাচ্ছিল। বায়না ধরলেই যদি পাওয়া যায় তবে স্বভাবতই আন্দারের মাত্রা ছাড়িয়ে যায়। ইদানীং একটা ট্রানজিস্টার

রেডিওর জন্য জগজিৎ মেহের সিং-এর স্ত্রীকে ধরে পড়েছিল।

মেহের সিং স্ত্রীকে প্রচুর অনুযোগ ও কঠোর তিরস্কারে শিকাব দিল। ঘর থেকে জগজিতের নতুন কেনা তোরঙ্গসহ জিনিসপত্র টান মেরে বাইরে ফেলে দিল। এ বাড়ির ত্রিসীমানায় যদি তাকে ক্ষের দেখতে পাওয়া যায়, তবে মেরে তার হাড় গুড়িয়ে দেবে বলে শাসাতে লাগল।

সেই দিন থেকে স্বামীস্ত্রীতে বাক্যলাপ বন্ধ। বলতে বলতে হঠাৎ মেহের সিং চেয়ার থেকে উঠে দাঁড়িয়ে আমার হাত দুটি চেপে ধরে বলল, “হজুর আমাকে আপনি ঐচান। আমার মানসপ্তম, টাকাকড়ি সব নষ্ট হয়ে যাচ্ছে। আমি সে ক্ষতি সহিতে পারব। কিন্তু আমার স্ত্রী আমার কাছ থেকে দূরে সরে যাচ্ছে। সে দুঃখের ভাব আমি আব বইতে পারছি নে।”

মানতেই হবে, ব্যাপারটা যেমন দুঃখের তেমনি হতবুদ্ধিকব। কিন্তু এসব হৃদয়ঘটিত ব্যাপারে বাইরের লোকের কী করার আছে?

মেহের সিং সে-কথা শোনে না। তাব বিশ্বাস, ম্যাজিস্ট্রেট সাহেব ইচ্ছা করলে না করতে পারেন জগতে এমন কিছু নেই। বলে, “সাহেব, আপনি দু’দিন পরে চলে যাবেন। যাবার আগে আমাকে এই মৃত্যুশ্রগা থেকে উদ্ধার করুন।”

আমাকে নিরুত্তর দেখে বলল, “স্যার, ঐ ছোকরাকে এখান থেকে না সরালে আমার সংসার, আমার জীবন ছারখার হয়ে যাবে। এক সময় মনে হয় ওকে আমি নিজ হাতে গলা টিপে মেরে ফেলি, কিংবা তার খাবাবে বিষ মিশিয়ে দিই।”

সাংঘাতিক কথা, সন্দেহ নেই। আমার সাধামতো তার সমস্যা সমাধানের চেষ্টা কবব এই আশ্বাস না নিয়ে মেহের সিং গেল না।

দিন দুই তিন ভেবে ভেবে যখন কুলকিনারা পাইনে, তখন হঠাৎ যেন একটা আশার আলো দেখা গেল।

শহরে এয়ার ফোর্সের এক রিক্রুটিং অফিসার ক’দিন থেকে তাঁর ক্যাম্প করেছিলেন। নানা জায়গা থেকে বিমান বাহিনীর জন্য তরুণ ক্যাডেট জোগাড় করা তাঁর কাজ। তাঁকে ডেকে পাঠালাম। সলাপরামর্শের বিস্তারিত বিবরণ নিম্নয়োজন। সে সর্ব প্রকাশ করাও অনুচিত।

চাপরাসী সুখনলাল একটি জীবন্ত রয়টার। সে বার্তা নিয়ে এল, “হজুর, জগজিৎ হাওয়াই ফৌজে দাখিল অর্থাৎ ভর্তি হয়েছে। আজ রাত্রির ট্রেনে যোধপুরে ট্রেনিং-এর জন্য রওনা হবে। সেখানে হাওয়াই জাহাজ চালাবে। চার সালের মধ্যে হাজার রূপয়ে তনখা পাবে।”

মনোভাব গোপন করি জিজ্ঞাসা করলাম, “জগজিৎ? সে আবার কে?”
সুখনলাল ব্যাখ্যা করল, “মেহের সিং-এর মুন্ডে অর্থাৎ ছোকরা চাকর। ভারি শয়তান ছেলে। মেহের সিং-এর বিবিজীকে জরুর যাদু করেছে। নইলে—”

সে-আলোচনায় রুচি ছিল না। তাকে নিরস্ত করলেম।

রাত্রি পৌনে বারোটায় যোধপুরের দিকে ট্রেন। যে নাটিকার প্রযোজনায় হাত দিয়েছি তার যবনিকাপতনটা স্বচক্ষে দেখার কৌতূহল হলো। ওভারকোটটা গায়ে জড়িয়ে জীপে চেপে বসলেম।

ছোট স্টেশান। প্রথম শ্রেণীর যাত্রীদের জন্য ওয়েটিং রুমটা সাধারণতঃ তালাবন্ধই থাকে। আজ সেখানে রিক্রুটিং অফিসার তার সদ্যসংগৃহীত ছাত্র অর্থাৎ রিক্রুটদের নিয়ে ট্রেনের অপেক্ষায় আছেন। সামনের বারান্দায় একদল বখাটে ছেলে উচ্চ রবে জটলা করছিল। তারা জগজিতের বন্ধু সম্প্রদায়। এত দিন তার পয়সায় ফুর্তি করেছে। অনুমান করি, ব্যখিত চিন্তেই তারা তাকে বিদায় দিতে এসেছে।

শৌখিন জামাকাপড়ের বাহার দেখে জগজিতকে চিনতে বিলম্ব হল না। দিবা সযত্নপরিপুষ্ট চেহারা, নিম্ন শ্রেণীর দরিদ্র যব থেকে এসেছে এমন কথা মনেই হয় না।

পাছে কেউ চিনতে পারে, এজন্য প্ল্যাটফর্মের একধারে গিয়ে দাঁড়ালাম।

সুখনলাল এসে চুপি চুপি জানাল, “হজুর, মেহের সিং-এর বিবিজী।”

“বটে? কোথায়?”

“ঐ যে এখানে,” বলে প্ল্যাটফর্মের অন্য দিকে অভুলিনির্দেশ করল।

শীতের রাত্রি। হালকা কুয়াশায় আচ্ছন্ন। তার মধ্য দিয়ে অর্ধঅস্পষ্ট নারীমূর্তি চোখে পড়ল। আমার দিকে পিছন ফিরে দাঁড়িয়েছিল। সাদা সালায়ারের উপর হাঁটু অবধি লম্বিত ডোরাকাটা কামিজের প্রান্তভাগ হাওয়ায় ঝিং ঝলছিল। কাধের ওপর দিয়ে রঙিন দোপাটা ঘোমটার মতো করে মাথায় জড়ানো। সেটা শীতের ভয়ে, কিংবা আত্মগোপনের উদ্দেশ্যে জানিনে।

বিরক্তি বোধ করলেম। সম্পন্ন ভদ্রঘরের মহিলা; তার এ কী আচরণ। কোথাকার কোন এক অচেনা অজানা ঘরের ছোকবার জন্য গভীর রাত্রিতে একা এসে স্টেশানে দাঁড়িয়ে থাকতে কি একটু দ্বিধা হল না? ছিঃ ছিঃ লজ্জা ভয়েব কিছু কি আর অবশিষ্ট নেই?

ট্রেন এসে গেল। যাত্রীরা নামল, উঠল। রিক্রুটিং অফিসার বিক্রুতদের নিয়ে একটা ফাষ্টক্লাস কামরা দখল করে বসলেন। ফ্লাইং অফিসাব হয়ে এবোপ্লেন চালনার স্বপ্নে জগজিতের মনে উত্তেজনার অবধি ছিল না। প্ল্যাটফর্মের এক প্রান্তে একজোড়া মেহকাতর চক্ষের অনিমেষ দৃষ্টি যে আসন্ন বিচ্ছেদ বেদনায় ক্ষণে ক্ষণে বাষ্পাচ্ছন্ন হয়ে উঠছে সে কথা সে মূঢ় জানতেও পারল না।

ট্রেন চলে গেল। শেষ মুহূর্তে পাছে জগজিতের মত পরিবর্তন ঘটে, ফজিলপুর থেকে যেতে না চায়, এ আশঙ্কার আর অবকাশ বইল না।

মেহের সিং-এর স্ত্রী তখনও অপসুয়মান ট্রেনেব পিছনে লাল আলোটার দিকে তাকিয়ে দাঁড়িয়ে ছিল। কাছে যেতেই প্ল্যাটফর্মের অনতিপ্রখর কেরোসিনেব আলোতে তার অনাবৃত অশ্রুপ্লাবিত মুখখানি স্পষ্ট চোখে পড়ল। চমকে উঠলাম। কী আশ্চর্য। এ কী নিখুঁত সাদৃশ্য। নাক, চোখ, চিবুকের গড়ন হুবহু এক। মনে হয়, একখানা প্লাস্টাব অব প্যারিসে গড়া ছাপ বৃদ্ধি দোপাটার অর্ধমুগ্ধ অংগুস্তনে জড়িয়ে আছে।

মুহূর্তে আমার কাছে দুর্ভেদ্য বহুসোর সমাধান উদঘাটিত হলো। হঠাৎ দমকা হাওয়ায় জানালার পর্দা উড়িয়ে নিলে ঘরের ভিতরের দৃশ্য যেমন সহজে দেখা যায়, অজ্ঞাতকুললীল ভিখারী বালকের জন্য সম্ভ্রান্ত রমণীর দুর্নিবাল দুর্বলতাব কাষণ তেমনি দিবালোকের মত স্পষ্ট হয়ে উঠল।

এবার দুর্ভাগিনীবা জন্য সত্যিকারের বেদনা বোধ কবলেম। অতৃপ্ত স্নেহ ক্ষুধার সহস্র নাগিনী জাগিয়ে জর্জর বক্ষে এই নিরুপায় নারী দিনের পর দিন আপন সমাজ, সংসার, স্বামী ও সম্বন্ধের জন্য নিজেব সঙ্গে কী কঠিন যুদ্ধ কবে ক্ষতবিক্ষত হয়েছে। শেষে হৃদয়ের অপ্রতিরোধ্য শক্তির কাছে পরাস্ত হয়ে নিরুপায় ভাগ্যের কাছে আত্মসমর্পণ কবেছে, সে কথা কল্পনা করে করুণা হলো।

কিন্তু বিশ্বয়ের তো সেখানই শেষ নয়। মেহের সিং-এর কথা ভেবেও অবাক হতে হয়। তার কি চোখ নেই? লোকটা কি নির্বোধ না বিচারশক্তিহীন? এক মুহূর্তের দেখায় যে গুপ্ত তথ্য আমার কাছে ধরা পড়ল তা এতকাল কী করে তার অগোচরে রইল? এ শুধু বিশ্বয়কর নয়, প্রায় অবিশ্বাস্য।

মেহের সিং-কে আমি পছন্দ করি। ফুলের বাগানে সে নিঃস্বার্থভাবে আমার সহায়তা করেছে। তার কাছে আমি কৃতজ্ঞ। প্রার্থনা করি তার ভালো হোক। যে মারাত্মক সত্য আজও তার কাছে গোপন রয়েছে, তা যেন কোনদিন তার গোচরে না আসে। ইগনোরেন্স যে ব্রিস, অজ্ঞানতায় যে শান্তি সে কথা এর আগে কখনও এমন প্রত্যক্ষরূপে উপলব্ধি করিনি।

দিন পনের পরে চার্জ হ্যাণ্ড-ওভার করে ফজিলপুর পরিত্যাগ করলেম। ম্যাজিস্ট্রেটকে বিদায় দিতে স্টেশানে সরকারী বেসরকারী গণ্যমান্য লোকের উপস্থিতি মফঃস্বল শহরের চিরাচরিত প্রথা। যথাবীতি নমস্কার, করমর্দন ইত্যাদির পরে বার-লাইব্রেরী, মোক্তার এসোসিয়েশান, নাগরিক সমিতি ইত্যাদির পক্ষ থেকে দেওয়া একরাশ গাঁদা ফুলের মালা গলায় দুলিয়ে গাড়িতে করলেম।

মেহের সিং একপাশে দাঁড়িয়েছিল। আমি হাত বাড়িয়ে দিতেই সে তা নিজের দুই হাতে চেপে ধরে বোধ করি নিঃশব্দে কৃতজ্ঞতা প্রকাশের চেষ্টা করল। “সেলাম, সাহেব, ভগবান আপনার মঙ্গল করবেন।”

আমি অন্য লোকের কান ঝাঁচিয়ে নিচু গলায় বললেম, “ভগবান তোমারও মঙ্গল করবেন। আপদটা বিদায় হয়েছে, আর ভাবনা নেই।”

এক মুহূর্ত ইতস্তত করে মেহের সিং জবাব দিল, “জগজিৎ লৌট আয়া।”

“ফিরে এসেছে? সে কী? কবে?” বিশ্বাসে প্রায় চীৎকার করে উঠলেম বললেই হয়।

সে খানিকটা ইতস্তত করে অপরাধের স্বরে বলল, “এই দিন কয়েক হল, আমিই দিল্লী গিয়ে ফৌজি দপ্তরে জেনারেল সাহেবের হাতে পায়ে ধরে ছাড়িয়ে এনেছি।”
বিস্মিত দৃষ্টিতে নির্বাক তার পানে তাকিয়ে রইলাম।
গার্ড হুইসিল-বাজিয়ে তার লঠনের সবুজ আলোটা উচিয়ে ধরল।

জট

রাত্রিতে তাড়াতাড়ি ঘুমানো এবং ভোরে তাড়াতাড়ি ঘুম থেকে ওঠা একটি মহৎ গুণ। অন্তত শিশুপাঠ্য পুথি-পুস্তকে সে কথাই লেখে। আরলি টু বেড অ্যান্ড আরলি টু রাইস মেকস্ এ ম্যান ইত্যাদি ইত্যাদি। কিন্তু স্বাস্থ্যরক্ষার পণ্ডিতেরা ক্ষমা করবেন, ও কার্যটি আমার জন্য নয়। অনেক দিনের অভ্যাস, সম্পাদকীয় ও নানা কথার গ্যালি প্রুফটা নিজে ‘পাস’ না করা পর্যন্ত নিশ্চিন্ত মনে আপিস থেকে উঠতে পারিনে। ততক্ষণে রাস্তার শেষ ট্রাম ডিপোতে ফিরে যায়, গলির মোড়ে হিন্দুস্থানী পানওয়ালার দোকানে ঝাপ বন্ধ হয় এবং পাড়ার অধিকাংশ ফ্ল্যাটে নিবুতির অন্ধকার নেমে আসে।

ক্লাস্ত দেহে বাড়ি ফিরে আহার ও সিগারেট শেষ করে বিছানায় যাওয়ার আগেই ঘড়ির কাঁটা বারোটার নিশানা পার হয়ে যায়, ইংরেজী ক্যালেন্ডারে তারিখের পরিবর্তন ঘটে।

বলা বাহুল্য, পরদিন সকালে আটটার আগে শয্যা ত্যাগ শুধু কষ্টকর নয়, রীতিমত দুঃসাধ্য। দার্জিলিংয়ের টাইগার-হিলে এবং পুরীর সমুদ্রতীরে সূর্যোদয় নিশ্চয়ই অতি মনোরম দৃশ্য। কিন্তু সেটা এমেরিকান টুরিস্ট ও কলেজ ম্যাগাজিনের তরুণ কবিদের জন্যই তোলা থাক। তা না দেখার মনোবেদনায় আমি কিছুমাত্র স্রিয়মাণ নই।

আজও যখন ঘুম ভাঙল, আকাশে মার্তণ্ডদেব তখন যথেষ্ট উচুতে। পাশের বাড়ির হেঁসেলে কড়ায় ঘন ঘন খুঁটি আন্দোলনের শব্দ এবং মাঝে মাঝে ঝি চাকরের সরোষ হুঙ্কার। বোঝা যাচ্ছে, কেরানীবাবুদের আপিস অভিযানের সময় অদূরবর্তী।

গরম চায়ের পেয়ালায় চুমুক দিতে দিতে দৈনিক কাগজগুলির পৃষ্ঠায় চোখ বুলিয়ে নিই। ময়রা নিজে সন্দেশ খায় না। সেটা সুলক্ষণ। কিন্তু সম্পাদককে নিজের পত্রিকা পড়তে হয়। শুধু পড়া নয়, আর তিনখানা প্রতিদ্বন্দ্বী কাগজের সঙ্গে মিলিয়ে যাচাই করতে হয়, কোথায় কী ভুল-ত্রুটি ঘটেছে। তার পরেই টেলিফোনে এক প্রস্থ প্রশ্ন, অনুযোগ, নির্দেশ এবং বিশেষ বিশেষ ক্ষেত্রে মৃদু ভৎসনা বা সতর্কীকরণ। কর্পোরেশনের খবরটা ‘নবযুগের’ ফ্রন্ট পেজে বেরিয়েছে; আমাদের কাগজে তিনের পাতায় কেন? ‘রাষ্ট্রবাণী’ শ্রম মন্ত্রী গুপ্ত চিঠি ফাঁস করেছে; আমাদের স্টাফ রিপোর্টারেরা কি ঘুমুচ্ছে? নিউজ এডিটর, চীফ-সাব, স্পেশাল রিপ্রেসেন্টেটিভ কাউকেই রেহাই দিই নে।

কাজটা অপ্রিয় সন্দেহ নেই। অথচ অপরিহার্য। সংবাদপত্র নির্ভীক হতে পারে, কিন্তু নির্বিকল্প নয়। বাজারে বিভিন্ন কোম্পানীর সিগারেট, সাবান বা তরল আলতার মতো পত্রিকার জগতেও কম্পিটিশান মানে প্রতিযোগিতা আছে।

প্রাত্যহিক কর্মসূচীর এই অবধারিত টেলিফোন পর্ব সমাধা করে যখন দ্বিতীয় পেয়ালা চায়ের প্রতীক্ষায় আছি, তখন ভৃত্য এসে ঘোষণা করল—জনে বাবু আসিচ্ছিস্ত।

জিজ্ঞাসু নেত্রে তার পানে তাকাতেই কিঞ্চিৎ বিস্তারিত করে বলল,—সে, দারোগাবাবু অছি।

দারোগা? অবাক হলাম। ব্রিটিশ আমলে সম্পাদকের গৃহে দারোগা এবং তাঁর স্বগোষ্ঠীয়দের ভ্রামগমন একেবারে অপ্রত্যাশিত ছিল না। দিনে এবং রাতে সময়ে এবং অসময়ে এ বাড়িতেও তাদের অতর্কিত আবির্ভাব অনেকবারই ঘটেছে। ঘরের বাস্কেটেরা কাগজ-পত্র এমনকি ভাঁড়ারের হাড়ি-কলসী পর্যন্ত লভভন্ড করে তন্ন তন্ন অনুসন্ধান, জিজ্ঞাসা, শাসানি মায় চড়টা চাপড়টা কিছুই বাদ যায়নি। সশস্ত্র পাহারায় কালো বন্ধ গাড়ি চেষ্টে পর্যায়ক্রমে লর্ড সিংহ রোড,

ব্যাঙ্কশাল ষ্ট্রীট ও আলিপুর সেন্ট্রাল অথবা প্রেসিডেন্সী জেল—সব কিছুই অভিজ্ঞতা আছে।

কিন্তু কংগ্রেসী আমলে দিনকাল বদলেছে। গভর্ণমেন্টকে গাল দিলে এখন আর রাজদ্রোহ হয় না ; বরং কাগজের জনপ্রিয়তা অর্থাৎ বিক্রি বাড়ে। সম্পাদকের খ্যাতি বিস্তৃত এবং মালিকের ব্যাঙ্ক ব্যালেন পরিপুষ্ট হয়।

তরোয়ালের চাইতে কলমের জোর বেশী এ কথাটা বর্তমান অগণিত শিক্ষিত বেকারের যুগে বিশ্বাস করা কঠিন। কিন্তু পুলিশের চাইতে যে প্রেসের প্রতাপ প্রবল, সে বিষয়ে এখন দ্বিমত নেই।

বেশীক্ষণ অবশ্য সন্দেহের অবকাশ রইল না। নমস্কার ও প্রতিনিমস্কারের পরে আগতুক নিজেই পরিচয় দিলেন। নাম সুধীর বসু। কলকাতা পুলিশের—দারোগা নন, ইনস্পেক্টার। যদিও ইতিপূর্বে আমাদের আলাপ পরিচয় ঘটেনি, তিনি আমারই নিকট প্রতিবেশী। রাস্তার ওপারে লাল বাড়িটায় থাকেন।

বিস্ময়ের কিছু নেই। কথামালার কূপে নিমজ্জিত জ্যোতির্বিদের ন্যায় সাংবাদিকদের দৃষ্টিও সুদূর নভোমণ্ডলে নিবদ্ধ। পায়ের কাছে গুহা গহ্বরের তাঁরা খোঁজ রাখেন না। কাটাঙ্গায় শোষে বা টিউনিশিয়ায় বেন খেদার নাড়ীনক্ষত্রের খবর আমাদের নখাগ্রে। পাশের বাড়ির মানুষটিকে চেনা দূরে থাক, তার নামও জানিনে।

উভয় পক্ষে ভদ্রতাসূচক সামান্য দু'একটা মামুলি কথাবার্তার পরে সুধীরবাবু বললেন, “আপনার কাছে একটা পরামর্শ নিতে এসেছি।”

এবার অবাক না হয়ে উঠায় নেই। সম্পাদকের কাছে প্রত্যহই লোক আসে এবং একটু অধিক সংখ্যায়ই আসে। তারা কেউ নিজের বক্তৃতা বা বিবৃতি ছাপাতে চায়, কেউ আনে নানা অভাব-অভিযোগের চিঠি, কেউ বা প্রকাশ করতে চান পাড়ার ক্লাব বা মহিলা সমিতিতে সংগীত অথবা নৃত্যকলায় নিজের অনুষ্ঠান কল্যার প্রাইজ পাওয়ার বিবরণ ও ফটোগ্রাফ। সম্পাদকের কাছে উপদেশ চাইতে আসাটা অভূতপূর্ব বটে। ব্যাপারটা বিস্তারিত শুনতে হয় তো।

সুধীরবাবু কিছুটা কুঠার সঙ্গেই বললেন, “ঠিক কী ভাবে যে বিষয়টা আপনাকে বোঝাব ভেবে পাচ্ছিনে। দিন দুই হলো একটি মেয়েকে নিয়ে বড়ই বিপদে পড়েছি।”

সে কী কথা ? এতকাল তো জানতেম, স্ত্রীলোকঘটিত ব্যাপারে সাধারণ মানুষেরাই পুলিশের ফ্যাসাদে পড়ে থাকে। কিন্তু সে কথা ভদ্রলোককে বলা যায় না। তাই বিস্ময় গোপন করে ঘটনাটা জানতে চাইলেম।

সুধীরবাবু বললেন, “ঘটনাটা বড়ই অদ্ভুত। পরশু দিন সন্ধ্যাবেলা ডিউটি সেয়ে বাড়ি ফিরেছি। দেখি, উঠানে একটি মেয়ে বসে আছে। চুলগুলি রুদ্ধ এলোমেলো, হাত-পা কাঠির মতো, চোখ দুটো যেন কোটরে ঢুকে গেছে। বিশীর্ণ আকৃতি থেকে বয়স সঠিক অনুমান করা শক্ত। তবে সেটা যে পঁচিশের উপরে নয় সে বিষয়ে সন্দেহ নেই। ডাবলম ভিখারী, অনাহারে অস্থিরমসার। পকেট থেকে মনিব্যাগ বের করে একটা আধুলি দিতে গেলেম। নিলে না। হঠাৎ আমার পা দুটো জড়িয়ে ধরে ডুকরে কেঁদে উঠল—“সায়ের আমাকে ফাঁসি দাও।”

বিস্ময়ের বিষয়, মানতেই হবে। গান্ধী যুগে অনেকে স্বেচ্ছায় জেলে যেত বটে। কিন্তু তাঁরা তো বেশীর ভাগই এখন মন্ত্রী, ডেপুটি মন্ত্রী। নিদেন পক্ষে এম-পি, এম-এল-এ হয়ে তাঁরা পারামিট ও লাইসেন্সের চেষ্টায় আছেন। আপনি সেধেফাঁসিতে মরতে চায়, এমন কথা কে কবে শুনেছে ? পাগল নয় তো ?

সুধীরবাবু নিজেও প্রথমে তাই ভেবেছিলেন। কিন্তু নানাভাবে পরীক্ষা করে দেখেছেন, তার অপ্রকৃতিস্থতার কোনো লক্ষণ নেই। আর যাই হোক, মেয়েটা যে উন্মাদ নয়, সে বিষয়ে তিনি নিঃসন্দেহ।

ভদ্রলোক প্রথমে মিষ্টি কথায় বুঝিয়ে পরে রূঢ় ভাষায় শাসিয়ে মেয়েটিকে তাড়াতে চেষ্টা করেছেন। সে কিছুতেই নড়বে না।

ইনস্পেক্টার-গৃহীণী ছেলোমেয়ে-সহ সম্প্রতি তাঁর পিত্রালায়ে গেছেন। কলকাতার বাড়িতে একটা ঠিকে চাকর ও শ্রীকমিক-কুকার সঞ্চল করে গৃহকর্তা একা বাস করছেন। তার মধ্যে হঠাৎ এ কী

অপ্রত্যাশিত উপদ্রব ? খালি বাড়িতে বাইরের একটা অজ্ঞাতকুলশীল যুবতী মেয়ে মানুষ দু'দিন দু'রাত্রি কাটিয়েছে, এ খবর যদি একবার গিন্নীর কানে পৌছয়, তবে কুক্কন্ধে বাধবে না ? তাছাড়া দিনকাল খরাপ । কে কোথা থেকে কখন খবরের কাগজে একখানা উড়ো চিঠি ছেড়ে বসবে তার ঠিকানা আছে কি ? লজ্জায় তখন কাউকে কি আর মুখ দেখানো চলবে ? চাই কি, চাকরি নিয়েও হয়তো টানাটানি পড়বে । 'ভদ্রলোক অত্যন্ত কাতর চক্ষে আমার দিকে তাকালেন ।

জাঁর জন্য সত্যিকার করুণা বোধ করলেম । আশ্বাস দিলেম—আমাদের কাগজে সে চিঠি ছাপা হবে না । বললেম, “খাড় ধরে মেয়েটাকে সদর দরজার বাইরে পার করে দিন । নিজে না পারেন থানা থেকে পুলিশ এনে হাজতে পাঠাবার ব্যবস্থা করুন । আপনি পুলিশ অফিসার ; আপনার ভাবনা কিসের ?”

সুধীরবাবু বিশেষ আশ্বস্ত হলেন এমন মনে হলো না । তাই লঘু-চপল কণ্ঠে বললেম, “ডাক্তারেরা নিজের চিকিৎসা করেন না শুনেছি ; আপনাদের পুলিশেও কি সে-রকম রোগাজ ?”

সুধীরবাবু সে পরিহাসে যোগ না দিয়ে ধীরে ধীরে বললেন, “কনষ্টেবল অবশ্য হুকুম করলেই আসে । তারা এসে জোর করে মেয়েটাকে অনায়াসেই দূর করতেও পারে । দরকার হলে, কিল, চড়, ঘুষি ইত্যাদি আমাদের চোখের সামনেই চলে । ও সব মাইন্ড করলে পুলিশ ডিপার্টমেন্টে কাজ করা সম্ভব নয় । এ মেয়েটাকেও থানায় টেনে নিয়ে কয়েদ করে রাখতে পারতাম । কিন্তু সত্যি কথা কি জানেন ? কেমন যেন জোর পাচ্ছিলে ।”

“কেন বলুন তো ? হঠাৎ তার উপরে মায়া বসে গেল না কি ?” কৌতূহলের সঙ্গে জিজ্ঞাসা করলেম ।

সুধীরবাবু জবাব দিলেন, “ঠিক মায়া নয় । বোধ হয় সঙ্কোচ, মানে—একটা যেন হেলপলেনেস ।”

ক্ষণেক নীরবতার পরে প্রায় অর্ধশ্বগতভাবে বললেন, “চোর, গুণ্ডা, বদমায়েস-নিয়ে আমাদের কারবার । সংসারে স্ত্রী এবং পুরুষ দুই-ই যে কত অধম, কত পাষণ্ড হতে পারে তার দৃষ্টান্ত অহরহই দেখতে পাই । সুতরাং মানুষের কোনো অপরাধেই আমরা চমকে উঠিনে । কিন্তু এ মেয়েটা নিজে থেকেই যে স্বীকারোক্তি করেছে, তা যদি সত্যি হয় তবে সে মনুষ্য সমাজের বাইরে । অথচ তাকে কোনো মতেই স্বভাব-পাপী, মানে আমাদের পুলিশী ভাষায় যাকে বলে হাবিচুয়ালী ক্রিমিন্যাল, বলা যায় না ।”

মনে মনে বিরক্ত হলেম । এ যে কেবলই ভণিতা করে চলেছে । আসল কথাটা কী ?

কিন্তু সমাজে বাস করতে গেলে মনের ভাব সব সময়ে যথাযথ প্রকাশ করা চলে না । সভ্যতার অনেক খেসারৎ আছে ; তার মধ্যে এটাও একটা । তাই বিরক্তি গোপন করে যথাসাধ্য লঘু কণ্ঠেই বললেম, “এ তো হলো প্রস্তাবনা । এবার মূল পালাটা শুরু করুন । আমার নিজের অবশ্য আপিস বিকেলে, কোনো তাড়া নেই । কিন্তু আপনাকে যদি এবেলা কাজে যেতে হয়, তবে বেলা বড় কম হয় নি ।”

ইনস্পেক্টরবাবু লজ্জিত হলেন । বললেন, “ওঃ, তাই তো ! ঘটনাটা সংক্ষেপেই বলছি । আচ্ছা আপনি তো সাহিত্যিক । বলতে পারেন, জেলাসী কথাটার কোনো বাংলা আছে কি ?”

বললেম, “আছে । কিন্তু ভাষাতত্ত্বের আলোচনা পরে হবে, আগে আপনার রহস্যময়ী মেয়ের কাহিনীটা শোনা যাক ।”

তিনি মিনিট দুই চুপ করে কী যেন ভাবলেন, তারপরে প্রশ্ন করলেন, “বিক্যবাসিনীর কথা মনে আছে আপনার ?”

“কোন বিক্যবাসিনী ? সেই যাকে উপলক্ষ করে শহরে খুনোখুনি কাণ্ড হয়ে গেল ? মনে আছে বৈ কি ।”

ক্ষুদ্র একটি শুল্লিঙ্গ থেকে যেমন সর্বনাশা অগ্নিকাণ্ডের সৃষ্টি, সামান্য টি-এন-টি কণিকায় যেমন বিস্ফোরণ, সে ব্যাপারটার সূচনাও তেমনি অতি সাধারণ ঘটনায় ।

একটি শিশুর মৃত্যুসংবাদ । এই আধিব্যাধিগ্রপীড়িত দেশের শত সহস্র অজ্ঞাত অখ্যাত পল্লীগ্রামে নিত্য এমন কত শিশু মরে কে তার খোজ রাখে ? কিন্তু এই বিশেষত্বহীন প্রাত্যহিক

মৃত্যু তালিকার মধ্যে থেকে একটি ঘটনা আমাদের নিজস্ব সংবাদদাতার বিশ্বস্তসূত্রে প্রাপ্ত সংবাদে পত্রিকার প্রথম পাতায় একেবারে ডবল কলাম ছেডিং নিয়ে প্রকাশিত হলো। পাঠক মহলে চাঞ্চল্য ও রাজনৈতিক জগতে আলোড়ন সৃষ্টি হলো।

এসেবলীতে প্রমোত্তরকালে বিক্ষোভের ঢেউ উঠল। একথা কি সত্য যে, রসুলপুর গ্রামে জনৈক অনাথা বিধবার একমাত্র শিশুপুত্র খাদ্যাভাবে অনাহারে মারা গেছে? উইল দি অনারেবল চীফ মিনিস্টার বি মিল্ডড টু স্টেট—?

গভর্নমেন্ট প্রথমে অস্বীকার করলেন। পরে সাপলিমেন্টারীর চাপে স্বীকার করতে বাধ্য হলেন যে, শিশুর বিশেষ কোনো অসুখ ছিল না। বললেন, ডাক্তারের অভিমতে যথোচিত পুষ্টির অভাবে জীবনীশক্তির হ্রাস মৃত্যুর কারণ।

এ রকম-খানাই-পানাই যুক্তিতে বিরোধী দল শাস্ত্র হয় না। তাঁরা অটপসীর রিপোর্ট দাবি করলেন। মুখ্যমন্ত্রী বললেন, জনস্বার্থের খতিয়ে গভর্নমেন্ট তা প্রকাশ করতে রাজী নন। ফলে সভাকক্ষে প্রতিরাদের ঝড় বয়ে গেল।

উত্তেজনা চরমে পৌঁছল, যখন একজন স্বতন্ত্র সদস্য অভিযোগ করল যে, শিশুর মৃত্যুর পরে তার মা বিদ্যাবাসিনীও অভাবের তাড়নায় জলে ডুবে আত্মহত্যা করেছে। বিরোধী পক্ষের ‘শেম’ ‘শেম’ ধিক্কার ধ্বনিতে মন্ত্রীর কণ্ঠ সম্পূর্ণ চাপা পড়ে গেল।

গভর্নমেন্টের সমর্থকেরা সংখ্যায় ভারি। তাঁরাও তারস্বরে পাশ্চাৎ অভিযোগ করতে লাগলেন—একেবারে বাজে কথা। রাজনৈতিক উদ্দেশ্য সাধনের জন্য নিছক চালবাজি,—পলিটিক্যাল স্ট্যান্ট।

স্পীকার শৃঙ্খলা স্থাপনের চেষ্টায় বৃথাই টেবিলে ঘন ঘন হাতুড়ির শব্দ করলেন—অর্ডার, অর্ডার।

কোথায় অর্ডার? ডিসঅর্ডারের আর সীমা পরিসীমা রইল না। দুই পক্ষে প্রবল বাদবিতণ্ডা, সক্রুদ্ধচীৎকার ও সবেগ মুষ্টি আশ্বালনের মধ্যে বিরোধী পক্ষ এক যোগে ওয়াক-আউট করলেন।

ব্যাপারটা এখানেই শেষ নয়। মনুমেণ্টের তলায় বিরাট জনসভায় বিভিন্ন বস্তা দেশের খাদ্যাভাবের জন্য জ্বালাময়ী ভাষায় গভর্নমেন্টকে বিস্তার গালাগাল দিলেন এবং আপিস ভাঙবার মুখে এসেবলীর দিকে বিরাট শোভাযাত্রা পরিচালনা দ্বারা ট্রাম-বাসের রাস্তা আটক করলেন। “অন্ন দাও, বস্ত্র দাও, নইলে গদী ছেড়ে দাও” ইত্যাদি ধ্বনিতে আকাশ বাতাস মুহূর্মুহু বিদীর্ণ হতে লাগল।

তার পরের অধ্যায় অতি পরিচিত পুরাতন প্যাটার্নেরই পুনরাবৃত্তি। পুলিশ কর্তৃক শোভাযাত্রায় বাধাদান, ইস্টক বর্ষণ, টিয়ার গ্যাস, লাঠিচার্জ, রক্তপাত, এ্যাম্বুল্যান্স ও হাসপাতাল। পরের দিন হরতাল, ট্রামে অগ্নি-সংযোগ, পাইকারী খেপ্তার এবং গুলিবর্ষণ।

মাত্র মাস দেড়েক আগেকার ঘটনা। তাছাড়া ঐ দক্ষযজ্ঞে নিজেরও কিছুটা অংশ ছিল। একাধিক সম্পাদকীয় প্রবন্ধে যথেষ্ট অগ্নি উদগিরণ করেছিলাম। সুতরাং আনুপূর্বিক সমস্তই স্মরণে ছিল।

কিন্তু তার সঙ্গে এই অর্ধউদ্ভ্রাদ নারীর সম্পর্ক কোথায়?

সুধীরবাবু বললেন, “সম্পর্ক খুবই নিকট। এ মেয়েটিই বিদ্যাবাসিনী।”

“সে কি? বিদ্যাবাসিনী তবে মরেনি?” বিস্মিত কণ্ঠে প্রশ্ন বললেন।

তিনি শাস্ত্রভাবে জবাব দিলেন, “না। তার ছেলের অনাহারে মৃত্যুর কথাটাও সত্যি নয়।”

“তার ছেলেও বেঁচে আছে?”

অনুরূপ সহজভাবেই সুধীরবাবু বললেন, “না, ছেলে বেঁচে নেই।”

অসহিষ্ণুকণ্ঠে বললেন, “মাফ করবেন মশাই। আমি সহজ বুদ্ধির মানুষ। হেঁয়ালির ধার ধারিনে। বিদ্যাবাসিনীর ছেলে মরেনি, আবার বেঁচেও নেই—এ ধরণের ধাধায় আমি অভ্যস্ত নই। সোজা বাংলায় যদি বুঝিয়ে বলতে পারেন, শুনতে রাজী আছি। নইলে রেহাই দিন।”

তিনি তাড়াতাড়ি অপ্রতিভভাবে বললেন, “আপনি ভুল বুঝেছেন—মানে, আমিই গুড়িয়ে বলতে পারিনি। কথাটা হচ্ছে যে, তার ছেলে অনাহারে মরেনি। কোনো অসুখ-বিসৃখেও নয়।

তাকে মেরে ফেলেছে।”

বিস্মিত দৃষ্টিতে তার মুখের পানে তাকাতেই তিনি নিজের কথার পুনরাবৃত্তি করে বললেন, “হ্যাঁ সেটা ডেথ নয়, মার্ডার।”

বিস্ময়ের যেন আর শেষ নেই।

“শিশুকে খুন করল কে? কেনই বা খুন করল?” প্রশ্ন করলাম।

সূধীরবাবু সোজাসুজি জবাব দিলেন না। বললেন, “ব্যাপারটা বিদ্যাবাসিনীর নিজের মুখ থেকেই শোনা। এ দু’দিনে খণ্ড-খণ্ড ভাবে জেনেছি। জুড়লে যা দাঁড়ায়, তাই বলছি। গোড়া থেকেই শুনুন।”

খানিক চুপ করে থেকে ঈষৎ হেসে বললেন, “বেশী বকা মেয়েদের স্বভাব। সব বলতে গেলে আমার অনেক সময় লাগবে, আপনারও ধৈর্য থাকবে না। তাই অদরকারী অংশগুলি কেটে ছোট্টে সংক্ষিপ্ত-সারটুকুই বলছি।”

বিদ্যাবাসিনীর মা দীর্ঘকাল নিঃসন্তান ছিলেন। পূজা-মানত, তাগা-তাবিজ ও নানাবিধ তুচ্ছতাক করে যখন প্রায় আশা ছেড়ে দিয়েছেন, তখন বিদ্যাবাসিনীর জন্ম। পরিবারে বহু আকাজিকত ও বহু বিলম্বিত শিশুদের আদরের পরিমাণটা সাধারণতই মাত্রা ছাড়িয়ে যায়। সেটা তাদের ভবিষ্যতের পক্ষে হিতকর নয়।

বিদ্যাবাসিনী তার মায়ের বন্ধের ধন, বাবার চক্ষের মণি। সে চোখের আড়াল হলে দু’জনেই পলকে প্রলয় জ্ঞান করেন। কে জানে, হয়তো এই স্নেহাধিকার ফলেই বিদ্যাবাসিনী। ছোটবেলা থেকে কোপনস্বভাব। যখন তার মুখে ভালো করে কথা ফোটেনি, তখনই সে চটে গেলে নিজের চুল টেনে ছিঁড়ত, গায়ের জামা বা মায়ের আঁচল দাঁতে কাটত। তার ঠাকুমা রগড় করে বলতেন, “এক ফোঁটা মেয়ের তেজ দেখে ভয়ে মরি। বড় হলে এ মেয়ে দেবীচৌধুরানী না হয়ে যায় না।”

মায়ের চাইতে বাপের প্রতি বিদ্যাবাসিনীর টানটা ছিল বেশী। এ নিয়ে স্বামী-স্ত্রীতে অনেকদিন কপট কলহ ঘটতেছে।

মনস্তাত্ত্বিকেরা বলেন, প্রিয়জনের উপর আপন অখণ্ড অধিকার স্থাপনের প্রয়াস নারী-চরিত্রের চিরন্তন বৈশিষ্ট্য। শৈশবেই বিদ্যাবাসিনী বাপের উপরে নিজের দখল সম্পর্কে অতিশয় সচেতন। প্রতিবেশীদের থেকে খুকুদের কাউকে তিনি কখনও কোলে নেবেন বা একটু আদর করবেন এমন সাধ্য ছিল না। এমন কি, তার মা স্বামীর সঙ্গে একান্তে হাসি গল্প করলেও তার মুখ ভার ও চোখ ছলছল হতো।

স্কুল বালিকার এই প্রবল স্বর্গাকাতরতা আত্মীয় পরিজনের কাছে কৌতুকের বিষয় ছিল। তার মা অনেক সময় ক্রোধের ভান করে মেয়েকে বলেছেন, “হিংসুটে মেয়ের কাণ্ডখানা দেখ একবার। বলি, ও বাপ-সোহাগী, তোমার বাবার উপর আমারও কিছুটা দাবি আছে যে। সে খবর রাখ কি?”

স্কুলে বিদ্যাবাসিনীর অন্তরঙ্গ বন্ধু ছিল পার্বতী। সে বিদ্যাবাসিনীর হোমটাস্কের অঙ্ক কষে দেয়, সেলাই-এর পরীক্ষার জন্য রুমালে ফুল তুলে রাখে। বিদ্যাবাসিনীও আমচুরের অর্ধেক বা নারকেল-তক্তির ভাগ পার্বতীকে না দিয়ে খায় না। তারা এক সঙ্গে বেড়ায়, এক সঙ্গে খেলে, এক সঙ্গে গল্প করতে করতে স্কুলের শেষে বাড়ি ফিরে আসে। অপরিণতবয়স্কা দুই কিশোরীর এই প্রগাঢ় বন্ধুত্বে পাড়ার বয়স্কা গৃহিণীরা ঠাট্টা করে তাদের নতুন নাম দিয়েছেন—গঙ্গা-যমুনা।

এই নিবিড় সখীত্বের সুখ-স্বর্গে একদিন মূর্তিমতী বিয়ের মতো দেখা দিল মালতী—বিদ্যাবাসিনীদের ক্লাসে শহর থেকে নবাগতা ছাত্রী। বয়সে সে বিদ্যাবাসিনীর চাইতে দু’তিন বছরের বড়ই হবে। তার নিজের রূপ ও বাবার অর্থ দুই-ই সাধারণের চাইতে বেশী। সে ফুলেল তেল মাখে, চিত্রবিচিত্র ফ্রক পরে, কথায় কথায় কলকাতার চিড়িয়াখানা বা মোটর গাড়ির গল্প শুনিয়ে সরলচিত্র সহপাঠিনীদের তাক লাগিয়ে দেয়। স্কুলের অন্য মেয়েরা তার সঙ্গে ভাব জমাতে ব্যর্থ। শিক্ষয়িত্রী দিদিমণিরাও বুঝি তাকে একটু বেশী খাতির করেন।

সে-দিন স্কুলে পৌছতে বিদ্যাবাসিনীর একটু দেরী হয়েছিল। ক্লাসে ঢুকতেই দেখল, মালতী পার্বতীর পাশে বসে আছে। বিদ্যাবাসিনী ব্রু কুণ্ঠিত করে জিজ্ঞাসা করল, “তুমি এখানে বসেছ

কেন ?”

মালতী উদ্ধত কণ্ঠে জবাব দিল, “বসেছি আমার ইচ্ছে। তোমার তাতে কী ?”

বিন্ধ্যবাসিনী দৃঢ়স্বরে বলল, “এটা আমার সীট।”

কথাটা একেবারে মিথ্যে নয়। পার্বতী ও বিন্ধ্যবাসিনী বরাবর একই বেঞ্চিতে পাশাপাশি বসে, সে কথা ক্লাসের সবাই জানে। কিন্তু কনভেনশান তো আছে শুধু দুর্বলের জন্য, প্রবলেরা চিরকালই তা যদৃচ্ছ লঙ্ঘন করে থাকে। শুধু রাষ্ট্রনীতিতে নয়,—জীবনের বিভিন্ন ক্ষেত্রেও। মালতী বিন্ধ্যবাসিনীর সর্বজনস্বীকৃত দাবি হেলায় উপেক্ষা করল। “তোমার সীট মানে ? নাম লেখা আছে কোথাও ? টাকা দিয়ে কিনে রেখেছ বুঝি ?” ব্যঙ্গভরে প্রশ্ন করল সে।

বই, খাতার মতো নাম, লেখা না থাকলেই যে ক্লাসে বসার জায়গাটাও অন্য কেউ দাবী করতে পারে, সে কথা বিন্ধ্যবাসিনী কখনও ভাবেনি এবং অর্থ দ্বারা ক্রয় না করলে কোনো জিনিসে কারো নিশ্চিত অধিকার জন্মে কিনা সে সম্পর্কে তার মনে কোনোদিন কোনো প্রশ্ন জাগেনি।

সে মালতীর কথার জবাব না দিয়ে আদেশের স্বরে বলল, “এখান থেকে উঠে যাও বলছি, নইলে ভালো হবে না।”

“ইস, হুকুম শোনো মেয়ের ! উঠব না তো, দেখি, কী করতে পার ?” যুদ্ধের ভঙ্গিতে বলল মালতী।

রাগে বিন্ধ্যবাসিনী টান মেরে মালতীর বই পত্র মাটিতে ফেলে দিল।

মালতী সহজে হটবার পাত্রী নয়। সে তৎক্ষণাৎ ঠাস করে বিন্ধ্যবাসিনীর গালে এক চড় বসিয়ে দিল।

বিন্ধ্যবাসিনীর তখন আর স্থান-কাল বোধ রইল না। সে মালতীর উপরে ঝাঁপিয়ে পড়ল। সমুখের বারান্দা দিয়ে হেডমিস্ট্রেস যাচ্ছিলেন। অন্য মেয়েদের চোঁচামেচিতে ক্লাসে ঢুকে তিনি যুদ্ধরত দুই পক্ষকে থামিয়ে দিলেন। বিন্ধ্যবাসিনীই আগে বলপ্রয়োগ করেছে। বিচারে তার শাস্তি হলো হুকুম দিলেন বিন্ধ্যবাসিনী অন্য বেঞ্চিতে বসবে। মালতী দর্পভরে পার্বতীর পাশে বিন্ধ্যবাসিনীর এতদিনের অবিসংবাদিত আসনে উন্নতশির জয়ধ্বজার মতো সদর্পে বিরাজ করতে লাগল।

তখন বিন্ধ্যবাসিনীর সমস্ত রাগটা পড়ল পার্বতীর উপরে। মালতীকে সে তার পাশে বসতে ‘দিল কেন ? কেন সে তাকে বাধা দিল না ? এখনই বা সে ঐ কুচক্রী ডাইনীটার সঙ্গে এক’ বেঞ্চিতে বসে আছে কোন লজ্জায় ? সে উঠে চলে আসতে পারে না বিন্ধ্যবাসিনীর পাশে ? তাকে কি কেউ পায়ে বেড়ি দিয়ে রেখেছে ?

ছুটির শেষে বিন্ধ্যবাসিনী পার্বতীর দিকে না তাকিয়ে হন হন করে হেঁটে একা বাড়ি চলে এল। অন্যদিনের মতো বিকেলে পার্বতী যখন তাকে খেলায় ডাকতে এল, বিন্ধ্যবাসিনী তখন মুখ ফিরিয়ে বইল। পার্বতী অনেক সাধ্য-সাধনা করেও তার প্রসন্নতা লাভ করতে পারল না।

রাত্রিতে বিছানায় শুয়ে বিন্ধ্যবাসিনীর রোষ দূর হয়ে গেল। বন্ধুকে যে সে অযথা লাঞ্ছনা দিয়েছে, তার সমস্ত অননয় অনুরোধ অগ্রাহ্য করেছে, সে কথা স্মরণ করে বিন্ধ্যবাসিনীর মন খচ খচ করতে লাগল। রাত্রির বাধা না থাকলে বিন্ধ্যবাসিনী সেই দণ্ডে পার্বতীর কাছে গিয়ে ঝগড়া মিটিয়ে নিতে প্রস্তুত ছিল।

পরদিন সকালে বিন্ধ্যবাসিনী অনেক আগে স্কুলে গেল। তার নতুন নির্দিষ্ট বেঞ্চিতে বসে পার্বতীর আসার অপেক্ষায় রইল।

ক্লাসের ঘণ্টা বাজবার মিনিট কয়েক মাত্র আগে পার্বতী এল। তার সঙ্গে কে ? বিন্ধ্যবাসিনী চোখে ভুল দেখছে কি ? না, ভুল দেখার জো কোথায় ? এ তো মালতী। তারা দুজনে এক সঙ্গে এসেছে। পার্বতী কোনোদিকে না তাকিয়ে তার নিজের পুরনো স্থানটিতে গিয়ে বসল। মালতী বিন্ধ্যবাসিনীর প্রতি একটা কৃপাদৃষ্টি নিষ্ক্ষেপ করে গর্বভরে তারই পাশের জায়গাটি দখল করল।

প্রকৃত তথ্য এই যে, পার্বতীও বিন্ধ্যবাসিনীর মন ফিরে পাওয়ার জন্য কম ব্যগ্র ছিল না। সেদিন সে নিজে থেকেই বিন্ধ্যবাসিনীর পাশে গিয়ে বসবে, এই সংকল্প নিয়ে স্কুলে এসেছিল। কিন্তু মালতী যে বিন্ধ্যবাসিনীকে জঙ্গ করার মতলবে স্কুলেব দরজায় তার জন্য প্রায় ৫৫ পোহ বসে ছিল তা তার জ্ঞান ছিল না। মালতী পার্বতীকে গ্রেপ্তার করা আসামীর মতো হাত ধরে ক্লাসে

নিয়ে এসে নিজের পাশে বসল ।

পার্বতী মেয়েটি শাস্ত নিরীহ ধরনের । প্রভুত্বপরায়ণা বিজ্ঞাবাসিনীর বন্ধুত্বের অনেক অত্যাচার সে নির্বিবাদে মেনে নিত । কোনো কিছু অপছন্দ করলেও মুখ ফুটে কাউকে বলতে পারে না । সেদিক দিয়ে সে বিজ্ঞাবাসিনীর ঠিক বিপরীত । মালতীর জুলুমে বিরক্ত হলেও তাকে অগ্রাহ্য করা মতো জোর পার্বতীর স্বভাবে ছিল না । বিজ্ঞাবাসিনীর অসন্তুষ্টি কল্পনা করে সে তার দিকে চোখ তুলে চাইতে পারল না । তাকে না দেখার ভান করে বিরসচিহ্নে মালতীর পাশে বসে ক্লাসের পড়া পড়তে লাগল ।

ক্লাসের অপর প্রান্তে বসে বিজ্ঞাবাসিনী নিষ্ফল ক্রোধের দুঃসহ আবেগে পীড়িত হতে লাগল । পার্বতী যে নিজে ইচ্ছা করেই মালতীর পাশে বসেছে, সে বিষয়ে তার মনে কোনো সংশয় রইল না । মালতীর সঙ্গে ভাব করতাই সে ব্যগ্র, বিজ্ঞাবাসিনীকে তার কোনো প্রয়োজন নেই এ ভাবনায় তার বুকে ঠুঁচ ফুটতে থাকল । গত রাত্রিতে পার্বতীকে নির্দোষ কল্পনা করে আজ যে এতক্ষণ তার জন্য সে অধীর আগ্রহে অপেক্ষা করছিল সে শুধু তার নিজের নিবৃত্তি । পার্বতীর জন্য বাগান থেকে অভিভাবকদের সতর্ক দৃষ্টি এড়িয়ে সে পেয়ারা সংগ্রহ করে এনেছিল । সেগুলি বরং তাব পরম শত্রু অঙ্কের মাস্টারনীকে দিতে রাজী আছে । কিন্তু পার্বতীকে কদাচ নয় ।

বাড়ি ফিরে গিয়ে সে তার টিনের বাস্কেটিতে সযত্নে সঞ্চিত পার্বতীর দেওয়া পুঁতির মালা, চুলের ক্লিপ, কাঁচের চুড়ি ইত্যাদি উপহার দূর করে ফেলে দিল । রাগে, দুঃখে ও অপমানে তার দুই চোখ দিয়ে জল পড়তে লাগল ।

ঘীরে ঘীরে নতুন সঙ্গিনী মালতীর সঙ্গে পার্বতীর বন্ধুত্ব গড়ে উঠল । বিজ্ঞাবাসিনীর মন ফিরে পেতে পার্বতী আর তেমন উৎসুক নয় । বিজ্ঞাবাসিনীর ক্রোধকে পার্বতী ভয় করত । একবার রাগলে সে যে কোনো সমবয়স্ক মেয়েকে ধরে তার কপালটা দেওয়ালে ঠুকে দিতে পারে, সে অভিজ্ঞতা পার্বতীর ছিল । কিন্তু এবার সে অবাক হয়ে দেখল, বিজ্ঞাবাসিনী ঝগড়া, মারামারি কিছুই করল না ; শুধু কথা বলা বন্ধ করে গম্ভীর হয়ে রইল । পার্বতী নিশ্চিন্ত হল । মালতীর সঙ্গে তার বন্ধুত্বে আর কোনো দ্বিধা রইল না । তাকে দোষ দেওয়া চলে না । মালতীর দেওয়ার হাতটা দরাজ, দানের সামগ্রীগুলিও লোভনীয় । নানা রঙের লজ্জেল ও নানা স্বাদের চকোলেটের কাছে সামান্য আমসবু ও কুলের আচারের আকর্ষণ কতদিন টিকতে পারে ? বেচারী বিজ্ঞাবাসিনী ।

শুধু কেক, বিস্কুট বা টফির প্রাচুর্যই নয়, মালতীর অন্য উপহারগুলিও যে-কোন সহপাঠিনীর চিহ্নচাক্ষুশ্য ঘটতে সক্ষম । বিজ্ঞাবাসিনী লক্ষ করল, পার্বতী নতুন ধরনে চুল বেঁধে এসেছে । কেশচর্চা এ ফ্যাশানটা কার অনুকরণ তা বুঝতে বাকী থাকে না । স্কুলের অন্য মেয়েদের মা-মাসিরা জবজবে তেল মাখা চুল কষে টেনে ঝোঁপা বেঁধে দেয় । নেহাতই যে শৌখিন, সে তারই উপরে বড় জোর একখানা মোষের শিং-এর চিকনি চড়ায় । মালতীর রকম আলাদা । সে ঘাড়ের কাছে রঙিন ফিতা ফুলের আকারে গেরো দিয়ে চুলগুলিকে সাপের মতো পিছনে ঝুলিয়ে দেয় । তার নাম বুঝি “পনি-টেল ” আহা ছিরি দেখে মরে যাই যেন ! নির্লজ্জ পার্বতীটাও ঐ টং নকল করেছে দেখেই কদিন থেকে বিজ্ঞাবাসিনী মনে মনে গর্জাচ্ছিল । আজ তার উপরে চুলে জড়ানো নীল রিবনটা দেখামাত্র বিজ্ঞাবাসিনীর সর্বঙ্গে যেন আগুনের জ্বালা ধরে গেল । মাথায় খুন চাপল ।

সে তড়িৎবেগে সেলাই-এর বাস্ক থেকে কাঁচটা বের করে পার্বতীর দিকে ছুটে গেল । পার্বতী ডেস্কের উপরে ঘাড় হেঁট করে খাতায় নোট লিখছিল । মুখ তুলে তাকাবার অবকাশমাত্র পেল না । বিজ্ঞাবাসিনী নিমেষে তার চুলের মধ্যে ঘ্যাচ ঘ্যাচ শব্দে কাঁচি চালিয়ে দিল । গুচ্ছ গুচ্ছ ঘন কালো চুলের রাশি মেজেতে ছড়িয়ে পড়ল ।

পার্বতীর দীর্ঘ চুলের সৌন্দর্য স্কুলে বিখ্যাত ছিল । মহূর্তের মধ্যে তা নিশ্চিহ্ন হয়ে গেল । শোকে পার্বতী ডুকরে কাঁদতে লাগল ।

সামান্য একটা সিন্ধের সরু রঙিন ফালি কেন যে বিজ্ঞাবাসিনীকে এমন দুর্জয় ক্রোধে আত্মহারা করল, তার ব্যাখ্যা একমাত্র সাইকো-আনালিস্টরাই জানেন । ইউনিয়ন জ্যাক যেমন ব্রিটিশ অধিকার গোবদায় বিজ্ঞাবাসিনীর কাছে ঐ ফিতাটা কি তেমনি পার্বতীর উপরে মালতীর পরিপূর্ণ

দখলের ইজিত বহন করেছে? কে জানে?

প্রধানা শিকরিত্তী বিজ্ঞাবাসিনীকে কান ধরে খুল থেকে দূর করে দিলেন। অন্য মেয়েরা সবাই তাকে দুয়ো দিল। বাড়িতেও তার দণ্ড বিধান কম হলো না। কিন্তু অপরাধিনীকে কিছুমাত্র অনুতপ্ত দেখা গেল না। বরং পার্বতীকে সমুচিত শাস্তি দিতে পারার আনন্দে সে নিজের সমস্ত লালন গল্লা অনায়াসে অগ্রাহ্য করল। পার্বতীর মাথাটা প্রায় কেশশূন্য হয়ে গেছে। একমাস, দু'মাস, কিংবা তার চাইতেও বেশী, অনেক, অনেক দিন সে আর মালতীর দেওয়া রিবন বাঁধতে পারবে না, একথা কল্পনা করে বিজ্ঞাবাসিনী গভীর পরিতাপ্তি লাভ করল।

বিয়ের পর বিজ্ঞাবাসিনী যখন স্বামীর ঘর করতে এল, তখন সে যৌবনে পরিপূর্ণা ষোড়শী। সে বয়সে চপলতা থাকে না; অধিকার স্পৃহা প্রখর হয়। বিজ্ঞাবাসিনী স্বামীকে সাত পাকে বাঁধল—আত্মিক এবং সাক্ষাতিক উভয় অর্থে।

স্বামীর সেবা যত্নে তার ক্লাস্তি নেই। যখন যে জিনিসটি চাই হাতের কাছে আগে ভাগে এগিয়ে রাখে। সাধারণ মধ্যবিত্ত সংসারে অর্থসচ্ছলতা পরিমিত। কিন্তু নিপুণ গৃহিণীপনায় বিজ্ঞাবাসিনী স্বামীর সুখ-স্বাস্থ্যের ক্রটি থাকতে দেয় না। প্রীতি দিয়ে, সাহচর্য দিয়ে ছোট-খাটো অভাবের ঝাঁকগুলিকে সুধায় ভরে দেয়।

স্বামী গোকুল মিশ্রক প্রকৃতির লোক। গ্রামের সবাই তাকে পছন্দ করে। সবার ঘরেই তার সমান সমাদর। আশ্চর্য এই যে, স্বামীর লোকপ্রিয়তায় বিজ্ঞাবাসিনী খুশি হয় না। কাব্য করে বলা যেতে পারে, গোকুল শুধু জীবর ভালোবাসার দ্যুতিতে একক চন্দ্রমার মত উজ্জ্বল হয়ে থাকবে, পাইকারী জ্বল্যতার ভিড়ে অনন্ত আকাশে লক্ষ কোটি তারকার মতো হারিয়ে যাবে না,—বিজ্ঞাবাসিনীর এই অভিলাষ। গদ্যের ভাষায় ফলটা দাঁড়াল এই যে; বধু বিজ্ঞাবাসিনী স্বরে আসার কয়েক মাসের মধ্যেই গোকুলের দাওয়ায় বহুদিনের পুরানো দৈনন্দিন তাসের আড্ডাটি উঠে গেল। সমবয়সী বন্ধুদের কাছে মনসা-সংক্রান্তিতে—নৌকোবাইচে এবং শিবরাত্রিতে গাজনের মেলায় গোকুলের সঙ্গ ক্রমশঃ দুর্লভ হয়ে উঠল।

সেবার বারোয়ারীতলায় গ্রামের ছেলেরা থিয়েটারের আয়োজন করল। তাতে গোকুল অভিনয় সাজল। দেখে সবাই ধন্য ধন্য করল। শুধু বিজ্ঞাবাসিনী নীরব রইল। উত্তরা কে সেজেছে তা সে জানে না। কিন্তু ও যে নাকী সূরে 'নাথ' 'নাথ' বলে গোকুলের গায়ে ঢলে পড়ছে সেটা তার কাছে অতিরিক্ত বেহায়াপনা মনে হ'ল। গোকুলেরই বা এত আদিখ্যেতা কেন? এ্যাঁটো করছ, কর। তা' বলে অত 'প্রাণেশ্বরী' বলে চৈচাবার কী দরকার রে বাপু?

বিজ্ঞাবাসিনী নির্বোধ নয়। সখের দলে ব্যাটাছেলেরাই পরচুল মাথায় পরে মেয়ের অভিনয় করে, সে কথা সে জানে। অথচ স্বামীর পাশে গোফ-দাঁড়ি কামানো মুখে খড়িমাথা উত্তরাকে দেখলেই বিজ্ঞাবাসিনীর মন বিরস হয়। স্বামীর থিয়েটার করায় সে আপত্তি করতে লাগল।

প্রথম অভিনয়ে প্রচুর হাততালির স্বাদ পেয়ে গোকুলের উৎসাহ বেড়ে গিয়েছিল। পরবর্তী নাটকে নায়কের পাট করার জন্য তার মন আকুলি-বিকুলি করতে থাকে। কিন্তু রিহার্সেলে যাওয়ার সময়টাতে বিজ্ঞাবাসিনী মাথাধরার ভান করে এমন কান্নাকাটি শুরু করে যে, গোকুল বেচারী আর বাড়ির বাইরে যেতে ভরসা পায় না।

গোকুল মানুষটা শান্তিপ্রিয়। বগড়া বিবাদকে সে অত্যন্ত ভয় করে। তাই ক্ষুণ্ণচিত্তে সে ধীরে ধীরে খেলাধুলা, বন্ধু-বান্ধব, আমোদ-প্রমোদ সমস্ত বিসর্জন দিয়ে জীবর নিশ্চিন্ত একাধিপত্যের কাছে সম্পূর্ণ আত্মসমর্পণ করল। বিজ্ঞাবাসিনীর বছর দুই সুখেই কাটল।

শাস্ত্রকারেরা বলেছেন, সংসারে কিছুই একটানা দীর্ঘস্থায়ী নয়। সবই চাকার মতো ঘুরছে। সুখানি চ, দুঃখানি চ। বিজ্ঞাবাসিনী তা জানত কি?

অল্প বয়সেই গোকুলের একমাত্র ছোটবোন সুভদ্রার স্বামী মারা গেল। দু'দিন বাদেই দেওরেরা সুভদ্রার গয়না ও টাকাকড়ি কেড়ে নিয়ে তাকে বাড়ি থেকে তাড়িয়ে দিল। নিরুপায় বিধবা ভাই-এর সংসারে ফিরে এল।

সুভদ্রা বিজ্ঞাবাসিনীর চাইতে বয়সে অনেক ছোট। অত্যন্ত ভীক-স্বভাব। ভাই-এর গলগ্রহ হয়েছে বলে তার কঠোর সীমা নেই। সংসারের সমস্ত কাজের বোঝা সে মাথায় তুলে নিল। রান্না

করা, ঘর নিকানো, কাপড় কাচা, মায় গোয়ালে গরুকে জাবনা দেওয়া, ক্ষেতের ধান ঝেড়ে মেপে মরাইতে তোলা সবই নিজে করে। বিদ্যাবাসিনীকে কুটোটি নাড়তে দেয় না। এমন মেয়েকে ভালো না বেসে পারা যায় না। বিদ্যাবাসিনীর মনে সত্যিকার করুণা হয়। আহা, দুঃখিনীর আর কোথাও ঠাই নেই। একবেলা দুমুঠো ভাতে ভাত দেওয়া বইতো নয়।

গোকুল স্বভাবতই স্নেহপ্রবণ। বোনকে সে বরাবরই ভালোবাসত। তার দুর্ভাগ্যে তার প্রতি স্নেহটা আরও বেড়েছে। সে তার জন্য মাঝে মাঝে একটু দই, পাটালি বা তিলের বরফি কিনে আনে। কখন কী খেল তাব খোঁজ খবর নেয়।

বিদ্যাবাসিনীর কাছে সেটা অনাবশ্যক বাড়াবাড়ি মনে হয়। ভাবখানা দেখ একবার। সে যেন গোকুলের বোনকে নাখাইয়ে রেখেছে। বাস্তবিক বিদ্যাবাসিনী সুভদ্রার খাওয়া-দাওয়ার যথেষ্ট যত্ন নেয়। রাত্রিতে বিধবার ভাত খেতে নেই। বাগানের কলাটা, শশাটা বিদ্যাবাসিনী তাবই জন্যে তুলে রাখে। একাদশীর দিনে নিজের দুধটুকু জোর করেই সুভদ্রার বাটিতে ঢেলে দেয়। কচি মেখেটা নির্জলা উপাষ দিতে পারে কি?

বৌঠানকে সুভদ্রা ঠিক বুঝে উঠতে পারে না। কখনও সে তাকে আদর করে। স্নেহের স্বরে বলে, “ও সুবি, দু’দণ্ড বসে একটু জিরিয়ে নে দিকিনি। মুখখানি যে একেবারে শুকিয়ে গেছে। তোকে এখন ঐ চাকি-বেলুন নিয়ে পড়তে হবে না। রুটি ক’খানা আন্নি নিজেই করে নেবো’খন।”

আবার তার পরমুহূর্তেই গোকুল যদি তাকে ডেকে দুটো কথা বলেছে তো অমনি বিদ্যাবাসিনীর অন্য মূর্তি। মুখ ভার করে তিক্তস্বরে বলে, “বসে বসে ভাই-এর সোহাগ কুড়ানো হচ্ছে। ওদিকে উননে দুধ উথলে পড়ে যাচ্ছে, তাব হাঁস নেই।” সুভদ্রা অনেক আগেই দুধেব কড়া নামিয়ে সরিষা ঢাকা দিয়ে তুলে রেখেছিল। সেটা কখন আবার কী করে যে উননে উঠল ভেবে পায় না।

তবে এইটুকু বুঝতে বাকী থাকে না যে, দাদার কাছে বেশী ঘেঁষাটা তার পক্ষে নিরাপদ নয়। গোকুল ডাকলেও এখন সে কাজের ছুতো করে তাকে এড়িয়ে চলে।

স্বীরা আচরণ গোকুলের কাছেও হতবুদ্ধিকর। বিদ্যাবাসিনী দয়ামায়ামীন নয়। গ্রামের দুঃস্থ দরিদ্রের অনেককেই সে সাধ্যমত সাহায্য করে, সে তো গোকুল নিজের চোখেই দেখেছে। অনাথা ননদিনীর প্রতি তার বিরূপতার গোকুল কোন সঙ্গত কারণ খুঁজে পায় না।

একই সঙ্গে শ্যাম এবং কুল বজায় রাখা কঠিন কাজ, সেকথা গোকুল শুনেছে। বউ ও বোনকে একই বাড়িতে বাখা তার কাছে কঠিনতর মনে হল। অবশেষে বোনকে আবার তার স্বশ্রবণবাড়িতে রেখে আসাই স্থির করল।

সেদিন সকালেই তাকে কেন্দ্র করে স্বামীস্বীতে এক পালা কথা কাটা-কাটি হয়েছিল। তাই যাওয়ার আগে সুভদ্রা যখন বৌঠানকে প্রণাম করতে গেল, বিদ্যাবাসিনী মুখ গভীর করে রইল। কিন্তু সে যখন তার শাড়ি দু’খানা, জল-খাওয়ার পাথরের ছোট্ট ঘটিটি, একখানা রাধাকৃষ্ণের পট ও অনুরূপ দু’একটা অকিঞ্চিৎকর সম্পত্তির সামান্য ষ্টুটলিটি হাতে নিয়ে বাড়ি থেকে বিদায় হয়ে গেল, বিদ্যাবাসিনীর বুকে ব্যথা বাজল।

বিদ্যাবাসিনী সুভদ্রাকে একটি ছোট টিনের বাস্ক দিয়েছিল। তার পরিত্যক্ত ঘরটিতে গিয়ে দেখল সেটি কুলুঙ্গির উপরে ঠিক তেমনি রয়েছে। বিদ্যাবাসিনী বাস্কের ডালাটি তুলে দেখল, গুটি দুই স্ত্রী জামা, কাঠের ফ্রেমে আটা ছোট একটি আরসি, একটি পশমের জীর্ণ আলোয়ান এবং একটি ছোট কৌটায় কয়েক আনা ও পয়সা মিলিয়ে দু’টাকার কাছাকাছি অর্থ পড়ে আছে। জিনিসগুলি বিদ্যাবাসিনীরই নানা সময়ের দান। সুভদ্রা কিছুই নিয়ে যায়নি, ফেলে রেখে গেছে।

বিদ্যাবাসিনীর অশ্রু আর বাধা মানল না। অকারণ বৈরিতায় যে নিরাশ্রয় বিধবাকে সে এ-বাড়িতে তিষ্ঠতে দেয়নি তারই বিচ্ছেদ বেদনায় মেজেতে বসে সে ফুলে ফুলে কাঁদতে লাগল।

আগুনের মতো অসুবিধাজনক খবরগুলিও কিছুতেই চাপা থাকে না। শ্রমদায়ী পূজা আসল। বিদ্যাবাসিনী সুভদ্রার জন্য একজোড়া থান, কিছুটা আখের গুড়, নিজের গাছের গুটি কয়েক পেঁপে ও পাঁচটি টাকা গুছিয়ে রেখেছিল। দস্তদের বাড়ির একটি ছেলের হাতে পাঠাবে। সেখানেই কথটা শুনে এল। সুভদ্রার হৃদয়হীন দেওরেরা কেন যে বিধবা ভ্রাতৃবধূকে আবার বাড়িতে স্থান দিতে রাজী হয়েছেন উদারতার রহস্য এতদিনে উদ্ঘাটিত হ’ল। স্বীকে লুকিয়ে গোকুল তাদের হাতে

নগদ একশ টাকা গুঁজে দিয়ে এসেছে।

গোকুল গোড়াতে প্রতিবাদ করল। শেষটায় বলল, একশ' নয় ; নব্বুই। জানাল, টাকাটা সুভদ্রার স্বামীর। মৃত্যুর আগে গোকুলের কাছে গচ্ছিত রেখেছিলেন।

জগতে স্বামী মাত্রেই জানেন যে, স্ত্রীর কাছে সময় বিশেষে দু' একটা মিথ্যা কথা না বলে সংসারে বাস করা দুঃস্থ। কিন্তু ধরা পড়লে যে আর রক্ষা থাকে না, সে-কথাও তাঁদের অবদিত নেই। গোকুল যে মহাজনের কাছে জমি জমা বন্ধক রেখে চড়া সুদে ধার করেছিল সে গুপ্ত খবরটুকু বিশ্বাসিনীর অগোচর ছিল না। সে দু'চক্ষে ঘৃণা বর্ষণ করে স্বামীকে মিথ্যাবাদী বলে গাল দিল।

গোকুলের মনে অনেক দিনের বিক্ষোভ জমা ছিল। নদীর মতো সহিষ্ণুতার বাঁধ একবার ভাঙলে ঠেকিয়ে রাখা শক্ত। সে উদ্ধত কণ্ঠে বলল, “আমার জমি আমি বাঁধা দিয়েছি। বেশ করেছে।”

স্বামীর এমন প্রকাশ্য বিদ্রোহ বিশ্বাসিনীর কাছে সম্পূর্ণ অপ্রত্যাশিত। রাগে তার শরীর থর থর করে কাঁপতে লাগল। প্রায় চীৎকার করে বলল, “জমি তোমার ? তুমি ইচ্ছামতো তছনছ করবে ভেবেছ ? শেষে আমার ছেলের হাত ধরে পথে পথে আমি ভিক্ষা করে খাই—এই তোমার মনের বাসনা ? বেশ তো তোমার আদরের বোনকে নিয়ে এসে ঘর সংসার চালাও। আমি যে দিকে দু'চোখ যায় চলে যাব।”

গোকুলেরও মাথার রক্ত চড়ে গেল। সে আরও বেশী চৈচিয়ে বলল, “তুমি যাবে কেন ? আমিই চলে যাচ্ছি। এ অশান্তির পরীতে আর এক মুহূর্ত নয়।” দড়ির আলনায় হাতের কাছে যে জামাটা ঝুলছিল তাই টেনে নিয়ে গোকুল ঝড়ের বেগে বাড়ি ছেড়ে বেরিয়ে গেল।

বিশ্বাসিনী ভেবেছিল, স্বামী বড় জোর দু'চাব দিন বন্ধুবান্ধবের বাড়ি কাটিয়ে রাগ পড়লে আপনি ঘরে ফিরে আসবে। দিনের পর মাস কেটে গেল। মাসের পর বছর। গোকুল ফিরল না। কেউ বলল, সে অঘোর অধিকারীর যাত্রাদলে নলরাজার পাট করছে। কেউ বলল, সে শহরের চটকলে দিন মজুরী খাটছে। কেউবা বলল, সে বাবুগঞ্জের হাটে মুগ-মুসুরের কিস্তি নিয়ে যাচ্ছিল, নৌকাডুবিতে মারা গেছে।

স্বামী-বিরহিতা বিশ্বাসিনীরও দিন কাটে। সঙ্গহীন, শান্তিহীন জীবন যখন দুর্বিষহ মনে হয়, একমাত্র শিশুপুত্রকে বুকে জড়িয়ে অশ্রু মোচন করে।

পৃথিবীতে শোকের যদি বা শেষ আছে, দুর্ভাগ্যের অন্ত নেই। বর্ষার শেষে গ্রামে ম্যালেরিয়ার মড়ক লেগেছিল। বিশ্বাসিনীও শয্যা নিল।

হঠাৎ একদিন ভোর বেলা ঘুম ভাঙতেই চোখ চেয়ে বিশ্বাসিনী দেখল, সুভদ্রা। হেঁট হয়ে পায়ের খুলো নিচ্ছে। সে বিশ্বাসিনীর অসুখের খবর পেয়েছিল কিংবা স্বপ্নরবাড়ি অসহ্য হওয়াতে পালিয়ে এসেছে তা সে-ই জানে।

বিশ্বাসিনী সজল চক্ষে তাকে বুকে জড়িয়ে ধবল। তার অসন্তোষের ভয়েই সুভদ্রাকে একদিন চলে যেতে হয়েছিল, সে অনুশোচনায় বিশ্বাসিনীর হৃদয় ভারাক্রান্ত। তার জন্যই ভাই নিকৃদ্দেশ এ ভাবনায় সুভদ্রার মন অপরাধী। অশ্রুজলের মধ্য দিয়ে দুই অনুতপ্তা নারীর পুনর্মিলন ঘটল।

সুভদ্রা ঘড়ি ধরে ওষুধ খাওয়ায়, সাবু জাল দিয়ে পথ্য তৈরী করে ; রাত জেগে বিশ্বাসিনীর শিরে বসে হাওয়া করে বা সোরাই-এর ঠাণ্ডা জল ন্যাকড়া ভিজিয়ে জ্বরতপ্ত কপাল মুছে দেয়।

মায়ের চেয়ে ছেলের পরিচর্যাটা সর্বক্ষণের। দূরন্ত শিশুর আকার অসংখ্য। তাকে সামলাতেই সুভদ্রার দিনের বেশীর ভাগ সময়টা কেটে যায়।

দুর্ভাগারা চিরকালই দীর্ঘজীবী। তা নইলে দুঃখ কষ্ট সহিবে কে ? হতভাগিনী বিশ্বাসিনীও ছ' সাত মাস যমে মানুষে টানাটানির পর সেরে উঠল। সুভদ্রার চিবুক ধরে বিশ্বাসিনী সন্মুখে কণ্ঠে বলল, “খোকনকে আজ আমার বিছানায়ই শুইয়ে দিস। ও যে তোকে রাস্তিরেও ঘুমুতে দেয় না।”

খোকনের সে-প্রস্তাবে প্রবল আপত্তি দেখা গেল। সে তার ঝাঁকড়া চুলভরা ছোট মাথাটি নেড়ে জানিয়ে দিল, “পিসির কাছে ঘুমুবো।”

শুনে বিদ্যাবাসিনী ও সুভদ্রা দু'জনেই হাসল।

হায়, হাসিটি বেশী দিন স্থায়ী হলো না।

মায়ের চাইতে মাসির দরদটা চিরকালই হাস্যকর। দেখা গেল পিসির প্রতি বেশী অনুরাগটাও গৃহ-শান্তির পক্ষে অনুকূল নয়। বিদ্যাবাসিনীর পুত্রগত প্রাণ। এতদিনে অসুখে নিজের শক্তি ছিল না, তাকে দূরে রাখতে হয়েছে। এখন একটু সুস্থ হয়ে উঠতেই ছেলেকে সর্বক্ষণ নিজের কাছে রাখতে ব্যাকুল হলো।

বিদ্যাবাসিনীর স্নেহ অধিক; ধৈর্য পরিমিত। সুভদ্রা শিশুর সমস্ত দৌরাশ্য হাসিমুখে সহ্য করে। আশ্চর্য নয় যে, মায়ের চাইতে পিসির সঙ্গে তার ভাব বেশী। সেটা বিদ্যাবাসিনীর পক্ষে প্রীতিপদ নয়।

বিদ্যাবাসিনী ছেলেকে খাওয়াতে বসেছিল। অনেক চেষ্টা করেও তাকে দু'গ্রাস গোলাতে পারল না। শিশু খাবার ছড়িয়ে, ফেলে একাকার করল। বিদ্যাবাসিনী ক্লান্ত হয়ে হার মানল। সুভদ্রা এসে কাক দেখিয়ে, চিল দেখিয়ে, টুনটুনিব গল্প বলে অন্যায়সে খাইয়ে দিল। বিদ্যাবাসিনী ছেলেকে স্নান করাতে গেলে সে ছুটে পালায়, ঘুম পাড়াতে গেলে দস্যপনা শুরু করে। সুভদ্রার হাতে সেগুলি নিরুপদ্রবে নিষ্পন্ন হয়।

দিনে দিনে বিদ্যাবাসিনীর মন তিক্ততায় ছেয়ে যায়। সুভদ্রা দেখে, বিদ্যাবাসিনী আজকাল অকারণে রেগে যায়, অনর্থক বকুনি দেয়, খামখা গুম হয়ে বসে থাকে। বৌঠানের এ চেহারার সঙ্গে অতীতে তার নির্ভুর পরিচয় ঘটেছিল। অজানা আশঙ্কায় তার বুক কাঁপতে থাকে।

শঙ্কটা উভয়তঃ। বিদ্যাবাসিনীর মনে পড়ল, সুভদ্রাই তাব জীবনের দুঃগ্রহ, ভাগ্যাকাশে শনি। সে যতদিন আসেনি গোকুলের সঙ্গে বিদ্যাবাসিনীর বিরোধ ছিল না। তারই জন্য সে স্বামী খুঁয়েছে। তার কাছে কি বিদ্যাবাসিনীর শেষ অবলম্বন ছেলেকেও হারাতে হবে? ভাবতেই বিদ্যাবাসিনী শিউরে উঠল।

পুরানো শাড়ির পাড় থেকে সুতো খুলে খুলে সুভদ্রা নিজের ঘরে কাঁথা সেলাই করছিল। বিদ্যাবাসিনীর ছেলে পাশে বসে খেলছে। হঠাৎ তার কী খেয়াল হল। বায়না ধরল বেড়াতে যাবে। শিশুকে ভোলাতে তার কথায় সায় দিতে হয়। সুভদ্রা বলল, “যাবে বৈ কি। মা এখন ঘুমুচ্ছে। মা ঘুম থেকে উঠলে আমরা সবাই বেড়াতে যাব। খোকন যাবে, মা যাবে, আমি যাব।”

খোকন বাধা দিয়ে বলল, “না মা যাবে না।”

সুভদ্রা বলল, “মা না গেলে, খোকনকে কোলে নেবে কে?”

সে-টা খোকনের কাছে কোনো সমস্যাই নয়। সে প্রলোভন জবাবও তাকে ভাবতে হয় না। সে নির্বিকার চিন্তে উত্তর দিল, “তুমি কোলে নেবে।”

সুভদ্রা বলল, “বেশ, আমিই খোকনকে কোলে নেব। কিন্তু মাকে সঙ্গে না নিলে মা কাঁদবে যে।”

জননীর ক্রন্দন সম্ভাবনায় শিশুপুত্রকে কিছুমাত্র বিচলিত দেখা গেল না। সে তার পূর্ব সংকল্পে অটল রইল। বলল, “না, মা যাবে না। মা আমাকে মেরেছে।”

কথাটা অতিরঞ্জিত। সকাল বেলা সে মায়ের ওষুধের শিশিটা নিয়ে খেলা করছিল। মা দেখতে পেয়ে তা হাত থেকে কেড়ে নিয়েছিল মাত্র। শিশুর মন থেকে সে ক্লোভ দূর হয়নি।

সুভদ্রা বলল, “ওমা, তাই নাকি। তবে তো মাকে কিছুতেই সঙ্গে নেওয়া হবে না। মাকে খুব বকে দিতে হবে। মা বড্ড মন্দ, বড্ড দুটু।”

বিদ্যাবাসিনী দোরের পাশে দাঁড়িয়ে সমস্তই শুনছিল। শেষ কথাটা কানে যেতেই একেবারে যেন ক্ষেপে গেল। মা মন্দ, মা দুটু! এ সব জপিয়েই যে সুভদ্রা ছেলেকে তার কাছে পর করে দিচ্ছে সে বিষয়ে তার মন সন্দেহ রইল না। সুভদ্রার সেবা, যত্ন, প্রীতি ও শ্রদ্ধা সমস্তই একটা বিরাট ছলনা মনে হল। বিদ্যাবাসিনীর ছেলের উপরেই সুভদ্রার লোভ। তাকে কেড়ে নেওয়ার জন্যই মায়াবিনী তার স্নেহের মায়াজাল পেতেছে। নইলে স্বশুরবাড়ি ছেড়ে সে আবার এখানে আসবে কেন? বিদ্যাবাসিনী বোকা, তাই এতদিন বুঝতে পারেনি। সে প্রতিজ্ঞা কবল, বান্ধসীকে আর এক দণ্ড এখানে থাকতে দেওয়া নয়।

হতচকিত সূত্রা বুঝতে পারল না, কোথায় কখন তার কী অপরাধ ঘটেছে। সে কান্দতে লাগল। মেয়েদের চোখে জল দেখলে পুরুষের হৃদয় গলে যায়; স্বীকৃতির মন আরও শক্ত হয়ে ওঠে। সূত্রার অশ্রুধারার প্রাণনাশ বিদ্যাবাসিনী কিছুমাত্র নরম হল না। তাকে বাড়ি থেকে দূর করে না দিয়ে সে থামল না।

আপদ গেল। কিন্তু বিপদ কাটল না। মুশকিল বাধা ল' বিদ্যাবাসিনীর ছেলে। কিছু না বুঝেও সে এতটুকু বুঝতে পারল যে, মা পিসিকে বকেছে। সে ফুঁপিয়ে ফুঁপিয়ে কান্দতে লাগল। সন্ধ্যাবেলা তাকে কিছুতেই খাওয়ানো গেল না। শাস্ত বিদ্যাবাসিনী অভুক্ত শিশুকেই ঘুম পাড়ানোর উদ্যোগ করল। বিছানায় শুয়ে ছেলে পিসির কাছে যাওয়ার জন্য কান্না জুড়ে দিল।

বিদ্যাবাসিনী তাকে কী উপায়ে শাস্ত করবে ভেবে পায় না। কোলে নিয়ে ঘুম-পাড়ানি ছড়া শোনাল, বৈয়ম থেকে মিছরির খণ্ড হাতে দিল, কাঠের ছোড়া, টিনের বুমবুমি যেখানে যত খেলনা ছিল সব জড়ো করল। সমস্তই বুধা। পিসি তার জন্য মুড়কি কিনতে গেছে, একুশি আসবে ইত্যাদি স্তোক বাক্যও ক্রন্দনরত শিশুকে ভোলান গেল না।

বিদ্যাবাসিনীর শরীর দীর্ঘ অসুস্থতার জের সম্পূর্ণ কাটিয়ে ওঠেনি। মানসিক উত্তেজনা ও তার অবশ্যজীবী পরিণতি অবসাদে দুর্বল দেহ আরও অবসন্ন হয়েছিল। বলা বাহুল্য, এ অবস্থায় চিত্ত প্রসন্ন ও মেজাজ ঠাণ্ডা রাখা সহজসাধ্য নয়। সে বিরক্ত হয়ে কড়া স্বরে বলল, “চুপ কর বলছি, নইলে মার খাবে।”

তোষণ এবং শাসন উভয় পন্থাই বিফল। ছেলের কান্না থামে না।

ধৈর্যচ্যুত বিদ্যাবাসিনী ছেলের পিঠে নিজের হাতের দু'এক ঘা বসিয়ে না দিয়ে থাকতে পারল না।

শিশু আরও উচ্চ স্বরে ‘পিসি’ ‘পিসি’ ডাক ছেড়ে চৈতন্যে উঠল।

বিদ্যাবাসিনীর দুই কানে কে যেন গরম লোহার পেরেক বঁধাতে লাগল। সে ক্রুদ্ধ কণ্ঠে শাসাল, “ফের পিসির নাম নিয়েছ কি মেয়ে খুন করব। চুপ, চুপ।” হাত দিয়ে সে ছেলের মুখ চেপে ধরল।

বাপরে। ঐটুকু শিশুর গায়ে যেন অসুরের জোর এসেছে। ক্ষীণ স্বাস্থ্য বিদ্যাবাসিনী তাকে ঐটে উঠতে পারল না। মায়ের হাতটা সজোরে ঠেলে ফেলে দিয়ে সে চীৎকার করল,—পিসি।

বিদ্যাবাসিনীর তখন আর হিতাহিত জ্ঞান রইল না। “তবে রে, তোমার গায়ে বড় জোর বেড়েছে, দাঁড়াও তোমার পিসি ডাকা আমি বন্ধ করছি।” মাথার বালিশটা বিদ্যাবাসিনী ছেলের মুখে চাপা দিয়ে পাগলের মতো বলতে লাগল, “ডাক, ডাক দেখি এবার তোর পিসিকে।”

শিশু নিজেকে মুক্ত করার চেষ্টায় সবলে হাত পা ছুঁড়তে লাগল। খস্তাখস্তির ফলে বালিশটা এদিক ওদিক একটু সরে গেলেই ছেলের গা গো গো কান্নার শব্দ বিদ্যাবাসিনীর কানে আসে। দুর্জয় ক্রোধে উন্মত্ত বিদ্যাবাসিনী আরও প্রাণপণ শক্তিতে চাপতে থাকে।

কতক্ষণ এ যুদ্ধ চলেছে? এক মিনিট? এক যুগ? বিদ্যাবাসিনী তা জানে না। সে শুধু স্মরণ করতে পারে ক্রমে অব্যাহত শিশুর প্রতিরোধের বেগ কমে এল। হাতপা ছোঁড়া শান্ত হয়ে গেল। বালিশের নীচে থেকে অবরুদ্ধ কান্নার ক্ষীণতম শব্দও শোনা গেল না। পাজী হতভাগা ছেলে কোথাকার। এতক্ষণে টিট হয়েছে। বিছানার পাশে বসে বিদ্যাবাসিনী ইপাতে লাগল। উত্তেজনায় ও পরিশ্রান্তিতে তার দেহ শ্বেদসিক্ত ও কষ্ট তৃষ্ণায় শুষ্ক হয়েছিল।

হঠাৎ বিদ্যাবাসিনীর খেয়াল হল, ছেলের কোনো সাড়া শব্দ নেই তো। তাড়াতাড়ি তার মুখের উপর থেকে বালিশ চাপাটা সরিয়ে দিল। শিশুর ছোট চোখ দুটি মুদ্রিত। শরীর অসাড়। ঘুমুচ্ছে কি? কৈ, নিঃশ্বাস পড়ছে না তো। আতঙ্কে বিদ্যাবাসিনীর বুকেটা ধড়াস করে উঠল। নরম হাত দুটি তুলে নিজের গালের উপরে রাখল। ঠাণ্ডা কিংবা গরম ঠিক বুঝতে পারল না। পায়ের তলায় হাত দিয়ে উত্তাপ পরীক্ষা করল। নিশ্চিন্ত হল না। তার বুকের উপর কান পেতে শুনল। হৃদস্পন্দনের আভাস মাত্র পেল না, কানের কাছে ‘খোকন’ ‘খোকন’ বলে বার বার ব্যর্থ কণ্ঠে ডাকল। সাড়া পেল না। ক্ষুদ্র নিখর নিষ্পন্দ দেহটিকে দু'হাতে ঝাঁকুনি দিয়ে বুঝি শিশুকে জাগাতে চেষ্টা করল। তার পরে “ওঃ মাগো” বলে চৈতন্যে উঠে মুহিত হয়ে পড়ল।

বিজ্ঞাবাসিনীর যখন জ্ঞান হল, তখন রাত্রি গভীর। উর্ধ্বে কৃষ্ণপঙ্কের আকাশ চন্দ্রহীন। নিঃশব্দ রজনীর নিবিড় তিমিরাবেষ্টনে সমস্ত গ্রামখানি নিদ্রালস। সেই সর্বব্যাপী নিস্তব্ধতার মধ্যে শুধু শূন্য গৃহে পুত্রহত্নী বিজ্ঞাবাসিনীর অসহ্য শোকভার নিষ্ফল আর্দ্রনাদে বাতাসে ছড়িয়ে পড়তে লাগল।

পরদিন রাতে প্রতিনিবেশিনীদের অলক্ষ্যে বিজ্ঞাবাসিনী চুপি চুপি ঘর থেকে বেরিয়ে গেল। লক্ষ্যহীন ভাবে চলতে চলতে নিজের অজ্ঞাতেই বুঝি নদীর ঘাটে গিয়ে পৌছল। সেখানে ঝুরিঝটে ঘেরা বিপুল প্রাচীন বটগাছের নবপল্লবের মৃদু আন্দোলনে কিসের নির্দেশ? পরগারে অস্পষ্ট তরুশ্রেণীর ঝাপসা ছায়া-ছবিতে দুর্ভাগিনী বিজ্ঞাবাসিনীর জন্য কিসের ইঙ্গিত? শ্রোতস্বতীর কালো জলের উপরে ঘনসম্মত অন্ধকারে কোন্ অজ্ঞাত জগতের আহ্বান?

ঝপ করে একটা শব্দ হল। শান্ত নদীর নিস্তরঙ্গ জলে স্কগিকের একটা আলোড়ন উঠে ধীরে ধীরে মিলিয়ে গেল।

রসের বিচারে বিজ্ঞাবাসিনীর কাহিনীর ঐখানেই ভাবসম্পন্ন সমাপ্তি। কিন্তু পুলিশের কাছে সাহিত্যিক সার্থকতার চাইতে ঘটনার দাম বেশী। অক্ষম গ্রন্থকারের মতো তারাও উপাখ্যানের কোথায় থামতে হয় জানে না। ইলপেট্টারবাবু আরও তথ্য যোগ করতে লাগলেন। বৃহদায়তন উপন্যাসের শেষে যেমন পরিশিষ্ট, তিনপাতা চিঠির তলায় যেমন পুনশ্চ।

যে মানুষ ছোটবেলায় মাছের মতো সাঁতার কেটে প্রত্যহ দীঘির এপার-ওপার করেছে, তার পক্ষে জলে ডুবে আত্মহত্যা করা সম্ভব নয়। জলের নীচে দম আটকে এলে বিজ্ঞাবাসিনীর হাতপাগুলি আপনি সচল হয়ে দেহটাকে উপরে ভাসিয়ে তোলে। জেলেদের নৌকায়—

বাধা দিয়ে বললেন, “থাক, কে কোথায় কী ভাবে তাকে জল থেকে উদ্ধার করল, কী করে কবে সে গ্রাম থেকে শহরে এল এসব বৃত্তান্ত থানায় ডায়েরী করার পক্ষে অবশ্যই প্রয়োজনীয়, কোর্টে উকীলের জেরার পক্ষেও বোধ হয় মূল্যবান মালমশলা। আমার কাছে সে সব অনাবশ্যক খুঁটিনাটি মাত্র।”

সুখীরবাবু ক্ষুণ্ণ হলেন কিনা জানিনে। দ্বিধাজড়িত কণ্ঠে জিজ্ঞাসা করলেন, “বিজ্ঞাবাসিনীর কনফেশান—”

তার মুখের কথা কেড়ে নিয়ে বললেন, “আমি বিশ্বাস করি কি? করি। তার এক বর্ণও মিথ্যা মনে হয় না।”

দু’জনেই কিছুক্ষণ চুপ করে বললেন। সেই অস্বস্তিকর নীরবতা ভঙ্গ করে তিনিই আবার প্রশ্ন করলেন, “এখন আমার কী করা উচিত; বলুন তো?”

তা আমার বুদ্ধির অতীত। বললেন, “আমরা সম্পাদকেরা সর্ববিদ্যা বিশারদ। জন্মশাসন থেকে কিউবিজম এবং কমন মার্কেট থেকে ডেফিসীট ফাইন্যান্স সব বিষয়েই আমরা অনায়াসে উপদেশ বা এক্সপার্ট ওপিনিয়ন দিতে পারি। কিন্তু স্বীকার করছি, বিজ্ঞাবাসিনী সম্পর্কে কী করা উচিত তা জানিনে।”

ভদ্রলোক হতাশ হলেন। তাঁকে সদর দরজা অবধি এগিয়ে দিতে গোলাম। দু’পা গিয়ে হঠাৎ থেমে প্রশ্ন করলেন, “খবরটা আপনার কাগজে কালই বেরোবে বোধ হয়?” তাঁর কণ্ঠে উদ্বেগের চিহ্ন গোপন রইল না।

আমার চোখের সামনে বিদ্যুৎচমকের মতো একটা ব্লক টাইপের ব্যানারহেডিং ভেসে উঠল,—“নিরুদ্দেশ বিজ্ঞাবাসিনীর চাঞ্চল্যকর আত্মপ্রকাশ।” “পদস্থ পুলিশ অফিসারের গৃহে অতর্কিতে আবির্ভাব।” পথে পথে হিন্দুস্থানী হকারেরা সাইকেলে কাগজের গোছা নিয়ে হাঁকতে হাঁকতে ছুটছে—“টিলীগ্রাফ, বিজ্ঞাবাসিনীকা খবর নিকলছে। জনমভূমি পড়িয়ে, জনমভূমি—”

কিন্তু মন স্থির করতে সময় লাগল না। একটা চাঞ্চল্যকর “স্কুপ” এবং পত্রিকার হাজার দশেক কপি অতিরিক্ত বিক্রির নিশ্চিত সুযোগ স্বেচ্ছায় উপেক্ষা করলেন। জানি, সম্পাদকীয় কর্তব্যে বিচ্যুতি ঘটল। সার্কুলেশন ম্যানেজার জানতে পারলে আমার আর মুখ দেখবেন না।

দিনান্ত

অনেক রাত অবধি চোখে ঘুম আসেনি বলেই বোধহয় ভোরের দিকে শান্তনু অঘোরে ঘুমিয়ে পড়েছিল। হঠাৎ মাথার কাছে কিসের একটা শব্দে জেগে উঠল।

কেউ দরজা ঠেলছে কি? এই তো সবে রাত্রির অন্ধকার কেটে আকাশে দিনের আলো দেখা দিতে শুরু করেছে। সূর্য উঠতে এখনও বাকি। এত সকালে কে এল?

শান্তনুদের ফ্ল্যাটটি গলির মোড়ে একটা বাড়ির তিনতলায়। সামনে রেলিংঘেরা ছোট একফালি বারান্দা। তারই গায়ে শোবার ঘর। শান্তনু দরজা খুলে বারান্দায় চেয়ে দেখল। কই, কেউ কোথাও নেই তো। এদিক ওদিক তাকাতেই চোখে পড়ল পায়ের কাছে রবারের ব্যান্ড-জড়ানো ভাঁজ করা খবরের কাগজটা।

এতক্ষণে ব্যাপারটা বোঝা গেল। সাইকেলের হাতলের উপরে জুপীকৃত পত্রিকা বিলি করা যাদের কাজ তিন-চার তলার সিঁড়ি বেয়ে প্রতিটি গ্রাহকের হাতে তা পৌঁছে দেওয়া তাদের চলে না। চলন্ত সাইকেলে যেতে যেতে তারা ভাঁজকরা কাগজখানা উপরের ছাদে বা বারান্দায় ঝুঁড়ে দেয়। আজ নীচে থেকে সজোরে নিক্কিপু কাগজটা ঘরের কাঠের দরজার উপরে এসে পড়েছে; তারই আওয়াজে শান্তনুর ঘুম ভেঙে গেছে।

কাগজটা কুড়িয়ে নিতে গিয়ে শান্তনুর মনে হল, আশ্চর্য হাতের তাক ওদের। একদিনও বাইরে বা এদিকে ওদিকে গিয়ে পড়ে নাতো। আউটফিল্ড থেকে উইকেটে বল ঝুঁড়ে ওরা অনায়াসেই বোধহয় ব্যাটসম্যানকে রান-আউট করতে পারে। নিজের অজ্ঞাতেই বুঝি শান্তনুর ওঁঠাধরে ঈষৎ একটু করুণ হাসির রেখা দেখা দিল।

শান্তনুর চোখে ঘুমের রেশটা তখনও কাটেনি। অন্যদিন সে কাগজখানা টেবিলের উপরে তুলে রেখে আবার শুয়ে পড়তো। কিন্তু এই মুহূর্তে তার মনের মধ্যে সে এমন প্রবল ঔৎসুক্য বোধ করল যা রোধ করা তার পক্ষে সম্ভব নয়। তাড়াতাড়ি খবরের কাগজখানা খুলে পড়তে শুরু করল।

যে খবরটায় শান্তনুর আগ্রহ সে আজ পত্রিকার শুধু একটি বিশেষ পৃষ্ঠায় আবদ্ধ নয়। টাইটেল পেজ অর্থাৎ প্রথম পাতায় তিনকলমের হেডলাইন দিয়ে তার আরম্ভ। “নিজস্ব বিশেষ সংবাদদাতার” রিপোর্টে খেলার পাতার সবখানি জুড়ে তার বিস্তারিত বিবরণ। খানতিনেক ছবি, অতীতের নামজাদা একজন খেলোয়াড়ের লেখা বিশ্লেষণমূলক আলোচনা, যাকে বলা হয় এক্সপার্ট কমেণ্টারী—সব কিছু মিলিয়ে ঢালাও ব্যবস্থা। একথা মানতেই হবে, স্পোর্টস কভারেজ অর্থাৎ খেলাধুলার খবরে “বিশ্ববার্তা”র খ্যাতিটা অহেতুক নয়।

অবশ্য বিষয়টার নিজের গুরুত্বই পত্রিকায় মুখ্য সংবাদ হওয়ার দাবী রাখে। রাজ্যপাল ট্রফির ফাইন্যাল শহরের ক্রিকেটে সেরা প্রতিযোগিতা। বিজয়ীর তো কথাই নেই, রানার্স-আপেরও সম্মান কম নয়। কোন দল কতবার ফাইন্যালে উঠেছে সেটাও একটা গর্বের বিষয়। স্বদেশী উইসডেনে সন তারিখ সহ তার তালিকা ছাপা হয়।

আরও একটি বিশেষ কারণে এ-বছরের খেলাটায় উত্তেজনার অংশ বেড়েছে। এবার ফাইন্যালে খেলছে ব্লু ডায়মন্ডস্ এবং সিটি ইয়ঙ্গস্। স্থানীয় খেলার জগতে দুই প্রবল পুরাতন প্রতিদ্বন্দ্বী। পার্লামেন্টে যেমন কংগ্রেস ও জনসম্মত। পশ্চিম এশিয়ায় যেমন আরব ও ইস্রায়েল।

শুধু ময়দানেই নয়, শহরের স্কুল, কলেজ, গৃহ ও পরিবারে খেলার অনুরাগী নবীন ও প্রবীণেরা দুই পরস্পর বিরোধী শিবিরে বিভক্ত। হয় ব্লু ডায়মন্ড-এর সমর্থক নয়তো সিটি ইয়ঙ্গস-এর পক্ষপাতী। ট্রামে, বাসে, আপিসের টিফিন ঘরে ও পাড়ায় রকের আড্ডায় দুই দলের শ্রেষ্ঠতা নিয়ে তুমুল তর্ক-বিতর্ক চলে। কথা কাটাকাটি থেকে মাথা ফাটাফাটি ঘটার উপক্রম।

সিটি ইয়ঙ্গস্ গত দু'বছর পর পর ফাইন্যালে জিতেছে। এবার জিতলে হ্যাটট্রিক, রাজ্যপাল ট্রফিতে অভূতপূর্ব রেকর্ড। ব্লু ডায়মন্ডস্ বহুদিনের ঐতিহ্যশালী ক্লাব; এ-বছর তাদের ঐতিহ্য বংশের পূর্তি। সিটি ইয়ঙ্গস্কে হারিয়ে ট্রফি ঘরে তুলতে পারলে রজত জয়ন্তী উৎসবের আলোক-সজ্জাটা উজ্জ্বলতর হবে। যদিও লড়াইটা প্রাণের লড়াই নয়, মানের লড়াই, তবু দুই দলই প্রাণপণে

লড়ছে।

খবরের কাগজে গতকালের খেলার বিবরণে আগাগোড়াই বিকাশ বোসের প্রশংসা। তার ব্যাটিং-এর সুখ্যাতি। বোলিং-এর ব্যাখ্যান ও ফিল্ডিং-এর গুণগান। একেবারে গদগদ ভাব।

বিকাশ বোস টেকশ, ইংরেজীতে যাকে বলে 'অলরাউন্ডার'। উঠতি খেলোয়াড়। সে-কথা শাস্ত্রু অস্বীকার করে না। ছেলেটার মধ্যে ভবিষ্যতের সম্ভাবনা, প্রমীস্ আছে। লেগে থাকলে এবং হাততালিতে মাথা গুলিয়ে না গেলে একদিন ভালোই খেলবে একথাও মানতে শাস্ত্রু রাজী আছে। সে নিজেকে স্পোর্টসম্যান, অন্য কারুর সত্যিকার কৃতিত্বকে ছোট করবে এমন হিংসুটে সে নয়। কিন্তু সবকিছুই একটা মাত্রাজ্ঞান থাকা চাই তো। রাজ্যপাল ট্রফিতে এর আগে আর কেউ যেন সেজুরী করেনি!

আসল কথা, বিকাশ বোস বডলোকের ছেলে, চেহারাটাও ভালো। অ্যাডামসডার গাড়ি চালিয়ে মাঠে আসে। আলাপ হলেই দরজা হাতে চা, লিমোনেড খাওয়ায়। পত্রিকার রিপোর্টারদের আর গল্প বড় বোধ থাকে না। জিগেছে—“বাংলার ব্র্যাডম্যান।” ছিঃ ছিঃ, চাটুকারিতার কি কোনো সীমা থাকতে নেই? শাস্ত্রু অবাক হয়ে ভাবে।

শুধু বিকাশ বোসের গুণগানই নয়, শাস্ত্রুকে খাটো করারও সুস্পষ্ট প্রয়াস। তার ব্যাটিং-এ ব্যর্থতা, ফিল্ডিং-এর ত্রুটি ইত্যাদি কঠোর সমালোচনা করে ক্রীড়া সম্পাদক এই সিদ্ধান্তে পৌছেছেন যে, ক্রিকেটার হিসাবে শাস্ত্রু অনেক দিন আগেই শেষ হয়ে গেছে, বর্তমান সে নিতান্তই স্পেস্ট ফোর্স। বারুদহীন তুবড়ির খোল।

সন্দেহটা ক্রিকেট মহলে আর কারুর মনে হয়েছিল কি না জানা নেই। তার এমন নির্মম প্রকাশ্য ঘোষণা এই প্রথম। ছাপার অক্ষরগুলি শাস্ত্রুর বুকের মধ্যে যেন তীক্ষ্ণ কাঁটার আঘাতের মতো সম্ভারে বিধল। তার সমস্ত শরীর যেন ব্যথায় অসাড় হয়ে এল।

“বিশ্ববর্তা”র ক্রীড়া সম্পাদক অনিল নন্দী মানুষটা উদ্ধত, দুঃখ। পত্রিকার পৃষ্ঠায় নিজের খুশিমতো যা-কিছু লিখবার সুযোগ আছে বলেই ধরাকে সরা জ্ঞান করে। শাস্ত্রু লোকটাকে কোনদিনই পছন্দ করে না। হামবাগ্ কোথাকার।

অথচ কথাটাকে একেবারে মিথ্যা বলে উড়িয়ে দেওয়ার মতো জোরও শাস্ত্রু নিজের মধ্যে খুঁজে পেল না। সে যে কাল প্রথম বলেই আউট হয়ে গেছে সে-স্কোড তো সে নিজেরই ভুলতে পারছে না। সত্যি তো, এ মরশুমে সে একটা খেলায়ও উল্লেখযোগ্য কিছুই করতে পারেনি। এমন কি ক্লাবের ম্যাচ, খেতানেও তার অ্যাডারেজ নীচের ধাপে।

রাজ্যপাল ট্রফির ফাইনালে শাস্ত্রু খেলবে কি না সে সম্পর্কে ক্লাবের অনেকের মনেই সংশয় ছিল। শোনা যায়, সিলেকশন কমিটিতেও তার নির্বাচন নিয়ে মতভেদ ছিল। টিমের ক্যাপ্টেন তো তাকে দলে নিতে খুবই আপত্তি করেছিলেন। কমিটির সভাপতি মধুসূদনবাবুর কাস্টিং ভোটে শাস্ত্রু দলভুক্ত হয়েছে।

মধুদা' শাস্ত্রুর রক্ষক, শুভানুধ্যায়ী ও উপদেষ্টা। ফ্রেন্ড, ফিলসফার এ্যান্ড গাইড। বালক শাস্ত্রুর মধ্যে যে ক্রিকেটে দক্ষতার বীজ ছিল সে তাঁরই চোখে প্রথম ধরা পড়েছিল। বাগানের মালীর মতো তিনি সযত্ন পরিচর্যা তাকে অঙ্কুরিত ও পরে বিরাট মহীরাহে পরিণত করেছিলেন।

শাস্ত্রুর বাবা লিলুয়ার রেলের কারখানায় কেরানী ছিলেন। ছেলে কোনোরকমে ম্যাট্রিক পাশ করলেই রেলের উপরওয়ালাদের ধরে কোনো একটা চাকরিতে ঢুকিয়ে নেবেন, এই ছিল তাঁর অভিলাষ। ছেলে খেলা নিয়ে মাতবে এ তাঁর পছন্দ ছিল না। মধুদাই বুঝিয়ে-সুঝিয়ে পিতার বিধিনিষেধ শিথিল করেছিলেন। স্কুলে ফ্রি-শিপ, কলেজে স্টাইপেন্ড এবং সি-এ-বিতে কোচিং তাঁরই চেষ্টায় সম্ভব হয়েছিল।

স্কুল ইলেভেন থেকে টেস্ট টীম অনেকখানি পথ। নিজের যোগ্যতা যত বেশীই হোক না কেন ক্রিকেট কট্টোল বোর্ডের কর্মকর্তাদের সহায়তা ছাড়া সে দূরত্ব অতিক্রম করা সহজসাধ্য নয়। শাস্ত্রুকে প্রথমে টেস্ট ম্যাচ খেলার সুযোগও মধুদাই করে দিয়েছিলেন। তাঁর কাছে শাস্ত্রুর কৃতজ্ঞতার অন্ত নেই।

ঘড়ির দিকে তাকিয়ে শাস্ত্রু চমকে উঠল। সাড়ে সাতটা বাজে যে। ন'টার মধ্যে প্যাভিলিয়নে

হাজির হতে হবে। তার আগে দাড়ি কামানো, স্নান, ঝাওয়া, জামা কাপড় পরে তৈরী হওয়া চাই। বৃট জোড়াতেও সাদা চক মাখানো প্রয়োজন। শান্তনু খবরের কাগজটা একপাশে রেখে দিয়ে তাড়াতাড়ি স্নানের ঘরের উদ্দেশ্যে রওনা হল।

ঘণ্টাখানেকের মধ্যে শান্তনু ক্যাবিসের ব্যাগে তার ব্যাট, প্যাড, ব্যাটিং গ্লাভস, মাথার ক্যাপ, একজোড়া বাড়তি বৃট ও অন্যান্য প্রয়োজনীয় সরঞ্জাম ভরে নিয়ে সিড়ি বেয়ে नीচে নেমে এল।

গলি থেকে বড় রাস্তায় কয়েক পা গেলেই ট্যান্ডি স্ট্যাণ্ড। বাঁ হাতের ঘড়িতে তাকিয়ে শান্তনু ভাবল, এখনও ঢের সময় আছে। বাসে গেলেই তো চলে। অনর্থক ট্যান্ডি ভাড়ায় টাকা নষ্ট করা কেন? টাকা-কড়ি সম্পর্কে শান্তনু সম্প্রতি খুব সচেতন হয়েছে। সে ধীরে ধীরে তার ব্যাগ নিয়ে রাস্তার ওপারে বাস-স্টপে গিয়ে দাঁড়াল।

বাসের জন্য অপেক্ষমাণ যাত্রীদের একজন শান্তনুর মুখের দিকে তাকিয়ে ছিল। কাছে এগিয়ে এসে বলল, “কে, শান্তনু নয়? চিনতে পারছ? টাউন স্কুলে,—আমার নাম—”

নাম বলার প্রয়োজন ছিল না। শান্তনু অন্যায়সেই চিনতে পারল। স্কুলের সহপাঠী সুবীর সরকার, ক্লাসে নাম করা মেধাবী ছাত্র ছিল। ম্যাট্রিকে স্কলারশিপ পেয়েছিল। সে আজ কত বছর আগেকার কথা।

শান্তনু বলল, “গোড়াতে চিনতে পারিনি। বেশ গোল-গাল নাদুস-নুদুস চেহারা হয়েছে যে। কোথায় আছিস? করছিস কি? এখনও ফ্রি বুকলেট যোগাড় চলছে কি?”

ছাত্রজীবনে সুবীরের নেশা ছিল খবরের কাগজের কুপন ডাকে দিয়ে নানা জিনিসের বিনামূল্যে বিতরিত সচিتر পুস্তিকা সংগ্রহ করা। এত দিন পরে কৈশোরের সেই ছেলেমানুষীর কথা স্মরণ করে দু’জনেই খুব হেসে নিল।

সুবীরের খবর গতানুগতিক। বি-এ পরীক্ষার আগে ইঠাং বাবা মারা গেলেন। রেজাল্ট ভালো করা আর সম্ভব হলো না। টাইপরাইটিং শিখে একাউন্টেন্ট জেনারেলের আপিসে কেরানী হয়ে ঢুকেছে। এতদিনে একটা প্রমোশনও পেয়েছে।

নিজের কাহিনী শোনাতে শান্তনু বলল, “আমার খবর যথাপূর্ব্ব। স্কুলে লেখাপড়ায় টুটু, এখন কাজের বেলায় তেমনি অকাজ, ভ্যাগাবন্ড বললেই হয়।”

সুবীর বাধা দিয়ে বলল, “বাজে বকিস নে। তোর খবর কে না জানে? রোজ পত্রিকায় ছবি বেরোয়, দেশজোড়া নাম ডাক। আমার ছোট ছেলেটা তো তোর মস্ত এক ভক্ত। মনে পড়ে আমাদের ইংরেজীর টীচার সাধনাবাবুকে? সেই যে ক্লাসে ক্রিকেটের কথা উঠলেই নাক সিটকে বলতেন, ‘হিটিং এ লেদার বল উইথ এ পীস অব উড’—তার সঙ্গে সেদিন এক বিয়েবাড়িতে দেখা হয়েছিল। তিনি অবধি তোর নাম করছিলেন।”

সুবীরের বাস এসে গেল। বিদায় নেওয়ার আগে নিজের ঠিকানা দিয়ে গভীর আন্তরিকতার স্বরে বলল, “আসিস একদিন আমাদের ওখানে। আমরা সবাই তোর কৃতিত্বে আনন্দ বোধ করি, রিয়্যালী প্রাউড অব ইউ।”

কথাটায় নতনত্ব নেই। ক্রিকেটে তার খ্যাতি কম হয়নি। চিত্রতারকাদের সঙ্গে তুলনীয় না হলেও, ‘ফ্যান’ সংখ্যা তারও নেহাৎ অল্প ছিল না। কিন্তু আজ যখন তার ক্রটি, বিচ্যুতি ও অক্ষমতা নিয়ে নির্দয় সমালোচনার ঝড় বইছে তখন বহুদিন বিস্মৃত বাল্যবন্ধুর শিশুপুত্রের এই প্রশ্ণার সংবাদটুকু শান্তনুর মনকে গভীরভাবে নাড়া দিল।

প্যাভিলিয়নে ঢুকতেই মধুসূদনদাঁর সঙ্গে দেখা।

“এই যে শান্তনু, মুখ অমন শুকনো দেখাচ্ছে কেন? না, না অমন মনমরা হয়ে পড়লে চলবে না। ডোন্ট বি ডিপ্রেসড। সব ক্রিকেটারদেরই খেলার জীবনে কখনও কখনও একটা বন্ধা সময়, লীন প্যাচ আসে, আবার কেটে যায়। হ্যামন্ডের হয়েছে, হাটনের হয়েছে, আমাদের মার্চেন্ট, অমরনাথ কেউ বাদ যায়নি। আমার দৃঢ় বিশ্বাস আজ তুমি নিশ্চয়ই ভালো খেলবে। চাই একটু সাহস আর একাগ্রতা, বোল্ডনেস এ্যাণ্ড কনসেনট্রেশান” বললেন মধুসূদনদাঁ। স্নেহভরে শান্তনুর পিঠি চাপড়ে দিলেন। এপাশে ওপাশে তাকিয়ে গলার স্বর নীচু করে যোগ করলেন, “সে-টাকাটার চিন্তা করছ বুঝি? কোন ভাবনা নেই। আমি সেক্রেটারীর মত করিয়েছি, ও ঠিক ম্যানেজিং

কমিটিতে পাশ হয়ে যাবে। যাও এবার ড্রেসিং রুমে, প্যাড পরে তাড়াতাড়ি তৈরী হও দিকনি।”

টাকাটার জন্য ভাবনা ছিল এবং আছে। বাড়ি থেকে বের হবার সময় আজও স্ত্রী স্মরণ করিয়ে দিয়েছে, বুধবারের মধ্যে নষ্টুর ফিজ জমা না দিলে মেডিক্যাল কলেজে সে ঢুকতে পারবে না। অ্যাডমিশন ফি, এক টার্মের মাইনে, লেবরেটারীর জমা, কলেজ ইউনিয়নে চাঁদা ইত্যাদি সব কিছু মিলিয়ে শ' কয়েক টাকার খাঙ্কা। এর আগে শান্তনুকে টাকার জন্য খুব ভাবতে হয়নি। সবাই জানে, খেলাটা এ দেশে এখনও পুরোপুরি পেশা নয়। প্রকাশ্যে খেলোয়াড়েরা যা পায় সেটা উল্লেখযোগ্য নয়। কিন্তু নামজাদা খেলোয়াড়দের দলে আনতে এবং দলে ধরে রাখতে অপ্রকাশ্যে যে টাকা লেনদেন হয় সেটা অবশ্য তুচ্ছ নয়। ইতিপূর্বে যখনই খোক টাকার দরকার হয়েছে, চাওয়া মাত্রই ক্লাব থেকে পেয়েছে। এবার মাসখানেক আগেই সে ছেলের কলেজে ভর্তি হওয়ার অর্থ-সমস্যাটা কর্তৃপক্ষকে জানিয়েছিল। কিন্তু এখনও সেখান থেকে কোন সাড়া শব্দ পাওয়া যায়নি।

মেম্বারস গ্যালারীতে ক্লাবের সদস্যরা অনেকেই এসে গেছেন। পাইপ বা সিগার মুখে বিলাতী সূটে ঢাকা বাঙালী ও অবাঙালী সাহেব, ধূতির উপরে আজানুলব্বিত কোটপরা মাড়োয়াড়ী ধনকুবের এবং গায়ে সার্জের পাঞ্জাবী ও কাঁধে ভাঁজ করা কাম্বীরী শাল নিয়ে বাঙালী ভদ্রসন্তান।

অনেক মহিলাও আছেন। বহু বর্ণাঢ্য শাড়ি জাম্পারে রঙিন প্রজাপতির মেলা। লাল, সবুজ, মেরুন ও টারকোয়েজ রঙের। বেলবটমেরও কমতি নেই। অনেকের চোখে গোল চৌকো বা ডিম্বাকৃতি বিচিত্র ফ্রেমের সান্‌গ্লাস। তরুণীদের কারো কাঁধে স্ট্রাপ দিয়ে বুলছে ক্যামেরা কারো বা হাতে বাইনোকুলার। প্লাস্টিকের হ্যান্ড ব্যাগে উল ও নিটিং-এর সরঞ্জাম নিয়ে এসেছেন কেউ কেউ। অ্যাস্কট বা মহালক্ষ্মীর রেসকোর্সের মতো শীতের মরশুমে ইডেন গার্ডেনসেও অঘোষিত ফ্যাশন-প্যারেডের একটা সুযোগ পাওয়া যায়।

দূর থেকে শান্তনুর মনে হল তাঁদের কেউ কেউ তার দিকে তাকিয়ে কী যেন বলছেন। বোধহয় তার ব্যর্থতা নিয়ে আলোচনা করছেন। বোধহয় নয়। সবই শান্তনুর অপরাধী মনেব কষ্টকল্পনা মাত্র।

ড্রেসিং রুমের দরজার পাশেই গ্রাউন্ড সেক্রেটারীকে ঘিরে জনকয়েক তরুণ সদস্যদের কী জটলা চলছিল। তাদের পাশ কাটিয়ে শান্তনু ঘরে প্রবেশ করল। দু'চারটে কথার ভগ্নাংশ ও মন্তব্যের টুকরো তার কানে এল,—“অমন রান-আউটের চান্টা মাটি না হলে আর ভাবনা ছিল কি?” “একটা লাইফ পেয়েছিল, তাই তো সুদর্শন দলের ভাঙনটা রুখতে পারল”; “শেবের অস্ত্রগুলি রান তো স্রেফ দাতব্য, ফ্রি গিফট” ইত্যাদি, ইত্যাদি। এ সকল উক্তির লক্ষ্যটা যে কে এবং কারণটাই-বা কি তা বুঝতে শান্তনুর বিলম্ব হ'ল না। সে কোনো দিকে না তাকিয়ে ঘরের অপরপ্রান্তে একটা চেয়ারে গা এলিয়ে দিল।

নিশ্চয় অবিচলিত এবং স্ততিতে নিরুৎসুক সাধু সন্ন্যাসী মঠে মন্দিরে অবশ্যই আছেন। কিন্তু সংসারে সাধারণ মানুষের পক্ষে নিরুদ্বেগ নির্লিপ্ততা সম্ভব নয়। দীর্ঘদিন ধরে যে খেলোয়াড় আপন ক্রীড়াশৈলে অগণিত দর্শকের মনোরঞ্জন করেছে তার পক্ষে তো নয়ই। রাগে শান্তনুর গায়ে জ্বালা ধরল। যারা খেলে বা খেলেছে তাদের তিরস্কার অন্যান্য হলেও মনে নেওয়া চলে। কিন্তু জীবনে কোনো দিন যারা ব্যাট ছোঁয়নি সে-সব আর্মচেয়ার ক্রিকেটারদের টীকা-টীকনি অসহ্য।

“শান্তদা, তুমি কি মডার্ন ব্যাকের চাকরি ছেড়ে দিচ্ছ?” প্রশ্ন কর্তা সীতেশ। ক্লাবের একজন সদস্য, শান্তনুর বন্ধুহীনীয়। সে যে কখন পাশে এসে দাঁড়িয়েছে শান্তনু তা লক্ষ্য করেনি।

“চাকরি ছেড়ে দিচ্ছি? না, তো। কে বললে তোমাকে?” পাশটা প্রশ্ন করল শান্তনু।

অপ্রতিভ সীতেশ লজ্জিত কণ্ঠে বলল, “না, কেউ বলেনি। শুনছিলেম মডার্ন ব্যাক না কি একজন হুখড় ব্যাটসম্যান খুঁজছে। তাই ভাবলাম তুমি বুঝি অন্য কোনো আপিসে,—ভুল খবর বুঝতে পারছি। আশা করি, কিছু মনে করনি শান্তদা।” ব্রতপদে সীতেশ সেখান থেকে সরে পড়ল।

কিছু মনে না করে থাকার উপায় ছিল না। শান্তনু জানে “ওয়েলফেয়ার অফিসার”-এর চাকরিটা নামকবস্তে। আসলে ব্যাকের ক্রিকেট টীমকে শক্তিশালী করার উদ্দেশ্যেই এ চাকরিটার

সৃষ্টি, একজন দক্ষ খেলোয়াড়কে মাইনে দিয়ে দলে রাখার ছুতো। কর্তৃপক্ষ ওয়েলকমের অফিসারের কাছে কাজ প্রত্যাশা করেন না, অফিস লীগে রান কামনা করেন।

এতক্ষণে শান্তনু বুঝতে পারল কেন আপিসের সুপারভাইজার সাহেব ক'দিন থেকে গিছনে লেগেছে। সুবীরের কথাগুলি শান্তনুর মনে পড়ল,—আপিসে মাইনে বেশী নয়, খাটুনিও অনেক। তবে চাকরিটা স্থায়ী। পেশন আছে, প্রভিডেন্ট ফান্ড, গ্র্যাচুইটিও পাবে, বুড়োবয়সে একেবারে পথে দাঁড়াতে হবে না। সুবীরের কথের যে একটা নিশ্চিত নিরাপত্তার সুর ছিল সেটা শান্তনুর কান এড়ায়নি।

কিন্তু চিন্তামগ্ন হয়ে বসে থাকার সময় ছিল না। খেলা শুরু হবে। সাদা এপ্রন পরিহিত আম্পায়ার দু'জন মাঠে নেমে গেছেন। শান্তনু তাড়াতাড়ি প্যাড পরে তৈরী হয়ে নিল।

ব্লু ডায়মন্ডসের দ্বিতীয় ইনিংস গতকাল দিনের একেবারে শেষভাগে শুরু হয়েছে, ওপেনিং পোয়ার—শশাঙ্ক ও জলিল—তাদের অসমাপ্ত খেলার খেই ধরে ব্যাট করতে লাগল।

প্যাভিলিয়ন ও মাঠের চারদিকে দর্শকদের স্ট্যাণ্ডে ব্লু ডায়মন্ডস—এর সমর্থকেরা আনন্দে উৎফুল্ল। সিটি ইয়ঙ্কসকে হারিয়ে ট্রফি জেতার জন্য চাই মাত্র আর দু'শো রান। সময় আছে পুরো দিনটা, হাতে আছে সব ক'টি উইকেট। জয়লাভের পক্ষে এর চাইতে আশাজনক সুযোগ কল্পনাও করা যায় না। কিন্তু দশ মিনিটের মধ্যে আগের দিনের রান সংখ্যায় কিছু যোগ হওয়ার আগেই স্লিপে ক্যাচ তুলে শশাঙ্ক আউট হয়ে গেল। না, অয়মারস্ত শুভায় হয়নি।

শান্তনু ওয়ান-ডাউনে ব্যাট করে। কিন্তু ক্যাপ্টেন আজ বিকাশ বোসকে পাঠালেন সে জায়গায়। পরিবর্তিত ব্যাটিং অর্ডারে শান্তনুর নাম অনেক নীচে,—ছ'নম্বরে। ক্যাপ্টেনকে দোষ দেওয়া চলে না। এ বছরে পর পর প্রায় সবগুলি ম্যাচ, বিশেষ করে এ খেলার প্রথম ইনিংসে, শান্তনুর শোচনীয় বার্ষতায় তার উপরে ভরসা রাখা যে কোনো অধিনায়কের পক্ষেই কঠিন।

বিকাস ব্যাট করতে মাঠে নামামাত্রই দর্শকেরা হাততালিতে তাকে স্বাগত জানাল। এই উদীয়মান তরুণ খেলোয়াড় আগের ইনিংসের মতো এবারেও সিটি ইয়ঙ্কসকে হিমশিম খাইয়ে ছাড়বে সে সম্পর্কে তাব দলের সমর্থকদের মধ্যে আশা এবং বিরোধী দলের মনে উদ্বেগের অবশি ছিল না। সুতরাং সিটি ইয়ঙ্কস—এর ফাস্ট বোলার রামানাথন যখন প্রথম বলেই বিকাশের মাঝের স্ট্যাম্পটি উপড়ে ফেলল তখন সমস্ত মাঠটাই যেন বিস্ময়বিমূঢ় নিস্তব্ধতার ভারে থমথমে হয়ে উঠল।

ব্লু ডায়মন্ডস—এর পরবর্তী ব্যাটসম্যান অসাধারণ না হলেও মোটামুটি নির্ভরযোগ্য। স্পেক্টাকুলার নয়, কিন্তু স্টেডী। তার কাছে সব ম্যাচেই অন্ততঃ পঁচিশ-ত্রিশ রান আশা করা যায়। দু'রান তুলে সে বিদায় নিল। যে তার স্থলাভিষিক্ত হ'ল, তারও সেই দশা। রামানাথন আজ দুর্জয়।

কোনো উইকেট না খুঁয়ে সাতাশ রান থেকে মিনিট কুড়ির মধ্যেই পাঁচ উইকেটে আটত্রিশ। ব্লু ডায়মন্ডস—এর ধ্বস নেমেছে যেন। ইংরেজীতে যাকে বলে ল্যাণ্ডস্লাইড।

এবার শান্তনুর পালা। সে প্যাভিলিয়নের বারান্দা পার হয়ে মাঠে নামছিল। কানে এল কোনো এক অপরিচিত দর্শকের উক্তি—“হায়, ইনি তো রিটার্ন-টিকিটের যাত্রী! আর একজন খোঁচাটাকে আরও ধারালো করে বলল, “আগের ইনিংসে করেছেন লাড্ডু, এবার করবেন রসগোল্লা।”

শান্তনু মনকে দৃঢ় করেছিল। কোনো কিছুতেই সে বিচলিত হবে না। সে যুঝবে। শুধু বিপক্ষদলের বোলারের বিরুদ্ধে নয়, নিজের অপ্রসন্ন ভাগ্যের সঙ্গেও।

কিন্তু ভাগ্য, বিশেষ করে পুরুষস্য, নাকি দেবতাদেরও অজ্ঞেয়, শান্তনু কোন ছার। প্রথম বলটা শান্তনুর ব্যাট এড়িয়ে উইকেটের গা ঘেঁষে চলে গেল। শুধু এক চূলের জন্য অফ স্ট্যাম্পটি ছোঁয়নি। দ্বিতীয়টা এসে লাগল পায়ে।

“হাউজ দ্যাট?” উইকেট কীপার, বোলার ও স্লিপের ফিল্ডার সগম্বরে চেঁচিয়ে আম্পায়ারের কাছে আপীল জানাল। শান্তনু সভয়ে আম্পায়ারের দিকে তাকিয়ে দেখল। না, আম্পায়ার তর্জনী উপর্য উপর্য উঠিয়ে ধরেননি। শান্তনুর কপালে শ্বেদবিন্দু জমেছিল, ক্রমাল দিয়ে মুছে ফেলল। কথায় বলে, বার বার, তিন বার। তৃতীয় বলটা এল প্রায় বলেটের গতিতে। শটপীচ বল।

শান্তনুর বৃকের কাছে লাকিয়ে উঠল। মুহূর্তে শান্তনু তার ডান পা অফ স্টাম্পের বাইরে ও শরীরটাকে বলের লাইনের পুরোপুরি পিছনে নিয়ে মরীয়া হয়ে সজোরে ব্যাট হাকাল। প্রচণ্ড ছক। বলটা ফাইন লেগের মাথা ছাড়িয়ে অনেক উচু পথে গিয়ে পড়ল বাউন্ডারী লাইনের বাইরে। সিদ্ধার,—এই ম্যাচে প্রথম ছ'-এর মার।

ভাগ্যদেবীর বাসস্থানটা বোধহয় কাছাকাছিই ছিল। ঐ ছক্কার থাকায় বুঝি তাঁর দরজাটা খুলে গেল। শান্তনু পিটিয়ে খেলতে লাগল। বেশোরায়া ড্রাইভ, পুল ও গ্ল্যান্স করে বলটাকে চক্ষের পলকে বার বার ফিল্ডারদের ধরা ছোয়ার বাইরে পাঠাল। ঘন ঘন বোলার বদল, নানা ভাবে ফিল্ড সাজানো, কোনো কিছুতেই শান্তনুর রানের উর্ধ্বগতিকে রোধ করা গেল না। এরই মধ্যে তার জুটির দু'-জন ব্যাটসম্যান আউট হয়ে প্যাভিলিয়নে ফিরে গেছে।

শান্তনুর নিজস্ব রানসংখ্যা পঞ্চাশ পার হয়ে গেল। ব্লু ডায়মন্ডস-এর শিবিরে উচ্ছ্বসিত উল্লাস। সিটি ইয়ঙ্গস দলের খেলোয়াড়েরা ভগ্নোদ্যম, সমর্থকেরা হতবাক।

বিপর্যস্ত ও ক্রুদ্ধ রামানাতন থেকে থেকে বাম্পার ছুঁড়ছিল। তার কোনোটাতে শান্তনু ব্যাটের ঘায়ে পাঠিয়ে দিল আউটফিল্ডে, কোনোটা বা ফসকে এসে ঠেকল তার বৃকে, বাহুতে ও হাতের কব্জিতে। একটা সবগে আঘাত করল তার কপালে। কেটে গিয়ে রক্ত গড়িয়ে পড়ল মুখে, চোখে ও শার্টের কলারে। মাথা ঘুরতে লাগল, চোখের দৃষ্টি ঝাপসা হয়ে এল। পায়ের তলায় মাটিটা বুঝি দুলছে। ক্ষতস্থানে রুমাল চাপা দিয়ে ক্রীজের উপরে শান্তনু বসে পড়ল। আম্পায়ার ও ফিল্ডারদের কাঁধে ভর দিয়ে আহত ব্যাটসম্যান ফিরে গেল প্যাভিলিয়নে। রিটার্ডার্ড হার্ট।

সমস্ত মাঠে গভীর বিষাদের ছায়া নামল।

অপরিহার্য ঋণিক বিরতির পরে পুনরায় খেলা শুরু হল। কিন্তু ন' নম্বর ব্যাটসম্যানের কাছে কেউ কিছু আশা করে না। কোনো মতে মিনিট পনের টিকে থেকে সে যখন কট গ্র্যান্ড বোল্ড তখন কপালে ব্যাণ্ডেজ বাঁধা শান্তনু আপন অসমাপ্ত ইনিংস শেষ করতে পুনরায় উইকেটে এসে দাঁড়াল। সমবেত দর্শকমণ্ডলী বিস্মিত পুলকে উঠে দাঁড়িয়ে বিপুল হর্ষধ্বনিতে তাকে অভিনন্দিত করল।

ব্যাট দিয়ে বল পিটানোই ক্রিকেট একথা শান্তনুর ইংরেজীর শিক্ষক না বলে দিলেও সবাই জানে। কিন্তু শান্তনুর হাতে আজ বোধহয় ব্যাট নেই; আছে খড়্গ। তারই অবিরাম আঘাতে সে ফাস্ট, সুইং এবং স্পিন বোলিং-এর সকল কলাকৌশলকে নির্বিচারে কচুকাটা করে ছাড়ল। স্কোর বোর্ডে তার রানের অঙ্কটা এগিয়ে চলল, দৌড়ে নয়, লাকিয়ে।

রেডিওর ধারাবিবরণীতে “ম্যাগনিফিসেন্ট”, “সিটেলিটিং”, “সুপার্ব” ইত্যাদি বাছা বাছা ইংরেজী বিশেষণগুলি বার বার পুনরাবৃত্তি করেও যেন ভাষাকার তৃপ্ত নন। বললেন, যে সকল সমালোচকরা মনে করেন যে শান্তনুর “হে-ডে” অর্থাৎ চরম উৎকর্ষের দিন কেটে গেছে তাঁরা ভুল প্রমাণিত হয়েছেন। বর্তমান ম্যাচে তার দলভুক্তি সম্পর্কে হাঁদের আপত্তি ছিল, তাঁরাও নিশ্চয়ই এখন লজ্জিত হবেন। স্ট্রোক প্লেয়ার হিসাবে এখনও শান্তনুর জুড়ি নেই। ইত্যাদি, ইত্যাদি।

খেলা শেষ হলো। ব্লু ডায়মন্ডস তাদের অভীষ্ট রানের কোঠায় পৌছতে পারল না। কিন্তু শান্তনু রইল অপরাজ্যে। একশ আট, নট আউট। উদ্বেল জনতার উগ্ৰস্ত অভিনন্দনের হাত থেকে বাঁচিয়ে তাকে প্যাভিলিয়নে নিয়ে যেতে পুলিশ ও হোমগার্ডের ব্যূহ রচনার প্রয়োজন হলো।

করমর্দন, আলিঙ্গন, সাধুবাদ ও জয়ধ্বনির আর বুঝি শেষ নেই। সিটি ইয়ঙ্গস বিরোধী দল। রেকর্ড সৃষ্টির গৌরব থেকে শান্তনু তাদের বঞ্চিত করেছে, ওষ্ঠাধর থেকে কেড়ে নিয়েছে বিজয়ের উদ্যত পেয়ালা। তাদের সভাপতি ও বিশিষ্ট সদস্যেরাও শান্তনুর কাছে এসে সুখ্যাতি জানানেন। অকপটে স্বীকার করলেন এমন অসাধারণ ক্রীড়া কৌশল আগে তাঁরা কখনও দেখেননি। সত্যি, শান্তনু এর আগেও একাধিকবার একশ'র উপরে রান করেছে, কিন্তু আজকের সেঞ্চুরী মহত্তম।

সবচেয়ে গর্বিত ও উৎফুল্ল ব্যক্তি মধুদা। তাঁর প্রস্তাবে ব্লু ডায়মন্ডস তক্ষুণি একটি বিশেষ ঘরোয়া সংবর্ধনা সভার আয়োজন করল।

ক্লাবের সভাপতি শান্তনুর গলায় মালা পরিয়ে দিলেন। সভাপতির স্ত্রী অতি বয়স্কা; শান্তনুর মাতৃহীনীয়া। তিনি খান দুর্বা দিয়ে আশীর্বাদ জানানলেন। অন্যান্য সদস্য একের পর এক বক্তৃতায়

প্রশংসার বন্যা বইয়ে দিলেন।

মঞ্চের উপরে মাঝখানে শান্তনুর আসন। তার দু'পাশে ক্লাবের কর্মকর্তাগণ, সম্পাদক, মধুদা ও আরও গণ্যমান্য সদস্য। নীচে সম্মুখের সারিতে বসেছেন বিশিষ্ট ব্যক্তির। একটি অংশে লেবেলে আঁটা রয়েছে 'প্রেস'। সেটা সংবাদপত্রের প্রতিনিধিদের জন্য সংরক্ষিত। সেখানে বিশ্ববার্তার অনিল নন্দীকে দেখা গেল।

ফটোগ্রাফারের দল 'ফ্ল্যাশ' জ্বলে ছবি তুলছে। কে একটি মুভী-ক্যামেরাও এদিকে ওদিকে নিশানা করছে। এমন বিপুল সম্মান, সমাদর, এত অজস্র গুণকীর্তন। এতে কে না খুশি হয়? কিন্তু শান্তনুর মনে এ কিসের আলোড়ন? একী সুখের আবেশ? না, ব্যথার অসাড়তা? সে নিজেই জানে না।

সব শেষে টীমের সহ খেলোয়াড়দের পক্ষ থেকে অভিনন্দন জানাতে উঠল ক্যাপ্টেন। শান্তনুর ক্রীড়া নৈপুণ্যের প্রচুর সুখ্যাতি করে বলল, অধিনায়ক হিসাবে সে নিজে সর্বদাই শান্তনুর সুদীর্ঘ অভিজ্ঞতা ও পরামর্শের উপরে নির্ভর করে। শান্তনুই যে দলের স্তম্ভস্বরূপ সে কথাটাই সে নানা ভাবে ব্যক্ত করতে লাগল।

শান্তনুর হ'ল কী? তার কানের ভিতরটা ঝাঁ ঝাঁ করছে কেন? অসহ্য গরম লাগছে কেন? পাখাটা কি ঘুরছে না?

শান্তনু নিজের আশে-পাশে তাকিয়ে দেখল। প্যাভিলিয়নে অতিথি অভ্যাগত ও ক্রীড়ামোদীদের ভীড়, তিল ধারণের জায়গা নেই। বহু পরিচিত মুখ। অদূরে মধুদা বসে আছেন ক্লাবের কর্মকর্তাদের মধ্যে। তাঁর মুখ গভীর আত্মপ্রসাদের হাসিতে উজ্জ্বল, বাংসল্যের দ্যুতিতে প্রশাস্ত।

ক্যাপ্টেনের ভাষণ তখনও শেষ হয়নি। হঠাৎ শান্তনু স্প্রিং-এর মতো চেয়ার থেকে লাফিয়ে উঠল। নিজের গলার মালাটা টান মেরে-ছিড়ে ছুঁড়ে ফেলে দিল মেজেতে। ঝাঁপিয়ে পড়ল মধুদার সামনে। তাঁর গালে ঠাস করে একটা চড় কষিয়ে দিয়ে ঝড়ের বেগে সভা থেকে দৌড়ে বাইরে চলে গেল।

ঘটনাটা যেমন অপ্রত্যাশিত তেমনি অতর্কিত। এক নিমেষে কোথায় কী যেন গুলিয়ে গেল। বলের আঘাতে শান্তনুর মাথার ভিতরে রক্তক্ষরণ হচ্ছে না তো? তারই ফলে কী তার সাময়িক মস্তিষ্ক বিকার? কে জানে?

সরীসৃপ

নিউহাভেন থেকে ডিয়েপ। ব্রিটেন থেকে ফ্রান্সে আগমন ও-নির্গমনের পথ। পথ অর্থে জলপথ। জাহাজে পারাপারের ব্যবস্থা। সে-জাহাজ পি-এ্যান্ড-ও অথবা লয়েড ট্রিস্টীনের লাইনার নয়, তার পকেট সংস্করণ। শেভ ইম্পালার কাছে যেমন বেবী অস্টিন, ইভিনিং গাউনের পাশে যেমন মিনি স্কার্ট।

শুধু আকারে ছোট নয়, আরাম আয়েশের আয়োজনও অল্প। আসনের চাইতে আরোহীর সংখ্যা সব সময়েই বেশী। তাই হাওড়া থেকে ব্যান্ডেল বা শিয়ালদা' থেকে সোনারপুরের লোকাল ট্রেনের মতো বেশীর ভাগ যাত্রীর পক্ষে দাঁড়িয়ে থাকটাই নিয়ম, বসটা নিপাতন।

স্কুলপাঠা ম্যাপের বই-এ ইংলিশ চ্যানেলকে দেখায় এতটুকু। প্রশান্ত বা ভূমধ্যসাগরের পাশে গোপদতুল্য। কিন্তু আকাশ যেদিন মেঘমেদুর এবং বাতাস যখন খরবেগ তখন এই ক্ষুদ্রে সমুদ্রের প্রতাপও দোঁদগু। ছোট ছোট জাহাজগুলিকে প্রায় টুইস্ট নাচন নাচিয়ে ছাড়ে।

আমি পুরোপুরি শহুরে জীব। শ্যামবাজারের ছোট গলিতে জন্ম, হাতিবাগানে বাস। ট্রামে চেপে স্কুলে গিয়েছি, ট্রেনে চেপে গিরিডি বা দেওঘর। কলতলায় চৌবাচ্চার বাইরে জলাশয় বলতে জেনেছি হেদো, গোলদীঘি কিংবা বালিগঞ্জের লেক। ব্যালার্ডপীয়ারে জাহাজে পা দিয়ে প্রথম উপলব্ধি কবলেম, পৃথিবীর তিনভাগ জল একভাগ স্থল। ভূগোলে নেহাৎ মিথ্যা লেখনি।

বোম্বে থেকে এডেন বন্দরের দূরত্ব বেশী নয়। কিন্তু সেখানে সৌছুবার আগেই টের পেয়েছি প্রাচীন শাস্ত্রকারেরা যে সমুদ্রযাত্রা নিষিদ্ধ করেছিলেন সেটা অকারণে নয়। মুনিষ্মিরা যোগসিদ্ধ পুরুষ, তাঁদের অসাধ্য কিছু নেই। এক চুমুকে সমুদ্র শুধে নিতে পারতেন, শুনেছি। কিন্তু সমুদ্র-পীড়া ঠেকাতে পারতেন এমন কথা শুনিনি। আয়ুর্বেদে বহু ওষুধ এবং অনেক অনুপান আছে; সী-সিকনেসেব প্রতিষেধক নেই।

মোট কথা, স্বীকার করতে লজ্জা নেই যে, জাহাজে চাপলেই আমার মাথা ঘোরে, গা শুলোয় এবং উদরস্থ সমুদয় তরল এবং অতরল পদার্থ একযোগে দ্রুতবেগে ঘন ঘন উর্ধ্বমুখী হয়ে ওঠে। এসব জেনে শুনেও কেন যে যুরোপেব পথে জাহাজের টিকেট কিনেছি সে প্রশ্নের উত্তর নিশ্চয়ই বিলাতের মধ্যবিত্ত ভারতীয়-ছাত্রদের অজানা নয়। দেশ থেকে বাবা মাসে মাসে যে-টাকা পাঠান তা দিয়ে কলেজের মাইনে ও ল্যান্ডলেডীর সাপ্তাহিক বিল চুকিয়ে অবশিষ্ট সামান্যই থাকে। সে অঙ্কটা ভদ্র সমাজে উল্লেখযোগ্য নয়। চার বছর লন্ডনে কাটিয়ে একথাটা ভালো করেই বুঝেছি যে, তরুণ বয়সে সাধ এবং সাধের মাঝখানে আছে এক বিরাট গহ্বর। যে-পরিমাণ ট্র্যাভেলার্স চেক দিয়ে তা পূর্ণ করা যায় সাধারণ গৃহস্থ ঘরের ভারতীয় ছাত্রের কাছে সেটা সহজলভ্য নয়।

অর্থনীতির এসব দুরূহ তত্ত্বচিন্তায় রাখা পড়ল। পুরুষকণ্ঠের প্রশ্ন কানে এল,—“কেয়ার ফর এ স্ন্যাক?”

এতক্ষণ জাহাজের রেলিং-এ ভর দিয়ে তরঙ্গসঙ্কুল সমুদ্রের পানে তাকিয়েছিলাম। চোখ ফিরিয়ে দেখি, পাশে দীর্ঘায়ত এক পুরুষ। মাথায় প্রায় ছ'ফুট। বিশাল দুই বাহু, বলিষ্ঠ গড়ন। কাঁচায়পাকায় বেশানো পুরু একজোড়া গৌফ, তার উদ্ধত প্রান্ত-দুটিতে বেপরোয়া ভাব। মনে হয় যৌবনে অনায়াসেই সার্কাসের দলে বা বক্সিং রিং-এ পসার জমাতে পারতেন। পরিধানে ওরস্টেডের থ্রে ব্যাগস্ গায়ে হ্যারিস্ টুইডের জ্যাকেট। উচ্চারণ শুনে সংশয়ের অবকাশ থাকে না—ভদ্রলোক ইংরেজ।

ব্যাপারটা অপ্রত্যাশিত। অভিনবও বটে। যুদ্ধোত্তর যুরোপে পরিচিত ব্যক্তিকেও সিগারেট 'অফার' করার রীতিটা উঠে গেছে। চেনা শোনা দূরে থাক, আগে যাকে চোখে দেখেছি বলেও স্মরণ হয় না তিনি ফস্ করে সিগারেটের কেস্ এগিয়ে দিয়ে বলছেন, “আসুন ধূমপানে আন্বা হোক।” এমন অমায়িকতা কল্পনা করা কঠিন।

“নো থ্যাঙ্কস। আমি ধূমপায়ী নই।” সবিনয়ে প্রত্যাখ্যান করলেম।

ভদ্রলোক নিজে একটি সিগারেট ধরিয়ে ধীরে ধীরে ধোয়ার কুণ্ডলী ছাড়লেন। তারপর কিছুটা স্বগতোক্তি মতো মৃদু কণ্ঠে মন্তব্য করলেন, “ইন্ডিয়ান ইয়োগী আই সাপোজ?”

প্রশ্নকর্তার গলার স্বরে এবং চোখের কোণে পরিহাসের আভাসটুকু আমার দৃষ্টি এড়াল না। অন্য সময়ে একটা উপযুক্ত রূঢ় জবাবও দিতাম। কিন্তু কিছুটা বিস্ময় কিছুটা কৌতূহলের বশেই হাস্যতরল কণ্ঠ বললাম, “ভারতীয় বটে, তবে যোগী সন্ন্যাসী নই। হাত গুণে আপনার ভূত ভবিষ্যৎ বলতে পারব না।”

ভদ্রলোক দমবার পাত্র নন। “কুড়ি বাইশ বছরের সুস্থ সবল বৌছেলে, সিগারেট ধরেনি, যোগী নয়তো কী? ওতে তো এখন মেয়েরাও অভ্যস্ত।” বলে হাসতে লাগলেন।

বোঝা গেল, ভদ্রলোক সরল স্বভাব। ঠাট্টা করাই উদ্দেশ্য, আঘাত করা নয়। সুতরাং আমার মনেও আর বিরূপতার লেশ রইল না। সহাস্যে জবাব দিলেম, “সে-কারণেই ছেলেদের পক্ষে এখন ওটা বর্জনীয়। ফ্লারটিং এবং অর্কিডের মতো সিগারেটটাও এখন মেয়েদের জন্যই তোলা থাক। আমরা আধুনিক তরুণেরা তাতে ভাগ বসাতে চাইনে।”

উচ্চস্বাস্যে ফেটে পড়লেন ভদ্রলোক। বললেন, “সাবাশ। একেই তো বলে পৌরুষ। সত্যি বলতে কি, আমি নিজেও পাইপের ভক্ত; সিগারেট চলে শুধু কালে ভদ্রে। বিশেষত বিদেশে বিড়ুইএ। পকেটে রাখা সহজ, পথে-ঘাটে পেতেও কষ্ট নেই।”

একটু থেমে আবার প্রশ্ন করলেন, “যুনিভাসিটির ছুটিতে কন্টিনেন্টে বেড়াতে যাচ্ছ?”

“হ্যাঁ, তবে আমার দৌড় ফ্রান্স অবধি। বিদেশ-বাসের দিন ফুরিয়ে আসছে। তাই দেশে ফেরার আগে একবার অন্তত প্যারিসটা দেখে নিতে চাই।” আমি জবাব দিলেম।

“দেশে মানে বেঙ্গল তো? তোমাদের স্বাধীন ভারতের সংবিধানে যার নাম হয়েছে পশ্চিমবঙ্গ?”

বিস্মিত কণ্ঠে পাশটা প্রশ্ন করলেম, “আমি যে বাঙালী, চিনলেন কেমন করে? কপালে তো কিছু ছাপ মারা নেই।”

মুদু হেসে উত্তর দিলেন, “মাথায় বড়, বহরে ছোট বাঙালী সম্ভান। চেহারা ও চলন-বলন দেখে যদি না চিনতে পারব তবে বৃথাই কাল কাটিয়েছি সেখানে।”

এতক্ষণে ব্যাপারটা বোঝা গেল। ইংরেজ স্বভাবতই অমিশুক, যার ইংরেজী নাম ইনসুলার। কেউ যথারীতি পরিচয় করিয়ে না দিলে গায়ে পড়ে কথা বলার পাত্র সে নয়, ভাব করা দূরে থাক। কিন্তু সুয়েজ পার হলেই তার মানসিক, জাতিচ্যুতি ঘটে। এ্যাংলোইন্ডিয়ান বলতে ভারতবর্ষে আমরা জানি বর্নসংকর একটা বিশেষ সম্প্রদায়। বৃটেনে ভারতপ্রত্যাগত ইংরেজ মাত্রেরই ঐ পরিচয়। আচার, আচরণ, রুচি ও মনোভাবে তারা পৃথক। স্বজাতির সঙ্গে অনেক বিষয়েই তাদের সাদৃশ্য নেই। তাদের পক্ষে বিদেশীর সঙ্গে আলাপ জমানোর চেষ্টাটা অভাবনীয় নয়।

আশ্চর্য হয়ে জিজ্ঞাসা বললেম, “বাংলা দেশে ছিলেন বুঝি? তাই বলুন। কোথায় ছিলেন? কতদিন?”

“কোথায় ছিলাম তা না বলে কোথায় ছিলাম না বলা সহজ। রংপুরের গ্রামে ক্যাম্প থেকে স্টেটলমেন্টের জরিপ করেছে। ঝাঁকুড়ায় দুর্ভিক্ষের প্রতিরোধ, বাখরগঞ্জ বন্যাত্রাণ। মৈমনসিং-এ হিন্দু-মুসলমান দাঙ্গা আর হুগলীতে চটকল ধর্মঘটের ফলে না ঘুমিয়ে রাত কাটিয়েছি কতদিন। কলকাতার ময়দানে খেলেছি রাগার, ইডেন গার্ডেনে ক্রিকেট। তখন বাংলাদেশ দু’ভাগ হয়নি। সে-সময়ে কলকাতা থেকে কুষ্টিয়া যেতে ভিসা লাগত না।” বলে হাসতে লাগলেন ভদ্রলোক।

“আপনি কি...”, প্রশ্নটা শেষ করার আগেই ভদ্রলোক উত্তর দিলেন, “ঠিকই আঁচ করেছে। সাবডিভিসন্যাল অফিসার হয়ে শুরু, রেভিনিউ বোর্ডের মেম্বর হয়ে শেষ। তার আগে অবশ্য চার বছর কেটেছিল নথ-ওয়েস্ট ফ্রন্টিয়ারে।”

অবসরপ্রাপ্ত ইংরেজ রাজপুরুষের প্রতি আমার মনে একটা গভীর বিতৃষ্ণা আছে। সেটা তাঁদের অতীত শাসনের কথা মনে করে নয়। তাঁদের বর্তমান প্রচ্ছন্ন পিঠচাপড়ানো মনোভাব—ইংরেজীতে যাকে বলে পেট্রোইজিং এ্যাটিচুড—এর জন্য। এদেশে ভারতীয় কারো সঙ্গে আলাপ হলেই তাঁরা বলতে শুরু করেন, নেহরু একজন গ্রেটম্যান, ভারতবর্ষের উন্নতি দেখে তাঁরা অভিভূত, কিংবা ঐ ধরনের মুকুর্বি চালের ছককাখা নানাবিধ মিথ্যা স্তুতি যা শুনলেই গা জ্বালা করে।

“এককিউজ মী” বলে আলাপ আলোচনায় সমাপ্তি ঘটায় জাহাজের অন্য প্রান্তে চলে যাব ভাবছিলাম। কিন্তু জানি, চূপচাপ দাঁড়িয়ে শুয়ে বসে থাকলেই সী-সিকনেসটা জাঁকিয়ে বসে। বরং কথাবার্তায় সময় কাটালে অনেক উপশম ঘটে। সুতরাং কথার জের টেনে বললাম, “আপনার কর্মক্ষেত্রের পরিধিটা তো বড় কম ছিল না। আদিত্তে নর্থ-ওয়েস্ট অন্তে নর্থ-ইস্ট। দশের পশ্চিম সীমান্ত থেকে একেবারে পূর্ব প্রান্তে।”

“তুু আয়তনেই অসাধারণ নয়, অভিজ্ঞতায়ও। ফ্রন্টিয়ার প্রাভলের অংশটুকু তো রোমাঞ্চকর। শুনবে সে কাহিনী?”

প্রশ্নটা নির্ভাঙ্কই অনাবশ্যক। তিনি যে আমার সম্মতির অপেক্ষা রাখেন এমন মনে হল না। কিন্তু নিজের হাত-ঘড়িটার উপর চোখ পড়তেই বললেন, “ইস্, দেড়টা বেজে গেছে দেখছি। তোমার খাওয়া হয়েছে কি? তা হলে চল, লেটস্ গো ফর এ বাইট।”

আমি ইতস্ততঃ করছি দেখে তাড়াতাড়ি নিজেকে শুধরে নিলেন। বললেন, “না, না, আমি কি ডাইনিং সেলুনে এক গিনির লাঞ্চ খাওয়ার কথা বলছি? পাগল? পেশনের টাকায় ও সব বাবুগিরি চলে কখনও? চা কিংবা কফির সঙ্গে যা হোক সামান্য কিছু জুটলেই খুশি।”

মনে মনে ভদ্রলোকের তীক্ষ্ণবুদ্ধির প্রশংসা করলাম। আমি না বললেও আমার পকেটের বিশীর্ণ অবস্থাটা সঠিক অনুমান করেছেন। পাছে আমার পক্ষে কুঠার কোন কারণ ঘটে সে জন্য নিজের কল্পিত অর্থকষ্টের সোহাই দিয়ে আমার দৈন্যকে ঢেকে দিয়েছেন। তাঁকে ধন্যবাদ।

ভাগ্য ভালো, জাহাজে স্ন্যাক-বারে এক কোণে কয়েকটা চেয়ার খালি ছিল। দু’পেয়লা কফি ও কয়েকটা স্যান্ডউইচ নিয়ে দু’জনে তারই দুটো দখল করলাম। মুখোমুখি বসে শোনা গেল ভূতপূর্ব ইংরেজ শাসকের অভূতপূর্ব অভিজ্ঞতার ইতিহাস,—মিস্টার জন পার্সিভেল ফেয়ারওয়েদার, সি-আই-ই, আই-সি-এস (মিটিয়ার্ড)-এর অলিখিত অটোবায়োগ্রাফী।

ফেয়ারওয়েদারের বংশে কোঁন এক পূর্বপুরুষ ছিলেন জাতিতে আইরিশ। বোধ হয় সিনফিনদের রক্তের ধারা ছিল তাঁর ধমনীতে। ছোটবেলা থেকেই দুঃসাহসিকতায় তাঁর আগ্রহ, দুর্গম ও দুঃসাধ্যের প্রতি আকর্ষণ। মনে পড়ে, স্কুলের সামনের রাস্তায় একদিন একটা ল্যাণ্ডো গাড়ির ঘোড়া ক্ষেপে গিয়ে এলোপাতাড়ি ছুটছিল। কোচোয়ান ছিটকে পড়ে গিয়েছিল পথের একপাশে। গাড়ির ভিতরে ভীতসন্ত্রস্ত গুটিতিনেক অসহায় মহিলা আর্ভঙ্ঘরে চিৎকার করছে। পথচারীরা হতবুদ্ধি—সেই যে সাধুভাষায় লেখা বাংলা রচনায় বলে কিংকর্তব্যবিমূঢ়।

বালক ফেয়ারওয়েদার ক্লাসে একটা কাঠের কলার দিয়ে খাতায় লাইন টানছিল। মুহূর্তের মধ্যে পর্থে লাফিয়ে পড়ে ঘোড়টার সামনে হাতের কলার উচিয়ে দাঁড়াল। চারদিক থেকে “গেল, গেল” শব্দিত রব উঠল;—একুণি উন্নত ঘোড়ার পায়ের তলায় পিষে ঠুঙো হয়ে যাবে এক রঙি ছেলেটা।

একী আশ্চর্য ঘটনা। মাস্টার, সহপাঠী, পথের লোকজন সবাই দেখে অবাক, ঘোড়াটা আচমকা বাধা পেয়ে থমকে দাঁড়িয়ে গেছে।

বড় হয়ে কলেজ জীবনে বাজি রেখে হোস্টেলের ছাদ থেকে লাফিয়েছেন। পাড়ার গুহার দলকে হকী সীক দিয়ে ঠেসিয়ে শায়েস্তা করেছেন। আজও কপালে, বাহুতে একাধিক কাটার দাগে আছে যৌবনের সে-সব অসমসাহসিক কীর্তকলাপের অলুপ্ত স্বাক্ষর। বন্ধুরা ঠাট্টা করে বলত, তাঁর ফেয়ারওয়েদার নামটায় প্রপার নাউনের প্রপার প্রয়োগ হয়নি। বাস্তবিক, তাঁকে যারা ভালো করে জানেন, ডেয়ারডেভিল কথাটার মানে বুঝতে তাঁদের কষ্ট হয় না।

পরীক্ষার প্রতিযোগিতায় তাঁর নাম তালিকার অনেক উঁচুতে ছিল। অনায়াসেই হোম মিডিল সার্ভিসে যোগ দিয়ে স্বদেশে নির্বাঞ্ছিত জীবন কাটাতে পারতেন। কিন্তু স্বেচ্ছায় বেছে নিলেন ভারত সরকারের চাকরি। ফ্রন্টিয়ার ক্যাডারে। সেখানে না আছে বাংলা, বোম্বাই, মাদ্রাজ প্রেসিডেন্সী শহরের মতো কোন প্রবাসী বেসরকারী ব্রিটিশ সম্প্রদায় বা সমাজ। না পাওয়া যায় যুরোপীয় জীবনযাত্রার যথেষ্ট উপকরণ। স্থানীয় জনসাধারণও একটু বিশেষ ধরনের। তারা আবেদন নিবেদনে অভ্যস্ত নয়, হরতাল, পিকেটিং-এর ধার ধারে না। কথায় কথায় খুনোখুনি, রক্তাবক্ষি ঘটে। কলম চালনার চেয়ে গুলীচালনায় তাদের পারদর্শিতা বেশী।

সীমান্ত প্রদেশের শাসনব্যবস্থার সঙ্গে ব্রিটিশ ভারতের অন্যান্য স্থানের শাসন পদ্ধতিরও মিল নেই। প্রদেশের যে অংশটার নাম 'বিশ্ববন্ধ এলাকা' 'সেটেলড ডিস্ট্রিক্টস' সেখানকার আইন কানুন যদি বা মোটামুটি একই রকম, হিন্দুকুশ পর্বতের গা ঘেঁষে আফগানিস্থানের সীমানা অবধি যে উপজাতীয় অঞ্চল তার ব্যবস্থা আলাদা। ইন্ডিয়ান পিনাল কোডের ধারা সেখানে সামান্যই পৌঁছয়। সংক্ষেপে, কখনও কামান কখনও বা কাঞ্চন—এ দুই বস্তুর উপরে নির্ভর করে সেখানকার রাজ্যশাসন চালাতে হয়।

যে-বছর ফেয়ারওয়াদের পেশোয়ারে তাঁর কাজে যোগ দিলেন তার কিছুদিন আগে থেকেই উপজাতীয় একটা বিদ্রোহী দলের সঙ্গে গভর্নমেন্টের সংঘর্ষ চলছিল। এ কিছু অভাবিত ঘটনা নয়। যদিও কাগজেকলমে ব্রিটিশ শাসনের বিস্তৃতি ডুরান্ড লাইন পর্যন্ত স্বীকৃত, সীমান্তের উপজাতীয়েরা গভর্নমেন্টের প্রভুত্ব সম্পূর্ণ মনে নেয়নি। সুযোগ পেলেই মাথা চাড়া দিয়ে ওঠে। মাঝে মাঝেই এখানে ওখানে ছোট বড় সংঘর্ষ বেধে যায়। কয়েকদিন গুলী-গোলা অথবা টাকা অথবা উভয় বৃষ্টির পর আবার থেমেও যায়। গোড়াতে বর্তমান বিদ্রোহকেও মনে হয়েছিল ঐ-জাতীয় একটা সাময়িক উৎপাত। কিন্তু সে-ভুল ভাঙ্গতে দেবী হলো না। ক্রমশঃই ব্যাপারটা ঘোরাল হয়ে উঠল।

বিদ্রোহী দলের মালেক অর্থাৎ প্রধানকে সবাই বলে সুপীনের ফকির। রবীনছড়, আনন্দমঠ ও নানাসাহেবের কাহিনী একসঙ্গে জুড়লে যা পাওয়া যায় সুপীনের ফকীর তাই। লোকটা দীনদরিদ্রের বন্ধু, ধর্মপরায়ণ, ব্রিটিশবিদ্বেষী অথচ খুন, লুণ্ঠরাজ ও যুদ্ধবিগ্রহে তার জুড়ি নেই। তার সংগঠন ক্ষমতা অসাধারণ। বিস্তীর্ণ এলাকা নিয়ে একটা ছোট স্বাধীন রাজ্য গড়ে তুলেছে বললেই হয়। সেখানে তার ঠিকমে অধিবাসীরা ওঠে বসে, তার ফরমানে অপরায়ীদের বিচার হয়, জম্মার জমায়েতে তার ওয়াজ শুনতে হাজার লোকের ভীড় জমে। দু'দিকে উঁচু পাহাড়ের মাঝখানে সঙ্গীর্ণ গিরিপথ দিয়ে ডাকা থেকে পেশোয়ারের মধ্যে যে ব্যবসায়ীরা সওদা নিয়ে আসা-যাওয়া করে তারা কেউ সুপীনের ফকিরকে সেলাম এবং সেলামী না দিয়ে পার পায় না।

বিদ্রোহীদের শাস্তি দিতে বাহা একদল খাসাদার সঙ্গে নিয়ে এক ব্রিগেডিয়ার রওনা হয়েছিলেন সুপীনের দিকে। মাঝপথে পাহাড়ের আড়াল থেকে অতর্কিতে সদলে হানা দিল ফকীর। ব্রিগেডিয়ার আর তার খাসাদার বাহিনীর খবর পৌঁছে দেবে গভর্নমেন্টের কাছে এমন কারো চিহ্ন রইল না কোনোখানে।

দ্বিতীয় অভিযানের যিনি নায়ক তিনি সৈন্য সামন্ত নিয়ে লক্ষ্যস্থলে যদিবা পৌঁছলেন যুদ্ধ করার সময় পেলেন না। জীরগার সভা ডেকেছিলেন। হুজুরার চত্বরে ঘোড়ার পিঠে থেকে নামার সময় অলক্ষিতে গুলী এসে বিধল তাঁর কপালে। ডাক্তার বন্দি ডাকার ফুরসৎ ছিল না।

অবশেষে বিদ্রোহ দমনের ভার নিয়ে এলেন প্রবীণ ও সুদক্ষ শাসক লেনসট হুইলার। যৌবনে অনেক দিন সীমান্ত প্রদেশে কাজ করেছেন। উপজাতীয়দের নাড়ী-নক্ষত্র তাঁর নখদর্পণে। রণনীতির চাইতে কূটনীতিতে তাঁর বেশী বিশ্বাস। কিছুদিনের মধ্যেই বিদ্রোহীদের দলে বিভেদ সৃষ্টি করলেন। সুপীনের ফকিরের এক প্রতিদ্বন্দ্বী খাড়া করে দিলেন।

গভর্নমেন্ট স্বস্তির নিঃশ্বাস ফেললেন। পলিটিক্যাল ডিপার্টমেন্টে তাঁর উঁচু প্রমোশন যখন প্রায় পাকা হয়ে এসেছে তখন এক গভীর নিশীথে ল্যান্ড-কোটালে নিজের শয়নকক্ষে লেনসট নিহত হলেন। বাইরে সশস্ত্র প্রহরী, দরজা জানালা ভিতর থেকে বন্ধ। আত্মহত্যা নয় তো? বিছানার পাশে একটা নীল রুমাল পাওয়া গেল। হত্যাকারী কারা সে সম্পর্কে আর সন্দেহ রইল না। সেটা ফকীরের সীলমোহর।

দিল্লীতে সপরিষদ ভাইসরয় চিন্তিত, লন্ডনে হোয়াইট-হল বিচলিত। এ সঙ্কটময় সময়ে পলিটিক্যাল ডিপার্টমেন্টে একখানা দরখাস্ত পৌঁছল। আপনি যেচে সুপীনের বিদ্রোহ দমনের ভার নিতে চায় এক তরুণ আই-সি-এস। দরখাস্তের সঙ্গে সীমান্ত প্রদেশের চীফ কমিশনারের মন্তব্য,—“ছোকরা সাভিসে সদ্য ঢুকেছে। সীমান্ত অঞ্চলের কোনো অভিজ্ঞতা নেই। তবে সাহস আছে বটে।”

বড় কর্তারা হাপ ছেড়ে বাঁচলেন। পর পব তিনজন আফসার যেখানে খুন হয়েছে সেখানে

আপাতত কাউকে পাঠাতে পারলেই হয়। অভিজ্ঞতা ? সে পরে হবে। তাঁরা অবিলম্বে পোস্টিং আর্ডার পাঠালেন।

ল্যান্ডিকোটালে লেনসেটের চেয়ারে বসেই ফেয়ারওয়েদার বৃকতে পারলেন, উপজাতীয়দের ভাষা না জানলে তাদের সঙ্গে মিত্রতা বা বৈরিতা কোনোটিই সম্ভব নয়। অনেক সন্ধানে একজন মুনশী পাওয়া গেল। মানুষটি বয়সে প্রবীণ, বুদ্ধিতেও বিচক্ষণ। ছাউনি ও কোম্পার সাহেবদের স্থানীয় ভাষা শেখাতেন, এখন অবসর নিয়েছেন। তিনি প্রত্যহ বাড়ি এসে পশু শেখাতে রাজী হলেন।

ছাত্রের শিখবার আগ্রহ দেখে মুনশীর উৎসাহ বাড়ল। শিক্ষকতা তাঁর পেশা ; কিন্তু তিনি পেশাদারী নন। তাঁর আন্তরিকতায় ফেয়ারওয়েদারের মনে শ্রদ্ধা দেখা দিল।

একদিন মুনশী জিজ্ঞাসা করলেন, “হজুর একা মানুষ, ঘরে মেমসাহেব নেই। আশা করি খানসামা, খিদমদগার, বেয়ারা, বাবুচাঁরা সব কাবল-ই এতমাদ, বিশ্বাসযোগ্য ?”

ফেয়ারওয়েদার অবাক হলেন। পাঠ নেওয়ার ফাঁকে ফাঁকে কখনও কখনও তিনি মুনশীর সঙ্গে ফসল, আবহাওয়া, তন্দুর ইত্যাদি ঘরোয়া বিষয় নিয়ে আলোচনা করেছেন। লক্ষ করেছেন, বৃদ্ধ প্রতিটি প্রশ্নের স্পষ্ট জবাব দেন, নিজে কোন প্রসঙ্গ তোলেন না।

“হঠাৎ এ প্রশ্ন কেন ?” ফেয়ারওয়েদার জিজ্ঞাসা করলেন।

“বিশেষ কোনো কারণে নয়, একটা পশু প্রবাদ মনে এল,—“ঢোলক এবং নৌকর” দুই-ই আগে বাড়িয়ে নিতে হয়।” মুনশী বললেন।

“আমার চাকর বলতে দু’জন। বাবুচাঁ ডিসুজা গোয়ানীজ। পেশোয়ারে আমার চাকরিতে ঢুকেছিল। সেই থেকে আছে। দ্বিতীয় দীন মহম্মদ। সে তো দুষ্কপোষ্য শিশু বললেই চলে। ছেলেটার বাপ-মা আত্মীয়স্বজন বলতে কেউ কোথাও নেই শুনেছি,” ফেয়ারওয়েদার জানালেন।

মুনশী বললেন, “গরীবের প্রতি হজুরের জারবান্ডিয়াজি সবাই জানে।”

ফেয়ারওয়েদার হেসে জিজ্ঞাসা করলেন, “সে-বিষয়ে পশুতে কোনো প্রবাদ আছে কি ?”

মুনশীও হাসলেন। জবাব দিলেন, “আছে। প্রবাদে বলে, পথে কুড়িয়ে পাওয়া বদনায় জল ধরে না, তাতে ফুটো থাকে।”

ফেয়ারওয়েদার ইঙ্গিতটা বুঝলেন। মুখে কিছুই বললেন না। মনে মনে ভাবলেন, বেচারী দীন মহম্মদ। ডিসুজা তো তার পিছনে লেগেই আছে। অহর্নিশ কেবলই নালিশ। সে কী করেছে বা কী করেনি তারই সর্বিভারিত ফর্দ। দেখা যাচ্ছে বৃদ্ধ মুনশী সাহেবও তার প্রতি প্রসন্ন নন। দীন মহম্মদকে ফেয়ারওয়েদারের খুবই পছন্দ হয়েছে। ছোকরার বয়স অল্প, বারো কিংবা তেরো বছর হবে। ঐটুকু বয়সেই সে কাজে ও বুদ্ধিতে অত্যন্ত হুঁশিয়ার। ডিসুজা রান্নাবান্নার কাজটা ভালোই করে, কিন্তু তার মগজে কিছু নেই। আজ পর্যন্তও হাসাগ-ল্যাম্পটা ঠিকমতো জ্বালাতে শেখেনি। দীন মহম্মদ দু’দিনেই তা রপ্ত করেছে। মনিব কখন কোথায় যেতে কোন জামা কাপড় পরবেন, কোন জিনিস সঙ্গে নেবেন সব তার জানা হয়ে গেছে। সাহেবের আপিসে ফাইল, আলমারির বই, কলম, পেন্সিল সে সাজিয়ে গুছিয়ে রাখে। ঘুম ভাঙলেই চায়ের পেয়ালা, বাড়ি ফিরলেই বিয়ারের মগটি কাছে এগিয়ে ধরে। ফেয়ারওয়েদার বলেন, দীন মহম্মদ তাঁর মাই ম্যান জীভস।

দীন মহম্মদের সব চেয়ে বেশি যত্ন ও মনোযোগ মনিবের মোটর বাইকটার প্রতি। ল্যান্ডিকোটালে জিনিসটা তখন নতুন। ফেয়ারওয়েদার যখন মোটরবাইক চেপে আপিসে যান তখন রাস্তার শুধু ছেলের দল নয়, বয়স্ক লোকেরাও বিস্ময়ে কৌতূহলে তাকিয়ে থাকে।

দীন মহম্মদ মোটর-বাইকটাকে দিনে বার বার করে ঝাড়ে, মোছে, পালিশ করে। সাহেব বেরোবার আগে দরজার কাছে এনে ধরে দাঁড়িয়ে থাকে। বাড়ি ফিরলে তাঁর হাত থেকে নিয়ে ঘরে তুলে রাখে। কোনো কোনো দিন ফেয়ারওয়েদার তাঁর আপিসের আদালীর বদলে দীন মহম্মদকে মোটর বাইকের পিছনে পিলিয়নে বসিয়ে বাজারে বা দপ্তরে নিয়ে যান। হর্বে, গর্বে ও উত্তেজনায় সে-দিন তার মেন মাটিতে আর পা পড়ে না।

মুন্সিল এই যে, ডিসুজার আপত্তি ঠিক ঐখানে। দীন মহম্মদ যে মোটর বাইকের তদারকি করে

এটা তার মোটেই মনঃপূত নয়। সুযোগ পেলেই সে তার অসন্তুষ্টি প্রকাশ করে। সাহেব যে ঐ পুঁচকে ছোঁড়াটাকে ফটফটিয়ায় হাত দিতে দিচ্ছেন তার ফল ভালো হবে না। হতভাগা একদিন জিনিসটা ভেঙেচুরে রাখবে। এখন যেন কেউ তাকে অর্থাৎ ডিসুজাকে দোষ না দেয় যে, সে আগেভাগে সাবধান করেনি।

ডিসুজার মনোভাবটা বোঝা যায়। সে সাহেবের পেশোয়ারের আমলের ভৃত্য। সাহেবের জিনিসপত্রের উপরে কর্তৃত্ব তো তারই। অন্য আর কেউ, বিশেষ করে এই ক্ষুদ্র বালক যে তাতে ভাগ বসায় সে তার ইচ্ছা নয়। ফেয়ারওয়েদার মনে মনে হাসেন।

যে-কাজে তাঁর পূর্ববর্তীরা ব্যর্থ হয়েছিলেন, সে কাজে ফেয়ারওয়েদার অসাধারণ কৃতিত্ব দেখালেন। দমননীতি সফল হয় না? সে-কথা বলে শুধু তারা সে-নীতি চূড়ান্তভাবে প্রয়োগ করার হিম্মত নেই যাদের। ফেয়ারওয়েদার বলেন, দোমনা-নীতি বিফল হয়, দমননীতি নয়।

কঠোর হস্তে বিদ্রোহীদের প্রতিটি গ্রাম ও মহল্লা থেকে নির্মূল করলেন। উপদ্রুত অঞ্চলে শান্তি ফিরিয়ে আনলেন। কী উপায়ে তা বিস্তারিত বলতে গেলে সময় লাগবে প্রচুর, শোনার ধৈর্যও থাকবে না অনেকেরই। নির্মম নির্ভর হতে হয়েছে, অনেক নিরপরাধ স্ত্রী পুরুষ পাইকারি হারে শাস্তি পেয়েছে, সে-কথাও অস্বীকার করেন না। কিন্তু নাচতে নামলে তো ঘোমটা টানা চলে না। যেমন রোগ তেমনি তার চিকিৎসা। নাক্স-থাটি খাইয়ে কি অ্যাপেন্ডিসাইটিস সারানো যায়। তার জন্য সার্জনের ছুরি চালাতে হয়।

বিদ্রোহীদের অনেকে ধরা পড়ল, অনেকে বা ধরা দিল। কিন্তু সুপীনের ফকীরের কেউ নাগাল পেল না। সে তার অন্তরঙ্গ ও বিশ্বস্ত জনকয়েক অনুচরসহ পাহাড়ে জঙ্গলে পালিয়ে বেড়াল। মাঝে মাঝে এখানে ওখানে আচমকা হানা দিতেও ছাড়ল না।

সীমান্ত সংঘর্ষ প্রায় মিটল কিন্তু ফেয়ারওয়েদারের ঘরে দ্বন্দ্ব থামল না। একদিন অত্যন্ত উত্তেজিতভাবে ডিসুজা এসে নালিশ করল, দীন মহম্মদ সাহেবের অনুপস্থিতিতে লুকিয়ে মোটর-বাইক চড়ার চেষ্টা করেছে।

অসম্ভব! মোটর-বাইক যেন সাধারণ সাইকেল, ঘণ্টা কয়েক ঠেলে ঠুলে, আছাড় খেয়ে শেখা যায়? ইঞ্জিনের ব্যাপার, তা চালাবার সংকেত জানতে হবে না? হিংসায় ডিসুজার কাণ্ডজ্ঞান পর্যন্ত লোপ পেয়েছে কি? ফেয়ারওয়েদার তাকে নিজের কাজে মন দিতে বললেন।

“মুনশীজী এ সম্পর্কে পশ্তু প্রবাদ কী বলে?”

মুনশী পাশেই বসেছিলেন। তাঁর পানে তাকিয়ে সহাস্যে শুধালেন।

প্রত্যুত্তরে মুনশী হাসলেন না। সবিনয়ে বললেন, “হজুর দানীশমান্দ, বিজ্ঞ লোক। সব কিতাবের খবর রাখি আমার এমন ইলেম কোথায়? তবে চলতি একটা কথা আছে—দুনিয়ায় ঘটনার সীমা মেই; সীমা আছে শুধু ধারণার।”

মাসখানেক পরের ঘটনা। হঠাৎ একদিন গভীর রাত্রে ফেয়ারওয়েদারের ঘুম ভেঙে গেল। কার যেন পায়ের শব্দ শোনা গেল।

এই বাংলায় এই ঘরে এই ঋতে ঘুমের মধ্যে নিহত হয়েছিলেন লেনস্ট ছইলার। ফেয়ারওয়েদার বালিশের নীচে থেকে গুলীভরা পিস্তলটা হাতে নিয়ে বিছানা থেকে উঠে পড়লেন। সাবধানে জানালাটা একটুখানি খুলে দেখলেন। আকাশে চাঁদের আলো স্তিমিতপ্রায়। আবহা অন্ধকারে মনে হল, কি একটা বিরাট জন্তু বাংলার বারান্দা থেকে রাস্তায় নেমে গেল।

নিঃশব্দে দরজা খুলে পা টিপে টিপে বাইরে বেরিয়ে এলেন। খানিকটা এগুতেই বুঝলেন, দূর থেকে যেটা জন্তু মনে হয়েছিল, সেটা তাঁর নিজের মোটর-বাইক। দীন মহম্মদ দু’হাতে হ্যান্ডেল ধরে ঠেলে এগিয়ে নিয়ে যাচ্ছে। কিন্তু যাবে কোথায়? সদর দরজায় বন্দুকধারী সাক্ষী দাঁড়িয়ে আছে।

দীন মহম্মদ সদর দেউড়ির দিকে গেল না। বাড়ির পিছন ভাগে আখরোট গাছটার আড়ালে দেওয়ালে একটা ছোট দরজা আছে। কখনও ব্যবহার হয় না, তালাবদ্ধ থাকে। দীন মহম্মদ পকেট থেকে চাবি বের করে ধীরে ধীরে তালা খুলল। সন্তুপণে মোটর-বাইকটা নিয়ে রাস্তায় নামল। তারপর পিছনের দরজাটা আলগোছে টেনে ভেজিয়ে দিল। বিস্মিত ফেয়ারওয়েদার তার পিছু

নিলেন।

নিঝুম নিশুতি রাত্রি। পথে জনপ্রাণী নেই। দীন মহম্মদ মোটর-বাইকটাকে ঠেলে নিয়ে চলেছে। ছাউনির প্রায় শেষ প্রান্তে রাস্তা যেখানে চৌমাথায় মিলেছে সেখানে এসে সে এক মিনিট থামল। তারপর ডান পায়ের গোড়ালি দিয়ে প্যাডেলে সজোরে আঘাত কবতেই মোটর-বাইকের ইঞ্জিনটা স্টার্ট নিয়ে গর্জন করে উঠল। দীন মহম্মদ অবলীলাক্রমে সিটের উপর চেপে বসল, সুদক্ষ চালকের মত তীরবেগে চালিয়ে দৃষ্টির বাইরে চলে গেল। বোঝা গেল, নৈশ অভিযানটা আজই প্রথম নয়। অনেক দিন থেকেই সে মোটর-বাইক চালনা অভ্যাস করেছে।

ফেয়ারওয়েদার শুদ্ধ বিশ্বয়ে ধীরে ধীরে বাংলায় ফিরে এলেন।

ঘন্টা খানেক পর যেমন নিঃশব্দে যে-পথ দিয়ে দীন মহম্মদ বাড়ি থেকে বেরিয়েছিল, তেমনিভাবে ঠিক সে-পথেই সে বাড়ি ফিরে এল। সাবধানে মোটর বাইকটি ঘরে তুলে রাখল। তারই পাশে নিজের খাটিয়ায় শুয়ে ঘুমিয়ে পড়ল। নিজের ঘরের জানালার ফাঁক দিয়ে তার মনিব যে নির্বাক বিশ্বয়ে তার গোপন নৈশবিহারের সমস্তই প্রত্যক্ষ করেছেন, সে-কথা সে জানতে পারল না।

পরদিন সকালে দীন মহম্মদের প্রাত্যহিক কাজে কোথাও কোনো খুঁত ছিল না। বাথরুমে সাহেবের স্নানের গরম জল টাব-ভর্তি। আলনায় ইস্তিরিকরা আপিসের পোশাক। জুতোজোড়া পালিশে চক্চকে। ফাউন্টেন পেন, পার্স; নোটবই, তামাকের পাইপ ও পাউচ—যা যা প্রয়োজন সবই টেবিলের উপরে পরিপাটি সাজানো। বারান্দায় মোটর-বাইকটি ঝকঝকে তকতকে পরিষ্কার, তার কোথাও এক কণা ধুলোর চিহ্ন নেই।

“কাল রাত্রিতে কোথায় গিয়েছিলে?” ফেয়ারওয়েদার গম্ভীরকণ্ঠে প্রশ্ন করলেন।

দীন মহম্মদ প্রথমে চমকে উঠল। তারপর মুখ নীচু করে দাঁড়িয়ে রইল।

“কবে থেকে লুকিয়ে আমার মোটর-বাইক চড়ে বেড়াচ্ছ? মুখে কথা নেই যে? জবাব দাও।” ফ্রুঙ্গ মনিব দাবী করলেন।

দীন মহম্মদ নিরুত্তর।

“আমি বেয়াদপ পুঁথিনে। পাজি, হতচ্ছাড়া, তোমার নোকরি খতম। আজই চলে যাবে এখান থেকে।” কঠিন স্বরে আদেশ দিয়ে ফেয়ারওয়েদার আপিসে চলে গেলেন।

বিকলে বাড়ি ফিরে ডিস্‌জার কাছে শুনলেন, দীন মহম্মদ চলে গেছে। কোথায় তা ডিস্‌জা জানে না। তার একান্ত নিজস্ব যে সম্পত্তি নিয়ে প্রথমে সে এ-বাড়িতে ঢুকছিল—গোটা-দুই সালোয়ার, একজোড়া চম্পল, একটা পিরান, একখানা তিনফলা ছুরি, কাঠের ছোট চিরুনি—এরকম আর দু’একটা ছোটখাটো জিনিস—তাছাড়া দীন মহম্মদ সঙ্গে কিছুই নিয়ে যায়নি। সাহেবের দেওয়া উর্দি, পিতলের বোতাম বসানো জীনের কোট, পশমের গলাবন্ধ, এমন কি নিকেলের চেনবাঁধা হুইসিল বাঁশিটি পর্যন্ত ফেলে রেখে গেছে।

ফেয়ারওয়েদারের মনটা খারাপ হলো। ছেলেটা অনেকদিন ছিল। তার উপর একটা মায়ী বসে গিয়েছিল।

সন্ধ্যাবেলা মুন্সী আসতেই তাঁকে ঘটনাটা বললেন। মুন্সীর চোখে মুখে কোনো ভাবান্তরের চিহ্ন দেখা গেল না। তিনি যে কিছুমাত্র দুঃখিত বা বিস্মিত হয়েছেন এমন মনে হল না। শান্ত কণ্ঠে বললেন, “হুজুর, স্বীলোক এবং বালক দুই-ই সরল। কিন্তু প্রলোভনে পড়ে যদি পা পিছলোয় তবে তাদের হঠকারিতার সীমা থাকে না।”

হুজুর মুদু হেসে তার মুখের পানে তাকাতেই মুন্সী তাড়াতাড়ি বললেন, “না সাহেব, এ কোনো প্রবাদ বা পুঁথির কথা নয়, এ আমার নিজের অভিজ্ঞতার কথা।”

সেদিন ছাত্র বা শিক্ষক কারুরই পড়া বা পড়ানোতে মন বসল না। মুন্সী যখন বিদায় নিতে উঠলেন তখন হঠাৎ প্রশ্ন কবলেন, “গোপ্তাখি মাফ হয়, শুনেছিলেম হুজুর দু’বছরের জন্য একদ-কাল কর্তা হয়ে এসেছিলেন। আপনি পেশোয়ারে ফিরে যাবেন কবে?”

“আমার টের্ণিংও অর্থাৎ এখানকার চাকরির মেয়াদ শেষ হয়েছে। এবার গেলেই হয়।” ফেয়ারওয়েদার উদাসীনভাবে বলে কবল দিলেন।

তিনি যে কাজের ভার নিয়ে ল্যাডিকোটালে এসেছিলেন, তা সম্পন্ন করেছেন। উপরওয়ালারা খুব খুশি। ছোটখাটো সাময়িক উপদ্রব সীমান্ত সরকারের গা-সহ। ফকীরের দু'চারটে একক বিক্ষিপ্ত সংঘর্ষকে তাঁরা অগ্রাহ্য করতে প্রস্তুত। সুতরাং তিনি এখানকার আধা-সাময়িক কার্যভার ছেড়ে যে-কোন দিন জয়গৌরবে অনায়েসে ফিরে যেতে পারেন নিজের বেসাময়িক সার্ভিসে। ডেপুটি কমিশনার হয়ে বসতে পারেন নিরাপদ নিরুপদ্রব জেলায়। কিন্তু সুপীনের ফকীরকে ধরতে পারেননি, তাঁর মনে সে খেদ ছিল। পুরাপুরি সাফল্যের তৃপ্তি পাচ্ছিলেন না।

এ তথ্য মুনশী অনুমান করেছিলেন কি না জানার উপায় ছিল না। তিনি সামনে ঝুঁকে সেলাম জানিয়ে বললেন, “খোদা হাফীজ। ঈশ্বর আপনার মঙ্গল করুন।” হাতের ডিজ লষ্ঠনের আলোতে পথ দেখে ধীরে ধীরে চলে গেলেন।

পরদিন থেকে মুনশীর আর দেখা পাওয়া গেল না। ইতিপূর্বে কখনও তাঁর কাজে কামাই হয়নি। প্রতিদিন সন্ধ্যা ছুটায় ঘড়ির কাঁটায় কাঁটায় ডান হাতে একটি লাঠি ও বাঁ হাতে একটি লষ্ঠন নিয়ে এসে হাজির হতেন।

ফেয়ারওয়াদার প্রথমে ভাবলেন বোধহয় অসুখ করেছে। দিন সাতেক পরে খবর পাওয়া গেল মুনশী তাঁর গায়ে চলে গেছেন। কবে ফিরবেন কেউ জানে না।

জায়রাদ থেকে আফগান সীমান্তে লাঙ্গিখানা অবধি যে-রেল চলে একদিন প্রকাশ্য দিব্যালোকে ফকীর তারই উপরে চড়াও হলো। প্যাসেঞ্জারদের টাকাকড়ি, সরকারের রসদপত্র কেড়ে নিয়ে গেল।

ফেয়ারওয়াদারের জেদ বেড়ে গেল। যে করেই হোক ফকীরকে শেষ না করে তিনি নড়বেন না। তাঁর সন্দেহ হলো আশেপাশের পাহাড়ে, অরণ্যে লুকিয়ে থাকলেও সে হামেশাই লোকালয়ে যাতায়াত করে। কেউ তাকে গভর্ণমেন্টের হাতে ধরিয়ে দেয় না। হয়তো ভয়ে নয়তো ভক্তিতে। তাকে জীবিত বন্দী করার আশা দুরাশা মাত্র। অন্য পন্থা ধরতে হয়।

পেশোয়ারের ক্লাবে লন্ডন টাইমস আসে। ল্যাডিকোটালের অফিসারেরা তা পড়তে পায়। সেদিন রাত্রিতে ডিনারের শেষে একটা ইজিচেয়ারে গা এলিয়ে দিয়ে তার পাতা ওপুটাইলেন। ডিসুজা এসে সংবাদ দিল, দপুরে দীন মহম্মদ এসেছিল।

দীন মহম্মদকে তাড়িয়ে দিয়ে ফেয়ারওয়াদার নিজেই অনুতপ্ত ছিলেন। আহা, ছেলে-মানুষ, মোটর-বাইক চড়বার লোভ সামলাতে পারেনি। সেজন্য এতখানি কঠোর দণ্ড না দিলেও চলত। বেয়ারা অবশ্য নতুন একজন রাখা হয়েছে, কাজও আটকে নেই। কিন্তু তার মতো না বলতেই কী চাই তা আঁচ করে হাতের কাছে জিনিসটি আগেভাগে এগিয়ে দেওয়ার ক্ষমতা কারো নেই। দীন মহম্মদের অভাব ফেয়ারওয়াদার প্রতিদিনই অনুভব করেন।

বিস্ময়ের ব্যাপার এই যে, দীন মহম্মদ চল যোগাতে ডিসুজাও সুখী নয়। ছোকরা বজ্জাতি একটু করত সন্দেহ নেই। সহবৎও শেখেনি। মানী লোকের অর্থাৎ ডিসুজার মানমর্যাদা কী করে রাখতে হয় তাও জানে না। তা মাঝে মাঝে দু'চারটে চড়াচাপড়, বা দু'এক ঘা চাবুক কবিয়ে দিলেই হতো। একেবারে বরখাস্ত করে বাড়ির বার করে দেওয়া কেন? সাহেবের সব কিছুতেই বাড়াবাড়ি।

বাড়িতে গৃহিণী নেই। অকৃতদার মনিব দিনের বেশির ভাগ সময়টাই থাকেন আপ্রিসে বা শহরের বাইরে কাজকর্মে ব্যস্ত। সংসারে কাজের চাপ নেই। এমন অবস্থায় অন্তত ঝগড়া করার জন্যও একজন কাউকে কাছে না পেলে ডিসুজার দিন কাটতে চায় না। নতুন বেয়ারাটা একটা আস্ত উজবুক কী? ভাষায় যে কথা বলে সে-ই জানে। ডিসুজা তো তার অর্ধেক বুঝতেই পারে না।

দীর্ঘদিন পরে দীন মহম্মদকে দেখে ডিসুজা সত্যিই খুশী হয়েছিল। সে এসেছিল শুনে সাহেবও যে অখুশী নন, তা বোঝা গেল। কী চায় দীন মহম্মদ? ফিরে আসার ইচ্ছা যদি তবে এসে কাজে লেগে যাক। সাহেবের আপ্যায়িত নেই। তবে না বলে-কয়ে মোটর-বাইকে যেন হাত না দেয়।

ডিসুজা জানাল, দীন মহম্মদ নোকরি চাইতে আসেনি। এ পথ দিয়ে যাচ্ছিল, অমনি একবার দেখা করে গেল ৯ হাজার হোক, ছোকরা তাকে ভক্তিশ্রদ্ধা করে। অনেক গল্প করল। ইনামের

কথা জিজ্ঞাসা করছিল। কথাটা কি সত্যি? সত্যি হলেই বা ইনাম পাবে কে? সুশীনের ফকীর কখন কোথায় থাকে তা কেউ জানতে পারে না। জাদু করতে জানে, ধরতে গেলে চোখের সামনে হাওয়া হয়ে মিলিয়ে যায়। তার গায়ে আঁচড়টি কাটা কারো সাধ্য নেই। তা সাহেব যা-ই মনে ভাবুন না কেন।

ইনাম মানে পুরস্কার। ছাউনিতে, আশে পাশের গ্রামে, হাটে, বাজারে, জীরগায় ঢোল-শহরতে জানিয়ে দেওয়া হয়েছে, যে-কেউ ফকীরের জীবিত বা মৃতদেহ এনে হাজির করবে, সেই গভর্নমেন্টের কাছ থেকে নগদ পাঁচ হাজার টাকা পুরস্কার পাবে। ফকীরের ফটোসহ হাজার হাজার ইশতাহার ছেপে বিলি করা হয়েছে। রাস্তার মোড়ে মোড়ে বড় বড় পোস্টার টাঙিয়ে দেওয়া হয়েছে। কোন ফল হয়নি। ফেয়ারওয়েদার হতাশ হয়ে নিজের মনে মনে ফকীরের কাছে পরাজয় স্বীকার করছিলেন।

দু'দিন পরে খবর এল, ল্যান্ডিকোটালের দু'মাইল উত্তরে পাহাড়ের ওপারে ফকীরকে কে একজন গুলীর আঘাতে ঘায়েল করেছে। মৃতদেহটা খচরের পিঠে চাপিয়ে এনে দাখিল করেছে ছাউনি দপ্তরে।

পূর্ণ সাফল্যের গর্বে উৎফুল্ল ফেয়ারওয়েদার পুরস্কারের টাকাটা হাতে হাতে চুকিয়ে দিতে চাইলেন।

টাকা নিতে যে এল তাকে দেখে ফেয়ারওয়েদারের দু'চোখে পাতা পড়ে না। মাথায় পাঠানের পাগড়ি, গায়ে ছোট কুর্তা, তার একপাশে ঝাঁ দিকের কোমরে চামড়ার বেণ্টে ঝাধা পিস্তল,—মিলিটারি ভঙ্গিতে সেল্যুট করে দাঁড়াল দীন মহম্মদ।

এও কি সম্ভব? এই এককোটা ছেলোটো মেরেছে দুর্ধর্ষ ফকীরকে, যার ভয়ে বয়স্ক লোকেরাও কম্পমান, যার চতুর বুদ্ধির কাছে গভর্নমেন্টের সমস্ত অভিযান ব্যর্থ হয়েছে? দীন মহম্মদ মেরেছে তাকে?

হ্যাঁ, সাক্ষ্যপ্রমাণে ভুল নেই। অব্যর্থ তার তাক। গুলী লেগেছিল ফকীরের বুকের ঠিক মাঝখানে।

ফেয়ারওয়েদার সিন্দুক খুলে থাকে থাকে সাজানো পাঁচ শ-খানা দশ টাকার নোটের তাড়া তুলে দীন মহম্মদের হাতে দিলেন। সে এক, দুই করে গুণে এগার শ টাকা রেখে বাকিটা ফিরিয়ে দিল। “ওতেই হবে, আর চাইনে।”

তার মানে? জিজ্ঞাসু নেড়ে ফেয়ারওয়েদার তার পানে তাকালেন।

দীন মহম্মদ জানাল, একটা ফটফটিয়া দেখে রেখেছে পেশোয়ারে। তার দাম এগার শ টাকা। কালই তা কিনতে রওনা হবে।

পুরাতন একটা ঘটনা স্মরণ করলেন ফেয়ারওয়েদার। সরকারী কাজে শলাপরামর্শের জন্য মাঝে মাঝে পেশোয়ার যেতেন। দু' একবার দীন মহম্মদ সঙ্গে ছিল। পেশোয়ারে মিলটন কোম্পানী বিখ্যাত জে-ডব্লিউ-এ মোটর-বাইকের সেলিং এজেন্ট। বড় রাস্তার পাশে তাদের কাঁচ দিয়ে ঘেরা বিরাট শো-রুম। ভিতরে সারিবন্দী মোটর-বাইক সাজানো। মনে পড়ল, দীন মহম্মদকে সেখানে ঘোরাক্ষেপা করতে দেখেছিলেন।

সব টাকাটাই যে তার প্রাপ্য সে কথা দীন মহম্মদকে বোঝাবার চেষ্টা করলেন। মোটর-বাইকের দাম না হয় এগার শ টাকা। বাকি টাকায় নিজের ইচ্ছামতো আরও অনেক জিনিস সে কিনতে পারবে। নূতন পিরান, জরির কাজ করা চপ্পল, পশমিনার চাদর, আরও কত কী।

দীন মহম্মদ নির্লিপ্ত কণ্ঠে বলল, আর কিছুতে তার জরুরত নেই। সে পুরুষ মানুষ মেহনত করতে পারে। নোকরি করে যা পাবে তাতেই দিন গুজারা হবে। বেশী টাকা দিয়ে হবে কী?

কিছুতেই তাকে পুরস্কারের পুরা টাকাটা নিতে রাজী করানো গেল না।

প্রয়োজনের অধিক টাকা হাতে পেয়েও নিতে চায় না এমন লোক কে কবে দেখেছ? দুর্বোধ্য প্রহেলিকা মানব চরিত্র। সব চেয়ে রহস্যময় এ বালক।

ফেয়ারওয়েদার কৌতূহল দমন করতে পারলেন না। জিজ্ঞাসা করলেন, “কেউ যা পারেনি, তুই তা পারলি কেমন করে?”

দীন মহম্মদের চোখে মুখে একটা উদ্বেগের ছায়া পড়ল। বোধ হয় ভাবল যে, ফকীরকে কে মেরেছে সে সম্পর্কে সাহেবের মনে সন্দেহ আছে। মিনতির সুরে বলল, “আমি মিথ্যা বলিনি, হুম্বুর। প্রমাণ চান তো—”

ফেয়ারওয়েদার তাকে বাধা দিয়ে বললেন, “না আমি তোকে অবিশ্বাস করিনি। আমি শুধু জানতে চাই, তুই এমন অব্যর্থ নিশানা করলি কেমন করে? ফকীরের গতিবিধি কেউ সঠিক জানতে পারে না। সে যে পাহাড়ের ঐ ঘাঁটিতে ছিল সে-খবর তুই পেয়েছিলি কোথা থেকে?”

“বাঃ রে, সে তো খুব সহজ। সে যে আমার বাবা।”

ফেয়ারওয়েদার বোধ হয় বিস্ময়ে চোঁচিয়ে উঠেছিলেন। কিন্তু আওয়াজ বেরুল না। তাঁর মনে হলো কে যেন দু’ হাত দিয়ে গলাটা জ্বারে চেপে ধরেছে। নিঃশ্বাস নিতে কষ্ট বোধ হলো। বাতাসে কি যথেষ্ট অক্সিজেন নেই? ঘরের মেঝেটা কি দুলছে? পাছে পড়ে যান, দু’ হাত দিয়ে চেয়ারের হাতল দুটো শক্ত করে চেপে ধরলেন।

দীন মহম্মদ ‘আলিকুম সেলাম’ বলে শুধু মোটর-বাইকের দাম কুর্তার পকেটে পুরে চলে গেল। ফেয়ারওয়েদার টেবিলের উপরে বাকি টাকার তাড়াগুলির পানে অথহীন দৃষ্টিতে তাকিয়ে রইলেন।

সে দিনই টেলিগ্রামে বদলীর আদেশ প্রার্থনা করলেন।

ভয়ে? উদ্ভেগে, ভয় শব্দ নেই ফেয়ারওয়েদারের অভিধানে।

ঘৃণা? এতগুলো টাকা সেধে দিতে চাইলেও যে অনায়াসে প্রত্যাখ্যান করে তাকে ঘৃণা করবেন তিনি কোন্ মুখে?

তবে?

সেই ‘তবে’র উত্তরটা আর শোনা হল না আমার। আমাদের জাহাজ ততক্ষণে ডিয়েপে পৌঁছে গিয়েছে। জেটিতে ভিড়তে আর দেরি নেই। ফেয়ারওয়েদার চেয়ার ছেড়ে উঠে পড়লেন। বললেন, “আমার ব্যাগেজ আছে আপনার ডেকে, যাই তুলে নিতে হবে।”

আন্তরিকতার সঙ্গে হাত বাড়িয়ে দিলেন। করমর্দন করে বললেন, “প্যারিসে তোমার ছুটির দিনগুলি সুখকর হোক। হ্যাভ এ গুড টাইম।”

বারুদ

বৈজ্ঞানিকেরা বলেন, মানুষের স্মৃতিশক্তি নানা প্রকারভেদ আছে। কেউ সহজে মনে রাখে সংখ্যা। তারাই গণিতের পরীক্ষায় বেশী নম্বর পায়। কারুর বা মনে দাগ কেটে বসে ঘটনা। তারা বহু পুরানো দিনের ইতিকথা ঝুটিনাটি সহ স্বচ্ছন্দে নির্ভুল বলে দিতে পারে।

আমার স্মৃতিতে মানুষের চেহারা ঠাণ্ডা হয়ে থাকে দীর্ঘকাল; তাদের নাম তলিয়ে যায় বিস্মৃতির অতলে। পাথে-ঘাটে ক্লাবে, পার্টিতে, অনেক লোকের মুখের দিকে তাকিয়ে চেনা চেনা মনে হয়, অথচ তাঁদের সঠিক পরিচয় স্মরণে আসে না।

আশ্চর্য নয় যে, তাঁরা ক্ষুদ্র হন। পনর, বিশ বা পঁচিশ বছর আগে পটুয়াখালী, কিশোরগঞ্জ বা বর্ধমানে যাদের সঙ্গে পরিচয় ছিল আজ দেখা মাত্র তাঁদের নামটা বলতে না পারাটা যে নিছক একটা পোজ্ঞ অর্থাৎ ভড়ং সু-বিষয়ে তাঁদের মনে সংশয় থাকে না। আড়ালে তিস্ত চিহ্নে মস্তব্য করেন.—বড় চাকরির দোমাক, এমনই বটে! প্রতিবাদ কবে লাভ নেই। সৃষ্টিকর্তা আমার স্মরণশক্তিতে যে ঘটতি ঘটিয়েছেন তার খেসারত কিছু না দিয়ে উপায় কী?

প্ল্যানিং কমিশনের একটা ম্যাচিং-গ্রাণ্টের স্কীম নিয়ে রাজ্য সরকারগুলির সঙ্গে আলোচনার প্রয়োজন ছিল। সে উপলক্ষে মাদ্রাজে এসেছিলাম। ফিরতি যাত্রায় মীনাবকম এয়ারপোর্টে প্লেনের অপেক্ষায় ছিলাম। ব্যাগেজ চেক অনেক আগেই হয়ে গেছে। এমন সময়ে মাইকে বিমান-কোম্পানীর ঘোষণা শোনা গেল, তাঁরা অত্যন্ত দুঃখের সঙ্গে জানাচ্ছেন, টেকনিক্যাল কারণে দিল্লীমুখে ফ্লাইট নম্বর চারশততিন ছাড়তে আধ ঘণ্টা বিলম্ব হবে।

বিমানযোগে যারা-হামেশাই যাতায়াত করেন এবং বিমান কোম্পানীগুলির হাঁড়ির খবর যারা রাখেন, তাঁরা জানেন “টেকনিক্যাল কারণটা” বেশীর ভাগ সময়েই প্লেনের যান্ত্রিক গোলযোগ বা আবহাওয়ার অসুবিধা নয়। তার অর্থ কর্মচারীরা আচমকা ধর্মঘট করেছে, এয়ার হোস্টেস আসেনি, পাইলটের মুখে তীব্র মদের গন্ধ পাওয়া যাচ্ছে কিংবা ঐ ধরনের অন্য কোনো অঘটন যা খোলাখুলি বলা চলে না।

আসল কারণটা যাই হোক, বোঝা গেল, আপাততঃ বসে থাকার পালা। এবং তার মিয়াদটা অনির্দিষ্ট। আগের অভিজ্ঞতা থেকে জানি টেকনিক্যাল কারণে দেরিটা আধ ঘণ্টা থেকে গড়িয়ে তিন চার ঘণ্টায় দাঁড়ালেও অবাক হওয়ার কিছু নেই। সূত্রাং সময় সংহারের জন্য পঠনযোগ্য কিছু চাই। তারই সন্ধান বুকস্টলের দিকে যাচ্ছিলাম।

ইঠাৎ বনঝনাত আওয়াজ। পিছনে তাকিয়ে দেখি অদূরে একটি মহিলাব হাত থেকে রূপার পান্ধে ডিবেটা ছিটকে পড়েছে মেজেতে। পান সুপুরি ও অন্যান্য মশলা চাবদিকে ছড়িয়ে গেছে। মহিলার লজ্জাজড়িত মুখটি চোখে পড়তেই চমকে উঠেলাম। এ মুখ তো অচেনা নয়।

একটা বিলাতী সচিত্র মাসিক পত্রিকা কিনে ফিরে এসে নিজের পরিত্যক্ত পুরু গদি আঁটা আসনটা পুনরায় দখল করে বসেলাম। কিন্তু ছবি বা গল্প কোনোটাতেই মনোনিবেশ করা গেল না। সেই ইঠাৎ দেখা মুখটির কথা ভেবে চিন্ত কেবলই বিক্ষিপ্ত হতে থাকল।

উঠে গিয়ে মহিলা যেখানে বসেছিলেন সেখান দিয়ে বার দুই পদচারণ করলাম। কিন্তু তিনি শাড়িটা মাথার উপরে এমন টেনে দিয়েছিলেন যে তাঁর মুখটি দ্বিতীয়বার দেখার সুযোগ হলো না। মহিলা বর্ষীয়সী। আমি নিজেও অনেক কাল আগেই পঞ্চাশোর্ধ্ব। কিন্তু বয়স যা-ই হোক না কেন, একজন অজ্ঞাতকুলশীল পরত্নীর দিকে বারে বারে দৃষ্টিক্ষেপের চেষ্টা কোনো পুরুষের পক্ষেই সুকৃতির পরিচায়ক নয়। অগত্যা কৌতূহল দমন করতে হল। ভাগ্য প্রসন্ন ছিল, ঘণ্টাখানেকের মধ্যে আমাদের প্লেনে ওঠার ডাক পড়ল।

গুনেছি বিমানযাত্রায় কারুর গা গুলোয়, কারুর বা কানে তালা লাগে। আমার ঘুম পায়। সহযাত্রীরা যখন খবরের কাগজ পড়েন, গল্প করেন বা জানালা দিয়ে নীচেকার অরণ্য পর্বত ও জনপদের দৃশ্য দেখেন আমি তখন সীটের উপরে দেহটাকে আধশোয়া ভঙ্গিতে এলিয়ে দিয়ে অকাতরে নিদ্রা দিই।

আজ চোখে ঘুম এল না। কবে কোথায় ঐ মহিলাকে দেখেছি সে জিজ্ঞাসা মাথার মধ্যে

ঘুরপাক খেতে লাগল। এমন তো হতে পারে যে আমার ধারণাটা একেবারেই ভিত্তিহীন ; মহিলা সম্পূর্ণ অপরিচিত। উঠু। স্পষ্ট লক্ষ করেছিলাম, আমার সঙ্গে চোখাচোখি হতেই তিনি ত্রস্তে মুখ ফিরিয়ে নিয়েছিলেন। ঋণিত মুহূর্তের মধ্যে সে-মুখে যে একটি বিশ্বয়মিশ্রিত ভয়ার্ত ছায়া পড়েছিল, সে কি সমস্তটাই আমার দৃষ্টিভ্রম ? সেই এক পলকের দেখায় তিনিও আমায় চিনতে পেরেছিলেন বলেই যে আমার কাছে আত্মগোপনের ব্যগ্রতায় পরে আঁচলে মুখ ঢেকে বসেছিলেন সে সম্পর্কে আমি নিঃসন্দেহ। কিন্তু বহু চেষ্টায়ও যখন পূর্ব পবিচয়ের কিছুই স্মরণে এল না তখন হাল ছেড়ে দিয়ে মনকে বোঝালেম, ধৃত্তোর, কোথাকার কে এক বিগতযৌবনা ত্রীলোক, তার আইডেন্টিফিকেশানের জন্য আমার মাথাবাথা কেন ?

কী আশ্চর্য ! যে মুহূর্তে মন থেকে তার কথাটা জোর করে ঝেড়ে ফেলার সিদ্ধান্ত নিলেম ঠিক সেই ক্ষণে কী জানি কোন মন্তবলে স্মৃতিব বন্ধ দরজাটা আপনি খুলে গেল। নিমেষে তার অতীত পরিচয় সিনেমার ফ্ল্যাশব্যাকের মতো আমার মনের পর্দায় প্রতিফলিত হলো। বহুদিন আগেকার এক রোমাঞ্চকর নাটিকার নায়িকা কুমারী তরলা বিশ্বাসকে স্মরণ করলেম।

দেশ বিভাগের আগে অখণ্ডিত বঙ্গভূমির যে অংশটা পদ্মা নদীর দক্ষিণে ছিল তারই একটা ছোট মহকুমার ঘটনা। শহরের নাম না বলাই ভালো। সন তারিখের উল্লেখও নিম্প্রয়োজন। ম্যাজিস্ট্রেট হিসাবে সদ্য সেখানে বদলী হয়ে এসেছি। আমার কর্মজীবনের সেটা গড়া-পেঁটার অধ্যায়, ইংরেজীতে যাকে বলে ফরমেটিভ ইয়ার্স। সে-কালে ল' এ্যান্ড অর্ডার এবং রেভিনিউ, আইন-শৃঙ্খলা ও রাজস্ব ছাড়া আরও অনেকগুলি সবকারী ও আধা-সরকারী কর্তব্যের ভার থাকত মহকুমা শাসকের উপর। নৈবেদ্যের চূড়ায় সন্দেশের মতো স্থানীয় হাসপাতাল, স্কুল, কলেজ, পাবলিক লাইব্রেরী জাতীয় সমুদয় প্রতিষ্ঠানের শিরোভাগে তাঁর স্থান। সে-সবের পবিচালন সমিতির তিনি পদাধিকারবলে সভাপতি, সরকারী পরিভাষায় যার নাম এক্সঅফিসিও চেয়ারম্যান।

শহরের একমাত্র মেয়েদের শিক্ষায়তন জুবিলী গার্লস স্কুল। তার অবৈতনিক সম্পাদক বৈকুণ্ঠবাবু দেখা করতে এসেছিলেন। ভদ্রলোক বয়সে প্রবীণ, পেশায় উকীল, অর্থে ও প্রতিষ্ঠায় সকলের শ্রদ্ধেয়। বললেন, অবিলম্বে গভর্নিং বডির একটা সভা ডাকা প্রয়োজন। হুজুরের যদি সুবিধে হয় তো আসছে সপ্তাহে।

মাত্র দিন সাতেক হল চার্জ নিয়েছি, এখনও শহরের লোকজন, রীতি-নীতি ও সামাজিক আবহাওয়ার সঙ্গে ভালো করে পরিচয় হয়নি ! এরই মধ্যে মিটিং-এর তাড়া কিসের ?

তাড়া ছিল। বৈকুণ্ঠবাবু জানালেন, হেডমিস্ট্রেসের সঙ্গে স্কুল কমিটি-এ একটা সংঘর্ষ চলছে। তাড়াতাড়ি মিটিয়ে না ফেললে স্কুলটা নষ্ট হবে।

ব্যাপারটা যথেষ্ট স্পষ্ট হলো না। স্কুলে পড়াশুনার ভারটা হেডমিস্ট্রেসের। আইন-কানুন বেঁধে দেন, টাকা-কড়ি যোগান কমিটি। হেডমিস্ট্রেসকে হয় তাঁদের নির্দেশ মানতে হয়, নয়তো যেতে হয়। এর মধ্যে লড়াই-এর প্রশ্ন আসে কোথা থেকে আর তা না থামালে স্কুলের সর্বনাশই বা হবে কেন ?

সেক্রেটারী মশায় সবিনয়ে জানালেন, তরলা বিশ্বাস সাধারণ হেডমিস্ট্রেসের মতো নয় ; আর পাঁচ-জন প্রধানা শিক্ষয়িত্রীর সঙ্গে তাঁর তুলনাই চলে না। এখানকার গার্লস স্কুল মানেই মিস বিশ্বাস।

এ-সব উচ্ছাসপূর্ণ মন্তব্য কুমারী বিশ্বাসের চাকরিতে “সি-আর” এবং ব্যক্তিগত সার্টিফিকেটের পক্ষে নিশ্চয়ই মূল্যবান। কিন্তু তাতে আমার প্রশ্নটার জবাব মেলে না। বৈকুণ্ঠবাবু নিজেও বোধ হয় তা উপলব্ধি করেছিলেন। তাই তাড়াতাড়ি ব্যাখ্যা করলেন, স্কুলটা শুরু থেকেই ছিল একটা আধমরা প্রতিষ্ঠান। শিক্ষয়িত্রীরা অযোগ্য, ছাত্রীরা অমনোযোগী, পড়াশুনা প্রায় কিছুই হতো না। যে-দিন থেকে তরলা বিশ্বাস হেডমিস্ট্রেস হয়ে এসেছেন সে-দিন থেকে ধীরে ধীরে স্কুলের চেহারা পালটে গেছে। গত বছর একটি ছাত্রী ডিভিশন্যাল স্কলারশিপ পেয়েছে। “শুধু তাই নয়, স্কুলের আর্থিক অবস্থা ভালো ছিল না। মিস বিশ্বাস এখানকার বড় বড় ব্যবসায়ীদের কাছ থেকে মোটা ডোনেশান-ও সিনেমা হাউসের মালিকের কাছ থেকে চ্যারিটি-শো আদায় করে স্কুলের

বিস্তিঃ ফান্ড গড়ে তুলেছেন।” সঙ্কতজ্ঞ কঠে যোগ করলেন বৈকুণ্ঠবাবু।

তরলা বিশ্বাসকে চোখে দেখা দূরে থাক, এর আগে তাঁর নামও শুনিনি। সুতরাং এই গদগদ প্রশংসায় অভিশয়োক্তির ভাগ কতখানি জানিনে। কিন্তু স্কুলের পক্ষে তিনি যদি এতই অপরিহার্য, তবে তাঁর সঙ্গে স্কুল কমিটির দ্বন্দ্বটা কিসের ?

সম্পাদক মশায় যা জানালেন তার সংক্ষিপ্তসারটুকু এই—তখনকার দিনে ছোট শহরের ছেলে-মেয়েরা ধুতি, শাট পাঞ্জাবী, হাফপ্যান্ট, ফ্রক, শাড়ি যার যা জোটে তাই পরে স্কুলে যেত। দার্জিলিং বা সিমলা, দিল্লীর কনভেন্টে পড়ুয়াদের মতো টিউনিক তাদেব কল্লনারও বাইরে ছিল। জামা-কাপড়ে যথেষ্টাচার ববদাস্ত করা নতুন হেডমিস্ট্রেসের স্বভাবে নেই। তাঁর নির্দেশে জুবিলী স্কুলের মেয়েদের পোশাকেও একটা অলিখিত কিন্তু সুস্পষ্ট ফর্ম গড়ে উঠেছিল। সেটা ব্যয়বহুল না হয়েও সুন্দর। সরল ও সহজসাধ্য। এই নিয়মানুবর্তিতার ব্যাঘাত ঘটলে কঠোব ডিসপ্লিনে বিশ্বাসী তরলা বিশ্বাস খুশি হবেন না—এটা অপ্রত্যাশিত নয়।

সে-দিন দশম শ্রেণীর একটি ছাত্রীর ওষ্ঠাধরে অকস্মাৎ লিপস্টিকেব বস্ত্রিম প্রলেপ দেখে তিনি স্তম্ভিত হলেন। মেয়েটি ক্লাসের সেরা, ফি পর্বীক্ষায় ফার্স্ট হয়। কিন্তু পড়াশুনায় ভালো হলেই কি নিয়ম ভাঙার অধিকার জন্মায় ? ক্রুদ্ধ হেডমিস্ট্রেস স্কুলেব খাতা থেকে মেয়েটির নাম কেটে দিলেন।

অনুতপ্তা ছাত্রীর ত্রুটি স্বীকার এবং বারংবার ক্ষমা-প্রার্থনায় দিন তিনেক পবে উদ্দীপ্ত-রোষ প্রধান শিক্ষয়িত্রী যখন শান্ত হলেন, তখনই অভিভাবকেবা গোল বাখালেন। মেয়েটির কাকা স্কুল কমিটির সদস্য। তিনি হেডমিস্ট্রেসের লিখিত কৈফিয়ৎ তলব কবলেন। কাকর হুমকিতে নত হবেন তরলা বিশ্বাস সে-পাত্রী নন। জবাবে তিনি দুলাইনের একটি চিঠি পাঠিয়ে দিলেন। সেটা তাঁর চাকরিতে ইস্তফা দেওয়ার নোটিশ,—লেটার অব বেজিগনেশান।

বোঝা গেল, কারণটা তুচ্ছ এবং বিরোধটা অনাবশ্যক। উভযপক্ষেই যুক্তির চাইতে জেদ বেশী, অভিযোগের চাইতে উত্তাপ। এ-সব প্রেস্টিজ ইস্যু, মিটিং করে মীমাংসা হয় না। একদিন বিবাদমান দুই পক্ষকে নিজের খাশ কামরায় ডেকে আনলেম।

ইংরেজী প্রবাদে বলে, এপিয়ারেশন নাকি ডিসেপটিভ। হবেও বা। অন্ততঃ তরলা বিশ্বাসকে দেখে রণরঙ্গিনী মনে হয় না। বয়স চল্লিশের ধাপ ছুঁয়েছে, গায়ের রং উজ্জ্বল শ্যাম, চোখে প্রখর বুদ্ধির দীপ্তি, মুখে যথেষ্ট ব্যক্তিত্বের ছাপ। মহিলা সুন্দরী নন,—মিষ্টি ; প্রিটী নন,—প্লেসেন্ট।

কিন্তু তিনি যে সংকল্পে অবিচল এবং তর্কে সুপটু সে-সম্পর্কে সন্দেহেব অবকাশ রইল না। মানুষের জামা, কাপড়, পরিধান, প্রসাধন নিতান্তই বাইরের ব্যাপার, সাজ-সজ্জাব ত্রুটি-বিচ্যুতিকে অনর্থক বড় কবে না দেখাই উচিত এসব কথায় তাঁকে টলানো গেল না। যুগ-পরিবর্তন, শালীনতার ধাবাবদল, ব্যক্তিগত রুচি ইত্যাদিকে তিনি আমলই দিলেন না।

শান্ত অথচ দৃঢ় কঠে বললেন, “মাফ করবেন, ড্রেসিং গাউন গায়ে জড়িয়ে কি আপনি আপিসে আসেন ? কোঁচা দুজিয়ে টেনিসে যান ?”

এমন ফ্রণ্টাল অ্যাটাকের—সরাসরি আক্রমণের—জন্য প্রস্তুত ছিলাম না। শ্রীমতী তরলা আব যাই হোন সার্থকনামা নন।

তাঁর বস্তুবা এই যে, তাঁর স্কুলের মেয়েরা গালে রুজ এবং ঠোঁটে রং মেখে বিয়ের নিমন্ত্রণ বা পাটিতে গেলে তিনি দুঃখিত হবেন, কিন্তু আপত্তি করবেন না। বিদ্যালয়টা লেখাপড়ার স্থান, বিডিট কনটেন্টের নয়। সেখানে সাজপোশাকের একচুল নড়চড় তিনি সহ্য করবেন না।

বিলাত এ্যামেরিকার অতি-আধুনিকতার দৃষ্টান্ত তিনি এক কথায় নস্যাত করে দিলেন। ওদেশেও যে মেয়েরা বিকিনি পরে সমুদ্রের ধারে রোদ পোহায় তারাই হাঁটু অবধি গাউন ও মাথায় টুপি ছাড়া গির্জায় ঢোকে না।”

তর্ক ছেড়ে তাই অন্য রাস্তা ধরতে হলো। ঐ মেখাবী মেয়েটির ভল্লিযাৎ, স্কুলের সুনাম, ছাত্রীদের প্রতি তাঁর মাতৃসম স্নেহশীল দায়িত্ব এবং ঐ রকম আরও বাছা বাছা সেণ্টিমেন্ট্যাল আবেদনের দ্বারা অবশেষে জুবিলী গার্লস স্কুলের সংকটমোচন করা গেল।

চার পাঁচ মাস তরলা বিশ্বাসের আর কোনো সাদা শব্দ পাইনি। স্কুল কমিটির সদস্যেরা

যথাপূর্বং স্কুলের ভার প্রধান শিক্ষয়িত্রীর হাতে ছেড়ে দিয়ে নিজেদের রুজি-রোজগারে ব্যস্ত এবং মিস বিশ্বাস কঠোর শাসন ও কঠিন পরিশ্রমে ছাত্রীদের বিদ্যার্জনের তদারক করছেন ভেবে নিশ্চিন্ত ছিলেম।

খবরের কাগজে ম্যাট্রিকের রেজাল্ট বেরিয়েছিল। জুবিলী স্কুলের একটি মেয়ে প্রথম দশজনের মধ্যে স্ট্যান্ড করেছে। আরও দু'তিনটি একাধিক লেটার পেয়েছে। মোট পাসের হারও গৌরবজনক। স্কুল কমিটির সভাপতিরূপে হেডমিস্ট্রেসকে অভিনন্দন জানিয়ে চিঠি পাঠিয়ে দিলেম।

ধন্যবাদ জানিয়ে তার উত্তর এল। তাতে শিষ্টাচারের চাইতে আন্তরিকতার আভাস অধিক। পত্রের শেষাংশে একটি সসঙ্কোচ অনুরোধ ছিল,—পরবর্তী শনিবার তাঁর বাড়িতে আমার সতীক উপস্থিতি প্রার্থনা করেন।

দেয়াল দিয়ে ঘেরা স্কুল কম্পাউন্ডের মধ্যেই এক দিকে শিক্ষয়িত্রীদের কোয়ার্টারস। পাশাপাশি ছোট ছোট বাড়ি। পাকা দেয়ালের ঘর, করগেটেড টিনের ছাদ, সিমেন্টে ঝাধানো মেজে। পূর্ববঙ্গে অধিকাংশ মধ্যবিত্ত পরিবারের বাড়ি যেমন হয়, তেমনি। হেডমিস্ট্রেসের বাড়িটি ওরই মধ্যে একটু আলাদা। আয়তনেও বড়। সামনে খানিকটা খোলা জায়গা আছে। কক্ষের বেড়ায় ঘিরে সেখানে এক ফালি ফুলের বাগান।

মিস বিশ্বাস, নিজেই দোর খুলে অভ্যর্থনা জানালেন।

বসার ঘরটিতে আসবাবের বাহুল্য নেই, পরিচ্ছন্ন পারিপাট্যের চিহ্ন আছে। একদিকে দেয়াল ঘেঁষে একটি নীচ তক্তপোষ। তার উপরে হালকা গদির বিছানা, সাদা ধবধবে চাদরে ঢাকা। খানতিনেক হাতলযুক্ত কাঠের চেয়ার। চেয়ারের পিছনটায় ক্রীম রঙের কেসমেন্ট কাপড়ের অড পরানো। দরজা জানালায় একই রঙের ম্যাচ-করা পর্দা, তার মাথায় পুরানো ঢাকাই শাড়ির পার এপ্লিকের টেকনিকে বসানো। ঘরের এক কোণে ছোট জলটোকির উপরে বৃন্দাবনী ঘটতে গুটি কয়েক পাতার সঙ্গে স্বেত গুলঞ্চের একটি প্রস্ফুটিত স্তবক। সব কিছু মিলিয়ে একটি স্নিগ্ধ সহজ পরিবেশ। মনে মনে মহিলার রুচির প্রশংসা করলেম।

কথায় কথায় তরলা বিশ্বাস জানালেন, কলেজে তিনি আমার মেজদির সহপাঠিনী ছিলেন, ডায়োসিশান থেকে একই বছরে বি-এ পাশ করেছেন। সে-সুবাদে আজ ভাইফোঁটার দিনে তাঁর বাড়িতে আমাদের আগমন তাঁর কাছে একটা বিশেষ স্মরণীয় ঘটনা।

আমি ছেলেবেলা থেকেই হোস্টেলে থেকে মানুষ হয়েছি, সিভিল সার্ভিসের জন্য বিদেশে গেছি এবং ফিরে এসে চাকরির খাতিরে এক জেলা থেকে অন্য জেলায় ঘুরে বেড়াচ্ছি। স্নাত্ত্বিতীয়ার দিনে নিজের বোনেরদের হাত থেকে ফোঁটা নেওয়ার সুযোগই জীবনে বেশী ঘটেনি। তাই আজ পাতানো বোনের কাছে সে সম্ভাবনা আমাকে উল্লসিত করেনি।

কিন্তু আমার স্ত্রী অভিভূত হলেন। বেচারীর একটি মাত্র ছোট ভাই এয়ারফোর্সে ফ্লাইট লেফটেন্যান্ট হয়েছিল। মাস দুই আগে যোধপুরের কাছে বিমান দুর্ঘটনায় মারা গেছে। ভাইফোঁটার উল্লেখে তাঁর চোখ দুটি জলে ছলছল হয়ে উঠল।

তরলা বিশ্বাস স্নেহভরে তাঁকে কাছে টেনে নিয়ে আমাকে লক্ষ্য করে বললেন, “আপনি আমাকে দিদি বলবেন, এমন প্রত্যাশা করিনে যদিও সেটা দাবী করলে অন্যায় হতো না। তবে মিলী যে আমার ছোট বোন নয়, একথাটা কিন্তু ম্যাজিস্ট্রেট সাহেবের হুকুমের মানতে রাজী নই।”

এরই মধ্যে তিনি আমার স্ত্রীর আটপৌরে নামটাও জেনে নিয়েছেন।

বিদায় নিয়ে চলে আসছিলাম। মিস বিশ্বাস আমার হাতে কাগজে মোড়া একটি ক্ষুদ্র প্যাকেট দিয়ে বললেন, “সাহেব মানুষকে খুঁটি দিয়ে লাভ নেই, সেটা হয় ঝাড়পোছার কাজে লাগবে নয়তো শেষপর্যন্ত বাবুটী, খানসামার ঘরেই যাবে। তাই ভাইফোঁটায় ছুঁচে কাজ করা একটি ক্রমাল দিলেম। ভয় নেই, ঘুষের দায়ে পড়তে হবে না, আমি বরং মিলীর কাছ থেকে একটা আধ-পয়সা চেয়ে নেব।”

পরিহাসে যোগ দিয়ে বললেম, “সেজন্যে ঘাবড়াই নে। ঘুষ নিলে দোষ নেই, ধরা পড়লেই মুন্সিল। কিন্তু ক্রমাল দিলে যে ঝগড়া হয় সে-কথা কি আপনি জানেন না?”

“জানি, কিন্তু সে শুধু মেয়েদের বেলায় খাটে, ছেলেদের নয়। মিলীকে অন্য জিনিস দিয়েছি।” সেদিন হেমন্তের অলস অপরাহ্নের ঘণ্টা দুই সময় তরলা বিশ্বাস সত্যি সত্যি হাসিতে খুশিতে সরস এবং আন্তরিকতায় মধুর করে তুলেছিলেন।

অতি অল্পদিনেই মিলী ও তরলার মধ্যে একটি নিবিড় প্রীতির সম্বন্ধ গড়ে উঠল।

ম্যাজিস্ট্রেটকে স্থানীয় জনসাধারণের সুখ-দুঃখের সঙ্গে পরিচিত হতে হয়, কিন্তু জড়িত হতে মানা। শাসনকার্যের স্বার্থেই শাসকদের পক্ষে মেলামেশার ব্যাপারে একটু রাশ টেনে চলতে হয়। আমি যে তরলা বিশ্বাসের সঙ্গে সম্পর্কটা সৌজন্যপূর্ণ সহৃদয়তার ক্ষেত্র থেকে ব্যক্তিগত অন্তরঙ্গতার পর্যায়ে উন্নীত করতে ব্যর্থ নই সেটা তিনি অনুমান করেছিলেন। তাছাড়া স্কুল কমিটির সভাপতি ও স্কুলের হেডমিস্ট্রিসের মধ্যে যে কিছুটা সসন্ত্রম দূরত্ব রক্ষার প্রয়োজনীয়তা আছে সে বিষয়ে তিনি সজাগ ছিলেন। আমার সঙ্গে ঘনিষ্ঠতার তিনি চেষ্টা করেননি। তাঁর মাত্রাজ্ঞান, ইংরেজিতে যাকে বলে সেল অব প্রোপোরশান, লক্ষ্য করে শ্রদ্ধাশীল হয়েছি।

সে-দিন ব্রেকফাস্টের টেবিলে মিলী খবর দিল। জুবিলী স্কুলের সহকারী প্রধান শিক্ষয়িত্রী অবসর নিয়েছেন, আসছে সপ্তাহেই সে শূন্যপদে নতুন নিয়োগ হবে।

সংবাদটা আমার অজ্ঞাত নয়। দিন তিনেক আগে স্কুল কমিটির আসন্ন মিটিং-এর এজেন্ডা এসে গেছে। কিন্তু সে-খবর মিলীর কাছে পৌঁছলো কী করে?

নিজের কথার জের টেনে মিলী প্রশ্ন করল, “তোমরা কাকে নেবে ঠিক করেছ কি?”

তার জবাব না দিয়ে পাণ্টা প্রশ্ন করলেম, “কেম ? তোমার কোনো এ্যাডমায়ারার ক্যান্ডিডেট আছে না কি?”

“ফাজলামি রাখো। আমি বলি কি, বাইরে থেকে কাউকে নেওয়ার দরকার কী ? ঐ সুধাকেই প্রমোশন দাও না কেন ? মেয়েটি দেখতে বেশ, স্মার্ট, সর্বদাই হাসিখুশি।” মিলী প্রস্তাব করল।

আমি স্কুল কমিটির সভাপতির যোগ্য গাভীরের ভান করে জবাব দিলেম, “না দেওয়ার গুটি চারেক প্রধান কারণ আপাততঃ দেখতে পাচ্ছি। এক নম্বর,—সুখা যে কে এবং তার যোগ্যতা যে কী তা জানিনে। দুই,—দেখতে ভালো হওয়াটাই এক্ষেত্রে বেস্ট কোয়ালিফিকেশান নাও হতে পারে ; কারণ স্কুলের জন্য একটি সহকারী শিক্ষয়িত্রী চাই,—বিয়ের কনে নয়। তিন—প্রমোশন দেওয়া না দেওয়ার মালিক কমিটি, আমি তার চেয়ারম্যান মাত্র। চার নম্বর—”

মিলী বাধা দিয়ে বলল, “কমিটি তো ভারি স্কুলের দেখাশোনা করেন। সেই যে কথায় বলে, ভাত-কাপড়ের কেউ নয় কিল মারবার গোসাই। স্কুল তো চালায় তরলাদি।”

সুখা নাম্নী শিক্ষয়িত্রীটি যিনিই হোন ঠাকৈ প্রমোশন দেওয়ার ব্যগ্রতাটা যে কার এতক্ষেণে তা বোঝা গেল। কেসটা তরলা বিশ্বাসের ; মিলী নিয়েছে তার ব্রীফ।

পরদিন বাদিনী স্বয়ং অত্র আদালতে হাজির হলেন।

সুখা বয়সে ছোট হলেও অন্যান্য শিক্ষয়িত্রীদের চাইতে যে কত বেশী দক্ষ, ছাত্রীদের শেখাতে তার যে কী বিপুল যত্ন ও অধ্যবসায় তা সবিস্তারে ব্যাখ্যা করলেন। কবে কোথায় ইনসপেকট্রিস অফ স্কুল তাকে কী সাধুবাদ দিয়েছেন তাও উল্লেখ করতে বাকী রইল না।

শিক্ষক-শিক্ষয়িত্রীদের নিয়োগ, প্রমোশন ও বরখাস্ত সম্বন্ধে সর্বত্রই কতকগুলি নিয়ম, পদ্ধতি আছে। সিনিয়রিটির প্রক্টাও সহজে অগ্রাহ্য করা যায় না।

সে কথা শুনে তরলা বিশ্বাস জ্বলে উঠলেন। বললেন, “সিনিয়রিটি মানে তো প্রাচীনতা, আগে আসার জোর। তা হলে তো স্কুলের বুড়ী আয়াটাকেই হেডমিস্ট্রিস করতে হয় ; তার চেয়ে পুরানো স্কুলে আর কেউ নেই।”

আমি হেসে জবাব দিলেম, “আপনি ইংরেজী লিটারেচারের ছাত্রী ছিলেন, কলেজে বোধহয় লজিক পড়েন নি। নইলে তুলনাটা যে লাগসই হয়নি সেটা নিজেই বুঝতে পারতেন।”

তরলা বিশ্বাস বুজিমতী। আমার মনোভাবটা আঁচ করতে তাঁর কষ্ট হল না।

মাস তিনেক পরের ঘটনা। গৃহিণী কিছুদিনের জন্য পিত্রালয়ে গেছেন। বাড়িতে আমি একা। আপিস থেকে ফিরে একটা ইংরেজী উপন্যাস নিয়ে বসেছিলাম। সন্ধ্যার তখনও বাকী। কিন্তু বিকেল থেকেই আকাশ মেঘাচ্ছন্ন ছিল, তাই তাড়াতাড়ি অন্ধকার নেমে এল। নতুন বেয়ারাটা

কেরোসীনের পেট্রোম্যাক্সটা ছেলে দিতে এসেছিল। বলল, “এক মেমসাহব হুজুরসে মিলনে আয়ী হৈ।”

মেমসাহব ? কোথায় ?

সে জানাল বারান্দায় যেখানে গার্ডেন চেয়ারগুলি জড় করা আছে, সেখানে বসিয়েছে।

তরলা বিশ্বাস সন্দেহ নেই। ত্রীর অনুপস্থিতির কথা কি তিনি জানেন না ?

“মিলী তো এখনও কলকাতা থেকে ফেরেনি” বলতে বলতে তার পাশে গিয়ে দাঁড়াতেই, আগভুকা আমার দিকে মুখ ফেরালেন। একী ? এ তো মিস বিশ্বাস নন। বছর ত্রিশের একটি তরঙ্গী তরুণী। মোটামুটি সুন্দরী।

চেয়ার থেকে উঠে দু’হাত তুলে নমস্কার করে বলল, “ক্ষমা করবেন, খুব বিপদে পড়েই আপনাকে বিরক্ত করতে এসেছি। আমি সুধা, জুবিলী গার্লস স্কুলের হিষ্ট্রীর টীচার।”

নির্জন সন্ধ্যায় ত্রীবিরহিত বাড়িতে এক অপরিচিতা যুবতীর একক আগমনে বিব্রত বোধ করলেম।

বিপদ যে কোনো মানুষেরই ঘটতে পারে। তাই বলে বলা নেই, কওয়া নেই অজানা অচেনা মেয়েমানুষ যখন তখন মহকুমা শাসকের বাংলোতে হানা দেবে ? ফটকে পুলিশ পাহারাদারটা করছে কী ? আটকায়নি কেন ? আমার ম্যাজিস্ট্রেটীয় মেজাজ রক্ষা হয়ে উঠল।

অপ্রসন্ন কণ্ঠে বললেম, “আপনার বিপদের কথা আপনার হেডমিস্ট্রেসকে বলুন। তাঁর উপর স্কুলের সেক্রেটারী আছেন, তাঁকে জানান। চোর, গুস্তার ব্যাপার হলে থানায় ডায়েরী করতে পারেন। শহরের প্রত্যেকটি লোকই যদি তার নালিস বা সমস্যা নিয়ে রাত বিরাতে সোজা আমার কাছে দৌড়ে আসে তবে তো এ্যাডমিনিস্ট্রেশন চলে না।”

সুধা নিশ্চয়ই এমন রূঢ় আঘাত প্রত্যাশা দূরে থাক, কল্পনাও করেনি। সে ভীত চকিত স্বরে বলল, “হেডমিস্ট্রেস নিজেই যে আমাকে তাড়িয়ে দিচ্ছেন। না, আর কাউকে দিয়েই কিছু হবে না। শুধু আপনিই আমাকে রক্ষা করতে পারেন।” বলতে বলতে তার কণ্ঠরুদ্ধ হলো, দুই কোমল গণ্ড বেয়ে চোখের জল গড়িয়ে পড়তে লাগল।

তার অশ্রুসিক্ত ভয়ানক মুখের দিকে তাকিয়ে মায়া হল। একটা চেয়ার টেনে বসলেম। শোনাই যাক না ব্যাপারটা কী ?

সুধা মেয়েটি প্র্যাটিক্যাল। ফেনিয়ে ফেনিয়ে কাহিনীকে অনাবশ্যক দীর্ঘ করল না। শুধু প্রয়োজনীয় অংশটুকু বিবৃত করল।

অল্পবয়সেই সুধার বিয়ে হয়েছিল। ভাগ্যদোষে বছর না ঘুরতেই স্বামীহাবা। বর পূজোর ছুটিতে গ্রামে আসছিল, পথে ধলেশ্বরীতে তার নৌকাডুবি হলো। অন্য যাত্রীরা কয়েকজন রক্ষা পেল, কাকুর বা মৃতদেহ পরে শনাক্ত হলো। শুধু সুধার স্বামীর কোনো খোঁজ পাওয়া গেল না। সবাই ধরে নিল, নিশ্চয়ই নদীর প্রবল জলপ্রোত তার প্রাণহীন শরীরটাকে অনেক দূরে ভাসিয়ে নিয়ে গেছে। শুধু সুধাব শাশুড়ী সে-কথা মানলেন না। গৃহদেবতা নাকি তাঁকে স্বপ্নে আশ্বাস দিয়েছেন, তাঁর ছেলে ডুবে মরেনি, ফিরে আসবে।

গ্রামে দেশীয় খ্রীস্টানদের একটা কলোনী ছিল। সেখানে গীর্জার পাত্রী সাহেব বেলজিয়ান। তাঁর দয়া হলো। তিনি সুধাকে লেখা-পড়া শেখালেন। মিশনের স্টাইপেন্ড দিয়ে তাকে ম্যাট্রিক থেকে বি-এ অবধি পড়ালেন। অদৃষ্ট বোধহয় সুপ্রসন্ন হয়েছিল, বিনা সুপারিশেই জুবিলী স্কুলের চাকরিটা জুটে গেল। সে শুধু জীবিকা নয়, নতুন জীবনও বাটে। হেডমিস্ট্রেস তরলা বিশ্বাস তো কেবল সুধাব উপরওয়ালান্ন নন, তিনি তাব আত্মীয়ের অধিক। স্নেহ দিয়ে, প্রীতি দিয়ে, সতর্ক প্রহরীগীর সজাগ দৃষ্টি দিয়ে তিনি সুধাকে নিরাপত্তায় ঢেকে রেখেছেন। এম-এ পড়ার জন্য তাকে স্কুল থেকে দীর্ঘ স্টাডি লীভ পাইয়ে দিয়েছে কে ? পড়াব বই যুগিয়েছে কে ?

স্কুলের কোয়ার্টার্সেব ছোট বাড়িটিতে সুধা শাশুড়ীকে নিয়ে থাকে। বউ রান্নাবান্ন কবে, স্কুলে যায়, ছাত্রীদের পড়ায়, গ্রন্থাগারের খাতা দেখে। শাশুড়ী ছেলের আশায় মালা জপেন, চাকর-দেবতার মানত করেন, গণ্ডকারকে হাত দেখান, সাধু সন্ন্যাসী দেখলেই পা ভড়িয়ে ধরেন।

বুধ! নির্জনগরে বৃষ্টিশিখরের সোনার দিগন্তে ছিলেন। দিন কুড়ি আগে সেখান থেকে এক

স্বামীজীকে সঙ্গে নিয়ে ফিরেছেন। তিনি নাকি সিদ্ধ পুরুষ, ভগবানের অবতায় বললেই হয়, যোগবলে বৃদ্ধার ছেলের সন্ধান বলে দেবেন। সেই থেকে সুধার বাড়িতে তাঁর ভজন পূজন চলছে।

স্বামীর মৃত্যু সম্পর্কে সুধার কোনো সংশয় নেই। কিন্তু পুত্র শোকাতুরা জননী যদি অলীক আশা নিয়ে ভুলে থাকে তবে তাতে সে বাধা দেবে কেন? সাধু-সন্ন্যাসীতে সুধার মতি নেই, ইড়া-পিঙ্গলা-সুমুগ্না নিয়েও সে কখনও মাথা ঘামায়নি। কিন্তু বৃদ্ধা শাশুড়ীর মনে আঘাত দিতে তার বিবেকে ঝাঞ্চে। তাই অনিচ্ছা সত্ত্বেও সে দুবেলা স্বামীজির পায়ের ধূলা নেয়, অনেক রাত জেগে তাঁর কীর্তন শোনে, তাঁর প্রসাদ মাথায় ঠেকিয়ে মুখে নেয়।

স্বামীজী বয়সে তরুণ, চেহারাটাও ভালো। যোগবল বা ঐশী শক্তি তাঁর আছে কি নেই তা সুধা জানে না। তবে লক্ষ্য করেছে, সিদ্ধের গেরুয়া ছাড়া তিনি পরেন না এবং সুস্বাদু আহাৰ্যেও তাঁর বিতৃষ্ণা নেই।

খবরটা তরলা বিশ্বাসের কানে যেতে তিনি বিচলিত হলেন। তিনি সুধাকে ডেকে বললেন, এই দণ্ডে স্বামীজীকে বিদায় করা চাই। কিন্তু সুধার শাশুড়ী তাই শুনে অনশন শুরু করলেন, বললেন, স্বামীজীকে কেউ কিছু বললে, তিনি দেয়ালে মাথা কুটে প্রাণ দেবেন।

স্কুলের নিয়মে শিক্ষয়িত্রীদের কোয়ার্টার্সে তাদের নিকটতম আত্মীয় ছাড়া অন্য পুরুষের বসবাস নিষিদ্ধ। তরলা বিশ্বাস আলটিমেটাম দিয়েছেন, আটচল্লিশ ঘণ্টার মধ্যে হয় স্বামীজী নয়তো সুধা আর তার শাশুড়ীকে কোয়ার্টার্স ছাড়তে হবে। স্কুলের চাকরিটিও যাওয়ার আশঙ্কা। নিয়ম বা প্রিন্সিপলের বেলায় তরলাদি কত নির্মম ও কঠোর হতে পারেন তা সুধার অজানা নেই। আর কোনো দিকে কোনো পথ দেখতে না পেয়ে সে মরীয়া হয়ে এখানে ছুটে এসেছে।

সুধার ইতিবৃত্ত শেষ হল। সহানুভূতির স্বরে বললেন, “আপনার অবস্থার দুঃখজনক। কিন্তু হেডমিস্ট্রেসকে তো দোষ দেওয়া চলে না। স্কুলের সুনাম, ছাত্রীদের স্বার্থ—এসবের দায়িত্ব তো তাঁরই। খুবই স্বাভাবিক যে, তিনি কোনো রিস্ক মানে ঝুঁকি নিতে চান না। তা ছাড়া, তাঁর উদ্বেগের কারণটা অন্যত্র হওয়াও অসম্ভব নয়।” কথাটা আরও পরিষ্কার করে বলতে সঙ্কোচ হলো।

কিন্তু মেয়েটির বুদ্ধি আছে, ইঙ্গিতটা বুঝতে পারল। তার কর্ণমূল লাল হয়ে উঠল। চোখ নীচু করে লজ্জা-জড়িত কণ্ঠে বলল, “সে আমি জানি। তরলাদি আমার নিজের বড় বোনের মতো। আমার গভীর মঙ্গলাকাঙ্ক্ষী। কিন্তু আমার সন্তর বছরের বৃদ্ধা শাশুড়ীকে আমিই বা ফেলি কেমন করে।”

সমস্যাটা দূরার, সন্দেহ নেই। কিন্তু সুধা চায় কী?

বেশী কিছু নয়। আর চারদিন পরেই মঙ্গলবার অমাবস্যা। স্বামীজী আশা দিয়েছেন ঐ দিন মধ্যরাতে হোমের পরে বৃদ্ধাকে তার নিরুদ্দিষ্ট ছেলে এনে দেবেন। সুধার ধারণা, তার আগেই সরে পড়বেন। সুধা ঐ কটা দিনের সময় চায় মাত্র।

সুন্দর মুখের সর্বত্র জয় সম্পর্কে বঙ্কিমচন্দ্রের উজ্জ্বলিত আমার স্মরণে ছিল। কিন্তু সুধার বিপদে সাহায্য করতে যে রাজী হলেন সে শুধু তার কমল আননের খাতিরে নয়।

পরদিন রবিবার। ছুটির দিন, আপিসের তাড়া নেই। তাই একটু বেলা অবধি ঘুমিয়েছিলাম। সাড়ে আটটা নাগাদ বিছানা ছাড়তেই শুনলাম, বৈকুণ্ঠবাবু অনেকক্ষণ ধরে গোল কামরায়—ড্রয়িংরুমে অপেক্ষা করছেন। দর্শনপ্রার্থী।

কারণটা অনুমান করতে কষ্ট হলো না। ভদ্রলোক স্বামীজী সমস্যায় দিশেহারা হয়ে এই সকালবেলায় পরামর্শ চাইতে ছুটে এসেছেন।

আমি ঘরে ঢুকতেই অসহায় কণ্ঠে প্রায় চৈঁচিয়ে উঠলেন, “গার্লস স্কুলের সর্বনাশ হয়ে গেছে। ইলোপমেন্ট।”

চমকে উঠলাম। কৈ, সুধা মেয়েটিকে তো এমন মনে ইয়নি। বরং তার চেহারা ও আচার-আচরণে এমন একটা সুকুমার সারল্যের ছাপ আছে যা সহজেই মনে আস্থা সৃষ্টি করে।

কোন এক ইংরেজ কবি বলেছেন, মানুষের মুখ হচ্ছে তার মনের দর্পণ। মনে হয়, নিতান্তই বাজে কথা। সৃষ্টিকর্তা নরনারীর অন্তরের ক্রুরতা ঢেকে রাখার জন্যেই বোধ হয় তাদের মুখমন্ডলে

দেন নিষ্কলুষতার রমণীয় আবরণ। বিশ্বাদ অমুখের ট্যাবলেটের গায়ে যেমন নানা রঙের সুগারকোটিং। অপাঠ্য উপন্যাসের যেমন সুচিত্রিত বলমলে মলাট।

বিশ্বায়ের আকস্মিকতায় দু'জনই নিস্তব্ধ হয়ে বসে রইলাম। পরে ধীরে ধীরে অনেকটা স্বগতোক্তির মতোই মন্তব্য করলেম, “সুধা যে এমন কাজ করতে পারে তা সত্যি আমি ভাবিনি—”

বৈকুণ্ঠবাবু অবাক হয়ে বাধা দিলেন। তাড়াতাড়ি সংশোধন করলেন, “সুধা ? না, না, সুধা নয়। ইলোপ করেছে মিস বিশ্বাস, আমাদের হেডমিস্ট্রেস ?”

স্কুলের সেক্রেটারী মশায়কে নিরীহ অহিংস প্রকৃতির ভালমানুষ বলে জানতেম। তিনি অতর্কিতে আমার মাথায় একটা হ্যাণ্ড গ্রেনেড ছুঁড়ে মারলেন। অন্ততঃ মুহূর্তের জন্য আমার তাই মনে হল। মাথাটা বুঝি চৌচির হয়ে টুকরো টুকরো মেজেতে ছড়িয়ে পড়েছে। নইলে চিন্তাশক্তি-রহিত হলো কেন ?

খানিক সামলে উঠে ধীরভাবে ভাবতে চেষ্টা করলেম। বৈকুণ্ঠবাবু হস্তদত্ত হয়ে এত প্রত্যুবে পরিহাস করতে এসেছেন, এমন মনে করা সঠিক। ভুল শুনিনি তো ?

বৈকুণ্ঠবাবু জানানলেন, খবরটা পেয়েই তিনি সুধার বাড়িতে গিয়েছিলেন। সেখানে সুধার শাশুড়ীর কাছে শুনলেন, কাল দুপুরে হঠাৎ মিস বিশ্বাস এসেছিলেন। উগ্রমূর্তি। দরোয়ান ডেকে স্বামীজীকে তক্ষুণি স্কুল কম্পাউন্ডের বাইরে বের করে দেবেন, শাসালেন। সুধার শাশুড়ীর কান্নাকাটিতে কান দিলেন না। সোজা ঢুকলেন স্বামীজীর ঘরে। আলনা থেকে তাঁর গেরুয়া বসন ও উত্তরীয় টান মেরে উঠানে ফেলে দিতে যাচ্ছিলেন। স্বামীজী আসন থেকে উঠে এসে দাঁড়ালেন তাঁর সামনে। সুধার শাশুড়ী শুনেছেন, যোগী ঋষিদের চোখে থাকে তপস্যার আগুন, সে আগুনের সামনে মাথা তুলে দাঁড়াবে হেডমাস্টারনীর এমন সাধ্য কী ? তরলা বিশ্বাস থমকে দাঁড়ালেন। তাঁর হস্তি-তস্তি উবে গেল। তার পরে কী ঘটেছে তা সুধার শাশুড়ী জানেন না। তবে লক্ষ্য করেছে, অনেকক্ষণ মিস বিশ্বাস স্বামীজীর কাছ থেকে নড়েন নি। নিশ্চয়ই নিজের অপরাধের জন্য পায়ের ধরে মহাপুরুষের ক্ষমা চেয়ে নিয়েছেন।

সন্ধ্যাবেলা মিস বিশ্বাসকে আবার আসতে দেখে বৃদ্ধা পুলকিত হলেন। সাধুসন্তদের লীলা এমনই বটে। তাঁদের নামে শিলা জলে ভাসে মুক বাঁচাল হয়, পঙ্খ গিরি লঙ্ঘন করে। স্বামীজীর অলৌকিক শক্তি যে নাস্তিক তরলা বিশ্বাসের মনেও ভক্তির উদ্রেক করেছে সে বিষয়ে সুধার শাশুড়ীর মনে সন্দেহ রইল না।

সুধা কী এক জরুরী প্রয়োজনে বাইবে গিয়েছিল, এসব কিছুই জানত না। আজ সকালে অন্যদিনের মতো স্বামীজীর পূজার উপকরণ যোগাতে গিয়ে দেখে, ঘরের দরজা খোলা, স্বামীজী উধাও।

অদূরে হেডমিস্ট্রেসের শয়নকক্ষেও শয্যা শূন্য, তরলা বিশ্বাস নিরুদ্দেশ।

আমার এক বন্ধু কেমব্রীজ থেকে সাইকলজিতে ডক্টরেট করেছিলেন। ফ্রয়েড গুলে খেয়েছেন। অনেক বছর পরে মিস বিশ্বাসের কাহিনী শুনে বললেন,—

স্মৃতিমস্ত্রনে ছেদ পড়ল। এয়ার হোস্টেসের কণ্ঠ শোনা গেল,—“লেডীজ এ্যাণ্ড জেন্টলমেন,—আর কিছুক্ষণের মধ্যেই প্লেন পালামে নামবে। প্রীজ, ফাসন্ ইওর সীট বেকটস এ্যাণ্ড এক্সটিংগুইশ ইওর সিগারেটস।”

যখন বৃষ্টি নামল

ଶ୍ରୀମତୀ ସୁପ୍ରଭାଦେବୀ ଚଟ୍ଟୋପାଧ୍ୟାୟ
ଶ୍ରୀ ବବୀନ୍ଦ୍ର ଚଟ୍ଟୋପାଧ୍ୟାୟ
କଲ୍ୟାଣୀୟେଷୁ

মনের মধ্যে যথেষ্ট উদ্বেগ নিয়েই অমলা হেডমিস্ট্রেসের ঘরে ঢুকেছিল। উদ্বেগটা অকারণ নয়। প্রধানা শিক্ষয়িত্রী সুরূপা সেনের অনেক কোয়ালিফিকেশন। দুঃখের বিষয় অমায়িকতা তার মধ্যে পড়ে না। মিস সেন পিওর ম্যাথম্যাটিকস নিয়ে এম-এ-পাস করেছেন। অক্সফোর্ডে টীচার্স ট্রেনিং-এ পেয়েছেন ফার্স্ট ক্লাস। ক্লাসে পড়ান চমৎকার। স্কুলের অ্যাডমিনিস্ট্রেশন চালান নিখুঁত। কিন্তু তাঁর মেজাজটা সেই যে সংস্কৃত কাব্যের ভাষায় বলে কুসুমপেলব তার কাছ ঘেঁষে যায় না। ছাত্রী, টীচার, কেরানী, পিওন সবাই তাঁর ভয়ে সন্ত্রস্ত। স্কুলের প্রেসিডেন্ট, সেক্রেটারী মায় ম্যানেজিং কমিটিও তাঁকে সহজে ঘাঁটাতে চান না।

অথচ মিনিট কুড়ি পরে অমলা যখন তাঁর ঘর থেকে বেরিয়ে এল তখন তার মুখেচোখে দুর্ভাবনার চিহ্নমাত্র নেই। বরং সে যে নিশ্চিন্ত হয়েছে তারই সুস্পষ্ট আভাস আছে তার ঠোঁটের কোণে ক্ষীণ হাসির রেখাটিতে। আছে তার হালকা চলার ভঙ্গিতে।

টীচারদের কমনরুমে যেতে যেতে অমলা ভাবল, মিছেই ছাত্রীরা হেডমিস্ট্রেসের নিন্দা করে বলে,—বিরূপা সেন। তিনি তো মোটেই বদরাগী নন। খামোকাই অমলা এত ভয় পেয়েছিল। টেবিলের ওপরে একটা বিরাট মোটা খাতার পাতায় ঝুঁকে হেডমিস্ট্রেস গভীর মনোযোগে কী যেন দেখছিলেন। প্যুশে দাঁড়িয়ে অ্যাকাউন্টস অফিসার বৃদ্ধ শঙ্কুবাবু বোধ হয় ব্যাখ্যা করে বোঝাচ্ছিলেন। স্কুলের টাকাকড়ি সংক্রান্ত ব্যাপার নিশ্চয়ই।

অমলা ঘরে ঢুকতেই মিস সেন তাকে বসতে বললেন।

টেবিলের বিপরীত দিকে একটা চেয়ার নিজের কাছে টেনে নিল অমলা। মিস সেনের মুখোমুখি কাঠের পুতুলের মতো সোজা শক্ত হয়ে বসে রইল। অনেক চেষ্টা করেও খুব অনায়াস, ইংরেজীতে যাকে বলে রিলাক্সড, বোধ করল না। তার অস্বস্তিকর অবস্থাটা তার নিজের কাছেও গোপন রইল না।

শঙ্কুবাবু তাঁর হিসাবের খাতা, বিল, ভাউচার নিয়ে বিদায় হলে সুরূপা সেন অমলার দিকে তাকালেন। বললেন, “শুনলেম ছুটিতে তুমি কলকাতায় যাবে না। এখানেই থাকতে চাও।” কথাটা হেডমিস্ট্রেস মিথ্যা শোনেন নি।

আশ্বিনের মাঝামাঝি। স্কুলে দীর্ঘ পূজা-ভ্যাকেশান আসন্ন। দিনকয়েক মাত্র বাকি। যেসব শিক্ষয়িত্রী অন্য জায়গা থেকে এসেছেন তাঁরা কেউ ছুটির পরদিন কেউ বা সেদিনই রাত্রির ট্রেনে যে যার বাড়ি রওনা হওয়ার প্ল্যান করছেন। হোস্টেলের মেয়েরা তাদের মা, বাবা, আত্মীয়পরিজনদের কাছে ফিরে যাওয়ার উৎসাহে উদ্দীপ্ত। শুধু অমলা অটোমল। তার যাওয়ার কিছুমাত্র উদ্যোগ নেই।

ছুটিতে টীচার ও মেয়েদের বাড়ি যাওয়ার ব্যবস্থার ভার স্কুলের হেডক্লার্কের। তিনি আগেভাগে টিকেট কিনে আনেন, স্টেশন অবধি মাল বয়ে নিয়ে যাওয়ার কুলি যোগাড় করেন, নতুন মেয়েদের ট্রেনে তুলে দিতেও আপত্তি করেন না। আজ সকালেই তিনি হোস্টেলে এসেছিলেন। কে কোথায়, কবে, কোন্ ট্রেনে যাবে, কার চাই থ্রী টায়ার আর কার চাই বার্থ তারই লিস্ট তৈরী করছিলেন। অমলাকে জিজ্ঞাসা করতেই সে বলল, সে কোথাও যাবে না। হোস্টেলেই থাকবে।

সে কী কথা! হোস্টেল তো ছুটির দুদিন পরেই বন্ধ হয়ে যাবে। হেডক্লার্কবাবু অবাক হয়ে অমলার মুখের দিকে তাকিয়ে রইলেন।

তাই তো। হোস্টেল যে খোলা থাকবে না সে কথা তো অমলার মনে ছিল না।

সকাল থেকে সে-দুর্ভাবনাটা অমলার মনে পাথরের মতো চেপে বসে ছিল। সুতরাং স্কুলে যখন হেডমিস্ট্রেসের ঘরে ডাক পড়ল এবং সেখানে ঐ প্রপঞ্চটাই সামনে এল তখন সে বিস্মিত হলো কিন্তু বিচলিত হলো না। মৃদুস্বরে জানাল, ছুটির মাসটা সে এখানেই থাকতে চায়।

“বাড়িতে মা, বাবা, ভাইবোনদের কাছে যেতে চাও না?” মিস সেন বিষ্ময়ের স্বরে জিজ্ঞাসা করলেন।

অমলা জানাল, মা, বাবা, দুইই পরলোকে। কলকাতায় বিধবা গিসিমার কাছে মানুষ হয়েছে। ভাই নেই। ছোট একটি বোন আছে। সে অবশ্য দিদির পথ চেয়ে বসে আছে।

“তবে?” হেডমিস্ট্রেস অমলার মুখের দিকে তাকালেন।

এই “তবে”র জবাব অমলা দিতে পারে না। প্রকৃত সত্য এই যে, যে-কারণে সে পশ্চিমের এ শহরে টীচার হয়ে কলকাতা ছেড়ে চলে এসেছে, সে-কারণেই সে কলকাতায় যেতে অনিচ্ছুক। এই তো মাস তিনেক আগেকার ঘটনা।

নিত্যকার মতো সেদিনও স্কুলে যাওয়ার জন্য গড়িয়াহাটের মোড়ে সে ট্রামের অপেক্ষায় দাঁড়িয়ে ছিল। পর পর দুটো টোরসীর ট্রাম এল। পার্ক সার্কাসের ট্রামের দেখা নেই। এই বুঝি নিয়ম। অন্ততঃ অমলার কাছে তাই মনে হয়। সে বরাবর দেখে আসছে, যখন বালীগঞ্জে যাওয়ার তাড়া তখন কেবলই আসে টালীগঞ্জের ট্রাম। আর যখন টালীগঞ্জে যাবে তখন লাইন করে চলে কালীঘাট বা বালীগঞ্জের গাড়ি।

হঠাৎ কানে এল, “এই যে, কেমন আছেন?”

অমলা পিছনে তাকিয়ে দেখল, চেনা চেনা মুখ। অথচ ঠিক চিনতে পারল না। কবে কোথায় দেখেছে স্মরণে এল না।

প্রসঙ্গিকভাবে বলল, “চিনতে পারেন নি তো? মেডিক্যাল কলেজের রি-ইউনিয়নে—”

চকিত অমলার মনে পড়ে গেল। ছেলেটি অরুণাংশুর ব্যাচের। তার পকেট থেকে অর্ধেকটা উচিয়ে থাকা স্টেথিস্কোপ দেখে চেনাটা আরও সহজ হল। হেসে বলল, “চিনতে পারব না? আপনার বাঁশি বাজানো কি এত সহজে ভোলা যায়? সেদিন হল-ভর্তি লোকের হাততালি যেন থামতেই চায় না। এখনও বাজান তো?”

নবীন ডাক্তার ম্লান হেসে জবাব দিল, “কালেভদ্রে। দু’বেলা ওয়ার্ড-ডিউটির পরে বাড়ি ফিরে বাঁশি নিয়ে বসার আর উৎসাহ থাকে না।” প্রসঙ্গ পরিবর্তন করে বলল, “অরুণাংশুর সঙ্গে দিনকয়েক আগে দেখা হলো। নিউমার্কেটে। যুগলে।” হেসে যোগ করল, “ভাগ্যান্বন লোক। একই সঙ্গে এফ-আর-সি-এস ডিগ্রী আর ডি-ও-জি গিল্পী নিয়ে ফিরেছে। বললে উড স্ট্রীটে চেয়ার নিচ্ছে। দু’জনেই প্রাইভেট প্র্যাকটিস করবে।”

হতচকিত অমলা জবাবে কিছু বলার আগেই “এই যে আমার টু-বি এস গেছে। চলি, নমস্কার,” বলে ছেলেটি দোতলা বাসটায় উঠে পড়ল।

কথাটা এর আগেও অমলা দু’এক জায়গায় শুনেছিল। বিশ্বাস করে নি। যারা বলেছে তারা নাকি অন্য লোকের কাছে শুনেছে। শোনা কথা শোনানো একদল মানুষের স্বভাব। বিশেষ করে মেয়েমানুষের। সত্যি-মিথ্যে জানা নেই, যা কানে এল তাই পাঁচ কাহন করে পাঁচ কানে না তুলতে পারলে তাদের ঘুম হয় না যেন। ভারি রাগ হয়েছিল অমলার।

এখন আর অবিশ্বাসের রক্ত রইল না।

অমলা নির্বাক দাঁড়িয়ে রইল। কতক্ষণ সে নিজেই জানে না।

ট্রাম এল। ট্রাম গেল। কেউ নামল। কেউ উঠল। তাদের শূন্য স্থানে নূতন যাত্রী জড়ো হলো স্ত্রী, পুরুষ, বালক, বৃদ্ধ, যুবক, যুবতী। অমলার ঈশ নেই।

হঠাৎ তার মনে হল, দুই কান দিয়ে গরম হাওয়া বেরুচ্ছে যেন। মাথাটা কি কিম্বিকিম্বি করছে? খাড়া দাঁড়িয়ে থাকতে কষ্ট হচ্ছে। টুং টাং ঘণ্টা বাজিয়ে সমুখ দিয়ে রিক্সা যাচ্ছিল। তাকে থামিয়ে অমলা চেপে বসল।

সিঁড়ি দিয়ে উঠে কড়া নাড়তেই পিসিমা দোর খুলে দিলেন। অবাক হয়ে জিজ্ঞাসা করলেন, “ফিরে এলি কেন? স্কুলে গেলি নে?” তারপর অমলার মুখের দিকে তাকিয়ে উদ্বেগের কণ্ঠে বললেন, “চেহারা অমন শুকনো দেখাচ্ছে কেন? জ্বর হয় নি তো?” অমলার কপালে হাত রেখে তিনি উদ্ভাপ পরীক্ষা করলেন।

অমলা মাথা নেড়ে জানাল, জ্বর নয়। তাড়াতাড়ি নিজের ঘরে ঢুকে দরজা বন্ধ করে দিল। ক্লান্ত অবসর সেহ বিছানায় এলিয়ে দিল। এতক্ষণ যে-চোখের জল সে প্রাণপণে আটকে রেখেছিল শূন্য ঘরের নিস্তব্ধ একাকীত্বে সে আর বাধা মানল না। অথোরে স্বরতে লাগল।

ধীরে ধীরে অমলার মনে পড়ল, অনেক দিন থেকেই অরুণাংশুর চিঠিপত্র বিরল হয়ে উঠেছিল। এদিক থেকে তিনখানা লিখলে ওদিক থেকে একখানা লুপাং আসত। তাতে না থাকত আগেকার স্বাদ, না বাজত পরিচিত সুর। শুধু কয়েকটা স্মরণকারী খবর এবং মামুলী কুশল

জিজ্ঞাসা। অমলা ভেবেছে, পরীক্ষার চাপে অরুণাংশু ব্যস্ত। চিঠি লিখবার ফুরসৎ নেই। ছিঃ ছিঃ, এমনই মূর্খ অমলা! নিজেকে সে বার বার থিকার দিল।

কিছু মানুষকে কি কোনোমতেই চিনবার জো নেই? তাদের কথার ভাষা, মুখের হাসি, চোখের চাহনি সব কি একটা সযত্নরচিত কৌশল? অনেক রিহার্সেল-দেওয়া থিয়েটারের পার্টের মতো কেবলই মেইক-বিলীফ? অমলা ভেবে কূল পায় না।

পৃথিবীটা অমলার কাছে একটা বৃহৎ প্রতারণা মনে হল। এখানে সখ্য ছিলনা, শ্রীতি পরিহাস, বিশ্বাস নিরর্থক এবং হৃদয় মূল্যহীন।

অরুণাংশুর সঙ্গে প্রথম আলাপের কথা মনে পড়ল অমলার।

ইন্ডিস্ট্রাসিটি থেকে বাড়ি ফিরতে ভিড় ঠেলে অতি কষ্টে বাসে উঠেছিল। বসা দূরে থাক দাঁড়াবার জায়গা নেই প্রায়। বিলাতী টিনের কৌটোয় প্যাক করা সার্ডিনের মতো ঠাসাঠাসি যাত্রীর চাপে হাত পা অক্ষত রাখা দায়। দম বন্ধ হয়ে আসে যেন। খানিক বাদে টিকিটের দাম দিতে গিয়ে দেখে কাঁধে ঝোলানো ব্লিং ব্যাগটা থেকে পার্সীট কে কখন অলক্ষ্যে তুলে নিয়েছে।

অমলা প্রমাদ গুলল। ভাড়া না-দিতে পারার লজ্জা লুকোবে কোথায়? শুধু কভাস্টার নয় অন্য সবাই ভাববে, পয়সা ফাঁকি দেওয়ার মতলবে ছিল, ধরা পড়েছে। তা ছাড়া এই মাঝপথে নামিয়ে দিলে বাড়ি ফিরবে কেমন করে?

অস্বস্তি ও দুর্ভাবনার ছায়া পড়ে থাকবে তার চেহারা। পাশে একটি তরুণ মাথার উপরের স্ট্র্যাপ ধরে দাঁড়িয়ে ছিল। সে বোধ হয় অমলার অসহায় অবস্থাটা অনুমান করেছিল। একখানা বালীগঞ্জের টিকেট কিনে দিয়েছিল। অমলা অপ্রতিভ বিষ্ময়ের জের কাটিয়ে উঠে ধন্যবাদ দেওয়ার আগেই পরবর্তী স্টপে সে নেমে গিয়েছিল।

মাস তিনেক পরে অকস্মাৎ দেখা হয়ে গেল মেডিক্যাল কলেজের হাসপাতালে। অরুণাংশু আউটডোরের বারান্দা দিয়ে যাচ্ছিল। অমলা দেখতে পেয়ে তাড়াতাড়ি সামনে গিয়ে নমস্কার জানিয়ে বলল, “আপনাকে কতদিন ধরে খুঁজছি।”

যাকে খোঁজা হচ্ছিল সে অমলাকে চিনতে পেরেছে মনে হলো না। বিস্মিত দৃষ্টিতে তাকিয়ে রইল।

অমলা বলল, “সেই যে আপনি বাসে টিকিটের দাম দিয়েছিলেন। ধার শোধ করার জন্য পয়সা নিয়ে রোজ বাসে চেপে আসি যাই। আপনাকে দেখতে পাই নে।”

এতক্ষণে অরুণাংশুর মনে পড়ল। সে হেসে বলল, “ওঃ, ভারি তো পঁচিশ পয়সার ধার। তা নিয়ে এত ভাবনার আছে কী?”

অমলা ব্যাগ থেকে পয়সা বের করে হেসে বলল, “সামান্য বলেই তো শোধ করার তাড়া। অনেক টাকার ব্যাপার হলে বরং বেমালুম চেপে গিয়ে লাভ করা যেত। সত্যি, সেদিন খুব উপকার করেছিলেন। নইলে কী দুর্দশাই না হত।”

মেয়েটির বুদ্ধিদীপ্ত সপ্রতিভ কথাবার্তায় অরুণাংশু আকৃষ্ট হল। জিজ্ঞাসা করল, “আপনি এখানে কেন?”

অমলা জানাল ক’দিন থেকে পিসিমার কানে ব্যথা চলছে। পাড়ার ডাক্তারের ওষুধে সারছে না। তাই ই-এন-টিতে দেখাতে এসেছে।

জানা গেল অরুণাংশু সদ্য পাস করা ডাক্তার। এই হাসপাতালেই হাউস সার্জেন। তার সাহায্যে সহজেই অমলা পিসিমাকে নিয়ে স্পেশিয়েলিস্টের কাছে পৌছতে পারল। আউট পেশেন্টের কিউতে দাঁড়াতে হল না।

অসুখের প্রয়োজনে যে যোগাযোগের শুরু, অসুখ সেরে যেতেই তার সাজ নয়। পরিচিতির পর্যায় পার হয়ে বন্ধুত্বের কোঠায় উত্তীর্ণ হতে সময় লাগল না এবং সম্পর্কটা যে সেখানেই থেমে থাকে নি সেকথা দুজনের কারুরই জানতে দেয়ি হল না।

যথাকালে অমলা এম. এ. পাস করে স্কুলে চাকুরি নিয়েছে। ইন্টারশিপের শেষে অরুণাংশু গেছে বিলাতে। ফেলোশিপের মানসে।

সংসারে বিশেষ ঝঞ্ঝন আছে যা অদর্শনে অটুট রয়, এমন ব্যক্তি আছে যে দূরে গেলেও দূর হয়

না। এতদিন অমলা তাই ভেবেছে। আজ আবিষ্কার করল, সে সবই মিথ্যা। যে বস্তু নেই তার অস্তিত্ব কল্পনা করে এতকাল সে আকাশ-কুসুম রচনা করেছে। যে যা নয় তাকে তাই ভেবে সে শুধু নিজেকেই ঠকিয়েছে। নিজের বোকাগিতে তার রাগ হয়। নিজের দুই গালে চড় কবিয়ে দিতে ইচ্ছা জাগে।

কিন্তু অতীতের ভুল নিয়ে শোক করে সময় কাটাবার সময় কোথায় অমলার? চতুর্দিকে সহস্র জিজ্ঞাসা চক্কর কথা ভেবে তার মন সঙ্কুচিত হয়। বৃদ্ধা পিসিমা মুখ ফুটে কখনও কিছু বলেন নি বটে। কিন্তু তিনি যে কী আশা নিয়ে বসে আছেন তা অমলার অজানা নয়। তাঁকে সে কী বোঝাবে? বাজবীদের বলবে কী? দশ বছরের ছোট বোন সুমতি। বিলাতী ডাকটিকিট জমাবার লোভেই বুঝি অরুণাংশুর চিঠির জন্য ব্যগ্র হয়। সেই সরলচিন্ত একফোঁটা মেয়েটার কাছেই বা মুখ দেখাবে কোন্ মুখে?

অমলার কাছে কলকাতায় বাস করা দুঃস্বাদ্য মনে হলো। এ শহরের আকাশে বাতাসে ছড়িয়ে আছে পুরানো দিনের কত নিভৃত সাক্ষাতের গোপন সৌরভ। জড়িয়ে আছে কত অকারণ হাসির রেশ, কত টুকরো কথার চকিত ইশারা। আছে অগণিত স্মৃতির সাক্ষ্য যা কাঁটা হয়ে বিধবে অহনিশ।

এ কাহিনী তো কাউকেই বলা চলে না। ঘুণাক্ষরেও জানানো যায় না হেড-মিসট্রেসকে।

অমলা মুখ নীচু করে নিঃশব্দে বসে রইল।

এমিস সেন নিজে মেয়েমানুষ। মেয়েদের নিয়েই কাটাচ্ছেন বছরের পর বছর। অমলার বাড়ি যেতে অনিচ্ছার পেছনে যে কোনো একটা গুঢ় কারণ আছে সেটুকু আঁচ করা তাঁর পক্ষে কঠিন নয়। তিনি বললেন, “কারুর ব্যক্তিগত ব্যাপারে নাক গলানো আমার কাজ নয়। ছুটিতে তুমি কোথায় যাবে কি যাবে না সে তুমিই ঠিক করবে। কিন্তু এখানে থাকার একটা জায়গা চাই তো।”

অমলা মাত্র তিন মাস আগে এখানে এসেছে। হোস্টেলের বাইরে শহরে মেয়েদের থাকার স্থান কোথায় কী আছে বা নেই সে সম্পর্কে কিছুই জানে না।

তার নিরুত্তর নিরুপায় অবস্থা দেখে মিস সেনের বোধ হয় করুণা হলো। তিনি জিজ্ঞাসা করলেন, “টিউশান করতে আপত্তি আছে?”

অমলা কথার তাৎপর্যটা বুঝতে না পেরে হেডমিসট্রেসের মুখের দিকে তাকাল।

তিনি ব্যাখ্যা করলেন, “একটি ছোট মেয়েকে পড়াতে হবে। মাইনে কত দেবে জানিনে। তবে বাড়িতে থাকা ও খাওয়ার ব্যবস্থা হবে।”

এমন সুযোগের কথা অমলা স্বপ্নেও ভাবে নি। সে আগ্রহের সঙ্গে বলল, “মাথা গোজবার একটা ঠাই পেলেই আমি বর্তে যাই। মাইনে না দিলেও ক্ষতি নেই।”

মিস সেন প্রস্তাবটা আরও বিস্তারিত করলেন। এ অঞ্চলের সব চেয়ে বড় মাইকা মাইনের চীফ ইঞ্জিনিয়ার বাড়ালী। সজ্জন। স্থানীয় মিউনিসিপালিটির সদস্য, কোঅপারেটিভ ব্যাঙ্কের ডিরেক্টর, স্কুল কমিটিতেও আছেন। স্ত্রী বহুদিন অসুস্থ। কলকাতা, দিল্লী ও বোম্বেতে অনেক ডাক্তার, অনেক পরীক্ষা, অনেক ঔষধ, ইনজেকশন করা হয়েছে। ফল হয় নি। এখন আমেরিকায় ক্লীভল্যান্ড হাসপাতালে দেখাতে চান। কিন্তু ছ’বছরের ছোট মেয়েটিকে কার কাছে রেখে যাবেন সেই মহা সমস্যা। গ্রাম থেকে এক আত্মীয়া এসে তার ভার নেবেন এই ভরসায় যখন প্লেনের টিকিট, ডাক্তারের অ্যাপয়েন্টমেন্ট, হোটেল বুকিং পাকা হয়েছে তখন সে মহিলা হঠাৎ পিছিয়ে গেছেন। তাই গতকাল হেডমিসট্রেসের শরণাপন্ন হয়েছেন,—স্কুলের শিক্ষয়িত্রীদের মধ্যে কেউ যদি ঐ কয়েকটা সপ্তাহ রেসিডেন্ট টীচার হিসাবে মেয়েটিকে আগলে রাখেন। যদিও তাঁরা একজন বয়ীসী মহিলাই খুঁজছেন, মিস সেন অমলাকে রিকমেন্ড করতে রাজী আছেন।

হাতে চাঁদ পাওয়া বলে একটা বাংলা প্রবাদ আছে। বোধ হয় এমন অভাবিত সৌভাগ্যের বর্ণনাই তার উদ্দেশ্য। অমলা নিশ্চিন্ত হলো।

তার নতুন ছাত্রীটির পোশাকী নাম সোনা। মা-বাবা ডাকেন সুনু। বাড়িতে সেটাই প্রচলিত। মা চিরকণ্ঠা। সুনু তাকে কমই পায়। ছোট শহরে আয়া নামে যা আছে তা প্রোরিফাইড ঝি। তারা না বোঝে শিশুর মন, মা জানে শিশুর প্রয়োজন। এ বাড়িতে অমলাই প্রথম মেয়েমানুষ যে

অসহায় বালিকার নিঃসঙ্গতাকে যথার্থরূপে অনুভব করল। আশ্চর্য নয় যে সুনুর সঙ্গে সহজেই তার ভাব হয়ে গেল। শিশুদের সাংসারিক বিচক্ষণতা নেই, কিন্তু স্নেহের উৎস চিনতে তাদের বিলম্ব ঘটে না।

বাস্তবিক অমলাকে সুনু সান্নাধ্য গিরে থাকে। বই পড়া, গল্প শোনা, স্নান, খাওয়া, ঘুমনো বেশবিন্যাস সব কিছুতেই মাসিকে চাই। হেডমিস্ট্রেসের সতর্কীকরণ স্বরণে আসে অমলার—“চাকরিটা খুব সহজ নয়। কারণ নামে টিউটর হলেও ছাত্রীর মা-বাবা আসলে যা চান তা হচ্ছে ন্যানী, গভর্নেস ও গার্ডেন, অল রোন্ড ইনটু ওয়ান।” অমলা মনে মনে হাসে। ভাবে, মিস সেন ঠিক জানতেন না। তালিকায় আরও একটা যোগ করা উচিত ছিল,—সেফ।

খাওয়া নিয়ে ছাত্রীর বায়না মেটাতে খাবারের নিত্য নতুন রকমফের করতে হয় অমলাকে যা বাড়ির ঝি বা ঝাধুনী বামুনের কল্পনা এবং ক্ষমতার বাইরে। রোজ সকালে ডিম খেতে সুনুর ঝুলল আপত্তি। অমলা ক্র্যাঞ্চলড এগ করে দিলে লক্ষ্মী হয়ে খেয়ে নেয়। হাতে দুধের গ্লাস নিয়ে ঝি সেধে সেধে শেষকালে হাল ছেড়ে দেয়। তখন মাসি দু'ফোটা ভ্যানিলা যোগ করে মিক্স-শেক বানিয়ে দেয়! এক চুমুকে গ্লাস খালি হয়ে যায়।

কাজগুলি কঠিন নয়। কিন্তু চুকিয়ে দিয়ে দু'দণ্ড নিশ্চিন্ত হওয়ার উপায় নেই। সারাক্ষণই ব্যস্ত থাকতে হয়। তা হোক। অমলার কোনো নালিশ নেই। কাজের মধ্যে ডুবে থাকলেই সে ভালো থাকে। কর্মহীন নির্জনতায় মনের মধ্যে কেবলই ভিড় করে আসে একটি মুখ, অসংখ্য কথা যা স্বরণে হৃদয় পীড়িত হয়, চোখ ছলছলিয়ে ওঠে। সুনু যে তাকে এক মিনিট স্থির হয়ে বসতে দেয় না তাতে অমলা খুশি।

বিকেলবেলা প্রত্যহই অমলা ছাত্রীকে নিয়ে বাইরে খানিকটা হেঁটে আসে।

বাড়ির সমুখ দিয়ে লাল মাটির পথ গেছে শহরের বাইরে। ডাইনে ঝাঁক ঘুরলেই দেখা যায় নীচে লুণী নদীর ধারা। বর্ষাকালে যখন ঢল নামে তখন তার স্রোত কুল ছাপিয়ে ওঠে। তীরে ধানের ক্ষেত, মকাই-এর চাষ জলে থৈ থৈ করে। এখন পড়ে আছে বিস্তীর্ণ বালুরাশি। তার ওপর দিয়ে আশপাশের গায়ের স্ত্রী-পুরুষ পায়ে হেঁটে যাতায়াত করে। হাটের সওদা বোঝাই গরুর গাড়ি পারাপার হয়।

জায়গাটা নিরিবিলা অথচ একেবারে জনশূন্য নয়। দূরে পাহাড়ের গায়ে দেবদারু বনের পিছনে সূর্য তখনও সম্পূর্ণ লুপ্ত হয় নি। পড়ন্ত রোদের আভা আকাশে বিচিত্র রঙের ছোপ লাগিয়ে দিয়েছে। অমলা পথ ছেড়ে দিয়ে নীচে নদীর দিকে এগিয়ে গেল। সেখানটা মখমলের মতো সবুজ ঘাসে ছেয়ে আছে। তার ওপরে বসে পড়ল।

নদীর বুকে এক জায়গায় এখনও খানিকটা বর্ষার জল জমে আছে। একটি আবহুড়ো লোক ঝাঁকি জাল ঝুঁড়ে মাছ ধরার চেষ্টায় আছে। অমলার পাশে বসে সুনু বিশ্বাস ও কৌতূহলে তাই দেখছিল। বেশীক্ষণ একই বিষয়ে মন নিবদ্ধ রাখা শিশুদের স্বভাববিরুদ্ধ। তার দৃষ্টি পড়ল পাশের গাছগুলিতে। থোকা থোকা ফুল ফুটে আছে। সে ফুল তার চাই।

অমলা কাছে গিয়ে দেখল, সত্যি ফুলে ফুলে গাছ ছেয়ে আছে। অসংখ্য গাছ। অজস্র ফুল। সবই ডালের মাথায়। খুব উচুতে নয়, কিন্তু অমলার নাগালের বাইরে। পায়ের আঙুলে ভর দিয়ে, হাত বাড়িয়ে, লাফিয়ে কোনোমতেই সে ফুলের গুচ্ছ ঝুঁতে পারল না।

কাছেই কে একজন কাগজপত্র নিয়ে বসে কী লেখাপড়া করছিল। অমলা বাঁরণ করার আগেই সুনু একদৌড়ে তার কাছে গিয়ে হাজির। বেশীর ভাগ ছোট ছেলেমেয়ের অপরিচিত এমন কি আত্মীয়স্বজন সম্পর্কেও সন্তোচ থাকে। সুনুর কোনো ইনহিবিশান নেই। চেনা-অচেনার বাছবিচার করে না। সরাসরি দাবি জানাল, গাছ থেকে ফুল পেড়ে দিতে হবে।

একরাশ ফুল নিয়ে এসে অমলার হাতে দেওয়ার পরমুহুর্তেই সুনুর মনে পড়ল, ঐ যাঃ, ফুল যে তুলে দিল তাকে “থ্যাঙ্ক উ” বলা হয় নি। সে তখনই ছুটে গিয়ে ক্রটি সংশোধন কবে এল। সুনুর ম্যানার্স সম্পর্কে অমলা অত্যন্ত সজাগ। তার বিশ্বাস খুব ছোট বয়স থেকেই ভদ্র রীতিনীতি না শেখালে বড় হয়ে ছেলে-মেয়েরা অশিষ্ট হয়ে ওঠে। সে আদর করে সুনুর গার্ল টিপে দিল।

ফুল নিয়ে খেলতে খেলতে সুনুর হঠাৎ ফুলের নাম জানার ইচ্ছা হল। ফুলে অমলার

অভিজ্ঞতা অল্প। কৌতূহলও বেশী নয়। গড়িয়াহাটের মোড়ে ফুটপাথে ফুল বিক্রী হয় দেখেছে কিন্তু তার নাম গোত্র নিয়ে কখনও ঔৎসুক্য বোধ করে নি।

অনেক দিন আগে তার জন্মদিসে একজন একগোছা ফুল কিনে দিয়ে ছিল তার হাতে। রজনীগন্ধার মতো খাড়া উঁচির গায়ে হলদে ও কমলা রঙে মেশানো পাঁচ-সাতটি করে ফুল। সে ফুলেরও নাম জানত না অমলা। তাতে সুখের মাত্রায় এতটুকু ঘাটতি পড়েনি। সেদিন আনন্দ তো ফুলের মধ্যে ছিল না; ছিল যে দিয়েছে তার মধ্যে। তার কথা মনে হওয়া মাত্র অমলার বুকের মাঝখানটা ব্যথায় টনটন করে উঠল।

অগত্যা সুনুকে আবার তার কাছেই যেতে হয় যে ফুল সংগ্রহ করে দিয়েছে। সে সুনুকে সঙ্গে নিয়ে অমলার সামনে এসে উপস্থিত হলো।

মানুষটির বয়স ত্রিশের নীচেই হবে। সাধারণ বাঙালীর তুলনায় দীর্ঘকায়, চোখে চশমা, গালে অল্প দাড়ি। নমস্কার করে বলল, “আপনি ফুলের নাম জানতে চেয়েছেন। এর নাম—”

অপ্রতিভ অমলা তাড়াতাড়ি বাধা দিয়ে বললে, “না না, আমি জানতে চাই নি। সুনু নিজেই—”

ভদ্রলোক নিশ্চয়ই মনে ভেবেছেন অমলা-তার সঙ্গে আলাপ করার জন্য ব্যগ্র। তাই নানা ছুতোয় সুনুকে বার বার তাঁর কাছে পাঠাচ্ছে। সুনুর ওপরেও রাগ হল। বোকা মেয়েটার কাণ্ড দেখ না একবার।

তরুণ হেসে বলল, “জানতে চাইলে দোষের কিছুই নেই। কলকাতায়ও এ ফুলটা বেশী দেখতে পাওয়া যায় না। এ অঞ্চলে দেখছি যত্রতত্র এস্তার ফুটে আছে। ইংরেজী নাম, ল্যাজারে স্ট্রোমিয়া। বাংলায় বলে, জারুল। এর দুটো জাত আছে। রংও দু-তিন রকমের। এখানে শুধু পিঙ্কটাই দেখছি।”

উদ্ভিদতত্ত্বের এত বিস্তৃত ব্যাখ্যানে অমলার প্রয়োজন নেই। সে বলল, “আপনি দরকারী কাজ করছিলেন। সুনু আপনাকে মিছিমিছি উদ্ভাস্ত করে ছাড়ল।”

যুবকটি প্রতিবাদ করল। বলল, “অনেকক্ষণ থেকে আপনাদের দেখে মনে হচ্ছিল বাঙালী। কাছে এসে আলাপ করব ভাবছিলেম। সাহস হচ্ছিল না। সুনু সে কাজটা সহজ করে দিয়েছে।”

সে যেতে নিজের পরিচয় দিল। নাম শশধর সেন। চাকরি এবং বাস বর্তমানে কলকাতায়। পূজার ছুটিতে এখানে বেড়াতে এসেছে।

এ ধরনের আত্মবিজ্ঞপ্তি—সেলফ ইন্ট্রোডাকশানের উত্তরে অপর পক্ষও তার নামধাম ইত্যাদি ব্যস্ত করে থাকেন। এটাই প্রচলিত রীতি। কিন্তু অমলা সে দিকে গেল না। চূপ করে বইল। দুর্জনে মুখোমুখি নিঃশব্দ দাঁড়িয়ে থাকাটা অস্বস্তিকর। নিস্তর্রতাটা শশধরকেই ভাঙতে হয়। প্রশ্ন করল, “আপনারা বোধ হয় এখানে দীর্ঘকালের প্রবাসী বাঙালী!”

অমলা জবাব দিল, “আমি মাত্র মাস তিনেক আগে এসেছি।”

“আমি তার চেয়েও নতুন আগন্তুক। শহরের পথঘাট সবই অজানা। কোন্ পাড়ায় বা কোন্ রাস্তায় থাকেন তা বললেও চিনতে পারব না।” বলল শশধর।

শশধর তার ঠিকানা জানতে উৎসুক অথচ খোলাখুলি জিজ্ঞাসা করতে চায় না, একথা অমলা বুঝতে পারল। সে সোজা জবাব না দিয়ে জানাল তাদের বাসস্থান খুব দূরে নয়।

এমন সংক্ষিপ্ত উত্তরে কথোপকথন বেশী দূর এগোতে পারে না। “আচ্ছা, এখন চলি। আমি এখানে আরো কিছুদিন আছি। হয়তো আবার দেখা হবে,” বলে শশধর বিদায় নিল।

পরদিন অমলা অন্য দিকে বেড়াতে যাবে স্থির করেছিল। কিন্তু জারুল ফুলে প্রলুব্ধ সুনুকে জানানো গেল না। সে অমলাকে নদীর ধারে টেনে নিয়ে গেল। সেখানে আজও শশধর তাদের আগেই হাজির! অমলা ও সুনুকে দেখতে পেয়ে এগিয়ে এল। হেসে বলল, “এই যে এসে গেছেন। দেরি দেখে ভাবছিলেম, বুঝি আজ আর এলেন না।”

কথাটায় আপত্তিকর কিছুই নেই। কিন্তু অমলা প্রসন্ন হল না। এখানে আসবে বলে সে তো আগে-ভাগে কারো সঙ্গে চুক্তি করে রাখে নি। বলল, “আমি এখানে প্রত্যহ আসিনে। আজও সুনু আবার ফুলের আশার ধরল তাই....”

অমলার কথার ভঙ্গি এবং স্বরে যে অসন্তুষ্টির আভাস ছিল তা শশধর লক্ষ্য করল। সে সুনুকে

বলল, “তাই তো, তোমার ফুল তোলা হয় নি যে। এস আমার সঙ্গে।”

কিছুক্ষণের মধ্যেই সুনু দু’হাত ভরে ফুল নিয়ে ফিরল। তার পিছনে শশধর। অমলা তার দিকে না তাকিয়ে সুনুর পুষ্পসংগ্রহ নিয়ে ব্যস্ত হয়ে পড়ল। সেখানে আর দাঁড়িয়ে থাকাটা উচিত হবে কিনা ভেবে শশধর যখন দ্বিধাগ্রস্ত তখন সুনুই সমস্যার সমাধান করে দিল। রোজ রোজ চাওয়া মাত্র যে রাশি রাশি ফুল যুগিয়ে দেয় তাকে ভালো না লেগে যায় না। তাকে খেলার সঙ্গী পেলে নিশ্চয় আরও মজা হবে। সুনুর আহ্বানে তাকে বসতে হল।

দেখা গেল, শিশুদের সঙ্গে তাব জমাতে শশধর পটু। অনর্গল কথা বলা সুনুর স্বভাব। সহৃদয় প্রোতা পেয়ে অল্পক্ষণের মধ্যেই সে নিজের ও বাড়ির নানা তথ্য জানিয়ে দিল। তার মা-বাবার অনুপস্থিতি, আত্মা লছমিয়ার বুদ্ধিহীনতা, পুতুলের বিবরণ, নতুন ফ্রকের রং, ট্যাবী কুকুরের বাহাদুরি কিছুই শশধরের অগোচর রইল না। মাসি যে স্কুলে কাজ করে, তার সঙ্গে একই ঘরে পাশের খাটে ঘুমায়, তাকে গল্প শোনায়, কাগজের নৌকা বানিয়ে দেয় তাও প্রকাশ পেল।

বিনিময়ে শশধরকেও নিজের কথা বলতে হয়। সুনুর মতো তাকে মাসি বা অন্য কোনো মাস্টারের কাছে পড়া করতে হয় না। সে নিজেই ছাত্র-ছাত্রীদের পড়ায়। স্কুলে নয়, কলেজে। ইংরেজী বা অঙ্কের পড়া নয়। গাছগাছড়া, ফুল, লতা-পাতার কাহিনী। বীজের মধ্যে কীভাবে গাছের প্রাণ লুকিয়ে থাকে, অঙ্কুর গজায়, ডালপালা মেলে গাছ বড় হয়, লতা জড়িয়ে ওঠে, ফুল ফোটে, ফল ফলে—তার কথা। সুনুর মতো তারও দুখে রুচি নেই। তার চেয়ে বেশুনভাজা দিয়ে লুচি খেতে অনেক বেশি পছন্দ।

সুনু মহা খুশি। শশধরের সঙ্গে তাব বন্ধুত্ব তখনই পাকা হয়ে গেল।

অমলার মনে হল, খবরগুলি একমাত্র সুনুর জ্ঞাতার্থে নয়। তার অধরে মৃদু হাসির রেখা দেখা দিল।

ঘরে ফিরবার উদ্যোগ করতেই শশধর অমলার দিকে তাকিয়ে বলল, “শুনছি এখান থেকে কয়েক মাইল দূরে ঝারকুন্ডি ফলস। বহু লোক পিকনিকে যায়। দেশী-বিদেশী টুরিস্টরা ভিড় করে। আপনি গেছেন সেখানে?”

অমলা জানাল, এখানকার দ্রষ্টব্য কোথায় কী আছে সে জানে না, দেখা দূরে থাক।

শশধর বলল, “চলুন কাল যাওয়া যাক। আমি খবর নিয়েছি, বেলা এগারোটায় বাজারের কাছ থেকে সীতাপুরের বাস ছাড়ে। মাঝপথে ঝারকুন্ডি। ঘণ্টা-খানেকের রাস্তা, ফিরতি বাসে সন্ধ্যানাগাদ বাড়ি ফেরা যায়।”

শুধু ছোট একটি ‘না’ শব্দে অমলা প্রস্তুত নাকচ করে দিল। তার বলার দৃঢ়তা এবং মুখে-চোখে কাঠিন্যের চিহ্ন শশধরের কাছে ট্র্যাফিক সিগন্যালের লাল আলোর মতো থেমে যাওয়ার অপ্রাস্ত নির্দেশ মনে হলো। দ্বিতীয়বার অনুরোধ করার সাহস হলো না।

ফলস ব্যাপারটা কী সুনু তা জানে না! শশধর ব্যাখ্যা করতেই উল্লসিত হয়ে উঠল। সে ঝারকুন্ডি দেখতে যাবে। অমলা যতই তাকে বুঝিয়ে নিরস্ত করতে চায়, ততই তার জেদ বাড়ে। ফলস-এর চারদিকে উঁচু পাহাড়, ঘন জঙ্গল, সেখানে ছোট ছেলেমেয়েদের যেতে নেই—এ কথায় সে ভয় পায় না। পার্কে দোলনায় দোলা, বাজারে নতুন খেলনা কেনা—এসব প্রলোভনে সে অবিচলিত-পাহাড়ের চূড়া থেকে কেবলই জল উপচে পড়ছে, নীচে খাদের মধ্যে থেকে নদী হয়ে বয়ে যাচ্ছে এ দৃশ্য দেখার উত্তেজনায় সে ঘোষণা করল, মাসি যদি না যায় তবে সে একাই শশধরের সঙ্গে যাবে।

অমলার অনিচ্ছার সঠিক কারণ শশধর জানে না। অনুমান করাও শক্ত। হয়তো পূর্ব-পরিচয়হীন ব্যক্তির সঙ্গী হওয়া সে নিরাপদ জ্ঞান করে না। হয়ত বা অন্য আর কিছু। কিন্তু আপাততঃ সুনুকে শাস্ত করা দরকার। শশধর তাকে বোঝাল, ঝারকুন্ডিতে সে আগে কখনও যায় নি। সেখানে তারা দুজনে যদি পথ হারিয়ে ফেলে তবে বাড়ি ফিরবে কেমন করে? তাই সে কাল গিয়ে জায়গাটা চিনে আসবে। তার পরে একদিন তিনজনে—সুনু, মাসি ও সে—একসঙ্গে ফলস দেখতে যাবে।

পরদিন বাস স্ট্যান্ডে এসে শশধর দেখল সুনুকে নিয়ে অমলা দাঁড়িয়ে আছে। কাঁধে ঝুলছে

জলের ফ্লাস্ক। হাতে টিফিনের প্যাকেট।

কুণ্ঠিত কণ্ঠে অমলা জানাল কাল রাত থেকে সুনু প্রায় সত্যাপ্রহ শুরু করেছে। সুতরাং কারকুন্ডি না গিয়ে নিস্তার নেই।

শশধরের কাছে কৈফিয়ৎ অনাবশ্যক। ফলস্ দেখতে অমলার সজলাভ তার কাছে একটা অপ্রত্যাশিত আনন্দের কারণ। ওয়াভারফুল সারপ্রাইজ।

অমলার কাছে ফলস্টা সারপ্রাইজ, যাট্রাটা ওয়াভারফুল নয়। তার মনে কেবলই ঘনিয়ে আসে বহু পিকনিকের স্মৃতি, অসংখ্য বাসে চড়ার ঘটনা। অনেক অকারণ উদ্দেশ্যহীন পায়ে চলার অতীত ইতিহাস।

এক ছুটির দিনে বোটানিকলে গিয়েছিল। ছায়াচ্ছন্ন তরুণীখায়া ঘুরে বেড়ানোর ঝোঁকে দুজন্যার কারুরই সময়ের জ্ঞান ছিল না। ফলে কলকাতা ফেবার শেষ ফেবী ধরতে হাই হীলের জুতো খুলে খালিপায়ে ছুটতে হয়েছিল। আর একবার ব্যাডেলের চার্চ দেখে প্রত্যাবর্তনের পথে প্রচণ্ড বৃষ্টিতে ভিজে বাড়িতে বকুনি খেয়েছিল। সেগুলি ছিল দুটি প্রীতিনিবন্ধ প্রাণীর একান্ত অভিযান, দুটি অভিন্নহৃদয় নরনারীর রোমান্টিক অ্যাডভেঞ্চার। সেদিন যা ছিল অখণ্ড আনন্দের হেতু, আজ তা স্মরণে বৃকে বাজে ব্যথা।

শশধর অমলার এই হঠাৎ গাভীরের কারণ ভেবে পায় না।

সুনুর জীবনে বাসে চড়ার ঘটনা এই প্রথম। জলপ্রপাতটা আরও অভিনব! উৎসাহে আতিশয্যে সে বার বার খানের ধারে লোহার রেলিংটার কাছে এগিয়ে যায়। শক্তিত অমলা তার শিখনে দৌড়ে ইশিয়ে ওঠে। শশধর তখন সুনুকে বুঝিয়ে সুঝিয়ে মাসির কাছে ফিরিয়ে আনে।

কিন্তু বেশীক্ষণ তাকে সংযত রাখা কঠিন। সে আবার যেই মাসিব হাত ছাড়িয়ে ছুটতে যাচ্ছে অমনি হোঁচট খেয়ে ধপাস শব্দে মাটিতে পড়ে গেল। কপালে ও ডান হাতে কনুইয়ের কাছটায় সামান্য ছড়ে গেল। মনে হল, পায়েও জোর চোট লেগেছে। দাঁড়াতে পারে না, ব্যথায় চৈতিয়ে কেঁদে ওঠে।

যেখান থেকে ফলস্ দেখা যায় সেখানটা বাস স্টপ থেকে দূরে নয় কিন্তু উচুতে। চড়াই উঠতে হয়। পথ অসমতল। ছোট, বড়, মাঝারি পাথরের চাই পড়ে আছে। তাব ওপর দিয়ে হাঁটতে হয়। আসার সময় আগ্রহের প্রাবল্যে সুনু অমলার হাত ধরে হেঁটেই পৌছে গিয়েছিল। এখন ফেরার বেলা পায়ে ব্যথা নিয়ে তা অসম্ভব। শশধর তাকে কোলে তুলে সাবধানে নীচে নিয়ে গেল।

শহরে হাসপাতালে অর্থোপেডিক্যাল বন্ধ হয়ে গেছে অনেকক্ষণ। ক্যাসুয়েলটিতে যে ডাক্তার ডিউটিতে ছিলেন তিনি পরীক্ষা করে বললেন, খুব সম্ভবতঃ ফ্র্যাকচার নয়। ব্যান্ডেজ বেঁধে দিয়ে ব্যথা উপশমের জন্য এনালজীনের বড়ি লিখে দিলেন। পরদিন সকালে এক্স-রে কবা চাই!

অমলা সুনুকে নিয়ে একটা সাইকেল-রিজ্জায় উঠে বসল। শশধরকে বলল, “আমাদের বাড়ি এখান থেকে খুব কাছে। দুটো রাস্তা পরে মহাবীরজীর মন্দির। তার পাশে লাল বঙের গেটওয়ালা বাঙালো। সামনে লন আছে। আপনাকে অনেক, অনেক ধন্যবাদ।”

“ধন্যবাদ? কী কারণে?” শশধর জিজ্ঞাসু দৃষ্টিতে তাকাল।

অমলা বলল, “আপনি সঙ্গে না থাকলে সুনুকে নিয়ে যে কী উপায় হত জানি নে। উচু-নীচু পাহাড়ী রাস্তা দিয়ে তাকে বয়ে আনা যেমন শক্ত তাকে নিয়ে ভিড় ঠেলে বাসে ওঠাও তেমন আমার সাথে হত না। আপনার ঋণ শোধ হওয়াব নয়।”

তার কণ্ঠে যে অকপট কৃতজ্ঞতার সুর ছিল, তা বুঝতে কষ্ট হয় না।

“ঋণের কথা বলবেন না। নিজেকে আমার কেবলই অপরাধী মনে হচ্ছে। কাল আমি কারকুন্ডি যাওয়ার কথা না তুললে তো সুনুর পায়ে আঘাত লাগত না। আপনার নিজেরও দিনটা নষ্ট হতো না।”

অমলা বিস্মিত কণ্ঠে জিজ্ঞাসা করল, “আমার দিনটা নষ্ট হতে যাবে কেন?”

শশধর দৃঢ়ভাবে জবাব দিল, “ফলস্ দেখতে যাওয়ায় গোড়া থেকেই আপনার সম্মতি ছিল না। নেহাৎ দায়ে পড়েই গিয়েছিলেন। সুনুর দুখটানাটা অবশ্য আকস্মিক। কিন্তু সেখানে যে আপনি

একটুও এনজয় করেন নি তা আমি জানি। আমার হঠকারিতার জন্য আমি মাপ চাইছি।” ভদ্রতার খাতিরে “না, না, সে কী কথা? আমার ভালই লেগেছে” এ ধরনের কতকগুলি শিষ্টাচারমূলক অথচ মিথ্যা কথা বলতে অমলার রুচি হলো না। সে কয়েক মুহূর্ত নীরব থেকে দুহাত তুলে নমস্কার জানাল।

পরদিন সকালে সুনুকে হাসপাতালে নিয়ে যেতে হবে। অমলা জামাকাপড় বদলে প্রস্তুত হয়ে বাইরে বারান্দায় এসে দেখে শশধর দাঁড়িয়ে আছে। সে একগাল হেসে সাদরে অভ্যর্থনা করল। গতকাল শশধরকে সে আসতে বলে নি। তবু মনে মনে অমলা যে তারই প্রত্যাশায় ছিল সে কথা সে নিজের কাছেও অস্বীকার করতে পারল না। হাসপাতালে ডাক্তার, রেডিওলজিস্ট কোথায় কার কাছে যেতে হবে, কী নিয়ম-কানুন সে-সব অমলার কিছুই জানা নেই। তাই তার মনে কিছুটা ভীতি ছিল। শশধর সঙ্গে থাকবে জেনে আশ্বস্ত বোধ করল।

সুনুর পায়ে হাড় ভাঙে নি। শুধু গোড়ালির কাছে ডিসলোকেশন বাংলায় যাকে বলে মচকানো। সার্জেন ব্যবস্থা দিলেন—রেস্ট, অর্থাৎ চলা-ফেরা বন্ধ করে শুয়ে থাকা। সাত আট দিনে সেয়ে যাবে।

শশধর রোজই খবর নিতে আসে। ছোট ছেলেমেয়েদের সারাক্ষণ বিছানায় ধরে রাখা শক্ত কাজ। নানা গল্প, নানা খেলা, নানা শ্লোকবাক্য দিয়ে ভুলিয়ে রাখতে হয়। অমলা দেখে সে ব্যাপারে শশধরের দক্ষতা বিস্ময়কর। সে বাজার থেকে রবারের বেলুন কিনে আনে, পকেটভর্তি লজেল অথবা ভাজা চীনাবাদাম। বই খুলে রঙিন ছবি দেখায়, বাঘ, সিংহের গল্প বলে, হাম্পটি-ডাম্পটি বা জ্যাক অ্যান্ড জীলের ছড়া শোনায়। সুনু তাকে পেলে ছাড়তে চায় না।

প্রত্যহ দেখাশোনায় ধীরে ধীরে অপরিচয়ের দ্বিধা ও সংশয় অপনীত না হয়ে যায় না। শশধরের মনে হয় সতর্ক দুরত্বের যে দূর্ভেদ্য প্রাচীরে অমলা নিজেকে ঘিরে রাখতে অভ্যস্ত মাঝে মাঝে তাতে যেন সূক্ষ্ম চিড় দেখা যায়। এখন সুনু আর শশধরের মধ্যে ঘটায় ঘটায় কাড়ি আর বাড়ির পালা। অমলা উপভোগ করে তাদের ক্ষণিক মান-অভিমান, মুখ টিপে হাসে। দুই অসমবয়সী বন্ধুর সরল অনাবিল কৌতুক পরিহাসে সে যোগ দেয়। এমন কি কখনও কখনও তাদের সঙ্গে বসে দু-এক হাত লুডো অথবা স্নেইকস এ্যান্ড ল্যান্ডার্স খেলতেও আপত্তি করে না।

তবু স্থির সিদ্ধান্ত করা চলে না। অমলা অনির্ণয়ে। শরতের আকাশের মতো অনিশ্চিত। কখনও মেঘ, কখনও রৌদ্র। নিমেষে তার ভাবান্তর ঘটে।

সন্ধ্যার সময় শশধর অযাচিত ভাবে তাকে যে সাহায্য করেছে সেজন্য অমলা সত্যি কৃতজ্ঞ। সুনুর সঙ্গে তার স্নেহসিক্ত সৌহার্দ্য তাকে তৃপ্তি দেয়। অমলা সহজ হতে চেষ্টা করে। কিন্তু কখন কী কথায় কী কারণে যে হঠাৎ গভীর হয়ে যায় তা অন্য লোকের অনাধগম্য, তার নিজের কাছেও আগে জানা থাকে না।

আমেরিকায় সুনুর মা-বাবাকে এখানকার, বিশেষ করে সুনুর, খবর জানানো অমলার সাপ্তাহিক রুটিন। সেদিন চিঠিখানা শশধরের হাতে দিয়েছিল ডাকবাক্সে ফেলতে। সে ঠিকানার ওপরে চোখ বুলিয়ে মনুস্য করল, “বাঃ, আপনার হাতের লেখাটা স্পার্কলিং! সেই যে চলতি কথায় বলে মুণ্ড বসানো হস্তাক্ষর!”

এমন অকৃপণ প্রশংসায় খুশি হওয়া উচিত। অথচ মুহূর্তে অমলার মুখে কালো ছায়া নামল। ঠিক এই কথাটা ঠিক এমনি ভাবে সে যে আর একজনের মুখে শুনেছিল। হঠাৎ সজোরে একটা থান্কা লাগল যেন। দেহে নয় মনে। সে স্তব্ধ হয়ে রইল।

শহরে হোটেল নামে যা আছে সেখানে খাওয়ার ব্যবস্থা শিক্ষিত বাঙালীর পক্ষে সুসহনীয় নয়। এনা স্বাদে না পরিচ্ছন্নতায়। অমলা প্রায়ই শশধরকে না খাইয়ে ছাড়ে না। বোধ হয় ঋণশোধের চেষ্টায় সামান্য প্রতিদান হিসাবেই শশধর একদিন দুখানা চকোলেটের ম্যাব নিয়ে এসেছিল।

অমলা চমকে উঠল। তার পিঠে কে যেন চাবুক কষিয়ে দিল। বেদনায় তার মুখ বিবর্ণ ও উদ্বেজনায় শ্বাসপ্রশ্বাস দ্রুততর হল। সে আর্ডকটে প্রায় চাঁৎকার করে বলল, “না না, চকোলেট আমি খাইনে। আপনি কেন এসব নিয়ে এসেছেন?”

চকোলেট নিয়ে কতদিন অরুণাংশুর সঙ্গে কত কপট কলহ হয়ে গেছে। রোজ রোজ শুচ্ছে

পরশা খরচ কেন ? খেয়ে খেয়ে সে মুটিয়ে যাচ্ছে না ? অমলা শাসন করে ।

এ মিষ্টি খাদ্যবস্তুটার প্রতি অমলার দুর্নিবার দুর্বলতা ততদিনে অকণাংশের ভালে করেই জানা হয়ে গেছে । সে নিরুপায় অসামর্থ্যের ভান করে জবাব দেয়, “নেকলেস কিনে দেওয়ার টাকা যখন নেই তখন নেসেলস্ দিয়েই শূন্যতা ঢাকতে হয় ।”

হায়, অমলা ভুলতে চায় । কিন্তু স্মৃতির সমুদ্র অতর্কিত আলোড়নে কণে কণেই উদ্বেল হয়ে ওঠে ।

প্রত্যাখ্যাত চকোলেটের দিকে তাকিয়ে ক্ষোভ ও লজ্জায় শশধরের মুখ স্নান হয়ে গেল । সে চলে গেলে অমলারও অনুতাপ হয় । সাধারণ সৌজন্যের খাতিরেও ক্ষুদ্র উপহারটা তার নেওয়া উচিত ছিল । অনাবশ্যক আঘাত করার প্রয়োজন ছিল না ।

কলেজের ছুটি শেষ হয়ে এল । শশধর রেলের টিকিট কিনে এনেছে । সুন্দর পায়ের ব্যান্ডেজ তখনও খোলা হয় নি । শশধরের চলে যাওয়াটা তার মোটেই মনঃপূত নয় । সে অনেক আপত্তি, অনেক অনুনয় অনেক আড়ি করল । মাসি যে কেন তাকে আটকাচ্ছে না তা সে ভেবে পায় না ।

শশধর বিদায় নিয়ে গেলে শুধু তার ক্ষুদে বান্ধবীটি নয় অমলাও একটা গভীর অভাব বোধ করল । অল্পদিনের পরিচয়েই এই শিশুবৎসল তরুণ অধ্যাপকটি যে তাদের মধ্যে অনেকখানি জায়গা জুড়ে ছিল সেকথা তার উপস্থিতিতে কখনও খেয়াল হয় নি । তার অন্তর্ধানে বোঝা গেল ।

কিছুদিনের মধ্যেই সুন্দর মা-বাবা ফিরে এলেন । অমলারও স্কুল খুলেছে । সে তার হোস্টেলে চলে গেল ।

আগেকার মতো সে স্কুলে যায়, ক্লাস নেয়, মেয়েদের হোম-টাস্কের খাতা সংশোধন করে, পরীক্ষার নম্বর দেয় । যথেষ্ট ব্যস্ততার মধ্যেই দিন কাটে । কিন্তু দিনের সবগুলি ঘটনা তো ইংলিশ গ্রামার বা ইন্ডিয়ান হিষ্টি দিয়ে ভরা যায় না ।

শীতের রাতে উত্তরের জানালা একটুখানি খোলা পেলেই যেমন হাড়কাঁপুনে কনকনে হাওয়া ছ-ছ করে ঘরে ঢোকে তেমনই অজ্ঞকার বিদ্যনায় নিদ্রাহীন প্রহরে অথবা অপরাহ্নে ক্রীণ অবকাশের ছিন্নপথে নানা ভাবনা এসে অমলার মন ভারাক্রান্ত করে তোলে । সে ভাবনা কখনও অতীতের যা নিষ্প্রজিতায় নিষ্ফল, কখনও বর্তমানের যা রিস্ততায় উষ্ম, কখনও বা ভবিষ্যতের যা দৃশ্যতঃ আশাহীন ।

শশধরের কথা ভাবে । তার সঙ্গে সামান্যতম অন্তরঙ্গতার আশঙ্কায় অমলা অনিদ্র প্রহরীর মতো সর্বক্ষণ কঠিন প্রতিরোধের সঙ্গীন উচিয়ে রেখেছে । কিন্তু শশধরের শালীনতাবোধ ও মাত্রাজ্ঞানকে সে শ্রদ্ধা না করে পারে না । এ কথা মানতেই হবে যে গায়ে পড়া স্বভাব তার নয় । কখনও সে নিজেকে ঠেলেঠেলে এগিয়ে দেওয়ার স্কুলতা দেখায় নি । সুন্দর অসুস্থতার মধ্য দিয়ে তাদের নৈকট্য যখন অপরিহার্য হয়েছে তখনও সে অযথা ঘনিষ্ঠ হওয়ার চেষ্টা করে নি । বরং অমলা নিজে যে অনেক সময় অনুচিত রূঢ়তার পরিচয় দিয়েছে সেকথা স্মরণ করে এখন তার অনুশোচনা হয় ।

অমলার পিসিমা চিঠি লিখে অনেক দুঃখ করেন, কতদিন অমলাকে দেখেন নি । সুমতি ঘন ঘন তাগাদা দেয়, যে মাস এসে গেল, গ্রীষ্মের ছুটির আর বাকি কত ? এতদিন অমলার তাতে মন টলে নি । এবার সে বিষম বোধ করে । মন চলে যায় গলির মোড়ে ভাড়াটে বাড়ির এক কোণে তার ছেড়ে-আসা ছোট ঘরটিতে । সামনে একফালি বারান্দা । সেখানে দুপুরের রোদে পিসিমা বড়ি শুকোতে দেন । দেয়ালীর রাতে ছোট বোন মাটির প্রদীপের সারিতে আলো সাজায় ফুলঝুরি ছালায় ।

কী আশ্চর্য, কলকাতার কথা ভাবলেই শশধরকেও মনে পড়ে !

ওছিয়ে গল্প বলার ক্ষমতা আছে শশধরের । অতি তুচ্ছ ঘরোয়া কাহিনী তার বলার ভঙ্গি ও স্বচ্ছ, আন্তরিকতার জোরেই বুঝি মনোরম হয়ে ওঠে । একই ঘটনা একাধিকবার শুনলেও একঘেয়ে ঠেকে না ।

শশধর নিজের ছেলেবেলার কথা বলে । কবে সরস্বতী পূজার জন্য কার বাগান থেকে ফুল চুরি করতে গিয়ে ধরা পড়েছিল, কী ভাবে পরীক্ষার আগে অভিভাবকদের লুকিয়ে সিনেমায় গিয়েছিল সবই অমলার শোনা হয়ে গেছে । শশধর তার মা, বাবা, দাদা, বউদিদের কথা জানিয়েছে । বন্ধুদের

পরিচয়ও বাকি রাখে নি। কিন্তু সব চেয়ে বেশী করে বলেছে মাস্টারমশায়ের কথা। শুধু বেশী বার বেশি বিস্তার নয়, বেশি দরদ দিয়েও বটে।

মাস্টারমশায় আসলে শশধরের নিজের গৃহশিক্ষক বা ক্লাসের টীচার মন। শশধরের দাদারা তাঁর কাছে পড়েছেন। সেই থেকে তাদের বাড়িতে ছোট বড় সবাই তাঁকে বলে, মাস্টারমশায়।

অতি দরিদ্র ঘরের ছেলে, শৈশবেই মা-বাবা হারিয়েছিলেন। মফ স্বলের স্কুল থেকে স্কলারশিপ নিয়ে কলকাতার কলেজে ঢুকছিলেন। ইন্টারমিডিয়েটে হলেন ফার্স্ট, বি-এ তে ঈশান স্কলার। এগুলি বড় কথা নয়। তাঁর আগে এবং পরে আরও অনেকেই তা হয়েছে। বিশেষত্ব এই যে, ইফ্রাজী সাহিত্যের ছাত্র তিনি কিন্তু বিজ্ঞান, ইতিহাস দর্শনে তাঁর সমান আগ্রহ। বহু বিষয়ে তাঁর জ্ঞান, বহু ভাষায় তাঁর দখল। তাঁর প্রফেসরদেরা তাঁকে শুধু স্নেহ নয় সমীহ করেন।

মুনিভার্সিটিতে এক ব্রাহ্ম তরুণীর প্রেমে পড়লেন। কোথায় কী ভাবে তাঁদের দেখা হয়েছিল, সে সময়ে কো-এডুকেশন ছিল কিনা শশধর তা জানে না। শুধু এইটুকু শুনেছে যে মেয়েটির বাবা ছিলেন প্রসিদ্ধ ডাক্তার। ব্যাঙ্কে টাকা এবং সমাজে প্রতিষ্ঠা দুই-ই প্রচুর। তিনি জানতে পেরে মজনুকে ডেকে শাসালেন। লায়লাকে বোঝালেন ঢাল-চুলোহীন রাস্তা থেকে তুলে-আনা জামাই নিয়ে তাঁর মান থাকবে না।

বাপ যাই করুন সেটা গৌণ। মেয়ে কী করে, মাস্টারমশায় সে প্রতীক্ষায় রইলেন।

বেশী দিন অপেক্ষা করতে হয় নি। মাস কয়েকের মধ্যেই ডাক্তার-কন্যা চাঁদের কিরণ, স্কুলের সুবাস, মলয় সমীরণ, হাতে-হাত রাখা চিঠি লেখা-লেখি ইত্যাদি প্রণয়-পর্বের যে সব অতিশয় চিত্ত পাট আছে তা ধুয়ে মুছে ফেলে বিলাত থেকে ফেরা এক ধনী ব্যারিস্টারের গলায় বিধিমতো মালা পরিয়ে বললেন, আমার হৃদয় তোমার হোক, তোমার হৃদয় আমার হোক, আমাদের উভয়ের মিলিত হৃদয় ঈশ্বরের হোক।

এটম বোমা অবশ্য তখনও বিজ্ঞানীদের কল্পনার বাইরে। কিন্তু ছোটখাটো বোমার ঘায়েও বিধবস্ত হতে বাধে না। মাস্টারমশায় এত বড় আঘাতের কথা ভাবতেও পারেন নি। তিনি ভেঙে চূর্ণবিচূর্ণ হয়ে গেলেন।

এম-এ পরীক্ষার মাস কয়েক মাত্র বাকি ছিল। তিনি পড়াশুনা ছেড়ে দিয়ে কোথায় যে হলেন তা কেউ জানে না। অনেক বছর এখানে ওখানে কী ভাবে কাটিয়েছেন তাও অজ্ঞাত। অবশেষে পূর্ব বাংলার এক নগণ্য মহকুমার অখ্যাত হাই স্কুলে যখন থার্ড মাস্টারের চাকরি নিয়ে এলেন তখন বয়স পঞ্চাশের কিনারায়, স্বাস্থ্য ভঙ্গুর, দৃষ্টি ক্ষীণ এবং শরীর বিশীর্ণ।

নিজের চেয়ে যোগ্য লোক সবাই অপছন্দ করে। স্কুল-কলেজের শিক্ষকেরাও অনেকেই ক্ষুদ্রপ্রাণ, ঈর্ষাকাতর। থার্ড মাস্টারের পাণ্ডিত্যের গভীরতায় হেড মাস্টারের চিন্তা পুলকিত হয় না। তিনি তাঁকে তাড়াতে না পারলেও উদ্ভাস্ত করতে ছাড়েন না।

ছাত্রেরা বেশির ভাগই বিদ্যা চায় না, চায় পাস। তারা মাস্টারমশায়কে বলে, ক্র্যাঙ্ক অর্থাৎ আধপাগল।

বয়সের নিয়মে চাকরি থেকে যখন অবসর নিতে হল তখন কোথাও যাওয়ার স্থান নেই, দু'বেলা খাওয়ারও সংস্থান নেই। শশধরের বড়দা মাস্টারমশায়ের গুটি কয়েক ভক্ত ছাত্রের মধ্যে ছিলেন প্রধান। তিনি তখন শহরে খ্যাতিমান উকীল। খবর পেয়ে তাঁকে সমাদরে বাড়ি নিয়ে এলেন। বললেন, “এমন লোকের সংস্পর্শে এলে ছোট ছেলেরা আর কিছু যদি না হয়, অন্ততঃ জ্ঞানের পিয়াসী হবে।”

মাস্টারমশায়ের যখন দেহান্ত ঘটল শশধর তখন নিতান্তই বালক। সব কিছু সুখবার বুদ্ধি ছিল না। বড় হয়ে তার দুঃখ হয়েছে যে একটা বৃহৎ সম্ভাবনাপূর্ণ জীবন শুধু অনর্থক পিছনে তাকিয়েই নষ্ট হয়ে গেল। অমলার জীবনের কিছুই শশধর জানে না। কখনও কোনো প্রশ্নও করে নি। কিন্তু মাস্টারমশায়ের করুণ কাহিনী অমলার নিজের ব্যথিত হৃদয়ের আহত তন্ত্রীগুলিকে থেকে থেকে নাড়া দিতে লাগল। স্কুলের কাজ ও অন্যান্য নিত্যকর্মের মধ্যে সে ভাবনা বারে বারে মনে উকি দেয়।

মন্দভাগ্য মাস্টারমশায়ের বিফল জীবনের জন্য শশধরের আত্মকি খেদ অমলার কানে বাজতে

থাকে। বার্থপ্রমে কত নারী সন্ন্যাসিনী হয়, কত পুরুষ আত্মহত্যা করে। সে-সব কাহিনী গল্প-উপন্যাসে পড়ে অপরিণতবয়স্ক—অডোলোসেট—ছেলোমেয়েরা অভিভূত হয়। সে-দৃশ্য সিনেমার পর্দায় দেখে মধ্যবয়সী মহিলারা ঘন ঘন চোখ মোছেন। কিন্তু মাস্টারমশায়ের অগাধ জ্ঞান ও অসাধারণ প্রতিভা যে তাঁর নিজের বা জগতের কোনো হিতেই লাগল না সে কি সহজ অপচয় ?

এ প্রশ্নের উত্তরে অমলা কী বলবে ভেবে পায় নি। চুপ করে রয়েছে।

সংসারে এমন অনেক উক্তি আছে যা তার পিছনের অখণ্ড প্রত্যয়ের দ্বারাই শ্রোতার মনকে আচ্ছন্ন করে। তর্কের অবকাশ রাখে না। শশধরের কথায় সেই স্থির বিশ্বাসের দৃঢ়তা প্রকাশ পায়। মনে পড়ে অমলার মুখের ওপরে ভাবদীপ্ত দুই চোখ রেখে সে বলেছিল, “বিশ্বব্রহ্মাণ্ডে বিধাতার শ্রেষ্ঠ কীর্তি মানবজীবন। না, মিস মিত্র, জগতে কোনো মানুষই এমন মহার্ঘ নয় যার জন্য সে-জীবনকে বিনষ্ট করা যায়। আফটার অল, উই হ্যাভ ওনলি ওয়ান লাইফ।”

কথাগুলি সে মাস্টারমশায় সম্পর্কেই বলেছিল। অতি তেজস্কর ঔষধের মতো তার ক্রিয়া চলতে লাগল এমন জায়গায় যার খবর শশধর রাখে না। অমলার সর্বাস্থ্যে যেন কাটা দিয়ে উঠল।

অমলা পিসিমাকে চিঠি লিখে দিল, দিন পনের পর স্থূল ছুটি হলেই সে তাঁর কাছে ফিরবে। শশধর কলকাতা পৌঁছেই অমলাকে চিঠি লিখেছিল। তাতে তার ঠিকানা দেওয়া ছিল, উত্তরপ্রার্থনা ছিল না। অমলা সে-চিঠির প্রাপ্তি-স্বীকার করে নি। কিন্তু বাস্তবে তুলে রেখেছে।

অমলা চিঠিখানা আর একবার পড়ল। পাঁচ-ছ লাইনেব ছোট পত্র। সুন্দর অনেক সূখ্যাতি করেছে। সে তাড়াতাড়ি সেরে উঠুক এই শশধরের কামনা। অমলাকে সপ্রজ্ঞ নমস্কার জানিয়েছে। শেষ-লাইনে লিখেছে, প্রবাসে ছুটির শেষে কটা দিন তার ভাল লেগেছে—সে দিনগুলি তার মনে থাকবে।

শশধর অত্যন্ত চাপাপ্রকৃতির লোক সেকথা জানতে অমলার বাকি নেই। ঐ উচ্ছ্বাসহীন নিরুদ্ভাপ বাক্যটির মধ্যে কি আছে প্রচ্ছন্ন হৃদয়বেগের ক্ষীণতম ইঙ্গিত ? বোঝার উপায় নেই।

অমলা অনেকক্ষণ কী ভাবল। তারপর কাগজ কলম নিয়ে শশধরকে চিঠি লিখতে বসল। তার কলকাতা যাওয়ার সিদ্ধান্ত, পৌঁছানোর তারিখ এবং রাস্তার নাম ও বাড়ির নম্বর জানিয়ে খাম বন্ধ করল।

পরদিন ঘুম ভাঙতে অমলার মনে একটা মুস্তির আনন্দ দেখা দিল। মনে হল সে তার জীবনের একটা অধ্যায় পার হয়ে এসেছে। কয়েক দণ্ড আগে যে রাত্রি অপগত হয়েছে সে যেন অমলার সমস্ত অতীত, সকল শোক, সমুদয় হতাশ্বাস অবাপ্তিত আবর্জনার মত ঝেঁটিয়ে দূর করে দিয়ে গেছে।

ঘরের জানালাটা খুলে দিতেই বাগানের কাঠচাঁপার গাছটা চোখে পড়ল। এতদিন কঙ্কালের মত তার পাতাঝরা শূন্য ডালগুলি ছিল শ্রীহীন। আজ সে লক্ষ্য করল কখন তাদের গায়ে আবার সবুজ পাতার প্রথম উদ্যেব দেখা দিয়েছে।

হোস্টেলে ডাকের চিঠিপত্র প্রথমে সুপারিন্টেন্ডেন্টের আপিসে আসে। সেখান থেকে বিভিন্ন ঘরে পাঠানো হয় অমলার নামে আজ তিনখানা চিঠি। সে স্থলে যাওয়ার জন্য তৈরী হচ্ছিল। তাতে বাড়ির খবর এবং স্থলের গ্রীষ্মাবকাশে কলকাতায় ফিরবার আর এক প্রস্থ অনুরোধ। হাতে নিয়ে দেখল একখানা পিসিমার। দ্বিতীয়খানা স্থানীয় কোনো এক শাড়ির দোকানে সেলের মুদ্রিত বিজ্ঞাপন। তৃতীয়খানা “শুভবিবাহ” ছাপ দেওয়া খাম।

খুলে দেখল সোনালী রঙে শীখা ও মঙ্গল ঘট চিত্রিত কার্ডে লাল কালিতে ছাপা নিমন্ত্রণ-পত্র। বিনীত বিবেদন শ্রীনীলকণ্ঠ সেন। অমলা চিনতে পারল না। গোড়া থেকে পড়তে হয়। “শ্রীশ্রীপ্রজাপত্যে নমঃ”র পরে সেন মহাশয়ের বিবেদন এই যে আগামী ৩০শে জ্যৈষ্ঠ বুধবার তাঁর জ্যেষ্ঠ ভ্রাতা স্বর্গীয় লীলাধর সেনের কনিষ্ঠ পুত্র শ্রীমান শশধরের সহিত বিক্রমপুর সোনারং ও অধুনা হাতীবাগান নিবাসী শ্রীযুক্ত সুধীরকুমার দাশগুপ্তের প্রথম কন্যা কল্যাণীয়া....

বাকি অক্ষরগুলি অমলার চোখের সামনে যেন জড়িয়ে গেল।

ই দিয়ে দীপ নিবিয়ে দেওয়ার মতো কে যেন সারা আকাশ থেকে সমস্ত আলো নিশ্চিহ্ন করে

দিল। অমলা কার্ডখানা হাতে নিয়ে পাথরের মূর্তির মতো নিখর নিশ্চল বসে রইল। কিছুক্ষণ পরে হ্যান্ডব্যাগ থেকে শশধরকে গতরাত্রে লেখা চিঠিখানা বের করে খণ্ড খণ্ড করে ছিড়ে ওয়েস্ট-পেপার বাস্কেটে ফেলে দিল।

গোপন খড়্গ

সাধারণ জেলা শহর। সাধারণ তার বার লাইব্রেরী। তারই সাধারণ সভা—জেনারেল বডি মিটিং। কিন্তু সভায় উদ্ভেজনাটা অসাধারণ।

আলোচনার বিষয়টা এমন কিছু গুরুত্বপূর্ণ নয়। রায়বাহাদুর শ্যামাধর বক্সী হঠাৎ হার্টফেল করে মারা গেছেন। তাঁর শবধারে বার লাইব্রেরীর পক্ষ থেকে মালা দেওয়া হবে কিনা তাই নিয়ে তর্ক-বিতর্ক, মতভেদ, রাগারাগি এবং ওয়াক-আউট।

বক্সীমশায় সরকারী উকিল ছিলেন। পাবলিক প্রসিকিউটর। স্থানীয় বারের রিশিষ্ট সদস্যদের একজন। সূত্রাং ধরে নেওয়া উচিত যে তাঁর অভ্যুদ্যি-ক্রিয়াতে তাঁর সমধর্মী অর্থাৎ আইনজীবীরা সবাই প্রচলিত প্রথায় শ্রদ্ধা নিবেদন করবেন। কিন্তু স্বাভাবিক নিয়মে যা প্রত্যাশিত এখানে তার ব্যত্যয় দেখা গেল। কারণটা একটু বিস্তারিত করে বলা দরকার।

শ্যামাধর শহরের সবচেয়ে নামজাদা উকীল ছিলেন। তাঁর আইনজ্ঞানের গভীরতা অতি বড় শত্রুও অস্বীকার করতে পারে না। অতি দুরূহ, প্রায় আশাহীন মামলা জিতিয়ে দিতে তিনি দক্ষ। জেলা আদালতে তাঁর জুড়ি নেই। হাইকোর্টেরও অনেক বিখ্যাত ব্যারিস্টার বা অ্যাডভোকেটের তিনি সমকক্ষ একথা বহু কোর্টে বহু মামলায় প্রমাণ হয়েছে। তিনি সওয়াল করতে দাঁড়ালে কাছারিতে ভিড় জমেছে, জজসাহেব নিজের চেয়ারে মনোযোগে সোজা হয়ে বসেছেন, বিপক্ষের সিনিয়র কৌসূলী ঘন ঘন কপালের ঘাম মুছেছেন।

দুঃখের বিষয়, ভদ্রলোক লোকপ্রিয় ছিলেন না। তাঁর বিপুল পসার ছিল, আয় অজস্র এবং অখ্যাতিও কম নয়। তাঁর চালচলন, কথার্বাভা, মতামত সবই ছিল অন্য আর পাঁচজনের চাইতে আলাদা এবং অনেক সময়ে অত্যন্ত বিরোধী। সেটা সর্বসাধারণের কাছে প্রীতিভাজন হওয়ার অনুকূল নয়।

দু'একটা দৃষ্টান্ত দেওয়া যাক।

উত্তরবঙ্গে ভয়াবহ বন্যা হয়েছে। বহু গ্রাম বিধ্বস্ত, অগণিত মানুষ নিরাশ্রয়। ক্ষতিগ্রস্ত নরনারীর দুর্দশার সন্ধান বিবরণ ও ছবিতে খরের কাগজের পৃষ্ঠা প্রত্যহ ঠাসা। শহরে সমাজ সেবা নিয়ে মাতামাতি করেন এমন জনকয়েক ক্ষুদ্রে নেতা বন্যাত্রাণ সমিতি গঠন করলেন।

হাটে, বাজারে ও বাড়ি বাড়ি ঘুরে চাঁদা সংগ্রহ শুরু হল। চালপট্রিতে আড়তদার ও ছোট বড় ব্যবসায়ীরা কেউ দশ, কেউ পনের, কেউবা আরও বেশী টাকা দিলেন। অল্প আয়ের ডাক্তার, মাস্টার, কেরানীরাও সাধ্যমত কিছু কিছু দিতে আপত্তি করলেন না।

শ্যামাধরের পক্ষে পঞ্চাশ-একশ' টাকা দান করা শক্ত নয়। ওঃ হরি, তিনি একটি পয়সাও দিলেন না। বললেন, এসব সমিতির সংগৃহীত অর্থ দুর্গতরা কতটা পায় আর কতটা যায় কর্মকর্তাদের পকেটে তার ঠিকানা নেই। তাঁর অভিমত,—সাহায্য দিতে হলে রামকৃষ্ণ মিশন বা ভারত সেবাস্রম সঙ্ঘে দেওয়া সঙ্গত যাদের আর্ডসেবার ট্রাডিশন আছে।

শ্যামাধর কবে, কোথায়, কোন মিশনে টাকা দিয়েছেন তা কেউ জানে না। তবে তিনি যে একটি পয়সা নম্বরের কল্লস সে সম্পর্কে সন্দেহ রইল না। সমিতির সেক্রেটারীও মানহানির কেস করবেন বলে শাসাতে ছাড়লেন না।

শুধু বৈয়াক্ষর্য নয়, তরুণেরাও তাঁকে পছন্দ করে না। কলেজের ছাত্রেরা ইংরেজী সাহিত্য পরিষদ স্থাপন করতে চায়। শ্যামাধরের ইংরেজী বিদ্যার সুখ্যাতি ছিল। তিনি পেট্রন-ইন-চীফ মানে প্রধান

পৃষ্ঠপোষক হলে পরিষদের গুরুত্ব বাড়ে। কিন্তু শ্যামাধর তাদের নিরাশ করলেন। উপদেশ দিলেন, সংসদ বা সমিতি দিয়ে সাহিত্য হয় না। তার জন্য চাই গভীর অধ্যয়ন এবং প্রচুর পরিশীলন। আরও স্মরণ করিয়ে দিলেন, ছাত্রবয়সে উৎসাহটা পাঠ্যবিষয়ে নিবিষ্ট থাকলেই কল্যাণ, সভায় হাততালির পেছনে ছুটলে ক্ষতির শেষ নেই।

সংস্কৃত শ্লোকে অপ্রিয় সত্য বলায় যে নিষেধ আছে বোধহয় শ্যামাধর তা জানেন না অথবা জানলেও মানেন না। তাঁর বাক্য হিতকর কতখানি তা নিয়ে মতবৈধ আছে, মনোহারী যে কদাচ নয় সে বিষয়ে সংশয় নেই।

কোনো বারোয়ারি উৎসব বা সাংস্কৃতিক ক্রিয়াকাণ্ডে শ্যামাধরের আগ্রহ ছিল না। ফুটবল লীগ বা ক্রিকেট মাঠে দর্শকের আসনে কখনও তাঁকে দেখা যায় নি। যাত্রা বা কবিগানের আসরে তাঁর উপস্থিতি প্রায় অভাবনীয়। কী জানি কার বিশেষ অনুরোধে একবার এক শখের দলের থিয়েটারে ডি. এল. রায়ের নাটক দেখতে রাজী হয়েছিলেন। কার্ডে সন্ধ্যা সাড়ে সাতটা লেখা ছিল। প্রেক্ষাগৃহে হাজির হয়ে দেখেন অন্য আর কেউ আসে নি। গুটিকয় তরুণ—বোধ হয় উদ্যোক্তাদের ভলাস্টিয়র—দর্শকসে জন্য চেয়ার সাজাচ্ছে, শতরঞ্জি বিছাচ্ছে। শুনলেন গ্রীনরুমে কুশীলবগণ সবেমাত্র মেক-আপের আয়োজন করছেন। বিরক্ত চিন্তে শ্যামাধর বাড়ি ফিরে গেলেন।

থিয়েটারের দলে যারা চাই তাঁদের মধ্যে শ্যামাধরের বিশেষ বন্ধুবান্ধব কয়েকজন ছিলেন। তাঁরা জানতে পেয়ে এসে শ্যামাধরকে অনেক বোঝালেন। হাজার হোক আপিস তো নয় ঘড়ির কাঁটায় হাজিরা খাতায় নাম সই না করলে মাইনে কাটা যাবে। আমোদ-প্রমোদের ব্যাপার, এক আধ-বস্তার এদিক-ওদিক সবাই আগেভাগেই ধরে নেয় ইত্যাদি, ইত্যাদি।

শ্যামাধর অটল। তাতে সে-স্রাব্রিতে অভিনয়ের কোন ক্ষতি হলো না। শ্যামাধরের সুহৃদের সংখ্যা আরও কমল। “ইস, কী আমাদের সাহেব রে। প্যাংকচুয়ালিটির গুরুমশায়। তবু তো বিলেতে যান নি।” বিস্কুট বন্ধুরা প্রকাশ্যেই বলাবলি করলেন।

এ ধরনের ছোটখাটো ঘটনা আরও অনেক আছে যার ফর্দ অনায়াসেই দীর্ঘ করা যায়।

যে-কারণে শ্যামাধর বেশী নিশ্চিত তার মূল অবশ্য অনেক গভীরে।

সে সময়ে ভারতবর্ষের রাজনৈতিক জীবনে প্রবল আলোড়ন সৃষ্টি হয়েছে। শিক্ষিত মহলে ব্রৌলট অ্যাক্টের বিরুদ্ধে দারুণ অসন্তোষ। জালিয়ানওয়ালাবাগের হত্যাকাণ্ডে দেশের জনচিন্তা উত্তাক্ত, উত্তপ্ত। জাতীয় আন্দোলনে গান্ধীজীর অভ্যুদয় ঘটেছে। তাঁর নেতৃত্বে অহিংস অসহযোগের কার্যক্রম সারা দেশটাকে সজোরে নাড়া দিয়েছে। জনসংখ্যার অধিকাংশ স্বাধীনতার আশ্রমে নতুন আশায়, নতুন উদ্দীপনায় জেগে উঠেছে।

শুধু শ্যামাধরের কোন চিন্তাবিকার নেই। সভা, বক্তৃতা, প্রসেশন, ধর্মা, খেণ্ডার ও কারাবাসের উত্তেজনায় হাজার হাজার স্ত্রী, পুরুষ, যুবক, বৃদ্ধের মন আবর্তিত। শ্যামাধরের ভ্রূক্ষেপ নেই। দেশের পরাধীনতা মোচনে তাঁর বিন্দুমাত্র উৎসাহ আছে এমন মনে হয় না। অসহযোগ আন্দোলনে তিনি কেবল উদাসীন নন, তিনি তার বিপক্ষে।

কংগ্রেস ছাত্রদের স্কুল কলেজ ছেড়ে দেশের কাজে নামতে ডাক দিয়েছে। এডুকেশন ক্যান ওয়েন্ট, বাট স্বরাজ ক্যান নট—লেখাপড়া কিছুকাল না হলেও চলে, স্বরাজের বিলম্ব চলে না, এই হল শ্লোগান। শ্যামাধরের একমাত্র ছেলে সে-বছর ম্যাট্রিক দেবে। অন্য ছাত্রদের সঙ্গে সে একদিন বই খাতা নিয়ে ক্লাস থেকে বেরিয়ে এল।

শ্যামাধর ছেলেকে কবে বকুনি দিলেন। কিন্তু অন্য ছাত্ররা যখন সবাই বাইরে তখন একা শ্যামাধরের ছেলের পক্ষে ক্লাসে যাওয়া সহজ নয়। সে বোচারা বাড়ি এসে কাঁদো-কাঁদো হয়ে বাপকে জানাল, সহপাঠীরা স্কুলের গेट আটকে ছিল। তাকে ঢুকতে দেয়নি। পরদিন থেকে শ্যামাধর কোর্টে যাওয়ার পথে নিজের ঘোড়ার গাড়িতে ছেলেকে স্কুলে পৌঁছে দিতে লাগলেন। নিজে দাঁড়িয়ে কোচম্যানের পাহারায় তাকে স্কুলের সদর দরজা পা করে দিতে ত্রুটি করলেন না।

ছাত্রেরা শ্যামাধরকে বাধা দিতে সাহস করল না। কিন্তু তাঁর গাড়ির পেছনে “শেম শেম” ধ্বনিতো দুয়ো দিতে ছাড়ল না। শূন্য ক্লাসে একা বসে দুঃখে, লজ্জায় ছেলের চোখ দিয়ে জল

গাড়িয়ে পড়ল। কিন্তু স্কুল কলেজ বর্জনের কংগ্রেসী নীতির বিরোধিতায় বাপের প্রাত্যহিক রুটিনে কোন শিথিলতা দেখা গেল না।

কিছুকাল পরেই অবশ্য অন্য ছাত্রদের উৎসাহ উবে গেছে। তারা সবাই ধীরে ধীরে ক্লাসে ফিরে গিয়ে নেসফিন্ডের ব্যাকরণ কিংবা ইউক্লিডের জ্যামিতিতে মনোনিবেশ করেছে। তাদের অভিভাবকদেরও ভুল ভেঙেছে। ছেলেদের পড়াশুনায় কয়েক মাস ব্যাঘাতের জন্য একান্তে আপসোস করেছেন। কিন্তু চলতি রাজনৈতিক প্রবাহের বিরুদ্ধে শ্যামাধরের সেই উদ্ধত একক বিদ্রোহ কেউ ভুলতে পারে নি।

ভোলায় উপায়ও ছিল না। শ্যামাধর যেন স্বাধীনতা সংগ্রামের বিরোধিতার জন্য উঠে পড়ে লেগেছিলেন। অকারণে জনমতের বিরুদ্ধাচরণেই বুঝি তাঁর আনন্দ। অন্য লোক বিদেশী জামা-কাপড় পোড়াচ্ছে। প্রত্যবে স্বাস্থ্যরক্ষার উদ্দেশ্যে নদীর ধারে হাঁটতে গেলেও শ্যামাধরের বিলাতী ব্রেজার ও ফেস্ট হ্যাটটি না পরলেই নয়। রজনী সেনের গান তিনি শুনেছেন কিনা জানা নেই। যদি শুনে থাকেন তবে তাতে তাঁর হৃদয় এতটুকু গলে নি। মায়ের দেওয়া মোটা কাপড় মাথায় তুলে নেওয়া দূরে থাক, হাত দিয়েও ছুলেন না।

হরতালের দিনে কাছারী যখন ফাঁকা, তখন নিজের কোন কেস না থাকলেও জজ-ম্যাজিস্ট্রেটের এজলাস একবার ঘুরে আসেন। ল কলেজ থেকে সদ্য নির্গত পসারহীন নবীন উকীলেরা আড়ালে হাসি তামাশা করে। বলে, “লোকটা ইংরেজের পদসেবা না করে বাঁচতে পারে না। ওর নাম শ্যামাধর নয়,—খামাধর।”

তাদের দোষ দেওয়া যায় না। শ্যামাধর যেন কংগ্রেসের বিরুদ্ধে সতেজ প্রতিকূলতার ধ্বজা। গণআন্দোলনের বিরুদ্ধে মূর্তিমান প্রতিবাদ। তিনি প্রকাশ্যেই পিকেটিংকে বলেন কোয়ারশন—জবরদস্তি, অহিংস সত্যগ্রহকে বলেন বাক্‌দামি—ভঙামি এবং মহাত্মাকে বলেন মিস্টার গান্ধী।

পরবর্তী ঘটনায় শ্যামাধরের হাত ছিল না। কিন্তু জড়িত হয়ে পড়লেন।

শহরে বিলাতী মদের দোকানের সমুখে ধর্না চলছিল। দোকানের মালিক আবগারী নিলামে চড়া দামে লাইসেন্স কিনেছিল। থানায় গিয়ে কেঁদে পড়ল। সপ্তাহখানেক বিক্রি বন্ধ, একটি পয়সা আমদানি নেই। আরও কিছু দিন এভাবে চললে স্ত্রী-পুত্র নিয়ে না খেয়ে মরবে।

দারোগাবাবু উপরওয়ালাদের মন জানতেন। তৎক্ষণাৎ পুলিশ পাঠিয়ে সত্যগ্রহীদের গ্রেপ্তার করে আনলেন।

অপরোধীরা সবাই বালক। বয়স পনের-ষোলার ওপর নয়। তার নীচেও আছে। সাধারণ নিয়মে হাকিম একটা ওয়ার্নিং দিয়েই ছেড়ে দিতেন। বড় জোর—জরিমানা বা আদালত না ভাঙা পর্যন্ত কয়েদ। দুর্ভাগ্যক্রমে ম্যাজিস্ট্রেট এন্ডারসন ওয়ার রিক্রুট। ফিক্সটিনথ আর্মার্ড ডিভিসনে কর্ণেল ছিলেন। যুদ্ধক্ষেত্রত নমিনেটেড সিভিলিয়ন রুল ব্রিটেনিয়া, ব্রিটেনিয়া রুলস দি ওয়েইভস যুগের ইংরেজ। তিনি ইউনিয়ন জ্যাককে সেলাম না করাকে ভাবেন সিডিশন। ব্রিটিশরাজের বিরুদ্ধে ক্ষীণতম সমালোচনাকে মনে করেন ট্রিসন। “বন্দেমাতরম” শুনলেই ভাবেন, রিভোলিউশান। রায় দিলেন—এক মাস সশ্রম কারাদণ্ড।

এমন অনাবশ্যক কঠোরতায় আন্দোলন দমন হয় না। বরং উত্তেজনা বাড়ে। এর পরে সংঘাত আর বাইরে পুরুষদের মধ্যে নিবন্ধ রইল না। অন্তঃপুরে মেয়েদের মধ্যেও ছড়িয়ে পড়ল। দণ্ডিত সন্তানের মায়েরা গৃহকোণ ছেড়ে রাস্তায় এসে পিকেটিং-এ যোগ দিলেন। বৃদ্ধা ঠাকুমা, দিদিমারাও পিছিয়ে রইলেন না।

ম্যাজিস্ট্রেট সাহেবের খাশ চাপরাসী মনিবের জন্যে হইন্সি কিনতে এসেছিল। মেয়েদের পাহাড়া এড়িয়ে দোকানে ঢোকা তার সাধ্য নয়। ফিরে গিয়ে সাহেবকে জানাতেই অ্যাংলো-স্যাকসন রক্ত টগবগিয়ে উঠল। তিনি নেটিভদের বিদ্রোহ দমন করতে স্বয়ং রণক্ষেত্রে অবতীর্ণ হলেন।

ম্যাজিস্ট্রেট সাহেব সৈন্যসামন্ত দিয়ে পিকেটিং ভাঙতে চলেছেন এ খবর ছড়িয়ে পড়তেই কংগ্রেসের স্বেচ্ছাসেবকেরা ছুটে এল।

“ওয়াইনস অ্যান্ড স্পিরিটস” লেখা সাইনবোর্ডের নীচে দোকানের দরজার মুখে জনকয়েক যাযাবর অমনিবাশ ২৩

মহিলা বসে আছেন। একজনের হাতে একটা তিন রঙের নিশান, কংগ্রেসের স্ল্যাগ, স্বাধীনতার সেনানীরা যাকে বলেন জাতীয় পতাকা। স্বৈচ্ছাসেবকরা মহিলাদের ঘিরে ব্যূহ রচনা করল।

ভূতপূর্ব সেনাধ্যক্ষ সত্যাগ্রহীদের দোকানের সমুখ থেকে সরে যাওয়ার আদেশ দিলেন। নিজের হাতঘড়ির ওপরে দৃষ্টি রেখে বললেন,—“মাস্ট ক্লিয়ার আউট ইন ফাইভ মিনিটস।”

পাটা জবাবে সত্যাগ্রহীরা “মহাত্মা গান্ধী কী জয়” ধ্বনিতে নিজেদের সংকল্প আরও দৃঢ়ভাবে ঘোষণা করল। ম্যাজিস্ট্রেট সাহেবের চকুমে পুলিশ তাদের গ্রেপ্তার করে হাতকড়ি পরাতে লাগল।

গান্ধীনীতিতে গ্রেপ্তার ও জেল বিনা দ্বিধায় মেনে নেওয়াই নিয়ম। এগিয়ে এসে আপনি সেধে ধরা দিতে হয়। কিন্তু তাদের চোখের সমুখে ছেলেদের খামোকা পুলিশে ধরে নিয়ে যাবে এ অন্যায় মহিলাদের অসহ্য। তাঁরা বাধা দিলেন। সংঘর্ষে মাত্রাজ্ঞান থাকে না, সেপাইসাত্ত্বীদের তো কথাই নেই। ধস্তাধস্তিতে মহিলারা কেউ কেউ তাল সামলাতে পারলেন না, মাটিতে পড়ে গেলেন।

এতক্ষণে রাস্তার ওপারে কৌতূহলী জনতার ভিড় জমে গেছে। সেখান থেকে পুলিশ বাহিনীকে লক্ষ্য করে কে বা কারা যে হঠাৎ ঢিল ছুঁড়ল তা বোঝা গেল না। সজোরে নিক্কিণ্ড এক পাটি চটিজুতো পুলিশের গায়ে না লেগে খোদ এন্টারসন সাহেবের কপালে এসে পড়ল। নাকের ওপর থেকে ম্যাজিস্ট্রেট সাহেবের চশমা ছিটকে পড়ল রাস্তায়। কাঁচ দুখানা ভেঙে চূর্ণবিচূর্ণ হয়ে গেল।

কর্ণেল সাহেব যুদ্ধক্ষেত্রে গোলাগুলির মুখে লড়েছেন। সামান্য চটির ঘায়ে মুঁছা যাবেন এমন পাত্র নন। কিন্তু আঘাত কি লাগে শুধু দেহে? আহত হল শাসকের দম্ভ, মর্দিত হল ব্রিটিশ প্রেস্টিজ। সেটা অনেক বেশী অসহ্য।

পুলিসের এস-পি পাশেই ছিলেন। তিনি ইংরেজ নন, ভারতীয়। সূর্যের চাইতে বালুর তাপ বরাবরই বেশী হয়। এ লাইনে অনেক দিন আছেন। জানেন স্বদেশীয়ালাদের ঠেঙানো চাকরীতে উন্নতির সহজ উপায়,—প্রমোশন মেইড ইজী। হুক্কার দিলেন,—লাঠি চার্জ, মানে সত্যাগ্রহীদের লাঠিপেটা করে তাড়াও।

স্ত্রী পুরুষদের আর কোন বাছবিচার রইল না। কারও পিঠে, কারও বাহুতে, কারও ঘাড়ে, কারও মাথায় দমাদম লাঠি পড়তে লাগল।

এক গালে চড় খেয়ে অন্য গাল বাড়িয়ে দেওয়া খ্রীস্টীয় অনুশাসন। কলসীর কানার বাড়ি মাঝায় পেতে প্রেম বিলানো বৈষ্ণব উপাখ্যান। পড়ে পড়ে লাঠির ঘা সহটা বৃষ্টি সত্যাগ্রহীদেরও ধর্ম। কিন্তু রাগ, বিরাগ, দ্বेष, বৈরিতা মেশানো রক্তমাংসে গড়া সাধারণ জনতা ওসব উচ্চাঙ্গের তত্ত্বজ্ঞানের ধার ধারে না। নিরস্ত্র নরনারীর ওপরে একতরফা নৃশংস নির্যাতন চূপ কবে দাঁড়িয়ে দেখার পাত্র তারা নয়। থান ইট, পাথরের চাঁই, ঢিল, পাটকেল হাতের কাছে যা পেল তাই ছুড়ে তারা পুলিশকে আক্রমণ করল।

মুহুর্তে পুলিশ ও জনতায় খণ্ডযুদ্ধ শুরু হয়ে গেল। কনস্টেবলের দল লাঠিহাতে এগিয়ে এলে জনতা ছুটে পালায়। তারা পিছন ফিরলেই জনতা ফিরে এসে ঢিল ছোড়ে।

লাঠির নাগাল কয়েক ফুট মাত্র। যথেষ্ট কাছে না পৌঁছতে পারলে তার ব্যবহার চলে না। ইট-পাটকেলের পাল্লা অনেকখানি। নিশানা সঠিক হলে তা দূর থেকেও শত্রু ঘায়েল করা যায়। ঘড়ির পেড়লামের মত এই আক্রমণ ও প্রতিআক্রমণে জনতাকে কাবু করা গেল না। বরং পুলিশ-পক্ষেই অনেক জখম হল।

এর পরে ধৈর্য থাকে না। না পুলিশের, না ম্যাজিস্ট্রেটের। সাহেব নিজে লাঠি হাতে তাড়া করলেন। তাঁর সালোপাজরা মারমুর্তিতে পলায়মান জনতার ওপর ঝাঁপিয়ে পড়ল। ভীতসন্ত্রস্ত লোকেরা আত্মরক্ষার রাস্তা থেকে ছুটে গলির ভেতরে বাড়ির মধ্যে আত্মশ্রোণন করল। পুলিশ ধামল না। তারা বাড়ির মধ্যে ঢুকে যাকে সামনে পেল তাকেই টেনে-হিচড়ে বাইরে এনে এলোপাতাড়ি পিটুনি দিতে লাগল।

স্থানীয় হাইস্কুলের হেডপণ্ডিত মশায় শ্রৌড় ব্যক্তি। সাত্ত্বিক, নিষ্ঠাবান, নিরীহ মানুষ। হিংসা বা অহিংস কোন রাজনীতিরই ধার ধারেন না। নিজের অধ্যয়ন ও অধ্যাপনা নিয়ে থাকেন। স্নান সেয়ে নিত্যকার মত গৃহদেবতার পূজায় বসেছিলেন। তিনিও রেহাই পেলেন না।

একে ওপরওয়ালার হুকুম, তার ওপরে ইট, পাথর, টিলের ঘায়ে তারা নিজেরা অনেকে আহত হয়েছে। কনস্টেবলরা তাই ক্রোধে ক্ষিপ্ত এবং প্রতিহিংসায় হিংস্র। অপরাধী বা নিরপরাধী হিসাব করার সময় বা ইচ্ছা নেই। সূত্রাং পূজানিরত নির্বিরোধ ব্রাহ্মণের মাথায় পড়ল লাঠি। দরদর ধারায় রক্ত গড়িয়ে পরিধেয় হল সিন্ধু, উত্তরীয় হল লাল। হতভাগ্য অজ্ঞান হয়ে পড়লেন।

সরকারী হাসপাতালের ডাক্তারবাবু দয়ালু। ইনটেনসিভ কেয়ার ইউনিট, অক্সিজেন সিলেভার, রক্তদান, ইনজেকশন—কোন কিছুই ত্রুটি রাখলেন না। বৃথা। ক্ষীণজীবী পশ্চিমমশায় ইহজগতে আর চোখ খুলে তাকালেন না।

এর পরের ঘটনার ধারা জানা এবং প্রত্যাশিত খাদ বেয়ে চলল। সিড়ির ধাপের মত একের পর এক পরিস্থিতি, একের পর এক প্রতিক্রিয়া। গান্ধীযুগের জাতীয় আন্দোলনের অতিপরিচিত প্যাটার্ন। প্রায় ছক-কাটা যোজনা।

কংগ্রেসের দলবল হাসপাতালের দরজায় জড়া হল। মিছিল করে শব নিয়ে যাবে স্থানানে। পুলিশ বলল, কড়ি নেই। অনেক ইটাইটির ধারে অনাড়ম্বর সংকারের মুচলেকা লিখে নিয়ে তবে শোকার্ড আত্মীয়েরা মর্গ থেকে মৃতদেহ উদ্ধার করলেন।

পরদিন এ-পক্ষ রথের ময়দানে নাগরিক প্রতিবাদ সভার তোড়জোড় করতেই ও-পক্ষ একশ চুম্বলিশ ধারা জারি করলেন। পাঁচজনের বেশী একত্র হওয়া নিষিদ্ধ।

জনসাধারণের হাতে বিক্ষোভ জানাবার শেষ রাস্তা হরতাল। একদিন স্কুল-কলেজে ছাত্র ও মাস্টারেরা রইলেন অনুপস্থিত, আপিসে কেরানী ও আদালতে উকিল মোস্তারেরা গরহাজির। হাটে-বাজারে ব্যবসায়ীরা শোক্যনের ঝাঁপ তুলল না।

নেতারা বিবৃতি দিলেন,— জুডিশিয়াল ইনকোয়েরী, হাঃ কার্টের জজ দিয়ে তদন্ত চাই। গভর্নমেন্ট সরাসরি তা নাকচ করে দিলেন রাইটার্স বিল্ডিংস থেকে সংক্ষিপ্ত প্রেস নোটে বললেন, উচ্ছৃঙ্খল জনতার আক্রমণের মুখে আত্মরক্ষার্থে পুলিশ মৃদু যষ্টি চালাবে বাধ্য হয়। তীব্র উত্তেজনা সত্ত্বেও ম্যাজিস্ট্রেট কর্ণেল এন্ডারসন ন্যূনতম বলপ্রয়োগের দ্বারা জনসনীয় সংঘর্মের পরিচয় দিয়েছেন। তাঁকে অন্যত্র বদলী করার প্রস্তাব ওঠে না।

দৈনিক পত্রিকাগুলি জ্বালাময়ী প্রবন্ধের ঠেকো দিয়ে ঘটনাটাকে কয়েকদিন রাজনৈতিক আলোচনার আসরে খাড়া করলেন। তারপর ধীরে ধীরে উত্তেজনা থিতুয়ে গেল। আন্দোলন গেল থেমে, স্তিমিত হল বিক্ষোভ, ক্ষান্ত হল মহড়া বা মিছিল। শাসকের সদর্প উৎপীড়ন এবং শাসিতের নিরুপায় লাঞ্ছনার স্মৃতি ক্রমশঃ তলিয়ে গেল কালের অন্ধকারে গহ্বরে, তাপা পড়ে গেল সর্বসাধারণের উত্তাপহীন, চাঞ্চল্যশূন্য দৈনন্দিন রুজি-রোজগার ও ঘর-সংসারে প্রাত্যহিক দায়দায়িত্বের আড়ালে।

ব্যথার উপশম হল না শুধু এক জায়গায়। সেখানে বিস্মৃতির অবকাশ নেই। পশ্চিমমশায় ছিলেন তাঁর পরিবারের উপার্জনের একমাত্র উৎস। সাধারণতঃ বেসরকারী স্কুলে মাস্টারদের মাইনের হারটা খাটো। মাসের খরচ চালিয়ে উদ্বৃত্ত ধার থাকে তাঁর নেহাতই কপালের জোর। সুতরাং সঞ্চয়ের কথা না তোলাই ভাল। পশ্চিমমশায় রেখে গেছেন তাঁর বিদ্যাবস্তার খ্যাতি এবং সদাচারের সুনাম। দুটোর কোনটারই বাজারদর নেই। আলু, বেগুন বা তেল নুন কিনতে কাজে আসে না। বিধবা এক ছেলে ও এক মেয়ে নিয়ে বেঁচে থাকার পথ খুঁজে পান না। ছেলেটি স্কুলে পড়ে। মেধাবী। স্টাইপেন্ড পায়। কিন্তু ছাত্রবৃত্তিতে স্কুল ফিজ-এর সমস্যা মেটে। ঘরের অল্পসংস্থান হয় না।

ছোট, বড় এবং মাঝারি সব নেতাই অভয় দিলেন। চাঁদা তুলে পশ্চিমমশায়ের নামে স্থায়ী সাহায্য ভাণ্ডার গড়বেন। কার্যকালে দেখা গেল, সাহায্য তহবিলের নামে আশ্বাস যত জোটে অর্থ তার সিকিভাগ। মাস কয়েকের মধ্যেই শীতের দিনে শুকিয়ে-যাওয়া পাহাড়ী নদীর জলের মত সে ভাণ্ডারে টাকার অঙ্ক শূন্য; পড়ে আছে শুধু ভুলে-যাওয়া সদিচ্ছার বিস্তীর্ণ বালুকারণি।

বিধবা ছেলেকে স্কুল থেকে ছাড়িয়ে নিলেন। এখানে ওখানে দরখাস্ত, বোরাঘুরি ও ধরাধরিতে অনেক কষ্টে এক আয়ুর্বেদ ফার্মেসীতে একটা সামান্য চাকুরি জুটল। স্কুলের বই-খাতা ঘরের কুলুঙ্গিতে তুলে রেখে সে দুর্ভাগ্য কবিরাজের দোকানে মকরধ্বজের মোড়ক ও চ্যবনপ্রাশের শিশি

বেচতে লাগল।

অসহযোগ, চরকা, স্বদেশীতে যেমন ভাটা পড়ে গেছে, স্বর্গতপত্তিমশায়েরপুং তাঁর নিঃসহায় পরিবারের কথা তেমন জনসাধারণের স্মৃতি থেকে অপসৃত। এমন কি কর্ণেল এন্ডারসন সাহেবের বীর বিক্রমও এতদিনে সবার গা-সহা হয়ে এসেছে।

কিন্তু বৃহৎ বিশ্বায়ের নিয়ম এই যে, সে ঘটে অতিক্রান্তে। আকাশে মেঘ দেখে বৃষ্টির আভাস পাওয়া যায়। আসন্ন ঝড়ের খবরও মলে আবহাওয়া আপিসের আগাম বিজ্ঞপ্তিতে। অথচ নিমেষে ঘরবাড়ি, নগর, জনপদ বিধ্বস্ত করে যে ভূমিকম্প তার কোন অ্যাডভান্স নোটিশ নেই। সে-প্রজন্মের পূর্বমুহুর্তেও গাছপালা, আলো, বাতাসে, শাস্ত্র প্রকৃতির শিষ্ট পরিবেশে সন্দেহের বিন্দুমাত্র ইঙ্গিত থাকে না। এই ক্ষুদ্র জেলা শহরের পরবর্তী ঘটনাকে ভূকম্পনের সঙ্গে তুলনা করলে অতিরঞ্জনের দোষ হবে না।

সেদিন শনিবার। ইউরোপীয়ান ক্লাবে ফি সপ্তাহেই সেদিন বিশেষ জমজমাট। টেনিস কোর্ট, কার্ড রুম, বার—সর্বত্রই হাউস ফুল। শিকার এবং স্কচ হুইস্কির পরেই কর্ণেল এন্ডারসনের আসক্তি বিলিয়ার্ডে। তাঁর কাছে ক্লাবের সবচেয়ে বড় আকর্ষণ। খেলাটা তখন খুব জমে উঠেছে। তাঁর প্রতিপক্ষ একজন মহিলা। কাছাকাছি এক চা বাগানের ম্যানেজারের স্ত্রী। সুন্দরী। তার চেয়ে বড় কথা,—ভাল খেলেন। ম্যাজিস্ট্রেট সাহেব তাঁকে ঠিক এঁটে উঠতে পারছিলেন না।

হঠাৎ পিছন থেকে গুড্রুম গুড্রুম আওয়াজ। নারীকণ্ঠের তীব্র আর্তনাদ। ঘর ধোঁয়ায় অন্ধকার। বারুদের গন্ধে আচ্ছন্ন।

লিখতে সময় লাগল। ঘটল এক সেকেন্ডে।

কর্ণেল সাহেব আর্মিতে ছিলেন। ইংরেজীতে যাকে বলে 'রিফ্রেক্স' সেটা অত্যন্ত তীক্ষ্ণ। সুইচ টিপলে আলো জ্বলার মতো চক্ষের পলকে আশ্চর্য্যকর ফন্দি আপনি মাথায় আসে। উবু হয়ে ঢুকে পড়লেন বিলিয়ার্ড টেবিলের নীচে। আততায়ী ছুটে পালাতেই এক লাফে বেরিয়ে এসে পিছু তড়া করলেন। ক্লাবের গেটের বাইরে অন্ধকার গলির মুখে তাকে জাপটে ধরলেন।

ক্লাবের বিভিন্ন ঘরে কেউ খেলছিলেন ব্রীজ, কেউ ম্যাগাজীন পড়ছিলেন। কেউবা বারে স্টুলের ওপরে বীয়ার মাগ বা গিমলেটের গ্লাস হাতে গল্প করছিলেন। পিস্তলের শব্দে ভীত-চমকিত তাঁরা ছুটে এলেন। দেখলেন এন্ডারসনের ক্রীডাসজিনী মেজেতে পড়ে আছেন। কাঁধেব কাছে জামায় রক্ত ঝরছে। মনে হয়, গুলি লেগেছে সেখানে। হাত থেকে বিলিয়ার্ডের কিউ ছিটকে পড়েছে একপাশে। জ্ঞান হারান নি। ভয়ে এবং অসহ্য ব্যথায় মুখ বিবর্ণ, ক্লিষ্ট।

এন্ডারসন আততায়ীকে টেনে নিয়ে এলেন ক্লাবের ভিতরে। উজ্জ্বল বিজলী আলোয় সবাই দেখে অবাক হল,—চোন্দ-পনের বছরের এক বালক। এই একরঙি ছেলোটা ছুঁড়েছে পিস্তল? ইংরেজ মহিলাকে খুন করার জন্য। কেন?

ক্লাবের এক বেয়ারা শনাক্ত করল। তাদের পাড়ায় বামুন মাসির ছেলে। বাপ ছিলেন মস্ত পণ্ডিত। স্কুলে পড়াতেন। সেই যে গেল বছরে—

এন্ডারসন দুই চোখ কপালে তুলে পরম বিষ্ময়ে চোঁচিয়ে উঠলেন—“বাই জোভা!”

পিস্তলের লক্ষ্য ছিল কোথায় সে সম্পর্কে কারুর মনেই কোন সন্দেহ রইল না। বোঝা গেল, নিশানা এখনও নিখুঁত হয় নি। টিপ ফস্কে গিয়ে গুলি পৌঁছেছে অন্যত্র।

কিশোর আততায়ী নাম ধাম কিছুই গোপন করল না। স্বীকার করল, পিতার শোচনীয় মৃত্যুর বদলা নেওয়ার উদ্দেশ্যে সে অনেক দিন থেকেই সুযোগ খুঁজছিল। মেমসাহেবকে সে চেনে না। আগে কোনদিন দেখেও নি। তাঁর গায়ে গুলি লাগতে পারে এ কথা মনে হয় নি।

এ পর্যন্ত। কোথায়, কী ভাবে পিস্তল যোগাড় করেছে, গুলি ছুঁড়তে কে শিখিয়েছে, কেমন করে অন্য সবার দৃষ্টি এড়িয়ে ক্লাবে ঢুকেছে, সঙ্গে আর কেউ ছিল কিনা এ সব প্রাসঙ্গিক তথ্য কিছুই তার কাছ থেকে বার করা গেল না। মিষ্টি কথায় বুঝিয়ে এবং শক্ত কথায় শাসিয়ে এমনকি কিল, চড়, ঘুষি কিছুতেই না।

হাসপাতালে ডাক্তারী পরীক্ষায় দেখা গেল, আহত মহিলার ক্ষতটা গভীর নয়। দিনকয়েকের চিকিৎসায় সেরে উঠলেন।

সে রাতে গোটা শহরটার দুর্দশার আর সীমা ছিল না। চোদ্দ থেকে চূরায় বছরের পুরুষ বাকে ইচ্ছা তাকেই পুলিশ থানায় টেনে নিয়ে এল। পণ্ডিতমশায়ের আত্মীয়, পরিচিতদের জবানবন্দী নিল। গ্রেপ্তার ও খানাতল্লাশির ঢালাও পরোয়ানা হাতে সম্ভব অসম্ভব স্থানে যা করল তাকে ইংরেজী ভাষায় সার্চ না বলে ডিমোলিশান বললেই ঠিক হয়। বিমান আক্রমণেও কি এর চাইতে বেশী ক্ষয়ক্ষতি ঘটে?

গান্ধীবাদীরা পিস্তল আক্রমণের নিন্দা করলেন।

দেশী কাগজের সম্পাদকেরা সাপ মরে লাঠি না ভাঙে নীতিতে হাত পাকিয়েছেন। তাঁরা জানেন গরম মস্তব্য ছাড়া পত্রিকার সার্কুলেশন বাড়ে না। অথচ ভারতরক্ষা আইনের চোখা চোখা ধারাগুলি ভোলাও বিপজ্জনক। লিখলেন, ব্যক্তিগত সত্বাসবাদে কোন লাভ নেই। কিন্তু সত্বাসবাদের জন্য গভর্নমেন্টই দায়ী। তাঁদের বেপরোয়া দমননীতির ফলেই তার উদ্ভব। অশ্বখামা হত ইতি গজ।

আ্যাংলো ইন্ডিয়ান সংবাদপত্র এ-ব্যাপারে নিরঙ্কুশ। তাঁরা রেখে ঢেকে বলার মধ্যে নেই। গভর্নমেন্ট কংগ্রেসী হাঙ্গমাকারীদের প্রশ্রয় দিচ্ছেন বলেই খুনখারাবির রাজনীতি বেড়ে চলেছে সে বিষয়ে তাঁদের কোন সন্দেহ নেই। হুম্কার দিলেন, যারা নিরপরাধ মহিলাদেরও হত্যা করতে পিছোয় না, সভা আইন-কানুন, বিচারবিবেচনা তাদের জন্য নয়। তাদের ধরে সোজা ফায়ারিং স্কোয়াড, অর্থাৎ গুলি করে না মারলে এই জাতীয়তাবাদী নরঘাতকদের সমুচিত শিক্ষা হবে না।

শিক্ষা দিতে গভর্নমেন্ট উৎসুক। কিন্তু তাঁরা সাম্রাজ্য চালান। আর যাই হোক, ওপরের পালিশটা ছাড়তে পারেন না। সুতরাং বিচ্ছিন্ন-বাদ গেল না। শুধু প্রণালীতে রকমফের হল। কোর্টের বদলে ট্রাইব্যুনাল, জুরীর বদলে স্পেশাল জজ।

সে-পদে যিনি নিযুক্ত হলেন তিনি সেসান আদালতে অতিরিক্ত বিচারক। যৌবনে ব্রীক্ষন্য ব্যারিস্টার ছিলেন। প্রথম মহাযুদ্ধের সময় বাঙালী পিস্টনের জন্য শহরে শহরে বক্তৃতা দিয়েছেন। নিন্দুকেরা বলে, তারই পুরস্কার চাকরি। মুগ্ধ হয়ে আরম্ভ। সেখান থেকে ধাপে ধাপে ওপরে উঠেছেন। সীজার-পত্নীর সতীত্বের মত ভদ্রলোকের রাজভক্তি সংশয়ীত। ইতিপূর্বে অনেক স্বদেশী মামলার ধোপে টিকেছে। সুতরাং পণ্ডিতমশায়ের নাবালক পুত্রের ভবিষ্যৎ সম্পর্কে কারও মনেই কোন সন্দেহ রইল না। না সরকারের, না সর্বসাধারণের।

বিচার যেখানেই হোক এবং রায় যিনি লিখুন প্রচলিত ঠাট বজায় না রেখে উপায় নেই। স্পেশাল ট্রাইব্যুনালেও প্রসিকিউশান এবং ডিফেন্স দু'পক্ষেই উকীল, জেরা, সওয়াল না হলে চলে না। গভর্নমেন্ট পক্ষে মামলা পরিচালনা করবেন পাবলিক প্রসিকিউটর। তিনি আর কেউ নন, বিখ্যাত—মানে—কুখ্যাত শ্যামাধর বস্তু।

শুনে শহরের সবাই ছি ছি করল। লোকটা খয়ের খা তা জানা ছিল। তাই বলে দরিদ্র বিধবার একমাত্র ছেলেকে জেলে বা কালাপানি পাঠাবার চেষ্টা? একেবারে হৃদয়হীন পাষাণ, সন্দেহ নেই। স্থানীয় নেতার দল শ্যামাধরকে ঠারেঠোরে বুঝিয়ে নিরস্ত করতে চাইলেন। ফল হল না। তিনি বিপত্নীক। অন্দরমহলের মারফতে বশীভূত করার জো নেই। শোনা গেল, ছোটবেলায় শ্যামাধর মামার বাড়িতে মানুষ হয়েছেন, মামাকে খুব মানে। তিনি পাটনায় গাফিলি করেন। পণ্ডিতমশায়ের বিধবা স্ত্রী তাঁর কাছে গিয়ে কঁদে পড়লেন।

মামা যৌবনে সরকারী ডাক্তার ছিলেন। শ্বেতাঙ্গ সিভিল সার্জনের সঙ্গে ঝগড়ার ফলে বিনা দোষে বরখাস্ত হন। সেই থেকে গভর্নমেন্টের ওপর ভীষণ রাগ। শ্যামাধরকে বললেন, “ইংরেজ ব্যাটারা পাঞ্জী নচ্ছার। আমাদের ভাবে কুকুর শেয়াল। তাদের হয়ে তুমি দেশের বিরুদ্ধে লড়বে?”

শ্যামাধর সে কথার জবাব না দিয়ে জিজ্ঞাসা করলেন, “মামা, আপনি ইংরেজ নিপাত গেলে খুশী হন, জানি। আপনার কাছে সাহেব রোগী এলে তার মিকশারে কি স্টীকনীন মিশিয়ে দেন?”

মামা বিস্মিত হয়ে বললেন, “শোন কথা একবার? আমি ডাক্তার। আমার কাজ, রোগীকে সারিয়ে তোলা। তা সে রোগী হিন্দু, মুসলিম, ইংরেজ, জার্মেন যেই হোক।”

শ্যামাধর সায় দিয়ে বললেন, “ঠিক কথা। আমি উকীল। আমার কাজ, আমার মক্কেলের জন্য ন্যায়বিচার আদায় করা। সে মক্কেল সরকার হতে পারে। বেসরকারী হতেও বাধা নেই। আমি কারুর পক্ষে নই; বিপক্ষেও না।”

মামা উপযুক্ত জবাব খুঁজে পেলেন না। আমতা আমতা করে বললেন, “কিন্তু ঐ দুধের ছেলোটো—”

শ্যামাধর বাধা দিয়ে বললেন, “সে ভার বিচারকের। সাজা দেওয়া-না-দেওয়া আমার হাতে নয়। আসামীকে খালাস করার দায়িত্ব আসামী পক্ষের উকীলের। শহরে অভিজ্ঞ আইনজ্ঞের অভাব নেই।”

অতি সত্যি কথা। শহরে আইনজ্ঞ বহু আছেন। তাঁদের মধ্যে অভিজ্ঞের সংখ্যাও কম নয়। কিন্তু পসারওয়ালা প্রবীণ উকীলেরা অভিজ্ঞ শুধু আইনে নয়, সাংসারিক বুদ্ধিতেও। তাঁরা কোন ঝুঁকি নিতে চান না। ভাবেন, এসব মামলা থেকে দূরে থাকাই সঙ্গত। সরকার অর্থাৎ জেলার কর্তারা মনে মনে চটে থাকবেন। হাজার হোক, ছেলেপুলে নিয়ে ঘর। কী জানি, কখন কোন দিক দিয়ে বিপদ ঘটবে।

স্পেশাল ট্রাইবুনালের সামনে পণ্ডিতমশায়ের ছেলের পক্ষে আইনের লড়াই লডতে নামলেন শুটিকয়েক তরুণ উকীল। তাঁদের গায়ে কলেজের গন্ধ এখনও কিছুটা লেগে আছে। মগজে আদর্শবাদের স্বপ্ন এখনও ঘোচেনি। এবং হাতে অন্য কোন কেসও বিশেষ কিছুই নেই। তাঁদের উৎসাহ প্রচুর, যোগ্যতা পরিমিত।

সাধারণ কোর্টের মত ট্রাইবুনালের মামলা টিমে গতিতে চলে না। পনের দিনেই শেষ হল। কয়েক পৃষ্ঠা ব্যাপী সুদীর্ঘ রায়। জোর কলমে লেখা। সংক্ষেপে, —জঙ্গসায়েব সরকার পক্ষের সব বক্তব্যই অকাটা মেনে নিয়েছেন। আসামীর তরফে সব যুক্তিই করেছেন বাতিল। ‘সাক্ষ্যসাবুদের ছিন্নগুলির দিকে তাকান নি। পুলিশ যে রিভলভারটা “এগজিবিট” হিসেবে দাখিল করতে পারে নি সে ক্রটি মোটে আমলই দেন নি। ম্যাজিস্ট্রেটের কাছে স্বীকারোক্তি এডিভেল অ্যাক্টে গ্রাহ্য কিনা সে তর্ক এড়িয়ে গেছেন। আসামীর অল্প বয়সের খাতিরে করুণার দাবি এক কথায় নস্যাৎ করেছেন। সব শেষে বলেছেন, অভিযুক্তের উদ্দেশ্য কী ছিল সেটা অবাস্তব। কী ঘটেছে তাই বিচার্য। নারীহত্যা অথবা হত্যার চেষ্টা,—তা সে জেনে বুঝেই হোক বা অনিচ্ছাকৃতই হোক,—ঘণ্যতম অপরাধ। সে-অপরাধী বালক, বৃদ্ধ, যুবা যেই হোক তাকে আইনে চরম শাস্তি না দিলে মনুষ্যসমাজ এবং মানবসভ্যতা বিপন্ন হয়। অতএব,—

স্পেশাল ট্রাইবুনালের ওপরে আছে শুধু হাইকোর্ট। সেটা অনেক টাকার ব্যাপার। উদ্বিগ্ন-তদারকের জন্য লোকজন চাই। কিন্তু ছেলেরা প্রাণ বাঁচাতে মায়েরা করেন না জগতে এমন কী আছে ?

যথাকালে হাইকোর্টের তিন জজের বেঞ্চের কাছে আসামী পক্ষের আপীল দায়ের করলেন যিনি তিনি নামজাদা ব্যারিস্টার। ইংলিশ বারের মাথা বললেই হয়। চারদিন ব্যাপী শুনানীর শেষে অ্যাডভোকেট জেনারেলকে কোণঠাসা এবং ট্রাইবুনালের রায়কে ছিন্নভিন্ন করে ছাড়লেন—একবারে ইংরেজীতে যাকে বলে মীনসড মীট। ফাঁসির জুকুম রদ হয়ে গেল।

রাজনীতির খবর কলকাতা থেকে মফস্বলে ছড়িয়ে পড়তে দেরি হয় না। বিশেষতঃ ফাঁসির মামলার সংবাদ বাতাসে উড়ে চলে। জনসাধারণ খুব খুশী। ম্যাজিস্ট্রেট কর্ণেল এন্ডারসন বিষম। এবং শ্যামাধর বক্সী আরও অপ্রিয়ভাজন হলেন।

সরকারী অফিসারেরা এক জায়গায় বেশী দিন থাকেন না। তাঁরা প্রগতিশীল যদি বা না হন, গতিশীল। বছর তিনেকের মধ্যেই হয় বদলি না হয় প্রমোশন। কর্ণেল সাহেবেরও স্থানান্তরের সময় হয়ে এসেছে। যে কোন দিন নূতন পোস্টিং অর্ডার প্রত্যাশা করছেন।

এমন সময়ে অকস্মাৎ রায়বাহাদুর শ্যামাধর বক্সীর বহুবিভর্কিত জীবনের সমাপ্তি ঘটল। সকালবেলা চায়ের পেয়ালায় চুমুক দিতে দিতে ক্যালকাটা উইকলী নোটস-এর পাতা ওটাজিলেন। চেয়ারেই চলে পড়লেন। কার্ডিয়াক অ্যারেস্ট। মুহূর্তেই শেষ। ডাক্তার ডাকার অবকাশ মিলল না।

শ্যামাধর বেঁচে থাকতে যেসব দেশপ্রেমী তাঁকে একঘরে করবেন বলে ভয় দেখিয়েছিলেন, শ্যামাধর মারা গেলে তাঁরা তাঁর শবযাত্রা বয়কট করলেন। ইহলোকে জীবিত শ্যামাধরের বিবেক নানা ছমকিতে সর্বদা অচঞ্চল ছিল। অনুমান হয়, পরলোকে মৃত শ্যামাধরের আত্মা ঐ বয়কটের আশঙ্কায় কিছুমাত্র বিচলিত হয় নি।

কিন্তু এভারসন সাহেব উৎকণ্ঠিত হলেন। স্থানীয় ভারতীয়দের মধ্যে একমাত্র শ্যামাধরকেই তিনি বুদ্ধিমান এবং সম্মানের যোগ্য—সেনসীবল গ্র্যান্ড রেসপেক্টেবল—মনে করতেন। জনগণ যে তাঁর প্রতি সদয় নয় সেকথাও ম্যাজিস্ট্রেট সাহেবের অজানা ছিল না। তিনি আশঙ্কা করলেন, কংগ্রেসী পান্ডারা শ্যামাধরের অস্বাভাবিক ব্যাঘাত ঘটাবে। স্থানে একদল সশস্ত্র পুলিশ মোতায়েন করলেন। সাবডেপুটিবাবুকে ডেকে তাঁর হাতে সরকারী প্রত্নানিবেদনের চিহ্নরূপে একটি রীথ, পুষ্পমালা পাঠালেন।

স্থানে পৌঁছে সাব-ডেপুটিবাবু দেখলেন, একমাত্র শববহনকারী ছাড়া মুক্ত-সংকারে আর কেউ উপস্থিত নেই। তিনি রীথটি যথারীতি শবধারের ওপরে রেখে চলে যাচ্ছিলেন। চোখে পড়ল, একজন মহিলা এসে নত হয়ে মৃত শ্যামাধরের পায়ে কিছু রাখছেন। কৌতূহল হল। ফিরে কাছে গেলেন। দেখলেন, একমুঠো সাদা কাঠচাঁপা ফুল। ভাবলেন শ্যামাধরের কোন নিকট আত্মীয় হবেন। মহিলা উঠে পিছনে ফিরে তাকাতেই চিনতে পারলেন। খুব বেশী দিনের পুরনো ঘটনা নয়। টাইবুন্যালে সেই বিখ্যাত মামলার সময়ে অনেকবার দেখেছেন। পণ্ডিতমশায়ের বিধবা স্ত্রী।

সাব-ডেপুটিবাবু বিষয় দমন করতে পারলেন না। প্রশ্নটা যেন নিজের অজান্তেই মুখ থেকে ছিটকে বেড়িয়ে গেল। “আপনি? এখানে?”

মহিল প্রশ্নকারীকে চিনতে পারলেন মনে হল না। কিন্তু সপ্রতিভ ভাবে জবাব দিলেন, —“পায়ের ধুলো নিতে এসেছি।”

বিস্ময় আরও বাড়ল।

“পায়ের ধুলো? শ্যামাধর বস্ত্রীর?” জিজ্ঞাসা করলেন সাব-ডেপুটিবাবু।

মহিলা নিঃসঙ্কোচে উত্তর দিলেন, “হ্যাঁ। মানুষ নয় তো, দেবতা ছিলেন।”

ভদ্রলোক নিজের কানকেই যেন বিশ্বাস করতে পারছেন না। ঠিক শুনছেন তো?

খানিকটা সঙ্কোচের সঙ্গেই বললেন, “মাফ করবেন। উনি তো আপনার ছেলেকে ফাঁসিতে চড়াতে চাইছিলেন।”

মহিলা যুক্ত দৃষ্টান্ত কপালে ঠেকিয়ে তাড়াতাড়ি বললেন, “অমন কথা মুখেও আনবেন না। ওঁর কপায়ই আমার ছেলে আজ প্রাণে বেঁচে আছে।”

সাব-ডেপুটিবাবু হতবাক বিস্ময়ে তাঁর মুখের পানে তাকিয়ে আছেন দেখে মহিলা মিনিট কয়েক কী ভাবলেন। তারপর ধীরে ধীরে বললেন, “এতদিন তো বলার উপায় ছিল না।” জিজ্ঞাসা করলেন, “আজ বলতে দোষ আছে কি?”

এ প্রশ্নের উত্তর দেওয়া ভদ্রলোকের সাধ্য নয়। তাঁর কাছে সমস্ত ব্যাপারটাই একটা প্রহেলিকা।

বোঝা গেল, কথাটা যাই হোক, মহিলা সেটা আর চেপে রাখতে পারছেন না। খুলে বলতে পারলেই স্বত্তিবোধ কববেন। সাব-ডেপুটিবাবু শোনার আগ্রহ দেখাতেই মহিলার আর দ্বিধা রইল না। যা বললেন তার ভাষা এবং বিস্তার হুবহু না হলেও সারমর্মটা এই,—

টাইবুন্যালে বিচারের শেষে ফাঁসির হুকুম যখন শুনলেন তখন যে অজ্ঞান হয়ে পড়েন নি সেটা আশ্চর্য। চোখে কেন যে জল আসে নি তাও জানেন না। ঝাড়র শক্ত ঘায়ে শরীর ও মন দুই-ই বোধ হয় অসাড় হয়ে যায়। বোঝবার ক্ষমতা লোপ পায়। বাড়ি ফিরতেই অশ্রুর ঝাঁপ ভেঙে গেল। গভীর রাত অবধি মাটিতে লুটিয়ে কাঁদছিলেন। আর গৃহদেবতা নারায়ণের সামনে মাথা ঝুঁড়ছিলেন।

আশেপাশের বাড়িতে সবাই ঘুমিয়ে পড়েছে। চারিদিক নিব্বন্ম অন্ধকার। হঠাৎ মনে হল, কে দরজা ঠেলেছে যেন!

দোর খুলতেই চমকে উঠলেন। যিনি ঘরে ঢুকলেন তাঁকে চিনতে কষ্ট হল না। মামলার সময়ে

রোজ দেখেছেন টাইবুন্যালে। মাথাভরা সাদা-পাকা চুল, ডান কানের পাশে কালো তিলের চিহ্ন, আধবুড়ো মানুষটি। তিনি জজের কাছে জড়ো করেছেন তথ্য ও নজীর, এগিয়ে দিয়েছেন সাক্ষ্য ও প্রমাণ, বাতলে দিয়েছেন আইনের অঙ্কি সন্ধি। যুগিয়েছেন বিধবার চক্কের ধন, বন্ধের মণি, একমাত্র কিশোর ছেলের প্রাণ নেওয়ার একের পর এক কানুনী হাতিয়ার। পণ্ডিতমশায়ের জ্ঞী প্রাণপণে চেষ্টাতে চেষ্টা করলেন। গলা দিয়ে আওয়াজ বেরল না।

আগন্তুক নিজেই একটা ছোট টোঁকি টেনে বসলেন। আশ্বাস দিলেন ভয়ের কারণ নেই। তিনি মহিলার বাপের মত। বয়সে তো বটেই। বললেন, চোখের জল, দীর্ঘশ্বাস, শাপমনির পালা পরে হলেও চলবে। তার জন্যে অনেক সময় পাওয়া যাবে। অবিলম্বে দরকার আপীল।

বোঝালেন, টাইবুন্যালের জজের রায় নিতান্তই কাঁচা। ঠিকমত বুঝতে পারলে হাইকোর্টে টিকবে না। অবশ্য তার জন্যে চাই পাকা কৌসলী। বেকার চ্যাণ্ডা উকীলদের কর্ম নয়।

বোঝা গেল, মোলায়েম করে কথা বলা বিধাতা বৃদ্ধের কোষ্ঠীতে লেখেন নি।

নিজেই ব্যারিস্টারের নাম, ঠিকানা লিখে দিলেন। ই্যা, তাঁর ফিজ খুবই চড়া। না হবেই বা কেন? কাঁচের দামে কি হীরে কেনা যায়।

পকেট থেকে একটা মোটা প্যাকেট বার করে পণ্ডিত-গৃহিণী স্ত্রীর হাতে গুঁজে দিলেন। মহিলা খুলে দেখলেন, একশটাকার নোট। দশখানা করে আলাদা আলাদা দশটি থাকে পরিপাটি সাজানো। মোট দশ হাজার টাকা।

বিধবার দু চোখ জলে ভরে এল। এ দয়ার ঋণ শুধবেন তিনি কী দিয়ে? হেঁট হয়ে প্রণাম করতে গেলেন। বৃদ্ধ গুণ ছিড়ে-যাওয়া ধনুকের মত টোঁকি থেকে আচমকা উঠে দাঁড়ালেন। চকিতে পা সরিয়ে নিয়ে প্রায় ধমক দিয়ে বললেন, দয়া-ফয়া সব সেন্টিমেন্টাল ব্যাপার। তিনি ঠিক জানেন না। অর্থও বোঝেন না। তিনি মানেন শুধু ডিউটি।

শূন্য গৃহে পণ্ডিতমশায়ের জ্ঞী বার বার ইষ্টদেবতাকে স্মরণ করলেন। ঠাকুর দয়াময়। বিচিত্র তাঁর লীলা। নিজে করেন না, অন্যকে দিয়ে করান। তাই তাঁর নানা মূর্তি, নানা বেশ, নানা নাম। সে নাম যে-শ্যামাধর বক্সীও হতে পারে সে-কথা আগে কখনও মনে হয় নি। বিধবা নিজেকে বার বার থিকার দিলেন।

সাব-ডেপুটিবাবু ইংরেজী-শিক্ষিত আধুনিক লোক। পণ্ডিত গৃহিণীর মত ভগবানের লীলায় অখণ্ড আস্থা তাঁর নেই। কিন্তু সংসারে মানুষের চোখের আড়ালে, জ্ঞানবুদ্ধির বাইবে কোথায় যে কোন মহাবিশ্বয় জমা হয়ে আছে ভরও হৃদিস পেলেন না। গল্পের চাইতেও বাস্তব রহস্যময়—এ কথাটা স্মরণ করলেন।

এন্ডারসন সাহেব সব শুনলেন। তাঁর মুখে ভাবান্তরের কোন লক্ষণ দেখা গেল না। মাত্র কিছুদিন আগে আগামী বার্থ-ডে অনার্স লিস্টে শ্যামাধরের জন্য সি-আই-ই-খেতাব সুপারিশ করে হোম-সেক্রেটারীকে চিঠি লিখেছিলেন। সেটা অত্যন্ত গোপনীয় ব্যাপার, কনফিডেনশিয়াল। সাব-ডেপুটিবাবুর জানার কথা নয়। তিনি বিদায় নিলেন।

কর্ণেল নিজের চেয়ারে কিছুক্ষণ চুপচাপ বসে রইলেন। তারপর হঠাৎ “ড্যাম ইট অল” বলে উঠে দাঁড়ালেন। মুখের পাইপটি নামিয়ে, হাই ঝেড়ে ফেললেন। পাউচ থেকে তামাক বার করে আবার পাইপটি ভরে নিলেন। যেন নিজের কাছেই কৈফিয়ৎ দেওয়ার চেষ্টায় আপন মনে বললেন, “রেডেড বেকলীস। এদের কাউকে বিশ্বাস নেই। আগুণ দি স্বীন, তারা সবাই এ্যানার্কিস্ট!”

জন বুল নিঃসংশয় হলেন।

সকালে ঘুম ভাঙতেই যে কথটা মাধবীর প্রথমে মনে পড়ল সে এই যে, আজ তেসরা নভেম্বর। মাথার দিকে দেওয়ালে বিস্মৃতি বিমান কোম্পানীর একটি বৃহৎ ও সুদৃশ্য দেয়ালপট্টী ঝুলছিল। তার দিকে তাকিয়ে সে সে-তথ্যটুকু যাচাই করে নিল।

হ্যাঁ, আজ তেসরা নভেম্বরই বটে। যদিও দিনের অষ্টটা কালো কালিতেই ছাপা, মাধবীর মনে হল, সমগ্র পাতাটায় এ একটি মাত্র তারিখই লাল। রেড-ল্টার ডে। ক্যালেন্ডারের ছবিতে সুন্দরী জাপানী তরুণীর মুখে পুলকিত হাসিটি আজ যেন আরও মধুর মনে হল।

সে বিছানা থেকে উঠে এসে খোলা জানালার কাছে দাঁড়াল। সেখান থেকে পাশের বাড়ির বিরাট যুগ্মকালিপটাস গাছটা দেখা যায়। হাতের আঙুলের মতো তার সবু লম্বা পাতাগুলি কিরকিরে ভোরের হাওয়ায় দুলছে। গাছের মাথা ছাপিয়ে চোখে পড়ে উন্মুক্ত আকাশ। স্বচ্ছ, নীল। উবার অরুণ আলোতে পূজার অঙ্গনের মতো লেপা।

অদূরে মল্লিকদের ছাদে চিলেকোঠার কার্নিশে গোটা কয়েক পায়রা নিঃসাড়ে বসে আছে। ঘুমোচ্ছে কি জেগে আছে বোঝার উপায় নেই। মাধবী এর আগে আরও অনেকবার এসব দেখে থাকবে। এর মধ্যে যে কোন বিশেষত্ব আছে এমন মনে হয় নি। আজ ঐ নির্মল আকাশ, ঐ মৃদু, আশ্বলিত পল্লবদল, ঐ বিশ্রামরত পারাবত সব কিছুই যেন তার কাছে এক অপূর্ব মাধুর্যমণ্ডিত হয়ে দেখা দিল। সে নিঃশব্দে ঐখানে দাঁড়িয়ে রইল।

দরজার ওপাশ থেকে বাড়ির বেয়ারার আওয়াজ পাওয়া গেল। মা-জীর চা এ-ঘরে দিয়ে যাবে কিনা জানতে চাইছে। বিছানায় শুয়ে বেড-টা মাধবীর কোনোকালে পছন্দ নয়। সে তাড়াতাড়ি লাতকমে ঢুক হাত মুখ ধুয়ে এল।

সিঁড়ি বেয়ে নীচে নামলেই ঠাদিকে খাবার ঘর। খাবার টেবিলে একদিকে শূন্য চায়ের পেয়ালা ও তার পাশে প্লেটে প্লেটে প্লেটে পরিভুক্ত ভগ্নাবশেষ দেখে বোঝা যায় যে অশোক আগেই চা খেয়ে নিয়েছে। সেটা নতুন ঘটনা নয়। খুব ভোরে ঘুম থেকে ওঠা অশোকের অনেক দিনের অভ্যাস। কলেজ হোস্টেলে অন্য ছেলেরা যখন বিছানায় সে তখন উঠে এগজামিনের পড়া মুখস্থ করত। এখন পরীক্ষা নেই, আছে কোর্ট। তাই ভোর হতে না হতেই অশোক তার বাইরের ঘরে ব্রীফ নিয়ে বসে। বলে, সকালবেলায় তার মাথা সাফ থাকে, কনসেনট্রেশন সহজ হয়। মাধবী ঘুমোচ্ছে, ঘুমোক না; সাত তাড়াতাড়ি তাকে ঠেলে তোলা কেন?

মাধবী টেবিলের কাছে নিজের চেয়ারটি টেনে নিয়ে বসতেই বেয়ারা চায়ের সরঞ্জাম ও সে-দিনের খবরের কাগজটা তার হাতের কাছে রেখে গেল। সে টা থেকে পেয়ালায় চা ঢেলে দুধ মিশিয়ে নিল। মাধবীর দেহে মেদাধিক নেই। তবুও সে অতি সাবধানী। চা কফিতে চিনি খায় না। চায়ের পেয়ালায় চুমুক দিতে দিতে সে খবরের কাগজটার পাতা ওল্টাতে লাগল।

প্রথমেই বড় হরফে ডবল কলাম হেড লাইনগুলি চোখে পড়ে। আফ্রিকায় কেন এক রাজ্যে 'কু' ঘটেছে। প্রধান সেনাপতি রাষ্ট্রপতিকে হত্যা করে গদি দখল করেছে। এ এমন নতুন কথা কী? হামেশাই হচ্ছে। সাইপ্রাসে গ্রীক ও তুর্কীদের মধ্যে আর এক প্রস্থ গোলাগুলি চলছে। এও লেগেই আছে। আসামে বন্যা। তামিলনাড়ুতে অনাবৃষ্টি। সে তো বাৎসরিক ব্যাপার। এগুলিকে খবর বলা কেন? আজকের সবচেয়ে উল্লেখযোগ্য যে সংবাদ তা রয়টার বা অ্যাসোসিয়েটে প্রেসের টেলিগ্রাফ বা টেলিপ্রিন্টারে লেখা নেই। কোন ইংরেজী বাংলা পত্রিকার নিজস্ব সংবাদদাতা তার সন্ধান পায় নি। সে একমাত্র মাধবীই জানে। তার একান্ত নিজস্ব খবর, এক্সক্লুসিভ স্কপ। আজ মোহিত আসবে। ভাবতেই মন খুশিতে ভরে গেল। তার কানে ঘুরে-ফিরে একটা গান বাজতে লাগল যার সুর জানা আছে কিন্তু কথাগুলি মনে নেই।

অথচ মোহিতের সঙ্গে তার পরিচয় অল্পদিনের। মাস দেড়েক আগেও খাঁচার পাখি ছিল সোনার খাঁচাটিতে বনের পাখি ছিল বনে। একদা কী করে যে আলাপ হল দৌঁছে সে স্মৃতিটুকু বার বার মন্থন করে মাধবী। সুখের স্মরণেও সুখ।

হাইকোর্টে পূজার ছুটিটা দীর্ঘ। পূজার অনেক আগে থেকেই শুরু হয়। সে ছুটিতে কিছুদিন

কলকাতার বাইরে কাটিলে আসা অশোকের রীতি। তার বেড়াবার শখ নেই। পর্বত বা সমুদ্র, পুরাকীর্তি বা আধুনিক স্থাপত্য কোনটাই তাকে আকর্ষণ করে না। কিন্তু ডাক্তার বলেছে, বছরে অন্তত একবার একটা চেক্স দরকার। নইলে শরীর টিকবে কেন? মক্কেলের পরেই যাকে অশোক খাতির করে সে ডাক্তার। তাই ছুটি হলে মাথবীকে নিয়ে কখনও যায় কালিম্পং কখনও বা কুনুর; কোন বছর রীতি, কোন বছর বা রাণীক্ষেত।

এবার সিমলা যাওয়ার পথে রেলের একটা দুর্ঘটনা ঘটল। টুন্ডলা স্টেশনে একটা অতিরিক্ত থু-বডি জোড়া হচ্ছিল। ইঞ্জিনের আচমকা ধাক্কায় বাস থেকে আটাচী কেসটা পড়ল অশোকের কপালে। কেটে গিয়ে দর-দর খারায় রক্ত পড়তে লাগল। কিছুটা ব্যথায় কিছুটা আতঙ্কে অশোক মুহূর্তের মত নেতিয়ে পড়ল। মাথবী ব্যাকুল হয়ে জানালা দিয়ে মুখ বাড়িয়ে আর্ডস্বরে স্টেশন মাস্টারকে ডাকতে লাগল।

প্লাটফর্মে ব্যস্তসমস্ত যাত্রী ও কুলীর দল ছুটোছুটি করছিল। চা-ওয়ালা, ফুলুরিয়ালা ও খেলনা বিক্রেতাদের ঠাকডাকে হে-হটগোলের অন্ত নেই। সেই ভিড়ের মধ্যে থেকে একটি যুবক এগিয়ে এল। চোখে চশমা, পোশাক সাহেবী, বয়স ষ্ট্রিকশনের সামান্য এদিকে বা ওদিকে।

“স্টেশন মাস্টারকে বোলাইয়ে, জলদি জলদি।” কলকাতার মেয়েদের বঙ্গজ হিন্দীতে যতখানি উদ্বেগ প্রকাশ সম্ভব তারও বেশী ছিল মাথবীর কণ্ঠে।

“স্টেশন মাস্টারকে চাইছেন কেন? কী হয়েছে বলুন তো?”

মাথবী আশ্বস্ত হয়ে বলল, “ওঃ, আপনি বাঙালী। বাচলুম। আমার স্বামী মাথায় আঘাত পেয়ে জখম হয়েছেন। অস্ত্রান হয়ে পড়েছেন।”

যুবক গাড়ির দরজা খুলে ভেতরে ঢুকল। অশোক চোখ বুজে পড়ে আছে। তার জামাটায় কপাল থেকে গড়িয়ে পড়া তাজা রক্তের ছোটবড় ছাপ। যুবকটি তাড়াতাড়ি অশোকের চোখে মুখে মাথবীদেব ফ্লাস্ক থেকে জলের ঝাপটা দিল পরক্ষণেই অশোক চোখ খুলে তাকাল। যুবকটি মাথবীকে বলল, “ভয় নেই। আপনি গুর কপালে ঐ ভেজা কমালটা চেপে বসে থাকুন। স্টেশন মাস্টার নয়, আমি গার্ডকে ডেকে আনছি। তার কাছে ফার্স্ট এইডের বাক্স থাকে।”

গার্ড এসে ডেটল ও তুলো দিয়ে ব্যান্ডেজ বেঁধে দিল। বস্তু পড়া ততক্ষণে বন্ধ হয়েছে। যুবকটি ওই ট্রেনেরই যাত্রী। একটু পরে ট্রেনের ঘণ্টা শুনে তাড়াতাড়ি নিজের কামরার দিকে ছুটল। যাবার আগে আশ্বাস দিল, “দিল্লী স্টেশনে ট্রেন প্রায় দু ঘণ্টা দাঁড়ায়। যদি প্রয়োজন ঘটে, সেখানে ডাক্তার পাওয়া শক্ত হবে না।”

চলতি প্রবাদে বলে, ‘টেকি স্বর্গে গেলেও ধান ভানে। কথটা কতখানি সত্য স্বর্গে না গিয়ে বোঝার উপায় নেই। কিন্তু অশোক যে সিমলায় গিয়েও তার মামলাব কাগজপত্র নিয়ে দিন কাটায় তা চোখেই দেখা যায়। পুরী বা দার্জিলিং, দেওঘর বা বেনারস যেখানেই যাক সেখানেই সে একরাশ দলিল-দস্তাবেজ সঙ্গে নিয়ে যায়। পড়ে, দাগ দেয়, নোট লেখে।

অন্যান্য দিনের মত সেদিনও মাথবী একা হাঁটতে বেবিয়েছিল। ম্যাগলে ব্যান্ড স্ট্যান্ডের কাছাকাছি পৌছেছে। হঠাৎ কানে এল সম্ভাষণ, “নমস্কার মিসেস বোস, চিনতে পারছেন?”

মাথবী চোখ তুলে দেখল ট্রেনের সেই যুবকটি।

“চিনতে পারব না, কী বলেন। আপনি সেদিন এত উপকার কবলেন। আপনি হট করে নেমে গেলেন। একটা ধন্যবাদও দেওয়া হল না। তাই সেই থেকে আপসোস হচ্ছিল।” মাথবী জবাব দিল।

“বেশ তো, সেদিন দেওয়া হয় নি, আজ বেশী করে দিন। ধন্যবাদ তো বন্ধকী তমসুক নয় যে সময় পার হয়ে গেলে তামাদি হয়ে যাবে।” যুবকটি হাসতে লাগল।

মাথবী সে হাসিতে যোগ দিয়ে বলল, “আপনার পরিচয়টাও নেওয়া উচিত ছিল। নাম, ধাম—”

যুবক বাধা দিয়ে বলল, “নামটা এমন নয় যে ‘হুস-হু’ খুললেই দেখতে পাবেন। পরিচয়ের দিক দিয়ে বলতে পারি, বাবা ছিলেন পূর্ব বাংলার ছোট শহরে নায়েব তহশিলদার। তেজারতি ব্যবসায় প্রচুর টাকা জমিয়েছিলেন। আমি একমাত্র বংশধর। সারা জীবন নবাবী চালে বসে খেতে

পারতেন। বি. এ. পরীক্ষা দেওয়ার আগেই বিলেতে পাড়ি দিয়ে অক্সফোর্ডে ভর্তি হয়েছিলুম। সেখানে পাস না করেই বছরের পর বছর কাটিয়ে দিলুম। এ পর্যন্ত অমিট রায়ের সঙ্গে মোটামুটি মেলে। কবিগুরু হাতে পড়লে অনায়াসেই শিল্পে পাহাড়ে বসে রডোডেনড্রনগুচ্ছের ওপরে পদ্য লিখতে পারতুম। কিন্তু এমন পোড়া কপাল যে বাবার মৃত্যুর পর দেশে ফিরে দেখি খুড়ো মশায় টাকাকড়ি, বিষয়সম্পত্তি সব হাতিয়ে বসে আছেন। বিনামূল্যে অর্থাৎ বিনা মোকদ্দমায় না দেবেন সূচ্যগ্র মেদিনী। সেই থেকে আমি শ্রীমোহিতমোহন দত্ত মাটি খুঁড়তে লেগেছি। যদি সোনা পাওয়া যায়। কিন্তু মাতা বসুন্ধরা বড়ই কৃপা। আজ অবধি খুঁড়ি ভরে কয়লা ছাড়া আর কিছুই দিলেন না।” কপট হতাশার ভাব দেখাল সে।

মাধবী সহাস্যে মন্তব্য করল, “আপনি চমৎকার কথা বলতে পারেন।”

মোহিত বলল, “তাতে কিছু লাভ নেই, মিসেস বোস। কথা তো কয়েছি টের, এখন পেয়েছি টের, সে কেবল ভাপে ভরা রঙিন ফানুস। অবশ্য আপনার স্বামীর কথা আলাদা। তাঁর তো কোর্টে মুখ খুললেই টাকা খন খন বনংকার।”

বাবা গেল, মোহিত অশোকের পেশা ও পসারের খবর রাখে। দুজনেই হাসতে লাগল। হাসি থামলে মোহিত জিজ্ঞাসা করল, “আপনি একা যে? বোস সাহেবকে দেখছি নে?”

মাধবী সংক্ষেপে জবাব দিল, “তিনি আজ বেরোন নি।”

শুধু আজ নয়, অশোক কোনো দিনই বের হয় না। টায়গার হিলে সূর্যোদয়, নৈনীতালে নৌকাচালনা, গোপালপুরে সমুদ্রস্নান তার কাছে সমান আকর্ষণহীন। তার টাকার অভাব নেই। যেখানেই যায়, নামজাদা হোটেলের দামী সুইট নিয়ে থাকে। কিন্তু ডাইনিং রুম ও লাউঞ্জের বাইরে তার পদক্ষেপ কদাচিৎ। দ্রষ্টব্য কিছু দেখা, কেনাকাটা এমন কি শুধু হেঁটে বেড়াতে হলেও মাধবীকে একা বের হতে হয়। গোড়াতে তার খরাপ লাগত। এই নিয়ে সে রাগ করেছে, অভিমানে ফুলেছে, গোপনে কঁদেছে। এখন তা অবধারিত মেনে নিয়েছে।

অনেক কিছুই তাকে মেনে নিতে হয়েছে। সে বাপ-মায়ের একমাত্র সন্তান। সূতরাং অত্যধিক আদরে। বিয়ে হলে মেয়ে পরের ঘরে চলে যাবে। তার বিচ্ছেদ আশঙ্কায় তাঁরা যথাকালে মেয়ের বিয়ের চেষ্টা করেন নি। “আহা, তাড়া কিসের? পড়াছ পড়ু ক না” করে মেয়ে পরীক্ষার ধাপে ধাপে ফুল থেকে কলেজে, কলেজ থেকে যুনিভার্সিটি, থেকে ফেলোশীপে এগিয়ে গেছে। বয়সও পিছিয়ে থাকে নি। এমন সময় অকস্মাৎ হার্ট ফেল করে বাবা গত হলেন।

দেখা গেল ভদ্রলোক আয় করেছেন অনেক। ব্যয় তদ্রূপ। এই যোগ-বিয়োগের ফলে ব্যাঙ্কে জমার অঙ্ক দাঁড়িয়েছে প্রায় গুন্যে। তখন থেকে বিবাহযোগ্য অববাহিত যুবকের অন্বেষণ শুরু হলো। কিন্তু সুন্দরী শিক্ষিতা মেয়েদের মায়ের স্পেশিফিকেশান মিলিয়ে বর জোটানো চিরকালই শক্ত। বিদ্যার সঙ্গে বিস্তার এবং কুলের সঙ্গে কাঙ্ক্ষিত যে প্রায় অসম্ভব যোগাযোগ তাঁরা আশা করেন তা উপন্যাসের নায়কে হয়তো সম্ভব, বাস্তব জগতে নয়।

অনেক ঔজাড়খুঁজির পরে যে পাত্রের সন্ধান পাওয়া গেল সে অশোক। অ্যাডভোকেট। কৃতী পুরুষ। অতীতে ল' কলেজের পরীক্ষায় সর্বস্বতী তাকে যেমন বার বার নিজের স্বর্ণপদ্মের পাপড়ি খসিয়ে মেডেল দিয়েছেন, বর্তমানে হাইকোর্টের বার লাইব্রেরীতে লক্ষ্মী তেমননি তাঁর ঝাঁপি খুলে দু'হাতে বিলোচ্ছেন প্রসাদ—শাসালো মক্কেলের জমকালো ঢেক।

আশ্চর্য এই যে, বাইরে তার যে ফেঁপে-ওঠা প্র্যাকটিস অশোকের উকিল বন্ধুদের মনোবেদনার বিষয়, ঘরে তাই হয়েছে মাধবীর অসন্তোষের কারণ। সে স্বামীকে যতখানি চায় ততখানি পায় না। যেমন করে চায় তেমন করেও নয়।

সংসারে সব পুরুষমানুষেরই একটা কিছু নেশা থাকে। কারো রেস, কারো সিগারেট, কারো সাহিত্য বা পলিটিকস্। অশোকের নেশা ওকালতি। অর্থে তার অকটি নেই। বিদ্যানার নীচে পয়সা রেখে দিলে রাত্রিতে তার গা চুলকোয় না। কিন্তু টাকার জ নাই সে কেস নেয় না। ক্রসওয়ার্ড পাজল মীমাংসা করে যে-আনন্দ, মামলা জিতে অশোক বোধ হয় সে-তৃপ্তি পায়। আইনের তর্ক যত বেশী জটিল, লড়াতে তত বেশী তার উৎসাহ, জয়ে তত বেশী তার পরিতোষ।

মাধবীর অভাব কিছুই নেই। না ঐশ্বর্যের, না কর্তৃত্বের। অশোক টাকা-কড়ি সমস্তই স্ত্রীর

হাতে তুলে দেয়। মাধবী কত, কোথায়, কীভাবে খুঁচ করে অশোক তাঁর খোঁজ রাখে না। বাড়িতে ঝি, চাকর, শোফার, দারোয়ান বহাল এবং বরখাস্ত করে মাধবী। মেজেতে কার্পেটের রং এবং জানালায় পর্দার কাপড় পছন্দ করে মাধবী। কোন বছর কোথায় বেড়াতে যাওয়া হবে—মধুপুর কি বিজ্ঞাচল—সে সিদ্ধান্তের ভারও মাধবীর। অশনে বসনে চলাফেরায় তার স্বাধীনতা নিরন্তর। তবুও ঈক থেকে যায় তার অন্তরে। বলমলে শাড়ি, ঝকঝকে ব্রেসলেট এবং চকচকে মোটর গাড়ি দিয়ে তা ঢাকা যায় না।

মাধবী প্রাণের প্রাচুর্যে চঞ্চল। সারাক্ষণ গুনগুন করে গান গায়, খিলখিল করে হাসে। সে নাটক দেখতে ভালবাসে, সিনেমায় ইংরাজী, বাংলা কোন ছবিই বাদ দিতে চায় না। ইডেন গার্ডেনে টেস্ট ম্যাচ এবং ময়দানে ফুটবলে তার সমান অনুরাগ।

অশোক ধীর, স্থির, গভীর ও মিতবাক। তার জগৎ জামীনের আরজি, জজের রায়, কোর্টের কজলীস্ট দিয়ে তৈরী; ক্যালকাটা উইকলী নোটস ও আই-এল-আর দিয়ে ঘেরা। সে কথক ও কথাকলির তফাৎ জানে না, মহম্মদ রফীকে বলি রফি আহম্মদ এবং বোরীস কারলফ ও বোরীস প্যাটারনায়কে ভেদাভেদ রাখে না।

অশোকের একমাত্র রিলাকসেশান—অবসর বিনোদন—তাস। সপ্তাহে ছ দিন আইন আদালতের কাজে পার হয়ে যায়। রবিবারে তার বৈঠকখানায় ব্রীজের আসর বসে। ভাঙে রাত নটায়, কখনও ব্যু তারও পরে।

দুঃখের বিষয়, তাস খেলায় মাধবীর না আছে পটুতা, না আছে আগ্রহ। বিট শুনে প্রতিপক্ষের হাতে ট্রাম্প হিসাব করা তার মাথায় আসে না। সে স্বামীর তাসের বৈঠকে ঘন ঘন চা সরবত সরবরাহের ব্যবস্থা করে দিয়ে নিজের ঘরে শুয়ে বিলাতী ম্যাগাজীন পড়ে। নয়তো গাড়ি নিয়ে প্রিন্সিপ ঘাট বা ভিক্টোরিয়া মেমোরিয়ালে হাওয়া খেয়ে বেড়ায়।

অনেক আনন্দ আছে যা যুগলে ভোগ না করলে উপভোগ হয় না। মাধবী জেদ করে অশোককে রাশিয়ান ব্যালে দেখতে নিয়ে গেছে। খানিক পরে নিজের সিটে বসে অশোক ঘুমোয়। মিউজিক কনফারেন্সে গিয়ে ঘন ঘন হাই তোলে। উৎসবে বাসনে চৈব স্বামী ত্রীর যোগাযোগ শিথিল।

“কী ভাবছেন?” মোহিত মাধবীর মুখের দিকে তাকিয়ে প্রশ্ন করল।

মাধবী চমকে উঠে বলল, “কিছু না।” নিজের হাতঘড়িতে দৃষ্টি রেখে যোগ করল “এবার চলি, নমস্কার।”

হোটেল ফিরে এসে মাধবীর মনে হল, আর কিছুক্ষণ গল্প করলে কী ক্ষতি হত? হোটেলের কিরবান এমন কিছু তাড়া ছিল না। তার নিজের ওপরেই রাগ হল।

পরদিন বিকেলে মাধবী একটু তাড়াতাড়ি বেরিয়ে পড়ল। এদিকে ওদিকে ঘুরে-ফিরে শেষকালে আগের দিন যেখানে মোহিতের সঙ্গে দেখা হয়েছিল সেই ব্যান্ড স্ট্যান্ডের কাছে গিয়ে পৌঁছল। পাশে বেকিতে কয়েকজন বয়স্ক মহিলা ও ভদ্রলোক বসে আছেন ঝাঁরা বেশী ইটতে অপরাগ বা অনিচ্ছুক। অন্য পাশে একদল স্বেতাঙ্গ টুরিস্ট। বোধহয় এমেরিকান। ক্যামেরা নিয়ে ক্লিক ক্লিক শব্দে ছবি তুলছে। গুটিতিনেক ফ্রক-পরা কিশোরী পায়ে রোলার স্কেট বেঁধে বৃত্তাকারে ঘুরছে। তাদের কলহাস্যে পথিকেরা ক্ষণে ক্ষণে সচকিত।

একা তরুণী অনেকক্ষণ এক জায়গায় দাঁড়িয়ে থাকলে কৌতূহলী পথচারীদের দৃষ্টি আকর্ষণ করে। মাধবী অদূরবর্তী রেস্টোরাঁর ঢুকে তার দোতলার বারান্দায় একটা টেবিলে চা নিয়ে বসল। সেখান থেকে অনেক দূর অবধি দৃষ্টি চলে, রাস্তায় লোক চলাচল দেখা যায়।

কিছুক্ষণ পরে মোহিতকে দেখা গেল। তার মন যে এতক্ষণ এই ব্যক্তিটির আগমন প্রত্যাশা করছিল সে-কথাটা মাধবী নিজের কাছেও স্বীকার করতে চায় না। সে মোহিতকে না দেখার ভান করে চায়ের পেয়ালায় গভীর মনোনিবেশ করল। মোহিত দূর থেকেই মাধবীকে দেখতে পেরেছিল। সে কোন ঝি না করে সিড়ি বেয়ে সোজা বারান্দায় উঠে এলে মাধবীর সামনে দাঁড়াল।

মাধবী কিছুটা কৈফিয়তের স্বরে বলল, “একটা কাজে হোটেল থেকে অনেক আগে বেরিয়ে

পড়েছিলুম। চা খাওয়া হয় নি, তাই এখানে ঢুকতে হল।”

মোহিত বলল, “অন্য কোনো টেবিলে জায়গা দেখছি নে। যদি অনুমতি দেন তবে আপনার এখানেই বসি।”

দুজনের কারো কথাই সত্য নয়। দুজনের কারও কাছেই তা অজানাও নয়। তা হোক। এমন অক্ষতিকর ও অকিঞ্চিৎকর মিথ্যায় দোষ নেই।

মোহিত প্রশংসার স্বরে বলল, “বাঃ, আপনার হেয়ার-ডুটা খুব এলিগেট হয়েছে। আপনাকে খাশা দেখাচ্ছে।”

অল্পপরিচিত এক যুবা পুরুষের এই মুগ্ধ স্তুতিভাষণে মাধবীর কানের কাছটা লাল হয়ে উঠল। কিছুটা খুশিতে কিছুটা সঙ্কোচে। মনে পড়ল, অনেক দিন আগে কলকাতায় একবার বিডিটি সেলুনে হেয়ার ড্রেসারের কাছ থেকে খোঁপা করিয়ে এসেছিল। সন্ধ্যাবেলা অশোক বাড়ি ফিরে এলে সে কেশবিন্যাস তার চোখে পড়ল কিনা বোঝা গেল না। হায়, কীদৃষ্টি পুরুষমানুষকে নিয়ে ঐ বিপদ। চোখে আঙুল দিয়ে না দেখালে তারা চোখে দেখে না। মাধবী বলল, “দেখ তো আমার চুলটা কেমন—”

অশোক অবাক হয়ে বলল, “চুলের কী হয়েছে? উঠে যাচ্ছে? ভাল হেয়ার অয়েল মাখো না কেন?”

নিজের অজ্ঞাতেই বুদ্ধি সেদিন মাধবীর দীর্ঘ নিশ্বাস পড়েছিল।

এ জগতে দরকারী কথা অল্পতেই শেষ হয়। অদরকারী কথা নিয়ে গল্প করা চলে অনির্দিষ্ট কাল। মাধবী দেখল পেয়ালায় যতই চা ঢালা যাক এক সময়ে তা ফুরায়, দুজনের গল্প ফুরায় না। কিন্তু রেষ্টোরাঁয় খাদ্যমাকা টেবিল দখল করে বসে থাকাকা রীতিসম্মত নয়। ফলে দুজনকে একাধিক কিস্তি চা গিলতে হল।

দাম দেওয়া নিয়ে কাড়াকাড়ি। মাধবী নিজের পার্স খুলে বলে, সে আগে এসে চা অর্ডার দিয়েছিল। সুতরাং মূল্যটা তারই দেবার কথা। মোহিত পরে এসে যোগ দিয়েছে, সে অতিথি মাত্র।

মোহিত কিছুতেই মানবে না। সে বেয়াবাকে টাকা দিয়ে দেয়। বলে, যতই উইমেনস লিব হোক না কেন, বিল মেটানোটা পুরুষের প্রভিলেজ। সেখানে সমানাধিকারবাদ অচল।

সে-দিন হোটেলে নিজের ঘরে অনেক রাত পর্যন্ত মাধবীর চোখে ঘুম এল না।

মোহিত এসে অশোককে ধরে পড়ল, “বোস সাহেব, ছুটিতে এসে একদিন মামলার নথিপত্র না ঘাঁটলে আপনার সনদ খারিজ হবে না। চলুন জ্যাকোতে।”

অশোক প্রমাদ গনল। বলল, “সর্বনাশ! জীবনে কখনও প’হ’ড়ে চড়ি নি।”

মোহিত ছাড়বার পাত্র নয়। তর্ক করে, “আমিই বা কোন্ সার এডমন্ড হিলারী বা তেনসিং নোড়গে? আপনি ভয় পাবেন না। জ্যাকো তেমন উঁচু নয়। মেয়েরাও উঠছে।”

কিছুতেই অশোককে রাজী করানো গেল না। এতদিনে হোটেলে তার তাসের মনোমত সঙ্গী জুটেছিল।

শহরে জ্যাকো ছাড়াও অনেক দর্শনীয় স্থান ও বস্তু আছে এবং অশোক না গেলেও সেগুলির গুরুত্ব কমে না। দুজনে তারই একটা দেখতে গিয়েছিল। ফেরার পথে হঠাৎ আকাশ মেঘে ছেয়ে গেল। হোটেলে পৌঁছবার আগেই বর্ষণ শুরু হলো। সঙ্গে ছাতা নেই। রাস্তার পাশে রিকশা রাখার একটা টিনের চালাঘর। মোটর গ্যারেজের মতো তিন দিক ঘেরা। সামনে দরজা নেই। দুজনে ছুটে গিয়ে তার মধ্যে আশ্রয় নিল।

• পাহাড়ী রিকশাগুলি আকারে বৃহৎ। চড়াই-উৎরাই চলার জন্যে পিছন থেকে দুজনে ঠেলে, সম্মুখ থেকে একজন টানে। দুটো রিকশা ক্ষুদ্র চালাঘরের প্রায় সবখানিই দখল করে আছে। এক পাশে সরু একটুখানি ফাঁকা জায়গা। সেই অপরিসর স্থানে ভদ্রোচিত ব্যবধান রেখে দুজনের ঠাই হওয়া কঠিন। অথচ অন্য উপায় নেই।

বাইরে কামকাম বৃষ্টি পড়ছে। শৌ শৌ শব্দে হাওয়া বইছে বেগে। সেই উন্মত্ত বাতাসের তাড়নায় উর্ধ্ববাহু পাইন গাছের শাখাপ্রশাখাগুলি শূন্যে এলোপাতাড়ি মাথা ঝুঁড়ে এবং অনক্

আকাশের বুক চিরে শুরু গর্জনে থেকে থেকে বিদ্যুতের ঝিলিক খেলছে। ভিতরে দুটি নিরুপায় অনাখ্যায় নরনারী জলের ছাট থেকে কোনক্রমে আশ্রয়কার চেষ্টায় প্রায় গা ঝেঁবে দাঁড়িয়ে আছে। ঝড়ো হাওয়ায় মাঝে মাঝে একজনের শাড়ির প্রান্তটা উড়ে এসে লাগছে অন্যজনের গায়ে।

পাহাড়ে শরতের শেষে ঝড়-জল আসে যেমন বিনা নোটিশে খামেও তেমনি তাড়াতাড়ি। কিন্তু আজ অকাল বর্ষণের মেঘ বোধহয় বেশরোয়া বাস ড্রাইভারের মতো বেনিয়মী। তার যাবার দ্বারা দেখা গেল না। ধারাটি যদি বা কমল, ঝরাটা বন্ধ হল না। সন্ধ্যা পার হয়ে গেছে। অগত্যা সেই বৃষ্টি অগ্রাহ্য করেই দুজনে হোটেলের উদ্দেশ্যে রওনা হল।

জলসিক্ত উচু-নীচু পথ। সামনে বা পাশে বেশী দূর দৃষ্টি চলে না। মাধবীর হাই-হীলের জুতো ভিজে গেছে। বার বার কেবল পিছলে যায়। সে পড়তে পড়তে কোনোমতে সামলে নেয়। মোহিত তার ডান হাত বাড়িয়ে দিয়ে বলল, “সাবধানে আমার হাতে ভর করে চলুন। নইলে কখন যে মুখ খুবড়ে পড়বেন ঠিক নেই।”

জনহীন অন্ধকার পথে মোহিতের সেই হাতের স্পর্শে মাধবীর গায়ে কাঁটা দিয়ে উঠল। তার নিশ্বাস ক্রত, বৃকের স্পন্দন গভীর এবং কর্ণমূল তপ্ত হয়ে উঠল।

রাত্রিতে বিছানায় অশোক যখন গভীর নিদ্রিত, পাশে অতল্ল মাধবী বালিশে মুখ গুঁজে কাঁদতে লাগল। সুখে কী দুঃখে তা সে নিজেই জানে না।

সিমলা প্রবাসের বাকি দিনগুলি বসন্তের হাওয়ায় ভাসা হাফা পুষ্পরেণুর মত কোন পথে যে পালিয়ে গেল মাধবী তা টের পেল না। শুধু তার সুবাস লেগে রইল তার মনে। কলকাতায় ফিরে এসে কোনো কিছুতেই তার মন লাগছে না। সমস্ত জগৎটা গন্ধহীন, বর্ণহীন, স্বাদহীন রাসায়নিক পদার্থের মত নীরস ঠেকছে।

হঠাৎ ঘড়ির দিকে চোখ পড়তে মাধবী চমকে উঠল। অনেক বেলা হয়েছে যে। এতক্ষণ পুরনো স্মৃতির গহনে নিমগ্ন ছিল; সে দিকে তার ইশ ছিল না। সে তক্ষুণি চোয়ার ছেড়ে উঠে পড়ল।

বিকলে পাঁচটা বাজবার আগেই মাধবী গা ধুয়ে জামাকাপড় বদলে মিল। চলতি মাসের ‘উইমেন অ্যান্ড হোম’ দিন কয়েক আগে এসেছে। এখনও পড়া হয় নি। তাই নিয়ে বসল। যদিও চোখ রইল ম্যাগাজীনের পাতায়, কান পেতে রাখল আকাঙ্ক্ষিত পদধ্বনির আশায়।

শহরের বৃকে হেমন্তের বিলীয়মান অপরাহ্নের ক্ষীণতাপ রৌদ্রালোক ন্নান হয়ে এল। ট্রামে বাসে আপিস পাড়া থেকে গৃহাভিমুখী জনতার ভিড় বাড়তে লাগল। ফুটপাথে রেফিউজী সোঁকানীরা খেলনা, কাঠের তৈরী চন্দ্রগুলির ছাঁচ, ছিটের জামাকাপড়ের সওদা বিছিয়ে বসার উদ্যোগ করছে। বড় রাস্তার পাশে সিনেমা হাউসের টিকিটের জানালায় সরু প্যাণ্ট ও লম্বা জুলপীর ছেলের দল লাইন দিয়েছে। লাউডস্পীকার থেকে অবিরাম উদগীর্ণ হিন্দী ফিল্মী সঙ্গীতের আওয়াজ শোনা যাচ্ছে।

ক্রিং ক্রিং, ক্রিং ক্রিং। মাধবী প্রায় ছুটে গিয়ে টেলিফোন রিসিভারটা তুলল।

“হ্যালো, মাধবী? শোন, আমার এখানে একটা জরুরী কনসালটেশান আছে। বাড়ি ফিরতে দেরি হবে” অশোক সাধারণত চোষার থেকে ছটা সাড়ে ছটার আগে ফেরে না। আজ আরও বিলম্বের সম্ভাবনা আগেভাগে জানিয়ে না দিলেও ক্ষতি ছিল না। মাধবী ভাবল।

মাধবী নিজের চেয়ারে ফিরে গেল। কিন্তু মাসিক পত্রিকার গল্পে বা ছবিতে মন দেওয়া দুঃসাহ্য হলো। সে খোলা জানালা দিয়ে অর্থহীন দৃষ্টিতে বাইরে তাকিয়ে রইল।

“ম-জী, একজন সাহেব বাবু এসেছেন। আপনার সঙ্গে—”ভৃত্যের ঘোষণাটি শেষ হওয়ার আগেই মাধবী উত্তেজনার চেয়ার থেকে উঠে দাঁড়াল। কোথায়? নীচে দাঁড় করিয়ে রেখেছে? এ-বাড়ির চাকর-বেয়ারাগুলির ঘটে যদি এতটুকু বুদ্ধি থাকতো! সাহেবকে কোথায় বসাতে হবে এবং চায়ের কী ব্যবস্থা প্রয়োজন ভৃত্যকে সে নির্দেশ দিয়ে মাধবী তাড়াতাড়ি আয়নায় নিজেকে একবার দেখে নিল। কপালের ওপর থেকে গোটা দুই অব্যাহা চুল সরিয়ে দিল। শাড়ির আঁচলটাকে পেছন থেকে ঘুরিয়ে ডান কাঁধের ওপর দিয়ে সমুখে টেনে আনল। পর্দা সরিয়ে ড্রয়িং রুমে ঢুকে বলল “নয়স্কার, কখন—”মাধবীর মুখের কথা মুখেই রয়ে গেল।

প্রতিনমস্কার জানিয়ে যিনি আসন ছেড়ে উঠে দাঁড়ালেন তাঁর গায়ে খাকী যুনিফর্ম, হাতে ছোট একটি ব্যাটন এবং দুই কাঁধের ওপরে পিতলের ছোট তিনটি ইংরাজী অক্ষর—আই. পি. এস.। তিনি যে পুলিশের একজন কর্তা সে বিষয়ে সংশয়ের অবকাশ নেই।

আগন্তুক সন্নিহিত বিনয়ে বললেন, “মিস্টার বোসের সঙ্গে দেখা করতে এসেছিলেন। তিনি বাড়ি নেই তাই আপনাকে বিরক্ত করতে হলো।”

মাধবী বিস্মিত দৃষ্টিতে অফিসারটির মুখের দিকে তাকাল।

তিনি পকেট থেকে পাসপোর্ট সাইজের একটি ফটো বের করে মাধবীর হাতে দিয়ে বললেন, “দেখুন তো, চিনতে পারেন কি না।”

চিনতে পারবে না ? এ চেহারা যে তার মনে চিরকালের মতো দাগ কেটে বসে আছে। চোখ, বুকে চেনা যায়।

সে ধীরে ধীরে বলল, “চিনি বৈকি, মিস্টার দত্ত। ব্যাপার কি বলুন তো ?”

ভদ্রলোক হেসে বললেন, “ওঃ, আপনাদের কাছে বুঝি দত্ত সেজেছেন।”

“সেজেছেন ? উনি কি মোহিত দত্ত নন ?” বিস্ময়ে প্রায় চৈতন্যে উঠল মাধবী।

“কম্মিনকালেও নয়।” জোর দিয়ে বললেন তিনি।

মাধবী হতবাক হয়ে তাঁর মুখের দিকে জিজ্ঞাসা দৃষ্টিতে তাকিয়ে রইল। ভদ্রলোকের কথাগুলি তার কাছে দুর্বোধ্য ঠেকল।

তিনি বিস্তারিত করে বললেন, “পোশাক দেখেই বুঝতে পারছেন, আমি কোথা থেকে আসছি। নাম পীযুষ রায়, ডিটেকটিভ ডিপার্টমেন্টের অ্যাসিস্টেন্ট ডিরেক্টর। এ লোকটা একজন পাকা জালিয়াত। নানা জায়গায় নানা নামে পরিচিত। অনেক দিন থেকে আমরা এর সন্ধানে ছিলাম।”

মাধবীর গলা দিয়ে স্বর বেরোতে চায় না। কোনমতে সে উচ্চারণ করল, “বলেন কী।”

পীযুষ রায় বললেন, “ঠিক তাই। এর ফিল্ড অব অপারেশান অর্থাৎ কর্মক্ষেত্র হচ্ছে দার্জিলিং, সিমলা, মুসৌরী ইত্যাদি নামকরা হিল স্টেশনগুলি। সেখানে উকিল, ব্যারিস্টার, জমিদার, ইন্ডাস্ট্রিয়েলিস্টেরা বেড়াতে যায়। বেশীর ভাগ বিত্তশালী। ছোট জায়গায় ভাব জন্মাতে সুবিধে। লোকটা ঐ সব বড়লোকের বাড়ির মেয়েদের সঙ্গে বন্ধুত্ব করে সুযোগ বুঝে তাদের হীরে, জহরত, টাকাকড়ি নিয়ে সরে পড়ে।”

মাধবীর বাকশক্তি ছিল না। বোধশক্তিও বোধহয় প্রায় রহিত। পীযুষের কথাগুলি সে ঠিক বুঝতে পারছে কি না সে-ই জানে না।

পীযুষ আরও তথ্য যোগ করলেন, “নানা সূত্র থেকে খবর পেয়ে আমরা কিছুদিন ধরে লোকটার ওপর নজর রাখছিলাম। পরশুদিন গ্রেপ্তার করেছি। তার কাছ থেকে প্রায় হাজার পঞ্চাশেক টাকা দামের গহনা পাওয়া গেছে। খানা-তল্লাসিতে কাগজপত্রের মধ্যে মিস্টার বোসের নাম ঠিকানা ছিল। তাই আরও খোঁজখবরের জন্য এসেছি।”

মোহিত অর্থাৎ ঐ নামের যে লোকটিকে মাধবী জানে আর চেনে তার সম্পর্কে পীযুষ রায় অনেক প্রশ্ন করলেন যার বেশীর ভাগ উত্তরই মাধবীর জানা নেই।

পীযুষ রায় জিজ্ঞাসা করলেন, “আপনাদের কিছু চুরি করে নি তো ? একবার ভালো করে চেক করে দেখুন।”

কলকাতার বাইরে কোথাও গেলে একরাশ গয়নার বোঝা বয়ে বেড়ানো মাধবীর অভ্যাস নয়। একটি-দুটি রুচিসম্মত অলঙ্কার নিয়ে যায় যেগুলি দেখতে সুন্দর, ওজনে হালকা অথচ দামে ভারি। সিমলাতে সে শুধু গলার পেন্ডেন্ট, কানের টপ ও হাতের আংটি মিলিয়ে হীরের একটি পরিচ্ছন্ন সেট নিয়ে গিয়েছিল।

মাধবী নিজের শোবার ঘরে সিন্দুক থেকে মখমলে মোটা কেসটি বার করে দেখল। ভিতরটা শূন্য। গয়নার সেটটি উধাও।

তার মনে পড়ল, সিমলা থেকে চলে আসার কয়েক দিন আগে জিমখানা ক্লাবে ফ্লাওয়ার শো দেখতে গিয়েছিল। টারফয়েজ রঙের শিফনের শাড়ির সঙ্গে ঐ সেটটা পরেছিল। মোহিত সেদিন অনেক ঠাট্টা করেছিল।

“ইশ, করেছেন কী : নরহত্যার দায়ে পড়বেন যে মোহিতের চোখে মুখে ও কণ্ঠস্বরে গাভীর আভাস ছিল।

মাধবী শঙ্কিত হল। জিজ্ঞাসা করল, “মানে?”

“যা সেজেছেন উপস্থিত সবাই বাড়ি গিয়ে মরবে,—পুকষেরা বুকের ব্যথায় আর মেয়েরা বুকের জ্বালায়।” বলে মোহিত হাসতে লাগল।

“যান, আপনি বড্ড বাজে বলেন।” মাধবী সলজ্জ হর্ষে তাকে কপট শাসন করেছিল।

শূন্যগর্ভ ভেলভেটের কেসটার দিকে তাকিয়ে মাধবীর কান্না পেল। গয়নার শোকে নয়, নিজের নির্বিকিতায়। ছিঃ ছিঃ, কী মুখ সে! একটা সাধারণ চোরকে সে কল্পনায় রূপকথাব রাজপুত্র ভেবেছিল। নিজেকে সে বার বার বিচার দিল। গয়না খোয়া গেছে সেজন্য দুঃখ না হয়ে যায় না। কিন্তু স্বপ্ন ভেঙে গেছে সেজন্য তার ক্ষোভের অন্ত নেই। চুরির ক্ষতি সহ্য করা যায়; ঠাকার কলঙ্ক অসহ্য।

আহত সাপের মতো ক্রুদ্ধ মাধবী চোখের জল মুছে ফেলে উঠে দাঁড়াল। পীযুষ বায়কে চুর্বি খবরটা সবিস্তারে দিতে হয়। পরস্ব অপহরণকারী প্রতারককে দশ, পনের, কুড়ি বছর জেলে পুবে রাখলেও মাধবীর রোষ শান্ত হবে না।

মাধবী ড্রয়িংরুমের দিকে যেতে যেতে থমকে দাঁড়াল। হঠাৎ তাব মনে ভাবাস্তব দেখা দিল।

মোহিত লোকটা মিথ্যে। কিন্তু মোহিতের সঙ্গ মাধবীকে যে আনন্দ দিয়েছে সে তো মিথ্যে নয়। হীরের সেটটা অনেক দামী সন্দেহ নেই। কিন্তু তাব দীর্ঘ উপবাসী হৃদয়ের শূন্য পাত্রটি যে উপচে-পড়া সুখায় ভরে গিয়েছিল, প্রবাসের দিনগুলি যে হাসি দিয়ে, কথা দিয়ে, ভাবসম্পদ চাহনি দিয়ে রঞ্জে রঞ্জে ঠাসা ছিল সেও তো সংশয়াতীত। তার মূল্য নিকপণ হবে কী দিয়ে?

পৃথিবীতে দাম না দিয়ে কিছুই পাওয়া যায় না। শুধু সুখই কি মিলবে নিখবচায়? বিশ্বাস হয় না। চাল, ডাল, তেল, মশলার দর জানা যায় বাজারে। শেয়ারের দাম উল্লেখ থাকে খবরের কাগজের কলামে। খুশির তো কোনো স্টক এক্সচেঞ্জ নেই। তার প্রাইস ট্যাগ, দামেব লেবেল, যদি কোথাও থাকে তবে সে নরনারীর নিজের অন্তরে।

মুহুর্তে মাধবীর মন থেকে সমস্ত জ্বালা, সকল মানি দূর হয়ে গেল। সেকবার দোকানে হীরের সেটটার দাম যাই হোক না কেন তাই দিয়ে অপরাধী খুশির যে অফুরন্ত ভাণ্ডার সে কিনেছিল, সে মূল্যাতীত। জিত তো তারই। মাধবীর মন গভীর প্রশান্তিতে ভবে গেল।

সে ঘরে ঢুকে পীযুষ বায়কে বলল, না, তার কিছু হারায় নি।

ডিটেকটিভ ডিপার্টমেন্টের অ্যাসিস্ট্যান্ট ডিরেক্টর বিদায় নিতে নিতে বললেন, “খুব বেঁচে গেছেন। থ্যাঙ্ক ইউর স্টারস্।”

পক্ষীতত্ত্ব

কান্সো পাত্র ও মুখ্য ভাণ্ড। সোজা কথায় কাসার ঘড়া ও মাটির হাড়ি। এ দুয়ের সম্মেলনে যে কী মারাত্মক পরিণতি ঘটতে পারে শিশুপাঠ্য বইতে তার সঙ্কল্প বর্ণনা আছে। কিন্তু ছেলেবেলায় পড়া গল্পের মর্যাদা সিকিভাগও যদি সবাই স্মরণে রাখতো তবে সংসারযাত্রাটা আগাগোড়া ঘড়ির কাঁটার মতো সুশৃঙ্খল গতিতে চলতো, কোনোখানে এতটুকু ব্যতিক্রম বা বৈচিত্র্যের অবকাশ রইত না।

অর্থ, পদমর্যাদা ও সামাজিক প্রতিষ্ঠার দিক দিয়ে সাবজজ সুখময়বাবুর মেয়ে সোনালী ও হাইস্কুলের হেড পণ্ডিত বিধু শাস্ত্রীর ছেলে শেখরের তফাৎটা কাসার থাল ও মাটির বাসনের সঙ্গে তুলনা করলে অন্যায্য হত না। তবুও ঘটনার যোগাযোগ পঞ্জিকার শুভদিন নির্ধারিত অনুযায়ী ফাল্গুন মাসের এক সন্ধ্যাবেলা সূতহিবুক লগ্নে তাদের বিয়ে হয়ে গেল।

প্রত্যাখ্যান নিমন্ত্রণের ত্রুটি মার্জনা করে আত্মীয় পরিজন ও বন্ধুবান্ধব যাঁরা উক্ত দিবসে বিবাহ বাসর ও প্রীতিসন্মেলনে যোগদান করেছিলেন তাঁরা স্বীকার করলেন, সোস্যাল স্ট্যাটিসের বিচারে যাই হোক না কেন, প্রজ্ঞাপতির নির্বন্ধে বর-কনের জোড় মিলেছে বটে। সিগারেটের বিজ্ঞাপনের ভাষায় সোধহয় একেই বলে, মেইড ফর ইচ আদার।

অথচ ব্যাপারটা হাল ফ্যাশনের প্রেম করে বিয়ে নয়। পুরাতন হিন্দু পদ্ধতিতে অভিভাবক নির্ধারিত শুভ পরিণয়। যাঁরা দু'পক্ষেরই ঘরের খবর রাখেন তাঁরা জানেন, বর কন্যেতে পূর্ব পরিচয় ছিল, কিন্তু পূর্বরাগের সম্ভার হয় নি। সে ইতিহাসটুকু গোড়াতেই বলে রাখা ভালো।

সোনালীর বি-এ পরীক্ষার কয়েক মাস আগে সুখময়বাবু আলীপুর কোর্ট থেকে হঠাৎ বদলী হয়ে গেলেন উত্তরবঙ্গের একটা জেলার সদরে। সেখানে কলেজ আছে এবং কো-এডুকেশনেও বাধা নেই। কিন্তু কোর্স শেষ হওয়ার মুখে কোনো বিদ্যায়তনই নতুন ছাত্রী নিতে চায় না।

সোনালী কিছু দিন আগে টাইফয়েডে ভুগে উঠেছিল। তাকে হোস্টেলে রেখে যেতে মায়ের বিশেষ আপত্তি। লেখাপড়ায় একটা বছর নষ্ট হবে সন্দেহ নেই। তা' বলে স্বাস্থ্যটা মাটি করা চলে না। মেয়েতো কিছু জজ ম্যাজিস্ট্রেট হতে যাচ্ছে না।

মায়ের মতের সঙ্গে মেয়ের ইচ্ছার প্রায়ই মিল থাকে না। প্রথমতঃ আই-এ-এসের লিস্ট দেখলেই জানা যায়, মেয়েদের পক্ষে জজ ম্যাজিস্ট্রেট হওয়াটা এ যুগে কিছু অসম্ভব ঘটনা নয়। তা ছাড়া তার ক্লাসের ঘনিষ্ঠ বন্ধুরা বি-এ পাশ করে তাকে ছাড়িয়ে যাবে এ সম্ভাবনা সোনালীর পক্ষে অসহ্য।

সে বিস্তর অশ্রুপাত, নির্বাক অসহযোগ ও সরোষ অনশনের দ্বারা তার প্রতিবাদ জানাতে লাগল।

সাবজজকে আদালতে নানা মোকদ্দমায় রায় দিতে হয়। নিজের পারিবারিক মামলার তিনিই একটা আপস নিষ্পত্তি করলেন। সোনালী মায়ের কথা শুনে তাঁদের সঙ্গে উত্তরবঙ্গেই যাবে। সেখানে প্রাইভেট ছাত্রী হিসাবে তার পরীক্ষা দেওয়ার যথোচিত ব্যবস্থা করা হবে।

দুই প্যাকিং কেস ঠাসা বই, খাতা, নোট, পুরানো প্রশ্নপত্রের বাগিল, ইতিহাসের 'মেইড-ইজী' ইত্যাদি পরীক্ষা পাশের নানা প্রচলিত উপকরণ নিয়ে সোনালী জেলা শহরের সরকারী বাংলাতে বসে এগজামিনের পড়ায় মন দিল। ইকনমিকসে বরাবরই সে কাঁচা। ক্লাসের লেকচার না শুনে শুধু টেক্সট বই পড়ে বেশী দূর এগুতে পারল না। অবিলম্বে একজন প্রাইভেট টিউটর না হলেই নয়।

সুখময় বাবুর কাছারীর সেরেস্টোদার, শহরের পুরানো লোক; অনেক খোঁজ খবর রাখেন। তিনি একটি তরুণ অধ্যাপক সংগ্রহ করে আনলেন। ছেলেটিকে তিনি হেঁটবেলা থেকে জানেন। মেধাবী বলে শহরে তার খ্যাতি আছে। ম্যাট্রিক থেকে পর পর সবগুলি পরীক্ষায় ব্রিলিয়েন্ট রেজাল্ট। গতবছর এম-এতে ফার্স্ট ক্লাশ পেয়েছে। বর্তমানে স্থানীয় কলেজের অস্থায়ী অধ্যাপক; ডক্টরেটের জন্য থিসিস লিখছে।

ছাত্রী ও মাস্টারের বয়সের ব্যবধান অল্প। উভয়েরই দেহে ও মনে নবীন যৌবনের ছাপ। নাটক নভেলের নজীরে এ ক্ষেত্রে প্রথম দর্শনেই একটা প্রণয়কাণ্ডের সূচনা ঘটা উচিত ছিল। কিন্তু সংসারে সত্য ঘটনার মুষ্টি এই যে, সে ছকবাঁধা পথের নিশানা মেনে চলে না। পুঁথির পাতায় যা হওয়া বিধেয়, বাস্তব জীবনে অনেক সময়েই তা হয় না।

শেখর পাঁচ মাস ধরে প্রত্যহ নিয়মিত অনেকক্ষণ অনেক যত্নে সোনালীকে পড়িয়েছে। সে ছাত্রীকে সবিস্তারে রিকার্ডের থিওরি অব রেন্ট বুঝিয়েছে, সম্ভবপর প্রশ্নের উত্তর বার বার করে লিখিয়েছে, মনোযোগের এতটুকু শৈথিল্য দেখলে তিরস্কার করেছে। কখনও তার কমল আননের দিকে অকারণ মুগ্ধ নয়নে তাকিয়ে থাকে নি।

ছাত্রীটি অবশ্য মাঝে মাঝে অনেক রাত জেগে কাটিয়েছে। তবে সে তার সুকুমারকান্তি মাস্টারটির জন্য হা-হুতাশ করে নয়; জ্যাথার গ্র্যান্ড বেরী-কৃত ভারতীয় অর্থনীতি বা ঐ জাতীয় বই মুখস্থ করার তাগিদে। ফলে একটা রোমান্টিক গল্পের প্লট মারা গেল, কিন্তু সোনালী ডিস্টিংশন নিয়ে বি-এ পাশ করল।

সংস্কৃত শ্লোকে বলে, বর ঝুজতে গিয়ে বরের বাপ চান কুল এবং এবং মা চান বিহু। সাবজজ পরিবারে তার ব্যতিক্রম দেখা গেল। বি-এ পাশের অভিনন্দন ভোজ ইত্যাদির হিড়িক কেটে গেছে। সোনালী এম-এতে কোন্ সাবজেক্ট নেবে ভাবছে। এমন সময়ে গিন্নী একদিন কথাটা পাড়লেন।

সোনালীর মাস্টার ছেলোট খাশা; যেমন চোখ জুড়ানো চেহারা, তেমনি নম্র স্বভাব। জামাই করার মতো পাড়।

স্কুল কলেজে সুখময়বাবু কৃতী ছাত্র ছিলেন। চাকুরি জীবনেও অন্যান্য সরকারী অফিসারের চাইতে ভিন্ন। পড়াশুনায় তাঁর অনুরাগ এখনও সম্পূর্ণ তিরোহিত হয় নি। ক্রীর মনোভাবে তিনি স্বচ্ছন্দে সায় দিলেন।

বরপক্ষ অর্থশালী নন, কিন্তু শিক্ষিত। তাঁদের কাছে এমন বৈবাহিক সম্বন্ধ অবশ্যই আকাজিক। পাত্রের কোনো আপত্তি দেখা গেল না।

পাত্রী সবটা শুনে প্রথমে বলল, “হ্যাং।” পরে থেকে থেকে অকারণে খিল্ খিল্ করে হাসতে লাগল। এবং তারও পরে গায়ে লাল চেলী ও মাথায় সিঁথি-মৌর চড়িয়ে শেখরকে ঘিরে শুণে শুণে সাত পাক ঘুরল।

কলকাতায় যে ভাড়টে ফ্ল্যাটে তাদের বাস তাতে স্থান অল্প। আসবাব আয়োজনও পরিমিত। কিন্তু সেখানে নব-বিবাহিত দুটি প্রাণীর যে সংসার তা হাসিতে, খুশিতে, যৌবনচঞ্চল শ্রাণের অপরিপূর্ণ সুধারসে উচ্ছল।

ঘরকমার ছোট বড় কাজে এই অনভিজ্ঞ দম্পতি বারে বারে ভুল করে, এক করতে আর এক করে তোলে। কিন্তু তাতে তাদের যুগলজীবনের আনন্দের ভান্ডারে কোথাও এক কণা কম পড়ে না। বরং ক্ষুদ্র ছিদ্রপথে ফিনকি-দিয়ে-ওঠা ফোয়ারার জলের মতো সুখ চতুর্গুণ হয়ে চারদিকে ছড়িয়ে পড়ে।

সোনালী মা-বাবার একমাত্র সন্তান, চলতি কথায় যাকে বলে আদুরে তাই। সে পড়াশুনা করেছে, কলেজের কমনরুমে বন্ধুদের সঙ্গে পিং পং খেলেছে, দল বেঁধে গেছে সিনেমায়, গানের জলসায় বা এগজিবিশানে। ঘরের কাজে কখনও তাকে হাত দিতে হয় নি। কিন্তু হংসশাবকের সহজাত সম্ভরণ ক্ষমতার ন্যায় বেশীর ভাগ মেয়েদেরই বৃথি গৃহিনীপনায় একটা অশিক্ষিত পটুতা আছে। শেখর দেখে-অবাক হয়, আসন্ন পরীক্ষার চিন্তায় উদ্বিগ্ন যে-ছাত্রীটিকে সে পড়িয়েছে এ সে ভীক্ অসহায় সোনালী নয়। এখন কোমরে আঁচল জড়িয়ে সে উনুনে কড়া চাপায়, মেজেতে বাঁটি পেতে কুটনো কোটে, কাচা জামা কাপড় পরিপাটি করে আলনায় সাজিয়ে রাখে এবং প্রয়োজন হলে অনায়াসে অলস ঝি এবং অসাধু গয়লাকে বকে ধমকে শায়ন্তা করে।

শেখরের মধ্যে যে সোনালীর পূর্বপরিচিতির বাইরে আর একটি অন্য মানুষ পাণ্ডিত্যের আড়ালে লুকিয়ে ছিল, এ তথ্য আবিষ্কার করে সোনালীও খুশি হলো। দেখা গেল, মার্শল বা কেইনসের দুরূহ অর্থনৈতিক তত্ত্বে তার প্রাক্তন অধ্যাপকমশায়ের যতখানি দখল কপট কলহ ও চপল পরিহাসে বর্তমান তরুণ স্বামীটির ততখানিই আগ্রহ।

সেদিন সকাল বেলা শেখর খবরের কাগজ পড়ছিল। সোনালী কী জানি কী কাজে সেখান দিয়ে অন্য ঘরে যাচ্ছিল। শেখর তার মুখের দিকে তাকিয়ে প্রশ্ন করল, “ওকী, তোমার কানের কাছে কী হয়েছে?” তার কণ্ঠে যথেষ্ট উদ্বেগের আভাস।

সোনালী নিজের কর্ণমূলে হাত রেখে অনুভবের চেষ্টা করল। সংশয়ের স্বরে বলল, “কৈ, কিছু হয় নি তো।”

শেখর মাথা নেড়ে দৃঢ়তার সঙ্গে মন্তব্য করল, “হয় নি কী রকম? বেশ লাল হয়ে ফুলে উঠেছে। এখানে এস তো, দেখি।”

শেখরের বলার ভঙ্গিতে সোনালী কিছুটা শঙ্কিত হলো। শেখরের কাছে এগিয়ে গেল। শেখর বিজ্ঞ ডাক্তারের মতো গাভীর্থে সোনালীর গালের কাছে ঝুঁকে বৃথি পরীক্ষাই করছিল। কিন্তু মুহূর্তে তার চোঁট দুটি সোনালীর কানের নীচে ঝুঁতেই নিমেষে সমস্ত ছল ছুতোর অর্থ পরিষ্কার হয়ে গেল।

সোনালী সরে যেতে যেতে বলল, “আঃ, কী করছ বল তো ? চারদিকে জানালা খোলা, তোমার যদি এতটুকু লজ্জা শরম থাকতো ?” শেখরকে শাসাল, “ভবিষ্যতে আর কখনও আমি তোমার কথা বিশ্বাস করব না।”

ভবিষ্যতের চিন্তায় শেখর যে খুব চিন্তিত এমন মনে হলো না। সে মজাটা পরিপূর্ণ উপভোগ করল। মুখে যা-ই বলুক, সোনালী নিজেও যে খুব অশুশি হয়েছে এমন প্রমাণ নেই। বরং তার চোখের কোণে হাসি এবং গলার স্বরের মাধুর্য থেকে অন্য সিদ্ধান্তই সম্ভব মনে হবে।

আর এক দিনের কাহিনী। সোনালী বাথরুমে স্নান করতে ঢুকেছিল। সেখান থেকে শেখরকে ডেকে বলল, “এই, শুনছো, আমার ব্লাউজটা ভুলে ফেলে এসেছি। আলনা থেকে একবারটি এনে দেবে ?”

শেখর জামাটা নিয়ে এল। কিন্তু সোনালী দরজাটা একটুখানি ফাঁক করে হাত বাড়িয়ে যেই নিতে গেছে শেখর অমননি সেটা তার নাগালের বাইরে টেনে নিল। কয়েকবার ব্যর্থ চেষ্টার পরে সোনালী মিনতি করে, “দুটু মি করো না, লক্ষ্মীটি, জামাটা দাও। আমার অনেক কাজ পড়ে আছে।”

“দুটু মি কিসের ? এইতো রয়েছে তোমার ব্লাউজ। বেরিয়ে নিয়ে নাও।” না বোঝা, না জানার ভান করে শেখর।

কিন্তু জামা না পেয়ে শুধু গায়ে বের হবে কী করে ? অনেক অনুনয় বিনয়ে যখন ফল হলো না তখন অগত্যা শাড়িটাকেই সারা গায়ে জড়িয়ে রাগ করে সোনালী বাথরুম থেকে বেরিয়ে এল। টান মেরে শেখরের হাত থেকে ব্লাউজটা ছিনিয়ে নিল। শেখরের পিঠে কোমল হাতের একটি চড় কষিয়ে দিয়ে বলল, “অসভ্য।”

বলা নিশ্চয়্যোজন, এ রকম লোভনীয় শাসনে অপরাধীর চরিত্র শোধন হয় না, উষ্টে অপরাধপ্রবণতা বৃদ্ধি প্রায়। শেখর যখন তখন সোনালীর চাবির গোছা লুকিয়ে রাখে, আচমকা খোঁপা খুলে দেয় এবং সোনালী যখন গভীর মনোযোগে খাতা খুলে বাজারের হিসাব মেলাতে বসে তখন চুপি চুপি এসে তার হাতের পেন্সিলটা তুলে নেয়। সোনালীকে তার পিছু পিছু এ-ঘর ও-ঘর ছুটোছুটি না করিয়ে কিছুতেই সেটা ফেরৎ দেয় না।

দু’দিনের জন্য বাইরে কোথাও গেলে শেখর চিঠি লিখতে ভোলে না। একটা চাকুরির ইন্টারভিউ দিতে সে দিল্লী গিয়েছিল। নিরাপদে পৌঁছানোর খবর দিয়ে লিখল, “গাড়িতে একটি তরুণ দম্পতি আমার সহযাত্রী ছিল। ছেলেটির দিব্য স্মার্ট চেহারা। মেয়েদের দিকে চোখ তুলে তাকাতে তোমার নিষেধ আছে। তাই স্ত্রীটি তব্বী কিংবা বিপ্লবা, স্ত্রী অথবা কুলুপা বলতে পারছি। তবে রাত্রিতে গাড়ির আলো নিভিয়ে নিজের বার্থে শুয়ে পড়তেই ওদিক থেকে কিচ-মিচি পাখি ডাকার আওয়াজ কানে এল। তা থেকে অনুমান করছি, দু’জনায় খুব ভাব আছে।” চিঠিটা সোনালী বার বার পড়ল। এত হাসাতেও পারে শেখর, মনে মনে বলে সোনালী।

কলেজ থেকে শেখর যেদিন তাড়াতাড়ি বাড়ি ফেরে, চা খেয়ে দু’জনে বেরিয়ে পড়ে। টৌরঙ্গী পাড়ায় দেশী ও বিদেশী দোকানের শো-কেস দেখে বেড়াতে ভালো লাগে সোনালীর। কোথাও স্টুট, কোথাও জুতা, কোথাও বা ঘড়ি ও ট্রান্সিসিটর রেডিও। নানা রঙের শাড়ি ও নানা নামের প্রসাধন সামগ্রীরও কমতি নেই। কারা কেনে এতসব ? রাজা মহারাজাদের রাজত্ব গেছে অনেক কাল, শ্রীভি পার্সও নাকচ হয়েছে এখন। বোধহয় কেনে কনট্রাক্টর ও ব্যবসায়ীরা, হঠাৎ টাকা করা ন্যূভোরিশ-এর দল। কিনুক। সোনালীর আনন্দ উইন্ডো-শপিং-এ। আজ ও তাই করছিল।

• “সোনালী না ?”

নিজের নামটা কানে যেতেই সোনালী পিছনে তাকিয়ে দেখল, শিবানী। তার পুরানো বন্ধু। গোখলেতে একই সঙ্গে পড়েছে অনেক দিন।

“অনেকক্ষণ দূর থেকে দেখছি। চেনা চেনা লাগছে, অথচ সিওর হতে পারছিলেম না। অনেক বদলে গেছিস”, বলল শিবানী।

ঈষৎ আশঙ্কার স্বরে সোনালী বলে, “মুটিয়েছি, তাই না ? কী করব বল ? পরীক্ষার ভাবনা নেই, রাত জেগে নোট মুখস্থ করা নেই। শুধু বসে বসে খাচ্ছি। না, আইসক্রীম আর ছোঁব না।”

করণ দৃষ্টিতে সে শেখরের দিকে তাকায়। ভাবখানা এই যে, আইসক্রীমটা একমাত্র শেখরের অনুরোধেই তাকে বেশী খেতে হয়।

শিবানী বাধা দিয়ে বলল, “না, না, মোটা হয়েছিস কে বলেছে? দেখতে আরও সুন্দর হয়েছিস। সিঁথিভরা সিদুর দেখছি, প্রজাপতির সিলমোহর। বিয়েটা হলো কবে? চুপি চুপি সেরেছিস। খাওয়াটা না হয় ছেড়েই দিলেম, একটা ছাপানো কার্ড পাঠিয়ে খবরটাও কি দিতে নেই?” অনুরোধের স্বরে যোগ করে শিবানী।

অবাক হয়ে সজোরে প্রতিবাদ জানায় সোনালী, “পাঠাই নি? কে বলেছে তোকে? আমি নিজে হাতে খামের ওপরে ঠিকানা লিখেছি, মনে আছে। পাস নি বুঝি? ওমা, কী কাণ্ড! বিশ্বাস কর ভাই। নেমস্তম্ভের চিঠি নিশ্চয়ই পোস্ট আপিসে খোয়া গেছে।”

অসম্ভব নয়। আজকাল ডাকের চিঠি কোনটা পাওয়া যাবে আর কোনটা পাবে না তার কিছু ঠিক নেই বটে। শিবানী মেনে নিল। বলল, “যাকগে, ভালোই হলো, তোর সঙ্গে এখানে দেখা হয়ে গেল। আমাকে আর পোস্টাল রিস্ক নিতে হবে না। হাতে হাতে চিঠিটা দিয়ে দিচ্ছি।”

খামের ওপরে সোনার জলে ইংরেজীতে ছাপা—“ওয়েডিং।” সোনালী আগ্রহের সঙ্গে জিজ্ঞাসা করে, “তোর বিয়ের চিঠি? কনগ্র্যাচুলেশনস্। কবে? কার সঙ্গে?” খুলে চিঠি পড়বার তর সয় না তার।

শিবানী বলে, “দূর, আমার বিয়ে কে বললে? সেজদি’র বিয়ে। আমার বন্ধুদের অনেককেই চিঠি পাঠিয়েছি। তোর সঙ্গে তো সেজদি’র আমার চাইতেও বেশী ভাব ছিল। সেদিক দিয়ে তোর দু’ দুটো ইনভিটেশান পাওনা।”

কথাটা একটুকুও মিথ্যা নয়। শিবানীর সেজদি বয়সে সোনালীর চেয়ে ক’বছরের বড় তা জানা নেই। কলেজে দু’বছর সিনিয়র ছিলেন। সোনালীকে নিজের ছোট বোনের মতো স্নেহ কবতেন।

শিবানীর যাবার তাড়া ছিল। সোনালী তাড়াতাড়ি শেখরকে তার সঙ্গে পবিচয় করিয়ে দিল। শিবানী লজ্জিতভাবে তাকে নমস্কার করে বলল, “ছিঃ ছিঃ আপনাকে এতক্ষণ লক্ষ্য কবি নি। মাপ করবেন। শনিবাব আমাদের বাড়িতে বিয়েতে সোনালীকে নিয়ে আসা চাই। গল্প হবে।”

যাওয়ার আগে সোনালীর কানে ফিস ফিস কবে বলল, “খুব বাগিয়েছিস যা হোক। এ প্রাইজ কাচ।”

শিবানীটা এখনও কলেজের সেই ফাজিল মেয়েই রয়ে গেছে। এতটুকুও বদলায় নি। সোনালী স্নেনে মনে হাসল। অবশ্য খুশিও হলো।

আলোতে সাজেতে বিয়ে বাড়ি দূর থেকেই চেনা যায়। রঙিন কাগজে মোড়া ও সিল্কের ফিতে দিয়ে ঝাধা সুদৃশ্য প্যাকেটে একজোড়া মোরাদাবাদী ফুলদানি উপহার নিয়ে ট্যাক্সি থেকে নামতেই সোনালীর গুটি দুই আগেকার সহপাঠিনীর সঙ্গে দেখা। তারা কলরব করে সোনালীকে ছোঁ মেয়ে তুলে নিয়ে মুহূর্তের মধ্যে কোথায় যে অন্তর্হিত হলো শেখব তা জানে না।

একমাত্র শিবানী ছাড়া কন্যাপক্ষ বা বরপক্ষের কাউকেই সে আগে দেখে নি। শিবানী’র সঙ্গেও পরিচয় সেদিনের—কয়েক মিনিটের বলাই ঠিক। সেই শিবানীকেও এখন কাছে-পিঠে কোথাও দেখা গেল না। অথচ বোকার মতো সদর দরজায় দাঁড়িয়ে থাকাও চলে না। একটা সদ্য আগত দম্পতিকে অনুসরণ করে সে সামিয়ানার নীচে যেখানটায় গিয়ে পৌঁছল সেখানে বহু নিমন্ত্রিত আগেভাগেই জড় হয়েছিলেন।

শেখর আশে-পাশে তাকিয়ে দেখল, ডিনার জ্যাকেটে জনকয়েক ইংরেজ বা এমেরিকান এবং ইভিনিং গাউনে সম্ভবতঃ তাঁদেরই গৃহিণীরা। ভারতীয় ভদ্রমহোদয় যারা আছেন তাঁরাও টাই-কলারে নিখুঁত। উচু হীল ও নীচু কাঁচুলি পরিহিতা মহিলারা কথাবার্তা যা বলছেন সবই ইংরেজীতে। কে পাঞ্জাবী, কে সিন্ধি বা মহারাষ্ট্রীয় তা সহজে বোঝার উপায় নেই।

বিচিত্র বর্ণের এই ঝাঁট ও ভেজাল হংসযুথের মধ্যে ধৃতি-পর্যবেচনার শেখব নিতান্তই বক যথা। তাব অস্বস্তিব সীমা রইল না। হায়, এত বড় কলকাতা শহরের লক্ষ লক্ষ বাঙালীর মধ্যে এমনকি আর একজনও নেই যার স্ত্রী এই বিয়ে বাড়ির কোনো মেয়ে বা তার দিদির সঙ্গে স্কুলে কিংবা কলেজে পড়েছে?

অতিথিদের পানীয় পরিবেশন করছিল একদল লোক। তাদের পায়ে শাদা ধবধবে উদ্দি, কোমরে লালেতে-জরিতে চণ্ডা কোমরবন্ধ এবং মাথায় মেরুন রঙের পাগড়ি। মনোগ্রাম-কর্যা পিতলের চাকতি পিন দিয়ে ঠাঁশ। অনুমান করতে কষ্ট নেই যে, চৌরঙ্গী পাড়ার কোনো নামজাদা হোটেলের বেয়ারা। তাদের হাতে ট্রের ওপরে সাজানো পাঁচ ছ'টি কাঁচের গ্লাস। তার ভেতরে সিকিভাগ রঙিন তরল পদার্থ। অতিথিদের সামনে এগিয়ে ধরতেই তারা এক একটি হাতে তুলে নিচ্ছেন। বেয়ারা বোতল থেকে সোড়া ঢেলে গ্লাস পূর্ণ করে দিচ্ছে। শেখর অনভিজ্ঞ হলেও বুঝতে পারল, জিনিসটা আর যাই হোক, লেমন স্কোয়াস নয়। একজন বেয়ারা তার দিকে এগিয়ে আসতেই শেখর তাড়াতাড়ি মাথা নেড়ে জানিয়ে দিল, ওতে তার প্রয়োজন নেই।

কিছুক্ষণের মধ্যেই সারি সারি গ্যাসের আলো নিয়ে ভেঁপো ভেঁপো শব্দে ব্যান্ড বাজিয়ে বর ও বরযাত্রীরা এসে গেল।

শেখর ছোটবেলায় পাড়া গায়ে পালকী চড়ে বর আসতে দেখেছে। বড় হয়ে শহরে ফুল দিয়ে সাজানো মোটর গাড়িতে বরাগমনও তার দেখা ছিল। কিন্তু ঘোড়ার পিঠে বসে বিয়ে করতে আসছে এমন বর সে দেখা দূরে থাক কল্পনাও করে নি। আজকালকার এই ট্রাম, বাস, স্কুটার ট্যাক্সির দিনে একমাত্র ময়দানে পুলিশের সার্জেন্ট ছাড়া আর কেউ ঘোড়সওয়ার আছে এমন সম্ভাবনা তার মনে ছিল না। বরের সাজটাই বা কী রকম? না আছে গায়ে সিল্কের পাঞ্জাবি না আছে মাথায় শোলার টোপর। ফুলের ঝালরে চোখমুখ ঢাকা। বর যুবা শ্রৌট, সুপুরুষ বা কদাকার কিছুই দেখার বা জানার জো নেই।

বরের পেছনে পায়ে হেঁটে আসছেন বরযাত্রীর দল। তাঁদের মধ্যে কয়েকজন তালি বাজিয়ে অমন লাফাচ্ছেন কেন? শোনা গেল, তাঁরা বরের বাবা, কাকা, মামা, মেসো ইত্যাদি নিকটতম আত্মীয়। তাঁরা নাচছেন। অবাক কাণ্ড! লোকগুলি ভাড় না উদ্ভাদ?

শিবানীরা আসলে পাঞ্জাবী। কয়েক পুরুষ আগে পরিবারের কোন দুঃসাহসী যুবক সুদূর লুথিয়ানার এক গণগ্রাম থেকে কলকাতায় এসেছিলেন। অবশ্যই জীবিকার সন্ধানে। কী করে তিনি টাকা উপার্জন করেছিলেন সে সম্পর্কে বিভিন্নপ্রকার জনশ্রুতি আছে। মোট কথা তিনি সপরিবারে এখানেই রয়ে গিয়েছিলেন। তাঁর পুত্র, পৌত্র এবং প্রপৌত্রেরা নানা ব্যবসায়ে ধন সম্পত্তিকে বহুগুণ বাড়িয়ে তুলেছেন। তাঁরা বাংলার জলবায়ু ও বাঙালী পরিবেশে মানুষ। ক্রমে ক্রমে তাঁদের কথা-বার্তা ও জামা কাপড়ে পাঞ্জাবীত্ব গেছে ঘুচে। শিবানীর বাবা আমেরিকান যুনিভার্সিটির ডিগ্রীধারী ইঞ্জিনিয়ার। ইন্ডাস্ট্রিয়েলিস্ট। পাঁচটা এমন বড় কারখানার ম্যানেজিং ডিরেক্টর বা চেয়ারম্যান যার সঙ্গে বিদেশী কোম্পানীর গাঁটছড়া ঝাড়া, ইংবেজীতে যাকে বলে ফরেন কোলাবরেশন। মনোভাব ও চালচলনে তিনি অতি আধুনিক সমাজের উচুতলার বাঙালীদের সগোত্র। কিন্তু বিয়ে বা অন্যান্য সামাজিক ক্রিয়াকর্মে এখনও পুরানো কুলপ্রথা ও দেশাচার না মেনে পারেন না।

বিশাল দেশ এই ভারতবর্ষের বিভিন্ন অঞ্চলে সামাজিক রীতি নীতিতে বিপুল পার্থক্য আছে, এ তথ্য শেখরের অজানা নয়। অন্য সময়ে পাঞ্জাবের বিবাহ অনুষ্ঠানের সনাতন পদ্ধতি দেখতে পাওয়াটাকে সে একটা নূতন অভিজ্ঞতা বলেই গণ্য করত। কিন্তু আজ অজানা অচেনা পরিবেষ্টনে তার মনটা প্রথমেই বিরূপ হয়েছিল। সে মনে মনে বরকে একটা সার্কাসের সং এবং বরপক্ষীয়দের আচার আচরণকে হাস্যকর ও কুরুচিপূর্ণ বলে শিক্কার দিল।

কন্যাকর্তাদের একজন এসে সবাইকে অন্য একটা কানাত ঘেরা জায়গায় ডেকে নিয়ে গেল। সেটা যে ভোজনপর্বের ভূমিকা-সে বিষয়ে শেখরের অনুমান নির্ভুল। কিন্তু সেখানেও তার জন্য অনেক অপরিচয়ের ধাক্কা জমা ছিল।

বিয়ে বাড়ির খাওয়া দাওয়া সম্পর্কে তার যে অভিজ্ঞতা আছে এখানকার সঙ্গে তার মিল নেই। না আছে মেজতে আসন পেতে অতি পরিচিত পণ্ডিত ভোজনের আয়োজন, না দেখা গেল আধুনিক কায়দায় লম্বা টানা টেবিলের ওপরে কাগজের রোল বিছিয়ে খাওয়ার ব্যবস্থা। একটি করে ছোট চৌকো টেবিল, তার চার দিকে চারটি চেয়ার। টেবিলক্ৰমের ওপরে ছুরি, কাঁটা, ফ্রেট, ন্যাপকীন ইত্যাদি বিলাতী ডিনারের সাজ-সরঞ্জাম! শেখর একটা খালি টেবিল বেছে নিয়ে বসল।

তকমা পরা বেয়ারা সূক্ষ্ম ছাপানো মেনুকার্ড ও পেলিল তার হাতে তুলে দিয়ে আদেশের অশেষকায় রইল।

কার্ডটায় লিস্টের মতো পর পর লাইনে ইংরেজী বর্ণমালায় মুদ্রিত শব্দগুলি শেখরের পরিচিত নয়। 'glacea' বস্তুটা কেমন এবং legumes epices অথবা 'agneau Lavanille' মানে কী তা সে জানে না। Poulet এবং Petits Pois ও সমান দুর্বোধ্য। সে কী করবে ভেবে পেল না।

ডাইনে বাঁয়ে তাকিয়ে দেখল, অন্যান্য অতিথিরা তাঁদের কার্ডে তিন চারটে দাগ দিয়ে দিলেন। বেয়ারা সেগুলি নিয়ে চলে গেল। যদিও শিবানীর সেজদির বিয়েতে যারা ভোজ খেতে এসেছেন তাঁরা মহাজন কিনা শেখর তা জানে না। তবু তাঁদের পছন্দ অনুসরণই সে নিরাপদ জ্ঞান করল। নিজের কার্ডে যদৃচ্ছা পেলিলের দাগ কেটে দিল।

খানিকক্ষণ পরে শেখরের টেবিলে যে চার পাঁচ প্লেট ভোজ্য সামগ্রী উপস্থিত হলো তার সবগুলিই ডেসার্ট, বিলাতী ডিনারের অন্তিম অধ্যায়ের খাদ্য। কোনো প্লেটে কাস্টার্ড, কোনোটা সূক্ষ্ম, একটাতে চকোলেট সস দিয়ে একলায়ার, অন্যটাতে ওয়েফার সহ স্ট্রবেরী আইসক্রীম। বাঙালীর ভূরি ভোজনে যেমন দৈ, রাবড়ি, পান্তয়া বা দরবেশ।

পাশের টেবিলের এক প্রোট ভদ্রলোক বোধহয় শেখরের বিপন্ন অবস্থাটা আঁচ করেছিলেন। তিনি বেয়ারাকে কাছে ডেকে কী নির্দেশ দিলেন। সে ঐ পুডিং-এর পর্বত সরিয়ে তার পরিবর্তে চীকেন রোস্ট, স্যালাড ইত্যাদি এনে দিয়ে শেখরকে সংকট থেকে উদ্ধার করল।

জীবনে কখনও শেখর এমন অপদস্থ হয় নি। লজ্জায় ও অপমানে তার গলা দিয়ে খাবার গলতে চায় না। সোনালীর ওপরে তার খুব রাগ হলো। গোড়া থেকেই এ নিমন্ত্রণ আসতে শেখরের তেমন উৎসাহ ছিল না। শুধু সোনালীর আগ্রহেই সে শেষকালে রাজী হয়েছে। স্বীকৃতি প্রলয়ঙ্করী কথাটা কি শুধু শুধুই চলতি হয়েছে?

—“ওমা তুমি এখানে? আমি কখন থেকে তোমাকে খুঁজছি।” বিশ্বয়ের সঙ্গে বলল সোনালী।

শেখর পেছনে তাকিয়ে দেখল, সে একা নয়। সঙ্গে তার বান্ধবীরাও আছে।

—“আপনি বাচ্চা ছেলের মতো ভীড়ের মধ্যে হারিয়ে গেছেন মনে করে সোনালী উত্তলা হচ্ছিল। ভেবে ভেবে তার ভালো করে খাওয়াই হলো না। আপনি খেয়েছেন তো?” প্রশ্ন করল শিবানী।

—“আপনাকে খুঁজে না পেয়ে আমরা তো এখন পুলিশে খবর দিতে যাচ্ছিলাম”, সর্কৌতুকে জোগ করল সখী পরিষদ।

শেখর এ-সব হাসি ঠাট্টায় কিছুমাত্র যোগ না দিয়ে বিরস কণ্ঠে সোনালীকে বলল, “এবার বাড়ি ফিরতে হয়।”

শিবানীর এক বান্ধবীর সঙ্গে গাড়ি ছিল। সে ও তার স্বামী সোনালী-শেখরকে একটা ট্যাক্সি-স্ট্যান্ড অবধি এগিয়ে দিতে চাইলেন। শেখর সজোরে সে প্রস্তাব প্রত্যাখ্যান করল। ট্যাক্সিতে সারাটা পথ শেখর চুপ করে রইল।

অনেক কাল পরে তার পুরানো বন্ধুদের সঙ্গে দেখা হওয়াতে সোনালী খুব খুশি হয়েছিল। সে উচ্ছ্বসিত হয়ে তাদের গল্প করতে লাগল। তার সবটাই মনোলাগ—অর্থাৎ একক উক্তি।

সোনালী জিজ্ঞাসা করল, “তুমি ঐ ওয়েস্টার্ন প্যাভিলে বসতে গেলে কেন? ওটাতো ছিল শিবানীর বাবার সাহেব ও সাহেবী বন্ধুদের জন্য। এ পাশে ইন্ডিয়ান সেকশানে আর সবাইর জন্য দেশীভাবে ভোজের ফলাও ব্যবস্থা ছিল। আমরা হৈ হৈ করে লুচি, কালিয়া, দৈ সন্দেশ খেলেম। তুমি ভালো করে খেতে পেরেছ তো?”

শেখর সে প্রশ্নের কোনো জবাব দিল না।

নিজেদের ফ্লাটে পৌঁছেও শেখর কোনো কথা বলল না। ঘুমোতে যাওয়ার আগে ছিটকিনী, আগল ইত্যাদি পরীক্ষা স্ক্র্যা শেখরের অভ্যাস। আজ যন্ত্র চালিতের ন্যায় সে-স্কটিন নিঃশব্দে পালন করল। তারপর সোজা বিছানায় গিয়ে শুয়ে পড়ল।

সোনালী অবাক হলো। শেখরের শরীর ভালো আছে তো? হঠাৎ মাথা ধরে নি তো?

শরীর ভালোই আছে। মাথাও ধরে নি। শেখর জানাল, ‘হ্যাঁ’ এবং ‘না’ দুটি মাত্র শব্দে। বিয়েতে সোনালী তার জড়োয়া গহনা পরে গিয়েছিল। একে একে সেগুলি গা থেকে খুলে আলমারীতে তুলে রাখছিল। সেখান থেকে জানাল, “শিবানীর মা দুঃখ করছিলেন, বিয়ে বাড়ির কাজে কর্মের ভীড়ে দু’দণ্ড বসে কথা বলতে পারলেন না। তোমার সঙ্গে তো দেখাই হলো না। পরে একদিন আমাদের সুবিধা মতো তাঁদের ওখানে গিয়ে চা খেতে বলেছেন। কলেজে তোমার যেদিন অফ-ডে—”

কথাটা শেষ হতে পারল না।

—“যেখানে যেতে হয় তুমি একলা যেও। আমাকে আর কোনো দিন ওসবের মধ্যে টেনে না।” আগুন লাগা আতস বাজির মতো সশব্দে যেন ফেটে পড়ল শেখর।

সোনালী চমকে উঠল। সে কোনো দিন শেখরকে এমন চোঁচিয়ে কথা বলতে দেখে নি। বিয়ের আগে পরীক্ষার পড়া নিয়ে শেখরের কাছে দু’একবার বকুনি খেয়েছে বটে। কিন্তু সে শাসনে থাকত সংশোধনের প্রয়াস, নির্দয় আঘাত নয়। আজ স্বামীর এই অকস্মাৎ রূঢ়তায় সে মর্মান্তিক আহত হলো।

শেখর রাগ করেছে, বোঝা গেল। কিন্তু কেন? কখন, কোথায় কী ক্রটি ঘটেছে শিবানীর? সে ভেবে পায় না। অনেকক্ষণ সে আলমারীর তালায়-পরানো চাবিটি ধরে দাঁড়িয়ে রইল। তার পরে দীর্ঘনিঃশ্বাস ফেলে আলমারীটা বন্ধ করল। ধীরে ধীরে পাশের ঘরে গিয়ে জামাকাপড় বদল করল। শোবার ঘরে সুইচ টিপে আলোটা নিভিয়ে দিল। বিছানায় শ্রান্ত দেহ এলিয়ে দিল।

বাইরে কর্মক্ৰান্ত শহরের পথ জনহীন। মাঝে মাঝে দু’ একটা রিক্সার টুং টাং ও দ্রুত ধাবমান মোটর গাড়ির আওয়াজ ছাড়া চারদিক নিব্বুম, নিঃশব্দ। পাশের ফ্লাটগুলিতে আলো নিভে গেছে অনেকক্ষণ।

ঘরের মধ্যে দু’জনের কারুর চোখেই ঘুম নেই। উভয়ের পীড়িত হৃদয়ের ঘনীভূত বেদনা অঙ্ককার রাত্রির নিস্তব্ধতাকে যেন আরও গুরুভার করে তুলেছে। শুধু কোণে টেবিলের ওপরে টাইমপীস ঘড়িটা টিক টিক শব্দে চলছে। তার কাঁটা দুটো চোখে দেখার উপায় নেই। মিনিটকে মনে হয় প্রহর, ঘন্টাকে এক একটা যুগ।

মাথার কাছে খোলা জানালা দিয়ে দেখা যায় নির্মল রজনীর বিস্তীর্ণ আকাশ। তারায় তারায় ভরা। কৃষ্ণপক্ষের আধখানি চাঁদ উঠেছে একটু টেরে। খানিক আলো, খানিক ছায়া পড়েছে অদূরবর্তী উঁচু বাড়িটার আলসেতে। শেখর পাশে তাকিয়ে দেখল, সোনালী বিছানায় অনেকখানি দূরত্ব রেখে খাটের প্রায় কিনারায় পিছন ফিরে শুয়ে আছে। তার লতার মতো বক্টিম দেহের ওপরে বিন্যস্ত নিটোল বাছটি কবিতার ছন্দের মতো নিঃশ্বাস প্রশ্বাসের তালে তালে মৃদু আন্দোলিত। শেখরের বকের মাঝখানটায় কী যেন খচ করে বিধল। সে কি অনর্থক রাগ করেছে? অনুচিত কাঠিন্যে স্ত্রীর মনে ঘা দিয়েছে?

শিবানীদের বাড়িতে বিয়েবাড়ির পরিবেশ তার ভালো লাগেনি। অপরিচয়ের গণ্ডিতে অনভ্যস্ত আহারের কায়দা কানুনে সে অত্যন্ত বিব্রত বোধ করেছে তাতেও সন্দেহ নেই। কিন্তু সোনালীর অপরাধ কী? অনেক বাঙালী বিয়ে বাড়িতেও স্ত্রী পুরুষের আলাদা খাওয়ার ব্যবস্থা হয়। কোনো কোনো ক্ষেত্রে আমিষ এবং নিরামিষাসীদের পৃথক জায়গা নির্দিষ্ট থাকে। শিবানীরা তাঁদের বিদেশী অভিধিদের জন্য যদি বিলাতী ধরনে ডিনারের আয়োজন করেন তাতে ক্ষুব্ধ হওয়ার কী আছে? শেখর যদি না জেনে বুঝে সেখানে গিয়ে জোটে তবে সে বোকামির জন্য সোনালীকে দোষ দেওয়া কেন? আহা, বেচারীকে খামোকাই বকুনি দিয়েছে সে।

• মাস কয়েক আগেকার একটা ঘটনা মনে পড়ল। শেখরের এক মাসতুতো বোন থাকেন বর্ধমানের কাছে এক গ্রামে। তাঁর বর কলকাতায় মার্চেন্ট অফিসে কাজ করেন। অফিস পাড়ায় হঠাৎ একদিন দেখা হতেই শেখরকে খোঁচা দিলেন, “ভায়া, অর্থেক রাজত্বসহ রাজকন্যা ঘরে এনেছ বলে কি গরীব আত্মীয়-স্বজনের একটাবার খোঁজ নিতে নেই? তোমার দিদি দুঃখ করে বলেন, ‘বিয়েতে যেতে পারি নি, ভাই-এর বউকে আজ অবধি একবার চোখে দেখা হলো না’। ট্রেনে দু’ঘণ্টারও পথ নয়; না হয় কষ্ট করে একদিন আমাদের ওখানে বেড়িয়ে গেলে। তাতে তোমার

জজ স্বপ্নের কিছু স্বপ্ন যাবে না।”

ছুটির দিনে সোনালীদের একটা বাধা প্রোগ্রাম আছে। তারা তার নাম দিয়েছে ‘মিনি পিকনিক’। কিছু খাবার সঙ্গে নিয়ে দুপুরের আগেই দু’জনে বাড়ি থেকে বেরিয়ে পড়ে। কোনো দিন যায় গঙ্গার ধারে, কোনো দিন বা ভিক্টোরিয়া মেমোরিয়েল বা ময়দানে। ম্যাটিনি শো-তে সিনেমা দেখে সন্ধ্যা নাগাদ বাড়ি ফেরে। কিন্তু ভগ্নীপতির এত কথার পরে একবার তাঁর ওখানে না গেলে ভালো দেখায় না! এক রবিবারে সোনালীকে নিয়ে শেখর হাওড়া স্টেশানে বর্ধমান লোকালে চেপে বসল।

গ্রামের বাড়িতে বোন যথেষ্ট আদর যত্ন করলেন। কিন্তু তার বৃদ্ধা শাশুড়ী সেকলে মানুষ। একালের মেয়েদের ধরন-ধারণের সঙ্গে তাঁর ধ্যান ধারণা স্বভাবতই মেলে না। নতুন বউ-এর মাথায় কাপড় না থাকাটা তাঁর কাছে বিশেষ নিন্দার বিষয় মনে হয়। রূপ আছে বলেই কি ভব্যতা থাকতে নেই? তিনি সোনালীর রাবার ব্যান্ডে বাঁধা পনিটাইল খুলে চুলে জবজবে তেল দিয়ে কয়ে খোঁপা করে দিলেন। বাড়ির অন্যান্য স্ত্রী-পুরুষের সামনেই খেদ প্রকাশ করলেন, “সে কী গো? বিয়ের পরে দু’বছর পার হতে চলল, এখনও কিছু হলো না!” পই পই করে উপদেশ দিলেন, “কলকাতায় ফিরে শীগগীর লেডী ডাক্তার দেখাও। যষ্ঠীতলার মাদুলি আনিয়ে পর।” মনে আছে, শুধু সোনালীর নয় শেখরেরও কান লাল হয়ে উঠেছিল।

সে-দিন শারীরিক ধকলও বড় কম হয় নি। গ্রাম থেকে বাইরে যাতায়াতের একমাত্র বাহন সাইকেল রিক্সা ফেরার পথে কিছুতেই পাওয়া যায়নি। অনেকখানি পথ পায়ে হেঁটে মেমারী স্টেশানে গাড়ি ধরতে হয়েছিল এবং ট্রেনে দাঁতের মাজন ও লজেনচুস বিক্রেতা, পেশাদার ডিস্কক ও চোরচালানে কর্ডনের চাল পাচারকারী যুবা, বৃদ্ধা, বালক, বালিকার ভীড়ে ট্রেনে ঠায় দাঁড়িয়ে থাকা ছাড়া অন্য গতি ছিল না।

সমস্ত অপ্রীতিকর ব্যাপারগুলি সোনালী অবিচলিতভাবে গ্রহণ করেছে। কোনো দিন এতটুকু অভিযোগ করে নি—এ কথা স্মরণ করে শেখর লজ্জিত হলো। তুলনায় তাঁর নিজের আচরণ যে অত্যন্ত অসঙ্গত ও হৃদয়হীন সে-বিষয়ে তার কোনো সংশয় রইল না। তার মনে গভীর অনুশোচনা দেখা দিল। সে সোনালীর ডান হাতখানা নিজের হাতের মধ্যে টেনে নিল।

সোনালী বাধা দিল না। যেমন নির্বাক শুয়েছিল তেমনি নিঃশব্দ নিশ্চল রইল। শুধু শেখরের সঙ্গেই মৃষ্টির মধ্যে তার সৃষ্টাম ভীকু আঙুল ক’টি থেকে থেকে কঁপে উঠতে লাগল। শেখর এবার দু’ হাত দিয়ে স্ত্রীকে কাছে টেনে আনল। বুকের মধ্যে অভিমানের যে তীব্র বেদনা সোনালী এতক্ষণ নীরবে বহন করছিল স্বামীর এই অনুরাগের অভিব্যক্তিতে তা যেন আরও দুঃসহ মনে হলো। তার রক্ত কান্নার বেগ কিছুতেই আর বাধা মানল না। শেখরের বাহুবন্ধনের মধ্যে সে ফুঁপিয়ে ফুঁপিয়ে কঁাদতে লাগল।

অনুতপ্ত শেখরের বুকে সে অশ্রুধারা যেন কঠিন শেলের মতো বাজল। সে বার বার নিজের অপরাধ স্বীকার করল। স্ত্রীকে আরও নিবিড়ভাবে আলিঙ্গন করল এবং তার কানের কাছে মুখ এনে চুপি স্বরে ডাকতে লাগল, “সোনা, সনু সুনী সনু—”

দু’অক্ষরের এই ছোট ছোট সম্বোধনগুলি সোনালী নামের মুক্তবোধ বা পাগিনিসম্মত অপভ্রংশ কিনা তা কোনো সংস্কৃত বা বাংলা ব্যাকরণে লেখে নি। কিন্তু তারা যে যথাকালে যথাস্থানে যথাক্রমিক ফল দিতে সক্ষম তার প্রমাণ পাওয়া গেল। ধীরে ধীরে সোনালীর কান্না থেমে গেল। সে আপনি কাছে সরে এসে শেখরের বক্ষে ঘনলগ্ন হলো। বিছানায় দুটো বালিশ বুঝি অনাবশ্যক বাহুল্য; একটিতেই দু’টি মাথা অনায়াসে ধরে গেল। শেখরের গালে নিজের গাল রেখে বাম বাহু দিয়ে সোনালী স্বামীর কণ্ঠ জড়িয়ে ধরল।

কিচিমিচি পাখি ডাকার শব্দ শোনা গেল। সে শব্দের উৎপত্তি যে কোথায় এবং অর্থ যে কী তা কোনো পক্ষীতত্ত্ববিদ জানেন না। কিন্তু জগতের প্রত্যেক প্রণয়ীযুগলই জানেন।

উপরে একটি টেবিল ল্যাম্প। তার পাশে লেসের ক্রমাল ঢাকা দেওয়া জলের জাগ ও গলাস। সর্বত্রই প্রয়োজনের দিকে সজাগ দৃষ্টির পরিচয় আছে।

জানালায় পর্দা, চেয়ারের কুশন, বিছানার বেড-কভার, আলোর শেড, কোনোটিই খুব দামী নয়। কিন্তু সুনির্বাচিত। ফিনু ৭ তার বরের প্রচুর টাকা আছে কি নেই তা না জেনেও এটুকু বোঝা যায় যে তাদের রুচি আছে। পারমিতা লক্ষ্য করেছে, বাড়িতে আসার খানিক বাদেই ঝি এসে ঠাণ্ডা পানীয় রেখে গেছে। সেটা কাঁচের গেলাসে বোতল থেকে ঢালা অমুক কোলা, তমুক কোলা নামের বাজার চলতি সফট ড্রিঙ্ক নয়। ছোট পাথরের গেলাসে বরফের কুচি দিয়ে তরমুজের সরবৎ। তাতে আধুনিক ফ্যাশানের গড্ডলিকা নেই; প্রাচীন ট্রাডিশানের আভিজাত্য আছে।

এক কালে বঙ্কুসমাজে আর্টিস্টিক বলে পারমিতার যথেষ্ট খ্যাতি ছিল। তাদের দু'জনের পরিমিত ঝুঁজির সংসার সে এমন ভাবে চালিয়েছে যাতে শুধু নৈপুণ্য নয়, শ্রীর চিহ্ন রয়েছে। ফিনুর গৃহসজ্জার এই আড়ম্বরহীন সৌন্দর্য এবং আতিথেয়তায় এই সহজ আন্তরিকতা তাকে আনন্দ দিল।

আপিসের শেষে বর বাড়ি ফিরতেই ফিনু আলাপ করিয়ে দিল।

“ইনি আমার পার্কেদি। বড়দির ক্লাস ফ্রেন্ড। স্কুল থেকে কলেজ অবধি এক সঙ্গে পড়েছেন।”

ফিনুর বর সুপ্রিয়ের বয়স ষঁচিশের নীচে। চেহারা তার চেয়েও কম মনে হয়। স্বভাবে এমন একটা সরল ছেলেমানুষি আছে যে তাকে সবারই ভালো লাগে।

সে বিষয়ের ভান করে বলল, “তোমার পার্কেদি কি রকম? তোমার তিন তিনটি বোন আছে। সারফীট অফ দিদি। আর না হলেও চলবে। আমার একটিও নেই। উনি আমার বড়দি।”

ফিনু খাই বলুক, পারমিতার জীবনের বিগত ইতিহাস জানলে ফিনুর বর তাকে অবাস্তবিক অতিথি মনে করতে পারে এ আশঙ্কায় এতক্ষণ পারমিতার মানসিক আড়ষ্টতা কাটে নি। সুপ্রিয়ের কথায় তার বুকের উপর থেকে একটা ভার নেমে গেল।

সুপ্রিয় ও ফিনুতে বয়সের তফাৎ সামান্য। তাদের দু'জনের খুনসুটি লেগেই আছে।

খাওয়ার টেবিলে সুপ্রিয় ফিনুর পিছনে লাগে। তার রান্না আলুর দমকে বলে মোরকবা; মাছের ঝালকে কাসুন্দি; টীকেন সুপকে ডিস্টিল!

ফিনু শোধ নিতে ছাড়ে না।

সুপ্রিয় অনমনস্ক লোক। কোথায় ক্রমাল ফেলে এসেছে। ফিনু মন্তব্য করে, “লীপস্টিকের অনেক দাগ লেগেছিল বোধহয়।”

সুপ্রিয় নিজের কোট খেঁড়ে তুলছে দেখে নিরীহ ভাবে প্রশ্ন করে, হাঁগো “আপিসে টাইপিস্ট ছুড়ীর চুল উঠছে বুঝি?”

এই মিথ্যা বাদ-বিসম্বাদের খেলায় পারমিতাকে প্রায়ই আম্পায়ার হতে হয়। দু' পক্ষই বড়দি'র কাছে নালিশ নিয়ে আসে।

তরুণ দম্পতির এই কপট প্রণয় কলহ সে উপভোগ করে। নিজের স্বাম্য্য বধুজীবনের ক্ষণিক সুখের স্মৃতি মনে আসে। নিজের অজ্ঞাতেই বুঝি একটা দীর্ঘনিশ্বাস পড়ে।

পারমিতার ছুটির মেয়াদ দীর্ঘ নয়। দশটা দিন যে কোথা দিয়ে কেটে গেল তা সে টেরই পায় নি।

সুপ্রিয় ও ফিনুর আদর ও পরিচর্যা তুলনাহীন। কোনো দামী উপহার দিয়ে তার পরিমাপ হয় না। প্রতিদান তো অসম্ভব। তবু নিজের স্নেহের চিহ্ন হিসাবেই সে তাদের জন্য কিছু রেখে যেতে চায়। ছোট খাটো দুটো প্রেজেন্ট কিনতে ফোর্ট এলাকায় এসেছিল। ফিরতি বাসের অপেক্ষায় ফ্লোরা ফাউন্টেনের সামনে দাঁড়াল।

বাস-স্টপে লম্বা কিউ। আপিস ফেরৎ যাত্রীর লাইন। তাদের কাছে ফেরিওয়ালা টুকি-টাকি জিনিস নানা সুরে হাঁকে বোচার চেষ্টায় আছে। সাম্রা সংবাদপত্র ইভিনিং নিউজ, পকেট বুক, বল-পেন, সস্তা গ্যাস লাইটার, শার্টের বোতাম—গৃহস্থের নিত্য প্রয়োজনীয় বস্তু। একজন পারমিতার সামনে গোটা কয়েক ধূপ কাঠির প্যাকেট তুলে ধরে বলল, “আগর বাস্টি। চাই রূপায়োমে দো প্যাকেট।”

পারমিতা মাথা নেড়ে জানিয়ে দিল, প্রয়োজন নেই।

বিক্রেতা নাছোড়বান্দা। “লে লাও বাঈ। ব্যহিয়া খুসবু। দোকান মে দো রুপিয়ে প্যাকেট বিকতা।” নীড়াপিড়ি করে।

অনাখীয়া বা অপরিচিতা মহিলাদের দিল্লীতে বলে মাতাজী কিংবা বহিনজী। কলকাতায় ফুটপাথের দোকানীরা ডাকে মাসীমা বা দিদি। বোম্বেতে প্রচলিত সম্বোধন—বাঈ। ইংরেজী ম্যাডামের প্রতিশব্দ বললে ক্ষতি নেই।

বাজারের চাইতে অর্ধেক দামের প্রলোভনেও যখন বাঈকে কিছুই বেচা গেল না তখন সে অন্য পন্থা ধরল। করুণ স্বরে জানাল, আজ সারাদিনে বউনি হয় নি। কিছু খায় নি।

ফেরিওয়ালাদের এ ধরনের কাজ বাগাবার ফন্দির সঙ্গে পারমিতার পরিচয় আছে। দয়াপরায়ণতার জন্য সে আগে কয়েকবার বোকা বনেছে। আর ঠকতে রাজী নয়।

ধূপওয়ালা হতাশ চিণ্ডে অদূরে অন্য যাত্রীদের দিকে এগিয়ে গেল।

ঠঠা পারমিতার মনে হল, লোকটা অচেনা নয়। কয়েক মিনিট কী ভাবল। হাতের ইসারায় তাকে ডাকল। সে কাছে আসতেই পারমিতা বিস্মিত কণ্ঠে জিজ্ঞাসা করল, “কে শশী না?”

যার উদ্দেশ্যে প্রশ্ন সে ব্যক্তি কয়েক মুহূর্ত অবাক হয়ে পারমিতার মুখের দিকে তাকিয়ে চেনবার চেষ্টা করল। এবার তাবও ভুল হল না। “তুমি? কী আশ্চর্য! আমি তো শুনেছিলাম, তুমি বোম্বেতে নেই!” সে বলল।

পারমিতা সে উত্তির কোনো জবাব না দিয়ে জিজ্ঞাসা করল, “তোমার এ হাল কেন?”

শশী বলল, “সে অনেক কথা। শুনতে চাওতো ওদিকে চল। দেখছ না এখানে সব লোক কেমন হাঁ করে তাকিয়ে আছে।”

সত্যি তাই। একজন ভদ্র শিক্ষিত চেহারার মহিলা রাস্তার একটা ফেরিওয়ালাকে ডেকে অন্তরঙ্গ আলাপ করছে এ দৃশ্য কৌতূহল উদ্বেক না করে যায় না। যারা তাকাচ্ছে তাদের খুব দোষ দেওয়া চলে না।

কিন্তু ওদিক বলতে যা বোঝায় সেখানেও গৃহমুখী জনতার কমতি নেই। দাঁড়িয়ে বিশদ বিবরণ শুনতে গেলে কৌতূহলী দৃষ্টির অভাব হবে না। পারমিতা শশীকে নিয়ে তাড়াতাড়ি রাস্তার মোড়ে ইরানীর দোকানটায় ঢুকে পড়ল।

বোম্বের ইরাণীর দোকানগুলি মনিহারী ও রেস্টুরেন্ট মিলিয়ে আমেরিকান ড্রাগ স্টোরের পকেট এডিশান। সাবান, টুথপেস্ট, সিগারেট, সরিডন, ডেটং বিক্রি হয়, ডিম, পাউরুটি, মাখন গ্লাওয়া যক্ষ্ম, বসে চা, কফি, টোস্ট, স্ন্যাক্স খাওয়ারও ব্যবস্থা আছে। দেয়ালের দিকে একটা খালি টেবিল খুঁজে দু'জনে বসল।

এতক্ষণে পারমিতা তার সঙ্গীর দিকে ভালো করে তাকিয়ে দেখল। মাথার চুল প্রায় সবই সাদা, ক্লক। নিঃসন্দেহে অনেক কালই তেল বা চিরুণীর সম্পর্ক নেই। গাল চূপসে গেছে। চোখ দুটো যেন কোটির থেকে ঝেঁলে বেরিয়ে আসছে। গায়ের রঙটা রোদে পুড়ে পাংশু। পাজামা ও শার্টের উপরে জীর্ণ, বিবর্ণ ও মলিন একটা কোট পরেছে। তার পকেট দুটো ধূপকাঠিতে ঠাসা। অভাব, অস্বাস্থ্য, অনশন ও অর্ধাশনের ছাপ মিলিয়ে চেহারাটা এমন যে আসল বয়সটা আর বোঝার উপায় নেই। আজকের এই মর্ত্যমান অপরিচ্ছন্নতাকে সে একদিন—ভাবতেই পারমিতার মন বিরক্তি ও অনুশোচনায় সঙ্কুচিত হয়ে ওঠে।

শশীর মা-বাবার দেওয়া নাম শশাঙ্ক।

পারমিতার মতো সেও এতক্ষণ নির্বাক বসেছিল। কী কথা বলবে দু'জনের কেউ তা ভেবে পারছিল না। শশাঙ্কই সেই অস্বস্তিকর নিস্তব্ধতা ভেঙ্গে প্রায় স্বগতোক্তির মতো ধীরে ধীরে বলল, “শ্রী কো-ইনসিডেল। মনে পড়ে আমাদের প্রথম দেখা হয়েছিল এমনি অকস্মাৎ, এমনি একটা বাস-স্টপে।”

পারমিতা জবাব দিল না। কিন্তু নিজের মনে সায় না দিয়ে পারল না। আশ্চর্য ঘটনার মিলই বটে।

সে বছর পারমিতা রি-এ পরীক্ষা দেবে। প্রত্যহ চার্চ গোট থেকে ইলেকট্রিক ট্রেনে চেপে

কলেজের শেষে সে বাড়ি ফেরে। সে-দিন রেলের এক আচমকা ধর্মঘটে বিনা নোটিশে ট্রেন চলাচল বন্ধ হয়ে গেছে। তাই নিয়মিত ট্রেনযাত্রীরাও দলে দলে বাসের লাইনে জড় হচ্ছে। অন্য বহু বিব্রত যাত্রীর মতো সেও বাসের আশায় দাঁড়িয়ে আছে।

রাস্তা দিয়ে একটা ট্যাক্সি যাচ্ছিল। যাত্রীদের কিউর সামনে এসে থামল। একমাত্র আরোহী গাড়ির দরজা খুলে জানাল, দাদারের দিকে যাচ্ছে। দু'তিন জনকে লিফট দিতে প্রস্তুত। দু'দিন পরে পারমিতা কলেজ গেটের বাইরে এসে দেখে, সামনে দাঁড়িয়ে সেই পরোপকারী তরুণ,—গুড সামারিটান।

সে নমস্কার করে পারমিতার দিকে একটা বই এগিয়ে দিয়ে বলল, “আপনি সেদিন ট্যাক্সিতে ফেলে গিয়েছিলেন।”

বইটা দরকারী এবং দামী। কোথায় হারিয়েছে ভেবে ভেবে এতদিন পারমিতার মনে দৃষ্টিভ্রমের অবধি ছিল না। খুশি হয়ে বলল, “ভাগ্যিস আপনার চোখে পড়েছিল। নইলে ফিরে পাওয়ার আশা ছিল না। অনেক ধন্যবাদ।”

পারমিতার খেয়াল হল, বইটাতে শুধু তার নাম লেখা আছে। বাড়ির বা কলেজের ঠিকানা নেই। সে জিজ্ঞাসা করল, “আমাকে যে এখানে পাওয়া যাবে আপনি জানলেন কী করে?”

শশাঙ্ক মুখে চোখে কপট গান্ধীরের ভাব এনে বলল, “ডিডাকশান।”

পারমিতা বুঝতে না পেরে শশাঙ্কের মুখের দিকে জিজ্ঞাসু দৃষ্টিতে তাকাল।

শশাঙ্ক ব্যাখ্যা করল, “শার্লক হোমস্ পড়েন নি? বইটা হায়ার ইকনমিস্ট্রের টেক্সট, বি-এ ক্লাসে পড়ায়; সূত্রায় বই-এর মালিক পারমিতা দত্ত স্কুলের ছাত্রী হতে পারেন না। নিশ্চয়ই কলেজের। যে বাস-স্টপটায় সেদিন দাঁড়িয়েছিলেন সেখান থেকে এলফিনস্টোনই সব চেয়ে কাছে। তাই কোন কলেজ তা আঁচ করাও সহজ। এলিমেন্টারী, মাই ডিয়ার ওয়াটসন।”

শশাঙ্কের কথায় পারমিতা খিলখিল করে হেসেছিল।

সেদিন রেস্টুরেন্টে দু'জনে এমনি মুখোমুখি বসে চা খেয়েছিল। বাড়ি ফিরতে পারমিতার অনেক দেবী হয়েছিল।

সেদিনের শশাঙ্ক ছিল আলাপে নিপুণ, বুদ্ধিতে প্রবর, কৌতুকে কুশল।

হৃদয় যত নিকটে আসে, নাম তত ছোট হয়। সম্বোধন হয় সংক্ষিপ্ত। কবে কখন যে শশাঙ্ক শশী হয়েছিল এবং পারমিতার প্রথম অর্ধ ঘূঁচে গিয়ে বাকীটুকু এসে ঠেকেছিল শুধু ছোট্ট একটুখানি মিতায় তা আজ মনে আনাও কঠিন।

শশাঙ্ক জিজ্ঞাসা করল, “কেমন আছ? কোথায় আছ?”

উত্তরে পারমিতা শুধু একটু হাসল। এ সব প্রশ্ন শশাঙ্কের মুখে আজ যে কত অবাস্তব সে হাসিতে বোধহয় তারই ইঙ্গিত ছিল। তবু সে জিজ্ঞাসাটা অনেকক্ষণ ধরে তার মনের মধ্যে তোলপাড় করছিল তা দমন করা শশাঙ্কের পক্ষে অসম্ভব হল। খানিকটা ইতস্ততঃ করে বলল,, “আবার বিয়ে করেছ নিশ্চয়।”

“নেড়া বেলতলায় ক'বার যায়?” জবাবে পারমিতা বলল।

কিছুক্ষণ আবার দু'জনেই নীরব।

একটা দীর্ঘ নিশ্বাস ফেলে শশাঙ্ক বলল, “আমি বলছি নে যে তোমার দিক দিয়ে কোনো অন্যায় হয়েছে। তবু মাঝে মাঝে মনে হয়, তুমি যদি চলে না যেতে তবে সব কিছু এমন অতলে ভলিয়ে যেত না।”

পারমিতা বলল, “এদেশে সব পুরুষ-মানুষেরই ঐ কথা। আমার বাবারও ছিল তাই নিয়ে রাগ। বলেছিলেন, ব্যাটা ছেলেদের অমন একটু দোষ ক্রটি নিয়ে ছুট করে কোর্টে ছুটবার কোনো মানে হয় না। কিছু দিন সয়ে থাকলে আপনি সব শুধরে যায়।”

শশাঙ্ক সে তর্কে যোগ দিতে চায় না। বলল, “মিতা, আমার মা বলতেন, দাঁত খোয়াবার আগে কেউ দাঁতের মর্ম বোঝে না। তোমার অভাবেই আমি তোমার আসল মূল্য বুঝছি।”

ধূপকাঠি-গছাবার মতো এও নিশ্চয় সেলসম্যানশিপেরই একটা ট্রিক। মন গলাবার চতুর কৌশল!

পারমিতা শক্ত হয়ে বলল, “ইংরেজী টু লেইট কথাটার মানে জানো বোধহয়।” তার স্বরে রূঢ়তার ঈষৎ আভাসটুকু শশাঙ্কের মনোযোগ এড়াল না।

সে বলল, “বিশ্বাস কর, তোমার করুণা কুড়োবার চেষ্টা করছি নে। শুধু নিজের জমা-খরচের যোগ-বিয়োগ তলিয়ে দেখছি। জানো, দু’বার জেল খাটা হয়ে গেছে?”

এতখানি পারমিতাও ভাবতে পারে নি। সে বিষয়ে শশাঙ্কের মুখের দিকে তাকিয়ে রইল।

শশাঙ্কের জেলে যাওয়ার বৃত্তান্ত সংক্ষেপে তারই জবাবীতে জানা গেল।

যে গোয়ানীজ নার্সকে নিয়ে সর্বনাশের শুরু তার বড়মানুষের সখটা যেমন ছিল প্রচণ্ড, কাণ্ডজ্ঞানের মাত্রাটা ছিল তেমনই কম। এবং রাগারাগি, চোচামিটিতে জীবন দুর্বিসহ করার ক্ষমতাটা ছিল অসাধারণ। ফলে শশাঙ্ক দেনার দায়ে আকণ্ঠ ডুবে ছিল। অবশেষে নিরুপায় হয়ে একদিন আপিসের ক্যাশ ভেঙে বসল।

টাকার অকটা মারাত্মক নয়। ভেবেছিল মাসের মাইনে পেলে পূরণ করে দেবে।

কপাল মন্দ। আপিসে নতুন ম্যানেজার এসেছিলেন। হিসাব পরীক্ষায় ধবা পড়ে গেল।

বহুখানেক ব্যাপী ফৌজদারী মামলায় উকীলের দক্ষিণা আমলা মুহুরীর উপরি যুগিয়ে যখন আক্ষরিক অর্থেই কপর্দকহীন, তখন হাকিম রায় দিলেন। তিন মাসের সশ্রম কারাদণ্ড।

একবার জেলখানার ফটক দিয়ে বেরিয়ে এলে পরে কোনো সস্ত্রাস্ত্র আপিসের দরজা দিয়ে ঢোকায় আর উপায় থাকে না। তাই অন্য নাম নিয়ে মহাজনের আড়তে খাতা লেখার কাজ নিয়েছিল। কিন্তু বৃষ্টি ভেজা পাহাড়ী পথে পা পিছলোবার মতো ভাগ্য একবার গড়াতে শুরু করলে একেবারে খাদের শেষে না গিয়ে থামে না। মেসের এক বাসিন্দার বাস্র থেকে টাকা চুরি হয়েছিল। পুলিশ এসে জেরা করতেই বেরিয়ে পড়ল জেলের খাতায় শশাঙ্কের দাগ আছে। নাম ভাঁড়ানো একটা অতিরিক্ত অপরাধ। সুতরাং চুরি না করেও চুরির দায়ে কয়েদ। ফৌজদারী দণ্ডবিধির দু’তিনটে ধারা মিলিয়ে এবারে মিয়াদ চার মাস।

এর পরে আবার নতুন চাকুরি খুঁজতে যাওয়া নিরর্থক। জন্ম ও শিক্ষায় সে ভদ্র সন্তান। গায়ে মজুরের জোর নেই। তাই দিনমজুরি করে দিন চলে না। পর পর এটা ওটা অনেক কিছুতে হাত দিয়েছে যার কোনোটাই লাগে নি বা টেকে নি। বর্তমান পেশাতো পারমিতা স্বচক্ষেই দেখেছে।

শশাঙ্কের কাহিনী শুনে অনেকক্ষণ পারমিতার মুখে কোনো কথা যোগাল না। তারপরে বলল, “শশী, তুমি তো এককালে গল্প লিখতে। ম্যাগাজীনে কয়েকটা ছাপাও হয়েছিল। তাই চেষ্টা কর না কেন? আজকালতো শুনি কাগজওয়ালারা টাকা-কড়ি দেয়।”

“তা সেয়। কিন্তু—” শশাঙ্ক বলতে যাচ্ছিল।

পারমিতা বাধা দিয়ে বলল, “কিন্তু কী? সম্পাদকেরা তো লেখা ছাপতে গিয়ে লেখকের পুলিশ রিপোর্ট খোঁজেন না।”

শশাঙ্ক মৃদু হেসে বলল, “না, তা খোঁজেন না। তবে পেটে অন্ন আর মাথায় ছাদ না থাকলে কলম দিয়ে লেখা বোরোয় কি?”

এ প্রশ্নের জবাব পারমিতার জানা নেই।

দোকান থেকে বেরিয়ে দু’জনে বাস-স্টপে ফিরে গেল। ততক্ষণে যাত্রীর চাপ কমেছে। পারমিতার বাস আসতেও দেয়ী হল না।

শশাঙ্ক পথচারীদের কাছে আবার যথারীতি তার আগরবাতির সওদা নিয়ে হাজির হল।

ভীড়ের মধ্য থেকে ইঠাৎ একটা আর্তনাদ শোনা গেল। “মেরী জেব কাট গয়ী। পাঁচশ রূপায়ে গায়েব হো গয়া।”

মুহূর্তে চতুর্দিকে হৈ হৈ রৈ রৈ পড়ে গেল। শশাঙ্কের পাশ দিয়ে দু’তিনটে লোক ছুটে পালাল। কয়েকজন “চোর, চোর পাকড়ো” শব্দে তাদের ধাওয়া করতে গিয়ে শশাঙ্ককে এমন ধাক্কা দিল যে সে তাল সামলাতে পারল না। ছিটকে ফুটপাথের উপরে পড়ে গেল। গণ্ডগোলে কে চোর আর সে সাধু সে তারতম্যের কারো জ্ঞান থাকে না। যে লোকটা আছাড় খেয়ে পড়েছে সে আসামী হতে পারেনা কি? কয়েকজন তাকে জাপটে ধরল। কিল, চড়, ঘুবি বাকী রইল না। কয়েক মিনিটের মধ্যে রাস্তার একটা কনস্টেবলও এসে গেল।

জামা কাপড় তন্নাসিতে পাওয়া গেল বাড়িল ঝাঝ ধূপকাঠির প্যাকেট। গোটা কয়েক বিড়ি, দুটো টাকা ও কিছু খুচরা পয়সা। কোটের ভিতরের পকেটে হাত দিতে বেরুল,—এ কী, একটা আনকোরা একশ' টাকার নোট! বিস্মিত হতবাক শশাঙ্ক ফ্যাল ফ্যাল করে তাকিয়ে রইল। ক্রুদ্ধ জনতার উদাত প্রব্লেয় সে কোনো জবাব দিতে পারল না।

থানা পুলিশ শশাঙ্কের কাছে কিছু নতুন নয়। সেখানে তার মনের মধ্যে গত কয়েক ঘণ্টার ঘটনাগুলি ঝড়ের তাড়ায় সমুদ্রতরঙ্গের মতো আলোড়িত হতে লাগল। টেলিভিশান স্ক্রীনে এ্যাকশান থ্রিলে ছবির মতো পারমিতার কথাবার্তা, মুখের হাসিটি, চলার ভঙ্গিটুকু সে নিজের মনের পর্দায় বার বার উল্টে-পাল্টে খুঁটিয়ে দেখল।

বিগত বারো বছরে পারমিতার কোনো খবর সে পায় নি। সে কোথায় থাকে, কী করে, আজও তা কিছুই জানা গেল না।

পারমিতা বিশেষ বদলায় নি। শশাঙ্কের তাই মনে হয়। সে আজও তব্বী, আজও সুদর্শনা। বয়স ও অভিজ্ঞতা তার মুখে চোখে পরিণত বুদ্ধির চিহ্নকে যেন আরও স্পষ্ট করে তুলেছে। সে আগের মতোই আত্মসম্মানে অটল, আচরণে সংযত, দাক্ষিণ্যে উদার—। তাইতো, তার চিন্তার খেই ধরে হঠাৎ তার কাছে এক অজ্ঞাত তথ্যের দ্যুর খুলে গেল। সে নড়ে-চড়ে ঝাড়া হয়ে বসল।

মনে পড়ল, ইরানীর দোকান থেকে বেরোবার আগে সে ওয়াস-বেসিনে মুখ ধুতে গিয়েছিল। গায়ের কোটটা খুলে রেখেছিল পারমিতার পাশের চেয়ারটার হাতলে। একশ' টাকার নোটটার উৎস যে কোথায় ও কী করে যে তার পকেটে ঢুকেছে সে রহস্য আর অজানা রইল না।

অনেক ঘা খেয়ে শশাঙ্কের হৃদয়ের সূক্ষ্ম অনুভূতির সামান্যই অবশিষ্ট ছিল। তবু এই মুহূর্তে এক অব্যক্ত আবেগে তার চোখ ছলছলিয়ে উঠল। সর্বাস্তবরূপে সে পারমিতার কল্যাণ কামনা করল। নিজের মনে বারবার বলতে লাগল, “মিতা, তুমি ভালো থাক, তুমি সুখী হও।”

ইনস্পেক্টর সাহেবেব গুরু গর্জনে শশাঙ্কের ভাবালুতার জাল নিমেষে ছিন্নভিন্ন হয়ে গেল। পকেটমারকে কাল সকালে ম্যাজিস্ট্রেটের কোর্টে দাখিল করতে হবে। আজ রাতে শালাকো হাবলাত মে ডালো। তিনি থানার হাবিলদারকে হুকুম দিলেন।

চরণাগত

মিস্টার সোমেশ্বর হালদার মেকানীক্যাল ইঞ্জিনিয়ার। বিলাতী ডিগ্রী আছে। গ্লাসগো ইউনিভার্সিটির গ্র্যাজুয়েট। ফার্স্ট ক্লাস অনার্স নিয়ে পাশ করেছেন। কিছুকাল স্টুয়ার্ট এ্যান্ড লয়েডস-এর এক্সিকিউটিভ র‍্যাঙ্কে ছিলেন। দেশে ফিরতেই বড় চাকুরি জুটেছে।

হালদার সাহেবের দক্ষতার সুনাম আছে। উপরওয়ালারা তাঁকে যথেষ্ট পছন্দ করেন। জন চারেক সিনিয়রকে ডিঙিয়ে পর পর গোটা দুই প্রমোশনে তার প্রমাণ।

কিন্তু আপিসের বাইরে বাঙালী সমাজে তাঁকে সবাই বলে হেনপেকড-হাসব্যান্ড, সহজ বাংলা কথায় স্ত্রৈণ।

অফিসারস ক্লাবে বন্ধুরা ঠাট্টা করেন, “ঘরের গিন্নীকে সবাই মেনে চলে। কিন্তু হালদার দাঁর মতো এমনটি আর দেখি নি। সর্বদাই বউদির শ্রীচরণেশু।”

মহিলা সমিতির মেয়েরা বলাবলি করেন, “মস্ত কপাল করে বর পেয়েছে বটে দীপাঙ্ঘিতা। উঠতে বললে ওঠেন, বসতে বললে বসেন। আমাদের কর্তাদের তো ভাই কথা এক কান দিয়ে ঢোকে, অন্য কান দিয়ে বেরিয়ে যায়।”

যারা বেশী প্রগলভা তাঁরা আরও রং চড়িয়ে বলেন, দীপাঙ্ঘিতা আকাশের চাঁদ চাইলে সোমেশ্বর নাকি তক্ষুণি মই কাঁধে নিয়ে বাইরে ছোটেন।

সোমেশ্বরের সেল অব হিউমার আছে। রাগ করেন না। বরং হেসে বলেন, “সংসারে পুরুষ মানুষ হয়ে জন্মেছে কি অমনি দাসত্বটা পাকা। স্থুলে পণ্ডিতমশাই চাণক্য শ্লোক শুনিয়েছিলেন। অনুষ্ঠান, বিসর্গগুলি বাদ দিলে তার মানেটা দাঁড়ায় এই যে, জগতে মেয়েরা সারাজীবনই কোনো না কোনো পুরুষের অধীন থাকে। বুড়ো চাণক্যর আমলে উইমেনস লীব ছিল না। এখন সবই বিপরীত। তাই হেলেবেলায় ছিলাম মায়ের শাসনে, যৌবনে মানছি জীর হুকুম, বার্ধক্যে থাকব মেয়ে বা বৌমার তাঁবেদারিতে। এ যুগে মেয়েরা নয়, পুরুষেরাই ন স্বাতন্ত্র্য অর্হতি।”

আমার সঙ্গে সোমেশ্বরের পরিচয় অন্দরের মারফতে। কথটা বোঝাতে কাহিনীটা গোড়া থেকেই বলতে হয়।

অনেক দিন আগেকার ঘটনা। সদ্য কলেজের পাট শেষ হয়েছে। কজি-রোজগারের চেষ্টায় এখানে ওখানে ঘোরাফেরা করছি। এমন সময়ে হঠাৎ একদিন বিয়ে হয়ে গেল। প্রেমে পড়ে নয়। বিবাহ সনাতনী এ্যারেঞ্জড ম্যারেজ। দু’পক্ষের মা-বাবার উদ্যোগে দিনক্ষণ মেনে শুভ বিবাহ।

শ্বশুরমশায় নামজাদা এডভোকেট। যেমন আইনের দখল তেমনি আয়ের পরিমাণ,—বার লাইব্রেরীতে ঈর্ষাকাতর আলোচনার বিষয়। চার পাঁচটা মালটি-ন্যাশন্যাল কোম্পানীর রিটেইনার। কনস্টিটিউশান ঘটিত শক্ত মামলা বা রীটের কেস লড়তে ঘন ঘন গভর্নমেন্ট থেকে ডাক আসে। উল্লেখ ফিজের উন্নীত পাঁচিল ডিঙিয়ে মক্কেলেরা ভীড় জমায়।

দুর্ভাগ্যক্রমে ভদ্রলোক অপুত্রক। বয়স পঞ্চাশের কাছাকাছি। ইউনিভার্সিটিতে ল’পবীক্ষার রেসাল্ট ঝুটিয়ে একমাত্র কন্যার বর এনেছেন। আশা ছিল, জামাইকে জুনিয়র কবে নেবেন। বর্তমানে সালঙ্কারা কন্যার মতো ভবিষ্যতে নিজের পসারটাও তার হাতে তুলে দেবেন।

তার জানা ছিল না যে, একালের ছেলেদের মতিগতি আলাদা। রুঢ়তা বাঁচিয়ে ইশারা ইঙ্গিতে বুঝিয়ে দিলেম, স্টীমারের পিছনে গাধাবোট হয়ে যে চলতে চায় চলুক। আমাকে দিয়ে ঐ কার্যটি নৈব নৈব চ। জুনিয়র মানে তো শ্বশুরের কাঁধে চড়ে জজের এজলাসে ঢোকা। ঘর-জামাই-এর বদলে ঘাড়-জামাই। রাম বল।

শিরোহীগড়ে একটা সরকারী স্টীল কোম্পানীতে ল’অফিসারের চাকুরি খালি ছিল। বিজ্ঞাপন দেখে দরখাস্ত পাঠিয়ে দিলাম। ভাবলাম, আপাততঃ কিছুদিন বাঁধা মাইনের নিরাপত্তায় অভিজ্ঞতা সম্বল করে নেওয়া যাক। পরে সুপ্রীম কোর্টে কোম্পানী গ্র্যান্ট ও প্রমিক আইনের মামলা বুঝতে কাজে লাগবে।

ভাগ্য প্রসন্ন। এ্যাপয়েন্টমেন্ট লেটার এসে গেল। তাড়াতাড়ি বাস্তব বিছানা বাঁধাছাঁদ শুরু করলেম।

শ্যামলীর মা রাগ করে বললেন, বন বাদাড়ে যেতে হয় জামাই একা যাক। সেখানে মেয়ে পাঠাবেন না।

বাবাও খুশি হলেন না। তবে তিনি পুরুষমানুষ। মনের অসন্তোষ চেপে রাখতে জানেন। বললেন, জামাই আগে সেখানে বাড়িঘর যোগাড় করুক নইলে বউ নিয়ে গিয়ে তুলবে কোথায়?

সূতরাং শিরোহীগড়ে একাই আসতে হল।

বৃহৎ পাবলিক সেক্টর আন্ডার টেকিং—সরকারী শিল্পোদ্যোগ-কেন্দ্র করে আজকাল যে বিশেষ ধাঁচের শহর গড়ে উঠছে সেখানে বাসস্থানের সমস্যাটা তেমন কঠিন নয়। ছোট, বড়, মাঝারি প্রায় সবাইই জন্য মোটামুটি মাথা ঠুজবার একটা ব্যবস্থা সেখানে আগেভাগেই করা থাকে। শিরোহীগড়ে আমাকে হন্যে হয়ে বাড়ি ঝুঁজে বেড়াতে হয় নি। তবুও মন কষাকষি, মান অভিমানের জের মিটিয়ে এবং পাজিতে ‘যাত্রাশুভ’ মিলিয়ে শ্যামলী দু’মাসের আগে এসে পৌঁছতে পারল না।

স্টেশানে আমাকে দেখা ম্যুন্ডাই শ্যামলী বলল, “এই, তোমার সঙ্গে দীপাদির আলাপ করিয়ে দিচ্ছি। উনি না থাকলে আমাকে হয়তো মাঝপথে গাড়ি থেকেই নামিয়ে দিত—”।

যাঁর সঙ্গে আলাপ করিয়ে দেওয়া হচ্ছিল তিনি বাধা দিয়ে বললেন, “সে গল্প পরে হবে। আগে জিনিসপত্রগুলি নামানো দরকার। গাড়ি এখানে বেশীক্ষণ দাঁড়ায় না।”

কথাটা ঠিক। মোটামুট নেহাৎ কম নয়। বিয়ের পরে প্রথম সংসার পাততে গেলে অনেক কিছু দরকার হয়। বিদেশি বিড়ুই, কী পাওয়া যায় আর কী পাওয়া যায় না ভেবে শ্যামলীর মা এটা ওটা খুঁটনাটি কত কী যে মেয়ের সঙ্গে দিয়েছেন তার ইয়ত্তা নেই। সুটকেস, বেতের খুরি, কাচের বাসন, আচারের বসেম, বিয়ের বোতল, মশলার কৌটা—গুণে শেষ করা দায়। কোনোটা সীটের তলায়, কোনোটা জানালার নীচে।

মহিলা নিজেই তাড়াতাড়ি টয়লেট কেস, টিফিন ক্যারিয়ার, জলের ফ্লাস্ক—ছোটখাটো জিনিস গুলি ও আমার হাতে এগিয়ে দিলেন।

শীতাতপ নিয়ন্ত্রিত বিদেশী ফার্মহাউসে বর্ষিত নরম অর্কিডের মতো শ্যামলী ছোটবেলা থেকেই অতিরিক্ত রক্ষণাবেক্ষণে মানুষ। বি-এ পাশ করেছে বটে, বাইরের জগতে চলাফেরায় এখনও আত্মপ্রত্যয়ের অভাব আছে। সে বাড়ির মোটর গাড়িতে কলেজে গেছে, দিদি বউদিদের সঙ্গে দোকানে শাড়ি কিনেছে, পূজার ছুটিতে দেওঘর, গিরিডি বা আগ্রা জয়পুর বেড়াতে গেছে মা-বাবার ওত্থাবধানে। একা ট্রেনযাত্রা এই প্রথম।

স্বভাবতঃই শ্যামলীর মনে একটা নাভার্সনেস, ভীতির ভাব ছিল। হাওড়া স্টেশানে বিদায় পর্বে মা-মেয়ের কান্নাকাটি, কুলির ঠেলাঠেলি, যাত্রীর ভীড়ের মধ্যে কখন যে টিকেটটি হারিয়ে বসে আছে সে খেয়াল হয় নি। চলন্ত ট্রেনে টিকেট চেকার এসে যখন টিকেট দেখতে চাইলেন, তখন হাতের ব্যাগ, টাকা কড়ির পার্সে, কোথাও তার হদিস পাওয়া গেল না।

কী হবে এখন? ভয়ে শ্যামলীর মুখ শুকিয়ে গেল।

টিকেট চেকারবাবু ভাবলেন দু'পয়সা হাতিয়ে নেওয়ার একটা মওকা পাওয়া গেছে। তিনি বিনা টিকেটে যাত্রীর শাস্তি সম্পর্কে বাড়িয়ে ফাঁপিয়ে নানা কথা বলে শ্যামলীকে এমন বাবড়ে দিলেন যে, তার প্রায় কান্না এসে গেল।

ট্রেনের কামবার উপটো দিকের বার্থে একটি মহিলা এতক্ষণ একখানা ইংরেজী সিনেমা-ম্যাগাজিন হাতে নিয়ে চিত্রতারকাদের ছবি দেখছিলেন। বোধহয় কথাবার্তার অংশ তাঁর কানে গিয়েছিল। তিনি কাছে এসে বললেন, “এত ভয় পাচ্ছেন কেন? ভালো করে খুঁজে দেখুন, টিকিটটা নিশ্চয়ই আছে কোনোখানে।”

মহিলা নিজেই বিছানাটা তুলে ঝাড়লেন। উঠ জ্বলে বেঞ্চির নীচে দেখলেন। শ্যামলীর হ্যান্ড ব্যাগের জীপারটা খুলে চিকুনী, লীপস্টিক, কম্প্যাক্ট, ক্রমাল ও প্রসাধনের অন্যান্য উপকরণ টেনে বার করলেন। একটা ছোট কাগজ হাতে ঠেকতেই তুলে নিয়ে বললেন, “এটা কী? লাগেজের রসিদ দেখছি।”

“হ্যাঁ, বড় দুটো ট্র্যাক্স, বিছানার হোল্ডল ও প্যাকিং কেসে রান্নাবি রান্না জিনিসপত্র লাগেজ-ভ্যানে দেওয়া হয়েছে।” শ্যামলী জানাল।

ভদ্রমহিলা আশ্বাস দিয়ে বললেন, “তবে আর ভাবনা কিসের? এই রসিদেই তো টিকিটের নম্বর, তারিখ ও স্টেশানের নাম লেখা আছে।”

কৃতজ্ঞা শ্যামলী বার বার মহিলাকে ধন্যবাদ দিতে লাগল, “ভাগ্যিস আপনি ছিলেন। নইলে কী জানি কী দুর্গতি ঘটত। আমার তো রসিদটার কথা মনেই ছিল না। তাতে যে টিকিটের উল্লেখ থাকে তাও জানতেন না।”

পরিচয় আদান প্রদানে জানা গেল, দু'জনেরই গড়বাস্থল এক। মহিলার স্বামীও শিরোহীগড় স্টীল প্ল্যান্টেই কাজ করেন, বললেন। তিনি নিজে ছোট ভাই-এর বিয়েতে বাড়ি গিয়েছিলেন। ইচ্ছা ছিল কিছু দিন থেকে আসবেন। কিন্তু তার কি জো আছে? স্বামীর কাছ থেকে দু'দিন অন্তর চিঠি, ফিরে যাওয়ার জন্য তাগিদের পর তাগিদ।

অল্পকণের আলাপেই দুই সহযাত্রীণীর ভাব হয়ে গেল। মহিলা শ্যামলীর হাতে স্নেহভরে চাপ দিয়ে নিকট আত্মীয়তার স্বরে বললেন, “তোমাকে আর ‘আপনি’ বলছি, বয়সে তুমি আমার চেয়ে অনেক ছোট হবে। দীপাঙ্ঘিতা নামটা গালভরা। তাই বাড়িতে সবাই আমাকে দীপা বলে ডাকে। তুমি না হয় তার সঙ্গে একটা দিদি যোগ করে দিও।”

মহিলা তাঁর স্বামীর নাম ও ঠিকানা লিখে দিয়েছিলেন। পরদিন সকালে সতীক ‘কল’ করতে

গেলেন।

মাত্র দু'মাস এখানে এসেছি। স্ত্রী এতদিন আসেন নি। সময় অভাবে আগে এসে পরিচয় করা হয় নি বলে ক্ষমা প্রার্থনা করলেম।

গৃহস্থানী মহাসমাদরে অভ্যর্থনা করলেন।

মানুষটি রসিক। কথায় কথায় হাসাতে পারেন। খেলাধুলা, গানবাজনা, থিয়েটার, সিনেমা সব কিছুতেই আগ্রহ আছে। প্রাণরসে উজ্জ্বল। ইংরেজীতে যাকে বলে ফুল অব লাইফ।

শ্যামলীর সঙ্গে আলাপ হতেই বোন সম্পর্ক পাতিয়ে ফেললেন। আমাকে লক্ষ্য করে বললেন, “মিস্টার হালদার বা সোমেশ্বরবাবু হয়ে থাকলে এক পেয়ালা চা বা কফির বেশী জুটবে না। তাই দাদা হয়ে আগেভাগে ভুরি ভোজটা পাকা করে রাখলেম। এল তিথি দ্বিতীয়া, ভাই গেল জিতিয়া, ধরিল পারুলদিদি হাতা, বেড়ি, খুন্সি। কবিতুর কবিতাটা মনে আছে তো, ভকীল সাহেব?”

হেসে জবাব দিলাম, “কিন্তু দীপাদির স্বামী হয়ে সম্পর্কটায় যে গোড়াতেই অন্য লেবেল আঁটা হয়ে আছে।”

সোমেশ্বর কপট ভ্রাসের স্বরে বাধা দিয়ে বললেন, “ক্ষেপেছেন মশাই? খুড়তুতো, পিসতুতো, মাসতুতো মিলিয়ে ডজন খানেক শ্যালিকার হাতে বাসর ঘরে যে নাকাল হয়েছিলে মনে পড়লে এখনও হৃদকম্প হয়। বাপরে, যেচে পড়ে সে সংখ্যা আর বাড়তে আছে?”

সরকারী অথবা আধা সরকারী টাউনশিপে মাইনের মাশে বাড়ির রকম-ফের ঘটে। আমাদের কোয়ার্টারটি বাংলা ধরনের। খুব বড় না হলেও দু'জনের ছোট পরিবারের পক্ষে যথেষ্ট। শুধু সাজিয়ে শুছিয়ে নেওয়ার অপেক্ষা। সে কাজে শ্যামলী নিতান্তই আনাড়ি। আমি এতখানি বয়সের বেশীটাই স্থূল, কলেজের হোস্টেলে কাটিয়েছি। আমার অভিজ্ঞতা আরও অল্প। পদে পদে এই সহজদম্পতীর সাহায্য না পেলে আমাদের দু'জনের পক্ষে কিছু সহজ হত না।

শ্যামলীর বাবা জামাইকে বিয়েতে ফার্ণিচার দিতে কসুর করেন নি। কিন্তু সেগুলি কলকাতা থেকে রেলের ওয়াগন ভর্তি হয়ে এখানে এসে পৌঁছনো সময় সাপেক্ষ। ততদিন খাওয়া, বসা, শোয়ার জন্য ভদ্রগোছের একটা সাময়িক ব্যবস্থা চাই। টাউনশিপের বাড়ি ঘর, পথ, পার্ক, বাস্তার আলো, কলের জল ইত্যাদি তদারকের জন্য স্টীল প্রজেক্টের যে একটা আলাদা আপিস আছে এবং সেখানে যে কর্মচারীদের জন্য খাট টেবিল, চেয়ার ভাড়া পাওয়া যায় সে খবর সোমেশ্বরের কাছেই পেলেম।

ড্রয়িং রুমে বড় ট্যাক দু'টোর ওপরে পুরু কব্বল বিছিয়ে সুদৃশ্য বেডকভার চাপা দিলেই যে দিবা ভিভানের কাজ চলে যায় দীপাদিই শ্যামলীকে শিখিয়ে দিলেন।

শিরোহীগড়ে কোন দোকানে ভাল দার্জিলিঙ চা পাওয়া যায়, কোথায় মিলে খাটি সরষেব তেল বা গুড়ো মশলা, কিচেন গার্ডেনে কখন চ্যাডসের বীজ বুনতে হবে কখন বা দিতে হবে বেগুনের চারায় ফাটলাইজার,—সমস্ত গার্হস্থ্য সমস্যায় তাঁরা দু'জনে আমাদের অনারারী কনসাল্টেন্ট, নিঃস্বার্থ উপদেষ্টা।

দুই পরিবারের বাস শহরের আলাদা দুই সেক্টারে। তাতে ঘন ঘন দেখাসাক্ষাতে বাধা নেই। বিকালে সন্ধ্যায় মেলামেশার গল্পগুজবে হৃদয়তা ঘনিষ্ঠ হতে বিলম্ব ঘটে নি।

দু'দিনেই বুঝতে পারলাম, পরিচিত মহলে সোমেশ্বরের পত্নীপ্রাণ উপাধিটা অহেতুক নয়। শরৎচন্দ্রের সাবিত্রী মেসের অন্য সব কাজের মধ্যে সর্বকণ তার একটি চোখ রাখত সতীশের সুখ সুবিধার প্রতি। সোমেশ্বর তাঁর দু'টি চোখই রাখেন দীপাঙ্ঘিতার দিকে।

স্ত্রী সরু চালের ভাত পছন্দ করেন। তাই সোমেশ্বর প্রতিমাসে ষোল মাইল গাড়ি চালিয়ে জেলাশহর থেকে দেবাদুনের বাসমতি কিনে আনেন। কলকাতা থেকে শোস্ট পার্সেলে আনেন ঝালের বড়ি বা পাটালি গুড়। শীতে গীসার ও গ্রীষ্মে কুলার, দু'টাই আরামের, যদিও ব্যয়বহুল। কিন্তু স্ত্রীর সুখ-স্বচ্ছন্দ্যের ব্যাপারে টাকাটা সোমেশ্বরের বিবেচনার বাইরে।

আপিসের শেষে সোমেশ্বরের সহকর্মীরা ক্লাবে যান, ব্রিজ খেলেন, কিম্বা স্ট্রীক বন্ধুবান্ধবের বাড়ি গিয়ে আড্ডা জমান। সোমেশ্বর বাড়ি ফিরে চায়ের পেয়ালা নিয়ে বসে দীপাঙ্ঘিতার সঙ্গে গল্প

করেন। দু'জনে স্মিট্রিওতে লং-প্লেয়িং রেকর্ড বাজিয়ে শোনেন, গাড়ি নিয়ে খামোখা মাইল কয়েক ঘুরে আসেন, নয়তো সারি সারি ইউক্যালীপটাসের ছায়াঢাকা সড়ক দিয়ে নির্জন সন্ধ্যায় হাত ধরাধরি করে পায়ে হেঁটে খানিকটা বেড়িয়ে ফেরেন।

যতক্ষণ বাড়িতে আছেন, ফুলের পাশে মৌমাছির মতো সোমেশ্বর দীপাঙ্ঘিতাকে ঘিরে থাকেন। এ ঘর থেকে ওঘর গেলেই ডাকাডাকি। দীপু, আমার চশমাটা কোথায়? দীপু, আমার আপিসের চাবিটা ঝুঁজে পাচ্ছিনে? দীপু, দেখোতো টাইটা সুটের সঙ্গে ঠিক যাচ্ছে কিনা। দীপু, দীপু, আর দীপু।

দীপাঙ্ঘিতাকে বার বার হাতের কাজ ফেলে ছুটে আসতে হয়। মাঝে মাঝে তিনি রাগ করে বলেন, “আঃ, তোমার হাঁকডাকের জ্বলায় আমার উনুনে দুধ উথলে পড়ে যাচ্ছে, কড়ায় কপির ডালনা পুড়ে থাক হচ্ছে।”

তা হোক। সোমেশ্বরের তাতে কিছুই আসে যায় না। দীপাঙ্ঘিতার রাগেরও কতখানি যথার্থ আর কতখানি ভান তা বলা দুঃসাধ্য।

শুধু একটি মাত্র বৃহৎ শিল্পভিত্তিক যে শহর তার সামাজিক জীবনের একটা আলাদা চেহারা আছে। দিল্লী, বম্বের মতো আধুনিক বা বারানসী বা মাদুরাইর মতো প্রাচীন নগর-নগরীর সঙ্গে তা মিলে না। শীতের দিনে চিড়িয়াখানার ঝিলে দূর দূরান্ত থেকে উড়ে-আসা মাইগ্রেন্টারী পক্ষীপালের মতো সেখানে চাকুরির তাগিদে নানা প্রান্ত থেকে লোক আসে। স্বজন স্বদেশ থেকে বিচ্ছিন্ন বলেই ভাষার গম্ভীর ধরে তাদের মধ্যে সহজে একটা সৌহার্দ্য গড়ে ওঠে। শিরোহীগড়ে সোমেশ্বর সে স্বাভাবিক নিয়মের ব্যতিক্রম। তিনি তাঁর স্ত্রী নিয়েই মগ্ন।

বাইরে ঘনিষ্ঠতার জন্য ব্যস্ত নন। একমাত্র শ্যামলী ও আমি ছাড়া এই ইম্পাত নগরীতে আব কেউ হালদারের অন্তরঙ্গের পর্যায়ে পড়ে না।

শিরোহীগড়ে একটা সিনেমা হল আছে। ফুটবল টিম, ছেলে-মেয়েদের স্কুল, হাসপাতাল, লাইব্রেরীর মতো সেটাও স্টীল প্রজেক্টের শ্রমিক কল্যাণসূচীর একটা অংশ। পুরোপুরি না হলেও বেশীটা সরকারী অর্থ সাহায্যে প্রতিষ্ঠিত এবং পরিচালিত। সুতবাং সাধারণ রুটির দিকে লক্ষ্য রেখে প্রায় সারা বছরই সেখান বাজাবচলতি হিন্দী ছবি দেখান হয়। মহাবৎ কী আসু, টোদ্দিন কা চাঁদ, সতেলী বহিন ইত্যাদি, ইত্যাদি। কচিং কদাচিং দু'চাবটে ইংবেজী ছবি আসে। বাংলা ভাব চেয়েও কম। তখন শহরের সীমিত বাঙালী জনসংখ্যার কেউ আব দেখতে ছাড়ে না বললেই হয় সম্প্রতি একটা নামকরা বাংলা ফিল্ম এসেছে।

শনিবারে ম্যাটিনী শোর চারখানা টিকেট কিনেছিলেম। কথা ছিল সোমেশ্বরের বাড়ি হয়ে তাঁদের দু'জনকে তুলে নিয়ে যাব। যথাসময়ে সেখানে গিয়ে দেখি, তারা কেউ তৈরী হন নি।

সোমেশ্বর জানালেন, তাঁদের সিনেমা দেখা বাতিল। দীপাঙ্ঘিতা অসুস্থ।

দীপাঙ্ঘিতা কুণ্ঠিত স্বরে প্রতিবাদ করলেন, তাঁর কিছুই হয় নি। সামান্য মাথা ব্যথা। একটা এন্টিব্রিনের বড়ি খেয়ে অনায়াসে ছবি দেখতে যেতে পারেন।

সোমেশ্বরের ধারণা ঠিক তার উল্টো। মাথা ব্যথা নিয়ে বন্ধ সিনেমা হলে ঠায় তিন ঘন্টা বসে থাকার ধকল কি একটুখানি? তাতে শরীর আরও বেশী অসুস্থ হবে না?

টিকিট যখন কেনা হয়েছে তখন তিনি যদি না যান অন্ততঃ সোমেশ্বর আমাদের সঙ্গে সিনেমা দেখে আসুন, গিল্লী পীড়াপীড়ি করলেন।

“ক্ষেপেছ?” বলে কর্তা তা এক কথায় নাকচ করে দিলেন। ভাবখানা এই যে, প্রস্তুততা এমনই অবাস্তব যে সে সম্পর্কে আর কোনো আলোচনা অনাবশ্যক।

শহরের মাইল দশেক দূরে পাহাড়ের গায়ে শুষ্ক লেকের ধারে ক্লাবের বাৎসরিক স্পোর্টসম্যানস্‌ ব্যবস্থা হয়েছে। ছেলেমেয়ে এবং মিস্টার ও মিসেস মিলে আমাদের দলটা নেহাৎ ছোট নয়। আকাশে মেঘ জমে হালকা এক পশলা বৃষ্টি হয়ে গেল। জোবে কনকনে হাওয়া বইতে লাগল।

অক্টোবরের শেষ। এ সময়ে আচমকা বর্ষাণের জন্য কেউ প্রস্তুত ছিলেন না। বাচ্চাদের গবম জামা কাপড় আনা হয় নি। মায়েরা ঝুঁ ঝুঁ করতে লাগলেন।

সবচেয়ে বেশী উদ্বেগ সোমেশ্বরের। মাসখানেক আগে দীপাঙ্ঘিতার সর্দি হয়েছিল, এখন ঠাণ্ডা

লেগে আবার বুঝি বা শব্দ অসুখে পড়েন, বার বার এই আশঙ্কা প্রকাশ করলেন। শাল বা কার্ডিগান সঙ্গে নেই। অগত্যা তিনি নিজের কোটাই ত্রীর গায়ে জড়িয়ে দিলেন। বোধহয় ভাবলেন সেটা দৃশ্যতঃ স্মার্ট না হলেও হিমের হাত থেকে বাঁচাবে।

সোমেশ্বরের কান্ড দেখে অন্য মেয়েরা মুখ টিপে হাসলেন। পুরুষ বন্ধুরা পিছনে লাগলেন। একজন নতুন নামকরণ করলেন,—স্যার ওয়াশটার র‍্যালি দি সেকেন্ড।

পিকনিকে সারাদিনের প্রোগ্রাম। দুপুরে খিচুড়ি, পায়েস। বিকেলে চা, সিঙ্গারা। তার পরে ঘরোয়া গান বাজনা ও আবৃত্তি। গায়িকার লিস্ট দীপাষিতারও নাম ছিল। কিন্তু সোমেশ্বরকে কিছুতেই শেষ অবধি থাকতে রাজী করানো গেল না। খাওয়ার পর্ব শেষ হতেই ত্রীকে নিয়ে ফিরে চললেন। শ্যামলী ও আমি তাঁদের গাড়িতেই এসেছিলাম, ফলে, আমাদেরও সে-সঙ্গে ফিরতে হল।

পথে গাড়ির মধ্যে লজ্জিতা দীপাষিতা স্বামীকে লক্ষ্য করে বার বার বলতে লাগলেন, “সবাই অত করে অনুরোধ কবছিলেন, আরও ঘণ্টাখানেক থাকলে কী ক্ষতি হত? তোমার সব কিছুতেই বাড়াবাড়ি।”

বাড়াবাড়ি সম্পর্কে আমিও একমত। কিন্তু ভদ্রতার খাতিরে সে কথা বলা চলে না। একান্তে অবশ্য অনেক হেসেছি। শুধু আমি নয়, শ্যামলীও কৌতুক বোধ করে। তবে ঠাট্টা করার সুযোগটা ছাড়ে না। দুটুমির স্বরে বলে “আহা, দেখে দেখে তুমিও তো একটু শিখতে পার।”

আমি কবি বা সাহিত্যিক নই। নিরস আইনের নথিপত্র, ধারা উপধারা নিয়ে কারবার। তবু মনে হয়, বিষয়টা যেন বুঝতে পারি। জগতে কোনো কোনো মানুষের যেমন শৈশবটা সহজে কাটে না বড় হয়েও ছেলেমানুষি থেকে যায়, অনেক স্বামীর মধুচন্দ্রিমার আয়ুষ্কালও তেমনি দীর্ঘ। ক্যালেন্ডারের তারিখ দিয়ে তাব মাপ চলে না। তাঁদের নিয়ে অন্য লোকেরা বাইরে নিন্দা, পরিহাস করে। হয়তো হাসিব গল্প, প্রহসনও লেখে। কিন্তু মনে মনে কি ঈর্ষা করে না?

চাকুবিতে এল-টি-সি অর্থাৎ আপিসের খরচে ছুটিতে যদুচ্ছা বেড়াবাব সুযোগ পাওনা হয়েছিল। সেটা হাতছাড়া করতে নেই। দুখানা টিকেট কিনে ট্রেনে চেপে বসলেম।

মাস দুই রাণীক্ষেত, আলমোড়া ও নৈনীতালে কাটিয়ে শিরোহীগড়ে ফিরতেই আমাদের ঠিকানা লছমী এসে খবর দিল, তিসরা সিকটরকী মেমসাব চলী গম্বী।

থার্ড সেকটারের মেমসাহেব মানে দীপাষিতা। কোথায় গেছেন? শ্যামলী জিজ্ঞাসা করল।

উত্তরে লছমী জানাল, “তা সে জানে না। সায়েদ মায়ের কাছেই গেছেন। বহুত রো বহী থী।

স্নায়ের কাছে গেছেন এবং অনেক কৈদেছেন? শ্যামলী অবাক হল।

কাহিনীটা বলার জন্য এতক্ষণ লছমীর প্রাণে আকুলিবিগুলি হচ্ছিল। এবাবে সে সবিস্তারে ব্যাখ্যা করল। সাহেব অর্থাৎ সোমেশ্বর, হঠাৎ ঘর সংসার সব কিছু ছেড়ে দূব পাহাড়ে জঙ্গলে তপস্যা করতে চলে গেছেন। মেমসাহেব বেচারী আর কী কববেন? এখানকার সাবা সামান বেচে দিয়ে কলকাতায় ফিরে গেছেন।

শুধু শ্যামলী নয়, আমিও বিস্ময়ে হতবাক হয়ে রইলেম।

পরিচিতদের কাছে খোঁজ নিতেই অনেক কিছু শোনা গেল। জানা চেনা কাকুর মন্দ ঘটলে, বিশেষতঃ সে-ব্যক্তি যদি সমাজে প্রতিষ্ঠাপন্ন হন, মনে মনে আরাম বোধ করা অনেকের স্বভাব। আমরা সোমেশ্বর ও দীপাষিতার নিকটতম বন্ধু একথা শিরোহীগড়ে সবাই জানে। তাই অনেকে বাড়ি এসে দুঃখ প্রকাশ কবে গেলেন। তাঁদের পক্ষে মনের আনন্দ চেপে রেখে কথাবার্তায় বেশীক্ষণ উদ্বেগের ছাপ বজায় রাখা কষ্টকর হচ্ছিল।

অতিরঞ্জন ও রসাল রং-চং বাদ দিয়ে এইটুকু জানা গেল যে, ভক্তিদানন্দ স্বামী তাঁর কীর্তনের দল নিয়ে পাশের শহরে এসেছিলেন। কী ভাবে সোমেশ্বর তাঁর সংস্পর্শে এসেছিলেন সে সম্পর্কে একাধিক বিবরণ আছে এবং তার একটাব সঙ্গে অন্যটার মিল নেই। কেউ বলে, দীপাষিতাই আগ্রহ করে স্বামীকে স্বামীজির কাছে নিয়ে গিয়েছিলেন। কেউ বলে, অন্য শিষ্যদের অনুরোধ উপরোধে সোমেশ্বরের কৌতুহল জন্মেছিল। কেউবা সম্পূর্ণ নিশ্চিত যে, তিনি স্বপ্নাদেশ পেয়েছিলেন।

মোটকথা, স্বামীজি চলে যাওয়ার সপ্তাহ-খানেকের মধ্যেই সোমেশ্বর চাকুবিতে ইস্তফা দিয়ে

শিরোহীগড় থেকে উঠাও । দু'লাইনের চিঠি রেখে গেছেন,—তিনি সংসার ত্যাগ করে গুরু চরণে আশ্রয় নিচ্ছেন ।

আপিসের একাউন্টেন্ট ভেক্টনারায়ণ দাক্ষিণাত্যের লোক । বয়স্ক ও সজ্জন । তাকে জিজ্ঞাসা করতেই তিনি ডাইনে ঝায়ে মাথা দু'লিয়ে দুঃখিত কণ্ঠে বললেন, এনথা ভিচারকরমিনা ! গভীর পরিতাপের কথা । সোমেশ্বর যে শুধু চাকুরি ছেড়েছেন তাই নয়, প্রভিডেন্ট ফান্ড, গ্র্যাটুইটির সমস্ত টাকা তুলে নিয়ে গেছেন । হাবিকেশের কাছে স্বামীজির আশ্রমে মন্দির স্থাপনার জন্য দান করবেন ।

হরিষারের পাশে রাণীপুরে হেভী ইলেকট্রিক্স-এর সঙ্গে স্টীল প্রজেক্টের বিল মিটানো নিয়ে একটা দীর্ঘকালীন বিরোধ চলছিল । কর্তৃপক্ষের আদেশে সরজমিন আলোচনার জন্য যেতে হল ।

কাজের ফাঁকে একে ওকে জিজ্ঞাসা করে ভক্তিদানন্দের আশ্রমের সন্ধান পাওয়া গেল । খানিকটা বাস, খানিকটা টাঙ্গা ও বাকীটা পায়ে হেঁটে পৌঁছতে হয় ।

সূর্য অনেকক্ষণ অস্ত গেছে । খরস্রোতা গঙ্গার পরপারে অরণ্যের ঘন তরুশ্রেণী অঙ্ককারে আচ্ছন্ন । আশ্রমে সন্ধ্যারতি শুরু হয়েছে ।

প্রবেশপথে একটু এগুতেই দেখা গেল, মণ্ডপের মাঝখানে বেদীর মতো উঁচু আসন । তাতে বসে আছেন দীর্ঘদেহী পুরুষ । স্বামীজি হবেন । অদূরে মেঝেতে ভক্তের দল । কীর্তনে মগ্ন ।

সোমেশ্বরকে চিনতে একটু সময় লাগল । মাথা কামানো, খালি গা, খাটো গেরুয়া ধূতি মাদ্রাজী ভক্তিতে জড়ানো, পায়ে জুতা নেই, গলায় তুলসীর কণ্ঠী । তন্ময় ভাবে ঝনঝন শব্দে গানের সঙ্গে করতাল বাজাচ্ছেন । মনে হল, মুখে চোখে একটা ধীর, স্থির, পূর্ণ পরিতৃপ্তির আভাস । সেটা প্রকৃত না কি শুধু আমারই দৃষ্টিবিশ্রম ? জানিনে ।

কাছে গিয়ে আলাপ করার ইচ্ছা পরিত্যাগ করলেম ।

সব শুনে শ্যামলীর দু'গাল বেয়ে চোখের জল গড়িয়ে পড়ল ।

দীপাষিভা ও সোমেশ্বর দু'জনকেই সে ভালো বেসেছিল । দু'জনেরই সে সমান হিতাকাঙ্ক্ষী । তার মনোবেদনার গভীরতা আমার অজানা নয় ।

সাত্বনা দেওয়ার জন্য আদর করে কাছে টেনে বললেম, “দুঃখ করো না । ভগবান কাকে কখন—”

আমার কথা শেষ হওয়ার আগেই হাত দিয়ে চোখের জল মুছে আমার মুখের দিকে তাকিয়ে প্রশ্ন করল, “আচ্ছা লোকে যে বলে, তুক, তাক, হিপনোটিক্স এ সব তুমি বিশ্বাস কর ?”

আমি তাড়াতাড়ি বাধা দিয়ে বললাম, “চুপ, চুপ । ভক্তদের কারো কানে গেলে অনর্থ ঘটবে ।”

গাওনা

ইংরেজী “৮৮ বয়”—এর বাংলা প্রতিশব্দ কী, জানিনে । পাড়াগাঁয়ে “গেছো মেয়ে” বলে একটা কথা আছে বটে । সেটা কাছাকাছি হলেও পুর পুরি ঐ অর্থ বোঝায় কিনা সন্দেহ । ডানপিটে বিশেষগণ্টা ছেলের বেলায় খাটে । মেয়েদের সম্পর্কে ব্যবহৃত হতে দেখি নি । “পুরুষষেবার” মানে সম্পূর্ণ আলাদা । ‘পুরুষালি’ বললেও ঠিক—যাকগে, এ সব পরিভাষার আলোচনা পণ্ডিতদের জন্যই তোলা থাক । ভাষাতত্ত্ব এ গল্পের বিষয় নয় ।

আপাততঃ লাজবতীর কথাই বলা যাক ।

মনে হয়, লাজবতীকে ইহজগতে পাঠাবার সময় স্টিকর্তা অন্যমনস্ক ছিলেন । তিনি লাজবতীর দেহটা বানিয়েছেন মেয়ের, স্বভাবটা দিয়েছেন পুরুষের । তাকে দোষ দেওয়া চলে না । পৃথিবীর আদি থেকে বহু লক্ষ কোটি বছর ধরে তিনি দিন রাত্রি প্রতিটি মুহূর্তে সহস্র, সহস্র মানুষ সৃষ্টি করে চলেছেন । এক সেকেন্ড বিশ্রাম নেই । এই বিরামহীন অতি ব্যস্ততার মধ্যে অমন দু'একটা ভুলচুক ঘটা বিচিত্র নয় ।

এই ঐশী বিভ্রান্তির ফলে ঐন্টার হাতের কাজটি যা দাঁড়িয়েছে তা সুকুমার রায়ের হাসজাক না হলেও সংসারে আর পাঁচজনের সঙ্গে ঠিক মেলে না। লাজবতীকে নিয়ে তার মা বংশীর উষেগের সীমা নেই।

যে বয়সে অন্যমেয়েরা পুতুল নিয়ে মাতে, খোলামকুচির কড়াতে বিনা আঙুনে ধুলোর পায়ের বা ঘাসের চর্চড়ি রাখে সে বয়সে লাজবতী পাড়ার সমবয়সী ছেলেদেব গুলি-ডাভায় হারিয়ে দিয়েছে। ট্রেন-ইন্টিশানের খেলায় সে রেল-ইঞ্জিন হয়ে এক লাইন ছেলের দল পিছনে নিয়ে পু-উ-উ ঝক-ঝক শব্দে রাস্তায় দৌড়ে বেড়িয়েছে।

এগুলি নির্বিরোধী ব্যাপার। মা-বাপ ও আত্মীয় স্বজনের চোখে কৌতুকের দৃশ্য। আপত্তি বা অভিযোগের কিছুই নেই। কিন্তু বড় হয়ে তার কার্যকলাপ অনেক সময়েই হাসির বদলে আশঙ্কার কারণ হয়েছে।

ঐতিবৈশী কুল গাছটার অজস্র ফল ধরেছিল। প্রায় পাতা দেখা যায় না। পাকতে পেল না। কাঁচা অবস্থায়ই তার অর্ধেক অন্ডহিত।

ঘাঁর গাছ তিনি রেগে-মেগে এসে বংশীর কাছে নালিশ জানালেন।

লাজবতীর কিছুমাত্র লজ্জা বা অনুতাপ নেই। সে বলল, লোকটা কঙ্কুস। একটা মরে-পড়া কুল কুড়োতে গেলে লাঠি নিয়ে তেড়ে আসে। সে আর তার সঙ্গীরা কয়েকটা নিয়েছে তো এত সোরগোল কিসের? গাছেতো আরও কত রয়েছে। গাছেব মালিক বলে সে একাই সব খাবে বুঝি? অন্য আর কেউ কিছুই পাবে না কি?

লাজবতী নিশ্চয়ই কার্ল মার্কস পড়ে নি। কিন্তু দেখা গেল, ইকুইটেবল ডিস্ট্রিবিউশান সম্পর্কে তার মতামত খুবই পরিষ্কার। তাতে অবশ্য শাস্তির ক্রটি ঘটে না। মায়ের হাতে কিলটা, চাপড়টা হামেশাই জোটে।

ছোট ভাই সতীশের সঙ্গে লাজবতীর রেষারিষি লেগেই আছে।

এদেশে ধনী বা দরিদ্র, শিক্ষিত কি অশিক্ষিত, সেকলে অথবা আধুনিক সব ঘবেই ছেলের আদর বেশী; মেয়েরা উদবৃত্ত। তার উপরে একমাত্র পুত্র সন্তান হলে তো সে সাতরাজার ধন হীরা-মাণিক্য। বংশীর পরিবারেও খাওয়ার থালায় বড় ভাগটা সতীশের। পরার বেলায় দামী জামাটা তার। অন্য সব ছেলেদের মতো সতীশ নিজেও তাব এই বিশেষ গুরুত্ব—স্পেশাল স্ট্যাটাস—সম্পর্কে ছোটবেলা থেকেই যথেষ্ট সচেতন।

অন্য বোনেরা আপত্তি করে না। লাজবতী মানতে চায় না। সে ঝগড়া করে, চেষ্টায়, ভাইকে দু'এক স্বা বসিয়ে দিতেও পিছপা হয় না।

সতীশ দিদিদের উপরে যখন তখন হুকুম চালায়। লাজবতীকে কিছু বললে সে উষ্টে জবাব দিতে ছাড়ে না। জল চাইতো সোরাই থেকে নিজে গাড়িয়ে নিননা। হাফ-প্যান্টে কাদা লেগেছে তো ঝেড়ে মুছে নিলেই হয়। সবই তাকে অন্য আর কেউ করে দেবে? কী আহ্বাদ রে!

মশকিল এই যে, ভাই-বোনের সংঘর্ষে মা সব সময়েই সতীশের পক্ষ নেয়। লাজবতীকে শাসন করে। ফের ভাই-এর সঙ্গে লড়েছে তো মার খেয়ে মরবে।

সতীশকে স্কুলে ভর্তি করা হয়েছে। সেখানে সে কোন ছেলের বল-পেন দেখে এসেছে। বায়না ধরছে তার একটা চাই। পরের মাসে মাইনে পেতেই বাপ একটা কিনে দিয়েছে। দাম বেশী নয়। দেখতে চকমকে। সতীশ তাকে দিনের মধ্যে সাতবার করে ঝাড়ে মোছে, জামার পকেটে ক্রিপ দিয়ে এঁটে বন্ধদের মধ্যে সগর্বে বুক ফুলিয়ে বেড়ায়।

লাজবতীর কাছে জিনিসটা নূতন। আগে কখনও দেখে নি। ওর ভিতরে কী জাদু আছে। সীয়াই ছাড়াই লেখা হয় এ কেমন কলম? তার ইচ্ছা হাতে নিয়ে নেড়েচেড়ে দেখে। তার উপায় নেই। সতীশ তাকে কলমটা একবার ছুঁতেও দেয় না। সাবধানে লুকিয়ে রাখে।

বংশীরা 'জুগ'ি বানিয়ে বাস করে। কাদামাটি দিয়ে গাথা ইটের নীচু দেয়ালের ওপরে 'শিরকা' মানে খড় জাতীয় মোটা ঘাসের ছাউনি। কলকাতার বস্তির মতো যিঞ্জি। গায়ে গায়ে বহু পরিবারের বাস। সেখানে গুপ্ত স্থান বেশী নেই। লাজবতীর দৃষ্টি এড়ান সম্ভব নয়।

সতীশ একটু এদিকে ওদিকে যেতেই সুযোগ বুঝে লাজবতী কলমটা যেই হাতে নিয়েছে অমনি

কোথা থেকে যে কলমের মালিক ছুটে এসে হাউমাউ শব্দে চোঁচিয়ে উঠল, তা একমাত্র সেই জানে। মা লাজবতীকে লাঠিপেটা করে ছাড়ল।

মার খেয়ে লাজবতী কান্দল না। দাঁতে চোঁট চেপে চুপ করে গুম হয়ে বসে রইল।

পরদিন সকালে পড়তে বসতে গিয়ে সতীশ তার কলম দেখতে পায় না। কোথায় গেল ? একটু খুঁজতেই পাওয়া গেল। দু'খন্ড করে ভাঙা সতীশের জুতার দু'পাটির সঙ্গে ফিতে দিয়ে বাঁধা ঘরের কুলঙ্গিতে পরিপাটি করে সাজানো। ঠিক যেমন ভক্তিমতী গৃহিণীরা সবদেয়ে রাখেন রাধা-কৃষ্ণের পট অথবা লক্ষ্মীদেবীর ঘট।

শোকাহত সতীশ মাটিতে আছড়ে পড়ে কান্দতে লাগল।

এই মৌলিক শিল্পকর্মের কারুকৃৎ যে কে তা কারুরই বুঝতে বাকী রইল না। আগের দিন মায়ের হাতে মার খাওয়াবার শোখটা সে ভালোভাবেই তুলেছে।

অপরোধীকে কোথাও দেখা গেল না। সে যে কোথায় পালিয়েছে তা কেউ জানে না।

মা রেগে শাসাল, লুকিয়ে থাকবে কতক্ষণ ? একবার দেখতে পেলে আজ তাকে কেটে দু'খানা করে ছাড়বে।

বাপেরও ধৈর্যচ্যুতি ঘটেছে। বলল, আর তো পারা যায় না। কড়া সাজা না দিলেই নয়।

কিন্তু শাস্তি কঠোর বা মৃদু যাই হোক, কোনোটিই অভিযুক্ত ব্যক্তিকে হাতের কাছে না পেলে দেওয়ার উপায় নেই। সকাল কেটে গেল। দুপুর গড়িয়ে বিকেল। লাজবতীর দেখা নেই।

মা বাড়ি বাড়ি কাজ করে খায়। সে ঘরে ফিরে শুনল, মেয়ে নিরুদ্দেশ। সে কী কথা ? পরিবারে সবাই জানে লাজবতীর ক্ষুধার মাত্রাটা বেশী। সে যেখানেই থাক খাওয়ার সময়ে বাড়ি আসবে না এমন হতেই পারে না। কোনো বিপদ আপদ ঘটেছে কি ?

খোঁজ, খোঁজ। মা খুঁজছে, বাপ খুঁজছে, বোনেরা খুঁজছে। এমন কি, এমন যে মহাশয় সতীশ সেও খুঁজতে বেরল।

প্রথমে সবাই ভেবেছিল, আশেপাশে কারো বাড়িতে বসে আছে বোধহয়। না, নেই তো। সম্ভব অসম্ভব যত জায়গা আছে,—খালী কোম্পানীর ইন্টার ভার্টি, লালাজীর আটার কল, রামদেও হলবাই-এর পাকৌড়ার মোকান, কোথাও নিরুদ্ভিষ্টের চিহ্ন নেই।

দুর্ভিক্ষের বংশীর যখন চোখ ফেটে জল আসার উপক্রম তখন লাজবতীর শিশু পটনের একজন ক্ষুদ্রে সৈনিক ছুটেছে ছুটেছে এসে খবর দিল, ফেরারী আসামীর সন্ধান পাওয়া গেছে।

পশ্চিম দিকের খোলা মাঠ পেরিয়ে বাবলা গাছের ঘন বনের আড়ালে গম্বুজওয়ালা একটা পাকা বাড়ি আছে। মোগল বাদশাহদের আমলে কোনো অজ্ঞাতনামা আমীর ওমরাহ বা ধনী ব্যক্তির সমাধিতে গড়া সেকালের স্মৃতিসৌধ হবে তার ছাদে কার্নিশের গায়ে লাজবতী শুয়ে আছে।

সারাদিন নাওয়া খাওয়া নেই। অবসন্ন শরীরে সে ঘুমিয়ে পড়েছিল। নীচে জড়ো-হওয়া লোকজনের সাদা পেয়ে জেগে উঠে বসল।

বিস্ময়ে সবার চক্ষু স্থির। প'ড়ো বাড়িটা যথেষ্ট উঁচু। ছাদে উঠবার সিঁড়ি নেই। সেখানে লাজবতী পৌছল-কী করে ? একটু কি ভয়-ডর নেই ? বাড়ির কার্নিশ ভেঙে বা হঠাৎ নীচে গড়িয়ে পড়লে মাথা ফেটে মরবে যে।

বাপ হস্তুর দিল, “পাজী হতভাগা মেয়ে। শিগগীর নেমে আয় বলছি।”

মেয়ের তাতে ভ্রূক্ষেপ নেই।

মা নরম হয়ে অনেক বোঝাল। নিষ্ফল।

বহু অনুনয় বিনয়ের পরে অবশেষে মার-খোর করা হবে না এই কড়ার করিয়ে নিয়ে সে ছাদ থেকে মাটিতে নামল।

ছোটবেলায় এ জাতীয় দস্যুপনা লাজবতীর পক্ষে প্রায় দৈনন্দিন ঘটনা ছিল। বড় হয়ে তার যে খুব একটা পরিবর্তন ঘটেছে তা নয়। বয়সের গুণগতিতে অনেক দিন আগেই তার শৈশব কেটে গিয়ে কৈশোর এসেছে। চরিত্রে শিশুত্ব ঘোচে নি।

লাজবতী তেওয়ারীদের বাড়িতে ঠিকা কাজের লোক। রোজ সকালে এসে ঘর ঝাঁট দেয়, জল-ন্যাতা বুলিয়ে মেঝে মোছে, বাথরুম ধোয়, রান্না ঘরের জঞ্জাল রান্নার ডাস্টবিনে কেলে

আসে।

চাকুরিটা সে নিজে যেঁচে এসে নেয় নি। বাড়ির কতী অচলা তেওয়ারীও তাকে ডেকে আনেন নি। সেটা পারিবারিক সূত্রে তার ওপরে বর্তেছে। সে ইতিহাসটা এখানে বলা প্রয়োজন। লাজবতীরা হরিয়ানার লোক। রোহতকের কাছে কোন এক গায়ে বাড়ি। জাতিতে কাহার, অল ইন্ডিয়া রেডিওর হিন্দীওয়ালাদের ভাষায়,—অনুসৃতিত জাতি, ইংরেজীতে যাকে বলে, সিডিউলড কাস্ট। দেশের সামান্য জমিজমায় সারা বছরের খরচ চলে না। তাই বাপ দিল্লীতে এসে ‘কমিটিমে’ অর্থাৎ মিউনিসিপ্যাল কর্পোরেশানে কাজ নিয়েছে।

তেওয়ারীরা সহজ কিস্তিতে দাম দিয়ে একটা হাউসিং সোসাইটিতে সদ্য বাড়ি কিনেছেন। কলোনিটা তখনও জমজমাট হয়ে গড়ে ওঠে নি। জনসংখ্যা অল্প। তাই ঝি, চাকর, ঝাধুনী ইত্যাদি ঘরের কাজ করার লোক পাওয়া কঠিন। বংশী পিছনের রাস্তায় এক পাঞ্জাবীর বাড়িতে কাজ করছিল। সেই পরিচয়ে অচলাদের কাজে লাগল। লাজবতীর বয়স তখন বোধহয় বছর চাবেক।

দু'বছর কাজ করে বংশী একদিন তার বড় মেয়ে সান্তারাকে নিয়ে এসে অচলার সামনে দাঁড় করিয়ে দিল। বলল, সে নিজে এক আংরেজের কোঠিতে কাম পাকড়েছে। মাইনে একশ টাকা। কাল থেকে তার বদলে তার বড় মেয়ে সান্তারা অচলার বাড়ির কাজ সামলাবে।

সান্তারার রোগা ঝেঁটে চেহারা। দেখে ঠিক বয়স বোঝার উপায় নেই। তবে সেটা চৌদ্দ পনেরর ওপরে হবে না মনে হয়।

নেহাং ঠেকানো না গেলে অচলা ঝি-চাকর বদলানো পছন্দ করেন না। তিনি আপত্তি করলেন। ঐটুকু মেয়ে, সে আবার কী কাজ করবে?

বংশী প্রতিবাদ করল। ছোট আর কোথায়? তেরো সাল উমর হতে চলল। এক বছর পরে স্বস্তরাল যাবে যে।

“স্বস্তর বাড়ি? সে কী রে? এই বাচ্চা মেয়েটার বিয়ে হয়ে গেছে নাকি?”

বংশী জানাল, শুধু সান্তারার নয়, তার পরের দু'টিরও দু'বছর আগে বিয়ে হয়ে গেছে।

অচলা অবাক হয়ে বললেন, “সব চেয়ে ছোট লাজবতীর তো বোধহয় এখনও দুধের দাঁত পড়ে নি। তাকে কি আঁতুড়েই বিয়ে দিয়ে দিয়েছিস? তাদের কি, মাথা খারাপ?”

বংশী কাঁচু-মাচু হয়ে সবিস্তারে ব্যাখ্যা করল, তাদের সমাজে মেয়ের সাদিতে এস্তার খরচ। বরাত অর্থাৎ বরযাত্রীদের খাওয়ানো আছে, তার ওপরে রিস্তাদারদের সবাইকে দাওয়াত দিতে হয়। নিকট আত্মীয়দের জামা কাপড় না দিলে লোকে ছিঃ ছিঃ করে। তারা গরীব মানুষ, দিন আনে দিন খায়। পর পর তিনবার অত টাকা পাবে কোথায়? তাই তিন মেয়ের বিয়ে একই সঙ্গে সেরেছে। অবশ্য লাজবতীর জন্য ভালো পাঞ্জাও পাওয়া গেল। খানদানী ঘর। ক্ষেত খামার আছে। তিনটে ভৈস, চার পাঁচটা বকরী। যত ইচ্ছা লোটা ভরে ভরে দুধ পিয়ে।

বিয়ের পরে অবশ্য ছোট মেয়েরা তক্ষুণি স্বস্তরবাড়ি যায় না। মা বাবার কাছেই থাকে। বড় হলে সময়মতো স্বামীর ঘর করতে যায়। এই রীতি, বংশী অচলাকে আশ্বস্ত করল।

জানা গেল, বিয়ের সময়ে পুরোতমশাই যখন মস্ত পড়েছেন তখন লাজবতীকে তার বুয়া, বাংলায় যাকে বলে পিসি, কোলে নিয়ে বসেছিল। লাজবতীর বরের বয়স তখন সাত। ডাগ্যিস রায়সাহেব হরবিলাস সর্দা বেঁচে নেই! তিনি শুনলে শিউরে উঠতেন।

যথাকালে শাড়ি গয়না পরে সান্তারা তার স্বামীর ঘর করতে চলে গেল। পরের বোন সোহিনী নিঃশব্দে দিদির কাজটা হাতে তুলে নিল। অচলার সম্মতির অপেক্ষা করল না। তাদের মা ধরে নিয়েছে যে তেওয়ারীদের চাকুরিতে তার দখলীস্বত্ব পাকা। আর এতে দোষই বা কী? কাজ করা নিয়ে কথা। সান্তারা করলে যা, সোহিনী করলেও তা।

কিন্তু সোহিনীর পরে যখন লাজবতীর পালা এল তখন অচলা রুখে দাঁড়ালেন। জমাদারনী ভেবেছে কী? তার মেয়েরা একজন করে স্বস্তর বাড়ি চলে যাবে আর অমনি একটা করে গুঁচকে আনাড়িকে অচলার ঘাড়ে চাপিয়ে দেবে? অচলা যেন বংশী-ডাইনেস্টি কায়েম করার জনাই মাইনের তছবিল খুলে বসেছেন। তিনি আলটিমেটাম দিলেন, হয় বংশী নিজে কাজ করবে, নয়তো অচলা অন্য কাউকে বহাল করবেন।

বংশী এসে কেঁদে পড়ল। মেমসাহেব লাজবতীকে শুধু ছোট-বেলুন দেখেছেন। সে এখন অনেক বড় হয়েছে। কয়েকদিন কাজ করিয়ে দেখুন, পছন্দ না হয় ছাড়িয়ে দেবেন।

অচলা বুঝলেন, বংশী একশ' টাকার চাকুরিটা ছাড়তে চায় না অথচ এখানকার মাইনের মায়াটাও কাটাতে পারছে না। কিছু অস্বাভাবিক নয়। জিনিসপত্রের দাম যে হারে বাড়ছে তাতে সবাই মিলে টাকা না আনলে ওদের চলবে কী করে? তিনি নরম হলেন।

পরদিন লাজবতী এল। সত্যি সে অনেক বড় হয়েছে। ছিপছিপে গড়ন। রং কাল, কিন্তু চেহারা একটা শ্রী আছে। বিশেষ করে মুখের দুটু দুটু ভাবটি অচলার ভালই লাগল। মাথায় চুল দুদিকে বিনুনি করে বাঁধা। গায়ে সস্তা ছিটের সালোয়ার কামিজ। সম্বন্ধে কাচা পরিষ্কার পরিচ্ছন্ন।

অচলা লঘুকণ্ঠে জিজ্ঞাসা করলেন, “তুই আবার দু’দিন পরেই খসুর বাড়ি রওনা হবি না তো?”

তিনি ভেবেছিলেন, লাজবতী সন্ধ্যাে নীরবে মাথা নীচু করে থাকবে, নয়তো একটু সলজ্জ হাসবে। ও হরি! লাজবতী এক মুহূর্ত স্থিধা না করে সোজা অচলার মুখের দিকে তাকিয়ে জবাব দিল, “কেও নেহি? যখন গাওনা হবে তখন কত নাইলনের শাড়ি, রঙিন দোপাটো, চাঁদির পায়োল পাওয়া যাবে।”

“গাওনা” ব্যাপারটা এ অঞ্চলে বিয়ের পরে মেয়ের প্রথম পতিগৃহে যাওয়ার প্রচলিত দেশাচার। পাত্রীপক্ষ সাধ্যমতো নূতন জামা, কাপড়, গয়নায় মেয়েকে সাজিয়ে পাঠায়। বাঙালীদের ফুলশয্যার তত্ত্বের মতো বরের বাড়িতে নানা উপহার পৌছায়।

অচলা হেসে বললেন, “কিন্তু সেখানে শাস যে ধরে মারবে।”

শাশুড়ীর প্রহারেব সম্ভাবনায় লাজবতীর দৃষ্টিস্তা নেই। হঃ, মারবে কী করে? সে এক দৌড়ে এখানে পালিয়ে আসবে না? বুড়িয়া তার নাগালই পাবে না।

অচলা লাজবতীর সারল্যে কৌতুক বোধ করলেন।

দু’দিনেই দেখা গেল, কাজে লাজবতীর এতটুকু মন নেই। সে ঝাঁট দিয়ে গেলে ঘরের কোণে ধুলো জমা থাকে। মুছতে গেলে আধখানা জায়গা ছেড়ে চলে যায়। অচলাকে সর্বক্ষণ তার পিছনে খাড়া পাহাড়ায় থাকতে হয়, নইলে কিছু-না-কিছু অসমাপ্ত বা অর্ধ সমাপ্ত রয়ে যাওয়ার আশঙ্কা।

শুধু তাই নয়। কাজে তার যতটা অমনোযোগ, অকাজে তার ততখানিই পারদর্শিতা।

স্নানের ঘরে কলের ট্যাপটা লাজবতী এমন জোরে ঘোরায় যে দু’দিনেই তার প্যাচ কেটে গিয়ে জল পড়তে থাকে; মিস্ত্রী ডেকে সারাতে হয়। জানালাটা এমন ধাক্কা দিয়ে খোলে যে তার কাচ ফেটে টোচির হয়। অচলার আশ্রয় বেড়াতে গিয়ে শ্বেত পাথরের একটা গ্যাসটে কিনেছিলেন। জিনিসটা সুদৃশ্য এবং অচলার স্বামী বাসদেবের খুব প্রিয়। সিগারেটের শেষ ও পোড়া দেশলাইয়ের কাঠি ঝেড়ে ফেলতে গিয়ে লাজবতী একদিন সেটা ভেঙে তিন টুকরো করে রাখল।

বিস্ময়ের ব্যাপার এই যে, অচলা এ সব উপদ্রব সহ্য করেন। তিনি রাগ করেন, চড় কষিয়ে দেবেন বলে শাসান। মাঝে মাঝে বংশী উদ্ভ্রান্ত হলে গভীর হয়ে বলেন, আসছে মাস থেকে তার আর কাজ করতে এসে কাজ নেই। ঐ অবধি। ছাড়িয়ে দেন না।

লাজবতীর হাতে মাইনে দিলে সে কোথায় হারিয়ে বসে থাকবে তার ঠিকানা নেই। মাসের শেষে বংশী এসে টাকা নিয়ে যায়। তখন অচলা মেয়ের নামে নালিশ করেন।

পরদিন লাজবতী এসে যখন কেঁদে বলে যে মা তাকে চেলা কাঠ দিয়ে মেরেছে তখন উন্টে অচলার রাগ হয়। বংশীকে ডেকে এনে জোর বকুনি দেন। মেয়ে বড় হয়েছে। খবরদার, তার গায়ে হাত তোলে না যেন।

এই ইনিহিবিশানহীন,—বাধাবোধশূন্য সরলচিত্ত মেয়েটার ওপরে অচলার একটা মায়া পড়ে গেছে।

লাজবতী কোথায় শুনে এসেছে কড়াইগুটি দিয়ে ফুলকপির ডালনার স্বাদের তুলনা নেই। লা-জবাব। সজ্জি দুটো সদ্য বাজারে দেখা দিয়েছে। দুর্মূল্য, বেচারী বংশীর এত পয়সা কোথায় যে মেয়েকে তা খাওয়াবে? কথটা অচলার কানে যেতে তিনি বাসদেবকে বললেন, “আহা, গরীব মানুষ, সাধ হয়েছে। ডালকুটির বংশী তো কখনও জোটে না। হোকগে দাম বংশী। না হয় খুব

কম করে,—শোয়াটেক নিয়ে এস একদিন। রান্না করে দেব।”

অচলার এই দুর্বলতা নিয়ে বাসদেব ঠাট্টা করতে ছাড়েন না। বলেন, “তুমহারী লাড়লী” অথবা আরও এক খাপ ওপরে,—“তুমহারী লেড়কী।”

বাঁধা কাজে সে যতই ফাঁকি নিক, অচলার কাই ফরমাস খাটতে লাজবতীর আলস্য নেই। ঘরের পাখাগুলিতে কালো ঝুল জমেছে। একবার বলতেই সে টুলের ওপরে চড়ে ঝেড়ে মুছে সাফ করে ফেলে। বারান্দায় কাপড় শুকোতে দেওয়ার দড়িটা ছিড়ে গেছে। লাজবতী তক্ষুণি নূতন রশি বেঁধে দেয়।

বাস্তবিক যা তার করণীয় তার চাইতে যা তার নয়, সে-কাজে লাজবতীর উৎসাহ বেশী। আপনি সেখেন করে, বলার দরকার হয় না।

অচলার ফুলের শখ আছে। বাড়ির পিছনের উঠানে টবে অনেক চন্দ্রমল্লিকার গাছ করেছিলেন। লাজবতীর ধারণা সেগুলি ছাদে রাখলে বড়ইয়া সাজাওট হবে। রাস্তার লোক দেখতে পেয়ে তারিফ করবে। সেদিন ঘর বাড়ী-মোছার কাজ রইল পড়ে। ভারী টবগুলি সিঁড়ি দিয়ে বয়ে নিয়ে আলসেতে সারিবন্দী সাজিয়ে দিল।

তেওয়ারীদের গাড়িটা দরজায় দাঁড়িয়ে ছিল। লাজবতী এসে বলল, “মেমসাহেব, মোটর গাড়িতো ধুলো কাদায় খুব নোংরা হয়েছে। সাবান গরম জল দাও, ধুয়ে পবিকার করে দিচ্ছি।”

সাবান এবং গরম জল ময়লা জামা কাপড় কাচার জন্য যতই প্রয়োজনীয় হোক, গাড়ি ধোয়ার পক্ষে সে দুটোই যে হানিকর বহু কষ্টে এ কথাটা বুঝিয়ে তাকে নিরস্ত করতে হয়।

লাজবতী আরও তিনটে বাড়িতে কাজ করে। কিন্তু তার যত আঙ্গার অচলার কাছে। চুঁচ-সুতো দাও, জামার ছেঁড়া সেলাই করবে। একটা থলে দাও, পথে পাকা ফলসা কুড়িয়েছে, বাড়ি নিয়ে যাবে। ফিল্মী কিতাব দাও, হেমামালিনীর তসবীর দেখবে। ভাবখানা এই যে, অচলার বাড়িতে তার একটা বিশেষ অধিকার আছে।

শুধু অধিকার নয়, দায়িত্বও। লাজবতীর ধারণা, অচলার হিতাহিতের দিকে নজর রাখার ভারও তারই ওপর। তাই সর্বদাই নানা উপদেশ বিতরণ করে, পরামর্শ দেয়। বড় দোকান থেকে জিনিস কিনতে নেই, ফুটপাথে অনেক সস্তা। রাত্রিতে মশার উপদ্রব বাড়লে পিচকারীর দাওয়া অর্থাৎ ফ্লিট দিতে হয়। জ্বর সারছে না? সুই, মানে ইনজেকশান লাগিয়ে নাও, দুদিনে আরাম হবে।

সমালোচনা করতেনও বাঁধে না। অচলা শিবরাত্রির উপোস করেন না। ওমা, কী তাম্বজবের কথা! তিনি কি খ্রীস্টান না মুসলমান?

অচলা শিল-নোড়ায় মশলা পোষান। এত কিস্টে কেন? একটা মেশীন, অর্থাৎ মিস্ত্রী কিনতে পারেন না? সে পাঞ্জাবীদের বাড়িতে দেখেছে, বাটন দাবালেই নিমেষে ধনিয়া ঠুঁড়া হয়ে যায়।

অচলা সম্পর্কে লাজবতীর সবচেয়ে বড় অভিযোগ, তিনি ছোঁয়াছুঁয়ের বাছ বিচার করেন। মেমসাহেব বহুত ছুৎ মানতি হায়।

বিছানার বেড কভারটায় ঝাঁটা লেগে গেলে বিরক্ত হন। খাবার টেবিল থেকে একটা গেলাস সন্নতে গেলে হা, হা শব্দে ছুটে আসেন।

তেওয়ারীরা কনৌজের ব্রাহ্মণ। তাঁদের গ্রামের বাড়িতে পরিবেশ নিঃসন্দেহে রক্ষণশীল, আচার আচরণ প্রাচীনপন্থী। কিন্তু বাসদেব ও অচলা দু’জনেই ইংরেজী স্কুল কলেজের পাশ। আধুনিক মনোভাবের মানুষ। অস্পৃশ্যতার আতিশয্য নেই। লাজবতী পাঁচ বাড়ির বাথরুম ঘেঁটে আসে। কত ব্যাসিলি, ভাইরাসের ইনজেকশান নিয়ে বেড়ায়, কে জানে? সে অনর্থক যেখানে-সেখানে হাত দেবে সেটা অচলার পছন্দ নয়। তাঁর আপত্তিটা হাইকাস্টভিসিক নয়, হাইজীন ঘটিত। অন্ততঃ অচলা নিজে তাই মনে করেন।

লাজবতী অতশত বোঝে না। একদিন এসে পরম বিজ্ঞানোচিত গাভীরের সঙ্গে জানাল, ইন্দ্রিা গাভী বলেছে যারা ছুঁয়া-ছুঁৎ করে তাদের পুলিশে ধরে নিয়ে যাবে। সে রেলিওতে নিজের কানে শুনেছে।

কী আশ্চর্য! লাজবতী দেখে অবাক হল পুলিশের ভয়ে অচলা কিছুমাত্র বিচলিত নন।

লাজবতীর বলার ভঙ্গি দেখে অচলা হেসে ফেললেন। বললেন, “আমাকে যখন জেলে যেতে

হয় যাব। তুই বাড়ির সবকিছু দু'হাতে পায়ে চাষে না বেড়ালেই ঝাটি।”

পরের সপ্তাহেই যা ঘটল তা যেমন অভাবনীয়, তেমনই মর্মান্তিক।

অন্যদিনের মতো যথাসময়ে লাজবতী কাজে এসেছে। ঘর ঝাঁট দেওয়া শুরু করেছে। বাসদেব আপিসে গেছেন। অচলা স্নানাগারে। স্নান শেষে বেরিয়ে দেখলেন,—যা দেখলেন তা ছিল তাঁর স্বপ্নের অতীত, কল্পনার বাইরে। লাজবতী শোয়ার ঘরে ড্রেসিং টেবিলটার সামনে দাঁড়িয়ে তাঁর লীপস্টিকে নিজের ওষ্ঠাধর রাস্তাচ্ছে।

অচলা স্তম্ভিত ও বাকাহীন। ইংরেজী একটি শব্দে বলা যায়—স্টানড। মুহূর্তের মধ্যে যেন তাঁর দেহের সমস্ত রক্ত এক সঙ্গে মাথায় চড়ে গেল। ফিউজে আগুন দেওয়া ডিনেমাউন্টের মতো ফেটে পড়লেন।

“এত সাহস তোর? একুনি বেড়িয়ে যা। দূর হয়ে যা আমার সমুখ থেকে। আর কখনও যেন এ বাড়ির ছায়া মাডাসনে।” তিনি লীপস্টিকটা লাজবতীর গায়ে ছুঁড়ে ফেলে দিলেন।

লাজবতী কয়েক বছর ধবে এ বাড়িতে কাজ করছে। এর আগে অচলাকে এমন রাগতে দেখে নি। অনেক দিন তিনি অনেক শাসন করেছেন। সে অন্য ধরনের। অনেকবার তাকে আর আসতে হবে না বলেছেন। সে-নিষেধের পিছনে থাকত ওয়ার্নিং—সতর্কীকরণ। আজকের বারণ করার মধ্যে আছে অর্ডার—ছকুম। অমান্য করা অসাধ্য। লাজবতী নীরবে মুখ নীচু করে চলে গেল।

দিন পাঁচ সাত কেটে যেতেই ধীরে ধীরে অচলার ক্রোধ শান্ত হয়ে এল।

বাসদেব যতই পবিত্রাঙ্গ করুন, তাঁর নিজের মনের কোণেও ঐ শিশু-স্বভাব মেয়েটার জন্য একটা সফট কর্ণার—ক্ষীণ স্নেহেব বাসা ছিল। তিনি অচলাকে বোঝালেন, আহা, ছেলেমানুষ, শখ হয়েছিল। কিংবা হয়তো নিছক কৌতূহলের বশেই করে ফেলেছে।

অচলা স্মরণ করলেন, টাকা-কড়িতে লাজবতীর লোভ নেই। বাসদেবের ভোলা মন। নিজের পার্স এখানে ওখানে ফেলেন। ঝাঁট দিতে গিয়ে মেঝেতে পাঁচটা পয়সা চোখে পড়লে লাজবতী তুলে টেবিলে রেখে দেয়। পাঁচ টাকার নোট কুড়িয়ে পেলে অচলাকে ডেকে হাতে দিয়ে যায়।

লীপস্টিকটা লাজবতী অনায়াসেই চুরি করতে পারত। করে নি। শুধু মেখেছে। বোধহয় ভেবেছে তাতে ক্ষতি নেই। একবার একটু ব্যবহার করলেই কিছু ক্ষয়ে যাবে না।

অচলা উপলব্ধি করলেন, যে মেয়ের অর্থে আকাজক্ষা নেই তারও প্রসাধনে আকর্ষণ আছে। নিজেকে সুন্দর করে তোলার যে চিরন্তন অভিলাষ যুগ যুগান্ত ধরে জগতের সমস্ত নারীকুলের মনের গহন গোপনে নিহিত এই পুরুষোচিত দুরন্ত প্রকৃতির অবোধ মেয়েটাও তা থেকে মুক্ত নয়। অচলা নিজে মেয়ে হয়েও মেয়েদের এই দৌর্বল্যে মনে মনে হাসলেন। স্বীকার করলেন, লাজবতীর দশুটা এত কঠোর না করলেও চলত।

কাজ করতে গিয়ে মেয়ে কখন কী অঘটন ঘটিয়ে রাখছে সে ভয়ে বংশী সর্বদাই উৎকণ্ঠায় থাকে। বাড়ির গিন্নিদের কাছে কেবলই হাত জোড় করে। এবার লাজবতীর অপরাধের গুরুত্ব বুঝেই বোধহয় সে অচলার কাছে এসে ক্ষমা চাইতেও সাহস করে নি।

রেগে গেলে বংশীর জ্ঞান থাকে না, অচলা তা জানেন। বাড়িতে মেয়েটাকে সে যে কী কঠিন লাঞ্ছনা করছে সে কথা কল্পনা করে অচলার মনে অনুতাপের সীমা রইল না।

তিনি নিজে উদ্যোগী হয়ে লাজবতীর খবর নিলেন। শুনলেন, দু'দিন আগে সে স্বশ্রবণে চলে গেছে। গাঁও থেকে তার বর ও স্বশ্রবণ এসেছিল।

অনেক দিন আগে থেকেই অচলা ভেবে রেখেছিলেন, লাজবতীর গাওনাতে তিনি একটা ভালো প্রজেক্ট দেবেন। তাঁর একটা পিক রঙের জরিপাড় সিন্ধুর শাড়ি লাজবতীর খুব পছন্দ ছিল। সেটা তিনি পরেন নি। তার নাম করে তুলে রেখেছিলেন। ভাবলেন বংশীকে ডেকে তার হাতে মেয়েকে পাঠিয়ে দেবেন।

মাসখানেক বাদে হোলীর দু'দিন পরে বংশী এসে অব্যাহত কাদতে লাগল। লাজবতীর বাবা পরাবের সময় মেয়ে আনতে গিয়েছিল। সেখানে গৌছে শুনল, লাজবতী দু'দিন আগে দীলকে দৌড়ে, অর্থাৎ হার্ট এ্যাটাকে, মারা গেছে।

বংশী বলল, বিলকুল ঝুট। গায়ের লোকেরা গোপনে জানিয়েছে, স্বশ্রবণবাড়ির লোক

লাজবতীকে দিয়ে 'দিনভর চাকী চালাত, ইদারা থেকে ঘড়া ঘড়া জল তোলাত, খেতে না দিয়ে উপোস করিয়ে রাখত । শীঘ্র একদিন লোহার ডাঙা দিয়ে মাথায় মেরে এমন খুন বহিয়ে দিয়েছে যে বেচারী বেইশ হয়ে পড়ে ধুকতে ধুকতে মরেছে । শব্দর ও তাঁর ছেলেবা মিলে রাত্রির অন্ধকারে চূপসে লাস পুড়িয়ে ফেলেছে ।

ষটনায় নূতনত্ব নেই । গ্রামাঞ্চলে নির্দয় বধূনির্যাতনের অনেক নিষ্ঠুর গল্প অচলা আগেও শুনেছেন । যে মেয়েরা মুখ বুজে সয় তারা না খেয়ে জাঁতায় গম পিষে এবং কুয়া থেকে জল তুলেই পার পায় । লাজবতী সে জাতের নয় । সে নিশ্চয়ই প্রতিবাদ করেছে । হয়তো মার খেয়ে মার ফিরিয়ে দেওয়ারও চেষ্টা করেছে । তাই তার বেলায় লোহার ডাঙায় টান পড়েছে ।

অচলার চোখ দু'টি জলে ভরে এল ।

পৃথিবীতে শোক ক্ষণস্থায়ী, স্মৃতি সরণশীল । কিছুদিনের মধ্যেই লাজবতীর বাপ হাল ছেড়ে দিয়ে পুলিশের দ্বারায় নিরর্থক ইটাইটি বন্ধ করল । গায়েব লোকের নিষ্ফল কানাঘুসা ধীরে ধীরে হতাশায় শূন্যে মিলিয়ে গেল । বংশী তার শোকশয্যা ছেড়ে বিদেশী মনিবের চাকুরিতে আগের মতো নিয়মিত হাজিরা দিতে লাগল । এবং তেওয়ারীদেব বাড়িতেও বাড়-পোছার কাজে নূতন জমাদারনীর অভাব হল না ।

শুধু অচলা তেওয়ারীকে কেউ কোনো দিন আব লীপস্টিক ব্যবহার করতে দেখে নি ।

এছ-পরিচিতি

অমনিবাস-এর অন্তর্ভুক্ত গ্রন্থগুলির প্রথম প্রকাশকাল এবং অনুসন্ধিসূ পাঠকের জ্ঞাতব্য কিছু উল্লেখযোগ্য তথ্য নীচে মুদ্রিত হলো।

দৃষ্টিপাত

দৃষ্টিপাত বাংলা ১৩৫৩ সালের আশ্বিন মাসে পুস্তকাকারে মুদ্রিত হয়। তার অব্যবহিত পূর্বে প্রায় দীর্ঘকালব্যাপী সাম্প্রদায়িক অশান্তির ফলে কলকাতার জনজীবন বিপর্যস্ত ছিল। সে কারণে বইটি পাঠকের হাতে পৌঁছাতে বিলম্ব ঘটে। প্রথম সংস্করণে প্রকাশকের বিজ্ঞপ্তিতে সাম্প্রদায়িক হত্যাকাণ্ডের ফলে “সহরে মানুষের স্বাভাবিক কাজ-কর্ম বিশৃঙ্খলা” এবং “পুস্তকের মুদ্রণ ও প্রকাশ ব্যাপারে বহু বাধা-বিঘ্নের” উল্লেখ ছিল।

প্রকাশক তাঁর বিজ্ঞপ্তিতে বলেন “আমাদের বিশ্বাস, দৃষ্টিপাত বাংলা সাহিত্যের প্রথম বেলে লেটার্স—Belles Letters—এর আগে বাংলায় ঠিক এই ধরনের কোনো বই বেরিয়েছে বলে আমাদের জানা নেই।” এ বিজ্ঞপ্তি থেকে জানা যায় “খণ্ডিতাকারে এই রচনাটি মাসিক বসুমতীতে বেরিয়েছিল। ১৩৫২ সালের আষাঢ় সংখ্যা থেকে ধারাবাহিকরূপে এবং ১৩৫৩ সালের জ্যৈষ্ঠ সংখ্যায় প্রথম এগারটি পরিচ্ছেদ এবং ১৩৫৩ সালের আষাঢ় ও শ্রাবণ সংখ্যায় তেরো ও চৌদ্দ পরিচ্ছেদ দুটি ছাপা হয়। দ্বাদশ পরিচ্ছেদটি এ বইতে নতুন যোগ করা হয়েছে।”

১৯৫০ সালে সমকালীন বাংলা সাহিত্যে সর্বশ্রেষ্ঠ গ্রন্থরূপে দৃষ্টিপাত দিল্লী বিশ্ববিদ্যালয়ের স্বীকৃতি লাভ করে এবং গ্রন্থকার বিশ্ববিদ্যালয় দ্বারা বহুপ্রতিষ্ঠ নরসিংহ দাস পুরস্কারে সম্মানিত হন।

শ্রীমতী নমিতা লুহা অনুদিত হিন্দী দৃষ্টিপাত ১৯৬০ সালে গ্রন্থাকারে প্রকাশিত হয়েছে। গ্রন্থকারকৃত দৃষ্টিপাতের একটি নাট্যরূপ অল ইন্ডিয়া রেডিওর কলকাতা স্টেশন কর্তৃক ১৯৪৯ সালের মার্চ মাসে বেতারে প্রথম অভিনীত ও প্রচারিত হয়।

দৃষ্টিপাতের পটভূমিকা ক্রীপস মিশন ভারতের স্বাধীনতা আন্দোলনের একটি গুরুত্বপূর্ণ ঘটনা। মিশনের ব্যর্থতা সম্পর্কে গ্রন্থকারের বিশ্লেষণ, অনুমান ও মন্তব্য সম্প্রতি প্রকাশিত Transfer of Power vol-1 গ্রন্থদ্বারা সমর্থিত হয়েছে। ইন্ডিয়া আপিস ও ওয়ার ক্যাবিনেটের তৎকালীন গোপনীয় দলিলপত্রের এই সংগ্রহ পুস্তকটি ব্রিটিশ সরকার কর্তৃক মুদ্রিত ও প্রকাশিত।

দৃষ্টিপাতের দ্বাদশ পরিচ্ছেদে “লর্ড লিনলিথগো ক্রীপস দৌত্যের সাফল্য কামনা করেন নি।” এই উক্তির পরিপ্রেক্ষিতে Transfer of Power vol-1-এর নিম্নোক্ত বিবরণ প্রণিধানযোগ্য, “লিনলিথগো ক্রীপসের কার্যকলাপ সম্পর্কে তীব্র অসন্তোষ প্রকাশ করেন। লণ্ডনে ভারত সচিবের কাছে চিঠিতে ভাইসরয় পদত্যাগের হুমকি দিয়ে লেখেন যে ক্রীপস তাঁর সঙ্গে কোন পরামর্শ না করেই কংগ্রেস নেতাদের সঙ্গে আলোচনা করছেন। এর ফলে, এক্সিকিউটিভ কাউন্সিল ও অধীন কর্মচারীদের কাছে ভাইসরয়ের মর্যাদাহানি ঘটছে।”

দ্বিতীয় পরিচ্ছেদে স্যার স্ট্যাফোর্ড ক্রীপসের দিল্লী আগমনের কথা আছে, “ক্রীপসের বিমান নির্ধারিত সময়ের অনেক পরে এসে পৌঁছল দিল্লীতে, বেলা তখন দুটো।” ওয়ার ক্যাবিনেটের প্রস্তাব নিয়ে ক্রীপস ভারতবর্ষে এসেছিলেন ইংরেজী ১৯৪২ সালের ২৩ শে মার্চ।

দ্বাদশ পরিচ্ছেদের প্রথম লাইনে—“স্যার স্ট্যাফোর্ড ক্রীপস দিল্লী পরিত্যাগ করলেন।” দিল্লী পরিত্যাগের এই তারিখ ১২ই এপ্রিল, ১৯৪২। করাচী থেকে বিমানযোগে তিনি লন্ডন ফিরে যান।

স্বাধীনতার আগেকার যে দিল্লীকে কেন্দ্র করে দৃষ্টিপাত রচিত হয়েছিল, একালের পাঠক সাম্প্রদায়িকের এক অংশের সঙ্গে তার পরিচয় নেই। তাঁদের অবগতির জন্য গ্রন্থে বর্ণিত কয়েকটি স্থান, পাত্র ও পারিপার্শ্বিকের বর্তমান নাম ও বিবরণ নীচে দেওয়া হলো,—

“সাত ঘন্টা আকাশচারণের পরে উইলিংডন এয়ারপোর্টে ভূমি স্পর্শ করা গেল” বলে কাহিনীর আরম্ভ। সে এয়ারপোর্টের এখনকার নাম “সফদারজঙ্গ এয়ারপোর্ট”। এই বিমান ঘাঁটিটি আজকাল

নিয়মিত যাত্রী চলাচলের জন্য কদাচিৎ ব্যবহৃত হয়। সাধারণ যাত্রীবাহী বিমান দিল্লীতে এখন পালাম এয়ারপোর্ট থেকে যাতায়াত করে।

প্রথম পরিচ্ছেদের “দেড়টা বাজতেই দিল্লী। মাঝে শুধু বামরৌলীতে ঘণ্টাখানেকের বিশ্রাম, প্রাতরাশের প্রয়োজন।” এখনকার বিমানযাত্রীর অভিজ্ঞতার বাইরে। কলকাতা থেকে সবাসরি দিল্লীগামী বিমান—non-stop flight এখন আর বামরৌলীব পথে যায় না। প্রাতরাশ এখন বিমানের ভিতরে নিজের আসনে বসেই পাওয়া যায়।

এ পরিচ্ছেদে “বোখারী সাহেব যেখানে নামিয়ে দিয়ে গেলেন তার নাম কুইনসওয়ে।” এখন আর নয়। বর্তমানে তার নাম বদলে হয়েছে “জনপথ”। “কিংসওয়ে” ও “ইয়র্কপ্লেস”—এব পরিবর্তিত নাম যথাক্রমে “রাজপথ” এবং “মতিলাল নেহরু প্লেস।”

দ্বিতীয় পরিচ্ছেদে সেক্রেটারিয়েটের সাউথ ব্লক প্রসঙ্গে বলা হয়েছে যে “বেসামরিক দপ্তরের মধ্যে হোম ডিপার্টমেন্ট আছে একটি টেরে।” কেন্দ্রীয় সরকারে আগেকার ডিপার্টমেন্টগুলি এখন “মিনিষ্ট্রী” নামে পরিচিত। ১৯৬৭-৬৮ সালে হোম মিনিষ্ট্রী সাউথ ব্লক থেকে নর্থ ব্লকে সরে গেছে। এখন “সাউথ ব্লকের সবটাই মিলিটারীর দখলে।”

“গিয়াসুদ্দীনের রাজধানী তোগলকাবাদ আজ বিরাট ধ্বংসস্থাপে পরিণত” (চতুর্থ পরিচ্ছেদ) তবে তা এখনও দেখা যায়। কিন্তু যে “বি, বি, সি আই রেলওয়ে লাইন গেছে তার উপর দিয়ে” তার সেদিনকার নাম ঘুচে গেছে। স্বাধীনতার পরে জোন্যাল নীতিতে ভারতীয় রেল ব্যবস্থার পুনর্বিন্যাস ঘটেছে। বি, বি, সি, আই-এর সংশ্লিষ্ট অংশ এখন ওয়েস্টার্ন রেলওয়ের অধীন। চতুর্থ পরিচ্ছেদে উল্লিখিত “লিওপোল্ড এমেরী” তৎকালীন ভারত সচিব Secretary of State for India ছিলেন।

পঞ্চম পরিচ্ছেদের “কুইন ভিক্টোরিয়া বোডের” নাম এখন ডক্টর রাজেন্দ্রপ্রসাদ বোড। সে রাস্তার তিন নম্বর বাংলা—যেখানে “ভাইসরয়স হাউস থেকে ক্রীপস এসেছেন”—তার এখন অস্তিত্ব নেই। সে বাড়ি ভেঙে ফেলে সেখানে high-rise ‘শাস্ত্রীভবন’ নির্মিত হয়েছে। সেক্রেটারিয়েটের সম্মুখ থেকে দুই বাহুর মত দু’দিকে প্রসারিত দু’টি বাস্তার উপরে” ছবছ একই ধরনের ছাঁচ বাড়িও বিলুপ্ত। ভূতপূর্ব “কিং এডওয়ার্ড রোড” অর্থাৎ বর্তমান “মৌলানা আজাদ রোড”—এর উপরে বাড়িগুলির স্থান দখল করেছে সরকারী দপ্তরখানা “নির্মাণ ভবন,” এবং আন্তর্জাতিক সমিতি সম্মেলন ও দেশীয় সেমিনার এবং ফিল্ম ফেস্টিভ্যালের জন্য নির্মিত বৃহৎ সভাগৃহ “বিজ্ঞান ভবন”।

ষষ্ঠ পরিচ্ছেদে নয়াদিল্লীর রিডিং রোডে মন্দিবেব উল্লেখ আছে। “একটি নয়, দুটি নয়, পর পর তিনটি। রাস্তাটার নাম টেম্পল স্ট্রীট হলে ক্ষতি ছিল না”—এই মন্তব্য বর্তমানে বাস্তবে পরিণত হয়েছে। নিউ দিল্লীব মিউনিসিপালিটি রিডিং বোডের নতুন নামকরণ করেছেন ‘মন্দির মার্গ’; টেম্পল স্ট্রীটেরই আক্ষরিক হিন্দী অনুবাদ।

সপ্তম পরিচ্ছেদে যে “সুপারিনটেন্ডেন্ট”—এর কথা আছে তিনি এখন “সেকশান অফিসার” রূপে পরিচিত। “এ্যাসিস্টেন্ট সেক্রেটারী” পদটিও অস্তিত্ব হারিয়েছে। কেন্দ্রীয় সরকারের চাকুরির সিঁড়িতে বর্তমানে “সেকশান অফিসারের” পরের উচ্চ ধাপ “আডার সেক্রেটারী”।

অষ্টম পরিচ্ছেদের ইম্পিরিয়েল দিল্লী জিমখানা ক্লাব এখন শুধু “দিল্লী জিমখানা” নামে পরিচিত। তার “ইম্পিরিয়েল” বিশেষণটি ব্রিটিশ শাসনের সমাপ্তির সঙ্গে সঙ্গেই বর্জন করা হয়েছে।

দশম পরিচ্ছেদে যে “সুইস হোটেল”—এর কথা বলা হয়েছে বর্তমানে তার চিহ্ন নেই। সেখানে ‘ওবেরয় এ্যাপার্টমেন্টস’ নামে কটেজ জাতীয় বাংলা ও ঔনরশীপ ফ্ল্যাটস নির্মিত হয়েছে।

জনান্তিক

জনান্তিক বৈশাখ ১৩৫৮ ইংরেজী এপ্রিল ১৯৫১ সাল থেকে ধারাবাহিক ভাবে মাসিক বসুমতীতে প্রকাশিত হয়। পরের বছর ১৩৫৯ সালের অগ্রহায়ণ মাসে তা পুস্তকাকারে প্রকাশিত হয়।

কলকাতার একটি পেশাদার নাট্যসঙ্ঘ জনাসক্তিকের নাট্যরূপ নূতন দিল্লীর আইফাকস হলে একাধিকবার অভিনয় করেন। তার আগে এবং পরে পশ্চিমবঙ্গ ও বাংলার বাইরে অনেক শৌখিন নাট্য-সম্প্রদায় দ্বারাও জনাসক্তিক অভিনীত হয়।

ঝিলম নদীর তীর

ঝিলম নদীর তীর মৌচাক মাসিক পত্রিকার ধারাবাহিক ভাবে ছাপা হয়েছিল। পুস্তকাকারে প্রকাশের পূর্বে তার কিছু অংশ পুনর্লিখিত ও কিছু অংশ নূতন সংযোজিত হয়।

পাকিস্তানী শাসনাধীন পূর্ব বাংলায় (বর্তমান বাংলাদেশ) বইটির প্রচার বন্ধ হয়। “রাষ্ট্রের স্বািয়ত্ব ও নিরপত্তার পক্ষে বিদ্রূপক” এই অভিযোগে সেখানকার গভর্নমেন্ট পূর্ব পাকিস্তান নিরাপত্তা বিধানের সংশ্লিষ্ট ধরায় “ঝিলম নদীর তীর”—এর সমুদয় কপি বাজেয়াপ্ত এবং নিষিদ্ধ ঘোষণা করেন।

১৯৬০ সালে “ঝিলম নদীর তীর” হিন্দীতে অনূদিত ও পুস্তকাকারে প্রকাশিত হয়। অনুবাদক প্রসিদ্ধ হিন্দী সাহিত্যিক মন্মথনাথ গুপ্ত।

লঘুকরণ

বাংলা ১৩৭১ সালের ভাদ্র মাসে, ইংরেজী সেপ্টেম্বর ১৯৬৪—লঘুকরণের প্রথম মুদ্রণ প্রকাশিত হয়। লঘুকরণের প্রবন্ধগুলি পুস্তকাকারে প্রকাশিত হওয়ার আগে বিভিন্ন সাময়িক পত্রে ছাপা হয়েছিল।

‘রামগড়ুরের ছানা’ ১৩৫১ সালের মাঘ মাসে সংক্ষিপ্তরূপে “বর্ষশেষ” নামক একটি বার্ষিকী সাহিত্য সংকলনে ছাপা হয়। বর্তমান প্রবন্ধটি সেই খণ্ডিত রচনার পরিমার্জিত ও পরিবর্ধিত রূপ। যাযাবর নামে সাহিত্যক্ষেত্রে প্রবেশের পূর্বে গ্রন্থকার তাঁর সাংবাদিক জীবনে ‘শ্রী পথচারী’ এই ছদ্মনামে আড়ালে যুগান্তর দৈনিকে রসরচনার একটি নিয়মিত স্তম্ভ-কলাম—প্রবর্তন করেন। তৎকালীন রাজনৈতিক ও সামাজিক নানা ঘটনাকে কেন্দ্র করে ব্যঙ্গবিদ্যুপ ও হাস্যকৌতুক satire and humour প্রধান ইত্যন্ত শীর্ষক ঐ কলামটি যুগান্তরের আদি যুগে পাঠকমহলে বহু-পঠিত ও বহু আলোচিত ছিল। লঘুকরণের ‘খাপছাড়া’ নিবন্ধের কোনো কোনো অংশে পুরাতন ইত্যন্তভের ছায়া আছে।

‘ঈষু’ অধুনালুপ্ত বসুধাবা মাসিক পত্রিকার শারদীয় সংখ্যায় আশ্বিন ১৩৬৫ প্রকাশিত হয়। তখন রচনাটির নাম ছিল ‘লঘুকরণ’। পুস্তকে সংকলিত হওয়ার সময়ে ঐ নামটি গ্রন্থের নামকরণে ব্যবহৃত হয়। নিবন্ধের পরিবর্তিত নাম হয় ঈষু। এই নামান্তরের সঙ্গে বই-এর অব্যবহিত পরবর্তী রচনার শিরোনামায় যে ভাবসঙ্গতি বর্তমান তা তাৎপর্যপূর্ণ।

‘রাজকুলেশু’ ১৩৭০ সালের শারদীয়া আনন্দবাজার পত্রিকায় প্রকাশিত হয়। রচনাটি প্রকাশের পরে দিল্লীতে কেন্দ্রীয় সরকারের উর্ধ্বতন মহলের দৃষ্টি আকর্ষণ করে এবং আলোড়নের সৃষ্টি হয়। কর্তৃপক্ষের জ্ঞাতার্থে রচনাটির একটি ইংরেজী অনুবাদ দাখিল করা হয়। অবশেষে তথ্য মন্ত্রকের তদানীন্তন প্রধান—সেক্রেটারী—বহু ভাষাবিদ আদিত্যনাথ ঝা আই. সি. এস কর্তৃক ব্যক্তিগত তদন্তের পরে রাজকুলেশুর প্রকাশঘটিত সরকারী উদ্বেগ ও বিরূপতার পরিসমাপ্তি ঘটে।

‘তির্যক অক্ষি’ ১৩৬৬ সালের পূজা সংখ্যা বসুধারায় প্রকাশিত হয়। বসুধারার সম্পাদক প্রসিদ্ধ বৈজ্ঞানিক ও রবীন্দ্রসাহিত্যবেত্তা চারুচন্দ্র ভট্টাচার্য কলকাতা প্রেসিডেন্সী কলেজের অধ্যাপক ছিলেন। প্রবন্ধটিতে “বিদ্যাদানের মতো একান্ত নির্বিরোধী কাজেও প্রেসিডেন্সীর অধ্যাপক মশাই যে হালিশহর নিকাষিপাড়া কলেজের প্রফেসর চাইতে অধিকতর মনোযোগের পাত্র সে কি শুধু মাইনের পার্থক্যে?” বাক্যাটিতে তার সর্কৌতুক ইঙ্গিত আছে।

সর্বশেষ রচনা ‘নারীতে’ “সোনা যখন বাজারেই ফোরটিন ক্যারেট তখন হিরণ্ময়ী বা স্বর্ণলতারায় নিশ্চয়ই অলীক এবং সোনামণির গ্যানাক্রোনিজম।” এ উক্তির পিছনে ষষ্ঠ দশকের ভারতীয়

অর্থব্যবস্থার একটি বন্ধ, বিতর্কিত বিধানের সংকেত আছে। সে সময়ে বিদেশ, বিশেষতঃ মধ্যপ্রাচ্যের পারস্য উপসাগর অঞ্চল থেকে ভারতে প্রচুর পরিমাণে সোনা মুকিয়ে বে-আইনী আমদানী হচ্ছিল। গভর্নমেন্ট কাস্টমস বা পুলিশী পাহারা দিয়ে এই ব্যাপক চোরাচালান বন্ধ করতে অসমর্থ হওয়ায় তদানীন্তন কেন্দ্রীয় অর্থমন্ত্রী মোরারজী দেশাই ‘গোল্ডকন্ট্রোল, অর্ডার’ জারি করেন। এই আইনের ফলে খাটি সোনার বেচা-কেনা কার্যতঃ বন্ধ হয়, গহনার জন্য চোদ্দ ক্যারেট-এব উর্দ্ধে সোনার ব্যবহারও নিষিদ্ধ হয়। “গোল্ডকন্ট্রোল অর্ডারের” যুক্তি ছিল এই যে, দেশের অভ্যন্তরে সোনার চাহিদা না থাকলে বাইরে থেকে সোনার চোরা আমদানী আপনিই বন্ধ হবে। কিন্তু পার্লামেন্ট, সংবাদপত্র ও নানা সভা-সমিতিতে এই আইনের বিরূপ সমালোচনার ফলে পরবর্তীকালে গোল্ড কন্ট্রোলের বিধিনিষেধ বহুলাংশে শিথিল করা হয়।

হুন্স ও দীর্ঘ

বাংলা ১৩৮০ সালের শ্রাবণ মাস হুন্স ও দীর্ঘ প্রথম প্রকাশিত হয়।

গ্রন্থের সবগুলি গল্পই পুস্তকাকারে প্রকাশিত হওয়ার আগে বিভিন্ন পত্রিকার পূজা সংখ্যায় মুদ্রিত হয়েছে।

শকুন্তলার আংটি, কৌন্তেয়, জট ও সরীসৃপ শারদীয়া আনন্দবাজারে ছাপা হয়। “কৌন্তেয়” গল্পটি হিন্দীতে অনূদিত হয়ে দিল্লীর বহু প্রচলিত সাপ্তাহিক ‘হিন্দুস্থানে’ প্রকাশিত হয়। ‘দিনান্ত’ গল্পটির হিন্দী অনুবাদ দৈনিক ‘হিন্দুস্থানের’ রবিবারের ম্যাগাজীন অংশে মুদ্রিত হয়।

‘জট’ গল্পটির গোড়াতে নাম ছিল ‘সর্পিল’। পুস্তকে সন্নিবেশিত হওয়ার কালে গ্রন্থকার তার বর্তমান নামকরণ করেন।

দিনান্ত ও বারুদ কথাসাহিত্য পত্রিকার পূজা সংখ্যায় প্রকাশিত হয়েছিল। সরীসৃপ গল্পটির ইংরেজী অনুবাদ Reptile নামে Indian Council for Cultural Relations-এর আন্তর্জাতিক ত্রৈমাসিক পত্রিকা Indian Horizons-এ প্রকাশিত হয়।

যখন বৃষ্টি নামল

বাংলা ১৩৯০ কার্তিক মাসে যখন বৃষ্টি নামল প্রথম প্রকাশিত হয়। এই বইএর সব গল্পগুলি পুস্তকাকারে প্রকাশিত হওয়ায় আগে বিভিন্ন পত্রিকায় পূজা সংখ্যায় মুদ্রিত হয়। যখন বৃষ্টি নামল, গোপন খুঁজা, মূল্যায়ণ, কথা সাহিত্য পূজা সংখ্যায় মুদ্রিত হয়েছিল। পঙ্কজতন্তু, বেতার জগৎ পূজা সংখ্যা, সেন্ট্রিস্টাল কলেজ স্ট্রীট পূজা সংখ্যা। চরনাগত পরিবর্তন পূজা সংখ্যা। গাওনা উন্টোরথ শ্রাবদীয়া সংখ্যায় মুদ্রিত হয়।